

INJILĚ NIHABAR'I

MATIUS

DARUMATINGE

Bukĕ *Matius* mĕlĕhabar'u waḷon daḷuasĕ si kite, u Mawu Yesus kai Ratu Mananaḷamatĕ seng nirianding Mawu Ruata rokeng. Bo'i Yesus ene Mawu Ruata nĕngganapĕ apan sen niriandin'E su raḷungu Pĕdariandi Tĕbe su manga umat'E. Manilaing Mawu Yesus niwantelĕ boḷu tau Yahudi ringangu mĕbĕbiahĕ kere tau Yahudi, kai Injilĕ e baḷinebe keḷaeng su tau Yahudi samatang, kaiso kawe su patiku dunia e.

Bukĕ i *Matius* ini nihunsudĕ mapia nanĕḷa boḷu kaḷaiwantel'u Mawu Yesus, tuhĕ maḅanum pĕnanahani ringangu sasaluka kinahombangeng'E, mase maḅanuwewen munaran'E su Galilea. Su tampa ene i Sie mĕnĕnasĕ, mĕnĕntiro ringangu maḷakapian masasaki. Boḷu ene bukĕ ini e mĕbĕbĕken daralĕng Mawu Yesus boḷu Galilea sarang Yerusalem, dingangu apan nariadi su Mawu Yesus suralĕng sĕngkamisa pĕngĕsueĕngu pĕbawiah'E su dunia ini ku tepase sarang kapapohong'E ringangu pĕbawangung'E.

Haḷĕ sĕmbau kawĕhakenge nĕnaungang i Matius u Mawu Yesus kai Mananĕntiro kasĕllahenge, ku maḅnĕntiro u Mawu Ruata e kai mĕpĕparenta kere sĕngkatau Ratu. Mawu Yesus maḷaing piḷa kawasan'E waug'u mĕlahĕ u mangalĕn Torat'u Mawu Ruata. Kaḷawokange wou manga tĕntiron Mawu Yesus ene nipahia tuhū timonane. Ku piḷa e limang kamonaĕ(1) Tĕntiro su wuḷudĕ ku maḅanung kakanoḷa, tatuhū, manga pĕnanaghuanḡ, dingangu timonan pĕbawiah'u manga raḷohong jamaat'u Mawu (pasalĕ 5-7); (2) manga tatĕntiro si sire mapuḷo dua murit'u Mawu Yesus baḡu pĕkakoḷa munara (pasalĕ 10); (3) manga papinintu maḅanung kakakoḷa tempon pĕpaparentan Duata kere sĕngkatau Ratu (pasalĕ 13); (4) tĕntiro maḅanun mangalĕn maḷkoḷa murit'u Mawu Yesus (pasalĕ 18); ringangu (5) tĕntiro maḅanun

pěngěnsueěngu dunia ringangu maņanung darěntang Ahus'u Taumata (pasalě 24-25).

Lohone

Dolě u asal'u Mawu Yesus Kristus ringangu kaļaiwantel'E	1:1-2:23
Munarang Yohanes Mananahani	3:1-12
Pěnanahani ringangu sasaļuka su Mawu Yesus	3:13-4:11
Pětatangkiang'u Mawu Yesus su taļoarang kawauang Galilea	4:12-18:35
Bou Galilea sarang Yerusalem	19:1-20:34
Misa pěngěnsueěnge su Yerusalem ringangu manga ļampunge	21:1-27:66
Pěbawangung'u Mawu Yesus dingangu pětatěngkasilom batangeng'E	28:1-20

Dolĕ u manga iupung
gaghurangu Mawu
Yesus Kristus

(Luk. 3:23-38)

1 Ini e kai rolĕ u manga iupung gaghurangu Mawu Yesus Kristus, hĕnton Daud, hĕntong Abraham. Bõ'i Abraham sarang i Daud, manga areng iupungu Mawu Yesus kai kere ini:

2-6a Abraham,
Ishak,
Yakub,
Yehuda ringangu manga anau sĕmbaue,
i Peres dingang i Zerah (ininang i sire isĕsĕba si Tamar),
Hezron,
Ram,
Aminadab,
Nahason,
Salmon,
Boas (i ninange i Rahab),
Obed (i ninange i Rut),
Isai,
dingangu Ratu i Daud.

6b-11 Bõu i Daud sarang tempone tau Israel niwembang sarang Babel, maḃawoḃe manga areng ini:

Salomo (i ninange kai walung Uria),
Rehabeam,

Abia,
Asa,
Yosafat,
Yoram,
Uzia,
Yotam,
Ahas,
Hizkia,
Manasye,
Amon,
Yosia,
Yekhonya dingangu manga anau sĕngkataune.

12-16 Bõu tempon tau Israel niwembang su Babel sarang kawantel'u Mawu Yesus maḃawoḃe manga areng ini:

Yekhonya,
Sealtiel,
Zerubabel,
Abihud,
Elyakim,
Azur,
Zadok,
Akhim,
Eliud,
Eleazar,
Matan,
Yakub,
Yusuf kawing i Maria.

Ku bõu i Maria ene nawan-
tel'e Mawu Yesus ku isĕsĕba si
Kristus.

¹⁷ Ku bōu i Abraham sarang i Daud kalawōe mapulo – ěpa su hawenge. Bōu i Daud sarang tau Israel niwembang su Babel ute malaing mapulo – ěpa su hawenge. Bōu tempon tau Israel niwembang su Babel sarang kalaiwantel'u Mawu Yesus Kristus malaing mapulo – ěpa su hawenge.

Kalaiwantel'u Mawu Yesus Kristus

(Luk. 2:1-7)

¹⁸ Kereini wĕkeng kalaiwantel'u Mawu Yesus Kristus. I ninge i Maria e mĕkĕkaghiang dingang i Yusuf. Arawe i rĕdua reng tawe nĕkĕkawing, kuteu naung i Maria kai seng piā kapapia. I Yusuf bĕdaweng bĕga u kapapia ene kai ualingu kawang Rohkĕ'u Mawu. ¹⁹ I Yusuf kaghiange ene kai sĕngkatau masatia tutuhu tita agama. Kuteu i sie mĕkĕkaraki mamĕsu pĕkaghiange su kapapĕnisĕ, tadeau i Maria tawe mamea su tĕngong lawo. ²⁰ Tangu piā e i Yusuf mĕlĕhingidĕ halĕ ene, i sie nipi. Suralungu ipine ene, i sie na-

kasilo sĕngkatau malaekat'u Mawu ku nĕberae si sie, "Yusuf, hĕnton Daud, abe kataku mĕkawing i Maria; batu anā ku su ralungu gandongange kai pinĕpohiama ualingu kawang Rohkĕ'u Mawu. ²¹ I Maria sarung maiwantel'u sĕngkatau ahusĕ ese. Dariō ene mambeng sĕbau arenge i Yesus, u kai i Sie sarung mangambang umat'E wou rosan sire."

²² Patiku ene nariadi kere-ne, tadeau misĕhu apan ni-hengetangu Mawu limiu nabin'E, angkuĕng, ²³ "Sĕngkatau mahuala sahi sarung piā kapapia ringangu maiwantel'u sĕngkatau ahusĕ ese. Ahusĕ ene sarung isĕba Imanuel." (Immanuel su werang Ibrani mangalene ute, "Mawu Ruata e ene ringang i kite".)

²⁴ Saraeng i Yusuf napukoe, i sie nĕkoae kĕbi apan niwerang malaekat'u Mawu e si sie. I sie nĕkawing dingang'i Maria. ²⁵ Ku karĕngewen i Maria reng tawe namantel'u ahusĕ ene, i rĕdua e reng tawe nĕtĕtatamba nakoā gĕsi sĕmbau. Ku saraeng ahusĕ ene nawantelĕ. I sie nisĕba i Yusuf si Yesus.

**Darëntang mapapande wou
sëmbëkan Daki**

2 Mawu Yesus kinawantelë su soam Betlehem su wanu-
ang Yudea su tempon pëpaparentan
Datu i Herodes. Su orasë ene
kai pia mapapandeng bituing pi-
rangkatau wou sëmbëkan daki
nahudenta su Yerusalem. ²I si-
re nëmpëkibalo su apan tampa,
"Kai su apa Rariõ buhu nawan-
telë ku sarung makoã datun tau
Yahudi e? U i kami e kai naka-
silo wituing tatialane, simëbang
bou sëmbëkan daki, ku i kami e
rimënta mëdeau mësuba si Sie."

³Ene sarang Datu i Hero-
des nakaringihë habarë u kai
pia datu waline nawantelë ma-
koã datun tau Yahudi e, ute i
sie himëkosë ta sihinge, dingangu
lai kalawou taumatan su Yeru-
salem. ⁴Tangu i sie nakireang
këbi tëmbonangu imang dingang-
u manga mananëntirong agama
tau Yahudi apëtëampung. Mase
i sie nakiwalo si sire, "Kai sua-
pa sarung kawantelangu Ratun
nikëdom Mawu Ruata e?"

⁵I sire siminbang, angkuëng.
"Su soam Betlehem, su wanu-
ang Yudea. U kai kereini niwohë u
sëngkatau nabi e,

⁶'Ei Betlehem, su wanu-
ang Yehuda,

i kau mambeng balinewe
kakadodokangu soa wou
taloaran këbi soa su
Yehuda.

Ualingu kai wou i kau e
sarung dumënta sëngkatau
pangahæ

ku sarung mëngahæ
kawanuaku Israel."

⁷Sarang nakakasingka kere-
ne i Herodes kimuie mapapan-
deng bituinge bou sëmbëkan daki
mapëni-pënisë. Mase i sie naki-
walo si sire, kai nang dokeng
kange wituing ene kinasilo. ⁸Bou
ene i sie rimoloh'i sire sarang
Betlehem ku timanata, "Dakø
ku sësuieko Rariõ ene pakapia-
pia. Ku kereu Rariõ ene kahom-
bangeng i kamene, ute habareko
ia e, tadeau ia e maiaing tamai
makapësuba si Sie."

⁹⁻¹⁰Mase nëmpëdalengke i si-
re. I sire sauwe nakasilo wi-
tuing nang seng bou kinasilon
sire kangere su sëmbëkan daki.
Ku mëngkate maia-ia i sire
mamanda wituing ene! Bituing
ene mangalimona si sire, bou e-
ne timaing su lanteh'u tampa u
Rariõ ene. ¹¹I sire nahunsuë su
ralungu wale ene ku nakasilo Ra-



Lelangu kalung kamania (2:11)

riḡ ene ringang i Maria, i ninang'E. I sire nēmpētēngkasanæ ringangu nēmpēsubaē Rariḡ ene, ku nēmpangukahē tampa u arēṭa i sire, mase nēmpangongḡou sasēmba wuḷaeng, kamania, ringangu mur. ¹²Tangu Mawu Ruata e nēḡēlliu ingate si sire su raḷungu ipi tadeaḡu abe pēbaḷi sarang anung Herodes. Ku i sire nēngkapuḷe e nēbatu daḷeng baḷi-ne.

Nēlingka sarang Misirē

¹³Su apan manga mapapandem bituing nēbuæ, tangu malaekat'u Mawu nētēngkasilom batangenge si Yusuf su raḷungu ipi. Malaekatē e nēbera, "I Herodes e mēkēkaraki u mēdeḡ Dariḡ ene pateēng. Uaḷingu ene, pēbangungke, ku lingkako Rariḡ ene dēduan ninang'E sarang Misirē. Kēngkatanæ sene sarang Ia mēkui kapia si kau."

¹⁴I Yusuf nēbangungke, ku su hēbi ene apidē niḡawawane Rariḡ ene dingang i ninang'E niingka sarang Misirē. ¹⁵I sire nētana sene sarang i Herodes nate.

Tangu nariadiē kere nihengentang'u Mawu, limiu nabin'E, ke-reini, "Ia mēkēkui Ahusēku wou Misirē."

Pēmamate manga rariḡ

¹⁶Saraeng i Herodes nakaēnnae u mapapandem bituing bou sēmbēkan daki ene nēmpangakalē si sie, tangu i sie mēngkatewe limangelē marasai. Mase i sie nēparenta pēmamate kaḷawoewen manga rariḡ ese apang umu-

re rua taung tanae su Betlehem ringangu apan soa maṅgëliku e. Ene nipëtatahinong habarë ku kinaëbakeng bou mapapandem bituing ene maṅanun orase wituing ene kinasilo.

¹⁷Tangu nisëhüe kere naung nitëbal'u nabi Yeremia u;

¹⁸ "Su Rama kinaringsihë tingihu raṅlungkang,

kakuhau ore lai sasangi.

I Rahel luṅlungkangu manga anaë;

i sie maḍiri hiborang batu i sire kai seng natadise."

Nëmpësule wou Misirë

¹⁹Saraeng i Herodes nate, su tempong i Yusuf bëdang su Misirë, piä malaekat'u Mawu e nëtëngkalaheü watangenge kapia si Yusuf su raṅlungu ipi.

²⁰Malaekatë e nëberaë, "I sire apan mapulu mëmpamate Rariö e seng nëngkate. Uaṅlungu ene pëbangungke, aṅako Rariö ene dëduang ninang'E ku pësule e sarang Israelë e." ²¹I Yusuf nëbangungke, bou e nëbawa Rariö ene dëduam Maria nësule sarang Israel.

²²Kuteu samurine i Yusuf e nakaringihë u i Arkelaus, ana i Herodes seng nakarolosë si amange naratu su wanuang Yudea. Tangu i Yusuf matakü makoä sarang ene. Saraeng i sie nakaëbaë tatuṅadang Mawu nangëlembo suraṅlungu ipi, i sie nëngingkaë sarang banuang Galilea. ²³Sene i sie nëtana su soa isësëba Nazaret. Ku mang nisëhü kere naung niweran manga nabi e maṅanung Dariö ene: "I Sie sarung isëba Tau Nazaret."

Kotbang Yohanes Mananahani

(Mrk 1:1-8; Luk. 3:1-18)

(Yoh 1:19-28)

3 Su tempo ene rimëntaë i Yohanes Mananahani su wanaua ṅinggi su Yudea ku nanëtaë nanëntiro. ²"Pëmpëtobate wou kaṅawou rosanu," angkuënge, "batu Mawu Ruata e seng ta karëngue sarung mëparenta kere sëngkatau Ratu!"

³I Yohanes ini e ilëhabar'u nabi Yesaya suraṅlungu manga wawerane kere ini,

"Pia tau mamohang su
wanua linggi,
'Diahiko raleng baugu
Mawu e; teneko
raralengang baug'i Sie.'"

⁴I Yohanes mēpēpakeangu pakeang bōu rukū u onta. Papehē e wōu pisim binatang, arawe kaēnge kalimbotong ringangu ghulang katiupang. ⁵Lawō tau-matang Yerusalem bōu patikū banuang Yudea ringangu wōu manga wanua māngēlikū saļu u Yordan nahundēnta su anung Yohanes. ⁶I sire māngakun kaławōu rosan sire, kū i Yohanes nēnahani si sire su saļu u Yordan.

⁷Lawō lai tau Farisi ringangu Saduki nēmpēdēnta su anung Yohanes mēdeāu makisahani. Kai saraeng i sie nakasilo si sire rimēnta, i sie nēberae si sire, "I kamene taumata ralai! I sai tangu nēbera u i kamene maliwirē bōu hukumangu Mawu Ruata kū sarung humombang? ⁸Todeko ringangu kakanoa i kamene u i kamene seng nēto-batē bōu kaławōu rosang kamene. ⁹Abe pēmpangēnnau i kamene maliwirē bōu hukumangu ualingu mēbera'u i Abraham kai iupungu. Kasingka, bōu manga

watu tamai Mawu Ruata e makakoā bue palahite waug'i Abraham! ¹⁰Baliung seng masa-sadia tadeāu ipanuwang kalu sarang manga hamū e. Apang kalu ta mēbawuam buane mapapia e sarung tuwangeng, kū iwahung su putung. ¹¹I kamene takū sahaniangu akē tadeāu kasingkatengu i kamene seng nēmpēto-batē bōu rosang kamene; arawe sarung dumēnta samuring ia e, ute sarung manahani si kamene dingangu Rokē Susi ringangu putung. I Sie limembōeweng kasēllahe wōu ia e. Kalingung mēbawa sapatune lai ia tawe hinone. ¹²Su limane pia nihung pētaēkangu kēbi ēmmene sarang mawurēsi. Ēmme e sarung iko-molē su ralungu wasung, arawe walēkane ute tutungang su putung ta masasēbu."^a

Mawu Yesus nisahani

(Mrk. 1:9-11, Luk 3:21-22)

¹³Su orasē ene i Yesus nēbuā bōu Galilea sarang saļu u Yordan. Su tanpa ene i Sie himaung si Yohanes kū mēdēdorong makisahani. ¹⁴Arawe i Yo-

^a mēniri = mētasē



Trahang tau Israel naung kaḥmona e mēniri gandum bou walēkane (3:12)

hanes nēnaḷuka nameto dorong'E ene. I Yohanes nēberae, "Kai ia e hinon sahaniang i Tuang. Ku orasē ini e kawe i Tuang dimēnta su anuku."

¹⁵ Kai Mawu Yesus simimbah'u, "Mēngkateko walae pēnētaḷang su orasē ini. Batuḷu kai kere ini i kite mēkoā kēbi ikēkapulung Duata." Tangu i Yohanes nēnahanī e Mawu Yesus.

¹⁶ Bōuten nisahani, Mawu Yesus mēngkatewe simēpu bou akē u saḷu e. Arakuteḷu langiē natopē e ku Mawu Yesus nakasilo

Rohkē Susi ēnnae limintu kere manu paluma ku dimoro si Sie. ¹⁷ Mase nakaringihe tingih'u Mawu Ruata nēhengetang, "Ini e kai AhusēKu ikēkēndagē. I Sie makaḷuasē naungKu."

Mawu Yesus nisaḷukateng

(Mrk. 1:12-13; Luk 4:1-13)

4 Bōu e Mawu Yesus niaḷa u Rohkē Susi sarang banua ḷinggi tadeḷu pakisaḷukate su setang. ² Ēpa u puḷo su ēllone ringangu ēpa u puḷo su hēbine Mawu Yesus tawe kimaēng. Naḷeho

i Sie nakapëndangke nahutung.

³Setang himaungke bōu e nēbera, "O kai i Kau Ahus'u Mawu Ruata e ěng? Ho, pangorōe manga watu tamai e apakakoā borotě."

⁴Mawu Yesus simimbangke, "Su raḷungu Winoḥe Susi maḃawoḥe: Taumata tawe makapēbiahě kětaeng bōu borotě samatang, kaiso maḷaing bōu patiku hengetang, ku nipēhengtangu Mawu Ruata."

⁵Kuteu setange namaringangken Mawu Yesus sarang Yerusalem, soa susi, ku napararisī i Sie sene su wowom pusig'u Waḷem Mawu. ⁶Mase setange nēberae si Sie, "I Kau kai Ahus'u Ruata arau? Mageng kerene ute pětēngkanawōe; u su raḷungu Winoḥe Susi kai maḃawoḥe kereini,

'Mawu Ruata e sarung mēparenta manga maḷekatě pēndiaga si Kau, ku i sire sarung mēmpēnalēndengu ḷiman sire si Kau, tadeau laed'u maḷaing tawe masangkong su watu.'"

⁷Mawu Yesus simimbang, "Kai su raḷungu Winoḥe Susi maḷaing kaḃawoḥe, 'Kumbahang i kau mēnaluka Mawu Ruatanu.'"

⁸Bōu ene setang namaringang Mawu Yesus sarang buḷude marangē-dangē ku napatodē u kaḷawōu kararatuangu dunia e ringangkeweng kēbi kakalae si Sie. ⁹Mase setange nēbera su Mawu Yesus, "Kēbi ini e sarung taku ionggo si Kau, ke-reu i Kau mētumpēkuhě mēsuba si sia."

¹⁰Mawu Yesus simimbangke, "Pamehōe i kau setang! Su raḷungu Winoḥe Susi maḃawoḥe: I kau pangadatěko Mawu Ruatanu, dingangu pětahamawu si Sie sidutu!"

¹¹Nadehō setange nanēntangkeng Yesus, ku manga maḷekatě maḷaing nahundēntanēm-pětangkiang si Sie.

Mawu Yesus naněta u munaran'E su Galilea

(Mrk. 1:14-15; Luk. 4:14-15)

¹²Suapan nakaringihě'u i Yohanes kai nitahungku, Mawu Yesus nēlingka sarang Galilea.

¹³Mawu Yesus nanētangu Nazaret, mase natana su Kaper-naum su wiwih'u ranong Galilea

su wanuan Zebulon dingang i Naftali.

¹⁴ Ualingu Mawu Yesus nękoą kerene, ute nisęhę apan nitębaļu nabi Yesaya, bawalone:

¹⁵ "Ĕntanang Zebulon dęduan Naftali

su ralęng solong dano, su sęmbękang saļu u Yordan, Galilea e nakoą Ĕntanang taumata waline Yahudi!

¹⁶ Bansa kų mębębiahę su ralungu kararędung seng nakasilo tualagę mahamagę!

Apan mętętaną su kararędngu papate e nişasarangengu sęnnangu tualagę!"

¹⁷ Nanęta orasę ene Mawu Yesus nęhabar'u, "Pęmpętobate wou kalawou rosang kamene, batu semben ta kararęngę Mawu Ruata e sarung męparenta kere sęngkatau Ratu!"

Mawu Yesus nękui męnanoma ĕpa u katau

(Mrk. 1:16-20, Luk. 5:1-11)

¹⁸ Ene Mawu Yesus ruđalęngke su apengu ranong Galilea e, i Sie nakasilo męnanoma ruangkatau, i Simon (kų lai isęsęba si

Petrus) dingangu tuarine i Andreas. I rędua kapęnęnomane su rano.

¹⁹ Mawu Yesus nęhengetang si rędua, "Mahię toľ Sią kų Ią deng manęntiro si kamene męnomata." ²⁰ I rędua męngkatewe nanęntangu soma mase nęmpętoľe su Mawu Yesus.

²¹ Mawu Yesus rimalęngke, mase nakasilo lai si rędua tahatuari waline, kų kai i Yakobus ręduang Yohanes, ana i Zebedeus. I rędua sęngkapęnaming soma ringang i amang i rędua su ralungu sakaeng. Mawu Yesus maļaing nękui si rędua, ²² kų i rędua męngkatewe nęmpanęntangu sakaeng dingang i amang i rędua e, mase timoľe Mawu Yesus.

Mawu Yesus nanęntiro, nęnasę, dingangu napakapian masasaki

(Luk. 6:17-19)

²³ Su Galilea, Mawu Yesus namępidę kaęuwau wanua ene ringangu nanęntiro su manga walęng pękakaļiomanęngang. I Sie męľęhabar'u Injilę, u Mawu Ruata e sarung męparenta. Dingangu i Sie maļaing napaka-



Samchê su ranong Galilea (4:18)

pian masasaki, dingangu apaewen piã kurangu wadange. ²⁴ Habarê mañanun Mawu Yesus e timeleng su kaçuwau wanuan Siria, hakju lawo taumata nahundenta su anun'E. I sire nempangentudê kalawou taumata masasaki dingangu lulahunsusa. Taumata apan niwaliuang u rohkê dałai, apan piã saki u wawi ringangu peosê, kēbje niapakapiang Yesus. ²⁵ Mēngkate apa lawo taumata nahuntolē Mawu Yesus su tempo ene. Piaben dimēnta wou Galilea, piaben bou Soa Mapulo, wou Yerusalem,

wou Yudea, dingangu ļai wou soa su sēmbekang Yordan.

Kotbah su wuludê

5 Su apan Mawu Yesus nakilōe taumata lawo, i Sie simaka e su wuludê. Bōuten i Sie naiangke, manga murit'E nahundēntae su anun'E, ² mase i Sie nanētāe nanēntiro si sire:

Pëkakariangkamang tutune

(Luk. 6:20-23)

³ "Kariangkamang i sai makapēndang tawē kuate

- ringangu kĕtaewen mĕtĕtim-
balong su Mawu sĕsane;
i sire kai kawanuan Duata!
- 4 Kariangkamang i saing
lulahunsusa;
Mawu Ruata e sarung
mĕhiborĕ si sire!
- 5 Kariangkamang i sai masana
naunge;
Mawu Ruata e sarung
mapakasĕhu u kĕdon'E si
sire!
- 6 Kariangkamang i saing
lulahimpuluangu munara
ikĕkapulun Duata;
Mawu Ruata e sarung ma-
pakawatu u kapulun sire!
- 7 Kariangkamang i saing
kukĕndagu sĕndinganenge,
Mawu Ruata e sarung
kumĕndag'i sire lai!
- 8 Kariangkamang i sain naunge
wurĕsi;
i sire sarung makakirala
Ruata.
- 9 Kariangkamang i sai
mĕbĕbawa pĕdarame su
taloaran sĕndinganenge;
Mawu Ruata e sarung
mangakun sire e mako
ana'E!

- 10 Kariangkamang i sai maka-
hombang tatumbiagĕ ualingu
pĕkakoꝝ kapulun Duata;
i sire kai kawanuan Duata!
- 11 Kariangkamang i kame-
ne, kereu i kamene lĕheghesang,
tĕtumbiageng, dingangu lĕhina-
kaneng ualingu Ia. 12 Manga nabi
apan nĕmpĕbiahĕ kalamonan ka-
mene ute seng bou nitumbiageng
kerene. Pĕmpahuasĕ dingangu
pĕmpahuagĕ, batuu masaria wa-
walise su sorga nisadian Mawu
waug'i kamene."

Asing dingangu tualagĕ

(Mrk 9:50; Luk. 14:34-35)


13 "I kamene kai asingu du-
nia. Kereu asing kai malele, ute
kai saꝝ pĕhadeng kerea? Semben
tawĕ gunane lai, katewe irĕmmĕ
arau tatahidaĕngu taumata.

14 I kamene kai tualag'u du-
nia. Soa ku su wowom bulude
tawe ikawuni. 15 Tawĕ taumata
wou mĕndiko soꝝ mase soꝝ e-
ne lingkuwangu wĕnsadĕ. I sie
mambeng mamĕllo u soꝝ ene su
tetere, tadeꝝ makatualagĕbe pa-
tikꝝ dalohom bale. 16 Kerene lai
tualag'u harusĕ apasĕnnang su

5:4: Yes 61 2 5:5: Mzm 37 11 5:6: Yes 55 1-2 5:8: Mzm. 24:3-4

5:10: 1Ptr 3 14 5:11: 1Ptr 4.14 5:12: 2Kar 36-16, MMR. 7 52

5:13: Mrk 9 50, Luk 14:34-35 5:14: Yoh 8 12, 9 5 5:15: Mrk. 4 21, Luk 8 16,
11 33



*Soḷo ringangu wēnsadē naung Tempo
kaḷamona (5:15)*

tēngon taumata, tadeaḷu i sire makasilo kaḷawoḷu kakanoaḷu mapapia, mase mēdalo si Amangu su Sorga.”

Tēntiro maanun torat’u Yahudi e

17”Abe pēmpēngēnnau Ia e rumēnta mēndēdasē torat’i Musa ringangu tēntiro manga nabi. Ia e rimēnta waḷine-we mēndēdasē e, kaiso kai manēboḷu mangalene kahēngang. 18”Tahēndunge! Karēngū u ḷangi dingangu dunia e wēdang ene, hurupē sēmbau arau titigē kakadoḷokange su raḷungu to-

ratē e tawe sarung dēdaseng, kereu kēbje remben tawe naḷia-di! 19”Uaḷingu ene, i saing lumampa sēmbau boḷu manga tita ene, manilaing kakaḷidikange mase manēntiro taumata waḷine apēkoḷa ḷai kerene, sarung mariadi kakaḷidikange su taḷorang kawanuan Duata. Arawe su sēmbēkane, isaiewen mēdēndaḷen manga parenta ene dingangu maḷentiro taumata waḷine apēkēkoḷa ḷai kerene, sarung iapakasaria su taḷorang kawanuan Duata. 20”Tangu, tahēndungeko: I kamene tawe hinon makoḷa kawanuan Duata, kereu tawe mamaliu manga mananēntirong agama dingangu manga taumatan Farisi su haḷē’u mēkoḷa kapulun Duata!”

Sasasa maanun pēpapēdu (Luk. 12:57-59)

21”I kamene masingkaḷu su manga iupung i kite e kēkaēbakeng tēntiro kereini: Kumbahang mamate; i sai mamate hinong ihukung. 22”Kai orasē ini Ia mēbera si kamene, i sai mēpēdu su taumata waḷine, sarung ihukung su tēngon Pēnggaghutaēng u Agama. Ringangu i sai mēbera su taumata wali-ne, ’Apa pēmparaḷu,’ ute hinong

irēmme su raḷungu putungu naraka. ²³ Uaḷingu ene kereu piḷa u sēngkatau wou taḷoarang kamene kaḷpēngētude sasēmba su Ruata mase nakatahēndungu kai piḷa u natēdu naunge si sie, ²⁴ ute kēnangko i sie panētangu sasēmbane ene kaḷanona su tēngon pananēmbaēng mase tamaie pēdame ringangu tau ene. Bōu ene wuhue i sie makapēbaḷi ku manarakangu sasēmbane su Ruata.

²⁵ Kereu piḷa u manarakang i kamene su mēlahukunge ute pēdame e ringange karēngung bēdang piḷa tempone ta naḷuipa su mēlahukung. Kamageng tala ute, tau ene sarung manarakang i kamene su mēlahukung, mase manarakang su polisi. Ku polisi e manuē i kamene su raḷungu tahungku. ²⁶ Ku pētahēndungke: Mambeng tēngadē i kamene tawe makasēbang bōu tahungku, tēntaḷang kaḷawou une wēdang ta naḷueng baehe kēbi.”

Sasasa maḷanun mawuang

²⁷ ”I kamene masingka u piḷa tēntiro kereini: Kumbahang mawuang.

²⁸ Arawe ini e Ia mēbera si kamene: i sai maḷanda tau wawine ringangu piḷa sahige ute tau ene sēng nawuang dingangu wawine ene su raḷungu naunge. ²⁹ Kereu matanu koanenge maḷadiading kau e mēbaradosa, ute lēsā e ku dēmme e mata ene! Mapiaēngbe kailangengu laes’u wadangu sēmbau e suḷungu kēbi badangu irēmme su raḷungu naraka. ³⁰ Kereu ḷimanu koanenge kai makakoḷa dosa si kau e, ute potō e ku dēmme e ḷima ene! Ēndoben kailangengu ḷimanu sēmbēka suḷungu kēbi badangu masuē su naraka.”

Sasasa maḷanun pēnanindo

(*Mat. 19:9; Mrk. 10:11-12*)

(*Luk. 16:18*)

³¹ ”Piḷa lai tēntiro kereini: i sai-sai manindo kawinge, hinom mangonggou surat’u sindo si sie. ³² Kai ini e Ia mēbera si kamene: i sai manindo kawinge sēmbaḷiau wawine ene tawe nawuang, ute makawodai bawine ene mawuang, kereu kawinge ene mēkawing kapia. Ku i sai mēkawing u wawine nisasindoēng ene, ute maḷaing nawuang.”

5:27: Sas 20.14, Pang 5 18 5:29: Mat. 18.9, Mrk. 9:47 5:30: Mat. 18.8, Mrk. 9:43 5:31: Pang 24.1-4, Mat. 19.7, Mrk 10:4 5:32: Mat 19.9, Mrk 10.11-12, Luk 16.18, 1Kor 7.10-11

Sasasa mañanun pësasalu

33”I kamene masingkäu su manga iupung i kite e piä tëntiro kereini: kumbahang mëlанда kire. Apan seng niriandinu kų pinësalu su tēngon Duata e hinon kēkoā u. **34** Arawe ini e Iā mēbera si kamene: kumbahang-kumbahang i kau mēsalu, baebe su arengu langi e batu langi e kai kalaiāneng u Mawu Ruata, **35** kerene lai su arengu ěntana, u ěntana e kai laēmpahē laede; arau su areng i Yerusalem, u ene kai soan Datu masēlahē. **36** Kumbahangbe lai mēsulun tēmbou batu i kau sēsanu tawe maka-koā uta u iapakawira arau iapakaitung maning kētäu sēmbua. **37** Pēberae, ‘Ore’ arau ‘Tala’ – nangēlembo wou ene ute rarēntane kai wou anun setang.”

Sasasa mañanun pēmamalīsē

(Luk 6:29-30)

38”I kamene masingkäu piä lai tëntiro kereini: mata awenge mata, isi awenge isi. **39** Arawe ini Iā e mēbera si kamene e: kumbahang mēmālīsē une si sai apan mēkēkoā dalaki si kamene.

Su sēmbēkane kereu piä u mameru pipi u koaneng, ute walae lai i sie pameru pipi u kaihi. **40** Ringangu kereu piä u mēngaduhang i kamene su mēlahukung kų manuntu laku u, ute ghēlli lai kakingkaengu. **41** Kereu sēngkatau mangangawasa e manihasa si kamene pēmasaēng bawawaēng karaune sēngkilo meterē, kų pamasaēngke ghēnnangu ruang kilometerē karaune. **42** Kereu piä u mēgēgausē sabarang bo’i kamene, ute onggote wue i sie. Dingangu abe lai tatalikure i sai mapulu mangēdang sabarang boi kamene.”

Kēndagu sēdu u

(Luk. 6:27-28, 32-36)

43”I kamene masingkäu piä lai tëntiro kereini: kēndagu manga hapiu kų pēmpēbinsi u manga sēdu u. **44** Arawe ini Iā e mēbera si kamene: kēndagēko manga sēdu u, ringangu u pēmpēkaliomaneng u apan mēmpēngane si kamene, **45** tadeau i kamene makoabe manga ana i Amangu su Sorga. Batu Mawu Ruata e mapasēbangu ma-

5:33: Im. 19:12, Pēt. 30:2, Pang 23:21 5:34: Yak 5:12, Yes. 66:1, Mat. 23:22

5:35: Yes. 66:1, Mzm. 48:3 5:38: Sas. 21:24, Im. 24:20, Pang. 19:21

5:43: Im. 19:18

tangëllone waug'u taumata mapia e ringangu waug'u taumata raralaj lai. I sie mapadasehë baug'u taumata mëkëkoə mapia ringangu taumata mëkëkoə dalaj. ⁴⁶Batu kereu i kamene këtaeng kukëndag'u apang kukëndag'i kamene, ute kai waug'u apae ngae Mawu Ruata hinon mamalisë kakanoəu e? Balinewe maghaghëlle bea lai mëkëkoə kerene tangu? ⁴⁷Ku kamageng i kamene këtaeng mëtëtabeə su manga hapı i kamene e ute apa wue lembone? I sire apan ta makakirala Mawu Ruata e malaing mëkëkoə kerene! ⁴⁸I Amangu su Sorga kukëndag'u këbi taumata ringangu masuku. I kamene pëmpëkoako lai kerene."

Sasasa mañanun tonggolë

6 "Pëtahëndungko, kumbahang i kamene mapatode u tathu agama su tēngon taumata lawo, tadeəu ikasilon sire. Kamageng i kamene e mëmpëkoə kerene, ute i kamene tawe kaonggo tangu wawalise kahiang Amangu su Sorga.

²Ku kereu i kamene mëngonggo tatongka su tau kasiang, ute kumbahang mëngka-

we mëmombengu halë ene kere këkoateng u taumata mëmëlle. I sire puluang mëmpëkoə kerene su walem pëkakaliomanengang dingangu su mangaraleng gaghuwa, tadeəu makiralo. U pakatahëndung bue, i sire seng tēbe nakatarima bawalise. ³Arawe i kamene kamagengbe mëmpëngonggo tatongka e pëmënggolëbe su kapënisë tadeəu taweu makakasingka. ⁴Balae kakanoəu e tawe kasingkateng i sai-sai, tabeau katewe i Amang su Sorga. I Sie makasilo kakanoəu apan mabawunie ku sarung mangonggo wawalise si kamene."

Sasasa mañanun pëkakaliomaneng

(Luk 11.2-4)

⁵"Kamageng i kamene mëmpëkaliomaneng, ariëbe kere taumata papuluang mëmpëmëlle. I sire mëmpëkaliomaneng dudarisi su walem pëkakaliomanengang dingangu su pësëmakengu raleng mëdeəu ikasilon taumata. Tahëndunge, u mang seng kinatarima i sire wawalise.

⁶Kai kereu i kamene mëmpëkaliomaneng ute pahusuëko su

kamarē dingangu hēpingko tukadē mas e pēkaliomaneng si Amang tawe kasasilo. Tangu i Amangu e makasilo kakanoau apang kabawunie ku sarung mēngonggou wawalise si kamene.

⁷Kamageng i kamene mēm-pēkaliomaneng, kumbahangbe ipēkakaliku kere su manga taumata bēgang Mawu. I sire māngiralingu rorong i sire sarung daringihang, batu kalīomaneng i sire manandue. ⁸Kumbahangbe kere i sire. I Amangu sembeng masingkau apang gēgausang i kamene, tēntalang i kamene reng tawe nēdēdorong. ⁹Ku pēmpēkaliomaneng kereini,

'I Amang i kami su Sorga:
Małowoko arengu susiang.

¹⁰ Kararatuangu karēntako.

Kapulunu apakasēhuko su wowon dunia kerewe su sorga.

¹¹ Pangonggoko si kami su sahēllo ini laidop'i kami mēllo-mēllo.

¹² Dingangu pangampungko pēsasaḷag'i kami,

kerewe i kami mēgēgēlliuampung su taumata apan mēmpēsasaḷagē si kami.

¹³ Dingangu abe pēngaha i kami sarang dalengu sasaluḷa, kaiso pēlliu si kami wo'i ralaki.

[Ukai si Kau kararatuang dingangu kawasa dingangu kawawantugē e sarang kakalē. Aming.]'

¹⁴Kamageng i kamene mēmpangampung taumata apang mēsēsala si kamene ute i Amang su Sorga e sarung mangampung pēsasaḷang kamene. ¹⁵Kai kereu i kamene tawe mangampung pēsasaḷan taumata waline, ute i Amang su Sorga e malaing tawe mangampung pēsasaḷang kamene."

Sasasa maanun pētatingkēdang

¹⁶"Kamageng i kamene mēpuasa ute, kumbahangbe gating kamene mēmpēkahēndusē kere taumata pul mēmpēmēlle. I sire māmaḷu gatin sire tadeau taumata kēbi masingkau i sire kai mēpēpuhēdang. Tahēndungeko, u kai ene wawaehe ku seng kinatarima i sire. ¹⁷Kai kereu i kamene mēpuhēdang, ute pēmpēndēmusebe gating kamene ringangu pēmpēnau bue uta i kamene, ¹⁸tadeau taweu masingkau

i kamene kai kapëpëpuhëdange, sulikudu i Amang ta ikasasilo e. I Sie nakasilo kakanoa i kamene apam maḃawuni ringangu sarung mëgëlliḃu wawaehe si kamene."

Arëta su sorga

(Luk. 12:33-34)

19" Ariëbe mëngkai mëdeḃa arëta'u dunia baug'u watangengue, suapan uane ringangu taing uase makahupadë e ringangu tahatako e rumënta mëtako. 20 Su sëmbëkane ute, pëdeḃako arëta'u sorga waug'u watangenge suapan uane ringangu taing uase e tawe makahupadë, dingangu tahatako e tawe makatako. 21 Batuḃu suapan piḃa arëtaḃu e, ute sene lai naungu e!"

Tualagë mawadang

(Luk. 11:34-36)

22" Mata e kai soḃo waug'u wadang. Kereu matanu matilang, kaguwaḃu wadangu e matuala-tualagë. 23 Kai kereu matanu marëndung, ute kaguwaḃu wadangu e marëndung-dëndung. Kuḃ kereu soḃo su raḃungu wadangu e marëndung, ute kai apaḃ maëlli kararëndung ene!"

Duata ringangu arëta

(Luk. 16:13, 12:22-31)

24" Taweḃu sarang sëngkatau makapamunara maḃengu mawune ruangkatau. U i sie kai sarung limembong kapiane su sëngkatau wou waḃine. Arau i sie limembon satia su sëngkatau wou su waḃine. Kerene lai i kamene; tawe maria-di mëtahamawu Mawu Ruata, ringangu mëtahamawuko lai arëta.

25 Uaḃingu ene kasingkako; kumbahangbe ghumënggang u pëbawiahu, mangalene apan ku sarung kanengang arau inungang, arau apa ku sarung iluheng kamene. Pëbawiahë marohkë e kai limembong kaarëgane wou kakaëng dingangu wadange limembong kaarëgane wou pakeang? 26 Tingangko manḃu u winalangeng. I sire tawe mëlahënsinuang, tawe mëmamënsa, dingangu tawe lai mëngangomolë ëmme su pëndaresoënge.^b Kai i Amang su Sorga e mang mëlēhiking si sire! I kamene kai limembo maarëga wou manga manḃu u winalangeng. 27 I sai wue wo'i kamene su kaghaghëngganenge ma-

^b wasung

katamba umure inaning kětaeng kadodo?

²⁸ Unęe i kamene ghuměnggangu ta mępakeang? Tingangko manga ghaloghong mahtuntuwo su manga wimbaenge. Bungang tamai ene tawe męmpělahałę e dingangu tawe mękakahiwuang; ²⁹ Seng Datu i Salomo kereng kakalaę lai, kai tawe nakałuhem pakeang kerene kahole e kere su manga bungang ene! ³⁰ Dęmpugę su wimbaenge timuwo sahęllo ini mase sęngkariöellone nasue męngkahęngisę. Kai Mawu Ruata e mang męlęlęnggihe ene iapakahole. Nęngalemböe wue i kamene! Katewe i kamene kadodo pangangimange! ³¹ Kumbahangbe ghuměnggang dingangu mębera u, 'Kai apaę sarung kanengang i kite', arau 'kai apaę sarung inungangi kite', arau 'kai apaę sarung iluheng kite'? ³² Kębi ene mang sęsahusuangu taumata ku apan tawe makakirala Mawu Ruata. Sęmbalıau i Amang su Sorga e tębe masingkau i kamene męgęgausę patiku ene. ³³ Pęmpędeąko kałamona kararatuangu Mawu Ruata e ku pęmpękoąko apang kapulun'E su pębawiah'u. Tangu

kębi e sarung ionggou Ruata si kamene. ³⁴ Uałingu ene ute, kuhęe ghuměnggangu apan mariadi rięllo. Batųu rięlloe piąbe ghęnggange sęsane. Sigęsa ku sahęllo ini e seng plane ku tawe wahałuas'u tambaęng."

Mąanun pęlahukung taumata

(Luk. 6:37-38, 41-42)

7 "Kumbahang męmpęhukung taumata wałine, tadeąu i kamene tawe ihukung u Ruata e. ² U keręewe i kamene męmpęhukung taumata wałine, kerene lai Mawu Ruata e sarung męhukung i kamene. U sasuka ipanuka i kamene su taumata wałine e sarung lai ipanuka Mawu Ruata si kamene. ³ Unęe i kamene makasilo wue tahuwu su mata manga ana sęmbau u arawe saławaku surałungu matanue tawe ikasilong kamene? ⁴ I kamene makabera su ana sęmbau u, 'Mahie ia męngala puling ene bou matanu e,' daliune kawe pią saławaku surałungu matanu? ⁵ Ei tau męlle! Alaكو kałamona saławaku su matanu ho, buhęe i kau ma-

kasilo mapia ku makaala pulingu matang ana sɛmbau u e.

⁶ Abe ongo apan susi su asu, u asu e kai mɛmalɛ^c manɛmbo si kamene. Kerene lai mutiara e a-be ongo su wawi, u mutiara e kai sarung dalindaengu wawi e.”

Pɛdorong, pɛdea dingangu pɛnengkelɛ

(Luk. 11:9-13)

⁷”Pɛmpɛdorong, tangu i kamene ongoang. Pɛmpɛdea, tangu i kamene makahombang. Pɛmpɛnengkelɛ, tangu i kamene sarung pɛnopeeng tukadɛ. ⁸Ualingu i sai mɛdɛdorong i sie sarung ongotang; i sai mɛdɛdea sarung makahombang; dingangu i sai mɛnɛnengkelɛ sarung pɛnopeeng tukadɛ. ⁹I Amangbe sude ngae mɛgɛllɛ watu kereu ana mɛdorong kaeng? ¹⁰Arau kawɛ mangonggo tɛmpu kereu ana mɛdorong kina? ¹¹Maningbe i kamene matalipupu,^d kai i kamene masingkabe lai mangonggo apan mapia su manga ana i kamene. Nɛngalɛmboewe i Amang su Sorga e! I Sie limembong kapiane, ku sarung mangonggo apan dɛdorongang si Sie.

¹²Pɛmpɛkoako su taumata walɛnɛ kereuwe ikɛkapulung kamene, wou i sire. U kai ene timonan toratɛ niongo i Musa ringangu tɛntirom manga nabi.”

Sasuɛkang mahepo

(Luk. 13:24)

¹³”Pɛmpɛsuɛ bou tukadɛ mahepo, u tukadɛ dingangu raɛng mɛtɛtimona naraka kai ghɛguwa dingangu maɛloahɛ, ku maɛlawo taumata maɛhunsuɛ bou ene. ¹⁴Kai mahepo dingangu masɛsɛ tukadɛ arau raɛng makahumpa u pɛbawiahɛ e. Ku kɛtaeng mahali taumata makahumpa u ene.”

Kalu ringangu wuane

(Luk. 6:43-44)

¹⁵”Pakatateghang su manga mahang nabi e. I sire ruɛnta anung kamene makitika domba, sɛmbalɛiau tumuhu hinone i sire kai sarigala wahani. ¹⁶I kamene makakirala si sire wou apang kɛkoateng i sire. Sumpinɛ tawe kapanipoeng buang anggorɛ dingangu wou ɛnggahanɛ tawe kapɛdeakeng buang ara.

^c mɛnumbiling ^d maɛlahagɛ, mailɛmu

makakirala si sire wou lēnna'u munarane."



Buang angorē (7:16)

¹⁷Bou kakaluang matatendange kēkaēbakeng buane mapapia ringangu wou kakaluang daralakie kēkaēbakeng buane raļai. ¹⁸Kakaluang matatendange tawe mēbawuam buane raļai, dingangu kakaluang daralakie tawe mēbawuam buane mapapia. ¹⁹Apang kalu tawe mēbawuam buane mapapia e ute tuwangeng dingangu tutungang. ²⁰Kerene lai manga mahang nabi e. I kamene sarung

Tatuhu, balinewe wawera

(Luk. 13:25-27)

²¹"Balinewe kēbi taumata apan mēsēsēbau Iā, 'Mawu, Mawu, 'Mawu! sarung makoā kawauan Duata, kaiso kawē kētaeng i sai-sai mēkēkoā kapulung AmangKu su Sorga. ²²Tangu su ēllo kasamuriange sarung maļawo taumata mēmpēbera su tēngoku, 'Mawu, Mawu, u karā kai ringangu arengu Mawu e i kami mēlēhabar'u hengetangu Mawu Ruata? Dingangu karā kai ringangu arengu Mawu e lai i kami mēnēnokol'u manga rohkē daralaļi mase makakoā manga haļē makadalinau lawo?' ²³Arawe Iā e sarung sumimbah'u, 'Iā e mambeng bēgang kamene! Ku pēmpamehōe wou ini, i kamene tahapēkoā daļai!'"

Mēmamētī baļe matahuēnna ringangu longong

(Luk. 6:47-49)

²⁴"Tangu, i sai makadingihē baweraKu ini e, ku tutuhue, u-

te mēsulungu tau matahuēna nēkoa balene su wowom batu. ²⁵Su tempon tahiti nangēndu dingangu lēbae rimalengke mase wale nitanggaengkolaing anging maiha, kai wale ene mang tawe nahaka u kawe nirarisi su wowom batu.

²⁶Ku i sai makadingihē baweraKu ini e ku tawe tuma-tuhu, ute i sie mēsulungu tau-mata longong i sie namēti balene su ēne. ²⁷Su tempon nirasehang dingangu nēlebāe ku anging maiha timanggae, tangu wale nahakae. Ku mēngkate apa naghagholang!"

Kawasa Mawu Yesus

²⁸Ene sarāeng Mawu Yesus nasuēen tēntirone, tangu taumata apan ene sene mangkewen nēngkaherang nakaringihē tēntiron'E e. ²⁹Ualingu i Sie manēntiro piā pēhēngkinge, walīnewe ke-re manga mananēntirong agama.

Mawu Yesus napakapian sēngkatau piā sakie su pisi makatatakū

(Mrk. 1:40-45; Luk. 5:12-16)

8 Ene Mawu Yesus narēsungke wou wuludē e, i Sie nitole-ēngken gapaēngu taumata lawo. ²Arakuteu rimēntae tau piā sakie su pisi makatatakū. I sie nēsuba su tēngo Mawu Yesus, ku nēbera, "Tuang, kereu wotonge, apakauleko ia."

³Tangu Mawu Yesus nannenggeheng limane si sie apid'u kapēberane, "Botonge. Kapiāe!" Ku orasē ene lai sakie nailang. ⁴Mase angkuēngu Mawu Yesus si sie, "Pakatahēndung! Abe pēbēke si sai-sai. Kaiso pētēngkatodeko su imang ku gause i sie pēnahutēngadēkong kau u, kawe seng naule. Bōu ene pangētudēbe sasēmba ilēoron Musa e, makoā tatahutēngadē su tēngon sire u i kau e mamben tēngadē seng naule wou saki!"

Mawu Yesus napakapiang
ëllangu mananëmbonang u
soldadong Roma

(Luk 7:1-10)

⁵ Saraeng Mawu Yesus nasuë e su Kapernaum, piã e tẽmbonangu soldadong Roma e rimẽnta mẽsombang i Sie, kũ kimahiorõe. ⁶ "Tuang," angkuẽngu tẽmbonang ene, "ëllangu e masakĩ su wãle. I sie nipeose, ruđaloka kũ mam-beng masigẽsa."

⁷ Angkuẽngu Mawu Yesus, "Iã e tamai mapakapian sie."

⁸ "Seng tawahãluasẽ i Tuang," angkuẽngu tẽmbonang ene, "Iã e tawe hinone manarima i Tuang su wãleku. I Tuang pẽhengetangke ëllangu e seng mule. ⁹ U iã e maãaing harusẽ sumasumẽllung su parentang tẽmbonangu e. Kũ su aãungkue piã lai manga mẽsa-seke, kũ maãaing su aãungu kawasaku e. Kereu iã mẽndoloh'u sẽngkatau soldado, 'Dakoko!' ute i sie maãaing tamai. Iã mẽberaẽ wue su wãline u, 'Damahiko!' i sie maãaing damahi; kũ kereu iã

mẽparenta ëllangu e, 'Koãko ini!' ute i sie mang mẽkoa."

¹⁰ Suapan Mawu Yesus nakaringihẽ apan niweran tẽmbonang u soldado ene, i Sie rimalinauẽ ta sihinge. Mase i Sie nẽhenge-tang su taumata apan maãhuntole si Sie, "Taumatawe lai wotonge ini! Maninglai bou taãloaran tau-matan Israel e, Iã e mam-beng ta nakahombang pangangimang kereini kasẽllahe! ¹¹ Mam-beng kahẽngang! Lawõ taumata sarung dumẽnta wõu sẽmbẽkan daki ringangu wahe kũ mẽmpahuluasẽ dingang i Abraham, Is-hak ringang i Yakub su raãungu Runian Duata Wuhu.

¹² Arawe i sire kũ maãgakum batangenge hinong makoã kawauan Duata e sarung iwahung suraãungu kararẽndung su likude. Sene sarung piã palãhunsangi dingangu kasasigẽsa." ¹³ Mase Mawu Yesus nẽhengetang su tẽmbonang u soldado ene, "Kapule e, uãlingu pangangimangue apang ikẽkahiorõ u e sarungbe maria-di."

Kũ orasẽ ene lai ëllange na-piaẽ.

Mawu Yesus napakapian taumata lawo

(Mrk 1:29-34, Luk. 4:38-41)

¹⁴ Mawu Yesus e nakoꝝ sarang balem Petrus. Sene i Sie nakasiløe si ninang i Petrus kinaratingang, kaꝛlēhabe suralo-kaēng. ¹⁵ Tangu Mawu Yesus nanenggehē ḷimane, kutēu ḷēhabe nailangke. I sie nēbangung ku nanētæ nētangkiang Mawu Yesus.

¹⁶ Saraeng kaꝛabawēllone taumata e nēmpangētuden sire lawo apan niwaluang rohkē daꝛaj e su anum Mawu Yesus. Ku kētaewen dingangu wawera pēsengkamohong, Mawu Yesus maꝛnokoꝛu manga rohkē daꝛaj e dingangu maꝛpakapian kēbi apan taumata masaki. ¹⁷ Mawu Yesus mēkēkoꝝ kēbi ene, ku ualingu ene ute nisēhūe apan niꝛbaweran nabi Yesaya, u, "I Sie manaludē tēdu i kite dingangu maꝛpakapian saki i kite e."

Taumata apan mapulu tumole Mawu Yesus

(Luk. 9:57-62)

¹⁸ Mēngkate maꝛlawo-lawo taumata mēlēliwung Mawu Yesus

e. Saraeng Mawu Yesus nakasiløe si sire ene kēbi, i Sie nangorøe su manga tumatolene apaꝛliue rano e. ¹⁹ Mase sēngkatau mananētirong agama e himaung si Sie ku nēberæ, "Tuang Guru, ia mapulu tumole si Tuang balæwe mēnsang sarang a!"

²⁰ Mawu Yesus simimbangu, "Sarigala^f piabe liange, ringangu manū u winalangenge piabe salehe, arawe Ahus'u Taumata e taweu pangalelengange."^g

²¹ Mase sēngkatau tumatolen'E waline nēberæ, "Tuang, ke-reu wotonge ia deng mapule kaꝛimona mēngubul'i amangku e."

²² Arawe Mawu Yesus e kawē simimbah'u, "Toꝛe e Sia, ku balæ taumata nate e apēlēbingken taumatan naten sire hala."

Mawu Yesus napakalenehu rēllang

(Mrk. 4:35-41; Luk. 8:22-25)

²³ Mawu Yesus simakē e su sakaeng ku manga murid'E nahunsakē e ringang. ²⁴ Sēngkēlēndi u piꝛ anging maiha-ihꝛ timangga su rano e hakū sakaenge tētakaꝛeng u wēlladē e. Su tempo ene Mawu Yesus e kapēhēdange. ²⁵ Ene manga murid'E himaungke

^e apaꝛlēba ^f longgoi ^g pangiruleēng

kū namukōe si Sie. "Tuang! Ambangeko! I kite kai miwonohē!" angkuēng i sire.

²⁶"Kawe unūe i kamene nēngkatakū?" angkuēngu Mawu Yesus. "Kai kadodo pangangimang i kamene si Sia e!" Bōu e i Sie rimarisī e kū namalēndihē anging dingangu rano e. Tangu mēngkatewe nalēne-lēnehē.

²⁷Manga murit'u Mawu Yesus nēngkaherang. Angkuēng i sire, "Kai taumata kereapa ēndaie, kalingung anging dingangu rano e kawe mahimang si Sie!"

**Mawu Yesus napakapian
duangkatau niwaliuangu
rohkē dalai.**

(Mrk. 5:1-20; Luk. 8:26-39)

²⁸Mawu Yesus nahumpae su sēmbēkan dano su soang Gadarā. Pai sene i Sie nihaunganken taumata niwaliuangu rohkē dalai duangkatau. I rēdua e kai taumata makātatakū tā sihinge, hakiu tā u sarang sēngkatau nakalawes'u raleng ene. ²⁹I sire nahunsēbang bōu manga ralungu wangkang kubulē kapēmansage,

"Ahus'u Ruata, sarung pēkapuraneng'U i kami e? Kai seng mapulu manigēsā si kami maningbe wēdang baline tempone?"

³⁰Ene tawē karaune wōu ene, piako ghapaēngu wawi maławo-lawo kapēdēdeae kaēnge. ³¹Tangu manga rohkē dalai e nēmpēkaliomanengke si Sie angkuēng, "Kereu i kami e itokol'u, ute rolohēko i kami pasuē su ralungu inanga wawi tamai e."

³²"Dakōe!" angkuēngu Mawu Yesus. Manga rohkē dalai e nahunsēbangke wō'i rēdua e, kū nahunsuē e su manga wawi ene. Kuteu manga wawi e nahuntalangke apid'u nahuntumpa wō'u wiwihu tagialu sarang dano e, mase nēngkalēmisē.

³³Mēndalukadē bawi e nahuntalang solong soa, kū nēmpēbēkem patikū apan nariadi su wawi ringangu su ruangkatau niwaliuangu rohkē dalai e. ³⁴Tangu sēngkasoange mēngkatewe nahunsēbang nanēnsomahē Mawu Yesus. Su tempong i sire nakasilōe Mawu Yesus, i sire nēmpēdorongke sēngapam botonge tadeau i Sie manēntang bōu wanuan sire.

Mawu Yesus napakapian tau nipeosě

(Mrk. 2:1-12; Luk. 5:17-26)

9 Mawu Yesus simake e su sa-kaeng, ku liměbae rano, ku nēsule su soan'E. **2** Pai sene tau-mata e nēmpañonḍaen tau nipeo-se su anun'E, ruḍaloka su tēpihě. Tangu Mawu Yesus nakasilōe kasarian pangangimang i sire e, ku i Sie nēhengetangke su tau peosě ene angkuēng, "Pakatarimaē naung u amang! Kaḷawou rosanu e seng niampungang."

3 Manga mananētirong agama mēmpěbēbera suralungu naung i sire angkuēng, "Tau ēndaie kai mēlēhodatě Mawu Ruata e!"

4 Mawu Yesus e masingkaun tinēnnan sire, ku i Sie nēhengetang, "Kai unue i kamene mēmpētētinnēna raḷaki?" **5** Sude nēngalembon nētatarang: mēberau, 'Dosanu e seng niampungang' arau, 'Pěbangungke, ku ḍaleng'? **6** Arawe Ia kai mapakasingka si kamene u su dunia ini e Ahus'u Taumata kai kawasa mangampung dosa." Tangu Mawu Yesus nēhengetang su tau

peosě e, "Pěbangungke, sapuae raḷokaēngu ku kapule e!"

7 Tau peosě e nēbangung dingangu napule sarang baḷene. **8** Tangu taumata ḷawo nakasilōe halě ene, nēngkatakuē ku nēmpēdalōe Mawu Ruata watuu seng nangonggou kawasa kerene kasariane su taumata.

Mawu Yesus kimui si Matius

(Mrk. 2:13-17; Luk. 5:27-32)

9 Ene wou e Mawu Yesus nanēntangken soa ene. Kaḷahunḍalenge i Yesus nakasilōe maghaghělle bea sēngkatau maian su waḷem pēmamaehang bea e arenge i Matius, ku nēhengetang si sie, "Toḷeko Sia!"

Tangu i Matius nēbuae ku timole e Mawu Yesus.

10 Pia e Mawu Yesus ka-kaenge su waḷeng Matius, narēntae lai i sire maghaghělle bea riō natimu, ringangu apang lēnnaēngu taumata ḷawo kai taumata raralaj,^h ku nahungkaēng sēngkakaēng dingangu Mawu Yesus dingangkewelain manga murit'E. **11** Pia i sire tau Fari-si nakasilo halě ene, nakiwaḷoē

^h waradosa

9:10-11: Luk. 15:1-2

su manga murit'u Mawu Yesus, "Kawe unęe mananęntirong kamene kawe kękaęng dingangu maghaghęlle bea ringangu tau-mata waradosa?"

¹² Mawu Yesus nakaringihę kakiwalon sire mase simimbang angkuęng, "Maľahuwekae tawe wahaľuas'u piľa mangangundang e, pianę e apan masasaki. ¹³ Sęsuieko męnsang apa mangalem ayat'u Winohe Susi ini: 'Iľa e kai męgęgausę, tatalęntu, balinewe sasęmba binatang'. Batu u Iľa dimęnta waline-we kumui apam maľaadilę kaiso kawe apang baradosa e."

Halę u pętatęllingⁱ

(*Mrk. 2:18-22; Luk. 5:33-39*)

¹⁴ Bou e manga tumatoľe si Yohanes Mananahani e nęmpędęnta su anum Mawu Yesus, ku nakiwalou, "Kawe unęe i kami ringangu tau Farisi e mępępuasa wue, arawe manga murit'i Tuang kawe tala?"

¹⁵ Mawu Yesus simimbang, "Kereapa ngae su tinęnnan kamene? Botonge sake su saliwangu pękakawinge lumahunsusa kereu kaghiang esę e wędang e-

ne sutaloaran sire? Tantu tala wue! Kai hędowen su tempong kaghiang esę e aľakeng bou anun sire. Ku su tempo ene wuhęe i sire męmpętęlling.

¹⁶ Tawę taumata męndępel'u ririsę buhu su laku tębe. Batu ririsę ene kai męngahimbęso dingangu makaghehe laku ene hakiu makakatapeng gehe e limembong kasariane. ¹⁷ Kerene lai tawę makapęndalingu anggorę buhue su raľungu wakuhę^j pisi seng tębe. Batu wakuhę ene e kai maľęse ringangu magholang, mase anggorę e maľoso. Anggorę buhue harusę itaho su raľungu wakuhę lai wuhu tadeľu i rędua ene mapiawe kębi."

Pębawangungu ana u tęmbonang u walęm pękakaľiomanengang dingangu tau wawine nanenggehę laku u Mawu Yesus.

(*Mrk. 5:21-43; Luk. 8:40-56*)

¹⁸ Piľa e Mawu Yesus kapęhengetange su manga tumatoľe si Yohanes Męnanahani e, ute rimęntaę sęngkatau tęmbonang u walęm pękakaliomanengang. I sie nętumpękuhę su tęngom Mawu Yesus dingangu nębera, "Anaku

ⁱ pępupuasa ^j kawihę

wawine wuhu-wuhu nate. Kai karimako i Tuang deng dumenta mēdeḗu makapēnēlid'u ḗiman'U e tadeḗu i sie mēbiahē kapia."

¹⁹Ene Mawu Yesus dingangu manga murit'E mēngkatewe nēbuḗa ku timole si sie.

²⁰⁻²¹Ene kapahundalenge kai piḗ tau wawine ku seng mapulo dua su taunge karēngue masakḗ dēdalengangu raha, himaung si Yesus wou likude. I sie mētētinnena u, "Manieng kētaeng manenggehē kakingkaeng'E, ia e mang sarung mapia." Mase i sie nanenggehe humbung kakingkaengu Mawu Yesus.

²²Su orasē ene lai Mawu Yesus nēbihue ku nakasilo si sie, ku nēbera u, "Pakatarimaḗ bue inang! Uḗingu pangangimangu e nakapia si kau!" Ene tau wawine e nule e wou orasē ene.

²³Bou e Mawu Yesus nangengke su walēn tēmbonang u walēm pēkakaliomanengange. Saraeng i Sie nakasilo mēmamusikē u pēhampugang dingangu taumata ḗawo mēmpēgēganoḗ, ²⁴i Sie nēhengetang si sire, "Sēbangko kēbi i kamene! Dariḗ ini e tawe nate; i sie kētaeng mētētiki."

I sire kēbi nēmpēheghesē Mawu Yesus. ²⁵Ku saraeng taumata

ḗawo nahunsēbang, tangu i Sie simuē e su ḗalungu kamar'u rariḗ e, mase nangumpaedē limane. Tangu rariḗ e nēbangungke. ²⁶Habarē ene e nasēsahe su kaguḗu wanua ene.

Mawu Yesus napakapian tau wuta ruangkatau

²⁷Kuteu, saraeng i Yesus dimaleng bou ene, i Sie kai niwatukangu tau wuta ruangkatau kapēkuine angkuēng, "Talēntukong kandua e Ahus'i Daud!"

²⁸Saraeng i Yesus simuē su walē, tau wuta rarua e himaungke si Sie. Ene i Yesus nakiwaloe si rēdua, "I rua mangimang u ḗa makakaulēwen dua wou sakḗ?"

"Mangimang Tuang!" angkuēng i rēdua.

²⁹Mase Mawu Yesus nanenggehe matan dēdua apid'u nēhengetang, "Uḗingu i rua mangimang, ute kariadiē ke-re lēharapeng i rua." ³⁰Tangu i rēdua e nēkēllae. Ene Mawu Yesus kai nēsēding masēga-sēgadē u kumbahang mēhabar'u ḗalē ene si sai-sai.

³¹Kaiso i rēdua e mang nahundaleng nēdalahabar'u Mawu Yesus su kaguḗu wanua ene.

Mawu Yesus napëberan tau mou

³² Pia i rëdua kapahulintue, tangu piako i anu mou nisawelangu rohkë dalaki niëntudë su anung Yesus. ³³ Mawu Yesus nanokoleng rohkë dalaki e, ku i anu mou e nakaweræ. Taumata lawoë nëngkaherangke ringangu nëmpëbera u, "Kakakoå kereini e tawe kinasilosarang sënsule su Israel e!"

³⁴ Kai tau Farisi e nëmpëbera u, "kai tëmbonang u rohkë dalaki e nangonggou kawasa si Sie mëdeåu manokolë manga rohkë dalaki e."

Mawu Yesus timalëntu nakasilo taumata lawo e

³⁵ Kerene raralengu Mawu Yesus bou soa sëmbau sarang soa waline, wou kampong sëmbau sarang kampong baline. I Sie manëntiro su manga walem pëkakaliomanengang, dingangu mëlëhabar'u Injilë manun kararatuang u Mawu. I Sie mapakapian taumata wou kalawou haghin saki dingangu kurangu wadang. ³⁶ Ene Ma-

wu Yesus titalëntu i sire, watuu i sire mëngkatewe nionganenge ringangu tawe makapëkapura, mëngkewen domba ta mëndalukade. ³⁷ Ku i Yesus nëhengetang su manga murit'E, "Pamënsakenge malawo bue, arawe mëmamënsæ kawë mahali. ³⁸ Tangu pëdorongke su taghuanangu waelë e tadeåu mëndoloh'u mamamënsa ipamënsa."

I sire mapulo dua rarolohang'u Mawu

(Mrk 3:13-19, Luk. 6:12-16)

10 Mawu Yesus kimui si sire murit'E mapulo dua su kataune pinëkomolë, ku nëgëlli u kawasa si sire apënokol'u manga rohkë dalai dingangu mapakapian kalawou haghin saki dingangu tëdu u wadang. ² I sire ene ute kai: humotong, i Simon (isësëba lai si Petrus) dingangu tuarine i Andreas, mase i Yakobus dingangu tuarine i Yohanes, manga ana i Zebedeus. ³ Bou e i Filipus dingang i Bartolomeus, i Tomas dingang i Matius maghaghëlle bea ringangkewen Yakobus ana i Alfeus, dingang i Tadeus; ⁴ mase pëngënsueënge i Simon, i Anu

Wahani ringang i Yudas Iskariot, i anu nētulaen Mawu Yesus.

Munara manga rarolohang

(Mrk. 6:7-13; Luk. 9:1-6)

⁵I sire mapulo dua e-ne niroloh'i Yesus ringangu nitumbaungang u, "Kumbahang mēmpahundaeng makahumpa u wanuam baline tau Yahudi. Dingangu abe lai kakoa sarang soan tau Samaria. ⁶Kaiso kahu-motongange kakoako sarang anun tau Israel apan nēngkailang. ⁷Pēhabarēko si sire u Ruata e sarung maligha mēparenta kere sēngkatau Ratu. ⁸Pakapiangkon masasaki; Pamiahēko apan nate; pakaulekong apang pia sakie su pisi makatataku, dingangu pēnokolēkon manga rohkē darajai. I kamene seng nēnarimau kēbi ene tawē bawaehe, ku pēmpēgēlliko lai tawē bawaehe. ⁹Abe pēmpēbawa roitē buaeng, roitē salaka arau lai roitē tambaga. ¹⁰Abeko lai pēmpēbawa kawih'u roitē arau lahaweng u rarua waug'u raralengu, arau sapatu, arau tēking. U i sai mēkēkaradiahange ute hinone wue makahombang laidope.

¹¹Kereu i kamene makahumpaen soa arau kampong sude, ute pēmpēdeabe si sai mapulu manarima i kamene. Kēngkatanabe ringange saraweng i kamene mēmpahundaeng kapia wou ene. ¹²Kereu i kamene kadange-nge su wale ute, pēberako, 'Karrimako Mawu e mēngalamatē si kamene.' ¹³Kamageng taumata su wale ene manarima u ene, ute pēngangadat'u e remben marēpang si sire. Kai kereu i sire tawe manarima i kamene ute kaule e kapia pangangadat'u e. ¹⁴Kereu pia bale arau soa tawe manarima i kamene arau taweu rumaringihē si kamene, ute pahuntētang-keng kamene tampa ene ringangu tontongke awulē bou palēd'u laedu. ¹⁵Tahēndungeko u, su Ēllong Kiamatē, Duata e mahaēngangbe mangonggou ampung su taumatan soan Sodom dingangu Gomora e sulungken taumatan soa ene!"

Tatumbiagē sarung dumēnta

(Mrk. 13:9-13; Luk. 21:12-17)

¹⁶"Pēdaringihēko: Ia e mēndoloh'i kamene kere domba su taloaran sarigala marangēngisē.

Ku pakapapentēsēko^k i kamene kere tempu ringangu pakatatulidē^l naung, i kamene kere paluma. ¹⁷Pakaraḷēndi bue, batu u i kamene sarung samekang ku ipētēngo manga mēlahukung. U i kamene sarung ipakasigēsā su kanisan sire. ¹⁸I kamene sarung isarakang su tēngo mangangawasa ringangu manga ratu uḷingu i kamene kawe tumatoḷe Sia. Ku seng tempone si kamene waḡ'u mēmpēsahiding Ia si sire ringangu su taumata apawem bēgan Duata. ¹⁹Arawe kamagengu i kamene kawe isarakang su mēlahukung ute, abe ghēnggangu kai mēbisara kerea. U apang iwerang kamene e kai sarung ihabarē si kamene su tempone. ²⁰U mēbēbisara su tempo ene e waḷinewe i kamene, kaiso kawe Rohkē i Amang su Sorga e suraḷung kamene:

²¹Sarung mariadi u taumata e sarung manarakangu anaḡ sēmbaḡe sēsane mēdeḡu ipakapate. Dingangu ene lai sarung mariadi sutaloarang amange ri-

ngangu anaḡ. Manga anaḡ sarung dumoka si ninange ringangu si amange ku manarakang i sire mēdeḡu pakipate. ²²I kamene sarung ipēbinsi u kēbi uḷingu i kamene kawe tumatoḷeKu. Arawe i sai makakēdang sarung pangēsueēnge, sarung masaḷamatē. ²³Kereu i kamene sēsahusuang su soa sēmbaḡ, ute pahuntaḷang soḷong soa sēmbaḡ. Ia mauḷi si kamene: U mambeng kahēngang tēntaḷang i kamene reng ta nakaḡsuen pēpide kaḷawou soang Israelē e, Ahus'u Taumata e seng dimēnta.


²⁴Muritē e waḷinewe limembong gēḡuwaḡ bou mananēntirone, ringangu ēllange waḷinewe limembong kasēllahē wou mawune. ²⁵Seng kapapiane kereu sēngkatau muritē mariadi kere mananēntirone, ringangu sēngkatau ēllange kere mawune. Kereu matimad'u waḷe seng nisēba si Beelzebul ute, rumakeleng kawe raḷohom baḷene. I sire sarung kaghēlirangu areng limembong karaḷakise!"

^k pakapelesa ^l pakatumpiako

10:16: Luk. 10:3 10:17-20: Mrk. 13:9-11, Luk. 12:11-12, 21:12-15

10:21: Mrk. 13:12, Luk. 21:16 10:22: Mat. 24:9, 13, Mrk. 13:13, Luk. 21:17

10:24: Luk. 6:40, Yoh. 13:16, 15:20 10:25: Mat. 9:34, 12:24, Mrk. 3:22, Luk. 11:15



Hënggeng (10:29)

Këngkatakuben Mawu Ruata

(Luk. 12:2-7)

²⁶”Abe këngkatakū u tau-
mata. U tawēu kałahëmbung ku
tawe ikasilo, dingangu tawēu
kaławuni ku tawēu kasingka-
teng. ²⁷Apaweng takū nipauli
si kamene su marëndung, uliko
su matualagë. Dingangu apaw-
weng nisasiang su tuling ka-
mene ute wohangko pakaliku!
²⁸Abe këngkatakū i sire apam
mëmpamate wadang, kai tawēu
kawasa mëmpamate himukudë e.

Kai këngkatakuben Mawu Rua-
ta ku kai makabinasa himu-
kudë ringangkewelaing badange
su naraka. ²⁹Hënggeng duam-
bau botonge kawëliangu roitë
sëngkalëpa kakadodokange. Ma-
ning kerene kai tawēu sarang
sëmbau manawo su ëntana su li-
kud’u kasingka i Amang i kame-
ne. ³⁰Kakëpaļu utā su tëmbo
u seng nirekenang këbi. ³¹Batū
ene, abe këngkatakū! I kamene
limembowe maarëga wou manga
hënggeng!”

Mangakun Yesus su tëngong lawo

(Luk. 12:8-9)

³²”Tangu i sajewen manga-
kung Iā su tēngon taumata e,
sarulaing takū iaku su tēngong
AmangKu su Sorga e. ³³Arawe i
saing kawe mësuniaļë su tēngong
lawo, Iā e lai sarung mësuniaļi
sie su tēngong AmangKu su Sor-
ga.”

Balınewe pëdarame, kaiso kawe pëdaroka

(Luk 12:51-53, 14:26-27)

³⁴”Abe pëmpangiraļingu Iā e
kawe rumëntam pëdarame su du-
nia ini. Iā e waļinewe rimëntam

pëdarame, kaiso kai pëdaroka.
35 Iạ e rimënta mapëdara ỉạ ỉạ anạ
 u esẹ dẹduang amange, anạ ba-
 wine rẹduan ninange, ringangu
 anạ mirarating bawine e rẹduan
 ninange kinaratingang. **36** Ore, kụ
 sarung mariadi sẹdu kạguwa-
 kenge, ute kai rạlohong balene
 sẹsane.

37 I saing kụkëndag'i amange
 arau i ninange limembo wou ỉạ
 e, tawe hinone makoạ muritẹKu.
 Kerene ỉạ isaing kụkëndagu anạ
 esẹ arau anạ wawine limembo
 wou ỉạ e. **38** Dingangu i sain tawe
 mapulu mamasaeng kuruisẹ e ri-
 ngangu tumole si Sỉạ, ute tawe
 hinone makoạ muritẹKu. **39** I sai
 mẹtẹtatahangu pẹbawiahẹ sarung
 kailangeng pẹbawiahe, arawe i
 sai mẹtẹtatahangu pẹbawiahẹ e
 uạlingu satiane si Sỉạ, e ute,
 sarungbe makahombang pẹbawia-
 hẹ."

Alamat'u pẹkakoạ mapia e

(*Mrk. 9:41*)

40 "I sai manarima i kame-
 ne ute, manarima ỉạ. Dingangu
 i sai manarima ỉạ e ute ma-
 narima i Sie nẹndoloh'u ỉạ e.

41 I sai manarima nabi, uạlingu
 i sie kai nabi ute, sarung mana-
 rima bawalise waug'u sẹngkatau
 nabi. Dingangu i sai manarima
 sẹngkatau mapia uạlingu i sie
 mapia ute, sarung manarima ba-
 walise waug'u sẹngkatau mapia.
42 I sai mapẹnginungu sẹngkatau
 wou taloaran sire kasiang ini e
 maneng tumba u ake lẹnding
 uạlingu i sie kawe muritẹKu ute,
 pẹmpangimangke u i sie mam-
 beng tẹngadẹ sarung manarima
 bawalise!"

Darolohang i Yohanes Mananahani

(*Luk. 7:18-35*)

11 Saraeng i Yesus bouten
 nangonggou manga tẹnti-
 ron'E kerene su murit'E mapulo
 dua e, i Sie nanẹntangken tampa
 ene. I Sie tamai manẹntiro ri-
 ngangu nangeken hengetang'u
 Ruata su manga soa mararanine.

2 I Yohanes Mananahani na-
 ung kạtatahungkụ kai nakaringi-
 hẹ kakakoạ munarang Kristus.
 Bọu e i sie nẹndoloh'u tumatole-
 ne pirangkatau apakakoạ sarang

anung Yesus pakiba_lo, angku_ēng,
3”I Tuang ngae sarung dum_ēnta
 kere su k_ēdom Mawu Ruata, a-
 rau i kami kai mangampal_ē tau-
 mata waline?”

4Mawu Yesus simimbang,
 ”P_ēm_pēba_lie ku pa_ul_i si Yoha-
 nes apang kinaringih_ē dingang-
 u kinasilong kamene: **5**Tau wuta
 nakasilo, tau peos_ē nakaral_ēng,
 taumata pi_a sakie su pisi e
 makatatak_ue nu_le; tau wengel_ē
 nakaringih_ē, taumata nate e
 n_ēbiah_ē kapia, ringangu Injil_ē e
 nihabar_ē bue su taumata ka-
 siang. **6**Kariangkamang i sain ta-
 we m_ēbawins_i u Ia e!”

7Samurin manga rarolohang
 i Yohanes ene naral_ēng, tangu
 Mawu Yesus nan_ēt_ae n_ēhenge-
 tang su taumata la_wo ma_a-
 nung Yohanes, angku_ēng’E, ”I
 kamene n_ēngkako_a solong ba-
 nua linggi e kai n_ēkak_ēlla_e a-
 pa? D_ēm_pug_ē t_ētiukangu anging?
8Kai a tamai ni_kak_ēlla_ēng i ka-
 mene? Arau kai s_ēngkatau m_ēp_ē-
 pakeang mal_ēnggih_ē ngae? Tau-
 mata apam m_ēp_ēpakeang kere-
 ne ute kai m_ēt_ētana_a su walem
 mararatu. **9**Un_ue wue i kame-
 ne mako_a solong banua linggi?
 M_ēmanda s_ēngkatau nabi tangu?

Kah_ēngang bue, luhud’u n_ēnga-
 lembo la_i w_o s_ēngkatau nabi.
10Bat_u kai i Yohanes ene il_ēha-
 bar’u Wino_he Susi ini,

’Ini e kai rarolohangku,
 angku_ēngu Mawu Ruata,
 Ia dimoloh’i sie p_ēngal_imona
 w_o’i kamene
 tade_au i sie mamuka ral_ēng
 baug’i kamene.’

11P_ētah_ēndung! Su dunia ini
 taw_ē taumata limembo w_o’i Yo-
 hanes Mananahani. Maning ke-
 rene, i saing kaka_dodokange su
 tal_oarang kawanuan Duata e li-
 membowen g_ēguw_a w_o’i Yohanes.
12Dokeng bo’i Yohanes m_ang_e-
 keng habar_ē sarangkeng oras_ē i-
 ni e, kawanuan Duata e r_ēdo-
 katengu taumata apam m_ēngkai
 m_angal_a kawasa e ringangu wun-
 tal_ē. **13**Sarang dar_ēntang Yoha-
 nes, kalaw_ou titan Musa ri-
 ngangu t_ēntiron manga nabi e
 m_ēn_ēn_ēbal’u apang hinom ma-
 riadi. **14**Ku kereu i kamene
 m_ēm_pangimang bue ute, i Yoha-
 nes ene kai i Elia, ku dar_ēntane
 seng nit_ēbal_ē. **15**I sain pi_a tu_line
 ute p_ēdaringih_ē!

16Tak_u isihing suapa tangu
 taumatang oras_ē ini e? I sire

kai kere manga rario mahung-
kaiang su pasarē. Sēnggalipoho e
mēmpēkēkui si sire waline, ¹⁷ 'I
kami mēkantari u kakantari ma-
kaḷuasē si kamene, kaiso i ka-
mene mang tawēu mēmpēsai!^m
I kami e mēkantarieweng kan-
tari u pēhampugang kaiso i ka-
mene mang tawēu mahunsangi!¹⁸
I Yohanes e rimēnta – i sie
nēpuasa ringangu tawe nangi-
nung anggorē; ku taumata e
nēmpēbera, 'I sie kai nikase-
tangeng!' ¹⁹ Ēndai Ahus'u Tau-
mata e rimēnta – i Sie kimaēng
dingangu nēnginung; mase tau-
mata e nēmpēbera, 'Kakēlla tau
ēndai! Kombangeng, tahawuka-
neng, hapiu maghaghēlle bea ri-
ngangu taumata waradosa.' Ma-
ning kerene, kai katatahuēnnan
Duata e limēta bue wou kaḷawou
ualine."ⁿ

**Kaḷawou soa ku ta
mēmpangimang**

(Luk. 10:13-15)

²⁰ Bōu e Mawu Yesus na-
nētae nanēngkulē kaḷawou soa,
suapang i Sie kasauange mēkoā

tanda makaḷaherang. Batu tau-
mata suapan soa ene tawe ma-
pulu mētobatē bōu rosan sire.
²¹ "Kaēngkēhang i kamene Kora-
zim! Dingangu kaēngkēhang lai i
kamene, Betsaida! U kamagengu
kaḷawou tanda makaḷaherang ni-
koā seng nariadi sutaloarang ka-
mene su Tirus dingangu Sidon,
ute angkeēnge taumata apan se-
ne sembem marēngu nēmpēto-
batē bōu kaḷawou rosan sire ri-
ngangu nēmpēlutu mase nēmpa-
nawuh'u awu su tēmbō i sire.
²² Pētahēndung, u su Ēllong Kia-
matē, taumatan Tirus dingang-
u Sidon e limembowen kaḷowōe
ampungangu Ruata wou i ka-
mene! ²³ Ringangu i kamene Ka-
pernaum! I hengke sarang sor-
ga ngae i kamene? Tala wue!
Buā i kamene ute sarung iwa-
hung su naraka! U kawē mangae-
we kaḷawou tanda makaḷaherange
nikoā sutaloarang kamene e seng
nikoā lai su Sodom, ute So-
dom e wēdangbe lai ene orasē
ini! ²⁴ Pētahēndung! U su Ēllong
Kiamatē e tau Sodom sarungbe
limembong kaḷowōe ampungangu
Ruata e wou i kamene!"

^m Lumaodong = menari ⁿ nēnggae = hasilnya

11:21: Yes. 23:1-18, Yeh. 26:1-28:26, Yl. 3:4-8, Am. 1:9-10, Za. 9:2-4

11:23: Yes. 14:13-15, Pēnd. 19:24-28 11:24: Mat 10:15, Luk. 10:12

Děntako su anuKu

(Luk. 10:21-22)

²⁵ Su tempo ene Mawu Yesus nēkaliomaneng, "O i Amang, Mawu mēngēngawasa langi ringangu dunia! Ia makitarimakasē si Kau, u kēbi ini e kinalirungu wou mapapande ringangu mata-tahuēna e, ku nilahe u su taumata rararodō. ²⁶ Ku kai ene nāung mētētatahino si Amang."

²⁷ Mase Mawu Yesus nēhengetang, "Patiku sabarange seng nisarakang i Amange si Sia. Taweu makakirala Ahusē, sulung Amang. Taweu lai makakirala si Amang, sulung Ahusē, dingangu si sai-saiewe pēlahakang i Amang kahiaeweng Ahusē e.

²⁸ Děntako su anuKu i kamene kēbi apan nēngkasaghedē dingangu nēngkawēha u wawawaēnge; Ia e sarung mapangiruleng kamene. ²⁹ Pēmpētōleko titaKu e dingangu pēmpangēndungko si Sia e i kamene. U Ia ini e kai masikome ringangu masana naungKu, ku i kamene sarung makapēndang malunsemahē. ³⁰ U kalawou titaKu e makaluasē, dingangu wawawa-

ēng taku pakipasaēng si kamene e mahaēng!"

Kakiwalo maanung ěllon
Sabatē*(Mrk. 2:23-28; Luk. 6:1-5)*

12 Pia sēnsule su ěllon Sabatē, pia e Mawu Yesus simahe wael'u gandum, manga murit'E e nanētae nēmpamēnsa gandum, ku nahungkaēng batūu kai seng kinalunusang. ² Sarangke kinasilon tau Farisi e ute i sire nēmpēberae si Sie, "Kēllae! Manga murit'U e limawang torat'i kite dingangu nēmpēkoabe apan isēsēding su ěllon Sabatē."

³ Mawu Yesus simimbang, "I kamene kai ta nakabasa apa kinoa i Daud pia i sie ringangu manga taumatane kinalunusang? ⁴ I sie kawe simuē su ralungu Walem Mawu Ruita; mase kimaēng borotē nāung seng nakoā sasēmba su Mawu. Sēmbaliau tumuhu torat'i kite e, i sire sēndinganenge kawe pēlli mahungkaēng borotē ene kaiso mautiēwen manga imange wotonge. ⁵ Arau kai wēdang ta nakabasa i kamene su ralungu torat'i Musa u apang ěllon Sa-

batë e manga imang mëmunara su Walem Mawu, ku lula a-torang'u ëllon Sabatë, kai tawe nipësa? ⁶Tatinganko apa taku niwera ini: endai kai pia limembong kasëllahe wou'u Balem Mawu e. ⁷Su ralungu Winohe Susi e mabawohe: I këkapuluku e kai pëkakakëndagë e, walinewe sasëmba binatang. Kereu i kamene kahënga-hëngang nakaëna waweraku e, ute mambeng tawe sarung mapësalang apan tawë salane. ⁸Baugu Ahus'u Taumata e kai kawasa su ëllon Sabatë e."

Tau limane sëmbëka nipatene

(Mrk. 3:1-6; Luk. 6:6-11)

⁹Mawu Yesus nanëntangken tanpa enë ku simuë su walem pëkalimanengang. ¹⁰Akuteu sene kai pia tau limane sëmbëka nipatene. Pirangkatau mëdëdeä ai u mapësësa Mawu Yesus ku mëpapakibalo si Sie, "Botonge mapakapian masasakï su ëllon Sabatë?"

¹¹Mawu Yesus simimbang, "Mangawe pia u sëngkatau wou taloarang kamene pia dombane, ku su ëllon Sabatë domba e-ne nataho su wangka maralung;

ku kereapa wue taghuang'u domba e tawe mëngalë ku matung domba e wou lohange? ¹²Kuteu taumata e kawë limembom maarëga wou domba e! Ku maeng kerene, botonge wue mëtulungu taumata su ëllon Sabatë." ¹³Bou e i Sie nëhengetang su tau e, "Uluhëko limanu."

Tau e nanguluhe limane, tangu limane nule e, mësulungkewelain limane sëmbëka. ¹⁴Arawe taumata Farisi e nahunsëbangke wou walë pëkalimanengange, mase nëmpëkakirë e mëdeäu mamate.

Darolohang pinilen Duata

¹⁵Mawu Yesus nakahënganke u tau Farisi e pia dialë rumoka si Sie. I Sie rimalengke wou ene kuteu kai nitoleëngu taumata lawo-lawo, ku i Sie napakapian kalawou masasakï. ¹⁶Ku i Sie nësëdingken sire mëpëbawëken Sie su taumata waline. ¹⁷Ualingu ene ute nisëhue apang pinëhengetang'u Mawu Ruata kere tëbalu nabi Yesaya,

¹⁸ "Kai ini e rarolohangKu Taku pinile,

i Sie ikëkëndagëKu
ringangu mëtətatalahino
su naungKu e.

RohkëKu e Taku isarakang si
Sie,

kalaadilëKu e sarung ipa-
kasingka su patiku bansa.

¹⁹ I Sie tawe sarung manitori
arau mëmansagë,^o

arau mëtahawerang su
manga raleng gaghuwa.^p

²⁰ Hiung napëkuhë e tawe
pëdiang'E

ringangu soło mëdëdusë e
tawe tiukang'E.

I Sie sarung mëtətətölë
sarang makawuna u kaadilë;

²¹ patiku bansa e samatang
mëlëharapë si Sie."

Mawu Yesus dingangu Beelzebul

(Mrk 3:20-30, Luk. 11:14-23)

²² Ene niëntuden su anun
Yesus sëngkatau wuta ringang-
u ta kawawera ualingu pinaka-
wasaëngu rohkë dalaki e. Mawu
Yesus napakaulen tau ene hakiu
i sie nakawera ringangu nakasilo.

²³ Kalawou taumata e nëngkahe-
rang ku nëmpëbera u, "Walinewe
i Sie ini ngae Ahus'i Daud kere
naung su këdo e?"

²⁴ Arawe tau Farisi naung
makadingihë ene, i sire nëmpë-
simbah'u, "Tau ëndaie këtaeng
makapanokolë rohkë dalai e
ualingu i Beelzebul, tëmbonangu
manga rohkë dalai e, seng
nangonggou kawasa si Sie."

²⁵ Mawu Yesus masingkau
tinënnan tau Farisi e, ku i Sie
nëhengetang si sire, "Kamageng
kararatuang sëmbau mapahia pi-
rang kamonaëng, mase sëmbau
dingangu waline mëdaralai, u-
te kararatuang ene tawe tumei,
kaiso mang maromba. Dingangu
soa sëmbau arau wou taloarang
anau sëngkatau e mëkaliaesë ku
mëmpësëdu sëmbau su waline u-
te mang maghoghahë. ²⁶ Kerene
lai su ralungu kararatuang'u se-
tang; kereu kamonaëng sëmbau
mëndalai kamonaëng baline ute,
kararatuang setange seng napa-
hia-pahia ku mang sarung ma-
gholang. ²⁷ I kamene mëbëbera
u Ia manokolë rohkë dalai
ualingu kawasam Beelzebul. Ka-
mageng kerene ute, kai ualingu
kawasan sai tumatole si kamene
e mëmpanokolë rohkë dalai? I si-
re apan tumatole si kamene hala
e mapësësalan kamene! ²⁸ Arawe
Ia e kawe manokolë rohkë dalai

^o mëbuheang ^p su manga taloaran soa

12:18-21: Yes. 42:1-4 12:24: Mat. 9 34, 10 25

ualingu kawasan Rohkě'u Mawu. Ku ene mangalene ute, Mawu Ruata e seng maněta męparenta su taloarang kamene!

²⁹ Kereapa tangu makakasue su walen sęngkatau taumata matoghasę ku mamulaho rarotonge, kereu i sie tawe mangikie⁹ tau matoghasę e kalimona? Mase wou ene i sie wuhę makapulaho rarotonge.

³⁰ I sain tawe manumbęka wou Ia e ute nalahęu i sie rumoka si Sia. Dingangu i sai tawe męsumbala Sia e ute, mambeng tęngadę makagholang halęKu! ³¹ Ualingu ene ute, kęngkasinkako, kereu i sai mękķkoą dosa ringangu mębęberang lahina-kang, i sie wotonge i kaampung. Kai kamegeng i sie męhinakang Rohkě'u Ruata e i sie tawe ikaampung! ³² Arawe kereu i sie kawe mębęberang bawera ipęndoka Ahus'u Taumata, i sie wotonge kaampung, arawe kamagengu i sie kawe męhinakang Rohkě Susi ute, i sie tawe kaampungang, baę orasę ini kerene lai su aheratę e!"

Kalu ringangu manga wuane
(Luk. 6:43-45)

³³ "Mędeau makahombangbe wuang kalu mapia e ute kalune harusębe lai mapia. Kereu kalune ralaki, ute wuane malaing dalaki. U kai wou wuane kapękiralaęng kalune. ³⁴ I kamene taumata ralai, i kamene kai makapęberawen mapia kereapa, kereu i kamene kawe ralai? Apang iwębera mohong, ute ene kai tutompe bou ralungu naung! ³⁵ Taumata mapia e kai mębębera manga halę mapapia e batu i sie kai napenę u kapia. Arawe taumata ralai kawe mębębera manga halę daralai e batu i sie kai napenę u karalai.

³⁶ Ku pętahędungko: u su Ellong Kiamatę, sęngkatau-sęngkatau e męnalud'u apam bawerane ku tawe mętatalahino. ³⁷ U kai wou manga waweranu hala e ku sarung ipakę ipęnilakehu i kau męnsang nęsala arau nihino."

⁹ męhapusę = mengikat

12:30: Mrk. 9:40 12:32: Luk. 12:10 12:33: Mat. 7:20, Luk. 6:44
12:34: Mat. 3:7, 23:33, 15:18, Luk 3:7, 6:45

**Tau Farisi mēgēgausē Mawu
Yesus paṇodeu tanda
makalaherang**

(Mrk 8.11-12, Luk. 11.29-32)

³⁸ Bōu e pirangkatau manānti-ro agama ringangu manga tau Farisi e nēmpēbera, "Tuang Guru, i kami kai mapulu reng makasilo si Tuang mēkoḃ tanda makalaherang."

³⁹ "Apae karalaj dingangu kaḃuruhakane manga taumata tempo ini!" angkuēng Mawu Yesus. "I kamene mēḃēdorong si Siḃ pēkoḃ tanda makalaherang? I kamene tawe ghēlirang u tanda makalaherange maning-lai tumbḃau sēmbḃau, tabeḃau katewe tanda makalaherang i nabi Yunus. ⁴⁰ I Yunus e naung tēllu ēllo tēllu hēbi suralungu tiangu kinḃ gēguwḃ. Kerene lai Ahus'u Taumata e malaing tēllu ēllo tēllu hēbi su ralungu unid'u dunia. ⁴¹ Su Ēllong Kiamatē tumanḃau Niniwe sarung mēmpēbangung dingangu taumatang orasē ini kḃ mēmpēhukung i sire. U taumatan Niniwe e kai seng nēmpētobatē bōu kaḃawōu rosan sire, piḃ i Yunus e seng mēnēnasē si sire. Kaiso orasē ini

e ēndaḃ piḃkong lai nangēlombong kasēllahe wō'i Yunus e! ⁴² Su Ēllong Kiamatē e, datu wawine wōu wanuan sēmbēkang timuhē e sarung mēbangung dingangu taumata orasē ini e kḃ mēhukung i sire. U i sie rimēnta wōu pondol'u dunia e mēḃeḃau makaringihē kapanden Salomo. Kuteu ēndaḃe kawe piḃ nangēlombong kasēllahe wō'i Salomo!"

Pēsasuleng rohkē ḃalaj

(Luk. 11.24-26)

⁴³ "Kamageng rohkē ḃalaj e mēmpēsēbang bōu pēsēngkatau, ute rohkē ene mēpēpaiwuhḃ banua mamara mēḃeḃau pēngirulēng, kaiso tawe makalahombang. ⁴⁴ Ualingu ene i sie nēberau, 'Iḃ sarung mēḃalḃ kapia su walē kḃ seng takḃ nitēntang.' Ene i sie nasongōe sene, kuteu walē e kawe tā taune, wurēsi ringangu mahundugē. ⁴⁵ Mase i sie rimaleng kḃ namaringang si sire pitu rohkē ḃaline kḃ limembong karalajē wō'i sie. Bōu e i sire simuē su tau ene, kḃ nētumanḃ sene. Kḃ pangēnsueēnge kakakoḃau tau ene napaliung karalakiē wōu kaḃamona. Kḃ kerene lai sarung

mariadi su taumata raralaj orasē ini.”

I ninang dingangu anau
sēmbau Mawu Yesus
(*Mrk. 9:31-35; Luk. 8:19-21*)

⁴⁶Ene Mawu Yesus bēdang kapēhengetange su taumata lawo-lawo, tangu narēntae i ninang'E ringangu anau sēmbau'E. I sire māhundarisī su likude mēdeau mēbisaran Sie.
⁴⁷Sēngkatau wou taloaran taumata lawo nēberae si Yesus, "Tuang, i ninang dingangu manga anau sēngkataun Tuang e ene wawa su likudē. I sire mapulu mēbisaran Tuang."

⁴⁸Mase Mawu Yesus simimbang, "I sai i ninangKu? I sai manga anau sēngkatauKu?"
⁴⁹Bou e i Sie nanēbo su manga murit'E ringangu nēberau, "Kakēllae, kai ini e i ninangKu ringangu manga anau sēngkatauKu.
⁵⁰Taumata apam mēmpēkēkoā kapulung AmangKu su Sorga, ute i sie anau sēngkatauku esē, anau sēngkatauku wawine ringangu i ninangku."

**Papinintu maanun
mananawuhē**

(*Mrk. 4:1-9; Luk. 8:4-8*)

13 Su ēllo lai ene Mawu Yesus simēbangke wou wale ene, mase nakoā sarang biwih'u rano e ku kimaiang sene.
²Malawo kahēngang taumata nēmpētampung nēmpēliwung Mawu Yesus, hakiu ene i Sie simake e su sakaeng ku naiang, arawe taumata lawo māhundarisiete su apeng e.
³Mase Mawu Yesus nanēntiroeng halē lawo nēpake u papinintu kerei.

"Tangu kai pia sēngkatau mēnanawuhē, dimaleng nana-wuhē bine," kerene Mawu Yesus nanētau wēkene.
⁴"Ara kapēnawuhe, pia e wine nasawuhē su raleng. Ku manū u winalangeng e rimēnta ku bine e nasueng temoē.
⁵Pia lai nasawuhē su tampa mawatu, ku ēntanane mahali. Manga wine ene mēngkate timuwo ualingu ēntanane manipi.
⁶Ara matangello e nasahengke e, tangu manga hētie nanētae nēngkalolang bou e nahēgu ri-



Buang gandum (13:4)

ngangu nate waug'u hamue tawe tumanju maralung. ⁷Pia lai wine nasawuhẽ su taloaran manga sumpini. Manga sumpinje nahuntuwo ringangu nẽmpangẽpisẽ manga hẽtje ene, sarangkewen nate. ⁸Kai piabe lai wine nasawuhẽ su ẽntana mapia, mase nẽmpẽbua e; pia u mahasu, pia u ẽnnungu puło, dingangu piabe lai nẽhaweng sarang tẽllum puło su sulene."

⁹Nasueeng bẽkene papinintu ene Mawu Yesus nẽhengetang u, "I sain pia tuline pẽdaringihẽ!"

Kawe unue Mawu Yesus mẽpẽpapinintu

(Mrk. 4:10-12; Luk. 8:9-10)

¹⁰Ene manga murit'i Yesus nẽmpẽhaungke dingangu nẽmpẽkiwalõe si Sie, "Kawe unue i Tuang mẽpẽpapinintu kereu mẽbisaran taumata lawõe?"

¹¹Mawu Yesus simimbang u, "Batuu i kamene semben niongotangu alamatẽ mẽdeau makakasingkau dahasiang kereapa Ruata e mẽparenta, arawe i sire ute tala wue. ¹²U si sai pia sarung ongotang limembong kalawõe, ringangu si sie ute sarung ipẽdalẽmbo. Arawe si sain tala ute, apaewen pẽkadodo si sie ute sarung panguleeng. ¹³Kai ene hakju Iã mẽpẽpapinintu kereu mẽbisaran taumata lawõ, ualingu i sire mẽmpẽmẽmanda wue, kai mẽsulungu tawe makasasilõ, i sire mẽmpẽdẽdaringihẽ bue kai mẽsulungu tawe makararingihẽ dingangu tawe makaãenna. ¹⁴Ualingu ene ute natuhue kere nitẽbalu nabi i Yesaya,

'Ruata nẽhengetang:

I sire sarung tatapẽ mẽmpẽdẽdaringihẽ

kai tawe makaãenna;

i sire sarung tatapě
měmpěkěkakělla
kai wěga wue apan seng
nariadi.

15 U naungu sěngkawauang ini
e sen něngkałumu,
tulın sire sen něbengelě,
dingangu matan sire sen
nipakawuta.

Ini e niapakariadi tadea
matan sire kumbahang
měmanda,

tulın sire kumbahang
dumaringihě,
naung i sire kumbahang
makahěngang

mase kumbahang měsulě su
anuku.

kų Ia e mapakaulen sire.”

16” Kai eně e kapiane i ka-
mene,” angkuěngu Mawu Yesus
su manga murit’E, ”u i ka-
mene kahěngang-hěngang maka-
silo ringangu makadingihě. 17 Pě-
tahěndungko, kai lawo nabi ri-
ngangu taumata masatia su Rua-
ta mēměningu kumakělla apang
kěkakěllaěng i kamene orasě ini,
kai i sire tawe makasilo. I sire
mapulu mēmědaringihě apang
kınaringih’i kamene orasě ini. kai
i sire tawe makaringihě.”

Mawu Yesus mělělahě u
papinintu maanun
měnanawuhě

(Mrk 4:13-20; Luk. 8:11-15)

18” Pědaringihěko apa ma-
ngalem papinintu maanun ma-
nanawuhě e. 19 Bine apan nasa-
wuhě su ralenge tabidau tau-
mata apan nakaringihě habar’u
maanun kereapa Ruata e mēpa-
renta, kai tawe makalaěna. I
ralakie riměnta ringangu nanga-
ho apan seng nisawuhě suralungu
naung i sire. 20 Bine kų nisawuhě
su tampa mawatu, tabidau tau-
mata kų makadingihě injilě e-
ne, apid’u nēnarima u naung
małuasě. 21 Kaiso habarě ene ta-
we nēhamu suralungu naung’i
sire, hakıu tawe mararěpang.
Lěpase i sire kinahombange-
ngu susa arau tatumbiagě ka-
hian injilě e apid’u nēsuniałě.
22 Bine kų nasawuhě su talo-
aran sumpini e tabidau taumata
makadingihě injil’u Ruata, kaiso
kai gaghěnggangu pěbawiah’i si-
re ringangu mapulum pěbawiahě
marange. Ualingu ene, injilě e
nahepesě su ralungu naung i si-
re hakiewen tawě buane. 23 Ara-



Sumpini (13:22)

we wine ku nasawuhë su ënta-
na mapia e tabidau taumata a-
pam makadingihë injilë e apid'u
nakahëngang. I sire mëmpëbua
maławo, pia u mahasu, pia u
ënnungu puło, ringangu pia u lai
tëllum puło su sulene kaławoë."

**Papinintu mañanun wineng
ëhe su taloarang gandum**

²⁴ Mawu Yesus nëbëke pa-
pinintu lai waline su taumata
lawoë angkuëng'E, "Kereu Mawu
Ruata e mëparenta ute kakakoæ
kai mësulungu papinintu kerei:
Pia sëngkatau mëlahënsinuang
nangasi u wine mapia su waele.
²⁵ Su sëhëbi pia i sire kapahun-
tikie këbi, sëdye rimënta nana-
wuhu wineng ëhe" su taloarang
r ëhe = dëmpugë

gandum ene, mase nënggeang.
²⁶ Saraeng manga gandum ene ti-
muwoë ringangu manga wuræ
nëmpësongkangke, kuteu manga
ëhe kinasiloë lai. ²⁷ Kuteu manga
ëllange nëmpësongoë su anun
taghuang u waelë e ringang-
u nëmpëbera, 'I tuang baline-
we mëšësuangu wine mapia su
wael'i Tuang? Ku kai kereapa
tangu sarang kawë pia ëhe timu-
wo sene?' ²⁸ Taghuangu waelë e
simimbang u, 'Ene e kai nika-
koä u sëdu.' Mase manga ëllange
nëmpëberæ kapia, 'I tuang ma-
pulu kereu manga ëhe ene ta-
mai ëbukang i kami?' ²⁹ 'Balæ,
angkuëng'E, 'U kamagengu ëhe
e kawë ëbukang ute mëntëhang

gandum kawe lai maëbu dingang.
³⁰ Balæ apatuwo sengkakatuwo sarang pamamënsæ. Iạ e hëdowen mëbera su taumata apan mëmamënsau: Komolëko kalamo-na manga ëhe e, iki kụ tutung. Masene pëmpangomolë gandum kụ deso su ralungu wasung.”

Papinintu maanun batun sawi e

(Mrk 4:30-32; Luk 13:18-19)

³¹ Mawu Yesus nëbëkeng lai papinintu sëmbau su taumata lawo, angkuëng'E, "Kawasan Duata e, kakakoæ kai kere papinintu: Bakị u sasawi sëmbau nialau sengkatau, kụ nisuang su waele. ³² Bakị u sasawi ene kai kakadodokangu këbị bine. Kai kamageng seng tumuwo e ute i sie makoạ kasariaëngu patiku sasuang. I sie makoạ kakaluang gaghuwạ hakiewen pëbëbaesangu manụ u kinoaëng su manga lèlange.”

Papinintu maanung lahaesë

(Luk. 13:20-21)

³³ Mawu Yesus nëbëken lai papinintu walıæ sëmbau su taumata lawo, "Kawasa Mawu e kai kere kakakoạ lahaesë niala u sengkatau wawine, kụ nikaugë

nipëdalau u tapoëng epa puo su literë sarang nasue timuwo!”

Unu Mawu Yesus mëpëpapinintu

(Mrk. 4:33-34)

³⁴ Këbie nitëntiro Mawu Yesus su taumata lawoë ringangu papinintu. ³⁵ Ualingu ene nasëhụe apang kụ nitëbalu nabi u.

”Iạ e sarung mëpapinintu kereu mahumbisaran sire; Iạ e sarung mëlahaụ kalawo apam mapapënnisë dokeng bou karariadin dunia ini.”

Mawu Yesus manualagu papinintu maanun ëhe sutaloarang gandum

³⁶ Bou e Mawu Yesus nëngge-angken taumata lawoë, mase rimangeng su wale. Manga muritë e himaungke kụ nëmpëberau, "Kënangko i Tuang pënuagë si kami mangalem papinintun ëhe su taloarang gandum e.”

³⁷ Mawu Yesus simimbang, "Mënanawuhë bine kụ mapia e ute kai Ahus'u Taumata. ³⁸ Baelë ene ute kai runia ini. Bine e mapia ene kai taumata apan seng nariadi kawanuan Duata

e. Manga ěhe e ute kai apan taumata kŭ manumbĕka setang. ³⁹Sĕdu kŭ mĕsĕsuangu manga ěhe ene ute kai setang. Tempom pĕmamĕnsaĕ ute kai Ęllong Kiamatĕ, dingangu taumata apan mamĕnsaĕ ute kai manga malĕkatĕ. ⁴⁰Kerĕwe ěhe e niĕkako moĭĕ dingangu niĕtatutung su putung, kerene lai sarung su Ęllong Kiamatĕ e. ⁴¹Ahus'u Taumata e sarung dumolohu manga malĕkatĕ mĕmpangomoĭu apam makawodai taumata mĕbaradosa, ringangu kaĭawou taumata apam mĕmpĕkĕkoĕ daĭakie wou taĭaran umat'E. ⁴²I sire kĕbie sarung iwahung su raĭungu sunggilĕ piĕ putunge ruĕdĕlli; Kŭ sene i sire sarung piĕ parahung kang dingangu mĕtatahangu sigĕsa. ⁴³Kŭ i sai mĕmpĕkĕkoĕ kapulun Mawu e sarung susĕnnang kerematangĕllo su Wanuan Duata Wuhu e, Ruataĕ i Amang i sire. Kŭ kereu piĕ tuĭi ute pĕdarinhĕko!"

Papinintung arĕta maĭaambung

⁴⁴"Kamagengu Mawu Ruata mĕparenta kakakoĕ kai kere papinintu ini: kai piĕ arĕta kŭ maĭaambung su raĭungu ĕntana kŭ nikaĕbakengu sĕngkataue, ma-

se niĕbing kapia su raĭungu ĕntana. Tangu kahiaĕn daĭuase tau ene nĕbaĭuen patiku darotonge, mase saŭ nĕsuĭe kŭ namĕlli ĕntana ene."

Papinintu maĕanun mutiara mahole

⁴⁵"Kamagengu Mawu Ruata mĕparenta kakakoĕ kai kere papinintu ini: U kai piĕ sĕngkatau tahapĕdagang mĕĕĕdea mutiara maraĭĕgadĕ. ⁴⁶Kuteu saraĕng i sie nakahombangke mutiara sĕmbau kŭ tawe sihinge kaĭnggihĕ, tangu i sie ringangu tamai nĕbaĭu u kĕbi darotonge, bou e namĕlli mutiara sĕmbau ene."

Papinintu maĕanun soma

⁴⁷"Kamagengu Mawu Ruata mĕparenta kakakoĕ kai nisihing su soma nipĕllo su rano, kŭ nakaliwung kaĭawou haghing kinā. ⁴⁸Saraĕng soma e napeneĕng kinā, ute niwoĭeng sarang duĭunge kahian mĕnanoma. Bou e i sire nahungkaiang nĕmpamile kinā. Apang mapapia e nitaĕho su manga luweng kinā, arawe apan daralakisĕ e ute nirĕmme i sire. ⁴⁹Kerene lai su Ęllong Kiamatĕ, manga malĕkatĕ e sarung mapĕdaĭahaĕn taumata apan daĭai bou taumata apam

mëkëkoḗ kapulun Duata. ⁵⁰ Bḡu ene taumata apan daḷaḷe sarung iwahung su putung u rapuhang. Sene tangu i sire sarung mahulungkang dingangu masigësa.”

Apaliwḡ buhu ringangu apaliwḡ tēbe

⁵¹ ”Kḡ i kamene nakaēnna-we këbi tamai ene?” kakiwalong Yesus.

”Nakaēnna Tuang!” sasimbang i sire.

⁵² Mase Mawu Yesus nēhengetang, ”Kai ene hakḡu apam mëmpanëntiro agama kḡ seng nakoḗ kawanuan Duata e, kai mësulungu sengkatau taghuangu wale kḡ nangukahë apaliwḡ buhu ringangu tēbe wḡu pëndaresoënge.”

Mawu Yesus pinëbinsi su Nazaret

(Mrk. 6:1-6, Luk. 4:16-30)

⁵³ Ene, saraeng nasueeng bëkene si Yesus kaḷawḡu papinintu tamai ene, i Sie nēnggeangke wḡu ene, ⁵⁴ bḡu e nēsule soḷong banuane. Pajse tangu i Sie simuë e nanëntiro su kanisa, ringangu su taumata apan dḡdaringihë si Sie sene mëngkai ruḷalinau. Ungkuëng i sire u, ”Kai wḡu

apa i Sie ini nakahombang kapande kerene? Dingangu kai wḡu apa wue i Sie nakahombang kawasa makapëkoḗ haḷë makadaḷinau? ⁵⁵ Kara kai anaḡu basë u kalu i Sie? Kara kai i ninange i Maria; ringangu manga anaḡu sengkataune i Yakobus, i Yusuf, i Simon, dingang i Yudas? ⁵⁶ Dingangu kara kawe mëtëtana sini lai manga wawinene? Kai wḡu apa i Sie nakahombang këbi ene?” ⁵⁷ Tangu i sire tawe mënarima i Yesus. Bḡu ene i Yesus nēhengetang si sire u, ”Sengkatau nabi e lëdateng balawe su tampa sude, tabeau katewe su wanuane hala arau su walene hala e.” ⁵⁸ Tangu Mawu Yesus e tawe nëkoḗ haḷë makadaḷinau natimu sene, watuu i sire tawe mëmpangimang.

Papateng Yohanes Mananahani

(Mrk 6:14-29; Luk. 9:7-9)

14 Su tempo ene i Herodes datung Galilea e nakaringihë teleng u maanun Mawu Yesus. ² Kḡ i Herodes e nëberaë su manga ëllange, ”Nalahë u ini mang i Yohanes Mananahani e nëbangung bḡu taḷoaran tauma-

ta nate! Ku kai ene hakiu i Sie makapëkoā halë makadalinau.”

³Batuu kalāmonang ene i Herodes kai seng bōu nakisame i Yohanes mase nipakihapusë bōu e nipakitahungku. I Herodes nëkoā kerene kai ualingu kaka-koā i Herodias, kawingu tuarine sēsane i Filipus. ⁴U naung i Yohanes kai wōu nëbera kere ini si Herodes, ”Kumbahang i kau mëkawing dingang i Herodias!” ⁵Kuteu naung kapulung Herodes e kai mëmate si Yohanes, kaiso i sie maṭaku u taumata lawōe, baug’u taumata lawōe mangiraṅingu i Yohanes e kai nabi.

⁶Su tempōeng i Herodes mēsēsaliwangkeng ëllong kinariadiange, ana i Herodias mahuala e nēsalaṅi su tēngong lawō. Pēsasaṅaine mēngkate makaṅluasë naung i Herodes, ⁷hakiu i Herodes nëkëdo si sie ringangu kaṣalune balāewe apan dorongange, sarung onggotang si sie.

⁸Ualingu niwurungangken ninange ute mahuala ene nëbera, ”Ia mëdorong tēmbō i Yohanes Mananahani e onggō si siā orasë ini e lai ku taho su baki!”

⁹Nakaringihë dorong ene, i Herodes e mēngkate nasusa-susa naunge. Kai ualingu i sie seng

nēsalu su tēngong kalawōu sake-ne, i sie nëparenta tadeau rongu mahuala ene pakituhuke. ¹⁰I sie rimoloh’u taumata apaka-koā sarang tahungkue mëdeau iapamoto tēmbō i Yohanes. ¹¹Bōu e tēmbō i Yohanes e nisuë maṭataṅdeng su wowom baki ku nionggō su mahuala ene. Mase mahuala ene nanëpase lai sarang anun ninange. ¹²Bōu ene manga murit’i Yohanes e nahundëntae nēmpëngaṅa bāḍang i Yohanes ku niḍalëbing. Bōu e i sire nahundëntae nēmpëhabar’u ene si Yesus.

Mawu Yesus napakaëngu
ṅima hiwu sukataune
(Mrk. 6:30-44, Luk. 9:10-17)
(Yoh. 6:1-14)

¹³Pia i Yesus nakaringihë habarë e, i Sie simake sakaeng sēsane ku nangaling bōu ene nētēngkahae. Kuteu halë ene kinaringihen taumata ute, i sire nēmpañtangkeng manga soan sire ku timolë si Yesus, nahulëngang. ¹⁴Ene Mawu Yesus natumpæ wōu sakaeng ku nakasilo taumata lawōe, i Sie timalëntuēn sire. Mase i Sie napakapiāen taumata masasakie su taḷoaran sire.

¹⁵ Sëngkawawëllone, manga murit'i Yesus e himaungke ku nëmpëbera si Sie, "Ëndaung seng bawëllo kuteu tampa ini e maghea. Mapiawe i Tuang pëndolohen sire ini aparaleng, tadeau makapamëlliwe kaëng su manga apang kampong."

¹⁶ "Ta waha_luas_u i sire taimai," unguëng i Yesus, "i kame_ne e pakaëng i sire."

¹⁷ "I kami e këtawen managhuang borotë limambau dingangu kin_a duambua!" Ungkuëngu manga murit'i Yesus e.

¹⁸ "Ëntude ramahi," unguëng i Yesus. ¹⁹ B_ou ene i Sie napakaiangu taumata law_oe su rëmpuagë. B_ou e i Sie nanga_lae borotë limambau dingangu kin_a duambua, mase rimalingara solong langi, dingangu nakitarimakas_e su Mawu Rua_a. B_ou ene i Sie nangangompeng borotë e ringangu limane ku nëgëllie su manga murit'E pakibalawuhë su taumata law_oe. ²⁰ I sire këbje nahungkaëngke sarang nëngkal_aedë. B_ou e manga murit'E nëmpangomolë lëmbeng kaënge, mapulo dua su luwene napene. ²¹ Apan nëmpëkaëng su tempo ene ute mangawe lima hiwu sukataune, ta narekeng manga wawine ringangu manga rario.

Mawu Yesus d_udaleng su wowong ak_e

(Mrk. 6:45-52, Yoh 6:16-21)

²² B_ou e Mawu Yesus dimoloh'u manga murit'E nipësa_kaeng ku pinëngalamona si Sie rumaki sarang sëmbëkan dano, tëntal_ang i Sie reng mëdëndoloh'u taumata law_o iapakapul_e e. ²³ Saraeng taumata law_oe napul_e, Mawu Yesus simak_ae su wul_ude, i Sie sësane nëkal_iomaneng. Ene nahëbje, kai Mawu Yesus e mang bëdang sene. ²⁴ Kut_eu sakaeng nisakeëngu manga murit'i Yesus e, seng su loang u rano. Sakaenge mangkewen ipëdëdareh'u wëlladë e, u anginge kai ipëšësomah'u sakaeng. ²⁵ Su wëll_a u pukul_e tatëllu ringangu pukul_e ënung malukadë, Mawu Yesus himaung si sire, r_udalengke su wowon ak_e e. ²⁶ Saraeng manga muritë nakasilo si Sie r_udaleng su wowong ak_e tangu i sire mëngkate apa himëkosë. "Himukudë!" kaka_ia i sire nëngkataku.

²⁷ Arawe Mawu Yesus e mëngkatewe ligha simimbahë si sire u, "Pakalenehëko! I_a e kai i Yesus, abe kataku!"

²⁸ Mase i Petrus e nëberae, "Kereu Mawu e kaw_e i Yesus, ute

aparalengko ia e solong anun'U su wowong ake."

²⁹ "Dentaë," unguëng i Yesus. Ku i Petrus timumpae wou sakaeng, kadalenge su wowong ake e ku makoā solong anung Yesus. ³⁰ Kuteu pia e i Petrus nakasilou kawe kaihae anging su rano e, tangu natakue i sie ringangu nanetaë kakabuluse. "Mawu ambangeko!" kakiaë.

³¹ Ene i Yesus mēngkatewe ligha nanguluh'u liman'E ku nēhēgo si sie, ringangu nēhenge-tang, "Petrus, Petrus, i kau e mēngkai wēdang gūgoëu Ia?"

³² Mase i rēdua e simake e su sakaenge, ku anginge lai nalēdaë. ³³ Tangu manga murid'i Yesus apan su sakaenge nasihaung-ke ku nēmpēsuba si Sie. I sire nēmpēberau, "Mamben tēngadē u. Mawu e kai Ahus'u Ruata!"

Mawu Yesus napakapian taumata masasaki su Genesaret

(Mrk. 6:53-56)

³⁴ Ene pia e i sire narakie su sēmbēkan dano, i sire timumpae su Genesaret. ³⁵ Kuteu saraeng taumata sene nakasilo u kai i Yesus dimēntaë, tangu i sire mēngkatewe napēka-

kekeng habarē ene su kaguwau wanua māngēliku soa ene. Mase kakēpalewem masasaki e niēntu-den sire su anung Yesus. ³⁶ Ku i sire nēmpēdorong si Sie tadeau wotongke manenggehē lakue, manjeng kētaeng humbun'E. Ku kēbi apan nanenggehē e napiāe.

Tundung iupung gaghurang

(Mrk. 7:1-13)

15 Tau Farisi sēngkomolang dingangu mananēntiro agama pira-pira wou Yerusalem nahundēnta solong anung Yesus. I sire nēmpēkiwalō si Sie, ² "Unue manga murid'U kawe lūlampapa tundung iupung gaghurang i kite? Mageng mahungkaēng, i sire kawe tawe mēmpanguhasē liman sire kalāmona kere su atorāng!"

³ Mawu Yesus ute simimbangke si sire unguëng, "Ku kawe unue i kamene mālaing lūlampa parentang Duata ualingu pamamewe tundung iupung gaghurang i kamene? ⁴ U Mawu Ruata kai nēhengetang, 'Pangadatē si amangu ringangu si ninangu, ku i sai mangane si amang dingangu si ninange ute hinong pateēng.' ⁵ Arawe unguëng i kamene ute, māeng u pia

u mēbera su gaghurange, 'Apæ angkeēng taku ighēlli si amangku ringangu si ninangku, seng taku nisasēmba su Ruata,' ⁶tangu tau ene seng tawe wahaluas'u mēngadatē gaghurange. Ku, ualingken tundung iupung gaghurang i kamene, ute i kamene kawe mēmēmalang hengetang'u Mawu Ruata. ⁷I kamene kai tau mēlle! Nihino-hino apan nitēbalu nabi Yesaya mañanung kamene, u,

⁸ 'Kai kereini unguēngu

Mawu:

Umatē ini e kai mēmpangadat'u wiwih'i sire si Sia, arawe naung i sire ute maraung Ia.

⁹ Tawē gunane i sire mēmpangadatē Sia, batuu i sire kai mañentirong atorangu taumata isēsihing i sire su atoranku.'"

Kalawou apam makalamuhu taumata

(*Mrk. 7:14-23*)

¹⁰Tangu Mawu Yesus kimuje taumata lawoe ku nēhengetang si sire, "Pēmpēdaringihēko mēdeau makaēnna! ¹¹Apan seng nawoko su mohonge tawe makakala-

muhu taumata; tumbaeng apang malua wou mohonge, ute kai ene makakalamuhu si sie."

¹²Mase manga murit'i Yesus nahundēnta ku nēmpēbera si Sie, "Masingka bue i Tuang u i sire tau Farisi e kawe nimēnggau nakaringihē hengetang i Tuang kawe kerene?"

¹³Mawu Yesus simimbang, "Apæwen sasuang ku baline nisuang i Amangku su Sorga e, kai ēbukang. ¹⁴Manieng ai sēmpike i sire tau Farisi ene. I sire kai mēngangaha buta; ku kereu kawe wuta mēngaha buta ute i rēdua mēngkawunsaļē sēngkawunsaļē su raļungu songe."

¹⁵Ene i Petrus nēberæ si Sie, "Tulungko i Tuang pēlaheu papiintu ene si kami."

¹⁶Kuteu Mawu Yesus simimbang si sire, "Kai ta nakaēnna i kamene? ¹⁷Kai wēga i kamene, u apam masuē su mohonge kawe sumuē su tiang, ku bou e sumēbang kapia? ¹⁸Arawe apan susēbang bou mohong, ute kai mēbēbuā bou naung; ku kai ene makadiadi taumata malamuhu. ¹⁹U kai wou raļungu naunge pēbēbuakengu tinēnna raralakie, makauali taumata mēma-

te, mawuang, mēsundaļē, mēta-ko, mēsahiding konti, ringangu mēhodatē. ²⁰ Kakakoḡa tamai ene makauali taumata maļamuhḡ, kai waļineḡbe kumaēng u ļima ta niuhasē.”

Pēngangimangu sēngkatau wawineng Kanaan

(Mrk. 7:24-30)

²¹ Bḡu e Mawu Yesus di- maļengke nanēntangu tampa ene soļong banua maraning soan Ti-rus dingangu Sidon. ²² Ene piḡ e sēngkatau wawineng Kanaan bḡu wanua ene, luḡhaung si Yesus kapēkēkuine, ”Ahus’i Daud, taļēntukong ia! Anaḡu wawine e kai niwaļiuangu rohkē daļaki ku tangu kakakoḡe marasai.”

²³ Mawu Yesus e mēngkate tawē kēndiḡ. Tangu manga murit’E nēmpēhaungke si Sie ku nēmpēdorong, ”Tuang, dolohēko apēngensoḡ bawine ēndaḡe pa-karau. I sie mēngkate kētaeng mēgēgaḡe su likud’i kite!”

²⁴ Mawu Yesus simimbang, ”Iḡ e nirolohē samatang baug’u kawanuang Israel e, tumange si sire apan nēngkapaliḡdē.”

²⁵ Tau wawine ene himaungke ku nēsuba si Yesus kapēberane, ”Tuļungko ia, Mawu!”

²⁶ Kai i Yesus simimbang, ”Tawe hinone mēngalaḡ kaēng u paļahanaḡ ku iteledē su manga asu.”

²⁷ ”Kerene wue, Mawu,” ungu-kuēngu wawine ene, ”arawe asu e maļaing kuḡkaēng manga popahē apan mēngkaḡhondosē bḡu medan mawune.”

²⁸ Mase Mawu Yesus nēhe-ngetangke si sie, ”Ei wawine, mambeng masaria pēngangi-mangu e! Kariadiḡe apan dēdo-rongangu e!” Tangu wḡuten o-rasē ene anaḡe napiḡe.

Mawu Yesus napakapian masasakḡ lawḡ

²⁹ Ene Mawu Yesus nanēn-tangken tampa ene, ku simēlē⁶ e wiwih’u ranong Galilea e. Bḡu e i Sie simaka su wēntihe ku naiang sene. ³⁰ Maļawḡ tauma-ta nahundēnta su anun’E nēmpangēntud’u tau kempaļē, buta, peosē, mou ringangkewelain ma-sasakḡ baļine. I sire nēmpanon-dang masasakḡ ene su tēngong Yesus, ku i Sie napakapian si-re ene. ³¹ Taumata ļawḡ apan ene sene mēngkate apa mēngkaḡherang, makasiloḡe apang mou makawera, kempaļē nēngkapia,

⁶ mangumbiwi = menyusur

peosë makadaleng, dingangu wu-
ta makasilo. Ku i sire mēngkate
mēmpēdēdalo Mawu Ruatang Is-
rael.

Mawu Yesus napakaēng u
ēpa u hiwu sukataune

(Mrk. 8:1-10)

³²Ene Mawu Yesus kimuie
manga murit'E mase nēhenge-
tang, "Ia e tūtalēntu u taumata
lawo ini. Seng tēllu ēllo karēngue
i sire mēngkai ringanku kuteu
i sire seng ta u kanengang. Ia
mađiri wue i sire mēngkapule di-
ngangu tiang ta lohone, kibasi'u i
sire mapinsang su raleng."

³³Mase manga murit'i Yesus
nakiwaloe si Sie, "Kai makaeba
kaēng bou apa i kite su wa-
nua maghea ini waug'u taumata
kalawoe ini?"

³⁴"Pirambau borote si kame-
ne? Mawu Yesus nakiwaloe si si-
re."

"Pitumbau dingangu kinā
darodo pirambua."

³⁵Tangu Mawu Yesus nango-
roe taumata lawoe niapahung-
kaiang su entana. ³⁶Mase i Sie
nangalae borote pitumbau di-
ngangu kināe ku bou e naki-
tarimakase su Mawu. Bou ene
pinēkakakempangete borote di-

ngangu kināe ringangu liman'E,
mase tinēgone e su manga mu-
rit'E. Ku i sire nēmpamahiae su
taumata lawo ene. ³⁷Ku i sire
nahungkaēng kēbi sarang nēngka-
laedē. Bou ene i sire nēmpēngo-
mole manga lembeng kaēnge.
Kēbi kalawoe pitung kēmbuahē
napene. ³⁸Kalawou manga ese
apan nahungkaēng su orasē ene
tangu nangun ēpa u hiwu sukatau-
ne, tawē nadekeng manga wawine
ringangu manga rario e.

³⁹Bou e Mawu Yesus nēndo-
loh'u taumata lawoe pinakapule.
I Sie simake e su sakaenge, ku
nawunau wanua Magadan.

Tau Farisi e mēgēgausu i
Yesus apēkēkoā tanda
makalaherang

(Mrk. 8:11-13; Luk. 12:54-56)

16 Piako tau Farisi ri-
ngangu Saduki pirangka-
tau nahundenta su anung Yesus
mēhēbagē si Sie. I sire nēmpēdo-
rong u i Sie apēkēkoako tanda
makalaherang panahuntēngad'u
rarēntan'E kai wou anun Duata.
²Mawu Yesus simimbang, ["Ka-
magengu matangello e kasēdāe,
i kamene maui u, 'Wanua e
mapia, u langie kawe mahamu.'
³Dingangu malukade wue ute, i

kamene nēbera u, 'Sahēllo ini e rumasehē, u langie kawe mahamu dingangu malēlubē.' Ho, i kamene masingkabe mēpatehē wana ringangu makasilowe kakoau langie, arawe tatialan tempo e kawe tawe ikatighad'i kamene!"]⁴ Kai apae karalaḡ dingangu kawawalētohē taumatang orasē ini. I kamene mēgēgaus'u la e apēkēkoḡ tanda makalaherang. I kamene tawe panodekangu tanda makalaherange sarang sēmbau tabeḡu katewe tanda makalaherang boḡ nabi Yunus." Saraeng boḡ nēhengetang kerene, i Yesus e nanēntangken sire, mase rimaleng.

**Ragin⁴ tau Farisi ringangu
tau Saduki**
(Mrk. 8:14-21)

⁵ Pia e manga murit'i Yesus nahumpaen sēmbēkan dano e, wuhue kinasingkateng i sire u i sire kawe niwulē nēbawa borotē.
⁶ I Yesus nēhengetangke si sire, "Pakata-teghang bue su ragin tau Farisi ringangu tau Yahudi e."

⁷ Nakaringihe manga wawera Mawu Yesus e, manga murit'E

nanētāe nēmpahumbisara sēmbau su waline. "I Sie nēbera kerene e kai puhinengu i kiteḡ tawe nēmpēbawa borotē e."

⁸ Mawu Yesus e masingka u apang ipahumbisaran sire. Ku i Sie nēhengetang, "Unue i kamene mēmpahumbisaran tawē borotē niwawang kamene? I kamene kadodo pangangimang e! ⁹ Kai wēdang ta nakaēnna i kamene ngae? Kai ta nakatahēndung i kamene borotē ḡimambau taku pinēpapahia baugu ḡima hiwu sukataune? Pirang luwe lēmbeng kaēng nikakomol'i kamene? ¹⁰ Ku kereapa wue borotē pitu ene waugu ēpa u hiwu sukataune? Piran luwe lēmbeng kaēng nikakomol'i kamene. ¹¹ Kawe nakoḡ kereapa ho i kamene mang ta makalaēnna, u la, tawe malaa-num borotē si kamene? Pakata-teghang bue su wawitaugu tau Farisi ringangu Saduki!"

¹² Kasueēnge manga murit'i Yesus e nakaēnnae u Mawu Yesus maḡliu pakata-teghang e waline-we apētētiho u ragi kakaugē borotē e, kaiso kawe apētētēghangu manga tēntirong tau Farisi ringangu Saduki.

⁴ Lahaesē

16:4: Mat 12:39, Luk. 11:29 16:6: Luk. 12:1 16:9: Mat. 14:17-21
16:10: Mat 15:34-38

**Laakum Petrus mañanu
Mawu Yesus**

(Mrk 8:27-30, Luk 9:18-21)

13 Mawu Yesus nakoæ sarang banua maraning soang Kaisarea Filipi. Sene i Sie kai nakiwalo su manga murit'E, "Ungkuëng u taumata e, kai i sai Ahus'u Tau-mata e uade?"

14 Manga murit'E nauļi u, "Angkuëngu sëngga i Yohanes Mananahani, sënggaë wue maļi u i Elia. I sirewe lai waline ute maļi u i Yeremia, arau sëngka-tau wou taļoaran manga nabi."

15 "Arawe su tinënnan kame-ne hala, i sai wue tangu Ia e?" angkuëng i Yesus si sire.

16 Ene i Petrus simimbangu, "I Tuang kai Ratu Mananala-matë, Ahus'u Ruata Ku Biahë."

17 "Kariangkamang i kau, Si-mon ana i Yona!" unguëng i Yesus, "U walineuwe taumata nëlahëu ene si kamene, kaiso kai i AmangKu su Sorga. **18** Uaļingu ene tangu kasingkako, i kau e kai i Petrus, batu hanibë, ku su wo-wom batu sasukunang ini e taku pamëtikang u gahedaKu; ku ta-we ikawata maning lai papate! **19** Ia e sarung mëgëlli u kakunsi

u Runian Duata Wuhu e si kau. Ku apaewen isësëdingu su dunia e maļaing isësëdingu su sorga. Dingangu apaewen nëtataļahino angkuëngu su dunia e, ute nëta-taļahino lai su sorga."

20 Bou e Mawu Yesus mësë-sëdingu manga murit'E tadeau i sire kumbahang maļi si sai-sai u i Sie kawë Ratu Mananala-matë.

**Mawu Yesus mëbëbisaran
sigësae ringangu
kapapohong'E**

(Mrk 8:31-9:1; Luk. 9:22-27)

21 Nanëta bou tempo ene Ma-wu Yesus nauļi maļahë su manga murit'E, u i Sie hinong soļong Yerusalem ku mëtatahangu sun-sara ļawo bou manga tëmbo-nange, manga imang tëmbonange dingangu manga mananëntirong agama. I Sie sarung pateëng, kaiso su katëllu ëllone i Sie sarung iapëbangung kapia.

22 Kutëu i Petrus kai namoļeng si Yesus soļong sëndi-hange ringangu nëbera si Sie, unguënge, "Karimako Mawu Ruata e mapakaraung ene Mawu! Kumbahang bue haļë ene hu-mombang si Kau Mawu!"

23 Ene Mawu Yesus nēbihūe mase nēbera si Petrus, "Pameho e i kau wou ini setang! I kau e kai manahaghe si Sia. Tinēnnanue^u kai tinēnnan taumata; baḷi-newe tinēnnan Duata!"

24 Bōu e Mawu Yesus nēhengetangke su manga murit'E, "I sai mapulu tumole si Sia, ute harusē mētambuleng batangenge sēsane, ku pamasāeng kuruisse ku mēngkatewe tole si Sia e. **25** U i sai mapulu mētahuntēnda u pēbawiahe, ute sarung kailangengu pēbawiahe. Arawe i sai manarakangu pēbawiahe waug'u Ia e, ute sarung makahombang ene. **26** Kai apaē untune su pēsengkatau, kereu kaḡuwau dunia ini makoḡ tataghuanenge arawe i sie kailangengu pēbawiahē e? Botonge pēbawiahē e kasaliuangu apa-apa?"

27 Selain tawē karēngue Ahus'u Taumata mahundingangu manga malāekatē e sarung dumēnta ringangu kawang Amange. Su tempo ene i Sie sarung mamalisē su sengkatau-sengkatau tuḡewe kakanoḡe. **28** Kasingkako! U wou taḡorang kamene ēndaḡe piḡ u ta nakasi-

lo Ahus'u Taumata rumēnta kere sengkatau Ratu."

Mawu Yesus mapakawantugē

(Mrk. 9:2-13; Luk. 9:28-36)

17 Ēnnungu ēllo samurim Mawu Yesus namaringang si Petrus dēduang Yakobus dingangu tuarine i Yohanes, nēmpēnētani soḡong buḡudē marangē sēmbau. **2** Su kēllaēng i sire, Mawu Yesus kai nēbaḷui ghahie: Gatin'E susēnnang kere matangēllo ringangu pakeange kuḡerong mawira. **3** Mase i sire tēllu manga murit'E nakasilo si Musa rēduan Elia maḡumbisara ringangu Mawu Yesus. **4** Mase i Petrus nēbera su Mawu Yesus, "Mawu, kai kapaelē pēndange i kite su tampa ini. Kereu Mawu maḡuasē ute ia e reng mamēti selo tatēllu sini, sēmbau baugu Mawu, sēmbau baug'i Musa, ringangu sēmbauewe lai e waug'i Elia."

5 Kuteu i Petrus deng kapēbēberane, tangu winawa matualatualagē e natimbuhungke si sire ku bōu raḡungu winawa ene kinaringihe tingihē mēbēbera, "I-

^u Tingirangu = pikiranmu

16:24: Mat. 10:38, Luk. 14:27 **16:25:** Mat. 10:39, Luk. 17:33, Yoh. 12:25

16:27: Mat. 25:31, Mzm. 62:13, Rm 2 6 **17:1-5:** 2Ptr. 1:17-18

ni e kai AhusëKu ikëkëndagë. I Sie kai makaḷahimpulu naungku e. Daringihe i Sie!”

⁶Lëpase manga murid'i Yesus himaung nakaringihe tingihë ene, i sire mëngkatewe apa nëngkatakū hakīu nëngkasumagë su ëntana. ⁷Arawe Mawu Yesus himaung kū nanenggehë si sire, "Pëbangungke," angkuëng'E, "abe këngkatakū!" ⁸Sarəeng i sire nëmpamandə, i sire tawe nakasilo si sai-sai tumbəben Mawu Yesus sësane.

⁹Piə e i sire kapahundësunge wou wuludë ene, Mawu Yesus kai mëgëgëlliū ingate^v si sire, "Abe pëmpëhabarë si sai-sai apang kinasilong kamene buhu-wuhu, tëntaləng Ahus'u Taumata e reng tawe niapëbangung bou papatene."

¹⁰Manga murid'i Yesus nakiwaləe si Sie, "Kawe unuə mananëntirong agama e nëmpëbera u i Elia kai harusë dumënta kaḷamona?"

¹¹Mawu Yesus simimbang, "Mambeng kahëngang i Elia rimënta kū i sire sarung mënguli këbi. ¹²Kai Iə e mauli si kamene, i Elia seng dimënta, arawe tau-

mata e tawe nakakiraḷa si sie, kaiso i sire nëmpëkoə si sie waḷəewe kapulun sire. Kū kerene lai i sire sarung mëmpëkoə Ahus'u Taumata."

¹³Mase manga murid'E nakaënnəe u i Yesus mëbëbisaraməanung Yohanes Mananahani.

Mawu Yesus napakapian dariə nikasuë kangu rohkë dalai

(Mrk. 9:14-29; Luk. 9:37-43a)

¹⁴Piə i Yesus dingang'i sire tëllu murid'E nëbaḷi soḷong anun taumata ḷawə ene, piə sëngkatau esə himaung, kū nëtumpëkuhë su tëngong Yesus, ¹⁵ringangu nëbera, "Tuang, taḷëntukong anaku. I sie kai nitanggaëngu saki u wawi. Tatanggung saki u wawi e mëngkate apa makasunsara, hakīu i sire seng tawə paḷe e mawunsaḷe su putung arau su akë. ¹⁶Iə seng bou nangëntud'i sie su manga murid'i Tuang, kai i sire tawe nakapia si sie."

¹⁷Mawu Yesus simimbang, "Baḷinewe maḷongko^w i kamene ini! I kamene mangkewen taumata luḷawang dingangu ta-

^v məmatasë ^w kaḷoa = bukan main

17:5: Pë nd. 22:2, Mzm. 2:7, Yes. 42:1, Mat. 3:17, 12:18, Mrk. 1:11, Luk. 3:22, Pang. 18:15 17:10: Mal. 4:5 17:12: Mat. 11:14

we mēmpangangimang. Delaing kadēngue la mētana dingang'i kamene ringangu mētingkēdang ualing'i kamene? Mahie tonda rariō ene!" ¹⁸Mase Mawu Yesus e namaḷēndihē rohkē dalakī su raḷungu rariō ene niapasēbang. Tangu rohkē dalakī e simēbangke, ku dariō ene nuḷe e lai orasē ene.

¹⁹Bou e manga murid'i Yesus nēmpēhaungke si Sie pēsēngkatau ku makībalō si Sie, "Tuang unūe i kami tawe makatokolē rohkē dalakī ene?"

²⁰Mawu Yesus simimbang, "Suwū u i kamene kadodo pangangimang e. Tahēndungeko! Kamageng i kamene piabe pangangimang i kamene kadiongeng kere kaḡuwau wakī u sawi, ute i kamene makapēbera su wuḷudē ini, u, 'Pangalingko sarang pai!' mambeng tēngadē buḷudē ini sarung maaling. Taweu ta ikakoā kamene! [²¹Kai rohkē dalakī kere ini e kētaeng botonge ikatokolu kakaliomaneng dingangu pētatatēlling samatang.]"

Mawu Yesus nēsauewe nēbi-saran haḷē u kapapohong'E

(Mrk. 9:30-32; Luk. 9:43b-45)

²²Pia e manga murid'i Yesus mēmpētētampung su Galilea, Mawu Yesus nēhengetang si sire, "Selaing tawē karēngue, Ahus'u Taumata e sarung isarakang su kawasan taumata. ²³I Sie sarung pateēng, kaiso su katēllu ēllone i Sie sarungbe iapēbangung."

Tangu manga murid'E mēngkate nēngkasusa tawē sihinge.

Bawachē pajak'u Waḷem Mawu

²⁴Sarāeng Mawu Yesus dingangu manga murid'E narēntae su Kapernaum, maghaghēlle pajak u Waḷem Mawu e nahundēnta anum Petrus dingangu nakiwaḷo, "Mananētironu e mamaehēbe pajak u waḷem Mawu arau tala?"

²⁵I Petrus simimbang, "Mamaehē!"

Sarāeng i Petrus e napuḷe, Mawu Yesus nakiwaḷo si sie kaḷamona, "Simon, kerea su tinēnna-



Soa su wuwu ranong Cablea (17:22)

nu e? I sai harusě mamaehě bea arau pajakě su těmbonang u dunia ini e? Kawanua arau taumata raghi?"

²⁶ "Tau raghi," angkuěng i Petrus.

"Kamageng kerene," angkuěngu Mawu Yesus, "pamanuane sembeng tawe waha_rluas'u mamaehě ho. ²⁷ Kai kumbahangbe i kite makaněngga pěndang i sire ene. Ku dakęe solong dano pęngeke.² Alako kin_a nikaalau humotonge. Su ralungu mohonge ene tangu, sarung makahombang

doitě ku seng botonge makawahě pajak'i kadua. Alako roitě ene ku baehěko pajak'i kadua baugu Walem Mawu si sire."

I sai ngae kasěllaheng e?

(Mrk. 9:33-37; Luk. 9:46-48)

18 Su tempo ene manga murit'i Yesus himaungke si Sie ku nakiwalo, "I sai ngae lěennaěng kasěllaheng e su talorang kawanuan Duata?"

² Mawu Yesus kimuie sęngkatau rarię kadodo, ku niaparisisi su těngon sire. ³ Mase Mawu

² pěkeng = memancing

18:1: Luk. 22:24

Yesus nēhengetang, "Pangimang-ke! U kētaeng kereu i kamene mēmpēbaŕui ku mēngkakoā kere manga rariō e ute, i kamene makoā kawanuan Duata. ⁴I sai mētēngkasanau watangenge ku mētēngkakoā kere rariō ini, ute i sie kai kasēllaheng e su taŕoarang kawanuan Duata. ⁵Dingangu i sai ku manarima u rariō kere ini e ualingu Ia e, mangalene manarima u Ia."

Halē e makakoā taumata mēdosa

(*Mrk. 9:42-48; Luk. 17:1-2*)

⁶"I sai makabodai sengkatau wou taumata kakadodokange ini e ku seng tawe sau mangimang si Sia e, ute mapiangbe i sie ikitangu watung gilimang su lehe e bou e iwontole su laude maralung. ⁷Kai kaengkēhang bue dunia ini ualingkeng apan makabodai taumata mēmpēdosa. Kahēngang bue kēbi-kēbie mang tēbe ene, kaiso kaengkēhang bue i saing makakoā ene!

⁸Kereu limanu arau laed'u kawe makabaradosa si kau e, ute potoe ku dēmmē e. Mapiangbe i kau mēbēbiahē dingangu Ruata tawē limanu sēmbēka arau lae-

du sēmbēka, kai sulungu i kau irēmme su ralungu putung u naraka ringangu limanu arau laedu ruam bēka. ⁹Ku kereu matanue kawe makadiading kau waradosa, ute lēsae ku hipe e. Mapiangbe i kau mēbēbiahē dingangu Ruata ku tawē matanu sēmbēka, sulungu irēmme su naraka ringangu matanu ruam bēka."

Papinintun Domba nailang

(*Luk. 15:3-7*)

¹⁰"Pakapia wue! Kumbahang mēhinakang su sarang sengkatau wou taumata kakadodokange ini. U pētahēndung, batu manga malækat'i sire sidutu mang ene su tēngong AmangKu su Sorga.

[¹¹U Ahus'u Taumata e kai rimēnta waug'u mēngambang apan nailang!]

¹²Kereapa su tingirangu? Kereu pia u sengkatau pia dombane mahasu, kuteu sēmbaue kawe nailang, kai a koateng e? Nalahēu i sie reng manētangu dombane siom puŕo sio e su wawulurange mase tamai mēdeā sēmbau ku nailange. ¹³Ku kama-gengu sembeng kareakeng domba ene, ute – pangimangke Sia – u

i sie kai sarung nangëlembo lumuasë su sëmbaue wou siom puło sio waline ku tawe nailang. ¹⁴ Kere ne lai i Amangu su Sorga e mađiri pią u sëngkatau wou tau mata apan buhewe mangimang si Sia e miwuhj.”

Kereu anau sëngkataunue nędosa

¹⁵”Kereu anau sëngkataunue nędosa su tęgonu ute, kakoąko sołong anune ku pęlahękon pęsa sałane. Ku koąko ene pakapęnisę ku pianę e i rua hala e masingka. Kereu i sie tumuhj manga waweranue ute, nębarauntu i kau e nakawolęng kapia anau sęngkataunue. ¹⁶ Kai kereu tala e ute, saųko ļai pamaringang sęngkatau arau ruangkatau. U su rałungu Winoę Susi mađawoę, ’Mętęngkahalj rarua arau tęllungkatau sahidi ipęnahuntęgadę sęngkatau kaęnsilangu pęsasala.’

¹⁷ Kereu i sie tawe manarima u sasasan sire ene ute pęhabarękong halę ene su jamaatę. Ku samurine, kereu i sie tawe manarima u sasasang jamaatę ute koąe i sie ałing kai maghaghęlle pajakę dingangu ałing kai sęngkatau węgam Mawu Ruata.”

Apan tawe wotonge ringangu hinone

¹⁸”Kasingkako: Apang isęsęding i kamene su dunia e ute, małaing isęsęding su sorga. Dingangi apan ipahuntęgad’i kamene su dunia e, ute małaing ipahuntęgadę su sorga.

¹⁹ Dingangu kasingkako ļai: Kamageng su tałorang kame ne ini ku pią duangkatau ku męsęngkanaungu apa-apa ringangu mękałiomanengu ene ute, kakalıomaneng ene sarung daringihang i Amangku su Sorga. ²⁰ U suapan pią darua arau tęllungkatau mętętampung ualingu ļa, ute ļa ene su tałoran sire.”

Papinintung ęllang ku tawe męgęllj u ampung

²¹ Bou e i Petrus himaung si Yesus ku nakiwalo, ”Mawu, kereu anau sëmbauku nęmpędosa su tęngoku ute, kai sarang kapiran sułene ia harusę mapęngampung i sie? Sarang pitun sułe ngae?”

²² Mawu Yesus simimbang, ”Tala, bałinewe sarang pitun sułe, kaiso pitum puło pitung kapitun sułene! ²³ U ka-

magengu Ruata e mëparenta, kakakoæ kai kere suralungu papinintu ini: Piāko s̄ngkatau ratu mapulu m̄darekengu utangu manga ëllang e. ²⁴ Piā i sie nan̄tæ n̄darekeng ute, piāko s̄ngkatau ëllang n̄ngutang yutane ku nip̄t̄ngon sie, ²⁵ ku seng tawe nakawaeh̄e. Ku datu e n̄parenta tadeau ëllang ene pakiwālu s̄ngkawālu dingangu anāe ringangu kawinge, ringangkewen patiku darotonge tadeau ip̄maeh̄e utang e. ²⁶ Ëllang ene n̄tump̄kuh̄e su t̄ngon datu e, ku kap̄d̄doronge, 'Tuang, pakanduko wue naungu su ëllangu e. Ëllang h̄dowen m̄maeh̄e utang pakasueng baehe.' ²⁷ Tangu ratu e m̄ngkatewe n̄kakāl̄kad'u tatal̄ent̄u hak̄i i sie niliwir̄e bou kālawou utange.

²⁸ Arakuteu ëllang ene nas̄bangke, i sie n̄sombangkeng hap̄ie, mālaing s̄ngkatau ëllang, ku piā utange manga pira hiwu. I sie m̄ngkatewe n̄h̄ego hap̄ie ene, nik̄l̄ōe kap̄b̄berane, 'Baheko k̄bi utangu e!' ²⁹ Mase hap̄ie ene n̄tump̄kuh̄e su t̄ngone kap̄d̄doronge, 'Pakasabar̄ko wue hap̄i, k̄bi sarungbe taku baehang!' ³⁰ Arawe ëllang ene kai tawe nahimang. Ku ëllange m̄ngkatewe tamai nanūe i sie

su rālungu tahungku saraeweng i sie namaeh̄e utang e. ³¹ Ene manga ëllang bāline e nakasil̄ōe apang seng nariadi, i sire n̄ngkasusa ku n̄habar̄e hal̄e ene su anun datu. ³² Tangu ratu e kimui ëllang dālai ene ku nip̄berāng, 'E ëllang dālai! Kālawou utangu e seng taku nir̄das̄e, s̄matang ual̄ingu i kau e nakitūlung si siā. ³³ Ku i kau e wālinewe lai hinong kum̄endag'u hap̄i e ker̄ewe ia e seng kim̄endag'i kau?' ³⁴ Datu e limangeh̄e mat̄du. Ku ëllang dālai ene n̄sasuē e su rālungu tahungku sarang i sie makawaeh̄e k̄bi utang e."

³⁵ Mawu Yesus nanḡensue w̄kene ringangu wawerane kereini, "Kerene lai i AmangKu su Sorga e sarung map̄koæ i kamene s̄ngkatau-s̄ngkatau, kereu i kamene taw̄e karāluase m̄ḡelli u ampung su manga anāu s̄ngkataunue."

T̄ntiro Mawu Yesus māanum p̄sasindo

(Mrk. 10:1-12)

19 Ene Mawu Yesus nasuēen hengetange k̄bi, i Sie nan̄tanḡkeng Galilea e mase nakoæ sōlong banuang Yudea, su s̄mb̄kan sālu u Yordan. ² Lawo

taumata nēbatu si Sie, ku i Sie napakapian sire sene.

³Mase tau Farisi e nahundēnta mēdeau mētēga si Sie. I sire nakiwaḷo, "Tumuhu torat'u agamang kite e, botonge ngae taumata manindo kawinge walawe mēnsang ualingu a?"

⁴Mawu Yesus simimbang, "Kai ta nakabasa i kamene suralungu Winohe Susi u Mēndariadi taumata e naung bou tētae nēndiadi si rēdua esē dingangu wawine? ⁵Ku bou ene i Sie nēhengetang, 'Kai ene, hakiweng esē e kawe manēntang i ninang dingangu i amange ku mētēngkatakidē dingangu kawinge ku i rēdua nasēmbau.' ⁶Kuteu i rēdua e sembem balinewe rarua, kaiso kawe sēmbau. Ku kai ene, hakiu apang ku seng nikauh'u Ruata a-be pētan taumata."

⁷Mase tau Farisi nēmpēkiwaḷo si Sie, "Kamageng kerene, unue wue i Musa maṅoro taumata apēgēgēlliū surat'u sindo su kawinge ku seng nisindoēng e?"

⁸Mawu Yesus simimbang, "I Musa napakawalang kamene manindo kawing'i kamene ualingu i kamene tumaniū makēti tēntiroēng. Kai tuhu hinone ute kai

walinewe kerene rokeng bou tētae. ⁹Ku pēdaringihēko ini: I sai manindo kawinge – sēmbaliu wawine ene tawe nawuang – bou e saū nēkawing u wawine waline ute, tau ene nawuang."

¹⁰Tangu manga murit'i Yesus nēmpēberae si Sie, "Kamageng kakakoau sēngkawingang kai kerene ute, maṅiangbe ta mēkawing."

¹¹Mawu Yesus simimbang u, "Balinewe kēbi taumata makatarimaū manga wawera ene, kai kētaeng taumata apan seng nitilakeh'u Ruata. ¹²Ualingu kai piā taumata tawe nēkawing, ualingu i sire semben kerene rokeng bou kaluwaeng i ninange. Piābe lai tawe nakapēkawing ualingu pēkakoau taumata waline. Dingangu piābe lai nētatudē tawe nēkawing, mēdeau makapētangkiang Mawu Ruata. I sai makaumaḷē manarima u tēntiro ini ute, walae kere i sie apēnarima."

Mawu Yesus nēngalamatē manga rariō

(*Mrk 10:13-16; Luk. 18:15-17*)

¹³Piāko taumata nēmpēngētudē manga rariō su anung Yesus pakitēllideng ḷiman'E su tēmbō i

sire ringangu makikaliomaneng i sire. Kutęu manga murid'i Yesus kawę nęmpępędu si sire. ¹⁴Tangu Mawu Yesus nęmpębera su manga murid'E, "Balęe manga rarię e rumęnta su anuku! Abe sahaghei, i sire, u kai manga rarię kereini e sarung makoę kawanuan Duata."

¹⁵Mase Mawu Yesus nanęlli-d'u řiman'E su tęmbo u manga rarię ene ku nęngalamatę si sire. Mase i Sie nangensę bou tampa ene.

Tau umbaseng kalę

(*Mrk. 10:17-31; Luk. 18:18-30*)

¹⁶Su sahęllo pię tau esę sęngkatau rimęnta su anung Yesus. "Tuang Guru", angkuęng e, "kakanoę sude mapia hinon taku koateng tadeęu makatarima pębawiahę tutune ringangu kakalę e?"

¹⁷Mawu Yesus simimbang, "Unęe i kau makibalong halę mapapia e si Sia? Kętaeng pię sęmbau mapia. Kereu i kau mapulu mębiahę ute, i kau e harusębe pakatuhę su tita Mawu Ruata."

¹⁸"Tita we sude tangu ene?" angkuęng tau ene.

Mawu Yesus simimbang, "Kumbahang mamate, kumbahang mawuang, kumbahang mętako, kumbahang męsahiding konti, ¹⁹pangadatę si amang ringangu si ninangu ringangu kęndag'u kasanggidangu męsulungu i kau kumęndag'u watangengu e hala."

²⁰"Patiku tita e seng taku nisęmpikang," angkuęng tau umbaseng ene, "Delaing apa wędang?"

²¹Mawu Yesus nęberęe si sie, "Kereu i kau mapulu masuku ute, rakęe pębalu u patiku darotong u, onggoko roite su taumata kasiang, ku i kau sarung makahombang aręta su sorga. Bou ene, ramahi e toęe e si Sia!"

²²Sarang nakaringihe wawera ene, umbaseng ene napulę dingangu naunge masusa^y watu i sie kawę taumata rarotonge lawo.

²³Mase Mawu Yesus nęhengetangke su manga murid'E, "Ię mębera si kamene, apawe mawęha kahęngang tau kalę makoę kawanuan Duata. ²⁴Kapia Ię mauli si kamene; mařowokangbe onta sumuę lohangu tuřing dara-

^y napęndu

19:18: Sas 20 13-16, Pang 5:17-20 19:19: Sas. 20 12, Pang. 5:16, Im. 19:18

hung, suḷungu tau kala sumuē su Runian Duata Wuhu e.”

²⁵ Saraeng manga murit'i Yesus nakaringihē baweran Mawu Yesus e, i sire mēngkai apa rimalinau. ”Kamageng kere-ne,” angkuēng i sire, ”i sai wue masalamatē e ho?”

²⁶ Mawu Yesus nēmandae si sire mase nēberae, ”Su taumata e, ene tawe nasowa su akalē! Arawe su Ruata e, kēbi mēngkai mariadi.”

²⁷ Mase i Petrus nēberae, ”Kakēllako, i kami seng nanēntang u patiku sabarang baug'u tumole si Tuang. Ku apa wue sarung ikatarima i kami?”

²⁸ Mawu Yesus nēberae si sire, ”Pēmpangimangke: Su Dunia Wuhu e, Ahus'u Taumata e sarung maiang su wowong kaderang kawawantugē. Su tempo ene i kamene manga muritēKu e sarung maiang su kaderang kawawantugē mapulo dua ku mēmpēhukung u hēntong Israel mapulo dua! ²⁹ Ku isajewen nanēntang u wale arau anau sengkataune esē arau wawine, arau inang i amang arau manga ana, arau winalaenge waug'u Ia e, tau ene sarung manarima ka-

pia mahasu su sulene. Ku i sie sarung lai manarima pēbawiahē tutune ringangu kakalē. ³⁰ Kai lawo taumata orasē ini apang kahumotongange sarung mēngkakoā kasamuriange, ringangu apan kasamuriange sarung mēngkakoā kahumotongange.”

Papinintu mēlahēnsinuangu anggorē

20 ”Kamageng u Ruata e mēparenta ute kakakoae kai mēsulungu papinintu ini: Sēngkatau taghuangu wael'u anggorē e simēbang dokeng maḷukadē mēdēdea taumata waug'u pēmunara su wael'u anggorē e. ² Saraeng i sie kimire e mēmaeh'u roitē salaka sēngkalēpa sahēllo si sire, i sie rimolohen sire pēmēmunara su wawaelangu anggorē e. ³ Pukulē sio maḷukadē, taghuangu waelē e rimaleng kapia, ku nakasiloe pirangkatau luḷiongahē tawē halē e su pasarē. ⁴ Tangu nēbera i sie si sire, 'Dakoe i kamene pēmunara su wael'u anggorēku. Ia sarungbe mamaehē si kamene ringangu wawaehe mētatalahino.' ⁵ Tangu i sire nēmpēta-

maie. Pukulë mapulo dua ëllo malëtu ringangu pukulë tatëllu wawëllo, taghuangu waelë ene sauewe rimaleng, ku nëkoə halë mësulung. ⁶ Ku mangəe pukulë lima wawëllo, i sie sauewe simëbang ku nakasilo lai pia taumata lujiongahë tawë halë e. Mase i sie nakiwalo si sire, 'Unuë i kamene mëngkai mahundarisi sahëllo tiwatu ëndaï sini ku tawë nëmpëkoə apa-apa?' ⁷ I sire nëmpësimbang, 'Tawë taumata mapëhalë i kami.' angkuëngu taghuangu waelë e, 'Maeng kere-ne ute, rakoko i kamene pëmunara su wael'u anggorëku.'

⁸ Nawawëllöe, taghuangu wael'u anggorë e nëberəe su sawohje,^z 'Kuie manga mëmamunara ene ku baehe e sewan sire sëngkatau-sëngkatau tëtə bəu i sain simuë kahumotongange.'

⁹ Mase nahundëntəe mëmpëlahalë apan nanëtə bəu pukulë lima wawëllo. I sire nëmpanarima u roitë salaka nahuntia u pësëngkalëpa. ¹⁰ Bəu ene nahundëntəe lai mëmamunara apang bëbaehang nanëtə dokeng malukadë. I sire mëmpangënnau reng makatarima nangëlem-

bo. Sëmbaliau i sire këtəeng nighëlikangu lai roitë salaka pësëngkalëpa. ¹¹ Pia e mënënarima doitë ene, i sire mëmpë-sësimbulung su taghuangu waelë e: ¹² 'Manga apan mëmpamunara apang ku dimënta samuri ene këtəeng nempëhalë sëngkaorasë. Arawe i kami kawe mëmunara ghëngu pësahëllo, su tëtti u pëdisë, kaiso i Tuang kawe naməhë si sire mësulungu si kami!' ¹³ Taghuangu wael'u anggorë e simimbahë su sëngkatau wə'i sire, 'E hapi, ia e tawë nësala si kau. Balinewe i kau napulu waehang pësëngkalëpa waug'u pëmamunaranu sëhëllo? ¹⁴ Ku, aləe bawaehe dingangu kapulë e. Ia e mang mapulu mëgëlli bawaehe su tau simuë samuri mësulung dingangu taku nighëllikang si kau. ¹⁵ Kai tawë wotonge ia mëbatu kapuluku su rarotongku e? Arau kai sumingking i kau, puhinengu ia kawe mataləntuë?'"

¹⁶ Mase Mawu Yesus nëberəe lai, "Malaing kerene taumata apang kasamuriange sarung makoə kalahumotongange, ringangu taumata apang kalahumotongange sarung makoə kasamuriange."

^z mandorë e = mandurnya

**Katëllun sulene Mawu
Yesus maḷi u kapapohong'E**

(Mrk. 10:32-34; Luk 18:31-34)

¹⁷ Piḷ e-i Yesus makoḷa sarang Yerusalem, ene su taloran daleng i Sie kai namaringang murit'E mapulo dua nēkomolē i sire hala. Bōu e i Sie nēhengetang si sire, ¹⁸ Pēdarinhēko! I kite ini mētētimo-na Yerusalem. Pai sene Ahus'u Taumata e sarung isarakang su manga imang tēmbonange ringangu manga mananēntirong agama. Mase i Sie sarung ihukung pateḅng, ¹⁹ bōu e isarakang su waḷine taumatang Yahudi. I sire sarung mēmpētaghunalang i Sie, manigēsā si Sie, dingangu mēnguruis'i Sie. Kai su katëllu ëllone, i Sie sarung iapēbangung kapia."

**Dorong i ninang i Yakobus
dēduan Yohanes**

(Mrk. 10:35-45)

²⁰ Bōu e kawing i Zebedeus dimēnta ringangu manga anaḷe su anung Yesus. Su tēngom Mawu Yesus i sie nēsuba waḷu piḷa dēdorongange.

²¹ "I ninang kai mapulunga?" angkuḅngu Mawu Yesus.

I ninang ene simimbang, "Iḷa kai mapulu tadeḷu anaḷu rarua ini pakaiang su kaihi ringangu su koaneng i Tuang kereu i Tuang makoḷa Datu."

²² "I kamene wēgaweng .apa rēdorongang i kamene," angkuḅng i Yesus si sire. "I kamene makainung bue wōu panganginuniangu kasasigēsāKu ku hinon taku inungang?"

"Botonge," angkuḅng i sire.

²³ Mawu Yesus nēhengetang, "Tēngadē i kamene sarungbe mangimung lai wōu panganginunianguKu. Arawe maḷanun i sai sarung kumaiang su kaihi'U ringangu su koanengKu, ene waḷinewe Iḷa mananilakehē. Manga tampa ene kai waḷu taumata apan seng nitilakeh'i AmangKu."

²⁴ Tangu sarang i sire manga muritē mapulongkatau waḷine nakaringihē haḷē ene, i sire kai limangehē si rēdua tahatuari ene. ²⁵ Batūu ene ute Mawu Yesus kinuḷe sire kēbi ku nēhengetang, "I kamene masingkaḷu manga tēmbonang u bansa ku tawe makakiraḷa Ruata e, manigēsā kawa-

nuane. Dingangu kasasëllaheng i sire mēmpanēda si sire. ²⁶ Arawe i kamene e tawe wotonge kerene. Su sēmbēkane, i saing kṽ mapulu mētēngkasëllahē su taloarang kamene, hinong makoṽ mētatangkiang si kamene.

²⁷ Dingangu i sai mapulu makoṽ kahumotongange su taloarang kamene, hinom makoṽ ëllang i kamene. ²⁸ Kerewe lai Ahus'u Taumata e; i Sie rimēnta walineuwe waug'u makitangkiang, kaiso kawe mēdeṽ mētangkiang, dingangu mangonggou niawane mēdeṽ ipēliwirē taumata ḷawo."

Mawu Yesus napakakëllæn taumata wuta ruangkatau

(Mrk 10:46-52; Luk 18:35-43)

²⁹ Tangu piṽ i sire nahunsēbangke wou Yerikho, lawo taumata timole si Yesus. ³⁰ Kuteṽ kai piṽ tau wuta ruangkatau maḥungkaiang su wiwih'u raleng. Sarang i sire nakaringihē u i Yesus kai sṽsahe ute i rēdua nēmpēkuje, "Ahus'i Daud, talēntukong kami!"

³¹ Taumata ḷawo apang ene sene nēmpēhēkadē si rēdua e kṽ mēsēsēding i rēdua e apakādēmmasē. Kaiso i rēdua e nakapiang pēmamansage nēnga-

lembong kaihae lai, "Tuang, Ahus'i Daud, talēntukong kami!"

³² Mase Mawu Yesus e timaingke kṽ kimui si rēdua. "I rua e mapulu takṽ kapuraneng?" kakiwalong Yesus.

³³ I rēdua e nēmpēsimbang, "Tuang, i kami e mapulu makasilo!"

³⁴ Mawu Yesus e timalēntuēn dēdua e, kṽ bou nanenggehē matan dēdua. Kṽ su orasē ene lai i sire nakasilo. Bou e i rēdua e nēmpētoḷe si Yesus.

Mawu Yesus simuē su Yerusalem dingangu kawawantug'E

(Mrk. 11:1-11; Luk. 19:28-40)

(Yoh. 12:12-19)

21 Kakasandigeng Yerusalem tangu, i sire nahumpau Betfage su wulud'u Zaitun. Sene Mawu Yesus dimolohe murit'E ruangkatau pinēngalimona. ² "Dakoko soḷong kampong su tēngone pai," tatanatan Mawu Yesus si rēdua. "I kamene apid'u makasilo kalide sēmbau maḷaikṽ ringangkeweng anaē. Lukako kalide ene kṽ aḷa damahi. ³ Kereu piṽ taumata makiwalong saba-rang ute, pēbera su tau ene, 'Kai Mawu mēgēgausē e,' tangu tau e

mëngkatewe ligha mapakawalang kalide ene pakiwawa.”

⁴Kerene katataingu halë e ne tadeau misëhu kere pinëberan nabi, u,

⁵ ”Pëhabarëko su Sion,
Datunu seng kađëntane su anunu.

I Sie mëngkate masana naunge ku i Sie simake su kalide,

ku kai sëmbau ana
kalide, ku deng bëdang kawuhuang.”

⁶Bou e murit'E rarua e nëmpëtamaje ku nëmpëkoae kerewe niron Mawu e si rëdua. ⁷I rëdua nëmpëbawa kalide e ringangu ana. Mase pałukang kalide e niëmpahengu kakingkaeng i rëdua e. Ku Mawu Yesus simake e. ⁸Taumata sëmbuntuang sene e nëmpamilae manga kakingkaeng i sire su rałeng, arawe sëngga ute mëmpanëntoe manga lelang u kalu e ku niantehi su tałoaran dałeng. ⁹Taumata mëgëgapaëng kađalenge su tëngo ringangu su likud'i Yesus e kapëbëbansage u, ”Biahë Ahus'i Daud! Ałamatë e mahundingang i Sie ku dudënta

surałungu arengu Mawu! Pëdalo-ko Mawu Ruata Su Marange!”

¹⁰Ene, saraeng Mawu Yesus susuë e su Yerusalem, sëngkasoaëng e mëngkatewe nëgëgahë, ”Kai i sai ini?” angkuëngu taumata su soa ene.



*Dałeng mahëpo su soang Yerusalem
(21:10)*

¹¹”I Sie kai nabi i Yesus, bou Nazaret su Galilea,” angkuëngu taumata ļawo mëmpahuntaking si Yesus.

**Mawu Yesus simuë su
Balēm Mawu**

(*Mrk 11:15-19, Luk 19:45-48*)

(*Yoh 2:13-22*)

¹²Bou e Mawu Yesus simuë e su Wałēm Mawu, ku nanokołë patiku taumata apang mēmpēbēbawēlli sene. I Sie namalintuī manga meda mananałiu roitë dingangu kakaiāneng u mēbawałū paluma. ¹³Mase i Sie nēhengetang si sire u, "Su rałungu Winohe Susi e kabawohe u Mawu Ruata e kai nēhenge-tang, 'BałēKu e sarung isēba bałē pēkakałiomanengang.' Kuteu kahiāng kamene kawe nikakoā baes'u tahapēhampasē!"

¹⁴Ene piā e manga tau wu-ta ringangu peosē nahundēnta su anung Yesus su Wałēm Mawu, ku i Sie napakapian sire. ¹⁵Arawe manga imang tēmbonange ringangu mananēntiro u agama nēmpēpēdu nakasilo manga hałë makadałinau kēkoateng i Yesus. Naung i sire narałaki lai uałingu nakaringihë manga rariō mēmpēgēgio su Wałēm Mawu, "Kaumburë Ahus'i Daud!"

¹⁶I sire nēmpēberae si Yesus, "I Kau e makadingihë apa iwēberan sire?"

"Ore, Ia makadingihë," unguēng i Yesus. "Kai wēdang ta nakabasa i kamene Winohe Susi ini: 'Manga rariō dingangu ana deng sususu seng taku nitēntiroēng kereapa mēberang daralo mapia?'"

¹⁷Bou e Mawu Yesus nanēntang i sire, ku simēbang bou soa ene sołong Betania, ku nēhēdang sene.

**Mawu Yesus nēngane
kalung ara**

(*Mrk. 11:12-14, 20-24*)

¹⁸Sēngkariō ēllone małuka-lukadë kapahundałenge mēsule sołong soa, Mawu Yesus kai nahutung. ¹⁹I Sie nakasilo ara sēngkalu su wiwih'u rałeng. I Sie himaungke kalu ene, kuteu kai tawe nakahombang buane sarang manga kadiongeng sēmbau, tumbawen daukalune sēsane. Mase Mawu Yesus nēberae su kalu ene, "I kau e kumbahang de-

laing mēbua!" Apid'u nahēguete kalu ene.

²⁰Tangu, saraeng manga murit'i Yesus nakasilo halē ene, i sire mēngkatewe apa nēngkahe-rang, "Kawe kereapa hakū kalu ene apid'u nahēgu kēbī?" i sire nakiwaḷo.

²¹"Tēngadē," angkuēng i Yesus, "kereu i kamene mangimang kū tawē goē e ute, i kamene makakoā apan seng takū nikoā su kalu ara ini. Dingangu walineuwe tumba ene lai, kaiso i kamene maḷaing makapēbera su wuḷudē ini, 'Kasapuāko kū kateledē su laudē'; tangu halē ene sarung mariadi. ²²Kū apaewen dēdongang i kamene suraḷungu kaḷiomaneng i kamene e, sarungbe ikatarima i kamene, asaḷu i kamene mēmpangimang."

Kakiwaḷo maḅanung kawasang Mawu Yesus

(*Mrk. 11:27-33, Luk. 20:1-8*)

²³Bou e Mawu Yesus nēsule soḷong Baḷem Mawu, mase simuē e kū nanaēntiro sene. Ene i Sie kapanēntirone, manga imang tēmbonange ringangu matatimad'u tau Yahudi e kai himaung si Sie ringangu nakiwaḷo,

"Kai wou kawasang apa i Kau makapēkēkoā patiku ini e? I sai tangu nēgēlliu kawasa ene si Kau?"

²⁴Mawu Yesus simimbang, "Ia e maḷaing mapulu makiwaḷo si kamene. Kū kereu i kamene sumimbang bue ute, Ia sarung mēbera si kamene u kai ringangu kawasan sai Ia makakoā manga halē ini. ²⁵I Yohanes nēnahani e kai uaḷingu kawasan sai tangu? Mawu Ruata arau taumata?"

Mase manga imang tēmbonange ringangu matatimad'u tau Yahudi ene nanētae nēmpēsasinggata su taḷoaran lawo i sire, "Kereu i kite sumimbah'u, 'Ringangu kawasan Duata,' i Sie sarung mēbera, 'Maeng kerene unue i kamene tawe mangimang si Sie?' ²⁶Kai kereu i kite mēbera, 'Dingangu kawasan taumata,' ute i kite e kai matakuben taumata lawo, u su naung i sire kēbīe i Yohanes e kai nabi." ²⁷Tangu i sire simimbangke si Yesus u, "I kami e wēga wue."

Mase Mawu Yesus nēhenge-tangke si sire, "Maeng kerene Ia e tawe lai mēhabarē si kamene u kai ringangu kawasan sai Ia makapēkēkoā kēbī ini e."

Papinintu maanung ana darua

²⁸ "Ku kerea su pëndangeng i kamene su halę ini?" angkuęng i Yesus tuhę. "Piako matimadę esę pią ana esę duangkatau. I sie himaungke su ana kai-akanenge ku nębera, 'Amang, dakoko pamunara su wael'u anggorę e sahęllo ini.' ²⁹ 'Mađiri ia,' angkuęngu rarię ene. Kai wou e i sie nęsasaulę tinęnnane ku nakoą soļong bael'u anggorę e. ³⁰ Bou e matimadę esę e himaung su ana karuane, ku maļaing nębera kere. 'Kerene e gaghurang,' angkuęngu ana karuane e. Kaiso i sie tawe rimaļeng. ³¹ Ku bou taļorang ana darua ene, sude e mękękoą kapulung amange?"

"Kaiakanenge," angkuęngu manga imang tęmbonange ringangu matatimad'u tau Yahudi e.

Tangu Mawu Yesus nęhenge-tangke si sire, "Pangimangke: Manga maghaghęlle pajakę dingangu manga wawine tahapęsundaļę kai sarung makalımona makoą kawanuan Duata e wou i kamene. ³² Uaļingu i Yohanes Męnanahani e rimęnta ku męlahę si kamene u kai kereapa

mębiahę kere ikękapulu Mawu, kaiso i kamene tawe mangimang tęntirone arawe manga maghaghęlle bea ringangu manga wawine tahapęsundaļę e męmpangimang bue si sie. Kai manięng i kamene sembeng makasilo kębi ene, kai i kamene mang ta nęsasaulę ringangu tawe nęmpangimang su Mawu."

Papinintu maanu manga męmamunara wael'u anggorę
(Mrk. 12:1-12; Luk. 20:9-19)

³³ "Pęmpędaringihęko ļai papinintu sęmbau ini," angkuęng i Yesus. "Naung kai pią sęngkatau taghuang ęntana nęsuangkeng anggorę su waelę. Baele nitędakenge pinakalıku, mase nęmangka ļohange waug'u pęmamęhaęng u anggorę, mase napararisiu męnara pęndariagateng. Bou ene i sie nakitamangu sasuange anggorę e su manga męmamunarane, mase namundaļę soļong banua waļine. ³⁴ Saraęng seng masandig'u tempon pananipo wuang anggorę e, taghuang ęntana e rimolohen manga ęllange soļong anum męmamunara sasuange mędeau iapanarima buane wahageange. ³⁵ Kutęu manga męmamunara sa-

suange kai nēmpēname manga ěllangu taghuang baelē e: Ku sēngkataue nilimadē, sēngga pinate, arawe sēnggae wue ute niēntungangu watu. ³⁶ Taghuangu waelē saūewe rimoloh'u manga ěllange waline, nēngalem-bong kaławōe wou humotong. Kuteu i sire maļaing nikakoā kere. ³⁷ Nadeho taghuangu waelē e rimoloheng ahusē esē e niapakakoā soļong anun sire. 'Nalaheu anaku e sarungbe adateng i sire,' angkuēngu naunge. ³⁸ Kai sarang mēmamunara nakasilōe ahus'u taghuang baelē e, i sire nēmpēberae sēmbau su waline, 'Eneku ěndaļ taghuange. Mahie pateēngkeng kite i sie, tadeau i kite makapēnaghuanng pusakae!' ³⁹ Tangu rario e nihēgoen sire, niwahung sulikude, mase pinate."

⁴⁰ Mawu Yesus nakiwalōe, "Ho, kereu taghuang bael'u anggorē e rumēnta kapia ute, kai pēkapuraēng e ngae manga mēmamunara ene?"

⁴¹ I sire nēmpēsimbang, "Nalaheu i sie sarung mēmate taumata raralaki ene mase makitamangu wael'u anggorē e su taumata waline apang

mēmpangonggobem buane si sie su tempone."

⁴² Tangu Mawu Yesus nēhengetangke si sire, "Kai wēdang ta nakabasa ngae i kamene maļawohē suralungu Winohe Susi e?

'Batu niwalan tukang e seng nakoā batu kahumotongan e.

Ini e kai munara Mawu; ku enēewe makananiang kalēnggihe!'"

⁴³ "Ku pēmpētahēndung," angkuēng i Yesus, "patiku apan tētaghuanengu kawanuan Duata e sarung alakeng bo'i kamene ku ionggō su umatē mēdēndaleng u kapulun Duata. [⁴⁴ I saing ku maēnsa su watu ene, sarung maralūmadē; ku i saing kaēnsakengu watu ene, sarung mararuļē kere awuļē.]"

⁴⁵ Ene, sarang manga imang tēmbonange ringangu tau Fari-si e nakaringihē papinintun Mawu Yesus ene, i sire nakaēnnae u i Yesus kai mēbēbisara maanun sire. ⁴⁶ Ku i sire nēmpēdeabe mēhēgo si Sie. Kaiso i sire kai mataku u taumata ļawōe, watuu taumata ļawō mēngēngēnnau Mawu Yesus kai sēngkatau nabi.

Papinintun saliwang u
pëkakawing

(Luk. 14:15-24)

22 Kuteu Mawu Yesus saue-
we nëhengetang su tau-
mata lawo dingangu papinintu,
² angkuënge, "Pëpaparenta Mawu
Ruata e, kakakoæ kai mësulungu
papinintu: Sëngkatau ratu na-
mangung saliwang u pëkakawing
baug'u ahuse esë. ³ Datu ene ri-
molohen manga ëllange tamai
panënsomahë taumata apan ni-
habareng su saliwang ene. Kuteu
apaewen nihabareng kai nëngka-
diri rimënta. ⁴ Nësau kapia ratu e
rimoloh'u manga ëllange waline.
Tatanatane si sire: 'Pëmpëha-
barëko si sai-saing kewe ninotë
é: Kaëngu saliwange seng nasa-
dia. Sapi, ringangu manga ana u
sapi ku karalënggihange seng pi-
noto. Këbje seng nauadipë. Sa-
lamate mahundënta su saliwang
u kawing!' ⁵ Kuteu kalawou sake
apan ninotë e tawe nëmpësëmpj.
I sire nasidalëngu ralenge solong
pëmamunaraënge - sëngkatau
solong baelë, sënggæ wue u-
te nëdeä pëbawalukange; ⁶ arawe
sënggæte wue kawe nëmpëhëgo
manga ëllang u ratu e, mase
nëmpëndariha ringangu nëmpa-

mate si sire. ⁷ Saraeng datu e na-
karingihë halë ene, i sie mëngka-
tewe limangehë. I sie rimoloheng
buntuangu mësasëkë e mëdeäu
pëmate manga tahapate ene, ri-
ngangu niapanutung soan sire.
⁸ Bøu e i sie kimui manga ëllange
mase nëhengetang, 'Salimbang u
kawinge semben sadia, kai apan
ninotë e tawe hinone naung.
⁹ Dakoko luhu e apan dalëng
gaghaghuwæ ku notëko kalawoewen
taumata solong saliwang u
kawing ini.' ¹⁰ Tangu manga ëlla
nge nahundalëngke. I sire nahun-
dalëng suapaewen dalëng gagha-
ghuwæ ku nëmpënampungu këbi
taumata apaewen kinaëbakeng i
sire sene bae mapapia, bae rara-
lai. Tangu napenë e tampau pësa
salimbangenge kahian sake.

¹¹ Bøu e ratu ene simuë ki-
makëlla manga sake. I sie naka-
silo kai piä sëngkatau su salim-
bang ene tawe nëluhen pakeangu
salimbang. ¹² Bøu ene i sie naki-
walo su tau ene, 'Hapi, kawe na-
kakasuë kereapa i kau sarang ini
ku kawe tawe nëluhen pakeangu
salimbang e?' Tau e tawe naka-
werang apa-apa. ¹³ Tangu ratu e
nëhengetangke su manga ëllange,
'Hapusëko laede ringangu lima-
ne, ku bahungko i sie solong li-

kude su tanpa marëndung. Sene sarung piã sasangi dingangu kasasigěsa.”

¹⁴Mase Mawu Yesus nangěnsuēn papiniintu e kereini, "Lawo bue kinakuiange, kai tangu kawē mahali kinapile."

Halē u pēmamaehē pajakē

(*Mrk 12:13-17, Luk 20:20-26*)

¹⁵Tangu manga tau Fari-si e nēmpēsoliōe kŭ nēmpēdalaliintau mēnsang kereapa i sire makapēngala bera si Yesus e ringangu manga kakiwalō. ¹⁶Tangu i sire rimoloheng nianga murit'i sire solong anung Yesus, ringangkewen pirangkatau taumatang Herodes. I sire nēmpēberaē si Yesus, "Tuang Guru, i kami masingkau i Tuang kai matulidē. I Tuang mañēntirowe su katēngadē mañanun kapulun Duata waug'u taumata, tawē mēsasasēmpibe tinēnnan sai-sai. U i Tuang e tawē mēmamile ghatin taumata. ¹⁷Ualingu ene ute, kēnang i Tuang pēbera si kami: Kereu tumuhŭ atorangu agamang kite, botonge mēmaehē pajakē su Kaisarē arau tawē wotonge?"

¹⁸Mawu Yesus masingka tinēnnan sire ralaki ene, kŭ i

Sie nēhengetang, "E, i kamiene taumata mēmēlle! Unŭe i kamiene mēmpaialuka Sia? ¹⁹Todeko si Sia galiu roitē ipēpake i kamiene mēdeau pēmaehē pajakē!"

Mase i sire nangonggou roitē salaka sēngkalēpa si Sie. ²⁰Kutēu Mawu Yesus nakiwalōe si sire, "Kai ghahi i sai ringangu areng i sai ini e?"

²¹"Kaisarē," angkuēng i sire.

Tangu Mawu Yesus nēhenge-tangke si sire, "Kamageng kere-ne ute, onggōe su Kaisarē apan tētaghuaneng'u Kaisarē dingangu su Ruata apan tētaghuaneng'u Ruata."

²²Saraeng i sire nakaringihē pēndalahē ene, i sire naralingu. Kŭ i sire nēmpañentang i Yesus.

Halē u pēbawangung bou papate

(*Mrk. 12:18-27; Luk. 20:27-40*)

²³Su ēllo ene lai, piã e tau Saduki pirangkatau nahundēnta su anung Yesus. I sire kai taumata naung mēmpēbēbera u taumata nate e seng tawē sarung mēbangung kapia. ²⁴"Tuang Guru," angkuēng i sire, "I Musa e nanēntirowe kereini: Kereu sēngkatau esē e mate, kŭ ta anae ute ana u sēngkataune harusē pēka-

wing dingangu wałune tadeaυ mapalęton hite waug'u tau ęndaį seng nate e. ²⁵ Naυng pią i si-re pitu tamahuari ku nęmpętaņa sini. Ene kaiakanenge nękawing ku bōu ene nate tawe anaę. Tangu wałune nitętang baug'u anaυ sęngkataune. ²⁶ Bōu e tuarine małaing nate tawe anaę. Halę kerene małaing himombang su tuarine katęllune nakahakiewen lai kapitune. ²⁷ Kasamuriange ute wawine ene hala e małaing nate. ²⁸ Ku su tempon taumata nate e ipębangung kapia e ute, kawingken sai tau wawine e? U naυng i sire pitu e seng bōu pinękawingange."

²⁹ Mawu Yesus ute simimbangke, "I kamene mambeng nęsałա, u i kamene tawe nakaęna Winohę Susi, kerene lai kawasan Duata. ³⁰ Batuυ kamageng taumata nate e sarung mębangung kapia ute i sire semben tawe mękawing kaiso i sire sarung mębiahę kere małękatę su sorga e. ³¹ Kai wędang ta nakałbasa i kamene apa hengetangu Mawu Ruata maņanun taumata nate nipębangung kapia? Mawu Ruata e nęhengetang, ³² 'Ia e kai Ruatang Abraham, Duatang Is-

hak dingangu Ruatang Yakub.' Mawu Ruata e tangu wałinewe Ruatan taumata nate. I Sie kai Ruatan taumata wiahę!"

³³ Saraęng taumata ļawō ene nakaringihę tatalag'i Yesus, i si-re męngkatewe nęmpędałinaυ u tęntiron'E.

Tita kahumotongang e

(*Mrk. 12:28-34; Luk. 10:25-28*)

³⁴ Ene saraęng tau Farisi e nakaringihę u i Yesus kai seng nakapękęmming mohongu tau Saduki e, ku i sire kai nęmpętampung. ³⁵ Sęngkatau wō'i sire, kai sęngkatau mananęntiro agama, kai męnangkա si Yesus ku mangala bera ringangu kakiwałō sęmbua. ³⁶ "Tuang Guru," angkuęnge, "kai tita sude kahumotongange su rałungu atorang u agama?"

³⁷ Mawu Yesus simimbang, "Kęndag'u Mawu Ruatanu ringangu kaęuwaυ naungu, ringangu kaęuwaυ himukud'u, ringangu kaęuwaυ ļaęnnanu. ³⁸ Kai ene tita kahumotongange ringangu kaęuwakenge! ³⁹ Tita karuane ute męsulung dingangu humotonge ute kai: Kęndag'u sęndinganengu keręewe

i kau kumëndagu watangengu.
⁴⁰ Patiku tita ku nionggo i Musa ringangkewen tëntiro manga nabi e niapakaiang su tita rarua ene.”

**Maanun · Datu
 Mananalamatë**

(*Mrk. 12:35-37. Luk. 20:41-44*)

⁴¹ Kuteu tau Farisi e nampung deng matatampung sene, Mawu Yesus nakiwalöe si sire, ⁴² ”Kere-rea su tinënuang kamene maanun Datu Mananalamatë? Kai hënton sai tangu i Sie?”

”Hënton Daud,” simbah’i sire.

⁴³ ”Maeng kerene,” angkueng i Yesus, ”kawe unue tangu hakju Rohkë Susi e mëkëkaradiahang si Daud ku mëšëšëbau Ratu Mananalamatë e ’Mawu’? U i Daud nëbera,

⁴⁴ ’Mawu e nëhengetang su Mawuku:

kaiangko su koanengKu,
 sarang la mëkoə manga
 rumarokəu e
 sumasumëllung si Kau.’

⁴⁵ Kuteu kereu i Daud mëšëbau Ratu Mananalamatë e kai ’Mawu’, ute kereapa wue i Sie hënton Daud?”

⁴⁶ Taweu sarang sengkatau nakakasimbahë si Yesus. Ku nanëta bou ëllo ene taweu waha-ni makiwalöe manga apa lai si Sie.

**Tatumbalung tadeau
 pakalaingatë su manga
 mananëntiro agama ringangu
 tau Farisi**

(*Mrk 12:38-39; Luk. 11:43,*)

(*46, 20:45-46*)

23 Mase Mawu Yesus nëhengetang su taumata lawo dingangu su manga murit’E e angkueng, ² ”Manga mananëntirong agama ringangu tau Farisi e nakahombang kawasa waug’u mëlahe u tita Musa. ³ Batu ene ute pëmpësëmpj bue ringangu pëmpëtuhj bue waug’u patiku apang ipëparentang sire. Kai kumbahangbe mëmpëtëno kakanoə i sire, u i sire tawe mëkakoə apang itëtëntiron sire. ⁴ I sire mëmpañuntüewe manga halë mawawëha dingangu mëmpangonggou atorë mawawëha, kai mang ta kadijongeng mëtułungu taumata tadeau mëmpëdëndalengu ene. ⁵ Patiku apang këkoateng i sire këtaeweng mëdeau pakipandai su taumata. I sire

mētētātndę mēpēpakę u wawēkise mawawēnahę keren mēmpēkaļio-maneng dingangu mapakanandų u humberg laku i sire. ⁶I sire papuluang su tanpa kaho-roēnge su manga saļiwang di-ngangu su manga kaļaianeng su tēngone suraļingu manga waļen pēkakaļioamanengang. ⁷I sire pu-luang maķiadatę su manga pa-sarę, dingangu maļuasę kuiang 'Tuang Guru'. ⁸Arawe i kamene, abe kapulu kuiang 'i Tuang Gu-ru', u gurunu e mang sēmbau kų i kamene kēbje kai anaų sēmbau. ⁹Dingangu kumbahang i kamene kumui su sēngkatau su dunia ini 'Amang', u i Amang i kamene e mang sēmbau kų kai i Amang su Sorga. ¹⁰Dingangu abe kapulu i kamene kuiang 'Mēngangaha', batu mēngangaha i kamene mang sēmbau kų kai Ratu Mana naļamatę seng nikędon Duata. ¹¹I saing kasēllahenge su taļoa-rang kamene, hinong kakoa mēta-tangkiang si kamene. ¹²I sai mē-tēngkarangeų watangenge sarung iapa kasana; arawe i saļewe mē-tēngkasana, sarung iapakarange."

**Mawu Yesus nanēngkuļę
lulu mēmelle**

(Mrk 12:40; Luk 11:89-42.)

(44. 52. 20-47)

¹³"Kaēngkēhang i kamene manga mananēntiro agama ri-ngangu tau Farisi! I kamene tau-mata mēmelle. I kamene maņa-haghe taumata mēdeau makoā daļohong jamaat'u Mawu. I ka-mene hala mađiri makoā daļo-hong jamaat'u Mawu, arawe waļine apam mapulu e, kahian kamene saħagheęng.

[¹⁴Kaēngkēhang i kamene manga mananēntiro agama ri-ngangu tau Farisi: I kame-ne kai mēmpēmelle. I kame-ne mēngęngakaļę manga wawine waļu ringangu mēmpēlēħampasę baļen sire kų mēdeau ipangam-bung kararaļaje tangu i kamene mēkēkaļio-maneng manandu-nan-du. Suwu u ene ute hukumang i kamene e sarung limembong kawēħae!]

¹⁵Kaēngkēhang i kamene manga mananēntirong agama ri-ngangu tau Farisi! I kamene kai

tahapēmēlle! I kamene rūdaleng mararau maṃotoṭo laudē, dingangu mēmpamēpidē banua mēdeau reng makasahionge sēngkatau makakasuē agamanu. Ku saraeng tau e simuē e agamanu e ute i sie koateng ikamene raḷohon narka ruan suḷe limembong karalakiē wou'i kamene!

¹⁶ Kaēngkēhang i kamene manga mēngangaha buta! I kamene mēmpañentirong ini, 'Kereu i sai mēsalu su Waḷem Mawu e ute, saluwe tawē mangalane; kai kereu i sie mēsalu su wuḷaeng su raḷungu Waḷem Mawu e ute i sie kaḷakaju salune ene.' ¹⁷I kamene taumata e wodokē o kawē lai wuta! Sude limembong kapiane: buḷaenge arau Baḷem Mawu e makasusi wuḷaenge? ¹⁸I kamene mañentirong ini lai, 'Kereu sēngkatau mēsalu ualingu pananēmbaēng, taumata ene tawe naikī su salune; arawē kereu i sie mēsalu ualingu sasēmba su wowom pananēmbaēnge, i sie naikī kahian sasalune ene.' ¹⁹Kai wuta kaēli i kamene! Sude limembong kapiange? Sasēmbane arau pananēmbaēng ku makakoṭa sasēmba ene masusi? ²⁰Batu ene, kereu pia u

mēsalu su pananēmbaēng, ene mangalene i sie nēsalu ualingu kai su pananēmbaēng, mēbēbawa kēbi apawen mapapēllo su wowane. ²¹Ku kereu pia u mēsalu su Waḷem Mawu, ene mangalene i sie mēsēsalu kurai su Baḷem Mawu e, kurai su Ruaṭa mētētumana sene. ²²Dingangu kereu pia u sēngkatau mēsalu ualingu sorga, ene mangalene i sie mēsēsalu ualingu kararatuang u Mawu, dingangu ualingu Ruaṭa ku maṭiang su kaḷaianeng'E. ²³Kaēngkēhang i kamene manga mananēntiro agama ringangu tau Farisi! I kamene kai tahapēmēlle. I kamene mēmpañonggou katahapuḷong kapahiakengu salasi, pingkilē,^{aa} dingangu pēmpasē^{ab} e su Mawu. Arawē manga haḷē kaghaghuwakenge suraḷung u atorang u agama, kere manga: Kaadilē, pēkakakēndagē, katatuhue tawē sasēmpikang i kamene. Sēmbaḷiau kai ene harusē koateng i kamene kaḷamona, su sēmbēkang ene tamai lai mapakawalan haḷē baline. ²⁴I kamene e kawē niangangahaḷu wuta lai! Lango su inumang saḷikang i kamene, arawē onta e kawē ēlukangbeng kamene!

^{aa} adas manis ^{ab} jintan

²⁵ Kaëngkëhang i kamene mananëntiro agama ringangu tau Farisi! I kamene e tahapëmëlle! Manga lainumang dingangu manga lama i kamene lëuhasengbeng kamene likude pakawurësi, arawe raļunge mëngkate apa maļamuhū kahiaewen haļë këkaëbakeng i kamene ualingu pëmamulaħo ringangu pëbawawusa. ²⁶I kamene tau Farisi wuta! Uhasëko kaļamona pakawurësi raļungu manga lainumang dingangu manga lama, tadeaū likude maļaing burësi!

²⁷ Kaëngkëhang i kamene mananëntiro agama ringangu tau Farisi! I kamene e tahapëmëlle! I kamene kerë e manga kubuļë nilaburë pinakawira, su likude ikëkasilo maļënggihë, arawe suraļunge napenëu ruhi ringangu këbiewe apam mawawuhū. ²⁸ Kere ne lai i kamene. Wou likude i kamene kakëllaëng mapia su taumata; arawe suraļunge ute i kamene kawë napenë u konti ringangu kararaļaki."

Mawu Yesus nanëbaleng
hukumang su manga
mananëntiro agama ringangu
manga tau Farisi

(Luk 11:47-51)

²⁹ Kaëngkëhang i kamene mananëntiro agama ringangu tau Farisi! I kamene e tahapëmëlle! I kamene nëmpangëndu u wutung kubuļë maraļënggihë baugu manga nabi e, ringangu lëļëghengu palë tatiaļen taumata kakanoaë mapia. ³⁰ Ku i kamene nëmpëbera u, 'Mangawe i kami nëbiahë su tempong manga iupung i kami e naung ute, i kami e tawe timuhū dingang i sire nëmpamate manga nabi! ³¹ Ku i kamene nëmpangaku hala u i kamene e kai hiten taumata nëmpamate manga nabi.' ³² Maeng kere ne ute, pëmpanurusë e ringangu mëngkate pakasue e kaļawou rosa ku seng niwahëtang iupung i kamene e! ³³ I kamene e kai raraļai dingangu kawë hiten taumata raraļai! Kereapa ngae

i kamene mapakasalamat'u watangeng bou hukumangu naraka? ³⁴Daringihēko pakapia-pia: Ia e sarung mēndoloh'u manga nabi, taumata matatahuēna, ringangu manga mananēntiro; ku sēngga bou'i sire sarung pateēng i kamene, ringangu sēnggaewe lai waline sarung kuruisang i kamene. Piabe lai sarung pahangeng i kamene suralungu waleng pēkalkaliomanengang, mase saghegheēng i kamene bou soa sēmbau sarang soa waline. ³⁵Batūu ene i kamene sarung ihukung ualingu pēmamate ku nikakoā su kaławou taumata tawē salane – nanēta bou pēmamate si Habel ku tawē salane sarang pēmamate si Zakharia ana i Berekia, ku pinateng kamene su tałoaram Bałem Mawu ringangu pananēmbaēng. ³⁶Pangimangke: patiku ene sarung tumuhung su taumata orasē ini!"

Mawu Yesus tūtalēntu u Yerusalem

(Luk. 19:34-35)

³⁷"Yerusalem, Yerusalem! Manga nabi e kawe nipapate-nu. Manga rarolohang u Ruata

e niēntungangu watu sarang nate. Seng kapirang sulē e Ia mapulu mangomol'u patiku mētatumanaū, tabidaēng inēngen manū mangoko manga anaē sualung u panide, kutēu i kau e kawe mađiri! ³⁸Ualingu ene Mawu Ruata e tawe lai mahundingang i kamene. ³⁹Kasingkako: Manēta bou orasē ini e i kau seng tawe makasilo Sia saū sarang i kau mēbera, 'Alamatē e mahundingang si Sie ku dimēnta su arengu Mawu.'"

Mawu Yesus mēbēbisarang kaghaghoghahu Wałem Mawu

(Mrk. 13:1-2; Luk. 21:5-6)

24 Saraeng Mawu Yesus dimalengke nanētangu Wałem Mawu e, tangu manga murit'E himaung si Sie ku nēmpañeḃoeng saheng kakakoā u Wałem Mawu e si Sie. ²Kutēu i Yesus nēhengetang si sire, "Nakasilo wue patiku ene i kamene? Kasingkako, mambeng tēngadē u, tawēu watu sarang sēmbau bou manga walē tamai ini e bēdang mawala mađalēnsung sēmbau su waline, su ēnnaē. Kēbie sarung tēnnehang."

Kasasigësa dingangu tatumbiagë

(Mrk. 13:3-13; Luk. 21:7-19)

³Bou e Mawu Yesus simaka solong bułud'u Zaitun, tangu pią e i Sie maıang, manga murit'E e himaungke mēdeąu mahumbisara ringang'E mētęngo. "Pęhabaręko si kami ku kai angere tempone patiku ene sarung mariadi," angkuęng i sire si Sie. "Kai mangęe tatiala apa ngęe pęlahekangu raręntan Tuang dingangkewe lai kasueęngu runia?"

⁴Mawu Yesus simimbang, "Pakapapia wue, kumbahangbe sarung i kamene kaakałeng. ⁵Batu taumata ıawo sarung męmpędęnta ringangu arengku ku męmpębera, 'Kai Ią e Ratu Mananaıamatę!' I sire kai sarung męngakałę taumata ıawo. ⁶I kamene sarung makaringihę tingihu pęsaseke^{ac} e dingangu habar'u pęsasaseke e, kaiso abe kęngkataku. U kębi ene mang harusę mariadi, kai ene walınewe tempone seng mękiamatę. ⁷Bansa sęmbau sarung męseke dumoka bansa walıne, dingangu karara-

tuang sęmbau sarung męngalo kararatuang balıne. Ku suapan tampa sarung pią karalunusę dingangu męlinuhę. ⁸Ku patiku ene wuhęwe panętakenge, kere tędu u^{ad} sęngkatau wawine su tempon męhęnding.

⁹Bou e i kamene sarung samekang ku isarakang mędeąu pahangeng dingangu pateęng. Patiku dunia e sarung męmpębinsi i kamene ualingu i kamene kai muritęku. ¹⁰Su tempo ene sarung maıawo taumata męmpęsoho dingangu mędaraıai ore lai męmpębinsi sęmbau dingangu walıne. ¹¹Lawo mahang nabi sarung męmpęlęto, ku makaakałę taumata ıawo. ¹²Karalakię mangken mahuntinambang katoghase hakiu taumata ıawo selaing tawe makakoą mękakęndagę. ¹³Arawe i saıewen maıtataną satia sarang pangęsueęnge ute sarung iapa kasalamatę. ¹⁴Ku Injilę e maanung kereapa Mawu Ruata męparenta ute sarung ihabarę su kaguwau dunia, tadeąu patiku umatę e makaringihę. Mase wuhęwe rumęnta kiamatę."

^{ac} pębawawuno = pertempuran ^{ad} kałiking

Dosa ku makabinasa

(*Mrk. 13:14-23; Luk. 21:20-24*)

¹⁵”I kamene sarung makasi-
lo, ’Dosa ku makawinasa’, ke-
re ilëhabar’i nabi Daniel, dudu-
risi su tampa susi. (Kaketa sua-
pam mëbawasane: Ennaiko kaia
mangalene!) ¹⁶Su tempo ene i
saing ene su Yudea harusë
tumalang solong bawuludange.
¹⁷I sain su wowong atu u
wale abe lintu mëngala apa-
apa wou ralungu wale. ¹⁸I sain
su waelë abe pësule mëngala
lakue. ¹⁹Kaëngkëhang ëllo ene
su manga wawine pia kapa-
pia, ringangu su manga wawine
kapanusune rariö! ²⁰Pëmpëka-
manengko tadeau kumbahang
sarang i kamene harusë tu-
malang su tempong pëdasehang
arau su ëllon Sabatë! ²¹Su ëllo
makagaghënggang ene sarung pia
kasasusa masaria kerewe wëdang
ta nadiadi rokeng bou tëtäu du-
nia sarangkewen orasë ini, ri-
ngangu selaing tawe mësau.
²²Kai manga Mawu Ruata e ta-
we mangëso tempone ute; tawe
u sarang sëngkatau masalamatë.
Kai ualingu umat’E, ute Mawu
Ruata e nangëso u tempo ene.

²³Ku su tempo ene kereu
pia sëngkatau mëbera si kame-
ne, ’Kakëlla, Ratu Mananala-
matë e ëndaung sini!’ arau ’i Sie
pai sene!’ – ute abe pëmpangi-
mang su tau ene. ²⁴U kai sa-
rung lumëto mahang kristus e
ringangu mahang nabi. I sire
sarung mëmpëkoä manga halë
makadalinau dingangu maka-
laherang mëdeau makaakalë, sënga-
pam botonge sarang su ka-
wanuan Duata ewe lai. ²⁵Ku,
pëtahëndungko! U Iä e seng
nëhabarë si kamene kalamona
tëntalang halë ene ta nadiadi.

²⁶Kereu pia u mëbera si ka-
mene, ’Kakëlla, i Sie ene pai
su wanua linggi!’ – kumbahang i
kamene tamai. Arau kereu i si-
re mëmpëbera, ’Kakëlla, i Sie
mëkëkëmbuni suralungu kamarë
ëndai sini e!’ – ute abe pang-
imang. ²⁷U rarëntang Ahus’u
Taumata e kai mësulungu sën-
nang u kilä bou sëmbëkan da-
ki, ku matuahë solong sëmbëkam
bahe.

²⁸Suapan pia kasuang ute
sene pia manu tahapanemo ka-
suang.”

Darëntang Ahus'u Taumata*(Mrk. 13:24-27; Luk. 21:25-28)*

29" Tangu lëpasewen napaluse kasasusan tempo ene ute, mantangello e sarung marëndung, dingangu wulang e seng tawe sumënnang. Manga wituing e sarung mëngkahondosë bou langi, dingangu kalawou mangangawasa kinoaëng e sarung mëkalem-boghang.^{ac} 30 Bou e tatialang Ahus'u Taumata e sarung ikasilo su langi. Su tempo ene patiku umatë su dunia e sarung mahulungkang. I sire sarung makasilo Ahus'u Taumata kadëntane su wowom bina-wa ringangu kawasa ringangu kawawantugë masëllahë. 31 Napi-ri gaghuwæ sarung tiukang, ku Ahus'u Taumata sarung mëndoloh'u manga malaekatë ipangomolë kawanuan'E wou këbi bu-kun dunia ëpæ, dingangu wou pungu langi sëmbau sarang pungulangï baline."

Tëntiro wou kalung ara*(Mrk. 13:28-31; Luk. 21:29-33)*

32" Pëngalako tëntiro wou kalung ara, kereu manga hakondane kawé melong dingangu masasikome, ringangu manëtaë humëti, i kamene masingkau tempom pëdisë e seng marani. 33 Kerene lai kereu i kamene makasilo halë tamai ene mariadi, i kamene masingkau tempone seng masandisandigë. 34 Kasingkako! Halë tamai ene sarung mariadi tëntalang taumata apan mëbëbiahë orasë ini e, mëngkairi këbi. 35 Langi dingangu dunia e sarung mapaghohë, arawe waweraKu e tatapë sarang marëngu-dëngu."

**Tawëu masingkau ëllo
ringangu orase***(Mrk. 13:32-37; Luk. 17:26-30, 34-36)*

36" Tawëu masingka mënsang angere ëllone ringangu orase, manga malaekatë su sorga e wëga, Ahus'u Taumata e malaing

^{ac} guminuë = kacau balau

24:29: Yes. 13:10, 34.4, Yeh. 32.7, Yl. 2:10, 31, 3:15, Pël. 6:12-13

24:30: Dan. 7:13, Za. 12:10-14, Pël. 1:7

běga, samatang i Amang tumba masingkae. ³⁷Kamageng Ahus'u Taumata e ruměnta ute, kakakoae kai mėsulungu su temping Nuh naung. ³⁸Su pira ěllo těntalang ta nędėdarulung gėguwae, taumata e maħungkaėng mėmpaŋginung dingangu mėmpėkėkawing. Kerene sěntiņa saraeweng niđating u ěllon Nuh nasake su rałungu kapalė. ³⁹Saraeng darulunge nangeloe si sire kėbi buħe i sire nakahėngangu kaia seng nariadi. Kerene lai kakakoae sarung kereu Ahus'u Taumata e ruměnta. ⁴⁰Su tempo ene piako ruangkatau su waelė kapamunarane: Sėngkataue sarung paringaneng, arawe sėngkataue wue itěntang. ⁴¹Manga wawine ruangkatau e kapėnggilinge gandum: Sėngkatau paringaneng, sėngkatuėwue itěntang. ⁴²Tangu pakalahėkosė bue, u i kamene wėga wue mėnsang angere Mawunu sarung duměnta. ⁴³Pėtahėndungko ini! Kereu manga taghuangu wale e masingkau kai pukulė pira su hėbi ku piatatahatako e sarung duměnta, ute i sie tawe mėtiki, tadeau tahatako e tawe sumuė solong dalungu walene.

⁴⁴Ualingu ene, i kamene malaing pakarariahi. Batu Ahus'u Taumata e sarung duměnta su orasewe i kamene ta pėngangantibe."

Ĕllang satia ringangu ěllang
ta satiane

(Luk. 12:41-48)

⁴⁵Angkuėngu Mawu Yesus kapia, "Kamageng kerene, kai ěllang sude masatia ringangu matahuėnna? Seng i sie nirui u mawune nakoatėmbonang u manga ěllang baline; tadeau i sie mangonggou kaėng si sire su tempone. ⁴⁶Kariangkamang su ěllang ene kamageng kawalikangu mawune, ku i sie kahombangengbe kapėkoae munarane. ⁴⁷Pangimangke, u mawune sarung manarakangu kalawou raro-tonge su ěllang ene. ⁴⁸Kai kereu ěllang ene kawe raki ute, i sie sarung mėbera suralungu naunge, ⁴⁹'Mawuku bėdaweng marėngu mėbali,' ku i sie nanėtae namało manga ěllang waline, mase kimaėng nanginung dingangu tahapėtėngkiwukang. ⁵⁰Bou e mawune sarung mėbali su ěllo ringangu orase ta laantiwange. ⁵¹Tangu ěllang ene sarung bėbawėbahengu mawune,

kū iwahung soḷong tampaḷ tau-
mata mēlle. I sire sarung ma-
hunsangi dingangu mētatahangu
sigēsā paise.”

Papinintu maḅanung mahuala mapuḷo

25 ”Kereu Ahus’u Taumata
e rumēnta waug’u i Sie
kawe Mawu ute, kakakoḷe kai
mēsulungu papinintu ini: Mahua-
la mapuḷo nasiḷaḷa soḷone, mase
tamai nēmpānēsomahē kaghiang
esē.

²Ene limangkatau wo’i si-
re e kai longong,^{af} arawe li-
mangkatau waḷine e kai mata-
tahuēna. ³Limangkatau mahua-
la ḷongong e nēmpēbawawe soḷon
sire, kaiso tawe nēmpēbawa ḷa-
na rariahine. ⁴Limangkatau ma-
huala matatahuēna e nasiḷbawa
soḷone ringangkewen lana rariahi-
ne. ⁵Kaghiang esē e rimēnta riḷo
maḷongge, kū manga mahuala e
nanētāe nēngiolabē kū nikahunti-
kilangke.

⁶Ara kēkaḷoaranete, wuhue
kinaringihē piḷa kakui u,
’Kaghiang esē e narēnta!
Ēndaie pēmpānēsomahē si
sie!’ ⁷Ene mahuala mapuḷoe
nēmpēbangungke kū nēmpēndiko

soḷon sire. ⁸Manga mahuala
apan longong e nēmpēberāe su
matatahuēna, ’Pahiakengkōn la-
nang kamene e, i kami, u soḷong
kami e seng mēdēdusē.’ ⁹’Ta-
we makaongḷo!’ angkuēng i sire
mahuala matatahuēnae, ’batuḷu
mēntēhang kai i kiteḷ kēbi lana-
ne ta natimu. Dakoḷe pēmpamēlli
su toko!’ ¹⁰Ene, manga mahua-
la ḷongong e tamai e nēmpēmēlli
lana. Saraeng i sire naḷikudē,
narēntāe kaghiang esē. I sire ma-
huala kū seng nariahie nahunsuē
e ringangkeweng kaghiang esē su
saḷiwange mase tukadē e nikunsi!

¹¹Bōu e i sire mahuala waḷi-
ne e nēngkarēntāe. I sire ma-
hungkui, ’Mawu, Mawu, topeiko
tukadē e i kami.’ ¹²Kai kaghiang
esē e simimbang, ’Iḷa bēgaweng
kamene!’”

¹³Tangu Mawu Yesus na-
ngunsije papinintune e kereini,
”Uaḷingu ene pakaraḷukadē bue,
batuḷu i kamene bēgaweng ēllone
lai orase.”

Papinintu maḅanun ēllang tatēllu

(Luk. 19:11-27)

¹⁴”Kamageng Ahus’u Tau-
mata rumēnta suraḷungu kara-

^{af} wodo



Solo ringangu tampau lana (25.4)

ratun'E, kakakoae ute maḷaing kere su papiiintu ini. Sēngkatau esē mēnēnaung mēbua solong tanipa marau. I sie kimui manga ěllange, pinēnarakanengu raro-tonge si sire. ¹⁵Suapang ěllange ene i sie nangonggou roitē buḷaeng lima hiwu. Su waline lai i sie nangonggou roitē buḷaeng dua hiwu. Ku su sēngkatauwe lai i sie nangonggou roitē buḷaeng sēhiwu. Mase i sie ri-

maḷeng. ¹⁶Tangu ěllang ku nēnarimaḷau roitē buḷaeng lima hiwu ene apid'u rimaḷeng nahumbaḷu, mase nakaēba untunge lai roitē buḷaeng lima hiwu. ¹⁷Kerene lai ěllang ku nanarimaḷau roitē buḷaeng dua hiwu e maḷaing nakaēba untunge rua hiwu. ¹⁸Arawe ěllang ku nēnarimaḷau roitē buḷaeng sēhiwue kawe rimaḷeng ku nēmangka lohange su ěntana, ku nēmuni roit'u mawune sene.

¹⁹Marēngu kahēngang bou ene mawu manga ěllang ene napuḷe, ku nanētae nēmpēdare-



Kalèpan doite bułacng (25:15)

keng dingang i sire. ²⁰ Ëllang kù nakatarimaù roitë bułacng lima hiwu ene himaung kù nënarakangu mapuło hiwu. 'Tuang,' angkuënge, 'i Tuang nënarakangu roitë bułacng lima hiwu si sia. Kakëllako, ia nakaëba lai untunge lima hiwu.' ²¹ 'Mapia,' angkuëngu tuange ene, 'i kau ëllangbe mapia ringangu satia. Ualingu i kau kawë kapëngumbalaëngu mahali, ia tangu sarung manarakangu lawo si kau. Suë e kù pëmpahułuasë dinganku!'

²² Mase ëllang kù nënarimaù roitë bułacng dua hiwu ene himaung, kù nëberaë, 'Tuang, i Tuang seng nënarakang u roitë bułacng dua hiwu si sia. Kakëlla-

ko, ia dembeng nakaëba untunge rua hiwu lai.' ²³ 'Mapia,' angkuëngu tuange ene, 'i kau ëllang mapia ringangu masatia. Ualingu i kau kapëngumbalaëng su mahali ute ia sarung manarakangu lawo si kau. Suë e kù pahułuasë ringanku!' ²⁴ Bøu e ëllang kù nanarima doitë bułacng sëhiwu himaung kù nëberaë, 'Tuang, ia masingka i Tuang e kai sëngkatau mahasa. I tuang mënenipo wuang kalu su tampa i Tuang tawe nësuang, dingangu mamënsa su tampa i Tuang tawe nangasi. ²⁵ Ia kai nataku, kù ia e rimalëng nëmuning doiti Tuang suralungu ëntana. Ëndaung doiti Tuang e.' ²⁶ 'I kau ëllang dalaki dingangu malaseng!' unkuëng i tuang e. 'Kara kawë i kau e seng masingkau ia e kai manipo wuang kalu su tampa ia tawe nësuang dingangu mamënsa su tampa ia tawe nëngasi?' ²⁷ Kamageng kere-ne, hinone i kau e kai mëndesou roitëku e su bank, tadeau su kawawaliku e, ia e makatarima kapia roitëku e ringangu rentene. ²⁸ Ualingu ene, alako roitë bo'i sie, mase ghëlli su taumata apang pia doite mapuło hiwu doitë bułacng. ²⁹ Batu taumata kù seng pia, sarung gëlikang limem-

bong kalawoꝛ, ku i sie sarung maḥēmpaliu. Arawe taumata ku tawē apa, kadodo ku bēdang si sie, saḥ aḥakeng. ³⁰ Ku ēllang ku ta gunane e, hiḗ e suraḥungu kara rēndung su ḥikude. Sene i sie sarung sumangi dingangu masigēsa!’”

Pēlahukung su Ēllong Kiamatē

³¹”Kamageng Ahus’u Taumata e rumēnta kere sēngkatau ratu, tētakinangu kalawoꝛ malāekatē e, i Sie sarung maiang su wowong kawawantug’E mahamagē.^{ag} ³² Patiku umatē su dunia ini sarung ipētampung su tēngon’E. Bōu e i Sie sarung mapēdalahaen sire makoḥ duang kamonaēng kere mēndaḥukadē napēdalahaeng domba woḥ kambing. ³³ Taumata apang mēkēkoḥ kapulun Duata e sarung ikomolē su sēmbēkane koaneng, arawe apang tawē mēkakoḥ kapulun Duata e su sēmbēkane kaihi. ³⁴ Mase ratu e sarung mēhenge-tang si sire su sēmbēkane koaneng, ’Pēmpēdamahie i kamene apang niaḥamateng i AmangKu. Pēmpēsūḗ e su raḥungu karara-

tuang ku seng niḥariahi si kamene rokeng su pēmamahēta^{ah} dunia e. ³⁵ U su tempong Ia nahutung, i kamene niapakaēngu Ia dingangu su tempong Ia narou, i kamene niapanginungu Ia. Ia e kai tau raghi, i kamene nēnarimaḥu Ia su waḥeng kamene. ³⁶ Pia Ia tēntole, nipakeaneng i kamene. Ia masakḥ niundangeng i kamene. Pia Ia nitahungku, i kamene nēmpēdalinge si Sia.’

³⁷ Mase i sire nēmpēbera, ’Mawu, angere e i kami nakasilo Mawu e lunusē ku i kami e napakaēng arau narou ku i kami e napēnginung? ³⁸ O angere bue i kami nakasilo Mawu e kere tau raghi, ku i kami e nanēnsomahē Mawu e ku napēnumpang su waḥeng kami? Angere, bue Mawu e kinasilo tēntole mase i kami napēluhen pakeang su Mawu e? ³⁹ Angere i kami nakasilo Mawu masakḥ arau maḥatahungku, mase i kami e nētulung?’ ⁴⁰ Tangu Ratu e sumimbang si sire angkuēng, ’Kasingkako: apang naung niḥakoḥ i kamene, manjeng su sēngkatau woḥ manga anaḥu sēngkatauku masasusa e, ute mēsulungu kinoḥ i kamene Sia!’

^{ag} mawantugē = mulia ^{ah} tētau = permulaan

25:29: Mat. 13:12, Mrk. 4:25, Luk. 8:18 25:30: Mat. 8:12, 22:13, Luk. 13:28

25:31: Mat. 16:27, 19:28

⁴¹ Mase Ratu e mēhengetang-ke lai si sire su kaihin'E, 'Pamehoē wou ini, i kamene tau-mata niapakakutu! Pēmpēsūē e su raŕungu putung ta masasēbu, ku seng niđariahi waugu setang dingangu manga malaekatē! ⁴² U su tempong Ia lunusē, i kamene tawe napakaēngu Ia; su tempong Ia narou i kamene tawe napēngi-nungu Ia. ⁴³ Ia e tau raghi, i kamene tawe nanarimau Ia e su waleng kamene. Ia tēntole, i kamene tawe napēluheng Ia pa-keang. Ia masaki dingangu ma-tatahungku, i kamene tawe nētang-kiang si Sia.' ⁴⁴ Mase i sire malaing mēmpēsimbang si Sie, 'Mawu, angere bue i kami e naka-silo Mawu e lunusē arau narou, arau mēsulungu taumata raghi, arau tēntole, arau masaki, arau ma-tatahungku, ku i kami e ta-we nētulungu Mawu e?' ⁴⁵ Tangu ratu e sumimbang, 'Kasingkako: su tempong i kamene tawe ma-pulu mētulungu sengkatau wo'i sire kasiang ini e ute, mangale-ne i kamene tawe nētulungu Ia.' ⁴⁶ Tangu i sire ene sarung ihu-kung u hukumang kakalē, arawe i sire apang mēmpēkēkoā kapu-lung Duata e, sarung makahom-

bang pēbawiahē tutune ringangu kakalē."

Laakalē su Mawu Yesus

(Mrk. 14:1-2; Luk 22:1-2)

(Yoh. 11:45-53)

26 Kuteu nasueen tēntirone kēbi halē ene su Mawu Yesus, i Sie nēhengetang su manga murit'E. ² "I kamene masingkau kate lai rua ēllo seng Ĕllong Paskah, ku Ahus'u Tau-mata e sarung isarakang tadeau pakipaku su kalu kuruisē!"

³ Su tempo ene manga i-mang tēmbonange ringangu manga matatimad'u tau Yahu-di e nēmpētampung su istanang Imang Marangē i Kayafas. ⁴ I sire nēmpēdaŕahintau mēdeau mēname si Yesus pakapēnisē dingangu mēngakalē mēmate si Sie. ⁵ "Kaiso," angkuēng i sire, "kumbahang halē ene koateng su tempon saŕiwang, mađiring ma-kapēgongga kawanua."

Mawu Yesus nilanisang u lana mawēngi su Betania

(Mrk. 14:3-9; Yoh. 12:1-8)

⁶ Pia i Yesus naung su Betania, su walēn Simon naung pia sakie su pisi makatataku, ⁷ ene

pią e tau wawine sěngkatau hi-
maung si Yesus. I sie něbawa
wotoļę pualam sěmbua lohone la-
na mawěngi maļęgadę. Ene Ma-
wu Yesus maįang kapęsęsimokoļę,
tau wawine ene naněboheng la-
na mawěngi ene su těmbou Ma-
wu Yesus. ⁸Manga murid'i Yesus
e nakasiloę haļę ene ku naralaķi
naung i sire. "Apawe gunane
kěbi ene nipęgagholo?" angkuęng
i sire. ⁹"Lana mawěngi ene wo-
tonge ikawaļų maļęgadę, ku doi-
te rembeng ikaonggo su taumata
kasiang!"

¹⁰Mawu Yesus masingkau
tiněnnang sire, ku i Sie něhenge-
tang, "Kawe unęe i kamene ma-
pakasusan tau wawine ęndaįe?
I sie kai nękoą munara ma-
pia ringangu mawantugę baugu
ļa. ¹¹Tau kasiang e hanesębe e-
ne su taļoarang kamene, arawe
ļa ute waļinewe sěntinią dingangi
kamene. ¹²U pananěbohu ļana
mawěngi ene su wadangku e u-
te, i sie kai mędęndiahi pęlaļębing
baug'u ļa. ¹³Pangimangke! Su
kaguwaų dunia e suapaeweng In-
jilę ipęķękakeke ute, kakanoąu
tau wawine ene sarung ipębawęke
lai makoą tatahędung si sie."

I Yudas kimire mębaļų u Mawu Yesus

(Mrk. 14:10-11, Luk. 22:3-6)

¹⁴Kuteų sěngkatau wo'i si-
re mapulo dua murid'u Ma-
wu Yesus, ku arenge i Yu-
das Iskariot, natamai nęsęmaų
manga imang těmbonange. ¹⁵I
sie nęberaę si sire, "Apa sarung
ionggo i kamene si sia kereu ia
manarakang i Yesus si kame-
ne?" Tangu i sire nęmpęndekeng-
ke roitę saļaka, tęllum puļo su
kaļępane ku boų ene nangong-
goeng doitę ene si sire. ¹⁶Nanęta
boų ene i Yudas hanesę mędędea
loahe mapia męnarakang u Mawu
Yesus.

Mawu Yesus nęsimokoļę simokol'u Paskah ringangu manga murid'E

(Mrk. 14:12-21; Luk. 22:7-14, 21-23)

(Yoh. 13:21-30)

¹⁷Su ęllo humotong su Saļi-
wangu Borotę Ta Lahaesang,
manga murid'u Mawu Yesus
nęmpęhaungke si Sie. I sire na-
kiwaļoę, "Kai suapa kapulun'U
sadiaęng i kami e kaęng u Paskah
e waug'i Tuang?"

¹⁸ Mawu Yesus simimbang, "Dakøe soḷong soa pēsēma i anu sene ku pēbera si sie, 'Angkuēng i Mananēntiro, tempoku e seng nīdating; ku Ia mapulu mēsaliwang u Paskah e su waḷenu ringangkeweng manga muritēKu.'" "

¹⁹ Manga murit'i Yesus e nēmpēkoḷa kerēwe nioron Mawu Yesus si sire. I sire tamai nēmpēnadia kaēngu Paskah ene.

²⁰ Ene nahēbje, Mawu Yesus dingang i sire murit'E mapuḷo dua e nēmpēkaiangke su meda e. ²¹ Ara i sire kapahungkaēnge, Mawu Yesus nēhengetang, "Darinhēko: sēngkatau wou taḷoarang kamene e sarung mēsuniaḷ'u Ia."

²² Nakaringihē ene, manga muritē e mēngkate nēngkasusa ta sihinge. Mase i sire nasikiwalong kiwalone su Mawu Yesus, "Baḷinewe ia itētimonang i Kau Mawu?"

²³ Mawu Yesus simimbang, "I sain nangunong borotē su raḷungu mangko ringanku ute, i sie sarung mēsuniaḷu^{ai} Ia e. ²⁴ Kahēngang bue Ahus'u Taumata e sarung mapohong kere mābawoḷe su raḷungu Winoḷe

Susi. Kaiso kaēngkēhang bue i sai mēsuniaḷ'u Ahus'u Taumata! Tau ene maēndokangbelai naung tawe kadiongeng pinēhana!"

²⁵ Mase i Yudas i anu nēsuniaḷe e nēbera, "Ku baḷinewe ia ngae itētimonang Kau Mawu?"

I Yesus simimbangke, "Kerēwe nībaweranu!"

Pēpaperjamuang u Mawu Yesus

(Mrk. 14:22-26; Luk. 22:14-20)

(1Kor. 11:23-25)

²⁶ Ene i sire māhungkaēngke, Mawu Yesus nangaḷae borotē, mase nēberang kakaliomaneng tatarimakase. Bōu e i Sie nēngangempangke borotē ene ringangu ḷiman'E ku nitēgone su manga murit'E apid'u nēhengetang, "Pēmpangaḷae, pēmpēkaēngke; ini e kai wadangKu."

²⁷ Bōu e i Sie nangaḷae panganginumangu anggorē e, mase nakitarimakase su Mawu Ruata. Nitēgone su manga murit'E, kapēberane, "Panginumēen kame-ne kēbi! ²⁸ U ini e kai rahaku ipanahutēngadē pēkakēdon Dua-ta – dahā e iapatēdo baugu ḷawo ipangampung dosan sire. ²⁹ Pangimangke: Ia sembeng ta-

^{ai} mētulan = mengkhianati

we sarung manginung anggorë ini lai sarung tempong Ia manginung anggorë buhu ringangkeweng kamene su Runia Wuhung Amang-Ku e."

³⁰ Bõu e i sire nẽmpẽkantarĩu kakantari daralo sẽmbua. Kũ mase i sire nakoã sołong bułud'u Zaitun.

Tẽbalu i Petrus sarung mẽsunial'u Mawu Yesus

(Mrk. 14:27-31, Luk. 22:31-34)

(Yoh. 13:36-38)

³¹ Ene i Yesus nẽhengetangke su manga murit'E, "Su hẽbi ini e lai i kamene kẽbije rałiu mẽmpẽtalang manẽntangu Ia. U su Winohe Susi e maɓawohe: Mawu Ruata nẽhengetang, 'Ia e sarung mẽmate mẽlałukadẽ e, kũ gapaẽngu domba e sarung mẽkaliaesẽ.' ³² Kai kereu Ia seng niapẽbangung kapia, Ia e sarung mẽngalimona si kamene sołong Galilea."

³³ I Petrus simimbang su Mawu Yesus u, "Manilaing i sire wałine e manẽntang i Tuang, arawe ia e mambeng tala!"

³⁴ "Tahẽndunge," angkuẽngu Mawu Yesus si sie, "su hẽbi ini e lai tẽntalang manũ ta kimẽkuku,

i kau e seng tẽllung sułe nẽsunial'u Ia."

³⁵ I Petrus simimbang, "Manilaing ia pateẽng sẽngkapate ringangu Mawu, kai ia e mang ta mẽsunial'i Kau Mawu!"

Ku kẽbi manga muritẽ bałine e małaing nẽmpẽbera kerene.

Mawu Yesus mẽkẽkaliomaneng su Getsemani

(Mrk. 14:32-42; Luk. 22:39-46)

³⁶ Naliung ene Mawu Yesus natamai ringangu manga murit'E nẽdeã tampa isẽsẽba Getsemani. Sene i Sie nẽhengetang si sire, "Pahungkaiangko sini tẽntalang Ia deng tamai mẽkaliomaneng." ³⁷ Mase i Sie nẽmaringang si Petrus dingangi rẽdua ana i Zebedeus sẽngkatamai ringang'E. I Sie nanẽtae nasusa ringangu ghimẽnggang. ³⁸ I Sie nẽhenge-tang su manga murit'E, "Naungku e nasusa ta sihinge, pẽndange mẽsułungu seng mate e. Kẽngkatanako sini i kamene, kũ pẽmpẽdałukadẽko ringangKu."

³⁹ Bõu e Mawu Yesus diõ nẽtẽngkaghea, kũ i Sie nẽtẽngkasumagẽ su ẽntana kũ nẽkaliomaneng. "O Amang," angkuẽng'E, "kereu wotonge, apakarauko wou

Ia e kasasigësa taku taludang ini. Kai walinewe kapuluku e maria-di, kaiso kawe tumuhu kapulung AmangKu e sësane."

⁴⁰ Bõu e Mawu Yesus në-baļie su anum manga murid'E i sire tëllu, kuteu sëngkakëllae i sire kawe kapahun-tikie. I Sie nëhengetangke si Petrus, "Kalingung lai sëngkaorasë kai i kamene tëllu e mang tawe nakalukadë dingangKu?"

⁴¹ Pakaralukadë bue ringangu pëmpëkaliomanengko maḍiring i kamene kahombangengu sasaluka. Tëngadë bue rohkë e mapulu mëkoḗ halë mëtëtahino, kaiso i kamene mang ta makatoḗ, batu wou sëmbëkang katataumata e kai lome."

⁴² Sau kapia Mawu Yesus natamai nëkaliomaneng, angkuëng'E, "O i Amang, kereu kasasigësa ini kawe hinong taku taludang, ku tawe ikahipe ute, walae karariadine kapulung Amang." ⁴³ Bõu e Mawu Yesus nësule kapia, ku sëngkakëllane manga murid'E kawe wëdang kapahuntikie, ualingu tiki i sire kai tumanju mawëḗa bëḗa.

⁴⁴ Sënsule ko lai Mawu Yesus nanëntangken sire ku katëllun sulene nëkaliomaneng, bawerane mësulung u kalamona. ⁴⁵ Bõu e

i Sie nësule e kapia su anum manga murid'E ku nëhengetang, "Mëngkai wëdang mëmpëtëtiki dingangu mëmpangirule i kamene? Kakëllae, seng nidating tempone Ahus'u Taumata isarakang su kawang taumata waradosa. ⁴⁶ Pëmpëbangungke, bõu i kite mahundalengke. Tingangke! Taumata mësunial'u Ia e seng ene!"

Mawu Yesus nisame

(Mrk. 14:43-50; Luk. 22:47-53)

(Yoh. 18:3-12)

⁴⁷ Pia i Yesus bëdang kapë-lëhengetange i Yudas, sëngkatau wo'i sire mapulo dua murid'E ene narëntae. Ringangi sie ute, nahundëntae lai taumata lawo ku pia pedane ringangu palon sire. I sire niroloh'u manga imang tëmbonange ringangu manga matatimad'u tau Yahudi. ⁴⁸ I taha pësuniaļe e kai seng nangun nëhabarë si sire tatiala ini, "I sain taku dënguange ute ene taumatane. Ku same e i Sie!"

⁴⁹ Kerene sarang nahumpau tampa ene i Yudas mëngkatewe himaung su Mawu Yesus ku nëbera, "Tabeḗ, Tuang Guru!" mase i sie rimëngu Mawu Yesus.

⁵⁰ I Yesus simimbang, "Anu, kai waugu apa i kau

nakakarēnta sini?" Ene taumata lawo nētēngkawahanje ku nēname si Yesus. ⁵¹Sēngkatau wo'i sire murid'E apang ene sene ringangi Yesus, nēnawu pedane ku namili ēllangu imang marange sarangkewe nahēnsi tułine. ⁵²Mawu Yesus nēhengetangke su murid'E ene, "Suhje kapia pedanu e su homane u kēbi apang mēmpamateng peda e, sarung lai mateng peda. ⁵³Arau su naungu Ia e kai ta makarorong tułung si AmangKu e, ku i Sie apid'u mēndolohu malaekat'E nangēlembo wo'u mapulo dua su gha-paēnge? ⁵⁴Arawe maeng kawe kerene ute, tawe kasasēlije kereu apang ku seng nitēbalē surałungu Winohe Susi u mambeng tēngadē mariadi kere orasē ini e?"

⁵⁵Mase Mawu Yesus nēhengetang su taumata lawo ene, "Unue Ia e kai tahapate, hakju i kamene rumēnta mēmpēbawa wara dingangu pało-pało mēdeau mēname si Sia? Ēllo-ēllo Ia e kawe mañentiro su Wałem Mawu e, kai i kamene tawe mēname Sia! ⁵⁶Kai mang seng harusē kerene tadeau misēhu apang ku niwoheu manga nabi e su rałungu Winohe Susi."

Bou e kēbi murid'E nahuntalang nēmpantangu Mawu Yesus.

Mawu Yesus su tēngon Sanhedrin

(Mrk. 14:53-65; Luk 22:54-55, 63-71)

(Yoh. 18:13-14, 19-24)

⁵⁷Taumata apaen nēmpēname Mawu Yesus nēmpangēntuden Sie sołong bałeng Imang Marange i Kayafas. Sene manga mananēntirong agama e ringangu manga matatimad'u tau Yahudi e seng nēmpētampung. ⁵⁸I Petrus tułole Mawu Yesus bou maraune sarang dēlah'u wałeng imang marange. Mase i Petrus simuē e su rałungu rēlahe, ku naiangke ringangu manga mēndariaga. I sie mapulu makakasingka mēnsang kereapa sarung ēnsue-ne. ⁵⁹Manga imang tēmbonange ringangu patikuwen dałohong Sanhedrin e mēdēdeę sahidu konti, mēdeau mapakanawong hukumangu papate su Mawu Yesus. ⁶⁰Kai i sire tawe nakareę sarang sēmbau tatahutēngade, sēmbalıu seng lawo niałā sahidu konti. Nadeho pia e ruangkatau rimēnta. ⁶¹I rēdua e nēmpēberae, "I anu ēndaie nēbera, 'Ia e makaghogha-

hě bue Wałem Mawu, ku saube ikakoꝫu suraꝫungu tēllu ęllo.”

⁶² Mase imang marangę e nębuꝫę, ku nębera si Sie, ”Kawe unęe i Kau e mang tawę sa-simbangu su laęnsilę ipangęnsilę si Kau e?” ⁶³ Arawe Mawu Yesus męngkate tawę kęndię. Nęsau kapia imang marangę e nębera si Sie, ”Su Tęngon Duata Wiahę e ute pauliko si kami męnsang kai i Kau e Ratu Mananałamatę, Ahus’u Ruata?”

⁶⁴ Mawu Yesus simimbang, ”Kere niweranu. Kai pangimangko: u manęta bou orasę ini e, i kamene sarung makasilo Ahus’u Taumata maıang su sęmbęka koanengu Mawu Ruata Makawasa, ku dumęnta su wowom binawa su langi e!”

⁶⁵ Tangu imang marangę e męngkate naningkasę pakeange, ku nęberaę. ”I Sie nęhinakang Duata! Seng ta wahaluası pia lai sahidine. I kamene kębije seng nakaringihę hala pęlahinakange su Mawu Ruata e.

⁶⁶ Ku ini e kerea su tinęmang kamene e?”

I sire nęmpęsimbang u, ”I Sie nęsałı ku hinong pateęng.”

⁶⁷ Ene i sire nangęduę gha-ting Yesus, ku nęmpangoka si Sie. Sęnggęe wue ute nęmpameru si Sie, ⁶⁸ ringangu nębera, ”Kęnangko tika dingangu pęhabaręko si kami, ei Ratu Mananałamatę! I sai wue nameru si Kau e?”

I Petrus nędęndil’u Mawu Yesus

(*Mrk 14:66-72, Luk 22:56-62*)

(*Yoh. 18:15-18, 25-27*)

⁶⁹ Ene i Petrus kaķaiange su likude, su ręlahę. Sęngkatau wou tałoarang ęllang bawine himaung ku nębera si Petrus, ”Bałinebe i kau lai ringang i Yesus tau Galilea e?”

⁷⁰ Kai i Petrus nędęndilę su tęngon sire kębi. ”Ia e ta nakahęngang męnsang i kau e maanung a,” angkuęng i Petrus, bou ene i sie simębangkę wou tukadę e. ⁷¹ Sęngkatau ęllang bawine wałine nakasilo si Petrus, ku nębera si sire sene, ”Tau ęndaj ini e mang małaing dingang i Yesus bou Nazaret e.”

⁷² Kutęu saęe wue i Petrus nędęndilę, kapęsalune, ”Tęnga-

těngadě iā bėgawen tau ene!"
angkuěng i Petrus.

⁷³ Ta nararěna wou ene i sire apang dudarisi sene němpěhaungke si Petrus dingangu něbera, "Małahę bue, i kau e mang dingang i sire. Ene kinakirałā wue wou pėbawisaranu."

⁷⁴ Ene i Petrus nanětae měsěsasalu ku něbera, "Makakutę, iā e wėgawen tau ene!"

Su orasę ene lai manų kimuku. ⁷⁵ Ku i Petrus nakatahěndungke u Mawu Yesus seng bou něhengetang si sie, "Těntałang manų deng ta kiměkuku, i kau e seng těllun sułe něsuniał'u Iā." Bou e i Petrus simėbangke ku simangę ringangu pėsasasěsilě.

Mawu Yesus niapětěngon Pilatus

(Mrk. 15:1; Luk. 23:1-2)

(Yoh. 18:28-32)

27 Deng małuka-łukadě, kaławou imang těmbonange ringangu matatimad'u tau Yahudi něsěngkanaungke mamate Mawu Yesus. ² I sire něhapusę si Sie, ku něngěntuden Sie si Pilatus, gubernurę u Roma.

Kapapateng Yudas

(MMR. 1:18-19)

³ Ene i Yudas tahapěsuniałę ene nakasilę u i Yesus seng nihukung, i sie něsasěsilě. Mase i sie něnułęeng doitę sałaka těllung puło su kałěpane ene su manga imang těmbonange ringangu matatimad'u tau Yahudi. ⁴ I sie něberaę, "Iā e mamben nědosa, watų něnarakangu tau ta sałane, sarang i Sie nihukungu papate!"

Kai i sire němpěsimbang, "Kaia gunane^{aj} si kami? Ene kai hałę u!"

⁵ I Yudas něhipen doitę ene su Wałem Mawu, mase nětěngkawitingu watangenge.

⁶ Manga imang těmbonange němpangemongke roitę ene ku němpěbera, "Doitę ini e kai roit'u raha. Tumuhų toratę e, doitę ini e kai kumbahang isowa su rałungu tampaų sasěmba su Wałem Mawu." ⁷ Mase saraęng i sire sěngkanaungke, i sire něngałā doitę e piněmėlli ěntana ku isěsěba ěntanang Měka-koā Kuring. ěntana ene niłakoā pěndałębingangu taumata raghi.

^{aj} pułise = manfaatnya

27:3-8: MMR. 1:18-19

⁸ Ualingu ene hakiu sarang orasē ini e ěntana ene nisēba "Ĕntanang Daha".

⁹ Ualingu ene, nisēhūe kere seng nipauliū nabi Yeremia, u, "I sire nēnarima doitē saḷaka tēllum puḷo su kaḷēpane, u kai arēga pinēkiren tau Israel kere wawaehē baug'i Sie. ¹⁰ Ku doitē ene nipa-pakē i sire pinēmēlli Ĕntanang Mēkakoḷa Kuring e, kerēwe seng niorong Mawu e si sia."

I Pilatus namarikēsa

Mawu Yesus

(*Mrk. 15:2-5; Luk. 23:3-5*)

(*Yoh. 18:33-38*)

¹¹ Pia i Yesus nētēngom Pilatus, gubernurē u wanua ene, i Pilatus nakiwaḷo, "I Kau e ratun tau Yahudi?"

"Kere niweran Tuang," angkuēngu Mawu Yesus. ¹² Arawe naung pia e manga imang tēmbonange ringangu matatimad'u tau Yahudi e mēnēnokeng kaḷawou laēnsilē su Mawu Yesus, kai i Sie tawe simimbang sarang sēngkamohong.

¹³ Ualingu ene i Pilatus nēberae si Sie, "I Kau kai ta nakaringihē kaḷawou laēnsil'i sire si Kau?"

¹⁴ Kai Mawu Yesus e tawe simimbang kadiongeng sēngka-

mohong hakiu gubernurē e naralingu ta sihinge.

Mawu Yesus kinahinoēngu hukumang papate

(*Mrk 15:6-15; Luk 23:13-25*)

(*Yoh 18:39-19:16*)

¹⁵ Su apan tempong Salimbang u Paskah e, gubernurē kai pia tundune mamēllou sēngkatau wou taḷoaran taumata ma-tahungkue walawewe tuhu pinilen taumata ḷawoē. ¹⁶ Su tempo ene pia sēngkatau taumatang hukumang pinētateleng. Arengē i Yesus Barabas. ¹⁷ Tangu pia e taumata ḷawoē natampungke, i Pilatus nakiwaḷoē si sire, "Kai i sai tangu su kapulung kamene e taku ipēllo? I Yesus Barabas arau i Yesus isēsēba si Kristus?"

¹⁸ I Pilatus nēbera kerene u i sie kai masingkau manga mangangawasa tau Yahudi e nēmpēnarakang i Yesus si sie ualingu i sire nēmpananoi.

¹⁹ Su tempong Pilatus kukaian su waleng mēlahukung, kutēu kawinge timanatang ini si sie, "Kumbahang i kau mētēngkaḷau pēkarang tau ta saḷane ene, batu kai ualingu i Sie, ia nipi raḷaj ēllo ini." ²⁰ Kai manga imang tēmbonange ringangu matatimad'u tau Yahudi e mēngkai

mëmpanahowong taumata lawo ene mëdeau i Barabas pakipello ku Mawu Yesus pakipate. ²¹ Mase gubernurë saü kapia nikawalo si sire, "I sai su kapulung kame ne taku pello kang bou taloaran dëdua ëndaie?"

"I Barabas," angkuëng i sire.

²² "Kamageng kerene ute, ia kai hinong mëkoä a si Yesus isësëba si Kristus e?" angkuëng i Pilatus si sire.

"Kuruise i Sie!" angkuëng i sire këbi.

²³ "Kawe apa pësasañan'E tangu?" angkuëng i Pilatus.

Mase i sire nëmpamansagë limembong kaihäe lai, "Kuruise i Sie!"

²⁴ Nadeho i Pilatus nakahënganke u i sie tawe lai maka koä apa-apa ringangu i sire kawe sarung mëmpëganoha. Ene i sie nëngañae ake, ku su tëngon taumata lawo ene i sie nanguhasë limane ringangu kapëberane, "Ia e tawe makataludë su papaten tau ini! Ene kai kasingka i kamene!"

²⁵ Kuteu taumata lawoë nëm-pësimbangke, "Ore, walae si kami ringangu manga ana i kami e kahombangengu hukumang su papatene!"

²⁶ Mase i Pilatus namelloeng Barabas baug'i sire, ku dimoloh'u taumata pinëlimadë Mawu Yesus dingangu nanarakang i Sie mëdeau pakikurusë.

Manga soldado mëmpëtëtaghunangu Mawu Yesus

(*Mrk 15:16-20; Yoh. 19:2-3*)

²⁷ Bou e manga soldadom Pilatus nëmpëbawa si Yesus simuë su waleng lawo u gubernurë, ku kaçuwaü wuntuangu soldado e nëkomolë nëliwung Mawu Yesus. ²⁸ I sire nëmpëluä pakeangu Mawu Yesus, ku pinëkakingkaengu kakingkaeng kamumu si Sie. ²⁹ I sire nëmpëlokongu paporong bou manga lelangu kalu pia hanggange, ku tinaka i sire su tëmboü Mawu Yesus. Bou e pinakiumpaed'i sire tëking sëmpëdi su liman'E koaneng, ku nëmpamulangeng su tëngon'E, ku nëmpëttaghunalken Sie. "Tabea Datun Tau Yahudi!" angkuëng i sire. ³⁰ I sire nëmpëngëdudë si Sie, ku nangañae tëking sëmpëdi ene, mase nipëmëbahë si Sie su tëmbo'E. ³¹ Bouten nëmpëttaghunang si Sie, i sire nëmpëluäe kakingkaeng kamumuë wou e niluheëngken pa-

kcange kapia. Bõu e i Sie niwawa solong likude mẽdeau ipakikuruisě.

Mawu Yesus nikuruisě

(Mrk 15:21-32, Luk. 23:26-43)

(Yoh. 19:17-27)

³²Su taloaraen daleng, i sire nẽmpěsẽmaeng sěngkatau wõu Kirene arenge i Simon. I sire nẽnihasaen tau ene iapamasaeng kuruis'i Yesus. ³³Bõu ene i sire nahumpae su tampa sěmbau isěsěba Golgota, mangalene "Tampau Raran Tẽmbõ". ³⁴Su tampa ene i sire napěnginung i Yesus anggorě nilaukangu pẽdu. Kai saraeng Mawu Yesus bõu nẽtemang anggorě e i Sie nadirie nangingung.

³⁵Bõu e i sire nẽmpanguruisi si Sie, kũ nẽmpěpapahiaen pakeang'E kũ pinědalauri. ³⁶Mase i sire nahungkaiangke nẽmpěhapa si Sie sene. ³⁷Su lantehu tẽmbõ'E i sire nẽtaingu wohe laěnsilě si Sie kerei: "Ini e kai i Yesus, Datun Tau Yahudi". ³⁸Dingangu Mawu Yesus e, piako lai tahapate ruangkatau nikuruis'i sire, sěngkatau su sěmběkane koaneng, sěngkatauwe lai su sěmběkane kaihi.

^{ak} mepěleheghese

27:34: Mzm 69:22 27:35: Mzm. 22:19 27:39: Mzm. 22:8, 109:25
27:40: Mat 26:61, Yoh 2:19 27:43: Mzm 22:9

³⁹Taumata apan sũsahe sene mẽmpěpakilingu tẽmbõ i sire kapělěhinakangẽ Mawu Yesus. ⁴⁰I sire kapěberane, "I Kau mapulu mẽnggoghahẽbe Bałem Mawu, kũ mameti kapia suralungu tẽllu ẽllo! Kereu i Kau kai Ahus'u Ruata ute ẽnnae e rěllusě bõu kuruisě ene, kũ pětěngkasalamateng batangengu."

⁴¹Kerene lai manga imang tẽmbonange ringangu manga mananětiro agama e ringangkewen manga matatimad'u tau Yahudi mẽmpěbẽbaheaun^{ak} Mawu Yesus. I sire nẽmpěbera u, ⁴²"I Sie makasalamatě taumata waline, arawe watangeng'E sěsane, i Sie seng tawe makasalamatě! Kereu i Sie kai ratuwen tau Israel ute mapiangbe i Sie pětěngkarěllusě bõu kuruisě ene buhũe i kami mangimang si Sie. ⁴³I Sie mangimang su Mawu Ruata, kũ nẽberau i Sie kai Ahus'u Ruata. Ho, ene i kite deng mẽmanda mẽnsang Duata e makasalamatěbe si Sie ini e."

⁴⁴I rědua tahapěhampasě nikuruisě dingang'E małaing mẽmpělěhinakang si Sie kerene.

Kapapohong u Mawu Yesus

(Mrk. 15:33-41, Luk 23:44-49)

(Yoh. 19:28-30)

⁴⁵Ene, ěllo e malětu, karěngue těllung kaorasě, kaguwaŭ wanua ene měngkatewe narěndung. ⁴⁶Ene mangae pukulě tatěllu wawěllo, Mawu Yesus někią dingangu tingih'E maiha, "Eli, Eli lama sabakhtani?" ku mangalene, "O Ruataku, O Ruataku, unue i Kau naněntang u Ia e?"

⁴⁷Pirangkatau sene nakaringihě kakią ene, ku němpěbera, "I Sie měkěkui si Elia!" ⁴⁸Sěngkatau wo'i sire měngkatewe něbalikěkasě tamai něngalą bungan saghe ku nilaehe su anggorě mahaesě. Mase kahian sie nişasusue su kotou kalu sěmpědi ku niwuhane su wiwih'u Mawu Yesus.

⁴⁹Arawe angkuěngu waline e, "Pěngampalěko, i kite deng kumakělla měnsang i Elia sumongo měngambang si Sie!"

⁵⁰Ene Mawu Yesus saŭewe někią maiha-ihą, mase něminsułu singongon'E pěngěsueěnge.

⁵¹Gorden kaşasange su rałungu Wałem Mawu e natingkasě napahia darua woŭ rasi sarang bawa. Banua e nělinuhě ku manga wukidě batu e nawawěka. ⁵²Manga lěbing něngkatope, ku lawo badang u masasusi nate e, něbangung kapia. ⁵³I sire nahunsěbangke woŭ manga lěbinge sarąeng i Yesus něbangung boŭ papaten'E, ku i sire nahunsuě su Yerusalem. Ku sene lawo taumata nakasilo si sire.

⁵⁴Těmbonangu soldado ringangkewen manga soldado apaen mělěhapa si Yesus mangkewen něngkatakų ta sihinge sarang nakasilo linuhě, dingangu apaewen nariadie. I sire němpěberae, "Mambeng těngadě, i Sie ini kai Ahus'u Ruata!"

⁵⁵Sene piąko lai manga wawine lawo měmpěkěkakělla woŭ marau. Kai i sire ene naung nahuntolě si Yesus mětangkiang si Sie rokeng boŭ Galilea. ⁵⁶Su rałunge kai i Maria Magdalena, i Maria i ninang i Yakobus děduan Yusuf, dingang i ninangu manga ana i Zebedeus.

Pėnanampa Mawu Yesus

(Mrk. 15:42-47; Luk. 23:50-56)

(Yoh. 19:38-42)

⁵⁷ Hėbi ene narėntae sėngk-
tau kalā bōu Arimatea i Yusuf
arengē. ⁵⁸ I sie nakoā solong a-
nung Pilatus kŭ nėdorong balu-
nangu^{al} Mawu Yesus. Mase i
Pilatus nėparentae tadeāu wa-
lung u Mawu Yesus pakigėlli si
sie. ⁵⁹ Tangu i Yusuf nangalae
walunang'E kŭ nipikungu heka
alusė leneng buhu. ⁶⁰ Mase i sie
nėngomolem balunang u Mawu
Yesus su lėbing tataghuanenge,
naung seng tėbe nipakange su
wukidė batu. Bōu e i sie nėlung-
ging batu masaria sėmbau, kere
lahėping tukad'u lėbinge, mase i
sie napulė. ⁶¹ I Maria Magdalena
ringangu i Maria waline ma-
hungkaiang sene tŭtatėngō lėbing ene.

Manga mėndalukadė lėbing

⁶² Tangu su sėngkariōellone
su ěllon Sabatė, manga imang
tėmbonange ringangu manga tau
Farisi sėngkapahundėnta nėsom-
bang i Pilatus, ⁶³ kŭ nėbera,
"Mawu, i kami nakatahėndung
su tempong i anu kontiang e-
ne wėdang biahė, i Sie kai wōu

nėbera u, 'Maliun tėllu ěllo Ia
e sarung mėbangung.' ⁶⁴ Ualingu
ene, pėparentako taumata pėha-
pa lėbing ene pakapia-pia sarang
katėllu-ėllone, mađiringu manga
muri'E makatako walunang u
wadange kŭ mėbera su taumata
u i Sie kai seng nėbangung kapia
wōu papatene. Kŭ pėmamitaugė
pangėnsueėnge ini sarung limem-
bong karalakie wōu humotong e."

⁶⁵ "I kamene pia be solda-
dong kamene mėndalukadė," ang-
kuėng i Pilatus si sire, "dakōe
riagate pakasėgadė lėbinge sėnga-
pam botonge."

⁶⁶ Mase i sire nakoae solong
lėbinge, nėmpanegelė lahėping
tukadė, mase nipėlloėngu mėnda-
riagae su tėngone tadeāu tawe
makapėnggohaeng su lėbing e.

Pėbawangung u Mawu Yesus

(Mrk. 16:1-10; Luk. 24:1-12)

(Yoh. 20:1-10)

28 Ene saraeng ěllon Sabatė
e naliu, tangu su ka-
longeng ěllo Misa e, i Maria Mag-
dalena ringangi Maria lai waline
natamaie nėmpėdalinge nėmpa-

^{al} kasuang; wadang

manda lëbing ene. ²Sëngkianu piã linulië maiha. Sëngkatau ma-laekat'u Mawu e limintu bou sor-ga ku nëlungging batu lahëpinge; ku kimaiangke su wowone. ³Gahju malaekatë e kere kilã, pakeange mawira palusë. ⁴Solda-do mëndalukadë e mënipëlëhapa sene mëngkatewe nëngkawintogë sarang i sire nahungkende, ku ta-bidau kere taumata nate.

⁵Malaekatë e nëbera su manga wawine ene, "Abe këngka-taku! Iã masingka i kamene mëdëdeã si Yesus naung seng nikuruisë ene. ⁶I Sie tawëdise si-ni. I Sie kai seng nëbangung kereewe seng nihabar'E kałamo-na. Mahje pëmpëkakëlla ënna u rëdalokaënge. ⁷Ene, rakøe ligha pëhabarë su manga murit'E, 'U i Sie kai seng nëbangung bou tałoaran taumata nate, ku i Sie kai seng natamai nëngalimona si kamene sołong Galilea. Sene i ka-mene sarung makasilo si Sie!' Tahëndungeko apang seng taku niawera si kamene."

⁸Mëngkatewe masahawu ma-nga wawine ene nëmpañtang u lëbing ene. I sire nahuntalãng mëdeãu mëhabaru halë nariadie su manga murit'u Mawu Yesus, dingangu taku nëdalau u rałuasë.

⁹Sëngkianu Mawu Yesus nauënsomahë manga wawine e-ne, ku nëhengetang, "Tabea!" Ku i sire himaungke si Sie mase limahëkuë laede ringang-u nëmpësuba si Sie. ¹⁰"Abe këngkatakü," angkuëng i Yesus si sire, "dakøe pëmpëhabarë su manga anaü sëmbauku e mëdeãu i sire mačoã sołong Galilea ku se-ne i sire sarung makasilo Sia."

Pëlahabar'u manga mëndalukadë e

¹¹Piã e manga wawine e-ue kapahundalenge, pirangka-tau soldado apang mëmpëlëha-pa lëbinge nëmpëbałi sołong soa, ku nëmpëhabar'u patiku apan nariadie su manga tëmbonangu imang. ¹²Manga imang tëmbonange nëmpëdalãhintau ringang-u manga matatimad'u tau Ya-hudi, mase nangonggoen doitë lawo su soldado mëndalukadë e, ¹³ku nëbera, "I kamene harusë pëmpauli u manga murit'u Ma-wu Yesus e rimënta hëbi, ku nëmpëtako maiet'u Mawu Yesus piã i kamene kapahuntikie. ¹⁴Ku kereu ikaringihu gubernurë halë ene ute, i kami hëdowe mëloke si sie tadeãu i kamene tawe mësom-bangu sungkalene apa."

15 Tangu soldado mēndalu-
kadē e rimæ roitē ene, ku
nēkoæwe apan naung nitanata si
sire. Ualingu ene tangu wēke ene
wēdangben nasēsahē su taloaran
tau Yahudi e sarang ēllo ini.

**Mawu Yesus nētēngkasilo
batangenge su manga
murit'E**

(Mrk. 16:14-18; Luk. 24:36-49)

(Yoh. 20:19-23; MMR. 1:6-8)

16 Murit'E mapulo ēsa e si-
maka solong buludē su Gali-
lea, kerēwe naung pakidēntaing
Yesus si sire. **17** Pia i sire na-
kasilo Mawu Yesus sene, i sire

nēmpēsuba si Sie. Maning kere-
ne kai mang pia u mēdēndapatē
bou taloaran sire. **18** Mawu Yesus
himaung si sire, apid'u nēbera
angkuēng, "Patiku kawasa su sor-
ga ringangu su dunia e seng
nisarakang si Sia. **19** Ualingu ene
ute, dakōe pēmpahundaleng, ku
patiku umatē su kasēllah'u du-
nia e koako muritēKu. Sahaniko i
sire su areng i Amange ringang-
u Ahusē dingangu Rohkē Susi
e. **20** Tēntiroiko i sire mēsempi
kēbi apan taku nioro si kame-
ne. Ku pētahēndungu la e mang
manēntanudē si kamene saræ-
weng kasueēngu dunia e."

INJILĚ NIHABAR'I

MARKUS

DARUMATINGE

InjilĚ nihabar'i *MarkusĚ* e nitĕtæ ringangu pĕlalahe: "Ku kai seng ini e InjilĚ maanung Yesus Kristus, Ahus'u Ruata". Suralungu InjilĚ ene e Mawu Yesus nitode kere sĕngkatau makĕhagĕ kumanoa piako lai pĕhĕngking e. Pĕhĕngking'E ene e małahĕ suralungu kakakoau i Sie manĕntiro, suralungu kawasan'E mĕseke u rohkĕ dalakisĕ, dingangu lai suralungu mĕngampung dosa e. Mawu Yesus e mapatode u watangenge kere sĕngkatau Ahus'u Taumata, ku mangonggou niawane tadeau taumata e maliwirĕ bou rosa.

Bĕke maanum Mawu Yesus suralungu bukĕ ini e nipĕbawĕke mapia-pia ringangu pinakalahe. Kawĕhakenge kai su halĕ u kakanoa'E walineu su wawera ringangu tĕntiron'E. Bouten nĕberan bawerane manimbū pinamahĕta maanun Yohanes Mĕnanahani e ringangu maanun sasahanim Mawu Yesus ringangu sasaluka baugu watangenge, tangu bukĕ i *Markus* ini e hatede mĕbĕbĕken pĕtangkiangu Mawu Yesus, limembo lai kateu su halĕ u karaulen saki kinoa'E ringangu lai su halĕ u tĕntiron'E. Manga pirang pasalĕ pangĕnsueĕnge nĕlurangu wĕke maanun halĕ apan nariadi su ĕllon misa pangĕnsueĕnge su pĕbawiah'u Mawu Yesus su dunia ini, nĕngalemboe wue su halĕ u kaghaghantongu watangeng'E ringangu pĕbawangunge wou kapapohong'E.

Duang bahageang pangĕnsueĕnge wou bukĕ u *Markus*, ku nisue suralungu kurung gĕguwa, kasariange walineu winohe u mĕmamohĕ bukĕ u Markus, kaiso kawe sĕngkatau waline.

Lohone

Panětakenge	1:1-13
Pětatangkiangu Mawu Yesus su tałoarang kawanua su Galilea	1:14– 9:50
Bou Galilea sołong Yerusalem	10:1-52
Missa pangěnsueěnge su Yerusalem ringangu nangėliku e	11:1–15:47
Pėbawangungu Mawu Yesus	16:1-8
Pětatėngkatode dingangu pětatėngkasapua u Mawu Yesus sołong Sorga	16:9-20

Kotbah Yohanes Mananahani

(*Mat. 3:1-12; Luk 3:1-18*)

(*Yoh 1:19-28*)

1 Ini e kai Injilē maanun Mawu Yesus Kristus, Ahus'u Mawu Ruata e. **2** Injilē e nitēta kerewe niḃawoḃe u nabi Yesaya kereini,

” 'Kai ini e rarolohangKu,'
angkuēngu Mawu Ruata;
'Ia e nēndoloh'i sie
niapēngalimona si Kau,
tadeaḃu i sie apēdēndiahi
raralengang'U.' ”

3 Pia e tau maḃohang su
wanua lḃnggi,
'Riahiko raḃeng baugu
Mawu;
teneko raralengang apan
dalengange.' ”

4 Mēsulḃngkewen maḃawoḃe e kerene lai rarēntang Yohanes su wanua lḃnggi. I Sie mēnēnahani taumata ringangu mēdēndalḃngkēng habar'u Mawu Ruata e. ” I kamene harusē pēmpētoḃatē ḃou kaḃawou rosanu ringangu harusē sahaniang, tadeaḃu Mawu Ruata e mēgēllḃu ampung si kame-
ne, ” kerene angkuēng i Yohanes.
5 Kēḃi taumata wou wanuang Yu-

dea e ringangu soang Yerusalem nahuntamai nēmpēdaringihē si Yohanes. I sire nēmpangakung kaḃawou rosan sire, ku i Yohanes nēnahani si sire su saḃu u Yordan.

6 I Yohanes mēpēpakeangu^a pakeang ḃou rukū u onta. Papeḃe e wou pisi, ringangu u kināe kaḃimbotong dingangu kaēnge ghulḃn katiupang. **7** I Sie kai maḃulḃ u habarē ini, ” Samurin ia e sarung dumēnta sēngkatau nangēlebong kasēllahe wou ia e. Kaḃlungung kumakurung mēluka taḃing sapatun'E e, ia e tawe wotonge. **8** Ia mēnēnahani si kamene e kai ringangu aḃe arawe i Sie ku sarung mēnahani si kame-
ne ringangu Rohkē Susi. ”

I Yohanes nēnahani Mawu Yesus

(*Mat. 3:13-17; Luk. 3:21-22*)

9 Su tempo ene tangu Mawu Yesus narēnta wou Nazaret su wanuang Galilea, ku i Yohanes nēnahani si Sie niurung su saḃu u Yordan. **10** Saraḃeng Mawu Yesus e nasēpu ḃou aḃe ene, i Sie nakasilo langḃ natope ku Rohkē Susi e natēntung kere manū pāluma ku dimorou si Sie. **11** ḃou e

^a mēlēluheng

1:2: Mal 3:1 1:3: Yes 40 3 1:6: 2Rat. 1:8

kinaringihě tingih'u Mawu Ruata mēlēhengetang, "I Kau e kai AhusēKu ikēkēndagě. I Kau e mētētalahino su naungKu e."

Mawu Yesus nisalukatengu setang

(*Mat. 4:1-11; Luk. 4:1-13*)

¹² Bōu ene Rohkě Susi apid'u nēngaha Mawu Yesus solong banna linggi. ¹³ Ĕpa u puḷo su ẽllone i Sie sene nisalukatengu setang. Manga binatang duḷu e malaing ene ringangkewen Sie sene e, ku manga malaekatě e mēmpētětangkiang si Sie.

Mawu Yesus nēkui ĕpa u katau mēnanoma

(*Mat. 4:12-22; Luk. 4:14-15, 5:1-11*)

¹⁴ Saraeng i Yohanes nita-hungku, Mawu Yesus e nakoā solong Galilea, ku nēhabar'u Injil'u Mawu Ruata e paise. ¹⁵ Angkuēng'E, "Kararatun Mawu Ruata e seng masandigě. Ku pēmpětobate i kamene wou kaḷawou rosang kamene, ku pangimangke su Injil'u Ruata!"

¹⁶ Ene, Mawu Yesus kaḷalenge su apengu ranong Galilea e, i Sie nakasilo mēnana-

ma duang katau, ku i Simon dingangu tuarine i Andreas. I rědua e kai kapēnēnomane su rano. ¹⁷ Mawu Yesus nēhengetang si rědua, "Pēmpětoleko si Sia. Ia e sarung manēntiro si kamene mēnoma taumata." ¹⁸ Ene i rědua mēngkatewe nanēntangu soma i rědua e mase timole su Mawu Yesus.

¹⁹ Mawu Yesus mang kaḷalenge, tangu i Sie saḷewe nakasilo si rědua tahatuari waline, i Yakobus dēduang Yohanes, manga ana i Zebedeus. I rědua kinaēbakeng suralungu sakaeng, kapēnēnaminge soma i rědua. ²⁰ Mawu Yesus apid'u kimui si rědua. Ku i rědua e mēngkatewe nanēntang i amangi rědua e su sakaeng, ringangkewen i sire mēlahalě waline e. Bōu e i rědua nēmpětole e Mawu Yesus.

Tau naung nisawelangu rohkě dalakisě

(*Luk. 4:31-37*)

²¹ Mawu Yesus dingangu manga maurit'E nahumpa su soang Kapernaum. Ku su ẽllon Sabatě tuhue, Mawu Yesus nasuě su walem pěkakaḷiomanengang

kū nanētæ nanëntiro. ²²Tauma-
ta kū apan dūdarīngihē e mang-
kewen dūdalīnaū u pananënti-
ron'E. U i Sie nanëntiro e kai
piā pēhēngkinge, walīnewe kere
manga mananëntiro agama e.

²³Su tempo ene piā sēngka-
tau kinasuēkangu rohkē dalākī
kū simuē suralungu walēng pēka-
kaliomanengang, kū nēmansagē,
²⁴"Ei Yesus tau Nazaret, kai
pēkapuraēngu i kami e? I Kau e
rumēnta waug'u mapakawinasang
kami e? Ia e masingka i sai i Kau
e: I Kau e kai rarolohang masusi
wou anun Duata!"

²⁵"Karēmasēko!" angkuēngu
Mawu Yesus nēhēkadē rohkē da-
lakī ene, "Sēbangke wou tau ini!"

²⁶Ene rohkē dalākī e mēngka-
tewe nēnggaghinggo tau e-
ne maiha-ihā, bou e simēbang
bou ralungu tau ene kabansa-
ge. ²⁷Kēbi taumata e mēngka-
tewe nēngkaherang hakīu i si-
re nēmpēbera sēmbau su walī-
ne, "Hu, kai apæ ini? Piæwe
tëntiro wuhu! Makalahēngking
rēdēndinganengu kawasa i Sie
nanokolē rohkē dalakisē nia-
pasēbang, kū i sire mēngkawe
mararingihē si Sie!"

²⁸Tangu habar'u Mawu Ye-
sus e mēngkatewe masahawū

nēkakeke su kaguwau wanuang
Galilea.

Mawu Yesus napakaulen taumata lawo

(Mat. 8:14-17; Luk. 4:38-41)

²⁹Mawu Yesus dingangu ma-
nga murit'E nanëntangu walēm
pēkakaliomanengang ene, kū na-
koā solong balen Simon dēduan
Andreas. I Yakobus dēduan Yo-
hanes maļaing natoļe ringangi
sire. ³⁰I ninangi Simon kinara-
tingang niļēhabe suralokaēng. Kū
ene piā e Mawu Yesus dingangu
manga murit'E simuē su wale e-
ne, Mawu Yesus e nihabareng u
halē ene. ³¹Tangu Mawu Yesus
tamai himaung si ninang i Simon
kinaratingang, kū nangumpaedē
ļimane apid'u nēmangung si sie.
Kutēu ļēhabe napiā e, kū i sie
nanētæ nakapēsiliwirē si sire.

³²Ene nawawēlloē, kū ma-
tangēlloē seng simēdæ, i si-
re tangu nēmpangēntudē kaļawou
taumata apan masakī dingang-
u nikasuēkangu rohkē dalakīe
solong anun Mawu Yesus.
³³Kakēpaļewen pēmamanuan^b
soa ene e nēmpētampungke su
tēngon baļe ene. ³⁴Mase Mawu
Yesus napakapiāen taumata lawo
apan piā sakīe mēdēdalāhaghi e,

^b tumanau = penduduk

kū nanokolēko lai rohkē daralakie malawo. I Sie tawe napakawalang rohkē daralaki e pēbēbera, watu i sire masingkau kai i sai i Sie.

Mawu Yesus nēnasē su Galilea

(Luk. 4:42-44)

³⁵ Sēngkarioēllone reng marēndung-dēndung, Mawu Yesus nēbangung kū limintu nanēntangu wale. I Sie nakoā solong tampa marēmasē su likud'u soa, kū nēkaliomaneng sene. ³⁶ Arawe i Simon dingangu manga hapie natamai nēmpēdeā si Sie. ³⁷ Kū saraeng i sire nēsombang i Sie, i sire nēmpēberae, angkuēng, "Kēbi taumata e mēmpēdēdeā si Tuang."

³⁸ Mawu Yesus e kai simimbang, "Boete i kite manēpasēkon daraleng i kite solong apan soa waline kū mararani e wou ini. Ia harusē lai manēntiro tamai sene, u kai ene tēgalu rarēntakue."

³⁹ Kai ualingu ene Mawu Yesus e rūdaleng mamēpidē kaguwau Galilea e, manēntiro su manga waleng pēkakaliomanengang apidē mēnēnokoļu manga rohkē dalaki e.

Mawu Yesus napakapian sēngkatau piā saki e su pisi
(Mat. 8:1-4; Luk. 5:12-16)

⁴⁰ Tau nirorokangu saki su pisi makatatakue rimēnta su anum Mawu Yesus. Tau ene nēmulangeng kū nēbera, "Kereu i Tuang tumalēntu u ia, ute i Tuang botonge mapakaulen ia e."

⁴¹ Mawu Yesus timalēntuēn tau ene. Kū i Sie nēnenggehe tau ene apid'u nēbera, "Ia e mapulu kū kapiā e!" ⁴² Su orasē ene tangu saki nailang kū i sie napia. ⁴³ Mase Mawu Yesus nēndoloh'i sie pinakapule apid'u timanatang ini, ⁴⁴ "Ene ēng abe pēbēke si sai-sai, kaiso tamaiko solong anung imang, kū pēdorrong si sie pēsahiding kau u i kau e seng napia. Mase waug'u pēngangundangu e, pēnondangkon sasēmba kereewe nititan Musa, kere tatiala su taumata lawo u i kau e kahēnga-hēngang seng napia."

⁴⁵ Kaiso taumata ene napule, mang hanesē mēbēbēken kariadin halē ene suapan tampa, hakiewen Mawu Yesus e tawe nakasuē su soa ene ringangu waharia. I Sie kētaeng nētana

su likud'u soa su manga tanpa mararēmasē. Kai manilaing kerene taumata e mang ta pontode mahundēnta su anun'E bou apan beo e.

Mawu Yesus napakapian tau nipeosē

(Mat. 9:1-8; Luk. 5:17-26)

2 Pira ěllo naliung ene Mawu Yesus nēsule solong Kapernaum. Tangu nakekē e habarē u i Sie kai su wale. **2** Ku lawo taumata nēmpēdēnta. I sire nēmpētampung sene, hakiu seng tawē apa loahe. Kalingung tukadē e malaing nasēsē u taumata. Mase Mawu Yesus e nēhābāreng hengetang u Mawu Ruata e si sire. **3** Kapēhengetang'E i Sie, piā e i sire ēpa mēbēbawenteng tau nipeosē tadeau wawāng sarang anum Mawu Yesus. **4** Kai kahian kalawou taumata, i sire tawe nakakahaung sarang dēduh'E. I sire nawī ku nēlekesē atū su lanteh'u Mawu Yesus e. Bou ene i sire nēmpanguluh'u tau peosē ene ringangu tēpihe. **5** Saraeng Mawu Yesus nakasilo kasariang pangangimang i sire, i Sie nēhengetangke su tau peosē e, "Amang, kalawou rosanue seng niampungang."

6 Ene piā e mananēntirong agama pirang katau kapahungkai-ange sene, nanētāe nahēngkiwalo su ralungu naung i sire, **7** "Kawahani i anu ēndaje nēbera kerene! I Sie kai mēlēhinakang Mawu Ruata. I sai wotonge makaampung dosa e sulun Mawu Ruata e sēsane?"

8 Su tempo ene lai Mawu Yesus masingkau tinēnnang sire. Mase i Sie nēhengetangke, "Kawe unūe i kamene mēmpētētinnēna kerene su naung i kamene? **9** Sude limembong mahāng: mēberang, 'Dosanu seng niampungang', arau mēberang 'Pēbangungke, hengke e tēpihu ku dalengke'?" **10** Arawe ini la sarung mēlahē si kamene u su won dunia ini e, Ahus'u Taumata e kai kawasa mēngampung dosa." Mase Mawu Yesus nēhengetang su tau peosē ene, **11** "Pēbangungke, hengke e tēpihu e ku kapulē e!"

12 Nēbangungke i sie ku apid'u nēngala tēpihe mase simēbangke tētatinganeng i sire kēbi. I sire ē nēmpēdalinau, ku mase nēmpēdalōe Mawu Ruata. Angkuēng i sire, "Bēdaweng tanakasilo i kite halē kere ini e!"

Mawu Yesus kimui si Lewi

(*Mat. 9:9-13; Luk 5:27-32*)

13 Mawu Yesus nēsule kapia solong apeng u ranong Galilea. Malawo taumata e himaung si Sie, mase i Sie nanentiro si sire. **14** Pia e Mawu Yesus kapedaralenge sene, i Sie nakasilo sengkatau maghaghelle bea arenge i Lewi, ana i Alfeus, kukaiang su kantorē u bea. "Tole e Sia," unguengu Mawu Yesus si sie. Tangu i Lewi e mēngkatewe nēbuā kṽ timole Mawu Yesus.

15 Kuteu Mawu Yesus kapēsēsिमोकले su waleng Lewi, tangu narēnta e ghapaengu maghaghelle bea ringangu taumata apaewen pēpandaengu taumata lawo e taumata ralakisē kṽ nahungkaeng sengkakaeng dingangu Mawu Yesus sire manga murit'E. U kai lawo su taloaran sire nahuntole su Mawu Yesus. **16** Mananentirong agama pirangkatau wou ghapaeng u tau Farisi nakasilo Mawu Yesus sengkapa-hungkaeng dingangu manga maghaghelle bea ringangu taumata lēnnaeng baradosa e. Kṽ i sire nēmpēkibalō su manga murit'u Mawu Yesus, "Kawe unue mananentirong kamene e kawe kṽkaeng dingangu manga ma-

ghaghelle bea ringangu taumata apan dalakisē e?"

17 Mawu Yesus e nakaringihē kakiwalon sire ene, kṽ simimbang ungueng, "Taumata apan malahuweka e tawe mēgaghausē dokterē, kaiso kawe apang masasaki e sidutu. Ia dimēnta e walinewe kumui apan kṽ mēpēpēndang batangenge seng mapia, kaiso kawe taumata apan baradosa e."

Halē u pētattelling

(*Mat 9:14-17; Luk. 5:33-39*)

18 Ene pia su sengkatempo manga murit'i Yohanes Mēnanahani ringangu tau Farisi e kapēpuasane. Bōu e kai pia u himaung su Mawu Yesus kṽ nakiwalo angkueng, "Kawe unue murit'i Yohanes Mēnanahani ringangu tumatole tau Farisi e kawe mēpēpuasa, arawe manga murit'i Tuang kawe tala wue?"

19 Mawu Yesus simimbang, "Makoā buē su salimbangu kawing, kṽ manga sake ipēpuhēdang? Kereu kaghiang esē deng bēdang dingangi sire, nalāheu i sire mang mahungkaeng. **20** Kai sarung su tempone kaghiang esē e alakeng bōu i sire. Su tempo ene ute wuhewe i sire tawe mēmpahungkaeng.

²¹Tawe apa taumata mēndē-pelu ririsē buhu waug'u ghēdeu pedesē tēbe. Batu ririsē buhu ene kai mēngahēbu dingangu makaghēde pedesē ene, ku sauneng makasaria ghehe e. ²²Kerene lai tawe mētahong anggorē buhu su kawihē pisi tēbe. U anggorē buhu e sarung makabēse kawihē. Samurine i rēdua e magholo kēbi. Anggorē buhu e kawe hinong itaho su kawihē buhu e lai!"

Kakiwalo maanung ěllon Sabatē e

(*Mat. 12:1-8; Luk 6:1-5*)

²³Pia sēnsule su ěllon Sabatē e, pia e Mawu Yesus si-mahe wou rahaming gandum, manga murit'E, nanēta e nēmpa-nipo gandum. ²⁴Kuteu tau Farisi e nēmpēbera e su Mawu Yesus, angkuēng, "Kawe unūe manga murit'U e kawe lūlampa ator'u agamang kite, ku i sire kawe mēmpēkēkoabe apang ipēpelli su ěllon Sabatē e?"

²⁵⁻²⁶Mawu Yesus simimbang-ke u, "Kai wēdang ta nakabasa i kamene apang ku nīkakoā i Daud, pia i Abyatar kapēmuna-rane kere sēngkatau imang ma-wantugē. Pia i Daud dingangu

manga taumatane nēngkalunusē, ku nikawusangu kaēng, tangu i sie simuē su Walem Mawu mase kimaēng borotē sasēmba su Mawu Ruata. Ku borotē ene maļaing pinēgēllikange su taumata-ne. U sēmbalīau su atorang'u agamang kite e kētaewen manga imang botonge kumaēng borotē ene."

²⁷Mase Mawu Yesus bēdang nēbera lai u, "Ěllon Sabatē e nikoā baugu taumata walīne-we taumata waugu ěllon Sabatē; ²⁸Ku Ahus'u Taumata e kai kawasa, ore lai su ěllon Sabatē."

Tau līmane sēmbēka nipatene

(*Mat. 12:9-14; Luk. 6:6-11*)

3 Mawu Yesus nēsule ka-pia solong baļe pēkakaļioma-nengang. Sene kai pia tau lī-manē sēmbēka nipatene. ²Sene kai lai pia i sire mēmpēdēdeā saļang Mawu Yesus, mēdeāu ma-kapangēnsil'i Sie. Tangu i sire mēngkatēwe hanesē mēkēkakēlla si Sie, mēnsang i Sie ma-pa-kaulen taumata masakī e su ěllon Sabatē. ³Mawu Yesus nēbera su taumata līmane sēmbēka nipatene e, "Mahiko rarisi ěndaung

sini su tēngone.” ⁴Mase i Sie nakiwalo si sire sene, ”Tuhū agamang kite e, kai apa hinong koateng i kite su ɛllon Sabatē e? Mēkoā mapia arau mēkoā dalakī? Mēngambang taumata arau mēmate?”

I Sire mēngkate nēngkarēm-masē. ⁵Mawu Yesus e limangehē kapēmmandane māngelikū si sire, kaiso naung'E mang masusa, ualingu i sire māhēmpaliung tungkētī e. Mase i Sie nēbera su tau ene, ”Togorēko limanu.” Tau ene nanogore limane, kū sēngkianū naule. ⁶Tangu tau Farisi e nēmpañtangken baleng pēkakaļiomanengang, mase nēdalāhintau ringangi sire pirang katau tumatoļe si Herodes, mēdeāu mēmate Mawu Yesus.

Taumata lawo su wiwihu rano

⁷Mawu Yesus dingangu manga murit'E simohō solong danong Galilea. Tangu maļawo-ļawo taumata wou Galilea nahuntolē Mawu Yesus. Maļawo lai nahundēnta wou Yudea, ⁸wou Yerusalem, bou wanuang Idu-mea, dingangu wou wanua su sēmbēkan daking Yordan, dingangu wou likud'u manga soa

su Tirus dingangu Sidon. I sire kēbi nēmpēdēnta solong anun Mawu Yesus, u i sire seng nakaringihē kaļawou haļē kū seng nikakoā'E. ⁹I Sire ene maļawo-ļawo, hakū Mawu Yesus nēndoloh'u manga murit'E apēdēndiahi sakaeng baug'i Sie, u maļadingu i Sie kasēsekangu taumata lawo. ¹⁰I Sie napakauļen masasaki maļawo, kū kakēpalewen masasaki e mēngkate mēpēpapangan-suhē mētēngkarani kaļiongeng deng makapēnenggehē si Sie. ¹¹Dingangu i sire apan nika-suēkangu rohkē dalakī e, kasuewen makasilo si Sie, apidu mēsuba su tēngon'E ringangu mēmansagē u, ”Seng i Kau e Ahus'u Ruata e!”

¹²Kai Mawu Yesus mēsēsēding sēngapan botonge u kumbahang manga rohkē dalakī e mēmombeng i Sie.

Mawu Yesus nēmile sire mapulo dua murit'E (Mat. 10:1-4; Luk. 6:12-16)

¹³Bou e Mawu Yesus simaka solong buļudē, kū kimui si sire apan ikēkapulune. I sire e nahundēnta, ¹⁴mase i Sie namile wou taloaran sire mapulo dua sukataune. Angkuēng'E, ”Ia e na-

mile si kamene, tadeau i kamene tumaking si Sia ku i kamene taku irolohë iapangeken Injil'u Mawu Ruata, ¹⁵ringangu i kamene sarung makatarima kawasa mēdeau makapēnokol'u manga rohkë daralakisë."

¹⁶Kai ini e areng i sire mapulo dua ene: I Simon (Ku isēsēba e lai si Petrus), ¹⁷i Yakobus dēduan Yohanes tuarine, manga ana i Zebedeus (i sire ini nitambaēngu areng i Boanerges mangalene "manga ana rēllu"), ¹⁸i Andreas, Filipus, Bartolomeus, Matius, Tomas, Yakobus ana i Alfeus, Tadeus, Simon i Malintoi,^c ¹⁹dingang'i Yudas Iskariot, ku ianu e neṭulang Mawu Yesus e.

Mawu Yesus ringangu Beelzebul

(*Mat. 12:22-32; Luk. 11:14-23, 12:10*)

²⁰Bou e Mawu Yesus napule solong balë. Kai taumata lawo e sau nahundenta nētampung, saraeweng Mawu Yesus dingangu manga murit'E tawe nakapēsimo-kolë. ²¹Taumata nēmpēbera, "I Sie seng nēpulu!" Ene saraeng manga ana sengkataune naka-

ringihe halë nariadi e, tangu i sire nēmpangala e si Sie.

²²Manga mananēntirong agama apang nēmpēdenta wou Yerusalem nēmpēbera u, "I Sie nikasuēkang i Beelzebul! Tēmbonangu manga rohkë dalaki ene e ku nēmpēgēlliu kawasa si Sie tadeau makapēnokolu rohkë dalaki."

²³Tangu Mawu Yesus kimumi e taumata lawo e, ringangu nēbēken papinintu pirambau si sire. "Kai makoabe kerea rohkë dalaki e manokol'u rohkë dalaki?" unguēngu Mawu Yesus. ²⁴"Ku kereu sēmbanuaēnge kawe napahia suralungu piran kamonaēng ku tawē pēdarame, ute wanua ene tawe mēdaragë. ²⁵Ku kereu suralungu sēntahanakeng tawē kasasēmbaue ringangu apaewen dalohone kawe mēmpēsēsasitori sēmbau dingangu waline, ute pētātēngana sengkataue sarung magholang. ²⁶Kereu su ralungu kararatuangu setang kai pia kaghagholang dingangu pēsasitori, kararatuang ene e tawe mēdaragë dingangu sarung miwu.^d

²⁷Taweu sarang sengkatau makasuë su walēn tau matoghasë

^c Sawohi = patriot ^d mailang = lenyap
3:22: Mat. 9:34, 10:25

kū mēhampasē arētæ kereu i sie tawe mēhapusē tau matoghasē e-ne kalimoua. Bōu ene wuhū e i sie makapēhampasē darotonge.

²⁸ Kēngkasingkako! Kereu taunata mēkoā dosa ringangu mēhinakang, i sie wēdang kaampungang. ²⁹ Arawe i sai mēhinakang Rohkē Susi e i sie tawe kaampungang! Batuū pēlahinakang ene kai rosa sarang kakalē.” (³⁰ Mawu Yesus nakapēbera kere-ne, batuū piā u nēberau Mawu Yesus niwāliuangu rohkē dalakī.)

I ninang ringangu anau sēngkatau Mawu Yesus

(*Mat. 12:46-50, Luk 8:19-21*)

³¹ Bōu e i ninang'E ringangu manga anau sēmbaue nasongōe. I sire nēmpēngampalē su likude kū dimoloh'u taumata niapēkui Mawu Yesus. ³² Su tempo ene maławo taumata maiang mēlēliwung Mawu Yesus. I sire nēmpēbera si Sie, "Tuang, i ninang dingangu manga anau sēmbau i Tuange ene su likude. I sire mēmpēdēdeā si Tuang."

³³ Mawu Yesus simimbang, "I sai tangu i ninangkue? I sai tangu anau sēmbaukue?" ³⁴ Bōu ene i Sie namanda si sire apan kūkaiang mēmpēlēliwung e ma-

se nēhengetang, "Tamai ini e i ninangku ringangu manga anau sēmbauku e! ³⁵ I sai mēkēkoā kapulu Mawu Ruata e, i sie kai anau sēmbauku ese dingangu anau sēmbauku wawine, ringangu i ninangku."

Papinintu maanung sēngkatau mananawuhē

(*Mat. 13:1-9, Luk. 8:4-8*)

4 Mawu Yesus sauewe nanēntiro su apengu ranong Galilea. Taumata mēngkate maławo mēmpēlēhēmbung si Sie. Ualingu ene i Sie simakē e kū naiang su raļungu sakaeng sēnggēsa dūdalēto su ake, kū taumata lawo e ruđarisī su wiwih'u rano. ² Mase Mawu Yesus nanēntirong halē maławo si sire suraļungu papinintu. Kū i Sie nanēntiro kerei-ni si sire.

³ Pēmpēdaringihēko! Piā tahawaelē sēngkatau tarai nēngasiu wine. ⁴ Kapēnawuhe, piā e wine naasi su wēntang daleng. Bōu e nirēntaēngkeng manū u winalangeng kū bine e nasueen temōe. ⁵ Piabeng sēngga naasi su ēntana mahuwatu kū ēntanane mahali. Bine e maligha nahuntuwo watū kai manipi ēntanane, ⁶ kai sarāeng matangello e nasa-

hengke, hētje nanētæ nalolang kṽ su samurine naghilang mase nahēgu, batu hamue tawe nakasue maralung. ⁷Sēngga e wue ute piā bine nasawuhē su taloaran manga sumpinī. Sumpinī ene timuwo kṽ nanēseewe manga towøe, sarang tawe nēbua. ⁸Kai piābe lai wine naasi su ěntana mapia. Bine ene himētī kṽ timuwo nakoā gēguwā mase nēbua e, piābeng tēllum puḷo, piābeng ěnnungu puḷo, ringangu piābeng limembo mahasu su sule-ne kakēpale.”

⁹Bouten nēbēke papinintu ene Mawu Yesus nēhengetang, ”I kamene piābe tuḷing kamene, raringihe!”

Unue Mawu Yesus mēpēpapinintu

(*Mat. 13:10-17; Luk. 8:9-10*)

¹⁰Natarangke Mawu Yesus sēsane, taumata apan seng nakaringihē tēntiron’E rimēnta e su anun’E sēngkakarēnta ringangu manga murit’E i sire mapulo dua. I sire mēdēdorong tadeau i Sie pēnēnualag’u mangalen papinintu ene. ¹¹Tangu Mawu Yesus nēberæe si sire, ”I kamene seng nionggolangu alamatē, tadeau makakasingkau dahasia

māanun kereapa kararatun Mawu Ruata e. Arawe taumatang likude tētēntiroēng’u papinintu, ¹²tadeau

’I sire sarung mēmpamandawe kahēnga-hēngang

kaiso kawē tawe makasilo, i sire sarung hanesē mēmpēdēdaringihē,

kaiso tawe makaḷaēnna, tadeau kumbahang i sire makasilo ringangu makaēnna ringangu kumbahang mahundēnta su anum Mawu Ruata kṽ Mawu e mēngampung dosan sire.’”

Mawu Yesus manualag’u papinintu māanum mēnanawuhē

(*Mat. 13:18-23; Luk. 8:11-15*)

¹³Bou e Mawu Yesus nēhengetang si sire, ”Kereu i kamene tawe makaēnna papinintu ene, ute i kamene kawē makaēnna kereapa manga papinintu lai waline tangu? ¹⁴Mēnanawuhē e ute kai taumata apam mēlēhabar’u hengetangu Mawu Ruata. ¹⁵Bine ninawo su raleng ute kai isēsihing si sire apan dūdaringihē injilē māanung kereapa kararatun Mawu Ruata e, kaiso tawe ma-

kaenna. Ene nakaringihe, tangu rimëntæ setang ku nēngalæ apang ku seng nisawuhë suralungu naung i sire. ¹⁶Bine ku apan ninawo su ëntana ku mawawatu, aling kai taumata makadingihë injilë, ku apidewe nēnarima dingangu maluasë. ¹⁷Kai injilë ene tawe nēhamu suralungu naung i sire hakju tawë kararëpange.^e Sarangke i sire kinahombangengu sigësä arau tatumbiagë ualingu injilë e, ute i sire apid'u nētula.^f ¹⁸Apam bine nasawuhë su taloaran sumpini e, aling kai taumata apam makadingihë injilë e, ¹⁹kaiso kawe ghugënggangu pëbawiah'i sire ringangu lüëning u wiahë mahëmpaliu. Mënningu haghin sabarange sūsüë suralungu naungi sire. Ualingu ene injil'u Mawu Ruata e këkaëpisang su ralungu naungi sire, hakju tawe mëbawua. ²⁰Dingangu wine ku nasawuhë su ëntana matawa e aling kai taumata ku apam makadingihë injilë, ute mënarimau ene, ku i sire mëbua malawo, piabeng tëllum pulo, piabeng ënnungu pulo, ri-

ngangu piabeng mahasu su sulë ne limembong kalawoë wuane."

Solo nitakateng u wënsadë

(Luk. 8:16-18)

²¹Mase Mawu Yesus nēhengetangke kapia, "Seng pia ngae taumata nëndiko solo ku bou e nitakatengu wënsadë, arau nipëllöe su ralungu raralokaëng? Kawe unue i sie tawe mamëllou solo ene su ralaede? ²²Taweu mabawuni ku tawe ikasilo; dingangu taweu kapapënisë e ku tawe sarung kasingkateng. ²³Ualingu ene, kereu pia tuli ute, daringihëko!"

²⁴Mase Mawu Yesus sau lai nēhengetang, "Pësipirëko apang ikaringih'i kamene ini! Sasuka ku ipanuka i kamene waugu taumata waline sarung lai ipanukau Mawu Ruata si kamene - dingangu wëdalaing limembong kalawoë. ²⁵U i sain seng pia, sarung lai ongotang bëdang limembong kalawoë; arawe apang ku ta apa ute, relaing pëngalakengu apam mahali ku bëdang si sie."

^e mëtahang marëngu = tahan lama ^f murtad

4:21: Mat. 5:15, Luk. 11:33 4:22: Mat. 10:26, Luk. 12:2 4:24: Mat. 7:2, Luk. 6:38 4:25: Mat. 13:12, 25:29, Luk. 19:26

Papinintu mañanum bine timuwo

²⁶ Mawu Yesus delaing naneñpu bisarane, "Kereu Mawu Ruata e mēparentae aling kai sengkatau Ratu, kakakoae wotonge ikasihing kere sengkatau mēnanawuhē bine su waelē e. ²⁷ Hēbi i sie mētiki; arawe ēllo i sie mēbangung. Ku manga wine ene mang katuwone ringangu kakasariane. Katewe mēnsang kereapa kakakoau tatuwone ringangu nasaria e, tau ene ewēga wue. ²⁸ Ēntana ene sēsane nalāhēu mapasēbangu wuane: kahumotongange pułane, bou ene kawene, mase wuane. ²⁹ Ku kereu gandung ene seng nasasae, ute tau ene manētae mēharsē e, batūu kai seng tempo pamamēnsa."

Papinintu batun sawi e

(*Mat. 13:31-32, 34; Luk. 13:18-19*)

³⁰ "Kereu Mawu Ruata e mēparenta, ute kai ikasihing i kite e ringangu a?" Kapia Mawu Yesus nakiwalō. "Kai papasihing apa ikapake i kite mēdeau ikapanualagē ngae? ³¹ Kereu Mawu Ruata e mēparenta kakakoae ute

kai kere papinintu ini: Bakiu sasawi sēmbau nialau sengkatau ku nisuang su ēntana. Bakiu sasawi e kai kararidikangu wine su dunia. ³² Kai kamagengu seng timuwo ute, i sie mariadi kasariaēnge wou taloarang haghin sasuang. Manga lēlange mēngkate apa masuhampa⁹ hakiu manga manūu winalangenge mēmpahundēnta ku mēmpēkēkoā salehe su naue."

³³ Kerene kakakoau Mawu Yesus manēntiro taumata lawo dingangkewen papinintu matatimu mēsulungu ene, karauewen kahēnganeng i sire. ³⁴ Mawu Yesus mēngkate sēntiniā mēpēpakeu papinintu kereu i Sie manēntiro si sire ene. Kai kamagengu i Sie hala ringangu manga murit'E, ute i Sie mēnēnualag'u kēbi tamai ene si sire.

Mawu Yesus napakalēnēh'u rēllang

(*Mat. 8:23-27; Luk. 8:22-25*)

³⁵ Su sēngkawawēllo ene lai, Mawu Yesus nēhengetang su manga murit'E, "Tamai e i kite mēsakaeng solong sēmbēkan dano."

³⁶ Tangu Mawu Yesus si make e su sakaeng dingangu

⁹ naghaghundung = rindang
4:29: Yl. 3 13

manga murit'E, ku nanëntangu taumata lawo e su wiwihu rano e, ku simake sēngkasake. Manga sakaengkewe lai waline e malaing ene sene. Mase Mawu Yesus dingangkewelai manga murit'E tangu nanētæ nēsakaenge. ³⁷Tawe nararēna wou ene tangu rēllang maihæ timiue. Mēlisange nanētæ nanakalē sakaenge ku kinasakaeēnge hakū sakaeng kawe maraning mapenū ake. ³⁸Su petong sakaeng ene Mawu Yesus kapēhēdange ku tēmbøe kaḍalēngkang su kapepe. Manga murit'E nēmpēmukøe si Sie. I Sire nēmpēbera, "Tuang Guru, kawe tawe sēmpikang i Tuang tangu i kite masilaka?"

³⁹Mawu Yesus napukøe ku namalēndihē anginge ku nēberæ su rano u, "Kēndi e, kalenehēko!" Kuteu anginge nalēdæ, ku dano mēngkatewe nalene-lenehē. ⁴⁰Mase Mawu Yesus nēhengetang su manga murit'E, "Kawe unue i kamene mataku? Kawe unue i kamene tawe mangimang si Sia?"

⁴¹Tangu i sire nēngkatakue ku nēmpēberæ sēmbau su waline, "Kawe i sai tangu i Sie ini, hakū anging dingangu lua e kawe maḥimang si Sie."

Mawu Yesus napakapian tau niwaliuang u rohkē ḍalakisē e

(Mat. 8:28-34; Luk. 8:26-39)

5 Bøu e Mawu Yesus dingangu murit'E nawunæ su sēmbēkan danong Galilea, su wanian Gerasa. ²Ene Mawu Yesus natumpæ wou sakaeng, i Sie nihaungangu sēngkatau esē matoghasē simēbang bøu manga liangu kubulē. ³Tau ene seng nipēbanuangu rohkē ḍalaki ku i sie seng mētētana su manga pēngangubulang. I Sie seng tawe ikaḷaiki manilaing ikitangu hante. ⁴Seng masau wēntungang su laede ringangu su ḷimane, kai manga hante e mēngkate wēbēsukange, dingangkewen uase su laede pēpapēdiange. I Sie kerene katoghase hakiewen taweu makatātētoḷē mēhēgo si sie. ⁵Ēllo hēbi i sie mēngkatewe lēgah'u manga lēbing dingangu manga wēntihe, kapēmansagē ku mēḍēndalesē badange ringangu watu.

⁶Ene wou maraune i sie seng nakasilo Mawu Yesus narēnta, ku i sie mēngkatewe timalang nanēnsomahē mase nēsuba su tēngon Mawu Yesus. ⁷Dingangu

tingihe maiha i sie mamansagë,
 "Yesus Ahus'u Mawu Ruata Ka-
 rangetange! Kai sarung pëkapu-
 ranengu ia ini e? Su arengu
 Mawu Ruata, ia mëdëdorong, a-
 be sigësake ia e!" (8 Tau ene
 nëbera kerene batüu Mawu Ye-
 sus nëhengetang si sie, "Rohkë
 dalakï, sëbangke wou tau ëndai
 ini!")

9 Mase Mawu Yesus naki-
 walöe si sie, "I sai areng u?"

Tau ene simimbang, "Areng-
 ku e i 'Legiun' – batüu i kami
 ini e kai malawo-lawo!" 10 Apan
 piran sulë i sie mëdëdorong
 sëngapang botonge tadeau Mawu
 Yesus abe pënokol'u manga rohkë
 dalaj e wou weö e ene.

11 Maranin tampa ene pia ga-
 paëngu wawi malawo mëmpëdë-
 dea kaenge su lengeh'u wuludë.
 12 Manga rohkë dalajie nëmpëdo-
 rong su Mawu Yesus, "Rolo-
 he i kami apahunsuë su ralungu
 manga wawi e." 13 Kù Mawu Ye-
 sus kimire e. Tangu manga rohkë
 daralaj e nahunsëbangke wou tau
 ene kù nëmpësuë su wawi e.
 kalawou wawi e nëmpëtalang kù
 nahuntumpa wou wiwih'u tēnggi-
 lihange kù nëngkawunsalë su ra-
 no mase nëngkawulusë – kalawoë
 mangawe rua hiwu su wau e.

14 Manga mëndalukadë bawi
 e nahuntalang kù nëmpëbëken
 halë ene su soa ringangu su a-
 pang kampong mangëliku e. Ma-
 se taumata lawo e simëbang
 nëmpamanda halë seng nariadi
 e. 15 I sire nëmpëhaungke Ma-
 wu Yesus, kù nakasilo tau ka-
 nini niwaluangu rohkë dalakie
 kù maiang ëndaise. I Sie seng
 pia pakeange, ringangu tinënn-
 ne seng kere wiasa. Kù i sire
 këbi e nëngkatakü. 16 I sire apa-
 wen nakasilo hala kakakoau tau
 ene ringangu manga wawi e,
 mëmpëbëbëken halë seng naria-
 die. 17 Mase apan tumanau weö
 e ene tangu mëdëdorong tadeau
 Mawu Yesus manëntangu wanua
 ene.

18 Ene Mawu Yesus simakë e
 su sakaeng, i anu nangun niwalu-
 uangu rohkë dalajie nëdorongke
 su Mawu Yesus mëdeau i sie wo-
 tonge makatole.

19 Kai Mawu Yesus e tawe
 napakawala, angkuëng'E, "Daköe
 kapule, kù paulie su manga anau
 sëmbau u apan seng kinoau Ma-
 wu si kau, ringangu kereapa ka-
 pian'E i Sie si kau!"

20 Tau e apid'u napule, kù
 nanëtae nëbëke su kaguwau Soa
 Mapulo apang kù seng nikoau

Mawu Yesus si sie. Ku kēbi taumata e mēngkaherang naka-ringihē ene.

Ana i Yairus – Wawine
nēnenggehē laku
u Mawu Yesus

(Mat. 9:18-26; Luk. 8:40-56)

²¹Mawu Yesus nēsulē kapia solong sēmbēkan dano. Su wih'u rano e, taumata lawo nēmpēdahēmbung Mawu Yesus. ²²Ene pia tau narēnta arenge i Yairus. I Sie kai sēngkatau tēmbonangu waleng pēka-kaliomanengang su soa ene. Pia i sie nakasilo Mawu Yesus, i sie nēsuba su tēngon'E, ²³ku mēdēdorong sēngapam botonge, "Tuang, anaku wawine kai masakī matēdu. Karimako i Tuang deng dumēnta ku makapanēllid'u liman'U, ku i sie maule ringangu tawe mate!"

²⁴Tangu Mawu Yesus e natamai ringang i Yairus. Maławo taumata nēmpētōlē si Sie mēmpēsēsasēngkelē balāewe mēnsang bou tampa sude.

²⁵Su taloaran sire e pia lai sēngkatau wawine ku seng mapulo dua su taunge mēngkai rēdalengangu raha wou wadange pelli. ²⁶Patiku darotonge seng nasuen pake e pinamaehē manga

mangangundang, kaiso taweu nakapia, kaiso kawē napahuntinambang tēduē. ²⁷Bawine ene seng maławo dingihe maanun Mawu Yesus. Tangu su taloaraen taumata lawo ene, i sie himaungke Mawu Yesus bou likude, ²⁸u su tinēnnane, "Kaḍiongeng katewe ia manenggehē lakue, tangu ia e seng mapia!"

²⁹I Sie nanenggehē laku u Mawu Yesus, ku su tempo ene e lai raralengu rahane e napon-todē. I Sie nakapēndangu i sie seng nulē. ³⁰Tangu su orasē ene lai Mawu Yesus nakapēndangu pia kuatē simēbang bou watangeng'E. Tangu i Sie nēbihi su taumata lawo ene ku nēhenge-tang, "I sai wēdī nanenggehē lakuKu e?"

³¹Manga muritē e nēmpēbera, "I Tuang makasilo hala u apaē maławo taumata ku mēmpēsēsasēse. Ku i Tuang delaing makiwalou, i sai nanenggehē si Tuang?"

³²Arawe Mawu Yesus mēngkate sēntinia, mamanda kaihi koaneng mēdēdeḍa tau nanenggehē si Sie. ³³Tau wawine ene ku nasingkaeng apa naria-di su watangenge, ku kaken-deneḅeng taku tangu i sie nēsuba su tēngon Mawu Yesus

kū nēngakūen kēbi-kēbi. ³⁴Tangu Mawu Yesus nēhengetang su wawine ene, "AnaKu, ualingu i kau nangimang si Sia, ute i kau e nau! Dako kapule suralungu pēdarame. I kau e seng nule kahēngang!"

³⁵Ene Mawu Yesus bēdang kapēhengetange, piā darolohang pirang katau, nahundēnta wou waleng Yairus. "Ahus'i Tuang bawine e seng nanēntang," angkuēng i sire si Yairus. "Tawe wahałasē i Tuang mapakasusa Mawu Yesus e wēdang."

³⁶Tawe nēsēmpi apang iwēberang taumata lawo e, Mawu Yesus nēhengetang si Yairus, "Abe kataku, mēngkate pangimang!" ³⁷Mase Mawu Yesus dimaleng turusē, kai i Sie tawe napakawalan sarang sēngkatau niapatole si Sie, kētaewen i Petrus, Yakobus dingangi Yohanes sire tahatuari. ³⁸Sarāng i sire nahumpa su waleng Yairus, Mawu Yesus nakasilou mēngkate nēmpēgolang, dingangu nakaringihē sasangi dingangu ralungkang maiha. ³⁹Bou e Mawu Yesus simuē dingangu nēbera si sire, "Kawe unūe mēmpēgēganoha dingangu mahunsangi? Dariō ene walineuwe nate, i sie kētaeng mētēti!"


⁴⁰I Sire kai nahulēgen Mawu Yesus. Tangu i Sie nēndolohen sire niapasēbang kēbi. Bou ene i Sie namaringang si ninang dingangu i amangu rario dingangu i sire tēllungkatau murit'E simuē su ralungu kamar'u rario ene. ⁴¹Mawu Yesus nangumpaede liman dariō e, kū nēhengetang si sie, "Talita kum," mangale-ne, "Momo, Ia mēbera si kau: pēbangungke!"

⁴²Dariō mahuala e mēngkatewe nēbangung, kū dimaleng. (Umure seng mapulo dua su taunge.) Kēbi apan nakasilou kariading ene e mēngkatewe nēmpēdalinau! ⁴³Kai Mawu Yesus e nēsēding sēngapam botonge si sire mēhabar'u halē ene si sai-sai. Mase unkuēng'E, "Gēlikengkong kaēnge rario ene."

Mawu Yesus pinēbinsi su Nazaret

(Mat 13:53-58; Luk. 4:16-30)

6 Bou tampa ene, Mawu Yesus napule sēngkakapule dingangu manga murit'E solong soan sire. ²Kū su ēllon Sabatē, i Sie nanētae nanēntiro su walem pēkakaļiomanengang. Senē kai piā taumata maralawo. Ene i sire nakaringihe tēntiron Mawu Yesus, i sire mangkewen



*Walem pèkakaḷomanengang batuhu
raḷunge (6:2)*

němpědaḷinau. I sire němpěbera,
"Kai wou apa tau ěndaḷ nakaěba
kěbi tamai ene? Kai kasingka ke-
reapa si Sie? Kai kereapa i Sie
měkoḷ karalinau? ³Kara i Sie ka-
we basě u kalu, ana i Maria, ku
tuhang i Yakobus, i Yoses, i Yu-
das dingangi Simon? Ore, manga
wawinene maḷaing měmpětětana
sini." Uaḷingu ene i sire tawe
nėnarima i Sie.

⁴Mase Mawu Yesus něhenge-
tangke si sire, "Sěngkatau nabi
e lěadateng suapan tampa ta-
beḷu katewe su wanuane ringang-
u sutaḷorang anaḷ sěmbau e ri-
ngangu walage."

⁵Ku sene Mawu Yesus ta-
we nakapěkoḷ munara makadaḷi-
nau tabeḷu katewe napakapian
masasaki, pirangkatau ringang-
u naněllid'u ḷimane si sire. ⁶I
Sie naralingung sire, kawe tawe
mangimang.

Mawu Yesus rimoloh'u
muri'E mapuḷo dua e
(*Mat. 10:5-15; Luk. 9:1-6*)

Bou e Mawu Yesus limu-
hu manga kampong maḅgělliku
kapaněntirone. ⁷I Sie kimui
manga murit'E mapuḷo dua e,
mase rimoloh'i sire pětaḷadu-
ang katau ku niongotangu kawa-
sa tadeḷu i sire makapěnokolě
manga rohkě daḷai e. ⁸I sie
něgělliu těntiro kereini si si-
re, "Kumbahang měbawa manga
apa-apa su raralengang i ka-
mene, tabeḷu katewe těking.
Kumbahang měmpěbawa kaěng
arau kawih'u siděka, arau
roitě. ⁹Pěmpěsasapatu wue, kai
maḅieng tawe měbawa laahusě
duam parě." ¹⁰I Sie maḷaing
něhengetang, "Kereu i kamene
rumangeng su waḷe sěmbau, u-
te katanāe sene sarang i kame-
ne maněntangu soa ene. ¹¹Kai

kereu i kamene mahunpaē su tampa sēmbau, ku i sire se-ne tawe manarima diingangu tawe rumaringihē si kamene, ute tēntangke wanua ene. Ku ton-tongko awulē bou laed'i kamene makoā kere sasahidi si sire!"

¹² Tangu manga murid'u Mawu Yesus i sire mapulo dua e nahundalengke. I sire rimaleng nēmpēkakekeng habarē u taumata e apētēto batē bou kalawou rosane. ¹³ Manga murid'u Mawu Yesus e nēmpanokolē kalawou manga rohkē dalaie, nanuhang lanang zaitun su masasaki, dingangu niapakaulen sire.

Papateng Yohanes Mananahani

(*Mat. 14:1-12, Luk 9:7-9*)

¹⁴ Manga habarē maanung kalawou apan seng nariadi kinaringih'u Ratu i Herodes, batuu arengu Mawu Yesus e seng time-leng suapan tampa. Pia taumata nēbera u, "i Yohanes Mananahani e seng nēbiahē kapia! Kai ene hakū i sie pia kawasane mēkoā karalinau tamai ene."

¹⁵ Arawe i sire waline e mēbēbera u, "i Sie kai i Elia."

Pia lai mēbēbera u, i Sie kai nabi, mēsulungu sēngkatau nabi wou taloarang tempo kalimona.

¹⁶ Pia e i Herodes nakaringihē ene. i sie nēbera u, "Mang kahēngangu ini e kai i Yohanes Mananahani ku kangere e seng taku pakibusā tēmbōe. Ini i sie kai seng nēbiahē kapia!"

¹⁷ Batuu kalimonang ene, i Herodes naung seng nangoro taumata pinēnaniē si Yohanes, ku pinakitahungku. I Herodes nēkoā kerene ualingu i Herodias kawingu anaū sēmbau e hala i Filipus. Batuu i Herodes kai seng nēkapapuēng dingangi Herodias, ¹⁸ ku su halē ene tangu i Yohanes kai seng piran sule mēbēbera si Herodes kereini, "Tawe wotonge i kau mēkapapuēng kawingu anaū sēmbau u ene!"

¹⁹ Kai ene sungkalene hakū i Herodias naung nangune si Yohanes ku mapulu mēmate si Yohanes, kai i sie tawe nakakoā halē ene, batuu sēsahagheēng i Herodes. ²⁰ Batuu i Herodes kai seng nēndoloh'u taumata pēdēndiagā pakapia-pia si Yohanes su tahungku, ualingu i sie kai matakū i Yohanes. I Sie masingkau i

Yohanes kai sĕngkatau taumata naunge mapia ringangu matulidĕ kŭ nidaroloh'u Mawu Ruata. Kŭ kamageng i Yohanes mĕbisara ute, i Herodes maĭaing puluang dumaringihĕ, maning i sie ikĕkali-pomponge.

²¹ Pangĕnsueĕnge i Herodias nakaĕbae loahe su ĕllom pĕtatahĕndungangu karariading Herodes. Su tempo ene i Herodes namangung saliwanu kĕbi wĕbatone, tĕmbonangu manga mĕsaseke dingangu manga matatĕllangu wanuang Galilea. ²² Su saliwang ene, ana i Herodias mahuala taraĕ simuĕ nĕsaĭai, kŭ pĕsasaĭaine mĕngkai nakalahimpulu naung i Herodes dingangkewelai manga sakene. Tangu i Herodes nĕberaĕ su rariĕ mahuala ene, "I kau e mĕtonengu a, pĕhabare! Ia e sarung mĕngonggou ene si kau!" ²³ Mase i Herodes nĕkĕdo su rariĕ mahuala ene apid'u piĭa salune. I Herodes nĕberau, "Baĕbe apa rorongangue mang sarung taku ionggou, ore lai maning sĕmbĕka wou wanua pĕparentaĕngku e!"

²⁴ Tangu rariĕ mahuala ene simĕbangke kŭ nakiwalou si ni-

nange, "Inang, apa e kapiange taku dorongang?"

I ninange simimbang, "Pĕdorongke tĕmbou i Yohanes Mĕnanahani."

²⁵ Dariou mahuala e mĕngkatewe ligha nĕsule solong anung Herodes kŭ nĕbera, "Ia mĕdorong tĕmbou i Yohanes Mĕnanahani kŭ onggou si sia su orasĕ ini lai ku taho su baki!"

²⁶ Sarang nakaringihĕ dorong ene, tangu i Herodes mĕngkatewe apa masusa-susa naung e. Kaiso, i sie mang tawe maka-koĭa mangilĕmmu u rorong ene, ualingu i sie kai seng nĕsalu su tĕngon manga sakene. ²⁷ Kŭ i sie mĕngkatewe nĕhanggosĕ dimoloh'u sĕngkatau lukade apĕngala tĕmbou i Yohanes Mĕnanahani e. Tangu lukadĕ ene simuĕ e su tahungku, mase namusa tĕmbou i Yohanes. ²⁸ Bou ene i sie nĕbawa tĕmbou ene su baki kŭ nitĕgone su rariĕ bawine ene. Mase rariĕ bawine ene sau nĕnogor'u tĕmbou ene si ninang e. ²⁹ Bou e manga murit'i Yohanes nakaringihĕ halĕ ene, i sire nahundĕntaĕ nĕmpangala maieti Yohanes mase nilĕbing.

Mawu Yesus napakaëng u

lima hiwu sukataune

(Mat 14.13-21; Luk. 9:10-17)

(Yoh. 6:1-14)

³⁰ Manga rarolohang ku niroloh'u Mawu Yesus e nempësule kapia ku nempëkomolë dingangu Mawu Yesus. I sire nempëbëke si Sie patikuewe apan seng nikoḷa dingangu nitëntiron sire.

³¹ Mëngkai apa malawo taumata mëngkasongo ringangu mëngkapule, hakiu kalingung kumaënge Mawu Yesus dingangu manga murtië e tawë loahe. Tangu Mawu Yesus nëhenge-tang su manga murid'E, "Boete i kite solong tanpa marëmmasë mëtëngkatëntani i kite hala, tadeḷu i kamene reng makapangirolo kadodo tempo." ³² Tangu i sire nempëbuḷa e ringangu sakaeng solong tanpa marëmmasë.

³³ Kuteu kai lawo taumata seng nakasilo si sire nempänëntangu tanpa ene, ku masingkau i sai wue i sire. Ku bou këbi soa su wanua ene, i sire mëngkatewe mahuntalang bou rulunge mëmpëngalimona Mawu Yesus dingangu manga murid'E.

³⁴ Ene, Mawu Yesus tutumpæ

wou sakaeng, i Sie nakasilo taumata lawo. I Sie timalëntu i sire, ualingu i sire kai kere domba ta mëralukade. Tangu i Sie nanëtae nanëntirong halë lawo si sire.

³⁵ Ene nawawëllöe, tangu manga murid'u Mawu Yesus nempëberæ si Sie, "Seng masara mahëbi, kutëu tanpa ini e kawe maghea. ³⁶ Mapiawe i Tuang pëndoloh'i sire ini e aparaleng, tadeḷu i sire makawelliwe kaëng su manga weo e arau manga kampong apan mangëliku ini e."

³⁷ Kai Mawu Yesus e simimbang, "I kamene e pëgëlli kaëng i sire."

"Hu, kai i kami harusë dumaleng mamëlli borotë arëgan doitë salaka dua hasu su kalëpane waug'u kaëng i sire ini e?" kerene angkuengu manga murid'u Mawu Yesus e.

³⁸ Mase Mawu Yesus nakiwalö e, "Kai pirang bau borotë si kamene? Kënganko pëmpëkakëlla."

Bouten i sire nempëkakëlla, ute i sire nempëbera u, "Piḷa borotë limambau dingangu piḷa lai kina duambua."

³⁹ Mase Mawu Yesus nango-ro si sire këbi e apakaiang

pěķķamonaěng su rěmpugě me-long. ⁴⁰I sire měngkate nahungkaiang němpěkamonaěng. Kų pią u pětaha mahasu, dingangu pią lai pětaha limam puło sukataune pēsěngkamonaěng. ⁴¹Bou ene Mawu Yesus něngala e borotě limambau dingangu kiną duambua ene, mase rimalingara solong langi kų nakitarimakase su Mawu Ruata. Bou ene, i Sie nangangompeng borotě ene ringangu liman'E kų niongo e su manga murit'E pakipahia su taumata lawo ene. Kų kiną duambua ene nipěpapahia lai si sire ķebi. ⁴²Tangu i sire nahungkaěngke sarang něngkalaedě. ⁴³Bou ene lěmbeng kaěng e nika-komolu manga murit'u Mawu Yesus - kalawoe mapulo dua su luwene napene-pene. ⁴⁴Kų kalawou manga esę apan nahungkaěng borotě e naung piąu manga lima hiwu sukataune.

Mawu Yesus dudaleng su wowong ake

(Mat. 14:22-33; Yoh. 6:16-21)

⁴⁵Bou e Mawu Yesus měngkatewe rimoloh'u manga murit'E nipěsakaeng piněngalimona si Sie solong Betsaida pai sěmbėkan dano, arawe i Sie reng

mapakapule u taumata lawo e. ⁴⁶Saraeng bou někatau taumata lawo e, Mawu Yesus simaka solong buludě tadeau mękalimangeng. ⁴⁷Ene nahėbi e, sakaengu manga murit'E ene seng su taloaran dano, arawe Mawu Yesus e wědang su rułunge. ⁴⁸I Sie nakasilote si sire měngkate marasai męděndalung sakaenge watu somahě. Ualingu ene, mangae su wěllau pukułě tatěllu ringangu pukułě ěnung małukadě, i Sie nęmatu si sire kų dimaleng su wowong ake. Kų i Sie měngkate rimaleng męsulungu luniu si sire. ⁴⁹Kai saraeng i sire nakasilo si Sie ruđaleng su wowon ake e, ute i sire mangiralingu i Sie kai himukudě, ⁵⁰hakiu i sire němpěkia u katatakų. U kai i sire ķebi e nakasilo si Sie kų i sire něngkawintogě.

Kai Mawu Yesus e ligha namisara si sire, "Pakarěmmasęeko! Ia e kai I Yesus. Abe ķęngkataku!" ⁵¹Mase i Sie simake e su sakaeng i sire, kų anginge nalęda e. Manga murit'E mangkewen dimalinau tawę sihinge. ⁵²Karalinau su pią borotě limambau e, wědang ta nakapuko pangangimangi sire. Mawěha baug'i sire makahěngang.

Mawu Yesus napakapia masasaki su Genesaret

(Mat. 14:34-36)

⁵³ Saraeng naraki su sēmbēkan dano e, i sire nēmalango su apengu Genesaret. ⁵⁴ Lēpase i sire natumpa wou sakaenge, i sire nakakirala u narēntae kawe Mawu Yesus. ⁵⁵ Mase i sire mēngkatewe nētatalang suapang kaguwau weḡe ene, ku nanēntae nanondan masasaki su tēpihē solong anum Mawu Yesus. Kereu i sire makaringihē u Mawu Yesus kai ene su tampa sēmbau, i sire tamai manondang masasaki sene. ⁵⁶ Balawe Mawu Yesus mēnsang – su weḡe e sude su kampong, su soane arau su wawurasenge – sene i sire mang dumēnta mamēllou masasaki su taluahe. Mase i sire mēmpedorong tadeau masasaki rembeng ipakawala mēmpanenggehē kakingkaenge maniang tumbu humpune. Kēbi apan nēmpanenggehē e, nēngkapia.

Tundung i upung gaghurang

(Mat. 15:1-9)

7 Tau Farisi sēngkamona-
ēng dingangu pirangkatau mananēntirong agama wou Yeru-

salem nahundēnta su anun Mawu Yesus. ² I sire nakasilo manga murit'u Mawu Yesus pirangkatau maḡhungkaēngu liman sire kotorē tuḡe agama, mangalene tawe nēmpanguhasē lima kalimona tuḡe ator'u agama.

³ Tau Farisi, kerene lai patiku apan tau Yahudi e masatia kahēngang mahuntole tundu i upung gaghurang i sire. I sire tawe mahungkaēng kereu tawe nanguhasē liman sire tuḡe tundu seng nihundugē e. ⁴ Apan niwēlliang su pasarē e reng tawe kanengang, tēntalang deng tawe nilēuhasē kalimona. Dingangu lawo lai atorē baline wou i upung i sire ku lēumpaedang i sire matoghasē; kere manguhāsē galasē, bekerē dingangu apaḡiwu bou witu.

⁵ Batu ene manga tau Farisi ringangu manga mananēntirong agama e, nēmpakiwalo su Mawu Yesus, "Kai unḡe manga murit'U e kawe kuḡaēngu lima tawe nilēuhasē? Kai unḡe i sire tawe tumatole tundu manga i upung gaghurang i kite e?"

⁶ Mawu Yesus simimbang, "I kamene mamben taumata mēlle! Mangkewen nihino apang nitēbal'i Yesaya maḡanung kame-

'U kai kereini angkuëng u
Mawu Ruata,
i sire ene kětaeng mąngadatě
si Sią su mohong,

arawe naung i sire e kai
marau wou Ią e.

7 Tawę kěhase i sire
měmpaněmba Sią,
batų kai tiahan taumata
itětěntiron sire,
tabidau kai titaKu!

⁸Manga titan Duata e ta-
we sasěmpikang i kamene, arawe
tundung taumata e lěumpaerang-
beng kamene masěga-sěgadě."

⁹Mase Mawu Yesus saųe wue
nėhengetang, "I kamene e pande
kahěngang měsumal'u tita Ma-
wu Ruata e, tadeau makapěta-
hutěndaų těntirong kamene hala.
¹⁰I Musa e seng nangonggou ti-
ta kerei, 'Pangadatě si amangu
ringangu si ninangu,' dingang-
u 'I sai mamuļo si amange ri-
ngangu si ninange, hinong ihu-
kung pateęng.' ¹¹Arawe i kame-
ne kawe měnėnėntiro: Kereu pią
u měmuļo gaghurange, 'Apang
kų hinong takų ionggou si amang-
ku ringangu si ninangku, seng
bou takų nisasěmba su Ruata,'
¹²tangu i kamene kai nėliwirě
taumata ene wou tatangkianenge

mětuļungi amange ringangu. i
ninange. ¹³Tangu uaļingu těnti-
rong kamene kų nionggou i ka-
mene su taumata e, i kamene
měnděmņę u hengetangu Mawu
Ruata. Bědalaing maļawou kaka-
koą kereini kų kěkoateng i kame-
ne."

Apa makalamuh'u taumata

(Mat 15.10-20)

¹⁴Mase Mawu Yesus kimui
taumata lawou e sěnsule kapia kų
nėhengetang si sire, "Pěmpěda-
ringihěko tadeau makaenna!
¹⁵Tawę manga apa kų bou liku-
de masuě su raļungu taumata kų
makalamuhų si sie. U kawe apan
sųsěbang bou sěngkatau ene na-
kaļamuhų si sie. [¹⁶Tangu kereu
pią tuļi, pěmpědaringihě.]"

¹⁷Ene saraęng Mawu Yesus
naněntangken taumata ļawou e kų
dimangeng su wale, manga mu-
rit'E nakiwalo si Sie měnsang
kaia timonan papinintu ene.
¹⁸Tangu Mawu Yesus nėhenge-
tang si sire, "Kai ta nakaenna
i kamene? Arau kai tawe ma-
kaenna i kamene u apan masuě
su raļungu pěsěngkatau e tawe
makalamuhų si sie? ¹⁹U apaewen
masuě e tawe sumahe raļungu

naung, kaiso kawē lūliu tiang, ku susamurine sūsēbang kapia." Bōu manga wawera ene Mawu Yesus mēlēlahē u kēbī kaēng e mapia.

²⁰ Mase Mawu Yesus sau lai nēhengetang, "Apan sumēbang bōu pēsēngkataue kai ene makālamuhū si sie. ²¹ Batu wōu rālunge, mangalene wōu rālunū naung, pēbēbuakengu tinēna rāralakī ku makābodai taumata mēkēkoā lamuhū, mētako, mēmāte, ²² mābuang, mēngakalē, mēlēhinakang dingangu mēkēkoā haghing kakanoā dalakī, mauagē, tā adate, mēnanoi, maobotē, dingangu mawēhā pēnēntiroēnge. ²³ Kēbī apan daralakī ene sūsēpu bōu rālunge, ku kai ene e makālamuhū taumata e."

Pangangimangu sēngkatau wawine

(Mat. 15:21-28)

²⁴ Bōu e Mawu Yesus nanēntang u tampa ene, ku nakoā solong beō e maraning soan Tirus. I Sie simuē su rālunū wālē sēmbau, ku tawe mapulu piāu makakasingkū i Sie kawē ene sene. Kai i Sie tawe nakawuning batangenge. ²⁵ Sēngkatau inang, ku piā anāe wawine ku niwāliuang u rohkē dalai, nakaringihē piā Mawu Yesus. I Sie

rimēnta solong anum Mawu Yesus ku nēsuba su tēngon'E, ²⁶ apid'u nēkaliomaneng tadeau Mawu Yesus e mēnokoļu rohkē dalai bōu rariō ene. Tau wawine ene wālīnewe tau Yahudi, nihana su wanuan Fenisia su Siria. ²⁷ Mawu Yesus nēhengetang si sie, "Manga rariō e hinong gēlirang u kaēnge kalimona. Kawē rālakī mangala kaēng u manga rariō e ku iteledē su asu."

²⁸ "Tuang," angkuēngu wawine ene, "manga asu su alunū meda e mālaing kūkaēng manga popahē ku ilēondol'u manga rariō e!"

²⁹ Mase Mawu Yesus e nēhengetang si sie, "Ualīnū sasimbahu ene, ute kapulē e; rohkē dalakīe seng simēbang bōu anāu e!"

³⁰ Inang ene e napulē. Su wālē, i sie nakahombangke anā e rūdaloka su raralokaēng, ku rohkē dalakīe mambeng kahēngang seng simēbang bōu rariō e.

Mawu Yesus napakapian tau mou kuteu lai wengelē

³¹ Bōu e Mawu Yesus nanēntangken Soan Tirus ku nanēpa-seng daralenge lumīun Sidon solong danon Galilea. I Sie ni-

ralengu weḡ e limiu Soa Mapuḷo. ³²Sene tangu taumata e nangētud'u sēngkatau mou kutēu lai wengelē su anun'E. I Sire mēdorong su Mawu Yesus apanēllid'u limane su tau ene. ³³Mawu Yesus nēbawae tau ene niapakatētani wou taumata ḷawo, mase nanēllid'u talimēdone su tulīn tau ene ruambēka e. Mase Mawu Yesus nangēdu ringangu nanenggehē lilang tau ene. ³⁴Tuhū e Mawu Yesus e rimalingara solong langi, ku siminda maraḷung dingangu nēhengetang su tau ene, "Efata," mangalene, "Kawuka e!"

³⁵Tulīn tau ene nawuka e, ringangu lilane limontōe sau, ku i sie nanēta e nakawera mapia. ³⁶Mase Mawu Yesus nēseding i sire kēbi mēmpēbēken halē ene si sai-sai. Kai mangkeng isēdingu Mawu Yesus, i sire lai mangkeng mēbēbēkeng ene. ³⁷Ku kēbi taumata apan naka-ringihē e, rimalinau tawē sihinge. I sire nēmpēbera, "Kēbi e seng nikoḷ'E ringangu maudupē! O i Sie wēdang lai napakateleng u tulīn tau wengelē dingangu taumata mou e nakawera!"

Mawu Yesus napakaēngu ēpa u hiwu sukataune

(Mat. 15:32-39)

8 Tawe nararēna wou ene, pia ḷai ghapaēngu taumata ḷawo dimēnta nēkomolē. Uaḷingu i sire tawēu kanengang, ute Mawu Yesus mēngkatewe kimui manga murit'E ku nēhengetang, ²"Ia e timalēntu u taumata ḷawo tamai ini e. Seng tēllu ḷlo karēngue i sire ringangKu, ku orasē ini i sire tawēu kanengang. ³Kamageng Ia mēndoloh'i sire iapakapulē lunusē e ute i sire sarung mēnsu su talōaran daleng. Kuteu sēngga kawe pia u nahundēnta wou mararau."

⁴Manga murit'E simimbang, "Su tampa ku naghea ini e, kai suapa e kapēdeakeng kaēng mapakalaed'u taumata ḷawo ini e?"

⁵"Kaḷawo borotē si kame-ne?" unguēng u Mawu Yesus.

"Pitumbau," angkuēng i sire.

⁶Tangu Mawu Yesus nango-roē taumata sēnggapaēnge niapakaiang su ēntana, mase i Sie nangaḷa borotē pitum bau e ku nakitarima kase su Ruata. Bou e i Sie nēngangangompengke borotē ene ringangu ḷiman'E, ma-

se nitëgone su manga murit'E tadeau ipëpapahia su taumata lawo. Tangu manga murit'E nempëkoā ene. ⁷Ene si sire piako lai kinā daridi manga pirambua. Mawu Yesus nakitarima kasē su Mawu Ruata waug'u manga kinā ene, bou e rimoloh'u manga murit'E pinëpapahia u kinā ene lai. ⁸⁻⁹I sire nahungkaëngke sarang nëngkalaedē – ku piāu manga epā u hiwu sukataune apan nahungkaëng. Bou ene manga murit'u Mawu Yesus e nempango-molen lëmbeng kaëng – ku pitung këmbuahē nasëgadē. Mase Mawu Yesus dimoloh'i sire ene nipakapule, ¹⁰ku i Sie ringangu manga murit'E apid'u nempësake sakaeng ku nëngkakoā soļong banuan Dalmanuta.

**Tau Farisi e mëgëgaus'u i
Yesus apëkëkoa tanda
makalaherang**

(Mat. 16:1-4)

¹¹Piā e tau Farisi pirangka-tau nahundënta su anun Mawu Yesus ku nanëtae nëdarendehē dingang'E tadeau mëmpanom-polē e. I sire mëdëdorong Mawu Yesus pëkëkoā karaļinau kere ka-

raļahēu i Sie kai wou anun Dua-ta.

¹²Mawu Yesus nëkurate, bou e simimbang, "Kawe unūe tau-matang ëllo ini e mëdëdorong si Sia pëkëkoā karaļinau? Tala! Ia e tawe mëgëlliu karaļinau kerene si sire!"

¹³Mase Mawu Yesus nanëntang i sire, ku simake su sakaeng. ku bou ene rimaki soļong sëmbëkan dano e.

**Ragin tau Farisi ringangu
Herodes**

(Mat. 16:5-12)

¹⁴Manga murit'u Mawu Yesus e naung niwule nempëbawa borotē pinakatimu. Si sire naung këtaewen piā borotē sëmbau su sakaeng. ¹⁵"Pëmpëteghang bue su lahaes'u tau Farisi ringangu lahaes'i Herodes," unkuéng u Mawu Yesus si sire.

¹⁶Tangu manga murit'u Mawu Yesus e nanëtae nempahumbisarang halē ene. I Sire nempëbera, "I Sie nëbera kerene watu si kite e kawe tawē apa borotē."

¹⁷Mawu Yesus e masingkau apa ipëpahumbisaran sire. Batu

ene i Sie nakiwaḷo si sire, "Kawe unḷe ipahumbisarawen kamene haḷe u si kamene tawe apa borotḷe e? I kamene kai wḷga, arau kai relaing ta nakaḷenna? Kai apaḷe kaḷumu tinḷennang kamene e? ¹⁸I kamene piḷbe mata, kawe unḷe tanakasilo? I kamene piḷbe tuḷi, kawe unḷe ta nakaringihḷe? Kai ta nakatahḷendung i kamene, ¹⁹borotḷe limambau taku nipḷekakakompeng baug'u ḷima hiwu sukataune? Pirang luwe kaḷawḷe ḷembeng kaḷng nikakomol'i kamene?"

"Mapuḷo dua," angkuḷng i sire.

²⁰"Kuteḷu piḷ e ḷa nḷngangempang borotḷe pitumbau baug'u ḷpa u hiwu sukataune," saḷewe kapia Mawu Yesus nakiwaḷo, "pirang luwe kaḷawḷe ḷembeng kaḷng nikakomol'i kamene?"

"Pitu," sasimbah'i sire.

²¹"Kuteḷu, mḷngkai wḷdang ta nakaḷenna i kamene?" angkuḷngkewen Mawu Yesus e.

Mawu Yesus napakapian tau wuta su Betsaida

²²Tangu i sire narḷntḷe su Betsaida. Sene kai piḷ taumata nangḷntud'u sḷngkatau wuta su

anum Mawu Yesus, ku mḷdḷorong tadeau i Sie apanenggehḷe tau wuta e apakapia. ²³Tangu Mawu Yesus nḷngumpaḷdḷe liman tau wuta e ku nitatan'E niasḷbang bḷu soa ene. Bḷu e Mawu Yesus nḷngḷdu matan tau ene ringangu nanḷllid'u liman'E su matan tau ene, ku nakiwaḷo si sie, "Piḷ e nikasilonu orasḷ ini e?"

²⁴Tau ene nḷmanda e soḷng tḷngone, ku nḷbera u, "Ore. ḷa e nakasilo taumata mḷdḷdaralḷng; kaiso i sire kakḷllaḷng kai kere kalu."

²⁵Mawu Yesus saḷewe nanḷllidu ḷiman'E su matan tau ene. Sḷnsule ini tau ene tuḷaedḷe sḷngapam botonge. Matane nule, ku i sie nakasilo e kḷbi dingangu maḷahḷ-ḷahḷ. ²⁶Mase Mawu Yesus nehengetang si sie, "Kapule e, ku abe pḷsule soḷng soa ene."

Laakum Petrus maḷanum Mawu Yesus

(*Mat. 16:13-20; Luk. 9:18-21*)

²⁷Mawu Yesus dingangu manga murit'E nahundalḷng soḷng manga kampong maḷngḷiku Kaisaria Filipi. Su taḷoaran dalḷng Mawu Yesus nakiwaḷḷe si sire,

"Angkuëngu taumata, kai i sai Iạ ini e?"

²⁸I Sire simimbang, "Piạ u nẽmpẽberau i Yohanes Mẽnana-hani; piạ u lai nẽmpẽberau, i Elia, ringangu wałine ete wue nẽmpẽberau; kai sẽngkatau wou manga nabi."

²⁹"Arawe tumuhu si kamene hala e, kai i sai Iạ ini e?" unguëngu Mawu Yesus.

I Petrus simimbang, "I Tuang e kai Ratu Mananałamatẽ!"

³⁰Bou e Mawu Yesus nẽsẽding masẽga-sẽgadẽ si sire, tadeau kumbahangbe piạu mẽhabarẽ si sai-sai maanun batangeng'E.

**Mawu Yesus mẽbẽbisaran
maanun sigẽsae ringangu
kapapohong'E**

(*Mat. 16:21-28; Luk. 9:22-27*)

³¹Bou ene, Mawu Yesus nanẽtae nanẽntiro manga murit'E u Ahus'u Taumata e harusẽ mẽtatahangu sunsara haghì, ringangu sarung dokatengu manga tẽmbonange, manga imang tẽmbonange ringangu manga mananẽntiro agama. I Sie

sarung pateëng, kai su katẽllu ẽllone i Sie sarung ipẽbangung kapia. ³²Dingangu małaha-łaha Mawu Yesus nẽhabar'u halẽ e-ne su manga murit'E. Tangu i Petrus nẽmolengke Mawu Yesus sarung sẽndihange apid'u namoka si Sie. ³³Kai Mawu Yesus e nẽbihi ku nẽmanda manga murit'E, mase nẽbera maiha si Petrus, "Pẽmehoe wou ini, setang! Tinẽnnanu e kai tinẽnnan taumata; wałinewe tinẽnnan Duata!"

³⁴Bou ene Mawu Yesus nẽkui e taumata lawo apang ene sene ringangu manga murit'E. Mase i Sie nẽhengetang si sire, "I sai mapulu tumole Sia harusẽ mẽtimbuleng kapulun batangenge, bou e pamasaeng kuruisẽ ku tole si Sia sẽntinia. ³⁵U i sai mẽtahutẽndau pẽbawiahe, sarung kailangengu pẽbawiahe. Arawe i sai ku manarakangu pẽbawiahe waugu Iạ dingangu waugu Injil'u Ruata, sarung mapakasałamat'u watangenge. ³⁶Apa wue gunane su taumata e, kereu kaguwau dunia e makoạ tataghuanenge, a kuteu i sie kawe kailangengu pẽbawiahe? ³⁷Makoạ bue ngae pẽbawiahẽ e ipẽnaliu apa-apa?"

³⁸Kereu pēsēngkataue ma-meā mangakung Ia dingangu tēntiroku su tempon duruhaka ringangu kararalakisē ini e, ute Ahus'u Taumata e malaing ma-meā mangakun taumata ene, su tempong i Sie rumēnta sarung dingangu kawang Amange, tētakinangu manga malaekatē masasusi e."

9 "Kasingkako!" angkuēngu Mawu Yesus. "Bou taloarang kamene sini e piā u tawe mate, tēntalang deng ta nakasilo Mawu Ruata nēparenta ringangu kawasa!"

Mawu Yesus mapakawantugē
(*Mat. 17:1-13; Luk. 9:28-36*)

²Ēnningu ěllo samuring ene Mawu Yesus nēmaringangi Petrus dingangi Yakobus dēduang Yohanes tuarine, nētēngkatētani soḷong buḷudē sēmbau marangē. Kuteu su pandaēng i sire Mawu Yesus e kai nēbaḷui gahie. ³Pakeange nētēngkawira kuke-rong. Tawe sarang sēngkatau tahaunsaḷu dunia ini e ku makawurēsi kerene kawirane. ⁴Bou e i sire tēllu manga murit'E nakasilo Mawu Yesus maḥumbi-sarang ringangi Elia rēduan Mu-

sa. ⁵Tangu i Petrus mēngkatewe nēbera su Mawu Yesus, "Tuang Guru, kai apaē kapia su tanpa ini. Mapiawe i kami mēndarisī selo tatēllu: sēmbau baug'i Tuang, sēmbau baug'i Musa, dingangu sēmbau lai e waug'i Elia." ⁶Tuhu hinone i Petrus e wēga wue mēnsang apa ipēberane, batu i sie ringangu ringange rarua e kai su katatakutang tā sihinge.

⁷Bou e piā binawa nēhēm-bung si sire ku bou raḷungu winawa ene kinaringsihe tingihē mēbēberau, "Ini e kai AhusēKu ikēkēndagē. Pēmpēdaringihē si Sie!" ⁸Masahawu-sahawu i sire mēkēkakēlla su kaihi arau koaneng i sire, kai mang tawe sarang sēngkatau kinasilo ringangi sire sene, sulun Mawu Yesus sēsane. ⁹Tangu piā e i sire maḥundēsung bou wuḷudē, i Sie mēgēgēlliu ingate si sire u, "Abe pēmpēbēke su sarang sēngkatau apang kinasilong kamene tēntalang Ahus'u Taumata e reng tawe nipēbangung bou papatene."

¹⁰I sire mang mētētahēndung tatanata ene, kai su taloaran sire hala e, nanēta e mēkēkake-reapa mēnsang apa timona Ma-

wu Yesus su "mapëbangung kapia wou papate". ¹¹Tangu i sire nakiwalo si Sie, "Kawe unue manga mananëntirong agama e mëmpëbëbera u, i Elia e harusë dumënta kalimona?"

¹²Mawu Yesus simimbang, "I Elia e mambeng harusë dumënta kalamona e tadeau mapëndiang kalawou këbi e. Kai kerapa wue ngae Ahus'u Taumata? Kawe unue su Winohe Susi e mabawohe u i Sie sarung mëtatahangu sunsara lawo dingangu hinakanengu taumata e? ¹³Arawe Ia mauli si kamene: i Elia e seng dimënta, ku i sire nempëkoä si sie tuhewe kapulun sire. Ene nëtatolino ringangu mabawohe su Winohe Susi manun batangenge."

**Mawu Yesus napakapian
dariö nikasuëkangu
rohkë dalai**

(*Mat. 17:14-21; Luk. 9:37-43a*)

¹⁴Pia e Mawu Yesus dingangi sire tellu murid'E narënta kapia sutaloaran manga muridë baline e, i sire nakasilo taumata lawo sene. Mananëntirong agama pirang katau mëmpëdëdarendehe dingangu manga murid'u Mawu Yesus e. ¹⁵Lëpasewe taumata lawo e nakasilo Mawu Yesus, i

sire mëngkatewe rimalinau, mase nahuntalang nëmpanënsomahë si Sie. ¹⁶"Kai apae ipëdëdarendehe'i kamene ringangu manga mananëntirong agama e?" angkuengu Mawu Yesus su manga murid'E.

¹⁷Sëngkatau wou taloaran taumata lawo e simimbang, "Tuang Guru, ia kai mangëntud'u anaku si Tuang. I Sie kai nëmou ualingu niwaliuangu rohkë dalakisë. ¹⁸Kamagengu i sie sampokang u rohkë ene ute wadange ipëtëtëngkawëbahë su ëntana, mohonge mënenëbu, isine mëkëkarerong, dingangu kaguwau wadange matëtogë. Ia mëdorong su manga murid'i Tuang pënënkolu rohkë dalaki ene, kai i sire mang tawe nakapëkoä ene."

¹⁹Tangu Mawu Yesus nëhengetang si sire, "Balinewe malongko i kamene ini e! I kamene e mambeng kahënganghëngang taumata ta mëmpëngangimang. Delaing kadëngue Ia mëtana dingangi kamene dingangu mëkakëdang ualingu i kamene? Bawae rario ene ramahi!" ²⁰I sire nëmpangëntuden dariö e su anum Mawu Yesus.

Lëpasewe rohkë dalakie nakasilö Mawu Yesus, i sie napakatëtog'u wadangu rario e, hakiu

rario e nawatang ku nēparalunggi su ēntana. Mohonge pia sēbune. ²¹Mase Mawu Yesus nakiwalo si amangu rario e, "Seng kaḍēngue i sie kereini?"

"Dongkeng i sie wēdang kadodo!" angkuēng i amange. ²²"Seng masau rohkē ḍalakiē mēdeḍu mēm̄ate si sie, mangondol'i sie sarang ḍalungu putung arau sarang ḍalungu ake. Kai ke-reu i Tuang e wotonge makatulang, ute karimako i Tuang e sadia tumalēntu i kami ringangu mētulang i kami e!"

²³"Apa unguēngu? Kereu i Tuang botonge?" angkuēngu Mawu Yesus, "Patikue wotonge, asalēweng taumata e mangimang!"

²⁴I Amangu rario e apidu nēkia, "Mawu, ia e mangimang, kaiso pangangimangkue kai lome. Tulungko ia e tadeḍu pangangimangu e mahuntinamba!"

²⁵Ene Mawu Yesus nakasilou taumata lawo e nanētae rimēnta nēmpēdahēmbung, ute i Sie nēnokoḷu rohkē ḍalakiē ene nipēberaēng u, "Rohkē bengelē dingangu mou, Ia e mēparenta si kau, sēbangke wou rario ini ku kumbahang-bahang sumuē kapia su raḷunge!"

²⁶Tangu rohkē ḍalaki e mēngkatewe nēpalehe mase nipēkahimbēsō u wadangu rario e, bou e simēbang bou rario ene. Dariō e pandaēng seng mēsulungu kasuang hakiu kaḷawokange taumata e nēmpēberau, "I sie seng nate!" ²⁷Kai Mawu Yesus mēngkatewe nēngumpaede ḷimane ku nētulungi sie nēmangung. Ku anaē lai nēbangung.

²⁸Ene, sarāeng Mawu Yesus seng su wale, manga murit'E nēmpēhaungke tēntani su anun'E ku nakiwalo, "Kawe unue i kami ta nakatokolē rohkē ḍalaki ene?"

²⁹Mawu Yesus simimbang, "Rohkē ḍalaki kerene tawe i katokolē baebe koateng kereapa tabeḍu katewe ringangu kaḷiomaneng."

Mawu Yesus saḷwe nēbi-saran maḅanun kapapohong'E

(Mat 17:22-23; Luk. 9:43b-45)

³⁰Mawu Yesus dingangu u manga murit'E nanētangu tampa ene ku nanēpas'u rāḷeng limiu wanuāng Galilea. Mawu Yesus maḍiri kasingkateng u taumata mēsang kai suapa i Sie e, ³¹u i Sie kai kapanēntirone manga murit'E. "Ahus'u Tauma-

ta e sarung isarakang su kawasan taumata," kerene angkuengu Mawu Yesus, "ku i Sie sarung pateeng, kai su katellu ellone i Sie sarung mēbangung!"

³² Manga murid'E tawe nakaenna apa itētentirom Mawu Yesus, kai i sire matakū makiwalo si Sie.

I sai ngae kasēllaheng e?

(*Mat 18:1-5; Luk 9:46-48*)

³³ Ene i sire narēntae su Kapernaum. Kutēu sarangke seng su wale, Mawu Yesus nakiwalo e su manga murid'E, "I kame ne naung kai mēmpahumbisarang apae su raralengang kanini?"

³⁴ I sire tawe nēmpēsimbang, batu u kapahundalenge i sire kai mēdēdarendeh'u mēnsang i sai kasēllahenge. ³⁵ Mawu Yesus naiang, ku bou e nekui si sire mapulo dua murid'E. I Sie nēhengetang si sire, "I sai ku mapulu makoā kahumotongange, i sie harusē makoā kasamuriange ku harusē makoā mētatangkuang patiku taumata." ³⁶ Bou e Mawu Yesus nēngala dariō kadodo sengkatau, ku nipararisi su tēngon sire kēbi. Mawu Yesus li-

mahēku dariō ene ku nēhengetang su manga murid'E, ³⁷ "I sai mēnarima u sengkatau rariō kere ini ualingu Ia e, ute nēnarima u Ia. Ku i sain nēnarima u Ia, i sie walineuwe tumbu nēnarima u Ia e, kaiso malaing nēnarima i Sie ku dimoloh'u Ia e."

I sai tawe rumoka si kite e,
ute manumbeka si kite

(*Luk. 9:49-50*)

³⁸ Mase i Yohanes nēbera su Mawu Yesus, "Tuang Guru, i kami nakasilo pia tau mēlēliwuahē setang su areng i Tuang. Ku i kami nēsēding i sie, batu u i sie walineuwe wo'i kite."

³⁹ Kai Mawu Yesus e kawe nēhengetang, "Abe pēsēding i sie, u kai tawēu sarang sengkatau mēkoā karalinau suralungu arengku, ku apid'u mēngkai mēndalakū Ia e. ⁴⁰ U i sai tawe rumoka si kite e ute kai mēlēlahēu su sēmbekang kite. ⁴¹ Pētahēndungke! I sai mapanginung i kamene ualingu i kamene kawe tumatole Ratu Mananalamatē, ute i sie mambeng tēngadē manarima u wawalise."

Halē en makakoā taumata mēdosa

(*Mat. 18:6-9; Luk. 17:1-2*)

⁴²”I sai makawodai sēngkatau wou i sire rarodo tamai ini e ku tawe mangimang si Sia, ëndokangbe watuangengu watung pēmamēhaseng ku iki su lehe e, ku i sie iwahung su laudē. ⁴³ Kereu limanue kai makarosa si kau, pentehe limanu ene! Mapiaēngbe i kau mēbiahē dingangu Mawu limanu sēmbēka sulungu pia limanu ruambēka ku masuē su naraka, mangalene putung kakalē. [⁴⁴ Sene putunge tawe masasēbu, ringangu ulidē e tawe lumaate.] ⁴⁵ Dingangu kereu laed’u e kai makarosa si kau, pentehe laed’u ene. Mapiaēngbe i kau mēbiahē dingangu Mawu Rua-ta e ta laed’u sēmbēka, sulungu pia laed’u ruambēka ku i kau iwahung su naraka. [⁴⁶ Pai sene putunge tawe masasēbu ringangu ulidē e tawe lumaate.] ⁴⁷ Kereu matanue kai makarosa si kau, loe e mata ene! Mapiaēngbe i kau sumuē Dunia Wuhun Duata ta mata sēmbēka, sulungu pia matanu ruambēka ku i kau iwahung

su naraka. ⁴⁸ Pai sene putung ta masasēbu ringangu ulidē e tawe lumaate.

⁴⁹ Sēngkatau-sēngkataue sarung sahkangu putung, kereewe sasēmba sēsahikangu asing.

⁵⁰ Asinge apaewe mapia, kai kereu kawe malele, botonge sau asingang ngae? Tangu karimako i kamene makoā kere asing. Pēmpēbiahe sēngkapēbiahē suralungu pēdarame.”

Tēntiro Mawu Yesus mañanun pēsasindo

(*Mat. 19:1-12; Luk. 16:18*)

10 Bou e Mawu Yesus nanēntang u tampa ene, ku dimaleng solong banuang Yudea ringangu wanua su sēmbēkan salu u Yordan e. Taumata lawo nahundēnta sau nēmpētampung nēmpētalimpurung su Mawu Yesus. Ku kereewe sēntiniā Mawu Yesus e mañēntiro si sire.

² Pira-pirang katau taumatan Farisi e malaing dimēnta mēdeau mēname salang Mawu Yesus. I sire nakiwalo, ”Tumuhū ator’u agamang kite e, botonge taumata manindo kawinge?”

³Mawu Yesus simimbang, "I Musa e nĕparenta kereapa si kamene?"

⁴"I Musa e napakawalan tau-mata manindo kawinge, kĕtĕweng apamohe surat'u sindo kalimona," angkueng i sire.

⁵"I Musa namohe parenta ene watu i kamene tumani magĕsa panĕntiroenge," angkuengu Mawu Yesus si sire. ⁶"Arawe naung deng su tĕta e Mawu Ruata nĕndiadi taumata e, kabawera u 'Ruata e nĕndiadi si sire esĕ dingangu wawine. ⁷Kai ene haku esĕ e sarung manĕtang i ninange rĕduang amange ku mĕtĕngkatakidĕ su kawinge, haku i rĕdua e nako sĕmbau.' ⁸Ku i sire baline lai ruangkatau kaiso kai sĕmbau. ⁹Ualingu ene, apang nikauh'u Ruata e, abe pĕtang taumata!"

¹⁰Saraeng i sire simuĕ e su wale, manga murit'E nakiwalo su Mawu Yesus maanueng halĕ ene. ¹¹Mawu Yesus nĕhengetang si sire, "I sai manindo kawinge, mase mĕkawing dingangu wawine waline, tau ene nawuang su kawinge humotong. ¹²Kerene lai wawine

ku manindo kawinge mase mĕkawing dingangu esĕ baline, i sie maiaing nawuang."

Mawu Yesus nĕngalamatĕ manga rario

(Mat. 19:13-15; Luk. 18:15-17)

¹³Tangu piako i sire nĕmpangĕtud'u manga rario su anum Mawu Yesus tadeau i Sie manenggeh'u limane ringangu mĕngalamatĕ si sire. Kaiso manga murit'u Mawu Yesus e kai nĕmpĕlangehĕ si sire. ¹⁴Nakasiloe halĕ ene, Mawu Yesus limangehĕ ku i Sie nĕhengetang su manga murit'E, "Walae manga rario e aparĕnta su anuku! Abe petoke i sire, u kai taumata kere i sire ini e mako kawanua Mawu Ruata e. ¹⁵Tahĕndungko ini e! I sai tawe mĕtĕnggon Dua-ta e kere sĕngkatau rario e, tawe mako kawanua Mawu Ruata e." ¹⁶Saraeng bou nĕhengetang kerene, Mawu Yesus limahĕku manga rario e, bou e i Sie apid'u nanĕllidu liman'E si sire sĕngkatau-sĕngkatau ku nĕngalamatĕ si sire.

Tau umbaseng kala

(*Mat. 19:16-30; Luk. 18:18-30*)

¹⁷ Pia e Mawu Yesus sau manēpasu raraleng'E, pia e tau tuta^rlang mētēt^rimona anum Mawu Yesus. Tau ene nēsubae su tēngon Mawu Yesus ku nakiwalo, "Mananētiro mapia, ia e kai hinon mēkoā apa mēdeāu makahombang pēbawiahē tutune ringangu kakalē e?"

¹⁸ "Kawe unūe i kau mēbēbera u Ia mapia?" kakiwalon Mawu Yesus. "Taweu mapia, sul^riun Mawu Ruata sēsane. ¹⁹ I kau seng masingka u manga tita Mawu Ruata. 'Kumbahang mēmate, kumbahang mawuang, kumbahang mētako, kumbahang mēsahiding konti, kumbahang mēngakalē, pēngadatē si amangu ringangu si ninangu e.'"

²⁰ "Tuang Guru," angkuēngu tau ene, "kalawou parenta ene seng taku nituhukang dokeng ia deng manguda."

²¹ Mawu Yesus nēmanda tau ene ringangu tatalēntue mase nēhengetang, "Bēdang halē sēmbau hinong gausangu. Dakoē kapule ku pēbalu kalawou apan tētaghuanengu; doitē onggo su taumata kasiang, ku i kau sa-

rung makahombang arēta su sorga. Bōu e ramahie tole si Sia."

²² Nakaringihe hengetangu Mawu Yesus kerene, tau e kimēndung, bōu e mēngkatewe nanētangu tampa ene ringangu susa naung ualingu i sie kai makala.

²³ Tangu Mawu Yesus nēmandae su manga murid'E mase nēhengetang si sire, "Mawēha kahēngang su taumata kala makoā kawanuan Duata!"

²⁴ Manga murid'E nēmpēdalinau nakaringihē hengetang u Mawu Yesus ene. Kai Mawu Yesus nēhengetang kapia, "Manga anaku, mambeng mawēha mētēngkakoā kawanuan Duata! ²⁵ Małowokangbe onta sumuē su tul^rin darahung sul^rungu tau kala sumuē su Runia Ruata Wuhu."

²⁶ Hengetang u Mawu Yesus tamai ene nakaralinau manga murid'E, hakū i sire nēkakiwaloe sēmbau su waline, "Kamageng kerene, i sai wue sarung masa^ramatē e?"

²⁷ Mawu Yesus timingang si sire ku simimbang, "Su taumata e halē kerene ta mariadi, arawe su Mawu Ruata e mang mariadi; patiku e makoā su Mawu Ruata e."

²⁸Mase i Petrus nēbera, "Kakēllae, i kami e seng nanēntangu kaławou patiku mēdeau tumole si Tuang."

²⁹Angkuēngu Mawu Yesus, "Pēmpangimangke: I sai ku seng nanēntangu rałohom balene arau anau sēngkataune esē arau wawine arau i ninange arau i amange arau manga anaē arau pēlahēnsinuange nge ualingu la dingangu ualingu Injilē bou anum Mawu Ruata, ³⁰i sie sarung makahombang limembong kaławoe wou tempo ini. I Sie sarung makahombang mahasu su sulene limembong kaławoe wale, anau sēngkatau esē, anau sēngkatau wawine, inang, mangarario, pēlahēnsinuangeng - dingangu sasigēsa lai. Ku hēdon sarung su tempo ramahi, i sie sarung manarima u pēbawiahē tutune ringangu kakalē e. ³¹Kaiso kai lawo taumata su orasē ini apan kakalimonaēnge sarung makoā kasamuriange, dingangu lawo orasē ini e apang kasamuriange makoā kakalimonaēnge."

**Katēllun sulene Mawu
Yesus maļu kapapohong'E**

(*Mat. 20:17-19; Luk. 18:31-34*)

³²Mawu Yesus dingangu manga murit'E kapahundalenge solong Yerusalem. Mawu Yesus dūdaleng su horone, arawe manga murit'E su kaghaghēngganeng kēbi. Dingangu taumata apang mahuntolē si sire maļaing nēngkataku. Kasamuriange Mawu Yesus sau lai kimui manga murit'E natētani ku nēhabarē si sire apa sarung maria-di su watangenge. ³³"Pēmpēdarinhēko," angkuēnge, "I kite orasē ini kapētētimonane Yerusalem. Paise Ahus'u Taumata e sarung isarakang su manga imang tēmbonange ringangu manga mananēntiro agama. I sie sarung ihukung pakipate bou e isarakang su taumata waline tau Yahudi. ³⁴I sire sarung mēbaheau si Sie, mēmpēngēdu si Sie, mēmpēlimadē si Sie, ringangu mēnguruisē si Sie. Kaiso su katēllu ēllo-

ne i Sie kai sarung mēbangung kapia.”

Dorong i Yakobus dēduan Yohanes

(Mat. 20:20-28)

³⁵Ene i Yakobus dēduan Yohanes ana i Zebedeus e, hi-maungke Mawu Yesus ku nēbera, ”Tuang Guru,” angkuēng i rēdua, ”kai pia halē sēmbau i kami mapulu koateng i Tuang baug’i kandua.”

³⁶”Kai apa ikēkapulun dua taku koateng baug’i rua?” angkuēng u Mawu Yesus.

³⁷I rēdua e simimbang, ”I kandua luēningu sēngkataue reng makakaiang su koaneng i Tuang dingangu sengkataue su kaihing Tuang, kereu i Tuang seng maian su kawawantugē.”

³⁸”I rua e kai wēga apa rēdongang irua,” angkuēng u Mawu Yesus si rēdua, ”Makaumalē bue i rua manginung bou panganginumangu kasasigēsā ku sarung taku inungang dingangu sumuē su raŕungu walang kasasigēsā ku sarung taku suēkang?”

³⁹”Makaumalē,” angkuēng i rēdua.

Tangu Mawu Yesus saŕewā nēhengetang si rēdua, ”Kahēngang i rua sarung manginung bou lainumang u sigēsā ku sarung taku inungang, dingangu makasuē su walang sigēsā ku sarung taku suēkang e. ⁴⁰Arawe ku mētatahinong i sai sarung maiang su koaneng dingangu su kaihiku e, ene walineŕe Ia hinom mētatilakehē. Kai Mawu Ruata e manilakeh’u i sai-sai sarung kumaiang su manga tampa ene.”

⁴¹Ene i sire manga murit’u Mawu Yesus mapulo waline e nakaringihe halē ene, ute i sire kai limangehē si Yakobus dēduang Yohanes. ⁴²Tangu Mawu Yesus kimui e si sire kēbi, dingangu nēhengetang angkuēng, ”I kame-ne masingka u manga tēmbonang kawanua ku bēgan Duata e kai mētētahuēllang u kawanuane. Dingangu manga tēmbonang i sire e mēmpañēda si sire. ⁴³Arawe i kamene walineŕe kere-ne! Kai nawaŕi, i sai mapulu mētēngkasēllahē sutaloarang kamene e, i sie kai hinom makoā mētatangkiang si kamene. ⁴⁴Arau i sai mapulu makoā kahumotongange su taloarang kamene,

ate hinom mariadi ẽllangu kẽbi.
 45 U Ahus'u Taumata e waline-
 we rimẽnta mẽdeau tangkianeng.
 I Sie rim'enta mẽdeau mętang-
 kiang dingangu mẽnarakang u
 niawane, waug'u mẽliwir'u tau-
 mata ɭawo."

Mawu Yesus napakapian Bartimeus buta

(*Mat. 20:29-34, Luk. 18:35-43*)

46 Ene i sire narẽntae su
 soang Yerikho. Ku pia e Mawu
 Yesus dingangu manga murit'E
 ringangu lai ghapaẽngu taumata
 ɭawo nahunsẽbang bou soa ene,
 piako sengkatau wuta mẽdẽdo-
 rong doitẽ, kakaiange su wiwih'u
 raleng arenge i Bartimeus, ana
 i Timeus. 47 Saraeng i Sie naka-
 ringihẽ u sũahe ene kai Mawu
 Yesus tau Nazaret, ute i sie ki-
 muj e, "Yesus, Ahus'i Daud!
 Talẽntukong ia!"

48 I Sie nipẽpẽduangken tau-
 mata ɭawo ku iapakadẽmmasẽ.
 Kaiso sauneng i sie limembong
 kaiha e nẽmansag'u, "Ahus'i
 Daud, talẽntukong ia!"

49 Tangu Mawu Yesus ti-
 maingke mase nẽhengetang,
 "Kuieko i sie."

Ku i sire nẽmpẽkui e tau wu-
 ta ene. I sire nẽmpẽbera e si sie,

"Pakatatape! I kau e kẽkuiangu
 Mawu Yesus, pẽbuã e!"

50 Tau wuta e mẽngkai nẽn-
 dẽmmẽ pakeange, mase masa-
 hawu-sahawu dimarisi ku tamai
 sarang anun Mawu Yesus.

51 "Apa kapulunu e, taku ko-
 ateng baug'i kau e?" angkuẽng u
 Mawu Yesus si sie.

Tau wuta e simimbang,
 "Tuang Guru, kapuluku e tadeau
 ia makasilo."

52 "Dakoe," angkuẽngu Ma-
 wu Yesus, "ualingu i kau mangi-
 mang si Sia, i kau e nule."

Ku su tempo ene lai tau ene
 nakasilo. Tangu i sie timole Ma-
 wu Yesus.

Mawu Yesus simuẽ su Yerusalem dingangu kawawantugẽ

(*Mat. 21:1-11; Luk. 19:28-40*)

(*Yoh. 12:12-19*)

11 Masanggiden soang Yeru-
 salem, i sire nahumpa e
 su soam Betfage ringangu Beta-
 nia, su lengeh'u wulud'u Zaitun.
 Sene pia duang katau wou mu-
 rit'E nirolohẽ kalimona kahian
 Mawu Yesus. 2 "Dakoko solong
 soa su tẽngone pai e," angkuẽngu
 Mawu Yesus si redua. "Masuẽ e
 su soa pai ene, i rua sarung



Soam Betania (11:1)

makasilo anau kalide maḷaiki, ku bēdang tawē taumata simēsake. Lukae kalide ene ku bawā e ramahi. ³Ku kereu pia u makiwaḷo si rua, kawē unūe i rua nēluka ene ute pauliko, 'Mawu e mēgēgausē e, ringangu saube ligha isule.'"

⁴Murit'u Mawu Yesus darua e natamaie, ku nakahombangke ana u kalide maḷaiki su tukad'u wale su wih'uh' u raleng. Tangu nilukaen dēdua kalide e. ⁵I sire

apam maḥundarisi sene nakiwaḷo e si rēdua, "Oi, kai mēkēkapura i rua e? Unūe kai mēluka ana kalide ene?"

⁶Tangu i rēdua e simimbang kerewe nitanatang Mawu Yesus si rēdua. Kuteu i sire napakawalan dēdua nempēbawa kalide ene. ⁷Nasongoe su anum Mawu Yesus, talētugu kalide e niēmpaheng u ḷaku i sire, mase Mawu Yesus e simake e su wowone. ⁸Maḷawo taumata nēmpamila u

lakū i sire su raleng pia lai sēngga nēmpangēmpah'u hakonda^h nitēntong sire wou kēhu. ⁹I sire apam maḥundaḥeng su horone ringangu i sire samuri, kēbi e mēmpēgēgio, "Pēdalo Mawu Ruata! Kaalamatengko i Sie ku dimēnta su arengu Mawu. ¹⁰Apasomboko kararatun'E sarung – kararatun Daud iupung i kite! Pēdalo Mawu Ruata su Marange!"

¹¹Pangēsueēnge Mawu Yesus narēntae su Yerusalem, ku simuē su Walem Mawu. Naḥiku bue i Sie sene mamepide kukakēlla. Kai ualingu seng bawēllo, ute i Sie wou ene simēbangke nakoḥ solong Betania ringangkewen sire mapulo dua murit'E

Mawu Yesus nēngane kalung ara

(*Mat. 21:18-19*)

¹²Sēngkarioēllone pia i sire nahunsēbang bou Betania, Mawu Yesus kai nahutung. ¹³Bou marau i Sie nakasilo kalung ara daunge maḥahēbung. Tangu i Sie himaungke kalu ene tadeḥu mēmanda mēnsang pia buane. Kai sarang nahumpa su punge-

ne, i Sie tawe nakahombang apa-apa, kētaewen manga raukalune, u su tempo ene balinewe tempone pēbuaēngu ara. ¹⁴Mase Mawu Yesus nēhengetangke su kalung ara ene, "Manēta orasē ini taweu sarang sēngkatau makateēng buanu e!"

Manga murit'u Mawu Yesus e nakaringihē hengetang ene.

Mawu Yesus simuē su Walem Mawu

(*Mat. 21:12-17; Luk. 19:45-48*)

(*Yoh. 2:13-22*)

¹⁵Bou e i sire nahumpa su Yerusalem ku Mawu Yesus simuē kapia su Walem Mawu e. Sene i Sie nanētae nanokoḥu kēbi tau-mata apan maḥumbaḥu dingangu mēbēbawēlli su tampa ene. I Sie namaḥintui manga medan mēnahunle roitē dingangu manga kakai-anengu mēbawaḥu paluma. ¹⁶Ku taweu sarang sēngkatau niapakawala mēbawa manga apaḥiwu ku iparalengu rēllah'u Walem Mawu e. ¹⁷Bou e Mawu Yesus nanēntiro si sirewe apan sene. I Sie nēhengetang, "Su ralungu Winohē Susi e maḥawohē kereini: Mawu Ruata nēhengetang, 'Baleku e sarung isēba bale pēka-

^h lelangu kalu rararodō
11:9: Mzm. 118:26

kaliomanengang u patiku umatě.' Kai kahiang kamene kawē nikoā liangu tahapěhampasě!"

¹⁸ Manga imang tēmbonange ringangu manga mananēntirong agama e nakaringihě bawera ene. Tangu i sire nanētae nēmpēdeā dalengu tadeāu mēmāte Mawu Yesus. I sire matakū i Sie, batūu kēbi taumata e māngaku ringangu mēmpēdēdalōn tēntiron'E.

¹⁹ Maranieng mahēbi Mawu Yesus dingangu manga murit'E nanēntangu soa ene.

Tēntiro wou kalung ara

(*Mat. 21:20-22*)

²⁰ Ene sēngkariōellone maḷuka-ḷukadě piā i sire simahe wou kalung ara ene, i sire kimakēlla kalu ene kai seng nahēgu sarang hamue. ²¹ Tangu i Petrus nakatahēdungke apan seng nariadi kahēbi e. Tangu i Petrus nēberae su Mawu Yesus, "Tuang Guru, kēnangko kakēlla! Ara kū nianeng Tuang e seng nahēgu!"

²² Mawu Yesus simimbang, "Pēmpangimangke su Mawu Ruata. ²³ Kahēngang-hēngang i kamene makawera su wuludě ēndaj e, 'Kasapuako kū kate-

ledě su laudě!' tangu halě enē sarung masēhū baug'i kamene; a-salēweng i kamene tawē ghumoě, dingangu i kamene mangimang u apang iwēberang kamene e tēngatēngadě mariadi. ²⁴ Ualingu ene pakatahēdungeko ini e: Kereu i kamene mēkaliomaneng dingangu mēgēgausě apa-apa, pēmpangimangke u, Mawu Ruata e seng tēbe nangonggo u apang gēgausang i kamene, tangu i kamene sarung makahombang. ²⁵ Kū kereu i kamene mēkaliomaneng, kai naung i kamene kawē piā u ne su sēngkatau, ute ampungeko salan tau ēndaj e kalimona, tadeāu i Amangu su Sorga e maḷaing mangampung kaḷawou rosanu. [²⁶ Kereu i kamene kawē tawē mangampung taumata waline ute i Amang su Sorga e maḷaing tawē mangampung kaḷawou rosanu e.]"

Kakiwalō māanung kawang Mawu Yesus

(*Mat. 21:23-27; Luk. 20:1-8*)

²⁷ I sire nēsule kapia solong Yerusalem. Kutēu piā e Mawu Yesus mēdēdaraleng su raḷungu Walem Mawu e, manga imang tēmbonange, manga mananēnti-

rong agama ringangu manga pangaha 'u Yahudi e himaungke si Sie. ²⁸I sire nēmpēkiwaḷo, "Kai apa wanggile i Kau nakapēkoḷa patiku ini e? Kai i sai nangoro si Kau e?"

²⁹Mawu Yesus simimbang, "Iḷa e maḷaing mapulu makiwaḷo si kamene. Simbahēko, ku Iḷa e sarung maḷi si kamene, u kai uḷingu kawasan sai ku Iḷa e mēkekoḷa kēbi-kēbi e. ³⁰I Yohanes mēnēnahani e kai munaran sai tangu? Mawu Ruata arau taumata?"

³¹Mase manga imang tēmbonange ringangu manga mananēmbonang u Yahudi e nanēta e nēmpēdaḷahintau ḷawo i sire. I sire nēmpēbera, "Kamageng i kite e mēbera, 'Kawe uḷing u kawasan Duata,' Sie sarung mēberau, 'Kawe unue i kamene tawe mēmpangimang si Yohanes?' ³²Kaiso mawēha ḷai ku mēbera u, 'Ringangu kawasan taumata.'" Waugu i sire matakū u taumata ḷawo uḷingu i sire kēbi nangēna u i Yohanes kai sēngkatau nabi. ³³Tangu i sire simimbangke, "I kami wēga wue."

Mase Mawu Yesus nēhenge-tang si sire, "Kamageng kere-

ne, Iḷa e tawe maḷi si kamene mēnsang dingangu kawasan sai Iḷa e makapēkoḷa kēbi ene."

Papinintu maḷanun manga mēmamunara wael'u anggorē

(*Mat. 21:33-46; Luk. 20:9-19*)

12 Bōu e Mawu Yesus nanēta e nēbisara ringangu papinintu su manga imang tēmbonange manga mananēntiro agama ringangu manga mananēmbonangu Yahudi e. Mawu Yesus nēhenge-tang, "Piḷa e sēngkatau nēsuangu anggorē su wawaelange, mase nipagarengē naḷiku. Bōu ene i sie namangka ḷohang baug'u pēmamēhaseng anggorē, mase nēndarisīu waḷen pēlahapaēng.ⁱ Bōu ene i sie nakitamangu sasuang u anggorē ene su mēndaḷukadē pirangkatau mase i sie nēbuḷa soḷong banua waḷine. ²Saraeng seng tempone manipo wuang anggorē, i sie rimoloh'u ēllange sēngkatau soḷong anum mēlahalē u sasuang ene mēdeḷu mēnarimaḷa bageang e. ³Kuteu manga mēlahalē e mēngkatewe nēnameḷ ēllang ene. Bōu ene nipahangeng i sire, ku nioro pinakapuleḷ taḷe apa-apa. ⁴Mase

ⁱ pēndaḷukadeng
12:1; Yes. 5:1-2

taghuangu sasuang saꝝewe rimoloh'u sēngkatau ēllange waline. Kuteꝝu manga mēlahalē e kawe nēmpamēbahē tēmbō u ēllang ene, mase nanokolē apid'u kapēparohange. ⁵ Taghuangu sasuang saꝝewe rimoloh'u sēngkatau ēllange waline. Kai i sire kawe nēmate ēllang ene. Kū kerene lai pēkakoꝝ i sire su kalawōu ēllang baline, tuhū e: piꝝu u niwanggo ringangu piꝝbe lai nīpapate. ⁶ I sai lai ini e wēdang botonge ikaroloh'u taghuang sasuang e? Kate nalēmbe sēngkatau, kū samatang ahuse ikēkēndagē. Kū samurine i sie rimoloh'u ahuse solong a num manga mēlahalē e. 'Nalāhe u asēku e sarungbe ilahunggeē,' su tinēnnane. ⁷ Kuteꝝu manga mēlahalē ene nēmpahumbisara sēmbau su waline, 'Ēndai mēpapusakꝝ e! Mahi e pateēng i kite i sie, tadeꝝu makoꝝ si kite pusakꝝ e!' ⁸ Tangu rariō ene nisa-me mase nīpate. Kasuang nīrēmme i sire su likud'u waelē ene."


⁹ Mase Mawu Yesus naki-walo, "Apꝝe ngae sarung koateng u taghuang sasuang e? Nalāhe u sie sarung sumongo kū mēmate si sire mēlahalē ene, kū bōu ene

mēnarakangu sasuang su mēlahalē baline. ¹⁰ I kamene nalāhe u seng bōu nēmpēbasa ayetē ini su-ralungu Bukē Susi e,

'Batu kū ta nīpakē u tukang e,

ini e nakoꝝ batu pinēbukuangē.

¹¹ Ini e munara Mawu Kasēllahenge; kū ene e kaholē e!'"



*Mēnaram pēndalukadeng suwachu
anggorē(12:1)*

¹² Tangu manga mananēmbo-nangu tau Yahudi apan nakaringihē papinintu ene, mēdēdeꝝu mēname Mawu Yesus, batūu i sire kai masingkꝝ papinintu ene ipētētahino Mawu Yesus si sire. Kaiso i sire kai matakū u taumata lawō. Tangu i sire

němpědaleng naněntangken Mawu Yesus.

Halě u pēmamaehě pajakě^j

(*Mat. 22:15-22; Luk. 20:20-26*)

¹³Pirang katau wou tau Farisi ringangu wou ghalipohon Herodes nirolohě niapěngěngala bera su Mawu Yesus ringangu kakiwalo. ¹⁴I sire riměnta su anum Mawu Yesus ku němpěbera, "Tuang Guru, i kami e masingka u i Tuang kawē matulidě dingangu lai tawē mēsasěmpī kapulun sai-sai. I Tuang mañěntirowe ringangu malahe mañnung kapulun Duata su taumata, batu i Tuang e tawē mēmamamile ghatin taumata. Ho, kěňangko i Tuang pěbera si kami, "Tuhū ator'u agamang kite e, botonge mamaehě pajakě su Kaisarě arau tala? Harusě i kite mamaehě pajakě arau tala?"

¹⁵Mawu Yesus e masingkaulun sire měmpēmēmělle. I Sie simimbang, "Kawē unūe i kamene měmpěnaluka si Siā? Kěňangko todě Siā doitě salaka sěngkalěpa."

¹⁶Tangu i sire němpañgōen doitě salaka sěngkalěpa. Mase Mawu Yesus nakiwalo, "Kai

ghahī i sai ringangu areng i sai ini e?"

"Kaisarě," angkuěng i sire.

¹⁷"Ho, kamageng kerene," angkuěng'u Mawu Yesus, "onggō e su Kaisarě apaewen tataghuanengu Kaisarě, dingangu su Mawu Ruata apaewen tataghuanengu Ruata." I sire mangkewen dimalīnaū nakaringihě si Sie.

Halě u pěbawangung bou papate

(*Mat. 22:23-33, Luk. 20:27-40*)

¹⁸Ene piā e pirang katau wou ghalipohon tau Saduki himaung su Mawu Yesus. (I sire kai wou komolangu apam mangěna u taumata nate e tawē měbiahě kapia.) ¹⁹"Tuang Guru," angkuěng i sire su Mawu Yesus, "I Musa e namohē u tita ini waug'i kite: 'Kereu sěngkatau esē mate ku i sie wědang tawē anāe su kawinge, ute sěngkatau wou anāu sěmbau e hinong mamillasē su walune tadeau makahombangke palahite waugu wahaka e.' ²⁰Naung piā i sire pitu tahatuarī. Kaiakanenge někawing, mase nate wědang tā hitene. ²¹Tangu tuarine karuane někawingu walune, ku i sie malaing nate tawē

^j balasteng = pajak

hitene. Kakakoꝝ kerene maꝝaing nariadi su tuarine katëllune, ²² kꝝ mëtëtatuḥu saraeweng kapitune. Pangënsueënge tangu tau wawine ene natë e lai. ²³ Su tempo pëbawangungu taumata nate kapia e, ute kawingken sai ngae tau wawine ene? U i sire pitu e seng böu nëmpëkawing i sie këbi!”

²⁴ Mawu Yesus simimbang, ”I kamene mambeng nësaꝝa kahëngang. Batu i kamene tawe makaꝝaëna Winoḥë Susi kerene lai kawasa Mawu Ruata e. ²⁵ Kꝝ kamageng manga taumata nate mëmpëbangung kapia, i sire seng tawe saḥ mëmpëkawing, kaiso i sire saḥ mëbiaḥë kere ma-laekatë su sorga. ²⁶ Arawe taumata nate kꝝ ipëbangung kapia e, kai wëdang ta nakabasa i kamene su raꝝungu bukë i Musa piḥ bëkeng gahundungu sumpiniḥ dimaḥ tangu? Su raꝝungu manga a-²⁷ yetë ene kabawoḥë u Mawu Ruata e nëhengetang si Musa, ’Kai Ia e Ruatang Abraham, Duatang Ishak dingangu Ruatang Yakub.’ ²⁷ Ruata ene waꝝinewe Ruatan taumata nate. I Sie kai Ruatan taumata wiaḥë. I kamene kai tumaniḥ mësaꝝa ënna!”

Tita kahumotongang e

(*Mat. 22:34-40; Luk. 10:25-28*)

²⁸ Kuteḥu narëntaḥ sëngkatau mananëntirong agama naung na-karingihë paꝝahumbisara Mawu Yesus dingangi sire wou komoꝝangu Saduki e. Mananëntirong agama e masingka u Mawu Yesus seng simimbahë mapia-pia si sire. Tangu i sie nakiwaꝝe su Mawu Yesus, ”Kai tita sude kasëllahengu patiku tita e?”

²⁹ Mawu Yesus simimbang, ”Kahumotongangu tita ute: ’Daringihëko, i kamene tau Israel! Mawu Ruatang kite e kai Mawu mang sëmbau. ³⁰ Këndagëko Mawu Ruatanu e ringangu kaḥuwaḥu naungu, ringangu kaḥuwaḥu laënnanu ringangu lai kaḥuwaḥu iḥau.’ ³¹ Tita karuane ute ini: ’Këndagëko kasanggidangu e, kereḥewe i kau kumëndag’u watangengu.’ Tawe tita waꝝine li-membong kahumotongange wou tita ene.”

³² Mase mananëntirong agama e nëberaḥ su Mawu Yesus, ”Sembeng nihino, Tuang Guru! Mambeng têngadë apan nipëhengetang i Tuang: Seng i

Tuang e Mawu Ruata mang sěmbau ku seng tawę a-pa Ruata waline. ³³ Dingangu taumata e harusę kumędagu Mawu Ruata e ringangu kaguwau naunge, ringangu kaguwau laęnnane, ringangu lai kaguwau ihę. Dingangu i sie lai harusę kumędagu kasanggidange keręewe kumędagu watangenge. Ene kai limembong kapiaęge wou manęmbang sasęmba tętutungang ringangkewelain sasęmba waline su Mawu Kasęllahenge.”

³⁴ Mawu Yesus nakasilęe u mananęntirong agama e seng simimbahę maudupę kahęngang. Ku Mawu Yesus nęhengetang si sie, ”I kau seng maraning makoę kawanuan Mawu Ruata.”

Bou ene seng tawęu sarang sęngkatau relaing bahani maki-walo su Mawu Yesus.

Maanun Datu Mananalamatę

(*Mat 22:41-46; Luk 20:41-44*)

³⁵ Kapanęntirone su Walem Mawu, i Yesus nakiwalo, ”Kawe kereapa manga mananęntirong agama e makapębębera u Ratu Mananalamatę e kai hęnton

Daud? ³⁶ Sęmbalieu i Daud sęsane – ualingu nipękaradiahangu Rohkę Susi e – nębera,

’Mawu e nęhengetang su Mawuku:

kaiangke su koaneng Ku sarang la e mapakawata u kalawou sędu u su tęngonu.’

³⁷ Tangu kamagengu i Daud męsęsęba u Ratu Mananalamatę e kai ’Mawu’, ute mariadi we kereapa u i Sie kawe hęnton Daud?”

Tatumbalung tadeau pakalaingatę* su manga mananęntirong agama (*Mat 23:1-36, Luk 20:45-47*)

Taumata lawou apang ene su Walem Mawu maraluasę dudaraingihę Mawu Yesus manęntiro. ³⁸ I Sie nęhengetang si sire, ”Pakalaingatę bue su manga mananęntirong agama. I sire papuluang mędaralęng dingangu laku mananandu, dingangu papuluang adateng su manga pasarę. ³⁹ I sire papuluangu kalai-aneng su horone su ralungu Walem Mawu ringangu su manga saliwang. ⁴⁰ I sire męmpangakalę

* pakatateghang = peringatan

manga wawine wa_ru ringangu mēmpēngēngaho wa_rlene. Ku ta-de_au mēmpangambung karara_rlakis'i sire ute i sire mēmpēkalio-maneng mananandu-nandu. Hukumang i sire sarung mawēha!"

**Sasēmbang tau
wawine wa_ru
(Luk. 21:1-4)**

⁴¹Ene, ma_iangke mētētēngon kasē u sasēmba su Wa_rlem Mawu e, Mawu Yesus mēnēnahimata taumata apam mēmpētētahon doit'i sire su ra_rlungu kasē ene. Lawo taumata kala mēmpētētahon doit'i sire mara_rlawo; ⁴²mase sēngkatau wawine wa_ru kasiang himaungke lai. I Sie nētahon doitē bitu duang ka_rlēpa kaesē ku arēgane kasasanakenge. ⁴³Tangu Mawu Yesus kimui e manga murit'E mase nēhenge-tangke si sire, "Kakēllako ini: Bawine wa_ru kasiang ēndai ene kai nētaho su kasē e limembon ka_rlawo_e wou kēbi apan nitatahon taumata wa_rline e. ⁴⁴U i sire kēbi e nēmpētaho wou lēmbeng arēta i sire. Arawe tau wawine wa_ru e maning kerene kakasiange kai nangonggou apam pia e – ku kai apang gēgausange waug'u ipēbiahe."

**Mawu Yesus mēbēbisarang
kaghaghoghahu Wa_rlem
Mawu**

(Mat. 24:1-2, Luk 21:5-6)

13 Saraeng Mawu Yesus nanētangu Wa_rlem Mawu, sēngkatau wou manga murit'E nēbera, "Tuang Guru. Tingangko manga wa_re tamai e. Tingangko manga mesele. Ku ba_rlinewe ma_rlongko lēnggihe!"

²Mawu Yesus simimbang u, "I kau e nakasilo manga wa_re gaghaghuwa ene eng? Tawē batu sarang sēmbau bou manga wa_re tamai e sarung ma_ratana ma_rdalēnsung su ēnna e. Kēbi e sarung matatēnehē."

**Kasasigēsā dingangu
tatumbiagē**

(Mat 24:3-14; Luk. 21:7-19)

³Bou e Mawu Yesus nako_a solong bu_rud'u Zaitun, ku naiang su tampa tūtatēngo Wa_rlem Mawu. Tangu i Petrus, i Yakobus, i Yohanes dingangu i Andreas dimēnta su anun Sie ku mahumbisara ringang'E sēsane. ⁴"Kēnangko i Tuang pēhabarē si kami," angkuēng i sire si Sie, "su tempo sude patiku ene sarung

mariadi? Dingangu kai manga e apa e tatialan mapakaḷaḷaḷe u seng tempone?"

⁵"Pakatatahuēna wue," angkuēngu Mawu Yesus, "kumbahangbe sarang i kamene kaḷingaēng. ⁶Maḷawo taumata sarung mahundēnta mēmpēbawa arengku ku mēmpēbera, 'Seng ia e i Sie!' mase mēlinga taumata lawo e. ⁷Kamageng i kamene makaringihē tingih'u pēbawawuno^l ringangu habar'u pēsasaseke, ute abe kēngkataku. Kēbi-kēbi e harusē mariadi, kaiso ene waline-we seng tatialan tempon mēkiamatē. ⁸Banua sēmbau sarung mēseke dumoka bansa waline. Nēgara sēmbau sarung mangalo nēgara waline. Balawewe su tampa sude sarung mēlinuhē dingangu mariadi piḷa karalunusē. Patiku ene wuhewe aḷa e, ku tabidau sakū manga wawine su tempong kapētahasenggo e."^m

⁹I kamene harusē pakalaingatē, batu i kamene sarung samekang dingangu i wawa sarang anum mēlahukungu agama. I Kamene sarung dalimadeng su manga walēm pēkakaliomanengang. I kamene sarung itonda

apētēngon manga tēmbonange ringangu manga ratu watu u i kamene kai tumatoḷeku. Ku seng ene loah'i kamene manode u pēsahiding la su tēngon sire. ¹⁰Injilē bou anum Mawu Ruata e harusē ipēkakeke kaḷamona su patiku bansa. ¹¹Ku kamagengu i kamene samekang dingangu iwawa su mēlahukung, ute abe gagha u kai mēberaeng apa i kamene. Kamagengu seng niding ting tempone waug'u mēbisara, ute mēngkate pauliu apaewen ni-habarē si kamene su tempone. Batu manga wawera ku apang pinēberang kamene e waline-we wawerang kamene hala, kaiso kawe rimēnta wou anung Rohkē Susi e. ¹²Taumata sarung mēsuniaḷ'u anaḷ sēngkataune hala e mēdeau pateēng. Ene maḷaing sarung mariadi su pēsēntahakang. Manga rariḷo dumoka si ninange ringangu si amange, dingangu mēnarakang i sire pakipate. ¹³I kamene sarung ipēbinsi u patiku taumata ualingu i kamene kawe tumatoḷeku. Kai taumata ku apam mēkēkakēdang sarang pangēnsueēnge, sarung iapa-kasalamatē."

^l pēsasaseke/pēpapapate = peperangan ^m kapēhēndinge

13:9-11: Mat. 10:17-20, Luk. 12:11-12 13:13: Mat. 10:22

Karalai ku makabinasa*(Mat. 24:15-28; Luk. 21:20-24)*

¹⁴"I kamene sarung makasilo 'Kakakoꝝ dalai ku Mënggaghloꝝ' dudarisi su tanpa ipëtëteghang baug'i Sie. (Tëhusë su mëbawasa: Pëmanda wue apa mangale-ne!) Su tempo ene taumata ku apang su Yudea harusë mahuntalang solong bawulurange. ¹⁵I sain su wowong atu abe lintu dingangu abe suë suralungu wale ku mëngala apa-apa. ¹⁶I sain su sasuang abe pësule ku mëngala laku e. ¹⁷Ene e makalahiasë su tempo ene, su manga wawine pia kapa-pia ringangu su sengkatau inang ku bëdang mapasusung anaë. ¹⁸Mëngkate pëmpëkaliomaneng tadeau manga hombang ene abe katarang su tempon tahiti. ¹⁹Suapang ëllo makalahiasë ene e sarung pia kasasusa ku bëdang ta nikëkahombangeng deng dokeng Mawu Ruata nëndiadi dunia sarang orasë ini, dingangu sembelaing tawe mësaꝝ. ²⁰Kai manga Mawu Ruata tawe mangësou ëllo ene ute, taweu sarang sengkatau masalamatë. Kai ualingu kawa-

nuan'E, ute Mawu Ruata e mang nangësou u ëllo ene.

²¹Su orasë ene kereu piaꝝ mëbera si kamene, 'Kakëllako, Datu Mananalamatë e kai ëndaung sini!' arau 'Kakëllako, i Sie kai païse!' – ute abe pëmpangimang su tau ene. ²²Batuu manga mananalamatë konti ringangu manga nabi konti e sarung mëmpahundënta. I sire sarung mëmpëkoꝝ halë gaghuwa dingangu manga karalinau tadeau ipëngakalë apan pinilen Mawu Ruata sëngapam botonge. ²³Tangu pakatateghang bue! Këbi ene seng taku nihabarë kalimona si kamene ipanalumbaghe."

Darëntang Ahus'u Taumata*(Mat. 24:29-31; Luk. 21:25-28)*

²⁴"Su kapapalusen tempong kasasusa ene, matangëllo e sarung iapakarëndung, dingangu wulang e selaing tawe sumënnang. ²⁵Manga wituing e sarung mëngkahondosë bou langi, dingangu kalawou mëngangawasa kinoaënge sarung mëgolang. ²⁶Ku su orasë ene Ahus'u Tau-

13:14: Dan 9:27, 11:31, 12:11 13:15-16: Luk. 17:31 13:19: Dan. 12:1, Pël. 7:14
 13:24: Yes 13:10, Yeh. 32:7, Yl. 2:10, 31, 3:15, Pël 6:12 13:25: Yes. 34:4,
 Yl 2:10, Pël 6:13 13:26: Dan 7:13, Pël 1:7

mata e sarung ikasilo rumēnta su raḷungu winawa dingangu kawasana'E masēllahē dingangu kawawantugē. ²⁷I Sie sarung dumoloh'u manga malaekatē tadeau mapētampungu umatē pinilen'E wou wukung dunia ēpa, bou manga pondol'u dunia sarang manga pungu langi."

Tēntiro wou kalung ara

(*Mat 24:32-35; Luk. 21:29-33*)

²⁸"Pangalako tēntiro wou kalung ara. Kereu manga hakondane e melong dingangu masasikome ku manētae mētumbaḷē, ute i kamene masingkau tempom pēdisē e seng marani. ²⁹Kerene lai kamagengu i kamene makasiloe patiku halē ene seng nariadi, ku i kamene masingka u tempone seng marani-rani. ³⁰Kasingkako! Kēbi kakakoḷa ini e sarung mariadi kalimonang kēbi umatē apang mēbēbiahē orasē ini e wēdang tawe nētate kēbi. ³¹Langi dingangu dunia e sarung mapaghohē arawe waweraku e tapē sarang karēngue."

Taweu masingkau ḷlo ringangu orase

(*Mat. 24:36-44*)

³²"Manilaing kerene, taweu sarang sēngkatau masingkau angere ḷllone arau angere orase. Manga malaekatē su sorga e wēga wue ringangu Ahusē e malaing bēga, kētaewen i Amang hala e masingka. ³³Ku i kamene pakaralukadē bue ringangu pakalahēkosē, u i kamene wēga wue mēnsang angere tempone. ³⁴Kakakoḷe kai tabidaḷu sēngkatau nanētangu walene mase nakoḷa solong banua marau. I Sie nangoro manga ḷllang e apētētangkuang balene ringangu nēgaghelar'u munara si sire sēngkatau-sēngkatau. I Sie nangoro su mēlahapa tukadē u pēlēlukadēbe pakapia. ³⁵Ualingu ene i kamene harusē pakaralukadē, u i kamene wēga wue mēnsang angere taghuangu walē ene masongo – aramanung bawēllo, arau mēnsang kēkaḷoarane, arau kibasiu kawe kalonge, arau kai manga matangēllo kasēbange."

³⁶Kamagengu i Sie sengkianu marēnta, ute kumbahangbe sarang i Sie makaēba si kamene kapahuntikie. ³⁷Apan taku ipēbēbera ini si kamene malaing taku ipēbēbera su taumata lawo: u pakaralukadē bue!”

Laakalē su Mawu Yesus

(Mat 26:1-5, Luk 22:1-2)

(Yoh 11:45-53)

14 Ene kate rua ěllo seng ěllom Paskah ringangu Saliwangu Borotē Tawē Lahae-se. Manga imang tēmbonange ringangu manga mananēntirong agama e mēngkate mēmpēdēdēda dalengu mēlikosē e menamē Mawu Yesus, dingangu tadeau mēmate si Sie. ²”Kaiso kumbahang bue i kite mēkoā ene su tempon salimbange,” angkuēng i sire, ”Kibasīu makapēgohaeng.”

Mawu Yesus nilanisang u lana mawēngi

(Mat. 26:6-13; Yoh 12:1-8)

³Su tempo Mawu Yesus narēnta su Betania, su walēn Si-

mon ku naung piā sakī e kusta makatataku, ku piā e tau wawine himaung si Sie. I Sie nēba-wa wotoļē marmarē lohong lana mawēngi malēgadē, nikoā bou hamu u kalu mawēngi. Ene Mawu Yesus kukaiangke mēsēsimo-koļē, tau wawine ene mēngkatewe namose wotoļē e, ku nanēboh’u lana mawēngi ene su tēmbō u Mawu Yesus. ⁴Ene piako pirangkatau ěndaj sene nēmpēlangehē, ku nahumbisara lawo i sire u, ”Apawe gunane lana mawēngi ene nipēgagholo? ⁵Lana ene ikawalube ringangu arēgane nangēlembō wou tēllu hasu su kalēpane roitē salaka, ku doite reng ikaonggo su tau kasiang!” Tangu i sire nēmpēpēdu su tau wawine ene.



Apawu marmarē (14:3)

⁶Kai Mawu Yesus e nēhenge-tang, ”Balae kere i sie! Unue i kamene napakasusan sie? I sie

kai nĕkoḗ munara mapia ringangu rĕdaloĕng baugu Iḗ. ⁷Tau kasiang hanesĕbe ene ringangi kamene. Apan tempo kereu i kamene mapulu, i kamene makaambang i sire. Arawe Iḗ e tawĕ hanesĕ dingangi kamene. ⁸Tau wawine ini e seng nĕkoḗ apḗwen botonge ikakoḗ e. I sie seng namagĕ baugu Iḗ dingangu Iḗana mawĕngi waug'u pĕnampaku kalimonang tempone. ⁹Pĕmpangimangke! Su kaguwaḡu dunia e suapaewen Injilĕ boḡu Mawu Ruata e ipĕkĕkakeke, kakakoḗu wawine ini e ute sarung iwĕke lai makoḗ kere tatakahĕndung si sie."

I Yudas kimire mĕbaḡu u Mawu Yesus

(*Mat. 26:14-16; Luk. 22:3-6*)

¹⁰Ene i Yudas Iskariot, sĕngkatau wo'i sire mapulo dua murid'u Mawu Yesus, nakoḗ solong anum manga imang tĕmbonange manarakangu Mawu Yesus si sire. ¹¹I sire mĕngkatewe nĕmpĕluasĕ kahĕngang nakaringihe rorong ene, ku nĕmpĕkĕdo sarung mangonggou roitĕ si Yudas Iskariot. Tangu i Yudas nanĕtae mĕdĕdeḗ loahe tadeḗu manarakangu Mawu Yesus.

Mawu Yesus nĕsimokolĕ simokolu Paskah ringangu manga murid'E

(*Mat. 26:17-25; Luk. 22:7-14, 21-23*)

(*Yoh. 13:21-30*)

¹²Su ĕllo kahumotongangu ĕllon Saliwangu Borotĕ Tawe Ḳahaese – su tempon taumata mamotoḡ domba Paskah e, manga murid'u Mawu Yesus nĕmpĕkiwaḡo si Sie, "Suapaĕ mĕtatalahino pĕndiahiang i kami e kaĕngu Paskah waug'i Tuang?"

¹³Tangu Mawu Yesus nĕndolohen duangkatau wo'i sire, "Rako e solong soa, ku paĕse pia tau eĕ, mĕnĕnuĕng bĕnsadu ake, sarung ipĕsombang i rua. Pĕmpĕtoḡe e si sie ¹⁴solong bale suĕkange ku pĕbera su taghuang u waḡe ene, 'Mananĕntiro e makibaḡo, kai suapa tampa i Sie ringangu manga murid'E makapĕsimokolĕ kaĕngu Paskah.' ¹⁵Tau ene sarung mĕnuḡada si rua daḡunge maḡoahĕ su wowone rasi. Daḡunge ene seng nihundugĕ nauadipĕ dingangu manga apaliwue. Ku sadiajete kĕbi sene waug'i kite."

¹⁶Tangu murid'u Mawu Yesus darua ene nakoḗ solong soa. Tangu sene i rĕdua e naka-

hombangke kēbī kereewe nipaulīu Mawu Yesus. Tangu i rēdua e nēmpanadiae kaēngu Paskah e.

¹⁷ Sēhēbi ene, Mawu Yesus simongo ringangu murit'E mapulo dua. ¹⁸ Kuteu i sire kukaiang kapahungkaēnge, Mawu Yesus nēhengetang, "Daringihēko: sēngkatau wō'i kamene, kŭ su orasē ini sēngkakaēng dingangu sarung mēsuniaļu Iā e."

¹⁹ Nakaringihē ene, manga murit'u Mawu Yesus e mamben nēngkasusa, kŭ sēngkatau-sēngkatau e nanētae nakiwalo su Mawu Yesus, "Tantu walineu iā tēti-monang i Tuang arau ēng?"

²⁰ Mawu Yesus simimbang, "I sie ute kai sēngkatau wōu i kemene mapulo dua ini, kŭkaēng su lama sēmbau dingangu. ²¹ Kahēngang bue Ahus'u Taumata e sarung mate kereewe mābawohē su ralungu Winohē Susi. Kaiho! Kaēngkēhang bue i sai manarakangu Ahus'u Taumata e! Mapiaēngbe naung tau ene manīeng tawe kaḍiongeng pinahana!"

Pēpaperjamuang u Mawu

(*Mat. 26:26-30; Luk. 22:14-20*)

(*1Kor. 11:23-25*)

²² Ene kapahungkaēnge i sire e, Mawu Yesus nēngalaē borotē dingangu nēkaliomaneng nakitarimakasē su Mawu Kasēllahenge. Bōu e nēngangompeng borotē e, mase niḅawalawuhe su manga murit'E apid'u nēhengetang, "Daekeko kŭ kaengko, ini e kai wadangu."

²³ Bōu e i Sie nangaḷaē panganginumangu anggorē e. I Sie nēkaliomaneng tatarimakasē su Mawu Kasēllahenge, kŭ tinēgone su manga murit'E. Tangu i sire kēbī e nēmpanginungke anggorē e. ²⁴ Samuring ene ute Mawu Yesus nēhengetang, "Ini e kai rahaku, rahaen pēkakakēdo Mawu Ruata, kŭ niapatēdo bangu ḷawō. ²⁵ Pēmpangimangke: Iā e seng tawe saḷ manginung bōu anggorē ini, saraeweng su temping Iā manginung anggorē buhu su Dunia, Wuhung AmangKu e."

²⁶Tangu i sire nēmpēkan-tarieng kakantari daralo sēmbua. Ku bou ene i sire nakoḷa solong buḷud'u Zaitun.

Tēbaḷu i Petrus sarung mēsuniaḷ'u Mawu Yesus

(*Mat 26:31-35; Luk 22:31-34*)

(*Yoh. 13:36-38*)

²⁷Tangu Mawu Yesus nēhengetang si sire, "I kame-ne kēbi e sarung mēmpahun-taḷang manēntangu Ia e. Batuḷu suraḷungu Winoḷe Susi e kai maḷawoḷe u, 'Mawu Kasēlla-henge sarung mapakaten mēlaḷu-kadē e, ku gapaēngu rumba e sarung mēkaḷiaesē.' ²⁸Arawe samurin pēbawangungku kapia e, Ia e sarung tamai mēngalimona si kamene solong Galilea."

²⁹"Tala," angkuēng i Petrus, "Manilaing i sire kēbi manēntang i Tuang, kai ia e mambeng tala."

³⁰"Ene eng," angkuēngu Mawu Yesus, "hēbi ini lai, kaḷimonan manū kimuku karuan suḷene e, i kau seng tēllun suḷe nēsuniaḷu Ia e."

³¹I Petrus simimbangke ringangu mahoto, "Manilaing ia iapakapate sēngkakate ringangi

Tuang, kai ia e mambeng ta makawera u ia e wēgan Tuang!"

Ku manga murit'E waḷine e maḷaing nēmpēbera kerene.

Mawu Yesus mēkēkaḷiomaneng su Getsemani

(*Mat. 26:36-46; Luk. 22:39-46*)

³²I sire nahumpaen tampa sēmpalang ku arenge Getsemani, mase Mawu Yesus nēhengetang su manga murit'E, "Pahungkai-angko sini, tēntaḷang Ia deng tamai mēkaḷiomaneng."

³³Mase Mawu Yesus nēmaringang i Petrus, i Yakobus, dingangi Yohanes sēngkapahundaḷeng dingang'E. I Sie nanētae nakapēndang nasusa ringangu kimaḷinsau." ³⁴"Naungku e nasusa tawē sihinge," angkuēng u Mawu Yesus si sire, "pēpēndangeng seng saḷa makapate e. Kēngkatanako sini ku pēmpēlukadēko!"

³⁵Mawu Yesus nētēngkagheang kadodoḷ bou e nētēngkasumagē su ēntana ku nēkaḷiomaneng. Suraḷungu kaḷiomanenge i Sie mēdēdong sēngapam botonge tadeḷu i Sie maniang tawe kahombangengu tempon

ⁿ kaḷinso = gelisah

sigësa ene. ³⁶”Amang, O i Amang,” angkuënge, ”taweu sarang sëmbau ku kai ta makoꝝ su Ruata. Apakapuꝝko kasasigësa ini e wou anuku. Këtaeweng balinewe kapuluku e kaiso kawe kapulung Amang.”

³⁷Bou e Mawu Yesus nësule ku sëngkakakëllane manga muritë e kapahuntikië. I Sie nëbera si Petrus, ”Simon, mëtikì i kau e? Këtaeng beng sëngkaorasë, ku i kau mang tawe makalukadë?”

³⁸Tangu Mawu Yesus nëhenge-tang si sire, ”Pakaralukadëko, ringangu pëmpëkaliomanengko tadeꝝu i kamene tawe kasalukateng. Rohkë ete wue mambeng mapulu mëkoꝝ apam mëtëtatalahino, kai arawe i kamene e mambeng ta makatoꝝa ualingu ghësi e kai lome.”

³⁹Kapia Mawu Yesus tamai nëkaliomanengu kereewe wawerane kalimona. ⁴⁰Bou e i Sie nësule kapia su anum manga murit’E ku nikahombangenge i sire mang bëdang mëtëtikì, ualingu i sire kai mëtikì-tikì. Tangu i sire wëga wue mënsang kai mëberaeng apa su Mawu Yesus.

⁴¹Kuteu Mawu Yesus nësule e kapia su anun sire su katëllun sulene. I Sie nëhengetang, ”Mëngkai wëdang mëmpahuntiki

dingangu mëmpangirule i kamene? Pianë e! Seng niðating tempone, Ahus’u Taumata e isarakang su liman taumata warado-sa. ⁴²Pëmpëbangungke, boete i kite mahundaleng. Kakëlla! Taumata ku mëndalakì si Sia e seng dimënta!”

Mawu Yesus nisame

(*Mat. 26:47-56; Luk. 22:47-53*)

(*Yoh. 18:3-12*)

⁴³Ene Mawu Yesus bëdang kapëlëhengetange, narëntaë i Yudas sëngkatau wou manga murit’E mapulo dua e. Sëngkarënta ringang’E malawo lai taumata mëmpëbëbawa wara dingangu palo-palo. I sire niroluhu manga imang tëmbonange, manga mananëntirong agama ringangu manga tëmbonangu tau Yahudi. ⁴⁴I nëndalaj e seng nëgëlli u tatialane si sire u. ”Taumata ku taku dënguange,” angkuënge si sire e, ”Ute kai i Sie taumatane. Samë e i Sie ku bawa e ringangu riagate pakapia.”

⁴⁵Saraeng i Yudas dimënta, i sie mëngkatewe himaung Mawu Yesus ku nëbera, ”Tuang Guru!” bou e i sie rimëngu Mawu Yesus. ⁴⁶Mase i sire sëngkakarënta ringangi Yudas e mëngkatewe nëname Mawu Yesus ku mëha-

nusë si Sie. ⁴⁷Arawe sëngkatau wo'i sire sene mëngkate nanawu barə e mase namili ëllangu imang marangə e hakiu nashing tuline. ⁴⁸Bou e Mawu Yesus nëhengetang si sire, "Kai taumata ralaki Ia e, hakiu i kamene rumëntan barə dingangu palopalo ku mëname si Sia? ⁴⁹Apang kalaello e Ia manëntiro su Walem Mawu su têngong kamene, kai i kamene tawe mëmpaname si Sia. Kai mang seng hinong kerene, tadeau misëhu apang kabawohə suralungu Winohe Susi e."

⁵⁰Këbi muritë e timalang nëmpanentangu Mawu Yesus.

⁵¹Umbaseng sëngkatau, ku këtaeng mëkëkakingkaengu heka leneng nipëhëmbung awa e, tutole Mawu Yesus. I sire mapulu mëmpaname si Sie, ⁵²kai i sie mëngkatewe namellou kakingkaenge, ku timalang tëntole.

Mawu Yesus su têngon Sanhedrin

(*Mat. 26:57-68; Luk. 22:54-55,*)

(*69-71; Yoh. 18:13-14, 19-24*)

⁵³Mawu Yesus niëntud'i sire su waleng imang marangə. Païse, kalawou imang tëmbonange ri-

ngangu manga matatimaden tau Yahudi ringangu mananëntirong agama e matatampung. ⁵⁴I Petrus timole Mawu Yesus wou marau saraweng nasuë su rëllah'u waleng imang marangə. Sene i sie maïang su rëduhu putung sëngkapëndarang dingangu manga mëndariagae. ⁵⁵Manga imang tëmbonange ringangkewen sënaung Sanhedrin mëngkatewe mëmpëdëdeə karalahəu sahididing sire mapësalan Mawu Yesus tadeau makapëhukungu papate si sie. Kai i sire tawe nakahombang sala kadiongeng sarang sëmbau. ⁵⁶Malawo sahidinikuiang ipëšëshahiding konti waugu Mawu Yesus, kaiso sasahiding sire e mëdëdalewang sëmbau su waline.

⁵⁷Ene kai piə pirang katau rimarisi ku nëmpëshahiding konti, kerei manun Mawu Yesus, ⁵⁸"I kami e nakaringihë tau ini nëbera, 'Ia sarung mënggoghahë Baïem Mawu kinoau taumata, ku samurin tellu ello, ku Ia e sarung mamëtiewe lai waline ku balinewe koa u taumata.'" ⁵⁹Kai sasahidin sire ene e maïang nëdalewang sëmbau su waline.

⁶⁰Tangu imang marangē e rimarisi su tēngon sire kēbi mase nakiwalo su Mawu Yesus, "Unuē i Kau tawe sumimbahē kalawou laēnsilē itētmona si Kau e?"

⁶¹Kai Mawu Yesus mang tawē kakēndiē. I Sie tawe kadiongeng simimbahē sarang kadodo. Mase imang marangē e sau nakiwalo sēnsulē si Sie, "Kahēngang i Kau e Ratu Mananalamatē, Ahus'u Ruata Limembon Susi?"

⁶²"Seng Ia e i Sie," angkuēngu Mawu Yesus, "ku i kamene kēbi e sarung makasilo Ahus'u Taumata e kukaiang su sēmbēkang koanengu Mawu Ruata Lembong Kawasa ku dimēnta suralungu winawa wou langi!"

⁶³Tangu imang marangē e nēningkasē pakeange ringangu nēberae u, "Tawe wahaḷuasū piā sahidine! ⁶⁴I kamene hala e semben nakaringihē manga wawerane mēlēhinakang Duata. Ku orasē ini e kereapa su tinēnnang kame-ne?"

I Sire kēbi nēmpamutusē u Mawu Yesus nēsala, ku i Sie mambeng hinom pateēng.

⁶⁵Tangu sēnggae wue nanētāe nēmpangēdu Mawu Yesus, dingangu i sire nēmpanakā

matan'E, ku nēmpangoka si Sie kapēberane, "Kēnang panika, i sai nangoka si Kau?" Manga mēndariaga e maḷaing nēmpameru Mawu Yesus.

I Petrus nēdēndil'u Mawu Yesus

(*Mat. 26:69-75; Luk. 22:56-62*)

(*Yoh. 18:15-18, 25-27*)

⁶⁶Tēntalang i Petrus bēdang su rēllahē, sēngkatau wou ēllang bawine ēllangu imang marangē e rimēnta sene. ⁶⁷Sarang nakasilo si Petrus mēdēndarang su putung i sie timingangke mapia-pia gahi i Petrus dingangu nēbera, "Walinebe i kau lai ringangu Mawu Yesus tau Nazaret?"

⁶⁸Kaiso i Petrus kawe nēdēndilē, "Ia e wēga wue ringangu tawe nakahēngang mēnsang apa wue timonanu," angkuēnge su ēllang ene. Mase i Petrus simēbang soḷong tukad'u walēng imang marangē ene. [Tangu manu kimukūe.]

⁶⁹Tangu ēllang bawine ene saūewe nakasilo si Petrus, ku nēbera kapia si sire apang sene, angkuēng, "I anu ēndaie maḷaing dingangi sire!" ⁷⁰Kai i Petrus saūewe nēdēndilē kapia.

Tawe nararēna, i sire apang sene nēmpēbera kapia si Petrus, "Sembelaing tawe ikapēsuniaḷē i kau mang sēngkatau wō'i sire u i kau e wōu Galilea!"

⁷¹Mase i Petrus nanēta e nēsalu ringangu nēbera, "Ia wēgangbeng taumata itētimo-nang kamene ene!"

⁷²Su orasē ene lai tangu manū kimukū karuan suḷene. Kū i Petrus nakatahēndungu Mawu Yesus bōuwen nēhengetang si sie, "Tēntalang manū tawe kimēkukū duan suḷe, i kau e seng tēllun suḷe nēsuniaḷu Ia." Ene i Petrus mēngkatewe simangi marehe.^o

Mawu Yesus sutēngon Pilatus

(*Mat. 27:1-2, 11-14; Luk. 23:1-5*)

(*Yoh. 18:28-38*)

15 Deng bēdang maḷuka-lu-kadē sēnaungkewen daḷohon Sanhedrin sarangkewelain manga imang tēmbonange manga tēmbonang u tau Yahudi ringangu manga mananēntiro agama mēngkatewe ligha nēmpēdaḷahintau. I Sire nēmpēhapusē Mawu Yesus, mase nēmpēbawa si Sie kū nēmpēnarakang i Sie si Pilatus. ²I Pilatus nakiwaḷo su Ma-

wu Yesus, "Kahēngang bue i Kau ratun tau Yahudi?"

"Kereewe niweranu," angkuēngu Mawu Yesus.

³Manga imang tēmbonange mēngkate mapasēpu u laēnsil'i sire lawo-lawo su Mawu Yesus.

⁴Mase i Pilatus nakiwaḷo kapia su Mawu Yesus, "Kai ta sumasimbang i Kau? Kakēllae tamai kaḷawōe laēnsil'i sire itētimona si Kau!"

⁵Arawe Mawu Yesus e mam-beng tawe saḷ simimbang, hakiu i Pilatus naherang.

Mawu Yesus kinahinoēng u hukumang papate

(*Mat. 27:15-26; Luk. 23:13-25*)

(*Yoh. 18:39-19:16*)

⁶Suapan Salimbangu Paskah, lulun Pilatusē e kai mēlēsou sēngkatau wōu taumatang hukumang, tuhūewe kapulun taumata lawo e. ⁷Suralungu tahungkūe, sutaloaran tahapēnggohaeng kū nēmate su tempong gohaenge, piā sēngkatau arenge i Barabas. ⁸Taumata lawo e nēkomolē kū nēmpēdorong si Pilatus tadeau i sie apēlēsou sēngkatau wōu taḷoarang taumatang hukumang kereewe naung tundune. ⁹I Pilatus

^o nararubai = tersedu-sedu

nakiwalo si sire, "I kamene mapulu ia mēlēsou ratun tau Yahudi e waug'i kamene?" ¹⁰ Batu i Pilatus nakaēna u manga imang tēmbonange nēnarakangu Mawu Yesus si sie kai ualingu pananoi.

¹¹ Kai manga imang tēmbonange mēngkai nēmpanahowong taumata lawo tadeau mēmpedorong si Pilatus apēlēso i Barabas baug'i sire. ¹² Tangu i Pilatus nēberaewe kapia su taumata lawo e, "Kamageng kerene ute kawē taku pēkapuraneng tau isēsēba i kamene ratun tau Yahudi e?"

¹³ I sire nēmpamansagē, "Kuruisse i Sie!"

¹⁴ "Piabe kakanoa dalaki apa tangu i Sie?" angkuēng i Pilatus.

Tangu i sire nēmpēbansagē kapia limembowen kaihae, "Kuruisse i Sie!"

¹⁵ I Pilatus mapulu mapakaluasu naungu taumata lawo, tangu i sie nakilēsōen Barabas si sire, Bōu e i sie rimolohen taumata pinēlimadē Mawu Yesus, mase nisarakange pinakikuruisē.

Manga soldado mēmpētētaghunalang u Mawu Yesus

(Mat. 27:27-31; Yoh. 19:2-3)

¹⁶ Mawu Yesus niḃawawa manga soldado soḃlong baḃng mēlahukung su istanang gubērnurē.

Bōu e kaḃuwau wuntuange nikuiang pinētampung. ¹⁷ Mase i



Soldadong Roma (15:16)

sire nēmpēluheng laku kamumu su Mawu Yesus, bōu e nikoateng makotane wōu manga hakonda piā hanggange, ku nipake su tēmbōu Mawu Yesus. ¹⁸ Bōu e i sire nēmpētabea si Sie, "Tabea Datun tau Yahudi!" angkuēng i sire. ¹⁹ I sire nēmpēmēbahu tēking su tēmbōu Mawu Yesus, mase i sire nēmpangēdu si Sie dingangu nēmpēsuba su tēngon'E. ²⁰ Bōuten nēmpētaghunalangu Mawu Yesus, i sire nēmpēluang laku kamumu mase niawengangu pakeange tutune.

Su samurine i Sie niwawa so_long likude mēde_au i kuruisē.

Mawu Yesus nikuruisē

(*Mat. 27:32-44; Luk. 23:26-43*)

(*Yoh. 19:17-27*)

²¹ Su ta_loaran da_leng i si-re nēnihasa sēngkatau niapēmasaēng kuruis'u Mawu Yesus. Tau ene na_ung bu_hu e lai sūsēbang bo_u rarukutange ka_suē e so_long soa (Arenge i Simon, – bo_u Kirene – i amang i Aleksander dēduan Rufus). ²² Mawu Yesus niēntudē su tampa arenge Golgota mangalene "Wanuang Daran Tēmbō". ²³ Sene, i sire mapulu mangonggou anggorē lau u mur si Sie, kai Mawu Yesus tawe nangingung anggorē ene. ²⁴ Samurine i sire nēmpanguruisen Sie, ku nēmpēpahia pakeang'E pinēda_lahuri, baug'u pēlahakang bu_a u sēngkatau-sēngkatau. ²⁵ Pēnganguruisē e nariadi pukulē sio ma_lukadē. ²⁶ So wong kuruisē e nipapēlokangu wo_he ma_nanun laēnsilē si Sie, ke-reini: "Datun Tau Yahudi e". ²⁷ Nēsion Mawu Yesus e i si-re nanguruisē lai tahapēhampasē

duangkatau, sēngkatau su koa-neng'E, dingangu sēngkataue su sēmbēka kaihi. [²⁸ Tangu ua_lingu ene nasēh_ue apa ma_bawohē sura_lungu Winohē Susi e: "I Sie kai nirekeng kere nasowa su komo_langu taumata ra_lai."]

²⁹ Sumasahe sene mēngkate apa ma_hungkiling dingangu mēmpēlēhodatē Mawu Yesus. I sire nēmpēbera, "Ei, Kau ēndai mapulu mēnggoghahē Ba_lem Mawu ku irarisiu kapia sura_lungu tēllu ēllo. ³⁰ Kēnnangko rēllusē bo_u kuruisē e ku pētēngka_lēsoko batangengu e!"

³¹ Kerene lai manga imang tēmbonange ringangu manga manāntirong agama e mēmpēbēbaheaun Mawu Yesus. I sire ma_humbisara sēmbau dingangu wa_line, "I Sie mangambang taumata wa_line, arawe watanenge tawe makaambang! ³² Ke-reu i Sie ratung Israel, Datu Manana_lamatē, kapiaēnge i Sie pētēngkarēlluse wo_u kuruisē e, tade_au i kami makasilo ku mangimang si Sie!" I rēdua nikuruisē dingangu Mawu Yesus e ma_laing nēmpēbaheaun Mawu Yesus.

Kapapohong u Mawu Yesus*(Mat 27:45-56; Luk. 23:44-49)**(Yoh 19:28-30)*

³³ Su ěllo maļĕttue, suraļungu tĕllung kaorasĕ sĕnaung kaġuwau wanua e narĕndungke. ³⁴ Ku pu-kuļĕ tatĕllu wawĕllo e Mawu Yesus nĕkia e maiha, "Eloi, Eloi lama Sabakhtani?" mangaļe-ne, "DuataKu, RuataKu, kawe unu e i Kau nanĕntangu Ia e?"

³⁵ Pirang katau sene naka-ringihĕ kakaia'E ku nĕbera, "E wĕdi, i Sie kukui si Elia!" ³⁶ Sĕngkatau wou i sire mĕngkate masahawu-sahawu tama nĕngaļa bungan saghe nilauno su raļungu anggorĕ mahaesĕ. Bou ene bungang saghe e nisusue su pondolu kalu sĕmpĕdi ku nio-gore pinakaratingu wiwihu Mawu Yesus, kaļĕberane, "Ampaļeko, i kite deng kumakĕlla mĕnsang i Elia e reng dumĕnta mĕndĕllus'i Sie wou kuruisĕ ene."

³⁷ Mase Mawu Yesus gimahahe e maiha-ihā naminsuļu singongone ku nanĕntang.

³⁸ Gorden^p maļawiting su raļungu Waļem Mawu e natingkasĕ darua wou rasi sarang bawa.

³⁹ Tĕmbonangu soldado e ruðarisi su tĕngon kuruisĕ e nakasi-lo kereapa kakakoae Mawu Yesus napohong. Tĕmbonangu soldado e nĕberae, "Mambeng kahĕngang tau ini e Ahus'u Ruata!"

⁴⁰ Ĕndai sene pia lai manga wawine pirang katau mĕmpĕmĕmanda patiku ene wou maraune. Su taļoaran sire pia i Salome, i Maria Magdalena, ringang i Maria i ninang i Yakobus umbaseng dingangi Yoses. ⁴¹ Seng i sire e manga wawine naung maļuntole ringangu nĕmpĕtuļung Mawu Yesus naung pia i Sie su Galilea. Dingangu lawo lai manga wawine waļine apang sene ku sĕngkakarĕnta su Yerusalem dingangu Mawu Yesus e.

Pĕnananipa Mawu Yesus*(Mat. 27:57-61; Luk. 23:50-56)**(Yoh. 19:38-42)*

⁴²⁻⁴³ Ene ělloe seng kakahebine pia i Yusuf bou Arimatea nasongoe. I sie kai raļohon Sanhedrin ku Lĕadateng. I sie maļaing maņampalĕ tempo Mawu kasĕllahenge manĕta mĕparenta kere sĕngkatau Ratu. Ĕllo

^p pele-pele

15:34: Mzm 22:2 15:36: Mzm 69:22 15:38: Sas 26:31-33

15:40-41: Luk. 8:2-3

ene kai ěllon Pědarariahi (ku kai ěllo kałamonan ěllon Sabatě). Uaľingu ene i Yusuf męngkatewe nětumbahani nětęngon Pilatus ku nędorong baľunangu⁹ Mawu Yesus. ⁴⁴Ene i Pilatus naherangke nakaringihě u Mawu Yesus kai seng napohong. Ku i sie nakireaen tęmbonangu soldado ku nakiwaľoę si sie męnsang Mawu Yesus seng maręngu napohong. ⁴⁵Saraęng nakaringihě habaru tęmbonangu soldado ene, i Pilatus buhęwe napakawalan Yusuf męngała badang i Yesus. ⁴⁶Mase i Yusuf namęllie heka aľusě bọ leneng ku bọuten nęlintu badangu Mawu Yesus, nipikungken sie ringangu heka ene. Bọ e i sie namęllöen baľunangu Mawu Yesus su kubuľę nipakange su watu hanibě ku nitaho su raľunge. Bọ ene i sie nęlunggin batu ghęguwa nipěhęping tukad'u kubuľę e. ⁴⁷Su orasě ene i Maria Magdalena ręduang Maria i ninangi Yoses naung kułakęlla suapa pinęnampakengu Mawu Yesus e.

Pěbawangung u Mawu Yesus

(*Mat. 28:1-8; Luk. 24:1-12*)

(*Yoh. 20:1-10*)

16 Saraęng ěllon Sabatě e, seng naliu, i Maria Magdalena, i Maria i ninang Yakobus, dingangu i Salome rimalęng nęmpamęlli manga węngi waug'u ipęlanisě badangu Mawu Yesus. ²Dongkeng maľuka-ľukadě su sasębang matangęllo, su ěllo kahumotongange su sęngkamisa ene, i sire nęngkakoę soľong kubuľę. ³⁻⁴Kađalęnge i sire maľumbisara sęmbau su waľine, "I sai e ngae makatuľung i kite mameho batu ľahęping tukadu kubuľę e?" Batu watu e kai masaria-saria. Ene saraęng i sire nahumpa sene, sęngkakakęllane watu e kai seng naweho. ⁵Tangu i sire nahunsuě e su kubuľę e. Su raľunge su sęmbęka koaneng, i sire nakasilo pią umbaseng pakeange mawira maľiang, ku i sire mengkatewe nęmpěhękosě.

⁹ badang = jenazah

⁶ Umbaseng ene nēbera, "Abe kēngkatakū! Ia e masingka i kamene mēdēdeḡ Mawu Yesus tau Nazaret naung seng nikuruisē e. I Sie tawēdisē sini. I Sie kai seng nēbangung! Kakēllaiē, ēndai tampa e pinamēlloēng i sire si Sie. ⁷ Kū dakōe, kū bunako wēke ini su manga murit'E, saraeweng i Petrus. Pēbera, 'i Sie tamai mēngalimona si kamene soḡng Galilea. Pai sene i kamene sarung makasilo si Sie, kerēwe apan seng niḡbaweran'E si kamene.'" "

⁸ Tangu i sire mēngkatewe nahunsēbang bōu kubulē e ne mase nēmpētalang ualingu nēmpēhēkosē dingangu nēngkatakū. I sire tawe nēbera apa si saiewe lai, ualingu natakū.

**PĒNGĒNSUEĒNGU
NIWĒKEN MARKUS
TUHU HUNSUDE NAUNG
DOKENG KALIMONA**

**Mawu Yesus nētēngkasilon
batangenge si Maria
Magdalena**

(Mat. 28:9-10; Yoh. 20:11-18)

[⁹ Saraeng Mawu Yesus nēbangung bōu papatene, su ēllo Misa reng maḡluka-ḡlukadē, i Sie kahumotongange nētēngkasilo batangenge si Maria Magdalena. (Bō'i Maria ene, naung Mawu Yesus nēnokoḡu rohkē pitu raḡlaki.) ¹⁰ Tangu i Maria Magdalena e natamaie nēhabaru halē e ne su manga hapū Mawu Yesus, kū bēdang mēngkasusa ringangu maḡhunsangī. ¹¹ Kai saraeng i sire nakaringihē u Mawu Yesus kai nēbiahē, dingangu i Maria seng bōu nakasilo si Sie, i sire tawe nēmpangimang.

**Mawu Yesus nētēngkasilo
watangenge su manga
murit'E ruang katau**

(Luk. 24:13-35)

¹² Bōu e Mawu Yesus nētēngkasilo watangenge su murit'E

ruang katau suralungu kakakoae nanëntani. Ene tangu nariadi pia i rëdua mëmpahundaleng solong kampong sëmbau. ¹³Ku i rëdua nëmpësule ku nëmpëhabaru halë ene si sire waline. Kaiso i rëdua e taweu nëmpangimang si sire.

**Mawu Yesus nëtëngkasilo
watangenge su manga
murit'E**

(*Mat. 28:16-20; Luk 24:36-49*)

(*Yoh. 20:19-23; MMR. 1:6-8*)

¹⁴Pangënsueënge Mawu Yesus nëtëngkasilo watangenge si sire manga murit'E mapulo e-sa e, pia i sire kapahungkaënge. I Sie nanëngkulë si sire puhi-nengu i sire kai kadodo pangangimange ringangu tumaniu makakëti tëmbo i sire hakju i sire tawe mëmpangimang su taumata ku seng bou nakasilo maļahe u Mawu Yesus e wiahë. ¹⁵Mase Mawu Yesus nëhengtangke si sire, "Dakoe pëmpamëpidë kaguwau dunia e ku pëmpëhabaru Injil'u Mawu Ruata e su patiku taumata. ¹⁶I sai tawe mangimang sarung ihukung. Arawe i sai mangimang ku makisahani, sarung masalamatë. ¹⁷Makoā tatiala u i sire mangimang, i

sire ene sarung mënguserë rohkë dalaki suralungu arengku; i sire sarung mahumbisara suralungu haghin bera, ku tawe kahënganeng i sire. ¹⁸Kereu i sire makaumbeļe tëmpu arau makainung doti," ute tawë makapëkapura. Kamageng i sire mëmpanëllidu liman sire su taumata masasaki, ute sarung mëngkapia!"

**Mawu Yesus nisapua
solong sorga**

(*Luk 24:50-53; MMR. 1:9-11*)

¹⁹Saraeng Mawu Yesus bou-ten nëhengetang si sire, i Sie nisapua solong sorga. Dasi sene i Sie sëngkapëparenta ringangu Mawu Kasëllahenge. ²⁰Tangu manga murit'E nëmpahundaleng ku nëmpëhabaru injil'u Mawu Ruata suapan tampa. Ku Mawu e maļaing mësasumbalane si sire ringangu mapalahe u haghin tanda makadalinau u pënganginjil'i sire mambeng kahëngang.]

**PANGËNSUEËNGU
WOHEU KALIMONANE
SËNGGA E**

[⁹Manga wawine ene nëmpë-tamai solong anum Petrus di-

^r daghusë = racun

ngangu manga ringange, mase
němpěběke e mahatedě kěbī apan
nipaulīu umbaseng ene si sire.

¹⁰Bou ene, Mawu Yesus sěsane

limiu manga murit'E němpěha-
barě bou raki so_long bahe, ha-
barě susi ringangu kakalě ma-
nun kasasalamatě kakalě e.]

INJILĚ NIHABAR'I

LUKAS

DARUMATINGE

Bukĕ u Injil'i *Lukasĕ* e kai maḡadarumating i Yesus kere sĕngkatau Ratu Mananaḡamatĕ ku nirianding Duata baḡu Israel ringangu waḡu patiku taumata. Su raḡungu bukĕ ini i Lukas nĕmoḡe u Yesus seng niongotangu munarane kahian Rohkĕ u Mawu waḡu mananawuhĕ Injil'u Mawu Ruata su taumata kasiang. Habarĕ mapia ini napenĕ u pĕnanaung su patiku taumata ku mĕdĕdaḡahaghin kapulune. Ikĕkasilong ḡai sĕmbau tialan daḡuasĕ suraḡungu bukĕ i *Lukas* ini, kasa-riange su manga pasalĕ kaḡahumotongange maḡanun darĕntang Yesus, boḡ ene su wahageang kakunsie ḡai pĕtĕtĕngkasapuḡ i Yesus soḡong sorga. Bĕken maḡanun tatuwo ringangu kasasawuhu agaman Sahani saraeng Yesus nasapuḡ soḡong sorga, niwĕkelaing mamamoḡe bukĕ ini e su raḡungu bukĕ u *Munarang Manga Rarolohang*.

Bageang karuane dingangu kaĕnnunge (kakĕlla lohong bukĕ suaḡungu wawa ini) lawo lohone, maḡanun bĕke, ku kĕtaeng kĕkaĕbakeng su raḡungu bukĕ Injilĕ ini. Kere e wĕkeng kakantari u manga malaekatĕ dingangu pĕtatatiwon manga mĕndaḡukadĕ su tempon kawantel'i Yesus, Mawu Yesus su Baḡem Mawu naḡung deng kadodo, dingangu lai papinintu maḡanun tau Samaria matalĕntu dingangu anaḡailang. Bukĕ ini maḡaing maḡbĕḡa su haḡe u pĕkakaḡiomaneng, Rohkĕ u Ruata, koḡ u manga wawine suraḡungu pĕtatangkiang si Yesus dingangu pĕngangampung u rosa kahian Mawu Ruata.

Lohone

Panětakenge	1:1-4
Kawawantelě dingangu tempong kararariŋ i Yohanes Mananahani rěduan Mawu Yesus	1:5-2:52
Pětatangkiang i Yohanes Mananahani	3:1-20
Pėnanahani si Yesus dingangu sasaluķa su watangeng'E	3:21-4:13
Pětatangkiang i Yesus sutaŋoaran kawanuang Galilea	4:14-9:50
Bou Galilea soŋong Yerusalem	9:51-19:27
Misa pėngėnsueėnge su Yerusalem ringangkewen sėnaung beŋ e	19:28-23:56
Pėbawangung i Yesus bou papaten'E, pětėtėngkatode u watangeng'E ringangu kasasapuķa e soŋong sorga e	24:1-53

Panētakenge

1 Teofilus makëndagë,
1 Lawo taumata seng nētawakali nēmohë dingangu mahundugë maanun halë pirambau ku seng nariadi sutaloaran kitë. **2** I sire nēmohë mësulungkewen dingangu wëkene si kite këbi bo'i sire apan ku seng nakasilo hala manga halë ene bou panētakenge, ku masene nëkakeken habarë. **3** Saraeng ia bou nanësui mapia këbi ene bou panētakeng e, ute su tinënnaku e mapiawe mamohë laporang sëmbau pakahundugë pakapia baug'i Tuang. **4** Ia mëkoä ene, tadeau i Tuang masingka u apang ku seng nitëntiro si Tuang ene mambeng kahëngang.

Kalawantel'i Yohanes Mananahani e niapakasingka

5 Su tempong i Herodes nakoä datu su wanuang Yudea, pia e sëngkatau imang arenge i Zakharia. I sie nasuë su kamonaëng u manga imang i Abia. Kawinge arenge i Elisabet, malaing palahënton imang. **6** Pëbawiah'i rëdua sëngkawingang ene makaluasë naungu Mawu e. I rëdua ene matatuhu

su këbi parenta ore lai Torat'u Mawu ringangu kaçuwaü naung i rëdua. **7** Tawë ana i rëdua watu i Elisabet kawe wanto dingangu i rëdua këbi seng maghurang.

8 Pia su sahëllo tempong kamonaëng i Abia nakaëba ba-geang, i Zakharia mëndaëngu munarane makoä imang su tëngon Mawu Ruata e. **9** Dingangu lahuri, tuhewe tunding pëlëhalë u manga imang, i Zakharia kai kinatëbo tadeau sumuë solong Baëlem Mawu ku mënawungu kamania. **10** Ene kapanutunge kamania e taumata lawo e kapëkalïomanenge su likude. **11** Su tempo ene malaekat'u Mawu e nëtëngkatodë u watangenge si Zakharia. Malaekatë ene dudarisi su sëmbëkang koanengu meda tampa panantungangu kamania. **12** Saraeng i Zakharia nakasilo malaekatë ene, i sie nëbingo^a dingangu mataku. **13** Kai tangu malaekatë e nëbera, "Abe kataku, Zakharia! Mawu Ruata e seng nakaringihë kakalïomanengu. Kawingu i Elisabet e sarung maiwantel'u sëngkatau ahusë esë. I kau harusë mëgëllü arenge isëba si Yohanes. **14** I kau sarung lumuasë dingangu lawo lai

^a gimilabë = bingung
 1:5: 1Kar 24 10

taumata sarung mahuluasë kereu rario e seng naiwantelë sarung!
15 I sie sarung mariadi taumata masëllahë su tēngon Mawu e dingangu i sie tawe manginung anggorë arau inumang makabukang. Dokeng su kawawantele i sie seng su kawang Rokhë u Mawu. **16** Lawo taumatang Israel sarung tataēnge mēsulë kapia solong anung Mawu Kasëllahenge Ruatan sire. **17** I Sie sarung makaõ darolohang u Mawu ku matoghasë dingangu piã kawasane mēsulung i Elia e. I sie sarung mapëdamen manga iamang dingangu manga anã e, ringangu taumata ku tawe mangimang sarung tataēnge kapia suralungu tinēnna kahēngang. Dingangu kerene i sie managhupia sēngkatau umatë ku seng sēsadiang baugu Mawu e.”

18 ”Kereapa iã makakasingka u halë ene sarung mariadi?” kikiwalong i Zakharia su malaekatë e. ”Iã seng maghurang dingangu kawingku e lai seng maghurang.”

19 Malaekatë e simimbang, ”Iã e i Gabriel. Iã mētangkiang Mawu Ruata e ringangu kai i Sie nēndoloh’u iã e ipëlëhabar’u habarë mapia ini si kau. **20** Apan taku iwera, sarung mariadi su

tempone. Kai ualing i kau ta mangimang ute, i kau hēdowe ta makawera; i kau sarung mēmou saraeweng apang ku taku iwera ini mariadi.”

21 Kapëbisarane kerene taumata lawo mēngkatewe kapëngampalë si Zakharia. I sire mēngkate rudaļinau, kai unë i sie kereng karēngue suralungu Baļem Mawu e. **22** Ku su temping i sie simëbang, i sie tawe nakawerang apa si sire. I sie kētaen nēgëliu tanda nēñidan li mane ku mēngkawe wēdang mou. Tangu taumata ene masingka e u i sie seng nakasilo sēmbau papasilo suralungu Baļem Mawu.

23 Saraeng temping pëlahalë e su Baļem Mawu seng nasuë e, ute i Zakharia e napulë solong balene. **24** Tawe nararēnna wou ene, i Elisabet kawinge piã e kapiã ku i sie tawe manga simëbang bou wale lima wulang karēngue. **25** I sie nëbera, ”Mahunëu Mawu kasëllahenge mētulungu iã dingangu mēndëdasë katatelorëku.”

Kawawantel’i Yesus e nilahabarë

26 Ene manga e kaënnung u wulange i Elisabet mēbëbawa ka-



Sumu sĕmbau su Nazart (1:26)

papia, Mawu Kasĕllahenge rimo-
lohen malaekatĕ Gabriel nakoꝝ
soꝓong Nazaret, soa sĕmbau su
wanuang Galilea.^b 27 I Gabriel
nirolohĕ soꝓong anun sĕngka-
tau mahuala parawang arenge
i Maria. Mahuala parawang e-
ne seng mĕkĕkaghianĝ dingang-
u sĕngkatau esĕ arenge i Yu-
suf paꝓahĕnton Datun i Daud.
28 Malaekatĕ ene rimĕnta si Maria
ku nĕbera, "Tabeꝝko si kau ku
niaꝓamatengu Mawu su kapiane!
Mawu rumĕndiang si kau!"

29 Nakaringihĕ baweran ma-
laekatĕ e i Maria himĕkosĕ, hakiĕ
mĕngkate mĕtĕtinĕnna suraꝓungu
naunge mĕnsang apa mangalene

pĕtatabea ene. 30 Tangu malaĕ-
katĕ ĕ nĕbera si sie, "Abe kataku
Maria, batuu i kau mĕtĕtatahi-
no su naungu Mawu e. 31 I kau
sarung piꝝ kapapia ringangu mai-
wantel'u sĕngkatau rario, ku i
kau harusĕ pĕsĕba arenge si Ye-
sus. 32 I Sie sarung mawantugĕ
dingangu sarung isĕba Ahus'u
Ruata Ku Karangetange. Mawu
Ruata sarung mapakariadin Sie
ratu kere Ratu i Daud, iupung'E.
33 Ku i Sie sarung mĕparenta
kere ratu su hiten Yakub e sa-
rang kakalĕ. Kararatuang'E tawe
pĕngĕnsueĕnge."

34 "Kuteu ia bĕdang para-
wang," angkuĕng i Maria su

^b Sumu = pahighi

1:27: Mat. 1:18 1:31: Mat. 1:21 1:32-33: 2Sam 7:12, 13, 16, Yes. 9:7

malaekatë e, "kai kereapa tangu halë ene mariadi?"

³⁵ Malaekatë e simimbang u, "Rohkë u Mawu Ruata e sarung mëtëngkatëntung si kau ringangu kawasan Mawu Ruata e sarung mangëlung si kau. Kai ene hakju dariu ku ikawantelë e sarung ikasëba Susi, Ahus'u Ruata. ³⁶ Pëtahëndung: I Elisabet, manga anaü sëngkataunu ene, seng piä kaluwaenge ku seng kaënnungu wulange, maningbe i sie seng mahunggurang ku tau-mata e mëbëbera u i sie kawewantö. ³⁷ U kai su Mawu Ruata e tawë u ta mariadi."

³⁸ Bøu e i Maria nëbera, "Ia ini e kai ëllangu Mawu; balæ karriadine si sia e kere ipëbëberanu." Bøu e malaekatë e tamai nanëntang i Maria.

I Maria nëtiwo si Elisabet

³⁹ Ta nararëna wou ene, i Maria e nakoä solong soa su Yudea su wawulurange. ⁴⁰ I sie nakoä e solong baleng Zakharia, ku nasuë e, i sie nëgëlliü adatë si Elisabet. ⁴¹ Ene i Elisabet nakaringihe adat'i Maria e, dariu suralungu gandongang i Elisabet e nëkakanoä e. Tangu Rohkë Su-

si e nëkaradiahangke si Elisabet, ⁴² ku nëluntingihë, "Seng i kau e nialamateng bøu patiku manga wawine! Kawuako alamatë su rariu ku sarung ipëhëndingu ene! ⁴³ Kai i sai ia e hakju i ninangu Mawu e rumënta su anuku? ⁴⁴ Ene piä e ia nakaringihë adat'u e, tangu rariu suralungu gandonganku e nëkakanoä eng daluasë. ⁴⁵ Kariangkamang i kau, ualingu nangimang apang nipëluntingih'u Mawu si kau e, sarungbe mariadi!"

Kakalïomaneng tatarimakasë i Maria e

⁴⁶ I Maria nëbera,
 "Naungku e mëdëdalo Mawu,
⁴⁷ dingangu himukudëku e
 luluasë
 batu u Ruata e
 Mënanalamatëku.
⁴⁸ I Sie mëtëtahëndung si sia,
 ëllang'E hina ini!
 Manëta bøu orasë ini e
 patiku bansa e
 mëbëbera u ia e
 masalamatë.
⁴⁹ Ualingu Mawu Ruata
 Makawasa e
 mëkëkoabe halë
 masasëllahë si sia e.

Areng'E mambeng susi.

50 Bõu hënto sarang hënto,
Mawu e kükëndag'u
taumata kũ matakũ i Sie.

51 Dingangu takiah'E
makawasa e
i Sie nanaliawuh'u
maľaobotẽ e,
ringangu nẽngalĩaesẽ
tinẽnnan dalungu naung i
sire.

52 Manga ratu e niaparẽluse
wõu kararatuang
mase napakarange u
apang su kasasana e.

53 I saing lunusẽ e ipakalad'u
patiku kapia e,
makakala e ipakapulẽ di-
ngangu ľimane ta lohone.

54 I Sie mëtõtulungu Israel
ẽllang'E,
tuhewewẽ kẽdon'E ringangu
manga iupung i kite e.

55 Mawu e tawe miwawuleng
kẽdon'E,
i Sie maľondo si Abraham
dingangu hitene sarang
marẽngu-dẽngu."

56 Manga tẽllu wulang karẽ-
ngũe i Maria mëtõtana dingang
i Elisabet, buhũe i sie napulẽ
solong balene.

Kal̄aiwantel'i Yohanes Mananahani

57 Nĩdatingken tempone i Eli-
sabet mamantelẽ. I sie maiwan-
tel'u ahusẽ esẽ. 58 Manga ľam-
pung dingangu anau sẽmbau e
nakaringihẽ u Mawu e kai kereng
kapiane si Elisabet, dingangu i si-
re maľaing nahulũasẽ dingange.

59 Ene rariõ e natimũe ualũ
ẽllo umure, i sire nahundẽnta e
mẽdeau manunatẽ si sie. I sire
mapulu mẽsẽba arengu rariõ e
si Zakharia tuhũ arengi amange,
60 kaiso i ninange kai nẽbera u,
"Tala! I sie harusẽ isẽba si Yoha-
nes."

61 "Tawẽu sarang sẽngkatau
wõu anau sẽmbau e piã arenge
kerene," unguẽng i sire si sie.
62 Mase kapanĩdane, i sire naki-
walõ e si Zakharia kai isẽba si sai
tangu rariõ e.

63 I Zakharia nẽdorongke
pẽpalẽ pẽmamohekanẽ sẽngkalẽpa
kũ nẽmohe u, "Arenge i Yo-
hanes." I sire kẽbi e nasũe e
rimalĩnau. 64 Su tempo ene lai
i Zakharia nakawera kũ nẽda-
lo Mawu Kasẽllahenge. 65 Tangu
apaeweng sẽlampungange nasue

nëngkataku, ku habarë ene nake-ke su kaguwaŋ wawuŋurangu Yudea. ⁶⁶Këbi taumata apang nakaringihë e makibaŋo suraŋlungu naung i sire, "Kai makoŋ e apa ngae rario ëndaŋ e?" U Mawu e manëntanudë si sie.

**I Zakharia mëhabar'u
hengetangu Mawu**

⁶⁷I Zakharia, i amangu rario e, nitumanakengu Rohkë Susi e hakju i sie nëhabar'u tatanatang Mawu. I sie nëbera,

⁶⁸ "I kiteŋ mëdaloko Mawu,
Ruatang Israel!
I Sie seng dimënta nëtuŋlungu umat'E
ringangu nëliwir'i sire.

⁶⁹ I Sie nëgëlliŋu mënanaŋamatë matoghasë si kiteŋ,
hënton Daud, ëllang'E.

⁷⁰ Naung kaŋgerë lumiun manga nabi pinilen'E,
Mawu e seng nangonggou këdon'E,

⁷¹ waug'u mapakasalamat'i kiteŋ e wou roka i kiteŋ,
dingangu wou kawang taumata apang mëbëbinsi i kiteŋ.

⁷² Mëdeau manodë u tatalëntu'E su manga iupung i kiteŋ e,

pëkakëdon'E susi e sarung ipakasëhu'E.

⁷³⁻⁷⁴ I Sie nësalu si amang i kiteŋ i Abraham,

dingangu nëkëdo mëngambang i kiteŋ e wou roka i kiteŋ,

tadeau i kiteŋ ta kataku mëtangkiang si Sie

⁷⁵ sëntinia mëmunara waug'i Sie

ringangu makaŋuasë naung'E karëngu u i kiteŋ e reng biahë.

⁷⁶ Ei kau amang, anaŋku sarung isëba nabing

Mawu Karangetange.

I kau taku irolohë

pëngaŋlimona Mawu

pënaŋloahë daŋeng baug'i Sie,

⁷⁷ apëgekeng habarë su manga umat'E

u i sire sarung

ipakasalamatë,

kereu Ruata e seng

nangampung kaŋawou

rosang sire.

⁷⁸ Mawung kiteŋ e maŋondo ringangu mataŋentu;

ku ualingu

mapakasalamat'i kiteŋ e

hakju i Sie rimënta.

Mësuŋlungu matangëllo

simarang maḷukadē,
 79 kerene i Sie nangonggou
 tualag'E waugu patiku
 taumata e
 ku mēbēbiahē suraḷungu
 kararēndung dingangu
 katatakū.

I Sie mēngēngaha i kite
 suraḷeng mētētmona
 pēdarame."

80 Ana i Zakharia e nahunti-
 nambang kasellahe ringangu na-
 toghasē su rohkē e. I sie nētana
 su wanua ḷinggi, sarang niḍating
 tempone i sie nētēngkatode u wa-
 tangenge su tau Israel.

Kawawantel'i Yesus

(Mat. 1:18-25)

2 Kuteu su tempo ene, Kaisar
 Agustus nēparenta taḍeau
 kēbi kawanua Paparentang u
 Roma e makiwohe u areng
 su manga mēndarolē. 2 Pēndarolē
 humotong ini e nariadi pia i
 Kirenius nakoḷa gubernur su wa-
 nuang Siria. 3 Kēbi taumata su
 tempo ene nahundaleng makirolē
 su soan sēmbau-sēmbau.

4 I Yusuf e maḷaing nēbua
 bou Nazaret su Galilea, soḷong
 Betlehem su Yudea tampa kina-
 wantelangu Ratu i Daud; batuu
 i Yusuf kai hiten Daud. 5 I Yu-

suf nakiwohe arenge ringangi Ma-
 ria kaghiange, ku kapēbēbawa-
 ne kapapia. 6 Kuteu pia i rēdua
 su Betlehem, tempone natimue i
 Maria mamantelē. 7 I sie naiwan-
 teleng ahusē ese, ahusē iakang.
 Ana ene nipapikungu laēmping
 mase nipapēllōe suraḷungu kaka-
 nengangu binatang lohon dahan-
 mi; batuu i sire tawe nakaēba
 loahe su waḷe kawawunakenge.

Mēlaḷukadē dingangu maḷekatē

8 Su hēbi ene, pia manga
 mēlaḷukadē mēmpēlēhapaewe
 ghapaēng u dombaue su win-
 baengu rēmpugē ku su wa-
 nua ene. 9 Sēngkēlēndju kai pia
 maḷekat'u Mawu mētētēngka-
 tode si sire, ku tualag'u Mawu e
 mēngkatewe simarang mēnēnua-
 lagē si sire, ku i sire nēngka-
 wintogē. 10 Arawe maḷekatē e
 nēbera, "Abe kēngkatakū! U ia
 kawe rumēnta mēbawa raḷuasē
 masaria si kamene – raliagē e
 makoḷa bua u sēngkawanuang.
 11 Su sahēllo ini su soan Daud
 seng nawantelē Datu Mananaḷa-
 matē ku kai i Kristus, Mawu e.
 12 Ku ini e tatialane: I kamene
 sarung makaliombang dariḷ ka-
 dodo maḷapikung u laēmping, di-

ngangu ruḍaloka su kakanengang u binatang.”

¹³ Arakuteu sēngkianu piā malaekatē dingangu ghapaēngu malaekatē baḷine mēmpēdēdalo Mawu Ruata e. I sire nēmpēbera,

¹⁴ ”Dalo su Ruatang ḷangi su marange!

Dingangu pēdarame su dunia, maḷunsemahē taumata apan makaḷuasē naung u Mawu!”

¹⁵ Saraeng malaekatē seng nanēntang i sire ku nēngkapuḷe soḷong sorga e, tangu manga mēlaḷukadē e nēmpēberae sēngkatau su waḷine, ”Boete i kite soḷong Betlehem ku kumakēllako haḷe nariadi ene, niapakasingka u Mawu si kite.”

¹⁶ I sire mēngkatewe nēmpē-sasahawu nahundaleng mase nakaēbae si Maria rēduang Yusuf dingangu rariḷ kadodo ḍuḍaloka su kakanengangu binatang e.

¹⁷ Ene, saraeng i sire mēlaḷukadē e nakasilo rariḷ e, i sire nēmpēbēkeeng apang niha-bar’u manga malaekatē maanun dariḷ ene. ¹⁸ Ku kēbi taumata maḥerang nakaringihē bēken sire mēlaḷukadē e. ¹⁹ Arawe i Ma-

ria ute nēndeso u kaḷawou ene suralungu naunge ringangu u sēsipirange. ²⁰ Manga mēlaḷukadē e nēmpēsule e soḷong wimbaengu rēmpugē kapēdalone ringangu kapēpudine Mawu Ruata e, ualingu kēbi apaewen kinaringihē dingangu kinasilon sire, mēsulungkewe apan nipauli u malaekatē.

I Yesus nipēsēbakengu arenge

²¹ Saraeng natimue umure ualu ḷlo, mase rariḷ e nisunate. Ku i sire nēmpēsēba e si Yesus, arengkewe naung sinēba u malaekatē dokeng i Sie reng ta nipēpēpohiama.

Mawu Yesus niongo su Mawu Kasēllahenge su Baḷem Mawu

²² Saraeng ḷllone natimue i Yusuf dingangi Maria mēdēndaḷengu tundung kawawurēsi tuḥewe torat’i Musa. Ku i sire nēmpēbawa Ana ene soḷong Yerusalem mēdeau iongo su Mawu Kasēllahenge. ²³ Kai suralungu Torat’u Mawu e maḥawohē ke-

reini, "Apaewen ana ese iakang, hinon isarakang su Mawu." ²⁴I sire lai mēngēna u mangētudē sasēmba, kere manu tēkukur sēhongkateng arau ana u paluma kawuhuang darua tuhewe wawera suralungu Torat'u Mawu.

²⁵Kuteu su tempo ene su Yerusalem pia e sēngkatau arenge i Simeon. I sie tau mapia, mataku u Mawu Kasēllahenge, dingangu mēngēngampaļe oras'u Mawu Ruata e mapakasaļamat'u Israel. Rohke u Mawu Kasēllahenge matana si sie, ²⁶dingangu lai Rohke u Mawu Ruata e seng mēlēhabare si sie u i sie tawe sarung mate kereu reng tawe makasilo Ratu Mananaļamatē naung nikēdon Mawu. ²⁷Kuteu Rohke u Mawu Kasēllahenge nēngaha si Simeon nasue su Baļem Mawu. Su tempo ene i Yusuf dingang i Maria nēbawa si Yesus, naung deng kadodoe mēdeau koateng haļe u pēsarakang tuhu tundu torate. ²⁸Tangu i Simeon mēngkatewe nangaļa dario ene mase nisarulun'E, ku i sie nēdaloe e Mawu Ruata,

²⁹ "Ini e Mawu, ute i Kau seng ta nēlanda kire.

Karimako ēllang'U e mairi be suralungu pēdarame.

³⁰ Batuu ringangu matakū hala e ia seng nakasilo Mananaļamatē bou anun'U.

³¹ Mēnanaļamatē ene e seng niriahin'U

baugu patiku umatē:

³² tabidau tualagē mēnēnualagē daralengu manga umatē baline

mēdeau rumēnta su

anun'U,

ku kai tualagē

makakarēntang kalaadatē su kawanuan'U Israel."

³³Ene i amange rēduan i ninangu Rario ene mēngkatewe mahundaļinau nakaringihē apan niweran Simeon maņanung Ana i sire. ³⁴I Simeon nēngalaļamatē si sire ringangu nēbera si Maria, i ninangu Rario e, "Dariō ene seng kinapilen Mawu Ruata mēdeau mapakawinasa ringangu mapakasaļamat'u kalaļawou tau Israel. I Sie sarung mariadi tatiala wou Ruata e, ku sarung dokatengu taumata ļawo, ³⁵ku ualingu kai kerene ute naukahe kēbi ralungu naung i sire. Kasasusa e sarung

mēnusu dalungu naung i kamene kere aghidē mahoro.”

³⁶Ene piako lai naung sēngkatau nabi wawine sēng maghurang kahēngang. Arengē i Hana, ana i Fanuel, bou hēntong Asyer. Pia e sēng kapitu taunge nēdalāhikingu kawinge karēngue, ³⁷i Hana nawaluē ku saraweng umure ualumpulo ēpa su taunge. Mang tawe nanētangu Bałem Mawu. Ęllo hēbi i sie mētatahamawu Ruata mēkēkałio-maneng dingangu mēpēpuasa. ³⁸Tangu su orasewe lai ene, i sie himaung, mase nēdalo Mawu Ruata e ringangu mēbēbisara maanun ana ene su kēbi apan mēmpēngēngampalē tempone Ruata mapakaliun Yerusalem e.

Mēbali solong Nazaret

³⁹Saraweng i Yusuf dēduang Maria mēkēkoā kalawou apaewen hinong koateng tuhu Torat'u Mawu, ute i rēdua e nēmpēsule e solong Nazaret su Galilea. ⁴⁰Dariō e ute limembōeng kaguwae ringangu natoghasē. I Sie mēngkatewe matahuēnna ringangu Mawu Ruata e mang makēndagē si Sie.

I Yesus su Bałem Mawu

⁴¹Apan taung-taung gaghurang i Yesus makoā solong Yerusalem mēdeau mēsaliimbang u Ęllom Salimbangu Paskah. ⁴²Ku pia e i Yesus umure natimue mapulo dua su taunge, i sire tamai nēsaliimbang tuhewe tundune. ⁴³Sarangke nasue e salimbang ene i sire nēmpēsule e, dariō ene wēdang matana su Yerusalem, ku iamang dingangu i ninange nikawēgaēnge. ⁴⁴I rēdua mēngēngēna i Sie kai natołe ringangu ghapaēngu tau-mata. Saraweng bou nahundaleng sahēllo e karēngue, buhūe i rēdua mēdēdeā si Sie sutaloarang ana sēmbau dingangu manga kanarang i rēdua e. ⁴⁵Kuteu i rēdua kai tawe nēsombang'E, ku i sire sawewe nēsule kapia solong Yerusalem kapēdeā e si Sie. ⁴⁶Kuteu naliun tēllu ēllo mēdēdeā, i rēdua kai nakaēba si Sie suralungu Bałem Mawu. I Sie maiang dūdarinhē manga mananēntiro agama ringangu makibało. ⁴⁷Ku kēbi apan makadingihē si Sie mēngkatewe mađalingun manga sasimbang'E matahuēnna. ⁴⁸Ene gaghurang'E małaing mađalingu

nakasilo si Sie. I ninang'E nēberae si Sie, "Amang, kawē unūe i Kau nēkoā kerene si kami? Ēndaung, i kanduang amangu e mēngkatewe su kaghaghēngganeng mēdēdeā si Kau!"

⁴⁹ I Yesus simimbangke, "Kawe unūe i amang dingangi ninang mēdēdeā si Siā e? Apa i amang dingangi ninang kawē wēga, u Ia e kawē hinong ene su waleng AmangKu e?" ⁵⁰ Ene, i rēdua tawe nakaēnna sasimbang i Yesus e.

⁵¹ Bōu e i Yesus napulē e ringangi rēdua soḷong Nazaret, kū dimaringihē si rēdua. Kū patikū ene kaḍaresō si ninange suralungu naunge. ⁵² I Yesus e mang kakasēllahe ringangu kakātahuēnnane ringangu makalahimpulu Ruata ringangu ikēkapulun taumata.

Habar'i Yohanes

Mananahani

(*Mat. 3:1-12; Mrk. 1:1-8*)

(*Yoh. 1:19-28*)

3 Su taung kapulō ḷimane pēpaparentang Kaisar Tiberius, i Pontius Pilatus nahengke nakoā Gubērnur su Yudea kū i Herodes nēparenta su Galilea. I Filipus anaū sēmbau i Herodes nēparenta su wanuang Iturea

dingangu Trakhonitis. Arawe kawē i Lisantias ute nēparenta su Abilene. ² Kutēu nakoā manga imang marangē ute kai i Hanas dēduang Kayafas. Su taung ene ute Mawu Ruata nēhengetang si Yohanes ana i Zakharia su wanua ḷinggi. ³ Tangu i Yohanes rimaleng su apan tampa su kaguwau wimbaengu saḷu u Yordan e kū mēlēhabar'u hengetangu Ruata e. I Yohanes nēhabarē si sire u, "Pēmpētobate i kamene wou kalawou rosanu, kū i kamene harusē pakisahani, tadeau Mawu Ruata mangampung i kamene." ⁴ Ene, kerewe mābawohe suralungu bukē u nabi Yesaya:

"Piā e tingih'u tau
māmohang su wanua ḷinggi,
'Diahiko raralengengu Mawu
e,

pakatateneko daralengang
i Sie.

⁵ Apang pingka e ambunge,
apam buḷude ringangu
wonggkone e sapo.

Apang daḷeng kaleḷo e tuḷide,
ringangu apang daḷeng
matatahigagulē e harusēbe
tene.

⁶ Patikū taumata su dunia e
sarung makasilo

salamat'u Mawu Ruata
e!"

⁷Maławo taumata e ma-
hundenta soḷong anung Yoha-
nes e mēdeḷu makisahani. I Yo-
hanes nēbera si sire, "E i
kamene taumata raraḷai! I sai
tangu nēbera u i kamene maka-
taḷang boḷu hukumang u Mawu
Kasēllaheng e ramahi kaḷdēntane?"

⁸Todēko su kakanoa i kamene u
i kamene kai seng nēmpētobatē
boḷu kaḷawoḷu rosang kamene! Ku
kumbahang mēnētā mēbera u i
Abraham e kai i upung i ka-
mene. Pētahēndung: Boḷu manga
watu tamai ini e Mawu Kasēlla-
heng e maḷaing makakoḷa paḷahi-
teng Abraham! ⁹Baliung e seng
kaḷariahī waugu i panuwang ka-
lu sarang manga hamu e. Tangu
apaeweng kalu ta mēbawuam
buane mapia e, sarung tu-
wangeng ku iwahung suraḷungu
putung."

¹⁰"Ku kai apa e tangu hi-
nong koateng i kami e?" Kerene
kakiwalong taumata lawo e si Yo-
hanes.

¹¹I Yohanes simimbang, "I
sain pia ḷaku e raruā, gēlliko
sēmbau e si sain tala; dingangu i

sain pia kaenge, hinom pēmahia
ḷai."

¹²Maghaghēlle manga bea e
maḷaing dimēnta su anung Yo-
hanes mēdeḷu makisahani. I si-
re nakiwalō, "Tuang Guru, kai
iapēkapura tangu i kami e?"

¹³I Yohanes simimbang, "Kum-
bahang maghēlle ku nēngalembo
woḷu apan seng nipoēng."

¹⁴Pia ḷai soldado nakiwalō,
"Kereapa wue i kami e? Apa e
hinong koateng i kami tangu?"

I Yohanes simimbang,
"Kumbahang mēmpēngakalē si
sai-sai dingangu kumbahang
mēmpēhampasē doitē uaḷingu
pēngangangēnsilē tā katēngadē.
Kaiso pēmpēkadarewen ēba i ka-
mene e!"

¹⁵Su tempo ene tangu tau-
mata e nanētā e mēkēkakiwalō,
mēnsang i Yohanes ute kai Ratu
Mēnanaḷamatē lēantiwang i sire
ngae. ¹⁶Kai uaḷingu ene hakū i
Yohanes nēbera si sire kēbi, "Ia e
mēnēnahani si kamene e ringangu
akē, kai hēdowen sarung dumēnta
Taumata nēngalembong kasēlla-
he woḷu ia e. Kaḷingung mēluka
taḷing sapatune e, ia e maḷaing
tawe wotonge. I Sie sarung

mėnahani si kamene ringangu Rohkė Susi e dingangu putung. ¹⁷Su liman'E seng pią nihung mēdeau pėtaėkang kėbi gandum e sarangkewe mawurėsi. Gandum sarung ikomolė suralungu pėndaresokange, arawe kėbi apam baļėkane sarung tutungang'E suralungu putung tawe masasėbu!"

¹⁸Kerene i Yohanes maņalėntihō si sire ringangu haghing kakaoą e, su tempōen sie mėlėhabaru Injilė. ¹⁹Arawe i Herodes datun Galilea e nisėngkulang i Yohanes halė u pėkakawinge ringang i Herodias, kinawing u tuhang e, dingangkewelain su halė u kėbi kararalaı baline e ku seng kinoą e. ²⁰Kaiso i Herodes kai sauneng nėnambang kararalakisė ku dingangu nanuė i Yohanes suralungu tahungku.

I Yesus nisahani

(*Mat. 3:13-17; Mrk. 1:9-11*)

²¹Tangu sarangke taumata kėbi e reng nisahani, i Yesus nisahani lai. Ku pią e i Sie kapėkėkaliomanenge, tangu langi e nahėnge, ²²ku Rohkė Susi e nėtėngkatėntung si Sie kere maņu paluma su pusige. Bōu ene kinaringihe tingih'u Mawu Ruata e

nėhengetang, "I Kau e kai AhusėKu ikėkėndagė e. I Kau e makaļuasė naungKu e."

Dolė u manga iupung gaghurang u Mawu Yesus Kristus

(*Mat. 1:1-17*)

²³Su tempon Mawu Yesus nanėta u munaran'E, umur'E seng pią u manga tėllum ruļo su taunge. Angkuėngewen taumata, uade i sie kai ana i Yusuf, ana i Eli, ²⁴ana i Matat, ana i Lewi, ana i Malkhi, ana i Yanai, ana i Yusuf, ²⁵ana i Matica, ana i Amos, ana i Nahum, ana i Helli, ana i Nagai, ²⁶ana i Maat, ana i Matica, ana i Simei, ana i Yosekh, ana i Yoda, ²⁷ana i Yohanan, ana i Resa, ana i Zerubabel, ana i Sealtiel, ana i Neri, ²⁸ana i Malkhi, ana i Adi, ana i Kosam, ana i Elmadam, ana i Er, ²⁹ana i Yesua, ana i Eliezer, ana i Yorim, ana i Matat, ana i Lewi, ³⁰ana i Simeon, ana i Yehuda, ana i Yusuf, ana i Yonam, ana i Elyakim, ³¹ana i Melea, ana i Mina, ana i Matata, ana i Natan, ana i Daud, ³²ana i Isai, ana i Obed, ana i Boas, ana i Salmon, ana i Nahason, ³³ana i

Aminadab, ana i Admin, ana i Arni, ana i Hezron, ana i Peres, ana i Yehuda, ³⁴ana i Yakub, ana i Ishak, ana i Abraham, ana i Terah, ana i Nahor, ³⁵ana i Serug, ana i Rehu, ana i Peleg, ana i Eber, ana i Salmon, ³⁶ana i Kenan, ana i Arpakhsad, ana i Sem, ana i Nuh, ana i Lamekh, ³⁷ana i Metusalah, ana i Henokh, ana i Yared, ana i Mahalaleel, ana i Kenan, ³⁸ana i Enos, ana i Set, ana i Adam, ana i u Ruata.

Mawu Yesus nisalukateng
u setang

(Mat 4:1-11; Mrk. 1:12-13)

4 Mawu Yesus napene u Rohkë Susi e su tempong i Sie nanëntangu salu u Yordan e. Rohkë u Susi e nangaha si Sie solong banua linggi. ²Senne i Sie nisalukateng u setang epa u pulo su ellone karëngue. Karëngüewen ello ene, i Sie tawe kimaëng manga apa-apa ku pëngënsueënge i Sie nakapëndang nahutung.

³Setang nëberae si Sie, "I Kau Ahusëben Duata arauëng? ute pëngoroko watu ëndai apaka-koã borotë."

⁴Tangu Mawu Yesus simimbang, "Su ralungu Winohe Susi kabawohe, 'Taumata e tawe makapëbiahë sëmatang bou borotë.'"

⁵Mase setange nëngahae si Yesus solong sëmpalang marange, ku suralungu sëngkakonda tangu setange nanodeën patiku kararatuangu dunia ini e si Sie. ⁶"Patiku kawasa ringangu kakakala ëndai e sarung taku onggotang si Kau e," angkuëngu setang si Yesus e, "ualingu patiku ene seng nighëlli si sia, ute walæwe ia mapulu mënsang taku ionggo si sai-sai. ⁷Tangu patiku ene sarung makoã bageang'U, kereu i Kau mësuba su têngoku."

⁸I Yesus simimbang, "Su ralungu Winohe Susi e mabawohe, 'Pësubae su Mawu Kasëllahenge ku pëtahamawu e si Sie sësane.'"

⁹Mase setange nangahæwen Yesus solong Yerusalem ku namëllö i Sie su wowong atu u Baïem Mawu e, ku nëberae si Sie, "I Kau Ahusëben Mawu Ruata arau ëng? Ute tumpa e wou ini. ¹⁰Batuu su ralungu Winohe Susi e mabawohe, 'Ma-

wu Ruata e sarung mēparen-
ta manga malækatē ipēnanudē
pakapia-pia si Kau.' ¹¹Kuteu
lai, 'Manga malækatē sarung
mēmpanalendeng si Kau ringang-
u ĩmang sire, tadeau laed'U e lai
tawe matangga su watu e.'"

¹²I Yesus simimbang, "Su
raĳungu Winohe Susi maḃawohe,
'Kumbahang manaluka Mawu
Kasēllahenge Ruatanu.'"

¹³Tangu saraeng setange
nangēdoe nanaĳuka si Yesus di-
ngangu haghin sasaluka, tangu i
sie namehoē wou anun Yesus ku
nēngampalē tempone mapia.

Mawu Yesus nanētaen
munaran'E su Galilea


(*Mat 4:12-17; Mrk. 1:14-15*)

¹⁴Bou e i Yesus nēsule e
soĳong Galilea; ku i Sie nilo-
hoēngken Rohkē Susi e. Ku te-
lengu maanun Sie mēngkatewe
nasēsahē su patiku banua e-
ne. ¹⁵I Sie mañentiro su manga
waĳem pēkakaliomanengang ri-
ngangu kēbi taumata mēdēdalo si
Sie.

Mawu Yesus pinēbinsi su
Nazaret

(*Mat. 13:53-58; Mrk. 6:1-6*)

¹⁶Ene i Yesus natamai lai
soĳong Nazaret tampae naung ki-
nasariaēnge. Su ěllon Sabatē e
tuhewe tundune i Sie simuē
su waĳem pēkakaliomanengang. I
Sie nēbua dimarisi mēbasa Wi-
nohe Susi e, ¹⁷ku nighēllikang-
kem bukē u nabi Yesaya. I Sie
namingkahē bukē ene, mase na-
kahombang ayatē ini,



Duĳungu bukē (4:17)

18 "Rohkë u Mawu ene si Siã, batıu i Sie seng nēlanisē si Siã tadeau ipēlēhabar'ıu habarē makadaıuasē e su makakasiang.

I Sie rimoloh'ıu İa nēdeau pēmēmohangu

karalēsı u maıatahungku dingangu kawawekesu matan tau wuta;

iapēlēliu tau tētumbiagheng

19 ringangu iapēlēhabar'ıu oras'ıu rarēntang Mawu e, makasaıamatē umat'E pinilene."

20 Mase i Yesus wıeten nēndulung bukē ene kapia ku nanēgong ene su mēlahalē, bıu ene i Sie kimaıiang. Matang kaıawıu taumata su raıungu waıem pēkakaıionanengang e mēngkatewe mataıanda si Sie. 21 Tangu i Yesus nanētæ nēhengetang si sire kereiıni, "Manga ayat'ıu Winohe Susi su sahelıo ini e pinakasēıu su oras'ıu i kamene nakaringihē."

22 Manga wawera niıweran'E mēngkatewe maralēnggihē, hakıu i sire nēmpēdaıııau dingangu maıobhang si Sie. I sire

nēmpēbera, "Kai waıııewe ana i Yusuf i Sie Ho?"

23 Tangu i Yesus nēhengetang si sire, "Endıu i kamene mang mēpakęu sasailing bawera ini e si Siã, 'Dokterē pangundangko watangengue. Apan nakaıaheırang kınaringih'i kami e nıkoıu u su Kapernaum, koıko İai su soan gaghurangu e.'" 24 I Yesus saıewe nēnamba, "Pētahēndungke, tawe apa nabi ku lēadateng su soane sēsane. 25 Ualıngu ene daringihēko: su tempong Elia, piı e arēgan tēllu taung ēnnungu wuıang karēngę tawe rimasehē, hakıu piı e karalunusē masaıria su kaıuwau wanua. Su tempo ene lawıo manga wawıne waıııu su Israel. 26 Maning seng kerene, Mawu Ruata e tawe nēndoloh'i Elia tamai soıong sēngkatau wıuıo manga waıııu e, kaiso kēıawen soıong anun sēngkatau wawıne waıııu su Sarfat su wanuang Sidon. 27 Kerene İai su tempon nabi Elisa maıawıo taumata su Israel piı sakıe kusta makatatakıu, kaiso tawęu sarang sēngkatau İai wo'i sire nıpakauıe, tumbawen i Namanıan tau Siria e"

²⁸ Kēbi taumata su walem pēkakaliomanengang e mēngkatewe nisawelangu pēdu saraeng nakaringihē tamai ene. ²⁹ Ku i sire mēngkatewe nēmpēbua mase nanokol'i Yesus nipasēbang bōu soa, ringangu niwawan sire sarang lengehu wulude, pinēkoateng soan sire. I sire mēnēnaung u mēnuhud'i Sie su tēnggilihange. ³⁰ Arawe i Yesus dimaleng bōu taḷoaran taumata ḷawo e apidu natamai.

Taumata nikasuēkangu rohkē dalakī

(Mrk. 1:21-28)

³¹ Bōu e i Yesus tamai soḷong soan Kapernaum su Galilea. Su tampa ene i Sie maḅnēntiro taumata ḷawo su ḷlon Sabatē e. ³² Ku i sire mangkewen mēmpēdalinau nakasilo kakakoḷ'E maḅnēntiro, u i Sie mēbēbera ringangu kawasa. ³³ Ene su walem pēkakaliomanengang piḷa e sēngkatau nisakeēngu rohkē dalakī. Tau ene mēngkatewe namansagē maiḷa-iḷa, ³⁴ "Ei Yesus, tau Nazaret, i kau mapulu mēkoḷa apa si kami? I Kau rimēnta maminasa si kami e? Iḷa masingka i sai Kau! I kau kai rarolohangu Ruata!"

³⁵ "Pakarēmasēko!" Palēndih'i Yesus su rohkē dalakī e. "Pēmpēsēbangke wōu tau ḷndai e!" Mase rohkē dalakī e wōuten napakawēbahu tau e su tēngon sire kēbi, bōu e simēbang wōu tau ene, ku tawe kaḷiongeng nakapēkapura si sie.

³⁶ Kēbi taumata naralingu ku nēmpēbera sēngkatau su waline, "Baḷinewe maḷongko manga waweran'E. Piḷa pahēngking'E ringangu kawasan'E, i Sie nēparenta manga rohkē daralaj pasēbang, ku i sire nahunsēbangke wue!" ³⁷ Kutēu telengu maḷanun Yesus mēngkatewe nēsasēsahē su apam beo u wanua naliku.

Yesus napakapian taumata ḷawo

(Mat. 8:14-17; Mrk. 1:29-34)

³⁸ I Yesus simēbang bōu walem pēkakaliomanengang e, mase rimangeng su waleng Simon. Kutēu i empong Simon bawine e kai luḷēhabē, ku i sire nakitulungke si Yesus e. ³⁹ Tangu i Yesus himaung su raḷokangu tau wawine ene, ku napakailangu lēhabē ene. Ku lēhabē e naintakē dingangu i empong Simon bawine

ne e mēngkatewe nēbangung di-
ngangu nētangkiang si sire.

⁴⁰ Ene saraeng matangello
simēda e ute kēhī taumata
nēmpangētudē soḷong anung Ye-
sus apaewen anaḷ sēngkataun si-
re balāewe mēnsang saki apa.
I Yesus e nēnēlid'u ḷiman'E su
pēsēngkatau ku napakapian sire.

⁴¹ Manga rohkē daralaj e malaing
nahunsēbang bou taumata ḷawo
e, apidu kapēmansage maiha, "I
Kau Ahus'u Ruata e!"

Kuteu i Yesus kai nēmalēndi-
hē si sire ku tawe napakawalan
sire niapēbera, watu i sire kawe
masingka u i Sie kai Ratu Mana-
nalamatē.

Yesus mēnēnasē suralungu
manga walem
pēkakaliomanengang
(*Mrk. 1:35-39*)

⁴² Saraeng matangello e nanē-
tae simēnang i Yesus nanētangu
soa ene mase nakoḷ soḷong tampa
ta taune. Kuteu taumata ḷawo e
nanēta e mēdēdeḷ si Sie ku pia
e i sire nakaēba si Sie, i sire
mēngkai māmaedē si Sie u abe
apēnētang i sire. ⁴³ Kaiso i Ye-
sus nēhengetang, "Injilē maanun
kereapa Mawu Ruata e mēparen-
ta ute hinon Taku habareng lai

su manga soa waline batu kai e-
ne Mawu Kasēllahenge rimoloh'u
ḷa soḷong dunia e."

⁴⁴ Ualingu ene Mawu Yesus
mēngkawe mēnēnasē su manga
kanisa su patiku soan Yudea e.

Mawu Yesus namile manga
murit'E humotong

(*Mat. 4:18-22; Mrk. 1:16-20*)

5 Sēnsule tempo i Yesus ruḷa-
risi su apeng u ranong Ge-
nesaret. Lawo taumata mēngka-
te mēngkasēngkilē mēgēgausē du-
maringihē hengetang u Mawu
Kasēllahenge. ² Ku i Yesus naka-
silo sakaeng duang gēsa maḷa-
siladē su apeng ene. Manga
mēpapakisaghe e ute naung na-
huntumpa wou sakaeng e ku
mēmpañēbang soma i sire. ³ I
Yesus mēngkatewe simake su
sēnggēsa su sakaeng i Simon, ma-
se nēngoro si Simon apēnondo sa-
kaeng e riḷ pakaghea wou apeng.
Yesus naiang su ralungu sakaeng
e ku nanētiro taumata ḷawo bou
ralungu sakaeng e.

⁴ Saraeng i Sie nangēdoe
nēhengetang e tangu i Sie
nēberaē si Simon, "Pundalēko sa-
saē soḷong tampa maralung e ku
panētangkon soma i kamene su
sasi mēdeḷ paname kina."



Dalombo ringangu sakaeng'u samchë sëmбай (5:2)

⁵"Tuang Guru," nisimbangi Simon, "kanandun hëbì e i kami nàung mëtëtëngkasaghedë, kai i kami e tawe nakaalà apa-apa! Kai ualingken i Tuang nangoro e, ute kerene e; ia deng saü manëntang u soma." ⁶Bouten i sire nëmpëkoä kerene, i sire nakaliwungke ghapaëngu kinà lawo-lawo hakiu somang sire nanëtae naghehe. ⁷Ualingu ene i sire nëmpangalape e mëdëdorong tulung su manga ringang i sire su sakaeng baline e, apësësumbala si sire. Manga ringangi sire ramahie mase i sire nëtataliwung nëlurangken kinà e su sakaeng

duang gësa e pinakapene hakiu manga sakaeng e masara mawulusë. ⁸Sarangke i Simon nakasilo ene, ute i sie mëngkatewe nëtumpëkuhë su tëngon Yesus e, mase nëberae, "Tëntangke ia, Mawu! U ia kai taumata waradosa!"

⁹I Simon dingangu këbì taumata ringangi sie mangkewen dimalinau nakasilo kinà kerene kalawoe nikasame i sire. ¹⁰Kerene lai manga hapi i Simon, u i Yakobus dëduan Yohanes, manga ana i Zebedeus. Ene i Yesus nëhengetangke si Simon, "Abe

katakū! Manēta bou ini e i kau kai makoā mananoma taumata.”

¹¹I Simon ringangkewelain manga ringange nēmpamuā sakaeng ene soḷong apeng, bou e nanēntangu kēbi ene, mase nahuntolē si Yesus.

**Mawu Yesus napakapian
sēngkatau piā saki e pisi
makatatakū**

(Mat. 8:1-4; Mrk. 1:40-45)

¹²Piā sahēllo i Yesus naung su soa sēmbau. Pai sene lai piā sēngkatau eṣē kū badange natukusu saki u pisi makatatakū. Kutēu sarang i sie nakasilo si Yesus e, i sie nētēngkasumagē su tēngone apidu mēdēdorong, ”Tuang, kereu i Tuang mapulu, ute i Tuang deng mapakapian ia e!”

¹³Tangu i Yesus mēngkatewe nēngumpaedē tau ene apidu nēhengetang, ”Ia e mapulu kū kapiā e!” Orasē ene lai saki e mēngkatewe nanēntang. ¹⁴Mase i Yesus nēsēdingken tau ene mēbēkeng halē ene su patikū taumata angkuēng’E, ”Dakoē pētēngkatodē su imang kū pēdorong si sie pēnahiring kau e kū seng nauḷe e. Bou e tamai pēbawa sasēmba kere tinitan Musa e

ipahanuntēngadē su manga tau-mata u i kau mamben tēngatēngadē seng nauḷe.”

¹⁵Arawe telengu i Yesus kai sauneng napēpidē su apan tampa kū mēngkai lawo taumata nēmpēdēnta mēgēgausē dumarinhē si sie ringangu makikapian saki i sire. ¹⁶Bou ene i Yesus nangingka nēkaḷiomang su tampa ta taune.

**Mawu Yesus napakapian tau
nipeosē**

(Mat. 9:1-8; Mrk. 2:1-12)

¹⁷Su sēnsulē tempo piā e i Yesus kapanēntirone piā pirangkatau tau Farisi ringangu manga mananēntiro agama maḷungkaiang sene. I sire naung nahundēnta wou Yerusalem dingangu wou manga soa su Galilea ringangu Yudea e. Kū kawang Mawu Kasēllahenge ene mētētumana si Yesus mēdeau mapakapiam manga masasakī. ¹⁸Kuteu su tempo ene sēngkianu piā pirangkatau nahundēnta nēmpēbawa sēngkatau peosē pētētimbangeng suralokange. I sire mēngkai mētētawakali manuē tau ene soḷong dalungu walē mēdeau ipēllo su tēngong Yesus e. ¹⁹Kai ualīngken

taumata tumaniu lawo sene ute i sire tate nakasuē. Tangu i sire nēlēngkangken sie su wowong atu u wale. Mase i sire nēlekese atu e ringangu nanguluh'i sie ringangkewen dalokaēnge su tēngong Yesus su taloaran taumata lawo ene. ²⁰Ene saraeng i Yesus nakasilo kerene kaguwae pangangimang i sire, i Sie nēhengetang su tau ene, "Anau sēmbauku ikēkēndagē, dosanu e seng niampungang."

²¹Manga mananēntiro agama ringangu manga tau Farisi nanētae nēmpēbera sēngkatau su waline, "Kai i sai tau ēndai e wahanī nēhinakang Mawu Ruata e? I sai wue makaampung dosa, sulikud'u Mawu sēsane?"

²²I Yesus masingka u kakiwalon sire, ku i Sie nēhenge-tang, "Kawe unue i kamene mēkēkiwalō kerene su ralungu naungu? ²³Małowokangbe sude ngae, mēbera u, 'Kalawou rosanu e seng niampungang', arau mēbera u, 'Pēbangungke, mase ralengke!'" ²⁴Arawe orasē ini e Ia sarung manahuntēngadē si kamene u su wowong dunia ini e Ahus'u Taumata e kawasamangampung dosa e." Mase i Yesus nēhengetang su tau ni-

peosē ene, "Pēbangungke, panapuae raralokaēngu ku kapule e!"

²⁵Ene i sie mēngkatewe nēbangung su tēngon sire kēbi, mase nanapua dalokaēnge ku napule kapēdalone Mawu Ruata e.

²⁶Tangu i sire kēbi mangkewen nēmpēdalinau ku nēmpēdalō Mawu Ruata e. Ku dingangu pēndangu katataku i sire nēmpēbera, "Apa makadalinau kahēngang kinasilon kite su sahēllo ini!"

Mawu Yesus nēmaringang si Lewi

(*Mat. 9:9-13; Mrk. 2:13-17*)

²⁷Bou ene i Yesus simēbang ku nakasilo sēngkatau maghaghēlle bea, arenge i Lewi, kukaiang su kantorē e. I Yesus nēhengetang si sie, "Tolēe Sia." ²⁸Ene i Lewi mēngkatewe nēbua ku nanētangu kēbi, mase timole si Yesus e.

²⁹Tangu bou ene i Lewi nēkoako saliwang baug'i Yesus su walene. Lawo maghaghēlle bea ringangu taumataewe waline nahungkaēng dingang i sire. ³⁰Kuteu pirangkatau tau Farisi ringangu manga mananēntiro agama nakapēndang naunge

ta kaloahenge, tangu nempëbera su manga murit'i Yesus, "Unue i kamene këbi mahungkaëng dingangu mëmpanginung dingangu maghaghëlle bea ringangu manga taumata raralaki?"

³¹I Yesus simimbang, "Tau malahuweka e tawe hinom pia mangangundange; kaiso kawe masasaki e. ³²Ia dimënta walineuwe mëkëkui taumata makapëndang batangenge mapia, kaiso taumata marosa tadeau i sire mëmpëtohatë bou kalawou rosan sire."

Halëen pëpauasa

(*Mat. 9:14-17; Mrk. 2:18-22*)

³³Ene i sire nempëbera si Yesus, "Murit'i Yohanes ringangu murit'u tau Farisi e masau mëmpëpuasa ringangu mëmpëkaliomaneng. Arauwe manga murit'U ute mëngkawe mahungkaëng dingangu mëmpanginung."

³⁴Kuteu i Yesus simimbang, "Apa i kamene makakoã mangoro manga sake ipëpuasa su saliwangu kawinge, tëntalang kaghiang esë e reng dingangi sire? Tantu tala! ³⁵Kai sarung mïdating tempone kaghiang esë e e-

ne alakeng bou anun sire. Ku su tempo ene i sire wuhewe mëmpëpuasa."

³⁶Mase i Yesus nëbëken papinintu ini si sire, "Tawe sarang sëngkatau mëndëpellë laku tëbe dingangu ririsu laku buhu. Batu i sie kai makaghehe laku buhu ene. Mase lai heka darëpelë buhu e tawe nëkëta su laku tëbe. ³⁷Kerene lai tawe taumata mëtëtahong anggorë buhu e su kawihë pisi tëbe, u anggorë buhu e kai sarung makariading kawihë ene mawëdesë. Kuteu anggorë e nawoso e ringangu kawihë e magholo. ³⁸Anggorë buhu e hinong itaho su ralungu kawihë buhu lai. ³⁹Kerene lai tawe taumata mapulu manginung anggorë buhu kereu seng bou nangingung anggorë tëbe. 'Anggorë tëbe uade kai katemangenge,' angkuënge."

Kakiwalon maanun ëllon Sabatë

(*Mat. 12:1-8; Mrk. 2:23-28*)

6 Ene sënsule su ëllon Sabatë, pia e i Yesus simahen taloaram baelu gandum, manga murit'E nempamoso gandum. I sire mëlëlisung gandum ene ringangu liman sire, mase këkaneggang

i sire. ²Kuteu pirangkatau tau Farisi nēmpēbera, "Kawe unue i kamene mēlēlampa manga ator'u agamang kite dingangu mēmpēkēkoā apan pēlli koateng su ēllon Sabatē?"

³I Yesus simimbang, "Kai reng tanakā basa i kamene apan nikoā i Daud tangu, piā i sie ringangu manga taumatane nēngkalunusē? ⁴I sie simuē suralungu Balem Mawu kū nangalā e borotē naung nakoā sasēmba su Mawu Kasēllahenge, mase nīkakaēnge. Bōu ene maīaing pinēgēlirange borotē ene su manga taumatane. Sēmbaliāu kere su atorangu agamang kite, kētaem manga imang botonge kumaēng borotē ene."

⁵Mase i Yesus nēhengetang, "Ahus'u Taumata e kawasa su ēllon Sabatē e!"

Tau limane sēmbēka nipatene

(Mat. 12:9-14; Mrk. 3:1-6)

⁶Tangu su ēllon Sabatē lai waline, i Yesus simuē su walem pēkakaliomanengang. Ene sene kai piā tau limane nipatene sēmbēka. ⁷Pirangkatau mananēntiro agama ringangu tau Farisi mēngkate maniti pēsasaīan

Yesus mēdeau ikapangaduhang i Sie. Kū i sire mēngkatewe maniti mēnsang i Sie sarung mapakapian taumata su ēllon Sabatē. ⁸Kuteu i Yesus tēbe maīangka u tinēnnan sire. Tangu i Sie nēberae su tau limane nate sēmbēka e, "Endaiko pēbuā darisi sini su tēngone!" Tangu tau ene nēbuā e, kū dimarisīewe sene. ⁹Kuteu i Yesus nakiwalō si sire apang ene sene, "Tumuhu agamang kite e mēnsang botonge mēkoā apa su ēllon Sabatē? Mēkoā mapia arau mēkoā dalakī? Mangambang taumata arau manilakā?" ¹⁰I Yesus mēmanda kēbi si sire, mase nēhengetang su tau ene, "Uluhēko limanu e." Tau e nēnguluhē limane kū limane e nulē.

¹¹Arawe manga mananēntiro agama ringangu tau Farisi e mēngkatewe nisawelangu pēdu kū nanēta e nahumbisara mēnsang kapuraneng i sire Mawu Yesus e.

Mawu Yesus namile si sire mapulo dua sukataune

(Mat. 10:1-4; Mrk. 3:13-19)

¹²Tangu su tempo ene i Yesus rimaleng kū simaka wulude, kū mēkakaliomaneng. Ene sene i Sie mang mēkēkakaliomaneng su

Mawu Ruata sēlēbi tiwatu. ¹³E-ne saraeng ěllo seng natualĕ, i Sie kinui e manga murit'E, mase piuilene mapulo dua sukataune wo'i sire rasul. I Sie nēsēba i sire mapulo dua ene kai manga rarolohang. I sire ene ute kai: ¹⁴I Simon (ku isēsēba'E lai si Petrus), dingangi Andreas tuaring Simon; Yakobus dēduan Yohanes, Filipus dingangi Bartolomeus, ¹⁵i Matius dingangi Tomas, Yakobus ana i Alfeus, dingangi Simon (isēsēba si Patriot), ¹⁶i Yudas ana i Yakobus dingangi Yudas Iskariot ku samurine nakoā mētatuļa.

Mawu Yesus nanēntiro
ringangu napakapian
taumata masakī
(Mat 4:23-25)

¹⁷Bou ene i Yesus dimēsungke wou wulude ene ringangkewelain manga rasulĕ e, mase timaing ku dimarisi su sēmpalang tampa matene. Sene pia ko lai kamonaēng manga nurit'E wali-ne ringangu taumata lawo nahundenta wou apan tampa su kaguwau Yudea, Yerusalem, dingangu manga soan Tirus dingangu Sidon su sēbu ļuā. ¹⁸I sire nahundenta mēdeau rumarigilĕ si Yesus e, dingang-

u tadeau maule wou kaławou saki i sire. I sire apaewen kēkasuĕkangu rolikĕ daļai e malaing nahundenta ku nēngkapia. ¹⁹Ku patiku taumata mēdēdeau makapanenggelĕ si Yesus e, watuu kai pia kawasa susēbang bou watangeng'E ku makapia si sire kēbi.

Daļuasē dingangu kasasusa
su naung
(Mat 5:1-12)

²⁰I Yesus nanianda manga murit'E mase nēhengetang,

"Kariangkamang i kamene taumata makakasiang e,
u i kamene kai raļohong kararatuangu Mawu Ruata e!

²¹ Kariangkamang i kamene apan nēngkahutung orasē ini;
u i kamene hēdong iapakalaedĕ!

Kariangkamang i kamene apang susangi orasē ini;
i kamene sarung nahulĕge!

²² Kariangkamang i kamene kereu ipēbinsi, ikawēnsing, lēhinakaneng, dingangu ipēsēsampuhĕ ualingu Ahus'u Taumata e!

²³ Manga nabi su tempon naung kēkoateng kerene lai. Kamageng halĕ ene mariadi ute karimako i

kamene mēngkai mēmpahuluasē dingangu mēmpēsalaṅ dalaṅgē, u kawē masaria wawalīsē kaśasadia si kamene su sorga e.

²⁴ Ku kaēngkēhang buē i kamene apang makakala e orasē ini; watu i kamene seng kinawuakengu katatemange!

²⁵ Kaēngkēhang i kamene apang nikaḷaedang orasē ini; u i kamene sarung kaḷunusang! Kaēngkēhang i kamene apang maḷulēge orasē ini; u i kamene sarung lumahunsusa ringangu mahunsangi!

²⁶ Kaēngkēhang i kamene, keru patiku taumata e mēngkai mēmpēdēdalo si kamene; u maḷaing kerene manga iupung i sire mēmpēdēdalo manga mahang nabi kaḷimonane.”

Kakēndagē su sēdu

(*Mat. 5:38-48, 7:12a*)

²⁷”Arawe si kamene apang dudaringihē e si Sia orasē ini, la tumanata eng ini: pēmpēkēndagēben manga sēdu i kamene ringangu pēmpēkoabe mapia su taumata apang mēmpēbēbinsi i kamene. ²⁸ Pēmpangalamatē tau-

mata apang mēmpangane si kamene, ringangu pēmpēkaliomangu taumata apang mapakaśasang kamene. ²⁹ Kereu i sai mameru pipiṅ sēmbēka ute walaewe i sie pameru pipiṅ sēmbēka lai. Kereu laku u nipulaho ute ghēlie lai lahawengu e. ³⁰ Kereu sēngkatau mēgēgausē apa-apa si kau ute ghēllie si sie, ringangu kereu rarotongu e pulahong, ute walaē maṅeng tawe ulenang. ³¹ Pakapiako miēbau taumata waline kerewe su kapulung kamene i sire miēba i kamene e.

³² Kereu i kamene sēmatang ku kēndagu apang ku kēndag'i kamene ute apa wue wawalise? Taumata waradosa e maḷaing kukēndagu i sai-saing kukēndag'i sire. ³³ Dingangu kereu i kamene sēmatang mēmpēkēkoā mapia su manga taumata apang mēmpēkēkoā mapia si kamene, ute apa wue wawalise? Taumata waradosa e maḷaing mēmpēkēkoā kerene! ³⁴ Dingangu kereu i kamene sēmatang mangonggou roitē pakiēdang si sai-saiwen makawaehē ute apa wue wawalise? Taumata waradosa e maḷaing mangonggou roitē pakiēdang su taumata waradosa e, wou ene paghellenang kapia!

³⁵ Tuhū hinone abe kere! I kame-
ne kawe harusē kumēndag'u sēdu
i kamene ringangu mēmpēkoā
mapia si sire. I kamene harusē
pēmpangonggō su ēdang dingang-
u abe pēlēharapē makaēba sa-
sulene. Kamageng kerene ute wa-
walise sarung masēllahē dingang-
u i kamene mariadi manga anā
u Mawu Karangetange. U Mawu
Ruata e kai maḷondo su tauma-
ta apan wēgang makitarimakasē
dingangu su apan daralākī e
lai. ³⁶ Pakatatalēntūko i kamene
mēsulungkewen i Amang i kame-
ne e kawe matalēntū."

Mapakasalan taumata

(Mat. 7:1-5)

³⁷ "Kumbahang mapēsalan
taumata waline mēdeāu i kame-
ne hala tawe lai ipēsalam Ma-
wu Ruata e. Kumbahang mēhu-
kung u taumata waline mēdeāu
i kamene e lai tawe ihukung u
Mawu Ruata e. Pēngampungko
taumata waline, mēdeāu Mawu
Ruata lai mangampung i kame-
ne. ³⁸ Pēmpangonggō su tauma-
ta waline, mēdeāu Mawu Ruata
lai mangonggō si kamene. I ka-

mene sarung makatarima laonggō
mēdēdaḷembo kū seng niapakasi-
kilē mapia-pia si kamene. U kai
sasupa ipanupang kamene baug'u
taumata waline sarung ipanupan
Duata si kamene."

³⁹ Mase i Yesus nēbēkē si si-
re papinintu kereini, "Kamageng
tau wuta mangaha tau wuta
waline, ute nalaha i rēdua sa-
rung manawo su raḷungu wang-
ka. ⁴⁰ Tawē apa muritē limebo
wou mananēntirone. Arawe mu-
ritē nasuen sikoḷane, sarung
mēsulungu mananēntirone.

⁴¹ Kawe unūe i kamene
makasilowe puḷing su matang
anāu sēmbau u, arawe saḷawa-
ku su matang kamene hala e
tawe kinasilon kamene? ⁴² Kerea-
pa wue i kamene makapēbera su
anāu sēmbau u, 'E anu, mahie ia
mangoē puḷing bōu matanu,' a-
rakuteu suraḷungu matanu sēsanu
kawe piā saḷawaku kū tawe kina-
silon kamene? Ei kau tau mēlle!
Aḷako kaḷimona saḷawaku su ma-
tanu e. Mase wuhue i kamene
makasilo maḷahaē dingangu ma-
kakoē puḷing bōu matang anāu
sēmbau u e."

Kalu ringangu wuane

(*Mat. 7:16-20, 12:33-35*)

⁴³ "Kalu mapia e tawe mẽbawuam buane rałakı. Kerene laı kalu rałakıe tawe mẽbawuam buane mapia. ⁴⁴ Apaeweng kalu e kai ikėkakirala su wuane. Sumpinı tawe kapananipoeng buang ara, ringangu wanehė tawe kapėdareakeng buan anggorė. ⁴⁵ Taumata mapia e mangukahu halė mapapia watu naunge kai kalaemungangu kapapia. Taumata rałakı e mangukahu halė daralakıe watu naunge mapene u karalakı. U apan iwėberang mohonge ene e kai wou tompe u naunge."

Mėmamangung bale pelesa ringangu mẽmamangung bale wodo

(*Mat. 7:24-27*)

⁴⁶ "Unu e kamene mẽkėkui si Sia, 'Mawu, Mawu,' kaiso tawe mẽkako apan Taku ipelėhenge-tang si kamene? ⁴⁷ Dingangi sai e wue i kite mẽnulung taumata apan dimenta su anuKu, dingangu ruđaringihė hengetang-Ku, mẽndalengu ene? – Mapiangbe la deng manentiro si kamene –. ⁴⁸ I sie mẽsulungu taumata pia nėmangung bale nengalı

niapakaralung dalung pundasine niapakaiange su watu hanibė. Tangu saraeng pia lėba ringangu ake u salu timangga e wale, ute bale ene tawe kađionge kimo-long, batu seng niwangung pondasi koae mapia. ⁴⁹ Arawe i sain naungbe ruđaringihė hengetang-Ku ku tawe tumatuhu, ute kai mẽsulungu taumata nėmangung balene ta pondasine. Kereu lėba e timangga e, ute wale ene mangkewen apidu nopehė; ku kaghaghohahe mambeng masaria!"

Mawu Yesus niapakapian ęllangu sėngkatau soldadong Roma

(*Mat. 8:5-13*)

7 Tangu saraeng nasu e kalawou hengetange su taumata lawo e, i Yesus simu e su Kapernaum. ² Sene pia tėmbonangu soldadong Roma e pia ęllange ikėkėndage. Kutu ęllang ene kai masakı marasai, ku seng marani mate. ³ Su tempon tėmbonangu soldado nakaringihė u kai pia i Yesus e, i sie rimoloh'u pirangkatau manga tėmbonangu tau Yahudi iapėsombang i Sie tađe a pėgėgausė si Sie apadenta ku apakapiang ęllange. ⁴ Ene, saraeng i sire narenta su anung Yesus, i sire mẽngka-

tewe mēdēdorong tadeau i Sie mangambang tēmbonangu soldado e, "Tēmbonangu soldado ene hinong ambangeng i Tuang," angkuēng i sire si Yesus. ⁵"U i sie kai kukēndag'u wansang kite e ku seng nēmangung waḷem pēkakaliomanengang waug'i kami e."

⁶Tangu i Yesus mēngkatewe rimaḷeng sēngkahindō dingangi sire. Kutēu i Yesus seng maḍaniem baḷe e tēmbonangu soldado ene rimolohen manga hapie su anun'E mēdeau iapēbera, "I Tuang manięng tawe mētēngkasagedē, soḷong baḷeku. Ia ta hinone manarima i Tuang su waḷeku e. ⁷Hakju ene ia sēsaku tawe wahani humaung si Tuang. Ku botongke pēhengetang sēngkamohong tadeau ēllangku e seng muḷe. ⁸U ia e maḷaing maḣasēllung su parentang mangangawasa ringangu su aḷungu ia pia lai manga soldado maḷaing harusē sumasumēllung su parentaku. Kereu ia mēbera su sēngkatau soldado, 'Rakoḳo!' ute i sie rumaleng; dingangu kereu ia mēbera su waḷine, 'Mahiko!' ute i sie mitu. Dingangu kereu ia mēparenta ēllangku, 'Pēkoḳo ini!' ute i sie mēkoḳa."

⁹I Yesus naralingu nakaringihē ene. I Sie nēbihi ku nēhengetang su taumata ḷawo maḣuntolē si Sie, "Nanihing bue tau ēndai e. Su taḷoaran taumatang Israel e Ia mang ta nakahombang pangangimang kasēllahe kereini!"

¹⁰Tangu saraeng taumata nirolohē e nēngkawali su waḷeng tēmbonangu soldado ene tangu ēllang ene napa e.

I Yesus napēbiah'u ana u sēngkatau wawine waḷu

¹¹Tawe karēngue samuring ene, i Yesus nakoḳa soḷong soan Nain. Manga murit'E ringangu taumata ḷawo e maḣundingang i Sie. ¹²Ene saraeng i Yesus luḣaung pasēllangeng u soḳa e ute manga taumata ēnsaē mēmpētētimbang taumata nate ene sarang likudu soa ute kai ana ese, ana u tau wawine waḷu mang sēmbau. Lawo taumatan soa e nēmpētaleing tau wawine ene. ¹³Ene saraeng Mawu Yesus nakasilo tau wawine ene, i Sie timalēntu e mase nēhengetang, "Kuhae sumangi, bawine!" ¹⁴Bou e i Yesus himaung ringangu nanenggehē. Tangu mamenteng e nangēdung ku i Ye-

sus nēhengetang, "Ei umbaseng Ia mēbera si kau pēbangungke!"
 15 Umbaseng nate ene nēpētje ki-maiang dingangu nanētæ nēbera. Tangu i Yesus e nēnarakangke si ninange.

16 I sire kēbi e nēngkataku e ku nanētæ nēmpədalo Mawu Ruata. I sire nēmpēbera, "Sēngkatau nabi masēllahē e seng limēto su taļorang kite e! Mawu Ruata e seng dimēnta tađeāu makasaļamatē kawanuan'E!"

17 Tangu habarē maņanun halē i Yesus e nimēņe su patiku banuan Yudea ringangu ghalipohne.

Darolohang i Yohanes Mananahani

(Mat. 11:2-19)

18 Manga murid'i Yohanes e tangu nēmpaulje si Yohanes kaļawou sabarang ene. Ene i Yohanes kimuje murite ruangkatau.
 19 Mase nēndolohen sire soļong anun Mawu Yesus e ku nakiwaļo, "Seng i Tuang tangu sarung dumēnta kere su riandin Mawu Ruata e arau mēnsang i kami reng iapaņgampaļē taumata waļine?"

20 I rēdua murid'i Yohanes e natamai soļong anun Yesus ku

nēbera, "I Yohanes Mananahani nēngoro si kami pakibaļo si Tuang, mēnsang i Tuang kai taumata ku sarung marēnta tumuhu diandin Duata e arau i kami mēngampaļē taumata waļine?"

21 Orasē ene, i Yesus napa-kapian taumata ļawo dingangu nēnguserē kaļawou rohkē daraļaki apidu napēkēllan taumata wuta maļawo. 22 Tangu i Yesus si-mimbang, "Pēmpēsule e soļong anung Yohanes ku pēmpēhabarē apang kinaringihē dingangu kinasilong kamene: tau wuta nēkēlla, tau peosē nakaraļeng, tau pia sakie pisi makaṭataku nauļe e, tau wengelē nakaringihē, tau nate nēbiahē saļ, dingangu Injil'u Mawu Ruata e nilahabarē su taumata kasiang. 23 Kariangkamang, i sain ta kadiongeng daļengu mēsuniaļu Ia."

24 Su paļuseng manga raro-lohang i Yohanes e, tangu i Yesus nanētæ nēhengetang su taumata ļawo maņanun Yohanes, angkuēng'E, "I kamene nahunsēbang soļong banua linggi e kai mēmpēkakēlla apa? Hiung ipēgēgaghinggeng anging?
 25 I kamene nahunsēbang timingang apa tangu? Sēngkatau mēpēpakeang maļēnggihē? Tau-

mata apang mēpēpakeang kerene ringangu mēbēbiahē masasēdapē e kai mētētana su waleng mararatu! ²⁶ Ku i kamene kai simēbang nēmpētingang apa tangu? Nēmpētingang nabi ngae? Ore! Limembolain sēngkatau nabi! ²⁷ Kai i Yohanes nāung ipēbēbalon ayet'u Winohe Susi ini,

'Ini e kai rarolohangKu,'
angkuēngu Ruata e.

'Ia e sarung mēndoloh'i sie iapangalimona wō'i Kau, tadeau i sie iapēndiahi raralengangu e su tēngon'U!'"

²⁸ "Pētahēndungko," angkuēng i Yesus lai, "su dunia ini e taweu sarang sēngkatau limembong kasellahe wō'i Yohanes Mananahani. Arawe taumata kakadodokang e sutałoarang kawanuan Duata e, limembong kasariane wō'i Yohanes Mananahani."

²⁹ Kēbi taumata – nasowa lai maghaghelle bea e – ruđaringihē si Yesus nēhengetang u halē ene; i sire ete taumata apan tutuhu manga atorangu Mawu Ruata ringangu napulu nakisahani si Yohanes e. ³⁰ Arawe tau Fari-

si ringangu manga mananēntiro agama e tawe manarima u tinggirang u Ruata e si sire. I sire madiri makisahani si Yohanes.

³¹ Mase i Yesus nēhengetang kapia angkuēng, "Kai Taku isihing suapa taumata tempo ini? Kai mēsulungu a i sire?"

³² I sire kai mēsulungu manga rario małhungkaiang su pasarē; sēngkamonaēng mēmpēkēkui si sire waline, 'I kami mēsēsulungu lagun dałuasē si kamene, kai i kamene mang ta kadiongeng mēsalai! I kamene mēkēkantariu kakantari makasusa kaiso i kamene mang ta kadiongeng sumangi!' ³³ I Yohanes Mananahani e rimēnta – i sie mēpēpuasa ringangu tawe manginung anggorē – ku i kamene nēmpēberau, 'I sie kinasuēkangu setang!' ³⁴ Ahusewen Taumata e rimēnta – i Sie kukaēng dingangu maņginung – mase i kamene nēmpēberau, 'Kellaē taumata ēnda! Kombangeng, tahawukaneng, hapi u maghaghelle bea ringangu hapiu taumata waradosa.' ³⁵ Maningbeng kerene, katahūēnnan Mawu Ruata e nita hutēngadeng bou kaławou taumata apan maņarima i Sie."

Mawu Yesus su walen
Simon

³⁶Ene sengkatau tau Farisi, arenge i Simon, nēnotē si Yesus kumaēng. Tangu i Yesus rimangeng su walene e ku naiang su meda e. ³⁷Kuteu su soa ene pia lai sengkatau wawine waradosa. Pia e i sie nakaringihē u i Yesus kukaēng su walen tau Farisi e, i sie rimēnta ringangu nēbawa wotolē pualam lohong lana mawēngi. ³⁸Ku i sie rima-risi su likud'i Yesus maraning laed'E ku kasingē, ku ēllong matane timēdo nēnanta laed'i Yesus e. Bōu e laed'i Yesus mananta ene niēm̄m̄eweng uta e mase nirēnguangē ringangu nilanisangu lana mawēngi. ³⁹Tangu saraeng tau Farisi nēnotē si Yesus nakasilōe haļē ene, i sie nēbera e suralungu naunge, "Kereu tau ēndaī e nabi, ute angkeēng i Sie masingka bue i sai tangu wawine nanenggehē si Sie ringangu kawē wawine waradosa!"

⁴⁰Kuteu i Yesus nēhengetang si Simon, "Simon, kai pia apa Taku ipauli si kau."

"Kereņe e Tuang," angkuēngkewen Simon e, "mēngkate pēhengetang."

⁴¹I Yesus nēhengetang, "Pia duangkatau nēmpangutang su tau pinēngēdangeng doitē. Ku sengkatau nēngutang lima hasu doitē saļaka, mase sengkatau lai limam pulo sukaļepane roitē saļaka. ⁴²I rēdua kēbi tawe naka-waehē utang ene, tangu i rēdua semben tawe niapamaehē. Ku i sai wōu taļoaran dēdua e limembong kakēndage su tau pinangēdangeng doitē ene?"

⁴³"Su pēndangku e ute i anu kakēpalenge utange ta niapamaehē e!" angkuēng i Simon.

"Tinēmanu e nihino," angkuēng i Yesus. ⁴⁴Bōu e i Yesus nēmanda su tau wawine ene ringangu nēhengetang si Simon, "I kau nakasilō wawine ini? Ia dimangeng su walenu, ku i kau tawe nēnadiang akē lauhasē laedēKu; arawe wawine ēndaī e ute seng nēmurēsi laedēKu e ringangu ēllom matane mase niēm̄m̄e ringangu uta e. ⁴⁵I kau tawe nanēnsomahē Sia dingangu laimbu, arawe wawine ēndaī e ute tawe nangēdo nangimbu laedēKu rokeeweng ia narangeng sini e. ⁴⁶I kau tawe namēmbingu lana pinēlawi tēmbōKu, arawe wawine ēndaī e ute seng nanēdo lana mawēngi su laedēKu

e. ⁴⁷ Kahëngang: kakëndage masaria ene e maṇodeu rosane lawo e seng nasue niampungang! Keru i saing kadodo pangangampunge, ute i sie maḷaing sarung kadodo kakëndage.”

⁴⁸ Mase i Yesus nēhengetang su tau wawine ene, ”Kaḷawou rosanu e seng niampungang.”

⁴⁹ Manga taumata waḷine maḥungkaiang kuḷkaëng dingangi Yesus nanëta e nēmpëbera sëngkatau su waḷine, ”I sai e tau ëndai e kawe lai mangampung dosa e?”

⁵⁰ Kutëu i Yesus nēhengetang su tau wawine e, ”Uaḷingu i kau maṅgimang si Sia, i kau masalaḃmatë. Dakoë kapule su pëdarame!”

Manga wawine mëtëtangkiang si Yesus

8 Tawe Karëngue wou ene tangu i Yesus limuhu kaḷawou soa ringangu manga kampong taḃeäu mëhabar’u Injilë u Mawu Ruata seng nanëta mëparenta makoḃ Datu. I sire mapulo dua sukataune murit’E ute ringang’E. ² Kerene lai pirangkatau manga wawine apan seng nauḷe wou rohkë daḷaki dingangu sakie. I sire ene i Maria, isësëba

si Magdalena (rohkë daḷaki pitu e naung seng nisëbang bou i sie); ³ i Yohana lai, kawingi Khuza, mëlëhalë su waḷeng Datu i Herodes; i Susana ringangu lawo lai manga wawine waḷine. Ringangu wawaeh’i sire hala ute i sire mëmpëtëtangkiang si Yesus dingangu lai manga murit’E.

Papinintung mananawuhë

(*Mat. 13:1-9, Mrk 4:1-9*)

⁴ Taumata mëngkatewe maḥundënta soḷong anung Yesus wou kaḷawou soa. Ringangu su tempon seng lawo taumata natampung, i Yesus mëbëbëken papintu kereini: ⁵ ”Piḃ e sëngkatau mananawuhë bine. Kutëu kapanawuhete, piḃ bine nanawo su raḷeng. Sëngga ute nitahidan taumata ringangu sëngga nikaëng u manu u winalangeng e. ⁶ Piḃko lai nanawo su tampa mawatu ku su tempon himëtï, apidu nahëgu, watu ëntanane mamarra. ⁷ Piḃko lai wine nanawo su taḷoaran sumpini. Tangu sumpini e timuwo sëngkatuwo ringangu wine e, ku nakaëpisë hakïu nate. ⁸ Kutëu piḃko lai wine nanawo su ëntanane matawa, mase timuwo ringangu nëbua mahasu su kawene.”

Saraeng bou nēbēkem papi-
nintu ene, i Yesus nēhengetang,
"Kamageng piā tuļi, daringihē!"

**Kawe unūe Mawu Yesus
nēpapinintu e**

(*Mat. 13:10-17; Mrk. 4:10-12*)

⁹Manga murit'i Yesus naki-
waļo si Sie mangalen papinin-
tu ene. ¹⁰I Yesus simimbang,
"I kamene seng nionggotang
u tahuēna tadeau makaēna
pinēnnisu maanun mēnsang ke-
reapa Mawu Kasēllahenge nēpa-
renta nakoā Datu e. Arawe i
sire waļine ute tētēntirong di-
ngangu papinintu, mēdeau i si-
re kumakēlla, kaiso wēga wue
apa nariadi; ringangu i si-
re makadingihē, kaiso tawe ma-
kaēna."

**Mawu Yesus mañualag'u
papinintu mañanung
sēngkatau mananawuhē**

(*Mat. 13:18-23; Mrk. 4:13-20*)

¹¹"Kai ini mangalem papi-
nintu ēndaļ e: Bine ene kai
hengetangu Ruata. ¹²Bine nasa-
wuhē suraļeng mēsulungu tauma-
ta apan nakaringihē hengetang
ene. Arawe setang rimēnta ku
nēhampasē hengetang ene wou

naungi sire, mēdeau i sire ta-
we mēmpangimang ku mēngka-
saļamatē. ¹³Bine nasawuhē su
tampa mawatu mēsulungu i si-
re naung su tempon nakaringihē
hengetang ene, nēnarimabe ri-
ngangu naung maraļuasē. Kai-
so hengetang ene tawē hamūe
suraļungu naung i sire. I sire
nēmpangimang sēngkakonda, ku
su tempon sasaluka himombang,
i sire nēmpēdēndilē.^c ¹⁴Bine na-
nawo su sumpini mēsulungu i si-
re apan nakaringihē hengetang e,
kaiso ghugēnggang u pēbawiah'i
sire ringangu mapulu mēbiahē
su kakakala dingangu karaļunse-
mahē suraļungu dunia ini. Kēbi
ene mañgēpisē si sire hakū tawe
mēmpēbuam buane ma-
sasā. ¹⁵Bine nanawo su ēnta-
nane matawa e mēsulungu tau-
mata nakaringihē hengetang e,
mase nēndeso maēmpigē su
naunge ringangu katulide. I sire
mēmpangampaļē sarang piā bua-
ne."

Soļo nilingkubang u wēnsadē

(*Mrk. 4:21-25*)

¹⁶"Tawē taumata mēndiko
soļo mase lingkubang u wēnsadē
arau isēllung suaļung u raļokang.

^c nēmpēdēndilē = murtad

8:10: Yes. 6:9-10



Sumpin; (8:14)

I sie sarung mamello u solo e tadeau taumata apan simue e makasilo tualage. ¹⁷Tawe apa mabawuni ku tawe ikasilo; ringangu tawe apa madalirung ku tawe sarung lumahē dingangu kasingkateng.

¹⁸Ualingu ene kakellako pakapia-pia apan seng kinaringh'i kamene. U i sain pia delaing ongotang pakalawoe; arawe i sain tala, ute lembene kadodo e relaing sarung pengalakeng."

I ninang dingangu anau sengkataung Yesus e

(*Mat. 12:46-50, Mrk. 3:31-35*)

¹⁹Ene i ninang'E ringangu manga tuhang i Yesus nahudenta solong anun'E, arawe i sire tawe nakahaung si Sie kahian taumata tumanju lawo. ²⁰Tangu pia sengkatau nebera si Yesus e, "Tuang, i ninang dingangu manga mahuanen'U ene su likude. I sire mapulu mesombang i Tuang."

²¹Kai i Yesus nenhenteng, si sire, "I sire apawen dudarinhē hentengu Mawu Ruata e ringangu mekekoā ene, ute kai i sire i ninangKu ringangu ana u sengkatauKu e."

Mawu Yesus napakaledang dellang

(*Mat. 8:23-27; Mrk. 4:35-41*)

²²Ene su ello sembau i Yesus dingangkewen murit'E simake sakaeng. "Mahi e i kite dumaki solong sembekang dano e," angkueng i Yesus si sire. Tangu i sire nepēbuā e. ²³Su tempong i sire kapēsakaenge, i Yesus kinahuntikilang. Sengkēlēndie pia dellang timiu su rano e. Ake nanetae

nakasuë sarang daꦭungu sakaeng, hakꦶu nakatatakꦸ si sire këbi. ²⁴Manga murid'i Yesus himaung-ke si Sie ku nẽmpamuko si Sie. I sire nẽmpẽbera, "Tuang Guru, Tuang Guru, i kite masilaka!"

I Yesus napuko mase nẽmaꦭẽndihẽ anging dingangu luã kapẽgẽgalumbange. Anging dingangu luã e naꦭẽdaẽ ku da-no e mẽngkatewe naꦭene-ꦭenehẽ. ²⁵Mase i Yesus nẽhengetang su manga murid'E, "Kawe unuẽ i kamene tawe mẽmpangimang si Sia?"

I sire nẽngkaraꦭingu ringangu u nẽngkatakꦸ. Ku nẽmpahumbisara e i sire sẽngkatau su waꦭine, "I sai tangu tau ãndaĩ e hakꦶu nẽparenta anging dingangu luã, ku i Sie rẽdaringihang!"

Mawu Yesus napakapian tau nikasuẽkang u rohkẽ daꦭakꦶe

(Mat. 8:28-34; Mrk. 5:1-20)

²⁶Mawu Yesus dingangu manga murid'E nanẽpasen pẽsakaengi sire soꦭong nahumpa u wanuã Gerasa su sẽmbẽkang danong Galilea. ²⁷Kuteu sarang-ke i Yesus natumpa suruꦭunge, i Sie nihaungangu sẽngkatau esẽ nikasuẽkang u rohkẽ daꦭakꦶ. Tau ene wou soa. Seng marẽngu ta mẽlaꦭuhen pakeange ringang-

u maꦭdiri matana su waꦭe. I sie mẽngkawe mapulu matana su raꦭungu manga liang tampa u pẽndaꦭẽbingang. ²⁸Sarangke nakasilo si Yesus e, i sie nẽmansagẽ mase nẽtẽngkaẽnsa su tẽngong Yesus ku nẽbera, "Yesus, Ahus'u Mawu Ruata Karangetange! Sarung koateng'U kereapa ia e? Ia mẽkaꦭiomanengu abe panẽnsara sia e!" ²⁹Tau ene makapẽbera kereu uꦭingu i Yesus nẽparenta rohkẽ daꦭakꦶ e niapasẽbang bo'i sie. Mẽngkatewe seng masau i sie sẽsawelangu rohkẽ daꦭakꦶ e hakꦶu maning lima ringangu laede seng maꦭaikꦶ dingangu hante ku i sie lẽlukadeng, kai i sie wẽdang lai makabẽsu hante ene mase wẽba-waẽngu rohkẽ daꦭakꦶ soꦭong banna linggi.

³⁰Mawu Yesus nakiwaꦭo su tau ene, "I sai arengu?"

"Arengu e 'Legiun'," angkuẽngu tau ene - uꦭing kai lawo rohkẽ daꦭakꦶ seng simuẽ e su raꦭungu watangenge. ³¹Manga rohkẽ daralaꦭakꦶ e mẽngkatewe nẽmpẽdorong sẽngapam botonge tadeau i Yesus kumbahangbe mẽnokoꦭi sire su Tẽndihe Makapapate.

³²Kuteu maraning tampa e-ne pia gapaẽngu wawi kapẽdeã e kaẽng su lengeh'u wuꦭu-

de. Manga rohkë daralakî e nêmpëdongke si Yesus tadeau apamalan sire sêngapam botonge mahunsuë su manga wawi ene. Tangu i Yesus kimirë e. ³³Ene manga rohkë daralakî e nahunsëbangke wou tau e ku nahunsuë su wawi e. Kuteu wawi sênggapaenge mëngkatewe nahuntalang dingangu nahuntumpa wou wiwihu ticalu solong dano, bou ene nêngkalëmmisë.

³⁴Manga mëndalukad'u wawi e tangu seng nakasilo halë nariadie. Tangu i sire nahuntalangeke ku nêmpëbëkeng habarë ene su soa ringangu su kampong nalikue. ³⁵Mase manga taumata e nahunsëbangke nêmpëkakëlla halë nariadie. I sire nahundënta solong anung Yesus e, ku sene i sire nakaëba taumata wuhu nisëbangengu manga rohkë daralakisë kakaiange maraning laed'i Yesus e. I sie seng pia pakeange ringangu naunge seng matilang. I sire mëngkatewe nêngkataku. ³⁶Ene i sire apaewen nakasilo kakakoã e nêmpëbëkë e su manga taumata lawo e kereapa tau ene niapakapia. ³⁷Kuteu kalawowen dalohom banuang Gerasa e mëngkatewe nêmpëdong tadeau i Yesus manëntangu tampa ene, u i sire mangkewen

mataku. Ku i Yesus e tangu simake e su sakaeng e mase nësule. ³⁸Kuteu tau nisëbangeng u rohkë daralakî e kai nëdong si Yesus mëdeau i sie makakatole.

Arawe i Yesus kai rimoloh'i sie angkueng, ³⁹"Kapule e ringangu pëbëkeng apa seng kinoa u Mawu Ruata e si kau."

Tangu tau e tamai namombeng su kaguwau soa e, apa seng kinoa i Yesus si sie.

Ana i Yairus – Wawine nanenggehë si Yesus e

(Mat. 9:18-26; Mrk. 5:21-43)

⁴⁰Su kawawalien Yesus e su sëmbekan dano e, i Sie niam-pangeng dingangu kararaluasen sire watu i sire e mëngkai mëkëkati si Sie. ⁴¹Kuteu rimënta e sêngkatau tëmbonang u jamaatë su tampa ene. Arengi i Yairus. I sie mëtëtëngkasana su têngong Yesus ku mëkëkaliomaneng sêngapam botonge tadeau i Yesus apadangeng su walene, ⁴²ualingu mang sëmbau ene ana e wawine ku umbure mangawe mapulo dua su taunge, seng luhëdu.

Pia e i Yesus kahaunge waleng Yairus, taumata lawo e mëngkawe mëšësasëngkilë walae wou tampa sude. ⁴³Wou talo-

aran sire piako lai sengkatau wawine seng kapulo duane su taunge masaki redalengangu raha. I sie seng nakasue kēbi darotonge pēsēsālimā su dokterē, kaiso mang tawēu nakapia sarang sengkatau. ⁴⁴Bawine ene himaung si Yesus wou likudē, ku nanenggehē biwih'u laku'E. Orasē ene raraleng u rahane ringangkewen napoto. ⁴⁵I Yesus nakiwalo, "I sai nanenggehē Sia e?"

Tangu kēbi taumata nēmpēdēndilē. Kutēu i Petrus nēbera, "Tuang, kai mēngkate lawo taumata mēlēliwung si Tuang; i sire mēngkate manēsē si Tuang!"

⁴⁶I Yesus nēhengetang, "Kai pia tau nanenggehē Sia. Ia nakapēndang batu pia kuatē simēbang bou Ia." ⁴⁷Bawine ene nakahēnganke u kakakoā e seng kinasingkateng. Kutēu i sie himaung kakendene mase nēsuba su tēngong Yesus. Tangu i sie nēbēke su taumata lawo e unūe i sie nanenggehē si Yesus mase sakie naule su orasē ene lai. ⁴⁸I Yesus nēhengetang si sie, "Anaku, ualing i kau nangimang si Sia ute i kau seng napia. Dalengke su pēdarame."

⁴⁹Kutēu i Yesus bēdang mēlēhengetang, sengkatau rarolo-

hange rimēnta wou waleng Yairus e. I sie nēbera si Yairus, "Ahus'i Tuang bawine e seng nate. I Tuang maningke tawe sau mapakasigesā i Tuang Guru."

⁵⁰Sarang i Yesus nakaringihē ene, i Sie nēhengetang si Yairus, "Abe kataku, mēngkate pangimang, ku ana u mule wue."

⁵¹Sarāeng narēnta su waleng Yairus ute, i Yesus tawe nipakawala sarang sengkatau niaparangeng dingang'E ketau i Petrus, Yohanes, Yakobus dingangkewen i ninang iamangu rario. ⁵²Ene kēbi mēngkatewe mahunsangi dingangu mahulung kang batu kapapateng ana e. Ara-we i Yesus nēhengetang, "Abe pēmpēsangi. Dariō ene balinewe nate, kaiso kētaeng mētētiki!"

⁵³Ene i sire kai nahulēgen Yesus, watu i sire masingka u, i sie mambeng nate. ⁵⁴Bou e i Yesus nēngumpaedē limang ana ene ku nēluntingihē, "Pēbangungke, inang!" ⁵⁵Tangu rohkē u rario e nēsule su anung dariō e ku orasē ene lai i sie nēbangung. Bou e i Yesus nangoro si sire pakiongoteng kaēnge rario ene. ⁵⁶Ene manga gaghurangu rario e mangkewen dimalinau ta sihinge. Kai i Yesus nēsēding i sire u kum-

bahang mēhabarē apan nariadi e sarang su sēngkatau.

Mawu Yesus nēndoloh'i sire mapulo dua murit'E

(Mat. 10:5-15; Mrk. 6:7-13)

9 Mawu Yesus kimui si sire mapulo dua murit'E, mase nangonggoen kawasa mēdeau manguserē rohkē dalakī dingangu mapakapian sakī e. ² Bōu e i Sie nēndoloh'i sire iapakapian taumata masasakī dingangu apēlēhabar'u habaru maanun kereapa Mawu Kasēllahenge mēparenta makoā Datu. ³ "Abe pēmpēbawa manga apa su raralengangu," angkuēng i Yesus si sire. "Abe pēmpēbawa tēking, arau petang sasēmba, arau kaēng, arau roitē, arau lai mauga pakeang tahā duanibaū. ⁴ Kū suapaewen i kamene uipakawala nēmpētana ute pētanae sene sarang i kamene manēntang soa ene. ⁵ Kū suapaewen i kamene tawe iapapa-kawala, ute su oras'u i kamene manēntang soa ene ute tontongko awulē bōu laed'i kamene, ipēsahidi si sire."

⁶ Manga murit'i Yesus nahundaleng mase māngēlikū kaławou soa kū mēlēhabar'u Injilē e ri-

ngangu mapakapian taumata masasakī su apan tampa.

I Herodes nēbimbong

(Mat. 14:1-12; Mrk 6:14-29)

⁷ Saraeng i Herodes mēpēparenta su Galilea nakaringihē kaławou halē mađiadi e, i sie nēbimbong. Watu piā u nēbera u i Yohanes Mananahani e seng nēbiahē kapia. ⁸ Piako lai sēngga nēbera, u i Elia sau nētēngkasilo. Sēngga lai nēbera, u piā sēngkatau nabi wou manga nabi kałamonane sau nēbangung kapia. ⁹ I Herodes e ute nēbera, "Ia seng nēndoloh'u taumata nakiwusa u tēmbō i Yohanes e. Arawe tau ēndai e, i sai tangu i Sie? Seng lawo takū kinarangihē maanun Sie." Kū i Herodes niēngkai mēdēdeā makasilo si Yesus e.

Mawu Yesus napakaēng i sire lima liwu sukataune

(Mat. 14:13-21; Mrk 6:30-44)

(Yoh. 6:1-14)

¹⁰ Ene manga rasulē e nēngkawalī e, kū nēmpēbēke si Yesus kaławou apang kinoā i sire. Tangu i Yesus niēngkatewe nēmaringang si sire, mase tamai ringangkewen sire nētēngkaghea

solong soan Betsaida. ¹¹ Kutēju sarangke taumata ļawo naka-singka u kerene e, i sire nēmpētuhū si Yesus. I Sie nana-rima i sire mase nēbisaran sire mañanung kereapa Mawu Ruata e nēparenta makoā Datu. Ku i Sie lai napakaulen masasaki e sutalo-aran sire.

¹² Saraeng matangello nanē-taē napihe, i sire mapulo dua murid'i Yesus nēmpēhaungke si Sie ku nēmpēbera, "Tuang, tanpa ini kai naghea. Mapia-we i Tuang nēndoloh'u taumata ļawo iapēkaesē mēdeau i sire naka-pēdeā kaēng dingangu kawawu-nakeng su manga weo e ringangu su manga kamponge tamai sini mangēlikue."

¹³ Kutēju i Yesus simimbang, "I kamene e apakaēng i sire e."

Manga murid'i Yesus nēmpēbera, "Si kami ēndaung sēngapaen kate borotē limambau dingangu kinā duambua. Ku apa i kami mēnsang harusē tamai mamēlli kaēng baug'u taumata ini kēbi?" ¹⁴ (Kai naung mangawe lima hiwu sukataune esē sene.)

Mawu Yesus nēhengetang su manga murid'E, "Apakaiangko i sire ēndai e apēkamonaēng

pētaha limang pulo sukataune sēngkamonaēng."

¹⁵ Manga murid'i Yesus e nēmpēkoā ewe apan nipēhenge-tang i Yesus si sire. ¹⁶ Ene i Yesus nangaļae borotē limambau dingangu kinā duambua e mase ruđalingara e solong ļangi e ku nakitarimakasē su Mawu Ruata e. Bōu e i Sie nēkakakempangke borotē dingangu kina e ringangkewen ļiman'E mase tinēgone su manga murid'E tađeau ipēpapa-hia su taumata ļawo e. ¹⁷ Tangu i sire nahungkaēngke kēbi sarang nēngkalaedē. Ku manga murid'i Yesus nēmpangomoleng lēmbem bōu nikaēng i sire kakēpaļe mapulo dua su luwene.^d

Pangangakun Petrus
mañanun Mawu Yesus e
(*Mat. 16:13-19; Mrk 8:27-29*)

¹⁸ Su ēllo sēmbau e, pia i Yesus mēkēkaļiomaneng sēsane, ku manga murid'E rimēnta su anun'E. I Yesus kai nakiwaļo si sire, "Angkuēngkewen taumata, kai i sai la e tangu?"

¹⁹ I sire simimbang, "Pia u mēbēbera u kai i Yohanes Mananahani. Piaiko ļai mēbēberau kai i Elia, sēnggaete wue u-

^d patangane = bakul

te mēbēberau kai sēngkatau wou taḷoaran manga nabing kaḷimona-ne ku sau nēbangung kapia.”

20”Kuteu angkuēngbeng kamene ute i sai wue tangu Ia ini?” angkuēng i Yesus.

I Petrus simimbang, ”I Tuang kai Ratu Mananaḷamatē seng nirianding Mawu Kasella-henge.”

Mawu Yesus mēbēbisara maanun sēnsara ringangu papaten'E

(Mat. 16:21-28; Mrk. 8:31-9:1)

21 Kuteu i Yesus nēhengetang su manga murid'E, ”Mēngkatewe kumbahang mēhabarē halē ene su sarang sēngkatau.” 22 I Yesus nēhengetang lai, ”Ahus'u Taumata e maḷaing hinong makēdang mētatahang u sunsara ikaḷdirin manga matatebone ringangu manga imang tēmbonange ringangkewelain manga mananētironng agama. I Sie sarung pateēng, arawe su katēllu ēllone sarung iapēbangung kapia.”

23 Bōu e i Yesus nēhengetang su kēbi taumata apang ene sene, ”I sai mapulu tumole Sia ute

harusē mētimbuleng kapulum batangenge manapuḷ kuruisse apang kalaēllo ku mēngkatewe tole Sia.

24 U i sai mapulu mētatahangu pēbawiahe ute sarung kailangeng u pēbawiahe. Arawe i sai manarakang u pēbawiahe waug'u Ia e, ute sarung ipakasaḷamatē.

25 Apa wue gunane su sēngkatau managhuang kaḷuwau dunia ini, kuteu i sie makagholang dingangu kailangengu pēbawiahe?

26 Kereu i sai mamea mangakung Ia dingangu tēntiroKu ute Ahus'u Taumata sarung lai mamea mangakun sie su tempong i Sie sarung dumēnta ringangu kawasan'E, ku dingangu kawasang i Amang dingangkewelain kawasan manga maḷakatē masusi e! 27 Kēngkasingkaḷo: u wou taḷoarang kamene tamai ini e pia u tawe makatemang papate e tēntalang i sie reng tawe nakasilo Mawu Ruata nēparenta.”

Mawu Yesus niapakawantugē

(Mat. 17:1-8; Mrk. 9:2-8)

28 Mangawe sēngkamisa, Yesus nanētiron manga halē e, i Sie namaringang i Petrus, i Yohanes dingangi Yakobus si-

maka wuḷude, ku nēkaḷioma-neng. ²⁹Kuteḷu piḷa e i Yesus mēkēkaḷiomaneng sene, ghatin'E nēbaḷui ringangu pakeang'E kuḷkerong nētēngkawira. ³⁰⁻³¹Ene sēngkaḷēndi e piḷa taumata ruangkatau i Musa rēduan Elia nētēngkasilo suraḷungu tua-lagē bou sorga. I sire maḷhum-bisaran Yesus maḷanung kapapohong'E seng tawē karēngue lai sarung daḷangang'E su Yerusalem. ³²Su tempo ene i Petrus dingangu manga hapi e mētētiki, sēngkianu nēngkapuko ringangu nakasilo si Yesus simēnnang dingangu ruangkatau maḷhondarisi dingang i Sie. ³³Ene piḷa e i rēdua e mētētalejen Yesus tangu i Petrus e kai nēbera si Yesus, "Tuang Guru, napiang koḷa e i kite sini. Mapiangbe i kami mēndarisi sello tatēllu: sēmbau si Tuang, sēmbau si Musa ringangu sēmbau lai si Elia." (I Petrus nēbera kerene wēga wue kai apa iwēberane.)

³⁴Kuteḷu i Petrus kapēberane, piḷa e winawa ku nangēllung si sire, hakiḷu i sire nēngkataku. ³⁵Kuteḷu wou winawa ene kinaringihē tingihē mēbēbera, "Ini

e AhusēKu pinileKu. Pēdaringihē si Sie!"

³⁶Saraeng tingihē ene nangēdung, i sire nakasiloḷe si Yesus sēsane sene. Manga murid'i Yesus mēngkatewe nēndēmmasu kēbi ene, dingangu tawe nēmpēbēke si sai-sai apang ku seng kinasilon sire.

Mawu Yesus napakapian ana nikasuēkangu rohkē daḷaki

(Mat. 17:14-18; Mrk. 9:14-27)

³⁷Sēngkariōellone i Yesus dingang i sire tēllu murid'E kapahundēsunge wou wuḷude ene, ku gapaēng u taumata lawo maḷnēsomahē si Yesus. ³⁸Sēngkatau ese bou taḷaran taumata lawo e nēpalehe, "Tuang Guru, tuḷungko kakēllai anaḷu – kai kētaeng mang sēmbau ene anaḷu e! ³⁹Kamageng rohkē daḷaki sumake si sie, i sie mēngkatewe pēsēngkianu mēpēpalehe ringangu wadang e iapēkēkahimbēsō e hakiḷu mēnēnēbu mohonge. Rohkē ene mēngkatewe maḷpakabau i sie ringangu tawe sumēbang bou anune! ⁴⁰Iḷa seng bou nēdorong su manga murid'i Tuang, apanokoḷu

rohkë ene, kaiso i sire mang ta makakoã.”

⁴¹I Yesus simimbang, ”Balineuwe ma_rlongkõ i kamene ini! I kamene mang têngadë taumata makaka_rlubengkõ dingangu tawe mangimang! Delaing ka_rdëngue ia harusë mëtana_r dingangi kamene ringangu mëtinkëdang i kame- ne? Ramahie wawa ana_r ene!”

⁴²Kuteu rariõ buh_rue luhaung si Yesus, rohkë da_rlak_ri e ma- pëdëda_rlahintu i sie hakiu wa- dange mapëkakahimbësöe. Ku i Yesus naggoro rohkë da_rlak_ri ene pasëbang ku dariõ e napiãe. Ma- se rariõ ene ni_rasule si amange. ⁴³Këbi taumata e mangkewen nëmpëda_rlinau nakasilo kawasan Duata e kaw_re kereng kawangtuge.

Mawu Yesus sa_ruwe nëbisarang ha_rlëu papaten'E

(Mat. 17:22-23; Mrk. 9:30-32)

Su tempong i sire mëngkate- we wëdang mëngka_rherangu naka- silo apang këbi këkoateng'E, ute i Yesus nëhengetang su manga murit'E, ⁴⁴”Pëkakëllako pakapia- pia ku ariëbe kiwulëi manga hengetangKu ini: Ahus'u Tauma- ta e sarung isarakang su kawasan taumata e.” ⁴⁵Arawe manga mu-

rit'i Yesus e tawe nakaëna wa- weran'E e. Ku ha_rlë ene mëngkai ma_rda_rlirung si sire, madiringu i sire makaëna. Kuteu i sire ghugoë makiwa_rlong ha_rlë ene si Sie.

I sai e ka_rguwakenge?

(Mat. 18:1-5; Mrk. 9:33-37)

⁴⁶Su ta_rloaran manga mu- rit'i Yesus mëmpëdëdarendeh'u maanung mënsang i sai e woi sire ka_rguwakenge. ⁴⁷I Yesus masingkau tinënnan sire, hakiu ene i Sie nangala_r sëngkatau ra- riõ ka_rdodo_r ku niapararisie su rëduh'E. ⁴⁸Mase i Sie nëhenge- tang su manga murit'E, ”I sai manarima_r u rariõ ini ual_ring u Ia e mangala_rene ute mënarima_r u Ia. Ku i sai mënarima_r u Ia e, ute mënarima_r i Sie ku nëndoloh'u Ia e. Batu_ru i saing kaka_rdodokang e su ta_rloarang kamene e, i sie kai ka_rguwakenge!”

I sain tawe rumoka_r si kamene, ute hapi_r i kamene

(Mrk. 9:38-40)

⁴⁹I Yohanes nëberau, ”Tu- ang, i kami nakasilo pia_r tau ma_rnokolu setang sura_rlungu a- rengi Tuang, ku i kami nësëding

i sie, watu i sie waline we'i kite."

⁵⁰"Abe pēsēding i sie," angkuēng i Yesus si Yohanes dingangu manga murid'i Yesus waline, "u i sai tawe rumoka si kamene, ute su sēmbēkang kamene."

**Pia kampung sēmbau su
Samaria tawe
nanarima i Yesus**

⁵¹Ene saraeng maraning tempone i Yesus mahengke solong sorga, i Sie namutusē tadeau makoā solong Yerusalem. ⁵²Tangu i Sie rimolohen tau niapangalimona si Sie. I sire apan nirolohē ene nahundalenge, mase nahunsuē e su kampung sēmbau su Samaria mēdeau mēndiahing kēbi ene si Yesus. ⁵³Kaiso i sire su kampung ene tawe manarima i Yesus, batu mamben malahe-lahē u i Sie kawe kaḍalenge solong Yerusalem. ⁵⁴Tangu, su tempomg manga murid'i Yesus ku i Yakobus dēduan Yohanes masingkaeng halē ene, i sire nēmpēbera e, "Mawu, kawe Mawu mapulu, i kami mēgahagho tadeau pia putung ēnaē

katēntung bou langi ku panutung si sire ini e?"

⁵⁵I Yesus nēbiling, mase namalēndihē si rēdua e. ⁵⁶Bou e i sire nēngkakoā e solong kampung baline.

**Taumata apan mapulu
makoā murid'i Yesus**

(Mat. 8:19-22)

⁵⁷Kuteu i Yesus dingangu manga murid'E kapahundalenge, pia tau nēbera si Yesus, "Tuang, ia mapulu tumole si Tuang suapaewen dalengangu e!"

⁵⁸I Yesus simimbang, "Dalugē^e e pia liange ringangu manū u kinoaēng e pia pangangēlungange, arawe Ahus'u Taumata ute taweu pangirulumang u tēmbō e." ⁵⁹Mase i Yesus nēhengetang su sēngkatau waline, "Tolē e si Sia."

Arawe tau e nēbera, "Tuang balako ia mapule kalimona mēlēbing iamangku e."

⁶⁰Yesus simimbang, "Balae taumata nate e apēlēbing u taumatane nate sēsane. Arawe i kau, rakō e ku pangekeng habar'u Mawu Ruata seng nanēta e nēparenta."

^e sarigala

⁶¹ Pia lai sengkatau waline nēbera, "Tuang, ia mapulu tumole si Tuang, ku balako ia mapule kalimona mēdeau mēkata."

⁶² Yesus nēhengetang su tau ene, "Ku seng nanēta nēmungkalang ēntana e, mase mēbihu solong likude, ute tawe hinone makoā komoḷangu umat'u Mawu Ruata."

Mawu Yesus nēndoloh'u murit'E pitum pulongkatau

10 Bōu ene Mawu e nanēbo lai pitumpulo murit'E waline, mase nēndoloh'i sire taḷa duangkatau niapangalamona si Sie su apan soa ringangu tampa sarung karēntaēng'E. ² Pamēnsakenge masēllahē," angkuēng'E si sire, "arawe mamamēnsae kētaeng mahali. Batu e nē pēmpedorongke su Taghuange taḷe i Sie mēndoloh'u mēlahalē e mēdeau manipo wuane. ³ Ho! dakōe pēmpahundalengke! ku ene ēng! Ia mēndoloh'i kamene tabidau rumba sutaloaran sari-gala. ⁴ Abe pēmpēbawa kawihu roitē, arau ponde arau sapatu. Abe pēngēdung sutaloaran daleng ku mēmpētabea su sarang

sengkatau. ⁵ Kamageng i kamene rumangeng su wale, pēmpēbera kalimona, 'Karimako pia pēdaramē su wale ini.' ⁶ Ku kereu sene pia taumata mapulung pēdaramē, ute taḷe pēdaramenu e mēngkai matana si sie. Kereu tala ute, saḷewe wali kapia taḷe pēdaramenu ene. ⁷ Ku kēngkatana su wale sēmbau ene. Pēmpanarima apang ku nisiliwirē sene si kau, batu i sai mēmēmuna e hinone wue makahombang bawaehe. Abe pēmpangaling bōu wale sēmbau solong bale waline. ⁸ Kereu i kamene rumēnta su soa sēmbau ku sene i kamene nitarima dingangu mapia ute, kaēngke apang nisadia sene si kamene. ⁹ Apakauleko taumata apang masasaki su soa ene ku pēmpēhabarēko su taumata sene, 'Mawu Ruata e seng masanggidu tempone mēparenta makoā Datu su taḷoarang kamene.' ¹⁰ Arawe kamagengu i kamene rumēnta su soa sēmbau ku sene tawe nitari-ma ute, pahunsēbang solong daleng ku pēmpēbera, ¹¹ 'Saralaing awulu soang kamene rimēka su laed'i kami e, tontongangbeng kami e makoā tatiala si kamene.

Ku kēngkasingkako u kai seng maranin tempone Mawu Kasēllahenge manēta mēparenta makoḋa Datu su taḋorang kamene!"
 12 Pētahēndungko, su Ēllong Kiamatē, tau Sodom sarungbe limembong kaḋowokange ampungang u Mawu Ruata suḋungu tau-matan soa ene!"

**Manga soa tawe
 mēmpangimang**

(Mat. 11:20-24)

13 "Kaēngkēhang i kamene, Korazim! Dingangu kaēngkēhang i kamene Betsaida! Kereu manga apa makalaḋaherang ku seng nikakoḋa su taḋorang dua e seng nikakoḋa su soan Tirus dingangu Sidon ēngkudeng manga taumata pai sene seng marēngu nēmpēto-batē bou kaḋawou rosan sire, ku nēmpēluheng pakeangu lutu ringangu nēmpēnawuh'u awuḋe su wowon tēmbō i sire. 14 Maēndokangbe tau Tirus dingangu Sidon ampungangu Mawu Ruata suḋungu i kamene, su Ēllong Kiamatē. 15 Dingangu i kamene Kapernaum! I kamene maḋgiraliḋu i kamene kai sarung masapuḋa

solong sorga? Tala! I kamene sarung irēmme sarang naraka!"

16 Mase Mawu Yesus nēhengetang su manga murit'E, "I sain duḋaringihē si kamene, ruḋaringihē Siḋa. I sai maḋnuhud'i kamene, kai maḋnuhudu Iḋa, ku lai maḋnuhud'i Sie rimolohu Iḋa e."

**Kawawali u manga muritē i
 sire pitumpulo**

17 I sire pitumpulo muritē e nēngkawalibe ringangu naungi sire maraluasē kahēngang. "Mawu," angkuēng i sire, "kaḋiḋungung manga rohkē daralaki e susasumēllung si kami kahiang pēma-marentang kami e si sire su areng u Mawu!"

18 Mawu Yesus simimbang, "Iḋa e nakasilo setang ēnnae nanawo wou ḋangi kere kilā. 19 Kēngkasingkako! I kamene seng Taku niongotangu kawasata tadeḋu i kamene makatahida tēmpu ringangu i ninangu ḋipang dingangkewe mamēdi kaḋuwau wuntuangu roka, ku mambeng ta makapēkapura si kamene. 20 Maning seng kerene, abe pahuluasē uḋiḋu manga rohkē daralaki e



Bakunang (10.19)

susasumëllung si kamene. Endokang i kamene pëmpahuľuas u areng i kamene maľawohë su sor-ga.”

Mawu Yesus limuasë

(Mat. 11:25-27, 13:16-17)

²¹ Su orasë ene lai i Yesus limuas u Rohkë Susi e nëkaradiahang si Sie. I Yesus nëhenge-tang, ”Amang, Mawu kawang ļangı dingangu dunia! Ia makıta-rimakasë si Kau watu këbi ini ipakapënis’u taumata mapapan-de ringangu matatahuëna, kaiso kareau mang nilahë u su kaľawou taumata reng ta naşikoľa. Ene e makaľuasë naung i Amang.

²² Patiku saľarang seng nisa-rakang i Amang si Sia. Tawë sarang sëngkatau masingka u A-

husë këtawen i Amang’E. Tawë ļai masingka i Amang mantjewen Ahusë e dingangu i sajewen i kapulung Ahusë e pëlahëkangu i Amang’E.”

²³ Mase i Yesus nëbihu su manga murit’E, bou ene nëhenge-tang si sire hala, ”Kariang-kamang i kamene watu seng nakasilo apau nikasilong kame-ne orasë ini. ²⁴ Kai pëtaliëndung: Bue lawo nabi ringangu ratu ma-pulu makasilo apang kinasilong kamene orasë ini, kaiso tawe i-kasilon sire. I sire mapulu ru-maringihë apang kinaringih’i ka-mene orasë ini, kaiso tawe ika-ringih’i sire.”

Papinintun tau Samaria matalëntu

²⁵ Bou e piä sëngkatau mana-nëntiro agama nëbuä mënangka si Yesus. I sie nakiwaľo, ”Tuang Guru, kai mëkapuræ ia e tadeau makahombang pëbawiahë patu-tune ringangu kakalë e?”

²⁶ I Yesus simimbang, ”Apa tangu maľawohë suraľungu Wi-nohë Susi? Kerea tinënnanu su halë ene?”

²⁷ Tau ene simimbang, "Këndagëkon Mawu Ruatanu ringangu kaguwau naungu, ringangu kaguwau kuat'u ku dingangu kaguwau laënnanu ku këndagëkong kasanggidangu mësulungu i kau kumëndagu watangengu."

²⁸ "Sasimbangu e nihino," angkuëng i Yesus. "Pëkoako kerene ku i kau sarung mëbiahë."

²⁹ Kai mananëntiro agama ene mapulu mëtëngkahinom batangenge. I sie nakiwalo, "I sai wue kasanggidangu e?"

³⁰ Yesus simimbang, "Pia sëngkatau esë dimësung bou Yerusalem solong Yerikho. Su taloaran daleng i sie nihombangengu taha pëngaho, nihampasë kalawou rarotonge, nibawawëbahë sarang masaramate, mase niwala ralimbatange su raleng dingangu lese e ghëguwa. ³¹ Nësarëta u lai sëngkatau imang narësungu raleng ene. Kutëu i sie nakasiloe tau ene, i sie mëngkatewe limihi pai wou sëmbëkane ku mëngkai rimaleng. ³² Kerene lai ringangu sëngkatau hiten tau Lewi e rudësung sene, suapaewen nikasilone tau ene, nihaungange kapëpëpatehe si sie. Kaiso i sie

nëtëngkaghea sarang sëmbëkan daleng, mase mëngkate rimaleng. ³³ Arawe wou ene piako lai sëngkatau wou Samaria nasahe suraleng ene. Saraeng kinasilone tau ene, ute naunge mëngkatewe nëkakalëkaden tatalëntu. ³⁴ Ku mëngkatewe tamai himaung tau e mase namurësi manga lese e nihasu anggorë ku niundangengu lana, bou e namëkisë manga lese ene. Mase i sie nënduju tau ene su wowong kalidene sësane, ku niëntudë su wale kawawunakeng dingangu nipaduliange. ³⁵ Sëngkariöellone i sie mangukahë doite salaka ruang kalëpa ku nitëgone su taghuangu wale e apidu nëbera, 'Padulie wue i sie ku apaeweng manga wawaehë baline ute, sarung taku baehang kereu ia mawali kapia sini.'"

³⁶ Bou e i Yesus nëngënsueeng bëkene ringangu kakiwalo ini, "Bou i sire tellu ene i sai e su ënnanu nakoå kere tau kasanggidange wou tau nihampasë e?"

³⁷ Mananëntiro agama e nikiwalongu ene simimbang, "Tau ku seng timalëntu u tau ene!"

"Ho, dakoe ku pëkoå e kerene lai!" angkuëng i Yesus.

Yesus nētiwo si Marta
ringangi Maria

³⁸ Bōu e i Yesus dingangu manga murit'E nēsawewe rimaleng kṽ narēnta e su kampong sēmbau. Sene piā sēngkatau wawine arenge i Marta, nighausang i Sie soḷong balene. ³⁹ I Marta piā tuarine arenge i Maria. I Maria e kimaiangke maraning Mawu Yesus dṽdaringihē manga tēntiron'E. ⁴⁰ Arawe i Marta e mēngkatewe matasibung^f halē u wale. I sie himaung si Yesus kṽ nēbera, "Mawu, apa Mawu ta mēsasēmpī si Maria nanētangu halē pinakihalē si siā sēsaku? Dolohēko i sie pētulungu ia!"

⁴¹ "Marta, Marta!" angkuēngu Mawu. "I kau mēngkatewe ghugēnggang dingangu tasibu mētētinnan halē lawo; ⁴² sēmbaliāu halē kahumotongange mang sēmbau. Kṽ i Maria seng namile apang kapiaēnge, kṽ tawe sarung ikaala wō'i sie."

Tēntiron Yesus maṽanum
pēkakaliomaneng

(Mat. 6:9-13, 7:7-11)

11 Su sēnsule tempo i Yesus mēkēkaliomaneng su tampa sēmpalang. Saraeng nasueng kaliomanenge tangu, sēngkatau wōu taloarang manga murit'E nēbera, "Mawu kēnang tēntiroi i kami mēkaliomaneng kereewe i Yohanes nanētiro manga murite mēmpēkaliomaneng."

² Tangu i Yesus nēhenge-tang si sire, "Kereu i kamene mēmpēkaliomeng ute, pēmpēbera kereini,

'Amang,

i Kau e Ruata mang
Sēmbau.
Karimaḷo i Kau
sēsēmbaēng dingangu
lēadateng.

³ Gēlirengkon biah'i kami
mēllo-mēllo

^f kēkaḷipusaneng = sibuk

kerewe ghëgausang i
kami.

⁴ Ampungeko kaławou rosang
kami,
batu i kami lai
mëngëngampung su
taumata
apan mëmpësësała si kami.
Dingangu abe wala i kami
kailangengu pangangimang
su tempong i kami
sësalukateng.'"

⁵ Yesus nëhengetang su ma-
nga murid'E, "Kereu pia sëng-
katau wou tałoarang kamene
ku makoā solong balen hapie
këkałoarane ku mëberau, 'Hapi,
mëngëdangko borotë u tëllum-
bau, ⁶ u piako hapiku kałëngange
wuhu-wuhu rarangeng su wale ku
ia e tawë u ipësake si sie!' ⁷ Ku
kereu hapie u nirëntaëngu ene su-
mimbang kereini, wou rałungu
walene, 'Abe pëtaghalie si sia! Tu-
kadë seng nipapale ku i kami
tahanā kai seng nëtikie. Ia ta-
we makawangung dingangu tawe
makaghëlliu apa-apa si kau.'"

⁸ "Mase kerea?" angkuëng i
Yesus tuhue. "Ia maułie! Maning-
be lai i kau hapie, kai mang
tawe mapulu i sie mëbangung
dingangu mëgëlliu apa-apa si
kau. Kai ualingu i kau mëngka-
te hanesë mëdëdorong dingang-
⁹ nëngkananiang = heran, takjub

u wëgawen mamea e ute
marale mang mëbangung ku
mangonggou apang gausangu.
⁹ Ku, ia mëbera si kamene:
Pëmpëdorongke, tangu i kame-
ne sarung onggolang; pëmpëdeā,
ku i kamene sarung makareā;
pëmpanengkohë ku tukadë e sa-
rung topeëng. ¹⁰ Ualingu i sai
mëgausë e sarung makatarima; i
sai mëdeā sarung makahombang,
dingangu i sai manengkelë e sa-
rung topeëng. ¹¹ Sutałoarang ka-
mene, apa pia i amang ku mëgëllie
u tëmpu su ana e, kereu i sie
mëdorong kina? ¹² Arau mëgëlliu
wakunang kereu i sie mëdo-
rong tëlluhë? ¹³ Maningbe i ka-
mene rałakie, i kamene masingka
lai mëgëllie u apang mapia su ana
u. Dumakelengbe lai i Amang su
Sorga! I Sie sarung mangonggo u
Rohkë'E si sire apan mëgëgausë
si Sie!"

Yesus dingangu Beelzebul

(Mat. 12:22-30; Mrk. 3:20-27)

¹⁴ Pia su sahëllie, i Yesus ma-
nokołu rohkë dałakie bou sëngka-
tau mou. Saraeng rohkë dałakie
ene simëbang, tau e nanëtae na-
kawera. Lawo taumata mangke-
wen mëngkaherang,⁹ ¹⁵ kaiso pia
u nëmpëbera, "I Sie makapëno-

kolu rohke dalaki e ualingu kawang Beelzebul tembonangu rohke dalaki e.”

¹⁶ Pia lai i sire waline ku mapulu mempenangka si Yesus, ku i sire mededorong tadeau i Sie apekkoa sembau tanda makalaherang kere makoa tatualang kai i Sie rimenta wou anun Duata. ¹⁷ Kai i Yesus masingkau tinennan sire. Tangu i Sie nehengetang si sire, ”Kereu pia kararatuang sembau ku napahia suralingu pirang kamonaeng ku mededaralai sembau su waline ute kararatuang ene tawe tumei. Dingangu anau sembau ku napahia-pahia ringangu lai mededaralai sembau su waline sarung magholang. ¹⁸ Kerene lai suralingu kararatuangu setang; kereu pia sengkamonaeng mendoka lai kamonaenge waline, ute kararatuang ene mambem mahaka. I kamene nemperbera u Ia manokolu rohke dalaki ualingu kawasan Beelzebul. ¹⁹ Kamageng kerene kai ringangu kawang sai wue manga murit’u manokole rohke daralaki e? Manga murit’u e sessane napakalahe u i kamene kawe nesala! ²⁰ Arawe Ia e nano-

kolu rohke dalaki dingangu kawang Duata ku ene mangalem Mawu Ruata e seng kapenetae meparenta sutaloarang kamene.

²¹ Kereu sengkatau matoghase dingangu mangkewen nepa panganghide natimu melehapa walene sessane tangu kalawou rarotonge tawe mekapura. ²² Kai kereu pia sengkatau limembong katoghase mendoka dingangu mamata si sie, tangu tau limembong matoghase ene mangala patiku aghide naung pangumbalaengu taghuang bale e, mase meppahiau kalawou sabarang ene.

²³ I sain baline ringangKu, mamben tengade dumoka Sia, ku i sain tawe mesumbala si Sia ute mambeng makagholang haleKu!”

Pesasulen rohke dalaki e

(*Mat. 12:43-45*)

²⁴ ”Kamagengu rohke dalaki e manentang u pessengkatau, rohke ene metetellamaeng^h su wanua mamara mang kapedea e tampa pangiruleng, kaiso i sie mang makahombang. Ualingu ene i sie neberau, ’Ia mesule e su waleku taku nilintukang!’

^h meppapalili

²⁵Su tempo i sie masongoe sene, sengkahombange wale e nawuresi ringangu maatorë. ²⁶Mase i sie rimaleng ku nëmaringang i sire pitu rohkë baline ku limembong karalai e wo'i sie. Bou e i sire mahunsuë e suralungu tau ene ku mëngkatana sene. Dingangu samurine kakakoã tau ene mëngkate limembong dalai bou kalamona."

Kariangkamang patutune

²⁷Saræng i Yesus nëhenge-tang kerene sengkatau wawine wou taloaran taumata lawo ene nëbera si Yesus, "Kariangkamang bawine ku nipëpohiama ringangu nisusuang'U!"

²⁸Arawe i Yesus simimbang, "Mëngkai limembong makariangkamang i sain ku mararingihë su hengetangu Mawu ringangu mëkëkoã ene!"

Taumata mëgëgausë si Yesus pëkëkoã tanda makalaherang
(*Mat. 12:38-42*)

²⁹Ene pia e ghapaëngu taumata lawo e kapëtëtalipurunge si Yesus, i Sie nanëpaseng henge-tang'E angkuëng, "Kai apa ka-

ralaki umatë orasë ini. I sire mëgëgausë tanda makalaherang tadeau i sire mëmpangimang si Sia, kaiso i sire tawe ongotang sarang kadiongeng sëmbau, këtaewen tandang kalaherangu nabi Yunus. ³⁰Kerewe nabi Yunus naung nakoã kalaherang su taumatan soan Niniwe, kerene lai Ahus'u Taumata sarung makoã sëmbau tandang kalaherang baugu taumata su tempo ini. ³¹Su Ëllong Kiamatë Datum banuan sëmbëkan Timuhë sarung mëbangung dingangkeweng manga taumatang orasë ini ku mangënsilë si sire. Kai mëdeau makakaringihë kapanden Salomo e, Datu ene hinong dumaleng marau kahëngang bou pondol'u dunia. Arawe ëndaung orasë ini pia lai limembong kasariane wo'i Salomo. ³²Su Ëllong Kiamatë taumatan Niniwe sarung mëbangung sengkakawangung dingangkewen taumatan orasë ini ku mëngënsilë si sire, batu tau Niniwe e nëmpëtoatë bou manga rosan sire pia i Yunus e nënasa si sire. Kuteu ëndaung sini e kai naung pia limembong kasariane wo'i Yunus."

Matualagē dingangu marēndung

(*Mat. 5:15, 6:22-23*)

³³”Tawē apa taumata mēndikō soḷo mase takateng arau lingkuwangu wēnsadē. I sie hinong mamēllou soḷo ene su pēnaloēng mēdeḷu apam mahunsuē makasilowe tualagē. ³⁴Mata e kai soḷom badang. Kereu matanu e mapia, ute kaḡuwau wadangu e mēngkawe matualagē. Arawe kereu matanu e marēndung ute kaguwau wadangu e maḷaing marēndung. ³⁵Uaḷingu ene pakapia wue, maḷiring tualagē si kau e makoḷa kararēndung. ³⁶Kereu kaguwau wadangu e matualagē ku tawēu sarang sēmpalang marēndung, ute mēngkatewe mati watu sēngkakatualagē mēsulungkewen kereu i kau kasaramengu tualag’u soḷo e.”

Mawu Yesus manēbo pēsalaḷan tau Farisi dingangu manga mananēntiro agama

(*Mat. 23:1-36; Mrk. 12:38-40*)

³⁷Saraḡeng i Yesus nasuēen hengetang’E, kutēu sēngkatau Farisi nēnotē i Sie kumaēng su

walene. Tangu i Yesus rimangeng ku kimaēng sene. ³⁸Tau Farisi mēngkate rimalīnau nakasilo si Yesus tawe manga nanguhasē ḷiman’E kaḷimona, tutuhū tiahani agama. ³⁹Uaḷingu ene Mawu e nēhengetang si sie, ”I kamene mang kahēngang tau Farisi nanarang manguhasē lainumang dingangu taḷētugu ḷama, arawe suraḷung i kamene kawe napenēu pēngangahēbu dingangu kararalaj. ⁴⁰I kamene kai wodo! Ku kai walīnewe Mawu Ruata ho nēkoḷa ḷikude ene maḷaing daḷunge? ⁴¹Ku apan su raḷungu ḷainumang dingangu kakēntuḷang ene e kai harusē ionḡḡo i kamene su manga tau kasiang. Dingangu kakakoḷa ene kēbi sarung makawurēsi si kamene.

⁴²Kaēngkēhang i kamene tau Farisi! I kamene maḡongḡou kataḷapulḡng kapahiakeng bou saḡuang i kamene kere manga salasi ringangu walakama arau lai manga rampa walīne su Mawu Ruata e, arawe kaadilē dingangu kakēndagē su Mawu Ruata e ḷelihiang i kamene. Sēmbaḷiau kai ene hinone sēmpikang i kamene ringangu abe pamalan lai walīne.

ⁱ atorang; tundung = peraturan

11:33: Mat 5:15, Mrk. 4:21, Luk. 8:16 11:42: Im. 27:30

⁴³ Kaëngkëhang i kamene tau Farisi! I kamene puluang kumaiang su tampa kapiange su waleng pëkakaliomanengang dingangu puluang tabeakeng su manga pasarë. ⁴⁴ Kaëngkëhang i kamene! I kamene mësulungu lëbing tau pëkiralaënge ku lëlingdangu taumata ualingu ta kinahënganeng.”

⁴⁵ Pia e sëngkatau mananëntirong agama nëbera si Yesus, ”Tuang Guru, ualingu waweranu ene, i Tuang e maiaing nakasamedë si kami!”

⁴⁶ Mawu Yesus simimbang, ”Kaëngkëhang i kamene lai, manga mananëntirong agama! I kamene mënënuntu manga halë masasëgadë dingangu mëlëlkëngkangu atorang mawawëha, arawe i kamene hala mang tawe makatulung sarang manga kadodo-dodo su apan tumatuhë. ⁴⁷ Kaëngkëhang i kamene! I kamene mëmpëkëkoä ëndu u watung manga nabi, u mahunëu mang nipateng manga iupung i kamene. ⁴⁸ Ku i kamene hala nangaku u i kamene lëlahimpuluangu apan seng nikoä u manga iupung kamene; mambeng i sire nëmpamate manga nabi e ku mang i ka-

mene mëmpëkoä ëndu u watune. ⁴⁹ Kai ene hakü Kapelesan Mawu Ruata e nëbera, 'Ia sarung mëndolohë si sire manga nabi ringangu manga rarolohang-Ku; sëngga e sarung pateëng dingangu sënggäe wue sarung tumbiagheng!' ⁵⁰ Mawu Ruata e nëkoä kerene e mëdeäu taumata orasë ini e ihukung ualingu pëmamate seng nikoä su patiku nabi rokeng pamamahëtang dunia, ⁵¹ nanëta bou pëmamate si Habel saraeweng pëmamate si Zakharia, ku nariadi su wëlla u pananëmbaënge ringangu Walem Mawu Ruata. Pëmpangimangko: Taumatang orasë ini mambeng ihukung ualingu këbi ene.

⁵² Kaëngkëhang i kamene manga mananëntirong agama! Kakunsiu mamuka tukad'u kasingka e maðareso si kamene, arawe i kamene hala maðiri mëmpahunsuë su raunge mëdeäu makaëba kasingka ene. Su sëmbëkane i kamene mëngkate mënahaghe taumata apaewen mapulu sumuë!”

⁵³ Ene, saraeng i Yesus nanëntangu tampa ene, manga mananëntirong agama ringangu manga tau Farisi e nëmpëbuehang maiha si Yesus. Ku i sire

naněta e mēngēngala bera si Sie tadeau i Sie mēbisarang kaławou sabarang. ⁵⁴Ku su tempo ene i sire kapēpēpatehe si Sie mapia-pia waugu pēnamekangu sala su apan manga wawerane.

I.ingatē su apan taumata mamēlle

(*Mat. 10:26-27*)

12 Mēngkatewe ringangu hiwune kaławou taumata mēmpēsēsasēngkilē hakiu seng piāu kēkatahidaēng laede. Tēntalang manga taumata reng mēnpēdēdahēmung, i Yesus nēhengetang su manga murit'E, "Pēmpēteghang bue su lahaes'u tau Farisi, mangale-ne i sire kai mēmpamēlle. ²Tawe apa maļahēmbung ku tawe lekesang dingangu tawē apa maḍalirung ku tawe kasingkateng. ³Apan niwerang kamene su tempong hēbbi sarung karingihē su tempong ēllo; ku apaewen nisiang i kamene su raļungu kamarē makakunsi sarung iwohang pakapēpidē."

Kēngkatakū bue su Mawu

(*Mat. 10:26-31*)

⁴"Manga hapi pēmpētahēndung bue! Abe katakū si sire apan mēmpamate wadange, kaiso kawe tawe makapēkapura mapaliung ene. ⁵Mapiangbe Iā manēntiro si kamene i sai hinong ikēkatakū i kamene. Kēngkatakū su Mawu Ruata! Watū wouten namate, i Sie kawasa lai mēhi-pe su raļungu naraka! Pēmpangimangke u kai i Sie hinong ikatakū i kamene.

⁶Hēnggeng limambau iwēba-ļū su roitē kararodokange ruang kaļēpa. Maningbe kerene tawēu sarang sēmbau kawuļēngu Mawu Ruata. ⁷Saraļaing utā su tēmbō mang kaḍarekeng^j kēbi, uaļingu ene abe katakū; i kamene limembowen maarēga wou manga hēnggeng!"

Mangakung Kristus su tēngon taumata

(*Mat. 10:32-33, 12:32, 10:19-20*)

⁸"Pēmpētahēndungko pakapia-pia: I sai mangakum ba-

^j tia e = terhitung

tangenge su tēngong lawo u i sie kai muritēKu ute, i sie sarulaing iakung Ahus'u Taumata e su tēngon manga malaekat'u Mawu Ruata e. ⁹Arawe i sai mēsunial'u Ia e su tēngon taumata e u i sie kai muritēKu e tangu i sie sarulaing ipēsunialē su tēngon manga malaekat'u Mawu Ruata e.

¹⁰Kamageng i sai mēberang sēngkamohong ipēndoka Ahus'u Taumata e, i sie rembeng ampungang; arawe kereu i sie kai mēhinakang Rohkē Susi e, i sie tawe kaampungang.

¹¹Kereu i kamene iēntudē sarang manga waleng pēkakalio-manengang ku ipakihukung su tēngon tēmbonangu kawanua arau mēngangawasa ute, abe ghēnggang u mēnsang kereapa wue i kamene mētahutēndau watangeng arau kai hinong sumimbang kereapa. ¹²U wawera hinong ipēberang kamene e sarungbe tēntiroēngu Rohkē Susi si kamene su tempone."

Papinintun tau kala ta kasingka e

¹³Sēngkatau wou taloaran taumata lawo e nēbera si Ye-

sus, "Tuang Guru, kēnnganko i Tuang pēbera su tuhangku, ia gēllirengkon sēmbageang bou arēta tatēntang i amang i kami."

¹⁴Mawu Yesus simimbang, "I sai wue nēndui Sia makoa mēlahukung arau mēmamahia pusaka sutaloaran dua?" ¹⁵Mase su kēbi taumata apan ene sene i Yesus nēhengetang, "Pēmpēteghang dingangu pakarariaga bue, i kamene kumbahangbe maanggang. U pēbawiah'u taumata e waline-we kahiang kakakala e, maningbe lai rarotonge mahēmpaliu."

¹⁶Mase i Yesus nēbēkem papinintu ini, "Pia e sēngkatau kala. I sie pia ēntannane ku mēgēgēs*i* malawo. ¹⁷Tau kala ene mēsēsipirē suralungu naunge, 'Seng tawē apa tampa lai pēngomolangu ghēsing ēntannaku. Ku kai mēkapurāe ia e?' ¹⁸Bou e i sie mēngkate sau manēgenna ku nēbera e suralungu naunge, 'Ah! Ia piabe akalēku; manga gudangku e sarung taku golangeng mase taku koateng limembong kaguwae. Su tampa ene taku pēngomolang kalawou gandum dingangu patiku darotongku waline. ¹⁹Tangu ia sarung mēbera su watangengku:

I kau nakauntung! Kaławou a-pang mapia seng tētaghuanengu ringangu tawe sarung kasueēnge karēngūwen taung mēdēdaliun taung. Pangiroloko! Kaēngko ringangu panginungko ku temangeko wiahu!’²⁰ Arawe Mawu Ruata e nēhengetang si sie, ’Ei tungko! Sēhēbi ini e lai i kau sarung mate, mase i sai wue sarung makaēba kēbi kakakala u seng niriainu e?’

²¹ Kerene kakakoā u apan taumata mēdēdeāu makala baugu watangenge hala, kaiso tawe mētēngkakala su matan Duata.”

Pēmpangimang su Mawu Ruata

(*Mat. 6:25-34*)

²² Mase i Yesus nēhengetang su manga murit’E, ”Ualingu ene hakiu la e nēhengetang, ’Abe ghēnggangu pēbawiahu, mēnsang i kamene kai kumaēng a ringangu mēpakeangu a.’²³ Pēbawiahē e limembowen bou laidopē dingangu wadange limembowen bou pakeang.²⁴ Tatingangko manga manu gaga!^k I sire tawe mangangasi, dingangu tawe mananipo, tawē lai manga gudange arau pēndaresokangu ēmme. A-

rawe Mawu Ruata mang mēlēhiking si sire! I kamene limembong maarēga wou manga manu u kinoaēng.²⁵ I sai wue wou taloarang kamene kahiang ghēnggange makakasēmpu umurē maning kētaeng kadodo? ²⁶ Kereu halē kakadodokange mang tawe ikakoā i kamene, unūe ghumēnggangu manga halē baline? ²⁷ Tatingangko! Kereapa manga ghaloghonge timuwo nēbungang, kuteu manga bungang ene e tawe mēlahalē, dingangu tawe mēkakahiawang. Arawe lai Ratu i Salomo e kerēng kakala e tawe mēpapakeang kere manga bungang ene kaholē e.²⁸ Dēmpugē suralone timuwo su sahēllo ini e ku sēngkariōellone natatutung. Arawe Mawu Ruata e mēlēlēnggihē dēmpugē ene kereng kaholē e. Dumakelengbe i kamene! Kuteu i kamene kai lome pangangimange! ²⁹ Ku abe ghēnggang dingangu mēbingo mēnsang i kamene kumaēng a ringangu manginung a! ³⁰ Manga halē tamai ene rēdareakengu apan taumata wēgam Mawu Ruata. Sumbaliau i Amangu e masingka u i kamene mambeng mēsēsālimāe patiku ene. ³¹ Kaiso i kamene hinong mēsēsēmpī ta-

^k woka-boka = burung gagak

12:27: 1Rat. 10 4-7, 2Kar. 9:3-6

deḡu Mawu Ruata: mēkawasa su pēbawiahu, ku apaewen baḡine ute, maḡaing iongḡo u Mawu Ruata si kamene.”

Arēta su sorga

(Mat. 6:19-21)

³²”I kamene maningbe reke-nange mahali, kai abe kataku! U i Amang i kamene e maḡuasē mangongḡo aḡamat’E wou Kararatuang’E. ³³Baḡue rarotong i kamene ku ongḡoko manga roite su tau kasiang. Pēkoḡko kawihē ta maḡaheneḡ baugu watangengu e, mangalene arēta mareso su sorga. Arēta ene tawe mailang uaḡingu tahatako e tawe makapēngalḡa dingangu dingangu uane tawe makapēngḡolo. ³⁴U suapan pia arēta u e, naungu e maḡaing sene!”

Ĕllang ku mēngkai sēntinia mahēkosē

³⁵”Pakarariahi wue tumatēngō patiku saḡarang. I kamene mēngkai hinong mēmpēpa-keang dingangu soḡonu hanesē dudēlli, ³⁶mēsulungu manga Ĕllang ku mēmpangampalē mawune mēbaḡi boḡ saḡiwangu pēka-

kawing. Kereu mawune mēbaḡi ku manengkelē tukadē e, tangu i sire sarung manope tukadē. ³⁷Apae mauntu manga Ĕllang ku kēkaēbakeng mēmpēlēlukadē su tempon mawune sumongo. Pēmpangimangko: Mawu ene sarung mēdariahi ku mēngoro e manga Ĕllange apakaiang, ku boḡ ene i sie mēsiliwirē. ³⁸Apae mauntu manga Ĕllang ene kereu mawun sire ene ku nakaēba si sire kapēngampalē maningbe lai i sie simongo kēkaḡarane,¹ arau maraning kalonge! ³⁹Pētahēndungko ini! Kereu manga taghuangu waḡe masingka u orasē dēntaēngu tahatako e, i sie sarung mēndiagḡa takadeḡu tahatako e tawe makasuē suraḡungu waḡene. ⁴⁰Hakiu ene i kamene maḡaing pakarariahi, u Ahus’u Taumata e sarung dumēnta su tempo ta laantiwang i kamene.”

Ĕllang masatia ringangu Ĕllang tawē satiane

(Mat. 24:45-51)

⁴¹”Mawu, apa wue tēntiro ene timonane si kami arau su kēbi taumata?” angkuēng i Petrus.

¹ hēbi raḡung = tengah malam

⁴²Mawu simimbang, "I sai ãllang masatia ringangu matahuenna hakju niruj u mawune iapanẽmbonang manga ãllange waline iapangonggo u kaeng si sire su tempone? ⁴³Kariangkamang ãllang ene kereu mawune mẽsulẽ ku kẽkaẽbakeng i sie kapẽkoae munarane! ⁴⁴Pẽmpangimanko: Mawu ene sarung mẽnduj i sie manahimata patiku darotonge. ⁴⁵Kaiso kereu ãllang ene ku kai mẽbera suralungu naunge, 'Mawuku e wẽdang diõ mararenna rumenta,' mase i sie mẽngkate mẽmẽmahang kalawou manga ãllange ku kumaeng dingangu mẽnginung sarang miwukang, ⁴⁶tangu mawune sarung dumenta su ẽllo ringangu orasẽ ta kinahenganeng. Ku ãllang ene sarung tẽntiroengu papahang bou mawune, ringangu koateng kere nẽkoã taumata tawẽ satiane su Ruata.

⁴⁷Ãllang ku masingka u kapulun mawune kaiso tawẽ nẽdariahing ringangu tawẽ laing nẽkoã timuhẽwewe kapulun mawune, sarung pahangengu raliwara manengga. ⁴⁸Arawe ãllang naung bẽgang kapulung mawune, bou ene mẽkẽkoã halẽ tawẽ mẽlahino hakju hinong liwa-

rangu raliwara riõ mahaeng. U i sain seng nionggolang lawo saruling paghẽleeng lawo. Ku i sain pinenarakanengu lawo saunengke wue pabẽtulang limembong kakẽpalẽ."

Baline pẽdarame kaiso
pẽsasitoriang

(Mat. 10:34-36)

⁴⁹"Iã dumenta mapakahẽngisu dunia ini. Apa kapia kereu putunge seng dudelli! ⁵⁰Bẽdang pia kasasusa masaria hinon taku dalengang. Ene naungku e mẽngkate apa maghẽnggang tẽntalang ene wẽdang ta nakoã. ⁵¹Su naung i kamene Iã dumenta e kai mẽbawa pẽdarame su dunia e? Tala, balinewe pẽdarame kaiso kawẽ pẽdaralã. ⁵²Manẽta bou ini e, dalohom balẽ limangkatau e sarung mẽdaroka, tẽllungkatau sarung dumoka duangkatau arau ruangkatau rumoka tẽllungkatau. ⁵³I amang sarung dumoka anã esẽ dingangu anã e esẽ dumoka si amange. I ninange sarung dumoka anã e wawine ku anã wawine rumoka si ninange. I ninange kinaratingang sarung dumoka anã e mirarating, ku anã e mirarating dumoka si ninange kinaratingang."

Mëkirala tialan tempo

(Mat. 16:2-9)

⁵⁴Mawu Yesus nëhengetang lai su taumata lawo, "Kereu i kamene makasilo winawa masapua su puëngu wahe ute, i kamene apid'u mëmpëbera u, 'Sarung dumasehë.' Ku mang kahëngang-hëngang mëtahiti. ⁵⁵Kereu i kamene makapëndang u anging tumi bõu timuhë ute, i kamene mëmpëbera u, 'Sarung mëpëdisë.' Ku mang makoã kerene. ⁵⁶I kamene kai puluang mëmëlle! I kamene makakatika bue kakakoã u wanua maeng mëmpëpatehë kakakoã u langi dingangu dunia. Kawe unue manga tialan tempo ini tawe ikatika i kamene?"

Pëmpëdame e ringangu

sëduu e

(Mat. 5:25-26)

⁵⁷"Kawe unue tawe ikaputusi kamene hala e halë u katulidë e? ⁵⁸Kereu pia taumata mangaduhang i kamene su mëlahukung, ute pëkakereapa wue sëngapang botonge pëngënsue patiku halë ene tëntalang i kamene deng bëdang su taloaran dalenge. Kamageng tala ute, kiwau i sie kai mamoleng i kamene solong tëngon hakim ku sarung mëna-

rakang i kamene su polisi, ku mënowang kamene su ralungu tahungku. ⁵⁹Pëmpangimangko! I kamene tawe makasëbang bõu tahungku tëntalang une suralungu naung bedang ta nasue."

Kamageng tawe mëmpëtobatë bõu rosa ute sarung mawinasa

13 Su orasë ene taumata e nëmpëbëke si Yesus mauiu pirangkatau tau Galilea nipapaten Pilatusë e, pia e i sire nëmpëbawa sasëmba su Mawu Ruata e. ²Kapëtinënaneng bëke ene i Yesus simimbangke, "Batuu tau Galilea e nipapate kerene ute su naung i kamene i sire kai limembong kawaradosane wou patiku tau Galilea waline? ³Mambeng baline wue! Kaiso pëtahëndungko: kereu i kamene tawe mëmpëtobatë wou kalawou rosang kamene ute, i kamene këbi sarung mate lai mësulung i sire. ⁴Ku kereapa ngae habar'i sire mapulo ualu sukataune nate su Siloam, su tempon candi e naënsa si sire? Su naung i kamene ene kai nanodeu i sire limembo waradosa wou patiku taumata waline matana su Yerusalem? ⁵Mambeng tala wue! Sënsuleko lai la mëluntingihë: Kereu i ka-

mene tawe mëmpëtobatë bou kalawou rosanu, i kamene këbi maļaing mate kerene.”

Papinintun kalu ara tawe nëbua

⁶ Bou ene i Yesus nëbëken ļai papinintu ini, ”Kai naung piā sēngkatau kų piā arane sēngkalu su wawaelangu anggorë e. Sēnsule tempo rimēnta e i sie mēdēdēa e wuane, kuteu tawe nakahombang sarang sēmbau. ⁷ Kuteu, i sie nēbera e su mandorë u sasuanġe, ’Këllae, seng tēllu taung ia dūdēnta mēdēdēa buang ara ēndai e, kuteu mang ta makalaēba maning sēmbau. Tuwangke kalu e! I sie kētaeng mangēnsue tawang ēntana e!’ ⁸ Arawe mandorë u sasuang ene simimbang, ’Walae i sie patuwo sēntaung ini ļai, Mawu. Ia deng mëmacolë ēntana pakalikų mase pētahoēngu pupukë. ⁹ Mēnsang i sie reng mēbua su taung mahi e. Kereu mang tala, ute buhųe Mawu mëngoro pakituwang.’”

Mawu Yesus napakapian sēngkatau wawine wētų su ēllon Sabatë

¹⁰ Su ēllon Sabatë sēmbau, i Yesus nanēntiro su walem

pëkakaliomanengang. ¹¹ Sene piā sēngkatau wawine kų seng mapulo ualu su taunge masaki, watuu piā rohkë dalaki su ralungu watangenge. Bawine ene wētų kų mambeng tawe makararisij matei. ¹² Ene i Yesus nakasiloe, mëngkatewe kimui, ”E wawine, i kau seng naliu wou saku!” ¹³ Mase i Yesus nanēliden ļiman’E su wawine ene kų su tempo ene lai i sie nakararisij matei-tei, kų nēdalo Mawu Ruata e.

¹⁴ Tēmbonangu kanisa ene limangehë batu i Yesus napakapian tau ene su ēllon Sabatë, ualingu ene i sie nēhengetang si sire, ”Ennungu ēllo wue ipëkardiahang; kų dēntako su apan ēllo ene makisaļimaę u wadang, abe kawe su ēllon Sabatë!”

¹⁵ Mawu e simimbang, ”I kamene ini e tahapēmelle! Su ēllon Sabatë këbi taumata mëngkai masilukan sapine arau kalidene wou kandange masë lëhahakeng iapanginung. ¹⁶ Kų ēndai sini e kai piā sēngkatau wawine hēntong Abraham, kų seng mapulo ualu su taunge karēngųe maļahapusë su setang. Unųe i sie tawe hinon lukaēng bou ļahapusë e su ēllon Sabatë e?” ¹⁷ Sasimbang i Yesus ene kai nakamea si

sire apan dudoka si Yesus; arawe taumata lawo baline luluasē makasilo patiku munara mawan-tugē kēkoateng i Yesus.

Papinintun bakī u sasawi

(*Mat. 13:31-32; Mrk. 4:30-32*)

¹⁸I Yesus nakiwalo, "Kereu Mawu Ruata e mēparenta kai kereapa kakakoā e? Kai Taku isihing su apa ngae? ¹⁹Kakakoā e mēsulungu papinintu ini. Bakīu sasawi sēmbau nisa-wuhē e sēngkatau su waelē. Bakī e himētī mase nariadi kalu, ku manga manu u winalangeng e nēkoā saḷeh'i sire su manga lēlange."

Papinintun lahaesē

(*Mat. 13:33*)

²⁰Sēsuleko lai i Yesus nakiwalo, "Kereu Mawu Ruata e mēparenta, kai Taku isihing su apa ngae kakakoā e? ²¹Kakakoā e mēsulungu lahaesē niala u tau wawine mase nilau e su tapong ēpa u puḷo su litere, sarangkewe timuwo kēbi."

Tukadē masuhepe

(*Mat. 7:13-14, 21-23*)

²²Suraraleng i Yesus nakoā solong Yerusalem, i Yesus di-

maleng simahe manga soa ringangu manga kampong mang kapēnēntirone. ²³Mase pia tau nakiwalo si Sie, "Tuang, mang mahali ngae taumata masalamatē e ēng?"

Mawu Yesus simimbang, ²⁴Pēmpētātētehē sēngapam botonge sumuē u sasuēkang mahepo e. Watuu, pētahēndung! Lawo taumata sarung mēmpēdeā u mahunsuē kutēu tawe makapahunsuē. ²⁵Su tempon taghuangu wale seng nēbuā ku namaḷe tukadē e, i kamene mahundarisiete su likude ku manētāe mēmpānengkohē apid'u kapēberane, 'Mawu, topeiko tukadē i kami!' Mawu e sarung sumimbang, 'Ia bēgaweng kamene mēnsang bou a!' ²⁶I kamene sarung sumimbang, 'I kami e naung bou kimaēng dingangu nēnginung dingangu e Mawu, ku Mawu e seng nanēntiro lai su manga raleng su soang kami!' ²⁷Arawe Mawu ene sarung mēbera lai, 'Ia bēga wue mēnsang i kamene wou apa. Pēmpamehōe wou ini e i kamene tahapēkoā daḷai!' ²⁸Su tempong i kamene makasilo e si Abraham, Ishak dingang i Yakub dingangkewen kalawou nabi mēmpahuḷuasē su ralungu

Wanuan Duata Wuhu, i kame-
ne sarung mahunsangi dingang-
u mētatahangu sigēsā batu u i
kamene hala nipasēbang su li-
kudē. ²⁹I sire apam bōu sara-
meng^m dingangu sēdapengⁿ bōu
sawēnahē dingangu wōu timuhē
kū mahuluasē su Duniang Duata
kū Buhē. ³⁰Mambeng tēngadē,
piaū kasasamuriange mēngkakoā
kahumotongange ringangu pia u
kahumotongange mēngkakoā ka-
samuriange.”

**Mawu Yesus kimēndagu
Yerusalem**

(Mat. 23:37-39)

³¹Su orasē ene lai pia pirang-
katau Farisi nēmpēdēnta su a-
nung Yesus dingangu nēmpēbera,
”Abe katanā sini! Sēbangke
solōng tampa baline u i Herodes
kai mēkēkaraki mamate si Kau.”

³²Mawu Yesus simimbang,
”Dakōko pauli su tau tawē guna-
ne ene, ’Ēllo ini ringangu riōello,
Ia kai manokoļu rohkē daralaki
dingangu mapakapian taumata
masaki, arawe su ēllo katellu-
ne, Ia sarung mēlēpasē halēKu.’
³³Maningbe kerene Ia kai hinon
dumaleng mēnēpasu raralengang-
ku ēllo ini, riōello ringangu karu-

^m daki ⁿ bahe

13:28: Mat. 22:13, 25:30 13:28-29: Mat. 8:11-12 13:30: Mat. 19:30, 20:16,
Mrk. 10:31 13:35: Mzm. 118:26

mahing, batu ta hinone nabi e
pateēng su likud’u Yerusalem.

³⁴Yerusalem! Yerusalem! Ta-
hapamate manga nabi! Manga
rarolohangu Mawu Ruata e na-
sueng ētunge kahiang kame-
ne ringangu watu sarang nate!
Seng apa piran sulē Ia nāung
mapulu manampung patiku tau-
matanu mēsulungu i ninangu
manu mēndēdiaga manga anaē su
alungu papanide, kutēu i kame-
ne mang mēngkadiri! ³⁵Ualingu
ene tangu, Mawu Ruata e seng
tawe rumēndingang si kamene.
Kēngkasingkako, manētā bōu o-
rasē ini i kau sembeng tawe ma-
kasilo Sia, sarang i kau mēberau,
’Alamatē i Sie rūdēnta su areng u
Mawu Kasēllahenge.’”

**Mawu Yesus napakapian
masakie**

14 Su ēllon Sabatē sēmbau
i Yesus dimangeng ki-
maēng su walem sēngkatau
tēmbonangu tau Farisi. Sene
tangu taumata e mēngkatewe
mēpēpatehē mapia-pia si Yesus.
²Tangu rimēntae su anun Ye-
sus sēngkatau pia sakie solō
kū laede ringangu limane si-

mahēnu. ³Mase Yesus nakiwalo su manga mananēntiro agama ringangu manga tau Farisi apang ene sene, "Tuhū tēntirong agamang kite, botonge ngae i kite mapakapian taumata masakī su ěllon Sabatē arau tala?"

⁴Manga mananēntiro agama ringangu manga tau Farisi e tawē kēndiē, mase i Yesus kimui tau e kŭ napakapian sie, mase napakapulē i sie. ⁵Bou e i Yesus nēhengetang si sire, "Kereu piā sēngkatau wō'i kamene piā anā e arau sapine manawo su pahighi su ěllon Sabatē apa i sie tawē ligha mēmaturang dariō arau sapi su ěllo ene lai?"

⁶Kaiso tawēu sarang sēngkatau nakasimbahē si Yesus māanung halē ene.

Kasana u naung dingangu makēhagē mēmpēgēlli

⁷Mawu Yesus māmanda si sire manga sake mēngkai mēmpamile kakaiāneng kapaelange. Ualingu ene i Sie nanēntiro si sire kēbi. ⁸"Kereu i kamene ninotē su salimbangu pēkaka-wing ute, abe kaiang su kadera kapiange. Madiring kibasi u kai piāu lai lēdateng limembong kau

e ninotē, ⁹kŭ taghuangu wale seng nēnotē si rua kawē lumang si kau ringangu mēbera, 'Mēdorong ampungu kakaiāneng ini seng nisadia waug'u sake ramahi.' Tangu apaewe ghēguwa meane hakū i kau ringangu nasihasa katewe maiang sulikude. ¹⁰Batu ene, kamagengu i kamene ikanotē, ute pēmpamile kakaiāneng su likude, tadeau taghuangu wale sarung humaung kŭ mēbera si kau, 'Hapi ēndaiko kaiang su kakaiāneng seng nisadia.' Mageng kerene ute, i kamene adateng su tēngong kalawou sake waline. ¹¹U i sai mētēngkarang sarung iapakasana; isaiewen mētēngkasana, sarung iapakarang.

¹²Mase angkuēng i Yesus su taghuangu wale, "Kamageng i kau mēnotē taumata mēsalingbang ěllo malētu arau hēbbi ute, abe pēkui manga hapi u arau tuhangu arau anau sēmbau, lampungu makakala e. Kibasīu i sie sarung mēnotē i kau lai kŭ mageng kerene ute i kau kawalisangu lialē ene. ¹³Ene, kamagengu i kau māmangung saliwang ute, pēnotē u taumata kasiang, ponggo, peosē, buta. ¹⁴I kau e

sarung alamateng, batu i sire ene taweu sarung ipamalise kapianu. Kapianu e sarung bali-sangu Mawu Ruata su tempomg manga taumata apan mapapia e, ipembang kapia wou papatene."

Papinintun saliwang masaria
(*Mat. 22:1-10*)

¹⁵ Su tempom sengkatau wouteng kimaeng sengkakaeng dingang'E sene nakaringihoko waweran Yesus, meberau, "Kariangkamang i saing kukaeng sengkakaeng dingangu Mawu Ruata, maengu i Sie rumenta kere sengkatau Ratu!"

¹⁶ Kutu i Yesus nhengetang su tau ene, "Su sensule tempo pia sengkatau namangung saliwang masaria ku noteta taumata lawo. ¹⁷ Saraeng seng tempone maneta e saliwang tau e rimoloh'u ellange nipauli su taumata apan ninoteta e ku nebera, 'Salamat mahundenta u kibi seng nasadia!' ¹⁸ Arawe i sire kibi, sengkatau-sengkatau e naneta e ndorong ampung. Humotonge nebera su ellange, 'Ia kai wuhue nemelli entana, ku mabeng harus dumaleng mekalla. Ampunge wue ia.' ¹⁹ Sengkatau ute waline nebera, 'Ia kai wuhue

nemeli sapi limam pare, ku kai reng salukateng manga sapi ene. Ia medorongke ampung.' ²⁰ Sengkatau ewe waline malaing nebera, 'Ia wuhue pekawing, ku tawe makarenta.'

²¹ Ellange ene napule e ku nauheng hale ene su mawune. Ene, matimadu wale mengkate limangehe ku nebera su ellange, 'Dakoe pakasahawu solong manga raleng dingangu loronge su soa. Mengkate wawa tau kasiang, ponggo, buta, ringangu tau peose.' ²² Bou e ellange nebera, 'Mawu, parentang Mawu seng nikakoa, arawe tampa bedang pia lahe.' ²³ Tangu mawune nebera, 'Dakoe solong manga raleng gaghuwa dingangu manga loronge su likud'u soa, ku mang pakaparingang apahunsue, medeau waleku e mapene. ²⁴ Petahendungko! Taweu sarang sengkatau wou talorang manga sake apan seng ninoteta e makateeng saliwangku ini!'"

Petatumbiag'u sengkatau murite

(*Mat. 10:37-38*)

²⁵ Ene mengkate lawo-lawo taumata mahundaleng dingang-

kewen Yesus. I Yesus nēbilingke kŭ nēhengetang si sire, ²⁶”Kereu i sain dumēnta su anuKu, kutęu kai limembong kakēndage si ninange, si amange, su kawinge, su manga anaŭ sēmbau e ore ļai watangenge, ute i sie tawe makoā muritęKu. ²⁷I sain tawe mamasaęng kuruisę kŭ tumoļe Sia tawe mariadi muritęKu. ²⁸Kereu sęngkatau wo’i kamene mapulu mēlanging candi, ute i sie reng maiang mēndekeng kaļamona ongkose mēdeau i sie masingka mēnsang doite makarating bue sarang maghanapę arau tala. ²⁹Kai kereu nalahe i sie ta makasue munarane, sēmbaļiau wawukune seng nipapęllo, kŭ kębi apang makasilo munara ene sarung mēmpębaheau sie. ³⁰I sire sarung mēmpębera, ’Ai, i anu ęndaļ e nęlanging candi, kutęu i sie tawe makasue!’ ³¹Kereu sęngkatau ratu piā soldadone mapuļo hiwu sukataune, mapulu mēmpęseke u ratu waļine soldado duam puļo hiwu sukataune, nalahe u ratu ene sarung kumaiang męsipirę męnsang makaroka bue pęsęsetang ene. ³²Kereu i sie masingka u i sie tawe makaumaļę

ute, paļibe roka e reng marau, i sie sarung dumolohęben darolohange apakiwaļon kaianengu pędarame.” ³³Pęngęsueęnge i Yesus nēhengetang, ”Kerene lai ringangi kamene. Tawęu sarang sęngkatau wo talaorang kamene makoā muritęKu e kereu i sie tawe manarakangu patiku apan tętaghuanengu e.”

Asing malele

(*Mat. 5:13; Mrk. 9:50*)

³⁴”Asinge apaewe mapia, kai kereu asinge malele, botonge ngae sau mapęhadę? ³⁵Sembang tawę gunane lai, waļawe su ęntana arau ipęlau pupukę kŭ katewe iręmme. I sain piā tuļine, pędaringihę!”

Domba nailang

(*Mat. 18:12-14*)

15 Su ęllo sęmbau ļawo maghaghęlle bea ringangu taumata ilęnsilę daļai kahian sęngkawanuang, nahundęnta rumaringihę si Yesus. ²Tau Farisi ringangu manga mananętiro agama e męngkate męgęgahatang. I sire mēmpębera, ”Sih, tau ęndaļ e manarima si sire taumata apan

daralaj dingangu kukaeng sengkakaeng dingangi sire!" ³ Ualingu ene i Yesus nēbēkem papinintu ini si sire.

⁴ "Kereu pia sengkatau wou taloarang kamene pia dombane mahasu, mase kailangengu sēmbau – kai apae koatenge? Sembeng tēngadē i sie sarung manēntang u domba siom puḷo sio e su wimbaengu rēmpugē ku dumaleng mēdeā sēmbau nailange sarangkewe ikareā. ⁵ Ku kereu ikareā kapia domba ene ute, i sie kereng kaḷuase hakū nilēngkange domba ene su wēmbange, ⁶ mase niḃawawane napuḷē. Bōu e i sie kimui manga hapie ringangu manga lampunge ku nēbera, 'Mahie i kite mahuluasē! Dombaku nailange seng taku kinareā kapia!' ⁷ Tangu, kerene lai su sorga pia daḷuasē masaria kahian sengkatau taumata waradosa nētoḃatē, limembo wou siom puḷo sio taumata seng mapia ku tawahaḷuas'u mēmpētoḃatē."

Doitē nailang

⁸ "Arau kereu pia sengkatau wawine pia doite saḷaka mapuḷong kaḷēpa kuteu nikailangengu sēngkaḷēpa – apae koatenge? I sie sarung mēndikō soḷo

ku manapu walene mase mēdeā suapan tampa saraeweng ikareā doite ene. ⁹ Su tempong i sie nakareā doitē ene, i sie kimui manga hapie ringangu manga lampunge, mase nēbera, 'Ia e maḷuasē kahēngang batu sēng kinareā doitēku e nailang. Mahie i kite mahuluasē!' ¹⁰ Kerene lai maḷekat'u Mawu Ruata luḷiageng kereu sengkatau taumata waradosa mētoḃatē bōu kaḷawou rosane. Pēmpangimangko!"

Ana nailang

¹¹ Mawu Yesus nēhengetang lai, "Pia sengkatau matimadē pia anae ese duangkatau. ¹² Sembau tuari nēbera si sie, 'Amang onggoe sia darotong bageangu su orasē ini wou kakakala i kite.' Tangu i amange nēpapaihang kakalae su ana e raru. ¹³ Manga e pira ḷlo tuḃu e tangu ana e tuari e nēbaḷu pusaḃa baḃageange, mase i sie nakoḃa soḷong banua marau. Sene i sie nēbatue kapulune nēgaghōlo u roitē su pēbawiahē mēḷḷembaihang ta kēhase. ¹⁴ Saraeng doite seng nasue e kēbi, nariadi su wanua ene kaḷahutung marasai, hakū i sie nanēta e nikakawusange. ¹⁵ Ene i sie rimaḷengke nēhaḷē e su sengkatau mēma-



Domba nailang (15:4)

mamunarane sene, ku nirolöhe i sie soḷong baelē, niapēlukadē manga wawi. ¹⁶I sie mēngkatewe lunu-lunusē hakīu mapulu mēloho tiange ringangu kaēngu wawi e. Maning seng kerēn kaḷunuse, kaiso mang ta u sarang sēngkatau nakaonggou kaēng si sie. ¹⁷Pēngēsueēnge i sie nēkakaḷiu naunge ku nēbera, 'Taumata apang mēlēhaḷē su anung amangu e kai kēkaḷemboēngu kaēnge ku ia e ēndaung mateḅen lunusē. ¹⁸Ia e mēbuako ku mēsuleko soḷong anung amangu, ringangu mēbera: Amang, ia nēdosa su Mawu ri-

ngangu si Amang. ¹⁹Ia sembeng ta hinone isēba ana. Ia koa e kere sēngkatau taumatan sewa si Amang.' ²⁰Tangu i sie mēngkatewe nēbuḷa soḷong anung amange.

Kuteu wēdang marau wou wale i sie seng nikasilong amange. Ku naunge mēngkatewe nēkakaḷēkaden tatalēntu, i sie timaḷang nēlahēku dingangu rimēngu. ²¹'Amang,' angkuēng u ana e, 'ia e seng nēdosa su Mawu ringangu si Amang. Sembeng ta hinone ia isēba ana i Amang.' ²²Arawe i amange kimui manga ēllange dingangu nēhengetang,

'Lighako! Ala laku kalënggihange ku luheko si sie. Luhein sinsing su talimëdone ringangu sapatu su laede. ²³ Bou e alako ana u sapi riõ matawa ku potoko! I kite deng mahungkaëng dingangu mahuliagë. ²⁴ U anaku ini e naung nate, kuteu nëbiahë kapia; i sie naung nailang kuteu kinarea sau.' Mase i sire nanëtae nësaliwang.

²⁵ Kapësësaliwange, ana iakang kai su waelë. Sarangke i sie susongo ku naranjeng bale, i sie nakaringihë tingihu musikë dingangu salai. ²⁶ I sie kimui e sëngkatau wou manga ëllange, mase nakiwalo, 'Mënsang kawe pia apa e ini su wale?' ²⁷ Ëllange simimbang, 'Tuarin Tuang kai nasongo! Ku i amang i Tuang seng nakipotõ u ana u sapi matawa, batu ana e saube kinarea suralungu kapapian badang!'

²⁸ Ana e iakang mëngkatewe limangehë ku maðiri tarai dumangeng su wale. Ku katewe i amange tanae limintu nanahionge si sie. ²⁹ Arawe i sie kai simimbang, 'Seng pira-pira e su taunge karëngue ia mëlëhalë baug'i Amang kai tawë sarang sënsule ia limawang parentang Amang. Ku kai apa e nikaonggo i Amang si sia? Kadiongeng deng

manga kambing sëmbau? Kai i Amang tawe nangonggo tadeau ia demben makapësaliwang dingangu manga hapiku! ³⁰ Ana i Amang ene seng nëngënsue kakakala i Amang dingangu wawine tahasundaë, kai sarang i sie nawali e i Amang nakipotõ ana u sapi matawa si sie!' ³¹ 'Anaku! angkuëng i amange, 'i kau e sëntinia mëngkatewe su anuku. Ku apaewen si sia e, mëngkai si kau lai. ³² Arawe i kite mambeng hinone mëdaluasë dingangu mahuliagë e, watu tuarinu e naung nate kuteu ëndai sau nëbiahë; i sie naung nawuhi kuteu ëndai saube kinarea kapia.'"

Sawohi matahuëna

16 Mawu Yesus nëhengetang su manga murit'E, "Pia naung sëngkatau kala. I sie pia sawohi e mëngangurusë kakakalae. Tau kala ene nakaëbae aduhangu sawohie kai mëgëgagholu roite. ² Kuteu i sie nakireang sawohie ku nëbera, 'Kai apaë ngae ikëkaringihëku maanun kau? Orasë ini, pëhabarëko pakaunsu-unsui halëu pananahimatanu su rarotongku. U i kau seng tawe wotonge makoã sawohi u mëngangurusë doitëku.' ³ Tangu sawohi ene mësesipirë,

'Kai mēkapura e tangu ia e? Mawuku e kai mēlēlohosu ia. Mamacolē ia tawe makakoā; mētaharorong ia e kai mamea. ⁴Ia nakahēngangke; kereu ia nalohosete, ia harusē lawo hapiku manarima su walēn sire!' ⁵Kuteu sawohi ene kimui e si sire apan pia utange su mawune. Su humotonge, i sie nēbera, 'Pira e utangu su mawuku e?' ⁶Tau ene simimbang, 'Mahasu su wēnsad'u lanang zaitun.' Sawohi e nēbera si sie, 'Alako surat'u utangu. Kaiangke ku ligha pēmohe: liman pulo.' ⁷Bou e i sie nēbera su tau karuane, 'Ku si kau pira e utangu e?' Tau e simimbang, 'Sēhiwu su karong'u gandum.' Sawohi e nēbera si sie, 'Ini alako surat'u utangu. Bohē e: ualu hasu.'

⁸Tangu mawun sawohi u roitē ku tawē katulide e nēdalo si sie ualingu kakanoā e matahuēna; u manga taumatan dunia e limembo matahuēna mangatorē urusang i sire wou manga taumata mēbēbiahē su tualagē."

⁹Mase i Yesus sawewe nēhengetang kapia, angkuēnge, "Pēm-

pēdaringihēko! Pakēko arēta u dunia ini waugu makareā hapi, tadeau kereu arēta u dunia ini seng ta arēgane, i kamene sarung ikatarima su ēllong kakalē e. ¹⁰I saing kēkapangimangeng suralungu manga halē dararodo kēkapangimangeng lai su nianga halē gaghaghuwa. Arawe i sain ta ikapangimangeng suralungu manga halē dararodo, maiaing ta ikapangimangeng su manga halē gaghaghuwa. ¹¹Kerene, kamageng su halēu arēta u dunia e i kamene seng ta ikapangimangeng, i sai tangu niapulu mangumbalang kamene su halē arēta marohkē? ¹²Dingangu kereu su rarotongu waline i kamene lennau ta ikapangimangeng, ute i sai wue mapulu mangonggo apan makoā tataghuaneng i kamene?

¹³Taweu sarang sēngkatau makapētahamawu su mawune raru; watu i sie kumēndagewen sēmbau nēngalembo wou waline, arau i sie masatia su mawune sēmbau wou waline. Kerene lai i kamene. I kamene tawe makapētahamawu su Mawu Ruata ringangu lai su arēta."

Manga hengetang u Mawu Yesus

(Mat. 11:12-13, 5:31-32)

(Mrk 10:11-12)

¹⁴Tau Farisi nakaringihě kěbi apan nipěhengetang i Yesus, mase i sire němpahulěge něbaheun Sie, watu i sire papuluang su roitě. ¹⁵Arawe i Yesus něhengetang si sire, "I kame-ne kai taumata ikěkasilo adilě su těngong taumata waline, kai Mawu Ruata e masingka u ralungu naung i kamene. U apan lěennaěng marangě su taumata, kai kěkakěllaěng masana su Mawu Ruata e.

¹⁶Toratě ku nigaghělli i Musa e ringangu těntirong manga nabi e, wodang mapakě sarang tempon Yohanes Manana-hani. Dokeng tempo ene Injilě maanung kereapa Mawu Ruata měparenta kere sěngkatau Ratu měngkate hanesě ipědědala-habarě. Ku taumata e měngkai měpěpapulaho makoā umat'u Mawu Ruata. ¹⁷Kai ěndou katewe langi dingangu dunia e mapaghohě, sulungu piā hurupě sěmbau bou torat'u Mawu e mailang.

¹⁸I sai mauindo kawinge mase měkawing dingangu wawine waline, tau cue e nawuang. Dingangu i sai měkawing dingangu wawine ku nisindoěnge maļaing nawuang."

Tau kala dingang i Lazarus

¹⁹"Ene naung piā tau kala. Pakeange měngkai maļalěgadě, ku měngkatewe měsěsaliwang ěllo-ěllo e. ²⁰Ku piāko tau kasiang mapapěllo su pasěllangengu walene arenge i Lazarus. Awaē napěpidu hampang. ²¹I sie mapulu měloho tiange dingangu popahu kaěng maļondosě bou medang tau kala ene. Asu ruděntakoļai měmpělělewa hampang.

²²Tau kasiange wou e nate, ku niěntud'u maļaekate sarang tampa kawantugange su sěndihang i Abraham su sorga. Tau kala e nate e ļai ku nilěbing. ²³Su katanakeng u taumata nate i sie měngkate apa masigěsa. Ku su tempong i sie riinalingara ute, i sie nakasilōe si Abraham dasi marangě dingangu i Lazarus susěndihang i Abraham. ²⁴"Tuang Abraham!" kakuien tau kala, "Talěntukon ia. Oroiko i

Lazarus apangunon talimēdone su ake, ku apēnanta lilaku. Ia mangkewen nasunsara su raŕungu rēlliū putung ini!’

²⁵ Kutēu i Abraham simimbang, ’Pētahēndung bue anaku: kananduen pēbawiah’u i kau seng nakatarima apan mapapia, arawe i Lazarus e nakahombang dalaki e. Ku ini i sie maŕunsemahē arawe i kau e masunsara. ²⁶ Tapengu lai, su taŕoarang kau ringangu i kami e seng pia tagialue maloang tadeau i sain bou ini tawe makatamai ringangu i sain bou pai e tawe makaramahi!’ ²⁷ ’Kamageng kerene, Tuang,’ angkuēng u tau kala e, ’ia mēdēdorong sēngapang botonge si Tuang pēndoloh’i Lazarus sarang baleng amangku e. ²⁸ Pia ŕimangkatau ana u sēngkatauku senē. Dolohēko i Lazarus apēnasako si sire, madiring i sire lai manawo su tampa masunsara ini.’

²⁹ I Abraham simimbahē, ’Si sire seng pia manga bukē i Musa ringangu bukē u manga nabi! Balā e i sire raringihē apan maŕawohē suraŕungu manga bukē ene!’ ³⁰ Arawe tau kala e simimbang, ’Ene kai tawe makahētibē, Tuang Abraham.

Kai kereu pia taumata nate mēbangung kapia ku dumēnta sarang anun sire, ute i sire mēmpētohatē bou kaŕawou rosan sire.’ ³¹ Kutēu i Abraham nēbera, ’Kereu i sire tawe rumaringihē parentang Musa ringangu manga nabi ute, naŕahēu i sire tawe mēmpangimang manilaing pia taumata nate mēbangung kapia.’”

Haghin saŕarang makakoā taumata mēmpēdosa

(*Mat 18:6-7, 21-22; Mrk. 9:42*)

17 Mawu Yesus nēhenge-tang su manga murit’E, ”Manga haghin saŕarang makakoā katatangaēngu taumata mēmpēdosa tēngadē sarung lumēto. Arawe kaēngkēhang i sai makakoā katatangaēng! ² Maŕiangbe kereu watung gilimang ŕilaiki su lehe e, mase i sie niwontolē su laudē, suŕungu i sie makakariadin sēngkatau wou manga rariŕo tamai nēmpēdosa. ³ Uaŕingu ene pakapia wue!

Kereu ana sēmbau u mēsaŕa, ute pēberai. Ku kereu i sie mēsasēsilē ute, ampunge wue i sie. ⁴ Kereu i sie nēsaŕa si kau pitun suŕe saŕello ku apan su suŕe ne rumēnta su anunu ku mēbera

u, 'Ia mēdorong ampung,' ute ampunge wue i sie."

Māanun pangangimang

⁵Manga rasulē nēmpēbera e su Mawu Yesus, "Mawu, toghaseko pangangimang i kami e."

⁶Mawu simimbang, "Kereu i kamene pia pangangimang kere kaguwaṽ wakī u sasawi ute, i kamene makapēbera su kalu murbei ēndaj, 'Kaēbuko i kau ku kasuangko su sasi,' tēngadē kalu ene sarung tumuhu si kamene."

Hinong koateng sēngkatau ēllang

⁷"Kereu sēngkatau woi kamene pia ēllange māmunṽkalang ēntana arau mēlalukadē domba. Kamageng ēllange masongo ku i sie makawera wue ngae si sie, 'Mahie ligha e kaēng'? ⁸Mamben tala! Kasuenge i sie sarung mēbera si sie, 'Pēlloko kaēngku, Pēluhengkon pakeang burēsi ringangu hapaiko ia, tēntalang deng kakaēnge ringangu kapēnginunge; bōu e i kau e wuhude kaēng.' ⁹Ēllang ene tawahaṽuas'u raloēng ualingu seng timuhu parentang māwune wēgang? ¹⁰Kerene lai i kamene. Kereu i kamene seng nēmpēkoṽ kalawōu apae-

wen ipakikoṽ si kamene e ute, pēmpēberaṽ u, 'I kami ēllangbe wiasa; i kami kētaeweng mēkoṽ apang hinong koateng i kami.'"

Mawu Yesus napakapian mapulōngkatau

¹¹Suraralengang sarang Yerusalem, i Yesus kai rimaleng bōu wēlla u Samaria ringangu Galilea. ¹²Pia e simuē su kampung sēmbau, i Sie nirēntaēngu mapulōngkatau pia sakie su pisi, makatatakū. I sire ruṽdarisi bōu maraune, ¹³ku mēmpēkēkui maṽlaiha, "Mawu Yesus! Talēntukong kami e!"

¹⁴Sarang i Yesus nakasilo si sire, i Sie nēhengetang, "Dakoṽ pēmpētēngkatodē su manga imang, pēdorong si sire pamarikēsa wadang i kamene."

Kapahundalengete i sire nēngkaulē e wōu sakī i sire. ¹⁵Kuteṽ sēngkatau woi sire napapēndangu i sie seng napia ute, mēngkatewe nēsulē kapēdalōng tingihē maiha su Mawu Ruata e. ¹⁶Mase su tēngon Yesus, i sie nētēngkasumagē ku makitarimakasē e i Sie. Tau ene tangu kai tau Samaria. ¹⁷Bōu e i Yesus nēhengetang, "Karaṽ kawe mapulōngkatau arau napia?"

Ku kawē suapa ho i sire siongkatau lai? ¹⁸Unuē kētaen tau raghi ěndai e nēsulē kapia nakitarimakasē su Mawu Ruata?" ¹⁹Mase i Yesus nēhengetang su tau e, "Pēbuā e ku kapulē e. Ualingu i kau mangimang si Sia ute i kau nauē."

Tempon Mawu Ruata mēparenta

(*Mat. 24:23-28, 37-41*)

²⁰Pia tau Farisi pira-pirangkatau nakiwalō si Yesus mēnsang angere Mawu Ruata rumēnta mēparenta. I Yesus simimbang, "Kararatuangu Mawu Ruata e tawe tētakengu tatiala ikēkasilon taumata, ²¹hakū taumata makapēbera, 'Mahi e kakēlla, ěndai i sie!' arau, 'Pai sene i sie!' U Mawu Ruata seng manēta mēparenta si kamene."

²²Bou ene Mawu Yesus nēhengetang su manga murit'E, "Sarung dumēnta tempone i kamene mapulu reng makasilo ěllo sēmbau bou patiku ěllong Ahus'u Taumata, kaiso i kamene mang ta makasilo. ²³Sarung pia taumata mēbera si kamene, 'Kakēlla, pai sene!' arau, 'Kakēlla ěndaung sini!' Kai kumbahang i kamene

sumēbang mēdeā si sie. ²⁴Kereewe kakerongu kilā su langi ku maṭuahē bou pondolē sarang pondolē, kerene lai sarung kakakoā u Ahus'u Taumata e su ěllon'E. ²⁵Kai kakalimonaēnge i Sie mang deng harusē masunsara ku ikadirin taumata orasē ini. ²⁶Su ěllong Ahus'u Taumata sarung ilēlahē kakakoā e mēsulungkewen naung su tempong Noakē kalimona e. ²⁷I sire naung nahungkaēng dingangu nēmpanginung dingangu nēmpēkawing; ku kerene mēngkate sarang i Noakē e simuē su ralungu kapalē ku nirēntaēngken dalulung ku nakawinasā e kēbi taumata.

²⁸Mēsulungkewelain su tempon Lotē. I sire maṭuhungkaēng mēmpanginung mēbēbawēlli, maṭēnsinuang dingangu mēmpēlēlanging bale. ²⁹Arawe saraeng i Lotē simēbang bou Sodom, su ěllo ene putung dingangu malelang ěnnaē nēboang bou langi ku nakawinasā e si sire kēbi. ³⁰Maṭaing kerene sarung su ěllon pētēngkalāhekangu Ahus'u Taumata e.

³¹Su ěllo ene i sai su wong atu u walene, abe lintu mangalā manga apaliwu e su-

raꞑungu waꞑe. Maꞑaing kerene i sain su waelë, abe pësule sarang baꞑene. ³²Pëmpëtaheꞑdung apan seng nariadi su kawing i Lotë. ³³I sai mëtëngkasalamat'u pëbawiahe sarung kailangengu pëbawiahe. Arawe i saing kailangengu pëbawiahe sarung makauntung. ³⁴Pangimangke: Su hëbi ene, duangkatau su pëtatikilang sëmbau, sëngkatau paringaneng dingangu sëngkatau itëntang. ³⁵Duangkatau wawine kapëlutã e gandum sëngkatau paringaneng, dingangu sëngkatau itëntang. [³⁶Duangkatau mamunara su lantang sëngkatau paringaneng, ku sëngkatau e wue itëntang.]”

³⁷Manga murit'i Yesus nëmpëkiwaꞑe, ”Suapa wue ene sarung mariadi Mawu?”

Yesus simimbang, ”Suapan pia^o bangke ute, sene pia manu mananodõ bangke ene.”

Papinintung bawine waꞑu ringangu mëlähukung

18 Bõu ene i Yesus mëbëbëken sëmbau papinintu waugu ipanëntiro manga murit'E tadeau i sire hanesë mëmpëdoar ringangu tawe ikawesü u ënna.

^o kasuang = bangkai

²Mawu Yesus nëhengetang, ”Su soa sëmbau kai pia mëlähukung ku tamatataku u Mawu Ruata e, dingangu tawe mëndarekeng i sai-sai. ³Su soa ene pia lai sëngkatau wawine waꞑu ku seng pira-pirang suꞑe mëtëtëngong mëlähukung ene mëdëdorong perkarane pakiontolë, 'Tuꞑungko ia mëtëngon dokaku,' angkuëngu wawine waꞑu ene. ⁴Ene sëngapang dëngue mëlähukunge tawe mapulu mëtulungu wawine waꞑu ene. Kai samurine mëlähukung ene kai nëtinëna, 'Maningbeng ia tamataku u Mawu Ruata ringangu tawe mëndarekeng i sai-sai, ⁵kai ualingu wawine waꞑu ini mëngkai hanesë dudënta manahaghe sia, mapiangbe ia mëtulungu perkarane. Kai kereu tala, i sie mëntëhang mëngkai hanesë dudënta ku makasigësa si sia.'”

⁶Bõu e Mawu nëhenge- tang, ”Pëtinëna apan ku ni- werang mëlähukung ta katulide ene! ⁷Ho! Sënaungu Mawu Ruata kai ta makakoã tumatawang pëkarang umat'E sësane ku mëmpëkëkaꞑiomaneng si Sie ëllohëbi? Su naungu i Sie mënënoho

u tempo mēdeau mētulung i sire?
 8 Pangimangke: I Sie mēngka-
 te masahawu tumatawang per-
 karang sire! Kaiso kamageng A-
 hus'u Taumata rumēnta, apa
 wēdaweng makahombang tauma-
 ta mangimang si Sie su dunia
 ini?"

Papinintung tau Farisi ringangu maghaghēlle bea

9 Mawu Yesus maļaing nē-
 bēkeng papinintu ini ku pinēti-
 monan'E su taumata mapaka-
 sana u taumata waline, kaiso
 mangiaking u batangeng i sire
 mapia. 10 Angkuēng i Yesus, "Pi-
 a tau ruangkatau ku nako-
 rang baleng Mawu mēmpēkaļio-
 maneng. Sēngkatau tau Farisi,
 ku sēngkatau e waline lai e ma-
 ghaghēlle bea. 11 Tau Farisi ene
 rimarisi nētēngkahae sēsane ku
 nēkaļiomaneng, 'Oh Ruata, i-
 a makitarima kase si Kau, u i-
 a baline kere taumata sēngga, ku
 tahapēhampasē, ta katulide, arau
 tahawuang. I-
 a makitarimakase
 ualingu i-
 a balinewe mēsulungu
 maghaghēlle bea ēndai ene. 12 I-
 a mēpuasa duan sule sēngkami-
 sa dingangu i-
 a mangonggo u
 sasēmbaku si Kau katahapuļong
 bahageange bou kēbi ēbaku.'

13 Arawe maghaghēlle bea ene
 dudarisi bou maraune dingang-
 u saļa matakū kadalingarane sa-
 rang ļangi. Apid'u kapēngapune
 sēba e i sie kapēberane, 'O Ma-
 wu Ruata, talēntukon I-
 a taumata
 waradosa ini!"

14 "Pangimangke," angkuēng
 i Yesus, "su tempong napuļe
 soļong bale, maghaghēlle bea e-
 ne ku nitarima u Mawu Rua-
 ta balinewe tau Farisi ene. U
 apan taumata ku mētēngkarange
 u watangenge kai iapakasana;
 dingangu i saing ku mētēngkasana
 u watangenge kai iapakarange."

Mawu Yesus mangalamatē manga rariō

(Mat. 19:13-15; Mrk. 10:13-16)

15 Pi-
 a manga taumata nēm-
 pēbawa manga rariō darodo
 soļong anun Mawu Yesus ta-
 deau i Sie manenggehē dingang-
 u mangalamatē si sire. Saraeng
 manga murit'i Yesus nakasilo e-
 ne, i sire kai limangehē su tauma-
 ta ļawo ene. 16 Kai i Yesus nēkui
 manga rariō e mase nēhengetang
 su manga tumatoļen'E, "Bal-
 a e
 manga rariō aparēnta su anuKu!
 Abe sahahei i sire, batu kai tau-
 mata kere ēndai ini mako-
 a an-
 a u Mawu Ruata. 17 Tahēndunge-

ko! I sain tawe mětəngon Duata e kere manga rariŋ ini, tawe ma-koə manga ana u Mawu Ruata.”

Kakakoə u taumata kala

(*Mat. 19:16-30; Mrk. 10:17-31*)

¹⁸Səngkatau pangaha u tau Yahudi e nakiwalo su Mawu Yesus, "Tuang Guru lədateng, ia harusə məkapura ho, tadeəu makaəba pəbawiahə kakalə?"

¹⁹"Kawe unəe i kau mēsəbə u Ia mapia?" kakiwalon Mawu si sie. "Tawəu sarang səngkatau mapia, sulikud'u Mawu Ruata səsane. ²⁰I kau seng masingka manga parentang Mawu Ruata: 'Kumbahang mawuang, kumbahang mamate, kumbahang mətako, kumbahang mēsahiding konti, ringangu pangadatə si amangu ringangu si ninangu.'"

²¹"Kəbi parenta ene seng taku nituhukang, dokeng ia bədang kadodo," sasimbangu tau ene.

²²Nakaringihə ene, i Yesus nēhengetang, "Bədang pia səmbau hinong koatengu: Baluko kəbi arəta u ku onggoko roite su tau kasiang, ku i kau sarung makahombang arəta u su sorga. Bəu ene mahie tole Sia." ²³Sa-

rangke tau ene nakaringihə ene, i sie mēngkatewe masusa naunge, ualingu i sie kai kala kahəngang.

²⁴I Yesus masingka u tau ene masusa naunge ualingu ene Mawu Yesus nēhengetang, "Masigəsa kahəngang tau kala makoə kawanua Mawu Ruata! ²⁵Malowokangbe unta sumuə su tulin darahung, sulungu tau kala sumuə su kararatuang u Mawu Ruata."

²⁶Kəbi taumata apan nakaringihə si Yesus nēhengetang kere ne nakiwalo, "Kamageng kere ne, i sai tangu hinong masalamatə?"

²⁷Yesus simimbang, "Apan tawe mariadi su taumata e, mariadi wue su Mawu Ruata!"

²⁸Mase i Petrus nəbera, "Kakəlla! I kami seng nanəntangu səmbaleəng baugu tumole si Tuang."

²⁹"Pangimangke!" angkuəng i Yesus, "I sain seng nanəntangu walene, arau kawinge arau mahuanene arau inang-iamange arau manga ana e ualingu mətangkiang Mawu Ruata, ³⁰i sie sarung balisang limembong kalawoə pira haweng su tempo ini, dingangu su tempo sarung dumənta, i sie sarung gəlikangu

pětatumbiahě tutune ringangu kakalě.”

**Mawu Yesus nēbisara
katëllung sulene halě u
kapapohonge**

(Mat. 20:17-19; Mrk. 10:32-34)

³¹Mawu Yesus nangomoli sire murit'E mapulo dua nihaene mase nēhengetang, "Daringihěko! I kite ini mētētmona Yerusalem. Pai sene, kēbi apan niwohě u manga nabi maanun Ahus'u Taumata sarung mariadi. ³²I Sie sarung isarakang su apan taumata waline Yahudi, ku sarung mētaghunalang, mēhinakang dingangu mangědu si Sie. ³³I sire sarung manigěsa dingangu mamate si Sie, arawe su katëllu ëllone i Sie sarung mēbangung."

³⁴Patiku ene tawe nikaēnnaēngu manga murit'E sarang kadodo-dodo. Mangalen bawerang Yesus ene nibawunin sire. I sire bėgan Sie mēnsang mēbēbisarang apa.

**Mawu Yesus napakapian
taumata wuta taharorong**

(Mat. 20:29-34; Mrk. 10:46-52)

³⁵Su tempon Yesus marani mahumpa u Yerikho, sėngkatau

wuta maiang mētaharorong su wih'uh' u raleng. ³⁶Pia i sie nakaringihě taumata lawo susahe i sie nakiwalo, "Kai pia apa?"

³⁷"Yesus tau Nazaret ene susahe," angkuēng i sire si sie.

³⁸Tangu tau wuta e nēkiaē, "Yesus, Ahus'i Daud! Talēntukong ia!"

³⁹I sire apan su tēngone, nēmpēpēdu ringangu nēngoron sie apakademasē. Kai i sie saunengkewe nēkujēwen tingihe limembong kaiha e, "Ahus'i Daud! Talēntukong ia!"

⁴⁰Mawu Yesus nēdung dingangu nagoro taumata apēbēbawa tau wuta ene sarang anun'E. Saraeng i sie nahumpa, Yesus nakiwalo, ⁴¹"Kai apa kapulunu Taku koateng si kau?"

"Tuang," sasimbahu tau wuta ene, "ia mapulu makasilo."

⁴²Mase Mawu Yesus nēhengetang, "Kamageng kerene ute, pēkellae! Ualingu i kau mangimang si Sia ute, i kau e muļe."

⁴³Su tempo ene lai, i sie ringangu nakasilo, mase i sie timole si Yesus apidu nakitarimakasē, su Mawu Ruata. Saraeng taumata lawo e nakasilo e halě ene ute, i sire kēbi nēmpēdalo Mawu Ruata.



Mawu Yesus dingangi Zakheus

19 Saraeng i Yesus nahumpa su Yerikho, i Sie mēngkatewe rimalengu soa ene. ²Su soa ene piā sēngkatau tēmbonangu maghaghēlle bea kalā, Arengē i Zakheus. ³I sie mapulu makasilo kai i sai Mawu Yesus ene, ku ualingken taumata tumanju lawo dingangu i sie sēsane kai masana, ute i sie tawe nakasilo si Yesus. ⁴Kuteu i sie timalang nangalamona taumata lawo, bou e naawi su kalu, tadeau makasilo si Yesus ku ta kadēngue sarung sumahē sene. ⁵Saraeng i Yesus nahumpa su kalu ene, i sie rimalingara mase nēbera, "Zakheus lighako ēnaē

dēlusē! U Ia e kai mapulu mawuna su walenu sahēllo ini."

⁶I Zakheus mēngkatewe masahawu-sahawu dimēlusē dingangu nanarima si Yesus napeņ u raļuasē. ⁷Kēbi taumata nakasilo haļē ene nanētaē nēmpēgahutu. I sire nēbera, "Sih! I Sie tamai makisake su walēn taumata raļai!"

⁸Bou e su walēne, i Zakheus dimarisi dingangu nēbera e si Yesus, "Mawu, sēmbahageang bou arētaķu, taku ionggo su taumata kasiang; dingangu balae i sai wou taku kinaakaleng, sarung taku baehang kapia si sie ēpa u suļē!"

⁹Mase angkuēng i Yesus, "Su sahēllo ini i kau ringangu kalawou raļohon balenu masala-

matë dingangu ghëllikangu pëbawiahë buhu, batu mang i kau lai hiten Abraham. ¹⁰ Ahus'u Tau-mata rumënta mëdeã dingangu mapakasalamatu apang nëngkapalidë."

Papinintung doitë bułaeng

(Mat. 25:14-30)

¹¹ Pia e i sire wëdang kapëdëdaringsi si Yesus mëbëbisara, i Sie nëbëken papinintu sëmbau. Batu su orasë ene i Sie maraning Yerusalem, dingangu taumata mangiralingu Mawu Ruata seng ligha mëparenta kere sëngkatau Ratu su dunia. ¹² Mawu Yesus nëhengetang, "Pia sëngkatau tuhasë ku nakoã solong banua marau mëdeãu mahengke makoã datu, mase mësulë kapia. ¹³ Bëdang ta nëbëbua, i sie nëkui mapulangkatau ëllange, mase nangonggou roitë bułaeng pësëngkalëpa si sire pësëngkatau. 'Pëmpëdagangken doitë ini karëngüewen ia suraralëngang,' angkuënge si sire. ¹⁴ Arawe ralohon soa ene mëbëbinsi i sie. Kuteu, saraeng i sie seng napa-ghohë i sire nëndolohu rarolohang tadeãu apauliu, 'I kami ma-

diring tau ini iapakakoa datang kami.'

¹⁵ Kaiso tuhasë ene nahengke naratu bou e nësulë su wanuane. Mëngkate apa masahawu i sie kimui manga ëllange apëtëtëngo, tadeãu makakasingkau kalawou untunge nikatarima i sire. ¹⁶ Ëllang humotonge rimënta ringangu nëbera, 'Mawu, doitë bułaeng ku nionggou u Mawu e, seng taku kinakoã mapulong kalëpa.' ¹⁷ 'Mapaelë,' angkuëngu mawune, 'i kau ëllang mapia! Ualingu su manga halë dararodou, i kau wotonge kapëngumbalaëng ute, ia sarung mëkoã si kau mangawasa soa mapulo.' ¹⁸ Ëllang karuane rimënta ringangu nëbera u, 'Tuang, doitë bułaeng sëngkalëpa nionggou i Tuange, seng taku nikakoã lima.' ¹⁹ Su ëllang ene, datu e nëbera, 'I kau sarung mangawasa soa lima.' ²⁰ Ëllang kewelai waline rimënta, ku nëbera, 'Tuang, ini roit'u; taku niresou suralungu lenso. ²¹ Ia kai mataku si Tuang batu i Tuang kai taumata mahëgisë. I Tuang kawe mangala apam baline tataghuaneng i Tuang, dingangu i Tuang mamënsa su

tampa tawe niasi i Tuang.' ²² Datu ene nēbera si sie, 'I kau ěllang daļai! Mēṭakaewen^p baweranu sēsanu iā sarung mēhukung i kau. I kau masingka u iā taumata mahēgisē: iā mēngaļa apang ku baline tataghuanengku, dingangu maṃēnsa suampa tawe taku pinēngasikang. ²³ Maeng kerene unuē i kau tawe nanowa roitē ene su bank tadeaṅu su tempon iā mawali, iā nakapanarima bue roitē ringangu untune?' ²⁴ Mase ratu ene nēbera si sire apan maḥundarisi sene, 'Aļa e roitē ene wo'i sie ku gēliḱo su ěllang ku maṅghuang doitē buļaeng mapulo ene.' ²⁵ Arawe ene nēmpēbera, 'Mawu, i sie seng nēnaghuang mapulo.' ²⁶ Datu e simimbang, 'Tahēndunge: i sain seng pia si sie, sarung tambaeng iapakaļawo. Arawe i sain tawe apa ute, apan ene si sie sarung pēngalakeng lai wo'i sie. ²⁷ Ku orasē ini ute wawae ramahi apan dumaroka si sia e, ringangu tawe mapulu iā makoḱa datun sire. Patē e i sire kēbi su tēngoku!'"

Mawu Yesus simuē su
Yerusalem suraļungu
kawawantugē

(Mat. 21:1-11; Mrk. 11:1-11)


(Yoh. 12:12-19)

²⁸ Saraeng i Yesus nēhenge-tang u kēbi ene, i Sie rimaļeng su tēngon sire nētimona Yerusalem. ²⁹ Saraeng seng maraning Betfage ringangu Betania su wuļud'u Zaitun, i Sie rimoloh'u murit'E ruangkatau niapangaliṃona. ³⁰ "Dakoḱo sarang kampong pai tētātēngoēng," angkuēng i Yesus si rēdua, "kereu i rua masuē sene i rua mēntēhang makasilo anaṅ kalide sēmbau maļaikī. Kalide ene wēdang tawe nisēsakeēngu taumata. Lukae kalide ene ringangu wawa e ramahi. ³¹ Kereu taumata makiwaļo si rua, 'Unuē i rua nēluka kalide e?' pēberako, 'Mawu e mēgēgausē.'"

³² I rēdua murit'i Yesus e natamai ringangu kinaēbakeng kēbi e kahēngang kerēwe niweran Yesus. ³³ Kuteu i rēdua kapēlukane anaṅ kalide e, taghuange

^p natuhung = sesuai

19:26: Mat. 13:12, Mrk. 4:25, Luk. 8:18



Ana'u kalide (19:30)

nëbera si rëdua, "Unë i rua mëluka kalide ene?"

³⁴I rëdua simimbahë, "Mawu mëgëgausë." ³⁵Bou e i rëdua nëbawa ana u kalide e sarang anung Yesus. Mase i rëdua nëmilau pakeang i rëdua su talëtugu kalide e ku niapaawi i Yesus su wowong kalide ene. ³⁶Kutëu i Sie simahe apid'u kashakene kalide e taumata lawoë nëmpamilæm pakeang i sire su raleng.

³⁷Su tempong i Yesus maranieng mahumpa u Yerusalem suraleng ku dumësongu wulud'u Zaitun, këbi manga murit'E makëpalë ene nanëta e mëmpëdalon tingihë maiha mëdëdalo Mawu Ruata ringangu makitarimakasë si Sie ualingu kalawou munara makalaherang ku seng kinasilon sire e. ³⁸I sire nëmpëbera maiha, "Alamatë kawuako su Ratu ku kadëntane suralungu areng u Mawu! Pëda-

rame su sorga dingangu apakara-loko Mawu Ruata!"

³⁹ Pirangkatau tau Farisi wou taloaran taumata lawo e nempëbera si Yesus, "Tuang Guru, pëberaiko manga murit'i Tuang apakarëmasë."

⁴⁰ Mawu Yesus simimbang, "Pangimangke! Kereu i sire marëmmasë ute manga watu ini sarung mëmpëgio."

Mawu Yesus simangi u Yerusalem

⁴¹ Saraeng i Yesus luhauangkeng Yerusalem ku nakasilö e soa ene, i sie simangien soa ene. ⁴² Angkuëng'E, "Pirua, kerëng kapiane, kereu sahëllo ini i kau masingkau apan makarëntan pëdarame! Kaiso orasë ini e i kau tawe makasilö ene. ⁴³ I kau sarung makapëndang su sënsule tempo suapan seke u e mëkoä sasahaghe ipëliku si kau; i sire sarung mëmpëliwung si kau ringangu mëmpänëse si kau wou këbi tampa. ⁴⁴ I sire sarung mapakasilaka i kau ringangkewen taumata ralohonu e; ku tawe manga watu sarung sëmbau i-

walan sire maðalënsung su tampa e, batu i kau tawe mëñënaungu tempon Mawu Ruata rumënta mapakasalamat'i kau!"

Mawu Yesus simuë su Walen Duata

(*Mat. 21:12-17; Mrk. 11:15-19*)

(*Yoh. 2:13-22*)

⁴⁵ Mawu Yesus simuë su Walem Mawu ku nanëta nankolu malahumbaļu su tampa ene. ⁴⁶ "Su ralungu Winohë Susi," angkuëng'E si sire, "maðawohe kereini: Mawu Ruata e nëhenge-tang, 'BaleKu kai sarung makaö baleng pëkakaliomanengang.' Kutëu kahiang kamene nikakoä liangu taha pëhampasë!"

⁴⁷ Ëllo-ëllo i Yesus manëntiro su ralungu BaleM Mawu. Manga imang tëmbonange ringangu manga mananëntiro agama, ringangkewen manga pangahau tau Yahudi e mapulu mamate si Sie, ⁴⁸ kutëu tawe nakareä dalenge mënsang kerea-pa mëkoä halë ene, ualingu këbi taumata mëngkate rudaringihë si Sie ringangu rudaringihë manga hengetang'E.

Kakiwalon n̄aanun kawasang Yesus

(*Mat. 21:23-27; Mrk. 11:27-33*)

20 Pia e su sahēllo, i Yesus kapanēntirone ringangu mēlēhabaren Injilē bou Mawu Ruata su taumata lawo su ralungu Balem Mawu. Manga imang tēmbonange, manga mananēntiro agama ringangkenwen mēngangaha tau Yahudi rimēnta, ²kū nēmpēbera si Yesus, "Kēnang habarē si kami kai apa wanggilu timonanu hakīu i Kau nēkoā kēbī ini? Kai i sai tangu nēgēllīu kawasa ene si Kau?"

³Yesus simimbang, "Ia mapulu makiwalō. Kēnangko pēhabarē si Sia, ⁴I Yohanes kai nēnahani ringangu kawasang sai tangu? Mawu Ruata arau taumata?"

⁵Tangu i sire nanēta e nahumbisara, "Kereu i kite mēhabarē, 'U kai ringangu kawasan Mawu Ruata,' ute i Sie sarung mēbera, 'Maeng kerene, kawe unūe i kamene tawe mangimang si Sie?' ⁶Arawe maeng i kite mēbera, 'Kai ringangu kawasang taumata,' ute sēngkawauange mēntēhang mangētungu watu si kite, batu i sire mangi-

mangu i Yohanes kai sēngkatau nabi." ⁷Kuteu i sire simimbangu, "I kami wēga wue."

⁸Tangu i Yesus nēhengetang si sire, "Kamageng kerene Ia e tawe lai mauḷi si kamene, mēnsang dingangu kawasang sai Ia mēkēkoā kēbī ene."

Papinintung manga mēlahalē u wael'u anggorē

(*Mat. 21:33-46; Mrk. 12:1-12*)

⁹Mawu Yesus mēbēbēke su taumata lawo e, papinintu kerēni, "Piako naung sēngkatau nēkoā sasuang anggorē. I sie nakitamang sasuang su pirangkatau mēlēhalē sasuang mase nakoā sarang banua waline kū nētana diō marēngu sene. ¹⁰Su tempone e manipo wuang anggorē, taghuangu sasuang nēndoloh'u ēllange sarang anun mēlahalē ene tadeau manarima bageange. Kuteu manga mēlahalē ene nēlimadē ēllang ene kū i sie nirolohē niapakapule dingangu limane ta lohone. ¹¹Tangu taghuangu sasuang saūewe lai rimoloh'u ēllange lai waline; kuteu ēllange ene maḷaing nilimad'i sire ringangu nipakameang manga mēlahalē, mase niapakapule ta ule apa. ¹²Bou e taghuangu sa-

suange rimoloh'u ëllange katëllu-
ne. Arawe ëllang ene maļaing ni-
limad'u manga mëlahaļë ene ku
niteled'i sire suļikudu sasuang
ene. ¹³Pëngënsueënge taghuang
sasuang ene nëbera e, 'Ia e
kai mëkapuræ ngae? Ia e sarung
mëndolohen ahusëku ikëkëndagë.
Sembeng naļahëu i sie sarung a-
dateng i sire!' ¹⁴Akutëu sarang
manga mëlahaļë nakasilo ana u
taghuangu sasuang ene, i sire
nëmpahumbisara e sëngkatau su
waļine, 'Kai ëndaļ i sie ini e tag-
huange. Mahie i kite mëmate si
sie, mëdeau i kite managhuang
pusaka e.' ¹⁵Tangu i sire nëhipen
sie sarang likud'u sasuang mase
pinate."

Mase Mawu Yesus naki-
waļo e, "Ene ëng, kama-
geng taghuangu sasuang ene
mëbaļi, i sie sarung mëka-
puræ su manga mëlahaļë ene?
¹⁶Mambeng tëngadë, i sie sa-
rung dumënta ku mamate manga
mëlahaļë ene, ku manarakangu
sasuang su mëlahaļë e waļine."

Nakaringihë ene, nëmpëbera
e taumata ļawo si Yesus, "Mam-
beng aļ kariadi kerene!"

¹⁷Mawu Yesus kai namanda
si sire mase nakiwaļo, "Kama-

geng kerene, apa mangalen ba-
waļom Binoļe Susi ini?

'Batu niwalan mëkakoā baļe
e kai seng nakoā batu
kahumotongange.'

¹⁸Këbi taumata apan naënsa su
watu ene sarung maraļuta; di-
ngangu i saļewen kaënsakengu
watu ene sarung mararuļe makoā
awuļe."

Haļë u pëmanaehë balasteng

(*Mat 22:15-22; Mrk 12:13-17*)

¹⁹Manga mananëntiro agama
ringangu manga imang tëmbo-
nange masingka u papiintu e-
ne ipëtëtaļahinon Yesus si si-
re. Uaļingu ene i sire mëdëdeā
maname si Sie su orasë e-
ne lai, kai i sire matakū
u kawanua e. ²⁰Kutëu i sire
mëngkai mëdëdeā loahe mapia.
I sire rimoloh'u taumata sa-
rang anung Yesus makoā niëpa-
pahimang makitikaū taumatawe
matuļidë tadeau i sire mëngaļa
bera si Yesus dingangu kakiwaļo
mëdeau i sire makapëbarakang i
sie su mananëmbonange ringang-
u kawang gubernurë. ²¹Tangu
i sire apan niongotangu roitë
e nëmpëbera si Yesus, "Tuang

Guru, i kami masingka u kēbi apan niwera ringangu nitēntiron Tuange nēhino wue. I kami masingka lai u i Tuang dingangu mahatedē manēntirong kapulun Mawu Ruata su taumata, batu i Tuang tawe mēmamile taumata. ²²Ualingu ene kēnang i Tuang pēbera si kami, tuhewe su tēntirong agamang kite botonge wue mamaehē balasteng su Kaisarē a-rau tala?"

²³Kai Mawu Yesus masingkau tondoliku i sire hakju ene i Sie nēhengetang, ²⁴"Kēnangko tode si sia doitē salaka sēngkalēpa. Tulada ringangu arengi sai ini e?"

"Kaisarē!" simbah'i sire.

²⁵"Maeng kerene," angkuēng i Yesus si sire ute, "ghēlibe su Kaisarē apaewen darotongu Kaisarē dingangu su Mawu Ruata apaewen darotongu Mawu Ruata e."

²⁶Kawe tēngadē su tēngon taumata lawo e i sire tawe nakasame sala maning ketau sēmbau si Yesus. I sire mēngkatewe marēmmasē dingangu madalinguen sasimbang'E.

Halē u pēbawangung bou papate

(*Mat 22:23-33; Mrk 12:18-27*)

²⁷Pirangkatau wou ghalipohong Saduki nahudenta sarang anum Mawu Yesus. (I sire ghalipohon taumata ku pia kasingka u tawe apa pēbawangungu taumata nate.) I sire nakiwalō si Yesus. ²⁸"Tuang Guru, i Musa kawē namohē u tita ini si kite: Kereu pia u sēngkatau esē mairi ku i sie kawē wanto, tangu tuarine (tuhange) harusē pēkawing dingangu walune mēdeau mapalētowen hite su tau seng nairi. ²⁹Pia nangun i sire pitu tamahuari. Ene iakange nēkawing dingangu walune, kutēu i sie lai nate wanto. ³⁰Mase karuane nēkawing dingangu walune, kutēu i sie lai nate wanto. ³¹Mēsulungkewen nariadi malaing dingangu katellune sarang i sire pitu. ³²Nadeho tau wawine ene nate e lai. ³³Su ellon pēbawangungu taumata nate ute, kai kawingken sai tau wawine ene? Batu i sire pitu e seng bou nēmpēkawing i sie kēbi."

³⁴Mawu Yesus simimbang, "Manga taumata mēbēbiahē o-rasē ini mēmpēkēkawing, ³⁵kai i sai-saing hinong ipēbangung kapia wou papatene, ku mēbiahē su tempo ramahi e i sire seng tawe mēkawing. ³⁶Kakakoā i sire kai kere malaekatē tawe lu-maate. I sire kai manga ana u Mawu Ruata, watu i sire seng niapēbangung kapia wou papate. ³⁷I Musa sēsane nēlahē u taumata nate sarung iapēbangung kapia. Suralungu winohē e maanun gahundungu sumpini ku dudēlli ene i sie nakasēbau Mawu kere 'Ruatang Abraham, Duatang Ishak, Duatang Yakub'. ³⁸Ku Duata ene balinewe Ruatan taumata nate! I Sie kai Ruatan taumata wiahē! Batu su Ruata e kēbi taumata e wiahē."

³⁹Pirangkatau mananēntiro agama nēmpēbera, "Sasimbang i Tuang Guru e mapaelē kahēngang." ⁴⁰Ualingu ene i sire sembeng tawe lai wahani maki-walon manga apa si Yesus.

Halē u Ratu Mananalamatē
(*Mat 22:41-46, Mrk 12:35-37*)

⁴¹Mawu Yesus nakiwalō si sire, "Kere apa ralenge mēdeau

Ratu Mananalamatē e ikawera-we hēnton Daud? ⁴²Sumbaliau i Daud sēsane nēbera suralungu bukē u Mazmur,

'Mawu kasēllahenge
nēhengetang su Mawuku:

Kaiangko su koanengKu,

⁴³ sarang Ia mēkoā manga roka'U e mēsuba si Kau.'

⁴⁴Kuteu kamageng i Daud mēsēsēbau Ratu Mananalamatē e, 'Mawu', ku kereapa wue i Sie kawē hēnton Daud?"

**Laingatu tadeau pakatate-
ghang bue su manga
mananēntirong agama**
(*Mat 23:1-36; Mrk 12:38-40*)

⁴⁵Ene taumata e kapēdar-
ringihe si Yesus mēlēhengetang,
i Sie nēbera su manga mu-
rit'E, ⁴⁶"Pakatateghang bue su
manga mananēntiro agama. I si-
re puluang mēdaraleng dingangu
laku mananandu, ku papuluang
makīadatē su manga pasarē. I si-
re papuluang kumaiang su kakai-
aneng su horone su pēmanisaēng
dingangu su manga salimbang.
⁴⁷I sire mēmpangakalē manga
wawine walu ringangu mēlēham-
pasē balene. Ku mēdeau karaīai i
sire tawe kasingkateng ute, i si-

re mēmpēkēkaliomaneng manan-
du-nandu. Hukumang i sire sa-
rung limembong kawēhæe.”

Sasēmban tau wawine waļu

(*Mrk. 12:41-44*)

21 Su Walem Mawu e, i Ye-
sus nēhengkē u matane
nakasilo makakalæe nēmpamēllo u
roitē suralungu peting sasēmba.
²I Sie nakasilo lai sēngkatau
wawine waļu kasiang nētahong
duang kalēpa roitē tambaga.
³Mase i Yesus nēhengetang, ”Da-
ringihē: tau waļu ěndai e nēta-
hon sasēmba limembong kalawoē
wou kēbiwe lai waline. ⁴Batūu i
sire kēbi e mēngkai mēmpēgēgēlli
bou tompe u arēta i sire. Arawe
wawine waļu ěndai e, manieng
tumanju kasiang, kaiso i sie
nangonggou kēbi apan tētaghua-
nenge ku gēgausang hala waugu
pēbawiahē.”

Yesus mañēbalen kaghagho-
ghahu Walem Mawu

(*Mat. 24:1-2; Mrk. 13:1-2*)

⁵Pia i sire mañumbisara
mañanung kereapa kapaele Baļem
Mawu nilēgahu watu ma-
raļēnggihē dingangu manga sa-
rang sasēmba su Ruata. Tangu
i Yesus nēhengetang si sire.
⁶”Kai sarung pia tempone kēbi

apang kinasilong kamene sarung
matēnehē ku tawēu sarang batu
sēmbau ěndai sini maļalēnsung
su tampa e.”

Kasasusa ringangu
tatumbiagē

(*Mat 24:3-14, Mrk. 13:3-13*)

⁷I sire nakiwaļo si Yesus,
”Tuang Guru, angerē ngae tamai
ene mariadi? Ku kai apa e tatia-
lane, watūu kai sen tempone haļē
ene sarung mariadi?”

⁸I Yesus nēhengetang, ”Pa-
kapapia wue kumbahangbe i ka-
mene kaakaleng. Lawo taumata
sarung mahundēnta ringangu a-
rengku, kapēberane seng, ’Ia e
i Sie!’ ringangu ’Seng tempone.’
Kaiso kumbahangbe i kamene tu-
moļe si sire. ⁹Abe lai kēngka-
takū kereu i kamene makaringihē
habar’u pēsasekē dingangu pēga-
ghuhaeng. Tamai ene harusē ma-
riadi kalimona. Kaiso ene waļi-
newe mangalēn seng tempone
mēkiamatē.”

¹⁰Bou e i Yesus nanēpa-
seng hengetang’E, angkuēng’E,
”Umatē sēmbau sarung mēseke
dumoka umatē baļine ringangu
kararatuang sēmbau sarung du-
moka kararatuang baļine. ¹¹Su
apang tampa sarung pia linuhē
maļaiha dingangu karaļunusē di-

ngangu sahinda suapan tampa. Mase sarung mariadi manga apa makalahiasē dingangu makātataku su langi. ¹²Kai kalimouan patiku ene nariadi, i kamene ute sarung isamme dingangu tingkai-tang. I kamene sarung ihukung su manga walem pēkakaliomanengang ku itahungku. Dingangu i kamene sarung ipētēngom manga ratu ringangu manga mēngangawasa ualingu i kamene kawe manga muritēKu. ¹³Ku ene kai seng tempone si kamene tadeau makapēhabar'u Injil'u Ruata. ¹⁴Mēngkate pakapaku su nauug i kamene u i kamene tawe sarung ghumēnggangu apang isimbah'i kamene mētahutēndaū watangeng. ¹⁵Ia sēsaku sarung piā u taku ipēbera ringangu sasalēntihō tadeau tawēu manga sarang sēngkatau wōu manga rokaku makakaroka arau mēdēndilu apan niwerang kamene. ¹⁶I kamene sarung ipēbinsi u ghaghurang, manga anau sēngkatau arau kahian manga ēgē arau manga hapi i kamene. Sēmbahageang bo'i kamene sarung pateēng i sire. ¹⁷I kamene sarung ipēbinsi u kēbi taumata ualingu i kamene kawe muritēKu. ¹⁸Kaiso

sarang uta sēmbua wōu tēmbō i kamene e tawe sarung mailang. ¹⁹Kereu i kamene makakēdang dingangu makasabarē ute i kamene sarung masaḷamatē.”

Mawu Yesus manēbaleng kaghaghologu Yerusaleni

(Mat. 24:15-21; Mrk. 13:14-19)

²⁰”Kereu i kamene makasilōe Yerusalem maḍaliwungu wuntuangu mēsasekē ute i kamene sarung masingka u soa ene tawē karēngue lai sarung pakawinasa. ²¹Su tempo ene apang ene su Yudea e harusēbe pahuntaḷang solong buḷude.⁹ I sire apan suraḷungu soa harusēbe panētangu soa, ku i sire apan sulikud'u soa e abe suē suraḷungu soa. ²²Batuū ḗllo-ḗllo ene e kai 'ḗllo-ḗllon Tilakehangu Papahang', medeau ualingu kakakoā kerene ute mariadi wue kere seng nawohē suraḷungu Winohe Susi. ²³Ku apaewe kereng katēdūe su manga ḗllo ene mihino su manga wawine piā kapapia, ringangu mapasusun dariōe! Banua ini e sarung kahombangengu sigēsā masaria, dingangu Mawu e sarung mēhu-

⁹ bawuḷurang = pegunungan

21:14-15: Luk. 12:11-12 21:22: Hos 9:7

kungu kawanua ini. ²⁴Piã sarung pateŋgu peda,^r piãben lai sarung tawengang sarang banuan tau liwu; ringangu i sain bëgan Mawu e sarung mëndalinda^s Yerusalem sarang masue tempone nitantun Mawu e si sire.”

Darëntang Ahus'u Taumata

(*Mat. 24:29-31; Mrk. 13:24-27*)

²⁵”Hëdowe su matangëllo, wulang dingangu su manga witung sarung ikasilo manga tatiala. Su dunia e, manga umatë e sarung mëngkatakü dingangu mëmpëbingo u ghalëdu dingangu wëlladu sasi. ²⁶Taumata e sarung matakü ta sihinge tumatëngo apa sarung mariadi su kasëllah'u dunia ini, watüu manga mangawasa langi e sarung guminuë.^t ²⁷Su tempo ene Ahus'u Taumata e sarung dumënta suralungu winawa, piã e kawasan'E, ringangu kawawantug'E masëllahë. ²⁸Kamangu këbi ene manëta e mariadi ute pëmpëpëtiko mase ralingara, u mëntëhang ini e i kamene sarung ipakasaamatë.”

Tëntiro wou kalun ara

(*Mat. 24:32-35; Mrk. 13:28-31*)

²⁹Mase i Yesus nëbëken papi nintu kereini si sire, angkuëng'E, ”Kakëllako kalun ara ringangu kalawou kakaluang baline. ³⁰Kereu manga towou seng manëta humëti ute i kamene masingkau musungu pëdisë e seng masandigë. ³¹Kerene lai kereu i kamene makasilo manga halë ene maadia, i kamene sarung masingka u Mawu Ruata seng ta karëngue mëparenta kere sëngkatau Ratu.

³²Kasingkako! Manga halë ene sarung mariadi kalimonan taumata mëbëbiahë orasë ini e, këbje reng ta nëngkapule asalë. ³³Langi dingangu dunia e sarung mapaghohë arawe hengetangKu e ute tatapë sarang marëngudëngu.”

Mambeng pëdariaga

³⁴”Pëndiaga batangengu, kumbahang sarang i kamene mëngkate mëtëtasibung saliwang kü mëmpanginung inumang makabukang arau mëngkate mësesipir'u halë u pëbawiahë

^r barã = pedang ^s mëndalita = menginjak-injak ^t mëgoahaeng = kacau-balau

21:25: Yes. 13:10, Yeh. 32:7. Yl. 2:31, Pël. 6:12-13 21:27: Dan. 7:13, Pël. 1:7

hakju i kamene tawe nasadia su tempong ěllo ene sĕngkianu rumĕnta makałahĕkosĕ. ³⁵ U Ęllo ene sarung dumĕnta kere rarĕntang tahatako su patiku taumata su wowon dunia ini. ³⁶ Pakarariaga dingangu pĕmpĕkĕkałiomaneng sidutu mĕdeau i kamene małoghasĕ mĕtatĕtołu patiku hałĕ maria-di ku i kamene makarariši su tĕngong Ahus'u Taumata."

³⁷ I Yesus nanĕntiro su Bałem Mawu su tempong ěllo ringangu hĕbine i Sie tamai sarang bulud'u Zaitun ku nĕtana sene. ³⁸ Apan małukadĕ kĕbi taumata e małundĕnta su Bałem Mawu mĕdeau rumaringihewe si Yesus manĕntiro.

Komolangu rumaroka si Yesus

(*Mat. 26:1-5; Mrk. 14:1-2*)

(*Yoh. 11:45-53*)

22 Sałiwang u Borotĕ Ta Łahaesang, isĕsĕba Paskah e seng masandigĕ. ² Manga imang tĕmbonange ringangu mananĕntiro agama mang kapĕdĕdeu e rałengu mamate si Yesus dingangu marĕma-rĕmasĕ, batuu i sire małaku u taumata ławo.

I Yudas kimireng manarakang i Yesus

(*Mat. 26:14-16; Mrk. 14:10-11*)

³ Bou e setang simuĕ e si Yudas ku isĕsĕba lai si Iskariot, sĕngkatau wou i sire mapuło dua murit'i Yesus. ⁴ Uałingu ene i Yudas tamai ku nĕmpahumbisara ringangu manga imang tĕmbonange ringangkewen manga tĕmbonangu łukad'u Bałem Mawu mĕnsang kereapa i sie makapĕnarakang i Yesus si sire. ⁵ I sire mĕngkate marałuasĕ ku nĕkĕdo mĕmpĕgĕlli u roitĕ si sie. ⁶ I Yudas małaing kimire ku nanĕta e nĕdeu lohe pakapia mĕdeau manarakang i Yesus si sire, tawe kasingkateng i sai-sai.

Pĕnanadiang kaĕngu Paskah

(*Mat. 26:17-25; Mrk. 14:12-21*)

(*Yoh. 13:21-30*)

⁷ Nidatingken tempone ěllon Sałiwang u Borotĕ Ta Łahaesang, tangu domba waugu kaĕngu Paskah e nipoto e. ⁸ Tangu i Yesus rimolohi Petrus rĕduan Yohanes, "Dakoko pĕmpĕnadia kaĕngu Paskah waug'i kite."

⁹"Suapa i Tuang mapulu sadiang i kami e?" kakiwalon dēdua.

¹⁰Yesus simimbang, "Su tempon i rua kapahunsuē e su soa, piā sēngkatau esē māmasaēng bēnsad'u akē sarung ipēsombang i rua. Toleiko i sie sarang bale suēkange, ¹¹mase pēmpēbera su taghuang'u wale e: I Tuang nēbera, 'Suapa tampa Ia ringangu manga muritēKu kumaēng kaēngu Paskah?" ¹²Taghuangu wale ene sarung manulada si rua kamarē gēguwa su loteng nasuku u apaliwue. Sadiako kēbi ene sene."

¹³Tangu nahundalengke i Petrus dēduan Yohanes ku nakahombangke kēbi ene kere nipauli i Yesus. I rēdua nēmpañadia simokol'u Paskah e.

Pēpaparjamuangu Mawu

(*Mat. 26:26-30; Mrk. 14:22-26*)

(*1Kor. 11:23-25*)

¹⁴Saraeng seng oras'u mēpake simokolu Paskah e, i Yesus naiangke ringangkewen manga murit'E su medang perjamuang. ¹⁵Mase i Sie nēhenge-tang si sire, "Ia nāung mēngkai mēkēkarimang tā sihinge ku-

maēng kaēngu Paskah e ringang i kamene kalimonan Ia e masunsara! ¹⁶U pangimang bue: Ia e sembeng ta kumaēng ini e lai saraeweng mangalen pēpapərjamuang ini e ipakalahē su Wanuan Duata Wuhu e."

¹⁷Bou e i Yesus rimaē ku nihengke e panganginumangu anggorē, bou ene nakitarimase su Ruata, mase nēhenge-tang, "Alako ini ku pēpapahiaeng kamene; ¹⁸ku kēngkasingkako: manēta orasē ini Ia mang seng ta manginung akē u anggorē ini lai saraeweng Mawu Ruata e rumēnta kapia mēkawasa patiku."

¹⁹Bou e Mawu Yesus nēngala e borotē. Ku bouten nakitarimase, nikakakompengē borotē ene ringangu liman'E mase tinēgone si sire ku nēhengetang, "Ini e kai wadangKu [ilēonggo baug'i kamene. Koako ini e tatahēndung si Sia." ²⁰Kerene lai samuring kakaēngē, i Sie nangonggoen panganginumangu anggorē e si sire mase nēhengetang, "Panganginumang ini e kai pēdariandin Mawu Ruata wuhu nisarakang suralungu rahaKu - raha e niapaelehē baug'i kamene]."

²¹ "Kaiho, kēllae! Tau manarakangu Ia e ene lai sini ringang-Ku! ²² Ahus'u Taumata e sarung mapohong kereewe nītatantung'u Mawu Ruata; arawe kaēngkēhang taumata ku manarakang i Sie!"

²³ Ene i sire nanēta e nēkiwalo, sēngkatau su wāline, mēnsang i sai wou taŋoaran sire sarung mēkoā kerene.

Pēsasitori maanun sai kaguwakenge

²⁴ Sutaŋoaran manga murit'i Yesus nakoā pēsasitori mēnsang i sai e woi sire hinong ikatika kasēllahenge. ²⁵ Yesus nēhengetang si sire, "Datung kaŋawou umatē bēgan Mawu Ruata manigēsā kawanuane, ringangu mēngangawasa si sire e isēsēba 'Mēndaŋukad'u Kawanua'. ²⁶ Arawe i kamene abe kerene. Kaiso i saing makoā kasēllahenge su taŋoarang kamene hinong makoā kere kakaŋodokange, ringangu pangaha e hinone makoā kere mētatangkiang. ²⁷ Ku kawe i sai limembong kasēllahenge: taumata maŋiang kukaēng su meda, arau kawe i sai mētētangkiang si sie? Tantu i saing kukaŋiang ene. Ara-

we Ia ene su taŋoarang kamene kere mētatangkiang.

²⁸ Su patiku sigēsāKu i kamene mēngkate sēntiniā dingangKu. ²⁹ Kereewe i Amang seng nēgēlliu kawasa si Sia mēparenta, kerene lai Ia e sarung mengonggou kawasa ene si kamene. ³⁰ Uaŋingu ene i kamene wotonge makapahuluasē dingangKu su tempon Ia makoā Datu. Ku i kamene sarung kumaŋiang su wowong kaderamapuŋo dua mēdeau kawasa makaparenta umat'u Israel mapuŋo dua su hēntone."

Pananēbal'i Petrus mēsuniaŋ'i Yesus

(*Mat 26:31-35; Mrk 14:27-31*)

(*Yoh. 13:36-38*)

³¹ "Simon, Simon daringihēko! Setange seng niapakawala ipanaŋuka si kamene; tabidaŋ gandum nihae wou pisine hakiwen mapia e nihae wou raŋakisē. ³² Arawe Ia e seng nēkaŋiomaneng baug'i kau, Simon, tadeau pangangimangu e tawe mēnsu. Ku keru i kau mēsasēsilē bou pēsasaŋa ute i kau harusē panoghasē manga anaŋ sēmbau u."

22:21: Mzm. 41:10 22:24: Mat. 18.1, Mrk. 9:34, Luk. 9:46

22:25-26: Mat. 20:25-27, 10:42-44 22:26: Mat. 23:11, Mrk 9:35

22:27: Yoh 13:12-15 22:30: Mat. 19:28

³³I Petrus simimbangu, "Mawu, ia manilaing sumuë su tahrungku, saralaing mate asalë dingang'U Mawu!"

³⁴"Pangimangke, Petrus," angkuëng i Yesus, "tëntalang manu deng ta kimëkuku sahëllö ini, u i kau e seng tällun sule nëndëndilu Ia e."

Dometë, kawihë arau wara

³⁵Bou ene i Yesus nëhenge-tang si sire, "Kangerë pia Ia dimoloh'i kamene ringangu tawe mapakawalang kamene mëmpëbawa dometë, kawihë arau sapatu, i kamene nikakawu-sangu manga apa?"

"Tala!" angkuëng i sire.

³⁶"Arawe ini," angkuëng i Yesus, "i sai pia domete arau kawihe harusë pëmpëbawa; ringangu i sain tawë pedane harusë pëbaļu u lakue ku pëmëlli peda. ³⁷U, pangimangke ayet'u Winohe Susi e bawalone kereini, 'I Sie kai nirekeng kere sëngkatau ralaki,' hinong mariadi su watangengKu. U apan maḃawohe su ralungu Winohe Susi e mëtëtatahinong Ia e selaing maḃadiadi orasë ini."

³⁸"Mawu," angkuëngu manga murit'i Yesus, "kakëlla, ëndaung sini pia peda rarua."

"Kuhæ!" angkuëng i Yesus.

Mawu Yesus mëkëkalïomaneng su wulud'u Zaitun

(*Mat. 26:36-46; Mrk. 14:32-42*)

³⁹Mawu Yesus nanëntangken soa e, ku dimaleng sarang bulud'u Zaitun kereewe tundune ku manga murit'E nahuntole lai si Sie. ⁴⁰Saraeng nahumpa sene, i Sie nëhengetang si sire, "Pëmpëkalïomaneng mëdeau i kamene tawe mëdosa kereewe i kamene kasalukateng."

⁴¹Mase i Sie nëtëngkaghea^v kadodoḃ bö'i sire, mangawe pamahungangben batu karaune, bou ene nëmuḃangeng dingangu nëkalïomaneng, ⁴²"Amang," angkuëng'E, "kereu wotonge apakaurauko^w wou kasasigësä ku humombang si Sia ini. Kai waline-we tuhu kapuluKu, kaiso tuhubes su kapulung Amang sësane." [⁴³Malækatë sëngkatau rimënta si Sie ku nanoghasë. ⁴⁴I Yesus mëngkatewe maḃusa naunge hakju i Sie mëngkate ma-

^u papakaḃukon ^v nëtëngkarau = menjauhkan ^w papakaḃukon

22:35: Mat. 10.9-10, Mrk. 6:8-9, Luk 9.3, 10:4 22:37: Yes 53.12

kuatë mękalıomaneng. Liaghan'E męngkate kere raha tutędo su ęntana.]

⁴⁵ Bouten nękalıomaneng, i Yesus tangu nęsule kapia su anum manga murit'E. I Sie nakaęba e si sire kapahuntiki e kahian susa naung. ⁴⁶ Kutęu i Sie nęhengetang si sire, "Kawe unęe i kamene męmpętętikı? Pęmpębangungke kę pęmpękalıomaneng, mađiring i kamene kahi-noęngu sasaluka."

Mawu Yesus nişasame

(*Mat. 26:47-56; Mrk 14:43-50*)

(*Yoh. 18:3-11*)

⁴⁷ Mawu Yesus tęntalang deng kapęlęhengetange rimęnta e taumata sęnggapaęng. I sire lęahakeng i Yudas, sęngkatau wou manga murit'i Yesus. Bou ene i Yudas nakoę sarang anung Yesus mase rimęngu si Sie. ⁴⁸ Kutęu i Yesus nęhengetang si sie, "Yudas ualingu raręngunu e i kau manarakangu Ahus'u Taumata?"

⁴⁹ Saraęng manga murit'i Yesus apang ene sene nakasilęe apa sarung mariadi, i sire nęmpębera, "Mawu, pilikangkeng kami ringangu peda!" ⁵⁰ Mase sęngkatau wo'i sire namili e ęllangu manga

imang marangę dingangu pęda hakıu nasahing tulıne koaneng.

⁵¹ Kutęu i Yesus nęhenge-tang, "Balęete!" Mase i Sie nangengehę tulın tau e kę niapaka-piane.

⁵² Bou e i Yesus nęhenge-tang su manga imang tęmbonange dingangu manga tęmbonangu lukad'u Balem Mawu, ringangkewen matatimad'u Yahudi nęmpędęnta sarang ene mędeęu maname si Sie. "Unęe Ię kai taumata ralakisę tangu, sarang kate i kamene rumęntang pęda ringangu pało pało męname si Sia? ⁵³ Apan kałaęllo Ię e ene ringangi kamene su Balem Mawu, i kamene tawe męname Sia. Kai ini e seng tempone i kamene kumanoę, su pię kawang kararęndunge nakoę panekehe."

I Petrus nęsunial'i Yesus

(*Mat. 26:57-58, 69-75; Mrk 14:53-54.*)

(*66-72; Yoh. 18:12-18, 25-27*)

⁵⁴ I sire nęname si Yesus kę nięntudę su walęn imang marangę. I Petrus ute nębatu bou maraune. ⁵⁵ Su talo-aran dęlahę ene putunge seng niaparęlli kę i Petrus tamai kimaiang sęngkakaiang dingangi si-

re maḥungkaiang mēlēliku putung. ⁵⁶Sēngkatau wou ēllange wawine nakasilōe si Petrus kḥakaiang su wih'ū putung kaḍellie; mase ēllang bawine ene namanda si Petrus, bou e nēbera, "Tau ēndaḥ kanini e maḥaing dingang i Yesus!"

⁵⁷Arawe i Petrus nēdēndilē. I sie nēbera, "Ia mang bēga-wēgan tau ēndaḥ ene!"

⁵⁸Ta nararēna, piako sēngkatau waḥine nakasilo si Petrus ku nēbera, "I kau maḥaing sēngkatau wou i sire!"

Kai i Petrus simimbang, "Tala, balinewe ia!"

⁵⁹Mangawe sēngkaorasē bou ene, sēngkatauko lai waḥine maḥaing nēbera maiḥa, "Kahēngang tau ēndaḥ e murit'i Yesus, batu i sie maḥaing tau Galilea!"

⁶⁰Kuteu i Petrus simimbang, "Kai a su tinēnanu, ia bēga wue!"

Orasē ene lai, pia i Petrus bēdang kapēberane, ute manu kimuku. ⁶¹Yesus lai nēbiḥu ku timingang si Petrus. Mase i Petrus nakatahēdungke Mawu seng nēhengetang si sie, "Tēntalang manu deng ta kimēkuku sahēllo ini, i kau seng tēllun suḥ nēsuniaḥ'u Ia." ⁶²Tangu simēbangke i

Petrus wou ene ku mēngkatewe apa simangi marasai.

Mawu Yesus pinētaghunalang dingangu nipapahang

(*Mat. 26:67-68; Mrk. 14:65*)

⁶³Manga taumata kapēlēhapanē si Yesus e mēmpētētaghunalang dingangu nēlimadē si Sie.

⁶⁴I sire nēmpanakā matan'E ringangu nakiwaḥo si Sie, "Kēnang tika, i sai nēlimadē si Kau e?"

⁶⁵Lawo lai manga wawera lahina-kang ku niḥaweran sire si Sie.

Mawu Yesus su tēngon Mēnggaghuta

(*Mat 26:59-66; Mrk. 14:55-64*)

(*Yoh 18:19-24*)

⁶⁶Sēngkamalukade, manga matatimad'u tau Yahudi, manga imang tēmbonange ringangu manga mananēntiro agama nēmpēkomolē bou ene i Yesus niēntudē su tēngon Mēnggaghuta sire. ⁶⁷"Habareko i kami e," angkuēng i sire si Sie, "kai i Kau ini Ratu Mananaḥamatē?"

Yesus simimbang, "Kereu Ia mēhabarē si kamene, kai i kamene mang tawe mangimang. ⁶⁸Kai maning Ia makiwaḥo si kamene kai i kamene tawe sumasimbang. ⁶⁹Kai manēta bou orasē ini, Ahus'u Taumata sarung maiang

su sēmbēkang koanengu Mawu Kasēllahenge."

⁷⁰I sire kēbī nēmpēbera, "Kamageng kerene, i Kau ini kai Ahus'u Ruata?"

Yesus simimbang, "Kere niwerang kamene."

⁷¹Tangu i sire nēmpēbera e, "Tawahaļuas'u mēgausē sasahidine! I kite seng nakaringihē bou mohong'E sēsane."

Mawu Yesus su tēngon

Pilatus

(*Mat. 27:1-2, 11-14; Mrk 15:1-5*)

(*Yoh. 18:28-38*)

23 Kaļawo mēsasadang e-ne mahundarisī bou e-ne nēbawa si Yesus pētēngon Pilatus. ²Sene i sire nanēta e nēmpēngaduhang i Sie. I sire nēmpēbera, "I kami nakahombang tau ini māmalidē kawanua. I Sie mēsēsēdingu tau-mata mēdeau abe pēmēmaehē balasteng su Kaisarē, batu angkuēng'E i Sie kai i Kristus, sēngkatau ratu."

³Bou ene i Pilatus nakiwalo si Yesus, "Kahēngang bue i Kau ratun tau Yahudi e?"

Yesus simimbahē, "Mang kere niweranu e."

⁴Tangu i Pilatus e nēbera e su manga imang tēmbonange ri-

ngangu su taumata ļawo ene. "Ia e tawe nakahombang sēmbau saļa su tau ini ku makapēhukung i Sie."

⁵Arawe i sire saunengkewe lai, "Mēmpēnēnahosou ualingu tētiron'E i Sie mapēgēganoha u taumata su kaguwa Yudea; nitēta e wou Galilea ku tempo ini seng nahumpa ļai sini."

Mawu Yesus su tēngon

Herodes

⁶Saraeng i Pilatus nakaringihē ene, i sie nakiwalo, "Apa tau ini, tau Galilea?" ⁷Saraeng nipaulikang u Yesus kai wou tampa suaļungu kawang Herodes, i Pilatus nēndoloh'i Yesus sarang anung Herodes, ku tempo ene maļaing ene su Yerusalem. ⁸I Herodes mēngkatewe maļuasē ta sihinge saraeng nakasilo si Yesus, ualingu seng marēngu i sie makadingihē kakakoā i Yesus ku mēngkate mēmēningu makasilo si Yesus. I sie mēlēharapē u reng makasilo si Yesus makapēkoā tanda makaļaherang. ⁹Ualingu ene i Herodes nangantagu kakiwalo ļawo si Sie, kaiso i Yesus tawe simimbahē sarang sēngkamohong. ¹⁰Manga imang tēmbonange ringangu manga mananēntiro agama maļaing timatēngo sene ku

mëngkate mëmpangënsil'i Yesus marasai. ¹¹I Herodes dingangu manga soldadone e mëmpëtëtaghunalang dingangu mëmpëlëhinakang si Yesus, mase mapëluhen Sie pakeangu kawawantugë bõu e rumoloh'i Sie pëbali sarang anum Pilatus. ¹²Su sahëllo ene lai i Herodes dingangi Pilatus, naung kawe sëdu ute ini e sembeng sau nëdalajahi."

Mawu Yesus kinahinoëngu hukumang papate

(*Mat. 27:15-26; Mrk. 15:6-15*)

(*Yoh. 18:39-19:16*)

¹³I Pilatus nëngomolen manga imang tëmbonange, manga pangaha, dingangu kawanua, ¹⁴mase nëbera si sire, "I kamene nëbawa tau ini sarang anuku ku mëbëbera u i Sie makapa'idë taumata. Ku ini su tëngong kamene ia e seng namarikësa si Sie kai ia tawe nakaëba kakanoa e ralaki sarang sëmbau kere ilënsil'i kamene si Sie. ¹⁵Kerene lai ëba i Herodes, batu i sie lai seng nëndoloh'i Yesus e ipësësule su anung kami. Tau ini tawe nëkoa manga apa sarang sënsule ku hinong hukumangu papate. ¹⁶Ualingu ene ia mënggeserë si Sie bõu ene taku ipëlo."

[¹⁷Apan tempong salimbangu Paskah, i Pilatus harusë mamëllo u sëngkatau wou taumatan tahungku baugu kawanua.] ¹⁸Këbi taumata ku makakomolë sene sëngkapëbansagë, "Pate e i Sie! Pëllo e i Barabas baug'i kami!" (¹⁹I Barabas nitahungku ualingu nënggohaeng sutaloaran soa ringangu ualingu namate.)

²⁰I Pilatus mapulu mëmëllo i Yesus ualingu ene i sie sau mëbisara kapia sutaloaran taumata lawo e. ²¹Kai i sire nëmpëbansagë u, "Kuruise i Sie! Kuruise i Sie!"

²²Bõu ene sau katëllun sule ne i Pilatus nëbera si sire, "Kai apa pësasalan'E? Ia tawe nakaëba sala sarang sëmbau si Sie ku hinong ihukungu hukumang papate! Ia e mënggeserë si Sie mase taku ipëllo."

²³Kai i sire mëngkate mëbëbansagë sëngapang iha i sire u i Yesus kai hinon pakikuruisë. Ku samurine pëbawansag'i sire timëtalë. ²⁴Tangu i Pilatus në nawong hukumangu papate si Yesus kerewe su kapulun taumata lawo ene, ²⁵dingangu nëlëso u taumata ku dëdorongan i sire, mangalene tau ku nitahungku ualingu pënggaghohaeng dingangu pamamate. Bõu e i Ye-

sus nisarakangke si sire balæwe
koateng tuhu kapulun sire.

Mawu Yesus nikuruisë

(*Mat. 27:32-44; Mrk. 15:21-32*)

(*Yoh. 19:17-27*)

²⁶Ene i Yesus niwawaelain
sire. Su taloaran daleng, i sire
nësombangu tau sengkatau ku a-
rengi i Simon ku asale wou Kire-
ne ku seng kasuë e su soa. I sire
naname si sie, mase nisihasang
sëngapan botonge pamasaëng ka-
lung kuruisë niapatole si Yesus.

²⁷Lawo taumata nahuntole si
Yesus – piako lai kadalaü manga
wawine pirangkatau. Manga wa-
wine ene mahunsangi dingang-
u mahunggunguin Mawu Yesus.

²⁸Arawe i Yesus nëbihi si sire
ringangu nëbera, "Manga wawi-
nen Yerusalem! Abe pahunsangi
u Ia. Pahunsangien batangeng
dingangu manga ana i kamene.

²⁹U kai sarung dumënta tempone
taumata e mëmpëbera, 'Kariang-
kamang manga wawine wanto e
ringangu tawe nëmpëhana, di-
ngangu tawe niapasusun manga
rariot!' ³⁰Su tempo ene taumata
e sarung mëmpëbera su manga
wulude, 'Kaensako si kami!' Di-
ngangu su manga wongkone,

'Pangambungko si kami!' ³¹Kai
kereu su kalu wëdang biahë, tau-
mata seng mëkëkoä kereini ute,
kereapa wue sarung pëkakoä i si-
re su kalu mahëgu!"

³²Pia lai ruangkatau wali-
ne – irëdua taha pëkoä dalai
– ku niwawan sire waugu
pakikuruisë dingang i Yesus.
³³Saraeng nahumpa su tampa ku
isësëba "Daran Tëmbö", i si-
re nanguruis'i Yesus dingang i
rëdua tahapëgue ene – sëngka-
tau su sëmbëka koaneng dingang-
u sengkatau lai su sëmbëka-
ne kaihing Yesus. ³⁴Mase i Ye-
sus nëkaliomaneng, "Amang am-
punge wue i sire! U i sire wëga
wue apa këkoateng i sire."

Pakeang i Yesus pinëpapa-
hiaen sire sene ringangu lahuri.
³⁵Taumata lawo mahundarisì se-
ne mëmpëbëbiala manga pangaha
u tau Yahudi nëbaheaun Ye-
sus apid'u nëbera u, "I Sie
makasalamatëbe taumata waline;
kënancko ini i Sie pëlësokon ba-
tangeng'E, kereu i Sie kahëngang
hëngang Datung Salamatë ku ni-
pilen Mawu Ruata!"

³⁶Manga soldado lai nëba-
heaun Sie. I sire nëmpëhaung di-
ngangu nëmpañëgon anggorë ma-

haesë si Sie, ³⁷ apidu nëbera, "Kereu i Kau ratun tau Yahudi, pëlësokon batangeng'U!"

³⁸ Su wowong kalung kuruis'u Mawu Yesus, maḃawoḃe bawera ini: "Ini e Ratun Tau Yahudi."

³⁹ Sëngkatau wou tau tahapëgue maḃaghantong sene nëhinakang Mawu Yesus. I sie nëbera, "I Kau Ratun Saḃamatë bëgang? Ute pëlësokon batangeng'U ringangu i kandua lai!"

⁴⁰ Arawe tahapëgue sëngkatau e wue nëbera su hapie angkuënge, "Apa i kau tamatataku u Mawu Ruata e? I kau seng sëngkakahukungu papate kere i Sie. ⁴¹ Këtaeng hukumang si kadua ute, nëkëtaeweng kakanoa i kadua. Kai i Sie mang tawë saḃane!" ⁴² Mase i sie nëbera, "Mawu Yesus, tahëndunge wue ia kereu i Kau seng dumënta kere sëngkatau Ratu!"

⁴³ "Pangimangke," angkuëng i Yesus si sie, "sahëllo ini i kau sarung dingangKu su Firdaus."

Kapapohong u Mawu Yesus

(*Mat. 27:45-56; Mrk. 15:33-41*)

(*Yoh. 19:28-30*)

⁴⁴ Mangae pukuḃë mapuḃo dua ëllo ranḃe matangëllo tawe simënanḃ dingangu kaḃuwau wanua ene mëngkate marëndung-dëndung sarang pukuḃë tatëllu wawëllo. ⁴⁵ Gordeng maḃaghantong su raḃungu Baḃem Mawu e natingkasë napahia darua. ⁴⁶ Mase Mawu Yesus nëluntingihë tingih'E maiḃa, "Amang! Su raḃungu ḃiman'U Ia manarakangu watangengKu!" Bouten nëhenge-tang kerene, i Sie napohong.

⁴⁷ Saraeng tëmbonangu soldado e nakasiloe apan seng naria-di, i sie mëḃëdalo Mawu Ruata mase i sie nëbera, "Kahëngang i Sie Taumata ta saḃane!"

⁴⁸ Taumata ḃawo ku narënta sene mëmpëbiala, nakasiloe apa naria-di. I sire napuḃë dingangu naung napene u pësasasësilë. ⁴⁹ Dingangu këḃi kanarang i Yesus laḃ e manga wawine ku

nahuntole si Sie wou Galilea, mahundarisi bou maraune ku nakasilo kebı ene.

Pëngangubulë si Yesus

(*Mat. 27:57-61; Mrk. 15:42-47*)

(*Yoh. 19:38-42*)

⁵⁰⁻⁵¹ Pia sengkatau arenge i Yusuf ku asale wou soang Arimatea su wanuan Yudea. I sie sengkatau mapia ku leadatengu taumata ku malaing kapangampale tempone Mawu Ruata maneta meparenta kere sengkatau Ratu. Maning i sie kai anggotang Menggaghuta, i sie tawe sengkanaung su putusang dingangu kakanoa i sire ene. ⁵² I Yusuf e tamai netengon Pilatus ku meggausë tadeau wadangu Mawu Yesus e pakigelli si Sie. ⁵³ Bou ene i sie nangała badangu Mawu Yesus bou kalu kuruisë, mase nipikungu heka sapu bou heka alusë. Kuteu nipeloete su ralungu kubulë ku nikakoā su ralungu watu hanibë – kubulë ene bedaweng ta nipapake. ⁵⁴ Ello ene ellon sambaiang; dingangu seng maraning penanetau ellon Sabatë.

⁵⁵ Manga wawine ku nempetole si Yesus bou Galilea e timole lai si Yusuf ku naka-

siloe kubulë ene. I sire nakasilo lai kereapa wadangu Mawu Yesus nipello su ralungu kubulë. ⁵⁶ Bou ene i sire nengkapule mase nempanadia manga rampa ringangu lana mawengi baugu melanisë badang i Yesus.

Su ellon Sabatë, i sire tawe nehale baugu tutuhu tita su ralungu pangangagama.

Pëbawangung u Mawu Yesus

(*Mat. 28:1-10; Mrk. 16:1-8*)

(*Yoh. 20:1-10*)

24 Su ellon Misa, maluka-lu-kadë, manga wawine ene nakoā sarang kubulë nebawa manga rampa ku seng nisadiang sire. ² Nikaëbakengi sire watu lahëping kubulë seng limunggi. ³ Mase i sire nahunsuë su ralungu kubulë ene, kai i sire tawe nakaëba badangu Mawu Yesus sene. ⁴ Kapahundarisi e sene i sire ringangu nempëbingo mangëna hale ene, sengkëlëndiu pia duangkatau ringangu pakeange kuku-hena dudarisi deduh'i sire. ⁵ I sire nengkatakū kahëngang, ku netumpëkuhë sarang ëntana, apid'u i redua ene nebera si sire, "Unue i kamene medëdeā taumata wiahë sutałoarang taumata

nate? ⁶I Sie tawę dje sini, i Sie seng nębangung! Tahędunge e apang ku seng niweran'E si kamene su tempong i Sie wędang su Galilea, ⁷u 'Ahus'u Taumata e harusę isarakang su limang tau waradosa, mase ikuruisę dingangu su katęllu ęllone i Sie sarung mębangung.'"

⁸Tangu manga wawine ene nakatahędungke apan niwerang Mawu Yesus. ⁹Saraeng nęngkawalı bęu kubulę, i sire nęmpębękeng kębi apan nariadi ene si sire murit'E mapuloęsa ringangu apan tumatolene lai waline. ¹⁰Manga wawine ku nęmpębękeng kębi ene su manga murit'i Yesus ute kai: I Maria Magdalena, Yohana ringangu i Maria i ninang i Yakobus, dingangkewelain manga wawine waline ku naung dingangkewen sire. ¹¹Kuteu naung manga raro-lohang ene mangiraling u manga wawine ene kętaeng mębębękeng apan ta gunane. I sire tawe męmpangimangu wękeng manga wawine ene. ¹²Arawe i Petrus nębangung dingangu timalang sarang kubulę. Apid'u kakakowęe i sie kađalingene sarang dałunge ku kinasilone kętaeng heka sa-

sapę sene. I Petrus męngkatewe naherang ku napulę dingangu naunge mađalingung kębi apan seng nariadi.

Sutaloaran dałeng sarang Emaus

(Mrk. 16:12-13)

¹³Su ęllo ene lai, pią duangkatau tumatole si Yesus kapahundalenge sarang soa sęmbau, ku arenge Emaus, mangawe mapuloęsa su kilometere karaune wou Yerusalem. ¹⁴I rędua kapahundalenge mahumbisaran maanung kębi halę ku seng nariadi ene. ¹⁵Ene kapahumbisarane i rędua ringangu kapębawukane ęna, i Yesus sęsane rimęnta ku dimalęng sęngkaralęng dingang i sire. ¹⁶I sire nakasilo si Yesus, kai piako apa nakatuę hakiu i sire ta nakakirała si Sie. ¹⁷Mase Mawu Yesus nęhengetang, "Kai apaę ipahumbisaran dua su taloaran dałeng ini e?"

I rędua timaing dingangu ghati malęhubę. ¹⁸Mase sęngkatau wou'i sire, arenge i Kleopas, nakiwalę si Yesus, "I Tuang sęsane tau raghi su Yerusalem ku

běgang halě nariadi paį sene samurine ini?"

¹⁹ "Halě u apa e?" angkuěng i Yesus,

"Halě nariadi su Mawu Yesus tau Nazaret e," simbahi rědua, "I Sie kai nabi. Manga waweran'E ringangu manga kakanoa'E makawasa kahěngangbae tumuhu tingirangu Ruata ore lai tumuhu tingirangu kěbi taumata. ²⁰ Manga imang těmbonange ringangu manga pangaha u wauang kite seng nanarakang i Sie mēdeau pinakihukungu papate, ringangu i sire seng nanguruisě si Sie. ²¹ Sěmbaliu i kami mēlēharapě u kai i Sie sarung mēliwir'u tau Israel! Dingangu sahěllo ini kai seng katěllu elligence wou kariadin halě ene. ²² Ringangu lai pirangkatau wawine wou taloarang kami seng napakahěkosě si kami. Maluka-lukadě kahěngang i sire seng sarang kubulě, ²³ kai tawe nakaěba badange paį sene. Mase i sire něngkawali dingangu němpěbera u i sire nakasilo malakate ku manga malakate u němpěbera u i Yesus kai wiahě. ²⁴ Pirangkatau wou i kami e maka sarang kubulě ku nakaěba u apaewen nibawerang manga wawine ene mang kahěngang kerene,

kětaeng i sire ta nakasilo si Yesus."

²⁵ Mase i Yesus něhenge-tang si sire, "I kamene mambeng longong! Měngkate tumanu malongge mahimangu kěbi apan niwerang manga nabi. ²⁶ Balinewe Ratun Salamatě e kai hinong mětatahangu sunsara kalimona wuhue makaěba kawawantug'E?" ²⁷ Samurine i Yesus nanualagě si rědua apan mabawohę suralungu Winohę Susi maanum batangeng'E maněta bou manga bukě i Musa ringangu bukě u manga nabi.

²⁸ Kapahumbisaraue tangu i sire kakanineng soa tětimo-naeng i sire. I Yesus kai kere makienna u alingkai maněpasu raralenge, ²⁹ kuteu i rědua e kawe mamaedě si Sie. "Katanę ringangi kaudua," angkuěng i rědua si Sie, "u ini e seng kakabawěllone ku seng maněta maděndung^z lai." Tangu i Yesus simuě e mēdeau mětana dingangu i rědua. ³⁰ Su tempon maiang kapahungkaenge ringangi rědua, i Yesus nangala e borotě, nakitarimakasę su Mawu Ruata, mase nikakakěmpange mase nionggoe si rědua. ³¹ Ene nakakiralęe i rědua u ene kawe naung i Yesus.

^z masunaubě = hampir malam

Kuteu i Sie kawe naghëngging bou matan dëdua. ³² Angkuëng i rëdua, sëngkatau su waline, "Balineuwe pëndangu naung i kadua e mësulungu luhune su tempon i Sie mëbëbisara ringangi kadua sutaloaran dalëng dingangu manualag'u ralohon Winohe Susi e si kadua e?"

³³ Orasë ene lai i rëdua mëngkatewe nëmpëbua mase nëmpësule sarang Yerusalem. Pai sene i rëdua nakahombang si sire mapulo ësa murit'i Yesus nëmpëkomolë dingangu manga ringangi sire waline. ³⁴ I sire e nëmpëbera, "Mambeng kahëngang Mawu e seng nëbiahë kapia. I Sie seng nëtëngkatode u watangeng'E si Simon!"

³⁵ I rëdua murit'i Yesus ku buhu rarënta ene ute nëmpëbëkeën ëba i rëdua sutaloaran daralëngang, dingangu kereapa i rëdua nakakirala Mawu su tempon i Sie mangompeng borotë.

**Mawu Yesus mëtëngkatodeu
watangeng'E su manga
murit'E**

(*Mat. 28:16-20; Mrk. 16:14-18*)

(*Yoh. 20:19-23; MMR. 1:6-8*)

³⁶ I sire wëdang kapahumbisane, sëngkëlëndju i Yesus sësane

rimarisi sutaloaran sire ku nëhengetang, "Pëdarame si kamene!"

³⁷ I sire himëkosë dingangu nëngkatakü u mangiralëng i sire kai nakasilo himukudë. ³⁸ Kai i Yesus nëhengetang, "Unuë i kamene nëngkatakü? Unuë pia pëbawimbong suralungu naung i kamene? ³⁹ Kakëlla limaKu ringangu tatinganko laedëKu. Këngkasingkako u mambeng la sësaku. Pënaghipoe ringangu tahëndungeko, watu himukudë e tawë gësine arau ruhine kere kinasilong kamene si Sia."

⁴⁰ Mawu Yesus nëhengetang kerene apidu nanode u liman'E ringangu laed'E si sire. ⁴¹ Ku pia i sire mëngkai wëdang tawe mëmpangimang ualëngken mahëmpaliun daluase ringangu kalaherange, tangu i Yesus nakiwaloe si sire, "Ku bëdangben pia kaëng i kamene sini e?" ⁴² Ku ene i sire nëmpangonggöen kinä goreng sëmpoto si Sie. ⁴³ Mawu Yesus dimaë kinä ene, mase nikinæ su tëngon sire.

⁴⁴ Bou ene i Sie nëhengetang si sire, "Halë tamaï ini e sembeng takü nihabarë si kamene pia la deng dingangi kamene u këbi apang ku mabawohe maanun la e suralungu manga bukë i Mu-

sa, manga nabi ringangu Mazmur harusě mariadi.”

⁴⁵ Mase i Yesus namuka e tiněnnan sire mědeau i sire makaenna timonan Binohe Susi e.

⁴⁶ Mase i Yesus něhengetang si sire, ”Suralungu Winohe Susi e maḃawohe u Ratun Saḃamatě e harusě mětatahangu sunsara ringangu harusě měbangung kapia woḃ papate su ęllo katęllune.

⁴⁷ Kerene lai suralungu arengu Ratun Saḃamatě e hinong ihabarě su patiku umatě u taumata harusě pęmpętobatě batuu Mawu Ruata e mangampung kaḃawoḃ rosa. Ringangu habarě e hinon ipędalahabarě manęta boḃ Yerusalem. ⁴⁸ I kamene e sahidine woḃ kębi ene. ⁴⁹ Dingangu Ia e sęsaku sarung męndolohě sarang anun kamene apaeweng nikędon

Amang. Kai i kamene pakata-tapě bue męmpangampalě su soa ini sarang i kamene kawuakengu kawasa woḃ anun Mawu Ruata.”

Mawu Yesus nasapua sarang sorga

(*Mrk. 16:19-20; MMR. 1:9-11*)

⁵⁰ Boḃ ene i Yesus nębawa si sire niapasębang boḃ soa sarang Betania. Sene i Sie nęhengke u ḃiman'E, mase nęngalaḃamatě si sire. ⁵¹ I Sie kapękoę kerene, apidu i Sie nasapua soḃlong sorga, mase naghea wo'i sire. ⁵² I sire nętęngkasumagě nęmpęsuba si Sie, boḃ ene nęmpęsule sarang Yerusalem dingangu raḃuasě tawe sihinge, ⁵³ dingangu męngkatewe męmpędędalo Mawu Ruata su Waḃem Mawu e.

INJILĚ NIHABAR'I YOHANES

DARUMATINGE

Suralungu InjilĚ nihabar'i *Yohanes* ini, tangu Mawu Yesus e kai ipĕpauli kere Hengetangu Ruata kakalĚ ku seng nĕtĕngkataumata ku nataŋa su taŋoaran kite. Kere niwera suralungu bukĚ ini, u InjilĚ ini e niŋawohe timonane ute tadeau mĕbawasane mĕmpangimang u kai i Yesus Datu Mananaŋamatĕ su pĕkakakĕdo e – i Sie kai Ahus'u Ruata tutune. Kerene lai tadeau ualingu pangangimang si Sie ute i sire makahombang pĕbawiahĕ (20:31).

Saraeng tatĕtĕae maŋuli u Hengetangu Ruata kakalĚ e kai Mawu Yesus, ute wahageang humotong boŋ bukĚ ini e mĕbĕbĕken haghing munara makadaŋinau kinoa'E. Kĕbi apan makadaŋinau ene mĕlĕlahĕ u Mawu Yesus e kai Ratu Mananaŋamatĕ seng nikĕdoe, i Sie kai Ahus'u Ruata. Apaewen bĕkem munara makalaherange piŋa tatambane paŋahumbisarang Mawu Yesus dingangu taumata. Boŋ apan paŋahumbisara tamai ene naŋahĕ e apa tumangu tanda makalaherang ene. Su wahageang ini e nipauliŋu piŋa tau maŋimang su Mawu Yesus dingangu makoa murid'E, kaiso piŋabe lai rumaŋawange ku tawe mangimang si Sie. Su pasalĕ 13-17 namohe matimu kereapa kapiane pĕkakakĕndagĕ sutaŋoaran Mawu Yesus dingangu manga murid'E su hĕbi piŋa i Sie seng mĕnaung samekang dingangu kereapa i Sie nĕnadia ringangu manoghasĕ pĕndangu naung i sire su hĕbi ene. Su manga pasalĕ kasasamuriange mĕlĕlahĕu kereapa Mawu Yesus nisame dingangu ilĕhukung, kereapa i Sie nikuruisĕ, napohong mase nĕbangung kapia, ringangu kereapa i Sie nĕtĕngkatodeu watangeng'E su manga murid'E saraeng i Sie nĕbangung kapia.

Bĕke maŋanun tau wawine sĕngkatau kinatangka nawuang (8:1-11), nitaho sutaŋoaran, tanda kurung gĕguwa ualingu kai maŋawo

karangang dingangu manga tungkangu apan kaḷimonane tawe nēlurangu wēke ene, arawe sēnggæ wue ute nēlurangu ene su kēbi tampa.

Suraḷungu bukē ini e i Yohanes napakatumang^a su haḷē u gaghēlli, mangalene pēbawiahē tutune ringangu kakalē, nighēllu Ruata suraḷungi Kristus. Gaghēlli ene seng nanēta dokeng su dunia, ringangu seng bou nikahombangengu apan taumata nēnarima i Yesus kere raḷeng soḷong anun Mawu Ruata, kere mēlēlahēu Ruata, ringangu kere mēgaghēlli pēbawiahē. Pēkakiraḷaēng si Yohanes ute kai manga papintu lēḷakenge wou manga kakakoḷa u ēllo-ēllo pēlahēkangu apan katēngadē marohkē, pinintune kere: ake, borotē, tualagē, mēndaḷukadē ringangu dombane, kalun anggorē, dingangu wuane.

Lohone

Panētakenge	1:1-18
Yohanes Mangangurung ringangi sire kaḷamona- mona nakoḷa murit'u Mawu Yesus	1:19-51
Pētatangkiangu Mawu Yesus su taloaran kawanua	2:1-12:50
Su pira-pira ēllo pēngēnsueēnge su Yerusalem dingangu su rēduhu Yerusalem	13:1-19:42
Pēbawangungu Mawu Yesus dingangu pētātēngkatodeu watangeng'E	20:1-31
Kakunsi e: pētātēngkatodeu watangenge kapia su Galilea	21:1-25

^a manakatuntu

Hengetang mēgēgēlliu
pēbawiahē

1 Su tētā-tētā e kalimonan dunia e niriadi, Hengetang e seng ene.

Hengetang e kai ringangu Ruata,
ku Hengetang e mēsulung dingangu Ruata.

2 Dokeng su tētāe i Sie ringangu Ruata.

3 Kēbi e niriadi wō'i Sie, ringangu wōu kēbi apang seng ene,
tawēu sarang sēmbau niriadi tā i Sie.

4 Hengetang e kai simbulu pēbawiahē,
dingangu pēbawiahē e mēgēgēlliu tualagē su taumata.

5 Tualagē e sūsarang su kararēndung,
dingangu kararēndung e tawe makawata e.

6 Narēntāe sēngkatau rarolohangu Ruata,
arengē i Yohanes.

7 I Sie rimēnta mēhabar'u tualagē ene,
tadeau kēbi taumata e mangimang.

8 I sie sēsane walīnewe tualagē ene,
kai i sie kētabeng mēlahabare.

9 Tualagē tutune makatualagē kēbi taumata e,
rimēnta su dunia.

10 Hengetang ene su dunia,
dunia e niriadi wō'i Sie,
kaiso dunia e tawe makakiraḷa.

11 I Sie rimēnta su soan'E sēsane,
kaiso taumatan'E tawe nēnarima i Sie.

12 Kaiso piābe lai taumata ku nēmpēnarima i Sie ringangu nangimang si Sie;
i sire niongotang'E hakē makoḷa anau Ruata,
13 ku niwantelē balīnewe wōu taumata,
u pēbawiahē buhu e kai wōu anum Mawu e rarēntane.

14 Hengetang e seng niriadi taumata,
ku nētana sutaloarang kite,
dingangu i kite seng nakasahidi kawawantug'E.
Kawawantugē ene seng nitarima'E tabidau Ahus'i Amang mang sēmbau.

Wọ'i Sie i kite makasilo
Ruata ringangu kakēndag'E
si kite.

15 I Yohanes dimēnta kere
sahidin'E,
ku i sie mēlēhabaru:
"Seng i Sie ini e naung taku
ipēpauli:
I Sie sarung dumēnta
samurin ia e,
kai limembong kasēllahe wou
ia,
u kalāmonan ia ene, i Sie
seng tēbe ene."

16 I Sie napenēu kakēndagē;
ku tawē ēdone,
i Sie mēngalamatē si kite.

17 Torat'u Mawu e kai nitarima
i kite bou i Musa.
Arawe kakēndagē dingangu
kasasatian Duata e nilahē si
Yesus Kristus.

18 Tawēu nakasilo Mawu Ruata,
suliun Ahusē mang sēmbau,
ku mēsulung i Amang ku
kasasēmbau dingang'E.
Kai i Sie nēlahē Ruata i
Amang si kite e.

Sasahidin Yohanes

(Mat. 3:1-12; Mrk. 1:1-8
Luk. 3:1-18)

19 Mangangawasang Yahudi
su Yerusalem nēndolohu manga i-

mang dingangu taumatan Lewi
apakakoā solong anung Yohanes
ku iapakibalo si sie, "Kai i sai i
kau?"

20 I Yohanes nēngaku malahe,
"U ia e walineuwe Ratu Mēnanalamatē."

21 "Maeng kerene, i kau kai
i sai?" angkuēng i sire, "I Elia
ngae?"

"Baline," angkuēng i Yoha-
nes.

"Nabi i kau e?" kakiwalon si-
re kapia.


"Baline," angkuēnge.

22 "Maeng kerene, pēberae si
kami mēnsang i sai i kau, tadeau
i kami makawawawe sasimbange
baug'i sire ku dimoloh'i kami.
Apa e ipauli u maanun bata-
ngengu e?"

23 I Yohanes nēberae u, "Seng
ia e ipēpauli u nabi Yesaya:

"Tau mamohang su wanua
linggi:
Teneko daralengangu
Mawu.'"

24 Kalawou taumata apan ni-
roloh'u tau Farisi e 25 nakiwalo,
"Kereu i kau walineuwe Ratu Ma-
nanalamatē, arau walineuwe i E-
lia, arau walineuwe lai nabi, kawe
unue i kau mēnahani?"



Soang Yerusalem (1:19)

²⁶I Yohanes simimbang, "Ia e mēnahani ringangu ake. Ara-we su taŕorang kamene ute kai piā tau ta nikahēnganeng i kame-ne. ²⁷I Sie rumēnta samurin ia e, kaŕingung mēluka taŕing sapa-tun'E e, ia e tawe wotonge."

²⁸Kēbi ini e nariadi su Beta-nia, su sēmbēkan daki wou saŕuu Yordan tampa pēnēnahaniang i Yohanes.

Ahus'u Domban Duata

²⁹Su sēngkariōellone, i Yo-hanes nakasilōe Mawu Yesus dūdēnta su anune. Tangu i Yoha-nes nēbera, "Kakēlla ēndai, A-hus'u Domban Duata nangēm-mu dosan dunia e. ³⁰Kai i Sie naung

taku ipēpauŕiu sarung dumēnta samurin ia, kaiso kawē limembon kasēllahe wou ia, batu tēntaŕang ia deng tawe nipēhanae, i Sie seng tēbe ene. ³¹Kaŕimonan ene, ia e wēgan Sie e. Sēmbaŕiau ia dimēnta mēnahani ringangu ake tadeau tau Israel e masingkaben Sie."

³²I Yohanes maŕaing nēsahi-di u, "Ia nakasilo Rohkē Su-si natētung kere manū paluma ēnae bou ŕangi ku dimoro su pu-sig'E. ³³Tempo ene ia bēdawen bēga i sai i Sie. Kaiso Ruata nēndoloh'u ia e apēnēnahaning ake e, kai seng nēbera si sia, 'Maeng i kau makasilo Rohkē Su-si e rumoro, ku mētumaŕa su

səngkatau, ute kai i Sie sarung mənahani ringangu Rohkē Susi.³⁴ Ia e seng nakasilō'E sēsaku," angkuəng i Yohanes, "kū ia e nēsahidi u seng i Sie e Ahus'u Ruata e."

Manga murid'u Mawu Yesus kalahumotongang e

³⁵Səngkariōellone i Yohanes ene kəpia su tampa ene e ringangu murite ruangkatau. ³⁶Pia e i sie nakasilo Mawu Yesus simahe, i sie nēbera, "Kakēlla e! Pai Ahus'u Domban Duata."

³⁷I rēdua nəung murid'i Yohanes e nakaringihe manga wawera ene, tamai timolē e Mawu Yesus. ³⁸Mawu Yesus nēbihi sarang likude kū nakasilo si sire kəpahuntolene si Sie. I Sie nakiwalo, "I kamene kai mēdēdeə apa?"

Angkuəng i sire, "Guru, i Tuang kai maṭana suapa?" (Guru arau 'Rabi' mangalene mananēntiro.)

³⁹"Mahie pēmandəe hala," angkuəngu Mawu Yesus. I rēdua nahuntolē si Sie, kū nakasilōe katatanakeng'E. Orasē ene seng pukulē ēpa bawello. Ēllo ene i rēdua e nēngkatana dingang'E.

⁴⁰Səngkatau wo'i rēdua kū seng nakaringihē bawerang Yohanes kū mase timolē Mawu Yesus, ute kai i Andreas, anaṁ sēmbau i Simon Petrus. ⁴¹I Andreas e mēngkatewe ligha nēdeə si Simon, anaṁ sēmbau e, mase nēbera si sie, "I kami e seng bōu nēsombangu Mesias!" (Mesias ute mēsulungu i Kristus kū kai: Ratu Mananałamatē.) ⁴²I Andreas e nangētud'i Simon sołong anun Mawu Yesus.

Mawu Yesus e timaedē^b si Simon, mase nēhengetang, "I kau e i Simon ana i Yona. I kau sarungbe isēba si Kefas." (Kefas mēsulung dingangu Petrus, mangalene: i wukidē batu.)

Mawu Yesus nəkui si Filipus dēduan Natanael

⁴³Səngkariōellone Mawu Yesus kai napulu makoə sołong Galilea. I Sie kai nēsombang i Filipus kū nēhengetang si sie, "Mahi e tolē Sia!" ⁴⁴I Filipusē e kai tau Betsaida, pētatanakeng i Andreas dēduang Petrus. ⁴⁵Filipusē e nēsombang i Natanael kū nēbera si sie, "I kami e seng bōu nēsombangu tau ipēpauli i Musa

^b nēmanda mataedē

suraŕungu bukë u Torat'u Mawu, dingangu lai seng nihabaru manga nabi. I Sie kai i Yesus tau Nazaret, ana i Yusuf."

⁴⁶ Arawe i Natanael simimbang, "Mariadi wue ngae haŕlë mapapia sumëpu bou Nazaret?"

"Pëmandæ sësanu," nisimbang i Filipus.

⁴⁷ Mawu Yesus mamanda si Natanael kaďentane, ku mëbëbisaran kakakoã i sie, "Tingangke, ene sëba e tau Israel patutune. Tawë apa haŕlë mëlle si sie."

⁴⁸ "Kereapa wue i Tuang nakakiraŕa si sia?" kerene kakiwaŕon Natanael su Mawu Yesus.

Mawu Yesus simimbang, "I Filipus deng ta nëkëkui si kau e, Ia seng tëbe mamanda si kau suaŕungu kalun ara e."

⁴⁹ "Tuang Guru," angkuëng i Natanael, "I Tuang e kai Ahus'u Ruata! I Tuang e kai Ratun tau Israel!"

⁵⁰ Mawu Yesus nëhengetang, "I kau mangimangu këtaben uaŕingu Ia nëbera u Ia seng nakasilo si kau suaŕungu kalun ara e? Patiku haŕlë ku nangëlembon kasëllahe wou ene e sarungbe ikasilonu!" ⁵¹ Mawu Yesus nëhengetang kapia, "Mambeng kahëngang, pangimangke, i

kau sarung makasilo ŕangi e matope, ringangu manga malaekat'u Mawu maŕintu marangeng su ŕantehu Ahus'u Taumata e."

Saŕiwangu pëkakawing su Kana

2 Dua ëllo tuhu e piako saŕiwangu pëkakawing su soang Kana su ëntanang Galilea, ku i ninangu Mawu Yesus maŕaing ene sene. ² Mawu Yesus dingangu manga murit'E nighausang lai su saŕiwang ene. ³ Saraeng anggorë e nasuë e, i ninang'E nëberæ su Mawu Yesus, "I sire nikasueëngu anggorë."

⁴ Mawu Yesus simimbang, "Inang, abe pëngoro si Sia e. Deng baŕline tempone Ia mëlaha u watangengKu."

⁵ Kaiso i ninangu Mawu Yesus nëbera su manga koki, "Mëngkate koã apan nioron'E si kamene."

⁶ Ene kai naung pia bënsadu akë ënningu waŕ mapapëllo sene, baugu panganguhaseng tuhuewe tunding tau Yahudi. Bënsadë ene pësëmbau mangawe lohong mahasu su litere. ⁷ Mawu Yesus nëhengetang su manga koki ene, "Lohoingkong akë bënsadë ene këbi." Tangu i

sire nēlohø niapakapene. ⁸ Bøu ene Mawu Yesus nēhengetang si sire, "Pēnggaingko kadodo ake ene ku bawako su anung tēmbonangu saliwang." I sire nēbawæ ake ene sarang anung tēmbonangu saliwang e, ⁹ ringangu i sie nētemangke ake ku seng nēbaļu nakoā anggorē. (I sie wēga wue mēnsang bøu apa asale anggorē ene, u tumbæwen kokī apang nēmpēndalingu ake ene e masingka.) Tangu tēmbonangu saliwang ene himaungke su kaghiang ese, ¹⁰ mase nēbera si sie, "Tuhū tundune, taumata e mēsiliwirē u anggorē mapapia kalimona, dingangu maēngbeng sake semben naundang doune, buhūewe anggorē baline. Arawe i kau e kawē nēndeso u anggorē kapiaēnge sarang orasē ini!"

¹¹ Kai ene halē nakaralīnau kahumotongange kīnoau Mawu Yesus. I Sie nēkoā halē ene su soan Kana su Galilea. Su halē ene e i Sie nēlahøu kasasēllah'E. Tangu manga murit'E nēmpangimang si Sie.

¹² Bøu ene Mawu Yesus rimēsung soļong Kapernaum i siren ninang'E, manga anau sēmbau'E ringangu manga mu-

rit'E. I sire nēmpētana sene mangawe pira ēllo karēngue.

Mawu Yesus simuē su Walem Mawu

¹³ Saraeng Ĕllon Paskang tau Yahudi seng masandigē, Mawu Yesus nakoā e soļong Yerusalem. ¹⁴ Su Walem Mawu su Yerusalem i Sie nakaēbæ maļahumbaļu u sapi, domba, ringangu manu paluma; ringangu manga mēnanaliu roitē maļhungkaiang sene. ¹⁵ Mawu Yesus nēkoā gagheserē bøu tali ku nēliwuahē kaļawou manga binatangē bæ domba arau sapi, wou raļungu Walem Mawu. Manga medang mēnanaliu roitē e niwalintui'E hakīu roitē e mēngkatewe nēsaliawuhē tamai ramahi. ¹⁶ Bøu e i Sie nēhenge-tang su manga mēbawaļu u manu paluma, "Pakasue e hengke bøu ini apa tamai ene. Baleng AmangKu abe koā tampa u paļahumbaļukang!" ¹⁷ Tangu manga murit'E nakatahēndungke ayet'u Winohe Susi ini, "KakēndagēKu baug'u Waļen'U, o RuataKu, makatutung naungKu."

¹⁸ Manga tēmbonangu tau Yahudi e kai rimoka Mawu Yesus, angkuēng i sire, "Kēnang

pëndeu halë makadalinau su tēngong kami e tadeau i kami makahēngangu su tampa e wue i Kau mēkoā kereini.”

¹⁹ Mawu Yesus simimbang, ”Goghahe Baḷe ini, ku suralungu tēllu ḗllo Taku pētikang kapia.”

²⁰ Bou e i sire nēmpēbera, ”Epa u puḷo ḗnung su taunge karēngue nipamētikang ini. Bou e i kau mamēti kapia suralungu tēllu ḗllo?”

²¹ Arawe Baḷem Mawu su timonan Mawu Yesus ute kai watangeng'E sēsane. ²² Ku tangu susamurine, saraeng Mawu Yesus niapēbangung kapia wou kapapohong, nakatahēndungke manga murit'E u halë ene kai seng bou nipēhengetang'E. Tangu nēmpangimangke i sire su apan maḃawohe suralungu Winoḃe Susi e ringangu su apan iwēberang Yesus.

Mawu Yesus masingka u patiku taumata

(Mat. 21:12-13; Mrk. 11:15-17)

(Luk. 19:45-46)

²³ Tēntalang Mawu Yesus deng ene su Yerusalem su tempon pēmamantugu ḗllon Paskah, lawo taumata maḃgimang si Sie ualingu halë kēkoateng'E. ²⁴ Kai-

so Mawu Yesus sēsane tawē nēmpangimang si sire, watu i Sie masingkaben sire kēbi. ²⁵ Tawe wahaḷuasē taumata maḃualagu kakanoa i sai-sai si Sie, batu i Sie sēsane seng masingkau ralungu naungu taumata.

Mawu Yesus dingangu i Nikodemus

3 Pia sēngkatau tēmbonangu agama wou ghalipohong tau Farisi ku arenge i Nikodemus. ² Pia sēhēbi i sie rimēnta su anum Mawu Yesus dingangu nēbera, ”Tuang Guru, i kami masingkau i Tuang kai niroloh'u Ruata. Batu kai tawēu sarang sēngkatau makakoā halë makadalinau kere kēkoateng i Tuang, kereu Mawu Ruata tawe rumēndingang i sie.”

³ Mawu Yesus simimbang, ”Pangimangke, tawēu sarang sēngkatau makoā kawanuan Dua-ta kereu i sie tawe ipēhana kapia.”

⁴ ”Makoābe kereapa taumata seng matēllang ku saḃ ipēhana kapia?” angkuēng i Nikodemus su Mawu Yesus. ”Lahaḃ i sie saḃbe makasuē suralungu gandongang i ninange mase ipēhana karuan sulenc?”

⁵Mawu Yesus simimbang, "Mambeng tēngadē baweraKu ini: Kereu taumata tawe ipēhanaḅou akē dingangu wou Rohkē Susi e, taumata ene tawe masowa su kararatuangu Mawu. ⁶Taumata tuḅu gēsī ute nipēhanaḅu u matimadē, arawe tuḅu marohkē e ute kai nipēhanaḅu u Rohkē Susi. ⁷Abe raḅinau u Ia nēbera u: i kamene harusē ipēhanaḅu kapia. ⁸Anging tumiḅu suapaeweng kapulune, i kiteḅu e makaringihē salinduhunge; kai i kau wēga wue mēnsang dimēntawe wou a ringangu mēnsang makoḅabe soḅlong a i sie. Kerene lai apan taumata ku pinēhanaḅu bōu Rohkē Susi e."

⁹"Kereapa ene mariadi?" angkuēng i Nikodemus.

¹⁰Mawu Yesus simimbang, "I kau e mananēntiro su Israel; unḅe i kau wēga wue? ¹¹Pangimangke: i kami maḅuliḅu apang kasingkaḅu i kami, dingangu i kami e kēḅabeng mēsēsahiding apang seng kinasilong kami; kai i kamene tawe mapulu mangimang sasahiding kami. ¹²I kamene tawe mangimang kereu Ia e mēbēkeng kakakoḅa u dunia ini; kereapa i kamene mangimang, kereu Ia mēbēkeng kakakoḅa u sorga e si kamene? ¹³Tawēu sa-

rang sēngkatau nakadangeng su sorga e samatang i Sie ku seng nētēngkatēntung su dunia, ku kai Ahus'u Taumata e.

¹⁴Kerēwe i Musa napakarange u tēmpu witu su kalu sēmbua su wanua ḅinggi e, kerene lai Ahus'u Taumata e hinong iapakarange, ¹⁵tadeḅu kēbī taumata e mangimang si Sie, makahombang pēbawiahē tutune ringangu kakalē."

¹⁶Uaḅingu Mawu Ruata kereneḅeng kakēndage su raḅohon dunia e, hakīu i Sie nēnarakangu Ahus'E mang sēmbau tadeḅu apan taumata ku mangimang si Sie tawe mawinasa, kaiso kawē makahombang pēbawiahē kakalē. ¹⁷Batūu Mawu Ruata e nēndoloh'u Ahus'E waḅinewe mēhukungu dunia e kaiso kawē mēngambang dunia e. ¹⁸Taumata ku mangimang si Sie tawe ihukung. Arawe taumata ku tawe mangimang ute seng niukungu Mawu, puhinengu i sie tawe mangimang su Ahus'u Ruata e mang sēmbau. ¹⁹I sie tētuntukang uaḅingu haḅē ini: Tualagē e seng dimēnta su dunia, kai taumata e ēndou kawē mapulung marēndunge sulungu tualagē, u kakanoḅa i sire kai raralaki. ²⁰I

sai-saiewen mēkēkoā daralaki, kai mēbēbinsiu tualagē; kŭ tawe mapulu humaung su tualagē e, maḍiring kakanoā i sire raralakisē e ikasilo. ²¹Arawe i saing kawē tutuhŭ kapulun Duata e u-te luhaung su tualagē e mēdeau maḷahē apan seng nikakoae timuhŭ kapulun Duata.

Mawu Yesus dingangi Yohanes Mangangurung

²²Samurin ene Mawu Yesus dingangu manga murit'E nēngka-koā solong banuang Yudea. I Sie reng nētana kadodo tempo ringangi sire kŭ nēnahani. ²³⁻²⁴Su tempo ene i Yohanes deng tawe nātahungkŭ. I sie nēnahani su Anon, masandigu Salim, batu senē kai piā maḷawo akē. Taumata e mēmpahundēnta su anune, mase i sie mēnēnahani si sire.

²⁵Manga tumatoḷe si Yohanes nanētae nēmpēdarendehe dingangu tau Yahudi su haḷe u panamurēsi e. ²⁶I sire nakoā solong anun Yohanes kŭ nēbera, "Guru, i Tuang bēdang makatahēndung tau ringangi Tuang su sēmbēkan saḷu u Yordan ene, kŭ itētēbou si kami kangere? Orasē ini i Sie maḷaing

mēnēnahani kŭ kēbi taumata e rudēnta su anun'E!"

²⁷I Yohanes simimbang, "Taumata e tawe pusakae ke-reu tawe ghēlirangu Mawu si sie. ²⁸I kamene hala seng nakaringihē si sia nēbera, 'Ia baḷinewe Ratu Mēnanaḷamatē. Ia kai nirolohē ipangalimona si Sie.' ²⁹Kaghiang bawine e kai tētaghuanengu kaghiang esē. Arawe hapu kaghiang esē e kētaben mēnanggele ringangu kapēdēdaringihe, kŭ maḷuasē naunge kereu makaringihē tingih'u kaghiang esē. Ia maḷaing kerene. Kŭ orasē ini e raḷuasēku e nasukŭ kahēngang. ³⁰Kai i Sie hinon kaḷasēllahe, arawe ia e kai hinong kaḷadodo e."

I Sie kŭ seng dimēnta wou sorga

³¹I saing kŭ bou rasie kai su wowong kēbi e. I saing kŭ bou dunia e kai nasowa taumatan dunia ringangu maḥumbisarang haḷe u maḍunia. I Sie e kŭ darēntane wou rasie e kai su wowong kēbi. ³²I Sie mēbēbisaran apang kŭ seng kinasilon'E ringangu kinaringih'E, kaiso mang taweu sarang sēngkatau mangi-

mang su apan sasahidin'E. ³³I sai mangimang su sasahidin'E ene ute, mēngaku wue u Ruata e mambeng tēngadē. ³⁴Batu tau-mata rarolohangu Mawu mēlēhabarē manga baweran Duata, ualingu Rohkē u Ruata seng nipaloho si Sie masuku. ³⁵I Amange makēndagē su Ahus'E, ku seng nēnarakangu kēbi kawasa si Sie. ³⁶I saing ku mangimang su Ahusē ene sarung makahombang pēbawiahē tutune ringangu kakalē. Arawe i saing ku tawē satiane su Ahusē ene e tawe makahombang pēbawiahē. I sie ihukungu Mawu sarang karēngue.

Mawu Yesus dingangu tau wawinen Samaria

4 Tau Farisi e nakaringihē u Mawu Yesus nakareā dingangu nēnahani limembong kalawōe tumatolene wou i Yohanes. (²Tuhū hinone Mawu Yesus sēsane tawe mēnahani, kaiso kētaben manga murit'E.) ³Sarāeng Mawu Yesus nakakasingka u tau Farisi seng nakaringihē halē ene, ute i Sie nanētangu Yudea e ku nakoā solong Galilea. ⁴Kuteu raralēng'E ene kai harusē lumiu Sa-

maria. ⁵Tangu Mawu Yesus nahumpaen soa sēmbau su Samaria e arenge Sikhar tawē kadaune wou ēntana naung nionggo i Yakub su ana e i Yusuf. ⁶Sene kinahombangenge pahighin Yakub. Mawu Yesus mamben nasaghedu raralēng, ku i Sie naiang su wihuh pahighi. Tempo ene pia u manga pukulē mapulo dua ēllorange. ⁷⁻⁸Dingangu manga tumatole Mawu Yesus seng nēngkakoā solong soa nēmpamelli kaēng.

Bou ene sēngkatau wawinen Samaria e rimēnta nēnimba ake. Mawu Yesus nēberae si sie, "Inang, botonge Ia mēdorong mēnginung?"

⁹Tau Samaria wawine e simimbang, "I Tuang tau Yahudi, ia tau Samaria; unue i Tuang mēdorong inumang si sia?" (U tau Yahudi e tawe pēdalāhēmpukange ringangu tau Samaria.)

¹⁰Mawu Yesus simimbang, "Kereu i kau masingkau kakēndagu Ruata ringangu i sai mēdēdorong inumang si kau, ute nasahe bue kai i kau e mēdorong mēnginung si Sie, ku i Sie sarung mangonggou ake biahē si kau."

¹¹Angkuēngu wawine ene, "I Tuang tawē tatimba, mase pahi-

ghi ini e kai maraḷung kahēngang. Kai wou apa i Tuang makahombang akeḷ biahē ngae? ¹²I Yakub, gaghurang i kami e nanēntangu pahighi ini si kami. I sie sēsane mangalaḷ akeḷ inumange wou ini; kerene lai manga ana e ringangu binatangē lēhikinange. Apa i Tuang maḅgiraḷing kai nangēlebong kasēllahe wo'i Yakub?"

¹³"I saing kuḷ manginung akeḷ ini e mang saḷ marou," angkuēngu Mawu Yesus, ¹⁴"arawe i saing kuḷ manginung akeḷ sarung Taku iongḷo e, ute semben tawe marou sarang marēngu-dēngu. U akeḷ sarung Taku iongḷo e kai makoḷ simbuḷē suraḷungu watangenge kuḷ sūsaḷiwēbudē soḷong likude mase mēgēgēlli si sie pēbawiahē tutune ringangu kakalē."

¹⁵Angkuēngu wawine ene, "Tuang, onggoleko ia akeḷ ene, tadeḷu ia semben tawe marou; dingangu seng tawahaḷuasurumēnta sini mēngalaḷ akeḷ."

¹⁶"Dakḷe kuḷ e kawingu, mase pēsuleko sini," unguēngu Mawu Yesus.

¹⁷"Ia e tawē kawinku," unguēngu wawine ene.

"Kahēngang buē si kau," unguēngu Mawu Yesus. ¹⁸"Batu i kau seng bou nēkawing liman suḷe, mase tau eḷe

ipēdēdaḷahikingu orasē ini e walineuwe kawingu."

¹⁹"Orasē ini ia nasingkae u i Tuang kai sēngkatau nabi," unguēngu wawine ene. ²⁰"I unpung i kami e maḅnēmba Ruata su wuḷudē ini, arawe kawanuan Tuang e mēbēbera u kētaeng su Yerusalem tampaḷ taumata maḅnēmba Ruata e."

²¹"Pangimangke," unguēngu Mawu Yesus si sie, "sēsule tempo taumata e maḅnēmba si Amang, seng baḷinewe su wuḷudē ini, ringangu walineuwe lai su Yerusalem. ²²I kamene tau Samaria maḅnēmba Ruata wēgang kamene, arawe i kami tau Yahudi e kawe maḅnēmba si Sie kuḷ seng kinasingkateng i kami, watuu kasaḷamatē e kai rimēnta wou tau Yahudi. ²³Kai tempone sarung dumēnta, kuḷ seng narēnta, kuḷ dingangu kawang Rohkē Susi taumata e sarung maḅnēmba si Amang kuḷ nakoḷ Ruata kahēngang ikēkapulun Duata. ²⁴U Ruata e kai Rohkē, dingangu samatang uḷingu kawang Rohkē Susi e apan taumata makapanēmba si Amang kerēwe i Sie ene."

²⁵Bawine ene nēbera su Mawu Yesus, "Ia masingka, u Ratu Mananaḷamatē (kuḷ isēsēba si Kristus e) sarung dumēnta. Ke-

reu i Sie marēnta, i Sie sarung mēhabaru patiku s̄abarang si kite.”

²⁶”Kai seng Ia e i Sie,” angkuēngu Mawu Yesus, ”Ia e ku seng kapēbēbisarane ringangu e.”

²⁷Su tempo ene manga murit’u Mawu Yesus e nēngkawali. I sire naherang nakasilo Mawu Yesus mēbēbisara ringangu tau wawine. Kai taweu sarang sēngkatau wou i sire nakiwalo su tau wawine ene, ”I ninang kai mēgēgausē apa tangu?” arau makiwalo su Mawu Yesus, ”Kawe unue i Tuang mēbēbisara ringangu tau wawine ene?”

²⁸Tangu tau wawine ene nanētangu wēnsade ēndai sene wou e timalang solong soa ku nēbera suapan taumata sene. ²⁹”Mahiko pēmpēmanda taumata ku mēlēhabaru kēbi apan seng bou taku nikakoā, ilēuli e si sia. I Sie ene waline Ratu Mananałamatē e ngae?” ³⁰Tangu i sire ene małaing nēmpanētangu soa e ku nakoā solong anung Mawu Yesus.

³¹Su orasē ene manga murit’E nēmpēmaringang si Yesus mēsिमokolē. ”Tuang Guru,” angkuēng i sire, ”sałamate mēsिमokolē.”

³²Kai Mawu Yesus e kawe simimbang, ”Pia be kaēng si Sia e, katewe su kawēgang kamene.”

³³Tangu manga murit’E nanēta e nahēngkiwalo u, ”Kai pia u nēbawa kaēng baug’i Sie?”

³⁴Mase Mawu Yesus nēhēnggetang, ”Kaēngku e ute kai mēkoā kapulun Sie ku nēndoloh’u Ia, dingangu mēngganapē munara ku seng nisarakang’E si Sia. ³⁵I kamene mēmpēbēbera u, ’Kate ēpa u wulang seng oras’u mamēnsa.’ Arawe Ia tangu kai mēbera si kamene: Kakēllako manga waelē seng nēngkararirihē, ku seng hinong pēnsakeng! ³⁶Mamamēnsae seng manēta manarima u sasewane ringangu seng makapēngomolē buane waug’u pēbawiahē tutune ringangu kakalē. Tadeau bæ mēngangasie arau mēmamēnsae mahuluasēbe sēngkapahułuasē. ³⁷Papasihing^c ini e małaing nihi-no, ’Ku sēmbau e mēngasi, arawe waline wue ute mamēnsa.’ ³⁸Ia mēndoloh’i kamene pamēnsa su waelē baline niwahētang kamene; u ene seng bou nihalē u taumata waline, ku i kamene makatarima u untunge wou munaran sire.”

^c sasalili = peribahasa

³⁹Maḷawo tau Samaria tumana u soa ene nēmpangimang su Mawu Yesus, ualingu waweran tau wawine ene, "I Sie kawe maḷiḷu kēbi apan seng taku nikoḷa." ⁴⁰Tangu saraeng manga taumatan Samaria ene nēmpēsombangu Mawu Yesus, i sire mēdorong sēngapang botonge tadeḷu i Sie mētana dingangi sire. Tangu Mawu Yesus nataḷa sene dua ḷlo karēngue.

⁴¹Bou ene sauneng kakaḷawo taumata nangimang su Mawu Yesus ualingu kēbi apan nitatēntiron'E si sire. ⁴²I sire nēmpēbera su tau wawine ene, "I kami nangimang orasē ini e, walineuwe lai ualingu waweranu si kami, kaiso kawe i kami hala seng nakaringihē si Sie, ringangu nasingka u i Sie mambeng tēngadē Mananaḷamatē dunia."

**Mawu Yesus napakapian
ana'u mēlahalē
u walen datu**

⁴³Naliun dua ḷlo nētana su Sikhar, Mawu Yesus nakoḷa soḷong Galilea. ⁴⁴Mawu Yesus sēsane seng nēhengetang,

"Sēngkatau nabi e tawe lēdateng su soane sēsane." ⁴⁵Arawe su tempon i Sie nahumpaḷu Galilea, i sire pai sene nēmpanēnsomahē dingangu karaḷuasḷu naung, batuḷu i sire kai ene su Yerusalem su ḷllon Pēmamantugē Paskah, ku seng bou nakasilo kēbi apang kinoḷa u Mawu Yesus.

⁴⁶Bou ene Mawu Yesus nēsule soḷong Kana su Galilea, su pia i Sie nēmaḷui akē niapakariadi anggorē. Su soa ene pia sēngkatau mēlahalē u mananēmbonangu kawanua e ku anaḷ naung kai masakī su Kapernaum. ⁴⁷Saraeng i sie nakaringihē u Mawu Yesus kai seng nēdeḷa Galilea wou Yudeḷa, ku i sie nakoḷa soḷong anum Mawu Yesus ku mēgēgausē tadeḷu Mawu Yesus e rembeng masongo su Kapernaum ku deng mapakapian anaḷ e, ku kai seng marasai.^d ⁴⁸Mawu Yesus e nēhengetang su mēlahalē u mananēmbonange ene, "Kereu i kamene tawe makasilo manga halē makaḷalinaḷu e, ute i kamene tawe mēmpangimang."

⁴⁹"Tuang," angkuēngu mēlahalē ene, "tuḷungko ligha dēsunge

^d luhēdu = hampir mati

paḷi anaḷu e reng bēdang ta nairi.”

⁵⁰ Mawu Yesus e nēhenge-tangke si sie, ”Dakoḷe, anaḷu e seng nuḷe.”

Tau e nangimang su henge-tangu Mawu Yesus e, ku mase i sie napuḷe e. ⁵¹ Kutēu i sie wēdang kaḷēsunge, su raralengange pinēsombangke manga ēllange ku nēmpēbēke u, ”Ahus’i Tuang seng nuḷe.”

⁵² Mase i sie nakiwaḷo si sire, mēnsang pukuḷe pira rariḷo e nanēta nuḷe. I sire simimbahē u, ”Kahēbi manga pukuḷe sēmbau ēllo rangē lēhabe nai-lang.” ⁵³ Bōu e i amangu rariḷo e nakatahēndung u su tempo ene Mawu Yesus e nēhengetang si sie, ”Anaḷu e napia.” Tangu i sie ringangu kaḷawōu manga anaḷu sēmbau e nangimang su Mawu Yesus.

⁵⁴ Kai ene e haḷe makadaḷinau karuane kinoau Mawu Yesus su Galilea saraḷeng i Sie narēnta wōu Yudea.

Kalaḷen tau masakī su liwuā u Betesda

5 Bōu ene piako salimbangu tau Yahudi, tangu Mawu Yesus e natamaḷ e soḷong Yeru-

salem. ² Su Yerusalem marēduhu ”Tukad’u Domba” piako liwuā e sēmbau, ku suweran Ibrani isēsēba Betesda. Sene piā panonggene lima kaḷawōe. ³ Suapan panonggene tangu mēngkate maḷawō masasaki e maḷundalo-ka; piā u wuta, piā u kempalē, dingangu lai peosē. [I sire kēbi e mēngampalē pēgaghologu ake e. ⁴ Batu maḷekatē u Mawu e kai kaḷinga luḷintu suralungu talaga e mapēgēgologu ake e. Ku masasaki kahumotongange matumpa su pēgaghologu ake e, i sie mapia wōu saki, balawe mēnsang saki apa tētaludange.] ⁵ Su tampa ene kai piā tau esē ku seng tēllum puḷo ualu su taunge karēngue masaki. ⁶ Mawu Yesus nakasilo si sie ruḷaloka sene ringangu masingka u i sie seng marēngu-dēngu masaki; tangu Mawu Yesus nakiwaḷe si sie, ”Mapulu i kau e mapia?”

⁷ Tau masakie simimbang, ”Tuang, sini tawēu makasowang ia suralungu talaga su pēgaghologu ake e. Ku tēntalang ia buhu e kaḷamaine soḷong talaga e, seng piā taumata waḷine mēngalimona sumuē e.”

⁸ Tangu Mawu Yesus nēhengetangke si sie, ”Pēbangungke, hengke e tēpihu mase ralengke.”



Daḷeng sēmbua su soan Yerusalem (5:1)

⁹Tangu su tempo ene lai tau e napia. I sie nēhengke e tēpihe ku bōu e rimaleng.

Halē ene nariadi su ḗllon Sabatē. ¹⁰Ualingu ene manga tēmbonangu tau Yahudi nēmpēbera e su tau wuhu kapia wou saki e, "Sahello ini e kai ḗllon Sabatē. I kau tawe wotonge mēhengke tēpihu."

¹¹Arawe tau ene simimbangu, "Tau napakapian ia kani-

ni e, nēngoro si sia apēlēhengke tēpihēku ringangu apaḍalenge."

¹²"Ku kai i sai tangu nangoro si kau e apēlēhengke tēpihu mase apaḍaleng?" unguēng i sire.

¹³Kai tau ḗndai buhu napia e wēga wue mēnsang i sai taumatane, u Mawu Yesus e seng nētēngkaghēngging sutalōaran taumata ḷawo e.

¹⁴Su samurine Mawu Yesus e nēsombangu tau ene suralungu Waḷem Mawu ringangu nēhengentang si sie, "Ini i kau e seng napia. Ku kuhæe sau mēdosa, tadeḷau tawe sau hombangengu limembon karalakise."

¹⁵Mase natamai e tau ene nēhabarē su manga tēmbonangu kawanuang Yahudi u kai Mawu Yesus nakakapia. ¹⁶Ku ualingu ene i sire nanētæ mapakasaran Mawu Yesus, batu u i Sie mapakapian masasaki su ḗllon Sabatē.

¹⁷Arawe Mawu Yesus e nēhengetang si sire, "I Amangku e mang kaḷalē e sarang orasē ini, dingangu Ia e maḷaing mēlēhalē."

¹⁸Manga wawera ene makadiadi^c naungu manga tēmbonangu tau Yahudi e sauneng

^c makatapeng = membuat
5:10; Neh. 13:19. Yer. 17:21

mēdeau mēm̄ate si Sie. I si-re mēm̄p̄k̄k̄oḥ kerene wal̄inewe k̄t̄au ual̄ingu i Sie lul̄ampa ato-rangu agama maḥanun ḗllon Sa-bat̄ē, kaiso kai lai ual̄ingu i Sie n̄ēbera u Ruata kai i Amang'E; mangal̄ene i Sie mēt̄ēt̄engka-sul̄ungu watangeng'E ringangu Ruata.

Kawasang Ahus̄ē

¹⁹ Mawu Yesus simimbang si sire ene kerei, "Pangimangke Ahus̄ē e tawe makakoḥ apa-apa ringangu kawasan'E s̄sane. I Sie k̄t̄aeng m̄k̄k̄oḥ apang ik̄ka-silon'E k̄k̄oateng i Amang'E. U apang k̄k̄oateng i Amang e ene lai k̄k̄oateng u Ahus̄ē e. ²⁰ Batu u i Amang k̄k̄enda-gu Ahus̄ē ringangu m̄l̄ēlahē u k̄b̄i apang k̄k̄oateng'E ha-la. Sude wue i Amang sarung lai m̄lahē u munara limem-bong kas̄llahe hak̄iwen i kame-ne mēm̄p̄dal̄inau. ²¹ I Amange map̄b̄ēbangung u taumata nate ringangu m̄ḡēll̄i p̄bawiah̄ē tutune ringangu kakal̄ē; kerene lai Ahus̄ē e m̄ḡēll̄i p̄bawiah̄ē kakal̄ē su taumata k̄u ma-pulu gh̄elikang'E p̄bawiah̄ē! ²² I Amange tawe m̄hukung si sai-sai. K̄b̄i kawasa waug'u m̄hu-

kung e seng nisarakang'E su Ahus'E. ²³ I Amang n̄k̄oḥ ene tadeau kal̄awou taumata m̄ngad̄at̄ē Ahus̄ē e kereewe lai i si-re m̄ngad̄at̄ē si Amang. Taumata k̄u ta m̄ngangad̄at̄ē Ahus̄ē e maḥaing ta m̄ngangad̄at̄ē si Amang n̄ndolohu Ahus̄ē e.

²⁴ Mambeng t̄engad̄ē manga waweraKu ini e: I sain d̄udaringih̄ē hengetangKu ringangu mangimang si Sie n̄ndoloh'u la e, maḥanguang p̄bawiah̄ē kakal̄ē. I sie tawe sarung ihukung; batu i sie kai seng nal̄iwir̄ē b̄ou papate ringangu makahombang p̄bawiah̄ē. ²⁵ Pangimangke: Sarung dum̄enta tempone – arau sembeng tempone – taumata nate sarung makaringih̄ē tingih'u Ahus'u Ruata. K̄u i sain nakaringih̄ē e sarung m̄biah̄ē. ²⁶ Kereewe i Amang kawepūngu p̄bawiah̄ē, i Sie napakariadin Ahus'E lai pūngu p̄bawiah̄ē. ²⁷ I Sie seng nangonggo su Ahus'E kawasa waugu m̄hukung, u i Sie kai Ahus'u Taumata. ²⁸ I kamene abe ral̄inau makaringih̄ē hal̄ē ini e, batu sarung dum̄enta tempone u patiku taumata nate makaringih̄ē tingih'E. ²⁹ Mase sum̄ēbang b̄ou kubul̄ē. Taumata k̄u naung m̄k̄k̄oḥ ma-

pia e sarung mēbangung ku mēbiahē. Arawe taumata ku naung mēkēkoā dalakī e sarung mēbangung tadeāu ihukung.”

**Kalawou karalahē maanun
Mawu Yesus**

³⁰”Ia e tawe makakoā apa tuhū kapuluKu hala. Ia kētaeng mēlēhukung tuhūewe ilēorong Duata. Ku putusangKu e adilē, u Ia e tawe mēkakoā kapuluKu sēsaku, kaiso kai kapulung Amang ku nēndoloh’u Ia.

³¹Kereu Ia e kai mēsēsahidim batangengKu hala, sasahidiKu e tawe hinong pangimangeng. ³²Kai piābe taumata waline mēsēsahidim batangengKu, ku Ia masingka u sasahidine e mambeng tēngadē. ³³I kamene seng nēndolohu rarolang soḷong anung Yohanes ku i sie seng nēsahidi kahēngang maūliu watangengKu. ³⁴Halē ini e Taku ihabarē, balinewe tadeāu Ia e piā u mēsahidi, kaiso kawe mēdeāu i kamene iapakasalamatē. ³⁵I Yohanes e kai tabidau soḷo rudelli ku mapasēnnangu tualagē. Ku kētaeng kadodo tempo e i kamene maḷuasē manarima tualagē ene. ³⁶Arawe sasa-

hidiKu e kai limembong kasellahe wou sasahiding Yohanes. Apang kēkoatengKu orasē ini e, ute kai munara nitilakeh’i Amang si Siā, mēlēlahē i Amange seng nēndoloh’u Ia. ³⁷Dingangu i Amang ku seng nēndolohu Ia e maḷaing apēsēsahidin Ia e. I kamene mambeng bēdang ta nakadingihē tingih’E arau nakasilo ghahī’E. ³⁸Manga hengetang’E tawe nareso su naung i kamene batu i kamene tawe nangimang si Siā e ku seng niḍaroloh’E. ³⁹I kamene mēmpangēndung Binohe Susi batu i kamene mēngiralingu ringangu kakakoā kerene i kamene maḅaghuan pēbawiahē tutune ringangu kakalē. Ku Binohe Susi e sēsane mēsēsahidin Ia e. ⁴⁰Arawe i kamene tawe mapulu rumēnta su anuKu tadeāu makahombang pēbawiahē kakalē.

⁴¹Ia e tawe mēdareā daralo wou taumata. ⁴²Ia e makakirala si kamene. Ia masingka i kamene tawe kumakēndagu Ruata suralungu naung i kamene. ⁴³Ia e rimēnta ringangu kawang AmangKu, kaiso i kamene tawe nēnarima Ia. Arawe kereu taumata waline dumēnta ringang-

u kawasane hala. ute i kamene mēnarimaḅen sie. ⁴⁴Kereapa i kamene makapangimang kama-gengu i kamene kawe mēdeḅau makiralo su sēndinganengu, ku tawe mapulu mēgausē daralo a-salē wou Ruata mang Sēmbau? ⁴⁵Abe pēngēnnau Ia sarung mapēsalaḅang kamene su tēngon Amang. U mapēsalaḅang kamene e kai i Musa, i sie ēndaḅ pēlēhara-peng i kamene. ⁴⁶Kereu i kamene mangimang si Musa, ute i kamene sarung mangimang si Sia, u apan niḅawohē e ute maanun Ia. ⁴⁷Arawe kamageng i kamene tawe mangimang su apang ku bēbohekang i Musa e, ute kereapa wue i kamene mangimang apang Taku ipēbēbera si kamene?"

Mawu Yesus napakaēngu lima hiwu su kataune
(*Mat. 14:13-21; Mrk 6:30-44*)
(*Luk. 9:10-17*)

6 Nararēna samurin ene Mawu Yesus dimaki soḅong paḅ sēmbēkan danong Galilea, ku isēsēḅa lai dano Tiberias. ²Narēntae sene, tangu kai piḅ gapaēngu taumata maḅawo timoḅ si Sie, u i sire naung seng ḅou makasilo haḅē makadalinau kēkoateng'E makapia masasaki. ³Mawu Yesus simakae soḅong

buludē, mase naiangke ringangu u manga murit'E. ⁴Su tempo ene kai maraning Ēllon Saḅimbangu Paskang Yahudi e. ⁵Piḅ e Mawu Yesus maḅanda kaihi-koaneng maḅgēlikue, i Sie nakasilo e si sire mēgēgapaēng nahundēnta su anun'E. Ene i Sie nēbera e si Filipus, "Suapa ngae i kite makapamēlli kaēng, tadeḅau i sire kēḅi e makakaēng?" (⁶Mawu Yesus seng masingka apa sarung koateng'E, kai i Sie nēhengetang kerene, ute kai manaluḅa si Filipus.)

⁷I Filipusē e simimbang, "Borotē arēgang dua hasu su kaḅēpane roitē saḅaka e tawe makakaēng baug'i sire ini, manilaing i sire kētaeng mahiaḅ pēkadodo."

⁸Sēngkatau wou taḅoaran murit'u Mawu Yesus waḅine ku arenge i Andreas, anaḅ sēmbau i Simon Petrus nēbera, ⁹"Endaung piḅ dariḅ esē sēngkatau, sinasae borotē limambau dingangu kina duambua. Kai apa wue nēnggae waugu taumata kakēpaḅē kerei-ni?"

¹⁰"Apakaiangko i sire," unguēngu Mawu Yesus. Su tampa ene piḅ dēmpugē masuwenehē, ku i sire naiangke su rēmpugē ene – kaḅawoē piḅ u manga lima hiwu su kataune esē. ¹¹ḅou ene Mawu

Yesus nēngal̄ae borot̄ē ene mase nakitarimakas̄e su Mawu Ruata. B̄ou e i Sie n̄epapahiāen borot̄ē ene su taumata l̄aw̄o. Mase i Sie n̄epapahiāen kin̄a ene, k̄u i sire nahungkāengke n̄ebatu lehe i sire. ¹² Sarāeng seng n̄engkal̄aed̄e, Mawu Yesus n̄ehengetang su manga murit'E, "Komōl̄eko manga l̄embeng kāeng ene; kumbahangbe pīa u maghol̄o." ¹³ Mase i sire n̄engomol̄ē mapul̄o dua su patangane napen̄e kal̄aw̄o l̄embeng kāeng b̄ou borot̄ē limambau k̄u nīkakāengu taumata l̄aw̄o e.

¹⁴ Sarāeng i sire nakasilo hal̄ē makadal̄inau nikōa u Mawu Yesus, i sire n̄ebera, "Tēngad̄e, ini e kai nabi l̄eharapeng dumēnta su dunia!" ¹⁵ Mawu Yesus e masingkā u i sire rimēnta tadeau manihasan Sie makōa datun sire. Batu ene natamāi e i Sie n̄enggeang sol̄ong tampā bawul̄urange.

Mawu Yesus dimal̄eng su wowon ak̄e

(*Mat 14:22-33; Mrk. 6:45-52*)

¹⁶ Sarāeng seng kakahēbine, manga murit'u Mawu Yesus e n̄emp̄ed̄esungke sol̄ong dano e. ¹⁷ Mase i sire n̄emp̄esake sakaeng k̄u n̄emp̄el̄ebā dano ene, n̄etimona Kapernaum. Ēllo

e seng marēndung kai Mawu Yesus w̄edang tawe nadēnta su anung sire. ¹⁸ Kut̄eu rano e nanēta e n̄ekalitota kahiāen kaihā u anging. ¹⁹ Sarāeng n̄esakaeng mangae lima arau ēnungu kilo meterē kal̄aude, i sire nakasilo e Mawu Yesus kādal̄enge su wowong ak̄e, l̄uhaung sakaeng i sire. I sire n̄engkatak̄e. ²⁰ Arawe Mawu Yesus e kawe n̄ehengetang si sire, "Abe k̄engkatak̄u, kai Iā ēndaunge!" ²¹ Mase ringangben naung māluas̄e i sire n̄enarimā i Sie simake su sakaeng, k̄u su tempo ene lai sakaeng i sire nahumpā u t̄etimonāeng.

I sire m̄emp̄ed̄e

Mawu Yesus

²² S̄engkariōellone taumata l̄aw̄o k̄u b̄edang ene su s̄emb̄ekang dano e, nakah̄engangu wuhu-wuhu e k̄etāeng s̄engḡesa sakaeng sene. I sire masingkā u manga murit'u Mawu Yesus e seng n̄ebūa su sakaeng ene, arawe Mawu Yesus e tawe natol̄e. ²³ Samuring ene pīa e sakaeng pirang ḡesa w̄ou Tiberias natuli k̄u n̄emālango marēduhu tampā k̄u pīa taumata l̄aw̄o e māhungkāeng borot̄ē b̄ou nīalamateng u Mawu. ²⁴ Pīa e taumata l̄aw̄o nakasilo e u Mawu Yesus dingangu manga

murit'E tawę dise sene, tangu i sire nęmpęsake e manga sakaeng ene ku nęngkakoę solong Kapernaum nęmpędeę Mawu Yesus.

Mawu Yesus e kai borotę makadęntang pębawiahę

²⁵ Pia e manga taumata ene nęsombangu Mawu Yesus su sęmbękang dano e, i sire nakiwalo si Sie, "Tuang Guru, kange i Tuang nahumpa sini?"

²⁶ Mawu Yesus simimbang, "Mambeng kahęngang i kamene mędędeę si Sia balinewe ualingu i kamene seng nakaęnna timonan manga halę makadařinau Taku nikoę, kaiso ualingu i kamene seng bou nęmpękaęng borotę sarang nęngkalaedę. ²⁷ Abe pęmpamunara waęgu makaęba kaęng ku masue ringangu mařuhu. Pęmpamunarako waęgu makahombang kaęng ta mawawuhu dingangu makaręntang pębawiahę tutune ringangu kakalę. Kaęng ene e sarungbe ionggo u Ahus'u Taumata si kamene, batuu i Sie seng niakun Duata-Amang."

²⁸ Mase i sire nakiwalo si Sie, "Kai apa harusę koateng i kami tadeęu mętatahino su kapulun Duata e?"

²⁹ Mawu Yesus e simimbang, "Kai ini e ikękapulun Duata wou i kamene: pangimangke si Sie ku seng niroloh'u Ruata."

³⁰ "Kamageng kerene," unguęng i sire, "apa wue tatialane ikaonggo i Tuang tadeęu i kami makasilo ringangu mangimang si Tuang? Apa wue ku sarung koateng i Tuang? ³¹ Manga iupung i kami e nęmpękaęng manna su wanua ta taune, kere mařawohe surařungu Winohe Susi, 'I Sie napakaęng i sire borotę bou sorga.'" "

³² Mase Mawu Yesus e nęhengetang si sire, "Pęmpangimangke: Balinewe i Musa, kaiso kawe i AmangKu e nangonggou borotę tutune wou sorga. ³³ Batuu borotę ku nionggo u Ruata e ute kai i Sie ku seng limintu bou sorga ku mangonggo u pębawiahę baęgu taumata su dunia."

³⁴ "Tuang," unguęng i sire, "onggoleko i kami borotę ene sęntinia."

³⁵ "Kai Ia e borotę makaręntang pębawiahę," unguęng u Mawu Yesus si sire. "I sain dumęnta su anuKu mang seng ta mahutung sarang karęngue. Dingangu i sai ku mangimang si

Sią e semben tawe marou sarang marėngu-dėngu.

³⁶Kai kerėwe seng Taku nipėbera si kamene, maningbe i kamene seng bou nakasilo si Sią, kai i kamene mang tawe mangimang. ³⁷Kalawou taumata seng nionggo i Amang si Sią sarung mahundėnta su anuKu. Ia e tawe mėbinsi i sai-sai rumėnta su anuKu. ³⁸Batuu Ia e limintu bou sorga e, walinewe waugu mėkoą kapuluKu sėsaku, kaiso kawe kapulun Sie nėndoloh'u Ia. ³⁹Ku kai ini kapulun Sie nėndoloh'u Ia e: Tadeau wou kėbi taumata ku seng nisarakang si Sią, taweu sarang sėngkatau mailang; kaiso kawe tadeau Ia mapėbangung i sire su Ęllong Kiamatė. ⁴⁰Ku ini e mambeng kapulun Amangu kahėngang: Tadeau kėbi apan seng nakasilo Ahusė ku mangimang si Sie, managhuang pėbawiahė tutune ringangu kakalė, ku Taku ipėbiahė kapia su Ęllong Kiamatė."

⁴¹Apawen tau Yahudi nanėta e nėmpėgalundung su Mawu Yesus, batuu i Sie nėbera u: "Kai Ia e borotė natėntung bou sorga." ⁴²I sire nėmpėbera, "Kara i Yesus ini e kawe ana i Yusuf? I kami masingkau inang-

iamang'E! Kereapa wue i Sie wahanı nėbera u i Sie natėntung bou sorga?"

⁴³Mase Mawu Yesus nėhengetang si sire, "Abe pėmpėgalundung. ⁴⁴Taweu sarang sėngkatau makakarėnta su anuKu, kereu i Amang nėndoloh'u Ia e tawe mėbawa si sie su anuKu, dingangu i sain dumėnta, sarung taku ipėbangung su Ęllong Kiamatė. ⁴⁵Suralungu bukė u manga nabi kabawohe kereini: 'Kėbi taumata e sarung tėntiroėngu Mawu Ruata.' Ku kėbi taumata apang dudarinhė si Amang dingangu manėndung bou i Sie, rumėnta su anuKu. ⁴⁶Ku ene walinewe mauiu mangalene seng piąu wou nakasilo si Amang. Kėtaeng i Sie rimėnta wou anun Duata e seng nakasilo si Amang.

⁴⁷Kėngkasingkako: Taumata maimange kai managhuang pėbawiahė tutune ringangu kakalė. ⁴⁸Kai Ia e borotė makadėntang pėbawiahė. ⁴⁹Iupung i kamene kimaėng manna su wanua linggi, kai i sire maıang nate. ⁵⁰Kai waline kerene su borotė ku natėntung bou sorga; i saing kumaėng borotė ene semben tawe mate. ⁵¹Kai Ia e borotė natėntung bou sorga - borotė

ku makadentang pëbawiahë. I saing kumaëng borotë ini sarung mëbiahë sarang karënguë. Borotë ku sarung Taku ionggo baugu pëbawiah'u taumata su dunia e ute kai ghësiKu."

⁵² Sarang nakaringihë ene tau Yahudi nëmpëdarendehë lawo i sire, "Kereapa wue tau ini mangonggou ghësin'E si kite ipakikina?" angkuëng i sire.

⁵³ Mase Mawu Yesus nëhengetang si sire, "Pangimangke: Kereu i kamene tawe kumina gësin Ahus'u Taumata e ringangu tawe manginung dahan'E, i kamene mambeng kahënga-hëngang tawe makaëba pëbawiahë. ⁵⁴ I saing kumina gësiKu ringangu manginung dahaKu e managhuang pëbawiahë tutune ringangu kakalë, dingangu Taku ipëbangung su Ëllong Kiamatë. ⁵⁵ U ghësiKu e mamben kaëng kahëngang, dingangu rahaKu e mambeng inumang kahëngang. ⁵⁶ I saing kükina gësiKu ringangu manginung dahaKu, mang tatapë masëmbau dingangKu, ku la e masëmbau dingange. ⁵⁷ I Amang ku biahë ene, nëndoloh'u la dingangu la malaing nëbiahë bo'i Amang. Kerene lai i saing kumina gësiKu sarung mëbiahë bou la. ⁵⁸ Kai ini e borotë natëntung

bou sorga: balinewe borotë ke-re nikaëng iupung i kamene. Kai sarang kimaëng borotë ene, i sire e malaing nate. Arawe i saing kimaëng borotë ini sarung mëbiahë sarang karëngu e."

⁵⁹ Këbi ene pinëhengetang u Mawu Yesus pia i Sie manëntiro su balem pëkakaliomanengang su Kapernaum.

Manga wawera makadentang pëbawiahë tutune ringangu kakalë

⁶⁰ Sarang bou nakaringihë apang hengetangu Mawu Yesus e, lawo bou taloarang manga murit'E nëmpëbera u, "Tëntiro ini tumanju mawëha. I sai wue makatarima!"

⁶¹ Mawu Yesus sësane masingka u manga murit'E mëmpë-sësinguhutangu halë ene. Tangu i Sie nëbera e, "Apa i kamene kawe nimëngga u manga wawera ene? ⁶² Kai makoë kereapa maeng i kamene makasilo Ahus'u Taumata e mahengke kapia solong tampa e naung kalamona? ⁶³ Ku makabiahë taumata kai Rohkë u Mawu. Katatoghas'u taumata e mambeng tawë gunane. Manga wawera ku Taku pinëbera si kamene kanini ute kai manga wawerang Rohkë u Ruata ku

kai manga wawera makadëntang pëbawiahë. ⁶⁴Kaiso malaing pia sutaloarang kamene ku tawe mangimang." (Mawu Yesus e seng masingka dokeng bou tëtæ kai i sai-sai tawe mapulu mangimang, dingangu i sai ku sarung mësunia'i Sie.) ⁶⁵Mase Mawu Yesus nëhengetang kapia, "Kai ualingu ene hakju Ia mëlëhabarë si kamene u tawëu sarang sengkatau makakarënta su anuku, kereu i Amang e tawe mapakawala."

⁶⁶Nanëta bou orasë ene malawo bou manga murid'E nëmpañentang i Sie, ku seng tawe lai mapulu tumole si Sie. ⁶⁷Mase Mawu Yesus e nakiwaløe su manga murid'E si sire mapulo dua e, "Apa i kamene malaing mapulu mëmpañentangu Ia e?"

⁶⁸"Mawu," unguëng i Simon Petrus si Sie, "ku kai solong anung i sai tangu i kami e? Hengetangu Mawu e kai makadëntang pëbawiahë tutune ringangu kakalë. ⁶⁹I kami e seng nangimang dingangu nangiaking u kai i Kau Mawu e rarolohang susi wou anun Duata."

⁷⁰Mawu Yesus simimbang, "Kara kawe ia namile si kamene mapulo dua ini e? Sëmbaliau

sëngkatau wou taloarang kamene kai rohkë dalaki!" ⁷¹Ku itëtimo-nang Mawu Yesus e ute kai i Yudas ana i Simon Iskariot. Batu manilaing i Yudas sengkatau wou i sire mapulo dua murid'u Mawu Yesus e, i sie sarung mësunia'u Mawu Yesus.

Mawu Yesus dingangu manga ana u sëmbau e

7 Bou ene Mawu Yesus nëdara leng su apan tampa su Galilea. I Sie tawe mapulu solong banuan Yudea batu manga mëngangawasan Yahudi e sene mëkëkaraki mëmate si Sie.

²Su tempo ene ute seng masandigë Ëllon Salimbangu Selo Raukalu. ³Tangu manga ana sëmbau u Mawu Yesus nëmpëbera e si Sie, "Tëntangke tampa ini e ku kakoako solong Yudea, tadeau manga murid'U e malaing makasilo munaran'U. ⁴Tawë apa taumata ku sarung mëmuning apang kinoa e, kereu i sie kai mapulu tumeleng mapia. Kereu i Kau e mëkoabue këbi tamai ene, ute kasëllahu dunia e harusë masingka." (⁵Batu manga ana sëmbau e sësane malaing tawe mangimang si Sie.)



Danong Galilea (7:9)

⁶”Bėdangbe waline tempone si Sia,” unguėngu Mawu Yesus si sire, ”arawe waugu i kamene, sėntinią mang botonge. ⁷ Dunia ini e tawe mariadi mėbinsi i kamene. Arawe Ia e mang ipėbėbinsiu dunia, ualingu Ia mėngkate hanesė mėbėbera su dunia e u kakakoą e kai ralakisė. ⁸ Dako e i kamene hala kakoą solong salimbang ene. Ia e tawe tamai u reng baline tempoKu.” ⁹ Kerene pinėhengetang u Mawu Yesus su manga anau sėmbau e, ku i Sie natana su Galilea.

Mawu Yesus su salimbang u Selo Raukalu

¹⁰ Saraeng manga anau sėmbau e nėmpėtamai solong salimbang ene, ute marėma-rėmasė Mawu Yesus e nėbua sėsane tawę su kasingka u lawo. ¹¹ Karėnguėwen salimbang ene e, manga mėngangawasa su Yahudi e mėmpėdėdeą si Sie ringangu maħėngkiwalo, ”Kai suapa i Sie?”

¹² Taumata lawo e nanėta e mėmpėšėsasiang maanun Sie.

Piaben mēbēbera u: "I Sie tau-
mata mapia," Pia ewe lai
mēbēberau: "Tala! I Sie makapa-
lidē taumata lawo." ¹³ Kai taweu
sarang sēngkatau wahani mēbisa-
ra su tēngo maanun Sie, u i sire
matakū u mēngangawasan Yahu-
di.

¹⁴ Mēloaraen parahuluasē,
Mawu Yesus simuē suralungu
Baḷem Mawu, kū nanēta e
nanēntiro. ¹⁵ Manga mēnganga-
wasan Yahudi nēngkaherang kū
nēmpēbera u, "Kereapa wue tau
ini nakakasingka u kereng kalawo
e, sēmbaliau i Sie tawe nēsēsī-
koḷa?"

¹⁶ Mawu Yesus simimbang,
"Taku itētēntiro ini e walīnewe
tēntiroKu, kaiso kai tēntiron Sie
nēndoloh'u Ia e. ¹⁷ I sai mapu-
lu tumuhu kapulun Duata ute
sarungbe makakasingka mēnsang
tēntiro Taku itētēntiro e asaḷe
wo Ruata arau wo Ia sēsaku.
¹⁸ I sai mēgēgēllīu tēntirone sēsane
kai mēdeau mapakasēllahen
batangenge sēsane. Arawe i sai
mēdeau mapakasēllahen Sie kū
nēndolohē e, ute i sie matulidž,
kū tawē apa pēkakakonti su wa-
tangenge. ¹⁹ Kara kawē i Musa
seng nēgēllīu manga titan Duata
e si kamene? Kai sutaloarang ka-

mene taweu timuhu manga tita
tamai ene. Kawē unūe i kamene
mēngantibē mēmate Sia?"

²⁰ Taumata lawo e nēmpēsīm-
bang, "Pulu i Kau! Kai i sai
tangu mapulu mēmate si Kau e?"

²¹ Mawu Yesus simimbang,
"Kētaben halē sēmbau koateng-
Ku su ēllon Sabatē, kū i ka-
mene nēngkaherang. ²² I Musa e
nangonggou tiahān sunatē si ka-
mene – manilaing tuhu hino-
ne sunatē e baḷine wo'i Mu-
sa, kaiso kawē wo manga i-
upung kalimonan Musa. Uaḷingu
ene su ēllon Sabatē e i kamene
maḷaing mapulu mēnūnatē tau-
mata. ²³ Kereu i kamene kawē
mēmpēkoḷa ene u mēdeau kum-
bahangbe lumampa atorangu su-
natē bo'i Musa, unūewe i kamene
limangehē si Sia, uaḷingu Ia na-
pakaulen saki u taumata patiku e
su ēllon Sabatē? ²⁴ Kumbahang-
be mapēsalan taumata tuhūewe
silon mata e, kaiso tuhūbe su ka-
tulidē."

**Kahēngang bue Mawu Yesus
Datu Mananaḷamatē e?**

²⁵ Samuring ene pia e pirang-
katau tau Yerusalem nēmpēbera
u, "Baḷinewe ini taumatane kū
pēpareakeng tadeau pateēng e?"

²⁶ Pëmandə e i Sie mēbēbisarawe tə konsange su tēngon lawo, mase tawəu nēmpēberang apa-apa si Sie! Manga mēngangawasang kite e kai seng makəhēngang ngae u i Sie ini e kai Ratu Mananalamatē e? ²⁷ Kai kereu Ratu Mananalamatē e rumēnta, ute tawəu sarang sēngkatau masingka u wou apa asal'E! Sēmbaliəu i kite masingka buə wou apa asale tau ini e."

²⁸ Su samurine, piə Mawu Yesus kapanēntirone su Balem Mawu, i Sie nēhengetangken tingihe maiha, "Kū i kamene masingka u kai i sai Ia ini, ringangu wou a? Ia e tawe rimēnta ualingu kapuluku sēsaku. Ia e kai niroloh'i Sie kū kawasa nēndoloh'u Ia e, mase i Sie kai kapēngimangeng. Arawe i kamene tawe nakakirala si Sie. ²⁹ Ia e masingka i Sie, u Ia e kai wou i Sie asale, kū kai i Sie nēndoloh'u Ia e."

³⁰ Su tempo ene i sire mapulu mēname Mawu Yesus, kai tawəu wahani mēhēgo si Sie, u kai wēdang tanidatingu tempone. ³¹ Lawo buə taloaran sire ene nanētə nēmpangimang si Sie ringangu nēmpēbera u, "Kereu Ratu Mananalamatē e marēnta, mēnsang i Sie makakoəbe halē

makadalinau limembong kaławoə wou tau ini ngae?"

Hingid'u mēname

Mawu Yesus

³² Tau Farisi e nakaringihē u kereapa taumata lawo e mēmpēsēsasiang maanun Mawu Yesus. Ualingu ene, i sire ringangkewen manga imang tēmbonange, i sire nēmpēndoloh'u pirangkatau wou manga mēndariaga Balem Mawu e apēnēname Mawu Yesus. ³³ Mawu Yesus nēhengetangke su tēngon taumata su Balem Mawu e, "Kate kadodo tempo Ia e ringangi kamene. Bəu ene Ia e sarung mēbali solong anun Sie kū nēndoloh'u Ia e. ³⁴ I kamene e sarung mēmpēdeə si Siə e, kai tawe mēsombangu Ia e; batu i kamene tawe makarēnta su tampa su apan Ia ene."

³⁵ Mase manga mēngangawasa Yahudi e nahumbisara e sēmbau su waline, "Tau ini e kai mēnaung makoə solong a, hakju i kite e kawe tawe makareə si Sie? Apa i sie makoə solong anun tau Yahudi nasaliawuhē su soan tau liwu sutaloaran tau Yunani e, kū manēntiro tau Yunani ngae? ³⁶ Kū kai apa ngae timonane mēbera u i kite sarung mēdeə

si Sie kai tawe makarea dingangu i kite e tawe makakarenta su tampa e ku su apan i Sie ene sene?"

Ake makarentang pëbawiahë

³⁷ Su ëllo kasamuriange wou salimbang ene, ëllo e kawan-tugange, Mawu Yesus dimarisi e suralungu Balem Mawu mase nëhengetang, "I sain narou e rentà e su anuku tadeau panginung. ³⁸ Arawe i sai mangimang si Sia e, mabawohe suralungu Bukë Susi e: 'Bou ralungu naunge luelehë manga elehangu ake ku makadentang pëbawiahë e.'" (³⁹ Mawu Yesus e mëbëbisarang halëu Rohkë Susi e ku sarung itarima u apan taumata mëpangimang si Sie. Batu su orasë ene Rohkë u Mawu Ruata e bédawen ta nilëonggo; batu Mawu Yesus bédawen tawe niapakawantugu kapapohong'E.)

⁴⁰ Malawo taumata nakaringihë apan nipëhengetang u Mawu Yesus, ku sutaloran sire pia nëmpëbera u, "Tau ini, nasahë e u mang nabi e!"

⁴¹ Angkuëng u sëngga, "Ini e kai Ratu Mananalamatë!"

Kuteu piako lai nempëbera u, "Ah, unue Ratu Mananalamatë e kawe rumenta wou Galilea? ⁴² Suralungu Bukë Susi e kabawohe u Ratu Mananalamatë e kai hënton Daud, dingangu sarung sumëpu bou Betlehem, ku kai wou soan Daud." ⁴³ Pëngënsueënge taumata e nanëta e nëmpëdarendehe manun Mawu Yesus. ⁴⁴ Pia u mapulu mëname si Sie, kai taweu sarang sëngkatau nanenggehu li-manë si Sie.

Manga mangangawasang Yahudi e tawe nangimang

⁴⁵ Pia e mëndariaga Balem Mawu nirolohë niapëname Mawu Yesus këkapule e, manga imang tëmbonange ringangu tau Farisi e nëmpëkiwalo e si sire, "Kawe unue i Sie tawe niwawang kame-ne ramahi?"

⁴⁶ Manga lukadë e nëmpësimbang, "Uh, bédang ta apa taumata kapiane mëbisara kere i Sie!"

⁴⁷ "Apa i kamene seng napalidë karea'E?" unguëngu tau Farisi ene. ⁴⁸ "Pia ngae wou taloran manga tëmbonag i kite e arau tau Farisi ku pia u mangi-

mang si Sie? ⁴⁹Arawe tauniata ļawo ini, i sire wēga wue atorang i Musa, mase wæbe kereapa i sire kai seng niane.”

⁵⁰Sēngkatau wou taļoaran tau Farisi ene ute i Nikodemus, i anuē nāung bou simongo su anun Mawu Yesus. I Nikodemus nēbera su tau Farisi waline e, ⁵¹”Tumuhu atorange, tau-mata e tawe wotonge ihukung, tēntalang katataingu pēsasalane nirēdaringihang dingangu kakanoa e nisēsuiang.”

⁵²”Apa i kau e maļaing bou Galilea?” unkuēng i sire, ”Mēngkate panēsui su Bukē susi! I kau sarungbe makasilo u tawē apa nabi ku asaļe wou Galilea!”

Sēngkatau wawine kinatangka nawuang

[⁵³Samurin ene, kēbi taumata nēngkapuļe e soļong baļe.

8 Arawe Mawu Yesus e natarai soļong bulud'u Zaitun. ²Sēngkariōellone maļuka-ļukadē i Sie simuē su Baļem Mawu, ku maļawo taumata rimēnta soļong anun Sie. Mawu Yesus tangu naiangke, mase nanētae nanēntiro si sire. ³Kapanēntirone e, manga mananēntirong agama ringangu manga tau Farisi e

nēbawako tau wawine nikatangka nawuang. I sire nangoro tau wawine ene niapararisi sutaloarane, ⁴mase nēbera su Mawu Yesus, ”Tuang Guru, bawine ini nikaēbakeng kapēbaradosane. ⁵Suralungu titam Musa e kai piā atorang u kamageng manga wawine kakakoæ kere ini ute harusē bahungangu watu sarang pakapate. Ku su tempo ini e kereapa su tinēnnang Tuang?” ⁶I sire niakibaļo kerene mēdeau i sire mēnangka si Sie. Tadeau i sire makatokeng saļa si Sie. Arawe Mawu Yesus e mang kūkakurung maļmohe u taļimēdone su ēntana. ⁷Saraeng i sire mēngkate mēnēnahonsang, i Sie nēpētiē ku nēbera si sire u, ”Kereu sutaloarang kamene piā u tawē dosane ute, i sie kakaļimonaēnge pamereng u watu su tau wawine ēndai e.” ⁸Bou ene Mawu Yesus kimakurung kapia ku sauewe namohe su ēntana. ⁹Saraeng i sire nakaringihē Mawu Yesus nēhengetang kerene, naniehoē i sire nēmpanētangu tampa ene sēngkatau-sēngkatau nanēta bou kaghurangenge. Narale kate Mawu Yesus sēsane natēntang sene ringangu tau wawine e, ku bēdang ene su rarisikang e. ¹⁰Mase



Bongkon Zaitun (8:1)

Mawu Yesus nĕpĕtĕ kŭ nĕbera su tau wawine ene, "Suapae i sire kĕbĭ ĕ? Tawĕu nĕhukung si kau e?"

¹¹ "Tala, Tuang," nisimbange.

"Kerene e," angkuĕng u Mawu Yesus, "Ia e maĭaing tawe mĕhukung i kau, kŭ kuhæ mĕdo-sa kapia."]

Mawu Yesus tualag'u dunia

¹² Mawu Yesus sau e nĕhengetang su taumata ĭawo, unguĕng'E, "Kai Ia e tualag'u dunia. I sain tumoĭe si Sia e tawe rumaleng su kararĕndung, kaiso i sie kai managhuang tualag'u pĕbawiahĕ."

¹³ "Ini e i kau nĕsahiding batangengu e", unguĕng u tau

Farisi si Sie, "Sasahidin'U e tawe katĕngade."

¹⁴ Mawu Yesus simimbang, "Manilaing Ia mĕsahidin batangengKu e kai halĕ ini e mambeng kahĕngang; u Ia e masingka bou apa rarĕntaKu, ringangu soĭong apa timonaKu. I kamene wĕga wue mĕnsang Ia e wou a ringangu soĭong a. ¹⁵ I kamene mĕlĕhukung taumata tuĭ tabiat'u taumata; arawe Ia e tawe mĕlahukung i sai-sai. ¹⁶ Kereu Ia e mĕhukung taumata ute, putusanku ene e matulidĕ, batu Ia e waĭnewe sĕsaku; I Amang kŭ nĕndoloh'u Ia e ruĕĕndingang Sia. ¹⁷ Suralungu torat'i Musa e maĭawoĕ kereini: Sasahidi kahĕngang ute kai sasahidi wou

ruangkatau. ¹⁸ Kū mēgēgēlliū sa-
sahidi waugu watangengKu e ute
kai rarua – Iā dingangu i Amang
kū nēndoloh'ū Iā e.”

¹⁹”I Amang'U ene kai sua-
pa?” unguēng i sire.

Mawu Yesus simimbang, ”I
kamene tawe makakirala si Siā,
kerene lai si AmangKu. Mangae-
we i kamene makakirala si Siā,
ute i kamene malaing makakirala
si AmangKu e.”

²⁰ Kēbi ene seng nipēhenge-
tang u Mawu Yesus su ten-
pong i Sie mañentiro su Balem
Mawu su rēduhu manga kasē
tampa u papello. Kai taweu sa-
rang sengkatau nēname si Sie,
batū bēdaweng baline tempone.

Su tampa Takū tamaiange, i
kamene tawe makakarēnta

²¹ Tangu Mawu Yesus sauewe
nēhengetang si sire, unguēnge,
”Iā e sarung dumaleng, kū i ka-
mene sarung mēdeā si Siā, kaiso i
kamene sarung mate su ralungu
rosang kamene. Su tampa tamai-
angKu e, i kamene tawe maka-
karēnta.”

²² Tangu manga mēnganga-
wasan tau Yahudi nēmpēberae u,
”Aramanung i Sie kai mapulu
mētumpate, u i Sie kai nēbera u,

'Su tampa tamaiangKu e, i kame-
ne tawe makakarēnta.’”

²³ Mase Mawu Yesus e
nēhengetang si sire, ”I kamene
e kai rimēnta wou wawa; ara-
we Iā e kawē wou rasi. I kamene
kai wou dunia, arawe Iā e wali-
newe wou dunia. ²⁴ Hakiu ene Iā
nēbera si kamene u i kamene sa-
rung mate suralungu rosang ka-
mene. Kū mamben tēngadē i ka-
mene sarung mate suralungu ro-
sang kamene, maengu i kamene
kawē tawe mangimang u kai 'Iā e
isēsēba IĀ ENE'.”

²⁵”Kū kai i sai tangu i Kau
e?” unguēng i sire.

Mawu Yesus simimbang,
”Unue lai wēdang mēbisarang ka-
mene! ²⁶ Malawo lai takū ipauli
mañanun kamene ringangu pēsa-
salang kamene. Arawe i Sie kū
dimoloh'ū Iā e kapangimangeng.
Kū Iā e mēhabarē su dunia e
apang kū seng takū kinaringsihē
bo'i Sie.”

²⁷ I sire tawe nakaēnta u i
Sie kai kapēbisarane si sire mañ-
nung i Amang. ²⁸ Ualingu ene
Mawu Yesus nēhengetang si si-
re, ”Hēdo kereu i kamene seng
napakarange u Ahus'ū Taumata
e, i kamene sarung makasingkau
kai 'Iā e isēsēba IĀ ENE', di-

ngangu i kamene sarung maka-singka u taweu sarang sěmbau kěkoatengKu ku bou watangeng-Ku sěsaku. Ia e kětaeng mauḷi u apang ku itětěntirong Amang si Sia. ²⁹ Ku i Sie rimoloh'u Ia e ruđěndingang Sia e. I Sie tawe manga naněntangu Ia sěsaku, batuu Ia hanesěbe měkěkoā apang makaḷahimpulu si Sie."

³⁰ Bōuten Mawu Yesus e nēhengetangu kěbi ene, ute maḷawo taumata e němpangimang si Sie."

Duata kahěngang e makaliwirě si kamene

³¹ Bōu e Mawu Yesus nēhengetangke su manga tau Yahu-di apan seng němpangimang si Sie, "Kereu i kamene měbiahě tumuhū těntiroku, ute i kamene mambeng kahěngang tumatoḷe Sia, ³² tangu i kamene sarung makakiraḷa Ruata kahěngang, ku ualingu ene tangu i kamene ipakaliwirě."

³³ "I kami e kai hěnton Abraham," angkuěng i sire. "I kami e taweu u němpětětahamawu si sai-sai! Ku kai a timonan baweran'U, 'I kamene sarung iapa-kaliwirě'?"

³⁴ "Mamben těngadě bawera-Ku ini," angkuěng Mawu Yesus si sire. "I sai-sai měmpěkěkoā dosa e kai ěllangu rosa. ³⁵ Ku sěngkatau ěllange tawe tampa natantu suraḷungu sěntahana-keng, sěmbaliau ana ute kawe piabe tampa e sarang marěnguděngū. ³⁶ Ualingu ene e, tangu kereu ana e mapakaliwir'i kamene ute i kamene mambeng maḷiwirě. ³⁷ Těngadě e Ia masingka i kamene ini e kawe paḷahěnton Abraham. Kaiso i kamene kawe mapulu měmate si Sia, ualingu i kamene tawe rumae těntiro-Ku. ³⁸ Apang ku kinasiloKu si AmangKu e, ute ene taku ipauḷi. Arawe i kamene ute kawe měkěkoā apan itětěntirong amang i kamene si kamene."

³⁹ I sire simimbang, "I Amang i kami e kai i Abraham."

"Ku kereu i kamene kahěngahěngang anaḷen Abraham," unguěng u Mawu Yesus e, "ute nalaḷe bue u i kamene měmpěkěkoabe apang kinoā i Abraham. ⁴⁰ Ia e maḷiu katěngadě, dingihěku wou Ruata, arawe i kamene kawe mapulu měmate si Sia. I Abraham e tawe někěkoā

kerene! ⁴¹I kamene mĕkĕkoḅ a-pang kinoḅ i amang i kamene.”

Ungkuĕng i sire, ”I kami e manga anaḅen Mawu e kahĕngang. I amang i kami e mang sĕmbau, ku kĕṭaḅen Duata samatang.”

⁴²Mase Mawu Yesus nĕhēngatang si sire, ”Kereu Mawu Ruata e kawē i Amang i kamene ute i kamene kuĕndagĕben Ia, u rarĕntaKu e kai wou anun Duata. Ia balinewe rimĕnta ualingu kapuluKu hala e, kaiso kawē i Sie nĕndoloh’u Ia.

⁴³Kawē unĕ i kamene tawē makalaĕnna apang Taku ipĕlēhēngatang? U i kamene tawē makararagĕ dumaringihĕ tĕntiroKu.

⁴⁴Setang e kai i amang i kamene, ku i kamene mapulu tumolĕ kapulung amang i kamene. Dokeng su tĕṭaē setangē kai taha pĕmate. I sie tawē bĕke ku kai manumbĕka wou katĕngadĕ batū kai tawē katĕngadĕ si sie. Kereu i sie mĕkonti, ute ene mambeng kakakoḅ e, u seng kerene lulune. I sie makonti ringangu asaḅ kai patiku kakontiang. ⁴⁵Arawe Ia e kawē mĕbĕberang katĕngadĕ, ku ualingu ene i kamene tawē mangimang si Sia. ⁴⁶I sai wue wou’i kamene mapakalahĕu kai pia dosa e si Sia? Kereu Ia mauḷiben

katĕngadĕ e, unĕ wue i kamene tawē mangimang si Sia? ⁴⁷I saing asaḅē wou anun Duata e, i sie ruḅaringihĕ hengetangu Ruata. Arawe i kamene kawē waline-we wou anun Duata e, hakū i kamene kawē tawē mapulu rumarinhĕ.”

Mawu Yesus dingangu i Abraham

⁴⁸Tau Yahudi e nĕmpĕsimbahĕ su Mawu Yesus, ”Balinewe nihino wawerang kami u i Kau e kai tau Samaria ku niwaliuangu setang?”

⁴⁹Mawu Yesus simimbang, ”Ia e tawē niwaliuangu setang. Ia e mĕngĕngadatĕ si AmangKu, kai arawē i kamene kawē mĕlēhinakang si Sia. ⁵⁰Ia e tawē mĕdareḅ kawawantug’u watangengKu. Kai pia sĕngkatau ku mĕḅḅēdaḅ daleng sarang mapakawantug’u Ia, ku kai i Sie e mĕtatatilakehĕ. ⁵¹Mambeng kahĕngang baweraKu ini e, i sain tutuhū HēngatangKu e ute tawē mate sarang karĕngue.”

⁵²Mase tau Yahudi e nĕbera e su Mawu Yesus, ”Ini e i kami nakaĕnna u i Kau e mambeng kahĕngang nisawelangu setang! I Abraham sĕsane seng nate, ku kerene lai kaḅawou manga nabi.

Arawe unguëngu kawē, 'I sain tūtuhū baweraKu, tawē mate sarang karëngue.' ⁵³Kereu i Abraham sēsane seng nate ringangu kaławou manga nabi e seng nate, ku i Kau ini e ute i sai? Tawē nasowa suakalē i Kau ini e ku limembong kasëllahe wo'i amang i kani i Abraham!"

⁵⁴Mawu Yesus simimbang, "Mangawē Ia mēdēdeā kawawantugē baugu watangengKu halā, ute kawawantugē ene tawē mangalēne. Mapakawantug'u Ia e kai i AmangKu ku ēndaj su ēnnang kamene kai Ruatang kamene, ⁵⁵sēmbalīau i kamene tawē nakakiraļa si Sie. Arawē Ia masingka i Sie. Mangawē Ia e nēbera u Ia tawē nakakiraļa si Sie, ute tangu ia e sēngkatau kontiang, mēsulung i kamene. Ia e masingka i Sie ringangu ruḍaringihēbe hengetang'E. ⁵⁶I amangu i Abraham mēngkate maļuasē u i sie sarung makasilo ēlloKu. I sie seng nakasilo ku i sie maļuasē!"

⁵⁷Mase tau Yahudie e nēmpēbera su Mawu Yesus, "Umur'U e wēdang tawē natimu li-mam pulo su taunge, ku i Kau e seng nakasilo si Abraham?"

⁵⁸Mawu Yesus simimbang, "Membang tēngadē Ia mēhabarē si kamene: u kaławonan i Abraham nipēhana, Ia e seng tēbe ene."

⁵⁹Mase tau Yahudi e nēmpangala e watu ku mangēntung Mawu Yesus; arawē Mawu Yesus kai nēkēmbuni mase nanētangu Baļem Mawu e.

Mawu Yesus napēkēlan tau wuta kapia

9 Ene, Mawu Yesus kaḍalenge, i Sie nakasiloko tau wuta rokewen i sie pinēhana. ²Kuteu manga murit'u Mawu Yesus e nakiwalo si Sie, "Tuang Guru, kawē unūe tau ini e pinēhana buta? Apa ualingu i sie nēdosa, arau kawē ualingu rosan inang dingangu iamange?"

³Mawu Yesus simimbang, "I sie nawuta walīnewe ualingu rosane arau walīnewe lai ualingu rosan inang dingangu i amange, kaiso kawē tadeau taumata makasilo kawasan Duata mēkēkaradiahang suralungu watangenge. ⁴Tēntalang wēdang pia ēllone, i kite e harusē mēkoā munaran Sie rimoloh'u Ia e. Hēbi e sarung dumēnta, ku semben ta-

kapěhalěkangu sarang sěngkatau.
⁵ Karěnguewen Iạ e su dunia ini, Iạ e kai tualag'u dunia."

⁶ Bọtun nēhengetang kere-
 ne, Mawu Yesus e nangėdu
 su ěntana, kụ ědu e nikong-
 ke ringangu ěntana. Mase ni-
 wuhan'E su matan tau ene, ⁷ ma-
 se kapěberane si sie, "Dakọe
 pėndėmusė su liwuạ u Siloam"
 (Siloam mangalene 'Nirolohė'.)
 Tangu tau ene tamai nanguhasė
 gatine. Su tempon pėbawalị e, i
 sie seng nėkėlla.

⁸ Manga lampunge ringang-
 u apau taumata kụ seng naung
 makasilo si sie mėtėtaharorong, i
 sire nėmpėbera, "Balınewe i sie
 ngae sėntiniạ kụkaiang mėtėtaha-
 rorong?"

⁹ Pia u nėmpėbera, "Aku
 mang i sie." Kai pia lai mėbėbe-
 rau, "Walıne, i sie kėtau mėpėpa-
 pangawẹ tau ene."

Kai tau ene sėsane nėbera u,
 "Kai iạ e."

¹⁰ "Kai kereapa katatainge
 sarang i kau e nakasilo?" ung-
 kuėng i sire si sie.

¹¹ I sie simimbang, "Tau a-
 renge i Yesus e nėngongke lėbo
 kadodo, niwuhane su matakụ
 kapěberane u, 'Dakọ e rėmusė
 gatinu su liwuạu Siloam.' Ma-
 se iạ e natamai. Kụ su tempon

iạ mėdėndėmusė gatiku e iạ e
 nėkėlla."

¹² "Kai suapa tau ene?" ung-
 kuėng i sire.

I sie simimbang, "Bėga wue
 iạ."

**Tau Farisi mėnėnėsui halẹ u
 kalaulen sakị ene**

¹³⁻¹⁴ Sahėllo ene kai ěllon
 Sabatė natarangke Mawu Ye-
 sus nėngongke ěntana ringangu
 ědun'E mėdeạu tau wuta e maka-
 silo. Tangu tau naung bọu nawu-
 ta ene niwawa solong anun tau
 Farisi. ¹⁵ I sire małaing nakiwalọ
 su tau ene kereapa katatainge
 sarang i sie nėkėlla. I sie simim-
 bang, "I Sie nangunon lėbo su
 matakụ bọu e taku niuhasė e ma-
 se iạ e nėkėlla."

¹⁶ Pirangkatau wọu taloaran
 manga tau Farisi e nėmpėbera u,
 "Tau ene tawe mariadi kụ mėkoạ
 halẹ bọu anun Duata batụu i Sie
 kai tawe mėndarekengu ěllon Sa-
 batė."

Angkuėngben bałıne u, "Ke-
 reapa wue kụ tau waradosa e
 makakoạ karalınau kerene?" Ene
 nariadię pėrararendehė su talo-
 aran sire.

¹⁷ Tangu tau Farisi e naki-
 walọe su tau ene kapia, "Kereapa

wue su naungu maanun tau nakapia si kau?"

"I Sie kai nabi," angkuengu tau ene.

¹⁸Kai arawe mangangawang Yahudi e tawe mangimangu tau ene kawé wuta reng dokeng kalamona, ku ini e seng makasilo. Ualingu ene ute i sie kimui ghaghurang e, ¹⁹ku nakiwaló, "Kahéngang anau ini e nipahana buta? Ku kai kerea i sie sarung nekélla orasé ini?"

²⁰I ninang dingangu i amangu rarió e simimbang, "Mambeng kahéngang ini e ana i kami; dingangu i sie mambeng kahéngang buta rokeng nipéhana. ²¹Arawe kereapa sarang i sie nakasilo e, i kami e wégawue. Dingangu i sai nakapékélla si sie ute, i kami e malaing béga wue. Pakiwalóewe si sie, u i sie seng matéllang, ku seng makasimbang hala." ²²I ninang dingangu i amang e nébera kerene e watu i sire mataku u manga témbo-nangu tau Yahudi; u i sire kai séngkanaung u i sai méngakun Yesus e kai Ratu Ména-nalamaté, sembeng tawe ipakawala sumuë su walén pékakalio-manengang. ²³Ualingu ene hakiu i ninang dingangu i amangu tau

ene némpébera u, "I sie seng matéllang ku pakiwalóe si sie."

²⁴Mase i sire saüewe nekui tau lénnau wuta e ku nébera si sie, "Pésalüe u i kau mambeng méhabaru katulidé. I kami e masingka u tau ene mambeng tau waradosa e."

²⁵"Apa i Sie marosa arau tala," unguengu tau ene, "ia e wéga wue. Kai kétaeng pia halé sémbau su singka; kangere ia e wuta, arawe ini e ia seng nekélla."

²⁶Mase i sire saüewe nébera si sie, "Pinékapuraneng i kau e kahian Sie? Nékoá kereapa i Sie si kau, sarang nekélla?"

²⁷Tau ene simimbang, "Seng bou taku niwéke si kamene, kai i kamene tawe mapulu rumarinhé. Unuë i kamene mapulu médarinhé kapia? Aramanung i kamene kai mapulu mariadi tumatolen'E ringang?"

²⁸Mase i sire némpédohang^f si sie ringangu nébera, "O kai i kau murit'E; i kami e waline. I kami e kai murit'i Musa. ²⁹I kami e masingka u Mawu Ruata seng néhengetang si Musa. Arawe maanun tau ene e, i kami e wéga wue ménsang bou apa asal'E."

³⁰ Tau ene simimbang, "Nakalaherang bue maeng i kamene wëgang asal'E, sëmbariau i Sie seng napëkëllan ia e. ³¹ I kite masingka u Mawu Ruata e tawe rumaringihë taumata waradosa e, kaiso kawë su taumata mëngadatë Mawu ringangu mëkëkoä kapulun'E. ³² Dokeng su tëtä u dunia tawë bëke reng nakaringihë u piä taumata makawekesë matan taumata wuta wou karariadine. ³³ Kereu tau ene waline wou anun Duata, i sie tawe makakoä manga apa."

³⁴ Ungkuëng i sire, "Apa i kau napenë u rosa reng dokeng pinëhana, manëntiro lai si kami e?" Tangu nanëtä bou orasë ene i sie nisëding sumuë wu walem pëkakaliomanengang.

Buta su pëngangimang

³⁵ Mawu Yesus nakaringihë u i sire seng mëšësëding u tau ene sumuë su walem pëkakaliomanengang. I Sie nëdeä tau ene ku nëhengetang si sie, "I kau e mangimang su Ahus'u Taumata?"

³⁶ Tau e simimbangke, "Kai i sai sie Tuang? Tulungko pauli tadeäu ia mangimang si Sie."

³⁷ "I kau e seng nakasilo si Sie," unguëng u Mawu Yesus. "I Sie ku orasë ini kapëbëbisarane ringangu."

³⁸ "Iä mangimang, Mawu!" unguëngu tau ene, bou e nëtumpëkuhë su tëngom Mawu Yesus.

³⁹ Mawu Yesus nëhengetang, "Iä dimënta su dunia ini e kai mëdeäu mëtatilakehë tadeäu tau wuta e makasilo, ringangu taumata makasilo e mawuta."

⁴⁰ Tau Farisi pirangkatau apan sene nakaringihë Mawu Yesus nëhengetang kerene, mase i sire nëmpëkibalo si Sie, "Su tinënnanu i kami e wuta lai?"

⁴¹ Mawu Yesus simimbang, "Manga i kamene wuta, ute i kamene tawë dosane. Kai ualingu i kamene mëmpëbëbera u, 'I kami e makasilo,' ene mëlëlahëu i kamene wëdang mararosa."

Papinintun domba ringangu mëngangaha e

10 "Mambeng tëngadë he-ngetangKu ini: I sain sumuë su tëndä u domba ku lumempangu pagarë ku balinewe wou tukadë, kaiso kawë mëbawï bou ralenge waline e ute kai tahatako ringangu tahapëhampasë.

²Arawe i sain sūsuē bōu tukadē e, ute kai i sie mēndalukadē domba e. ³Mēndalukadē domba e maṇope tukadē baug'i sie, mase domba e ruḍaringihē tingihe su tempon i sie mēkēkui si sire su arenge sēmbau-sēmbau dingangu mēngēgaha i sire apasēbang soḷong likude. ⁴Saraeng manga domba e seng nasēbang mēngangaha e rumaleng su horone ku manga domba e maḥuntoḷe si sie batu i sire makakirala tingihe. ⁵I sire tawe mapulu tumoḷe taumata waline, tabeau katewe mahuntalang bōu anun tau ene batu tawe makakirala tingihe."

⁶Mawu Yesus nēbēken papi-nintu ene, kai i sire tawe makaenna apa wue tētmonaeng'E.

Mawu Yesus mēndalukadē mapia

⁷Tangu Mawu Yesus nēhengetang saḷ sēnsule, "Mamben tēngadē hengetangKu ini: Kai Ia e tukadē baugu domba. ⁸Kēbi apan dumēnta mēngalimona Sia e kai tahatako ringangu tahapēhampasē, kai manga domba e tawe mēmpēdaringihē tingih'i sire. ⁹Ia e kai tukadē. I sain sumuē bōu anuKu e masalamatē;

i sie masuē masēbang dingangu makaēba pēbawiahe. ¹⁰Tahatako e kētaeng dumēnta mētako, mēmate ringangu mēnggolang. Arawe Ia e rimēnta mēdeau taumata makahombang pēbawiahē – ku pēbawiahe e mēdēdalembo.

¹¹Ia e mēndalukadē mapia. Mēndalukadē mapia e kai maṇarakangu watangenge waugu manga dombane. ¹²Taumata nisewaēnge ku balinewe mēndalukadē dingangu waline we taghuangu manga domba ene, sarung mahuntalang ku mēnētangu manga domba e ke-reu i sie makasilo piā sarigala rimēnta. ¹³Taumatan sewa e kai tumalang, u i sie nēhalē e kai ualingu nisewaēng. I sie tawē agise mēpandung manga domba e. ¹⁴⁻¹⁵Ia e mēndalukadē mapia. Kerewe i Amang kawe masingkaḷu Ia, dingangu Ia masingkaḷu i Amang, kerene lai Ia masingkaḷu manga dombaKu, ringangu i sire maḷaing masingkaḷu Ia. Ia nēnarakangu niawaKu waug'i sire. ¹⁶Piabe lai manga domba waline maḷaing tataghuanengKu, kai tawe nasowa su ghapaēngu domba ini. I sire lai hinong taku ahakeng ku i sire sarung dumaringihē tingihēKu. I sire kēbi

sarung mariadi ghapaëng sëmbau ku mëndalukade sëngkatau.

¹⁷I Amang kukëndagu Iạ u Iạ nënarakangu niawaKu e mëdeau saube taku ikatarima kapia. ¹⁸Taweu sarang sëngkatau makapëngala bou Iạ. Iạ e nënarakang kai ualingu kapuluKu halala. Iạ e kawasa mënarakang, dingangu kawasa lai mangule kapia. Kai ene halëKu nitarima bou'i AmangKu."

¹⁹Ualingu Mawu Yesus nëhengetang kerene, tangu taumatan Yahudi e nanëtae nëmpëdarendehë. ²⁰Lawo bou'i sire nëmpëbera u, "I Sie kai nisawelangu rohkë dalaki! I Sie kai pulu! Baugu apa i kamene rima-ringihë si Sie?"

²¹Kai piabe lai nëmpëbera u, "Taumata ku nisawelangu rohkë dalakisë e tawe mëbisara kerene. Botonge setange mapëkëllan taumata wuta?"

Tau Yahudi e tawe mapulu mënarima u Mawu Yesus

²²Ene su Yerusalem taumata e kai kapësalimbange, Ëllon Pananusi Bałem Mawu. Su tempo ene kai tempong banua maralënding. ²³Kuteu Mawu Yesus mëdëdaralengke su Gandariang Salomo suralungu Bałem Mawu,

²⁴piạ e tau Yahudi e nëmpëdënta nëtalipurung su rëduh'u Mawu Yesus. I sire nëmpëbera si Sie, "Kadëngue i kami e mëngkate ipëbëbimbong? Pauliko pakalahë, maengbe i kau kahënga-hëngang Datu Mananalamatë."

²⁵Mawu Yesus simimbang, "Seng bou taku nipëhengetang si kamene, kaiso i kamene mang tawe mangimang. Kalawou munara taku këkoateng su areng'i Amangku e mënënode u karalahë e maanun Iạ. ²⁶I kamene tawe mangimang batu i kamene tawe nasowa su ghapaëng u manga dombaKu. ²⁷Manga dombaKu e rudaringihë tingihëKu. Iạ masingkaben sire, ringangu i sire mahuntole si Sia. ²⁸Iạ e mangonggou pëbawiahë kakalë si sire ku sarang karëngue i sire tawe mawinasa. Ku taweu sarang sëngkatau makapëhampasë si sire wou limaKu. ²⁹I AmangKu e seng nanarakang i sire si Sia, li-membon patiku e. ³⁰Iạ dingangu i Amang kai sëmbau."

³¹Mase tau Yahudi e nësauewe nëmpangala batu e ipëngëntung Mawu Yesus. ³²Kai Mawu Yesus e nëhengetang si sire, "I kamene seng nakasilo si Sia nëkoạ kalawou halë mapapia parentang AmangKu e si Sia. Bou

kěbi halę tamai ene tangu kai sude e nakawodaj si kamene mapulu mangętung si Sia?"

³³Taumatang Yahudi e nęmpęsimbang, "Balınewe ualingu munaran'U mapapia e i kami nakapęngętungu watu si Kau, kaiso ualingu i Kau kawę nęhinakang Duata. I Kau e sęngkatau taumata ku mapulu mętęngkakoę batangeng'U Duata."

³⁴Mase Mawu Yesus simimbang, "Kara kai maławohe su bukę u torat'i kamene: Duata e nęhengetang, 'I kamene kai mahang duata'? ³⁵I kite masingka u apan maławohe su Winohe Susi e mapake sarang karęngę. Ku kereu Mawu Ruata nęsęba u mahang 'duata' su taumata apan nęmpęnarima u hengetang'E, ³⁶unęe i kamene męberawe si Sia u Ia kawę nęhinakang Duata ualingu nębera u Ia Ahus'u Ruata? Sęmbaliau Ia kawę pinilen Amang ku nirolohę sarang dunia. ³⁷Kereu Ia tawę mękoę munara ku seng niator'i Amang e, ute kumbahangbe męmpangimang si Sia. ³⁸Kai tangu ualingu Ia mękękoę ene, ute kęngkahimang bue suapan taku kękoatenge, maningbe i kamene tawę mapulu

męmpangimang si Sia. Ualingu ene ute i kamene masingka dingangu makaęna u i Amang e sęntinia małasęmbau dingangu Ku, kerene lai Ia e sęntinia małasęmbau dingangi Amang."

³⁹I sire mędędea lai ralęngu męmpęname Mawu Yesus, kutęu i Sie naung nakalęso bou i sire.

⁴⁰Mawu Yesus tangu nęsulę e solong sęmbękang salu u Yordan, su tampa i Yohanes naung nęnahani, mase nętana sene. ⁴¹Maławo taumata maľundęta su anun Sie. I sire męmpębębera u, "I Yohanes tawę mękakoę manga halę makadalinau, kai kębi apan ipępauli e maanun tau ini e mang kahęngang." ⁴²Mase maławo taumata sene nęmpangimang su Mawu Yesus.

Kapapaten Lazarus

11 Tau arenge i Lazarus małana su Betania dingangu manga wawinene i Maria ręduan Marta. ²I Maria e kai tau wawine nanębohu lana mawęngi su laedu Mawu, mase nięmmu u uta e. Pia su sęsulę i Lazarus nasaki. ³Bawinene rarua e nęhabarę su Mawu Yesus, "Mawu,

mahuaneng kandua kəkapiaəngu e nasaki."

⁴Saraeng Mawu Yesus naka-ringihē habarē ene, i Sie nēhenge-tang, "Saki ini e tawe makapate. Ini e nariadi mēdeəu Mawu Ruata e bantughang, dingangu ualingu ene tangu Ahus'u Ruata e malaing bantughang."

⁵Mawu Yesus e kükəndagi Marta, i Maria, ringangi Lazarus. ⁶Kai piə e Mawu Yesus nakahombangke habarē u i Lazarus masaki, i Sie nētatudē natana sene rua əllo wəđang! ⁷Bou ene wuhū e i Sie nēhengetang su manga murid'E, "Boete i kite mēsule solong Yudea."

⁸I sire nēmpəsimbang, "Tuang Guru, bəđang ta nədarena tau Yahudi e mənğəntungu watu si Tuang, bou e ini i Tuang e seng saū mēbaļi tamai?"

⁹"Kara kawe mapulo dua su kaorasē sahəllo?" angkuəngu Mawu Yesus. "I sain dūdaleng su tempong əllo e tawe masangkong, batuu i sie makasilowe tualagu dunia ini. ¹⁰Arawe i sain dūdaleng hēbi e masangkong; batuu tawə apa tualagē si sie." ¹¹Kerene unguəngu Mawu Yesus. Bou ene i Sie sauwewə lai nēbera, "Hapi i kite i Lazarus e

seng nətiki kai Ia e reng tamai mēmuko si sie."

¹²Manga murid'u Mawu Yesus e nēmpəbera, "Mawu, maeng i Lazarus kawə mētətiki, ute i sie sarungbe mapia."

¹³Timonan Mawu Yesus ute kai i Lazarus seng nate. Arawe su ənnan sire ute Mawu Yesus kai maļi u i Lazarus mēngkate mētətiki matagē. ¹⁴Ualingu ene Mawu Yesus e nauļi mahatedē si sire u, "I Lazarus e seng nate. ¹⁵Kaiso Ia maluasē lai Ia e tadie paise, batuu kai limembong kapiane si kamene, tadeəu i kamene makapangimang. Boete i kite tamai sarang anun Lazarus."

¹⁶I Tomas isēsəba, "si Hindu" nēbera su manga hapi e manga murid'u Mawu Yesus, "Mahi e i kite tumole, balə e sengkakate i kite dingang'E!"

I napəbiahē kapia ringangu nēgəlliu pəbawiahē

¹⁷Piə e Mawu Yesus narənta e su tampa ene, i Lazarus seng epa u əllo karəngə su kubulē. ¹⁸Soan Betania e maraning Yerusalem, ku mangawə təllung kilometerē karaune. ¹⁹Maļawo tau Yahudi seng nahundənta nətowo si Marta rəduan Maria e

měmpěhiborě si rědua ualingu kinapateėngu mahuaneng dědua.

²⁰ Saraeng i Marta nakaringihě u Mawu Yesus e narėnta, i sie siměbang kų nanėnsomahě Mawu Yesus, arawe i Maria e natana su wale. ²¹ Angkuėng i Marta su Mawu Yesus, "Mawu, kai mangawewe Mawu ene sini su tempo ene, ute nalahě u mahuaneku e wiahě bue. ²² Manilaing kerene, ia e masingka u orasě ini e Ruata maļaing sarung mēgėlliu patiku apan dėdorongan i kau Mawu e si Sie."

²³ "Mahuanenu e sarungbe sau mēbiahě," unguėngu Mawu Yesus si Marta.

²⁴ I Marta e simimbang, "Ia e masingkau i Lazarus sarungbe sau mēbiahě su tempon taumata nate e apėbangung kapia su Ėllong Kiamatě e."

²⁵ "Kai Ia e mangonggou pėbawiahě dingangu mapėbangung u taumata nate," angkuėngu Mawu Yesus si Marta. "I saing kų mangimang si Sia e sarung mēbiahě, maninglai i sie seng nate. ²⁶ Dingangu taumata wiahě apang mangimang si Sia e sarang karėngue tawe mate. Mangimang bue i kau su halě ini e?"

²⁷ "Mawu," unguėng i Marta, "ia mangimang su Mawu Ahus'u Ruata, Datu Mananala-matě e kų sarung dumėnta su dunia ini e."

Mawu Yesus simangi

²⁸ Saraeng i Marta nėbera kerene, i sie tamai nėkui si Maria tuarine, kų simiang si sie, "Tuang Guru ene sini; i Sie e makıbalong kau." ²⁹ Nakaringihě kerene ute, i Maria mēngkatewe masahawu nėbangung, kų nanėnsomahě Mawu Yesus. ³⁰ Su tempo ene, Mawu Yesus bėdangben tawe nasuě u soane. I Sie wėdang su tampa nipėsombangeng i Marta. ³¹ Tau Yahudi apan kapėlēhibore si Maria su wale, nakasilo si Maria nėbangung, dingangu masahawu siměbang; kų i sire tamai timole si sie, u katiho i sire, i sie kai sarang lėbing sumangi.

³² Pia e i Maria nahumpa su tampa u Mawu Yesus kų nakasilo si Sie, i Maria mēngkatewe nėtumpėkuhě su tėngon'E ringangu nėbera, "Mawu, Kai manga Mawu e ene sini su tempo ene, ute mahuaneku e tawe nate."

³³ Pia e Mawu Yesus nakasilo si Maria susangi, dingangu

Gapaëngu rumaroka

Mawu Yesus

*(Mat 26 1-5, Mrk 14:1-2)**(Luk 22:1-2)*

⁴⁵ Lawo bou taumatan Yahudi e nempëdënta nëtiwo si Maria, nëmpangimang su Mawu Yesus pia i sire nakasilo halë naria-di ene. ⁴⁶ Arawe pirangkatau wo'i sire nëngkakoå so-long-anun tau Farisi ku nëmpauli u apang kinao u Mawu Yesus. ⁴⁷ Ualingu ene tau Farisi ringangu manga imang tëmbonange nëtampung nëmpëkakereapa ringangu manga kasasëllahengu Ratë u agama. Ungkuëng i sire, "I kite e kai hinon mëkapu? Tau ini kai seng nëkoå karalinau ma-lawo!" ⁴⁸ Maeng i kite mëngkate mapakawalan Sie kereini ute këbi taumata masue mëmpangimang si Sie. Ku pëngënsueënge mangangawasa Roma e katewe rumënta mënggoghahë Ba-lem Mawu, dingangu këbi kawanuang kite e!"

⁴⁹ Sëngkatau wo'i sire isësëba si Kayafas, imang masëllahë su taung ene nëbera, "I kamene wëgawen apa-apa. ⁵⁰ Kai tanakaëna i kamene u wau-gu kasasalamat'u anau kawanua e, ëndokangbe sëngkatau mate sulungu kawe këbi kawanua

e mawinasa?" ⁵¹ Tuhu hinone i Kayafas nëlahë u ene, baline-we wo'u tinënnane sësane. Kaiso kawe kere sëngkatau imang masëllahë su taung ene, nanëbalë u Mawu Yesus e sarung mapohong baugu tau Yahudi. ⁵² Ku balinewe këtau waugu tau Yahudi sëmatang, kaiso ma-ling baugu mëngomolë dingangu mapakasëmbau u manga anau Ruata ku seng nëmpëkaliaesë e.

⁵³ Nanëta bou sahëllö ene i sire tëmbonangu Yahudi e sëngkanaung mëmate Mawu Yesus. ⁵⁴ Ualingu ene Mawu Yesus e seng tawe nëtëngkatodë su tëngon lawo sutaloaran tau Yahudi. I Sie nanëntangu Yudea wo'u ene nakoå so-long-soa arenge Efraim maraning banua linggi. Ku sene i Sie sëngkapëtana dingangu manga murid'E.

⁵⁵ Su tempo ene Sa-imbangu Paskang Yahudi e seng masandigë. Lawo taumatan soa rarodö e seng nëmpësaka so-long-Yerusalem mëmpënda-lingu tundun pëmamurësi watangenge mëngantibë pëmamantugu ëllo ene. ⁵⁶ I sire mëmpëdëdeå Mawu Yesus, ku su tempoen ma-tatampung su Ba-lem Mawu e ute i sire nëmpëberæ sëmbau su waline, "Kereapæ su tinënnang kame-

ne? Aramanung i Sie tawe sumongo susalimbang ini.”⁵⁷ I sire nēmpēberang ene u manga imang gaghere dingangu tau Farisi e seng nanēbangu parenta u i sai masingka mēnsang suapa Mawu Yesus e, harusē mēhabaru ene, tadeau i Sie ikasame.

**Mawu Yesus nisēbohangu
lana mawēngi su soan
Betania**

(Mat 26:6-13; Mrk. 14:3-9)

12 Ĕnnungu ěllo kalamonan Salimbangu Paskah, Mawu Yesus e nakoā solong Betania. Su soa ene pētētanakang i Lazarus tau e niapēbangung’E wou papate.² Sene Mawu Yesus e nipēsaken sire, ku i Marta e nakoā mēsasilwirē e. I Lazarus dingangu manga sake e naiang sēngkapēngidopē dingangu Mawu Yesus.³ Ene i Maria e nasongōe ringangu lana mawēngi narwastu malēga-lēgadē e mangawe malōara su litere. I sie namēmbingu lana ene su laed’u Mawu Yesus, bou ene niēmму u utā e. Ku kaguwau wale ene mēngkatewe rimalurung bēngin lana e.⁴ Arawe i Yudas Iskariot, sēngkatau wou murit’u Mawu Yesus – ku samurine kawe nēsunia’i Sie – kawe

nēbera,⁵”Unue lana mawēngi ene tawe niḃawalū e ringangu roitē salaka arēgane tēllu hasu su dinare ku doite nipēgaghēlliko su taumata apang kasiang?”⁶ I Yudas nēbera kerene walineuwe ualingu i sie kawe mēnēnitī taumata kasiang, kaiso kawe ualingu i sie tahatako. I sie masau mangala doitē bou tatahoēngu roit’u lawo kaḃareso si sie.

⁷ Mawu Yesus nēhengetang, ”Balā e kere sēsane wawine ěndai e! I sie nēkoā kerene kai ěllon pēndalēbing Sia e.⁸ Tau kasiange mambeng hanesēbe ringang i kamene, arawe la e tala wue.”

Dumaroka si Lazarus

⁹ Malawo tau Yahudi nakaringihē u Mawu Yesus kai ene su Betania, ku i sire nēngkakoā solong tampa ene. I sire natamai walineuwe tumbau ualingu pia i Yesus, kaiso malaing ualingu i sire mapulu mēmanda si Lazarus ku sen niapēbangung wou papatene kahian Sie.¹⁰ Hakū ene manga imang tēmbonange malaing mapulu mēmate si Lazarus;¹¹ ualingu i sie nakawodai tau Yahudi malawo nanēntang i sire ku nēmpangimang su Mawu Yesus.

Mawu Yesus sinuē su
Yerusalem piā pēhēngkinge

(Mat. 21:1-11; Mrk 11:1-11)

(Luk. 19:28-40)

¹² Sēngkarioēllone taumata
lawo ku seng narēnta waugu
mēmantugē ēllon Paskah naka-
ringihē u Mawu Yesus e seng
kaḍalenge mētimona Yerusalem.
¹³ Tangu i sire nēmpangala e
manga raungu korma mase na-
hunsēbang nanēnsomahē si Sie,
kapēmpēgione, "Hosana! Kaala-
matengko i Sie rimēnta su arengu
Mawu. Kaalamatengko Ratun Is-
rael!"

¹⁴ Mawu Yesus nakahom-
bangke kalide kawuhuang sēmbau
ku nisakeēnge. Tangu natuhu e
kereewe maḅawohe su Winohe
Susi:

¹⁵ "Abe kataku, sangiangu
Sion!

Kakēlla e mahi Ratunu e,
maiangke su wowon kalide
kawuhuang!"

¹⁶ Su tempo ene manga
murit'u Mawu Yesus bēdang
ta nakaēnna kēbi ene. Kuteu
saraeng Mawu Yesus niwantu-
ghangken kapapohong'E, buhu e
i sire nakatahēndung apang kinoa

u taumata si Sie kai seng kaḅa-
wohe suralungu Winohe Susi e
maḅanun Sie.

¹⁷ Apan taumata ku ene su
tempon Mawu Yesus nēkui si
Lazarus apasēbang bou lēbing di-
ngangu niapēbangung i sie wou
papatene, mang mēmpēsēsahi-
ding halē ene. ¹⁸ Hakiu ene tau-
mata lawo e nēngkakoḅa solong
anun Mawu Yesus u i sire naka-
ringihē u kai i Sie nēkoḅa kala-
herang ene. ¹⁹ Tangu manga tau
Farisi e nēmpahumbisara sēmbau
su waline, "I kite e tawe makakoḅa
manga apa! Kakēlla e, sēnaung
dunia e nēmpētole si Sie!"

Tau Yunani pirangkatau
mēmpēdēdeḅa Mawu Yesus

²⁰ Bou taloaran taumata
nēngkakoḅa solong Yerusalem
mēmpēkaḷiomaneng sutempoen
pēdaraḷuasē e kai piā tau Yuna-
ni pirangkatau. ²¹ I sire himaung
si Filipus ku nēbera, "Anu, ke-
reu wotonge, i kami kai mapulu
mēsombang u Mawu Yesus." (i
Filipus e asaḷe kai wou Betsaida
su Galilea.)

²² Tangu i Filipus tamai
mēhabaru ene si Andreas, ku bou
ene irēdua nēhabarē su Mawu

Yesus. ²³Mawu Yesus nēhenge-
tang si sire, "Seng tempone
Ahus'u Taumata ipakawantugě.
²⁴Mambeng tēngadě baweraKu i-
ni: Kereu wakıu gandum sēmbau
tawe suangeng su ěntana e ku
mate, ute i sie mang k̄atana
sēmbau. Arawe kamageng u wakı
u gandum ene mate, ute i sie
wuhę mēbua maławo. ²⁵I sai
mētētunděka su pēbawiahe, sa-
rung kailangengu ene. Arawe i
sai mēbēbinsıu pētatumbiahe su
dunia ini e, sarung makatanudě
baugu pēbawiahe tutune ringan-
u kakalē. ²⁶I sai mapulu mētang-
kiang si Siā e harusē tumoře Siā;
tadeau mētatangkiangKu e ma-
kataking bue si Siā e suapaewen
Iā ene sene. I sai mētangkiang
Siā e sarung adateng i Amang-
Ku."

**Mawu Yesus mēbēbisara
mañanun kapapohong'E**

²⁷"NaungKu e tutaghiawahę;
apa e Taku ipēbera su orasę ini
e? Arau Iā mēberaeng, 'Amang,
liuko Iā bou orasę ini e tangu'?
Kaiso paghudu mambeng kahom-
bangeng u tempon sigęsa ini e
nakakaręnta si Siā e. ²⁸Amang,

apakawantugěko areng'U!" Tangu
nakaringihe tingihę bou langı
maulı u, "Iā seng bou naman-
tugě, dingangu sarung lai ma-
mantugě kapia."

²⁹Taumata lawo ku ene se-
ne nakaringihę bue tingihę ene.
Ungkuęng i sire u, "Ene kai
ręllı!" Kai piako lai nēbera u,
"Baline! Kai malaekatę mēmęmi-
sara si Sie!"

³⁰Mase Mawu Yesus nēhe-
ngetang si sire, "Tingihę kina-
ringihę e, walınewe waugu kapian
batangengKu, kaiso kai wau-
gu kapiang kamene. ³¹Ini e seng
tempone dunia ihukung; kai orasę
ini e mangangawasang dunia e
nipakawatang. ³²Arawe Iā e, ke-
reu Iā e seng iapakarangę bou
dunia e, ute kēbi taumata e Taku
sarung pakasue wořengang sořong
anuKu." ³³I Sie nēhengetang ke-
rene ute kai mēlēlahęu saheng
kapapohong'E sarung.

³⁴Taumata lawo e nēbera si
Sie, "Tumuhı toratę e, Datu
Mēnanalamatę e sarung mēbiahę
sarang karęngu e. Ku kerapa i
Kau makapēbera u Ahus'u Tau-
mata e harusę iapakarangę su
wowon dunia e? I sai tangu A-
hus'u Taumata e?"

³⁵ Mawu Yesus simimbang,
 "Tumbaeng bangu kadodo tempo tualagë e ene sutaloarang kamene. Ku pëmpahundalengke tentalang tualagë e wëdang ene, tadeau i kamene kumbahang karëndungang. I sain dudaleng suralungu kararëndung e bëgawen timonane mënsang solong a.
³⁶ Pëmpangimangke su tualagë e, u karënguwewen tualagë e wëdang ene ringang i kamene, tadeau i kamene mariadiwe manga ana u tualagë."

Tau Yahudi apan ta mangangimang

Bouten Mawu Yesus nëhengetang kerene, i Sie nëngalingke wou ene ku tawe mapulu mëtëngkatode u watangeng'E si sire. ³⁷ Manilaing seng malawo halë makadalinau kinoa u Mawu Yesus e su tëngon sire, kai i sire mang tawe mangimang si Sie. ³⁸ Tangu naghanape tëbalu nabi i Yesaya,

"Mawu, i sai wue mangimangu habar'i kami? Kai si sai kawasan Mawu e ipakalahë?"

³⁹ Kai ualingu ene i sire tawe mëmpangimang, u i Yesaya seng bou lai nanëbalë u,

"Mawu nëhengetang,
⁴⁰ 'Ia mapakawutan matang sire, ringangu mapakarapaļu naung i sire; tadeau i sire tawe makasilo, ringangu maðiring i sire makaëna.

Tadeau i sire kumbahang mëbalë su anuku, ku mapakaulen sire.'"

⁴¹ I Yesaya nëluntingihë kerene, u i sie seng nakasahidi kasëllahu Mawu Yesus, ringangu mëbëbisara maanun Sie.

⁴² Manilaing kerene, lawo taumata ore lai sutaloarang mëngangawasang Yahudi nangimang su Mawu Yesus. Kai i sire tawe wahani mëngakung ene ipakalahë, batu i sire matakū kiwau tau Farisi e tawe mapakawalan sire sumuë su balëm pëkakaliomanengang. ⁴³ I sire ëndokang u mapulu makahombang daralon taumata sulungu mëtatalahino su tëngom Mawu Ruata.

Hengetang u Mawu Yesus sarung mëhukung

⁴⁴ Mase Mawu Yesus nëhengetang, "I sai mangimang si Sia e, walineuwe si Sia i sie

mangimang e, kaiso kawe si Sie ku nëndoloh'u Iạ e. ⁴⁵ Dingangu i sain nakasilo Siạ, ute nakasilo si Sie nëndoloh'u Iạ e. ⁴⁶ Iạ rimęnta su dunia ini e kai kere tualagę, tadeạu kaławou taumata ku mangimang Siạ e tawę u matana suralungu kararęndung. ⁴⁷ I sai dųdaringihę tęntiroKu, ku kawe tawe tumatuhu ene – balinewe Iạ męhukung i sie. Batu Iạ e rimęnta walinewe męhukung dunia e, kaiso kawe mangambang dunia. ⁴⁸ I sai maņuhud'u Iạ e ringangu tawe rumaringihę baweraKu e, seng piạ męlahukunge. Hengetang ku Taku iwębuna e, ute ene sarung męhukung i sie su Ęllong Kiamatę e. ⁴⁹ Batu Iạ e tawe mębawisara wou kapuluKu sęsaku; i Amang ku nëndoloh'u Iạ, ute i Sie mępęparenta si Siạ apa ku hinon Taku iweraringangu Taku iwuna. ⁵⁰ Dingangu Iạ masingka u titan'E ene makauali pębawiahę tutune ringangu kakalę. Tangu Iạ maņuwewen kere apan nitęntiron Amang si Siạ.”

Mawu Yesus nanguhasę laed'u manga murit'E

13 Sahęllo kaļimonan Ęllon Pęmamantugę Paskah e, Mawu Yesus masingka u semben tempone i Sie manęntangu dunia ini ku męsulę su anung Amang'E. I Sie kukęndag'u taumata apan tętaghuaneng'E su dunia ringangu mang tębe kukęndagi sire sarang pangęnsueęnge.

² Mawu Yesus dingangu manga murit'E piạ e i sire męmpęsęsimokolę hębi e. Sętang e seng namitaugę dalungu naung i Yudas ana i Simon Iskariot mębaļu u Mawu Yesus. ³ Mawu Yesus masingka u Ruata i Amang seng bou nęnarakangu kasęllahu kawasan'E si Sie. I Sie maļaing masingka u i Sie kai rimęnta wou anun Duata i Amang ku sarung męsulę kapia su anun Duata. ⁴ U watu u ene tangu i Sie rimarisị ku nęluạ lahaweng'E, ringangu namęgong u handukę su kaļuwaeng'E. ⁵ Bou ene i Sie nęndalungu aķę su

waskom sēmbau, kŭ nanēta e nanguhasē laedu manga murit'E kŭ niēm̄mueng handukē papēgong kaluwaeng'E. ⁶Ene i Sie nahumpaen Simon Petrus, kŭ nēbera u, "Mawu kawē unŭe Mawu e nanguhasēbe laedēku?"

⁷Mawu Yesus simimbang, "Sini i kau e mambeng tawē makaēna apang kŭ Takŭ nikoḃa ini e kai i kau e sarungbe makaēna."

⁸"Kumbahang, Mawu," unguēng i Petrus su Mawu Yesus, "Mēngkatēwe kumbahang i Tuang manguhasē laedēku!"

Kai Mawu Yesus simimbang, "Kereu Ia tawē makapēnguhāsē si kau e ute i kau tawē kalahēmpu e ringangKu."

⁹I Simon Petrus nēberaē u, "Kamageng kerene, Mawu, abe kētaeng laedēku uhaseng, kaiso kawē lima ringangu tēmboku lai!"

¹⁰"Taumata wou nēndenŭe sembeng nawurēsi kēbi badange," unguēng u Mawu Yesus si Petrus. "I sie seng tawahaḷuasū wurēsiang kapia; kētabeng laede. I kamene sembeng burēsi, kaiso balinewe kēbi." (¹¹Mawu Yesus seng nakakasingka i sai sarung mēsuniaḷi Sie. U kai ene hakŭ i

Sie nēhengetang, "I kamene ini sembeng burēsi, kaiso walinewe kēbi.")

¹²Mawu Yesus bŭuten nanguhasē laed'i sire, tangu i Sie saŭ e nēluhen pakeang'E kŭ nai-angke kapia. Mase i Sie nēhenge-tangke si sire, "I kamene nakaēnnawe kēbi haḷē kŭ buhu e takŭ nikoḃa si kamene? ¹³I kamene mēkēkui si Siḃa Mananēntiro ringangu Mawu. Kŭ mang hinong kerene. ¹⁴Kamageng Ia e kai Mawu ringangu Mananēntironu kŭ kawē manguhasē laedu, ute i kamene maḷaing hinong mēpapanguhāsē laed'i kamene sēmbau su waline. ¹⁵Ia nēnūlada mēkēkoḃa kereini si kamene, ta-deḃu i kamene maḷaing mētēno mēkoḃa apan seng bŭu Takŭ nikoḃa si kamene. ¹⁶Mambeng kahēngahēngang baweraKu ini: Sēngkatau ēllange tawē limembo wou mawune, ringangu sēngkatau rarolohange tawē limembong kasariane wou mēndarolohe. ¹⁷Kereu i kamene seng masingka u kēbi ene, ute kariangkamang i kamene kereu i kamene makakoḃa kerene.

¹⁸Apan seng Takŭ niwera ini e walinewe maḃanung kamene kēbi. Ia masingka i sai-sai seng

Taku nipapile. Arawe apang ku seng kabawohę su Winohe Susi e mang mariadi, mangalene 'Tau-mata ku sęngkakaęng dingangKu e, sarung dumoka si Sia.' ¹⁹ Halę ini e Taku ilęhabarę si kamene orasę ini e, tęntalang tawe nađia-di, tadeau kamageng u halę ene seng mariadi, tangu mangimang bue u kai Ia e isęsęba si IA ENE. ²⁰ U mambeng tęngadę baweraKu ini: I saing ku manarima u tau-mata Taku nirolohę e ute i sie małaing manarima u Ia e. Ku i sai manarima u Ia e manarima i Sie ku seng dimoloh'u Ia."

Mawu Yesus męnęnębału
pęsasuniałę baugu
watangeng'E

(Mat. 26:20-25; Mrk. 14:17-21)

(Luk. 22:21-23)

²¹ Saraeng Mawu Yesus nęhengetang kerene, naung'E mambeng kimęndung ta sihinge. Bou e i Sie nęhengetang, "Tęngatęngadę baweraKu ini: Sęngkatau woi kamene sarung mębału u Ia e."

²² Manga murit'E nęmpępanda e sęmbau su waline męngkahaerang ualingu węga wue męnsang kai i sai su timonan'E.

²³ Muritę ikękęndag'u Mawu Ye-

sus e maıang su koaneng u Mawu Yesus. ²⁴ Ene i Simon Petrus e nęniđa e si sie apakıbalu su Mawu Yesus męnsang kai i sai tętimonaęng'E.

²⁵ Tangu muritę ene nętęngkasęngkelę su Mawu Yesus ku nakiwalu, "Kai i sai ene, Mawu?"

²⁶ Mawu Yesus simimbang, "I sain Taku pęgęllikangu borotę bou niuno suralungu mangko, ute i sie taumatane." Tangu Mawu Yesus nęngala e borotę sęmpędi, niunone suralungu mangko; mase nionggo e si Yudas ana i Simon Iskariot. ²⁷ Lępasewe i Yudas bou rimaę borotę ene, setang e nękaradiahangke suralungu naunge. Mase Mawu Yesus nęhengetangke si sie, "Ligha e koa apang sarung koatengu e." ²⁸ Ta u sarang sęngkatau wou i sire mahungkaęng sene nakahęngangu kawe unę Mawu Yesus nęhenge-tang kerene si Yudas. ²⁹ Pia u maņęna u Mawu Yesus dimoloh'i Yudas apamęlli apan hinong gausang baugu salimbang ene, arau męgęlliu roitę pękadodo su taumata kasiang - batu i Yudas kai męngangumpaedę doit'u lawo e.

³⁰ Bouten i Yudas nęnarima u borotę ene tangu i sie męngkate-

we ringangu simëbang. Ku ëllo e nahëbi e.

Tita wuhu

³¹ Saraeng i Yudas nalintu, e-ne Mawu Yesus nëhengetangke, "Orasë ini Ahus'u Taumata e seng niapakawantugë, ku Duata e niapakawantugë ualingu i Sie. ³²Kereu Mawu Ruata e niapakawantugë ualingu i Sie, ute i Sie maiaing sarung iapakawantugu Ruata lumiun batangeng'E sësane. Dingangu Mawu Ruata e mëngkatewe seng ligha mapakawantug'i Sie. ³³Manga anaKu, Ia e sembeng tawë karëngue sini ringangi kamene. I kamene sarung mëdea Sia, kai kerëwe seng bou Taku nipauli su manga mëngangawasan tau Yahudi, kerene lai Taku ipauli si kamene këbi; su tampa Taku tamaiang, i kamene tawe makakarënta. ³⁴Tita wuhu Taku ongotang si kamene: Pëkakakëndagëko i kamene sëmbau su waline. Kerëwe Ia seng kimëndag'i kamene, kerene lai i kamene hinon mëmpëkakëndagë. ³⁵Kereu i kamene lawobe mëmpëkëkakëndagë e ute kalawou taumata e sarung-

be makakasingka u i kamene kawe muritëKu."

Tëbal'u i Petrus sarung mësunialu Mawu Yesus

(Mat. 26:31-35; Mrk. 14:27-31)

(Luk. 22:31-34)

³⁶"Mawu, Mawu kai makoå solong a?" kakiwalon Simon Petrus su Mawu Yesus. Ungkuëng Mawu Yesus, "Suapan Taku dalëngang, i kau tawe makatole Sia. Hëdowen mahi i kau sarung makatole Sia e."

³⁷"Mawu, kawe unue ia tawe makatole su Mawu orasë ini?" unkuëngkewen Petrus. "Ia e sadia mate waug'u Mawu!"

³⁸Mawu Yesus simimbang, "Kahëngang ngae i kau sadia mate waugu Ia? Kasingkako, manu deng tawe kimëkuku e i kau seng tellun sulë nësunialu Ia e."

Mawu Yesus e raleng solong anung Amang

14 "Naung i kamene abe taghiawahë," unkuëng u Mawu Yesus si sire. "Pangimangko su Mawu Ruata, ringangu pangimangbe lai si Sia.

²Su waleng AmangKu e lawo katatanakeng. Ia e kai rumaleng mēndiahing tampa baug'i kamene. Ia e tawe mēbera kerene si kamene, andene walinebe kerene. ³Samurin Ia tamai mēnadian tampa baug'i kamene, Ia e sarung mēbaļi ku manēnsomahē si kamene, tadeau suapan Ia ene, i kamene maļaing sene. ⁴Su tampa Taku dalengange i kamene masingkaben dalenge."

⁵Mase i Tomasē nēbera e su Mawu Yesus, "Mawu, i kami e wēgawen dalengangu e, ku makasingkaben dalenge kereapa i kami?"

⁶Mawu Yesus simimbang, "Ia e kai raleng mēdeau makakirala Mawu Ruata ringangu makahombang pēbawiahē. Taweu sarang sengkatau makarēnta su anung AmangKu, kereu waline-we wou AnuKu. ⁷Kereu i kamene masingka u Ia, ute i kamene maļaing masingka i AmangKu. Ini e i kamene seng masingka i Sie, dingangu seng nakasilo si Sie."

⁸Tangu i Filipusē e nēbera su Mawu Yesus, "Mawu, todeko i Amang si kami, tadeau i kami mawuļugē."

⁹Arawe Mawu Yesus simimbang, "Seng kerēeng karēngue Ia

dingang i kamene, ku i kau e mang bēgang Ia e Filipusē? I saing ku seng nakasilo si Sia e, ute maļaing bou nakasilo si Amang. Ku kereapa wue i kau nakawera u, 'Todeko i Amang si kami'? ¹⁰Filipus! I kau kai ta mangimang, u Ia e kai nasēmbau dingang i Amang ringangu i Amang e nasēmbau dingangKu? Apang ku Taku niwera si kau e, tawe Taku niwera wou watangengKu hala. I Amang ku tēbe nasēmbau dingangKu e, kai i Sie nēkaradiahangu patiku ene. ¹¹Pangimangke si Sia, u Ia e kai nasēmbau dingangi Amang kapia, ringangu i Amang e nasēmbau dingangKu. Arau maeng tawe kerene pēmpangimangke wou apang ku seng Taku kinoa. ¹²Mambeng kahēngang bawera-Ku ini: I sai mangimang si Sia, sarung mēkoā apan seng Taku kēkoateng, – ore lai i sie sarung mēkoā ku limembon kasēllahe wēdang – batu Ia e kai reng ma-koā soļong anung Amang. ¹³Ku balawewe apan dorongang i kamene suralungu arengKu e, ene Taku koateng baugi kamene, tadeau i Amang e iapakawantugē e ualingu Ahusē e. ¹⁴Ku balawewe apa rorongang i kamene su-

ralungu arengKu e, ute sarung
Taku koateng,”

Mawu Yesus nĕkĕdon Rohkĕ Susi

¹⁵”Kereu i kamene kŭkĕnda-
gu Ia e ute i kamene sarungbe
mĕdĕndalengu manga parentaKu.
¹⁶Ia e sarung mĕgausĕ si Amang,
kŭ i Sie sarung mangonggo u
Mĕtatulung baline kŭ sarung
mĕtumanā dingangi kamene sa-
rang marĕngu-dĕngu. ¹⁷I Sie ute
kai Rohkĕ Susi kŭ sarung mĕlahe
u kaadil’u Mawu Ruata. Dunia e
tawe makatarima i Sie, ualingu
ta makasilo arau ta nakakiraĭa.
Arawe i kamene masingkaben
Sie, u i Sie kai maĕtana dingang-
i kamene dingangu i Sie sarung
masĕmbau dingangi kamene.

¹⁸I kamene tawe taku
itĕntang hala kere kasisi ĕndusĕ.
Ia e sarung mĕbali su anung ka-
mene. ¹⁹Kate kaĕdodo tempo du-
nia e seng tawe saŭ makasilo si
Siā. Arawe i kamene ute sarung-
be makasilo si Siā. Kŭ ualingu
Ia biahĕ, i kamene e maĭaing
biahĕ sarung. ²⁰Kereu seng su
ĕllone ene, ute i kamene sa-
rung makakasingka u Ia e kawe
nasĕmbau dingangi Amang, i ka-
mene nasĕmbau dingangKu, ma-

se Ia e kawe lai nasĕmbau di-
ngangi kamene.

²¹I sain duĕdaĕ manga titaKu
e ringangu mĕsĕsĕmpĭ ene, ute i
sie kŭkĕndag’u Ia e. I Amang-
Ku e sarung kumĕndagi saing
kŭkĕndag’u Ia. Ia e lai sarung
kumĕndagi Sie ringangu mĕnode
u watangengku e si Sie.”

²²I Yudas (baline i Yudas Is-
kariot) nakiwalo su Mawu Yesus,
”Mawu, unĕ Mawu e mapulu
manodeŭ watangengu si kami kŭ
balinewe waŭgu dunia?”

²³Mawu Yesus simimbang, ”I
saing kŭkĕndagu Ia e, ute sarung
tumuhu tĕntiroKu. I kanduang
AmangKu e sarung dumĕnta su
anune matana dingange. ²⁴I sain
tawe kumĕndagu Ia e tawe tu-
matuhu tĕntiroKu. Tĕntiro kŭ
seng kinaranggih’i kamene waline-
we wou anuKu, kaiso kawe wou i
Amang kŭ dimoloh’u Ia e.

²⁵Kĕbi ene Taku ipĕpauli
si kamene karĕnguwen Ia
deng dingangi kamene. ²⁶Arawe
Rohkĕ Susi e, mĕtatulung sarung
irolahi Amang suralungu Areng-
Ku, kŭ kai i Sie sarung manĕnti-
ron patiku e si kamene ringangu
mapĕtahĕndung i kamene kapia
su kĕbi apan seng taku nipauli si
kamene.

²⁷ Karalunsemahē Taku itēntang baug'ī kamene. Karalunsemahē Taku ionggo si kamene. Taku nilaonggo e walīnewe kere nilaonggo u dunia e si kamene. Abe pēmpētaghiawahē dingangu abe kēngkatakū. ²⁸I kamene seng nakaringihē Sia nēhabarē u, 'Ia e sarung dumaleng, kai Ia e saube mēsule su anung kamene.' Kereu i kamene kukēndagu Ia e, i kamene sarung lumuas'u Ia makoā solong anung AmangKu e, batu i AmangKu e kai limembong kasēllahe wou Ia e. ²⁹Ia e mauļu ene si kamene su orasē ini, tēntalang kēbi e ta nadiadi, tadeau maeng seng sukarariadine, ute i kamene sarungbe mēmpangimang. ³⁰Ia e seng tawe mēbisara malawo dingangi kamene, u kai seng tempone mēngangawasa dunia e rumēnta. Kai i sie tawē kawasane su watangengKu e. ³¹Kai kēbi mang harusē mariadi tadeau dunia e makahēngang u Ia e kukēndagi Amang e mase Ia e mēdēndalengben patiku apan niparentang AmangKu e si Sia.

Ku mahi e i kite mēbua bou ini."

Mawu Yesus puēngu anggorē tutune

15 Angkuēng u Mawu Yesus kapia, "Ia e puēngu anggorē tutune, ku i AmangKu e mēsasuange. ²Apan lelange si Sia ta mēbawua, tēntoēng'E, ringangu apan lelange mēbēbua e, tētaļuaheng'E tadeau sauneng mahuntinamba wuane. ³I kamene sembeng burēsi ualingu tēntiro seng nitēntiroKu si kamene. ⁴Ku hanesēbe kasasēmbau dingangKu e ku Ia e hanesē masēmbau dingangi kamene. Lelange sēsane tawe mēbua kereu tawe madarēka su kalune. Kereu lai i kamene tumbaeng mēbua kereu tatapēbe dingangKu.

⁵Kai Ia e kalun anggorē e, ku i kamene e manga lelange. I sain katatana sēmbau dingangKu e, ku Ia dingangi sie, ute mēbua malawo; kereu tawē Ia e ute i kamene tawe makakoā manga apa. ⁶I sain tawe matana masasēmbau dingangKu, sarung irēmme kere lelange, ku i sie mahēgu. Apan lelange kereu ute tampungang i ēndu su putung mase tutungang. ⁷Ke-



Manga lalang kalung anggorè (15:5)

reu i kamene katatana sēmbau dingangKu, mase waweraKu e matatanabe suralungu naung i kamene, pēgause si Amang walawe apa ghausang i kamene mang gēlirang. ⁸ Kereu i kamene mēmpēbua maławo, i AmangKu e iapakawantugē, dingangu ualingu ene i kamene mambeng kahēngang makoā muritēKu. ⁹ Kerewe i Amang kükēndagu la ute kerene lai la kumēndagi kamene. Kēngkatanako i kamene sēntinia mēmpēbēbiahē kere taumata Taku ikēkēndagē. ¹⁰ Kereu i kamene mēdēndalengben

kalawou manga titaKu e, ute i kamene tatapēbe satia su kakēndagēKu, kerewe la tatapē satia su kakēndagi Amang batu mēdēndalengben kalawou titan'E.

¹¹ Kēbi ini e Taku ilēhabarē si kamene, tadeau raļuasēKu e ene suralungu naung i kamene, ringangu raļuas e matinalung. ¹² Kai ini titaKu e: Pēkakēndagēko sēmbau su waline, kerewe la kükēndagi kamene. ¹³ I sain nēngalembon kakēndage su manga hapie ute kai taumata ku manarakangu pēbawiahe waug'i sire. ¹⁴ I kamene kai

manga hapiKu, kereu i kamene mēmpēkoā apan Taku ilēoro si kamene. ¹⁵I kamene sēmbeng tawe Taku kuiang ēllang, batu ēllang e wēga wue apang kēkoateng u mawune e. I kamene Taku kēkuiang hapi, batu kēbi apang kēkaringihēKu bou i Amang, sēng Taku nipauli si kamene. ¹⁶Balinewe i kamene namile si Sia. Kai Ia e namile si kamene, ringangu nēndoloh'i kamene apēdēdaraleng ku apēbēbua malawo ku buaen ta mawawinasa. Tangu i Amang e sarung mangonggou kēbi apan dorongang i kamene si Sie suralungu arengKu. ¹⁷Ku kai ini titaKu si kamene: Pēmpēkakēndagē sēmbau su wali-ne."

Dunia e mēbēbinsi i kamene

¹⁸"Kereu dunia e mēbinsi i kamene, pētahēndungke u Ia sēng kalimona nipēbinsi u dunia e. ¹⁹Kereu i kamene kawē tataghuaneng u dunia e ute i kamene ikēkēndagēben dunia e kere tataghuanenge, Kai Ia e sēng

namile si kamene wou dunia ini, ku i Kamene e waline lai tataghuanengu dunia. Kai ene hakiu dunia e mēbēbinsi i kamene. ²⁰Pētahēndungke apan sēng Taku niwera si kamene. 'Ēllang e tawe limembo wou mawune.' Kereu i sire sēng nanigēsa si Sia, i sire sarung lai manigēsa si kamene. Kereu i sire tutuhu tēntiroKu, ute i sire tumuhu lai tēntirong kamene. ²¹Patiku ene sarung koateng i sire si kamene, ualingu i kamene kai muritēKu, u i sire wēgawen Sie rimoloh'u Ia e. ²²Mangawe Ia e tawe rimēnta ringangu tawe nēhengetangu kēbi ene si sire, ute i sire tawē dosane. Kai ini e si sire sēng tawē apa tatupi⁹ e lai waugu rosan sire. ²³I sai mēbinsiu Ia e, mēbēbinsi i AmangKu. ²⁴Kai manga sutalōaran sire Ia e tawe mēkakoā patiku munara ku tawē tau waline nēkēkoā e, ute i sire tawē dosane. Arawe ini e i sire sēng nakasilo apan Taku nikoā, ku i sire nēmpēbinsi u Ia ore lai nēbinsi i AmangKu. ²⁵Kai tangu sēmben harusē kerene, tadeau mariadi wue apan mābawohē su bukē u

⁹ laēmpinge = alasan

15:20: Mat 10:24, Luk 6:40, Yoh. 13:6

Torat'i sire u: 'I sire mēbinsi u Ia e taweu nikaianenge.'^h

²⁶Ia e sarung mēndolohu Mētatulung ku asale wou anun AmangKu e si kamene. I Sie kai Rohkē ku sarung mēlahē u katulidē maanun Duata. Kereu i Sie rumēnta, i Sie sarung mēsahidin Ia. ²⁷Dingangu i kamene lai harusē mēsahidin Ia, batuu i kamene e seng mēdēdingang u Ia dokeng bou tēta e.

16 Kēbi e seng taku ipēpauli si kamene tadeau i kamene tawe mēsuniaļē. ²I kamene e sarung iapasēbang bou ralungu walem pēkakaliomanengang. Dingangu sarung dumēnta tenipone u i sai mēmate si kamene e kai mēmpangēna u i sie kai mēkēkoā palahamawu su Ruata. ³I sire mēmpēkēkoā kereu si kamene, ualingu i sire bēdaweng bēgan Duata ringangu wēgawe lain Ia. ⁴Arawe ini Ia e mēbēberang ene si kamene, tadeau kamageng ene niang mariadi, i kamene pēmpētahēndung bue u Ia e seng bou nauli si kamene."

Munaran Rohkē Susi e

"Halē ini e tawe taku nipauli si kamene kēbi dokeng bou tētae, u Ia deng bēdang dingangi kamene. ⁵Arawe ini Ia e reng niapule solong anun Sie ku dinioloh'u Ia; ku taweu sarung sēngkatau wou i kamene makiwalo kai solong apa Ia e. ⁶Kai ini e malahē naung i kamene nēngkasusa, ualingu Ia nauli u halē ene si kamene. ⁷Kai Ia e mauļiu katēngadē si kamene: Nēngalenibong kapiane e waugi kamene, kereu Ia mapule; batuu kereu Ia e tawe niapule, Mētatulung e tawe rumēnta su anung kamene. Arawe kamageng Ia e seng mapule ute Ia e sarung mēndoloh'i Sie solong anung kamene. ⁸Kereu i Sie rumēnta, ute i Sie sarung mapakalahē su dunia u tumulu hinone kai apa niangalen dosa e, wou apang katēngadē, dingangu wou hukuniangu Ruata. ⁹I Sie sarung niēlahē, u tawe mangimang si Sia ute kai rosa; ¹⁰u Ia e kai matulidē, ku ualingu Ia e kai niakoā solong anun Amang, ku i

^h tawē daļenge = tidak ada alasan

kamene sarung lai tawe makasilo si Siã; ¹¹dingangu kai Ruata e seng nanëta nëhukung, batu mêngangawasa dunia ini e seng nilahukung.

¹²Lawo lai hinong Taku iwera si kamene, kai orasë ini i kamene reng tawe makaumalë mënarima u ene. ¹³Kai kereu Rohkë e seng dimënta, mangalëne i Sie ku mëlëlahëu katulidë maanun Duata, i kamene sarung aliakenge tadeau makakasingka u patiku katulidë e. I Sie tawe mëbisara wou watangeng'E halakaiso kawe maļu apan seng kiningih'E, dingangu i Sie sarung maļu apan sarung mariadi si kamene suëlo samuri. ¹⁴I Sie sarung mapakawantugu Ia e, u këbi apan i habare si kamene e kai nitarima e wou Ia. ¹⁵Patiku apaewen si Amang e ute kai tataghuanengku. Haku ene Ia makapëbera u apan nihabar'u Rohkë si kamene, kai nitarima e wou Ia."

Kasasusa ringangu parahuļuasë

¹⁶"Kate kadodo tempo i kamene seng tawe makasilo si Siã, dingangu kate kadodo tempo i kamene sarung makasilo si Siã."

¹⁷Pirangkatau wou manga murit'u Mawu Yesus e nanëtaë nëkakiwalö sëmbau su walëne, "Apa wue timonane i Sie nëbera si kite: 'Kate kadodo tempo i kamene seng tawe lai makasilo si Siã, dingangu malaing kate kadodo tempo i kamene sarung makasilo si Siã?' Apa lai timonam bawera: 'Ia e makaõ solong anung Amang e'?" ¹⁸I sire mêngkate makibaļo, "Apa mangalëne, 'kadodo tempo'? I kite tawe nakahëngang mënsang i Sie maanung apa!"

¹⁹Mawu Yesus masingka u i sire mapulu makiwalö si Sie. Tangu i Sie nëhengetang, "Kaini Taku niwera, 'Kate kadodo tempo, i kamene sarung tawe makasilo si Siã, dingangu lai kate kadodo tempo i kamene sarung makasilo si Siã.' Kai ene ipëkëkakiwalö sutaloarang kamene?"

²⁰Pëmpangimangke, i kamene sarung sumangi dingangu lumung kang, arawe dunia e kai sarung lumuasë. Naung i kamene sarung mëngkasusa, kai susa naung i kamene sarungbe mëbaļui mariadi raļuasë. ²¹Kereu sëngkatau wawine maraning mëhënding, masusa naunge, batu seng tempone i sie mëtingkëdang u sigësa. Kai lëpa-

sewe ana e seng sulikude i ninge miwulem patiku kasasigesa e ualingu raluase watu rario e seng simongo su dunia. ²² Kerene lai si kamene; Tempo ini naung i kamene masusa, kai la e sarung mesombang kapia ringangi kamene, ku i kamene sarung maluasē; ku taweu sarang sengkatau makaaho raluasē ene wou naung i kamene.

²³ Su sahēllo ene, i kamene seng taweu lai makiwalong apa-apa si Sia e. Pēmpaungimangke: Balawe mēnsang apa rorongang i kamene si Amang suralungu arengKu, ene sarung iongo i Amang si kamene. ²⁴ Sarang orasē ini i kamene wēdang tawe nēdēdorong apa-apa suralungu arengKu. Pēmpēdorongke, ku i kamene sarung mēmpēnarima, tadeau raluas' i kamene mauadipē."

Kalauntung namata dunia

²⁵ "Kēbi ini e Taku pinēhengetang si kamene suralungu papinintu. Kai sarungbe pia tempone ku la e seng tawe mēpapinintu, kaiso kawe seng mēbisara malale si kamene manung Amang. ²⁶ Su tempo ene i kamene sarung mēnipēdorong

si Amang suralungu arengKu; kēngkasingkako, la e tawe mēdorong bo'i Amang baug' i kamene, ²⁷ ualingu i Amang sēsane kai kükēndag' i kamene. I Sie kükēndag' i kamene ualingu i kamene kükēndagu la, dingangu māngimang u la e kai wou Ruata asalē. ²⁸ Mambeng asalēKu e boi i Amang, ku seng dimēnta suralungu dunia. Kai orasē ini e la manēntang u dunia tadeau mēsule solong anu Amang."

²⁹ Mase manga murit' u Mawu Yesus e nēmpēbera si Sie, "Su tempo ini Mawu e mēlēhengetang malahe ku tawe mēpapapinintu, ³⁰ dingangu i kami e masingka u Mawu e masingka u patiku e. Tawe wahaluasē pia u sengkatau makiwalong apa-apa su Mawu e. Batu i kami māngimang u Mawu e rarēntane kai wou anu Duata."

³¹ Mawu Yesus e simimbang si sire, "Ku i kamene nangimang su orasē ini? ³² Pētahēndung! Tempone sarung dumēnta, ore seng narēnta, i kamene sarung ipēkaliasē. I kamene sarung mapule sarang balen sengkatau-sengkatau ku mēmpānētangu la sēsaku. Kaiso la e balinewe sēsaku batu i Amang kawe ringangKu e. ³³ Patiku ini e

Taku iwēbera tadeau i kamene makahombang karalunsemahē batu nētēngkasēmbau dingang-Ku. Su dunia e i kamene sarung mētatahangu sigēsā. Kaiso pakatulende bue naung i kamene! Ia e kai seng nakawata dunia!"

Mawu Yesus nēkaliomanengu manga murit'E

17 Saraeng bou nēhenge-tang kerene, Mawu Yesus rimalingaræ solong langi ku nēhengetang, "Amang, ini e seng naghanapē tempone. Pakawantugeng Ahus'U, tadeau Ahus'U malaing mapakawantug'i Amang. ²I Amang seng nangonggou kawasa waugu umate patiku, su Ahuse, tadeau i Sie mēngonggou pēbawiahē tutune ringangu kakalē su kēbi taumata apan nisarakang i Amang si Sie. ³Kai ini e pēbawiahē tutune ringangu kakalē, tadeau i sai masingka i Amang mang sēmbau ku Dua-ta kahēngang, dingangu makakirala su Mawu Yesus Kristus ku niroloh'i Amang. ⁴Ia seng napakawantug'i Amang su wowon dunia ini su pēkakoā munara ku ipakikoā i Amang si Sia. ⁵Amang! Papakawantugeng Ia e su anun'U, apakawantugu kawan-

tugēKu ringang i Amang dokeng dunia e reng tawe niadi.

⁶Ia e seng napakalahē i Amang su taumata ralohon dunia ini ku seng nionggo i Amang si Sia. I sire kai tataghuaneng i Amang, dingangu i Amang seng nēnarakang i sire si Sia. I sire seng timuhu hengetang i Amang. ⁷Ini e i sire masingka u patiku apan nisarakang i Amang si Sia e asalē kai wou i Amang. ⁸Seng bou taku nihabarē si sire henge-tang i Amang ku seng nionggo Sia, kuteu sembeng kinatarima i sire. I sire masingka u Ia e mamben tēngadē dimēnta wou anun Amang, dingangu i sire mangimang u kawe i Amang e nēndoloh'u Ia.

⁹Ia mēkaliomaneng baugu i sire. Ia e walineuwe mēkaliomaneng baugu dunia kaiso kai waugu taumata ku seng nionggo i Amang si Sia, batu i sire kai tataghuaneng i Amang. ¹⁰Kēbi tētaghuanengKu e malaing tētaghuaneng i Amang; mase patiku tētaghuaneng i Amang-Ku e malaing tētaghuanengKu. Ia wēbantugang sutaloaran sire. ¹¹Ini e Ia dumēnta su anun Amang. Ia e seng baline maṭana su dunia; Arawe i sire ute ka-

we su dunia. Amang masusi! Si-rungengkong kawang areng i Amang si sire, arengke naung seng niongo i Amang si Sia, tadeau i sire mariadi sēmbau, kerewe i Amang dingangu Ia e kai sēmbau. ¹² Pia Ia e naung bēdang dingang i sire, Ia e seng nanētanudē si sire ringangu kawang areng i Amang, areng ku naung niongo i Amang si Sia. Ia e seng nēlukadē si sire ku taweu sarang sēngkatau wou i sire ku nailang tabeau katewe ualingu i sie mambeng hinong mailang; tadeau ualingu ene ute naghanape apang mābawohē suralungu Winohē Susi. ¹³ Ini e Ia kawe seng soḷong anun Amang. Patiku ini e taku ipēpauli e tēntalang Ia e reng bēdang su dunia; tadeau i sire makapanaghuangbe raḷuasēKu e masuku. ¹⁴ Ia e seng nēhabaru hengetang i Amang si sire, kai dunia e nēmpēbinsi i sire, batu i sire walineuwe tataghuanengu dunia, kerewe lai Ia balineuwe tataghuanengu dunia. ¹⁵ Ia e tawe mēgausē tadeau i Amang mēngalā si sire wou dunia ini e, kaiso kawe mēgēgausē tadeau i Amang e panētanudē si sire wou i Raḷakisē. ¹⁶ Kerewe lai Ia e walineuwe tataghuanengu dunia, i sire lai

walineuwe tataghuanengu dunia. ¹⁷ Kakoako i sire kētaeng tataghuaneng i Amang luniu katēngadē; hengetang i Amang e kai katēngadē. ¹⁸ Mēsulungken i Amang seng dimolohu Ia su dunia e, kerene lai Ia dimoloh'i sire soḷong dunia. ¹⁹ Ia e mēnarakangu watangengku kere tataghuaneng i Amang natētani e, tadeau i sire maḷaing makoḷa tataghuaneng i Amang tani e limiun katulidē e, baugu kapian sire.

²⁰ Balineuwe samatang tumbau waugi sire ini e, Ia mēkēkaḷiomaneng. Ia maḷaing mēkēkaḷiomaneng baugu taumata apan mēmpangimang si Sia e ualingu pēsahiding sire ini e. ²¹ Ia e mēkēkaḷiomaneng, Amang, maḷowoko i sire kēbi e masēmbau, kerewe i Amang e nasēmbau dingangKu, kerene lai Ia dingang i Amang. Maḷowoko i sire masēmbau dingang i Kite, tadeau dunia e mangimang u i Amang e kai rimoloh'u Ia. ²² Ia e seng bou napakawantug'i sire ringangu kawawantugu Ruata ku seng niongo Sia e, tadeau i sire masēmbau, kerewe i kite maḷaing sēmbau; ²³ Ia dingangi sire, mase i Amang dingangu Ia;

tadeau i sire mamben tēngadē sēmbau. Tangu dunia e makaka-singka u kawe i Amang dimolohu Ia e, dingangu i Amang kukēndag'i sire kere i Amang kukēndagu Ia.

²⁴Amang, Ia kai mapulu tadeau i sire ku nisarakang i Amang si Sia e, ene ringangku suapan Ia ene, tadeau i sire makasilo kawawantugēku e; ku ene kai kawawantugi Amang nionggo e Sia, batu i Amang e kukēndagu Ia e, rokeng dunia e ta niadia-di. ²⁵I Amang ku adilē e! Dunia e wēgawen Amang, arawe Ia e masingkaben Amang; dingangu i sire ini e masingka u i Amang e rimolohu Ia e. ²⁶Ia e seng bou nēlahēu areng i Amang si sire; ringangu Ia e sarung tawē umpade mēkoā kerene, tadeau kakēndagu i Amang si Sia e tatapē bue suralungu naung i sire, dingangu Ia nasēmbau dingang i sire."

Mawu Yesus nisame

(*Mat. 26:47-56; Mrk. 14:43-50*)

(*Luk 22:47-53*)

18 Saraeng Mawu Yesus bou nēkaliomaneng kerene, i Sie ringangu manga murit'E nakoā solong sēmbekang salu u Kidron. Sene pia bawaelang sēmbau, ku Mawu Yesus di-

ngangu manga murit'E simuē su wawaelang ene. ²I Yudas tau e mēbēbaļu e masingka u tampa ene; batu Mawu Yesus e masau mēkomolē dingangu manga murit'E sene. ³Tangu i Yudas tamai e solong tampa ene ku nēbawa wuntuang u soldadong Romawi ringangu manga mēndariaga Baļem Mawu pirangkatau apan nirolohu manga imang tēmbonange ringangu i sire tau Farisi. I sire nēmpēbawa aghidē, lēntera, ringangu oborē. ⁴Mawu Yesus masingka u patiku apan sarung mariadi su watangeng'E. Tangu i Sie rimani si sire ku nakiwaļo, "I kamene kai mēdēdeā si sai?"

⁵"Yesus, tau Nazaret," unguēng i sire.

"Seng Ia e i Sie," unguēng u Mawu Yesus.

I Yudas tahapēsuniaļē e ruđarisī sene ringang i sire. ⁶Pia e Mawu Yesus nēhengetang si sire u, "Seng Ia e i Sie," ute kēbi e nēmpēsoho ku apidu nēngkawatang su ēntana. ⁷Sau kapia Mawu Yesus nakiwaļo si sire, "I kamene kai mēdēdeā si sai?"

"Mēdēdeā si Yesus tau Nazaret," angkuēng i sire.

⁸"Seng Taku niwera u, seng Ia e i Sie," unguēngu Mawu Yesus. "Ku kereu mambeng Ia e

rēdeakeng i kamene, ute walæke-re i sire waline ini e aparaleng.” (9 Dingangu nēhengetang kerene, nariadi e apa ku seng nipēhenge-tang u Mawu Yesus nangun: ”Amang, bou i sire apan nisarakang i Amang si Sia e, taweu sarang sengkatau nailang.”)

10 I Simon Petrus mēngkate-we nanawu pēda niwawane ku namili darolohangu imang gagherē hakiu nahēnsi tuline koaneng. Arengu ēllang ene ute kai i Malkus. 11 Tangu Mawu Yesus nēhengetang si Petrus, ”Suhī e saū pedanu e su homane! Unue i kau māngēnnau Ia e tawe sarung mēnginung bou lainumangu kasa-sigēsa e ku seng nionggo i Amang si Sia e?”

Mawu Yesus niwawa nipētēngon Hanas

12 Mase manga soldadong Roma ringangu manga tēmbonange ringangu manga mēndariaga Yahudi e naname e ringangu nēhapusē Mawu Yesus. 13 Humotong i sire nangētud’u Mawu Yesus niapētēngon Hanas, i amang i Kayafas kinaratingang. I Kayafas e kai imang masēllahē su taung ene. 14 Ku kai i sie nangun seng

nanēgu manga mēngangawasang Yahudi e ēndokangbe sengkatau mate ipēngaluang sengkawanuaēnge.

I Petrus nēsuniaļu Mawu Yesus

(Mat. 26:69-70; Mrk. 14:66-68)

(Luk. 22:55-57)

15 I Simon Petrus dingangu muritē lai sengkatau timole Mawu Yesus. Manga muritē baline ini e kai sēngkanarangu imang masēllahē, hakiwen i sie simuē sēngkakasuē dingangu Mawu Yesus solong dēllahu waleng imang masēllahē e, 16 arawe i Petrus e māngampalē sulikude, sutukadē. Susamurine manga muritē baline e simēbang ku nēbisara ringangu mētatangkiang bawine mēndariaga tukadē, mase nēbawa si Petrus simuē solong dalunge. 17 Tau wawine mētatangkiang mēlahapa tukadē ene e nēbera si Petrus, ”Ei, balinewe i kau lai sēmbau bou timole tau rasi e?”

”Baline,” unguēng i Petrus.

18 Su tempo ene mawalēnguhē, ku manga mētatangkiang dingangu manga mēndariaga e seng nēmpēhunū u putung su woheng ku nēmpendarangke sene. I

Petrus himaungke tamai ku dimarisi nendarang dingangi sire.

Imang masëllahë mañanësui Mawu Yesus

(Mat. 26:59-66; Mrk. 14:55-64)

(Luk. 22:66-71)

¹⁹ Imang masëllahë e mañanësui su Mawu Yesus e mañanun manga murit'E ringangu kakakoã u tëntiron'E. ²⁰ Mawu Yesus simimbang, "Iã e mëngkate hanesë mëbëbisara matulidë su têngon lawo. Iã e hanesë mañëntiro su manga waleng pëkakaliomanengang dingangu suralungu Bañem Mawu, tanpaeng pëkakomolangu tau Yahudi e. Iã e tawë sarang sënsule piã apa niwisara pëkëkalirung. ²¹ Ku kawë unue i Tuang mananësui si Sia? Pakiwaloe si sire apan seng nakaringihë si Sia mañëntiro. Nalahë u i sire masingka u apan Taku niwera."

²² Piã i Yesus kapëlehenge-tange kerene, sengkatau wou mëndariaga sene nameru si Sie ringangu nëbera, "Kai kawahani i Kau mëbisara kerene su têngon imang masëllahë!"

²³ Mawu Yesus simimbang, "Kereu Iã mauji u apang ku nësala, ute pauliko kaia salane! Kai kereu waweraKu e kawë nihi-

no, kawë unue i kau nameru si Sia?"

²⁴ Su samurine i Hannas nangoro e taumata niapangëntudë Mawu Yesus malahante solong anun Imang Marangë i Kayafas.

I Petrus nësau kapia nësunalu Mawu Yesus

(Mat. 26:71-75; Mrk. 14:69-72)

(Luk. 22:58-62)

²⁵ I Simon Petrus bëdangbe lain dudarisi mëdendarang sene. I sire nempëbera e si sie, "Bañnewe i kau lai tutole tau ene?" Arawe i Petrus e mang nësuniajë u, "Waline!"

²⁶ Sëngkatau rarolohangu imang marangë, anau sëmbau i anu tuline nisahing i Petrus e nëbera, "Bañnebe iã nakasilo si kau su wawaelang ene mëdëdingang i Sie?"

²⁷ Mase i Petrus nësuniaji Sie kapia, "Tala," – ku nëkëta u orasë ene manu kimuku e.

Mawu Yesus nëtêngon Pilatus

(Mat. 27:1-2, 11-14; Mrk. 15:1-5)

(Luk. 23:1-5)

²⁸ Ëllo e seng mëbëmbanaho i sire nangëntud'u Mawu Yesus bou waleng Kayafas solong ista-

nang gubernurë. I sire tau Yahudi e tawe nahunsuë solong dalungu istana, maðiring makasalamaⁱ si sire tuhu dalengu agama, batuu i sire mapulu lai mēmpangidopu simokoļu Paskah. ²⁹ Ualingu ene i Pilatus simēbang nakoā solong anun sire ku nakiwalo, "Kai apa pēsasaran tau ēndaḷ e iwēbawang kamene?"

³⁰ I sire nēmpēsimbang u, "Mangawe i Sie tawē salane, ute i kami e tawe manondan Sie su anun Tuang Gubernurë."

³¹ I Pilatus nēbera si sire, "Alaē i Sie ku hukungke tuhewe torat'i kamene hala!"

Kai tau Yahudi e simimbang u, "I kami e tawe wotonge mēnawong hukumangu papate su taumata." (³² Ini nariadi e tadeau naghanapē kere seng nipēhenge-tang u Mawu Yesus maanung kakakoā u i Sie sarung mapohong.)

³³ I Pilatus simuē kapia su istana ku nēkui Mawu Yesus, ku nakiwalo u, "I Kau e ratung tau Yahudi e?"

³⁴ Mawu Yesus simimbang, "Apa kakiwalo ini e wou watangeng hala arau kai piā u

waline ku seng nēhabaru Ia e si Tuang?"

³⁵ I Pilatus simimbang, "Ia kawe tau Yahudi tangu? Taumata ku nēnarakang i Kau si sia e kai kawanuan'U hala ringangu manga imang tēmbonange. Ku apaē seng nikakoā u e?"

³⁶ Ungkuēngu Mawu Yesus, "KararatuangKu e waline wou dunia ini. Kai manga kararatuangKu e wou dunia ini, ute angkeēng apan taumataKu e sarung mētahutēnda u Ia e, tadeau tawe isarakang su manga mēngangawasan Yahudi. Kaiso mambeng kahēngang u kararatuangKu e asale waline wou dunia ini!"

³⁷ Tangu i Pilatus nakiwalo si Sie, "Maeng kerene Datu i Kau tangu?"

Mawu Yesus simimbang, "I kau nēbera u Ia kai ratu. Ia e nawantelē dingangu rimēnta su dunia e kētaeng baugu timona sēmbau, tadeau kai mēsahiding katēngadē. I saing ku asale wou katēngadē e, mambeng dūdarinhē si Sia."

³⁸ I Pilatus nakiwalo si Sie, "Kai a mangalene katēngadē e?"

ⁱ makasahaghe

Mawu Yesus nihukung pateäng

(Mat. 27:15-31, Mrk 15.6-20)

(Luk 23:13-25)

Mase i Pilatus simëbang kapia wou istana ku nëbera su tau Yahudi, "Ia e tawe nakareä pësaşala sarang sëmbau si Sie. ³⁹Kai tumuhu tundung kamene, ia e sëntinia makapëliwir'u sëngkatau wou taumatan hukumang su Ëllon Saşimbangu Pas-kah e. I kamene mapulu ia mapakaliwir'u ratun tau Yahudi e waug'i kamene?"

⁴⁰I sire simimbang nëmpamansagë u, "Tala, kumbahang i Sie, pamëlloen Barabas!" (I Barabasë ute kai sëngkatau tahapëhampasë sahiun tahapëmate.)

19 Su samurine i Pilatus simuë e ku nangoro si sire nakilimad'u Mawu Yesus. ²Manga soldado e nëmpëkoä e makota wou manga hakonda pia larange, mase nipakë su tëmbo u Mawu Yesus. Bou ene i sire nëmpëluheën laku manandu awaç kamumu, ³mase taghalë mëkëka-kuwalı mahundënta su anun'E ku mëmpëbëbera u, "Karaluhë datun tau Yahudi!" Bou e i sire nëmpameru si Sie.

⁴Bou ene i Pilatus sau simëbang sënsule ku nëbera su taumata lawo e, "Kakëllako! Ia manondan Sie sulikude anung kamene, tadeäu i kamene masingka u ia tawe nakareä pësaşala sarang kadidi-didi si Sie." ⁵Tangu Mawu Yesus simëbang ku nëpake u paporong makota pia larange ringangu kakingkaenge kamumu. Tangu i Pilatus nëbera e si sire, "Kakëllako tau ëndai."

⁶Ene sarangke manga imang tëmbonange ringangu mëndariaga e nakasilöe Mawu Yesus, i sire nëmpamansagë u, "Kuruise i Sie! Kuruise i Sie!"

I Pilatus nëbera si sire, "Aş e i Sie, ku kuruiseng kamene hal-la, u ia e tawe nakaëba pësaşala sarang sëmbau si Sie."

⁷Tau Yahudi e nëmpësimbangu, "Tumuhu torat'i kami e, i Sie harusë kahinoëngu hukumang papate, batu i Sie mangakun batangeng e Ahus'u Ruata."

⁸Ene i Pilatus nakaringihe si sire nëmpëbera kerene, ute i sie saunengke lai nataku. ⁹Tangu i sie simuë e kapia solong dalungu istana ku saraeng Mawu Yesus niapasuë, tangu i Pilatusë e naki-walo si Sie, "I Kau e asaş kai wou a?"



Manga soldadong Roma (19:2)

Mawu Yesus e tawe simimbang. ¹⁰Tangu i Pilatus nēbera kapia, "Kai madiri i Kau mēbisa-ra ringanku? Kasingkako iā kai kawasa mēliwir'i Kau ringangu kawasa mēnguruis'i Kau."

¹¹Mawu Yesus simimbang, "Kereu Ruata e tawe mangonggo u kawasa ene si kau, ute mamben tēngadē i kau e tawe makapēngawasa sarang kadodo su watangengku e. Ualingu ene tau-mata ku nēnarakang u iā si kau e, limembong kasēllahe rosane wou rosanu."

¹²Sarangke i Pilatus nakaringihē ene, i sie mēdēdeā dalengu mēliwiru Mawu Ye-

sus. Kai taumatan Yahudi e mēmpēbēbuheang u, "Kereu i Tuang mēliwir'i Sie, ute i Tuang baḷinewe ringangu Kaisarē! Tau-mata ku mangakun batangengeratu, kai ruḍoka Kaisarē!"

¹³Ene i Pilatus nakaringihē manga wawera ene, i sie nēbawa e Mawu Yesus sarang ḷikude mase naiangke su kaderan pēgaghu-taēng e su tampa isēsēba Ēmpahē Batu. (Su werang Ibrani isēsēba Gabata.)

¹⁴Tempo ene maraning pukulē mapulo dua ḷello rangē, su ḷello kaḷamonang Ēllon Saḷimbangu Paskah. I Pilatusē e

nëbera si sire ene, "Ini e ratung kamene!"

¹⁵I sire mëmpëbëbuheang u, "Pate e i Sie! Pate e i Sie! Kuruisse i Sie!"

I Pilatus nakiwalō, "Mihino wue ia manguruisë datung kame-ne?"

Manga imang tëmbonange simimbang u, "Këtaeng Kaisarë e samatang datung kami e!"

¹⁶Tangu i Pilatus e nanarakangken Mawu Yesus si sire, mëdeau ipakikuruisë. I sire nëmpëngalæ Mawu Yesus e, ku niwawaen sire.

Mawu Yesus nikuruisë

(*Mat. 27:32-44; Mrk 15:21-32*)

(*Luk. 23:26-43*)

¹⁷Mawu Yesus simëbangke kapëmasaënge kalung kuruisë sësane solong tanpa isësëba "Tampa u Raran Tëmbō". (Su werang Ibrani isësëba Golgota.)

¹⁸Su tanpa ene i Sie nikuruisë. Piako lai ruangkatau waline nikuruisë; sëngkatau su sëmbëka kaihi, sëngkatau e lai su sëmbëka koaneng arawe Mawu Yesus e sutaloarane. ¹⁹Su kalung kuruis'u Mawu Yesus tangu i Pilatus nangorongkon pëtataingu wohe kerei: "Yesus bou Nazaret, Datun Tau Yahudi". ²⁰Lawo tau-

matan Yahudi e nëmpëbasa wohe ene, batu tanpa u Mawu Yesus e nikuruisë tawë karaune wou soa e. Bohe ene suralungu werang Ibrani, Latin, dingangu Yunani. ²¹Manga imang tëmbonange nëmpëbera si Pilatus, "Abe pamohë u 'Ratun tau Yahudi', kaiso woheko, 'Tau ini e nëbera, Ia e Ratun tau Yahudi.'"

²²Arawe i Pilatusë e simimbang u, "Apan seng taku niwohe e, tatapë kabawohë."

²³Bouten manga soldado e nëmpënguruisë Mawu Yesus e, i sire nëmpangalæ e pakeang'E. Pakeang ene nipahia i sire ëpa: ku sëngkatau-sëngkatau e nakaëba e pësëmbahageang. I sire nëmpëngalæ lai kakingkaeng'E. Kakingkaeng ene tawë gepe e, nikahiwu tinalung bou rasi sarang bawa. ²⁴Manga soldado ene nëmpëbisaræ sëmbau su waline, "Abe papoto i kite e kakingkaeng ini. Mahie i kite mëkoæ lahuri tadeau mënsang i sai wue kahombangeng." Halë ene nariadi tadeau misëhue apan seng mabawohë suralungu Winohe Susi, u:

"I sire e nëmpëpapahiau pakeangKu, dingangu nëmpëdalahuri baugu kakingkaengKu."

Ku i sire soldado e mang nēmpēkoā kerene.

²⁵ Marēduhu kuruis'u Mawu Yesus e maḥundarisi i ninangu Mawu Yesus, tuaring i ninang'E, Maria kawingi Kleopas, dingangi Maria Magdalena. ²⁶ Ene Mawu Yesus nakasilo e si ninang'E ringangu murit'E kēkapiaēnge ruḍarisi sene, i Sie nēbera si ninang'E, "Inang, ěndaḯ e ana i Ninang."

²⁷ Bōu ene Mawu Yesus nēhengetang su murit'E ene, "Ĕndaḯ i ninangu." Nanēta bōu ene muritē ene, nēnarima i ninangu Mawu Yesus nētana su walene.

Kapapohongu Mawu Yesus

(*Mat. 27:45-56, Mrk 15:33-41*)

(*Luk. 23:44-49*)

²⁸ Mawu Yesus masingka u patiku e seng nasueng koā e, mēdeḗu apan seng kabawoḗe suralungu Winoḗe Susi e mariadi, i Sie nēhengetangke, "Iḗ e kai narou."

²⁹ Su tampa ene piako lainu-mang napene u anggorē mahaesē. Tangu wungang sagḗe e nilaehē su anggorē e, ku nituḗe u pon-

doḷu kalun hisop, bōu e niogorē su wiwihu Mawu Yesus. ³⁰ Mawu Yesus e nanēsū e akē u anggorē e, ku nēhengetangu, "Seng naghanapē!"

Mase i Sie nētēngkaḗin tēmbōe ku napohong.

Mawu Yesus nitēka

³¹ Kalawōu mēngangawasang Yahudi e tawe mapulu walunangu taumata apan nighantonge mēngkai tatapē kaḡagħantong^j su kalu pinēkēhusē e su ěllon Sabatē, limemboete lai Sabatē sēnsulē ini e kai Ĕllo Mawantugē nanētani. Batūu ěllon Mawu Yesus nighantonge nihino sahēllo nakalimona wōu Sabatē ene, tau Yahudi e mēdēdorong si Pilatus mēnsang botonge i sire mamēdi laedu taumata apan seng nighantong, dingangu mēlintu u manga maietē e wōu kalu kuruisē. ³² Tangu manga soldado e nahundēnta ku nēmpamamēdi laed'i rēdua maḡagħantong dingangu Mawu Yesus. ³³ Pia i sire nahumpa u anun Mawu Yesus e, tangu i sire nakasahidi e u i Sie seng napohong. Hatēde i sire tawe nisēḡu namēdi laed'E. ³⁴ A-

^j kabawiting

rawe sëndihangu Mawu Yesus e nisusu u wěngko kahian sěngkatau wou manga soldado ene; ku nēboangke raha lau u ake.

³⁵ Taumata ku nakasilo hala su kararariadin halē ene, ute kai i sie mēsahidin halē ene, tadeau i kamene maļaing mangimang. Tangu sasahidine e mambeng kahěngang, dingangu i sie masingkau ene kahěngang. ³⁶ Halē ene nariadi e tadeau maghanapē apang maḃawohe suralungu Winohę Susi, u "Tawę u manga sarang kaḃiongeng sěmbuā wou ruhin'E sarung papēdiang". ³⁷ Suralungu Winohę Susi e maļaing kaḃawohe: "I sire tangu sarung mēmpēmanda si Sie ku seng tinēka i sire".

Pėnanampa Mawu Yesus

(*Mat. 27:57-61; Mrk. 15:42-47*)

(*Luk. 23:50-56*)

³⁸ Bou ene i Yusuf bou Arimatea mēdēdorong si Pilatus tadeau i sie iapakawala mēngalaḃalunangu wadang u Mawu Yesus. (I Yusuf ute kai murit'u Mawu Yesus ipēḃēḃawuni, batū maḃaku u manga mēngangawasang Yahudi.) I Pilatus napakawalan sie, ku tamaḃi e i sie

nēngalaḃalunangu wadang u Mawu Yesus. ³⁹ I Nikodemus ku naung kaļimoana wou rimēnta su anun Mawu Yesus su tempong hēbi, ku dimaleng sěngkaraļeng dingangi Yusuf. I Nikodemus kai mēḃēḃawa mur lau u gaharu – pia u manga tēllum puļo sukilone kawēḃa e. ⁴⁰ I rēdua e nēmpangalaḃe waļunang u Mawu Yesus e ku mase nipikunge ringangu heka papikunge sěngkawēkisē dingangu manga wěngi e timuhu e tundung pēlalēbingu tau Yahudi e. ⁴¹ Su sēmpalangke pinēnggantongang u Mawu Yesus piaḃo winalaeng sēmbau. Suralungu winalaeng ene piaḃo kubulē buhu sēmbau tawe nipēpake baugu pēnampakeng taumata. ⁴² Ualingu kawe masandigē kubulē ene ringangu kawe seng maraning pēnanēta u ēllon Sabatē e ute Mawu Yesus e nitamḃaen dēdua sene.

Kubulē ta lohone

(*Mat. 28:1-8; Mrk. 16:1-8*)

(*Luk. 24:1-12*)

20 Su kaloēngen Misa, ku deng bēḃang marēndung, i Maria Magdalena e nakoḃa soļong kubulē. Ene i sie nakasilō

e watu lahēpinge kai seng naenso bou lohangu kubulē e. ²Tangu i sie timalangke nēdea si Simon Petrus dingangu muritē kēkapiangu Mawu Yesus, ku nēbera si sire, "Mawu e seng niala i sire wou kubulē, ku ia e wēga mēnsang i Sie nipello suapa."

³Bou e i Petrus dingangu muritē baline e natamai e solong kubulē. ⁴I rēdua e nahuntalang, kai muritē sengkatau e kai limembon kahawese wou i Petrusē, hakiewen i sie nahumpa kakalimonaēnge su kubulē. ⁵I sie naralinge e suralungu kubulē e ringangu nakasilo e heka kakēngkainge kapapello sene, kai i sie tawe kadienge simuē. ⁶I Simon Petrusē e nakatole e wou likude, apidewe nasuē solong dalungu kubulē e. I sie nakasilo heka kakēngkainge mapapello sene, ⁷Arawe heka bawēkisē tembo u Mawu Yesus e tawēdisē surēduhe, batuu kai kadarulung natētani.^k ⁸Bou e muritē ku nakalimona nahumpa u kubulē e maļaing nasuē dingang. I sie nakasilo ringangu nangimang. (⁹Sarang tempo ene i sire reng bēdang ta nakaēnna apan mābawohe suralungu Winohe Susi u i Sie harusē mēbangung bou papa-

te.) ¹⁰Bou ene muritē darua e nēngkapulē.

Mawu Yesus napasilon batangeng'E si Maria Magdalena

(*Mat. 28:9-10; Mrk. 16:9-11*)

¹¹I Maria Magdalena e rudarisī su tēngon kubulē e kasangi e. Pia i sie susangi e, i sie rimalingeko solong dalungu kubulē, ¹²mase i sie nakasilo malaekatē duangkatau pakeange mawira. I rēdua mahungkaiang su pia ēnnau tampa u walunangu Mawu Yesus, sengkatau su pia tēmbōe, arawe sengkatau lai ute su pia laede. ¹³Manga malaekatē e nakiwalō e, "Inang, kawe susangi unue i kau e?"

I Maria simimbang, "Kai pia u nēmpēngala Mawuku e, dingangu ia bēga mēnsang i Sie kai nipello suapa."

¹⁴Bouten nēbera kerene, i sie nēbihue solong likude kutēu kawe nakasilo Mawu Yesus rudarisī sene. Kai i sie wēga wue u ene kai naung Mawu Yesus. ¹⁵Mawu Yesus nakiwalō si sie, "Inang, kawe susangi unue i kau e? Kai i sai rēdeakengu e?"

I Maria e mangiraling u tau ene kai mēlahēsinuang ku i sie

^k kaļahae

něbera e si Sie, "Opọ, kamageng u kai i Opọ nęngaling i Sie wou ini e, ute tulungko pauli si sia, kai nipello i Opọ suapa i Sie tadeau ia makaala bue."

16 Mawu Yesus nęhengetang si Sie, "Maria!"

I Maria nębihi solong anun Mawu Yesus ku nębera su werang Ibrani, "Rabuni!" (Mangalene "Mananęntiro".)

17 "Abe pęnenggehę si Sia," unguęngu Mawu Yesus si sie, "ualingu Ia e kai wędaweng tawe natarai solong anung Amang. Kaiso rakęe kakoa solong anun manga ana u sęmbauKu, ku pęhabaręko si sire u Ia kai reng matarai solong anung Amang-Ku dingangu i Amang i kamene, DuataKu ringangu Duatang kamene."

18 Tangu i Maria e rimalęngke nęhabarę su manga murit'u Mawu Yesus u i sie kai seng nakasilo Mawu ringangu Mawu e seng nęhengetang u kębi ene si sie.

Mawu Yesus napasilon batangeng'E su manga murit'E

(*Mat. 28:16-20; Mrk. 16:14-18*)

(*Luk. 24:36-49*)

19 Su ęllon Misa lai ene, ku nahębje, ute manga murit'u Mawu Yesus nęmpękomolę su wale sęmbau ku manga tukade kapapale, batu u i sire kai matak u manga mangangawasang Yahudi. Sęngkalęndiu Mawu Yesus naręntae ku dimarisi su taloaran sire apidu nęhengetang, "Karalunsemahę si kamene."

20 Bouten nęhengetang kerene, i Sie nanodeen liman'E ringangu sęndihang'E. Su tempoen i sire nakasilo Mawu e męngkate apa maraluasę. **21** Mase Mawu Yesus sauwe nęhengetang sęnsule, "Karalunsęmahę si kamene. Keręewe i Amang dimoloh'u Ia, ute kerene lai Ia e dumoloh'i kamene." **22** Bou ene i Sie nęniu u singongan'E si sire ringangu nęhengetang, "Pęmpęnarimę Rohkę Susi. **23** Kereu i ka-

mene mēmpangampungbe rosan pēsēngkatau e, Mawu Ruata e maļaing mēgēlliū ampunge. Kereu i kamene tawe mēgēlliū ampung rosan pēsēngkatau e ute Ruata e maļaing tawe mēgēlliū ampunge.”

Mawu Yesus dēduan Tomas

²⁴I Tomas (nisēba si ”Hindua”), sēngkatau wou i sire mapulo dua murit’u Mawu Yesus, tawē dise sutaloaran murit’E waline su tempon Mawu Yesus dimēnta. ²⁵Tangu manga murit’u Mawu Yesus baline e nēmpēbera si Tomasē e, ”I kami e seng nakasilo Mawu!”

Arawe i Tomasē e simimbang, ”Kereu ia e wēdang tawe nakasilo ēnnaū paku su liman’E, ringangu tawe nakapēnuhing talimēdoku su ēnna u lese u paku e ringangu tawe nakapēnenggehu limaku su sēndihang’E, ute ia mang bēdang tawe mangimang.”

²⁶Sēngkamisa tuhu e manga murit’u Mawu Yesus natampung kapia su tampa ene, dingangu i Tomasē e maļaing ene. Kalawou tukadē e mapapale. Kai

Mawu Yesus e natēntung ku dimarisi sutaloarang sire, mase nēhengetang, ”Karalunsemahē si kamene.” ²⁷Bou e Mawu Yesus nēhengetang si Tomasē, ”Kakēlla e limaKu, ku suhi e talimēdonu e sini. Ogorē limanu ku pēnaghipo sēndihangKu. Kuhæ mēndapatē,¹ kai pangimangke!”

²⁸I Tomasē e nēbera su Mawu Yesus, ”Mawuku, ore Ruataku!”

²⁹Tangu Mawu Yesus nēhengetang si sie, ”I kau e nangimang batu seng nakasilo si Sia, arau ēng? Kariangkamang taumata ku mangimang manilaing tawe nakasilo si Sia e!”

Timonam bukē ini

³⁰Lawo lai wēdang tanda makalaherang baline e kinoa u Mawu Yesus su tēngon manga murit’E, kai tawe niwēbohe suralungu bukē ini. ³¹Kaiso patiku ini e niwohe, tadeau i kamene mangimang u Mawu Yesus e kai Ratu Mēnanaļamatē, Ahus’u Ruata, ku ualingu mangimang si Sie, ute i kamene makahombang pēbawiahē.

¹ delaing ria-ria = jangan ragu-ragu lagi

Mawu Yesus napasilon
batangeng'E su murit'E
pitungkatau

21 Bõu ene Mawu Yesus napasilon batangeng'E kapia su ranong Tiberias su tẽngon manga murit'E. Kereini katatainge: ²Su sahẽllo, i Simon Petrus, i Tomas nisẽba si Hindua, i Natanael bõu Kana su Galilea, manga ana i Zebedeus, dingangu murit'E rarua waĩne kapẽtẽtam-punge. ³Ungkuẽng i Simon Petrus su manga ringange, "Ia e kai mapulu sasae mẽpakisaghe."^m

"I kami e tumole," unguẽng i sire si sie. Tangu sasae e i sire nẽmpẽsake sakaeng. Kuteu kandanuẽwen hẽbi ene i sire tawe nakasoma apa-apa. ⁴Ene saraeng matangẽllo e kasẽbange, Mawu Yesus e rimarisĩ su apeng, kaiso i sire wẽgawue u ene kawe Mawu Yesus e. ⁵Mawu Yesus nẽhenge-tang si sire, "E, manga ana, piabe kinã i kamene?"

"Tala," unguẽng i sire.

⁶Mawu Yesus nẽhengetang si sire, "Tẽntangko somang kamene su koaneng u sakaeng, ku i kamene sarungbe makaẽba kinã." Tangu soma e nitẽntangken si-

re, kai tawe nakaumalẽ sau nẽmoleng ualingu kalawõu kinã suralunge.

⁷Muritẽ ikẽkẽndagu Mawu Yesus e nẽbera si Petrus, "E pai Mawu!" Pia e i Simon Petrus nakaringihẽ u pai ene kai Mawu, ute i sie nẽluhẽen pakeange (batu i sie kai tẽntole) mase timumpa e su ake. ⁸Muritẽ baline e nẽmpẽtole sarang dulunge ringangu sakaeng kapẽmolenge soma napenẽ u kinã. I sire tawe tumaniũ marau wõu ruĩlunge lẽnnaẽng mangawe kẽtau mahasu su metere karaune. ⁹Ene i sire natumpae wõu sakaeng, tangu i sire nakasilõe tẽtuhu putung ku pia kinã mađalẽngkang su wowone ringangu borotẽ. ¹⁰Mawu Yesus nẽhengetang, si sire, "Kẽnangko ramahi pẽbawa manga pirambua kinã buhu nisame i kamene."

¹¹I Simon Petrus tangu simake e su sakaeng, ku nẽmoleng-ke soma sarang dulunge. Soma e mẽngkatewe napenẽ u kinã gagghaghuwa; kẽbi e mahasu limam puõ tẽllu su wuane. Ku maning kinã maławõ kerene, kai soma e tawe naghẽde. ¹²Mawu Yesus e nẽhengetang si sire, "Mahi e

^m mẽname kinã = menangkap ikan

i kite məsimokolə.” Kai mang tawə u səngkatau wou i sire manga murit'E wahani makiwalə u, "I Tuang kai i sai?" Batu i sire masingka u i Sie kai Mawu. ¹³Tangu Mawu Yesus himaungke si sire ku nəngala e borotə ene, bou e nəngonggo si sire. Ku i Sie malaing nəkoə kerene su kina ene.

¹⁴Ini e kai katəllun sulene Mawu Yesus napatode u watangeng'E su manga murit'E samurin i Sie niapəbangung bou papate.

Mawu Yesus dingangi Petrus

¹⁵Bouten i sire nahungkaəng, tangu Mawu Yesus nəhengetang si Simon Petrus, "Simon, ana i Yona, i kau kukəndagəben Ia limembo wou i sire əndaj e?"

"Təngadə Mawu," unguəng i Petrus, "Mawu e masingka u ia kukəndagəben Mawu e."

Mawu Yesus nəhengetang si sie, "Tangkianeko" manga dombaKu."

¹⁶Su karuan sulene Mawu Yesus nakiwalə si sie, "Simon ana i Yona, i kau kukəndagəben Ia e?"

"Təngadə, Mawu," unguəng i Petrus, "Mawu e masingka u ia kukəndagəben Mawu e."

Mawu Yesus nəhengetang si sie, "Tangkianeko manga dombaKu."

¹⁷Katəllun sulene Mawu Yesus nakiwalə si sie, "Simon ana i Yona, i kau kukəndagəben Ia e?"

I Petrus məngkate masusa naunge u Mawu Yesus kawə nakiwalə si sie sarang katəllun sulene. Tangu i Petrus nəsaəuwe simimbang, "Mawu, Mawu e masingka u kalawou kəbi. Mawu e masingkaben ia e kukəndag'u Mawu e!"

Bou e Mawu Yesus nəhenge-tang si sie, "Tangkianeko manga dombaKu. ¹⁸Tənga-təngadə baweraKu ini: Su tempon i kau reng umbaseng, i kau səsanu məngkate maməgong kaluwaengu, ku məngkawe mēdēdaraleng baləwe solong tampa sude tuəuwe kapulunu. Arawe kamageng i kau seng maghurang ute, i kau məngogoru limanu ku taumata waline maməgong i kau ringangu mēbawa si kau solong tampa ikəkadirinu." ¹⁹(Dingangu manga wawera ene Mawu Yesus mēləlaheu kereapa i Petrus sarung mate ualingu pəmamantugə

ⁿ Lukade, lukare, paduļie = Peliharalah

Duata e.) Bõu ene Mawu Yesus nëhengetang si Petrus, "Toļę e si Sia!"

Mawu Yesus dingangu manga murit'E waline

²⁰ Su tempong i Petrus nębi-hu solong likude, i sie nakasilo muritę ikęķęndag'u Mawu Yesus. (Seng i sie kųkaiang su ręduh'u Mawu Yesus kapęsęsimokole kų nakiwalo si Sie, "Mawu, kai i sai sarung mębaļu u Mawu e?")

²¹ Nakasilo si sie, i Petrus nakiwalo su Mawu Yesus, "Mawu, kai kereapa wue i sie ini e?"

²² Mawu Yesus e simimbang, "Andene Ia mapulu tadeau i sie kaťatana biahę sarang Ia maręnta, ene e walineuwe halę u. Kai i kau e, toļę e si Sia!"

²³ Tangu nakeķę e habarę su taļoaran manga murit'u Mawu

Yesus, u muritę ene e tawe mate. Sęmbaliau Mawu Yesus e tawe nębera u muritę ene tawe mate, kaiso kai: "Andene Ia mapulu i sie kaťatana biahę sarang Ia maręnta e, ene walineuwe halę u."

²⁴ Muritę ene e męsęsahidi maņanung ķębi halę ini e. Malaing i sie seng namoķę u ene. Dingangu i kitę ķębi masingķa u apan seng nipahumbisarine ene mambeng tęngadę.

Bawera pęngęsueęnge^o

²⁵ Będangbe lawo lai halę baline kinoa u Mawu Yesus. Andene ķębi e mang bohekang e sęmbau-sęmbau, ute taku lęęnaęng u maningbelain dunia sęmbau e kai tawe kapęķionangu kaļawou bukę kų sarung bohekang e.

^o pinamondoļę = terakhir

MUNARANG MANGA RAROLOHANG

DARUMATINGE

Munarang Manga Rarolohang e kai sasěmpu Bukě u Injilě niwěken Lukas. Gěsin timonang pałahumbisarang Munarang Manga Rarolohang ini ute kai mañualagu kereapa kakakoą u manga murit'i Yesus – lěahakengu Rohkě Susi – e mangekeng Injilě mañun Yesus "su Yerusalem, su kaguwañ Yudea, su Samaria, dingangu saraeweng pondolu dunia" (1:8). Bukě ini e kai mēbēbēken karadiahang u Sahani ku niwahēta wou tałorang tau Yahudi mase nasaria nakoą sēmbau agama bangu kasėllahu dunia. Mēmamohe bukě ini mēpēpēdangu mambeng hinong mēnoghasē pēngangimang u apang mēbawasa u tau Sahani e bałinewe makoą sēmbau katatangaēng su kararatuangu u Roma, kaiso agamang Sahani e kai mēsulungu makasuku pēnggaghanapu agamang Yahudi e.

Munarang Manga Rarolohang e wotonge mapahia tēllung bahageang. Surałungu tēllung bahageang ene e kēkasilo pamamēnahu tampa pangekeēng u Injilě mañun Yesus dingangu ghahedan Mawu e ipararisi: (1) panētakengu kakanoą u munaran Sahani su Yerusalem samurin Yesus nasapua solong sorga; (2) pēmamēnahē solong manga wanua wałine su Palestina: dingangu (3) pałahuntinambang kasėllahe lai solong manga soa wałine mēlėliku laudē Tałoara sarang kapon-đolangu Roma.

Pia munara sēmbau malahe dingangu kasėllahenge surałungu bukě u *Munarang Manga Rarolohang* ini e ute kai munarang Rohkě Susi ku dimēnta ringangu kawasan'E su taumata apang mañgimang su Yerusalem su ěllon Pentakosta. Surałungu kēbi hałē mađiadi e ku maławohe su bukě ini e nałahē u Rohkě Susi ene e mang tatapē mēngēngaha dingangu mēnēnoghasē ghaheda ringangu manga pangaha e. Habarē ku itētēntirong agamang Sahani dokeng su tēta-tēta e,

niapakanimbu suralungu sēmbau komolungu manga nasē. Apang halē nariadi ku maḃawoḃe suralungu bukē ini e, maḃaing mēlēlaḃe u kawasang halē ene e suralungu pēḃawiahu tau Sahani e ringangu suralungu pēḃalahēmpukangu ana u sēngkatau su ghaheda.

Lohone

Pēnanadian pēlahabar'u hengetang	1:1-26
a. Parenta pēngēsueēnge ringangu riandin	
Mawu Yesus	1:1-14
b. Pēngangaweng si Yudas	1:15-26
Pēlahabarē su Yerusalem	2:1-8:3
Pēlahabarē su Yudea ringangu Samaria	8:4-12:25
Pētatangkiang i Paulus	13:1-28:31
a. Daraleng humotong baugu pēlahabar'u Injilē	13:1-14:28
b. Pēralahintau su Yerusalem	15:1-35
c. Daraleng karuanē waugu pēlahabar'u Injilē	15:36-18:22
d. Daraleng katēllune waugu pēlahabar'u Injilē	18:23-21:16
e. I Paulus kere sēngkatau taumatang hukumang su Yerusalem, Kaisarea, ringangu Roma	21:17-28:31

1 I Teopilus makëndagë,
 Suralungu bukëku humotong
 seng taku nitualagë këbi apang
 kinoa dingangu nitëntirong Ye-
 sus dokeng i Sie nanëta u mu-
 naran'E, ²sarang ëllo ini i Sie na-
 sapua solong sorga e. Kalamonan
 i Sie nasapua solong sorga e, di-
 ngangu kawang Rohkë Susi e, i
 Sie nëgëlliü manga sasalëntihö su
 manga rarolohange apang kina-
 pile. ³Sarangke i Sie napohong,
 karënguweng ëpa u pulo su
 ëllone i Sie masau mëngonggou
 ralenge malahë su manga rarolo-
 hange u i Sie mamben têngadë
 biahë. I sire nakasilo si Sie di-
 ngangu i Sie nëbisarang sire ma-
 nueng kereapa Mawu Ruata e
 mëpëparenta kere sëngkatau Ra-
 tu. ⁴Ku su tempo ene i Sie
 nëkomolë dingang i sire, ku i
 Sie nëparenta kere ini si sire,
 "Abe pëmënso bou Yerusalem.
 Pëngampalë sene sarang i Amang
 mëngonggou këbi apan seng ni-
 riandin'E, apan seng Taku niha-
 barë si kamene su tempo tamaj.

⁵Batü i Yohanes e nënahani
 ringangu akë, arawe pira ëllo lai
 ramahi e, i kamene sarung saha-
 niang u Rohkë Susi e."

Mawu Yesus nasapua solong sorga e

⁶Pia e manga rarolohange
 makakomolë dingang i Yesus, i si-
 re e nakiwalö e si Sie, "Mawu,
 tempo ini e Mawu mapulu ngae
 mëndarisi kapia Kararatuang u
 tau Israel?"

⁷Mawu Yesus simimbang, "I
 Amang'Ku sësane e nëmoëngu
 ëllone ringangu tempone. Tawa-
 haluasü i kamene masingka u
 halë ene, u ene kai hakë i Amang.
⁸Arawe i kamene sarung ma-
 kahombang kawasa, kamagengu
 Rohkë Susi e seng dimënta si ka-
 mene. Dingangu i kamene sarung
 makoä manga sahidiku su Ye-
 rusalem, su kaguwaü Yudea, su
 Samaria, ringangu sarang pon-
 dolu dunia." ⁹Bouten Mawu Ye-
 sus nëhengetang kerene, i Sie
 nëtëngkasapua solong sorga e
 ikëkasilon sire, ku pia e winawa
 namikung si Sie, hakü seng ta
 nikasilong sire.

¹⁰Pia i sire reng kaðalinga-
 rane langi, su tempong i Ye-
 sus nëtëngkasapua, sëngkëlëndü
 pia duangkatau pakeange mawi-
 ra dudarisi su sëmbëkan sire.

11”E i kamene tau Galilea,” angkuëng i rëdua ene, ”unue i kamene mëngkate mahundarisi sene rudalingara langi e? Mawu Yesus ku nikasilong kamene nasa-pua sojong sorga e ku kinasilo su têngong kamene e, sarungbe mësule kapia ringangu kakakoꝝ e kerene, kerewe wuhu kinasilong kamene.”

Pëngangaweng si Yudas

12Bou e manga rarolohang e nësule kapia sojong Yerusalem bou wulud’u Zaitun. Bulude ene, pia u manga sengkilo karau-ne wou Yerusalem. 13Su Yerusalem tangu i sire nakoꝝ sojong bale tampa panumpangeng i sire, ku dimangeng sojong kamarë su wowone. Manga rarolohange, i Petrus dingang i Yohanes, i Yakobus dingang i Andreas, Filipus dingang i Tomas, Bartolomeus dingang’ i Matius, Yakobus ana i Alfeus, Simon mëta-tahutënda u wanua, dingangi Yudas ana i Yakobus; 14këbi e mang sengkanaung mëtampung mëkaliomaneng. I sire mëkaliomaneng sengkapekaliomaneng dingangu manga wawine pirangkatau ringang’i Maria i ninang

i Yesus dingangu manga ana sëmbau i Yesus.

15Pia su sahëllö, su tempong i sire katatampung – pia u manga mahasu duampulo su kataune nasongo e – i Petrus dimarisi mëdeau mëbisara. Ene i sie nëberae, 16”Manga ana sëmbau! Apang ku mabawohe su Bukë Susi e mambeng mariadi. Naung su tempo kalamona wou i Daud, Rohkë Susi e seng bou nanëbalu kakakoꝝ i Yudas, tëmbonang u taumata apan nëmpëname si Yesus ene. 17I Yudasë e kai sengkatau wou i kite, ku i sie seng nipile maiaing baugu mëmunara ringang i kite.”

(18I Yudasë ini e seng nakaëba ëntana pëndaëbingange wou roit’u karakine ralakisë. I sie nanawo ku nate ringangu tiange nabëse ku sarang tinaine nasue nasëbang. 19Kalawou taumata apang mëmpëtëtana su Yerusalem e masingka u halë ene. Ku kai ene hakü suwerang sire ëntana ene isësëba Akeldama, mangalene ’Ëntanan Daha’.)

20”Batü suralungu bukë u Mazmurë e pia mabawohe kereini,
’Balae kere pëtanakenge
katatana marëmmasë;

kumbalang sarang piã
sëngkatau matana
suralunge.’

Piã lai maḃawohë kereini,

’Balæte pangkate pakirolose
su waline.’

21-22 Ualingu ene, harusë piã
sëngkatau tumole si kite ma-
koã sahiding Mawu Yesus ku
seng nëbangung kapia wou papa-
te. Tau ene harusëbe sëngkatau
wou taloarang taumata hanesë
dingangi kite e su tempong i kite
tutole si Yesus Kristus e walæ-
we solong apa, dokeng i Yohanes
nanëta nënahani sarang tempong
Mawu Yesus nasapua solong sor-
ga wou taloarang kite.”

23 Tangu i sai-sain dimënta
sene nanëgu ruangkatau, si Yusuf
nisungahi lai si Barsabas (i sie
isësëba lai si Yustus), rëduan Ma-
tias. **24-25** Mase i sire nëkalioma-
neng. Angkuëng i sire, ”Mawu,
i Kau masingka u naungu këbi
taumata. I Yudasë e kai nalø-
hosë bou pangkate sëngkatau ra-
rolohang, kutëu selaing nate. Ku
lahëko si kami, i sai wou i rëdua
ini nipilen Mawu ipëgëllirangu
munara e ipëngaweng si Yudas.”
26 Bou e areng i rëdua pinëdala-
huri e, mase lahurie kai nihino

si Matias. Tangu i sie nihengke
nakoã darolohang tadeau i sie
sëngkapëmunara ringangu manga
rarolohang i sire mapulo ësa.

Darëntan Rohkë Susi e

2 Saraeng niḃating u ëllon
Pentakosta e, kaḃawou tau-
mata maḃimang e nëtampung
su sëmpalang. **2** Sëngkëlëndiu piã
tingihë kinaringihë bou langi ke-
re tatiu u anging maiha. Baḃe
pinëtampungang i sire nahung-
kaiang e mëngkatewe napenë u
tingihë ene. **3** Mase i sire nakasilo
e manga lila mëngëngawë pu-
tung nëdaraë su apan tampa ma-
se rimoro su pusig’i sire sëngka-
tau-sëngkatau. **4** I sire këbi e
nipëkaradiahangengu Rohkë Su-
si, ku nanëta e nëmpëbisara su-
ralungu haghing bera waline. I
sire nëmpëbisara timuhewe ka-
radiahangu Rohkë e apa hinong
iweran sire.

5 Su tempo ene lawo tau-
matan Yahudi, wou kaḃawou ha-
ghing banua su kaguwaḃu du-
nia e nëmpëtanã su Yerusalem.
I sire kai taumata masasatia su
Mawu Ruata. **6** Ene kinaringihe
tingihë ene, maḃawo kahëngang

taumata natampung. I sire kēbi e himēkosē nakaringihē manga rarolohang e nēmpahumbisara su werang sire sēngkatau-sēngkatau. ⁷Maḥerang dingangu ruḍalinau, i sire kapēbisarane, "I sire mēbēbisara ini e kēbi tau Galilea arau ēng? ⁸Kerapa ngae kariadine hakju i sire nakawisara su haghing berang banuang kite sēngkatau-sēngkatau e? ⁹I kite a-sale kawē wou Partia, Media, Elam; bou Mesopotamia, Yudea, ringangu Kapadokia, wou Pontus dingangu Asia, ¹⁰bou Frigia ringangu Pamfilia, bou Misirē dingangu wahageangu ēntanan Libia rēduhu Kirene; piabe lai i kite bou Roma, ¹¹piā tau Yahudi ringangu piā lai taumatang kawanua waline ku seng nasowa agamang Yahudi; piā lai rimēnta wou Kreta ringangu Arabē. I kite kēbi e nakaringihē si sire maḥumbisara su werang kite sēngkatau-sēngkatau e, maḥanun manga haḷē makadalinau kēkoateng u Mawu Ruata!" ¹²Mēngkaḥerang dingangu ruḍalinau i sire kēbi e kapēkakiwalone sēmbau dingangu waline, "Kai a mangalene ini e?"

¹³Kai piā lai taumata ku mēmpēlēghesē. I sire nēbera,

"Ah, i sire ene tumbaewen niwukang!"

Nasē i Petrus

¹⁴Mase i Petrus dimarisi dingang i sire manga rarolohang baline, i sire mapulo ēsa su kataune, bou e nēbera su taumata lawo ene. Dingangu tingihe maiha i sie nēbera, "Manga ana sēmbau, taumatan Yahudi ringangu patikuwen mēmpētētana su Yerusalem! Daringihēko pakapia, u haḷē ini e hinong taku tualageng si kamene. ¹⁵I sire ini e waline wukang, kere su tinēnnang kamene; batu ini wuhū e pukulē sio maḷukadē. ¹⁶Kai ini e seng bou nipauli u Mawu Ruata su nabi i Yoel:

¹⁷ Duata e nēhengetang, 'Su
Ēllong Kiamatē e,
Ia sarung mamēmbing u
Rohkē'Ku waugu patiku
taumata.

Manga ana i kamene; manga esē dingangu wawine e sarung mēhabarē si kamene apaeweng Taku ihabarē si sire.

Apang manga rario manganguda e sarung makasilo apan Taku pakipandai si sire.

- Manga ghaghurang i kamene e sarung miping ipi sarung Taku ipaipi si sire.
- 18 Su manga ěllang'Ku - lai baębe ese arau wawine e -, sarung Taku pamęmbi- ngangu Rohkę'Ku suapaeweng ěllo e. Ia sire sarung męhabaru apang Taku ihabarę si sire.
- 19 Ia e sarung mękoę apang makadalinau dasi su langi e, ringangkewelain manga halę makadalinau tawę sihinge bawa su winangunang; sarung pia daha ringangu putung, singangu, ringangu tipu.
- 20 Matangęllo e sarung maręndung, bułang sarung mętęngkhamu kere raha kałamonan ěllon Mawu, ěllo masęllahę dingangu mawantugę ene e rumęnta.
- 21 Su tempo ene, i saing ku mękękui Mawu e sarung ipakasałamatę.'
- 22 Manga ana u sęmbau taumatang Israel! Pędaringihęko apang taku iwera ini: Mawu Yesus

tau Nazaret ene seng nighęllirang u munarane kahian Duata e baug'i kamene manga ana u sęmbau. Ene małahę kahęngang su manga apa e makala herang dingangu manga halę makadalinau tawę sihinge kękoateng u Mawu Ruata e su tałoarang kamene e nilahę si Yesus e. Kębi ene i kamene hala seng masingka.

23 Natuhęwe su karakin'E hala, Duata e nęmutusu męnarakang i Yesus si kamene. Ku pia e i sie nisarakang, i kamene kawe nęmate si Sie, bu ene napakawalang taumata rałakisę e nęnguruisę si Sie.

24 Kaiso Mawu Ruata e napębiah'i Sie kapia wou tałoaran taumata nate. I Sie niselohu papate, arawe Ruata e nęliwir'i Sie, u tawę ipakawala i Sie męngkate hanesę su kawang papate.

25 I Daud bu mębębera małiu i Yesus,

'Ia e makasilo Mawu ku męngkai hanesę su tęngoku; i Sie ruđęndingang si sia, tadeau ia tawę ghuminuę u apa-apa.

26 Hakiu ene ia e rułuasę, dingangu mohongku e męgęgięn daralo,

ringangu ghēsiku e ta
konsange

sarung mēngēngampalē
suralungu lēbing.

²⁷ Batu i Kau e tawe
mapakawalan himukudēku e
suralungu runiang taumata
nate.

I Kau e tawe
mapakawalan ēllang'U
satia e masilaka dingang u
mawinasa.

²⁸ I Kau e seng nanēbou raleng
si sia e makakawuna u
pēbawiahē tutune.

Daluasēku e mambeng
mahēmpaliu ualingu i Kau
e mang ene ringanku e.'

²⁹ Manga ana sēmbau, gēli-
rengkon loahe ia tadeau reng
mēbēke pakalahe maanueng
Daud, iupung gaghurang i kite
e. I sie seng nate ku selaing
nilēbing; ku lēbing e wēdang-
be lai ene sutaloarang kite sa-
rang orasē ini e. ³⁰ Mawu Ruata
e seng nēkēdo si Daud pia sa-
lune, u sēngkatau wou hēntone
sarung ihengke u Mawu Ruata
makoḃ datu. Ualingu i Daud e
masingka u kēdo ene ringangu
i sie lai sēngkatau nabi, ³¹ i sie
maḃaing masingka u apang kēko-

ateng u Ruata. Ku i sie seng bou
nanēbalu Ratu Mēnanalamatē ku
seng nikēdon Duata e, sarung
mēbiahē kapia wou kapapohonge.
I Daud nēbera,

'I Sie tawe niwala katatana
suralungu tampa u taumata
nate;

badang'E tawe mahene
dingangu tawe masue.'

³² I Yesus ini e niapēbiahē kapia
wou kapapohonge ualingu Rua-
ta. I kami kēbi seng nakasahi-
di hala ene. ³³ I Sie niapakaiang
su kakaianenge marangē dingang-
u niongotangu Ruata kawasa
mēnarima u Rohkē Susi ku seng
nirianding Amang. Dingangu o-
rasē ini e rēdaringihang dingangu
pēpandaēng i kamene e ute kai
Rohkē ene ku niwēmbing si kami.
³⁴ I Daud sēsane tawe nahengke
solong sorga, kai i Daud e nēbera
u,

'Mawu e nēbera su Mawuku:

³⁵ Kaiangko su koaneng'Ku,
sarang Ia mapakariadin seke
i Kamene e mēmpēsuba si
Kamene!'

³⁶ Kai ualingu ene hakiu pa-
tiku taumatan Israelē e hinong
masingka kahēnga-hēngang u kai
i Yesus nikuruis'i kamene, Mawu

Yesus ene e ma_laing seng ni-rianding Duata ma_ko_a Ma_wu ri-ngangu Ratu Ma_nana_lamatē!”

³⁷Ene apan taumata naka-ringihē ha_lē ene, naung i sire e mengkate ghugēnggang. Mase i sire nēmpēkiwa_lo si Petrus dingangkewelain manga rarolohang ba_line, ”Manga ana_u sēmbau, kai mēkapura e tangu i kami?”

³⁸I Petrus simimbang, ”Pēmpētobate wou manga rosang kamene. Ku sēngkatau-sēngkatau e pakisahaniko su areng i Yesus Kristus, tade_au rosang kamene e ampungang. Ku i kamene e sarung makatarima u laonggo u Rohkē Susi e wou anun Duata. ³⁹U apan nikēdon Duata e kai waug’i kamene ringangu wau-gu pa_lahiteng kamene orelai wau-gu apan taumata ku su tampa mararau – ku kēbiewe apang ni-kuiangu Ma_wu Ruatang kite e mēde_au mahundēnta su anun’E.”

⁴⁰Kerene lai i Petrus nēnuagē si sire. Tangu ringangkewe lawo lai wawerane wa_line, i sie ma_ngansang si sire, tade_au i sire mētēngkapēllou watangeng i sire bou limang umatē ma_kalu-bengkō ini e ku sarung ihukung u Ma_wu Ruata. ⁴¹Ma_lawo tau-

mata nangimang ua_lingu apan niwerang Petrus, ku i sire nisahani. Tangu kakēpa_lu taumata ma_ngimang e su ēllo ene sa_wewe lai natamba tēllu hiwu su katuane. ⁴²Dingangu ma_ngia-king kahēngang i sire mēngkai ma_ngēndung bou manga rarolohang e ringangu mēngkai hanesē mētētampung-sēngkapētampung. I sire ma_hungkaēng-sēngkakaēng dingangu mēka_lio-maneng-sēngkapēka_lio-maneng.

Kakako_au pēbawiah’u tau ma_ngimang

⁴³Ma_lawo kahēngang kalahe-rang kino_a u manga rarolohang e hak_iu patiku taumata e ru_dali-na_u dingangu ma_taku. ⁴⁴Taumata ma_ngimang e kēbi-kēbi hanesē mētētēngkasēmbau ku apaeweng tētaghuaneng i sire e pēpaketang sēngkapēpake. ⁴⁵I sire mēbēba_lu, manga apa_liwu dingangu manga rarotong i sire, mase roitē ipahia tuhewe su pandangang u sēmbau-sēmbau. ⁴⁶Apang kalaēllo i sire mēngkate hanesē mētētampung su Wa_lem Ma_wu, ringangu ku_kakaēng sēngkakaēng dingangu mara_luasē orelai kasana_u naung su manga

walen sire. ⁴⁷I sire hanesë mëmpëdëdalo Mawu Ruata ringangu makaļuasë naungu patiku taumata. Apang kalaello e kalawou taumata mangimang e hanesë mahuntinamba ualingu Mawu e seng nënarakang u taumata apang makaħombang kasa-salamatë e si sire.

Tau peosë niapakaule

3 Pia su sahëlo i Petrus dëduan Yohanes nakoā solong Balem Mawu pukule tatëllu wawëlo, su tempoen pëdaroa.^a ²Ene sene su tukadë gëgere isësëba, "Tukadë Malënggihë", pia tau esë sëngkatau saki e peosë deng bou kararadiadine. Ëllo-ëllo i sie tëtondaëng sene makitatalëntu si sai-sain sumuë solong Balem Mawu. ³Pia e tau ene nakasilo si Petrus dëduan Yohanes kapahunsuë e solong Balem Mawu, i sie mëdëdorong apa-apa si rëdua. ⁴Tangu i rëdua mëngkate mëmëmanda mataedë si sie, ku bou e i Petrus nëbera, "Kakëllako si kandua!" ⁵Mase tau ene mëngkate kapandane si rëdua kapëngëgantibe mënsangbe sarung makaëba manga apa wou i rëdua. ⁶Arawe i Petrus nëbera si sie, "Ia e tawë doitëku sarang kadodo. Kai apaeweng

^a pëkakaļjomaneng

piaku e, ute taku ionggo si kau: Suralungu kawang Yesus Kristus tau Nazaret e, dalengke!" ⁷Mase i Petrus e nëngumbele e lima koaneng u tau peosë e ringangu napëbangung i sie. Tangu laedë dingangu kalento u tau ene natoghase. ⁸Ku i sie mëngkatewe liminsou dimarisi, ku nanëta e rimaleng tamai ramahi. Bou ene i sie simuë e solong dalungu Walem Mawu, sëngkasuë dingangi Petrus dëduan Yohanes, kadalenge apidu kalinsou e, kapëdëdalone Ruata. ⁹Patiku taumata e nakasilo si sie kadalenge ringangu kapëdëdalone Ruata. ¹⁰Mase i sire nakaëna e u i sie kai nung mëdarorong tiasa kukaiang su, "Tukadë Mahole" su Walem Mawu. I sire mëngkate apa nëngkaherang dingangu rimalinau nakasilo apa nariadi si sie.

Nasë i Petrus suralungu Walem Mawu

¹¹Tau ene mëngkate timole si Petrus dëduan Yohanes. Ku pia e i sire tëllu nahumpaeng gandaria isësëba, "Gandariang Salomo", këbi taumata e narëta e nëmpëkomole su anun sire ualingu mëngkai rudaļinau.

¹²Saraeng i Petrus nakasi-lo si sire, angkuenge si sire: "Ei tau Israel, unue i kamene nengkaherang u halę ini? Unue wue i kamene męngkate hanesę mēmęmanda si kami? Apa su ęnnang kamene tau ini e naka-raleng ualingu pią kawasa si kami arau kawe ualingu i kami matuhų su Mawu Ruata? ¹³Duatan Abraham, Ishak, Yakub, Duatang i upung i kite, Duata ene seng napakawantugu ęllang'E i Yesus. Ku seng i Yesus ene e nisarakang i kamene su męngangawasane, bou ene nirokateng i kamene su tęngon Pilatus su pią i Pilatus mapulu mēmęllo i Sie. ¹⁴I Sie e kai susi ringangu mapia, arawe i kamene kawe rumoką si Sie, ringangu męnahowong tadeau i Pilatus apēmęmęllo sęngkatau tahapate waug'i kamene. ¹⁵I kamene nęmpamate si Sie, sumbaliau mang i Sie nąung simbulu pębawiahę baugu patiku taumata. Ku Ruata e seng napębiah'i Sie kapia wou papate. I kami e seng nęsahiding halę ene. ¹⁶Manga anau sęmbau seng nakasilo ringangu nakasahidi apa nariadi su tau peosę ini. I sie seng natoghasę dingangu nahuweka kapia ualingu

i sie mangimang Mawu Yesus dingangu kawasan'E. Ualingu nangimang su Mawu Yesu e tangu tau ini e seng saų nau-le kapia su tęngon manga anau sęmbau patiku.

¹⁷Manga anau sęmbau! Kai ini e ia masingka u apang nikoą i kamene ringangu manga tęmbonang i kamene su Mawu Yesus, ene nikoą i kamene e ualingu i kamene węga wue męnsang apa kękoateng i kamene. ¹⁸Ku ualingu ene ute nariadi e lai apan seng nihabaruru Ruata su tempo nalıu limiun patiku nabin'E, u Ratu Mananałamatę ku seng nikędo e harusę mętatahang u sunsara. ¹⁹Ualingu ene, manga anau sęmbau, pęmpętobate wou patiku dosang kamene ku pęmpębałi e sołong anun Mawu Ruata, tadeau i Sie męndędasę kaławou rosanu. ²⁰Mawu e sarung dumęnta su anunu ku i kamene sarung makahombang katatałęmbuhung pębawiahu marohkę e. Ku Mawu e sarung dumoloh'i Yesus dumęnta su anung kamene batu i Sie kai seng nitilakeh'u Ruata makoą Datu Mananałamatę si kamene. ²¹I Sie harusę matana su sorga sarang

Duata e mapakariadin patiku e wuhu kerewe seng nipēhenge-tang u Mawu Ruata su manga nabi su tempo naliu. ²²I Musa e naung bou nēbera, 'Mawu Ruatang kamene e sarung mēndolohu sēngkatau nabi wou taloarang kawanuanu hala e, karewe i Sie rimoloh'u ia. I kamene harusē dumaringihē patiku apan niwering nabi e si kamene. ²³I sain tawe mēndareso bawerang nabi e, i sie sarung ipakaghaē bou kawanuan Duata e ku ipakawinasa.' ²⁴Manga nabi naung bou nēhabaru hengetang u Mawu e nanēta bou nabi i Samuel dingangu manga nabi waline ku dimēnta samuri e, kēbi e mēlēhabaru tempo orasē ini. ²⁵Manga rianding Duata ku manga nabi e kai waugu manga anaū sēmbau. Suralungu pēdariandi ku nikoā u Ruata ringangu manga iupung i kamene e, Duata nēhengetang si Abraham kereini, 'Bou hitenu e Ia sarung mēngalamatē kēbi bansa su dunia.' Pēdariandi ene malaing baug'i kamene. ²⁶Hakū ene Mawu Ruata e nēmile Ēllang'E, bou ene rimoloh'i Sie apadēnta solong anun kamene kalimona, tadeau i Sie

mēngalamatē si kamene. Kaka-koā u i Sie mēngalamatē e ute tadeau i kamene kai mētobatē bou kararalaki u pēbawiah'i kamene."

I Petrus dēduan Yohanes su tēngon Mēnggaghuta Agama e

4 Kuteu i Petrus dēduan Yohanes bēdang mēbēbisara ringangu manga taumata ene, manga imang tēmbonang e dingangu pangatasengu mēndariaga Balem Mawu ringangkewe manga tau Saduki nahundēnta su anun Petrus dēduan Yohanes. ²I sire limangehē u i Petrus dēduan Yohanes nēhabarē su kalawou taumata u Mawu Yesus kai seng nēbiahē kapia wou papatene. ³Tangu i sire nēname darolohang darua ene ku niapasuē suralungu tahungku. Ku ualingu kai seng hēbi, tangu i Petrus dēduan Yohanes nitahangeng sene sarang sēngkariōellone. ⁴Arawe i sai sain seng nakaringihē tēntiron manga rarolohang ene, lawo nēmpangimang. Tangu kakēpaļu taumata māngimang e mang katambane sarang māngala manga lima hiwu sukataune.

⁵ Sëngkarioëllone masasingka u Mënggaghuta Agama, kalawou tëmbonang u tau Yahudi ringangu manga mananëntirong agama e nëmpëkomolë su Yerusalem. ⁶ I sire nëmpësombang u Imang Dokolë i Hanas, dingangu i Kayafas, i Yohanes, i Aleksander, dingangu këbi apan narekeng galipohong manga imang dokolë. ⁷ I Petrus dëduan Yohanes niapëtëngon sire, mase nipa-kiwalöeng i sire, "Kai kereapa ralenge hakü i kamene nakaule peos'u tau ene? Kai ualingu katoghasu apa arau kawasan sai? Kü i kamene e nëkoä ene?"

⁸ I Petrus, kü nipëkawa-saëng'u Rohkë Susi e, simimbang, "Manga mawu tëmbonangu kawanua ringangu manga mawu mëmamunarang pënggaghutaëng! ⁹ I kami e ghëgutaëng su ëllo ini e ualingu nëkoä mapia, nëtulungu sëngkatau peosë dingangu manga mawu e mëdëdeä u mapulu masingka u mënsang kai kerea kakakoa u tau ene sarang i sie napia. ¹⁰ Ho, manga mawu sëngapang kakëpalë harusëbe masingka, mase lai këbi tau Israel malaing harusë masingka u tau ini e rüdarisi orasë ini, wadange seng maluweka su

tëngon manga mawu ualingu katatoghasë dingangu kawasa wou i Yesus Kristus tau Nazaret ene. Manga mawu e seng nënguruis'i Yesus e, kai arawe Mawu Ruata e seng napëbiah'i Sie kapia. ¹¹ Seng Mawu Yesus ini e tëtimonang u ayatë suralungu Winohe Susi,

'Batu kü tawe nipakë i kamene manga mëkakoä bale, kai naung nakoä batu pinëbukuang.'

¹² Këtabeng suralung i Yesus sëmatang, taumata e ipakasalamatë e. Batu su kaguwau dunia su taloarang taumata e taweu sarang sëngkatau waline niakahombang kawang Duata niapakasalamat'i kite."

¹³ Manga mënggaghuta e rüdalinau u makasilo si Petrus dëduan Yohanes e tawë goë e, kutëu kawe lai i sire masingka u i rëdua e kai taumata tawë sikolane. Tangu i sire nakaënnä e u rarolohang darua ene ute kai naung dingangu Mawu Yesus. ¹⁴ Arawe i sire tawe makawerang apa-apa, batu tau seng napia e seng ene rüdarisi su tëngon sire ringangi Petrus dëduan Yohanes. ¹⁵ Tangu i sire nangoro manga rarolohang darua e niapasëbang bou huangu pënggaghutaëng e, kü i sire

němpěkakereapa. ¹⁶I sire něbera u, "Kai pěkapaneng i kite, i sire ini e? Patiku taumata apang mēmpětētana su Yerusalem sem-beng masingka u karalinau ta si-hinge ini e kai nıkakoā i rēdua. I kite e tawe makapēdēndilu ene. ¹⁷Kai tadeau halē ini e kumbahangbe saumeng mawombeng su taumata lawo e, ute i kite mapiangbe mēsēding pia kindore e si rēdua, u kumbahang i rēdua mēkoā bisara si sai-sai su arengi Yesus."

¹⁸Tangu i sire saū nēkui si rēdua nipasuē nipaulikang u kumbahang-kumbahang i rēdua makakasēba areng i Yesus, arau manēntiro ringangu areng i Yesus.

¹⁹Kai i Petrus dēduang Yohanes sinimbang, "Lēnmai-ko hala apang ku kahēngang su tēngon Duata: tumuhū parentang manga mawu arau tumuhū parentan Duata. ²⁰U i kami e tawe wotonge mēngirulē mēbisarang apa seng nikasilo ringangu nikaringih'i kami hala e." ²¹Manga mēnggaghuta e tawe makareā dalēngu makapēmahang si Petrus dēduan Yohanes. Ene i sire saumengke nēmpangindore si rēdua, mase irēdua e

nipello sēngkapello batu kēbi taumata e mang mēmpēdēdalo Mawu ualingu halē nariadi ene. ²²Kuteu tau naung napia ku naralinau e kai seng pia kalimang pulone su taunge umure.

**Apan māngimang e
mēmpēgēgausē kawawahani
wou Mawu**

²³Saraeng i Petrus dēduan Yohanes nipello, ute nēmpēsulē e solong anun manga ringang i rēdua e ku nēbēkeng kēbi apang nībawerang manga imang gaghere, dingangu manga tēmbonang u tau Yahudi ene si sire. ²⁴Saraeng manga ringang i rēdua e nakaringihē halē ene, ute i sire nēkaliomanengke sēngkapēkaliomaneng su Mawu Ruata. Ungkuēng i sire, "Mawu, seng i Kau e nēndiadi langi dingangu dunia e ringangu laudē ore lai kēbi dalohone. ²⁵Ku dingangu Rohkē Susi e, i Kau wou mēlēhengetang, nēpake u mihong i upung i kami, i Daud ēllang e; unguēngu,

'Kawe unū taumata we
wēgang Mawu e
nēmpēbawaluang;

kawe unū kalawou wansa
mēdēdalahingid'u karaki
tawē gunane?

26 Manga ratun dunia e
mëmpëdëdariahî mëseke,
dingangu manga
tëmbonang e sëngkanaung
dumoka Mawu ringangu
Ratu Mënanalamatë e.'

27 Batu mambeng têngadë i
Herodes dëduan Pontius Pila-
tus seng bôu nëmpëtampung di-
ngangu manga tau kapirë e ri-
ngangu kalawou tau Israel apan
su soa ini. I sire mëmpëkëko-
molë mëdeau rumoka si Yesus
ëllang'U susi ene, ku seng nila-
nisangu nako Datu Mënanala-
matë. 28 I sire mëtëtëngkasëmbau
mëdeau mëko patiku e, apaew-
weng seng tinantunu e kalimona,
u ene e kai sarung mariadi. Di-
ngangu i kau nënantu ene su
kawasa ringangu kapulunu hala
e. 29 Tangu ini Mawu! Kakëllai-
ko kereapa i sire mangindore si
kami. Ku ongotengkon kawawa-
hani si kami manga ëllang'U ini
e, tadeau makapëhabaru henge-
tangu e tawë goë e. 30 Tulungko,
tadeau apaeweng masakî e rem-
beng ipakaule dingangkeweng a-
pang makadalinau ta sihinge e
deng mariadi ualingu kawasa ri-
ngangu katatoghasë bôu areng i
Yesus, Ëllang'U susi ene."

31 Ene i sire nasueeng
kaliomanenge, tampa pinëtam-
pungang ene e kimiöe. Ene këbi
e nikanoakeng u Rohkë Susi; ku
nanëta e nawahani nahumbisa-
rang hengetangu Mawu.

Këbi e mang sëngkaraleng

32 Patiku taumata mangi-
mang e mëbëbiahë sëngkanaung
dingangu sëndalengu tinëna.
Tawëu sarang sëngkatau wo'i si-
re mangiralingu apang tëtaghua-
nenge, ute ene kawë rarotonge
hala. Kai patiku sabarang ku a-
pang pia si sire e, ute ene kai
pakë i sire pëtambaëng. 33 Di-
ngangu kawasa masëllahë, manga
rarolohang e mëšëshahidi Ma-
wu Yesus seng nëbiahë kapia.
Tangu Mawu Ruata e mëngkai
mapëdalembong alamate si si-
re. 34 Ku tawëu sarang sëngkatau
wo'i sire e kakawusang u apa.
Batu i sire apaeweng pia ënta-
nane arau walene e, mëbëbalu u
ëntana arau walën sire e, bôu ene
roite wawaëng i sire, 35 ku isara-
kang i sire su manga rarolohang
e. Ku bôu ene roite iwëbala-
wuhewe su sëngkatau-sëngkatau
tuhewe pandangangu wiahe.

36-37 Kerene lai i Yusuf, i sie maļaing mēbēbaļu u ģntanane mase roite wawaēng e ku ighēllie su manga rarolohang. I Yusuf e kai sēngkatau hiten Lewi ku pinēhana su tahanusang Siprus; manga rarolohange kai maņunggahi i sie lai si Barnabas (itungkang mangalene, i Makahiborē).

Ananias dēduan Safira

5 Tangu pia sēngkatau esē arenge i Ananias. I sie ringangu kawinge arenge i Safira, nēbaļu u winalaeng sēngkamaēng bōu rarotong i rēdua. ²Doitu wōu nahumbaļu e sēngga e nitaghuaneng i rēdua, arawe sēnggaete wue niṭatonda su anun manga rarolohang. I sie nēkoā kerene ualingu pinēgaghilang i rēdua sēngkawingang. ³Tangu i Petrus e nēbera e si sie, "Ananias, unūe i kau napakawalan setang nēkawasa raļungu naungu napēkonting kau su Rohkē Susi e ku nēmuni^b arēgang binalaeng e sēngga? ⁴Ēntana ene tangu i kau taghuange mangawe tawe niwaļu. Kuteu sarang ģntana ene seng nawaļu kai roite wēdang i kau mananaghuanage. Kai unūe pia kapulunu nēkoā kerene? Kai walineuwe taumata kēkontiangu e,

^b nēmulina = menyembunyikan

kaiso kawē Mawu!" ⁵Sarang i Ananias nakaringihē bawera ene tangu i sie mēngkatewe nawatang apidu naminsulu singougone. Ku kēbi apaewen nakaringihē kaka-koā e mangkewen nēngkataku. ⁶Tangu manga laumbaseng nahundēnta ku nēmpamikung badang i Ananias mase niṣasēbang ku lēbingang i sire.

⁷Mangawe tēllung kaorasē naliung ene, kawinge nasuē. I sie wēga wue apa wuhu nariadi. ⁸I Petrus e nēbera si sie, "Kēnangko pauli si sia: binalaeng niwaļu i rua sēngkawingang e, kere ini kaļawōu arēgane?" "Kahēngang, ene arēgane," angkuēngu kawing i Ananias.

⁹Mase i Petrus nēbera si sie, "Unūe i rua sēngkawingang-e nēmpēgaghilē manaluka Rohkē u Mawu e? Daringihēko! I sire apang bōu nēmpēlēbingu kawingu e seng nēngkawaļi. I sire maļaing sarung mēhengke i kau sarang likude." ¹⁰Oraṣē ene lai kawingi Ananiasē e naēnsa dingangu nate su tēngon Petrus. Ku pia e manga laumbaseng e nasuē, ute i sire e nakahombange ke si sie seng nate. Ku bōu ene i sire nēlintueng baļunangu wadang e sarang likude ku nilēbing

su sēndihangu kawinge. ¹¹Tangu kēbī apan taumata māngimang e dingangu lai taumata wāline e apan nakaringihē hombang ene, nēngkataku.

**Kalawou halē makadalinau
dingangu makalaherang
tawē sihinge**

¹²Kahian pētatangkiangu manga rarolohang e mēngkai lawō tanda makalaherang dingangu manga e halē makadalinau tā sihinge mādiadi sutaloarang taumata lawō e. Kū i sire kēbī taumata māngimang e mēngkai sēngkanaung nēmpētampung su Gandaria'n Salomo suralungu Walem Mawu. ¹³Dingangu taumatan likude tawēu wahani rumēnta mētampung dingangi sire. Kai taumata māngimang e mēngkai lēadateng u kawanua. ¹⁴Kū kakadēngue kapahuntinambane kalawou taumata māngimang su Mawu e – baewe esē arau baewe lai wawine. ¹⁵Nēngalēmbō e kakakoā e seng kerene, hakiu masasakī e ipēpēllo su manga ralokaēng arau tēpihē, su wēntan dalēng, tadeau i sire manieng kētaeng kēngkaung Petrus, kai rembeng kahinoēnge kereu i Petrus sumathe sene. ¹⁶Taumata e mēngka-

te mēgēgiuma māhundēnta wou kalawou soa māngelikū Yerusalem. I sire mēmpēbēbawa apang masasakī dingangu apang bēbantiangū rohkē dalakisē e kū i sire masue mēngkaule.

**Manga rarolohang
tētingkaitang**

¹⁷Pēngēsueēnge imang marangē e ringangu kēbī manga wihinge wou komolangu tau Saduki e nanēta e nēkakanoā, ualingu sasingking. ¹⁸Manga rarolohang e nisame kū bou e nitahungku su walēng tahungku u wanua. ¹⁹Arawe nahēbī e, piā sēngkatau malaekatē e nanope manga tukadu tahungku, kū napasēbangu manga rarolohang ene e solong likude. Malaekatē e nēbera su manga rarolohang e, ²⁰"Dakōe pahundarisi su Walem Mawu ringangu pēhabarē su apan taumata halēu pēbawiahē buhu ini e." ²¹Tangu manga rarolohang e mālaing timuhū tatanatang malaekatē e. Deng maluka-lukadē i sire nēngkakoā solong Balem Mawu e, kū nanēta e nanēntiro sene.

Ene naung imang marangē e ringangu manga murite narēnta e, kū nēndalēngkeng halē u pēgaghuta e ringangu manga

těmbonangu tau Yahudi. Bọu ene i sire něndolohu taumata apaněbang u manga rarolohang bọu rałungu tahungku apětětěngon sire. ²²Kai pia i sire nirolohě ene e nahumpa e su tahungku, i sire tawe nakaěba manga rarolohang ene e sene. Ku i sire němpěbałi, bọu e nělaporu halě ene su měnggaghuta e. ²³"Su tempong i kami nasongo su tahungku e," unkueng i sire su měnggaghuta e, "kinaěbakeng i kami e sěngkakakěllane tukad'u tahungku e mapapale mapia-pia, dingangu apa eweng měndariaga e, měmpělělukadě su tukadě. Ene tukadě e nitopeeng kami e, i kami tawe nakasilo taumata sarang kađiongeng sěngkatau surałunge." ²⁴Su tempoeng těmbonangu łukadu Wałem Mawu ringangu manga imang těmbonange, nakaringihe habarě ene tangu, i sire měngkatewe něbingo u manga rarolohang ene ringangu něngkatakų u měnsang kai apa e mariadi. ²⁵Bọu ene narěnta e sěngkatau esě nakawawa habarě ini, "Daringihěko! I sire apang nitahungku i kamene apang manga mawu e orasě ini e seng kapěněntirone taumata

lawo surałungu Wałem Mawu!" ²⁶Tangu, těmbonangu měndałukadě Bałem Mawu e ringangu mangawewe lukade tamai něngala si sire manga rarolohange kapia. Kai i sire tawe něngala u wuntalě, batųu i sire kai małakų u taumata lawo; mađiring taumata lawo e niěmpěngětung u watu si sire.

²⁷Ene manga rarolohange niapasuě nětěngong manga měnggaghaghuta e. Bọu e imang marange e něnaněsui si sire. ²⁸I sie něbera, "I kami e seng něsěding i kamene kereng kasěgade, tadeau kumbahang bue maněntiro měběkeng tau ene. Kaiso kakělla e apa nikoą i kamene! I kamene něnawuhu těntirong kamene e napěpidě su kaguwau Yerusalem, kuteu i kamene saunengke lai nanoke u kai i kami nakakoą aį u Tau ene nate."^c

²⁹I Petrus dingangu manga rarolohange wałine e simimbang, "I kami e hinong tumuhų Duata wałinewe kawe tumuhų taumata. ³⁰Mawu Yesus kų nighantong i kamene e seng niapěbiahě kapia wou kapapohonge kahian Duatang i upung i kite e. ³¹Dingangu Mawu Ruata e sen něngonggo

^c nairi; napohong = mati

si Sie kalaiāneng dingangu kawasa marangē kere Pangahaē ringangu Mēnanalāmatē e, tadeaū tau Israel gēllirang'u loāhe mēdeāu mētobatē bōu kalawōu rosan'e ringangu makahombang kalaampung. ³²I kami e kai mēsasahidin patiku ene e – kere-we i kami e ringangu lai Rohkē Susi e ku seng nionggō su taumata apan tūtuḥu parentan'E."

³³Ene manga Mēnggaghuta Agama nakaringihe ene, i sire mēngkate apa limangehē, ku i sire sēngkanaung mēmate manga rarolohang ene. ³⁴Kaiso wōu taḷoarang mēnggaghuta ene piā sēngkatau Farisi isēsēba si Gamaliel. I sie mananēntiro agama limembon lēadateng u kēbi taumata. Ene i sie rimarisī e ku nangoro e taumata nakisēbang u manga rarolohang e kadodo tempo. ³⁵Bōu e i sie nēbera e su manga Mēnggaghuta Agama e, "Manga anaū sēmbau tau Israel! Pēmpētinnako pakapia-pia waugu apang sarung koateng i kamene si sire ini. ³⁶Batu naung piā u wōu limēto^d i Teudas, maḅodeu uade i sie kai taumata masēllahē hakiu kai manga ēpa u hasu sukataune taumata e tūtole si sie. Kutēu i sie kai nipate ringangu patiku bihinge

^d nasaḷēnsawu = muncul

nēmpēsaliawuhē, ku seng tawō kakanoa e. ³⁷Tuhē su tempong pēdararolē ene, simēpu ko lai i Yudas tau Galilea e. Ualingu wawitaugē, malaing lawō taumata nēmpētole si sie. Kaiso i sie malaing kinapate, ringangu kēbiwe apan tumatolene nasue nasaliawuhē. ³⁸Ku ini e wue u-te ualingu hombang ini, tēguku tangu: abe kapurai i sire ini. balae kere i sire. U kereu tēntiro ringangu kakanoa i sire ini e kawe wōu taumata, tangu tēntiro ringangu kakanoa ene e sarungbe mapaghohē. ³⁹Kai kereu ene rarēntane kai wōu anun Duata e, tangu i kamene tawe makawata si sire. Katewe aramanung sarung malahe u i kamene rumoka Mawu Ruata e."

Sasalēntihō i Gamaliel ene e nitarima u mēnggaghuta e. ⁴⁰Tangu manga rarolohang e nikuiang, bōu e nigheserē mase-ne nisēding u kumbahang mēsau manēntirong habar'u Mawu Yesus. Bōu ene wuhewe i sire pinakipello. ⁴¹Manga rarolohang e nēmpēntangu Pēnggaghutaēngu Agama e kapahuḷuase su Mawu Ruata e seng nēngēnnau i sire e hinone wue makahombang lahinakang ualingu i Yesus. ⁴²Ku

apang kaḷaëllō e su Waḷem Mawu arau su apang baḷeng taumata e, i sire mang tēbe kaḷanēnti-ro-ne ringang'u mēlēhabar'u Injilē maanun Yesus u kai seng i Sie e Ratu Mēnanaḷamatē e ku seng nikēdō e.

Lumaontolē i sire pitungkatau

6 Manga murit'u Mawu Yesus e kakādēngue mang kapahuntinambane. Su tempo ene tau Yahudi mēbēberang Yunani, ghuḷalumi u tau Yahudi tutune.^e Apang maḅg'i Yunani^f e mēbēbera, "Manga wawineng kami apaeweng seng baḷu e tawe kapapahiakeng u tatongka wawēlli wiahē mēllo-mēllo pēpa-hiakeng su apan taumata e."

² Uaḷingu ene, manga rarolohang i sire mapuḷo dua e mēngkatewe napēkomolu patiku muritē e bōu e nēbera si sire u, "Apa e raḷai kereu i kami mēngirule mēhabaru hengetangu Mawu e, uaḷingu mēngkai mētētasibung haḷē u ka-kaēng. ³ Ku mapiawe i kamene pēmpēmile wou taḷoarang kamene pitungkatau ku arenge mawēngi wue ringangu kēkanoa-kengben Rohkē Susi e ore lai pelesa, ku kapēngumbalaēng i kami

irui makoḷa mēsasēmpī haḷē tamai ini; ⁴ batuu i kami e kai mapulu kētaeng mangindunu haḷē u pēka-kaḷiomaneng dingangu pēlahabaru hengetangu Mawu samatang."

⁵ Patiku taumata e nanarimabeng naung maḷoahē su tēgung manga rarolohang e. Bōu e i sire nēmile si Stefanus, sēngkatau maḅgimang matoghasē su Mawu Yesus dingangu nikanokeng u Rohkē Susi e. Maḷaing nikapile: I Filipus, i Prokhorus, i Nikanor, i Timon, i Parmenas dingangu i Nikolaus bōu Antiokhia; i sie waḷinewe tau Yahudi, kaiso seng simowa agamang Yahudi. ⁶ I sire pitungkatau ene e pinakiwaḷoēng su manga rarolohang mēdeḷu itarima, ku bōu e manga rarolohang e nēmpēkaḷiomaneng dingangu.

⁷ Kerene hengetang u Ruata e mangkeng kaḷasawuhe, hakīu manga murit'u Mawu Yesus su Yerusalem maḷaing kapahuntinambane kaḷawōe. Dingangu maḷawō lai manga imang ku nēmpangimang su Mawu Yesus.

I Stefanus nisame

⁸ I Stefanus nasuku u aḷamat'u Ruata e, hakīu i sie makakoḷa tanda makalaḷherang

^e patēbone = asli, utama ^f berbahasa Yunani

natimu ringangu makadaḷinau ta sihinge sutaloarang kawanua. ⁹Kuteu kai pia taumata ruḍoka si sie, ku i sire e kai raḷohong baḷeng pēkakaliomanengang isēsēba Kanisang Taumatang Karaliwirē. Dalohong baḷeng pēkakaliomanengang ene e kai tau Yahudi wou Kirene ringangkewelai tau Yahudi wou Kilikia ringangu Asia e mēdēdarendeh'i Stefanus. ¹⁰Arawe i sire e tawe makakarendehē apang iwēberan Stefanus, ualingu Rohkē Susi e seng nēgēlliu kapeleesa wau-gu mahumbisara. ¹¹Ualingu ene tangu i sire nēmpamurungke pirangkatau mēdeau apēbēbera, "I kami e nakaringihē tau ene, mēlēhinakang si Musa ringangu Mawu Ruata!" ¹²Kerene kakakoā i sire mēmpēnahowong taumata, ringangu manga tēmbonangu tau Yahudi ringangu lai manga mananēntiro agama. Bōu ene tangu i sire tamaḷ e nēmpēname si Stefanus, ku nēbawa si sie nētēngon manga Mēnggaghuta Agama. ¹³Ku i sire napararisien lai manga sahidi mauḷi u sasihidin sire ta katēngade maanun Stefanus. I sire sahidi e nēmpēberau, "Tau ini e mēngkate masau mēhinakang Baḷem Ma-

wu susi e ringangu mēlēhinakang manga hengetang u Mawu ilēhabar'i Musa. ¹⁴I kami e seng nakaringihē i sie nēbera u, i Yesus bōu Nazaret e sarung mēnggoghahē Baḷem Mawu ini, mase mēmaḷui kēbi adatē seng nipalohong Musa si kite e!" ¹⁵Kēbi taumata apang dimēnta su pēnggaghaghutaēnge mēmpēmēmanda si Stefanus. Ku su tempo ene gahī i Stefanus e kakēllaēng kereghahiu malaekatē.

Dudatong Stefanus

7 Imang marangē nakiwaḷo si Stefanus, "Lēennaēng, kēbi apan niweran tau ene e kahēngang bue?" ²I Stefanus simimbang, "Manga anaḷ sēmbau dingangu manga mawu lēdateng! Kēnangko pēmpēdaringihē si sia! Kalamonan iupung i kite i Abraham nēngalīng banua soḷong Haran, su tempo ene i sie wēdang maḷanaḷ su Mesopotamia, Duata mawantugē e rimēnta su anun sie, ³ringangu nēbera, 'Tēntangke wanuanu ringangu manga anaḷ sēmbau u. Kakoāko soḷong soa ku sarung taku itēbō si kau.' ⁴Tangu i Abraham e nanēntangken soan Kasdim, ku bōu ene nēngalīng soḷong Haran. Samu-

ring amang i Abraham nairi, Mawu Ruata e napakariadin Abraham niapëngaling solong banua ini pëtëtanakeng i kamene manga ana sëmbau dingangu manga mawu patiku su tempo ini. ⁵Su tempo ene tawë kadiongeng manga sëngkempang bou wanua ini e niongo u Mawu Ruata e si Abraham makoã pusaka e, kadiongkate manga sëntaka u paledu laedë kasariane. Kai Mawu Ruata e nëkëdo wue u i Sie sarung mëngonggo u ene si Abraham makoã pusaka i Abraham sarang manga hitene. Kutëu su tempo ene i Abraham kai tawë apa ana e. ⁶Kaiso seng ini e ilëhabar'u Mawu e si sie, 'Hitenu e sarung matana kere taumata raghi su tanpa baline. Taumata su soa ene sarung mëtahuëllang si sire ringangu matingkai mëkoã si sire karëngu u ëpa u hasu su taunge. ⁷Arawe Ia e sarung mëhukungu wansa ku mëtahuëllang i sire unguëngu Mawu Ruata, ku i sire sarung sumëbang bou wanua ene ku sarungbe mëmpëtahama wa si Sia su tampa ini.' ⁸Bouten nëbera kerene ute, pëkakakë-

do ene nitahutëngadengken Duata su halë u pësasasunatë. Tangu bou e i Ishakë e, ana i Abraham nipëhëndingke i Abraham nënutenen sie su tempon i sie umure ualu ëllo. Bou e i Ishakë e malaing nanunatë ana e i Yakub. Ku i Yakub e malaing nanunatë manga ana e i sire mapulo dua sukataune nakoã iupung u tau Yahudi.

⁹Manga iupung i kite e nëmpananoi si Yusuf, hakiu i sire nëmpëbalu i sie nakoã ëllangu tau Misirë. Kai Mawu Ruata e mang manëntanudë si sie, ¹⁰ku mang nëliun sie wou kalawou haghin susane. Mawu Ruata e mang nëngonggo u naung matahuëna ringangu kapelesa su tempöng i sie mëtëngon Pirong datun Misirë, hakiu i Pirong nëhengkë i sie nakoã gubernurë su wanuan Misirë dingangu mëngangawasa su wanalang Pirong. ¹¹Bou ene piako karalunusë masaria nariadi su kaguwau Misirë dingangu Kanaan ku taumata e mëngkate apa masigësa-sigësa. Iupung i kite e tate makaëba kaëng i sire. ¹²Tangu pia e

i Yakub nakaringihē kai piā gandum su Misirē i sie nēndolohen manga anā e tangu i upung i kite e nēngkakoā e solong ene su kahumotongange. ¹³Kū piā i sire tamai su karuan sulene, i Yusuf kai nauļi su manga anāu sēngkataune u i sie kai i Yusuf. Buhue su tempo ene datung Misirē e nakakasingka u manga anāu sēmbau i Yusuf. ¹⁴Bou ene i Yusuf nēndingoen habarē si amang e i Yakub, mēdeau i sie ringangu kaławou manga anā – pulunge iapēngēngaling banua solong Misirē e – kū kēbi tangu pitum pulo lima sukataune. ¹⁵Tangu i Yakub e rimēsungke solong Misirē e, hakieweng sene tangu i sie ringangu i upung i kite e nēngkapule asalē. ¹⁶Maiet'i sire e wou e niwalī kapia solong Sikhem kū nilēbing su pēndalēbingang seng niwaehang u kaławou roit'i Abraham bou manga palahēnton Hemorē e su Sikhem.

¹⁷Ene seng maraning tempone Mawu Ruata e mapakasēhueng kēdon'E si Abraham, kuteu kawanuang kite su Misirē e kai seng nahuntinambang kaławo e. ¹⁸Kasueēnge ute, piā

sēngkatau ratu waline e kū i sie wēgawen Yusuf, kū nēparenta su Misirē. ¹⁹Datu ene tangu mapētētaghunalang u kawanuang kite e, kuteu lai matingkai mēkoā manga i upung i kite e. I sie mēnēnahowong si sire tadeau i sire apēdēndēmme manga rario darodo deng buhu lahana e tadeau mawanti kū mate. ²⁰Kū su tempo ene tangu i Musa e pinēhēnding kū i sie enē e kahole e. Tēllu wulang karēngu e i sie tētangkianeng su walēn amang e, ²¹kū saraeng i sie nirēmme, ute i sie kai niala u sangiang ahus'i Pirong nēngala si sie, mase nilahiking e kere anā e sēsane.

²²Kēbi apang kasingka u tau Misirē e nasueen tēntirone si sie, hakīu i sie nakoā taumata makawasa su wawera ringangu su kakanoā e.

²³Piā i Musa umure ēpa u pulo su taunge, karakine ute, kai mapulu mēmanda kakakoā u kawanuane tau Israel. ²⁴Mase i sie nakasilō e sēngkatau wou i sire tētingkaitang u tau Misirē. Tangu i sie timatawangke si anu tētingkaitang kū nēmate tau Misirē ene. ²⁵I Musa mēlēharapē

7:13: Pēnd. 45:1, 16 7:14: Pēnd. 45:9-10, 17-18, 46:27 7:15: Pēnd. 46:1-7, 49:33 7:16: Pēnd. 23:3-16, 33:19, 50:7-13, Yos. 24:32 7:17-18: Sas. 1:7-8
7:19: Sas. 1:10-11, 22 7:20: Sas. 2:2 7:21: Sas. 2:3-10

u kawanuane sarung makaenna u Mawu Ruata e seng nępake i sie pęlęliun sire. Kuteu nalahe u i sire kai tawe nakaenna. ²⁶ Sęngkarioellone i sie nakasiloko lai tau Israel duangkatau mękękako-ka, ku i sie mędędeę dalęngu mapędameng dędua. Nęberaete i sie u, 'I rua e kai tamahuari. Unęe i rua e kai mękękakoka?' ²⁷ Kai i anu nęngoka hapı e ene e nęnuhud'i Musa sarang biwihe apidu nębera, 'Kai isai nęndui i kau nakoę tęmbonang dingangu męlahukung i kami e?' ²⁸ Apa i kau malaing mapulu męmate si sia keręewe lai i kau nęmate tau Misirę e kahębi?' ²⁹ Ene saręeng i Musa e nakaringihę apang ku niwerang tau ęndaı e, i Musa timalaing bou Misirę ku bou ene nętana su soan Midian. Ku sene i sie nakahombangke ana e rarua.

³⁰ Epa u puļa su taunge samuring ene pia e sęngkatau malaekatę dimęnta solong anun Musa su kęhu linggi maraning bulud'u Sinai. Malaekatę ene rimęnta suralungu putung su pia gahundunge apidu kađęllie. ³¹ I Musa e naherangke nakasilohale ene, hakıu i sie nętęngkarani e mędeau makakasingka u kai

apa ene. Bou e i sie nakaringihę tingih'u Mawu nęhenge- tang, ³² 'Ia e kai Ruatang i upung i kamene; Ia e kai Ruatan Abraham, Ishak, dingangi Yakub.' I Musa e kimendęen taku e ku seng tawe wahani lai męmanda solong gahundunge ene. ³³ Bou ene Mawu nęhengetang kapia, 'Luako sandalę kađaluhe ene e, u ęntana rędarisikangu ene e kai ęntana susi. ³⁴ Ia e seng nakasilohale ringangu nakaenna kereapa likibu kasasigęsa u kawanua'Ku e su Misirę e. Ia seng nakaringihę laoghọ i sire hakıu Ia e nętęngkatęntung baugu męngambang si sire. Ia e sarung męndolohi kau pęsulę kapia solong Misirę.'

³⁵ I Musa ini e kai i Musa tawe niakung tau Israel dingangu tawe nitarima u wawera ini, 'Kai i sai nęndui i kau nakoę tęmbonang e ringangu męlahukung i kami e?' Kuteu mang i sie niroloh'u Mawu Ruata e nakoę tęmbonang e ringangu męngambang, ualingu ontoļu malaekatę e ku dimęnta si sie su ghahundunge ku dudęllı ene. ³⁶ I Musa ene e kai tęmbonang u kawanuan Israel simębang bou

Misirë kapëköa e manga tанда makadalinau, dingangu apaweng makalaherang ta sihinge su Misirë, su laudë Mahamu e, ringangu su wanua linggi karëngu u ëpa u pulo su taunge. ³⁷Seng i sie lai i Musa ku nëbera su tau Israel, 'Mawu Ruata e sarung mëngonggo u sengkatau nabi si kamene ku nipile wou taloarang kamene hala e, kerewe i Sie nëmile si sia.' ³⁸Seng i Musa e wou taloarang kawanuan Israel su këhu linggi, nako ma nanaoara waugu malækatë e ku mëbëbisaran sie su wulud'u Sinai ringangu manga i upung i kite e. Seng i sie nënarima u hengtang ku biahë e wou anun Duata mëdeau itëpasë si kite.

³⁹Maningbe lai kerene i upung i kite e tawe mapulu tumuhu si sie. I sire e kawe maðirin sie ringangu mapulu mësulë kapia solong Misirë. ⁴⁰I sire nëbera si Harun, 'Pëkoako mahan duata e waug'i kami, tadeau manga mahan duata ene e mëngaha i kami. Batu i kami e sembelaing bëga wue apang ku mariadi si Musa e ku nëngaha i kami e napasëbang bou Misirë!'

⁴¹Mase su tempo ene i sire nëkoa e tuladang ana u sapi e sëmbau, bou e i sire manarakangkeng sasëmba su tulada ene, ringangu nëmpëkoa saliwangu mëmantugë awë kinoa i sire hala e. ⁴²Tangu Mawu Ruata e nanëntang i sire ringangu napakawalang sire niapësulëgihë manga wituing su langi e. Ene e natuhu kere maðawohë suralungu bukë u manga nabi. Kereini,

'Ei kamene tau Israel! Kai walinewe waugu la i kamene naung mëmpamoto dingangu mëmpangëntudu sasëmba binatang gënnang u ëpa pulo su taunge karëngu e su këhu linggi e.

⁴³Kawe selong pakaluang'i Molokhë e wëbawaëng i kamene itëtakidewe lai ringangu tulada'ng bituing pakaluang'u, ku kai i Refan; ku kai ene e tulada naung kinoa i kamene e mëdeau sëmbaëng.

Ualingu ene la e sarung mëndëme i kamene pakarau solong pai sëmbëka su wanuang Babelë.'

⁴⁴Selo tampa u Mawu Ruata e rumēnta su anun taumata kēkaēbakeng i upung i kite su wanua linggi. Selo ene nipēti baugu laoron Duata e si Musa ringangu tūtuḥewe umbaghane nitode u Mawu Ruata e si Musa.

⁴⁵Bou e sēlo ene tangu nawawa turusē kahian i upung i kite e su tempong i sire ringangi Yosua ku tamai nēmulaḥo soang kite ini e bou kawang haghing bansa ku nitokolu Ruata su tēngon sire. Selo ene mēngkai tēbe ene sene sarang tempon Daud. ⁴⁶I Daud e nakaluasē naung u Ruata ku nēdorong si Sie, tadeau i sie ipakawala mēmēti bale waugu Ruata ku tētahaniawang i Yakub ene. ⁴⁷Kai i Salomo e nēndarisju wanala waug'u Ruata.

⁴⁸Sēmbaliau Mawu Kasēllahenge tawe mētana su wale nikoḥ u taumata u suralungu bukē u manga nabi e kabawoḥe kereini,

⁴⁹ 'Langi e kai
kalaintolangeng'Ku,
dingangu wanua e kai
laēmpahē laedē'Ku.
Kai waleng apa koateng i
kamene waugu Ia e?
Kai mangirule suapa
tangu Ia e?

⁵⁰ Kai walinewe Ia sēsaku ngae nēndiadi patiku?'
ungkuēng u Mawu.

⁵¹Balinewe maḥongko keti u tēmbo i kamene ringangu kai apa e kasigēsā i kamene runaringihē Duata! Kai nēbengelē katēdu tangū tuling kamene ipēdarinhē hengetangu Mawu! I kamene manibeng mēsulung iupung i kamene tawē beonge, mēngkate mapulu rumoka Dokē Susi e! ⁵²I sai wue, manga nabi e ta niḍalaḥ kitang i upung i kamene? I sire e kai nēmpēmāte manga rarolohang u Mawu naung kalamona e seng namohang u Ēllangu Mawu maadilē e sarung dumēnta. Ku ini e i kamene nēndaḥai dingangu nēmate Ēllangu Mawu ene. ⁵³Manga malaekatē e seng nēmpēhabaru hengetangu Mawu e si kamene, kai i kamene mangta tumuhū si Sie!"

I Stefanus niēntungangu watu

⁵⁴Kerene, manga Mēngghuta Agama e nakaringihē patiku bawerang Stefanus, i sire mēngkate apa natēdu naung i sire ringangu nēbawaluang marasai

si sie. ⁵⁵ Arawe i Stefanus nikanokangu Rohkë Susi, ku mëngkate ruđalingara solong langi. I sie nakasilöe kawawantug'u Ruata ringangu Mawu Yesus rudarisi su tampa u makawasa, su koanengu Ruata. ⁵⁶ "Kakëlla," unguëng i Stefanus, "ia e nakasilo sorga natope ringangu Ahusu Taumata e ruđarisi su koaneng u Mawu Ruata!"

⁵⁷ Manga mënggaghuta e nëmpanënsingke tulın sire kapëbansage, bou ene i sire sëngkahindo timëmbo si Stefanus. ⁵⁸ I sire nëhiuden sie sarang likudu soa mase nipëđalaëntungang u watu. I sai-sain nëmpësahiding kakakoą ene nëmpanëntangu laku i sire su sëngkatau umbaseng arenge i Saulus. ⁵⁹ Ene i sire kapëngëntungeng batu si Stefanus, kutëu i Stefanusë kapëkaliomanenge, "Mawu Yesus, tarimačo rohkëku e!" ⁶⁰ Bou e i sie nëmulangeng ku nëluntingihë unguëng: "Mawu, kumbahangbe rosa ini e pakitaludë si sire!" Bouten nëluntingih'u ene i sie nasue e singongone.

8 Ku i Saulus lulahimpuluang u pamamate ene.

I Saulus nëtingkai jamaatë

Su sahëlo ene lai jamaatë su Yerusalem e nanëta e sësahusuang, hakiu këbi apang mangimang e, su likudu manga rarolohang nasue nëmpëkaliasë su kaguwaı wanuan Yudea ringangu Samaria. ² I sire apang mataku u Ruata e nëmpëlëbing i Stefanus dingangu susangi i sie ringangu mëngkai lulahunsusa ta sihinge.

³ Arawe i Saulus ute mëngkate sëntinia tatapë mëđëdea ai u mënggoghahë jamaatë. I sie mëngkate malintu marangeng bou wale sarang bale ringangu mëlëhiudë apan taumata mangimang e sarang likude wou ene pakisuë suralungu tahungku.

Injil'u Mawu Ruata ilëhabarë su Samaria

⁴ Apan taumata mangimang ku seng nakeke ene mëlëhabar'u Injilë bou anun Mawu e su apan tampa. ⁵ I Filipus e nakoą solong soan Samaria ku nëhabarë si sire paı sene maıanun Datu Manalamatë e ku seng nikëdon Duata. ⁶ Ene manga taumata e



Soa sĕmbay su Yudea (8:1)

nakaringihĕ si Filipus mĕbĕbisa-
ra ringangu i sire nakasilō e
manga tanda-tanda makadalinau
kinoā e, ute maławō bōu i sire
mĕmpĕsĕsĕmpĭ u apan niwerang
Filipus. ⁷Batū kaławō apan
taumata kinasakeĕngu setang e,
seng nempĕsĕbang apidu kapa-
hunsikine. Taumata peosĕ di-
ngangu kempalĕ e maļaing lawō
niapakauļ. ⁸Tangu apang tau-
mata su soan Samaria e mĕngka-
te apa maraļuasĕ ta sihinge.

⁹Su soa ene e piā sĕngkatau
esĕ arenge i Simon, ku i sie seng
apa riō nararĕna nakakoā tau Sa-
maria e rimalinau u wawaliku
mata ikĕkoā e. I sie nauli si si-

re u i sie kai taumata wotonge.

¹⁰Tangu kĕbi taumata su soa ene
wōu patiku bĕhi u kawanua e bōu
kasanakeng e sarang karange-
tange mĕngkai mĕmpĕsĕsĕmpĭ si
sie. "Tau ini e kai katatoghasu
Ruata ku timeleng aļingakai 'Ka-
tatoghesĕ Masĕllahe' ene," ang-
kuĕng i sire. ¹¹Seng marĕngu-
dĕngu i sie mĕmĕmoghe taumata
ringangu wawaliku matane, hakiu
i sire mĕngkai apaĕ mararingihĕ
si sie. ¹²Kai arawe i Filipus e
mĕļĕhabarĕ si sire Injilĕ ma-
nun kereapa Mawu Ruata sarung
mĕparenta kere sĕngkatau ratu,
ringangu, maņanun Yesus Kristus,
Datu Mĕnanalamatĕ e. Tangu i

sire e nēmpangimangu habarē iwēbēken Filipus, kṽ i sire naki-sahani e baē ešē arau lai wawine. ¹³I Simon sēsane małaing nangimang. Kuteṽ sarangke nisahani, i sie mēngkatewe timole si Filipus. Kaławou manga tanda maḳaḳalinaṽ kṽ apang nariadi e, nakaḳaherangkewe si Simong e.

¹⁴Manga rarolohang su Yerusalem nakaringihē e kaławou tau Samaria e seng nēnarimaṽ u hengetang u Mawu. Uaḳingu ene ute, i sire nēndolohen Petrus dēduan Yohanes soḳong tampa ene. ¹⁵Ene i Petrus dēduan Yohanes nawuna e, i sire nēkaḳiomanengken tau Samaria ene tadeṽ i sire makahombang Rohkē Susi e, ¹⁶batṽu Rohkē Susi e wēḳang ta rimēḳenta si sire sarang sēngkatau; i sire wuhṽ e nisahani suraḳungu areng i Yesus Kristus samatang. ¹⁷Mase i Petrus dēduan Yohanes nanēlliden liman dēdua su tau Samaria e, kṽ i sire nakatarimaṽ e Rohkē Susi e.

¹⁸I Simon nakasahidi u kawe uaḳingu pēnanellidu ḳiman manga rarolohange si sire, haḳiṽ Rohkē Susi e natēntung si sire ene. Uaḳingu ene i Simon nangēntuden doitē si Petrus dēduan Yohanes, mase nēbera, ¹⁹mase nēbera,

”Onggo e lai kawasa ene, tadeṽ kamageng limaku e itēlidē si saisai tangu i sie sarung manarimaṽ u Rohkē Susi.”

²⁰Arawe i Petrus e simimbang, ”Mawinasa i kau sēngkawinasa ringangu roitu! Katihokang u gaghēlli u Mawu Ruata e kai kawaehang u roitē? ²¹I kau e tawē buṽ u makatole suraḳungu pēmamunarang kami e, watṽu naungu e tawē katulide su Mawu Ruata. ²²Batṽu ene pamalangkong kapulunu raḳakisē e, kṽ pēkaḳiomanengko su Mawu tadeṽ i Sie mangampungbe tinēnnanu raḳakisē e! ²³U ia kai masingḳa u i kau e napenē u sasasingking dingangu nakoṽ ēllangu kararaḳakisē e.”

²⁴Mase i Simon nēbera e si Petrus dēduan Yohanes, ”Tuḳungko kaḳiomanengen dua su Mawu, tadeṽ tawē sarang sēmpēdi wou manga waweran dua e, humombang si sia.”

²⁵Sarangke i sire wouten nēsahidi ringangu nēmpēhabaru hengetangu Mawu e, tangu i Petrus dēduan Yohanes nēsuleḳapia soḳong Yerusalem. Kṽ suraralengeng tangu i sire mēlēhabaru Injilē ene su apan soa su Samaria.

I Filipus dingangu sēngkatau bēbato wou Etiopia

²⁶Ene kai piā sēngkatau malækat'u Mawu e nēhengetang si Filipus, "Hotede pēbuako! Kakaoko soḷong sēmbēkan timuhē, pēbatuko rarēsungang bou Yerusalem soḷong Gaza." Daleng ene kai mahali rumalēngange. ²⁷⁻²⁸Tangu i Filipus mēngkatewe nēdariahī rimaleng. Tempo ene piako sēngkatau wēbaton istanang Etiopia kaḍalenge mapuḷe soḷong banuane. Tau ene ute kai sēngkatau wēbato marange mananahimata patiku darotong u tau wawine i Kandake, ratun Etiopia. Tau ene seng nakoḷa soḷong Yerusalem mēkaliomaneng su Mawu Ruata, ku ini e seng kakaḷupule e ringangu karetane. Kakaiange suralungu sasakeēnge i sie kaḷasane Bukē u Nabi i Yesaya. ²⁹Rohkē Susi e nēhengetang si Filipus, "Dakoḷo pētēngkaraning kareta ene." ³⁰Tangu i Filipus tamaḷ e nētēngkaraning kareta e, bou e i sie nakaringihē tau ene mēbēbasa bukē u Yesaya. I Filipus nakiwaḷo si sie, "I tuang makaēnna wue iwēbasang tuang e?"

³¹Tau ene simimbang, "Makaēnnawe kereapa ia e kereu taweu manulada si sia?" Mase i sie nēmaringanke si Filipus simake kareta ku naiangke sēngkakaiang dingange. ³²Kai ini e manga ayetē bēbasaēnge ene,

"I sie kai mēsulungu domba niaha mēdeau potokang,
kere anaḷu domba ku tawe lumaēmbē pēngguntingang dukū e,
kerene i Sie tawē bisarane baewe sarang manga sēmpēdi e.

³³I Sie lēheghesang dingangu lēakaleng.
Singongon'E nisawu bou wowon dunia
e hakiu taweu sarang sēngkatau makapēbēkeng manga hiten'E."

³⁴Bēbaton Etiopia ene nēbera e si Filipus, "Kēnangko pauli si sia, kai i sai tangu ipēpauli u nabi ini e? I sie sēsane ngae arau kai tau mata waline?" ³⁵Tangu i Filipus e maḷaing nanēta nēbisara: i sie mēpēpake u manga ayetē ene nikoḷa panētakengu mēhabaru Injilē mēbēbēkeng Yesus su wēbato marange ene. ³⁶Kapahundalenge,

i sire nahumpaen tampa sēmbau kŭ sene kai piā akē. Bēbato ene nēberaē, "Ene pai piā akē! Kŭ kai apa e lai sungkalene mēnahani si siā?"

[³⁷I Filipus nēbera, "Kereu i tuang mambeng mangimang dingangu kaguwau naung, ute i tuang botonge sahaniang."

"Ia mangimang u i Yesus Kristus e kai Ahus'u Ruata," angkuēng u wēbaton Etiopia ene.]

³⁸Mase i sie napēngēdungke karetane; kŭ i rēdua, i Filipus dingangu wēbato ene limintu e nēdeā dalungu akē e kŭ i Filipus nēnahani si sie. ³⁹Piā e i rēdua nasēpu bou akē, tangu Rohkē Susi e sēngkianu namua i sie napakaghēngging bou ene. Tangu wēbato wou Etiopia semben tawe saŭ nakasilo si sie. Dingangu raŭasē e wēbato ene nanēpaseng daralenge. ⁴⁰Bēgawen naung i Filipusē e kai seng ene su Asdod. Kŭ i sie nanēpaseng daralenge, i sie mēlēhabar'u Injilē maanun Mawu Yesus su kaguwau soa saraeweng i sie nahumpa su Kaisarea.

Pētatabat'i Saulus

(MMR. 22:6-16, 26:12-18)

9 Kuteu i Saulus mēngkate sēntiniā wēbalēbidangu mapulu mēmate manga murit'u Mawu Yesus. I sie nakoā solong anung imang marangē, ²kŭ mēdorong surat'u kawasa makoā solong anung mēngangaha u jamaat'u tau Yahudi su Damsyik, tadeau kereu piā u kaēbakeng e apan mangimang Mawu Yesus pai sene, i sie makapēname si sire bou e makapēbawa si sire solong Yerusalem.

³Ene kaḍalenge solong Damsyik, kŭ saraeng masandigu soa ene, sēngkianu piā e tualagē bou langi simarang nēliwung si Saulus. ⁴I sie naēnsa e su ēntana nakaringihē tingihē mēbēbera si sie, "Saulus, Saulus! Unue i kau mētingkai siā?"

⁵"Kai i sai i Kau, Tuang?" angkuēng i Saulus.

Tingihē ene simimbangu, "Seng Ia e i Yesus, tētingkai-tangu. ⁶Kai ini e pēbangungke ringangu suē e su soa. Kŭ sene

sarung ipauli si kau apa hinong koatengu."

⁷Taumata apan timole ringangi Saulus himekose hakiu nengkaremasē; ualingu i sire nakaringihēbe pia tingihē ene, kai tawe nakasilo taumata sarang sengkatau. ⁸Mase i Saulus dimarisi ku namekesē matane, kai-so matane seng tawe makasasilo apa. Ku i sire mēngkatewe nengumbele limane ku nēnata si sie sumuē su Damsyik. ⁹Tellu ello karēngu e i sie tawe makasasilo, dingangu karēngu u ene i sie tawe kumakaēng dingangu tawe mēnganginung.

¹⁰Su Damsyik kai pia sengkatau murit'u Mawu Yesus arenge i Ananias. Suralungu papasilo sēsule, Mawu e nēhengetang si sie. Angkuēng e, "Ananias!"

I Ananias simimbang, "Ia, Mawu."

¹¹Ene Mawu e nēhengetang, "Pēbuā e pakaligha. Dakoe ka-koā solong baleng Yudas su Raleng Matulidē. Pakiwaloko sene tau arenge i Saulus bou soan Tarsus. Tau ene kapēkēkaliomanenge, ¹²ku suralungu papasilo sēmbau tangu i sie nakasilo tau esē sengkatau arenge i Ananias, dimēnta su anune, ku nanellidu

limane su wowong pusige tadeau i sie saube makasilo kapia."

¹³I Ananias simimbang, "Mawu, ia seng nakaringihē, malawo taumata mahumbisaran tau ini, nēngalembo e su halē u pētatingkai ku seng nika-koā e su kawanuan'U su Yerusalem. ¹⁴Ku orasē ini e i sie seng dimēnta sini niapakawalan manga imang tēmbonange ipēnēname kēbi apang mēmpēkēkaliomaneng si Kau e."

¹⁵Arawe Mawu e nēhenge-tang si Ananias, "Mēngkate tamai! Batu Ia e seng nēmile si sie mēdeau mētangkiang si Sia, tadeau i sie mēhabar'u Ia su manga kawanua waline ku ta nasowa su agamang Yahudi ringangu su manga mararatu ringangkewen su manga kawanuan Israel. ¹⁶Dingangu Ia sēsaku sarung mapakasilo si sie kalawou sunsara ku hinong ipētatahange suwu u areng'Ku e."

¹⁷Tangu i Ananias e mēngkatewe natamai solong bale ene ku nanellidu limane su pusig'i Saulus. "Saulus," angkuēng i Ananias, "Mawu Yesus ku nikasilonu su wēntan daleng ku pia i kau kadamahine, ku kai i Sie nēngoro si sia apadēnta tadeau i

kau saube lai makasilo ringangu kalohoengu Rohkē Susi e.”¹⁸ Su tempo ene lai piako apa kere ona u kina natontong bou matan Saulus ku i sie nakasilo kapia. Tangu i sie nembangunge, ku bou ene nakisahani.¹⁹ Ku bouten kimaenge, i sie natoghasē kapia.

I Saulus manentiro su Damsyik

I Saulus nētana su Damsyik dingangu manga murit’u Mawu Yesus diō manga pira ěllo.²⁰ I sie seng dingangu tamai nakoā solong manga waleng pēkakalio-manengang ku nanētae mēlēhabar’i Yesus e kai Ahus’u Ruata.

²¹ Kēbi taumata e nēmpēdalinau nakaringihē si Saulus. I sire nēmpēbera, ”Baḷinewe i sie naung su Yerusalem seng nēmate kēbi taumata maḅimang su Mawu Yesus? I sie rimēnta sini mahunē u kawe naung mēname dingangu mēbawa si sire solong anun manga imang tēmbonange!”

²² Kai i Saulus e kakadēngu e sauneng kakatoghase tēntirone e. Manga apa e nakoā sasahidi ilēhabare maanun Yesus mam-beng maḅoghasē u i Yesus kai

Ratu Mēnanaḷamatē, hakieweng tau Yahudi su Damsyik e seng tawē u rumarendehē.


²³ Naliu e manga pira ěllo karēngu e, tau Yahudi e sēngkanaung mēmate si Saulus.²⁴ Kaiso karaking sire kai kinasingkatenge. ěllo hēbi i sire mēngēngampaḷē su pasēllangeng u soa mētētingga mēmate si sie.²⁵ Arawe su sēhēbi e manga murit’i Saulus nēmpangaḷa si sie, ku nēnguḷuh’i sie suraḷungu hiang niapaḷiu wou wowom bakudu⁹ soa.

I Saulus su Yerusalem

²⁶ I Saulus nakoā solong Yerusalem, ku paḷ sene i sie nētēngkatakidē dingangu manga murit’i Yesus. Kaiso i sire kai maḷaku i sie, batu u i sire tawe mangimang si sie, i sie mēnsangbe kahēnga-hēngang nakoā murit’u Mawu Yesus.²⁷ Bou ene i Barnabas dimēnta su anune, ku nagētud’i sie solong anun manga rarolohang. I Barnabas nēbēke si sire kakakoā i Saulus nakasilo Mawu e su raralenggang dingangu kereapa kakakoā u Mawu e nēbisaran sie. I Barnabas maḷaing mēbēbēkeng kawahaning naung’i Saulus manentiro su Damsyik su-

⁹ meselu

9:23-25; 2Kor. 11:32-33



raḷungu areng'i Yesus. ²⁸ Uaḷingu ene tangu i Saulus nētanaḅ dingangi sire, ku mēñenasē dingangu tawē taku e su kaguwaḅ Yerusalem dingangu arengu Mawu. ²⁹ I sie mēbēbisara ringangu mēdēdarendehē lai ringangu tau Yahudi mēbēberan Yunani, kaiso i sire mēlēhingidu mēmate si sie. ³⁰ Pia e taumata mangimang baḷine e masingka u haḷē ene, i sire nanondang Saulus soḷong Kaisarea, buhuē nēndoloh'i sie soḷong Tarsus.

³¹ Tangu jamaatē su kaguwaḅ Yudea, Galilea ringangu Samaria nakoḅ mapia. Uaḷinkewe lai

kakanoḅ u Rohkē Susi, ringangu katatakū su Mawu tangu manga jamaatē e nahuntinambang katoḅghase ringangu nahuntinambang kaḷawoē, u i sire kai mēbēbiahē dingangu katatakū su Mawu.

I Petrus su Lida ringangu Yope

³² I Petrus e luḷuhu mētētiwo apan jamaatē. Pia sahēllo i sie nētiwo raḷohon jamaatē apang mēmpētētanaḅ su Lida. ³³ Sene i sie nēsombangken sēngkatau eḅ arenge i Eneas, badange nipatene ku seng tamakawangung boḅ tatikilange suraḷungu uaḷu taung

karēngu e. ³⁴I Petrus nēbera si Eneas, "Eneas, i Yesus Kristus mapakapiang kau. Pēbangungke ku komoḷe raraloḷkaēngu." Su tempo ene lai i Eneas nēbangung. ³⁵Patiku tumaḅa u Lida ringangu u Saron nakasilo si Eneas, ku bōu ene i sire kēbi e nangimang su Mawu.

³⁶Su Yope naung kai piā sēngkatau wawine arenge i Tabita. I sie maḅgimang si Yesus. (Arenge su weran Yunani e kai i Dorkas, mangalene rusa.) I sie makēhagē mēkoḷa mapia ringangu mētulungu taumata masusa. ³⁷Su tempo ene i sie kai masakī ku bōu ene nate. Saraeng maiete niḅarenō e, masene nipello su huange su wowone. ³⁸Yope tawe tumaḅu marau wōu Lida. Ku su tempon manga murit'i Yesus su Yope e nakaringihē u i Petrus e kai ene su Lida, ute i sire nēndolohu ruangkatau u nakoḷa soḷong anun Petrus pēlēhabaru tatana-ta kereini, "Lighako ramahi ku aḷ dararēna." ³⁹I Petrus mēngkatewe nēbawalikēkasē nēbangung ku timoḷe si sire. Nasongō e sene, i sire niwawa soḷong kamarē su wowone. Kēbi apang baḷu sene nēmpeliwungke si Petrus kapahungkiā e apidu napasilon manga pakeang dingangu lahaweng ni-

ghepe i Dorkasē baug'i sire su tempon i sie reng biahē. ⁴⁰I Petrus nēngoro si sire nipasēbang kēbi, ku i sie nēmulangeng bōu e nēkaḷiomaneng. Bōu ene i sie timatēngōe maieti Dorkas ku nēbera, "Tabita, pēbangungke!" Tangu i Dorkas nēmekese mata-ne, kutēu nakasilo e si Petrus i sie kimaiangke. ⁴¹Bōu e i Petrus nēngumpaede limane ku nētulung i sie niapararisī. Mase i Petrus nēkuḷi e taumata maḅgimang sene e sēngkakui ringangu manga wawine waḷu e, ku nanarakang i Dorkas ku seng nēbiahē e si sire e. ⁴²Habarē ini e kinasingkateng napēpidē su kaguwaḷu soan Yope, hakū maḷawō taumata maḅgimang su Mawu Yesus Datu Mananaḷamat'i sire. ⁴³I Petrus nē-tanaḷ lai sene manga pira ello su Yope su anun Simon, i anu taha-same pising binatang.

I Petrus dēduang Kornelius

10 Su Kaisarea tangu piā sēngkatau esē arenge i Kornelius. I sie kai sēngkatau kapiteng'u "Wuntuang'u Italia". ²I sie maḷaku u Mawu Ruata, ringangu kēbi anaḷ sēngkataune e maḷaagama ringangu masatia su Mawu Ruata. I

sie masau mētulung'u tau Yahudi masasusa e, ringangu i sie makēhagē mēkaliomaneng su Ruata. ³ Pia sahēllo, manga e pukulē tatēllu ēllo i sie nakasilo malahē suralung'u sēmbau papasilo, sēngkatau malāekat'u Mawu Ruata e rimēnta mēkēkui si sie, "Kornelius!"

⁴I Kornelius nēmandā e mataedē su malāekatē e ringangu mangkewen natakū takū kū nēbera, "Kai pia apa Tuang?"


Malāekatē e simimbang, "Kakaliomanengu ringangu kapiā naungu seng nitarima u Mawu Ruata e ringangu Mawu Ruata e mētahēndung si kau. ⁵ Kū pēndolohen taumata solong Yope pēkui si Simong isēsēba mahatedē si Simon Petrus. ⁶ I sie kai makikawalē^h su waleng sēngkatau mēnaname pising kalu arenge i Simon kū mētētana su wiwi-hu apeng." ⁷ Kū sarangke malāekatē mēbēbisarang Kornelius e napałusē, i Kornelius e nēkui e ruangkatau mētatangkiang balē ene ringangu sēngkatau soldado wou manga lukade tau maagimatē. ⁸ I Kornelius nēbēke si sire apang kū seng nariadi wou e nēndoloh'i sire solong Yope.

⁹Sēngkariōēllone, tēntalang i sire kapahundalenge kū masan-^h manumpang = menumpang

digen Yope, i Petrus e kai rimangeng su walē mēkaliomaneng. ¹⁰ Mase i sie nikałunusang marasai kū mapulu e kumaeng. Ene tēntalangke i sire kapēmēllōeng kaeng, i sie nakahombangke papasilo. ¹¹ I sie nakasilo langi natope ringangu pia apa mēsulungu heka mawēnahē naułuhē solong dunia mābawiting su wukune ēpa. ¹² Suralunge pia lohone haghing binatang laede ēpa, haghing binatang luhomang dingangu manu u kinoaeng maghaghaeng. ¹³ Mase pia e tingihē nēbera si sie, "Petrus, pēbangungko! Pēmotōe ringangu wou ene kina!"

¹⁴I Petrus simimbang, "Tala wue, Mawu! Ia e wēdang tawe kimēkaeng manga apa kū pēlli arau kotorē." ¹⁵ Kaiso tingihē ene nēberaete kapia si sie, "Apang kū seng nilahē u Mawu e wotonge rotongang, ute abe pangiraing u ene kawe pēlli." ¹⁶ Papasilo ene seng nēkakuwalī sarang katēllun sulene, bou ene heka ene nawatungke solong sorga.

¹⁷I Petrus niwimbonge mēngēngēna kaia mangalene papasilo ene. Tēntalang i Petrus kapangēnnane, taumata apang niroloh'i Kornelius apēdēdea



Atu'u wala su Palestina (10:9)

balen Simon, kuteu i sire seng ene sutengon tukadē. ¹⁸ Mase i sire nēmpēkui e taumata ringangu nakiwalo, "Apa sini e piā sake mētētana, ku arenge i Simon Petrus?"

¹⁹ Kuteu i Petrus manga wēdang mētētina makaka-singka u mangalene papasilo ene, tangu Rohkē Susi e nēhengetang si sie, "Ei Petrus, kai piā tēllung katau kapēdēdeā e si kau. ²⁰ Hotede lighako tanae lintu solong bawa ringangu kumbahang gumoē tumole si sire, u kai ia dimoloh'i sire." ²¹ Tangu i Petrus limintu e ku nēbera si sire, "Seng ia ini e rēdeakeng i kamene. I kamene kai rumēnta mēkapura?"

²² I sire simimbang, "Kapi-teng Kornelius e rimoloh'i kami e niaparamahi. I sie kai taumata mapia, ringangu matakū u Mawu Ruata, ringangu lēdatengu patiku tau Yahudi. Malakatu Mawu sēngkatau nēndoloh'i sie, mēmēmatuhung i Tuang apadēnta su walene, watu ma-koā kere sasimbahē kakaliomaneng e, i sie apadaringihē apang ku sarung i werang Tuang si sie." ²³ Tangu i Petrus nēhaēngke si sire niapasuē mēdeau pētana sene.

Sēngkariōellone i Petrus nēbangung ku dimaleng sēngkaleng dingang i sire. Pirang katau manga anau sēmbau māngimang bou Yope e maiaing timole

ringange. ²⁴Su sēngkariōēllone i sire e nahumpaen Kaisarea. Sene i sire seng lēampaḷeng i Kornelius dingangu manga anaḷu sēngkataune ringangu lai manga hapi e kapapiaēng e apangkweng nighausange. ²⁵Pia i Petrus nahumpa e, tangu i Kornelius tamaḷ e nanēnsomahē si sie ku nētumpēkuhē su tēngone. ²⁶Arawe i Petrus e nētulung i sie niapararisi, ku bou ene nēbera, "Pēbangungke! Ia sēsaku e maḷaing taumata." ²⁷Ene kapēbēbisarane ringang i Kornelius, i Petrus simuē solong daḷungu waḷe. Sene i sie nakasilōe taumata ḷawo kaḷatampung. ²⁸Bou ene i sie nēberae si sire, "I kamene hala e seng masingka u tau Yahudi isēsēding u aganame mētiwo ringangu mēdaḷahapi u taumata wou kawanua waḷine. Kai Ruata e seng bou nēlahē si sia u ia tawe wotonge manoke si sai-sai u i sie kai ralakisē arau ipētētēlling. ²⁹Kai ualingu ene hakū pia i Tuang mēgēgausē tadeau ia dumēnta, ia e tawe kuḷirine rumēnta. Ku ini e ia kai mapulu masingka u kawē unuē i Tuang mēgēgausēbe si sia dumēnta."

³⁰I Kornelius simimbang, "Tēllu ēllo naliu, mangawe orasē kere ini, ia e kapēkēkaḷiomanenge su waḷe pukulē tatēllu wawēllo e. Sēngkianu e pia sēngkatau esē dudarisī su tēngoku. ³¹Pakeangu tau ene mēngkate apa kuḷerong. I sie nēbera, 'Kornelius! Mawu e seng dimaringihē kakaliomanengu ringangu mētētahēndung kapiannaungu. ³²Ku pēndolohēkon tau Yope pēkui tau arenge i Simon Petrus. I sie kai mētētana su annun sēngkatau tahapēname pising binatang arenge i Simon; baḷene su wiwihu apeng.' ³³Kai ualingu ene hakū ia ligha nēndolohu taumata e tamaḷ pēkui si Tuang. Tangu i Tuang e mang maḷoahē naunge mēdeau makaramahi. Ku ini e i kami kēbi mētampung sini su tēngon Duata mēdeau mēdarinhē parentan Mawu e ipakiḷi i Tuang si kami e."

Nasē i Petrus

³⁴Mase i Petrus nēbera, "Ini e mang kahēnga-hēngang nakaēna u Mawu Ruata e mang tawe mēmamamile ghahū taumata e. ³⁵I saing ku matakū u Ruata e ringangu mēkēkoabe kaḷulidē e, taumata ene itarima u

Mawu, tawe mēmamanda u i sie kai tau apa. ³⁶Manga anau sēmbau seng masingka u lohong hengetang ipēpauli u Mawu Ruata su tau Israel. Habarē ene u te kai maui u Injilē maanun pēdarame wou i Yesus Kristus e Mawun patiku umatē e. ³⁷I kamene e masingka u apa nariadi su kaguwa u Yudea, nanēta bou Galilea samurin pēsahani iwēbohang i Yohanes. ³⁸I kame ne seng masingka u Mawu Ruata e seng nēmile si Yesus tau Nazaret dingangu nēngonggou Rohkē Susi e ringangu kawasa. I kame ne maiaing masingka u i Yesus e mamēpidē banua mēkēkoā mapia; i Sie mapakapian patiku taumata apang pēkēkawasaēng u setang, u Ruata e kawe mañēntanudē si Sie. ³⁹Seng i kami ini e taumata nakasilo hala patiku apang kēkoateng su wanuan tau Yahudi ringangu su Yerusalem. Kai maning kerene, mang i sire e nēnguruisē dingangu nēmate si Sie. ⁴⁰Arawe su ēllo katēllune Ruata e napēbiah'i Sie kapia wou papaten'E ringangu nēnode i Sie su taumata; ⁴¹balinewe su kēbi taumata, kai kētabeng si kami ku seng nipilen Duata kalimona nakoā mēsahidine: I kami e kukaēng dingangu mañginung

dingang'E sarangkeng i Sie nipēbiahē kapia wou papate. ⁴²Ku i Sie nēngoro si kami pēlēhabaru Injilē e su taumata ringangu pēngēngonggou sasahidi u i Sie ilēhengkē u Mawu Ruata e makoā mēnggaghuta waugu taumata wiahē dingangu nate. ⁴³Patiku nabi e mēsēshahidi maanun Sie. I sire mēbēbera u patiku taumata apang mañgimang su Mawu Yesus, sarung ampungang dosane kahiang kawasa wou i Yesus."

I sire waline tau Yahudi nakahombang Rohkē Susi e

⁴⁴Tēntalang i Petrus deng kapēbēbisarane, Rohkē Susi e natēntung ku nēkaradiahang su patiku taumata apan nakaringihē habarē ene. ⁴⁵Taumatan Yahudi apang mañgimang si Yesus dingangu tūtole si Petrus bou Yope, kēbi e ruḍalīnau u makasilo Mawu Ruata e maiaing napakatēntung u Rohkē'E si sire waline tau Yahudi e. ⁴⁶Batū i sire makadingihewe si sire mēmpēbēberang haghing bera ringangu mēmpēdēdalō e kasēllah'u Ruata. Mase i Petrus nēbera, ⁴⁷"Kakēlla e, i sire ini e seng nakahombang Rohkē Susi e mēsulungu i kite. Ku delaing

pią u makasahaghe si sire sahaniang u ake e?" ⁴⁸Tangu i Petrus nangoro si sire pakisahani su areng i Yesus Kristus. Bõu ene i sire mēgēgausē tadeau i Petrus pētētana dingang i sire manga pira ěllo karēngue.

Laporang i Petrus su jamāat'u Yerusalem

11 Manga rarolohang dingangu taumata mangimang su kaguwau Yudea e nakaringihē u taumata apan baline su agamang Yahudi e maļaing makatarima u hengetangu Mawu e. ²Ene pią i Petrus nakoą solong Yerusalem, tau Yahudi apang mangimang e nanongkeang si Petrus. ³I sire nēbera, "Kawe unue i kau nakoabe solong baleng sire ta nišanasatē? O kawe lai kimaēng sēngkakaēng dingang i sire!" ⁴Uaļingu ene i Petrus nēnualagē si sire, kēbiwe apan seng nariadi si sire, nanēta bõu panētakenge. I Petrus nēbera,

⁵"Ia e kai kapēkēkaliomangenge su soan Yoipe, kutēu ia e nakasiloko sēmbau papasilo. Ia e nakasilo pią apa kere heka mawēnahē naē nauļuhē bõu ļangi, maḃawiting su wukune ěpa, bõu e naēdung su sēmbēkaku. ⁶Pią ia

e kapēkakēllane solong daļunge ia nakasilo manga binatang laede ěpa, manga binatang duļu, manga binatang tuḃondo, dingangu manga manū u kinoaēng maghaghaēng. ⁷Mase ia nakaringihē pią tingihē nēbera si sia, 'Pēbangungko Petrus! Pēmoto e ku kina e!' ⁸Kai ia e simimbang, 'Tala Mawu! Haeng badangku ia e tawe mēndarotong biahē ku ipēpēpelli' e ringangu maļamuhū e.' ⁹Arawe tingihē ene saḃewe nēluntingihē bõu ļangi, 'Apang ku seng niwerang Mawu Ruata e tawe ipētātelling ute, kumbahang bue iwerang kamene u pelli.' ¹⁰Ia mambeng nakasilo haļē ene sarang katēllun suļene, ku pēngēnsueēnge tangu kēbi e nasapua kapia solong sorga. ¹¹Nēsarēta u su tempo ene lai i sire tēllu wõu Kaisarea, ku nirolohē solong anuku, nasongo e su waļe pētētanakengku. ¹²Mase Rohkē Susi e nēndoloh'u ia apaḃaleng dingang i sire ringangu tawē goē e. I sire ěnung anaḃu sēngkatau ini e maļaing timole ringangku solong Kaisarea, ku i kami kēbi e nasuē suraļungu waļeng Kornelius. ¹³Bõu e i Korneliusē e nēbēke si kami kereapa i sie nakasilo maļaekatē sēngka-

ⁱ ipētētelling

tau ruḍarisi su waḷene ringangu nēbera, 'Pēndolohēkon taumata soḷong Yope pēkuiko sēngkatau eṣe arenge i Simon Petrus. ¹⁴I sie sarung mauli si kau hengetang ku sarung makasaḷamatē si kau ringangu kēbi daḷohon baḷenu.' ¹⁵Ku su tempong ia nanēta nēbera kerene," angkuēng i Petrus kapēnēpaseng bēkene, "Rohkē Susi e natētung si sire kerewe naung nariadi si kite su tēta e kaḷamona. ¹⁶Mase ia e nakatahēndung, Mawu e naung bou nēhengetang, 'i Yohanesē e naung nēnahani ringangu ake, arawe i kamene sarung sahaniang dingangu Rohkē Susi e.' ¹⁷Ku naḷahe u Mawu Ruata e maḷaing mēgēgēlli lai su taumata waḷine su agamang Yahudi e, gaghēlli mēsulungu ighēgēlli e si kite su tempong i kite nangimang su Mawu Yesus Kristus. Uaḷingu ene, tawe masowa su akaḷē ia kawe mēsēding Mawu Ruata e!"

¹⁸Saraeng nakaringihē ene tangu i sire sembeng tawe lai rimendehē. Ku bou ene, i sire nēdalō e Mawu Ruata. I sire nēbera, "Kamageng kerene, i sire waḷine taumatan Yahudi e

maḷaing nighēllirangu loahe kahian Duata e tadeau pētobatē bou kaḷawou rosane ku makateēng pēbawiahē tutune."

Jamaatē su Antiokhia

¹⁹Saraeng i Stefanus nipapate, taumata maḅgimang su Mawu Yesus e nanēta e sēsahusuang, hakiu i sire nasawuhē su apan tampa. Pia u nahuntalang soḷong Fenisia, piako lai nahumpa u Siprus dingangu Antiokhia. I sire mēmpēlēhabaru hengtangu Mawu tumbaeng su taumatan Yahudi samatang. ²⁰Ku bou taḷoarang taumata mangimang ene wou Siprus dingangu Kirene, piabe lai taumata apang nēngkakoḷa soḷong Antiokhia ku mēmpēlēhabaru Injilē maanun Yesus e su apan taumata ku baḷine su agamang Yahudi e lai. ²¹Kawasang Mawu e, ene si sire hakiu kai maḷawo taumata nēmpangimang dingangu niēnarakangu watangeng i sire su Mawu.

²²Manga wēke maanun haḷē tamai ini e kinariningihē lai su jamaatē su Yerusalem. Tangu i sire nēndolohen Barnabas soḷong Antiokhia. ²³Ku saraeng i Bar-



Soang Antiokhia (11:20)

nabas nahumpa sene, ringangu nakasilo kereapa Mawu Ruata e nēngalamatē si sire ene, i sie mēngkate apa nikahaluaseng. Bōu ene i sie nēdorong tadeaū i sire kahēnga-hēngang masatia ringangu kaḡuwa u naung su Mawu. ²⁴I Barnabas ini e kai taumata naunge mapia ringangu pinēkawasaēng u Rohkē Susi tapengu lai maḡimang masēgadē su Mawu hakīu maḡawō taumata tuḡole Mawu.

²⁵Bōu ene i Barnabas nakoḡ solong Tarsus mēdēdeḡ si Saulus. ²⁶Saraeng nēsombang i Saulus, i sie nēmaringang i Saulus nakoḡ

solong Antiokhia ku sēntaung tinalung i sire mēmpētētampung dingangu jamaatē sene apidu kaḡanēntirone taumata ḡawō. Seng su Antiokhia ene taumata apang maḡimang su Mawu Yesus e kakalimonaēng e nisēba taumatan Sahani.

²⁷Su tempo ene piḡ manga nabi pirangkatau dimēnta wōu Yerusalem solong Antiokhia. ²⁸Wōu taḡoaran sire ute piḡ sēngkatau arenge i Agabus, Uḡingu kakanoḡ u Rohkē Susi e i sie mēnēnēbaḡē u su kaḡuwaū dunia e sarung kahombangengu tempong karalunusē ma-

saria. (Kū halē ene mambeng lai mariadi su tempong pēpaparentang kaisar Klaudius.) ²⁹Tangu kēbi apan tumatole si Yesus e sēngkanaung mēndingō u tatongka su manga ana u sēmbau kū mētētana su Yudea; sēngkatau-sēngkatau e nēndingō tuhūewe kaumalenge. ³⁰Pēkakakire ene maļaing kinoa, kū bōu ene i Barnabas dēduan Saulus nirolohē pinanonda tatongka (roitē) ene su manga tēmbonangu jamaatē.

Pētatatingkai maḥumpaliu

12 Mangawe tempo ene lai ratu i Herodes nanēta maḥumbiagē dalohon jamaatē. ²Ualingu parentane, tangu i Yakobus tuhang i Yohanes pinakipateng peda. ³Ene i Herodes nakasilō e lulune kai nētatahino su naungu tau Yahudi, tangu i sie maļaing nēkoā lai mēsulungu ene; i sie nēndolohu taumata pinēname lai si Petrus. Halē ene nariadi su tempong Hari Basarē u Borotē Tawē Kabō e, ⁴saraeng bōu pinakisame, i Petrus nitaho suralungu tahungku. Soldado ēpa u kamonaēng pētaḥa ēpa u katau niapēndiaga si Petrus sene. Naliueng ēllon Paskah

e, buḥu e i Herodes nēhukung i Petrus su tēngon lawō. ⁵Kū i Petrus tangú kaṭatahang su tahungku, kai arawe ralohon jamaatē e mēngkate mēkēkaliomaneng dingangu kaḡuwau naung i sire su Mawu e waug'i Petrus.

I Petrus nipasēbang bōu tahungku

⁶Su sēhēbi kaļamonan Herodes sarung mapētēngon Petrus su taumata lawō e, i Petrus mētētiki kaḡapapēgong u wawēntung darua maṭataloara su soldado mēndariaga e ruangkatau. Su tukadu tahungku, manga mēndalukadē baline e maļaing kaḡepēlukade su tahungku. ⁷Ene maļaekatē e sēngkianu e rimarisī sene, kū piā e tualagē simēnnang suralungu tahungku e. Maļaekatē e mēngkatewe nēngangiō si Petrus sarangkewe i sie nēbangung. Bōu ene maļaekatē e nēberae, "Ei lighako pēbangung!" Su tempo ene lai sēngkianu e nanawo hante uase wōu liman Petrus. ⁸Bōu e maļaekatē e nēbera, "Luheko pakeangu ringangu ikiko taling sapatunu." Tangu i Petrus e mēngkatewe nēluheng pakeange ringangu

něngiki taling sapatune. Bōu e-
ne malækatě e sauwē něbera,
"Pěkakingkaengen kakingkaengu
kū toļe si sia." ⁹Tangu i Petrus
timole malækatě e kū
siměbang bōu tahungkū. Kaiso i
Petrus e tawe nakapěndang u
apaewen iapakadiadin malækatě
e kawē kahěngang. Su naung
i Petrus e katiho e ene kai
kětaeng sěmbau papasilo. ¹⁰Su
tempong i sire limiu tampa u
lukadě humotong dingangu ka-
ruane, i sire nahumpaen tukadě
uase, sasěbangeng soļong soa.
Tukadě ene kai natope sěsa-
ne, kū siměbangke i sire mase
rimaleng bōu raleng maninta.
Sěngkělëndju malækatě ene
naghěngging naněntang i Petrus.

¹¹Bōu ene wuhuwe i Petrus
nakahěngang u kai apa nariadi
si sie, kū něbera, "Orasě ini ia
masingka u Mawu e mambeng
kahěnga-hěngang seng něndolohu
malækat'E pělěliwiru ia bōu ka-
wasang Herodes dingangu wou
kěbi haghing kakanoa u tau Ya-
hudi e si sia."

¹²Saraeng nakaěnnæ halě e-
ne ute, i Petrus nakoā soļong
baleng Maria, i ninang i Yoha-
nes isěsěba lai si Markus. Sene
piako taumata ļawo maťatam-
pung dingangu kapěkěkaļioma-

nenge. ¹³I Petrus mēnēngkelě
tukadu likude, tangu sěngkatau
mětatangkiang bawine arenge i
Rode, himaungke nanope tukadě.
¹⁴Apidu i sie nakakirala tingih'i
Petrus. Ualingu raluase, i sie
měngkate ringangu masahawu si-
muě kapia, tawe manga nano-
pe tukadě e, bōu ene něhabarě
suapan taumata sene u i Petrus
kai ene sulikude. ¹⁵"I kau kai pu-
lu!" angkuěng i sire. Kai i Rode
mang maļi u katěngade u mam-
beng kahěnga-hěngang i Petrus.
Kū i sire němpěbera, "Ene kai
malækatě!"

¹⁶Ene i Petrus mang kapa-
nengkele tukadě. Tangu pia e i
sire nanope tukadě, kū nakasilo e
si Petrus, tangu i sire mēngkate
rimalinau ta sihinge. ¹⁷I Petrus
něnidang ļimane tadeau i sire
pakadēmmasě, mase i sie něběke
e si sire sahen pěndaļeso u Ma-
wu si sire siměbang bōu ralungu
tahungkū. Bōu e i sie něbera,
"Habarěko ini si Yakobus, di-
ngangu su manga ana sěmbau
lai waline." Bōu ene i Petrus kai
naněntangu tampa ene kū nědeā
tampa baline.

¹⁸Sěngkarioěllone maļukadě e
nariadi pětatanggarā sutaļoa-
rang manga soldado mēlaļukadě
e. I sire mēngkate niwingo u a-

pa nariadi si Petrus e. ¹⁹ Mase i Herodes nëndolohu taumata apëdëdeã si Petrus, kutëu i sire kai tawe nakareã. Ene i Herodes nëparenta tadeãu manga mëndariaga ene pakışesui e, mase pakipate.

Bou ene i Herodes nëngaling bou Yudea ku nëtana manga pira ëllo su Kaisarea.

Kapapaten Herodes

²⁰ I Herodes mëngkate limangehë marasai su tau Tirus dingangu Sidon. Ualingu ene tangu i sire rimënta sëngkapahundënta nëtëngon sie. Kahumotongange i sire nënahionge si Blastus, tëmbonangu mënanahimata walën datu i Herodes, hakiu i sie manumbëka wou i sire. Mase i sire nëtëngon Herodes, mëdëdorong tadeãu mëdame, batuu i sire katewe makahombang kaëng bou wanuan Herodes.

²¹ Pia sahëllo ku seng ni-poëng, i Herodes nëluhem pakeang'u kawawantug'e bou e maiang su kaderang karartuang ku nanëta e nëpidato su tëngong kawanua. ²² Kawanua e ku kapëdëdaringihe, ute nëmpëmansage, "Ini e kai tingihu ruata, walënewe tingihu taumata!" ²³ Su tempo ene lai malækaka-

tu Mawu e nameru si Herodes, batuu i sie tawe mëngangadatë Mawu Ruata. I Herodesë e nipakikina su ulidë bou ene nate.

²⁴ Tangu hengetang u Mawu e mangkeng kakasawuhe ringangu kakatoghase.

²⁵ Sarang i Barnabas dëduan Saulus e nanguadipë halë irëdua e, irëdua nësule solong Yerusalem ku nëmaringang i Yohanes, Markus, ku nëmpëdingang.

I Barnabas dëduan Saulus nipile ringangu nirolohë

13 Suraungu jamaatë su Antiokhia pia manga nabi ringangu manga mananëntiro ute lënnau: i Barnabas, i Simeon isësunggahi Si Maitung, i Lukius bou Kirene, i Mënahem ku niapakasaria ringangu ratu i Herodes, dëduan Saulus. ² Pia i sire kapëkëkaliomanenge su Mawu ringangu mëmpëpëpuasa, Rohkë Susi e nëhengetang si sire, "Ia e ghëlirengkong Barnabas dëduan Saulus, baugu Ia sësã'Ku, tadeãu i sire apëkoã munara ku seng Taku nitilakehë si rëdua."

³ Bouten nëpuasa ringangu nëkaliomaneng, i sire nanëlliden lima si Barnabas dëduan Saulus, bou e i rëdua e nirolohë.

Su Siprus

⁴Ualingu kawē niroloh'u Rohkē Susi e, tangu i Barnabas dēduan Saulus nēbuā e solong Seleukia. Bōu ene i sire nēbuā solong tahanusang Siprus. ⁵Saraeng nahumpa su Salamis, i sire nēmpēhabaren hengetangu Mawu Ruata e su apan kanisan tau Yahudi. I Yohanes Markus e mētētulung i rēdua e su raralengang.

⁶Kaguwau tahanusa ene e napēpidē si sire sarang Pafos. Pai sene i sire nēsombangkan tau Yahudi sēngkatau arenge i Bar Yesus. I sie kai tau tahatariang^j makitika u i sie kai nabi. ⁷I Sergius Paulus, gubernurē u tahanusa ene, kai hapi mapia ringangu tahatariang ene. Gubernurē ene kai tau pande ringangu peleesa. I sie kimui si Barnabas dēduan Saulus, batu i sie mapulu rumaringihē hengetang u Mawu Ruata. ⁸Kai i Barnabas dēduan Saulus rēdokateng i Elimas tau tahatariang ene, ualingu i Elimas (u kai ene e arenge su werang Yunani) ku mētētawakali tadeau kumbahang sarang gubernurē ene mangimang su Mawu Yesus. ⁹Kuteu i Saulus – isēsēba lai si Paulus nēpapinunūen

^j tukang sihir

Rohkē Susi e ku nēmanda e ma-taedē su tahatariang ene, ¹⁰mase nēbera, "Ei taha pēngakalē, ana kawontogang! I kau e roka u patiku munara mapapia e. Unue i kau tawe mangēdo mēnggoghahē karakin Duata e mēdeau mapakasalamat'u taumata? ¹¹Ku ene kakēllae, watu Mawu e mang mēhukung i kau e! I kau sarung mawuta, sarang tawe makasilo tualagu matangello e arēgan sēngkatempo."

Su orasē ene lai i Elimas nakapēndang u kai pia hiwu maitung nēnaka matane, hakiu i sie rimaleng e mēsēsasaghipo mēdēdeā taumata mēdeau pēnata si sie. ¹²Su tempon gubernurē ene nakasiloe apa nariadi e, i sie nangimang su Mawu Yesus, batu i sie kai rimalinau ta sihinge su tēntiro maanun Mawu e.

Su Antiokhia, Pisidia

¹³Bōu Pafos, i Paulus dingangkewelain manga hapi e nēmpēmundaļē solong Perga su Pamfilia. Sene i Yohanes Markus nanēntang i sire, bōu ene nēsule solong Yerusalem. ¹⁴Bōu Perga, i sire nanēpasu raraleng i sire solong Antiokhia su Pisidia, bōu

ene su ẽllon Sabatẽ i sire simuẽ nahungkaiang suralungu kanisa. ¹⁵Saraeng Bukẽ i Musa ringangu Bukẽ u Manga Nabi e nibawasa, manga tẽmbonangu kanisa e nẽndolohu taumata pakĩbalõ si Paulus dingangu manga hapĩ e, "Manga anaũ sẽmbau, kereu i kamene piã manga sasasa pẽsẽmbau baug'i sire ini e, ute sala-matẽbe mẽmpẽhengetangu ene." ¹⁶I Paulus mẽngkatewe rimarisi, ku bõu ene nẽnida ringangu limane, mase nẽbera,

"Manga anaũ sẽmbau tau Israel ringangu i kamene waĩne, kẽbi apang sini ku dudaringihẽbe su Mawu Ruata! Pẽmpẽdarĩngihẽko si sia: ¹⁷Duatan Israelẽ e seng nẽmile manga iupung i kite e, ku napakasẽllahu umatẽ ini piã i sire nakoã tau raghi su wanuan Misirẽ. Bõu ene kinahiang kawasan Duata masẽllahẽ e nanẽbang i sire wõu Misirẽ. ¹⁸I Sie nẽtingkẽdang u pẽkakoã i sire su kẽhu linggi e ghẽnnangu ẽpa u puõ su taunge karẽngu. ¹⁹Umatẽ pitung kawanaẽng su Kanaan niapukin'E mẽdeãu pẽpapahiakengu wanua ene su tau Israel makoã tata-

ghuaneng i sire. ²⁰Kẽbi ene mariadi ẽpa u hasu limam puõ su taunge karẽngu e.

Samurin nẽpapahiã u wanuan Kanaan tangu Mawu Ruata nẽngonggõu manga mẽlahukung si sire. Kasamuriange kẽbi mẽlahukung ene ute kai nabi i Samuel. ²¹Bõu ene i sire nẽdorong sẽngkatau ratu. Ku Mawu Ruata e nẽngonggõ i Saul ana i Kis bõu hẽnton Benyamin, mẽdeãu makoã datun sire karẽngu u ẽpa u puõ su taunge.

²²Bõuten Mawu Ruata nẽlohos'i sie, Duata e nẽhengkẽ i Daud niapakakoã datun sire. Ku seng ini e nipẽhengetang u Mawu Ruata e maanun Daud, 'Iã e seng nakahombang si Daud ana i Isai e kai sẽngkatau taumata mẽtẽtatahino su naung'Ku. Seng i sie taumata sarung makawatu kapulu'Ku.' ²³Bõu hẽnton Daud ene tangu Mawu Ruata e napasẽpu u sẽngkatau Ratu Mẽnanalamatẽ kerẽwe sembeng nikẽdon'E. Ku seng i Yesus ene e Ratu Mẽnanalamatẽ e. ²⁴Kalamonan i Yesus nanẽta u munaran'E, i Yohanes seng bõu nẽmohang su taumatan Israel tadeãu i sire

13:17: Sas. 1:7, 12:51 13:18: Pẽt. 14:34, Pang. 1:31 13:19: Pang. 7:1, Yos. 14:1
13:20: Mẽl. 2:16, 1Sam. 3:20 13:21: 1Sam. 8.5, 10:21 13:22: 1Sam. 13:14,
16:12, Mzm. 89:21

měmpětobatě bōu kalawōu rosan sire ringangu isahani. ²⁵ Kū maraning manguadipě munarane, i Yohanes nēbera su taumata, angkuēng: 'Kai i sai tangu ia ini e tumuhu kasingka i kamene? Ia e walinewe Taumata lěampaleng i kamene e. Pětahēndung Tau ene sarung duměnta samuring ia; kalingung mēluka sapatun'E e, ia e malaing tawe wotonge.'

²⁶ Manga anaū sēmbau palahēnton Abraham, dingangu kēbi taumata waline apang sini kū matuhu su Mawu Ruata! Duata e seng nēndohong habaru kasa-salamatě ene si kite; ²⁷ batu taumata apang mētētana su Yerusalem dingangu manga tēmbo-nang i sire e tawe nakaēna u kai seng i Sie ene e mananałamatě e. I sire tawe nakahēngang tēntiron manga nabi e kū seng bēba-saēng apang ēllong Sabatě, hakiu i sire nēhukung i Yesus. Kaiso ualingkewen pěkakoā kerene tangu nakawodaiēwe kaghaghana-pu apan seng nitēbaļu manga nabi e. ²⁸ Maningbeng i sire tawe makahombang pēsasaļa apa e si Sie kū makakahukungu huku-

mang papate e, kaiso i sire kawē mēdēdorong si Pilatus tadeau i Sie pakipate. ²⁹ Kū saraeng i sire nasue nēmpēkoā kēbi apang kabawohe suralungu Winohe Susi, i sire napalintuem balunangu wadang'E wōu kalu kuruisě, bōu ene nipello suralungu lēbing. ³⁰ Kai Mawu Ruata e napēbiah'i Sie kapia wōu papate. ³¹ Bōu ene ghēnnangu pētaha pira ēllo e i Sie mēngkate ruděnta mēnode u watangeng'E su taumata apan seng bōu riměnta ringang'E wōu Galilea soļong Yerusalem. Seng i sire ene kū orasě ini e nakoā mēsasahidin Sie su manga umat'u Israel. ³² Kū orasě ini e i kami mēlēhabaru Injilē ene si kamene: Apang kū seng nikēdo su manga iupung i kite e, ³³ ene tangu seng nikoā e si kite dingangu napēbiah'i Yesus kapia wōu papate. Batu suralungu bukē u Mazmur karuane piā kabawohe,

'Seng i kau e Ahusě'Ku,
kū su ēllo ini tangu Ia
seng makoā i Amang'U.'

³⁴ Mawu Ruata e seng napēbiah'i Sie kapia wōu papate. Kū orasě

13:24: Mrk. 1 4, Luk 3:3 13:25: Mat. 3:11, Mrk. 1:7, Luk. 3:16, Yoh. 1:20, 27

13:28: Mat 27:22-23, Mrk. 15:13-14, Luk. 23:21-23, Yoh. 19:15

13:29: Mat 27:57-61, Mrk 15:42-47, Luk 23:50-56, Yoh. 19:38-42

13:31: MMR. 1.3 13:33: Mzm 2:7

ini e i Sie seng tawe lai sarung makahombang papate suralungu kubulę. Ku baugu halę ene, Mawu Ruata e něhengetang,

'Ia sarung męngonggou pękakędo susi ku sarung ipakasęhu,

keręewe seng Taku pinękędo si Daud.'

³⁵ Kerene lai suralungu ayete waline niwera u,

'I Kau e sarung tawe mapakawalan Ęllang'U satia ene mawuhu suralungu lębing.'

³⁶ I Daud seng nate, ku nilębing sęngkalębing dingang i upunge, samurin sie někoę apang pakikoę u Mawu Ruata e si sie. Maiet'i Daud maļaing seng nasue nahene kębi. ³⁷ Arawe i Yesus, ku seng niapębiah'u Ruata kapia wou papate e, kai i Yesus e tawe nasue nahene. ³⁸⁻³⁹ Ualingu ene, manga anau sęmbau, i kamene hinong masingka u kai wou anun Yesus ini e habaru kaļampungu rosa e ipakihabarę si kamene; i kamene hinong masingka u apan taumata ku maņgimang si Sie e, ipakaliwirę bou kaļawou rosa ku tawe ikarędasę ualingu wou manga titan Duata ku ilęhabar'i Musa. ⁴⁰ Ualingu ene i kamene

hinong pakapapia tadeau, kumbaliang sarang mariadi si kamene apang niwerang manga nabi ini e,

⁴¹ 'Tatinganko pakapia-pia, ei kamene taumata apam puluang męhinakang!

I kamene e sarung męngkaherang, mase mate!

U suto tempo ini Ia e kapękękoę e munara

ku i kamene hala e sarung tawe męmpangimang u ene,

maningbe pia u męnualagę si kamene.'"

⁴² Ene pia i Paulus dęduan Barnabas nanęntangu kanisa ene, i sire su kanisa e mędędorong tadeau i sire saų męsulę kapia su ęllon Sabatę tuhu e, saų męnualagu manga halę ene e pakaunsui. ⁴³ Samurin sasębangu taumata wou kanisa e, i Paulus dęduan Barnabas e nitoleęngu tau Yahudi maļawou dingangu taumata wou umatę baline ku seng nasowa agamang Yahudi. Tangu manga rarolohang ene nęnasa si sire e tadeau i sire e hanesę męngumbala su kakęndag'u Mawu Ruata.

⁴⁴ Su ęllon Sabatę tuhu e, marani kębi daļohon soa e

rimēnta mēdaringihē hengetangu Mawu. ⁴⁵ Kai saraeng tau Yahudi e nakasilo taumata lawo e, i sire kai nēngkapenē u sasasingking. I sire maṅungkeang si Paulus dingangu ruḍendehē patiku apang iwēberane. ⁴⁶ Kai nēngalembo laing kawahanine i Paulus dēduan Barnabas mēngkatewe mēbēbera mahatedē. Ungkuēng i sire, "Hengetang u Mawu e mam-beng hinong ihabarē si kamene kaḷimona. Kaiso ualingu i kamene kawe tawe mapulu mēnarima u ene, i kamene seng nēnantu hala u i kamene ta hinone mēnarima u pēbawiahē tutune ringangu kakalē. Ku ini e i kandua nēnēntang i kamene ku mēbihu bansa waline. ⁴⁷ U kai ini e laorong Mawu e si kami; Mawu e nēhengetang,

'Ia e seng nēnilakeh'i kamene e makoḷa sēmbau tualagē baug'u kaḷawou taumata wansa waline ku baline Yahudi,

tadeḷa i kamene makakarēntambeng kasasalamatē baugu patiku dunia.'" ⁴⁸ Pia e umatē baline tau Yahudi nakaringihē ene, i si-

re mēngkate maḷua-luasē, bou e mēdēdalō e hengetangu Mawu e. Mase taumata apan seng ni-taning Duata mēdeḷa makahombang pēbawiahē tutune ringangu kakalē, i sire ene e nangimang.

⁴⁹ Hengetang u Mawu e maḷaing nasawuhē su patiku tampa su kaḷuwau wanua ene. ⁵⁰ Arawe manga adimaḷa^k u soa ene ringangu manga wawine matatuhāsē mēngkatakū u Mawu e tangu, sēsahowongang u taumatan Yahudi e. I sire mapalēton pēsasitori waug'i Paulus dēduan Barnabas, ku mēnokol'i rēdua wou wanua ene. ⁵¹ Tangu manga rarolohang e nēmpantong u awulē su laed'i rēdua e su tēngon sire e nakoḷa kere tatahēndung, bou e nakoḷa solong Ikonium. ⁵² Manga muritē su Antiokhia e mēngkate maḷua-luasē dingangu nēngkapenē u Rohkē Susi e.

Su Ikonium

14 I Paulus dēduan Barnabas maḷaing kinahombangeng u halē mēsulung su Ikonium. I rēdua maḷaing na-

^k tēmbonang'u

hunsuë su kanisan Yahudi ku nẽmpẽbisara sẽngapang botonge sene hakıu maławo tau Yahudi ringangu wałine tau Yahudi nẽmpangimang su Mawu Yesus. ²Arawe tau Yahudi apan ta mangangimang e mẽmpañahowong suapang bałine tau Yahudi, hakıu makakaralaki naung i sire ku mañensing u apan mangimang su Mawu Yesus. ³Ualingu ene i Paulus dẽduan Barnabas nẽmpẽtana marẽngu sene. Ku mẽngkai kakabahanine i sire mañumbisarang halẽ u Mawu. Tangu Mawu e małaing mapakalahẽ u pałahumbisaran sire mañanun tatalẽntu'E tangu mambeng kahẽngang; i Sie mañonggou kawasa si sire waugu mẽkoã haghin tanda ringangu haghing halẽ makadalinau ta sihinge. ⁴Kaiso ralohon soa ene mẽgẽgulawasẽ sẽmbau dingangu wałine; piabeng mañumbẽka wou tau Yahudi ringangu piabeng mañumbẽka wou manga rarolohang ene.

⁵Bou e tau Yahudi ringangu tẽmbonang e sẽnsunduang dingangu taumata wałine tau Yahudi ku manigẽsa dingangu mẽmpẽngẽntungu watu su manga rarolohang ene. ⁶Kaiso manga rarolohang ene nakaenna kaka-

koã e, ku nẽlingka sołong Listra ringangu Derbe manga e soa su Likaonia ringangkewen banua mangelikıu soa ene. ⁷Ku sene i rẽdua e małaing mẽmpẽlẽhabar'u Injilẽ e.

Su Listra ringangu Derbe

⁸Kuteu su Listra e kai piã tau esẽ laede ruambẽka e nipeosse reng dokeng bou gandongang, hakıu reng ta nakadaleng, batu laede kawẽ tumanıu lome. ⁹Tau ene mañiang sene ruđaringihẽ si Paulus mẽbẽbisara. I Paulus nakasihidi u tau ene mañimang, ku ualingu ene tangu i sie wotonge maule wou saki e. Ku I Paulus e nẽmandã e si sie, ¹⁰ku dingangu tingihe maiha, i Paulus nẽbera, "Endai e rarisi pakatei!" Tau ene mẽngkatewe rimarisi piã linso e ku bou ene rimaleng. ¹¹Ene Piã e taumata lawo e nakasilo apang ku nikoã i Paulus, i sire mẽngkatewe sẽngkapẽluntingihẽ su werang Likaonia, "Manga ruata e seng nẽmpẽlintu sołong dunia e nẽmpẽbawadang u wadangu taumata." ¹²Bou ene i Barnabas nisẽba i sire si Zeus, dingangu i Paulus nisẽba i sire si Hermes, batu kai i sie mẽbawerane. ¹³Ampuang i Zeus, pangkunange su tẽngon soa, dimẽnta

nangëntudu manga sapi esë dīngangu manga bungang dalëgahu pasëllangengu soa. I sie mapulu tumole ringangu taumata lawo e mëmpënarakang u sasëmba su manga raro loh ang ene.

¹⁴ Pia i Barnabas dëduan Paulus nakaringihe kapulun sire koatengu taumata lawo ene i rëdua mëngkatewe nëmpananingsasë pakeang i rëdua e apidu katalange solong anun taumata lawo e bou e nëmpebuheang, ¹⁵ "E, kawe unye i kamene nekoha kere ini? I kami e malaing taumata mesulung i kamene! I kandua ene tamai sini e kai waugu mehbaru Injile si kamene tadeau i kamene mëmpanëntangu kalawou sabarang tawe humpa e ini e ku dumënta solong anun Duata ku biahë, nëndiadi langi dingangu dunia ringangu laudë dingangu këbi apan suralunge.

¹⁶ Su tempo tamai naliu Mawu Ruata e napakawalan kalawou taumata apang mëmpëbëbiahë tutole kapulun sire sëngkatau-sëngkatau. ¹⁷ Arawe i Sie tawe niwule nangonggo u manga tatialan batangeng'E ku ualingu pekakoa mapia. I Sie nëngonggo u tahiti wou langi dingangu pëba-

wawua su musunge si kame-
ne. I Sie mapakaëng i kame-
ne ringangu mapakaluasë naung
i kamene." ¹⁸ Kaiso ringangke-
wen manga wawera tamai ene
malaing bëdang mawëha baug'i
rëdua e mësedingu taumata lawo
e mëmpanarakang u sasëmba si
rëdua e.

¹⁹ Manga pirangkatau wou taumatan Yahudi e apan dimënta su Listra wou Antiokhia su Pisidia ringangu wou Ikonium mamodai taumata lawo e hakiu taumata lawo e mëmpanumbëka wo'i sire. I sire nëm pangëntungu watu si Paulus, mase nëhiudë solong likud'u soa. I sire mangiraling u i sie kai seng nate, ²⁰ kaiso sarang i sie pinëtataliwungang u apan taumata mangimang sene, tangu nëbangungke i sie ringangu simuë kapia solong soa. Sëngkariëllone i sie nëbuasolon Derbe sëngkapëbuas dingang i Barnabas.

I Paulus dëduan Barnabas
nësu le kapia solong
Antiokhia

²¹ Su Derbe, i Paulus dëduan Barnabas nëhabaru Injile e ku malawo taumata nëm pangimang su Mawu Yesus. Bou ene i si-

re nēsule soḷong Listra, tuḷu e soḷong İkonium, mase soḷong Antiokhia su Pisidia. ²² Su apan soa ene, i sire maḅoghasē naungu manga murid'i Yesus dingangu mēmpeḅnēnasa si sire tadeḅu pakatatanḅe su pangangimang su Mawu Yesus. "I kite e harusē masau mētatahangu sigēsā kalimona, buḷu e i kite maḅpēndang karḅunsemahu Ruvian Duata Wuhu e," kerene kakakoḅ e manga rarolohang ene mēmpanēntiro su manga murid'i Yesus su apan soa ene. ²³ Dingangu su apan jemaatē e, i Paulus dēduan Barnabas nēhengke mēngangaha jemaatē e. Bḅu ene kahian pēkakaliomaneng dingangu pēpapuasa, i rēdua e mēmpanarakangken mēngangaha jemaatē e su Mawu paḅgimangeng i sire e.

²⁴ Bḅu ene i Paulus dēduan Barnabas nanēpaseng darḅaleng i sire lumiu wanuan Pisidia dingangu sarang Pamfilia. ²⁵ Ku bḅuten i rēdua nēhabaru hengtang u Mawu Ruata su Perga, i sire nakoḅ soḷong Atalia. ²⁶ Bḅu ene i sire mēsau mēsakaeng soḷong Antiokhia. Ene e kai soa tampa i sire kalimona nisarakang su tatalēntu u Mawu Ruata e, ta-

deḅu i sire mēmpeḅkoḅ munara ku seng lēḅsueēng i sire.

²⁷ Saraeng nahumpa u Antiokhia, i sire nēngomoleng tau-mata wḅu jemaatē e, bḅu ene nēbēkeḅeng patiku apang nikoḅ u Ruata limiun sire e. I sire maḅaing nēmpēbēkeng kerea-pa kakakoḅ u Ruata seng nēmu-ka raḅaleng tadeḅu i sire apang baḅine tau Yahudi e mangimang si Yesus. ²⁸ Su soa ene i Paulus dēduan Barnabas e nētanḅ marēngu dingangu apan taumata maḅgimang e.

Pēralahintau su Yerusalem

15 Pirangkatau taumata wḅu Yudea narēnta su Antiokhia ku nēmpanēntiro taumata maḅgimang su Antiokhia ene, u kamagengu i sire tawe sunateng tumuḷu torat'i Musa, i sire tawe masaḅamatē. ² I Paulus dēduan Barnabas dudoka kahēngang su timonan sire ene. Pēngēnsueēnge tangu mapakasaḅ u tadeḅu i Paulus dēduan Barnabas dingangu pirangkatau lai waḅine wḅu Antiokhia, apaḅarai soḷong Yerusalem mēdeḅu mēdalahintaung haḅē ene ri-

ngangu manga rarolohang ore lai apang mēngangaha e sene.

³Jamaatē su Antiokhia nēnondan sire sarang likudu soa, bou e i sire nakoā solong Feni-sia ringangu Samaria. Sene i sire nēmpēbēkēeng kakakoā u taumata waline tau Yahudi ku seng nēmpēnarakang u watangeng i sire su Mawu Ruata. Habarē ene mangkewen nakaļuasē naungu taumata mangimang su tampa ene. ⁴Pia e i sire narēnta e su Yerusalem, i sire nisēsomaheng mapia kahian jamaatē e, ringangu kahian manga rarolohang ore lai manga pangaha e. Bou e i rēdua nēbēkēeng kēbi apang seng nikoā u Mawu Ruata si rēdua e, si sire. ⁵Arawe pirangkatau wou komoļu tau Farisi ku seng mangimang, dimarisi ku nēbera, "I sire wou kawanua waline ku seng nēmpangimang e hinong i sunatē dingangu mambeng harusē tumole torat'i Musa."

⁶Mase manga rarolohang dingangu manga pangaha e nēkomolē baugu mēdalāhintaung halē ene. ⁷Marēngu kahēngang i sire mēgēgaghelli u ēna. Pangēsueēnge i Petrus dimarisi ku nēbera angkuēng, "Manga anaū sēmbau! I kamene hala e

masingka u seng naung bēdang tempo naliu, Mawu Ruata e nēmile si sia bou taloarang kamene tadeau mēhabaru Injilē su waline tau Yahudi e, tadeau i sire maļaing dumaringihē dingangu mangimang. ⁸Ku Mawu Ruata e ku masingka u ralungu naungu taumata e seng nēnode u i Sie nēnarima i sire; I Sie napakalahē u ene ku nēngonggo u Rohkē Susi e si sire mēsulungkewelai seng nionnggo e si kite. ⁹Duata e tawe mapēdalahaeng kite e ringang i sire. I Sie napakasusin naung'i sire, ualingu i sire nēmpangimang. ¹⁰Ku, kawe unue i kamene mapulu rumoka Duata su tempo ini ku mēngonggo u wawaēng mawēha su manga murite ini, sēmbaliau manga iupung i kite dingangkewelain i kite hala e maļaing tawe makaumalē mēndalēngu kēbi e? ¹¹Raliune wue, i kite e kawe mangimang dingangu i kite e iapakasalamatē ualingu kakēndag'u Mawu Yesus; kerene lai i sire."

¹²Tangu nēngkarēmase kēbi taumata apaewen nēmpēkomolē sene. Bou ene i sire e rimaringihewe si Barnabas dēduan Paulus saū mēbēbēken kaļawou tанда makalaherang dingangu apa-

weng makadalinau ta sihinge ku
 seng nikoꝝ u Mawu Ruata ku pi-
 nakikoꝝewe si rēdua e sutaloarae-
 weng kawanua waline tau Yahudi
 e. ¹³Nasueen bēkene i rēdua e,
 i Yakobus nēbera, "Manga anꝝ
 sēmbau! Kēnnangko raringihē si
 sia. ¹⁴I Simon buhūewe nēbēken
 saheng kakakoꝝ u Mawu Rua-
 ta e naung humotong nēngukahu
 pēndangu naung'E si sire waline
 tau Yahudi, piꝝ timonane mēmile
 wou taꝝorang sire taumata wali-
 ne e ku sarung makoꝝ umat'E.
¹⁵Ku ene nētataꝝahino kere seng
 nitēbaꝝu manga nabi e. Batuꝝ
 kai piꝝ kaꝝawoꝝe kereini,
¹⁶ 'Samuring ene Ia e rumēnta
 kapia,' angkuēngu Mawu,
 'Ia e sarung mēmangung
 kapia waleng Daud ku
 seng nahaka e,
 ringangu manguliꝝ apang
 naopehē e,
 ku saꝝ ipakatei;
¹⁷ tadeꝝu kaꝝawou taumata
 apan nalēmbē ene,
 mēmpēdeꝝ Mawu,
 sēngkapēdeꝝ dingangi sire
 kēbi kawanua waline
 apang baline Yahudi Ku
 seng nikuiang baugu
 makoꝝ tataghuaneng'Ku.'

Kerene angkuēng u Mawu,
¹⁸ ku seng nēhabaru haꝝe ene
 naung kaꝝamona."
¹⁹"Ku pēndangengku," ang-
 kuēng i Yakobus, "i kiteꝝ e
 tawe wotonge manigēsa si si-
 re waline tau Yahudi ene ku
 seng nēnarakang u watangenge
 su Mawu Ruata. ²⁰Arawe i kiteꝝ
 e hinong mēmohē u suratē si
 sire ringangu mēnasa si sire ta-
 deꝝu i sire mētēllingu kumaēng
 kaēng maꝝamuhꝝ ku seng nakoꝝ
 sasēmba su mahang duata, a-
 rau kumiꝝa gēsing binatang na-
 te natēpu arau kumiꝝa (mangi-
 nung) daha. Dingangu lai tadeꝝu
 i sire mētēghang u watangeng i
 sire wou pēsasasundaꝝe. ²¹Batuꝝ
 torat'i Musa e seng naung do-
 keng kaꝝamona wēbasaēng apang
 ēllong Sabatē su manga kani-
 sa, ringangu ilēhabarē su patiku
 soa."

Suratē su apang kawanua
 waline apaeweng seng
 nangimang e

²²Manga rarolohang di-
 ngangu manga pangaha e,
 ringangkewelain kaꝝawou raꝝo-
 hong jamaatē nēmpamutusē u



Manga mahang duata (15:20)

mēmile manga pirangkatau wou i sire apan nirolohē soḷong Antiokhia ringang i Paulus dēduan Barnabas. Tangu i sire nēmile si Silas dēduan Yudas ku isēsēba lai si Barsabas. I Rēdua ini e kai taumata mapapiang jamaatē e wou taḷoarang taumata maṅgimang su Yerusalem. ²³ Ringang-kewelain manga rarolohang ene i sire nēndoho lai suratē ku bawerane kereini,

”Su kaḷawou manga anaḷu sēmbau bou kawanua waline ku baḷine Yahudi, apang mētētana su Antiokhia, Siria, ringangu Kilikia. Tabea bo’i kami manga rarolohang dingangu pangaha u jamaatē ku ana u sēmbau i kamene. ²⁴ I kami nakaringihē pia pirangkatau wou taḷoarang kami ku seng nakoḷa soḷong anung ka-

mene ku nakapēganoha dingangu nakapēbingo si kamene ualingu manga tēntiron sire. Sumbaḷiau i kami e tawe mēngangoro si sire pēkēkoḷa ene. ²⁵ Hakiu ene i kami e seng nēraḷahintau, ku kēbi e seng sēngkanaung mēdeḷu mēmile manga pirangkatau ku mēndolohi sire soḷong anung kamene. I sire sarung sēngkaraḷeng dingangu ikēkēndag’i kite i Barnabas, dēduan Paulus. ²⁶ I rēdua ini e kai seng kahēnga-hēngang nēnarakangu watangeng irēdua e su Mawung kite i Yesus Kristus. ²⁷ Ku i kami e mēndoloh’i Yudas dēduan Silas soḷong anung manga anaḷu sēmbau. Seng i sire e ku sarung mēhabarē si kamene wou mohong i sire hala habarē ku maḷaing kaḷawoḷe suraḷungu suratē ini. ²⁸ Rohkē Susi

e seng kimire – dingangkewelaing i kami kükire – tadeau i kamene kumbahangbe lëngkanengu wawawaëng limembong kawëhæ wou manga wawawaëng ini: ²⁹mangalene tangu: pëtëlling bue kumaëng kaëng ku seng bou nakoå sasëmba su mahang duata, kumbahang kumina^l dahang binatang ku nate natëpu, ringangu pëmpëtëghang bue wou kakanoå u pësasasundalë. Kereu i kamene mëtëghangu watangeng i kamene wou tamai ene, ute i kamene seng bou nëkoå mapia. Këtaëngbeng kerene e, ku sala^rmatë bue!”

³⁰Bouten nëkata, i sire apan nirolohë ene nëbuå solong Antiokhia. Sene tangu i sire nëkui e këbi dalohong jamaatë e nipëtampung ku pinëhabareng u suratë ene. ³¹Saraëng këbi dalohong jamaatë nakawasa e suratë ene tangu, i sire mëngkate nahuåusu raåohone nakapia iha i sire e. ³²I Yudas dëduan Silas e maåaing nabi, selaing marëngu maåumbisarang kamene manga anåu sëmbau apang maåingimang su Antiokhia e mëdeåu mëgëlli u wawahansang dingangu wawalin^rsahë si sire. ³³Sarangkeng i Yu-

das dëduan Silas nëtana sëngkatempo sene, taumata maåingimang su Antiokhia e napësulen dëdua e ringangu nëngoro si rëdua apanëpasu tabeå suapaewen taumata rimoloh'i rëdua e. [³⁴Kai i Silas e nëmutusë u mëtana sene pakatatapë^m su Antiokhia.]

³⁵I Paulus dëduan Barnabas maåaing mëtëtanå sëngkatempo su Antiokhia, mëmpañëntiro ringangu mëmpëlëhabaru hengtang u Mawu e ringangkewe lai taumata walin^re lawou.

I Paulus nëtaleing Barnabas

³⁶Ta nararëna wou ene tangu i Paulus nëbera si Barnabas, ”Boete i kite kapia mëtiwo manga anåu sëmbau apang maåingimang su Mawu Yesus, su patiku soa suapaeweng pinëhabareng i kite e hengetang u Mawu; tadeåu i kite e makasilo kereapa kakakoå i sire.” ³⁷I Barnabas mapulu mëmaringang i Yohanes Markus, ³⁸kaiso i Paulus tawë karaluase mëmaringang i Markus, ianu ta mapulu sëngkapëhalë dingang mase nanëntangkoålain sire su Pam-

^l manginung ^m pakarëpang
15:38: MMR. 13:13

filia. ³⁹Tangu i Paulus dëduan Barnabas nëdarendehë marasai hakju pangënsueënge i rëdua e nëtaleti: I Barnabas nëmaringang i Markus, ku nësakaeng dingange soļong Siprus. ⁴⁰I Paulus ute namile si Silas mase nëbuā dingange saraeng manga anaū sëmbau su Antiokhia e nënarakang i sire su tatalëntu u Mawu e. ⁴¹I sire maļaing limuhu wanuan Siria ringangu Kilikia; ku sene i sire mëmpanoghasë apan jamaatë.

I Timotius timoļe si Paulus dëduan Silas

16 I Paulus nanëpasu ralaenge soļong Derbe, boū e soļong Listra. Sene tangu pia sëngkatau murit'i Yesus, arenge i Timotius. I ninange tau Yahudi, ku seng maņgimang su Mawu Yesus; arawe i amange ute kai tau Yunani. ²Boū taļorang taumata maņgimang ku maţana su Listra ringangu Ikonium, i Timotius timeleng kere sëngkatau mapia. ³I Paulus mapulu tadeāu i Timotius tumoļe ringange; uaļingu ene i sie nënunatë si Timotius. I sie nëkoā ene. batū taumatan Yahudi su wanua ene këbi e masingka u i amang i Timotius e kai sëngkatau taumatang Yunani. ⁴Suapae-

weng soa ku tëtiwoëng i sire e, i sire mëlëhabaru apang putusang ku seng ninawong manga rarolohang dingangu manga pangaha e su Yerusalem. I sire mëmpënëna-sa manga anaū sëmbau apang maņgimang e mëdeāu tumuhu kaļawou atorang ene. ⁵Tangu apaeweng jamaatë e maņuntinambang katoghase pangangimange, ku apang kaļaello e mang maņuntinambang kakëpaļe.

Su Troas: I Paulus nakasiloko sëmbau papasilo

⁶Rohkë Susi e tawe mapakawalan Paulus dëduan Silas mëhabaru hengetang u Mawu e su propinsi Asia. Ku daraleng i sire e nipakatëpasë soļong banuan Frigia ringangu Galatia. ⁷Ene nahumpaeng pësaraëng su Misia, i sire nënaļuka e simuë soļong propinsing Bitinia, kaiso Rohkë u Mawu Yesus e nëmeto si sire soļong ene. ⁸Ku i sire nëhëpuse Misia e apidu nakoā soļong Troas. ⁹Sëhëbi ene su Troas, i Paulus nakasilo sëmbau papasilo. Su papasilo ene, i sie nakasilo tau Makedonia sëngkatau ruđarisu su tēngone apidu mëdëdorong sëngapang botonge tadeāu i sie makoā soļong Makedonia mëdeāu mëtuļung i sire. ¹⁰Sa-

rangke i Paulus nakahombang papasilo ene, i kami mēngkatewe ringangu nēdariahi makoā soḷong Makedonia. Batuḡ mambeng nātahutēngadē su naung i kami nēmuru e ghēsine u Mawu Ruata e rimoloh'i kami pēlēhabaru Injilē e su patikuḡ taumata apang sene.

Su Filipi: I Lidia māngimang su Mawu Ruata

¹¹I kami e nēbuā e wou Troas, ku apidu nēmundaḷē soḷong Samotrake, ringangu sēngkarioēllone nakoā soḷong Neapolis. ¹²Bou ene i kami soḷong Filipi, soa sēmbau su distriku Makedonia kahumotongange. Filipi e kai su paparentaēngu kararatuangu Roma. Sene tangu i kami e nētana manga pira ēllo karēngu e. ¹³Su ēlloeng Sabatē i kami nakoā soḷong biwihu saḷu su ḷikudu pasēllangengu soa, u su pēndangeng i kami e sene kai piā tampa u pēkakaliomanengang u tau Yahudi. Bou e i kami naiang dingangu māhumbisara ringangu manga wawine apang nēmpēkomolē sene. ¹⁴Sēngkatau wou taḷorang sire kai tahawaḷu u heka kamumu, arenge i Lidia, tau wou soan Tiatira. I sie kükēndag'u Mawu Ruata, ku

Mawu e mēngēnganoā daḷungu naunge tadeāu i sie mēnarimaḡ bue apang itētēntirong Paulusē e si sie. ¹⁵I Lidia ringangu raḷohong baḷene e nisahani. Bouten nisahani e i sie nēhaēngke si kami e. I sie nēbera, "Kereu manga anāu sēmbau makapēndang u ia e kahēnga-hēngang seng māngimang su Mawu Yesus, ute pahundangengke su waleku." Mase i sie mēnēnihasa e si kami mēdeāu pakituhuke roronge.

I Paulus nitahungku su Filipi

¹⁶Su sahēllo i kami e kapahundaḷenge soḷong tampa u pēkakaliomanengang, i kami e nēsombangke ringangu sēngkatau wawine; e kai ēllang. Tau wawine ene kai nipēkawasaēngu rohkē daḷakisē e ku makatēbaḷu kakakoā u sarung mariadi. Kahian pēnanighadu paḷedu ḷimang sēmbau-sēmbau tangu tau wawine ene makaonggo u untune maraḷawo su manga mawune. ¹⁷Tau wawine ene mēngkate tapē tuḷole si Paulus dingangi kami e kapēmēmansage, "I sire ini e kai ēllangu Mawu Kasēllahenge! I sire rimēnta tadeāu mēhabarē su manga anāu sēmbau kereapa raḷenge tadeāu i kame-



Soang Filipi (16:12)

ne masalamatë!” ¹⁸ Ku gënnangu manga pira ëllo karëngue tau wawine ene mëngkate hanesë mansagë kerene. I Paulusë e kai natakehë, hakiu i sie nëbihi ku nëbera su rohkë ene, ”Su areng’i Yesus Kristus e ia mangoro si kau sëbangke wou wawine ini!” Tangu su tempo ene lai e rohkë e nanëntang u wawine ëndaï e. ¹⁹ Ene sarangke manga mawune nakahëngangke u i sire seng tawë lësabu makaëbä doitë e, i sire mëngkatewe nëname si Paulus dëduan Silas böu e nëhiud’i rëdua sojong dëlahë niapëtëngon manga tëmbonange. ²⁰ I sire napëtëngon Paulus dëduan Silas, su manga tëmbonang u kawanua su Roma e, wou e nëbera, ”I sire ini e taumatan Yahudi e. I sire kai nënggaghohaeng su soang kite

e. ²¹ I sire kai nëmpënahowong taumata apëkëkoä tundu ku tawe sëndalëngu atorang i kite taumatan Roma. I kite e tawe makatarima arau makakatole tundun sire ene!” ²² Taumata lawo e maïaing sëngkapëtatibulu rimoka si Paulus dëduan Silas; dingangu apaeweng manga mawu tëmbonang u kawanua nëmpëhëngkasewe pakeang böu awa irëdua manga rarolohang ene, böu e nangoro taumata pinëlimadë si rëdua. ²³ Bouten i rëdua nilimadë pinakatëdu-tëdu e, mase i rëdua nitaho su tahungku. Tëmbonangu walëng tahungku e nioro pinëlukadë si sire pakapia-pia. ²⁴ Ualingu kawë parenta e tangu tëmbonangu walëng tahungku e nëngaresë si rëdua e su huangu tahungku kara-

lungang e, bōu e namēntung lae-
d'i rēdua e su balakē.

²⁵ Manga e kēkaḷoarine, i Paulus dēduan Silas kapēkēkaḷio-amanenge ringangu kapēkēkantarieng kakantari daralo su Mawu Ruata. Taumatang talungkuewe lai waline e maḷaing kapēdēdaringihe si sire mēkēkantari. ²⁶ Sēngkēlēndiū nēlimuhē maiha-iha, hakū pinamanggilangu tahungku e maḷaing gininuē." Kaḷawōwen manga tukad'u tahungku e nasue nēngkatope ringangu mangaewe hante pinēhapusē kaḷawōu tau-
matang tahungku e maḷaing naraluka. ²⁷ Tēmbonang u tahungku ene himēkose ku napuko. Sarangke i sie nakasilo manga tukadu tahungku e nēngkatope, tangu i sie mēngkatewe nēngasa pedane ku nēmatē e wadange, watū i sie maḅgiraling u tau-
matan tahungku e kai seng nasue nēmpahunḷang. ²⁸ Kai i Paulus e mēngkatewe nēkiā maiha-iha, "Abe pētumpate! I kami kēbi e ēndaung bue ene sini!"

²⁹ Tēmbonangu tahungku e nēdorongke soḷo, ku bōu ene timaḷang soḷong daḷunge, ku apidu kaḅkendene, i sie naēnsa su tēngou Paulus dēduan Silas. ³⁰ Bōu e i sie nangahaen dēdua niapasēbang
"kimio = berguncang

ku nēbera, "Manga Mawu, kai apa e hinong takū koateng tadeau ia e masaḷamatē?"

³¹ I Paulus dēduan Silas siminibang, "Pangimangke su Mawu Yesus! I kau sarung masaḷamatē – i kau ringangu kēbi tau-
mata suraḷungu walenu!" ³² Mase i Paulus dēduan Silas nēnualagu waweran Mawu su tēmbonang u talungku e ringangu su patiku taumata apang ene su walene. ³³ Su hēbi ene lai kēkaḷoarine tangu tēmbonang u talungku e nēngaha i sire ku nēmpamurēsi manga leḷe i sire. Tangu i sie ringangkewen patiku taumata apang su walene e apidu nisahani. ³⁴ Bōu ene i sie nēngahaen Paulus dēduan Silas soḷong balene ku nēnadiang kaēng si sire. I sie ringangkewen kēbi daḷohong balene mēngkate maḷua-luasē batūu orasē ini e i sie kai maḅgimang su Mawu Ruata.

³⁵ Sēngkariōellone maḷukadē, manga mapapangkatē tēmbonang u kawanuan Roma e nēndoloh'u polisi soḷong tahungku mēdeau pēḷḷhabaru parenta tadeau i Paulus dēduan Silas pakipēḷḷo.

³⁶ Tēmbonang u tahungku e nēhabaru haḷē ene si Paulus. I sie nēbera, "Manga mawu mapa-

pangkatu tēmbonangu kawanua e seng nēparenta pēmēmēllo i tuang dēdua. Ku ini e tangu i tuang dēdua e seng botonge mapuḷe. Ku salamatē mēmpahundaleng!”

³⁷ Kai i Paulus nēbera su manga mawu polisi ene, ”I kami e kai kawanuang nēgarang Roma. Tawe nipēparikēsaēng, kuteu i kami kawē seng niḍalimadē su tēngon lawo dingangu nitahungku. Ku ini e i sire mēdēndoloh’i kandua pakapuḷe pakapēnnisē? I kandua e madiri! Pēngoro e manga mapapangkatē apan tēmbonang’u kawanua e aparēnta hala solong ini apēlēso i kandua e.”

³⁸ Manga aghaghaheng^o u polisi e nēhabaru ene su tēmbonang u kawanuan Roma. Pia e i sire mapapangkatu tēmbonang u kawanua e nakaringihē u i Paulus dēduan Silas kawē tau Roma, ute i sire nēngkataku e. ³⁹ Mase i sire nēdorongke ampung si Paulus dēduan Silas, ku bou ene i sire nēmpanondang dēdua simēbang bou tahungku apidu kadoronge i rēdua e pañētangu soa ene. ⁴⁰ I Paulus dēduan Silas nanēntangken tahungku e ku nakoḷa solong baleng Lidia. Bouten nēsombang u jamaatē sene, apidu mēgēgēlli u

^o petugas

wawahansang si sire e, i Paulus dēduan Silas tangu nēbuḷa e.

Su Tesalonika

17 I Paulus dēduan Silas nanēpaseng daraleng i sire nisaheng Amfipolis dingangu Apolonia bou e nahumpa u Tesalonika. Sene kai pia kanisan Tau Yahudi e. ² Tangu i Paulus maḷaing nakoḷa solong kanisa ene – mēsulungkewe tundu-ne kēkoatenge kereu pia kanisa’n tau Yahudi sēmbau e – wou e mēmpēdēdalahintau ringangu apaeweng sene e maḷumbisarang halē u manga ayetē su Winoḷe Susi e. I sie nēkoḷa ene e karengūwen tēllung ka Sabatē mētētatuḷu. ³ Suralungu ayet’u Winoḷe Susi e i sie mēnēnualagē dingangu mēlēlahē u Ratu Mananaḷamatē ku seng nikēdon Mawu Ruata e hinong mēdararagu sigēsa dingangu mēbiahē kapia wou kapapohong’E. ”I Yesus taku ilēhabarē si kamene e, i Sie kai Ratu Mananaḷamatē ku seng nikēdo e,” angkuēng i Paulus. ⁴ Pirangkatau nēmpangimang mase timoḷe si Paulus dēduan Silas; kerene lai kaḷawokange wou tau Yunani ku

matakū u Ruata, dingangu lawo lai manga wawine lēdateng.

⁵Arawe tau Yahudi e kawe susingking. I sire mēmpēkēkui taumata apang lūliongahē su apan daleng kū nēkoā komolāng u ghanohā. Tangu i sire nēnggohaengke su kaguwau soa e, mase nēmpēngalō e walēn sēngkatau māngimang isēsēbā si Yason pēdēdeakeng si Paulus dēduan Silas, u i sire kai mapulu makisēbang i Paulus dēduan Silas ipētēngon taumata lawo. ⁶Ualingu piā i sire kawe tā nakaēbā si Paulus dēduan Silas ute, nēhiude si Yason dingangkewelain taumata māngimang baline e manga pirangkatau solong tēngon manga mapapangkatē apang piā kawasane su soa ene. I sire nēmpēheang u, "I rēdua ini e kai mēmpēgēnggohaeng suapan tampa! Orasē ini e soang kite e maļaing seng nirēntaēng i rēdua, ⁷kū i Yason seng nēnarima i rēdua su walēne. I sire kēbi e tangu lūlampa kalawou titang kaisar'u Roma, batūu i sire kai mēbēbera u piābe lai ratu waline kū arenge i Yesus." ⁸Dingangu manga wawera ene tangū nakapēgēgahe taumata lawo e ringangu apaeweng mangangawasa e su soa ene. ⁹Mase manga

mangangawasa e nangoro si Yason dingangu taumata māngimang baline e pēgēgēlliu wawaehe. Bōu ene wuhūewe i rēdua e pakipello.

Su Berea

¹⁰Su hēbi ene taumata māngimang su soa ene nēndoloh'i Paulus dēduan Silas apakaō solong Berea. Nahumpa e sene, i Paulus dēduan Silas nakoā solong kanisang tau Yahudi. ¹¹Taumata su Berea e nēngalem-bong mābawuka naunge wou i sire apang su Tesalonika. Mēngkate apa maļuasē naung i sire nakaringihē bēkeng habaru Mawu Yesus, kū bōu e ello-ello i sire mēmpānanēsui Winohē Susi mēdeau makakasingka u mēnsang kahēngang bue tēntiron Paulus. ¹²Lawo bōu taļoaran sire māngimang su Mawu Yesus, ringangu waline lai mahali tau Yunani mapapia e nēmpangimang; baē bawine ringangu waēbe lai esē e. ¹³Piā e tau Yahudi su Tesalonika nakaringihē u i Paulus selaing mēlēhabaru hengetangu Mawu su Berea, tangu i sire maļaing nahundēnta su Berea kū mēmpēuēnahowong dingangu nāpēbēbimbong u apang taumata sene. ¹⁴Dingangu masahawū-

saliawu mauga anau sɛmbau su Berea e nɛnonda si Paulus solong apeng, arawe i Silas dɛduan Timotius mɛngkate tɛbe mɛmpɛtɛtana su soa ene. ¹⁵ Bouten nanonda si Paulus solong Atena, nianga anau sɛmbau eue e nɛsule solong Berea nɛhabaru tatanatang Paulus tadeau i Silas dɛduan Timotius apɛtɛtuhu si sie sɛngapang kaligha e.

Su Atena

¹⁶ Ene i Paulus kapɛngɛngampale si Silas dɛduan Timotius su Atena, naunge mɛngkate apa kimɛndu u nakasilɔ e soa e mɛngkatewe napene u pakaluang. ¹⁷ Ualingu ene tangu i Paulus mɛngkate mɛdɛdalahintau ringangu tau Yahudi ringangkewen taumata waline apang manɛmba Mawu su tampa ene, su kanisa e. Kerene lai su manga pasarɛ, ɛllo-ɛllo i sie mɛngkate mɛkɛkakereapa ringangu apaeweng taumata sene. ¹⁸ Manga mananɛntiro wou ghalipohon Epikuros dingangu ghalipohon Stoa mɛmpɛdɛdarendehɛ lai ringange. Pirangkatau wou i sire uɛbera, "Tau ini e masingka u a? Kasingka e kɛtabeng kadodo, kai arawe mohonge matanantadɛ!" Sɛngga ete wue ute nɛbera u, "Luhude i sie kai

mɛlɛhabaru mahang duata wou wansa waline." I sire nɛmpɛbera kerene, ualingu i Paulus mɛlɛhabaru kakakoɔ u Mawu Yesus ringangu niɛanun pɛbawangunge kapia wou kapapohong'E. ¹⁹ Mase i sire nɛmaringang i Paulus solong pɛsasasonibang su wulud'u Areopagus. Ku sene i sire nɛmpɛbera e si sie, "I kami e mapulu masingka u tɛntiro wuhu ilɛhabaru ene. ²⁰ Batu u i kau kai mɛlɛhabaru halɛ buhu ikɛkaringihu tuling kami e. Ku ualingu ene tangu i kami e reng mapulu masingka u mɛnsang kai apa mangalene." (²¹ Batu tau Atena kɛbi-kɛbi e ringangu taumata raghi apang mɛmpɛtɛtana sene e mɛngkai papuluang mɛngɛsusueewe tempon sire su loahɛ ipɛdɛdarinhɛ dingangu mɛmpahumbisarang halɛ buhu ikɛkaringihɛ e.)

²² Su tempong i Paulus dudarisi su tɛngon taumata apang mɛmpɛtɛtampung su Areopagus e, i Paulus nɛbera, "E i kamene tau Atena! Ia makasahidi u suralungu patiku munara e i kamene manga anau sɛmbau mɛngkate malaagama. ²³ Batu pia ia kapɛdaralenge mangɛliku soang kamene e ringangu tuta-tingangke manga tampa u pɛkalkiomanengang i kamene, ute ia

nakasilo lai tampa u pëmamëllo-
 kang sasëmba sëmbau, ku sene
 pia kabawohe, 'Su Ruata ku
 ta nikëkahënganeng.' Ku kai su
 Ruata sësëmbaëng i kamene, ka-
 tewe i kamene wëga wue, u kai
 seng i Sie taku ilëhabarë si ka-
 mene. ²⁴Duata e nëndiadi dunia
 ini ringangu patiku dalohone, ute
 kai Mawun langi dingangu dunia
 e. I Sie maiaing tawe mëtatana
 suralungu walën mahang duata
 koa u liman taumata. ²⁵I Sie
 maiaing tawe mëgaghausë manga
 apa wou taumata, u kai i Sie
 mangonggou pëbawiahë dingangu
 singongo ringangkewelain patiku
 sabarang su taumata e. ²⁶Bou-
 ten sëngkatau taumata e, i Sie
 napakariading patiku bansa ri-
 ngangu nangoro si sire ipëlëloho
 kaguwau dunia e. I Sie lai nëni-
 lakehë deng dokeng bou tëta e
 mënsang su tempo sude arau
 su tampa sude i sire wotonge
 makapëbiahë. ²⁷Mawu Ruata e
 nëkoa ene tadeau i sire mëdeau
 si Sie. Małowoko i sire mësom-
 bang dingang'E su tempong i sire
 kapëdëdeau e. Kai tumuhu hinone
 Ruata e tawë kararaune wou
 anung kite sëngkatau-sëngkatau
 e. ²⁸Kerewe ipëpauli u tau-
 mata e, 'I kite e ipëbëbiahë di-

ngangu kukanoa dingangu më-
 bëbiahë su dunia ini e kai ualing-
 u kawasan'E.' Mësulungu lai
 ilëhabaru tahaanang berang ka-
 mene.

'I sire nëmpëbera u, i kite
 këbi e kai manga ana'E.' ²⁹Ho,
 ualingu i kite e kawe manga
 palahana u Mawu e, ute i kite
 tawe wotonge mangënnau Ruata
 e kawe tabidau mësulungu tu-
 da wou wulaeng arau salaka a-
 rau watu nikoau tuhu kapandeng
 taumata. ³⁰Tempong kawawodo-
 ki kite e seng nipakawëgan Dua-
 ta, arawe orasë ini e i Sie nëndo-
 lohu patiku taumata su kaguwau
 dunia e pëtëtohatë bou manga
 rosan sire e. ³¹Batu i Sie kai
 seng namoëngu ëllo sahëllo wau-
 gu mapëgutang kasëllahu dunia
 e tuhu kaadile. Halë ene sarung
 koateng u sëngkatau pinilen Dua-
 ta e samatang baugu halë ene.
 Ringangu lai tadeau patiku tau-
 mata e maiaking u halë ene, u
 Ruata e seng napëbiahë kapia
 tau ene wou kapapohong'E!"

³²Saraeng i sire nakaringihë
 u nakasasëbaeng pëbawiahë kapia
 wou papate, tangu pia u wou i si-
 re nahulëgeeng Paulus. Pia u lai
 nëbera, "I kami e mapulu mëda-
 ringihë si kau e mëbisarang halë

ini." ³³Mase i Paulus nanëntang-keng komoꞑang ene. ³⁴Kuteꞑ pia u sutaloaran sire maꞑumbeka wo'i Paulus dingangu maꞑimang su Mawu Yesus, kere i: Dionisius sengkatau woꞑ raꞑohon majelisẽ u Areopagus, ringangu sengkatau wawine arenge i Damaris, dingangu lai manga pirangkatau.

Su Korintus

18 Bõu ene i Paulus nanëntang u Atena ku nakoꞑ soꞑong Korintus. ²Sene i sie nẽsombangkan sengkatau Yahudi arenge i Akwila, tau woꞑ soan Pontus. I Akwila buhu e lai simongo woꞑ Italia ringangu kawinge i Priskila. I sire rimenta soꞑong Korintus batuu i kaisar Klaudius seng nẽndolohu kebẽ taumatan Yahudi e apasẽbang bõu Roma. I Paulus tamai nẽtiwo si rẽdua, ³mase nẽtana sene ringang'i sire, ku nẽhalẽ sengkapehalẽ batuu hambaki sire e kai mẽsulungu hambaki Paulus, ku kai mẽkẽkoꞑ tenda. ⁴Arawe su ẽllon Sabatẽ e i Paulus tamai nanẽntiro su kanisa mẽdeau makariading tau Yahudi ringangu lai tau Yunani e mangimang si Yesus.

⁵Ene sarang i Silas dẽduan Timotius narẽnta e woꞑ Ma-

kedonia, i Paulus mẽngkatewe mangẽsueen tempone waugu mẽhabaru injilẽ bõu anun Duata e su tau Yahudi u i Yesus e kai Ratu Mananalamatẽ e nikẽdon Duata. ⁶Kai ualingken taumata e mẽngkate hanesẽ dudoka dingangu mẽlẽhinakang si sie, ute i Paulus mẽngkatewe nẽnontongu awulẽ bõu pakeange, kere sẽmbau tatialan pẽtahẽndungangu pẽsasalang sire. I sie nẽbera u, "Kereu i kamene masilaka, ute ene sembeng salang kamene hala! Ia e wẽga wue! Ku manẽta bõu orasẽ ini tangu ia sarung makoꞑ soꞑong anun sire waline tau Yahudi e." ⁷Bõu e i Paulus nanëntangken sire ku nẽtana e su wale su sẽmbekang kanisa e. Bale ene kai waleng sengkatau waline tau Yahudi e, kaiso i sie kawe mẽnẽnẽmba Ruata. Arengu tau ene ute kai i Titius Yustus. ⁸Arawe i Krispus tẽmbonangu kanisa e ringangkewe kaꞑawoꞑ raꞑohong balene e maꞑimang su Mawu Yesus. Dingangu maꞑawoꞑ lai taumatang Korintus baline e ruðaringihẽ tẽntirong Paulus, mase i sire maꞑimang su Mawu Yesus ku bõu ene sahaniang.

⁹Su sẽhẽbi tangu suralungken sẽmbau papasilo e, Mawu

e nēhengetang si Paulus, "Abe katakū! Mēngkate pēnēntiro kū abe karēm̄masē. ¹⁰U iā e rumēndingang si kau. Tawēu sarang sēngkatau makapēkoā dalākī si kau, u kai lawō taumata su soa ini e kai taumata'Ku." ¹¹Uaḷingu ene i Paulus nētana su Korintus sēntaung dingangu ēnung u wuḷang karēngu e kū mēnēnēntirong hengetang u Mawu e si sire.

¹²Piā e i Galio nakoā gubernurē u Akhaya, tau Yahudi e mēngkatewe sēnsunduang dumoka si Paulus, mase manuē i sie su pēnggaghutaēng. ¹³I sire nauḷieng kabaratang ini, "Tau ini e maḡmirahi taumata lawō e tadeāu pēnēnēmba Ruata kū tawe nētatalahino ringangu torat'i Musa!"

¹⁴Kuteu piā i Paulus mapulu sumimbahē, Galio seng nēbera su tau Yahudi, "E tau Yahudi! Kereu ipēpangaduhang ini e kai sēmbau dalawang arau sēmbau kakanoā dalākī, tangu hinone iā mang mēsabarū pangaduhang i kamene ini. ¹⁵Kaiso ini e kawē pēdararendehu wawera ringangu manga areng ore lai manga torat'i kamene hala e! Kū mang i kamene hinong mapakaliung kēbī ene. Iā e reng maḡdiri mēhukung

u manga haḷē kereini!" ¹⁶Bou ene i Galio nēnokoli sire niapasēbang sarang ḷikude. ¹⁷Tangu i sire nēname si Sostenes tēmbonang'u kanisa e, kū namēbahē si sie su tēngon medang pēnggaghutaēng e. Arawe i Galio mang ta kadionge mēsēmpī u haḷē ene.

I Paulus nēsule soḷong Antiokhia

¹⁸Bou ene i Paulus bēdang mētētana marēngu su Korintus. Bou ene i sie nēberaeng saḷamatēbe matēntang su kēbī taumata maḡimang su tampa ene, bou ene nēmundaḷe, ringang i Priskila rēduang Akwila soḷong Siria. Su Kengkrea i Paulus nakilungguhu uta e naung seng niḡawalane niapakanandu uaḷingu kēdone su Mawu. ¹⁹Ene narēntae su Efesus, i Paulus nanēntangken Priskila rēduang Akwila bou e simuē soḷong dalungu kanisa kū mēkēkakereapa ringangu tau Yahudi sene. ²⁰I sire mēgēgausē u tadeāu i sie reng apakaḡdarēnna mētana dingangi sire, kaiso i sie tawe mapulu. ²¹Maningbe kerene, kai su tempong i sie sarung mēbuā e, i sie nēbera u, "Kereu Mawu Ruata e mapakawala, ute iā

saube mēsule kapia su tampa i-ni." Bōuten nēbera kerene i sie nēbuā e wou Efesus.

²²Ene nalintu e su Kaisarea, i sie nakoā solong Yerusalem nēgellieng adatē su raļohong jamaatē sene, bōu ene natēpasu Antiokhia. ²³Wōuten nētana sene sēngkatempo e, i sie saūete wue namundaļē, nēniata ēntanang Galatia ringangu Frigia mēdeāu mēmpanoghasē pangangimangu raļohon jamaatē.

I Apolos su Efesus dingangu Korintus

²⁴Tangu piako tau Yahudi sēngkatau wou Aleksandria arenge i Apolos, narēnta su Efesus. I sie kai pande mahumbisara ringangu masingkasingka u raļohong Binohe Susi e, ²⁵kuteu seng nitēntiroēngu mēkirala tēntiro maanun Yesus. Tangu i sie mēngkai manēntiro ringangu kakakēhagē dingangu mēngkai maudu-udupē manēntiro maūļi u i Yesus, maning buhu e haļē u pēnanahaning Yohanesē e singka e. ²⁶Dingangu tawē goē e i Apolos nanēta e mēbēbisara suraļungu kanisa piā e i Priskila rēduang Akwila ruðaringihē tēntirone, i sire nēmpēmaringanken sie solong baļe. Sene i sire

mēnēnualagē si sire nēngalembo ļai katumange maanun daralengu munarang Mawu baugu kasasaļamat'u taumata wou i Yesus Kristus. ²⁷Bōu enee i Apolos kai piā kapulune makoā solong Akhaya. Tangu taumata apang maņgimang su Mawu Yesus su Efesus nēmohe u suratē su manga anaū sēmbau apang maņgimang su Akhaya e tadeāu i sire mapulu mēnarima i Apolos. Ku piā e i Apolos narēnta e su Akhaya, pētatulunge mambeng naļahē u piā gunane masaria su apantaumata ku uaļingu kakēndagu Mawu Ruata e seng nangimang su Mawu Yesus. ²⁸Batūu apa e makaļahēngking, ku i Apolos nakawata tau Yahudi e su haļē u pēdararendehē su tēngong ļawō. Ku i sie mēļēlahē u wawerang Binohe Susi u kai i Yesus Datu Mananaļamatē nikēdo e.

I Paulus su Efesus

19 Ene piā e i Apolos su Korintus, i Paulus kai kaļuhune uļung banua e ku nahumpaeng Efesus. Pai sene i sie nēsombangken pirangkatau apang seng maņgimang su Mawu Yesus. ²I sie nakiwaļo si sire, "I kamene nakatarima u Rohkē Su-

si piã i kamene nẽmpangimang su Mawu Yesus?"

I sire simimbang, "I kami e kařung nakaringihẽ u piã Rohkẽ Susi e, kai mang tala."

³"Kamageng kerene, kai nisahaning sasahani sude tangu i kamene e?" angkuẽng i Paulus.

"Dingangu sasahaning Yohanes," angkuẽngkeweng sire. ⁴Mase i Paulus nẽbera, "I Yohanes nẽnahani taumata e mẽdeau pẽlahakang u i sire ene seng nẽmpẽtobatẽ bou kařawou rosan sire. Kai i Yohanes mařaing kapẽlẽhabare su tau Israel u i sire hinong mangimang su taumata ku sarung dumẽnta e samurin sie, ku kai i Yesus."

⁵Ene i sire nakaringihe ene, tangu i sire nisahanĩ e su arengu Mawu Yesus. ⁶Ku su tempong i Paulus nanẽllidu řimane si sire, Rohkẽ Susi e nẽkawasasa si sire, ku bou e i sire nanẽta e mẽpẽbẽbera surařungu haghing bawera maķadařinau dingangu maņẽpaseng habaru injilẽ. ⁷Kakẽpaři sire e tangu mangawe mapuřo dua sukataune.

⁸Gẽnnangu tẽllu wuřang karẽngue i Paulus mẽngkatewe mẽbẽbisara ringangu ta goẽ e

su taumata e surařungu kani-
sa, mẽpẽpapangařa dingang i sire
baugu mẽngiaking i sire mẽnsang
kereapa Mawu Ruata e mẽpa-
renta kere sẽngkatau Ratu. ⁹Kai
pira-pirangkatau e wou i sire e-
ne kai mẽmpẽtẽtungkẽti u tẽmbo
i sire ku tawe mapulu mangi-
mang. Su tẽngon patiku taumata
mařatampung sene i sire mẽngka-
te mẽlẽhinakang tẽntiro maņanung
Mawu Ruata waugu mẽngam-
bang taumata e uařingu Yesus.
Uařingu ene i Paulus nanẽtang
i sire ku natamai nẽmpẽpapa-
ringang dingangu manga mu-
rit'u Mawu Yesus simuẽ sořong
dařungu pẽsasikořaẽng i Tira-
nus. Sene i sie apang kařaẽllo
e mẽmpẽkẽkakiwařo ringangke-
wen manga taumata e. ¹⁰I sie
mẽngkatewe tatapẽ mẽkẽkoã hařẽ
ene surařungu sẽntaung karẽngu
e sarang kẽbi taumata apang
mẽmpẽtẽtana su propinsing Asia
e, baẽ tau Yahudi arau kaw-
nua lai wařine, kẽbi-kẽbi e rima-
ringihẽ hengetangu Mawu e.

Manga ana i Skewa

¹¹Duata e mẽkẽkoã hařẽ
maķadařinau ta sihinge surařung'i

Paulus. ¹² Kereu lenso arau papehe ku seng bou pëpaketang i Paulus ku bawaenge solong anun masasaki, tangu saki i sire e mailang dingangu rohkë u setang e maļaing mahunsëbang bou anun sire. ¹³ Piako tau Yahudi pirangkatau tahapënokolu setang luļuhu apang tampa mëngënguserë rohkë dalakisë e wou apan taumata. Piako lai wahighan sire mëpëpake u arengu Mawu Yesus ipëñenokole kalawou rohkë u setang e. I sire nëmpëbera su manga rohkë u setang ene, "Su arengu Mawu Yesus ilëhabar'i Paulus ene, ia mënokoli kamene!" ¹⁴ Pia manga rario esë pitungkatau anau sëngkatau pangkate imang marange arenge i Skewa, mëkëkoā halë kerene.

¹⁵ Arawe rohkë u setange nëbera si sire, "Ia masingka i Yesus dingangu ia masingkalain Paulusë e, arawe i kamene ini e kai i sai?"

¹⁶ Mase tau kinasuëkangu setang e liminsö e ku mëngkatewe timëmbo ringangu kawahanine, hakiu i sire nahuntalang bou wale ene pia lese e ringangu tëntole, batuu pakeang i sire e nipëgaghaghehe bou wadang i sire e. ¹⁷ Kalawou tau Yahudi e ringangkewelaing kawanua waline

e matana su Efesus e nakaringihe apa nariadi e, tangu i sire nëngkatakü e. Ku areng u Mawu Yesus mang sauneng dëdaloëng. ¹⁸ Maļawo taumata e nëngka-koā taumata mangimang su Mawu Yesus, dudënta mëmpangkung pësasalan sire su tëngon ļawo, naung su tempo nalü e. ¹⁹ Ku i sire tiasa e naung kawe mëdëdalahopa e, nëmpënpungu manga bukë i sire ku nasuen tutunge su tëngon taumata ļawo. Mangawe ipëtatamba kalawou arëgang bukë i sire e mangawe limang puļo su hiwune roitë tëmbaga. ²⁰ Kerene sahen tatuwong hengetangu Mawu e nëtimbangkewelain kawasane, ku mangkeng kakasawuhe ringangu mangkeng kakatoghase wawodai e.

Pëgaghaghohaeng su Efesus

²¹ Samuring karariadin tamai ene, i Paulus namutusë u ma-koā solong Makedonia ringangu Akhaya bou ene matëpasu Yerusalem. "Ku maeng seng bou pai ene," angkuëng i Paulus, "ia maļaing harusë makaratingu Roma." ²² Tangu i sie nëndolohu ruangkatau wou tumatimbange ku kai naung i Timotius

dëduan Erastus mëdeau makoa solong Makedonia, tëntalangbe ia mëtëtana sêngkatempo su propinsing Asia.

²³ Luhudu su tempo ene kai pia ganoha masaria nariadi su Efesus, ualingu pënanëntiro mëbëbëkeng kakakoau Mawu Yesus. ²⁴ Batuu su soa ene kai pia sêngkatau tukang salaka arenge i Demetrius ku mëkëko tuлада salaka rarodo, tuładang pangkunganu mahan duata wawine i Artemis. Hambaku tau ene kai makonggo u asëkine masaria su manga mëlahalë e. ²⁵ Ualingu ene tangu i sie nënampungke manga mëlahalë e ringangkewelain manga mëlahalë u tukang salaka waline, ku bou ene nëbera, "Manga anau sëmbau! I kame ne masingka u i kite e kai makahombang asëkine wou munara ini e. ²⁶ Ku ini e i kame ne seng nakasilö e ringangu nakaringihë hala apang ku niko i Paulusëe. I sie nëbera u manga mahan duata ku nung seng niko u taumata e mambeng balinewe ruata. Dingangu i sie seng nakakariadin taumata lawo e mangimang u tëntirone balinewe këtaeng sini su Efesus, kaiso kawe maraning mapëpidu kasëllahu wanuag Asia e lai.

²⁷ Makagënggang ute kai madingu munarang kite ini e kawe makahombang areng mawuhu. Dingangu walinewe këtau ene, kaiso pangkunganu ruata wawine i Artemis malaing sarung koateng ta mangalene, ringangu kawawantuge sarung ralindaeng; sumbaliau i sie kai ruata wawine ku dëdaloeng u patiku taumata su Asia, ringangu su kasëllahu dunia!"

²⁸ Kerene sarangke kalawou taumata e nakaringihë ene naung i sire e nëngkatëti, ku bou e i sire nëmpamansagë u, "Biahë i Artemis, ruatan tau Efesus!"

²⁹ Tangu ghanoha ene mëngkatewe namëpidë sêngkasoang. Bou ene ghapaengu mëgaghohaeng e mëngkatewe nëmpaname si Gaius dëduan Aristarkhus, tau Makedonia e dumararingang si Paulus su raralengang e, bou ene nëhiud'i sire solong stadiongu soa e. ³⁰ I Paulus mapulu sumuë mëtëngkalau dingang i sire, kaiso apang mëmpangimang su Mawu Yesus sene e nëmpësëding i sie. ³¹ Pirangkatau mapapangkatu propinsing Asia e apang mëmpëdëdalahapi i Paulus, nangoro lai su taumata pëlëhabarë si Paulus tadeau i sie kumbahang lai mëtëngkatode u wa-

tangenge su stadion ene. ³²Ene apaeweng taumata mēmpēkēkomolē su stadion ene kawe seng naung nēmpēkaḷimbuhung. Pia e seng mēmpēmēmansagē kere ini, piabe lain mēmpēbēbansagē kerene, u kaḷawokang e wou i sire e wēga wue mēnsang kawe unue i sire nēmpētampung sene.

³³Sēngga bou i sire ene mēnēnika u kai i Aleksander nakoḷ puēngu sitori, batu kai i sie nisuhudu tau Yahudi soḷong tēngone. Tangu i Aleksander nēnidaeng limane makionggō u loahe reng mauḷi u hinone su tēngon taumata ḷawō e. ³⁴Kai kerene i sire nakasilō e u i sie kai tau Yahudi, tangu sēngkahindō e nēmpaman-sagē maiḷa-ihā angkuēng: "Biahē i Artemis, ruatan tau Efesus!"

³⁵Nadehō katewe durutulisu soa e nakakaḷēda naungu taumata ḷawō e. I sie nēbera, "E i kamene tau Efesus! Patiku taumata e masingka u kai soan Efesus nakoḷ soa pēpapaduliangu pangkunang u ruata i Artemis dingangu watu susi ku maḷētung bou ḷangi e. ³⁶Taweu sarang sēngkatau makakarendehu ḷalē ene. Uaḷingu ene tangu

pakaḷenehē bue, ringangu kumbahang mēkoḷ apa ku tawē suna e. ³⁷I sire ini e niwawang kame-ne soḷong ini e waḷinewe uaḷingu i sire kai seng nēhampasē pangkunang u mahang duata arau kai uaḷingu i sire seng nēhinakang duatang kite. ³⁸Kereu i Demetrius dingangu manga mēlaḷē e pia pangaduhang e su pēsēngkatau e, ute waḷa e kere i sire apēbawa perekarang sire su pēgaghaghutaēng. Pēgaghaghutaēng e kaḷawuka wue waugu ene ringangu manga mapapangkatu tēmbonangu kawanua e sēntinia mang ene. ³⁹Kai kamageng u bēdang ḷai pia apa-apa waḷine ku ilēnning i kamene, ute ene e harusē pakasuewe pahumbisarang kamene su pēdararudatong ḷawō e tuḷewe raḷenge. ⁴⁰Batu apang ku nariadi su sahēllo ini e kiwua u kai makasilaka si kite. I kite botonge itoke mēkēkoḷ pēgaghohaeng, uaḷingu i kite e tawē apa sarang manga pungene kadidi-didi baugu mapakasēgadu hinong pēgaghaghohaeng ini e." ⁴¹Bouten namoka u kēbi ene durutulisu soa e rimolohu taumata ḷawō e pinakapule.

I Paulus nakoꝝ soꝛong Makedonia ringangu Yunani

20 Sarangke pëgaghaghongga su Efesus e nalëda e kapia, i Paulus e nënampungken jamaatë e ku deng nëgëlli u sasasa si sire. Bõu ene i sie nëkataeng sire ku nëberan sala-matëbe matëntang, mase nanëpa-seng daraleng e sarang Makedonia. ²I sie namëpidë kaꝛuwau wanuan Makedonia ku seng nëmaꝛiansang u sasasa lawo su taumata apang maꝛgimang su Mawu Yesus su tampa ene. Bõu ene i sie nakoꝝ soꝛong Yunani. ³Tëllu wulang karëngue i sie nëtana sene. Tangu pia i sie kapësasadiane mëmundalë soꝛong Siria e, piako habarë u tau Yahu-di e sengkahaung mëmate si sie. Ualingu ene tangu i sie nëmutusu mëdeau mësulë ku ilëngangu Makedonia. ⁴I Sopater ana i Pirus bõu Berea nëdingang i sie; kerene lai i Aristarkhus dëduan Sekundus tau Tesalonika, ringangu i Gayus tau Derbe. Kerene lai i Timotius, i Tikhikus dingang i Trofimus, tau wou propinsing Asia. ⁵I sire nëngalimona si kami ku bõu ene nëngampalë si kami su Troas. ⁶Napaꝛuseng Pëmamantugu Ëllon Borotë Ta-
^P janela = jendela

we Kabo e, i kami nëmundalë ku nanëntangken soan Filipi. Lima ëllo tuhu e i kami nëtampung kapia ringang i sire su Troas. Sene i kami e nëtana sëngkamisa karëngu e.

Pëtatiwon Paulus pëngënsueënge su Troas

⁷Su hëbing ëllo misa e i kami nëtampung mëdeau kumaëng sëngkakaëng kerëwe ka-kaëngu ana sëmbau e. I Paulus kai mëdëdarudato ringangu taumata, watu sëngkarioëllone i sie kai pia karakine mëbua. Sarang këkaꝛoarane i Paulus mëngkate mëbëbisara. ⁸Suralungu kamarë su wowone rasi tampaeng kami mëtampung e, mëngkai natimu soꝛone. ⁹Ene kai pia sëngkatau umbaseng arenge i Eutikhus maꝛiangke su tobangeng.^P Ualingu i Paulus tawë ëdunge mëbisara tangu, i anu umbaseng ene kinahuntikilangke marasai hakü i sie kinalë nabengke su tobangeng ene, bõu e wëgaweng kinanawoënge rasi bõu katëllu hawenge. Tangu pia e i sire nëhengke si sie, kutëu sëngkakakëllane i sie kai seng nate. ¹⁰Arawe i Paulus e tanae e limintu, ku dimarëmma su tau

umbaseng ene e, ku nilahëkutang e. I Paulus nëbera angkuëng, "Abe ghënggang u i sie wëdawang biahë!" ¹¹Bou ene i Paulus saüewe naawi solong bowone, bou ene nëmahiæng borotë dingangu kimaëng sëngkakaëng. Saraeng seng marëngu maḥumbisara ringangu taumata ene sarang maḥukadë tangu, i Paulus e nëbua e. ¹²Taumata e mëngkatewe nëmaringang napule su tau umbaseng ene solong baḥene. I sire mëngkatewe nakapëndang u maḥuasë dingangu mahiborë.

Bou Troas sarang Miletus

¹³I kami e nakoḥ e solong kapalë ku nëbua e nëngalimona solong Asos, mëdeḥu mënenso-mahë si Paulus ku mapasakeng sie su kapalë e sene. I sie seng nëngatorë kerene ualingu i sie kai makoḥ solong tampa ene mëdeḥu dalëngu lumëngang. ¹⁴Saraeng nësombang su Asos, i Paulus mëngkatewe ligha simake kapalë ku bou ene i kami nëbua solong Metilene. ¹⁵Bou pai ene, i kami e nëbua kapia ku sëngkariöëllone nahumpa u tampa ku mëttëtëngong Khios. Sëngkakarumahing e i kami e nahumpaeng Samos ku naliuën sëhëllö e tangu nahumpaen Miletus. ¹⁶I Paulus

kai nëmutusë u tawe motong su Efesus, tadeḥu kumbahangbe mëgaghölö u tempo e su wanuan Asia. Ku i sie kai mëšësasahawu sëngapang botonge makoḥ solong Yerusalem su ëllon pëmaman-tug'u ʔëntakosta.

I Paulus nëberaeng pëkakata su Efesus

¹⁷Bou Miletus i Paulus nëndingö u habarë solong Efesus mëgëgausë apang pangaha u jamaatë sene e pënënsomahë si sie. ¹⁸Ene pia e i sire nasongö e i Paulus e nëbera e si sire, "Manga anḥu sëmbau masingka u kereapa ia nëbëbiahë tempo ini sutalorang kamene nanëta bou ëllö humotonge ia nasongö su Asia. ¹⁹Dingangu kasasana u naung, ore lai ringangu tatëdö u ëllon mata maḥawö e ia mëmunara waugu Mawu suralungu pëtatoḥa u sasaluḥa këkahombangengku e ualingu kai pia kapulu raḥaki bou tau Yahudi. ²⁰I kamene masingka u ia e sembeng tawe mëndalëmping sarang kadidi-didi mauḥi si kamene apang pia gunane si kamene. Ia manëntiro si kamene walaewe su komolungu taumata lawö dingangu su apang baḥe. ²¹Baewe su taumatan Yahudi arau lai su wansa waline ia

mëngkate sëntiniã mąngarëkilë⁹ si sire tadeau apëtëtohatë bou kalawou rosan sire ku apakakoã solong anun Mawu Ruata, ringangu apangimang su Mawu Yesus. ²² Ku tangu mëdeau makatuhube laorong Rohkë Susi e, ute ia e makoako solong Yerusalem. Ku ia e wëga wue mënsang apa e sarung mariadi si sia pai sene. ²³ Ia e këtąengbeng masingka u su apan soa e, Rohkë e manahuntëngadë si sia, u ia e sarung sumuë su tahungku dingangu sarung masigësa. ²⁴ Arawe ia e tawe mëndarekeng u pëbawiahëku ini e, sëmbali kate ia e makauadipëbe munaraku e naung seng nilëngkang u Mawu Yesus si sia e ringangu sëmbali kate ia e masatia sarang pëngënsueëngu pëbawiahëku e waugu mëhabaru Injilë e maanun kakëndagu Mawu Ruata.

²⁵ Ia seng bou nëtiwo si kamene anau sëmbau dingangu selaing bou nëhabaru maanun kereapa Mawu Ruata e mëparenta kere sengkatau Ratu. Ku ini tangu ia mëpëpëndang u selaing tawe sau makapësombang i kamene manga anau sëmbau. ²⁶ Ualingu ene hatede ia e mëbera

si kamene u kamageng u pia u sutaloarang kamene ku sarung mawihua e,^{*} ene walinewe salaku. ²⁷ Ia e tawe timëtalang bou halëku e manualagu patiku karkin Duata e si kamene. ²⁸ Ku i kamene pëndiagabeng batangeng i kamene hala e ringangu lukarewe këbi dalohon jamaatë e ku seng pinamëllokang u Rohkë Susi e si kamene mëdeau pakilukade; u i kamene kai seng bou nirui nakoã mënanahimata jamaatë e. Ku i kamene e pëmpëlukadëbe jamaat'u Mawu e mësulungu sengkatau lukadë mëlëlukadë dombane, batu Mawu e kai seng napakariadin jamaatë e tataghuaneng'E tutune ualingu kapapohongu Ahus'E tutune. ²⁹ Su palusëku e nalahë u sarung dëntaëng u manga sarigala wawaliai sutaloarang kamene. Ku i sire apan dëdiagateng i kamene e sarung makoã kinaëngu manga sarigala ene. ³⁰ Saralaing bou taloarang kamene hala e sarung pia u masalinsawu mëhabaru habarë tawë katëngade. I sire mëkëkoã kerene tadeau apan tau mata ku seng mąngimang su Mawu Yesus e mipalidë ku bou e tu-

⁹ mëgëgëllë u ingate = memberi peringatan
20:24: 2Tim. 4:7

^{*} mawinasa = binasa

moḷe si sire. ³¹ Uaḷingu ene tangu pakaraḷukadē bue! Pētahēndung u kai tēllu taung karēngu e, ringangu kaṣangi e hanesē, ēllo hēbi e tawē ēdone ia manēntiro su sēngkatau-sēngkatau e wou i kamene.

³² Ku ini e ia mēnarakang i kamene su Mawu Ruata tadeḷu i Sie mēhiking si kamene ringangu tadeḷu i kamene mēngumpaedē bue su habaru kakēndagu Mawu Ruata. Mawu Ruata e kai kawsa waugu manoghasē si kamene ringangu mēngonggo u kaḷawou aḷamatē si kamene ku seng niḍariahin'E waugu patiku umat'E. ³³ Ia e tawe lumaēnning⁸ u roitē arau pakeang su sarang sēngkatau. ³⁴ I kamene hala e masingka u kai uaḷingu liaghang gatiku ia mēsēsaliḿaē mēnukuwewe pandunganku ringangkewen manga hapiku apan nēmpētoḷe ringanku. ³⁵ Suraḷungu patiku munara e ia seng nēngonggo u sansahē⁴ si kamene u kahian pētātēngkasaghedē kere ini e i kite e hinong mētulung u apan seng bou nipēhengetang u Mawu Yesus, 'Limembong makariangkamang e mēngonggo, suḷungu mēnarima e.'"

³⁶ Ene sarāeng i Paulus nasuēn bisarane tangu i sie nēmulaḅgengke ringang i sire kēbi e ku nēkaḷiomaneng. ³⁷ Tangu i sire kēbi e mēngkatete nahunsangi kaḷahēku e si Paulus dingangu kapēbēberane saḷamatēbe rumalaḅg. ³⁸ Nēngalēmbōewe makasusa si sire e uaḷingu i Paulus nēbera u i sire e sembeng ta sau makasilo si sie. Bou e i sire nēmpangētuden sie soḷong kapalē.

I Paulus nakoḷa soḷong Yerusalem

21 I kami e nēkata u pangaha u jamaatē bou Efesus e, bou ene nanēntang i sire. Bou e i kami nēbuḷa e natēpasu toadu Kos; ku sēngkariōellone i kami nahumpa e su tahanusang Rodos. Bou tampa ene tangu i kami e nēmundaḷe soḷong pēmamaḷangoēngu Patara. ² Su Patara e i kami nēsombangkeng kapalē mētētmona Fenisia. Tangu i kami simake e kapalē ene, mase nēbuḷa e, ³ ku nēsakaeng sarang i kami e nakasilo e tahanusang Siprus su kaihing kami; kai arawe i kami e mang kapēsēsakaenge mētētmona Siria.

⁸ nalon = menginginkan ⁴ kakakēllaēng = contoh, teladan



Soang Tirus (21:3)

I kami e nēmalango su Tirus, batu kapalē e kai pēngaungang lurange. ⁴Su tampa ene i kami tamai limuhu nētiwo apang mēmpangimang su Mawu Yesus, mase mētētanā dingang i sire ghēnnangu sēngkamisa karēngu e. Kinahiaen aha u Rohkē Susi e i sire mēnēngu si Paulus tadeau kumbahangbe tamai soḷong Yerusalem. ⁵Kai sarangke nahēpusē tempone waug'i kami e mētana sene, i kami e nanētang i sire ku nanēpasu raraleng i kami. I sire kēbi e ringangkewen manga ana dingangu kawing i sire nēnonda si kami sarang likudu soa. Pai sene, su wiwihu apeng tangu i kami

kēbi nēmulangeng ku nēkaliomaneng. ⁶Bou ene i kami e nēkata e sēmbau dingangu waline wou ene simake su kapalē, ku i sire nēmpēsulē e soḷong bale.

⁷I kami e mēngkate nēmundalē bou Tirus soḷong Ptolemis. Sene i kami e nētiwo manga ana sēmbau apang mangimang e, ku mēbēbawa e adatē si sire bou e reng nētana sēhēllo ringang i sire. ⁸Sēngkariōellone i kami e nēbua e kapia, ku nahumpaeng Kaisarea. Sene tangu i kami e reng nēsombang u mēlahabaru Injilē arenge i Filipus, ku nētana dingange su walene. I sie tangu kai sēngkatau wou taloarang si-

re pitu kinapile su Yerusalem. ⁹Ana e mahuala i sire epa seng nialamateng u kakendagu Mawu Ruata medeau mehabaru injil'u Ruata. ¹⁰Sarageng nararena e i kami e sene, narenta e sengkatau nabi arenge i Agabus bou Yudea. ¹¹I sie rimenta anung kami ku nengala papehe i Paulus. Dingangu papehe ene i sie nengiki laede ringangu limane hala, mase nebera, "Kai ini e nipauli u Rohke Susi e: Taghuang u papehe ini e sarung hapusang kereini su Yerusalem kahian tau Yahudi e, ku isarakang su waline tau Yahudi."

¹²Sarang nakaringihē ene, i kami ringangkewelaing kēbi manga ana sēmbau matana su Kaisarea e mededorong sengapang botonge si Paulus tadeau i sie kumbahang tamai solong Yerusalem. ¹³Arawe i sie kai simimbang, "Apa wue gunane i kamene mahunsangi kereini hakū mapakakondō u naungku e? Ia e seng tēbe sadia, walinewe ketau makihapusē pai sene, kaiso saralaing mate ualingu Mawu Yesus." ¹⁴I Paulus tawe mapulu rumaringihē si kami, tangu i kami e nengēdo nēseding i sie. "Balawe kapulun Mawu e kariadi," angkuēng i kami.

¹⁵Sarangke wou nētanā sengapang dengū e sene, i kami e mēngkate nēndiahing apaliwu i kami ku nēbua solong Yerusalem. ¹⁶Ku pirangkatau manga ana sēmbau bou Kaisarea nahundingang i kami medeau mēnon-dang kami solong baleng Manason, batu i kami e kai mēnguntang su walene. (I Manason e kai tau Siprus ku kai seng marēngu nakoā murit'u Mawu Yesus.)

I Paulus nētiwo si Yakobus

¹⁷Ene pia i kami narenta e su Yerusalem, manga ana u sēmbau sene nanēnsomahe si kami ku mēngkate maralahimumu. ¹⁸Sēngkariōellone i Paulus dimaleng sēngkaraleng dingang i kami nētiwo si Yakobus; ku kēbiwe apan tēmbonang u jamaatē e malaing ene sene. ¹⁹Bouten nēgelli u adatē si sire, i Paulus nēbēke si sire patiku apang kinoā u Mawu Ruata e si sie sutaloaran sire waline tau Yahudi e. ²⁰Bouten nakaringihē bēken Paulusē e, i sire kēbi mēngkatewe nēmpēdalo Mawu. Bou ene i sire nēmpēbera si Paulus, "Paulus! I kau hinong masingka u seng apa hiwune tau-matan Yahudi e nēmpangimang su Mawu Yesus. I sire kēbi e kai

masatia su torat'i Musa e. ²¹ Ku orasë ini e i sire nakaringihë u i kau kai mañentiro patiku tau Yahudi ku mañana kañunidë sutaloarang bansa waline, tadeau i sire apëmëmello u torat'i Musa. I kau e nënasa si sire tadeau i sire tawe makisunatu manga ana i sire arau mëmpësëmpï u tiahan tau Yahudi e. ²² Ku ini e i sire tau Yahudi apan seng mangimang ene seng nalahe u sarung dumaringihë u i kau e seng ene sini. Ku kereapa e tangu? ²³ Mapiawe tuhu tęgung kami. Kai pia epa u katau sini ku seng bou nekëdo su Mawu. ²⁴ Ku i kau e pëmaringanke si sire panusi watangengu e ringang i sire ku talungko wawaeh'i sire mëdeau makikuļu u uta i sire. Maeng kereene sarung lumëta su këbi taumata u apang kinaringih'i sire mañanun kau e, walineuwe hinone, ualingu i kau sësanu mañaling mëşësëmpï u torat'i Musa e. ²⁵ Kai arawe i sire apang baline tau Yahudi e ku seng nangimang su Mawu Yesus, seng bou nisurateng i kami mañanun putusang i kami u i sire apëtëtëghang u kumaëng kaëng ku naung seng bou nisëmba su mahang duata, apëtëtëlling

u kumina binatang pia dahane arau kumina gësing binatang ku nate nikelo; dingangu apëtëtëghang u kakanoa u pësasundalë.”

²⁶ Tangu i Paulus dimalengke ringang i sire epa u katau ene, ku bou ene i sire nëmpëtëngkasusien batangeng i sire sëngkahindo su sëngkariöellone. Bou ene i sire nahunsuë su Walem Mawu mëdeau mëhabaru kate lai pira ello halë u pananusi e maghanapë e ringangu sasëmban sire sëngkatau-sëngkatau e isarakang.

I Paulus nisamë suralungu Walem Mawu

²⁷ Ene pia e poëngu pitu ello e seng marani e mapaghohë, tangu pia manga pirangkatau taumatan Yahudi wou Asia e nakasilo si Paulus suralungu Walem Mawu. Bou ene i sire nënahowongke taumata lawo e, bou ene nëmpëhëgo si Paulus. ²⁸ Kapëmëmansage, "E tau Israel, tulungko! Seng ini e taumatane ku dudaleng suapan tampa kapanëntirone su patiku taumata e, mañëntiron haghing dalawang su tau Israel, rudoka torat'i Musa e ringangu rudoka Walem Mawu ini e. Kuteu

relaingko mēmēmaringang i sire waline tau Yahudi e apasuē suraḷungu Waleḿ Mawu e ku mapakaḍalaki u tampa susi ini e!" (29 I sire nēmpēbera kerene watu u i sire seng nakasilo si Trofimus tau Efesus ene e su soa ringang i Paulus; ku i sire nēngenna u kai i Paulus napasuē u tau ene suraḷungu Waleḿ Mawu.)

30 Ene kasellahu soa sēmbau e mēngkatewe nēganoha ku kēbi taumata e nēmpēkaliwo-woēngke mēdeau mētampung. I sire nēmpename si Paulus dingangu nēhiud'i sie soḷong likudu Waleḿ Mawu e. Ku su tempo ene lai tukadu Waleḿ Mawu nihēping. 31 Pia i sire manga mēnggaghohaeng e mēdeau u mēmate si Paulus, taumata e nēhabarēko su komēndang^u u mēsasekē bou Roma u kaguwau Yerusalem e kapēgēganoha e. 32 Tangu komēndang ene mēngkatewe nēmaringang manga perwira e ringangu soldado manga pirangkatau ku masahawu-sahawu nahuntalang dingang i sire soḷong tampa u ghanoha ene. Su tempon taumata lawo e nakasilo komēndang ene ringangu manga soldadone, tangu i sire

nēmpangēdo e namēbahē si Paulus. 33 Komēndang ene mēngkatewe himaung si Paulus, ku nisame e, ringangu nangoro taumata pinēhapusē si sie. Bou ene komēndang ene nakiwalō mēnsang kai i sai i Paulusē e ringangu kai apa e nikakoā e. 34 Sēmbahageang bou taumata lawo e simimbang u kereini ku sēmbahageang kewe lai simimbangu kerene. Kakakoā kerene ute kai kalēmboghang hakū komēndaēng e tawe makakasingka u kai apa e naung seng nariadi e. Uaḷingu ene tangu i sie nēngoro tadeau i Paulus pakisuē suraḷungu markasē." 35 Pia i sire nēngaha i sie soḷong tumbaḷatung e, manga mēnggaghanoḥa e tangu mēngkatewe nēmpēnggaghohaeng tawē sihinge hakieweng i Paulusē e katewe pinētatimbangengu manga prajuritē e. 36 I sire e tētoleēngu wuntuangu mēnggaghohaeng e ku mēmpēmēmansagē u, "Patē e i sie!"

I Paulus mētētahutēnda u watangenge

37 Kerene sumuē e suraḷungu markasē e, i Paulus nēbera su

^u suraḷungu wakudē = markas ^v suraḷungu wakudē = markas

komëndang ene, "Botonge ia deng makapëdudaton Tuang kadodo tempo?"

"I kau makaberangbeng Yunani tangu?" angkuëng u komëndang ene. ³⁸"Kamageng kerene, i kau walineuwe tau Misirë nangun kangere nëkoə go haeng ku bou ene napatalang u ëpa u hiwu sukataune mënggaghohaeng pia aghide simuë solong banua linggi?"

³⁹I Paulus simimbang, "Ia e kai tau Yahudi, tumanau soan Tarsus, soa timeleng su Kilikia. Tulungko ghëlire loahe ia mëbisara ringang."

⁴⁰Tangu sarəng i Paulus nighëlirang u loahe nëbisara, i Paulus dimarisi e su tukadë, ku nënida ringangu limane. Këbi taumata e nëngkarëmmasë. Bou ene i Paulus nëbisara si sire su werang Ibrani. I Paulus nëbera,

22 "Manga ghaghurang esë dingangu manga anau sëmbauku ikëkëndagë e patiku! Ia e mauji u hinoku e si kamene. Kënganko raringihë!" ²Pia i sire nakaringihë si Paulus mëbëbera su werang Ibrani e, saunengke lai nëtëngkarëmmasë i sire. Tangu i Paulus nanëpaseng tatalage. ³"Ia e kai tau Yahudi," angkuëng

i Paulus, "ia e kai pinëhënding su Tarsus su wanuan Kilikia. kaiso ia e niapakasaria sini su Yerusalem, ku kai nitëntiroëng pinakiuwuhë kahian mananëntiro gëguwa i Gamaliel su halë u tumuhu torat'i Musa e su manga i upung i kite e. Mësulungkewelai manga anau u sëmbau patiku e sini su sahëlo ini, ia e maiaing makëhagë baugu Mawu e. ⁴Ia e mëngkai mëtëtingkai patiku apan tutole tëntiro wuhu ene. I sire këbi e baë esë arau waëbe lai wawine e taku sësamekang mase taku sësuëkang suralungu tahungku. ⁵Imang marangë hāla e, ringangu këbiëwe apang Mënggaghuta Agama e makasahidi u ia e tawe mëkankonti. Batu kai seng i sire ene wou nëngonggo u suratë sia baug'i sire tau Yahudi su Damsyik. Ualingu suratë ene tangu ia niapakawala mëname apan taumata mangimang su tëntiro ene e su tampa ene ringangu mëbawawe lai si sire solong Yerusalem mëdeau pahangeng."

I Paulus nëbëkeng ëba e

(MMR. 9:1-19, 26:12-18)

⁶"Pia e ia kadalenge ku maranieng Damsyik, natarang-

ke ěllo maļętu e, sęngkianu e pią tualagę masaria natuahę bõu langi nęliwung si sią. ⁷Ene ia męngkatewe nawatang su ěntana, bõu e ia nakaringihę pią tingihę nębera; si sią, 'Saulus, Saulus! Kawe unęe i kau maņumbiagę si sia?' ⁸Mase ia e nakiwalõ, 'Kai i sai i kau e Tuang?' 'Ia e kai i Yesus tau Nazaret tętumbiagengu,' angkuęnge. ⁹Taumata apaeweng ene sene ringangku e nakasilo tualagę ene, kaiso i sire tawe nakaringihę tingihę mębębisarang ia e. ¹⁰Mase ia nakiwalõ kapia, 'Ia e kai hinong makoa e apa Mawu?' Mawu e simimbang, 'Pębangungke ku suęko su Damsyik. Ku sene i kau e sarung paulikangu kapulun Duata e pakikoą si kau.' ¹¹Ia e kai nawuta ualingu tualagę nakalangı ene. Tangu manga hapıku e nęngaha u ia e simuę su Damsyik.

¹²Tangu sene kai pią sęngkatau arenge i Ananias. I sie kai sęngkatau taumata maagama ringangu matuhı-tuhı su manga torat'i Musa. Kębi tau Yahudi apang męmpętętana su Damsyikę e męngkate maadatę kahęngang si sie. ¹³I sie kai rimęnta rimalinge si sią, ku dimarisi su sęndihangku apidu nębera, 'Saulus, anaı sęmbauku, saıko

pęmanda pakapia!' Su tempo ene lai ia nęhengke u ghatiku, wõu ene nęmanda si sie. ¹⁴Bõu ene i sie nębera si sią, 'Duata naung paņamawang i upung i kite e seng nęmile si kau tadeau i kau makakasingka u kapulun'E, ringangu makasilo si Yesus, ěllangu Ruata ku mękękoą kapulun Duata e mase ruđaringihębe tingihu Mawu Yesus sęsane. ¹⁵I kau e sarung makoa sahidi wau-gu męhabaru patiku apan seng kinasilonu ringangu kinaringihu su patiku taumata e. ¹⁶Ku tawahaıuası lai mahędo maręngudęgu. Pębangungke, ku pakisahaningkong batangengu. Pękuiko arengu Mawu e tadeau i kau e maıwirę bõu rosanu e.'"

**Mawu Ruata e rimoloh'i
Paulus pęnęnasę si sire
wansa waline tau Yahudi e**

¹⁷"Ia e nęsule soıong Yerusalem, ku pią ia kapękękaliomanenge su Walem Mawu, ia e kai nikanoakeng u Rohkę Susi. ¹⁸Ia nakasilo Mawu; ku i Sie nęhengetang si sią, 'Lighako pakasahawu pęnętangu Yerusalem, batuu i sire sini e tawe karaıuase męmpęnarima u sasa-hidinu e maņanun Ia.' ¹⁹Ia kai nębera, 'Mawu, i sire masingka-

singka u ia seng bou simuë su manga waleng pëkakalioma-nengang mëdeau mëname dingangu mëmëbahë si sire apang mëmpangimang si Kau e. ²⁰ Kerene lai su tempon sahidinu i Stefanus nipate, ia sësaku e maiaing ene sene, ringangu kapuluku kerene. Hakiu kawe ia e mëlëhapa pakeang i sai-saing nëmate si sie.' ²¹ Kaiso Mawu e maiaing nëbera si sia, 'Dako e, watu ia kai sarung mëndoloh'i kau kakoa solong tanpa marau anun sire apang baline tau Yahudi e.'"

²² Taumata e mang deng dudaringihë si Paulus mahumbisara e, katewe su pëngënsueëngu wawerane e, i sire kawe nëmpëheang sëngapang botonge kaiha e, "Mëngkate pate taumata kerene. I sie tawe hinone ipëbiahë!" ²³ Apidu kapëlëheange maiha-ihä, i sire nëmpëngalipe e kakingkaeng i sire, ringangu mapakatontongu awulë su winangaeng. ²⁴ Tangu komëngangu wuntuang u Roma e nangoro e tadeau i Paulus pakisuë e su walori^w mëdeau i sie sësuiang dingangu kagesere mëdeau makasingka u kawe unue tau Yahudi e kawe mëmpëbëbuheang kerene

si sie. ²⁵ Kai su tempong i Paulus bouten nilaiki baugu pakilimadë e, i Paulus kai nëbera su perwira ku naung dudarisi sene, "Botonge ngae mëndalimadë sëngkatau kawanuan Roma e ku bëdang tawe nisësësuiang?"

²⁶ Nakaringihë ene, tangu perwira ene, nakoä solong anun komëndangu wuntuange ku nëbera, "Ku seng ini e sarung koateng i Tuang? Tau ini e kai kawanuan Roma!"

²⁷ Tangu komëndang ene nakoä e solong anun Paulus dingangu nakiwalö, "Kënancko pauli, mënsangbe kawanuan Roma i kau e!"

"Ore" angkuëng i Paulus, "ia e kawanuan Roma." ²⁸ Komëndang ene saüewe nëbera, "Ia e nakoä kawanuan Roma, ualingu mëmëmaehëbe pakë tawë sihinge kalawoë!"

I Paulus simimbang, "Arawe ia e pinëhanabe kere anau wanuang Roma e." ²⁹ Tangu orasë ene lai manga soldado apangkewe mapulu mënanë sui si Paulusë e nëmpësohö dingangu komëndang ene maiaing nataku batu i sie kawe seng nëhapus'i Paulusë e,

^w wukudë = markas

sēmbalıau i Paulus kawē anau wanuan Roma.

I Paulus su tēngon Pēnggaghutaēngu Agama

³⁰ Komēndangu wuntuang bou Roma e mapulu-pulu makakasingka u mēnsang kawē unue hakiu tau Yahudi e mēngēnsilu sała si Paulus. Ualingu ene tangu sēngkariōellone i sie nēkui manga imang tēmbonang e ringangu manga Mēnggaghuta Agama e niapēkomolē. Bou ene i Paulus e nilukane wou wēntunge, mase pinakiwawane niapararisi su tēngon sire kēbi.

23 Ene i Paulus nēmandā e si sire mēnggaghaghuta e ku nēbera, "Manga anau sēmbau ku! Sarang sahēllo ini e ia tawē nakapēndangu mamben tawē salaku su tēngon Duata suralungu naungku maanun pēbawiahēku." ² Pia i Paulus nēbera kerene, imang mawantugē i Ananias nēndolohu taumata ku dudarisi su sēmbēkang Paulus pinēmeru mohong i Paulus. ³ Tangu i Paulus nēbera e su imang marangē ene, "Mawu Ruata e sarung mēmeru si kau, taumata kontiang ku mēmēmēlle susi! I

kau kukaiang sene mēlēhukung u ia tutuhu torat'i Musa, kutēu kawē i kau sēsanu lułampa toratē e, ku mēngēngoro taumata tadeau apēmēmeru si sia!"

⁴ Taumata apang su sēmbēkang Paulusē e nēbera si Paulus, "I kau mēngkai kasamede imang u Ruata Mawantugē!" ⁵ I Paulus simimbang, "O, ia e wēga, manga anau sēmbau, u i sie kawē imang marangē. Kahēngang bue suralungu Bukē Susi e pia kabawohē, 'Kumbahang i kau mēngkai manamedē tēmbonang u wansanu e.'" ⁶ I Paulus nakasilo u sēmbahageang bou manga mēnggaghaghuta e kai wou i sire tau Saduki ringangu sēmbahageangkewe lai waline ute kai i sire wou taumatang Farisi. Ualingu ene i sie nēbera su mēnggaghuta e, "Manga ana u sēmbau! Ia e kai tau Farisi, hēnton Farisi. Ia e nilahukung sini ualingu ia mangimang u taumata apan seng nate e sarungbe mēbiahē kapia." ⁷ Sarang i sie nēbera kerene, tau Farisi ringangu tau Saduki e nanēta e nēdarendehē, hakiu komolang ene napahia duang kamonaēng. (⁸ Batu unguēng u

tau Yahudi e, taumata nate e seng tawe saꝝ mēbiahē kapia, dingangu tawē apa maļækatē e, ringangkewe lai manga rohkē e tawe apa; arawe tau Farisi e maꝝimang u sarungbe piā kēbi tamai ene.) ⁹Tangu nēganoha e marehe. Pirangkatau taumatang Farisi e nakoꝝ mananēntiro agama e nēmpēdarisiꝝ ku dudoka kahēnga-hēngang. Angkuēng i sire: "Tumuhꝝ kasingka i kami e, tau ēndai e tawē saļane sarang kadidi-didi! Aramanung mamben tēngadē piābe rohkē arau maļækatē e ku mēbēbisaran sie!"

¹⁰ Pēdararendehē ene nakoꝝ e keren kasēllahe hakꝝu komēndang e nataku kibasiņe u i Paulus kai sarung pētataliwungang i sire pateēng. Ku i sie nēndolohu wuntuangu soldado e pinēngala si Paulus wou taļoaran sire e ringangu pinēbawa si sie soļong markasē.

¹¹ Su hēbi tuhꝝ e Mawu Yesus dimarisiꝝ su sēndihang i Paulus ku nēbera u, "Pakatarima bue naungu e! I kau e seng nēsahidin Ia e su Yerusalem. I kau e hēdon sarung mēsahidin ene lai su Roma."

Galipohong mēmamate si Paulus

¹² Sēngkariōellone maļuka-ļukadē tau Yahudi e nanēta e nēmpēngindore. I sire nēmpēsalu tawe kumaēng dingangu tawe manginung, kereu i sire tanakapate si Paulus. ¹³ Piā kaļimam puļone su kataune taumata e nēmpēngindore. ¹⁴ I sire nēngkakoꝝ soļong anung manga imang tēmbonange ringangu manga tēmbonang u tau Yahudi apidu nēbera, "I kami e seng nēsalu sēngkapēsalu u tawe kumaēng dingangu tawe manginung apa-apa kereu tawe nakapate si Paulus. ¹⁵ Ho, ini e manga ana u sēmbau dingangkewen manga mēnggaghuta e mapiawe nēmpēdingo u suratē su apang komēndangu wuntuang bou Roma e ku pēdorong si sie pēbawa si Paulus kapia pētēngong kame-ne, tabidaꝝ i kamene mapulu saꝝ mananēsui perkarane pakaunsu-unsui. Ku i kami e seng sadia waugu mēmate si sie tēntaļang ta naļumpa u ini."

¹⁶ Arawe ana wawineng Paulusē e nakaringihē niusu kin-

doreḡ ene. Tangu i sie nakoḡ e soḡong markasḡ e ku nḡhabaru halḡ ene si Paulus. ¹⁷I Paulus mase nḡkuḡ e sḡngkatau pḡrwira ku nḡbera si sie, "Paringangko umbaseng ini e soḡong anung komḡndang; batuḡ i sie kai mapulu piḡ u ipaulḡ e si sie."

¹⁸Perwira ene nḡmaringangke rariḡ umbaseng ene soḡong anung komḡndang ku nḡbera angkuḡng, "Paulus, taumatang hukumang ene, nḡkuḡ si siḡ, ku nḡdorong si siḡ tadeḡu pḡmḡmaringang rariḡ umbaseng ini e soḡong anung Tuang; u kai piḡ u hinong taku ihabarḡ."

¹⁹Komḡndang ene nḡngumbleḡ e ḡimang dariḡ umbaseng ene ku nipakaghea soḡong sḡndihang e ku pinakiwaḡoḡng, "Kai maulḡ u apa si siḡ i kau e?"

²⁰Dariḡ umbaseng e simimbang u, "Tau Yahudi e seng sḡngkapḡgaghilḡ u mḡdorong takadeḡu i Tuang pḡbawa si Paulus apḡtḡngon Mḡnggaghaghuta Agama e riḡllo, mḡsulungu i sire mapulu saḡ mḡnḡsui perkarane pakaunsu-unsui. ²¹Kai kumbahangbe i Tuang mahimang dorong i sire, batuḡ kai piḡ kalimam puḡone su kataune taumata kapḡkḡkḡmbunine mḡdeḡu mḡhḡḡa si sie suraḡeng. I sire kḡbi

e seng nḡmpḡsalu tawe kumaḡng dingangu tawe manginung kereu i sire tawe nakapate si Paulus. Ku ini e i sire sembeng sadia; ku kate mḡngḡngampalḡ sasimbang i Tuang samatang." ²²Komḡndang ene nḡbera, "Kumbahang mḡhabarḡ si sai-sai, u i kau kawe seng nauḡ u ini e si siḡ." Bḡu ene i sire nḡndolohu rariḡ umbaseng ene pinakapuḡ.

I Paulus nipakitonda su anun Feliks

²³Bḡu e komḡndang ene nḡkuḡ e pḡrwira ruangkatau, mase i sie nḡbera si sire, "Diahiko soldado rua hasu sukataune ringangu tḡntara susake kawalo e pitum puḡo sukataune, dingangu tḡntara piḡ daleange rua hasu sukataune ku apḡbua lai soḡong Kaisarea mḡntḡhang hḡbi pukuḡḡ sio. ²⁴Diahieko lai kawalone i Paulus pakisakei, ku tondako i sie sarang mahumpau anun gubernurḡ i Feliks ku tawebe kurange apa." ²⁵Mase komḡndang ene nḡmoḡe u suratḡ bawerane kereini,

²⁶"Su mawu gubernurḡ i Feliks lḡadateng, tabeḡ bo'i Kladius Lisias! ²⁷Tau ini e seng niḡsasameḡ u tau Yahudi ku seng masaraḡ pateḡng i sire kai manga

ia tawe rimēnta ringangu wuntuang u tēntaraku e ku nēngambang si sie; batu ia kai nakaringihē u i sie kai anaṅu kawanuang Roma. ²⁸ Uaṅingu ia kai mapulu masingka u kai apa ngae saṅane ku ilēnsil'i sire si sie, mēdeṅu taku iwa-wa soṅlong Pēnggaghutaēngu Agamang sire. ²⁹ Kuteu i sie naung tawe nēkoṅbe apa-apa ku i sie hinong sigēsakengu papate arau itahungku. Laēnsil'i sire si sie kēṅabeng uaṅingu piṅ kalahēmpukange ringangu toratu agamang sire hala e. ³⁰ Bōu ene ia nipaulikangu kai piṅ karaki raṅakisē bōu tau Yahudi e si sie. Hakiu sauneng taku pinakiēntudē i sie su anun tuang gubernurē. Ku ia e seng dimolohu apan nēmpēngēnsil'i sie apēbēbawa pangaduhang i sire e maṅanuewen sie si Tuang."

³¹ Tangu manga tēntara e nēmpēkaradiahangke munarang sire. I sire e nēmpēngala e si Paulus ku nēmpēbawa si sie hēbi ene lai soṅlong Antipatris. ³² Sēngkariōellone i sire napakawalan buntuangu sumasake kawalo nēnēpasu raraleng dingang i Paulus, ku i sire hala e nēbaṅi kapia soṅlong markasē. ³³ Ene wuntuangu tēntara sumasake kawalo

e nahumpa e su Kaisarea, i sire nēhabaren suratē ene su gubernurē, ku bōu ene nēnarakang i Paulus si sie. ³⁴ Saraṅg gubernurē e nasuēen basane suratē e, i sie nakiwalo si Paulus, mēnsang kai wōu apa asaṅe. Ene i sie nasingka e u i Paulusē e kai wōu Kilikia asaṅe, ³⁵ ute i sie nēbera u, "Kerene e! Ia hēdon mananēsui perkaranu, ku kamageng u i sire apan nēmpēpangaduhang i kau e seng marēnta sini." Bōu ene i sie nēngoro tadeṅu i Paulus pakiaresē suralungu walēn datu i Herodes.

I Paulus nikalakē u tau Yahudi

24 Lima ēllo tuhu e, imang marangē i Ananias ringangu manga tēmbonang u tau Yahudi e nakoṅ soṅlong Kaisarea nēdingangu sēngkatau pēngacara arenge i Tertulus. I sire nētēngon gubernurē i Feliks dingangu nēhabaru pangaduhang i sire maṅanun Paulus. ² Piṅ e i Tertulus nikuiang soṅlong tēngone, i sie nēngēnsil'i Paulus kereini,

"I tuang gubernurē lēdateng! Su ṅiman tuang, banuang kami e rembeng mēbēbiahē su pēdarame. Dingangu uaṅingken katatahuēnnang tuang, u-

te selaing maławo halę mapapia e kękoateng i paňaghupia kawauang kami. ³Kębi e mang tętarimakeng i kami ringangu tatarimakase dingangu pęngangaręga sęngapang karangę e su patikuewe tampa. ⁴Kai tadeau kumbahangbe męgagholo u tempo lawo si tuang, ute ia męlęharapę małowoko i tuang dembeng mędaringihę pangaduhang i kami e kadodo ini. ⁵I kami e nakaęba tau ini e naung kai męnggaghohaeng makasilaka. Su apan tampa i sie kai makakadęntang ganoha sutaloaran tau Yahudi ringangu i sie nako pangaha e suapang kakanoau tau Nazaret. ⁶I sie seng hakju wou lai nęnaluka napakalamuhu u Walem Mawu e, hakju nisme i kami e i sie. (I kami e kai mapulu męhukung i sie tutuhewe toratu agamang kami e. ⁷Kai-so komędang i Lisias e nanganhon sie wou limang kami, ⁸ringangu nangoro tadeau apang męmpangaduhang e pętętęngon tuang.) Kereu i tuang męnanęsui tau ini e, i tuang sęsane sarung makaringihę bo'i sie katulidę e wou patiku laęnsilę ipangęnsil'i kami e si sie." ⁹Taumatani Yahudi apan sene maļaing męmpangęnsilę dingang si Pau-

lusę e, ringangu manahuntęgadę patiku apang niweran Tertulus.

I Paulus mętętahutęnda u hinone su tęngon Feliks

¹⁰Mase gubernurę e nęnida si Paulus mędeau apębębera. Tangu i Paulus simimbang unguęng, "Ia masingka u i tuang kai seng nako hakim su wanua ini e ringangu taunge karęngu e. Hakju ene ia nakapędang maļuasę mauļu sasimbangku e su pahes'i tuang. ¹¹I tuang seng nakasęsui hala u tawe nęngalembo wou mapulo dua su ęllone naliu ia e nako solong Yerusalem ku nękaliomaneng. ¹²Dingangu tawe nikękaębakeng u tau Yahudi e ia mędędarendehi sai-sai arau napękomolu tau mata waugu pęgęnggohaeng su Walem Mawu, arau su manga kanisa arau su tampaewe sude suralungu soa. ¹³I sire maļaing tawę u makalahę u manga laęnsili sire ilęhabarę si tuang maanun ia e. ¹⁴Mambeng tęngadę ia harusębe męngaku su tęngon tuang u ia kawe męnęnęmba Ruatang i upung i kami e tutuhewe tęntirong Mawu Yesus ku angkuęng i sire kawe nęsala. Arawe ia e wędang mangimang u patiku apang maļawohę suralungu Bukę

i Musa e ringangu Bukë u manga nabi e. ¹⁵Mësulungu i sire, ia ma_laing pi_a pëlaharapëku ilëun-sandehë su Mawu Ruata u këbi taumata e sarung mëbiahë kapia wou papatene – taumata mapapia arau taumata ewe lai rarala_i! ¹⁶Hak_iu ene ia mëkëkulëte sëngapang botonge tadeau ra_lungu naungku e wurësi su têngon Mawu e ringangu wurësi su têngowe lain taumata e.

¹⁷Saraeng naung tawë di-se su Yerusalem mangæ pira taunge, ia nëba_li sene nangëntu-du roitë kakëndagë su kawanua-ku ringangu waugu mënarakangu sasëmba su Mawu Ruata. ¹⁸Su tempong ia kapëkëko_a ene, i sire nakaëba e si si_a su Wa_lem Mawu, bouten nanusi watangeng. Tawë apa taumata la_wo e ringanku, ringangu tawë apa lai ganoha sene su tempo ene. ¹⁹Këtaembeng pi_a tau Yahudi pirangkatau sene wou propinsing Asia. Kawe i sire hinong ene sini e wau-gu mëbawa pangadunang i sire si tuang, kereu i sire pi_a pangaduhang ua_lingu laënsil'i sire si si_a e. ²⁰Arau mëngkate wala i sire ini hala ma_li_u karalakiku apaeweng kinasilon sire, su tempon ia e mapëtëngon Mënggaghuta

Agama e. ²¹Kinaëbakeng i sire këtabeng bawera sëmpëdi ini, ku pinëbera su têngon sire u: Ia e ni_daratë sahëllö ini e, kai ua_lingu ia mangimang u taumata nate e saube iapëbiahë kapia.”

²²Mase i Feliks ku seng nakakasingka la_wo ha_lë u tëntirong Mawu Yesus, nëngondöeng perkara ene, ”Ia e sarung mamutusu perkara ini,” unguënge, ”kereu komëndang i Lisias seng marënta.” ²³Mase i sie nëndolohen perwira ku masasingka i Paulus tadeau pakipaere apidewe lai pëgëgëll_i u loahe pëkadodo si sie ringangu kumbahangbe mësedingu manga hapi e mëmpëgëll_i u apang gëgausange.

I Paulus su têngon Feliks dëduan Drusila

²⁴Ene na_li_uen pira ëllo i Feliks dimënta, niringanengkeng kawinge isësëba si Drusila; i sie sëngkatau tau Yahudi. Tangu i Feliks nëngoro taumata pinënga_la si Paulus, bou ene i Feliks dimaringihë si Paulus mëbëbisara ma_nanun pangangimang si Kristus Yesus. ²⁵Kuteu pi_a i Paulus nanëpasu wisarane ma_nanung katulidu naung dingangu pëta-

tingkĕdang dingangu maanun hukumang su Ĕllong Kiamatĕ, i Feliks natakū e kŭ bŏu ene nĕbera, "I kau e wotonge mapulĕ ini e. Iā hĕdo saŭ mĕkui si kau maeng piā loahe." ²⁶Ene i Feliks naung kai mangantibĕ sarung makaĕba doitĕ e bŏ'i Paulus. Ualingu ene hakŭ i sie mĕngkate seng masau mĕndolohu taumata apĕngĕngala si Paulus mĕdeau mĕbisara ringange.

²⁷Naliŭen dua taung i Perkius Festus nĕngaweng si Feliks nakoā gubernurĕ. Kŭ ualingu i Feliks mapulu mĕngala naung u tau Yahudi e, i sie mĕngkatewe napakawalan Paulus maĕlaaresĕ suralungu tahungkŭ.

I Paulus nĕngapelĕ

25 Tĕllu ĕllo samurin Festus natumpa su wana ene, i sie natarai soĕlong Yerusalem bŏu Kaisarea. ²Sene manga imang tĕmbonange ringangu manga tĕmbonang u tau Yahudi e mĕbĕbawa e pangaduhang i sire maanun Paulus. I sire mĕngkate mĕmpĕlĕloke si Festus, ³tadeau ualingu kapian naunge si sire, i sie mapulu mĕndolohu taumata apĕbawa si Paulus soĕlong Yerusalem; batuu i sire kai seng sĕngkapĕdaĕlahingidu mĕtĕga

mĕmate si sie suraralengang. ⁴Kai i Festus simimbangu, "Paulus kai reng maĕlaaresĕ su Kaisarea; kutĕu iā sĕsaku e maĕlaing tawĕ kararĕngu e sarung mĕsulĕ kapiasene. ⁵Kŭ balĕte apaewen tĕmbonange sutaloarang kamene aparĕsungke ringanku e soĕlong Kaisarea kŭ mapĕdaratĕ i sie sene, kereu mambeng kahĕngang i sie seng bŏu nĕkoā sĕmbau pĕsasaĕla."

⁶Bŏuten nĕtana su Yerusalem manga e reng bĕdang ualu arau mapulo ĕllo, i Festus mĕsulĕ soĕlong Kaisarea. Sĕngkarioĕllone i sie naiangke su kaĕlaianengu mĕnggaghuta e kŭ nĕngoro tadeau i Paulus e pakipĕtĕtĕngon sie. ⁷Ene piā i Paulus e nasongo e, tau Yahudi kŭ apan seng narĕnta wŏu Yerusalem nĕmpĕdarisi nĕliwung sia, kŭ nanĕta e nĕpangaduhangu manga laĕnsilĕ mawawĕha si sie. Kaiso i sire tawe makatahutĕngadĕ pangaduhang tamai ene. ⁸Suralungu pĕtatahutĕnda e, i Paulus nĕbera, "Iā e tawe nĕkĕkoā pĕsasaĕla sarang sĕmbau maanun Torat'i Musa arau su Walem Mawu arau lai su kaisaru Roma e."

⁹Kaiso i Festus e mapulu mangaĕla naungu tau Yahudi. Tangu i sie nakiwalŏ e si Paulus,

"I kau mapulu soḷong Yerusalem mēdeḷu pakighuta sene su tēngoku maḅanun manga pangaduhang ene?"

¹⁰I Paulus simimbang, "Iḷ e orasē ini ruḷarisi mētētēngon mēndaratē u kaisaru Roma; ku kai sene hinone iḷ e ghutaēng u perkaraku e. I tuang sēsane masingka u iḷ tawē saḷaku su tēngon tau Yahudi. ¹¹Kereu iḷ e seng limawang tita e ringangu piḷ kanoḷaku ku hinong pahangengu papate, ute iḷ e sembeng tawē mēkurate² pateēng. Kai kereu manga laaduhang i sire kawē tawē katēngade, ute tawē u sarang sēngkatau wotonge mēnarakangu iḷ e si sire. Iḷ e mēdorong makighuta su pēnggaghutaēngu kaisarē!"

¹²Bouten nēḷalahintau ringangu manga mēnanēgune, i Festus nēbera, "I kau e mēḷedorong makighuta su pēnggaghutaēngu kaisarē, ku i kau hinong mētēngong kaisarē."

I Paulus su tēngon Agripa rēduan Bernike

¹³Ta nararēnna wou ene datu i Agripa rēduan Bernike nahundēnta su Kaisarea mēdeḷu mēberan saḷamatē si Festus.

² mēkunsinging = rela, menyerah

¹⁴Saraeng i sire seng mangḷe pira ḷlo sene i Festus nēnualagu perkarang Paulus su ratu i Agripa. Ungkuēng i Festus, "Sini kai piḷ sēngkatau tinēntang i Feliks, taumatan tahungku. ¹⁵Piḷ iḷ naung ene su Yerusalem, manga imang tēmbonange ringangu manga tēmbonangu tau Yahudi e nēmpēbawa pangaduhang i sire su tau ene ringangu mēḷedorong tadeḷu iḷ mēḷello u ponesē si sie. ¹⁶Kai iḷ e simimbang u tau Roma e tawē wotonge mēngkate mēnarakang kerene sēngkatau lēnsilang e pakihukung, kereu i sie bēdaweng tawē nētētēngon mēngangalakē i sie ringangu ongotangu ḷoḷhe mauḷi u hinone. ¹⁷Ku piḷ e i sire ramahi nēmpēḷenta e, iḷ e tawē nēngampalē marēngu. Sēngkariḷellone iḷ mēngkatewe apidu naiang su kaderan pēnggaghaghutaēng ku nangoro tadeḷu tau ene pakibawa pētēngo. ¹⁸Ene manga mēngangalakē rimarisi e nēhabaru pangaduhang i sire, kai i sire tawē nēmpēngalakē u kanoḷa ḷalaki sarang kadiongeng sembau, kerewe iḷ mangiraling u sarung i kalakē i sire. ¹⁹I sire kēḷabeng nēgulewasu tinēnna ringange su halē u agamang sire

hala ringangu maanun sengkatau arenge i Yesus. Tau ene seng napohong, kaiso i Paulusē e mang matoghasē mēlēhabaru tau ene wiahē. ²⁰ Ualingu ia e tawe nakareā hēnganku mēnsang ia e makahombangbe tatualagu halē ene, ku ia e nakiwalō si Paulus mēnsang i sie mapulu solong Yerusalem ku pakighuta sene halē u perkara ene. ²¹ Arawe i Paulusē kawē nēdorong nēngapelē; i sie nēdorong tadeāu i sie mēngkateko wala kalaarese turusē sarang ia makareā loahe mēndoloh'i sie solong anung kaisarē." ²² Mase i Agripa nēbera si Festus, "Ia sēsaku e maļaing mapulu rumaringihē tau ene." "Diōello i tuang makaringihē si sie," unguēng i Festus.

²³ Tangu sēngkarioēllone i Agripa rēduan Bernike rimēnta ringangu kawantugē masaria. I sire nahunsuē suralungu huangu pēgaghaghutaēnge sēngkapahunsuē dingangkewen manga tēmbonangu wuntuangu mēsasekē dingangkewen manga matatebennen soa ene. Ualingu parentang Festus, tangu i Paulusē e pakisuē. ²⁴ Mase i Festus nēbera, "Tuangku Agripa, ringangkewen apang nakomolē kēbi e! Tau ini e seng bōu nikalakē sia ka-

hiang kalawōu tau Yahudi baē su Yerusalem arau ļai sini. I sire mēmpamansagē mēpēpatodiangu i sie tawe wotonge pakawala wiahē. ²⁵ Kaiso ia e tawe nakasilo mēnsang piā apa nikoā e ku makakahukung i sie ringangu hukumangu papate. Dingangu ualingu i sie sēsane nēdorong tadeāu perkarane pakighuta su pēnggaghutaēngu kaisarē, ku ia e seng nēmutusu mēdeāu mēndoloh'i sie solong anung kaisarē. ²⁶ Arawe ia e wēdang ta nakaum-paedē kasasahe u i sie taku surateng solong anung kaisarē. Kai ualingu ene hakū ia nakiwawan sie nipētēngong kamene manga mawu e, nēngalembo kate si tuan datu Agripa lēdateng! Timonaku e ute tadeāu samurin pananēsui ini e piabe ikasuratē si sie. ²⁷ Batu tumuhu pēdangku e, balinewe su tampa e mēdingō u sengkatau taumatan tahungku e tawe nalahē mēnsang kai apa e salane."

I Paulus mētētahutēnda u watangenge su tēngon Agripa

26 I Agripa e nēbera si Paulus, "I kau e seng botonge mēbisara manondan tuļi-

du watangeng.” Tangu i Paulus nēhengkeḅen limane ku nēhabaru tuḷide kereini,

²”I tuan datu Agripa lēa-dateng! Ia e su pēndangengku mambeng nēbarauntu nakapanndan tuḷidēku ku su tēngon Mawu Ratu, maḅanueng kēbi pangaduhang ilēḅnsilu tau Yahudi e si sia; ³kahunotong – motongange ualingu Mawu Ratu e masingka-singka u adatē dingangu kakakoḅa u tau Yahudi e. Ualingu ene, ia mēdēdorong maḅowoko i tuang deng dumarinhē tatalagēku e pakapia-pia.

⁴Patiku taumatan Yahudi e masingka u pēbawiahēku e reng dokeng manguda. I sire masingka u rokeng ia deng manguda e, ia seng nēbiahē sutaloarang kawanuaku e su Yerusalem. ⁵Seng marēngu i sire masingka u ia. Ku kereu i sire mapulu, ute i sire wotonge makapangonggo u sasihidi u rokeng kalimona ia seng nēbiahē mēsulungu tau Farisi ku tutuhu patiku atorang kalahētiwange suralungu agamang kami. ⁶Ku ini e ia dudarisī sini mēdeḅau pakighuta ualingu ia maḅangimang u pēkakakēdo nikoḅa

u Ruata e su manga i upung i kami. ⁷Pēkakakēdo ene lai lēantiwang u hēnton sire mapulo dua wou kawanuang Israel hakū i sire mēngkate mēmpētētahamawu Ruata e ḅllo hēbi. Ku ualingkewe lai seng nētatapengu ia e mangimang u pēkakakēdo ene, mawu ratu, ia e paḅokeḅng u pēsaḅala kahian tau Yahudi e. ⁸Unḅe wue manga anaḅ sēmbau taumatan Yahudi e tawe makapangimang u Mawu Ruata e mapēbiahu taumata nate?

⁹Naḅng ia sēḅaku maḅaing maḅḅenna u ia harusē mēkoḅa patiku kakanoḅa ipēndoka si Yesus tau Nazaret ene. ¹⁰Ku kai seng ḅndaḅ ene taku nikoḅa su Yerusalem. Tangu pia e surat u kawasa wou manga imang tēmbonange, ia e seng nēnahungku u taumata ḅawo apan masatia su Mawu Ruata. Ia e maḅaing sēnsunduang u i sire ihukung pateḅng. ¹¹Kasauange ia manigēḅa si sire su manga kanisa, tadeḅau mēnihasa si sire mēsunialu apang lēimangeng i sire. Karaḅu katētū naungku e si sire, hakūeweng mēdēdatingu manga soa waḅine e ia tamai mēnahuḅu si sire tamai sene.”

I Paulus mēbēbēkeng ēbā e

(MMR. 9:1-19, 22:6-16)

¹²”Ualingken timona ene lai tangu ia e nēbawa suratū kawasa wou manga imang tēmbonange ku nakoā solong Damsyik. ¹³Ku su tempong ia kaḍalenge ḗllo rangē, Tuang Mawantugē e, ia nakasiloko tualagē bou langi namaliu tualagu matangēllo. Tualagē ene simarang nēliku si sia dingangu manga ringanku. ¹⁴I kami kēbi e nasue nēngkawatang su ēntana. Mase ia e nakingihē tingihē nēkui si sia su werang Ibrani; ‘Saulus, Saulus! Kawe unūe i kau mēngkate sēntinīa mēdēndariha si Sia? I kau sēsanu sarungbe makapēndang masaki, kereu i kau e mēngkate hanesē dudoka tēntiron Mawunu e.’ ¹⁵Tangu ia nakiwalō e, ‘Kai isai i Kau e Mawu?’ Kutēu Mawu e simimbahē, ‘Ia e kai i Yesus ku naung dēdarihangu. ¹⁶Pēbangungke ku darisi! Ia e mētēngkatodē u watangengku si kau mēdeau mēhengke i kau makoā mētatangkiang si Sia. I kau harusēbe pēhabarē su taumata waline apang kinasilonu sahēllo ini maanun Ia dingangu apang sarung taku ilahē si kau su tempo

ramahi kaḍēntane. ¹⁷Ia e sarung mēnggeang i kau wou kawanuang Israel dingangu wou manga kawanua waline ku balinewe tau Yahudi. Ia e sarung mēndoloh’i kau kakoā solong anun sire ku pēmekesē matang sire, ¹⁸tadeau i sire mēmpēsēbang bou kararēndung ku sumuē suralungu tualagē; tadeau i sire makapēllo bou kawang setang, ku bou ene pēkawasaēngu Mawu Ruata. Tangu ualingken pangangimang si Sia e, kaḷawou rosan sire sarung i kaampung dingangu i sire sarung makoā kawanuan Duata nika-pile.’”

I Paulus mēlēlahē u munarane

¹⁹”Ualingu ene i tuan datu Agripa, ia e mambeng su pasilo ku seng taku kinatarima bou Mawu Ruata ene. ²⁰Hatede ia e mēlēhabaru ini su taumata e, tadeau i sire nēmpētobatē bou kaḷawou rosan sire ku manarakangu watangeng i sire su Mawu Ruata ringankewen mapatodē suralungu pēbawiah’i sire u i sire seng nēmpētobatē bou kaḷawou rosan sire. Ia e mēlēhabaru ene, kahumotongange su Damsyik,

bou ene su Yerusalem dingangu su kaḡuwau Yudea, ringangu su-taloaran sire waḡine tau Yahudi. ²¹Tangu uaḡingu ene tau Yahudi e mēname si sia su Waḡem Mawu ringangu mēdeḡu mēmate si sia. ²²Kai sarang orasē ini e ia tētēntanudang u Ruata, hakū ia nakararisī sini mēsēsahidi su tēngon patiku taumata baḡbe ghaghūwā arau lai rarodō. Apan takū niwera ini e ta u waḡine wou apan seng nitēbaḡu manga nabi ringang i Musa e; ²³kū kai Ratu Mananaḡamatē kū naung seng nikēdon Duata e kai harusē mētatahang u sunsara, ringangu makoḡa taumata kahumotongange mēbangung kapia wou kapapohong'E; tadeḡu uaḡingu ene i Sie makapēhabaru tualagē, maanung kasasaḡamatē baḡ su taumatan Yahudi arau waḡbe lai su waḡine tau Yahudi e."

²⁴Ene i Paulusē e kaḡanon-dane tuḡide ene, i Festus e namansage, "Paulus, i kau kai seng nēpulu! Kasingka u maḡawo ene ute kai seng nakapēpulu si kau!" ²⁵Arawe i Paulus simimbangu, "Ia e waḡinewe pulu, tuang. Manga waweraku takū pinēbera e mambeng tēngadē, di-

ngangu simēbangbe wou tinēna mapia. ²⁶I tuangku Agripa sēsane e masingka-singka u haḡe ene. Kū kai uaḡingu ene hakū ia e wahani makapēbera mahatedē su tēngon tuang su tualage. Su pēndangengku taweu sarang sēmbau bou patiku ene kū tawe su kasingka i tuang, batu kēbi ene waḡinewe nariadi su manga wēlle e^ᶜ kū maḡawuni. ²⁷I tuan datu Agripa lēadateng; i tuang mangimang u apang kū sarung ihabaru manga nabi? Su pēndangengku e i tuang mangimang!"

²⁸Mase i Agripa e nēhenge-tang si Paulus, "Su ēnmanu e gampang tangū mapakariading ia e Sahani su ralung'u tempo kadodō ini e?" ²⁹"Maḡigha arau marēngū," angkuēng i Paulus, "ia e mēkaḡiomaneng su Mawu Ruata, tadeḡu i tuang dingangu manga mawu patiku e kū apang dimaringihē si sia sahēllo ini e makoḡbe kere ia – kamageng baḡline, mēnsang katewe lahapusē ini e tantu!"

³⁰Pēngēsueēnge i tuang datu, gubernurē dingang i Bernike, ringangkewelain kēbi apang baḡ-

^ᶜ kēlle e = tersembunyi

ne nĕmpĕdarisi. ³¹ Saraeng seng sulikude, i sire nahumbisara sĕmbau dingangu waline, "Tau ini e tawe nĕkoḅ manga apa sḅabarang ku hinong makahombang hukumang papate arau itahungku." ³² Mase i Agripa nĕbera si Festus, "Tau ini e seng botonge i pĕllo, kereu i sie tawe mĕnuntu mĕngapelĕ su pĕnggaghutaĕngu^z kaisarĕ."

I Paulus nĕbuḅ solong Roma

27 Lĕpasewen naputusĕ u i kami e mĕbuḅ solong Italia, i Paulus dingangu pirangkatau taumatan tahungkuewe lai waline e nisarakang si Yulius, tĕmbonang u soldadong Roma ku isĕsĕba, "Resimeng u kaisarĕ". ² I kami e simake kapalĕ ku narĕnta wou Adramitium, bḅou ene nĕbuḅ dingangu kapalĕ ene ku hatede seng kate mĕbuḅ solong kewe manga pĕmamalangoĕng su raruruhang u propinsing Asia. I Aristarkhus, tau Makedonia e rimĕnta wou Tesalonika, nĕbuḅ lai ringang i kami e. ³ Sĕngkariḳĕllone i kami e nahumpaen Sidon. I Paulus mĕngkatewe kĕkapiaĕng i Yulius. I sie niapakawala nĕtiwo

manga hapi e tadeḅu i sire makaongḅobeng apang ku gĕgausang e. ⁴ Bḅou ene i kami e nanĕpa-seng pĕmamamundaḷ'i kami e. Ualingu anging kawe pinĕsomahĕ ute i kami e rimuruheng apeng u tahanusang Siprus ku diḳ malĕmpi bḅou anging. ⁵ Bḅou ene i kami e namihĕtong taghaloang su lanteru Kilikia ringangu Pamfili e, ku nawuna u Mira su Likia. ⁶ Sene tangu perwira ene nakareḅ e kapalĕ bḅou Aleksandria mĕtĕtimona solong Italia. Tangu i sie napĕngaling i kami su kapalĕ ene.

⁷ Gĕnnang u manga pira ĕllo karĕngu e kapal'i kami e mĕngkate tuḅondo malongge-longge^{aa} ku katewe ringangu tĕtehĕ i kami e nakaratingu soang Knidus. Bḅou ene ualingu anging kawe wĕdang tawe nangindunu, tangu i kami e tawe nakapanĕpasu raraleng i kami e solong pĕtatimonaĕng i kami e kalamona. Ene i kami e nĕsengḳo e nĕtimona sĕmbĕkang timuhĕ bḅou tahanusang Kreta simahe tonggeng Salmone ku tadeḅu sene i kami e malĕmpi bḅou anging. ⁸ Ku kate lai sarang tĕtehĕ i kami nakapĕsengḳo dimuruhĕ apeng'u tahanusa ene, ku pĕngĕnsueĕnge nasahampi e su tampa sĕmbau isĕsĕba Bele-

^z pĕndaratĕkang = pengadilan ^{aa} maḷawa-ḷawa



Pēmamaḷangoëng Maḷënggihë (27:8)

ngange Mahole,^{ab} mahampingu kudaton Lasea.

⁹Su tempo ene, Ĕllong Kawawantugu Pëdaramen tau Yahudi e seng napaḷusë. I kami e seng nikailangengu tempo ḷawo hakju semblaing baḷinewe tempone makapësenggo matuḷende. Kai ualingu ene hakju i Paulusë e nëngonggo u tëgu ini e si sire, ¹⁰”Manga anaḷu sëmbaḷu, su pëndangengku e kai apa e masaria hombange keru i kite e mësenggo turusë. I kite e kai sarung marugi ghëguwa, baḷinewe këtang su lurang i kite dingangu kapal’i kite, kaiso kawe lai niawang kite e mailang.” ¹¹Arawe perwira ene ëndoben nahimang su pilot^{ac} dingangu su nangkodang

kapalë sulungu su manga wawerang Paulus. ¹²Pēmamaḷangoëng sene e mambeng daḷaki su musungu dunia matëho. Ualingu ene hakju sasakeng kapalë e kaḷawokange nëmpanëgu mapiawe mësenggo kapia manëntangu pēmamaḷangoëng ene ualingu i sire mapulu mësang deng makaratingu Feniks, ku matana sene karënguwewen musungu matëho. Feniks ute kai sawange pēmamaḷangoëng su Kreta ku tutatëngo tahangeng dingangu poḷoëng.

Anging maiḷa su ḷaudë

¹³Su tempo ene angingu timuhë e kai tutiḷu masikome. Tangu manga sasakeng kapalë e maḅgiralangu i sire e

^{ab} Pēmamaḷangoëng Maḷënggihë ^{ac} mēnganguḷing

seng botonge sau makapēsenggo kapia. Tangu i sire nēmpamatungke walango e ku bou ene nēsenggo dimuruhe apengu tana-nusang Kreta. ¹⁴Kaiso tawe nararēna wou ene timiu e anging maiha-ihā isēsēba anging u laesuiki ku mēngkate apa nēkalulu wou rulunge, ¹⁵ku nēmukulewe kapali kami e. Ualieweng kapalē e seng tawe makasomahē tangu mēngkate seng nibawalang kami e kapalē e walaewe kalaonde iwawang anging. ¹⁶I kami e reng diō nalindung kadodo, pia i kami nasahe wou sēmbēkang timuhē bou tahanusang Kauda kadodo ene. Sene tangu i kami e mēngkatewe ringangu sigēsā nakaala bolotung kapali kami e. ¹⁷Sarangke bolotu ene nawatungke su kapalē, tangu kapalē ene mēngkatewe nipahēkutangu tali papahēku pinēliku balunangu kapalē e. Ualingkewelain maṭaku u masiladē ku iēndue su naponng Sirtis mawawo ene, tangu senggo e nirulungke, ku kapalē e mēngkate niwala kararehe su anging. ¹⁸Tangu anginge mangkeng mētētēngkaiha, hakiweng su sēngkariōellone lurangu kapalē e nanēṭa e irēdēmme su laudē. ¹⁹Sēngkakarumahinge manga masanaeng kapalē e saue-

we nēmpēhipe manga apaliwu u kapalē e, ringangu liman sire hala e. ²⁰Ene, sarang manga karēngu u pira ēllo e i kami tawe makasasilo matangēllo arau wituing, dingangu anginge mēngkate tatapē mētētēngkaiha. Tangu nadeho nikasueēngken harapē u i kami masalamatē.

²¹Mēngkai apa pira ēllo karēngu e taumata e tawe kumakaēng. Tangu i Paulusē e mēngkai rimarisi sutaḷoaran sire ku nēbera, "Manga anau sēmbau! Kereu i kamene seng timuhu tēguku e ku tawe nēsakaeng bou Kreta, ute angkeēng i kite e tawe kinahombangeng- u kēbi silaka dingangu kararugi ini e. ²²Kai ini e tangu ia maḷaing mēdēdorong sēngapang botonge tadeau naung i kamene e pakaraḷoahē buē. Taweu sarang sēngkatau wou i kamene ku sarung mate; kai i kite e kētaengbeng kailangengu kapalē ini e samatang. ²³Batu mēkēllaenge kai pia maḷekatē bou anun Mawu Ruata e taku tētahamawang, ku kai Ruata maṅghuang si sia, ku dimēnta su anuku. ²⁴Maḷekatē ene nēbera si sia angkuēng, 'Abe kataku, Paulus! U i kau e sarung mētēngong kaisar. Ku ualingu kapiān naungu

Ruata e si kamene, kēbī taumata kŭ apang su kapalē sēnggēsa e ringangu e sarung masalamatē ualingu i kau.' ²⁵ Ualingu ene, manga anaŭ sēmbau, naung i kamene e pakaraloahē buē! Batu ia e mangimang su Mawu Ruata u, kēbī e sarung mariadi ke-re seng nipēhengetang'E si sia. ²⁶ Kai i kite e sarung masampelē su apeng u tahanusane sēmbau."

²⁷ Ene su kapulo ēpa u hēbine, i kami e mang dŭdalēto su laud'u Adria. Manga e kēkaŭarane masanaeng kapalē e mēpēpēndang u kai saŭa e kakaŭaninen dŭlunge. ²⁸ Tangu i sire nēngulūhen tali kŭ nīlaikitangu watu sasuka dŭlangu sasi. Sēngkakasuka e ute kai maraning ēpa u pulo su metere karalunge. Tawē kararēngu e wou ene saŭewe nisuka ute kinareakeng dŭlunge tangu maraning tēllun pulo su metere. ²⁹ I sire kai ghugēnggang u kapalē e maŭdiring masiladē su himang, kŭ i sire nēmpamētulū walango ēpa u wau bou petone, kapēkēkahumange maŭowoko ligha maello. ³⁰ Kuteu manga masanaeng kapalē e kai mēmpēlikosē tumaŭang bou kapalē. Kŭ i sire nēngulūheng bolotu su sasi mēllewe mēmētulū walango wou monang

kapalē. ³¹ Kai i Paulusē e nēbera e su perwira ringangu manga soldado su kapalē, unguēng, "Ke-reu masanaeng kapalē ini e tawe matana su kapalē e ute i kamene kēbī e tawe maambang." ³² Ualingu ene manga soldado ene nēmpēhēsā e taling laiki bolotu e, kŭ bolotu ene nionode.

³³ Deng bēdang masalēnibē i Paulusē e maŭansang si sire kēbī u pēmpēkaēng buē. I Paulus nēbera u, "Seng kapulo ēpa e su ēllone i kamene mēngkate mēmpēngēngampaŭe su kaghaghēngganeng dingangu mēmpētētīngkēdang tawe kumaēng sarang manga apa e. ³⁴ Ia e manēgu si kamene pēmpēngētō buē maning kadodō. Ene kai mapia waug'i kamene tadeau i kamene saŭbe mēngkatoghasē. Kŭ i kamene kēbī e sarungbe maambang dingangu tawē kurange apa." ³⁵ Bōuten nēberang ene, i Paulus mēngkatewe nēngalā borotē kŭ bou ene napatarima kase su Mawu e su tēngon sire kēbī. Bou ene i sie nēngangempangke borotē pinahia si sire kŭ nahungkaēng. ³⁶ Tangu i sire kēbī e nawahansangke kapia ringangu nahungkaēng. ³⁷ Kakēpaŭu tau-mata su kapalē e kai rua hasu pitum pulo ēnung sukataune.

³⁸ Saraeng kēbī seng nēngkaēdē, i sire nēhipēen lurang i sire manga gandung e su sasi tadeaṁ kapalē e mahaēng.

Kapalē nasiladē

³⁹ Ene sarangke naēllo e, masanaeng kapalē e nakasilō e katanāēng, kai i sire wēgawue mēnsang kai tahanusang apa. I sire nakasilō e wēngā e sēmbau dingangu apenge. Tangu i sire kai mapulu mēnonsolū kapal'i sire sene kereu wotonge. ⁴⁰ Tangu manga taling balango e nasuēen hēsā e si sire pinakiwulūsē su sasi. Manga talīewe lahosē ulinge maḷaing nīkakoā kerene. Bōu ene i sire nēmpēmewēen senggō kilewerē e tadeaṁ kereu anging tumiṁ tangu kapalē e seng tumondo mētimonāewe apeng. ⁴¹ Arawe kapalē kawē nasiladē su towōe, monane tangu mēngkatewe maṭatētēlē kū tawē kadiongeng kumanoā, arawē kawē petone ute mēngkatewe naghagholangu kawawēseng luā gaghaghuwā e.

⁴² Manga soldado su kapalē e piā oḷange mēmpēmāte kēbī apang taumatan tahungkū e, ualingu i sire matakū kibasi u piā u kumalang mēdeā dulunge kū mahuntalang. ⁴³ Kai arawē perwira e nametō u oḷang i sire

batūu i sie kai mapulu mangambang si Paulus. I sie nēngoro apan tahakalange niapatumpa kalimona kū niapakalang soḷong apeng; ⁴⁴ kū i sire walīne ute hēdowe apatoḷē kū apēhumbang u pēpalē arau manga wēkang kapalē e. Kētaēngbeng kerene raḷenge tadeaṁ i kami kēbī e maambang soḷong dulunge.

Su Malta

28 Ene sarang i kami nambangke kū seng surulunge, ute wuhūewe i kami e nasingkā u tahanusa ene kai naung isēsēbā Malta. ² Taumatan tahanusa ene mēngkate maraḷahimumu si kami e. I sire kēbī e mēngkate nēmpēnarima i kami e ringangu naung maḷuasē, nēmpēhunūe putung baug'i kami e, batūu kai seng nanēta dimasehē dingangu wanua e mēngkate hanesē matēho. ³ I Paulus nangomolē manga kalu, ringangu namēlloēn manga kalu e su putung ene. Ene i sie kapēkēkoā e kerene e, sēngkianūe piā tēmpu sēmbua simēbang ualingu tētju putung ene, kū nēngiki ḷimane. ⁴ Ene taumatan tahanusa e nakasilō e tēmpu ene mētētimbang su ḷiman Paulus, i sire e nahumbisara e sēmbau dingangu walīne

angkuëng, "Tau ini e kai taha-pate, batu manimbe i sie seng naambang bou hombang su laudë e, kaiso Mahang-duatan Katulidë e mang tamapakawalan sie katatana biahë." ⁵Arawe i Paulusë e mëngkatewe nëdalahipen tēmpu ene kù pinakatontonge suralungu putung kù ta kadiongeng tēdu e sarang kadidi-didi. ⁶I sire mëngënnau ta mararëna liman Paulusë e sarung sumahënnu arau sëngkëlëndiu katewe mawatang kù mate. Kaiso sarangke nangampalë marëngu e i sire nakasilö e u mang tawë suwü e ralaj nariadi si sie, kù tinënnan sire nëbalui wou ene i sire katewe nëbera u i Paulusë e kai ruata.

⁷Tawë karaune wou tampa ene pia ëntana tataghuaneng i Publius, tēmbonang u tahanusa ene. I sie mëngkate maluasë naunge nënarima i kami e nakoä sakene karëngüeweng tēllu ëllo. ⁸Su tempo ene i amang i Publiusë e kai su kasasakitang, batu nitanggaëngu lëhabë dingangu süsea mahamu. I Paulusë e tangu rimalingeko matimadë esë masakï ene kù nëkaliomaneng dingangu nanëllidu limane si sie hakü i sie nuë. ⁹Ualingu pia ene nariadi, ute këbi apan masakï su tahanusa ene nahundënta

e su anun Paulusë e, kù i sire niapakaule. ¹⁰I sire nëmpëgëlli e manga kakëndag'i sire, ringangu su tempöng i kami e mëbua, i sire nasue nëmpangëntudë këbiwe apaliwu hinong mawawa si kami e su raralengang i kami e.

Bou Malta solong Roma

¹¹Naliun tēllu wulang sene, i kami e nëbua e wou tahanusa ene simake kapalë e bou Aleksandria e karëngüewen musungu matëho e i kami nëmalango su tahanusa ene. Kapalë e kai nëpake u tuladang, "Duata hindua i Kastor dëduan Poluks". ¹²I kami e nëmalango su soan Sirakusa kù nëtana sene tēllu ëllo karëngu e. ¹³Bou ene i kami e sau nëbua dimuruhë sarangke nawuna u kudaton Regium. Sëngkariöellone anginge nanëta e timiu bou sëmbëkan timuhë, kù natinu e rua ëllo tangu i kami e nahumpäng kudaton Putioli. ¹⁴Sene tangu i kami e nakapësombangken taumata mangimang su Mawu Yesus pira-pirangkatau, ringangu ualingu ghaghaus'i sire, i kami e nëbua solong Roma. ¹⁵Manga anaü sëmbau su Roma apang kù mangimang su Mawu Yesus e nakaringihë habaru kakoa i kami e, hakü i sire

němpahunděnta sarang nidatingu pasaru Apius dingangu wale kawawunakeng Tatěllu mēdeau maněnsomahě si kami e. Ene i Paulus nēsombangke ringang i sire, i sie nakitarimakasę su Mawu Ruata e, ku saųewe natoghasę naunge.

Su Roma

¹⁶Ene sarang i kami e narěnta e su Roma e, i Paulus e niwala niapakatana su wale těntanine ku lěhapaęgu soldado sęngkatau.

¹⁷Naliųeng těllu ęllo, i Paulus nakireąen matatebonen tau Yahudi e apangkewe su tanpa. Ku bęuten nęmpękomoľę i sire, i sie nębera si sire angkuęng, "Manga anaų sęmbau! Ia e tawę salaku apa su wansang kite e arau ruđoka tundu ku naung ikękatarima bęu i upung i kite e. Kai maningbe kerene ia e mang nişasame su Yerusalem, ku nisarakang maľahapusę e, su tau Roma. ¹⁸Sarąeng perkaraku e węuten nişasęsuiang e, ute i sire mapulu maměllo u ia e, watų ia e tawe nękoabe pęsasala apa ku hinong makapęhukungu papate. ¹⁹Kai ualıngken tau Yahudi e ruđendehę, ute ia e nasiha-

sa hinong męngapelę u perkaraku e su pęgaghaghutaęgu kaisaru Roma e. Ia nękoą kerene walinewe ia pia pangaduhangu su bansaku hala e. ²⁰Ku hakų ene ia kai mapulu męsombang i kamene mędeau reng makapębisara ringang'i kamene e; watų ia kai nitahungku, ualıngu Męnanaľamatę ku lęantiwang u tau Israelę e."

²¹Mase i sire nębera si sie, "I kani e wędangbeng tawe nakatarima suratę kađiongeng sęmbau, bęu Yudea maąnun manga anaų sęmbau. Dingangu tawę u kađiongeng węu i kamene pai węu ene ku deng nakawawa habaru mębębękeng kau e arau mębębisarang karalakų e. ²²Kaiso i kani e maľaing mapulu rumarinhę męnsang kereapa kaka koą pęngangimangu e, u i kami kębi e seng nakaringihę u taumata e maąnungkeang tęntiro lęumpaerangu e."

²³Tangu i sire namoęngken ęllo sahęllo ringangi Paulus mędeau męsombang. Su ęllo ni poęng ene maľawo taumata nahunděnta soľong tanpa katanakeng i Paulus. Bęu maľukadę sarang bawęllo e i Paulus męnęnualagę dingangu

mëbëbëkeng kakakoꝝ u Duata e mëparenta kere Ratu. Ualingken pëndaralëkeng manga ayet'u Bukë i Musa e ringangu Bukë u manga Nabi e, i Paulus nëtawakalï e sëngapang botonge mapëngimang i sire su Mawu Yesus. ²⁴Piꝝ beng maꝅgimangu apang iwëberang Paulus, kaiso piꝝbe lai apang tawe mëmpangimang. ²⁵Batu u i sire mëngkate tawe pësasunduange, ute i sire e nëmpeñtangken tanpa ene, sarangke i Paulus bõuten nëberang bawera kereini si sire e, "Mambeng nëtatalahino suapaeweng niwerang Rohkë Susi e wou Nabi Yesaya su manga i upung i kamene! ²⁶Mawu Ruata e nëhenge-tang,

'Dako e kakoꝝ soꝅong bansa ini:

I kamene sarungbe sëntinia dudaringihë kaiso tawe nakahëngang,

i kamene mëngkate sëntinia tutingang, kaiso wëga wue mënsang apawue nariadi.

²⁷ Batu tinënnan bansa ini e seng nëngkalumu,

tuling sire kai seng nëdëhing dingangu matan sire kai seng pinëbutane. Ini e nariadi, tadeꝝu matan sire kumbahang makasilo, ringangu tuling sire kumbahang makaringihë ëndumang^{ad} sire kumbahang makaenna, ringangu kumbahangbe mësulë su anuku, Ku bõu ene kawe sarung makakaulen sire wou saki i sire.'"

²⁸ Kasueënge i Paulusë e nëbera, "Manga anaꝝ sëmbau, harusë masingka u habaru kasasalamatë ku bõu anun Duata e orasë ini e seng nipëdalalahabarë suapaeweng bansa waline sulikudu bansang Yahudi e. I sire e sarung dumaringihë!" [²⁹ Bõuten i Paulus nëbera kerene, tau Yahudi e nëmpanëtangken tanpa ene kapëdëdarendehe sëmbau dingangu waline.]

³⁰ Dua taung karëngu e i Paulus nëtanaꝝ su Roma, su wale ku sësewaënge hala. Maluasë i sie mënarima u këbi taumata ku mahundënta mëmpëtëtiwo si sie.

^{ad} tinënnan = pikiran

28:26-27: Yes. 6:9-10

31 Ku tawę goę e i sie męľęhabarę si sire maanung kereapa kakakoę u Mawu Yesus Kristus. I Paulusę e mękękoę ene ringangbeng karaloahę, tawę kadiongeng apa makasahaghe.

SURAT'I PAULUS SU JAMAAT'U ROMA

DARUMATINGE

Surat'i Paulus su Jamaat'u Roma niwohe baugu ipanadia si sire mētēngon darētane su anun sire. Timuhu karakim Paulus, ute i sie sarung mēmunara sēngkatempo sutaloaran taumatan Sahani paḥ sene ualingken tulūmang i sire, i sie kai mapulu makoḥ sarang Spanyol. I Paulus nēmohē suratē ini baug'u ipēnualagē mangalēn agaman Sahani ringangu kakakoḥ e ku malahe baug'u pēbawiahu taumatan Sahani.

Saraeng bōu napēdarumatingu adate su ralohon jamaat'u Roma, ku napakasingka si sire maanun pēkakaliomanenge baug'i sire. I Paulus nēlahē u tumang u suratē ini: "Kahian Injilē ene Mawu Ruata e nanode u kereapa kakakoḥ u pēkakauhangu taumata ringangu Mawu Ruata saḥ makoḥ mapia, kakakoḥ e ute kai ringangu pangangimang su Mawu Ruata, wōu panētakenge sarang pangēsueēnge" (1:17).

Bōu ene i Paulus nēdalahaedu tumange ene. Kēbi taumata – baē Yahudi ore lai waline Yahudi – mēgēgausē iapakapia pēkakauhe ringangu Mawu Ruata, baugu kēbi e mang suralungu kawasan dosa. Pēkakauhangu taumata ringangu Mawu Ruata saḥbe makoḥ mapia kereu taumata e mangimang si Yesus Kristus. Bōu e i Paulus nanualagē ben halē u pēbawiahē buhu ku kēkahombangengu taumata kereu masēmbau dingang i Kristus. Pēbawiahē buhu ene tutuwo ualingu pia pēkakauhē buhu nariadi ringangu Mawu Ruata. Taumata seng mangimang si Yesus mēbēbiahē marame ringangu Mawu Ruata, ringangu Rohkē u Mawu Ruata mēliwir'i sie wōu kawasan dosa ringangu papate. Suralungu pasal 5-8 i Paulus malaing nēlahē u timonan titan Mawu Ruata ringangu kawasan Rohkē Susi suralungu pēbawiahu taumata mangimang. Bōu ene i Paulus nanualag'u taumatan Yahu-

di ringangu waline Yahudi nasowa suralungu hingid'u Mawu Ruata waug'u patiku taumata. I Paulus nēnahiangkung u pēbawinsi u tau Yahudi si Yesus seng nasowa suralungu karakin Duata waug'u mētulung u taumata ualingu tatalēntu'E suralungi Yesus Kristus. I Paulus māngiaking u tau Yahudi tawe hanesē mēbinsi i Yesus. Kasamuriange i Paulus nēmohe u kereapa hinone pēbawiahu sengkatau taumatan Sahani, nēngalembøe wue su halē u mēlahē u kakēndagē suralungu pēkakauhē dingangu taumata waline. Baugu ene i Paulus namile wanggilu manga wisarane kere mābawohe kereini; mētangkiang Mawu Ruata, tatuhū u tau Sahani su nēgara ringangu su patiku taumatan Sahani, ringangu su manga haghin daļungu naung. I Paulus nēngēsue e surate ini ringangu manga tatanatane ringangkewelain manga raralone su Mawu Ruata.

Lohone

Panētakenge ringangu tumange	1:1-17
Pēkakamaē u taumata su kasasaļamatē	1:18-3:20
Daļengu kasasaļamatē bøu Mawu Ruata	3:21-4:25
Pēbawiahē buhu ualingu pētātēngkasēmbau dingang i Kristus	5:1-8:39
Israel suralungu hingid'u Ruata	9:1-11:36
Kakakoā u tau Sahani	12:1-15:13
Kakunsiē ringangu adatē e	15:14-16:27



Daleng mauēnahē su soan Roma (1:6)

1 Patiku manga anaū sēmbau ikēkēndagu Mawu Ruata su Roma, dingangu apan seng nikuiangu Mawu Ruata mēdeau makoā umat'E.

Mawu Ruata seng namile ringangu nēhenge u ia tēntani mēdeau mēhabar'u Injilē bou Mawu Ruata. ²Injilē ene seng niriandin Duata su tempong kalamona wou manga nabin'E ringangu seng mābawohē suralungu Winohe Susi. ³Injilē ene mēlēhabar'u Ahusu Ruata, Mawung kite i Yesus Kristus. Tuhū mātaumata, i Sie ute kai hēnton Daud, ⁴arawe kereu māduata e ute i Sie kai Ahusu Ruata. Ene ute nilahē u munarang kawasa ta

sihinge lumium pēbawangung'E wou papatene. ⁵Lumiun Sie lai Mawu Ruata nēgēlliu alamatē si sia mēdeau makoā darolohang, tadeau ia – mangadatē si Kristus – manata apan taumata wou patiku banua tadeau mangimang dingangu tumuhū. ⁶Ku timonang bawera wou patiku banua e ute i kamene lai apang su Roma e seng nikuiang mēdeau mariadi umat'i Yesus Kristus. ⁷Ualingu ene ia namohē u suratē ini su manga anaū sēmbau.

Karimako Mawu Ruata i Amang i kite e ringangu Mawu Yesus Kristus mangonggou alamatē dingangu karalunsemahē su manga anaū sēmbau.

Ka kalïomaneng tatarimakasë

⁸Kahumotongange sura_rlungu areng i Yesus Kristus ia ma-kitarimakasë su Mawu Ruata ualingu i kamene këbi manga ana_u sëmbau; batu_u patiku dunia seng nakaringihë u manga ana_u sëmbau e nangimang kahëngang si Kristus. ⁹Ia hanesë mëttëtahëndung su manga ana_u sëmbau kereu ia mëkalïomaneng. Mawu Ruata e nako_a sahidine u apan taku niwera ene mang kahëngang. Seng i Sie e Mawu Ruata ku taku tëtangkiang u kaguwa_u naung dingangu mamombengu Injilë ma_nanun Ahus'E. ¹⁰Ia mëdëdorong sëngapam botonge su Mawu Ruata, ma_lowoko i Sie mapakawalang ia orasë ini e mëtiwo si kamene. ¹¹U ia mambeng mapulu mësom-bang i kamene tade_au ia ma-kapëmahi_a u a_lamatë bou Rohkë u Mawu e makapënohasë si kamene. ¹²Timonaku e kai ualingu i kite kai seng sëngkapëngimang su Mawu Yesus Kristus, ute i kite e makapanoghasë sëngkatau su wa_line.

¹³Manga ana_u sëmbau! Ia lüëningu tade_au i kamene ma-

singka u seng masau susulene ia mëkëkaraki mëtiwo si kamene, kai mëngkai hanesë ta kasëhukange. Ia lüëningu tade_au sutaloarang kamene e munaraku reng pi_a lëtae kerewe lai naung munaraku sutaloaram baline taumatan Yahudi su tampa baline e. ¹⁴U ia kai hinong mapëdarumatingu injilë su patiku bansa, suapam makaëna ringangu tamaka_läëna, suapan pi_a siko_lane ringangu apan tawë nësësi-ko_la. ¹⁵Ualingu ene ia mëngkatewe lüëning u mamombeng u Injilë ene si kamene manga ana_u sëmbau ku ma_tana_u su Roma e lai.

Kawasang Injilë e

¹⁶Ia mëngkai mangimang kahëngang su Injilë e ualingu injilë e kai kawasan Duata makasa_lamatë këbi taumata mangimang; kahumotongange su tau Yahudi, ringangu wansa wa_line'ewe lai. ¹⁷U kai ualingu Injilë ene, Mawu Ruata e nanode u ke-reapa ra_lenge tade_au pëkakauhu taumata ringangu Mawu Ruata e ma_uli kapia; da_lenge ute këtaeng ualingu mangimang su Mawu Ruata, wou panëtake_nge sarang pëngënsueënge. Ene mësulungu

kere maḃawoḃe suraḃungu Wi-
noḃe Susi, "Taumata ku mangi-
mang su Mawu Ruata sarang
pḃkakauhe ringangu Mawu Ruata
e mḃngkai saḃbe makoḃa mapia e,
taumata ene sarung mḃbiahḃ!"

Pḃsasalan taumata

¹⁸ Bḃu sorga e Mawu Ruata
nanodeḃu raḃangehe su patiku do-
sa ringangu karalakisḃ taumata,
batu karalakisḃ e kai makasa-
hagḃe taumata ta mḃkiralḃa tḃnti-
ron Mawu Ruata kahḃngang.
¹⁹ Apang kinasingkateng u tau-
mata maḃanun Mawu Ruata e
seng naḃahḃe suraḃungu naung u
taumata, u Ruata hala e seng
nḃlahḃe u ene su taumata. ²⁰ U
ren dokeng Mawu Ruata nḃndia-
di dunia, manga kakakoḃu Mawu
Ruata ku tawe ikasasilo e ute kai
kararuatan'E ringangu kawasan'E
seng nikahḃnganeng u taumata
woḃu patiku apang kinoḃa e. Hakiḃu
taumata e seng tawe banggilu i-
kapangḃmping su pḃsasalan sire.
²¹ Taumata e masingkaḃu Mawu
Ruata katewe taumata e tawe
mḃngangadat'i Sie kawe sḃngka-
tau Ruata ringangu tawe maki-
tatarimakasḃ si Sie. Raḃiune tau-
mata e mḃmpangḃnnawe apan
taḃa kḃhase; u sipirang i si-

re seng nḃngkarḃndung. ²² I sire
mḃpḃpḃndangu watangeng i sire e
seng taḃa u wḃgane, kutḃu i sire
kawe longong. ²³ Baḃinewe Ruata
kakalḃe sḃsḃmbaḃng i sire, kai-
so kawe manga patong maḃgawe
diadikang mḃtate, ku kai tauma-
ta, manga maḃu u winalangeng,
manga binatang laede ḃpa, di-
ngangu binatang tuḃondo.

²⁴ Uaḃingu ene Mawu Ruata
e napakawalan sire nipakahimatu
u kapulun naung i sire mḃdeḃu
mḃkoḃa haḃḃe daralaḃi, hakiḃu i sire
mḃngkate mḃmpḃkḃkoḃa haghin la-
muḃu lawoḃ i sire. ²⁵ Mawu Rua-
ta tutune e, niawengang i si-
re ringangu sḃmbau konti. Baḃi-
newe Mḃndariadi e, kaiso ka-
we riadikang ene e mundangu
sḃsḃmbaḃng dingangu tḃtangkia-
neng i sire. Sḃmbaliaḃu kawe Men-
dariadi ene e hinon daloḃng sa-
ram marḃngu-dḃngu! Aming.

²⁶ Uaḃingu taumata nḃmpḃ-
koḃa kerene, ute Mawu Ruata e
nḃmalan sire napḃbatuḃu abuḃin
sire raraḃai. Manga wawinen sire
selaing tawe mawawulu'n manga
esḃe kerḃ'ewe tundune su taumata,
kaiso kawe maḃulun lawoḃ manga
wawine. ²⁷ Manga esḃe e maḃaing
kerene; i sire nḃmpamalan tun-
dun esḃe su wawine tuḃu kakakoḃa

e tutune, kuteu kawē kēkasa-higang'u lawo esē. Manga esē e mēmpēkēkoabe apa makasamedē su lawo esē, hakū i sire maka-hombangke wawalise tuhewe kakanoa i sire e.

²⁸ Ualingu taumata e makapēndang u seng tawahaluasu masingka u Ruata, tangu Ruata e mēngkatewe namalan tinēnnan sire hala nipakaghoghahē, hakū i sire mēngkawe mēmpēkēkoā apau tawe wotonge koateng. ²⁹ Naung i sire napeneu kēbi kararalakisē, ta katulide, napeneu anggang, karalamuhu, pananaui, kapulu mamate, mēdaia, mēngakalē, dingangu mēndeso'u une. I sire papuluang mēsampuhu taumata waline, ³⁰ mēndaia arengu waline; maobotē dingangu tawē atorange, mābēnsingu Ruata ringangu matataghunalang u mohong. Pelesa mēkoā dalakisē. I sire rūdoka matatimadē; i sire ³¹ mādiri katēguang; tawē satiane, ringangu wēgawe mētatalentu u lawo taumata. ³² I sire masingka u tumuhu titan Mawu Ruata, i sain mēkēkoā patiku ene e hinom pateēng. Maning kerene i sire mālaing mēmpēkēkoā lai manga halē ene dingangu lēla-

himpuluang kereu pia u waline mēmpēkoā kerene.

Hukumang u Mawu Ruata

2 Ualingu ene, manga anaū sēmbau kai isai tangu i kau e hakū i kau mapēsalaan taumata waline? I kau tawē apang hinong ikapētahutēnda baugu watangengu! U kamagengu i kau kawē mapēsalaan taumata waline, kuteu i kau sēsanu mēkēkoabelai kere kēkoateng i sire, ute i kau mēlēhukung u watangengu hala. ² I kite masingka kereu Mawu Ruata mapakanawong hukumang e si sai-saijēwen kakanoā e kerene ute, putusang u Mawu Ruata e kahēngang. ³ Arawe i kamene, manga anaū sēmbau mālaing mēmpēkēkoā kalawou apan ipangēnsil'i kamene si sire waline! Dingangu i kamene mētētinnēna u i kamene makatalang bou hukumang u Mawu Ruata e? ⁴ Arau i kamene kai tawe mēngarēggang kakēndag'u Ruata, ringangu kakalau raungu naung ore lai kasēllahu pēsasa-bar'E? Tēngadē i kamene masingkau Mawu Ruata e mēlahēu kapiā naung'E ualingu i Sie mapulu tadeau i kamene mēto-

batē bou kalawou rosang kamene. ⁵Kuteu tēmbo i kamene kawe makakēti dingangu maḍiri mēmaḷui. Ualingu ene i kamene hala nakatambang kawēhae hukumang su Ēllong Kiamatē kereu Mawu Ruata e mapakarēntan daḷangēh'E ringangu mapakanawong hukumang maa dilē. ⁶U Mawu Ruata e sarung mamaliṣē suapan taumata i tuhu su kakanoaē. ⁷Mawu Ruata mangonggo'u pēbawiahē tutune ringangu kakalē si sire apang makakēdang mēmpēkoā halē mapia tadeaḷ makaēba kawawantugē, adatē, dingangu kakaoā kakalē. ⁸Arawe i sai-saing kētaeng kukēndagu watangenge ringangu maḍiri tumuhu Mawu Ruata, kaiso kawe tutole karalakisē e, ute i sire ene e sarung makalangēhē Mawu Ruata marasai. ⁹Apan taumata mēkēkoā daḷakie sarung masunsara ringangu masigēsa, kahumotongange su tau Yahudi, kerene lai su manga wansa waline. ¹⁰Kai kēbi taumata apang mēkēkoā mapia e sarung kapusakateng u kawawantugē dingangu adatē dingangkewen katatulende wou Mawu Ruata kahumotongange su tau Yahudi kerene lai

si sire wansa waline. ¹¹Batuu Mawu Ruata e mēmpēkoā kēbi taumata e mēsulung.

¹²Taumatan banua waline e nēmpēdosa ku bēgawen torat'u Yahudi. Ku i sire ihukung sulung toratē. Arawe taumatan Yahudi nēmpēdosa suaḷungu toratē e; ualingu ene i sire sarung lai tuntukang u toratē e. ¹³Batuu i sain mētobatē e walineuwe ualingu tau ene seng masingka u torat'u Yahudi, kaiso kawe ualingu i sie mēkēkoā apam maḅawohe suraḷungu toratē e. ¹⁴Taumatan banua waline e wēgawen torat'u Yahudi. Kai kereu i sire su kapulun sire hala e mēmpēkēkoābe apang ilēatoru toratē ute naung i sire hala e nakoābe tiaha'n sire, maningbe i sire wēgan torat'u Yahudi. ¹⁵Kakanoā i sire e mēmpēnodeu apan ilēator'u toratē maḅawohe su naung i sire. Kasingka u naung i sire e maḷaing mēmpēsēsahidin halē ene, u i sire hala kaḍinga ipēsēsala ringangu kaḍinga lai nētatahino ualingu tinēnnan sire. ¹⁶Kerene sarung mariadi su ēllone ku seng nitantu ene. Su ēllo ene – tuhewe Injilē taku niḅawombeng – Mawu Ruata suraḷungken Yesus Kristus, sa-

rung mēhukung kalawou rahasian dalungu naung dingangu sipirang u kēbi taumata.

Tau Yahudi ringangu torat'u Yahudi

¹⁷ Kai orasē ini e kereapae i kamene manga anau sēmbau? I kamene nēngakuwen batangeng i kamene tau Yahudi. I kamene māngumbalang torat'u Yahudi ringangu i kamene luļuasū pēkakah'i kamene ringangu Mawu Ruata. ¹⁸ I kau nakaēba manga tēntiro wou tita ene, hakū i kau māsingka u kapulun Mawu Ruata e ringangu i kau māsingka mētilakehu sude mapia. ¹⁹ I kau e māngiaking u i kau kai mēngangaha tau wuta ringangu tualagē baugi sire sumarēndung; ²⁰ I kau e mananēntiro taumata longong dingangu mananēntiro taumata wodo. I kau māngiaking u suralungu torat'u Yahudi e, i kau mānaghuan patiku kasingka dingangu tēntiro kahēngang. ²¹ I kau mānēntiro taumata waline; kū unūe i kau tawe mananēntiro watangeng u hala? I kau mēsēsēding taumata mēdeau kumbahang mētako, kū unūe i kau sēsanu mētētako! ²² I kau mānēntiro taumata kumbahang

mawuang, raliune i kau sēsanu nawuang! I kau e mēbēbinsiu mahangduata e, sumbaliau kawē i kau sēsanu mēngēngala manga apaliwū bou waleng mahanduata. ²³ I kau luļesa u i kau mānaghuanbe torati Musa, raliune kawē i kau nēhinakang Duata mase tawe timuhū hengtang'E. ²⁴ Suralungu Winohē Susi e mābawohē kereini: "Ualingu i kamene taumatan Yahudi, ute areng u Mawu Ruata sēsamedang sutaloaran manga wansa waline."

²⁵ Kamageng i kau matuhū su torat'u Yahudi ute sunat'u e mālaing pia gunane. Kai kereu i kau mēngkate lai luļampa toratē ene, ute sunat'u e semben tawē ualine. ²⁶ Kereu sēngkatau waline Yahudi e kū tawe nisēsunatē, kai mēsēsēmpī torat'u Yahudi, kū balinewe irekeng u Mawu Ruata e kere sēngkatau wou nisunatē ngae? ²⁷ Kū i sire apan ta nisāsunatē e sarung mapēsalang kau sēngkatau tau Yahudi u i kau kai mānaghuan torat'u Yahudi ringangu i kau kawē nisunatē, kuteu i kau kawē limampa toratē ene. I sire tawe nisunatē, kuteu i sire mēgēnganapēbe torat'u Yahudi. ²⁸ Batūu tau Yahudi patutune e, balinewe kētaeng

arengē tau Yahudi e dingangu taumata ku kahēnga'-hēngang nisunatē e balinewe taumata ku nisunatē tuhu mābadang samatang. ²⁹Raliune tau Yahudi tutune e, i sie kai piā naungu Yahudi, ringangu sunatē tutune ute kai sunat'u raḷungu naung nipēkara-diahang u Rohkē Susi, waline-we kētaeng kabawohe suraḷungu bukē. Taumata kerene tangu makatarima daralo wou Mawu Ruata, waline-we wou taumata.

3 Maeng kerene, kai apa untune makoā tau Yahudi? Dingangu apa ualine tumole atorang'u sunatē? ²Kai lawo bue gunane! Kahumotong-motongange kai ualingu su tau Yahudi e Mawu Ruata nangumbalang kaḷawou hengetange. ³Kai kereapa wue kereu sēngga tau Yahudi e kawē tā satiane? Ku apa ualingu ene Mawu Ruata e mariadi tā satiane? ⁴Tantu tala! Batuu naḷaheḷu Mawu Ruata e napenē u katēngadē, maniweng apan taumata e kakontiang. Suraḷungu Winohe Susi mābawohe,

"Tadeau i kau matodebe adilē suraḷungu patiku baweranu,

ringangu makauntung kereu i kau ghēgutaēng."

⁵Kai kereu kaadil'u Mawu Ruata e mangkeng kakalahe e, watuu i kite mēkēkoā apan tā katulide, ku i kite e kai mēberaeng apa ngae? U Mawu Ruata e tawē adile kereu i Sie mēhukung i kite? (Tēngadē kakiwalō ini su tampa e ituhu maḷaumatā.) ⁶Mambeng tala! Batuu kereu Mawu Ruata e tawē katulide, ute kereapa wue i Sie makapēhukung u dunia ini?

⁷Kai kereu ualingu kakanoā ku tawē katulide, ute apang ku matulidē e maanun Mawu Ruata, mangkeng maḷētā hakiweng i Sie rēdaloēng, unue taumata ku mēkēkoā daḷai e wēdang iapēsēsala kere taumata waradosa? ⁸Dingangu unue i kite tawe wotonge mēbera, "Maḷiangbe i kite mēkoā daḷai tadeau lumēto apam mapia?" Tēngadē piā manga taumata ku mēlēhinkang siā mēbēbera u ia e kai wou nēbera kerene. Apan taumata ku kerene su tampa e ihukung u Mawu Ruata.

Tawēu sarang sēngkatau mēkēkoā kapulun Mawu Ruata

⁹Ho! Kereapae ngae i kite tau Yahudi e limembong ka-

piane wou i sire waline? Mambeng tala! Sen taku niwera u baę tau Yahudi kerene lai taumatan banua waline, kębi mang masasęllung su rosa. ¹⁰ Kere maęawohe suraęungu Winohe Susi,

"Tawęu sarang sęngkatau maadilę,

¹¹ tawęu sarang sęngkatau e lai matahuęna ringangu tawęu sarang sęngkatau reng męsuba Mawu Ruata.

¹² Kębi taumata seng nętęngkaurau wou Mawu Ruata; kębi e seng nailang. Tawęu sarang sęngkatau mękękoę mapia mang ta u sarang sęngkatau.

¹³ Tinggolang i sire męsulungu lębing maęatope; akali sire luelehę bou lilan sire,

dingangu wiwih'i sire susaliwębud'u lahinakang, męsulungu wisan tęmpu.

¹⁴ Mohong i sire męngkatewe maęene u laane ringangu sęngkulę.

¹⁵ Lembang i sire mahawesę kereu tamai manigęsa dingangu męmate taumata.

¹⁶ Kawawinasa ringangu kasasusa e sęsawuhang i sire suapan tampa.

¹⁷ I sire tawe makasasilu raęeng u pędarame,

¹⁸ ringangu tawe męngangadatę Mawu Ruata."

¹⁹ Ini e i kite masingka u kębi apan maęawohe suraęungu torat'u Yahudi e, tumange kai si sire apan masasęllung su toratę e. Ku ualingu ene ute tawęu sarang sęngkatau lai makakoę manga apa ringangu patiku dunia e kapęnuntukangu Mawu Ruata e. ²⁰ Batu tawęu sarang sęngkatau makakoę mapia ringangu Mawu Ruata ualingu tau ene mękękoębe apang ku kękaębakeng suraęungu toratę. Kaiso toratę ene kętaeng męlęlahę su taumata u taumata e kai waradosa.

Mawu Ruata męlęloahę taumata męsęngkapan Sie

²¹ Arawe ini Mawu Ruata seng nanębou raęeng kereapa taumata męsęngkapan Sie ku daęeng ene e tawęu kalahęmpukangę ringangu torat'u Yahudi. Manga bukę i Musa ringangu bukę u manga nabi e męlęlahę

u halē ene, ²² u Mawu Ruata e mēlēloahu taumata e mēsēngkapan Sie, kētaeng kereu taumata mēmpangimang si Yesus Kristus. Mawu Ruata e mēkēkoā ini waugu kēbi taumata apam māngimang si Yesus Kristus; u kawe tawē pinētātētangenge: ²³ Kēbi taumata e seng nēdosa ringangu maraun Mawu Ruata ku makasalamatē si sire. ²⁴ Kētaeng ualingu tatalēntu u Mawu Ruata sēsane ku nilaonggo matagē, pēkakauhu taumata ringangu Mawu Ruata e saū nakoā mapia; kakakoā e ute: taumata e nipa-kaliwir'i Yesus Kristus. ²⁵ Duata e nanarakang i Kristus Yesus tadeāu ualingken papaten'E ute taumata e nipa-kaliwirē bou pēsasaļa kereu i sire mangimang si Sie. Mawu Ruata e mēkēkoā kerene tadeāu mapatodeu kaadil'E. Watu tempo naliu, Mawu Ruata seng nētēngkasabarē su kaławou manga rosan taumata, hakū i Sie tawe nēhukung i sire. ²⁶ Arawe orasē ini i Sie kimanoa e nēteghangu rosa pēlahengkangu kaadil'E. Kakanoā kerene mānodeu watangeng'E adilē; ku apan taumata māngimang si Yesus nilahē'E kere taumata ku saū nēsēngkapan Mawu Ruata.

²⁷ Ualingu ene ute semben tawē dalenge si kite baugu lumesa. Unu kerene? Apa nikaianenge ualingu i kite mēkēkoābe apan kabawohē su torat'u agaman Yahudi? Baline. Kaiso ualingu i kite e māngimang. ²⁸ Batu nimbue kai kereini: I sain nilahē saū mēsēngkapan ringangu Ruata, balinewe ualingu i sie mēkēkoā apang mābawohē suralung'u toratu agaman Yahudi, kaiso ualingu i sie mangimang si Yesus Kristus.

²⁹ Arau Mawu Ruata ene Mawun tau Yahudi samatang? Walinewe i Sie Ruatan bansa lai waline? Ore, tēngadē i Sie mālaing Duatan bansa waline. ³⁰ U Ruata e mang sēmbau. I Sie kai napakariadin tau Yahudi saū nēsēngkapan Mawu Ruata ualingu i sire māngimang. Dingangu i Sie lai napakariadin manga taumatan bansa waline saū nēsēngkapan Duata; ene mālaing ualingu i sire māngimang. ³¹ Kai ini e mangalene ualingu i kite mangimang si Kristus, i kite mēndēmme torat'u Yahudi? mamben tala wue! Saļa anune ualingu pangangimang i kite ene, i kite mēngarēgan toratē ene.

I Abraham nakoꝝ tatēnoēng

4 Mageng kerene, apæ ika-werang kite maꝝnung Abraham, iupung u wanuꝝng kite e? Kereapa e apang kinahombangne? ²Kereu manga haꝝe apang kinoꝝe e makariadiwe sarang Mawu Ruata mēnarima i sie ku makaꝝuasē naungu Ruata, tangu piꝝbe pinēbuakenge si sie waugu lumesa. Kaiso i sie tawe makaꝝesa su tēngon Duata. ³Suraꝝungu Winoꝝe Susi maꝝawoꝝe, "I Abraham nangimang su Ruata, dingangu uaꝝingu pangangimange ini, i sie nitarima u Ruata nakoꝝ taumata makaꝝuasē naung u Ruata." ⁴I sain mēlēhaꝝe, makatarima gadine; ku gadine waꝝinewe irēdekeng kere sēmbau ghaghēlli, batu ene kawe hakē e. ⁵Kuteꝝu piꝝbe taumata tawe mēngangumbala sutawakaꝝine halae, kaiso maꝝarakangu watanenge su Ruata ku seng nēliwirē taumata waradosa woꝝu pēsasalaꝝne. Suraꝝungken pangangimange ene e Mawu Ruata manarima i sie makoꝝ sēngkatau makaꝝuasē naungu Ruata. ⁶Kerene lai su sipirang i Daud; hakju i sie nakapēberang kariangkamang su

taumata ku kahian Duata e seng nitarima kere taumata makaꝝuasē naung'E, maningbe Mawu Ruata e tawe kumakēlla manga kakanoꝝ u taumata ene. I Daud nēbera kereini,

⁷ "Kariangkamang taumata apam pēsasalaꝝne niampungang dingangu kaꝝawoꝝu manga rosane niampungang u Mawu Ruata!"

⁸ Kariangkamang taumata apan dosan sire tawe tatuntutakang u Mawu!"

⁹ Apa pēkakariangkamang ēndaꝝ tumange kētaeng su manga taumata ku tutuhu atorangu sunatē samatang? Arau kai lai tumange su taumata ku tawe tumatuhu atorangu sunatē ngae? Seng nisēba i kami kaꝝimona, u i Abraham nitarima u Ruata kere sēngkatau makaꝝuasē naung'E, uaꝝingu i Abraham maꝝngimang su Ruata. ¹⁰Ku ange wue Mawu Ruata e mēlaꝝe u haꝝe ene? Kaꝝimona arau samurin Abraham nipakisunatē? Tēngadē, tēntalaꝝng i sie ren tawe niꝝunatē baꝝinewe seng boꝝu. ¹¹I sie nisunatē samuri, ku sunatē ene kētaeng kere tatiala u Mawu Ruata

seng nanarima i sie kere tau-
mata makaḷuasē naung u Rua-
ta, ualingu maṅgimang su Mawu
Ruata. I sie nitarima u Rua-
ta su tempon i sie wēdang
ta tumatuhu atorangu sunatē e.
Ku i Abraham nakoḷa amang
tuhu marohkē baugu kēbi apan
maṅgimang su Ruata, dingang-
u ualingu ene ute seng nitarima
u Mawu Ruata kere tauma-
ta makaḷuasē naung'E maningbe
i sire tawe tumatuhu atorang
u sunatē. ¹²I Abraham maḷaing
nakoḷa i amang marohkē baugu
taumata tutuhu tiahan sunatē.
I sie i amang marohkē baug'i
sire waline kētaeng ualingu i si-
re tutuhu sunatē, kaiso kawē
lai ualingu i sire mēbēbiahē di-
ngangu pangangimang su Ruata
mēsulung i Abraham su tempong
i sie wēdang ta tumatuhu ato-
rangu sunatē.

**Kēdong Duata nitarima
ualingu maṅgimang su
Ruata**

¹³Mawu Ruata nēkēdo si Ab-
raham dingangu paḷahitene u du-
nia ini e sarung mariadi pu-
saka i Abraham. Mawu Ruata e
nēkēdo kerene baḷinewe ualingu i

Abraham matuhu su torat'u Ya-
hudi, kaiso kawē ualingu i sie
maṅgimang su Ruata hakū i
sie nitarima u Ruata kere tau-
mata makaḷuasē naung'E. ¹⁴Kai
kereu kētaeng ualingu apan tu-
tuhu torat'u Yahudi samatang
makatarimaḷu apan seng nikēdon
Duata, naḷaheḷu mangimang su
Mawu Ruata e mamben tawē
kēhase marihutu ringangu pēka-
kakēdon Duata e maḷaing tawē
lohone. ¹⁵Torat'u Yahudi e ma-
kakadēntang hukumang u Mawu
Ruata. Arawe kamageng beng
tawē toratē ute tawē apa raḷa-
wang.

¹⁶Ku kēdon Duata e nēbuḷa
bou pangangimang u taumata
su Ruata. Ene mariadi sēmbau
papaiang su patiku hēnton Ab-
raham u kēdo ene niongo si
sire kere sēmbau gaghelli matagē
kahian Duata, baḷinewe kētaeng
si sire apan matuhu su torat'u
Yahudi kaiso maḷaing baugi sire
apan mēmpangimang su Ma-
wu Ruata mēsulung i Abraham
maṅgimang si Sie. Batū i Abra-
ham kai i amang i kite kēbi tuhu
marohkē. ¹⁷Batū Mawu Ruata
e nēhengetang kereini si Abra-
ham, "Iḷa seng napakariading kau

i amang u kalawou umatě." Kere-
rene Mawu Ruata e nangonggo
kědo ene si Abraham. Ku i Ab-
raham nangimang si Sie. I Sie
kai Ruata ku mambahě taumata
nate; I Sie kai malaing Dua-
ta ku kětaeng ualingu mēhenge-
tang seng makariadi apan nung
tala makoa pia. ¹⁸I Abraham
mēngkatewe tinalung mēlēharapě
dingangu manging mang
seng lai sala ta harape. Ualingu
ene i sie nariadi i Amang u
patiku umatě. Kere mabawohe
suralungu Winohě Susi: "Hite-
nu e sarung mahuntinambang
kalawo." ¹⁹I Abraham su tempo
ene masingka u i sie seng tawe
mēhite, watuu seng tumaniu ma-
ghurang dingangu umure seng
masandigě mahasu su taunge;
kuteu lai i Sara kawinge kawe
wantu. Kaiso pangangimang i A-
braham tawe manga nēlome. ²⁰I
sie mang tatapě manging di-
ngangu tawe nēbimbong u kědon
Duata. Kaiso pangangimang sau-
neng nahuntinambang katoghase,
hakiu i sie mēngkate mēdēdalo
Ruata. ²¹I sie mangkewen ma-
ngimang u Ruata mapakasě-
hu'u apan seng nikědon'E.
²²Hakiewen ene i Abraham

nitarima u Ruata nakoā tau-
mata ku makaļuasě naung u
Ruata. ²³Bawera, "nitarima kere
taumata makaļuasě naung u
Ruata" mabawohe baline kěta-
eng baugi Abraham sēsane,
²⁴kaiso malaing baugi kite. I
kite malaing sarung itarima ma-
koā taumata ku seng makaļuasě
naung u Ruata, ualingu i kite
manging su Ruata ku napě-
bangung i Yesus, Mawung kite
bou papate. ²⁵I Yesus e seng ni-
sarakang tadeau pateeng ua-
lingu kalawou rosang kite;
mase i Sie niapěbangung kapia
kahian Duata mēdeau i kite e
mēsēngkapia sau dingangu
Ruata.

Sau Kapia Mēsēngkapan Duata

5 Ini i kite seng sau nēsēngka-
pian Duata, ualingu i kite
nanging. Ku ualingu ene ute
i kite nēbiahě suralungu pēdara-
me ringangu Ruata wou Mawung
kite i Yesus Kristus. ²Ualingu i
kite manging su Mawu Ye-
sus ute i Sie makadiading kite
e makapēndang kakēndagu Mawu
Ruata, ku kai ualingu kakēndagě
ene e i kite biahě tempo i-

ni. Ualingu ene i kite mahulusē ualingu i kite piabe pēlaharapē u i kite e sarung makatemang karaluensang^a ku nighēlli u Mawu! ³Dingangu nangēlembo wou ene i kite e kai lumiagē u suralungu kasasigēsā, batu i kite masingka u kasasigēsā e makadiadi taumata masagē,^b ⁴dingangu kalaasagē e makadiadi taumata makakēdang; ini e kai makadēntang pēlaharapē. ⁵Pēlaharapē kereini e tawe mapakakēllohi kite, batu naung i kite seng nilohoēng u Mawu Ruata ringangu kakēndag'E. Mawu Ruata nanganoa ene ringangu karadahangu Rohkē'E, ku seng nighēlli si kite.

⁶Su tempōeng i kite suralungu karalome, i Kristus e nate waugi kite ku su tempone mapia tinantun Mawu Ruata; sēmbaliau i kite taumata e kai marau wou anun Mawu Ruata. ⁷Baugu pēsēngkatau taumata adilē e mamben masigēsā taumata mapulu mate. Aramanung baugu sēngkatau mapia, piā lai taumata wahani mētumpate. ⁸Arawe Mawu Ruata nēlahēu kakēndage si kite su tempōeng i Kristus napohong baugi kite su tempōeng i kite

bēdang taumata marosa. ⁹Ini e i kite seng nēsēngkapan Dua-ta ualingu kapapohong i Kristus; ualingu ene tēngadē i kite e sarung iapakasalamatē lai wou ralangehu Mawu Ruata kahiang Kristus. ¹⁰Kereu su tempōeng i kite mēsēsēdu u Mawu Ruata; i kite e iapēdamen Sie ualingkeng kapapohong u Ahus'E, apa lai ini sarəng pēkakauhi kite dingangu Mawu Ruata e nauli kapia, tantu i kite sarung iapakasalamatē lai ualingu pēbawiahi Kristus. ¹¹Ku limembo wou ene tangu i kite mahulusē lai su kapien Dua-ta ualingu Mawung kite i Yesus Kristus. U kai ualingu i Yesus Kristus, orasē ini i kite makatemang pēkakauhi kite mapia e ringangu Mawu Ruata.

I Adam dingang i Kristus

¹²Dosa simuē suralungu dunia ualingu sēngkatau, ku bou rosa ene simēpue papate. Nēnggae, papate timēpasē su patiku taumata, batu kēbi taumata seng nanawo suralungu rosa. ¹³Dokeng torat'u Yahudi e reng tawe nigaghēlli, dosa e seng ene suralungu dunia. Kai tangu rosa e tawe tatuntukang, ualingu tawē

^a kebahagiaan ^b tekun
5:12: Pēnd. 3.6

apa toratē kū botonge lampaeng. ¹⁴Maning kerene, wou tempom Adam saraewen tempom Musa e, papate nangawasa patiku taumata. Sarangkatewe taumata kū tawe limawang kere kinoā i Adam taumata kerene maiaing nipēkawasaeŋgu papate.

I Adam maiaing tuladang apang bo'i Sie kū sarung dumēnta samurine. ¹⁵Kai i rēdua ene e tawe nēsulung; batu laonggo u Ruata e nangēlebong kasēllahe kereu isihing dingangu rala-wang kū kinoā i Adam. Dalawang u sengkatau nakawodai taumata lawo nihombangengu papate. Nangēlebong kasēllahe lai nēngga u tatalentu u Ruata ringangu laonggo kasasalamatē kū nigaghelli su taumata kereng kakēpaŋe, ualingu kapien naungu sengkatau mangalene i Yesus Kristus. ¹⁶Laonggo u Ruata maiaing nangēlebong kasēllahe marau wou rosan sengkatau ene. Batu samurin sengkatau nēkoā dalawang ute simēbangke ponesē, "Nēsala". Kai saraeng taumata lawo e nēmpēdosa, narēntae laonggo bou Ruata kū mēlēlahē, "Tawe nēsala". ¹⁷Ualingu rala-wang u sengkatau, ute papate nēdaraki su apan tampa ualingu sengkatau ene. Kai nangēlem-

bong kasēllahe lai nēnggae wou apan nikakoā u sengkatau waline, mangalene i Yesus Kristus. Ualingu i Sie, Mawu Ruata mēngkai napēdalēmbon tatalentu'E su kakēpaŋe taumata, kū dingangu ta bawaehe nakariadi si sire sau nipēsēngkapien Duata; i sire sarung mēkawasa su dunia ini ualingu i Kristus.

¹⁸Kū kereapaewen dalawang u sengkatau e nēnggae su kēbi taumata nihukung, kerene lai kakanōā u sengkatau kū tūtoŋe kapulun Mawu Ruata, nēnggae ute kēbi taumata maŋiwirē bou pēsasaŋa ringangu kaonggotangu pēbawiahē. ¹⁹Kū kereapaewen taumata lawo e nariadi taumata marosa ualingu sengkatau ta tumatuhu, ute kerene lai lawo taumata wotonge sau mēsēngkapien Mawu Ruata ualingu sengkatau matuhu su Ruata.

²⁰Nēgelliu torat'u Yahudi e kai Mawu Ruata sēsane. Kaiso mangkewelain kapahuntinamban tatuhue su toratē e kaiso i sire mangkewelain kapahuntinamban dalawang e ringangu nēmpēdosa su tēngon Duata. Kaiso mangkeng kapahuntinambane taumata nēmpēdosa, Ruata e mangkewelain limembong kakēndage, si sire. ²¹Ho! i kite e harusē mate


ualingu i kite e nempedosa. Kai Mawu Ruata e kukendagi kite dingangu negelli u raleng si kite tadeau saü mesengkapan Sie. Ku ualingu pekakauh'i kite dingangu Mawu Ruata e seng saü mapia, tangu i Sie malaing mangonggou pëbawiahë tutune ringangu kakalë si kite suralung i Yesus Kristus, Mawung kite.

Nate ualingu rosa, ringangu pëbawiahë nasëmbau dingang i Kristus

6 Maeng kerene, apae ipëberang kite e? Apa i kite mëngkate mëkëkoä dosa tadeau Mawu Ruata mëngkai kumëndag'i kite? ²Tantu tala! Dosa e semben tawe lai mëkawasasi kite, ku unue wue i kite mëngkai hanesë mëbëbiahë dingangu kapëkëkoæ rosa? ³Masingka bue i kamene u su tempong i kite nisahani e i kite niapakasëmbau dingang i Kristus Yesus? Ini e mangalene i kite niapakasëmbau dingangu papaten'E. ⁴Dingangu pananahani ene, i kite e nilëbing dingang i Kristus dingangu sëngkakapate ringange, tadeau kereapaewen i Kristus nipëbangung bou papate ualingu kawang Amang ku

mawantugë, kerene lai i kite makaraleng su pëbawiahë buhu e.

⁵Kereu i kite seng nasëmbau dingang i Kristus batu i kite sëngkakapate ringang i Sie, i kite sarung masëmbau dingang i Sie lai ualingu i kite niapëbangung kapia mësulungkewen Sie. ⁶I kite masingka u kakakoä i kite tëbe e seng niapakapate sëngkakapate ringang i Kristus su kalu kurisë tadeau kawang kakakoä i kite marosa e seng nipakaghoghahë; ku ualingu ene ute i kite semben tawe ipëtahuëllangu rosa. ⁷Kereu sëngkatau e kawe nate, ute taumata ene iapakalwirë bou kawasan dosa. ⁸Kereu i kite seng nate ringang i Kristus, i kite mangimang u i kite lai sarung mëbiahë dingang'E. ⁹U i kite masingka u i Kristus seng nëbangung bou papatene, dingangu i Sie sembeng lai tawe mate; papate e seng tawe kawane su watangeng'E. ¹⁰Papate kinahombangeng i Kristus e kai papate ualingu rosa. Ene samatang mariadi sënsule waugu sarang marëngu-dëngu. Dingangu pëbawiahë niralengange'E ini kai pëbawiahë baugu Ruata. ¹¹I kamene harusë lai mangëna watangeng i kamene nate ualingu



Kalu kuruisë (6:6)

rosa, kaiso pëbawiahë suralungu pëkakauhë matoghasë dingangu Mawu Ruata e kai suralung i Kristus Yesus.

¹² Abe lai mapakawalan dosa mangawasa pëbawiahu apan mëtate tadeau i kamene abe kawe tumuhu ënning i kamene raralaj.

¹³ Kumbahang lai i kamene manarakang'u laesu wadang i kamene su kawasan dosa baugu ipake su manga timona ku daralaj. Kaiso sarakangke watangeng i kamene su Mawu Ruata kere tau mata ku seng nialing bou papate sarang pëbawiahë. Sarakangke kaguwau watangeng i kamene su Mawu Ruata tadeau ipake baugu mëkoå kapulun Duata. ¹⁴ Dosa

tawe wotonge mangawasa si kamene, ualingu i kamene tawe sau nëbiahë sualungu torat'u Yahudi e kaiso kai suralungu kakëndagu Mawu Ruata.

Ëllang baugu kapulun Duata

¹⁵ Orasë ini apa e ghësine? Botonge i kite mëkoå dalaki, batu i kite seng baline sualungu kawasan torat'u Yahudi e kaiso kawe sualungu kawasan tatalëntu u Mawu Ruata? Mamben tala!

¹⁶ Masingka bue i kamene u kereu i kamene mëmpanarakang u watangeng su sengkatau baugu kapulune ute i kamene kai ëllangu tau ku tëtuhukang i kamene ene – bëga e mënsang ëllangu rosa ku

měbėbawa si kamene sarang papate, arau kawē ěllang tutuhū su Mawu Ruata kŭ ualingu ene sau mėsėngkapan Duata. ¹⁷Kai tarikase su Mawu Ruata! Batu naung kalamona i kamene nakoā ěllangu rosa, kai ini e i kamene ringangu kaguwau naung tutuhū tėtirong katėngadė kŭ seng nighėlli si kamene. ¹⁸I kamene seng niliwirė bŭu rosa kŭ tempo ini nakoā ěllang baugu kapulun Duata. ¹⁹Ualingu pangangėnnang kamene wėdang lome ute ia mėpakeu sasihing u pėtatahuėllang tadeau nangėlembo maligha i kamene makaenna. Kalamona i kamene nėmpanarakangu kaguwau watangeng i kamene kere ěllang su manga halė maralamuhū dingangu ralaŭ baugu karaki raralaŭ. Kerene lai orasė ini, malowoko i kamene mėmpanarakangu kaguwau watangeng i kamene kere ěllang baugu kapulun Duata mėtatalahinon manga timonan Duata tėtani.

²⁰Su tempong i kamene nipėtahuėllangu rosa, i kamene tawe nipėkawasaėngu karakin Duata. ²¹Su tempo ene kai apa untune nitarima i kamene wou manga halė kŭ orasė ini ikėkameang kamene mėmpėkoā?

Manga kakanoā ene kėtəng makawawa sarang papate! ²²Arawe orasė ini i kamene seng niliwirė bŭu rosa kŭ nariadi ěllang u Ruata. Kalautungu e ute i kau makapėbiahė susi waugu Ruata kŭ halė ene makawali wiahė tutune ringangu kakalė. ²³Batu papate e kai wawaehė dosa; arawe pėbawiahė tutune ringangu kakalė dingangkewen Kristus Yesus Mawung kite e kai laonggo kŭ nionngŭ u Mawu Ruata wawaehė.

Torat'u pėkakawing nakoā sasihing

7 Manga anaŭ sėmbauku! I kamene kėbi seng makakiralaŭ toratė. Kŭ, i kamene masingka u kawasan toratė su pėsėngkatau, mariadi kėtəng karėngu u taumata ene wėdang biahė. ²Kere sėngkatau wawine kŭ piakawinge ute malaiki u toratė su kawinge kėtəng karėngu kawinge wėdam biahė. Kereu tau esė kawinge seng nairi ute wawine ene maliwirė bŭu toratė kŭ mangiki i sie su kawinge. ³Kereu wawine ene mėbėbiahė dingangu esė baline su tempong kawinge wėdang biahė, ute wawine ene ikawerae nawuang. Kai kereu kawinge seng nairi ute tumuhū toratė ute wawine seng naliu. Kŭ

kereu i sie sau mēkawingu ese baline ute i sie tawe nawuang. ⁴Kerene lai kakakoā e si kamene, manga anaū sēmbauku. Tumuhu torat'u Yahudi e i kamene seng nate, ualingu i kamene seng niapakasēmbau dingangu wadang i Kristus ku nakoā tataghuaneng i Sie ku seng niapēbiahē kapia wou papate. I Sie nipēbiahē bou papate tadeau i kite mariadi pia gunane waugu Mawu Ruata suralungu pēbawiah'i kite. ⁵Batuu kalamona i kite mēbēbiahē tutuhu kakakoā u taumata. Su tempo ene manga ēning u rosa e masongkahē ualingu pia toratē mēkēkaradiahang su watangeng i kite. Kai ualingu ene hakiu i kite e mēkēkoā manga apa-apa makakadiadim papate. ⁶Arawe tempo ini i kite tawe lai naikū su torat'u Yahudi. I kite seng nate suralungu toratē ku naung kalamona mangawasa si kite. I kite seng tawe mētatahamawu kere kakakoā u naung, tuhu toratē ku mābawohe. Tempo ini i kite e mētētahamawu tuhu kakakoā e wuhu ilēaha u Rohkē u Mawu Ruata e si kite.

Toratē dingangu rosa

⁷Maeng kerene, kai apaē ipēberang kite? U torat'u Yahudi e ralai? Tantu tala! Kai toratē ene e manēntiro si sia maanun dosa. Ia e wēgawue mēnsang anggange kai a, kereu tawē toratē mēbēbera, "Kumbahang mēngkai maanggang." ⁸Ualingu toratē e dosa makaēba loahe waugu mapasēpu u kēbi haghing ēning ku suralungu naungku; batuu kereu tawē apa toratē ute rosa e malaing mate. ⁹Ia naung kalimona mēbēbiahē tawē toratē. Kai saraeng pia toratē, dosa e nanēta e nēbiahē ¹⁰dingangu ia e nate. Tangu toratē ene tētaē ipētētimona waugu makaonggou pēbawiahē, kuteu kawe nakarēntang papate si sia. ¹¹Ualingu toratē ene, dosa e nakaēba loahe nangkakalē dingangu namate sia.

¹²Toratē asalē kai wou Mawu Ruata ku apaewen parenta suralungu toratē ene e rarēntane wou Mawu Ruata, ku kai adilē dingangu mapia. ¹³Ho, kiwau mensang inie pia mangalēne, u mapia e makadēntam pa-

pate e si sia? Tantu tala! Dosa e kai makadentan papate ene. Dingangu mēpake'u mapia e dosa makadentan papate si sia, tadeau kakakoā u rosa e ikasilo malahe. Suralungu manga parentang Mawu Ruata, nalahe kai apa e karajai dosa e naung!

Pēdararoka suralungu taumata

¹⁴I kite masingka u torat'u Yahudi kai asale wou Rohke u Mawu Ruata; arawe ia e kai taumata lome. Ia seng niwalu nakoā elliangu rosa. ¹⁵U ia sēsa-ku tawe makaenna kakanoaku. Apang ilēningku koateng, ene tawe taku koateng; arawe apang ipēbēbinsikue, katewe mundangu ene kēkoatengkue. ¹⁶Ho, kereu ia kawe mēkoā manga halē kere lulawang dingangu kapuluku e ute ene mangalene ia e mangakung torat'u Yahudi e mapia. ¹⁷Ku, balinewe lai ia tuhu dalenge mēkēkoā ene, kaiso kawe rosa nēngawasa watangengku. ¹⁸Ia masingka u tawe manga apaē ku mapia suralungu watangengku, mangalene suralungu kakakoaku maumata. U si sia kai pia enningu mēkoā mapia, kutēu ia kawe tawe makaumalē mēndaleng

u ene. ¹⁹Ia tawe mēkakoā mapia apang ku taku i lēning koateng; kaiso kawe mabalī mēkēkoā apan dalai ku balinewe kapuluku e mēkoā. ²⁰Kereu ia mēkoabe apam baline su kapuluku mangalene ute walinewe ia mēkēkoā ene e kaiso kawe rosa nēkawasa watangengku.

²¹Ene, ia nēngalae ghēsi-ne ini; u kamageng ia mapulue mēkoā mapia ute iralai e sembengkewe tutimbulē si sia. ²²Dalungu naungku e mēngkai lēlahimpuluangu torat'u Ruata e, ²³kaiso, ia e masingka u suralungu watangengku e pia lai toratē baline ku nakoā tumanggihe – ute kai toratē mēdēndoka toratē ilēakung laenaku e. Kai ene hakū ia e kalai ki su torat'u rosa lulambagē batangengku e. ²⁴⁻²⁶Ho, kai kereini e kakakoaku: ia e tutuhu torat'u Mawu Ruata e ringangu laennaku, arawe kakakoaku maumata e ute ia kai mašellung su rosa. O kasiang silaka bue ia ini! I sai wue tangu mapulu mangambang sia bou wadang ini ku mēbawa sia sarang papate? Tarimakase su Mawu Ruata! I Sie mapulu mangambang si sia ualingu i Yesus Kristus.

Pëbawiahë kù matuhù su Rohkë u Ruata

8 Orasë ini selaing tawë a-pa pëlahukung si sire kù mëbëbiahë masëmbau dingang i Kristus Yesus. ²U torat'u Rohkë u Mawu nakariading kite mëbëbiahë masëmbau dingang i Kristus Yesus, seng nëliwirë si sia bou toratë kù nakakoå dosa ringangu papate. ³Apang kù tawe ikakoå u toratë ualingu i kite kawe taumata lome ute ene seng kinoå u Mawu Ruata. Mawu Ruata namatå kawasan dosa suralungu lulun taumata rimolohu Ahuse sësane, kù dimënta suralungu kakakoå mësulungu taumata marosa, mëdeåu mëndëdasë kalawou rosa. ⁴Mawu Ruata e nëkoå ene tadeåu kapulun'E ilahë suralungu torat'u agaman Yahudi ene wotonge ikakoå suralungu watangeng i kite kù mëbëbiahë tuhu Rohkë u Mawu kù balinewe tutuhu lulun taumata. ⁵Apan taumata kù mëbëbiahë tuhu lulun taumata e mëngkai mëmpësësipiru apang ilëëning u lulun taumata. Kai arawe taumata kù mëbëbiahë tuhu Rohkë u Mawu, mëngkai mëmpëtëtinënnang apang kù ilëëningu Rohkë u Mawu Ruata.

⁶Kereu tinënnanu e nipëkawa-saëngu lulun taumata, nënggæ ute papate. Arawe kama-geng tinënnanue nipëkawa-saëngu Rohkë u Mawu, pulise ute pëbawiahë, ore lai pëdarame ringangu Ruata. ⁷I saing kù sipirange pëkëkawa-saëngu lulun taumata, tangú taumata ene kai rudoka Duata; ualingu tau ene tawe mëtatëngkasëllung su torat'u Ruata; kù i sie mamben tawe makakasëllung su torat'u Ruata. ⁸Taumata kù apan mëbëbiahë tuhu lulun taumata e tawe makaraluasë nangu Ruata.

⁹Kaiso i kamene tawe nëbiahë tuhu lulun taumata. I kamene nëbiahë tuhu Rohkë u Ruata – kahëngang-hëngang nakoå tumanggihe suralungu watangengu. Taumata kù tawë Rohkë i Kristus, tau ene walinewe tataghuaneng i Kristus. ¹⁰Kai kereu i Kristus biahë suralung'u watangengu, ute maningbe wadangu sarung mate ualingu rosa, kaiso Rohkë u Ruata mëngonggou pëbawiahë si kamene, watuu pëkakauh'u ringangu Ruata e seng mapia. ¹¹Kereu Rohkë u Mawu Ruata, kù nëmiahë si Kristus bou papate e, wiahë bue suralungu watangengu e, ute i Sie kù nëmiah'i Kristus bou pa-

pate ene, sarung mēbiahē lai wadangu kŭ mētate ene. I Sie mēkēkoā ene ringangu Rohkē'E kŭ biahē suralung i kamene.

¹² Hakŭ ene, manga anaŭ sēmbau, i kite e kai piā sasimbang i kite, kai walŭnewe waugu lulun taumata, batu tawe hino-ne i kite mēbiahē tumole kapulune. ¹³ Kai kamagengu i kamene mēbēbiahē tŭtuhŭ lulun taumata, ute i kamene sarung mate; arawe kamagengbe ringangu kawasan Rohkē u Mawu e, i kamene mēngkai mēmpamatewe manga kakanoā i kamene marosa, kŭ i kamene sarungbe mēbiahē. ¹⁴ Taumata kŭ apaewen lēhakeng u Rohkē u Mawu e ute manga anaŭben Duata. ¹⁵ U Rohkē, kŭ nionggou Ruata si kamene e walŭnewe mēdeau i kamene makoā ēllang hakŭ i kamene mēbēbiahē suralungu katakaŭtang. Kaiso Rohkē u Ruata e kawe mapakadiading kame-ne makoā manga anaŭ Ruata. Kŭ dingangu kawasan Rohkē u Ruata ene i kite mēkēkui Mawu Ruata ene, "Amang, o i Amangku!" ¹⁶ Rohkēu Ruata e maŭhudingangkewen rohkē i kite

e mēsēsahidi u i kite e kai manga anaŭ Ruata. ¹⁷ Ho! kereu i kite e kawe manga anaŭ Ruata, ute i kite maŭaing taghuang'E kŭ sarung manarima u manga alamatē kŭ nisadian Duata su manga anaē. I kite sarung manarima dingangkewen Kristus apaeweng kŭ seng nisadian Duata si Sie; u kereu i kite sēngkapētatahang dingang i Kristus, i kite e sarung iapakawantugē lai ringang'E.

Kawawantugē kakalē

¹⁸ Kaŭawou sigēsā kinahombangeng i kite tempo ini, tuhewe su ēnnaku ute mang tawe ikapēsasihing dingangu kawawantugē kŭ sarung ilahe si kite. ¹⁹ Patikŭ alang e mēngkate mēmpēkēkati tempone manga anaŭ Ruata e ilahe. ²⁰ U alang e seng niwala nipakahupadē e, walŭnewe ualŭngu kapulune sēsane, kaiso kawe ualŭngu Ruata e napakawala kerene. Maning kerene tangu kai piā lai ini lēharapeng: ²¹ U suturempo sēnsulē alange sarung ipakaliwirē bou kawasaku mēnggoghahē e ringangu sarung ipakaliwirē dingang mase ipakawantugē-sēngkakawan-

tugě dingangu manga ana Ruata.

²²I kite masingka u sarang orasě ini patiku diadikange mēngkai ruḍalumpasiang kere sēngkatau matimadě bawine masunsara su tempom mēlēhēding. ²³Dingangu waline kētaeng patiku diadikang ruḍalumpasiang; kaiso i kiteewe lai ruḍalumpasiang suralungu naung i kite. I kite seng nēnarima Rohkě u Mawu nakoḷa laongḡou Ruata kahumotongange, kaiso i kite bēdang lai maḡampalě Duata mapakaliwir'u watangeng i kite kēbi dingangu mapakariading kite manga ana'E. ²⁴Ualingu pēlaharapě, ute i kite iapakasalamatě. Kai kereu apang ku lēharapeng i kite ene seng kinasilong kite, ute ene sembelain baline harapě. U kai i sai tangu wēdang mēlēharapě sabarang ku seng nikasilone? ²⁵Ku kereu i kite e kai mēlēharapě sabarang ku tawe nikasilong kite, ute i kite e mēmpangampalě be ringangu pēsasabarě.

²⁶Kerene lai Rohkě u Mawu e ruḍenta luontolě si kite e kereu i kite lome. Batu i kite e kai wēga mēnsang kereapa hinone i kite e mēkaliomaneng.

Rohkě ene sēsane mētēngon Duata ghugahioro u kaḡuwau ralungu naung baḡ'i kite sarangkatewe taikawera. ²⁷Tangu Ruata e kai masingka u ralungu naung u taumata, makaēna timonan Rohkě e, batu Rohkě e mēkēkaliomaneng su Ruata waḡu umat'E ku matuhu su kapulun Duata.

²⁸I kite masingka u Ruata e maḡatorě kaḡawou halě, hakū pia tētaḷe mapia su taumata kukēndag'i Sie ringangu kinuiang tinuhu karakin'E. ²⁹I sire apan kinapilen Mawu Ruata maḷaing tinantune rokeng tētaḷe tadeḷu makoḷa mēsulung dingangu Ahus'E, mangalene i Yesus Kristus. Ualingu ene ute Ahus'E ene mariadi kahumotongange sutaloarang lawo ana sēmbau. ³⁰Kerene Mawu Ruata e nēkui si sire apan seng nitilakeh'E kalimona, ku i sire kinuiang'E ene niapakoḷa saḷu nipēsēngkapia ringang'E. Ku i sire apang saḷu nipēsēngkapan Duata e nēngalāe wāgeange suralungu pēbawiah'u Ruata e sēsane.

Kakēndagu Ruata suralung i Yesus Kristus

³¹Apae ikawerang kite orasě ini maḡaḡung kēbi ene? Kereu

Mawu Ruata e susëmbëkang kite ute i sai wue makaroka si kite? ³²Ahus'E sësane tawe nitalëntukang'E kaiso nisarakang'E waugu pandangang i kite këbi; lahaü i Sie tawe mangonggou patiku sabarang baline si kite? ³³I sai wue makapëneheng si kite umatë seng pinilen Duata, kereu Ruata sësane napakalahëu i kite e tawë pësasala? ³⁴Pia ngae tau mata mapulu mapësalang kite e? I Kristus Yesus hëdowen tumatawang si kite e. I Sie ku seng napohong, o kawë i Sie lai niapëbangung kapia wou papate, ku ene ringangu Ruata su tampa makawasa. ³⁵I sai wue makasahaghe si Kristus kumëndagi kite? Ku kasasusa e makasahaghe tangu, arau kasasëse arau tatumbiagë, arau karalunusë arau kakasiang arau hombang arau papate? ³⁶Suralungu Winohë Susi e kabawohë kereini,

"Kanandung ëllo e i kami e mëbëbiahë suralungu hombang u papate ualing'i Kau.

I kami e nikakoä kere rumba tinantu potokang."

³⁷Tala! Katewe suralungu patiku ene tangu i kite makahombang kalauntung masuku baugu i Sie ku kimëndag'i kite! ³⁸Batü ia

mangimang kahëngang u su patiku dunia, baë papate arau walaewe pëbawiahë, baë malaikatë arau walaewe mangangawasa, baë manga hombang kadalenge arau walaewe mangæ hombang su tempo ramahi arau walaewe lai hombang baline; ³⁹baëbe kakakoä apa su langi arau walaewe kakakoäu manga apa suralungu ëntana arau apa lai waline, këbi ene tawe makasahaghe Mawu Ruata kumëndag'i kite, kere ku seng nilahë'E suralung i Kristus Yesus, Mawung kite.

Mawu Ruata ringangu umat'E pinilene

9 Apan taku iwera ini e mamben têngadë ualingu ia e kai tataghuaneng i Kristus. Ia e tawe mëkonti. Dalungu naungku e ku lëhakengu Rohkë u Mawu e manoghasë sia lai u waweraku ini e kahëngang. ²Ia e mam beng masusa naungkue matëdu, ³ualingu manga anau sëmbauku apang sënggalipoho ringanku. Batü waug'i sire, ia sësaku e nënaludë laanen Duata ringangu nipakaghëang bou anung Kristus. ⁴I sire kai umatë pinile ringangu Mawu Ruata e napaka-

riadin sire nakoꝝ manga ana'E sēsane, dingangkewen nēlahē u kawasan'E si sire. I Sie nēkoꝝ pēkakakēdo ringang i sire ku nangonggo u toratē si sire. Mawu Ruata e nēhabarē si sire ke-reapa i sire harusē mētahamawu ringangu i sire seng lai nakatarimaꝝ manga kēdon'E. ⁵ I sire kai palahiten i upung i kite. I Kristus tinuhu taumata e asale kai wou bansang sire. I Sie limembom marangē bou kēbi. Dalo su Ruata sarang kakalē! Aming.

⁶ Ia e tawē dialu mēbera u kēdon Duata seng nasawehē; kai walineuwe kēbi tau Israel kai umatē pinilen Duata. ⁷ Balineuwe kēbi hēnton Abraham kai manga anaꝝ Ruata. Batu Mawu Ruata nēhengetang si Abraham, "Kētaeng hēnton Ishak sēsane sarung isēba hitenu." ⁸ Mangalene ute hēntong Abraham apan ku nēngkakoꝝ manga anaꝝ Ruata, kai kētaeng hēntone apan pinēhana ualingu kēdon Duata; ku walineuwe kēbi hitene. ⁹ Batu kēdon Duata e kai kereini, "Su tempo seng nipapoeng, Ia e sarung mēbalī, ku i Sarah sarung piꝝ anaꝝ esē sēngkatau."

¹⁰ Dingangu ini lai: i Ribka nēhēnding u anaꝝ esē duangka-tau wō'i amange sēmbau ku kai Ishak i upung i kite e. ¹¹ Kalimonan anaꝝ darua ene pinēhana, Mawu Ruata e seng nanilakehu pilen'E wauꝝu katēpasenge. Pinilen Mawu Ruata e walineuwe mēngumbala suapan ikakoꝝu taumata kaiso mangumbala su kakuin Duata sēsane. Batu su tempon anaꝝ i Ribka i rēdua esē ene e wēdang ta nakakoꝝ halē mapia arau halē dalai, ¹² Mawu Ruata e seng nēhengetang si Ribka, "Ku iakange sarung mētangkian tuari." ¹³ Suralungu Winohe Susi kabawohe u Mawu Ruata nēhengetang kereini, "I Yakub e Taku kēndageng arawe i Esau e Taku ipēbinsi."

¹⁴ Apae ikapulisi kite orasē ini? U Ruata ene ta kalaadile ngae? Sembeng nalahē u Ruata e mambeng adilē! ¹⁵ Batu Mawu Ruata nēhengetang si Musa, "Ia sarung mapakalahēu alamatē si sain Taku pēlahekangu alamatē dingangu Ia sarung mapakalahēu tatalēntu si saiewen Taku pēlahekang u tatalēntu." ¹⁶ Ku putusang u Ruata ene wali-

newe iumbala su kapulun taumata arau wou saghedu taumata, kaiso su kapiān naungu Ruata sēsane su tēngon taumata pinilen'E ene. ¹⁷ Batūu suralungu Winohe Susi e mābawohe, "Mawu Ruata e nēhengetang su ratun Misirē, 'Ia e mapakariading kau ratu tumbau waugu timona sēmbau ini, mēdeau ringang i kau, Ia manodeu kawasa'Ku mase mapakariading areng'Ku ipēdalāhabarē su kaguwau dunia e.'" ¹⁸ Ku, Mawu Ruata e tūtalēntu bue su pēsēngkatau, kereu Mawu Ruata e mapulu kerene. Dingangu Mawu Ruata e makakoabe pēsēngkatau mētētungkētī u tēmbōe kereu Ruata e mapuluwe lai kerene.

Ralangehu Ruata ringangu kapiān naungu Ruata

¹⁹ Ho! I kau sarung mēbera si siā, "Maeng kerene unue Mawu Ruata e wēdang mapulu mapēsēsalan taumata? Balinewe tawē u sarang sēngkatau makakapetō u kapulun Duata?" ²⁰ Arauwe i kau! I kau e kētaeng taumata. Dingangu i kau tawe wotonge wahani sumimbang su Ruata!

Botonge ngae potē u bungang makiwalo su mēkakoae, "Unue i kau nēkoā siā kereini?" ²¹ Mēkakoā potē u bungang e walinewe piā kawasane mamunara ēntana masurēka ene su kapulun naung e? Bōu ēntana sēngkompeng ene tau e makakoabe potē u bungang haghine rarua: Sēmbau malēnggihē arawe waline e tawe tumanie malēnggihē.

²² Kerene lai apang kinoau Ruata. I Sie mēkēkaraki mēdeau manodeu ralangeh'E ringangu mēlahēu kawasan'E. Kaiso i Sie mang mēsēsabar'i sire apang hinong ihukung ualingu nakakariadin Sie limangehē. ²³ Mawu Ruata e malaing mēkēkaraki mēdeau makapēlahēu raluasē mēdēdalēmbo nionggo si kitē apan nitalēntukang'E. I kitē e seng nisadiang'E mēdeau manarima u raluasē ene. ²⁴ I kitē e seng nikuiang'E, balinewe kētaeng bōu tau Yahudi, kaiso malaing bōu manga wansa waline. ²⁵ Batūu suralungu bukē u nabi Hosea, Mawu Ruata nēhengetang,

"I sai-sain baline umatē'Ku, sarun Takū isēba, 'Umatē'Ku'.

Bansa ku baline Taku
ikëndagë,

sarun Taku isëba,
'Ikëkëndagë'Ku'.

26 Dingangu su tampa suapan
pinëberang su taumata, 'I
kamene waline kawanua'Ku,'
sene i sire e sarung isëba
manga ana u Mawu Ruata
ku biahë."

27 Nabi Yesaya nëbera masëgadë
mañanun tau Israel u, "Manilaing
tau Israelë e kakëpaë kere ëne
su apeng, kaiso tumbaeng mahali
sarung masalamatë; **28** batu Mawu
e sarung maligha mënawong
hukumang baugu rañohon dunia."
29 I Yesaya malaing nëbera kerei-
ni, "Mangawe andene Ruata Ma-
kawasa e tawe nanëntangu hitene
si kite e, ute nalahaëu i kite këbi e
seng nariadi kere Sodom dingang-
u Gomora."

Pëkakauh'u lawo umat'u
Ruata ringangu Injilë bou
Ruata

30 Ku, nimbue ute kai ini:
Manga kawanuam bansa wali-
ne ku balinewe tau Yahudi e
tawe nëmpëtatumëgalë, tadeau
pëkakauh'i sire ringangu Ruata
e saube makoë mapia. Kai

ualingu i sire mangimang, tangu
Mawu Ruata saüewe nanguli
përalahëmpukang i sire ringang'E
nipakapia. **31** Kasueënge tau Ya-
hudi e mëngkate mëbëbangkai-
langu tatuhu toratë tadeau pëka-
kauhi sire ringangu Ruata e saü
mauli kapia. Kaiso i sire mang
tawë ualine apa. **32** Unue i si-
re tawe nakaratingu ene? Batu
i sire nëmpëkoë ene e waline-
we ualingu mangimang su Mawu
Ruata, kaiso ualingu munaran si-
re hala. Hakiu ene i sire kai
matangga su, "Watu katatang-
gaëng". **33** Mañanun batu ene e
tangu suralungu Winohe Susi e
mabawohe kerei:

"Tatinganko ini: Su Sion
seng Taku nipëllokangu watu
ku sarung makakasang-
kong taumata ku i sie
kai watu ghëguwa sëmbau
ku sarung makakariadi
taumata manawo.

Arawe taumata apan
mangimang si Sie tawe
sarung mamea."

10 Manga ana sëmbau! Ka-
humangku e mëdeau ban-
saku e masalamatë. Ku ia e
ringangu kaçuwa naung mëkë-
kaliomaneng su Ruata e waug'i

sire. ²Ia bahani mēbera u i sire mēngkate makēhagē mētahamawu su Ruata. Arawe pētātēngkaghising i sire e walinewe niwēnta su kasingka bōu Ruata. ³I sire wēgaweng kakakoā u Mawu Ruata e mēngulī kapia pēkakauhu taumata e ringang'E. Kū ualingu i sire mapulu tumolē kakakoā i sire hala, ute i sire tawe sumasumēllung su kakakoā u nilahē u Ruata. ⁴Toratē seng nighanap'i Kristus. Kū apan taumata māngimang si Kristus pēkakauhe ringangu Ruata e seng naulī kapia.

**Kasasalamatē e kai waugu
kēbī taumata**

⁵I Musa e namohē, u taumata apan mēsēngkapiān Duata ualingu toratē, ute taumata ene sarung mēbiahē ualingu tūtuḥu toratē ene. ⁶Arawe su halē u kakakoāu taumata mēsēngkapiān Duata e ualingu pangangimang su Ruata e, Binoḥe Susi e nēbera kereini: "Kumbahang i kau mēbera suralungu naungu, 'Kū kai isai tangu masapuā sarang sorga?' (mangalene mēbawa si Kristus parēllusē), ⁷arau 'I sai kai sarung dumēllusē su wa-

nuan taumata nate?" (mangalene mēhengkē si Kristus wōu papate)." ⁸Timonane kai kereini, "Habarē bōu Mawu Ruata ene kai marēdu-rēduhi kau; su mohongu ringangu suralungu naungu." Ene e habarē kū ilēhabari kami; Habar'u taumata kū harusē mangimang. ⁹Batūu kereu i kau mangakum mohongu, u "I Yesus kai Mawu", kū i kau mangimang suralungu naungu u Mawu Ruata e seng napēbangung i Yesus wōu papate, kū i kau sarung masalamatē. ¹⁰Ualingu naung e, taumata mangimang hakū Mawu Ruata manarima i sie makoā taumata mēsēngkapiān Duata. Taumata ene mangakung mohonge, hakū i sie ipakasalamatē. ¹¹Suralungu Winoḥe Susi e mābawohē, "Taumata mangimang tawe sarung kumēllohē." ¹²Ene e nariadi su patikū taumata, batūu tawe pinētātēntangenge sutaloaran tau Yahudi ringangu wansa waline. Duata mang sēmbau ene e kai Mawum patikū taumata. I Sie māngonggōu alamate ipēdēdalembo su kēbī taumata apan mēdēdorong tulung si Sie. ¹³Suralungu Winoḥe Susi e māba-

wohe, "Patiku apan mēkēkui Mawu, sarung masalamatē."

¹⁴Kaiso kereapa taumata makapēkui Mawu kereu i sire wēdang ta nangimang? Dingangu kereapae i sire makapangimang su Mawu Ruata kereu i sire wēdang ta nakadingihē habarē maanun Sie? Dingangu kai makaringihē habaru Mawu kereapa i sire kereu tawē u mēlahabare? ¹⁵Kai makahabaru apa i sire kereu i sire tawe nirohē? Suralungu Winohē Susi e mābawohē kereini, "Kawe rarēntan taumata apam mēmpēbēbawa habaru Injilē bou anun Dua-ta!" ¹⁶Kaiso walīnewe kēbi taumata mēnēnarima u Injilē e. Batūu i Yesaya nēbera, "Mawu, i sai wue nangimang su habar'i kami?" ¹⁷Kai watūu ene nakapangimang taumata ualingu i sire makadingihē habarē, dingangu habarē e ikēkaringihē, ualingu pia taumata mēmpēlēhabar'i Kristus.

¹⁸Arawe ia makiwalō: Tēngadē bue i sire tawe nakadingihē habarē ene ēng? Nalahēu wou wue! Batūu suralungu Winohē Susi e mābawohē kereini,

"Tingih'i sire seng timeleng su kaguwau dunia, manga waweran sire seng natēpasu pondolu dunia."

¹⁹Ia makiwalō kapia: Apa tau Israel ta nakaēnna ngae? Bala-ko kakiwalō ene kahumotongang-e pakisimbahe si Musa. I Musa nēbera, "Kereini hengetang u Ruata,

Ia mapakariading kamene pia sasasingking su wansa sēmbau kū balīne kawanua ringangu Ia sarung mapalangeh'i kamene su wansa sēmbau kū bodoe."

²⁰I Yesaya e limembo laing kawahanine. I Sie nēbera, "Kereini e hengetang u Ruata,

'Taumata apan tawe nēmpēdeā si Sia e seng nēsombangu Ia.

Dingangu Ia e manodeu watangeng'Ku si sire apan tawe makakiwalōng Ia.'"

²¹Arawe waugu Israelē e i Yesaya nēbera u, "Kereini hengetangu Mawu, 'Kanandung Ia e mang mānogor'u lima'Ku e su wansa sēmbau kū ta mālahimang dingangu mararendehē.'"

Kapian naung u Ruata su
taumatang Israel

11 Ia makiwalo: Apa Ruata seng nëndëmmeu kawanuan'E sēsane? Tantu tala! Ia sēsaku e tau Israel hēnton Abraham, dingangu wou asali Benjamin. ²Tala! Mawu Ruata tawe nëndëmme u kawanuan'E ku seng nipilen'E rokeng bou tētæ. Manga ana sēmbau masingka apa mābawohē suralungu Winohe Susi e maanun Elia, pia i sie nangaduhang u tau Israel su Mawu Ruata. I Elia nēbera, ³"Mawu, taumata e seng nēmpamate manga nabin'U ringangu nēmpēnggoghahē manga tampa pananēmbaēng si Kau. Kate ia sēsaku ringangu i sire mapulu mēmpamate si sia." ⁴Apæ sasimbahu Ruata si Elia? Ruata simimbangu, "Ia seng nanētangu pitu hiwu sukataune waugu watangeng'Ku sēsaku. I sire wēdang tawe nanēmba awē u Baal." ⁵Kerene lai tempo ini: Pia manga pirangkatau apan nipilen Duata ualingu tatalēntu'E. ⁶I Sie namile si sire tinuhewe tatalēntu'E ku baline tinuhu ka-

kanoa i sire. U kamageng u pinilen Duata e kai kahian kakanoa taumata e ute tatalēntu u Ruata e walineuwe tatalantū patutune.

⁷Ku kai kereapæ tangu? Kawanuan Israel tawe nakaēba apang ku dēdeakeng i sire. Ku nakaēbæ kētaeweng i sire mahali apæwen pinilen Duata. Apam baline e kalawokang e nētungkētju tēmbō i sire su kaquin Mawu Ruata. ⁸Batū suralungu Winohe Susi e mābawohē kereini, "Mawu Ruata e napētungkētju naung dingangu tinēnnan sire; ku sarang orasē ini matan sire tawe makasasi lo ringangu tulin sire tawe makararingihē." ⁹I Daud maiaing nēberau,

"Balæ manga saliwang i sire nakoabe sedē baug'i sire hala,

ringangu nakoabe wangka,
kawawunsaleng i sire
ringangu mawinasa!

¹⁰ Milumbau matan sire marēndung tadeau i sire tawe makasilo;

ringangu milumbako i sire
mēmpēbētū sarang
karēngue."

¹¹Ia makiwalo lai: Pia tau Yahudi nanawo, apa ene nariadi tadeau i sire mawinasa? Mambeng tala wue! Kaiso ualingu i sire nempedosa ute, endobe wansa waline nipakasalamatē, hakiu tau Yahudi e mēmpēsēsingking su wansa waline. ¹²Ualingu tau Yahudi e nēmpēsala ku tawe tumatuhu kapulun Mawu Ruata, ute manga wansa waline nialamateng u Ruata. Nēngalembo kate pēkakuahu taumatan Yahudi ringangu Mawu e saube nakoā mapia, nalahaēu alamat'u Mawu e sarung ipēdalembo.

Kasasalamat'u manga bansa waline ku baline Yahudi

¹³Ku ini e mapiawe mēbisara su manga anau sēmbau ku baline Yahudi! Karēngue ini, kere sēngkatau rarolohang baugu manga bansa waline Yahudi, ia e sēngapang botonge mang mēmeweu pangkatēku. ¹⁴Ia mēlēharapēu mēnsang ia deng makasingking su wansaku e hala, mēdeau ringangu raleng ene ia e makasalamatēbe sēmbahageang bo'i sire. ¹⁵Ualingu i sire kai nirēmme u Ruata, ute pēkakuahu dunia ringangu Ruata e saube nakoā mapia; kerene lai kamagengu i sire itarima u Ruata!

Nalahaēu ene mēsulungu kere tau nate nēbangung kapia!

¹⁶Kereu kempang u borotē kahumotongange seng nīgaghelli su Ruata ene mangalene kasella-hu borotē kēbi e malaing nighelli su Mawu Ruata e lai. Ku kereu hamu u kalu e kai tataghuaneng u Ruata, ene mangalene manga lelang e malaing tataghuaneng'E. ¹⁷Sēmbahageang bou manga lelang u kalun zaitun e – ku kai kalawou tau Yahudi e – seng nitento. Ku su ēnna u pinēntong ene sinuang lelang u mahang zaitun, ku kai manga anau sēmbau apan baline Yahudi. I kau nisuang sene mēdeau i kau makatemang patiku apan mapia wou pēbawiahē marohkē bou apan tau Yahudi. ¹⁸Ualingu ene kumbahangbe i kamene mēpamalan sire apan seng nisasape kere lelange ene. I kamene harusē pētahēndung u i kamene kētaeng lelange lai. Ku balinewe lelange ku mangonggou kaēng su hamue, kaiso kawe hamue mangonggou kaēng su lelang e.

¹⁹Kuteu i kau sarung mēbera u, "Ore, kai manga lelange ene nipapoto mēdeau ia makasuang su kalune!" ²⁰Ene kahēngang bue. Kai i sire nirēmme ualingu i sire kai tawe mangimang, a-

rawe i kau e nitarima, ualingu i kau nangimang. Ku kumbahangbe mēngobotē, ualingu ene; kaiso ēndokangbe i kau kataku. ²¹Kai kereu Ruata e tawe tumalēntu mēndēmmeu tau Yahudi mēsulungu manga lelang e tutune ene ute abe panikau i Sie sarung makapēndang tumalēntu ku mēndēmme i kau! ²²Ku sini e i kite makasilo kai kereapa kapiane Ruata ringangu kai nāung lai kerene kahēgise lai i Sie. I Sie mahēgisē si sire apan nēmpēdosa, kaiso i Sie mapia naunge si kau – asalu i kau tatapē mēbēbiahē ualingu kapian'E. Maeng tala, ute i kau maļaing sarung irēmme. ²³Ku mañanun manga tau Yahudi ene, kereu i sire mēmpēngēdo mēmpētumañ tawe mēmpaungimang, ute i sire sarung itarima sau; batuu Ruata e kawasa mēnarima i sire kapia. ²⁴I kamene ku apan asale waline wou Yahudi, ute kai kere lelang u kalun zaitun duļu. Ku kereu i kamene kawe tawe nēsēndalengu kakakoā i kamene kerene ute wotonge isuang su zaitun kahēngang rumakeleng kate tau Yahudi ku isēsihing su lelang u zaitun kahēngang ene. Limembo laing kaļawōe su Rua-

ta mapēsulen sire su kalun zaitun kahēngang.

Tatalēntu u Ruata waugu patiku taumata

²⁵Manga ana sēmbau! Ia mēlēharapē i kamene kumbahang mēpēndang seng masingkau kēbikēbi. Batuu pia halē sēmbau ku ikēkapulun Duata, ku deng tawe nikēkasingkateng u taumata. Ku kapuluku e tangu mēdeau i kamene masingka u ini: Sēngga bou taumatan Yahudi e mētētungkētju tēmbō i sire, kaiso kakakoā i sire kerene e kētaeng sarang kaļawou taumata apan baline Yahudi masue niahundēnta solong anun Duata. ²⁶Ualingu kawe kerene ute kēbi taumatan Yahudi e sarung ma-salamatē. Batuu suralungu Winohē Susi e mañawohē kereini,

”Datu mananaļamatē e sarung dumēnta wou Sion; I Sie sarung mangēmme patiku karaļai bou hiten Yakub.

²⁷ Ia sarung mangiki pēkakēdo ene ringang i sire, su tempong ia mangampung manga rosan sire.”

²⁸ Ualingu tau Yahudi mađiri manarima u Injile bou Ruata tangu i sire nakoą sędu u Ruata; ku ene kai mariadi kalauntung su manga ana u sęmbau apan baline Yahudi. Kaiso ualingu pinilen Duata, u te manga tau Yahudi ene mang ikękędagu Mawu Ruata baugu i upung i sire. ²⁹ Batu kereu Ruata e namile taumata ringangu nangalamatę tau ene, Ruata e tawe mangule apang ku seng nika-koą'E. ³⁰ Naung kangere i kamene tawe tumatuhu su Ruata. Arawe ini e Ruata seng nęlahę u i kamene seng naliwirę bou pęsasala, u tau Yahudi tawe tumatuhu. ³¹ Kerene lai kalawou tau Yahudi ene. Orasę ini e i sire tawe tumatuhu su Ruata, mędeau i kamene małahę bue małiwirę bou pęsasala. Kai i sire sarung lai iapakalahe batu naliwirę bou pęsasala. ³² Batu Ruata seng namalan patiku taumata nipękawasae ng u ralawang, mędeau i Sie makapęlahę kakędag'E si sire kębi.

Daralo Ruata

³³ Kai apa e kawangę kakakala u Ruata! Mambeng masęllahę katatahuęna ringang-

u kasingka'E! I sai wue makasęsui manga putusang'E! I sai wue makaęna manga kakakoą u munaran'E? ³⁴ Suralungu Winohe Susi e maławohe kereini,

I sai wue nakaęna tingirang u Mawu?

I sai wue makatęgu si Sie?

³⁵ I sai wue wou nangonggou u apa-apa su Mawu

hakju makapanuntu bawalis'E?"

³⁶ Kai Ruata e nęndiadi patiku sabarang. Patiku ene asale kai wou anun Duata ku kai waugu Ruata. Dalo su Ruata sarang kakalę! Aming.

Pębawiahę baugu Mawu Ruata

12 Manga ana sęmbau! Mawu Ruata e męngkai mapia si kite. Kai ene hakju ia mędędorong sęngapam botonge tadeau i kamene męmpanęmban batangeng i kamene makoą sęmbau sasęmba wiahę ku natęntani waugu Ruata ringangu makaluasę naung'E. Palahamawung kamene su Ruata e hinone kerene. ² Kumbahang męngkai tutole kapulun dunia. Balae Ruata mapębałuing kame-

ne makoꝝ taumata wuhu, tadeꝝu i kamene mēbaꝝui. Ku uꝝingu i kamene makakasingkaꝝu kapulun Duata apang ku mapia ringangu makaꝝluasē naung'E ringangu masuku.

³Mawu Ruata e seng nangonggoꝝ aꝝamate si sia. Kai ene hakiu ia manasa si kamene kēbi: Kumbahangbe watangeng mangēna limembong karangē e wou tiasa lēnaēng. Pēmpēpēndang batangenge ringangu kasanau naung; pasipēndang batangeng e tuhu kuate nionggou Ruata si sie kahiaen pangangimange si Yesus. ⁴Badang i kite e lawo laese, apan laese pia munarane sēngkatau-sēngkatau. ⁵Kerene lai i kite. Maning i kite kēbi e maꝝawo, kaiso ikite e maꝝawe badan sēmbau uꝝingu ikite e nasēmbau ku dingangi Kristus. Dingangu ikite e sēngkatau-sēngkatau pia pēraꝝahēmpukange sēmbau suwaꝝine kere manga laese wou wadan sēmbau. ⁶I kite pēsēngkatau-pēsēngkatau e nahia u manga aꝝamat'u pētatangkiang ku mētētātēntang. Manga aꝝamatē ene nionggou u Ruata si kite tinuhewe tatalēntu'E. Batu ene i kite harusē mēpakeꝝu

manga aꝝamatē ene. I saing ku pia aꝝamat'u mēhabarē'u Injilē bou Ruata harusē manēpas'u habarē ene tinuhewe ikaumaꝝ'u watangeng e. ⁷I saing ku pia aꝝamat'u mētangkuang taumata waꝝine, harusē sēngapam botonge mētangkuang taumata waꝝine. I saing ku pia aꝝamat'u manēntiro, harusē sēngapam botonge manēntiro. ⁸I saing ku pia aꝝamat'u manasa taumata waꝝine, harusē sēngapam botonge manasa taumata waꝝine. I saim pia aꝝamat'u mangonggo apa-apa tētaghuaneng e su taumata waꝝine e, harusē mēmpēkoꝝ ene ringangu kasēllahu raꝝung u naung kere hinone. I saing ku pia aꝝamat'u mangaha, harusē sēngapam botonge mangaha. I saing ku pia aꝝamat'u tumalēntu u taumata waꝝine ute hinong mēkoꝝ ene ringangu karaꝝuas'u naung.

⁹Pēkakakēndagēko tuhu kapian naungu. Kēngkawēnsing u apan daꝝaki, dingangu pēmpangumpaedē su apang ku mapia. ¹⁰Mapiangbe manga anau sēmbau pēkēkakēndagē sēmbau su waꝝine pakapapia kerewe pēkakaēndagu pēsēntamahuariang su waꝝe sēmbau, dingangu pēmpēkakaꝝlimona mēmpēpanga-

datë. ¹¹Pakararading mëmpëhălë. Abe pëmpëmalasë. Pëmpamunara waugu Mawu ringangu kuat'u Rohkë Susi. ¹²Mapiangbe i kamene pëharapë su Mawu ringangu raļuasë, pakasasabarë suralungu susa ringangu pakakakëdang mëkalışomang. ¹³Pëpapangontolë su pandangang u manga taumatan Sahani waline, ringangu pëmpanarima manga ana sëmbau tamba pangangimang ku tawe nikakiralang kamene, ringangu naung maļuasë suralungu walenu.

¹⁴Pëmpëgause su Mawu Ruata tadeau i Sie mëngalamatë taumata apan mëmpëtëtingkai si kamene. Ore, pëdorong tadeau Mawu mangalamatë si sire, abe pëmpëngane. ¹⁵Pahuluasë dingangu taumata apan mahuluasë, ku pëmpahunsangidingang i sire apan mahunsangij. ¹⁶Pëmpëbiahë pësëngkanaung sëmbau su waline. Abe kawepëmpanodeu naung marangë, kaiso pëtarangkom batangeng u ringangu taumata masasana pangkate. Abe sasahingka bou apang hinone.

¹⁷Kereu piäu mëmpëkoadaļai si kamene abeko wali-

se ringangu raļai. Pëmpëkoā apa ku lënnang mapia su këbi taumata. ¹⁸Bou sëmbëkanu, pëhingidëko sëngapam botonge mëdeau mëbiahë marame ringangu këbi taumata. ¹⁹Manga ana sëmbauku! Kumbahangbahang mamalışë une, balae Mawu Ruata pëhukung. Batu suralungu Winohë Susi e maþawohë, "Kai Iā e mëmalışë. Iā e sarung mëlahukug e angkueng u Mawu." ²⁰Katewe kereu sëdu u e nahutung, ongoteng beng kaeng e i sie; dingangu kereu narou, ute ongotengbeng inumang e i sie. Ualingu pëkakoā i kamene kere-ne, ute i kamene mapakamean sie. ²¹Abe pëmalam batangeng u pakawatau apan daļai, kaiso mapiangbe i kau pëmatako raļai dingangu kapia.

Kakakoā u hinon su tēngon tēmbonang u kawanua

13 Pësëngkatau hinone matuhu su tēmbonang e, batu tawë apa tēmbonang u kawanua e ku ta nakaëba kawasane wou Ruata. Dingangu pëmerenta orasë ini e mëdëndalengu kawasane ualingu parentan Dua-ta. ²Kai ene hakju taumata ku

lulawang pëmërenta e iweræe u mësulungu lulawang apang ku seng ilëatoru Mawu Ruata. Ku i saing mëkëkoå kerene sarung makahombang hukumang. ³Batuu i saing ku mëkoå mapia e tawahaļuasu matakū su pëmërenta. Këtaeng i saing ku mëkoå daļai e kawē hinong matakū. Kereu i kamene mapulu tadeau i kamene tawe matakū su pëmërenta ute i kamene pëkoåe mapia, ku i kamene sarung daloëng. ⁴U pëmërenta e kai ëllang u Ruata ku mëmunara mapakapiang kamene. Kai kamageng u i kamene mëmpëkoå daļai, ute hinone i kamene matakū si sie, u waļinewe mëngkai sia-sia kawasane mëhukungu taumata. I sie kai ëllang u Ruata, ku mapakanawong hukumang u Ruata su manga taumata apang mëkëkoå daļai. ⁵Kai ene hakū i kamene hinong sumasumëllung su pëmërenta – waļinewe këtaeng uaļingu i kamene maðiring ihukung, kaiso kai uaļingken pëndangu raļungu naung i kamene.

⁶Ku kai ene maļaing banggilu kawē unue i kamene maåaehë pajakë, batuu pëmërenta e kai sawohi u Ruata ku mëdëndaleng

u munara ini natuntu. ⁷Ku pëmpëmaehë buē apang hinong baehang i kamene e su pëmërenta. Ku pëmpëmaehëbe pajakë, kereu i kamene hinong i pëmaehë pajakë, dingangu pëmpëmaehëbe bea kereu i kamene hinong i pëmaehë bea. Pakahunggeë buē si sire apang ilëlahunggeë, dingangu pëngadatë buē si sire apang hinong lëadateng.

Pëkakoå su tēngon sëndinganeng

⁸Kumbahang buē mëmpangutang manga apa si sai-sai, sulikudu mëtahëndung kakëndagë sëmbau su waļine. Ku i saing kumëndagu kasanggidange, seng nakasukū kaļawou torat'i Musa. ⁹Batuu torat'u Yahudi e, kai: Kumbahang mawuang, kumbahang mamate, kumbahang mëtaiko, kumbahang mënning u raro-tong u kasanggidangu. Patiku ene seng nasahiangkung dingangu toratë baļine seng nakomolë nakoå sëmbau, "Këndag'u kasanggidangu kere i kau kumëndagu watangengu." ¹⁰I saing kumëndag'u taumata waļine e, tawe mëkakoå daļaki su tau ene. Ku i saing kumëndagu kasanggidange

ute kai taumata ku seng naka-suku patiku titang agama.

¹¹ Sulikudeweng kēbi ene i kamene masingka u tempo ini kai orasu i kamene hinong mēngkapuko wou pētatiği. Batu tempone mēdeau i kite iapakasalamatē e seng limembong kasang-gide orasē ini wou tempong i kite buhūe māngimang. ¹² Hēbi e seng kaḷaliune; ku seng marani lai maēllo. Ku mapiawe i kite mēmpangēdo niēkoā manga kakanōa marēndung. I kite e hinong mēnipēpapangaghidu watangeng i kitē dingangu aghidu tualagē. ¹³ I kitē hinong mēnipēkoā mauga halē mawantugē kere kēkoateng u taumata su ēllo malētu; abe kawe māhēnīpaḷiu mēmpēsaliwang, arau mēmpētēngkiwukang. Abe pēmpēsahigē arau tawē adate. Abe pēmpēkakoka, arau lai abe pēmpēdaḷahiri. ¹⁴ Balae Mawu Yesus Kristus pēnantu apa hinong koateng i kaniene. Ringangu kumbahang tumuhū tabiet'u taumata marosa makasahowong pēbawatu kapulung ēningu sahigē.

Kumbahang mapēsalaḅang anaḅu sēngkataunu

14 Taumata ku tawe mai-aking suapang hinong pangimangenge harusēbe tarima dingangu mapia sutaloarang manga anaḅu sēmbau. Kumbahang mēdarendehē dingange ualingu kapulun naunge. ² Piabe tauniata niēpēpēndang u i sie wotonge kumaēng balāewe apa kanengang. Kai piabe lai taumata waline panganginange lonie; i sie mēpēpēndang u i sie kētaeng botongē mēduku matagē. ³ I saing ku kaēng waharia wue ute abe mapakasanau tauniata apang ku kukaēng kaēng maḷuntu e, abekowe lai mapēsalaḅan taumata apang kaēng waharia e watu Mawu Ruata e seng uēnarima i sie. ⁴ Ku i sai wue i kau hakieweng i kau e mēhukung u ēllang u tau waline? Mēnsang ēllang ene mābatang arau ruḷarisiḅue, ute kai urusangu mawune. Ku ēllang ene mambeng sarung dumarisiḅ matei, ualingu Mawu e kawasa mapararisiḅ i sie apakatei.

⁵ Pia taumata makapëndang u pia sahëlo e limembong kapiane wou manga ëllo waline, arawe taumata waline e wue mëpëndang u këbi ëllo ene mang mësulung. Balae sengkatau-sengkatau e pakasahëkon pëndangu sëmbau-sëmbau. ⁶ I saing ku mëšesëmpij u ëllo tinantu e, tau ene mëkëkoä kerene e waugu mëngadatë Mawu, ualingu i sie makitarimakasë su Mawu Ruata waugu kaëng ene. Kerene lai i saing këtaëng kukaëng kaëng matuntu e tau ene maiaing mëngëngadatë Mawu ringangu makitarimakasë su Mawu Ruata. ⁷ Tawë u sarang sengkatau woi kite ku mëbëbiahë baugu watangenge hala ringangu tawëu sarang sengkatau woi kite ku mate waugu watangenge hala. ⁸ Kereu i kite biahë ute i kite e wiahë baugu Mawu. Dingangu kereu i kite e mate, i kite lai mate, waugu Mawu. Ku biahë arau mate, i kite e tataghuanengu Mawu. ⁹ I Kristus seng nate ringangu nëbiahë kapia kai ene hakiu i Sie nakoä Mawum patiku taumata wiahë dingangu waugu patiku taumata nate. ¹⁰ Ku manga anau sëmbau! Baugu a-

pa mapësaļang anau sëmbau ku tamba pangangimang? Dingangu waugu apa i kau mapakasana i sie? I kite këbi e sarung mëtëngon Duata e mëdeau ihukung. ¹¹ Suraļungu Winohe Susi e maḃawohe,

”Katëngadewen,” angkuëng u Mawu,

”sengkatau-sengkatau sarung mëmpëtumpëkuhë su tëngo’Ku,

ku apan taumata sarung mangaku u la e kai Ruata.”

¹² Ku i kite sengkatau-sengkatau hinong masi simbang u patiku kakanoä i kite su Ruata.

Kumbahangbe mapakapaļidu anau sëmbau u

¹³ Ualingu ene kuhæ i kite mëtatokeng saļa. Ëndokangbe pëmpëtätëtehë tadeau i kame- ne tawe mëkoä apa-apa ku makakoä sasaļuka su anau sëmbau tamba pangangimang ku manawo su rosa. ¹⁴ Kutëu ia nakauhë dingangu Mawu Yesus ute ia mangimang kahëngang u tawë kaḃiongeng apa ku nëbua bou lamuhü, kaiso pëkakoä kerene kawë maļamuhü su pësengkatau kereu

tau ene maṅgēna u kawe maḷa-
muḷu. ¹⁵Kai kamageng ualingu
apa ipēbēbiahu ku kai makatēdu
naungu sēngkatau wou manga
anaḷu sēngkataunu tamba panga-
ngimang ute i kau sembeng lai
tawe kimēndagē. Kereu i Kristus
seng napohong baugu pēsēngka-
tau, ute kumbahang i kau ma-
pakawalan tau ene apakasilaka
u apang kēkanengangu. ¹⁶Hakiu
ene kumbahang mēmalang a-
pang mapia si kamene itētīnēna
raḷaki su taumata waḷine. ¹⁷Kai
kereu Ruata e mēngatorē bia-
hu pēsēngkatau, apang botonge
kanengang dingangu inungange,
ene waḷinewe kahumotongange.
Kahumotongange ute kai tau e-
ne tutuḷu bue kapulun Mawu
Ruata, pia karalenehu naung
dingangu makatarimaḷu raḷuasē
ilēongḷou Rohkē Susi e. ¹⁸I saing
mētētangkiang si Kristus kerene
ute tau ene makaḷuasē naung u
Ruata ringangu lēadateng u tau-
mata waḷine.

¹⁹Batuḷu ene timonang kite
e mēngkai sēntiniḷa makaḷa-
dēntan pēgaghaghilē dingang-
u mēdēdalāhengkeng. ²⁰Kumba-
hangbe, kawe ualingu kakaēng, i
kau kawe makaghoghahēbe apan
seng kinoḷu Ruata. Kēbi kaēnge
tawē apawe pēlline waugu ka-

nengang. Kai kereu apang ka-
nengangu makakariadin tauma-
ta waḷine mēbaradosa, ute i
kau e mamben nēsala. ²¹Mapia-
we abe kiṅa gēsīn binatang a-
rau mēmpanginung anggorē arau
mēmpēkoḷa katatangaēng baugu
anaḷu sēngkatau tamba panga-
ngimang. ²²Balaē apang lēima-
ngengu ene, koḷa e ene su tēngon
Duata samatang baugu wata-
ngengu. I sain makapēndang u
tawē sangkonangu pēsasala sua-
pang ku nihino su naunge ute ka-
riangkamang bue tau ene. ²³Ara-
we i saing ku pēndange mēbēbim-
bong baugu kumaēng manga apa,
kai samurine kimaēng bue kaēng
ene, ute tau ene ipēsalaṅ Duata;
batuḷu tawe kinoḷa e tuḷu panga-
ngimange maanung apa ku nihi-
no ringangu nēsala. Ku apaewen
niḷakoḷa su ḷikudu pangangimange
ute rosa.

Pēluasēko sendinganengu,
abe kawe watangengu e hala

15 I kite apan tēnga-tēngadē
maiaking su apang lēi-
mangeng i kite, mang hinone
karalōmeng pangangimangu tau-
mata. Abe kawe kētaeng maḷa-
kaḷuasū watangeng i kite hala.
²Su sēmbēkane i kite sēngkatau-
sēngkatau mambeng maḷakaḷua-

su naungu lawo sëndinganeng i kite, tadeau pangangimang e mahuntinambang katoghase. ³Batuu i Kristus e tawe tumbau mēngēngēna tadeau mapakiam batangeng'E sēsane. Suralungu Winohe Susi e mabawohe kereini: "Kalawou tatelorē e ku niapētmona si Kau e seng nanawo si sia." ⁴Kēbi apam mabawohe suralungu Winohe Susi e kai tadeau panētiro si kite. Batuu tētiro nikatarima i kite bou Winohe Susi e makakēdang dingangu makatoghasē si kite hakiu i kite makapēlēharapē su Ruata. ⁵Karimako Mawu Ruata ku mangonggo u pēkakakēdang dingangu lahiborē su taumata e mētulung i kamene mēdeau mēbiahē sēngkanaung matuhu su kapulung Kristus Yesus. ⁶Dingangu sēngkanaung i kamene kēbi sēngkapēdalo Ruata, i Amangu Mawung kite i Yesus Kristus.

Injilē baugu manga wansa baline Yahudi

⁷Batuu ene karimako manga anau sēmbau mēnarimau sēmbau su waline ringangu naung

maluasē kerewe lai i Kristus malaing manarima i kamene waugu kawawantug'u Mawu Ruata. ⁸Kai pētahēndungko, u i Kristus seng bou nētangkiang tau Yahudi pēlahakang u Mawu Ruata e satia suralungu mēngganapē manga kēdon'E su manga i upung i kite. ⁹Mawu Yesus malaing mapakariadin manga wansa waline mēmpēdalo Ruata ualingu kapian naung'E si sire. Suralungu Winohe Susi mabawohe kereini,

"Hakiu ene ia sarung mēpudi si Kau sutaloaran manga wansa e,

ia sarung mēkantariu raralo waugu areng'U."

¹⁰Pia mabawohe lai kereini, "Pahuluasēko ringangu kawanuan Duata ku pinilene, ei patiku bansa."

¹¹Dingangu ini lai, "Pēmpēdalo Ruata, ei patiku bansa,

ku patiku taumata pēmpēpudi si Sie!"

¹²Dingangu ini lai pinēberan Yesaya,

"Bou hēnton Isai sarung lumēto sēngkatau

kū sarung mēparēnta
manga wansa; kū kai si
Sie pēharapeng u patikū
bansa ene.”

¹³ Mawu Ruata e kai tanpa
pēlēharapeng i kamene. Ka-
rimako i Sie mamene u naung i
kamene ringangu kaławou raławasē
dingangu ramenaung, ualingu i
kamene mangimang si Sie, ta-
deau ualingu kawasan Rohkē u
Mawu Ruata i kamene mangkeng
mēdaļembom pēlaharape su Rua-
ta.

Ai u nakariadin Paulusē e namohe manēngga

¹⁴ Manga anaū sēmbauku! Ia
maiaking u mēngkate apa ļawo
halē mapapia si kamene. I kame-
ne maļaing masingka u haghim
patikū e ringangu makapanēntiro
sēmbau su waļine e lai. ¹⁵ Ara-
we su manga halē maļuntue, ia
mapētētahēndung si kamene pa-
kaamumang suraļungu suratē ini,
batū Ruata e seng nangonggo
tatalēntu e si sia munara ene. ¹⁶ I
Sie seng napakariading ia nako
mētatangkiang si Kristus Yesus
tadeau ikarolohē su manga wan-
sa waļine Yahudi. Dingangu ia
nako kere imang kū mēlēha-

baru Injilē boū Ruata, tadeau
apan taumata kū baline Yahudi e
mēngkako sāsēmba su Ruata kū
ikatarima i Sie. Karimako Rohkē
u Mawu e makakariading kamene
mako sēmbau sāsēmba makala-
himpulu si Sie. ¹⁷ Kū ualingu ia
seng nasēmbau dingang i Kris-
tus Yesus, ute ia botonge lumesa
u munaraku e waug'u Rua-
ta. ¹⁸ Ia bahani mēbisara kere-
ne kētaeng maanung apan seng
niķako i Kristus suraļungu ia
tadeau apan taumata waļine Ya-
hudi matuhū su Ruata. Ia e
mēķēko ene ringangu kaławou
wawera ringangkewelaing, kaka-
noa, ¹⁹ ipēsēsarētaū manga ha-
ghin tanda ringangu manga halē
makadalinaū, ķēbi ene ualingu
kawang Rohkē u Mawu. Injilē
maanung Kristus e sen takū ni-
habarē ķēbi su taumata nanēta
boū Yerusalem sarang Ilirikum.
²⁰ Kapuluku e kai mēhabar'u In-
jilē boū Mawu suapam pia u ta-
we nakadingihē habar'i Kristus e.
Batū ia madiri mēlanging mu-
nara su watu pinēbukuang nipēl-
loū taumata waļine. ²¹ Suraļungu
Winohe Susi e maļawohe,

”Taumata apam bēdang tawe
nakadingihē habaru maanun
Sie, ute sarungbe makasilo;

dingangu i sire apam
bēđang tawe nakadingihē
e sarungbe makaēna.”

Karakin Paulus sarang Roma

²² Kai ualingu ene hakiu ia mēngkai maśahaghe mētiwo si kamene. ²³ Arawe ini e munaraku su apan banua ene seng nauadipē.^c Pira-pira taung karēngue ia mēngkate mapulu mētiwo si kamene. ²⁴ Hēđoeng kereu ia sumahē soanu suraralengku sarang Spanyol, ku małowoko ia deng makapēsombang i kamene ku deng makapēdaľuasē kađodo tempo ringang i kamene. Bōu ene ia mēlēharapē i kamene reng makatulung u ia baugu raralengku sarang Spanyolē e. ²⁵ Arawe orasē ini e ia mapulu sarang Yerusalem tadeau mēbawa lahuwū^d baugu raľohon jamaat'u Mawu sene. ²⁶ Batu apan jēmaatē su Makedonia ringangu Akhaya seng nēmpēgaghilē mēgēlliu lahuwū baug'u manga ana sēmbau kasiang su taľoran jamaat'u Mawu su Yerusalem. ²⁷ Dingangu karaluasū naung i sire nēmpēmutus'u mēdeau mēkoā ene. Mam-

ben tēngadē i sire hinom mētulung u manga ana sēmbau apang kasiang su Yerusalem ene; batu kai wōu tau Yahudi e, ku apam baline Yahudi e sen nakatarima u kalawōu alamatē bōu Ruata. Ku apam baline tau Yahudi e hinone lai mētulungu apan tau Yahudi e ringangu kalawōu alamatē bōu arētae. ²⁸ Kereu ia seng mēngganapē halēku ini, ku manarakang u kakēndagē ku seng nakomōlē e si sire su Yerusalem, tangu ia e kai makoā sarang banuan Spanyol isahe wōu soang kamene. ²⁹ Kereu ia dumēnta su anung kamene, ute ruđentang alamatē mēđeđalembo wōi Kristus baug'i kamene.

³⁰ Ualiem Mawung kite Yesus Kristus, ringangu ualieng kakēndag'u Rohkē u Mawu, ia mēđeđorong sēngapam botonge si kamene, karimaķo i kamene maľaing mēkaľiomaneng sēngkapēkaľiomaneng masēgadē dinganku su Mawu Ruata waugu ia. ³¹ Pēkaľiomaneng mēdeau Ruata e mēliung ia bōu ľiman tau kapiřē apan su Yudea, ringangu mēdeau halēku mēbawa roitē kakēndagē su Ye-

^c natagapi ^d tatongka/bantuan

rusalem ikatarimaben dingangu naung maľuasę kahian daľohon jamaat'u Mawu sene. ³² Uaľingu ene, kereu iapakawalan Mawu ia makakaręnta we anung kamene ringangu naung maľuasę. Ku ia sarung mahiborę dingang i kamene. ³³ Milumbako Mawu Ruata e mangonggou pędarame su tau-mata, mahundingang si kamene kębi. Aming.

Tatabea

16 Ia e kai mapulu mapaka-singkau wawineng kite i Febe. I sie ľenna u męnenongka mętangkuang jamaatę su Kengkrea. ² Tarimako i sie mako a sęngkatau raľohon jamaat'u Mawu. Mambeng kerene kakako u taumata maľgimang su Mawu e hinong męnarimau sęmbau su waline. Lęontole wue i sie, kereu i sie męgęgausę tuľumang bo'i kamene, uaľingu i sie sęsane seng nętuľung lawo taumata - suľiung ia.

³ Pęmpaulikon tabeaku si Priskila ręduan Akwila, manga hapiku ku sęngkahalękang baug'i Kristus Yesus. ⁴ I sire maraning mairi uaľingu mapulu mangambang sia. Ia makitarimakase si sire - ku balinewe kętaeng sęsaku

kai kębi jamaatę maning baline tau Yahudi e maľaing makitari-makase si sire. ⁵ Pęmpaulikon lai tabeaku su jamaatę apan nakomolę su walen sire.

Tabeaku si Epenetus i kękęndagęku. Kai i sie tau kahumotongange maľgimang si Kristus su wanuang Asia. ⁶ Tabeaku lai si Maria. I sie seng nętęngkasahedę kahęngang baug'i kamene. ⁷ Pęmpaulikon lai tabeaku si Andronikus ręduang Yunias. I sire e kai wansa sęmbau dingangu mase lai ľenna u sęngkatahungku dingangu. Kalimonang ia maľgimang si Kristus, i sire e sen tębe maľgimang. I sire pia areng i sire sutaloaram manga rasulę.

⁸ Tabea si Ampliatus ku i kękęndagęku uaľingu i sie ringangkewen ia e seng nasęmbau dingangu Mawu. ⁹ Pęmpaulikon tabeaku si Urbanus ringang i kite e ku nęmunara ringang i kite baug'i Kristus. Dingangu tabeaku si Atakhis i kękęndagęku. ¹⁰ Tabea si Apeles. Kasatiane si Kristus seng limęta. Tabea lai su raľohon balen Aristobulus, ¹¹ dingangu si Herodion. Ia e kai wansa sęmbau dingange. Tabeaku lai su manga ana u sęmbau

tamba pangangimang suralohon balen Narkisus.

¹² Tabeaku si Trifena ringang i Trifosa ku nētēngkasaghedē nētangkiang Mawu, ringangu si Persis i kēkēndagēku e. I sie lai seng nētēngkasaghedē kahēngang baugu Mawu. ¹³ Tabea si Rufus dingang i ninange, ku si sia e aling kai i ninangku sēsaku. I Rufus kai tau pinilen Mawu ku dēdaloēng. ¹⁴ Pēmpaulikon tabeaku si Asinkritus, Flegon, Hermes, Patrobas, Hermas dingangu kēbi anau sēmbau tamba pangangimang dingangkewen sire. ¹⁵ Tabeaku si Filologus rēduan Yulia; si Nereus dingangu wawinene si Olimpas dingangu kalawou taumata mangimang ku dingangkewen sire.

¹⁶ Pēmpēpapangadatē pakapapia, sēmbau su waline aling kai anau sēmbau Sahani. Patiku jamaat'i Kristus mēmpēdēdingou tatabeā i sire su manga anau sēmbau.

Sasasa pēngēnsueēnge

¹⁷ Manga anau sēmbau! Ia mēdēdorong sēngapang botonge: Pēmpēteghang ben sire apan makakadēntan pēsasitori ringang-

u makapēgēnggohaeng pangangimang u taumata su Mawu. Halē ene mētētātētang u apan seng nitēntiro si kamene. Pēmpētali-kudē ben taumata kerene. ¹⁸ Batu taumata ku mēkēkoā kerene walineuwe mēmunara waug'i Kristus Mawung kite, kaiso mēdeau makawatū kapulunang i sire hala. Ualingken bawodai dingangkewen manga wawera malēnggihē e i sire mēmpangakalē apan taumata ku bēgawen manga apa-apa. ¹⁹ Kēbi taumata seng masingka u i kame-ne satia su tēntirong Injilē bou Ruata. Ku ia maluasē su halē u kakakoā i kamene. Ia mapulu tadeau i kamene mapapeleesa su manga halē mapapia, ringangu longong, su manga halē daralai. ²⁰ Mawu Ruata ku nangonggou karalunsemahē su taumata, sarung maligha mamello u setang sualungu kawasanu ringangu mapakawinasa.

Milomboko manga anau sēmbau hanesē lēalamateng i Yesus Kristus Mawung kite.

²¹ I Timotius, hapiku, makipauliu tabeā e si kamene, kerene lai i Lukius, i Yason dingangu i Sosipater, ku tamba wansaku.

22 Ku namohę suratę ini e kai iã i Tertius. Iã e męhabaren tabeã anãu sęngkatau si kamene.

23 I Gayus nęndohęn tabeã si kamene. Iã mañumpang su wałene ringangu jamaat'i kami lai męmpętętahamawu lai sene. I Erastus tęmbonang u urusang u roitu wahageang soa nęndohong tabeã si kamene. Kerene lai anãu sęmbau i kite i Kwartus.

[**24** Milomboko Mawung kite i Yesus Kristus męngalamatę si kamene kębi. Aming.]

Kakunsi u suratę

25 Daralo su Ruata! I Sie kawasa manoghasę pangangimang i kamene mañuhę su Injilę bou Mawu Ruata ku taku ilęhabarę mañanun Yesus Kristus.

Iã mañgekeng habarę ene e mañuhę kere ilęlahę Ruata e su halę u karakin Duata ku seng hakiu ghęnnangu hasę su taunge karęngę tawe niķasingkatengu taumata. **26** Arawe ini, su parentang Duata kakalę, karaki ene seng niapakalahę dingangu niapakasingka su patiku bansa, suralungu manga winohę u nabi, tadeãu i sire kębi mangimang dingangu matuhę su Ruata. **27** Mang i Sie sęsane Ruata, i Sie su wowon patiku tahuęna.

Milomboko i Sie iapakawan-tugę marangę sarang maręngudęngę suralung i Yesus Kristus! Aming.

Adat'i kami,
Paulus, ęllang i Kristus Yesus

SURAT'I PAULUS HUMOTONG
SU JAMAAT'U
KORINTUS

DARUMATINGE

Surat'i Paulus Humotong Su Jamaat'u Korintus niwohē baugu ipēnaḷuahē kaḷawou apam maḍiadi suraḷungu jamaatē nirarisi i Paulus su Korintus. Kaḷawou kuḷidaḷange ene e ute kai maḅanun pēbawiahē dingangu pēngangimangu tau Sahani. Su tempo ene Korintusē e kai nasowa soa ghēguwa su Yunani, niupunangu soa su propinsi Akhaya nasowa paparentaēngu Roma. Soa ini, tumaḅa e kai haghim bansa, timeleng mapia su haḷē u mēdagang, kēbudayaange marange dingangu lai su haḷē u adat'i sire e wēdang ikawera masana hakū mēngkai mēdēdaḷahaghi agama sene.

Kahumotongangange nakoḅa sutinēnnan Rasul Paulus e ute kai haḷē u sidara^a dingangu pēsasilontahē suraḷungu jamaatē, dingangu su haḷē u mawuang dingangu pēkakawing, haḷē u pēndang, dingangu u karalenehē suraḷungu jamaatē, nēngga u Rohkē Susi, ringangu pēbawangungu taumata nate. Dingangu tingirange^b mararaḷung, i Paulus napakalahe u kereapa Injil'u Mawu e mapētakahino su kēbi kuḷidaḷange ene.

Su pasalē ka puḷo tēllune mēnēnurantungu tatialang kakēndagē tutune. Pasalē ini aramanung kai nakoḅa pasalē timoḷo bou kēbi pasalē baḷine su bukē ini.

^a perpecahan ^b pandangan

Lohone

Panětakenge	1:1-9
Sidara suralungu jamaatě	1:10-4:21
Halě u mawuang dingangu pëbawiahu kawing ana	5:1-7:40
Tau Sahani ringangu isain tamananěmba Mawu Ruata	8:1-11:1
Pëbawiahu jamaatě dingangu pëkakaliomaneng	11:2-14:40
Pëbawangung i Kristus dingangu tau Sahani e wou papate	15:1-58
Gaghëlli su tau Sahanin Yudea	16:1-4
Halě u watangeng dingangu kakunsi e	16:5-24

1¹⁻³ Manga anau sēmbau jamaat'u Mawu su Korintus! I kau seng nikuiangu Mawu Ruata e nakoꝝ umat'E ualingu i kau e kai tataghuaneng i Kristus Yesus, dingangu patiku taumata bæ su tampa sude apam mēmpañēmba Mawung kite i Yesus Kristus e kai Mawun sire ringangu Mawung kite lai. Ia, i Paulus, dingangu anau sēmbau i kite i Sostenes, mēlēharapē karimaꝝ Ruata i Amang i kite dingangu Mawu Yesus Kristus mēgēlliꝝ alamatē dingangu karalunsemahē si kamene. Ia nēmoheꝝ suratē ini kere sēngkatau rarolohang i Kristus Yesus, nihengkeꝝ u Ruata sēsane ringangu ualingu lai kapulun'E.

Alamatē bꝝu Mawu Ruata suralungi Kristus Yesus

⁴Ia sēntiniꝝ makitarimakase su Mawu Ruata maꝝanung kamene, u i kamene seng nakatarimaꝝ tatalēntu bꝝu Ruata limiun Yesus Kristus. ⁵Ualingu i kamene e seng nakoꝝ tataghuanengi Kristus, ku pēbawiah'i kamene e kala su patiku sabarang. Kasingka i kamene su halē u patiku e mambem maralung-dalung, masene lai i kamene e mang pelesa manēnti-

rong kasingka ene. ⁶Ené e mēlēlaheꝝ Injilē maꝝanung Kristus e seng limēnaꝝ suralungu naung i kamene, ⁷hakibeng i kamene tawe kakawusangu alamatē saralain manga sēmbau, tēntalang i kamene reng mēmpangampalē Mawung kite i Yesus Kristus dumēnta ringangu ikasilom patiku taumata e. ⁸I Kristus sēsane sarung mapēbiah'i kamene solong pangēnsueēnge tadeꝝu su tempong i Sie rumēnta kapia e ute i kamene kaēbakengbe tawē apa salane. ⁹Mawu Ruata e pangimangengbe kahēngang. I Sie kai Ruata ku seng nēkui si kamene makoꝝ sēmbau dingangu Ahuse, i Yesus Kristus, Mawung kite.

Pēsasilontahē suralungu jamaatē

¹⁰Manga anau sēmbau! Dingangu arengu Mawung kite i Yesus Kristus, ia e mēdēdorong takadeꝝu i kamene mēsēngkanaung kēbi; tadeꝝu kumbahangbe pia pēsasilontahē sutaloarang kamene. Karimaꝝ i kamene masēmbau, sēngkanaung dingangu sēngkapētinnēna. ¹¹Batꝝu manga anau sēmbau bꝝu waleng Kloē mēbēke si sia u pia pēbawuꝝo sutaloarang ka-

mene. ¹²Hatede ute kai piāu woi kamene mēbēbera, "Ia tumole si Paulus," piā lai mēbēbera, "Ia tumole si Apolos," i sire waline nēbera u, "Ia tumole si Petrus," arawe walineuwe lai ute nēberau, "Ia tumole si Kristus."

¹³Ku unuwe i Kristus ipēkaka-kempang! I Paulus tawe nate nighantong baug'i kamene! I kame-ne maiaing tawe nisahani waugu makoā murit'i Paulus arau ēng?

¹⁴Tarimakase ia e tawe nēnahani si kamene sarang sēngkatau, su likud'i Krispus dēduang Gayus. ¹⁵Kumbahang-be piāu sēngkatau makapēberau ia seng bou nēnahani si sie makoā tumatole si sia. (¹⁶O-re tēngadē, i Stefanus dingangu ralohom balene, tēngadē kai ia nēnahani si sire. Ore lai su sēmbēkang ene e, su tahēndungku tangu semben tawē u waline taku nisahani.) ¹⁷I Kristus nēndolohu ia e walineuwe ipēnahani taumata, kaiso kawe ipēlēhar'u Injilē bou Ruata; ku ene harusēbe koatengku walineuwe ualingu, pande mahumbisara maṭaumata, tadeau kawasam papateng Kristus su kalu

pinēnggantongang e tawe makoā ta kēhase.

**Kawasa ringangu
katatahuēnnan Duata e
bawētane e si Kristus**

¹⁸Batu si sai-saim mētēti-mona kawawinasa e, habaru kapapohong i Kristus su kalu pinēnggantongang kai makoā bēke ta kēhase. Arawe si kite apang ipakašalamat'u Mawu e, habarē ene e kawe kere kakakoā u Mawu mēnode u kawasan'E, ¹⁹u su Winohe Susi e, Mawu e nēhengetang,

"Kapapandem mapapande e sarung Taku gagholangeng, dingangu katatahuēnnam masasingka e sarung Taku i pakaparung."

²⁰Ku apawue gunane taumata pande e? Apawe gunane i sire masasingka e tangu? Apawe gunane i sire tahapēnanēsui kasingka u dunia e? Mawu Ruata e seng niapakalahe u kapelesan dunia e mamben ta lohone sēmantang.

²¹U waēbe kereapa kapanden taumata e, i sie tawe makakirala Mawu wou kapandene sēsane.

Kaiso ualingu Mawu Ruata e kai matahuēna, tangu i Sie wotonge mēngambang si sai-saing ku māngimang si Sie wou habar'u Injilē ilēhabar'i kamie ku kiralingkai tawē kēhase kahian dunia e. ²² Tau Yahudi e mēgēgausē tanda makalaherang makoā tialane, ringangu tau Yunani e mēgēgausē kapelesan dunia ini. ²³ Arawe i kite e tangu kētaeng sēmatang mēlēhabar'i Kristus ku seng napohong su kalu kuruisē. Habarē ini e kai nimēngga nakoā katatangaēng su tau Yahudi e, nikoā kere habarē niusē kahian sire waline tau Yahudi e. Ringangu i sire waline tau Yahudi e māngiraling ene e kai sēmbau katatungko. ²⁴ Kai arawe si sai-sain seng nikuiangu Mawu Ruata e – baewe tau Yahudi arau waline Yahudi e – habarē ini e kai kere kakakoā u Ruata mēnēnode u kawasan'E ringangu katatahuēnan'E. ²⁵ U kawawodoku Ruata e kai limembom pelesa wou kapelesan taumata e; dingangu karalomen Duata e, kai limembong katoghase wou katatoghasu taumata.

Kawasan Duata ringangu karalomen taumata

²⁶ Manga ana sēmbau! Kēnang pētahēndung kerea kaka-koā ikamene su tempōen Duata e nēkui si kamene. Kētabeng kadodo (mahali) sutaḷoarang kamene e matatahuēna e, arau kawasa, arau matatebone tumuhu tingirangu taumata e. ²⁷ U mamben pinētatuḷe Duata e nēmile apang lēnnaēng bodokē kahian dunia ini, tadeau ipēnumea mapapande. Ringangu Mawu Ruata e mālaing nēmile apang lēnnaēng lome kahian dunia ini, tadeau apang matatuhasē mālahasa e mēngkamea. ²⁸ Mawu Ruata e nēmile apang lēnnaēng masana, mahina, ringangu mundangu kēkoateng tawē mangalene kahian dunia ini, tadeau Ruata e mapakaghoghahu apang lēnnaēng kapiaēng e kahian dunia. ²⁹ Ualingu ene ute tawē u sēngkatau makapēngobotu watangenge su tēngom Mawu Ruata e. ³⁰ Duata sēsane e seng napakariadim manga ana sēmbau e nasēmbau dingangi Kristus Ye-

sus. Bõu anung Kristus, i kite e niapakakoã matahuëna. Ringangu kai wõi Sie lai Ruata e napakariading kite nēsëngkapiam batangeng i kite e kapia ringangu Mawu, napakariading kite e umate sahi (tutune) ringangu nēngambang si kite e. ³¹Ku kai kerewe kabawohe suralungu Winohë Susi u, "I saing ku rülesa e ute harusëbe rülesa u apang kinoã u Mawu."

Habaru kapapohong'i

Kristus e su kalu kuruisë

2 Manga anaü sēmbau! Su tempong ia dumēnta su anunu ringangu nēhabaru hingidu Mawu si kamene ku bēdangta nikēkasingkatengu dunia e, ute ia e tawe nēpake u katatahuēnna dunia e arau mēbēbisaram bisara ku asalēwem mēbēbisara. ²Batu ia seng mēkaraki ringangu kaguwau ralungu naung tadeau karēnguweng ia dingangi kamene tangu, ia e tawe mēhabaru apa-apa, sulikudu kētaeng maanung Yesus Kristus; sēmantang mēlēhabaru i Sie seng napohong su kuruisë. ³Pia e ia ene ringang i kamene, ia e kai lome ringangu ghimaghan taku.

⁴Habarë taku nipauli si kamene e tawe taku nihabaru wawera makabinsana tuhu katatahuēnna taumata. Ia e nauļu ene e mēlēlaheu Rohkë Susi e kai kawasa. ⁵Ia nēkoã kerene e takadeau pēngangimangi kamene si Kristus e tawe iwēnta su katatahuēnna taumata e, kaiso kawe iwēnta su kawasan Duata.

Katatahuēnna Duata

⁶Maningbe kerene, sutaloaran taumata ku pēbawiahu marokhë e seng natimu, ia e mam-bem mahumbisarang halë u katatahuēna. Kai katatahuēna ini e walineu katatahuēnna dunia e, arau katatahuēnna mangawasan dunia tempo ini, ku kawasane e sarung mapalusë. ⁷Katatahuēna taku ipahumbisara e tawe kasingkatengu dunia e, kai Mawu Ruata e seng nēndiang ene e waugu karalunsemahë si kite e kalamonan dunia e niriadi. ⁸Taweu sarang sēngkatau wou taloaram mangangawasa orasë ini e masingka u katatahuēna ene. U, kereu i sire kai seng masingka ute, tantu i sire tawe sarung mēnguruisë Mawu mawantugë ene. ⁹Su sēmbëkane

ute halë ene kai kere maḃawoḃe
suralungu Winoḃe Susi,

”Apang deng ta kinasilo arau
reng ta kinaringihu taumata
e,

dingangu reng ta
kinatinënnan taumata e,
ute seng sinadian Duata
e waugu taumata apang
kuḃëndagë e.”

¹⁰Arawe Ruata e seng napa-
kalaḃe si kite ualingken Rohḃe e.
Rohḃe Susi e nënanësuḃi patiku e,
saraeweng apang hingidu Ruata
su kapapënisange. ¹¹U masingḃa
u raḃungu naungu pëḃëngkatau e
ute kai rohkë u tau ene sësa-
ne, arau ëng? Kerene wue halë
u Mawu. Masasingḃa u raḃungu
naungu Mawu Ruata e ute këta-
beng Rohḃe u Mawu sësane!
¹²Dingangu i kite e tawe nighëli-
rangu rohkë u dunia ini, kai-
so kawe Rohḃe boḃu anun Mawu
Ruata, tadeḃu i kite makaka-
singḃabeng këḃi seng niḃaongḃo u
Mawu Ruata e si kite.

¹³Ualingu ene e, kereu i kite
mënuḃalagu patiku maḃanun Dua-
ta e si sai-sai maḃaghuanḃ Rohḃe
u Mawu e, i kami e tawe ma-
rauliḃ tḃuhḃu katatahuënnan tau-
mata, kaiso kawe tḃuhḃu tëntiron
Rohḃe u Mawu (Rohḃe Susi).

¹⁴Taumata ku ta mananaghuanḃ
Rohḃe u Mawu e tawe makata-
rimaḃ u apan nilaḃe u Rohḃe ene.
Watu u su taumata ene këḃi-
këḃi ene ute kai mëḃsulungu halë
u katatungḃo. Tau ene tawe ma-
kaënnan, u ene këtaewen nipanda
kere kakakoḃa u marokë sëmatang.
¹⁵I sai-sain maḃaghuanḃ Rohḃe
u Mawu e makakoḃa mëḃgarëgam
patikuḃu sabarang, kaiso tawëḃu sa-
rang sëḃngkatau makapangarëgam
batangeng’E. ¹⁶Su Winoḃe Susi
e, kaḃawoḃe,

”Kai i sai masingḃa u
tingirangu Mawu?

Dingangu kai i sai
makapënsa si Sie?

Kai i kite e kinawuakengu tingi-
range mëḃsulungu si Kristus!”

Manga mëtatangkiang Duata

3 Tumuhḃu hinone ia e tawe
makawisara ringangi kamene
mëḃsulungu taumata piḃa Rohḃe u
Mawu. Ia tumbaeng makapëbisa-
ra ringang i kamene kere ringang-
u taumata ku bëḃang mëḃëḃbiahë
tḃuhḃu ënningu dunia; kere ri-
ngangu manga rariḃo bëḃang
sḃususḃu suralungu pëḃgangimang
si Kristus. ²Nauḃng, ia këtaeng
makakaghëlliḃ u kaëḃgu manga-
rariḃo, baḃinewe kaëḃgu tauma-

ta matatëllang; u i kamene reng ta natoghasë baugu ene. Kai orasë ini e i kamene de laing ta natoghasë, ³ u i kamene kai reng mēbēbiahē tūtuḥu lulun taumata. U kamageng i kamene wēdang piā u susingking dingangu mēdēdaļa sēmbau dingangu waļine e, ute ene waļinewe mēnēnodeu i kamene wēdaweng tūtuḥu lulun taumata e, kere taumata wēgan Mawu Ruata? ⁴ Kereu piāu mēberau, "I kami tumoļe si Paulus," dingangu waļine e nēberau, "Ia tumoļe si Apolos," ute ene waļinewe mēļlaheu i kamene taumatan dunia tangu?

⁵ Tumuhū hinone ute kai isai tangu i Apolos ene? Dingangu kai sai tang' u i Paulus? I kami e kētaewem mētatangkiang Mawu e, seng nēmihing si kamene tađeau mangimang si Kristus. I kami e kētaben mēdēndaļengu munara nitilakehu Mawu e si kami sēngkatau-sēngkatau. ⁶ Ia e mēsasuange ringangu i Apolos mēnanēbohe, arawe Mawu Ruata sēsane e mapātuwon sasuange. ⁷ Kū kakaļimonaēnge ute kai Mawu Ruata, batu kai i Sie napatuwo e. Mēsasuange ringangu mēnanēbohe ute tawe sēngapa;

⁸ irēdua e kai sēndēdagē. Sēngkatau-sēngkatau e sarungbe mēnarimaḥu wuan saghede. ⁹ I kami e kai taumata lawo mēmamunarane waugu Mawu; ringangu i kamene e ute kai kere waelu Mawu.

I kamene lai e kai kere waļen Mawu. ¹⁰ Kū ualینگken kapande niongo u Ruata, ia e aļing kai masasingka u bangu nang e sen namello u pondasi waugu godoeng ene e, ringangu taumata waļine e nēmangung godoeng suwowom pondasi ene. Apan taumata e harusēbe tatingang pakapia kereapa kaka koa e i sie nēmangung suwowom pondasi ene. ¹¹ U Mawu Ruata sēsane e seng namello i Yesus Kristus samatang batu pinamanggilangu ghodoeng ene; kū tawe apa pondasi waļine. ¹² Piāben nēmangung suwowom pondasi ene nēpakeu wuļaeng, piāben nēpakeu saļaka, piāben nēpakeu watu intang-paramata, piāu lai nēpakeu kalu, rēmpugē hēgu arau rahami. ¹³ Munarang sēngkatau-sēngkatau e sarungbe lumēta hēdon su tempong i Kristus e rumēnta kapia. U su ello ene e putunge sarung mapakalahēu haļe u sēngkatau-sēngka-

tau. Putunge sarung mēnahi di-
ngangu mēnilakehu lēta u halē
ene. ¹⁴Kereu wale nirarisi u tau-
mata su wowom pondasi ene e
makēdang su putung ene ute,
taumata ene e sarungbe makata-
rima u tatendenge. ¹⁵Kai kereu
halē e ene kawe matutung ute
i sie sarung kailangengu taten-
denge, kaiso i sie ute maambang,
katewaho mēsulungu taumata na-
kalawesē bou putung.

¹⁶I kamene masingka bue
watū i kamene e kawe Walem
Mawu? Mase Rohkē u Mawu e
kawe matana suralung'i kame-
ne? ¹⁷Kereu piaü mēnggoghahē
Balem Mawu, ute Mawu e sa-
rung mēnggoghahē taumata ene.
U walen Mawu e kai natēnta-
ni waugu Mawu sēsane, ku kai i
kamene wale ene.

¹⁸Ku kumbahang bue piaü
mēngakalē batangenge. Kereu
piaü woi kamene makapēndang
batangenge matahuēna tumuhu
ukurangu dunia e, ute taumata
ene e harusē makoā taumata wo-
do, tadeau i sie kahēnga-hēngang
matahuēna. ¹⁹U isaing itētika
matahuēna kahian dunia e ute
kai wodo su matan Mawu e. Su-
ralungu Winohe Susi mābawohe,

"Mawu e mēname taumata ma-
tahuēna e suralungu kapanden
sire hala e." ²⁰Piaü lai kabawohe
kereini, "Mawu e masingka u
tinēnnan taumata matatahuēna
e ute kai tinēnnawe tawe guna-
ne." ²¹Ualingu ene, kumbahang-
be piaü sēngkatau e rulesa u tau-
mata, u patiku sabarange seng
ni-laonggo nakoā tataghuanengu:
²²Paulus, Apolos, Petrus, dunia
ini, pēbawiahē dingangu papate,
tempo ini, arau tempo ramahi
kādēntane, patiku sabarange kai
tataghuanengu. ²³Dingangu i ka-
mene e kai tataghuaneng'i Kris-
tus, mase i Kristus e kai tata-
ghuanengu Ruata.

Manga rarolohang'i Kristus

4 Koāe i kami kere mēta-
tangkiang si Kristus, ba-
hani ringangu maluasē mēha-
baru manga hingidu Ruata e
ku bēdang ta nikēkasingka-
tengu dunia. ²Kahumotong-mo-
tongange ghēgausang bou mēta-
tangkiang kerene e ute kai ka-
satia su mawune. ³Si sia e,
tawe makoabe apa-apa ku apa-
wen tētinnāng ikamene di-
ngangu i sai-sai mētētinnang

ia. Limembo katewe apan taku lëennaëng mañum batangengku e tawe mëkapura wue. ⁴Ia e tawe nakapëndang salaku balawe mënsang suhalë sude, kai ene e walinewe mañu iu ia mamben ta salaku. Këtaeng Mawu sësane mënantune mënsangbe ia nësala arau tala. ⁵Ualingu ene, puhinengu wëdang baline tempone, kumbahangbe i kamene mësasahawu mënantu sëngkatau-sëngkatau e pia salane ringangu tala. Pëngampalëko sarang darëntan Mawu e. Kai i Sie hëdong mëlahë u këbi rahasia e mañawuni su rëndunge. I Sie e kai sarung mëlëke patiku ëning mañarëpehë suralungu naungu taumata. Su tempo ene wuhuwe sëngkatau-sëngkatau mënarimañu raralo wou Mawu e tuhewe hinong ikatarima e.

⁶Manga anau sëmbau! Bangu pandangang i kamene e, ia e seng napakatarangu patiku ene si kanduang Apolos. Timonane e tadeau wou aha i kandua e ute i kamene makapëtëno apa mangalem bawera, "Pëmpëngumbebe sua-pang kewe pëlatorang ku pia e." Mañaringbe pia u sëngkatau woi kamene e mëtëtëngkarangë u naunge kapëlehinakange waline.

⁷I sai wue tangu mapakariading anau sëmbau e limembo wou waline? Ku patiku sabarange walinewe nitarimañu wou anun Duata tangu? Ku unye mapulu mëtëngkarangë u watangeng, ku apam pia sikau ene añgkai walinewe sëmbau gaghëlli tangu? ⁸Kahëngang bue i kamene semben tawe lai mëgausë apa-apa! U i kamene e seng narotong! I kamene semben naratu! Dingangu i kami e tala wue. Limembo-weng kapiaëngë kereu i kamene kahënga-hëngangbe seng nakoã datu, tadeau i kami e makapëparentawe ringang i kamene. ⁹Kai tuhewe tingirangkue, i kami manga rarolohange, seng kinoã u Ruata e wawialaëng su tëngon taumata e ringangu manga ma-laekatë. I kami e kai tabidañu taumata raralakisë kinanawoëngu hukumang papate su tëngon lawo e ringangu wëbansagheng u dunia. ¹⁰Ualing'i Kristus e, ute i kami e kai narekeng taumata wodo, ku arawe i kamene ute kai tau Sahani pande! I kami e kai lome, arawe i kamene e matoghasë! I kami e ipëlēghesë, dingang u i kamene rëdaloëng. ¹¹Sarang orasë ini i kami e nakahombangke karalunusë dingangu kararou; pakeang i kami e

kate nalēmbe su wadang; tau-
mata e manigēsā si kami, i kami
e tawē tampa i kami e ta-
tapē; ¹²i kami e maḃau u muna-
rang kami ualingu liaghang
gati e mēdēdeā biahē. Kereu
i kami ipakawontogē e, i ka-
mi e mamalīsu alāmatē, kereu i
kami e tingkaitange ute, i kami
mētēngkasabarē; ¹³kereu tau-
mata e mapakaḃalakis'i kami e, i
kami e mamalīsu wisara alūsē.
I kami e tawe nangēlembo
wou onasu dunia ini e, sara-
eng tempo ini e i kami e wēdang
maḃarekeng kere raralindaēng.

¹⁴Ia e namohē u ini e si
kamene balīnewe waugu mapaka-
meang kamene, kaiso kawē mēna-
sa si kamene kere manga anaḃu
tutune. ¹⁵Watūu ia e kai makoḃa
iamang i kamene, maningbe ara-
manung kere tau Sahani i kame-
ne seng piḃa mananēntirone ma-
puḃo hiwu su kataune. Su pēba-
wiahu kere taumata ku nasēmbau
dingangi Kristus, ia e nakoḃa i a-
mang si kamene, batūu kawē ia
e nēbawa Injilē maḃanung Kris-
tus e si kamene. ¹⁶Batūu ene ia
e mēgēgausē sēngapam botonge
tadeḃu i kamene e pēmpētēno-
ko si sia e. ¹⁷Baugu ene e ia

e sen nēndolohi Timotius si ka-
mene. Mihino tumatoḃe si Kris-
tus, i sie aling kai anaḃu tutu-
ne ikēkēndagē. I sie anaḃu botonge
kapēngumbalaēng. I sie hēdowe
sarung mapētahēndung i kame-
ne e suhalē u kakakoḃa u pēba-
wiahē ku taku tētoḃeēng sarang
sen nangimang si Kristus, ku
kai kakakoḃa u pēbawiahē taku
itētēntiro suapan jamaatē walḃe-
we mēnsang suapa.

¹⁸Pira-pirangkatau wo'i ka-
mene e seng nēngkaobotē, u i
sire maḃēnnau ia e tawe sarung
dumēnta anung kamene. ¹⁹Kai
kereu Mawu e mapakawalang ia
e rumēnta kapia ta kaḃēngu e
solong anung kamene. Hēdowen
su tempo ene e, ia sarung lai
makasilo apang kinoḃa u tauma-
ta naunge marangēe; balīnewe
kētau su waweran sire samatang.
²⁰U kamageng Mawu Ruata e
mēparenta su pēbawiahu sēngka-
tau e, halē ene tangu maḃahē bue
supēwiahu taumata ene e, walī-
newe ualingu wawerane. ²¹Ku
pēmpēmilē e apawue lembong i
kēkapulung kamene! Apa i kame-
ne mapulu ia e rumēnta manēnti-
ro mahēgisē arau masakome ri-
ngangu kakēndagē?

Kawawuang suraꦭungu jamaatĕ

5 Tuhū hinone ia seng nahombang habarĕ nasĕsahĕ u sutaꦭorang kamene e kai piā pĕsasundalĕ maḥĕmpaliu: Piā u woi kamene nĕkapapuĕng si mamane uata. Taumata apam bĕgang Mawu e maꦭain tawe mĕkakoā kerene! ²Maning kere- ne, kai mang bĕdang marangĕ naung i kamene e. Sĕmbaliu i kamene kawe hinong mĕngkasu- sa, ringangu mapasĕbang i sire apang mĕmpĕkĕkoā ene e wou taꦭorang kamene e. ³⁻⁴U ia e maningbe marau tuhū badange, kaiso tuhū dokĕ e ute ene wue sutaꦭorang kamene. Ku ene, ia e kai nĕnawong putusang aꦭing- kai ene sutaꦭorang kamene. "Su arengu Mawu Yesus Kristus ia mauꦭiu i saing ku seng nĕkoā ka- raꦭamuhū e ute harusĕ ihukung!" Kereu i kamene mĕmpĕkomolĕ e ute mĕsulungu ia maꦭaing e- ne sutaꦭorang kamene ringangu uaꦭingu kawasan Mawung kite i Yesus, ⁵ute i kamene e hinong mĕnarakangken tau ene su setang tadeau mapakawinasam badange,

arawe himukude maambang su tempon Mawu e rumĕnta kapia.

⁶Daꦭesa i kamene e mam- ben ta nĕtatahino. Aramanung i kamene masingka u wawe- ra, "Haesĕ^c kaꦂodo e makatu- wo kĕbi tapoĕng^d nikaugĕ!"

⁷Dĕmmĕko kaꦭamona haesĕ tĕbe, arau haesu rosa e, tadeau i ka- mene mariadiwe kaꦭaukangu ta- poĕng buhu, wurĕsi wou ꦭahaes- su rosa tĕbe ku ia e masingka batu i kamene mambeng kerene. Batu, pĕmamantugu ĕllong Pas- kang kite e seng nasadia, watu i Kristus seng nakoā dombang Paska'ng kite e kara kawe se- laing nihata. ⁸Ku mahi e i kite mĕmantugĕ saliwang i kite e ri- ngangu borotĕ ta nilĕhaesang, mangalene borotĕeng kasasusi ri- ngangu patiku apan nĕtatahino su kapulun Mawu Ruata. Kum- bahang i kite e mĕmantugĕ ĕllon Paska e relaing mĕpake u borotĕ piā ꦭahaese tĕbe, ku kai ꦭahaesu rosa e ringangu karalamuhū.

⁹Suraꦭungu suratĕku tamai naꦭiu, ia e nĕsĕding si ka- mene tadeau i kamene a- be pĕmpĕdalahapi dingangu ta- hapĕsundalĕ. ¹⁰Kai ia baꦭine-

^c kabō ^d gaꦭĕmpung = tepung

we mañanung tahapěsundalě arau małaanggang arau tahapěngakalě, arau tahapaněmba mahanduata ku mamben bėgawen Mawu Ruata mađihutu. Wałine! Ia e wałinewe małiu i sire; u kamageng i kamene kawe harusě mětěngkaraun sire e, nałahę u i kamene e hinong mahunsėbang bōu dunia ini. ¹¹Su timonaku e ute kai, i kamene kumbahang mēdahapi^e u taumatan Sahani e ku mañakum batangengetau Sahani e, kaiso kawe tahapěsundalě, arau maanggang, arau tahapaněmba mahanduata, arau puluange mēndalakisę taumata wałine, tahawukang, arau lai tahatako. Kałingung kumaęng sęngkakaęng dingangu taumata ene e mamben karię!

¹²⁻¹³Tęngadę bue mēhukungu taumata apam bałine tau Sahani e wałinewe halęku. Kai Ruata sęsane e sarung mēhukung i sire. Kai arawe mañanun dalohon jamaat'i kamene e, wałinewe i kamene hala ngae hinong mēhukung i sire? Surałungu Winohę Susi e kaławohe, "Tokole taumata rałakisę e wou anung kamene."

Męngalakę i kamene su anum mēlahukung

6 Unęe pia u wou tałorang kamene wahani makoą solong anum mēlahukung ku tawe męngangimang su Mawu e mēdeąu męngalakę u manga ana u sęmbau tamba pangangimang, kereu i sie męsitori ringangu kasanggidange e? Unęe wue i sie tawe męgaghausę masasusi e i pangurusę sidara ene? ²I kamene kai węga u masasusi e sarungbe męmpēhukungu dunia e? Ku kereu i kamene mambeng sarung iapēhukungu dunia ini, ute kai tawe makaumalę ngae mēhukungu kaławou tałudiki? ³Unęe i kamene kai węga u i kite e kai sarung mēhukungu manga malaekatę? Nęngalembō e wue ute katewe halę u pębawiahę mēllo mēllo e! ⁴Tangu kereu sumępu halę kere tamai ene, ute męsang i kamene męngalakę u ene su taumata apang ku ta kałaianenge surałungu jamaatę? ⁵Mambeng makamamea! Tantu sutałorang kamene manga ana sęmbau e pia pęsęngkatau e limembowe

^e mēdahapi, mēhapi u

matahuēna makalēm̄ma pēsasi-lontahē sutaloaran lawo dalohon jamaat'u Sahani! ⁶ Kaisu su sēmbēkane piako sēngkatau Sahani nakoḥ soḷong anun tau waline Sahani e waugu sēndinganenge Sahani!

⁷ Balakong mēpērkarang baline tau Sahanie; kai pēsasilontahē sutaloaran lawo dalohon jamaat'e e sembelain nakoasē mbau kananawong kamene. Maēndokangbe i kamene i koḥ su ta katulidē, arau kaakaleng! ⁸ Kai i kamene hala e saḷa anune mapakariadin taumata waline e tawē katulide. I kamene hala e maḷaing mapakaruging taumata waline. Ku tamai ene e mang kēkoateng su manga anau sēmbau tamba pangangimang! ⁹ I kamene kai wēga u taumata ku ta tumatuhu kapulun Duata e, sarung tawe makoḥ dalohon jamaat'u Mawu? Kumbahang bue i kamene kaakaleng! I sain mēmpēsēsundaḷē, i sain mēmpēnēnēmba mahan-duata, nawuang, ku mēkēkoḥ kakanoḥ makamea su tēngon sēndinganenge, ¹⁰ apan mētēta-ko, maanggang, tahawukaneng, apang mēngkai puluang mēndaḷai taumata waline, ringangu tahapēngakalē baline e – patiku

taumata kerene e tawe kapusak-
tengu kararatuangu Mawu Ruata e. ¹¹ Pira-pirang katau sutaloarang kamene naung piḥ lulune kerene. Arawe orasē ini i kamene nipakalahē u wurēsi wou rosa. I kamene sen nitani nakoḥ tataghuaneng u Ruata, ualingu i kamene maḅgimang su Mawu Yesus Kristus dingangu ualingu kawasang Rohkē bou Ruatang kite e.

Koḥko watangengu makaralo Mawu

¹² Piḥ u nēbera u, "Iḥ e wotonge makakoḥ patiku sabarang." Kai nihino si siḥ e, walineuwe kēbi e piḥ mangalene. Ku manilaing iḥ e makakoḥbe apa-apa, kai iḥ e tawe mapulu mapakawalam batangengku e walḥ e piḥ u mēkawasa. ¹³ Piḥ u lai nēbera u, kaēnge kai waugu tiang, dingangu tiange nisadia gunung kaēng. Kaisu kēbi e sarung iapakatadiseng Mawu Ruata e. Badangu taumata e tawe wotonge mēngkai paketang baugu kapulung pēsasundaḷē e kaisu pianē e waugu pētangkiang Mawu. Dingangu Mawu e sarung mēpaduli wadang ene. ¹⁴ Ku Mawu Ruata e seng napēbiahu Mawu Yesus bou papate, kerene lai Ruata e sa-

rung mapëbiahi kite ualingu kawasannya.

¹⁵ Manga anau sēmbau masingka u watangeng i kamene kai laesu wadangi Kristus. Ku botonge ngae ia makapēngala sēmbau bou laesu wadangi Kristus mase ipakakako laesu wadangu sēngkatau tahapēsundaļē? Mambeng kumbahang! ¹⁶ Arau aramanung i kamene wēdang bēga u taumata apan mēdaļau u tahapēsundaļē e, ute kai makoā badang sēmbau dingangu tahapēsundaļē ene! Kai suraļungu Winohe Susi kabawohe u, "Irēdua e nakoā sēmbau." ¹⁷ Arawe taumata ku mētēngkatakidē dingangu Mawu, ute Rohkē u Mawu e ringangu rohkē e nakoā sēmbau.

¹⁸ Pētēngkagheako wou pēsasundaļē e. Watuu patiku dosa waline e kinoā u taumata e, nariadiwe sulikudu wadangu tau ene. Kai arawe isain nēkoā pēsasundaļē, ute mēsēsalaņg badange tutune. ¹⁹ I kamene harusēbe masingka u wadangi kamene e kai pētatanakengu Rohkē Susi. Rohkē ene e maņana suraļungi kamene. Mase Mawu sēsane ene kai nēngonggo u Rohkē ene si kamene. Batangeng i kamene

e waline i kamene taghuange, ene kai tataghuangengu Mawu Ruata. ²⁰ Ruata e seng nēmelli si kamene ku seng nasueng baehe. Ualingu ene ute, koako wadang i kamene tadeau mapakawantugu Mawu Ruata.

Pëkakakiwalong haļeu pëkakawing

7 Ia e reng mahumbisarang apang nibawohe suraļungu surat'i kamene. Sēngkatau esē ku tawe nēkawinge mapia wue. ² Mēdeau i sie tawe kawinsanaēngu mēkoā apan tawe mētataļahino, sēngkatau esē e mapiawe piā kawinge, ringangu apam bawine e mapiawe piā kawinge. ³ Kawing ese e harusē mēndaļengu patiku munaran sēngkatau esē su kawinge, ringangu marehokange harusē mēngganapē kaļawou munarang sēngkatau wawine su kawinge esē e; sēngkatau-sēngkatau e mēngganapēbe munarane sēmbau su waline. ⁴ Marehokang e tawe kawasa su wadang e hala; piā kawasa su wadang e kawe kawing e. Kerene lai esē e tawe kawasa su wadang e hala; piā kawasa su wadang e kawe marehokang e. ⁵ Kumbahangbe mētēngkaghea

səngkatau wou kawinge, tuhue-
we tundung pəsəngkawingang.
Botonge su pəsəngkakuhuange
asalu ruambəka e səngkanaung-
bue. Kamageng kerene ute maka-
panuntube pəkakaļiomanenge ri-
ngangu tawə konsange apa. A-
rawe wou ene ute, i kamene e
harusə be pəmpəsule pəmpəta-
tamba tuhu tundung pəsəngka-
wingang. Kereu waline kerene
ute, kađingabe i kamene kasalu-
katengu setang, ualingu i kamene
ta pətatingkədange.

⁶Ia e mēbēbera kere ini e
waline kere mēpəparenta, kai-
so kawe tabidau sasaləntihō.^f ⁷Ia
nəngalembom puluang kereu kēbi
taumata e makoā kere ia. Kai-
so səngkatau-səngkatau e kawe
seng nahia u laonggo u tataləntu
si sie tutune wou Mawu Ruata.
Səngkatau seng nitilakehu kerei-
ni, waline e lai kerene.

⁸Su taumata apan tawe
nəkəkawing dingangu su manga
wawine walu e, ute sasaləntihoku
e kereini: Mapiawe i kame-
ne kađatana səsə kere ia e.
⁹Kai kereu i kamene tawe
makapətingkədang ute i kame-
ne pəmpəkawingke. U mapiawe
i kamene mēmpəkawing sulungu

mətatahangu ənning susahoka.
¹⁰Si sire apan bou nēmpəka-
winge ute, parentaku e kai ke-
reini: (Tulu hinone e waline
ia nəgəlliu parenta ini e, kai-
so kawe Mawu). Səngkatau wa-
wine ku seng bou nəkawinge u-
te kumbahangbe manəntangu ka-
winge. ¹¹Kereu i sie kawe seng
nanəntang ute, kađatanabe tawə
kawinge, arau pəpiang kawinge.
Dingangu səngkatau esə e tawe
wotonge mapətalein kawinge.

¹²Si sire lai waline ute wa-
weraku – ini e kai sasasaku
hala waline Mawu e – u ke-
reu səngkatau taumatan Sahani
e pia kawinge tau wawine ku
ta mangangimang si Kristus, ku
kawinge ene e mapulu mēdaļa-
hiking u kawinge Sahani e, ute
tau esə e abe panindo si sie.
¹³Mase lai kereu səngkatau wawi-
ne Sahani e nəkawingu taumata
ku ta mangangimang si Kristus,
ku kawinge (esə) ene e mapulu
mēdaļahiking dingange, ute tau
wawine ene kumbahang manin-
do kawinge ene. ¹⁴U tau esə ta
mangangimange kawe nitarima
u Ruata e ualingu pəkakawinge
ringangu tau wawine ku seng
nakoā tataghuanengu Ruata. Ke-

^f Sasasa = nasihat

7:10-11: Mat. 5:32, 19:9, Mrk. 10:11-12, Luk. 16:18

rene lai tau wawine ta mangangimange nitarima u Ruata e ualingu pekakawinge ringangu tau ese ku seng nakoꝝ tataghuanengu Ruata. U kereu walineuwe kerene ute, manga ana i sire e tantu kai manga ana tau kapiꝛe e, sembaļu manga rariꝝ kawe nakoꝝ kere ralohon jamaatu Mawu. ¹⁵ Kai kamageng u taumata ta mangangimange kai manentangu kawinge (wawine) arau kawinge (ese) Sahani e, ute kumbahang mameto si sie. U su halꝛe ini e ute baꝛ bawine arau lai ese e walawe i sie, u Mawu Ruata e kawe mapulu tadeꝝu i kamene e apꝛbiahꝛbe su pꝛdarame. ¹⁶ U laꝛu i kau sꝛngkatau wawine – ku seng nangimang su Mawu e – kereapa wue i kau makakasingka kahꝛngang u i kau tawe makaambang kawingu e? Kerene lai i kau sꝛngkatau ese Sahani e kereapa wue i kau makakasingka malaꝛe u i kau tawe makaambang kawingu e?

**Pꝛbiahe i kau e kere
sꝛngkatau
iwꝛbihingu Mawu e**

¹⁷ Sꝛngkatau-sꝛngkatau pꝛhingide wiahe tumuꝛu aꝛu Mawu kerewe seng nitilakehu Mawu e si sie su tempon Mawu Rua-

ta e kimui si sie pꝛmꝛngimang si Sie. Ku ene e taku ilꝛatorꝛe kerene su patiku jamaatꝛ. ¹⁸ Um-pamane, kereu piꝛu nisunatꝛ su tempon i sie nakatarimaꝛu kakuin Mawu e, tangu kumbahangbue tau ene makiuļu ꝛna u pꝛsasasunatꝛ e. Kerene lai kamageng piꝛu ta nisꝛsunatꝛ su tempong i sie kinakuiangu Mawu e ute kumbahang bue i sie makisumatꝛ. ¹⁹ U watu u tumuꝛu atorangu pꝛsasunatꝛ arau tala e mamben ta mangalene apa. Kapiaꝛnge ute tumbaꝛu tuꝛuꝛu kaꝛawou titam Mawu e. ²⁰ Sꝛngkatau-sꝛngkatau e mapiawe kaꝛatanaꝛ meꝛꝛbiahꝛe kere naꝛng kakakoꝝu i sie seng nakatarimaꝛu kakuin Duata. ²¹ Kamageng su tempong i kau nikuiang kawe naꝛng ꝛllang, ute abe kasusang ene. Ku kamageng i kau semben makapꝛtꝛngkaliwirꝛe, ute limemboweng kapiane. ²² U sꝛngkatau ꝛllang ku seng nangimang su Mawu, ute kai taumatang Mawu nipakaliwirꝛe. Dingangu sꝛngkatau ku seng nipakaliwirꝛe e seng nangimang su Mawu e, ute kai ꝛllang i Kristus. ²³ Mawu Ruata e kai seng nꝛmaehꝛe si kamene dingangu kai seng nasueng baehe, ku ualingu ene ute, kumbahangbe i kamene meꝛꝛtꝛngkakoꝝ ꝛllangu taumata.

²⁴ Kū i kamene, mauilaing kerea kakakoā i kamene su tempon ni-kuiange kai i kamene e mēngkate pakatana mēbēbiahē kerene ka-daringang su Mawu Ruata.

Halē u hinong ta nēkēkawing dingangu manga walū

²⁵ Mihinoewe su apan ta nēkēkawing. Su halē ini e, ia e reng ta nēnarima u laoro apa wou Mawu e. Kaiso kere sēngkatau kū ualingken tatalēntu u Mawu e kū hinong pangimangeng ute ia kai mapulu mēngonggou sasalēntihoku.

²⁶ Kereu mēpatehē kaławou susa ramahi kađentane, ute su pēndangengku e mapiangbe balae katatana kere. ²⁷ Kereu i kau e seng nēkawinge ute abe kawe mētēngkapello⁹ bou kawing ene e. Kereu i kau e reng tawe nēkēkawing ute manēng tawe mēkawing. ²⁸ Kai kereu i kau kawe nēkawinge ute walineuwe rosa. Kerene lai kereu sēngkatau mahuala e mēkawing, ute walineuwe nēkoā dalawang. Kētaengbeng i sire apan nēmpēkawinge kai mēsombangu haghin sigēsa. Kū ia e kai mapulu tadeau i kamene kai maļu wou kaławou haghin sigēsa ene.

²⁹ Timonaku e kai kereini, manga ana sēmbau: Tempong kite e kai kadodo. Tēntalang ene ute, manēta bou nēkawinge ute pēbiahēko kere sēngkatau ta nēkēkawing; ³⁰ i sain susangi, ute tabidau mēbēbiahē ta susan naunge; i sain rulēge ute tabidau ta karaļuse; i sain seng bou nēmpamēlli e tabidau ta managhuang apa-apa; ³¹ dingangu i sain mēngkai kaļausihē su halē u mađunia e ute pēmpēbiahēko tabidau ta tasibung kēbi-kēbi ene. U semben tawē kađengue dunia ini e, u suralungu kakakoā e kere orasē ini e ute sarungbe maparung!

³² Kapuluku e tangu kai tadeau i kamene maļu wou sigēsa. I saing kū ta kawinge ute kai reng makapēsēmpī u tinēnnane su munaran Mawu e, u i sie mapulu makaluasē naungu Mawu. ³³ Arawe i saim pia kawinge ute sarungbe mēngkai mētētinnan halēu dunia ini, batu i sie mapulu mapakaluasu naungu kawinge; ³⁴ kū pulise ute naunge kai mapahia. Sēngkatau wawine ta kawinge arau sēngkatau mahuala e, mēngkai sarung mēsēsēmpī halē u Mawu e, u i sie mēngkai lēlahimpuluangu wadange ore lai

⁹ mētēngkapēta = melepaskan diri, menceraikan

rohķę e makoą tataghuanengu Ruata. Kai arawe sęngkatau wawine kų seng nękawinge, ute kai maşasuağę tinęnnane su haļę u dunia ini, u i sie mapulu mapakaluasu naung u kawinge.

³⁵ Ia namohe u patiku ini e, kai waugu i kamene hala, waļinewe mapulu męşędingu ini ringangu męşęding u ene. Enningku e tumbaben tadeąu i kamene makapanuntu mękoą apan matatulidę e ringangu katęgadę e ringangu tadeąu i kamene mamumang dingangu matinalung męşęmpı u tinęnnang kamene su Mawu e.

³⁶ Kereu piaų sęngkatau makapęndangu ta makahino pękakoą e su kaghiange, kereu i sie tawe makapętingkędangu kapulune, mase i sie seng makapęndangu hinong mękawing dingangu wawine ene, ute waļapękakoą e apang kinapęndangenge kų mapia. I sie tawe nęsaļa kereu i sire mariadi mękawing. ³⁷ Kai kereu pęsęngkatau e seng nękoą putusange suraļungu naunge kų semben tawe mękawing dingangu putusange waļinewe nisihasa, tangu apang kų kinoą ene e mapia, kamageng i sie tawe nękawingu kaghiange, asaļu i sie natahutęgadę bu e su

naunge. ³⁸ Hatede, i saim nękawing, mapiang koą e, ringangu i sain tawe nękawing, limemboweng kapiane lai kakakoą e.

³⁹ Sęngkatau wawine kų seng nękawinge maķakauhę dingangu kawinge karęngueweng kawinge wiahę. Kereu kawinge seng nate ute, wawine ene sembeng makapękawingu ese ķękapulune, asaļu pękawkawing ene e kai pękawkawingu Sahani. ⁴⁰ Kai limemboweng kapiane kereu i sie semben tawe saų mękawing. Ene e pęndanguwe sęsaku, kai su naungku ete wue maļaing Rohķę u Mawu e męngęngaha si sia.

Halę u kaęng ighęgęlli sasęmba su mahan duata

8 Su haļęewen manga kaęng kų ighęgęlli paņęmba maha'n duata e. Kahęngang bu e naung kere nipęberan taumata u, "I kite ķębi e seng nęngkapande." Kai-so kapande nakariadi taumata e naobotę, arawe kai kakęndagę e mamangung pęsęngkatau. ² Taumata kų maļıu i sie lawo kasingkae, ute tumuhu hinone ute kai kasingka e tawe kararaļunge. ³ Arawe kai taumata kų tęngatęngadę kų kędagu Mawu Ruata e, ute i sie su kasingka ben Duata.



Duata 'n tau Yahudi (8:5)

⁴Su halĕ u kumaĕng kaĕng ku seng nisĕmba su mahan duata e, kai mĕlĕlahĕ u barang tala. Dingangu i kite mambeng lai masingka u Ruata e mang sĕmbau; tawĕ u waline. ⁵Tĕngadĕ bue maĕlaing lawo isĕsĕba duata ringangu mawu; baĕ su ĕangi arau su wowon dunia. ⁶Kai arawe si kite e, Ruata e mang sĕmbau. I Sie kai i Amang nĕndia-di patiku. Kai waug'i Sie i kite e mĕbĕbiahĕ. Dingangu Mawu e kĕtabenlai sĕmbau, ku kai Yesus Kristus. Kai wo'i Sie patiku saĕbarange niriadi, ringangu kai ualing'i Sie tangu i kite e nakaĕbiahĕ e.

⁷Maningbe kerene e, walineuwe kĕbi makakasingka u ene. Piaben naung kaĕlamona e nanarangbe maĕnĕmba mahan duata. Ku ualingu ene ute saraweng orasĕ ini e ute i sire wĕdawen makapĕndangu kaĕng, ku seng nisĕmba su mahan duata e, kai kaĕngu mahanduata. Tangu maĕngu i sire kumaĕng kaĕng ene ute i sire makapĕndangu kai limawang; batu pĕngangimang i sire e wĕdang ta natoghasĕ. ⁸U tumuhu hinone laidopĕ hala e wĕdawen tawe makakasĕgadĕ pĕdaĕlahĕmpukang i kite e ringangu Mawu Ruata e. Kereu i kite e kumaĕng kaĕng ene e i kite

tawe makahombang be kaḷauntung apa-apa. Susēmbəkane e kereu i kite e tawe kumaēng kaēng ene e i kite mamben tawe marugi.

⁹Kaiso, pakaingatē bue! Kumbahang bue sarang taumata waḷine e manawo surosa – ualingu pēngangimange wēdawenta natoghasē – u watu i kamene e mēngkawe waḷawe apa koateng. ¹⁰Sutimonakue kai kereini: Andene i kamene apan matoghasē supēngangimang e, kute u kawe maḥungkaēng suralungu waḷen paḅanēmbaēng su mahanduatea. Bō ene pēsengkatau piāu makasilo si kamene maḅiang kukaēng sene. Kereu pangangimang e ta toghase, baḷinewe makawahani taumata ene kumaēng kaēng seng nisēmba su mahanduata ngae? ¹¹Ku ualingu ene, tangu pēngangimang i kamene e makapanoghasēbe si saing apan pēngangimange lome ku napalidē. Sumbaliu i Kristus e kawe napohong maḷaḅing baugu taumata kerene. ¹²Dingangu kereu i kamene mēkoḷa pēsasaḷa su manga anaḷ sēmbau Sahani e – ute i kamene e kai nēnggolang pēngangimang i sire e ku seng tēbe lome – tangu i kamene ute nēsasaḷa su tēngong Kristus. ¹³Kai ene

hakiu, kamageng laidopē e kawe makakatangan anaḷ sēmbau e, ute ia e semben tawe kuminaḷ gēsī e sarang sēnsuḷe. Madiriweng ia makoḷa katatangaēng su anaḷ sēmbauku.

Hakē dingangu pamamewē u munaran manga rarolohang e

9 Lēnaēng, ia e waḷinewe taumatan karaliwirē ngae? Arau ēnaēng ia e kai waḷinewe rarolohang? Ia e kai tawe nakasilo hotangu! Si Yesus, Mawung kite? Unu e i kamene kai waḷinewe lēnaḷ munaraku e waugu Mawu tangu? ²Kamagengbeng i sire waḷine e kawe tawe mangakung ia e kai rarolohang, ute mētēngkakatōḷo i kamene mangaku wue ene! U pēbawiah'i kamene tau Sahani e ute kai tatialang ia e kai sēngkatau rarolohang.

³Kereu taumata e mēmpa nēngkuḷē si sia, ute ia kai sumimbang kereini: ⁴Ia e kai ta hinone makatarima u kakaēng dingangu lainung ualingu munaraku? ⁵Ia e kai ta hinone mēbawa sēngkatau wawine kawingu taumatan Sahani e sēngkaraleng dingangu kere su manga tuarin Mawu Yesus dingangu manga rarolohang baḷine e, kere i Petrus?


⁶ Arau kai i kanduan Barnabas kapapiane e mēdeā biahē hala e tangu? ⁷ Tawē bēke soldado e mangongkosē batangenge sēsane suralungu wuntuangu mēsaseke e! Tawē apa mēlahēsinuange mēsuang anggorē e su waele kṽ tamakakaēng buane! Tawē apa mēlalukadu domba e, kṽ tawē mēnganginung susu wou manga dombane!

⁸ Ia e mauḷi u ini e walineu ketāu itētuhṽ tundu ḗllo-ḗllo, kaiso kawē lai ualingu pēpaulikangu Winohe Susi e. ⁹ Suralungu bukē i Musa e kabawohē u, "Kereu sapi e kapēdalindane gandum pañontongang buane wou wuḷihe ute, kumbahangbe haktang mohonge." Kai mēsēmpṽ sapi e tangu Mawu Ruata? ¹⁰ Arau kai ene ngae timonane si kite? Tēngadē bue ene e niwohē baugi kite. U taumata mēbawaele ringangu mēmamurēsine gandum e sembeng hinone mēkaradiahang dingangu pēlaharapē mēdeāu makatarimaṽ sēngkamonaēng bou nēngga u halē e. ¹¹ I kami e seng nēnawuhu wineng marohkē si kamene. Tangu kamageng i kami e makapamēnsa, bou rarotong i kamene, ute mēnsang i kami e

mañuntṽ nēngalembong kaḷawoē wo'i kamene? ¹² Kamageng taumata waline e nakapētambaweng kawasa ini e si kamene, ute kai walineu i kami e nēngalembou lai piā hakē e wou i sire tangu?

Kai ia e wēdawen tawē nēpakeṽ kawasa ene. Kaiso ia e maēndokangbe mēnaludē patiku e sulungkeng ia e makakoṽ sashaghe su pēlahabaru Injili Kristus e. ¹³ I kamene tantu masingka bue u isain mēmunara su ghaheda nēnarimaṽ u pēbawiah'i sire wou ghaheda. Dingangu i sain mēngangurusē sasēmba e, makareṽbe wahageange wou sasēmba nisarakang sene. ¹⁴ Kereu lai Mawu e seng nēnilakehē u taumata apam mēmpēlēhabaru hengetang e hinong makaēba biahē wou pēlahabarē ene.

¹⁵ Kaiho ia mamben tawē nēpēpakeṽ u tamai ene sarang kadidi. Dingangu ia e namohē u ini e walineu lai ia piā kapulu tadeāu kēbi-kēbi ene e koateng si sia e. U ia ēndobem mate, sulungu kailangeng u apan makalahimpulu si sia e. ¹⁶ U, kereu mēhabaru Injilē e, ute ia tawē hinone lumesaṽ u watangeng batu Mawu Ruata e



Sapi kapèlèhdanc gandum (9:9)

seng nēngoro pěkēkoā ene. Ku kaēngkēhang ia e, kereu ia tawe mēhabaru Injilē e! ¹⁷ Andene kapuluwen naungku e mēkoābe ene ute ia e makaēbābe tatendenge. Kai ia nēhabaru Injilē e watu kai pētatangkiang niumbala si siā. Ia e pinēnaranengu Ma-wu Ruata e pēdēndaḷengu ene. ¹⁸ Kamageng kerene ute, apa wue tangu tatendenge si siā? Kai ini e tatendenge: U ia e makapēluntingihu Injilē e tawe makakawēha si sai-sai ku hinong mēmaehē si siā, u ia e tawe manuntu apa-apa kere sēngkatau mēlahabaru Injilē e.

¹⁹ Ia ini e walinewe ēllang i sai-sai; watu ia e kai taumata mēngkate kere ēllangu kēbi. Ia e mēkēkoā kere tadeāu ia e makauntuwe sēngapang kakēpale waug'i Kristus. ²⁰ Baugu tau Yahudi e, ia e mētēngkakoā kere tau Yahudi e, tadeāu ia makawitaugē^h tau Yahudi baug'i Kristus. Baugu taumata mēbēbiahē tutuhu torat'i Musa e, ia e nētēngkasulung i sire aḷing kai wēdang maśasēllung su toratē maningbe sēmbaḷiau ia e walinewe maśasēllung su toratē. Ia mēkēkoā kerene e tadeāu ia e wotonge makawoḷeng si si-

^h makaḷombang = makaologē = memenangkan

re makoꝝ tumatuhu si Kristus. ²¹Baug'i sire waḷine Yahudi e, ia e mētēngkasuḷung kere sēngkatau waḷine Yahudi e, ku ta torati Musa. Ia mēkēkoꝝ kerene e tadeꝝu ia makakawoḷeng si sire makoꝝ tumatuhu si Kristus. Kaiso ene e waḷinewe maḅanun ia e ta tumatuhu su manga titan Duata; kaiso kai ualingu kakanoꝝ u kawang hengetangi Kristus. ²²Sutaḷoaran taumata pangangimange lome e, ia e maḷaing mētētēngkakoꝝ kere tau lome pēngangimange tadeꝝu ia makawoḷeng si sire makoꝝ tumatuhu si Yesus Kristus. Hate-de, ia e mēngkatewe mētētēngkasuḷungu kēbi e mēdeꝝu kēbi taumata e manimbeng suralenge kereapa tadeꝝu ia e makapangambangbe sēmbahageange wo'i sire.

²³Kēbi ene e taku kēkoꝝtenge waugu Injilē boḅu Mawu Ruata e, tadeꝝu ia e makatarima u alamatē. ²⁴I kamene tantu masingka u suralungu pētandungu mahuntaḷange ute kēbi e maḅuntaḷang buē, kaiso kētaeweng sēngkatau makapanarimaḅu pēreisē. Ualingu ene ute taḷangko pakatoghasē sarang i kau makahombangbe pēreisē e. ²⁵I saing

ku makēhagē mēnēnaungu tandunge, ku mētētingkēdang su kēbi haghī e. Ute i sie mēkēkoꝝ ene e ualingu i sie kai mapulu makisangē u bungang'i sain makauntung, kai kawe bungang maḷigha malolang. Arawe i kite e kawe mēpēpuhēdangu patiku saḅarange u i kite e kawe mapulu makisangē u bungang tamalolang. ²⁶Kai ene hakīu ia e tumalangbe piḅa timonane matuntu. Mēsulungu su tandingu koka,ⁱ ia e abe mēngkai maḅangka wi-nangaeng. ²⁷Ia e mēngkai maḅanarakangkeng badanku e suaḅa e matoghasē sarang ia e makataḷudē e. Ia mēkēkoꝝ kerene e watu ia e tawe mapulu sarang mariadi u sarangke ia e wouten nēmaringang taumata waḷine e apatoḷe pētandungange, kai ia sēsaku e kawe suhudang.

Tatumbaḷung maḅanung haḷē u mahanduata e

10 Manga anaḅu sēmbaḅu! Kēnnangko i kamene pētahēndung mēnsang-apa wue nariadi su manga iupung-ghaghurang i kite e, su tempoeng i sire tutuhu si Musa. I sire kēbi e nitanurangu winawa e ku na-

ⁱ boksē = tinju

sałamatę limęba laudu Kolsum. ²Makoą tumatuhę si Musa e, i sire kębi e nisahani surałungu winawa ringangu surałungu laudę ene. ³I sire kębi e sęngkakaęng kaęng marohkę e, ⁴ringangu sęngkapęnginung inumang marohkę e gahie sęmbau. I sire kębi e nęmpęnginung bęu akę u watu hanibę marohkę e ruđędingang si sire; watu hanibę ene e ute kai i Yesus Kristus sęsane. ⁵Maningbe kerene, Mawu Ruata e tawę karaluase si sire kaławokange, ku kai ene hakiu manga kasuang i sire męngkai lułiwatang su wanua lınggi e.

⁶Patiku ene nariadi e mędeau makoą tateghang si kite u kumbahang i kite dęntaęng kapulu su halę dalakisę e kere si sire. ⁷Kerene lai kumbahangbe i kite e męsuba mahanduata kere kękoateng u sęngkamonaęng bo'i sire. Surałungu Winohe Susi e maławohe, "U taumata lawo ene e nanętae nahungkaęng dingangu nęmpęnginung, mase nęmpęsałaj e mańęmba mahanduata." ⁸I kite e abe pęmpękoabe pęsasundalę kere kękoateng u sęngkamonaęng wo'i sire. Watuu, ruam-

puło tęllu hiwu su kataune nęngkate surałungu sęhęllouałungu pękakoą kerene. ⁹I kite e tawe wotonge męmpęnałuka Mawu e kerewe seng kękoatengu sęngkamonaęng bo'i sire naung kałamona e ku i sire nęngkateng kiking tęmpu maghaghiađę. ¹⁰I kite e wue abe pęmpękurubu kere kękoatengu sęngkamonaęng bo'i sire kałamona e, hakiu i sire nipate kahian Malaekatu Papate.

¹¹Patiku ene nariadie si sire makoą tateghang ku ikakirałang taumata waline e. Dingangu kębi ene niwohe lai tadeau makoą sasalęntihę si kite e. U i kite ini e kai mębębiahę surałungu kasueęng tempo.

¹²I saim mępępęndang batangenge ruđarisı matoghasę e, pakapia wue mađirim mawatang. ¹³Apam bawitaugę kękahombangeng i kamene e męngkai seng milęhombang su apan taumata e. Kai arawe Mawu Ruata e mang satia su kędon'E. I Sie ta mapakawalang kamene e sałukateng limembo wou kuat'i kamene. Su tempong i kamene kaębakengu wawitaugę e, i Sie sarung-

^j Sasaluka = Cobaan

10:3: Sas. 16:35 10:4: Sas. 17:6, Pęt. 20:11 10:5: Pęt. 14:29-30

10:6: Pęt. 11:4 10:7: Sas. 32:6 10:8: Pęt. 25:1-18 10:9: Pęt. 21:5-6

10:10: Pęt. 16:41-49

be mangonggou ralenge si kame-
ne, tadeau i kamene matoghasë
ku makakëdang mëtatahangu sa-
saluka e.

¹⁴ Ualingu ene ute, manga
anaü sëmbau ikëkëndagë e, i
kamene kënangko pëmpëbinsi u
palahamawu mahanduata e. ¹⁵ Ia
e mëbëbisaraweng kamene e ke-
re su manga taumata matata-
huëna. Kënnangko i kamene ha-
la e pëmpëtimbang baweraku ini.
¹⁶ Pia i kite kapënginung e ang-
gorë ku makitarimakasë su Mawu
Ruata e, ene walineuwe mëlëlahë
u i kite e nasëmbau dingang'i
Kristus suralungu kapapohong'E
tangu? Dingangu pia e i kite
kapëpapahiaem boratë mëdeau
kanengang sëngkapahungkaëng,
ene walineuwe mëlëlahë u i kite
e nasëmbau suralungu wadang i
Kristus tangu? ¹⁷ Ualingu kawe
borotë e man sëmbau, ku i kite
këbi e maļaing kimaëng bou bo-
rotë ene e, ute i kite maļawo ini e
kai wadang sëmbau.

¹⁸ Pëkakëllaewe tau Yahudi. I
sire apang kimaëng kaëng makoā
sasëmba e, ute kai i sire apang
nakoā tambang pananëmbaënge.
¹⁹ Apa wue ngae ene? Mahan-
duata arau lai kaëng sasëmba

mahanduata e tawë mangalene a-
pa-apa. ²⁰ Apang nikoā sasëmba
su panananëmbaëngu mahandua-
ta e tawe ikasëmba su Mawu
Ruata, kaiso kawe i sësëmban sire
su manga setange. Dingangu ia e
mađiri ku i kamene masëmbau
dingangu rohkë dalakisë. ²¹ I ka-
mene e tawe makapanginung bou
raļohon lainumangu Mawu e, ma-
se koļai manginung bou raļohon
lainumangu manga setang. I ka-
mene tawe makakaiang mëtata-
mba kumaëng su medan Mawu
e masekoļai mëtatamba kumaëng
su medan manga setang. ²² A-
rau kai mapulu apasingkingu Ma-
wu tangu? Arau kai limembong
katoghase i kite e wou Mawu
tangu?

²³ Piaü mëbëbera u, "I kite
e mëngkai wotonge mëkoā pa-
tikū apang kapulung kite e."
Kahëngang bue! Kaiso walineuwe
këbi kapulung kite e pia gunane.
"I kite e mëngkai wotonge mëkoā
patikū apang kapulung kite e," –
kaiso kawe walineuwe këbi kapu-
lung kite e makapëti pëbawiah'i
kite e. ²⁴ Kumbahang bue piaü
sarang sëngkatau mëngkai mëdeā
kapiam batangenge sësane. Kai

sěngkatau-sěngkatau e kai hinong pasideą gunang kasanggihange.

25 I kamene měngkai kěkina apang iwěbaļu su pasarě. Manieng tawe sěsuiang kalimona, kereu pią ěbaų raļu naungu. **26** Batųu suraļu Winohe Susi e maławohe, "Dunia ini e ringangu patiku dalohone kai taghuanengu Mawu."

27 Kereu i kamene ghausang i sire ta mangangimange kumaeng, ku i kamene mēnarima gaghausě ene, ku pempēnarima e laidopě apaewen nisadia si kamene. Manieng tawe kiwaļoeng mēnsang kai wou apa laidopě ene tadeąu tawe apawe karalumběha su naungu. **28** Kai kereu piąu mēbera si kamene u, "Laidopě ini e kai seng nikoą sasěmba su mahanduata," ute kumbahang kumaeng kaeng ene, watųu mēpanda kakakoą u taumatane ringangu raļu naunge. **29** Ia baļinewe maļu u naungu, kaiso kawe raļu naungu tau ene.

Aramanung piąu makiwaļo, "Kai unęe karaloahu naungku e kawe isukabe su kasingka u naungu waļine? **30** Kereu ia mēpake u laidopě e ringangu tatarimakase su Mawu Ruata, ute unęe taumata e harusěbe

mapěsalang ia e su kakaeng ene e, sěmbaliau ia kawe seng nakitarimakase u ene su Mawu Ruata?"

31 Apawue koatengu e i kau kumaeng arau mēginunge – ute koą e patiku ene e baugu makaralo arengu Mawu Ruata. **32** Pěbiahěko sěngapam botonge tadeąu i kau tawe makoą katatangaeng su waļine; baębe i sire tau Yahudi arau waļine Yahudi e kerene lai jamaat' u Mawu. **33** Pěmpěbiahěko kere ia. Ia e mētětawakali mapakaļuasu naungu patiku taumata e suraļu patiku sabarang, tawebe timonam baugu kapiam batangeng hala e. Timonaku e kētaewen tadeakengu i sire kēbi e iapakasaļamatě.

11 Pěmpětēnoko sansahěku, mēsulungkewen ia mētětēnno sansahi Kristus e.

Halę u pětatimbuhung su komoļangkem pěkakaļiomanengang

2 Ia e mambeng mēdēdalo si kamene u i kamene hanesěbe mētětahěndung si sią e, ringangu tutuhų tēntiro takų ipanēntiro si kamene. **3** Kai ia e mapulu tadeąu i kamene makakasingkau lai halę sěmbaų, ku kai makoą

těmbonang u manga esę u ute kai i Kristus, dingangu niakoꝝ tětbonangu kawinge ute kai esę e mase tětbonang I Kristus e kai Mawu Ruata e. ⁴Kereu sęngkatau esę e su tempon mękalıomneng arau męhabaru hengetangu Mawu su tęngon taumata ıawo e ku mępakeu tataka tętbo e,^k ute tau ene makasamadę si Kristus. ⁵Dingangu kereu sęngkatau wawine su temponı mękalıomneng arau su tenıpom męhabaru hengetangu Mawu e su tęngon taumata ıawo, ku tawe nępake u tataka tętboe, tangu wawine ene e makasamedę kawinge makoꝝ tětbonangu watangenge. Kerene ute tabıdaen tętbou tau wawine ene ute seng boı nilungguhę. ⁶U kamageng sęngkatau wawine mađiri mępakeu paporonge ute mapiangbe uta e pakighunting. Arawe kamagengbe sęngkatau wawine e tętboe ilungguhę arau uta e ghuntingang, ute ene kai sęmbau lahinakang si sie. Ku uaıingu ene ute mapiawe i sie męnaka tętboe. ⁷Manga esę e maniweg tawe męnaka tętboe, u i sie kai awe dingangu kawawantugu Mawu Ruata e. Arawe

wawine e kai kawawantugu esę e, ⁸u esę e tawe niriadi woı wawine, kaiso kawe wawine e niriadi woı esę. ⁹Manga esę e tawe lai niriadi waugu kapulun bawine, kaiso kai niriadi waugu kapulun manga esę e. ¹⁰Ku kai ene, tadeau mapakaıuasę naungu manga nialaekatę e, ute wawine harusębe pępake u tatimbuhung^l su tętbo makoꝝ kere tatialan sie kai suaıungu kawang kawinge. ¹¹Maningbe kerene e suraıungu pębawiah'i kiteı tau Sahani e, wawine tawe mahae sęsane woı esę e, riungu esę e tawe mahae sęsane woı wawine. ¹²U maningbe wawine humotonge kai niriadi woı e esę, kai woı ene esę e kai pinęhanaı boı wawine; mase kębi e kai woı anun Mawu Ruata.

¹³Kęnangko manga anaı sęmbau hala męmpętimbangu halę ini e: Męsang mapia wue sęngkatau wawine mękalıomneng su Ruata su tęngon ıawo, ku tawe paporonge? ¹⁴U seng lawo, maıingka u, i kamene seng kinatęntiroęngu kamageng esę uta e manandu e ute tawe hinone. ¹⁵Kai arawe su wawine ute

^k Tatimbuhunge = penutup kepala ^l paporonge = tutup kepala
11:7: Pęnd. 1 26-27 11:8-9: Pęnd 2 18-19

uta e kai niongo pëlëhëmbung tēmbo dingangu uta manandu e kawe kawawantugë si sie. ¹⁶ Ho, kereu pia mapulu mëdarendehu halë ini, ia këtaeng makawerau waëbe i kite arau manga jamaat'u Mawu lai waline, këbi e mang sëntunduang su jamaatë; sulikudu ene e mamben tala.

Pëpapëjramuang u Mawu

¹⁷ Su halë ini e, ia balinewe mëdalo si kamene. Pëkakakomolu pëkakaliomaneng i kamene walinewe mapia nënggæ, kaiso kawe makadalaki si kamene. ¹⁸ Humotong-motong ia nakaringihë u suralungu manga komolang kai pia u mëdararendehë. Ku su pëndangu e habarë ini e mamben têngadë. ¹⁹ U sembeng hinone sumëpu pësasasëngkulë sutaloarang kamene, tadeau lumëta kahëngang mënsang isai wue tau Sahani patutune. ²⁰ Kai arawe su tempong i kamene matatampung ute, këkoateng i kamene e walinewe perjamuang Mawu. ²¹ Batu su tempong kapahungkaënge ute i kamene sëngkatau-sëngkatau e mëpëpapulahoh mëmpangala kënge sësane, sarangbem pia tawe makaëba apa-apa, ku sënggæ niwukangke. ²² Unue ke-

re? Balinewe pia baleng kamene tangu? Ku i kamene makapahungkaëng dingangu makapanginung sene! Arau kawé i kamene mapulu mëmpëndalakisë jamaat'u Mawu mase mapakamean taumata kasiang? Ku kai mëberaeng apa tangu ia e si kamene? Arau kai harusë pëdalo si kamene ia e tangu? Tala! Haeng badangu e ia mang ta daloku si kamene.

²³ U taku ipanëntiro si kamene ute, apaewen taku tëtarimakang bou anun Mawu e sësane: batu su hëbi ene pia e i Yesus, Mawung kite e niakaleng, i Sie tangu nëngalæ borotë, ²⁴ dingangu wouten i Sie nakitari-makase u borotë ene su Mawu e, ute nikakakempange, mase nëberau, "Ini e kai wadangu ku nisarakang baugi kamene. Koako ini e tatahëndung si Sia." ²⁵ Kereu lai nasuëng kënge, ute nëngalæ panganginumangu anggorë e ku nëbera, "Anggorë ini e kai pëkakakëdo'n Duata wuhu, suralungu raha'Ku e. Sua-pang i kamene manginung ini e, ute koako ini e ipëtahëndung si Sia." ²⁶ Ku kasaueweng i kamene kukaëng borotë dingangu manginung anggorë ini e ute i kamene

měļēhabaru kapapohongu Mawu e saræweng i Sie ruměnta e.

²⁷ Ualingu ene e, isaing kumaęng borotę u Mawu e ringangu u manginung anggoru Mawu e kų tawe nihino, ute i sie nęsala su tęngom Mawu e kų seng nęnarakangu wadange ringangu rahane. ²⁸ Kų sęngkatau-sęngkatau e harusębe pamanikabe^m watangenge kaļamona, buhųewe i sie kaęng bų borotę dingangu panginung anggorę su panganginumange. ²⁹ U kereu taumata e kumaęng borotę dingangu manginung anggorę kų ta mętatiham badangu Mawu e ute i sie makatarimaų papahangu Mawu e waugu watangenge. ³⁰ Hakių ene maļawų bų taļorang kamene apam masasaki dingangu lome sarangbelain mate. ³¹ Kai kereu i kite e męmarikęsa watangeng i kite kaļamona, i kite tawe ihukungu Ruata. ³² Kai kereu i kite kawe ihukungu Ruata, i Sie sarung męnggeserę si kite, tadeaų i kite tawe ihukung sęngkakahukung dingangu dunia ini.

³³ Ualingu ene manga anaų sęmbaų kų kereu i kamene męmpękomolę kumaęng su per-

jamuang u Mawu e ute i kamene e pęmpępapahędo wue. ³⁴ Kereu piąu mahutung, ute i sie harusębe kaęng bų walęne kaļamona. Kereu i kamene kawe tawe męngindakangu ini ute komoļangu pękakaliomaneng i kamene e kai makaręntan hukumangu Mawu e su watangengu e. Arawe suhaļęewe lai walęne e hędon takų iatorę maęng ia maręnta.

Laonggo Marohkę

12 Arawe kaļawų laonggo mararohkę e. Manga anaų sęmbaų, ia mapulu tadeaų i kamene makaka-singka kahęngang-hęngang. ² Pętahędungke watų su tempong i kamene wędawen tanakakiraļa Mawu e," i kamene kai kękawųdaitangu^o tumolę mahan-duata mou e.^p ³ I kamene harusębe masingka u taumata lęahakengu Rohkę Susi e, tawe makawera u, "Kai wontogę su Mawu Yesus!" Kerene lai tawę sarang sęngkatau makawerau, "i Yesus e kai Mawu!" kereu taumata ene e tawe ahakengu Rohkę Susi.

^m pęmarikęsa = memeriksa ⁿ Kapiro = kafir ^o Kękawuluang = terpengaruh
^p tamakawawera = bobo = bisu

⁴Kai mēdēdalahaghi laonggo Marohkē e, kai kēbī e mang laonggo u Rohkē mang sēmbau. ⁵Dingangu kai mēdēdalahaghi halēu mētangkiang Mawu e, kai Mawu tētangkianeng ene e, kai mang Mawu sēmbau ene lai! ⁶Kai mēdēdalahaghi kakakoau mēkoā munaran Mawu e, kai arawe mēgaghelli u katatoghasē baugu ene suapan taumata e ute maļaing Mawu mang sēmbau. ⁷Rohkē u Mawu e nēkaradiahang su pēsēngkatau tuhūewe kakakoae. ⁸Su sēngkatau e Rohkē e mang mangonggou kapelesane su halē u mahumbisara matatahimadē. Su walineete wue Rohkē ene e maļaing mangonggou kapelesa mañanun halēu manualagu Ruata. ⁹Rohkē ene e maļaing mangonggo su pēsēngkatau e kapelesawe limembo tawē sihinge e waugu mangimang su Mawu Yesus Kristus; arawe kawe su waline ute Rohkē e mangonggou kawasa mapakapian taumata wou sakie. ¹⁰Su pēsēngkatau e lēonggotangu kawasa mēkoā munara makadalinau dingangu su waline ute kēkawahageaneng u kapelesa mēnēbaļu manga haghing karaking Mawu Ruata. Su pēsēngka-

tau ete waline e Rohkē ene e mangonggou kapelesa mapēdalahaedu sude laonggo bou Rohkē Susi e ringangu sude waline wou Rohkē Susi e. Piabeng kēkaonggotangu kapelesa mēbisara su haghim bisara, ringangu piabeng nionggotangu kapelesa mēnanualagu mangaleng haghim manga wisara. ¹¹Kēbī-kēbī e ikēkaradiahang Rohkē maļaing sēmbau ene; su pēsēngkatau-sēngkatau e semben nipēdalahaedewe timuhū kapulun Rohkē e sēsane.

Laesu wadange lawo kai mang badang sēmbau

¹²I Kristus e kai mēsulungu wadangu taumata; badang ene sēmbau, kaiso kawe lawo laese. Patiku laese ene maningbe maļawo kaiso nakoā sēmbau. ¹³Kerene lai i kite kēbī e, baēbe tau Yahudi arau lai waline Yahudi, manga ēllang arau waline ēllang; i kite kēbī e seng nisahaning Rohkē sēmbau ene tadeau i kite niapakasēmbau su wadang i Kristus e. I kite kēbī e maļaing nakahombang Rohkē sēmbau ene nasahiangkung.

¹⁴Batū wadang hētubē e tawe tumbaeng nariadi wou laese

sěmbau, kaiso kawē wou laese maławo. ¹⁵ Kereu laedē e nēbera, "Ia e walinewe lima, hakiu ene ia e walinewe wahagengu wadang," ku ene walinewe maļuiu laedē e walinewe laesu wadange. ¹⁶ Ku kereu tuļi mēbera, "U ia e walinewe mata, hakiu ia e walinewe laesu wadang," ene walinewe lai maļuiu tuļi e kai walinewe laesu wadang. ¹⁷ Mangawe andene kaḡuwau wadange tumbaeng mata e ute kereapa wue wadange makaringihē? Arau kereu kaḡuwau wadange tumbaeng tuļi, ute kereapa wue wadange makaimbu? ¹⁸ I kite nakasilo u Mawu Ruata e seng napētatahinhong manga laese ene e su wadang. Sěmbau-sěmbau pinēlo su pēmamēlokange kahian Mawu Ruata e timuhuwe kapulune. ¹⁹ Kereu kēbi e kētaeweng laese sěmbau, ute kai sude isēsēba badang? ²⁰ Ku mambeng maławo laese, kai wadange mang sěmbau.

²¹ Ualingu ene ute mata e tawe makawera su lima, "Ia e tawe mēḡausē si kau!" arau tēmbōe mēbera su laedē, "Ia e tawe mēḡausē si kau!" ²² Su sěmbēkane manga laesu wadang ku lēnnaēng karalomeēngē kawē limembong ḡēḡausang i

kite e, ²³ ringangu manga laese lēnnaēng i kite e riō maļahina e ute kawē ene limemboweng arēḡaēng. Manga laesu wadang ta kalahole e⁹ kaiso kawē limembong kakēllaēng i kite e. ²⁴ Arauwe manga laesu wadang ku seng kēkasilo maļēnggihē e, semben tawe wahaļuasū naungang i kite e. Mawu Ruata e seng nēhundugē badang i kite e kereng kapiane hakiu manga laesu wadang apan diō tawe laarēḡaēngē kai sauneng mahuntinambang lēarēḡaēng. ²⁵ Ualingu ene tangu wadange tawe mapapahia; apan laese tangu mahang pandaēng sěmbau dingangu waline. ²⁶ Kereu pia laese sěmbau matēdu e, tangu kēbi laese waline e ute maļaing matēdu; kereu pia laese sěmbau daloēngē ute, kēbi laese lai waline e ute maļaing mahulaesē.

²⁷ I kamene kēbi ute kai lawo badangi Kristus mase i kamene sēngkatau-sēngkatau e maļaing laesu wadang ene. ²⁸ Kerene lai su raļung u jamaatē, Mawu Ruata e sen nēnilakehu tampa baug'u kaławou haghin taumata: Kahumotongange manga ralohang; karuane manga nabi, katēllune manga mananēntiro,

⁹ Karalēnggihe = cantik

mase i sire apam mēmpēkēkoā tanda makadalinau, bou ene i sire apam niongotang'u alamatē baugu mapakapiam masasaki, arau waug'u mētulung'u taumata waline, arau waug'u mēngangaha e, arau lai waug'u mēbisara ringangu kalawou haghim bawera makadalinau. ²⁹I sire ene walineuwe kēbi manga rarolohange, arau nabi arau lai mananēntiro. Walineuwe kēbi piā tilakehu mēkoā munara makadalinau, ³⁰arau mapakapian masasaki, tahawisarang haghim bera, arau waugu mananungkangu kēbi bera e. ³¹Ualingu ene ute, kēnangko i kamene pētawakali sēngapani botonge tadeau makahombang laonggo u tatalēntu kasēllahenge.

Mase ia manodeu raleng delaing mēmaliun ene si kamene.

Kakēndagē

13 Manilaing ia makaberang kalawou haghim beran taumata, arau ringangu weram malaekatē e kai kereu ia e wēgaweng kumēndagu taumata waline e, ute patiku baweraku ene e kere tingihu tagonggong tingihe nūneong kaiso tawē mangalē-

ne. ²Dingangu manilaing ia kinawuakengu kapande mēhabaru hengetangu Mawu, ringangu makaēna patiku kasingka mapapēnisē, dingangu masingkau patiku sabarang dingangu mangimang masēga-sēgadē su Ruata e hakiu ia makaaling bułude, kaiso kawe ta kakēndagē su taumata waline ute angkeēng ia e apawe ta mangalene! ³Maningbe lai patiku apam tētaghuanengku e," taku ipakasuem balawuhe sia su tau kasiange ringangu wadangu e taku ipakitutung, kutēu kawe ta kakēndagē e, ute kēbi-kēbi ene mambeng tawē pulise apa.

⁴I saing kükēndagu sēdinganenge i sie kai makēdang dingangu mapia naunge. I sie tawe sumasingking, tawe mēbawisara ta humpae, tawē obote, ⁵i sie tawe mēmamantugē, tawē bētade,⁶ tawe mēnanihasa taumata waline paṭole kapulune hala, tawe lumainu, dingangu wēgawue mēngindore.⁷ ⁶I saing kükēndagu sēdinganenge ta karaluase su kararalakisē, i sie tumbaben małuasē su katēngadē e. ⁷I sie makēdang mētēngom patiku

^r darotong = harta milik ^s kasar ^t mēlandung = mendendam
12:28: Ef 4 11 13:2: Mat. 17:20, 21 21, Mrk 11 23

sabarange ringangu makëhagë mangimang u apang kapiaënge su sëngkatau-sëngkatau e; maningbe lai kereapa kakakoau taumata mangimange kai tawe kailangengu harapë dingangu kakakëdang mënaludë patiku.

⁸Tawë bëke u kai pia tempong taumata tawe mëkakakëndagë e. Orasë ini e pia masingka mëhabaru hengetangu Mawu, ku sënsule tempo e sarung mangirule mëhabaru ene. Orasë ini e pia mapapande mahumbisarang haghim bera, kai sarung mëmpangirule mëbisara suralungu kalawou haghim bera ene. Orasë ini e kai pia limembong masingkau këbi tamai ene, kaiso këbi apang kasingka i sire e sarungbe kawulenang. ⁹U kasingka i kite dingangu kua ti kite e kai waugu ipëhabaru hengetangu Mawu e mang matimporo^u dingangu wëdang kurange lawo. ¹⁰Sarung midating tempone Mawu Ruata e mapakaradin patiku e masuku dingangu apan ta nasuku e sarung iapakaghëngging.

¹¹Pia ia e naung dario deng talawuoe, pëbawisarku e kerewe pëbawisaran dario den talawuoe, pëndang-

ku e kerewe pëndangu rario den talawuoe, pëngangënnaku e kerewe pëngangënnan dario deng talawuoe. Orasë ini ia seng matëllang, ute kakakoaku naung ia deng dario e semben nasue taku niwala. ¹²Apang kinasilong kite orasë ini e ute tabidaeng këngkau kükëngkunawadë su kasinaëng. Kai sarungbe i kite makasilom matang badang i kite hala ringangu malahe. Orasë ini ia e wëdang bëgang këbi e, kaiso sarungbe ia masingka u këbi kerewe Mawu Ruata e masingka u patiku kakakoau watangengku e.

¹³Ku tempo ini e kai pia halë tatëllu harusë hinong dalëngang i kite e ute kai: pangangimang, pëlaharapë, dingangu pëkakakëndagë. Kai kasëllahengu tatëllu ene ute kai mang kakëndagë e.

Tatëntiro pira-pira maanun laonggo u Rohkë Susi

14 Pëmpëtaawaliko i kamene, kumëndagu sëdinganeng i kamene. Dingangu pëmpëtatumëgalëko lai mëmpënarimau laonggo mararohkë e, limembokate mëdeau makapënubuetë su taumata. ²Taumata ku mëbëbisaram bawera makadalinau e,

^u belum cukup

taumata ene waline_rwe mēbēbi-sara ringangu taumata, i sie mēbēbisara ringangu Mawu Ruata. Tawē apa taumata makaēna apan niwerane, watu_r Rohkē Susie makādiadin sie makāberang kaławou apang kētaeng su kasingka u Ruata. ³Su sēmbēkane ute taumata ku makapēnubuatē su taumata e, makapēno-ghasē si sire, waugu mamangung pēndang i sire, ringangu makapēgēlliu lahiborē e si sire. ⁴I saing mēbēberan, "dila e," makābangungbe watangenge; arawe i sain mēnēnubuetē e kai makābangung jamaatē.

⁵Apā e mapia kereu i kamene kēbi e mēbēberang haghim bera makālaherang. Kai limembong kapiane e ute kereu i kamene makahabaru manga kalawou hingidu Ruata e. U isain mēhabaru injilē e, limembong kasēllahe wou i sain mēbēbisara ringangu haghim bera makālaherange watu_r kai makatualagē apan ni**ba**werane e, takadeau su kalawou jamaatē e piabe ualīne. ⁶Kereu andene ia dumēnta su anunu ku ia e makawera ringangu haghim bera makālaherange, ute apawu gunane si kamene e? Mamben tala sarang kadidi-didi! Nētātētangu, kereu ia e mapalahēu pēlahaba-

ru Ruata e, arau ia mēnualagu apa-apa, maanuen Duata e, arau ia mēhabaru hengetangu Mawu arau ia manēntiro.

⁷Pakakasu musikē e tawē himukude sarang kadodo-dodo, kere manga suling, dingangu koroncong, u kereu manga notē e tawe ipēnalang pakalēta e, kereapa wue taumata e makasingka u mēnsang kawelagu sude ipēkēkantari e? ⁸Pia haghine walīne: Kereu slompretē e mēngkate asalē mati_ru, ute kai i sai wue mapulu mēsasadia mēseke? ⁹Kerene lai ualingu kasingka u makapēberang haghim bera makālaherange. Kereu i kamene ringangu kasingkau e mēberam bawera tawe kalāēnaēnge, ute tawēu sarang sēngkatau e makahēngang kai apa ni**ba**werane. Kēbi apau niwerang kamene e sarung mailang su kinoaēng. ¹⁰Su runia ini e mēngkai makēpalē haghim bera e, kai tawēu sarang sēmbau e ta mangalene. ¹¹Kai kamageng ia e tawe makaēna wera iwēberang pēsēngkatau e, tangu i sajewen mēbēberan bera ene e kai kere tau raghi su tēngoku e; kerene lai ia e si sie. ¹²Kerene lai i kamene, ia masingkau i kamene e mambem pia kapulu makaēba laonggo

Marohkë e. Kai nëngalembo wou patiku ene e, i kamene e pëmpëtatëgehë bue sëngapam botongë, tadeau mëpakeu kapëlesa gunang mëtulung dingangu mëmangung jamaatë iapasombo.

¹³Kai ene hakju taumata apan mëmpëbisaram bera makalaherange ute, harusëbe mëdorong su Mawu Ruata e tadeau onggotangbe lain kapelesa baugu mënuwalagu apan niwera-ne ene. ¹⁴U kereu ia mëkalio-maneng su wera makalaherang, rohkëku e mamben mëkëkalio-maneng, kai arawe tinënnaku e tawë halë e. ¹⁵Ku ia e kai mëkoa e apa tangu? Ia e sarung mëkalio-maneng u rohkëku, kai ia e maļaing mëkalio-manengu laënnaku. Ia e sarung mëkantari u rohkëku, kai ia maļaing mapulu mëkantari u laënnaku e. ¹⁶Kereu i kau makitarimakasë su Mawu Ruata tumbaben dingangu rohkë u samatang, dingangu piā taumata waline ku tawe makaëna wawera makadallinau ku asale wou Rohkë Susi e, tangu taumata ene tawe makawera u, "Ia e akorë bue" sukakaliomaneng tatarimakasë u ene; ualingu i sie wëga wue apang ku niwëranu. ¹⁷Maningbe kakaliomaneng

tatarimakasë u su Mawu e mapia kahëngang, kaiso kakaliomaneng ene e mamben tawë gunane su taumata waline.

¹⁸Ia e makitarimakasë su Mawu Ruata u ia sësaku e makabisara su haghim bera makalaherange lembong kapiane woi kamene këbi. ¹⁹Kaiso suralungu manga komolungu jamaatë e ia e mapiang be mëbisara manga limang kamohong ku kaënaëngu taumata e sulungke ringangu hiwune su kamohong e su wera makalaherang. Endobeng ia mapulu kerene mëdeau makapënëntiro taumata.

²⁰Manga anau sëmbau! Pia-we makoā kere manga rariō, su halë u sipirange. Su halë u kararalakisë e ute i kamene këngkakoā'e kere manga rariō deng talawuō. Kai arawe su halë u tinëna e, i kamene e këngkakoāko kere taumata seug matëllang. ²¹Suralungu Winohë Susi e kabawohë kere ini,

"Mawu nëhengetang,

'Ualingu pëbaweram bera makalaherange

Ia e sarung mëhengetang su manga umatë ini e.

Nangëlembo kate ualingu taumata raghi e Ia e sarung

mëluntinghë su manga
umatë'Ku;

kai maningbe kerene e, i
sire e tawe mapulu
rumaringihë bawera'Ku.'"

22 Ku tahawisarang haghim
bera makalaherange kai ta-
tialan taumatawe ta pangangi-
mange, balinewe waugu taumata
mangimang. Mase tahapëhabaru
hengetangu Mawu e su taumata
u kai tatialan taumata mangi-
mang, balinewe waugu taumata
ta pangangimange.

23 Ualingu ene ute, kereu su-
ralungu komolangu jamaatë e,
kalawou ralohon jamaatë e mēbi-
sarang haghim bera makalahē-
range, kuteu wou ene rimëntae
pirangkatau wou likude, arau i
sire waline tau Sahani, nalahë u
i sire sarung mēngiralingu i ka-
mene kai seng pulu këbi! **24** Kai
kamageng i kamene këbi e mēha-
baru hengetangu Mawu, wou e-
ne e rumënta sēngkatau waline
tau Sahani e arau taumatan li-
kude, tangu apawen nihabari
kamene këbi e sarung mēlahëu
kalawou rosan tau ene ringangu
makariadin sie mēsasēsilu rosa-
ne. **25** Patiku apan kabawuni su-
ralungu naunge ipakalahë, hakiu
i sie mētēngkasanau watangenge

ku manëmba Ruata. I sie sarung-
be mēngaku u Ruata e kahēnga-
hēngangbe ene sutaloarang kame-
ne.

Tundung jamaatë

26 Ku manga anau sēmbau,
kai apa e ngae mangaleng këbi
ene? Kereu i kamene mēmpëko-
molë manëmba Mawu e, u-
te piaem mēkëkantari, piaem
manëntiro, piaem mēlēhabaru a-
pa-apa wou Mawu Ruata, piaem
mahumbisara su wera makala-
herang dingangu piaben lai
mēmpēñeñualagu apan nibawera-
ne. Kaiso patiku ene e harusëbe
koā gunan manëntiro ringangu
gunang kapapiang këbi. **27** Ke-
reu piaü mapulu mēbisara su
wera makalaherange, ute kētau
pētahadua arau mētēngkalawo
e pētahatëllung katau apēda-
rolosë e. Dingangu harusë piaü
mēñualagë apan nipëbisaran tau-
mata mēbawisarane ene. **28** Ke-
reu tau makatualagë e, tangu
taumata apan mahumbisaram
bera makalaherange ene e ha-
rusëbe mētēngkarēmmasë su ko-
molang ene. Balæ i sire pēbawi-
sarane suralungu naung i sire
e su Mawu e. **29** Darua arau
tëllung katau mēnanubuetë e ha-

rusëbe mëhabaru hengetang ene e tëntalangbe waline mëmpëtimbangu apan niwera e. ³⁰ Kai kereu hengetangu Mawu e kai rimënta su sëngkatau waline nailing su komolang ene, tangu i saing kapëbëbisarane e ute harusë mëngirule. ³¹ Ku ualingu kawé tundune kerene ute, i kamene manga anau sëmbau këbi e, sëngkatau-sëngkatau e wotonge makapëhabaru hengetangu Mawu e; tadeau këbi e makapënarima u tëntiro, ringangu sauneng matoghasë su pëngangimang. ³² Laonggo bou Rohkë e waugu mënubuetë e lëulingang isain nëmpëhabaru hengetang ene. ³³ Duata e kai Ruata puluang su atore; i Sie ta karaluase su halëu pëhasilontahë.

Kerëe mađiadi suralungu patiku jamaat'u Mawu, ³⁴ manga wawine e harusëbe pëmpëtëngkarëmmasë su komolangu jamaatë. I sire taipakawala mëbisara. I sire taipakawala makoą pangaha e, kerëewe tumuhu toratë. ³⁵ Kereu i sire mapulu mëngëndung manga apa, ute i sire harusëbe makiwalo su kawingi sire su wale. U kai makasamedë kereu sëngkatau

wawine e mëbisara suralungu komolangu jamaatë.

³⁶ Arau kai manga simëbang bou anung kamene, hengetangu Mawu Ruata e? Arau kai këtau niđatingu anung kamene ngae hengetangu? ³⁷ Kereu pia makapëndangu kai pia tilakehu mënubuetë, arau pia laonggo baline bou Rohkë Susi e, ute tau ene harusëbe makapëndang batangenge u apan seng taku niwohe ini e ute kai laoron Mawu e. ³⁸ Kai kereu pia tamakatarima ini e ute kumbahangbe lai i sie i tarima.

³⁹ Kai ualingu ene ute, manga anau sëmbauku, pëmpëtëmpalungkangke^v tadeau makapënubuetë, kai kumbahangbe mëšëdingu apam mapulu mëbisarang haghim bera makalaherang. ⁴⁰ Kai këbi e harusëbe koą pakapia ringangu pakaatorë.

Halëu pëbawangung
i Kristus kapia wou
kapapohonge

15 Ku ini e manga anau sëmbau, ia mapulu tadeau i kamene saube makatahëndung kapia Injilë naung taku ilëhabarë si kamene. I ka-

^v berusaha

mene e nĕmpĕnarima, dingangu nangimang si Kristus ualingu Injilĕ ene. ²Kereu i kamene mangumbelebe masĕgadĕ su apan taku ilĕhabarĕ e ute Injilĕ e kai makasalamatĕ si kamene; tabeau katewe i kamene mangimang ta makalaĕnna.

³Apan taku nihabarĕ su manga anaŭ sĕmbau e ute sembem bou taku nitarima. Kahumotongange ringangu kasariange ute kerewe maŭawohe suralungu Bukĕ Susi e, ia nĕhabarĕ si kamene u i Kristus e kawe napohong ualingu kaŭawou rosang kite; nilĕbing; ⁴kai wou ene nĕbiahĕ kapia su ĕllo katĕllune. Ene e maŭaing kaŭawohe suralungu Bukĕ Susi. ⁵Ia e maŭi lai si kamene u i Kristus saŭ nĕbiahĕ kapia e maŭaing nanode u watangenge si Petrus, ringangu lai su manga rarolohange i sire mapulo dua. ⁶Bou ene nĕtĕngkatode u watangenge kapia si sire tumatolene lima hasu su kataune sĕngkahindo. Kaŭawokange wo'i siree wĕdangbe wiahĕ orasĕ ini, kĕtaewen manga pirang katau

seng nate. ⁷Bou ene i Kristus nĕtĕngkasilo lai si Yakobus bou ene su kĕbi darolohange.

⁸Su pĕngĕnsueĕnge kahĕngang ute nĕtumpasilo e lai si sia e – kerĕ e sĕngkatau rariŭ dimĕnta reng baline tempone! ⁹Ia e kai rarolohangu Mawu kasanakenge. Ia e ta hinone ikasĕba darolohang, batu ia e kawe wou nĕtingkai^w jamaatu Mawu. ¹⁰Kai ualingken tataŭntu Ruata e ute ia nakoŭ kere kakakoŭ e su orasĕ ini. Ringangu tawe nagholoŭ bue Ruata e nĕngampung si sia. Katewe pundangu ia e nĕhalĕ limembong kasĕgade wou patiku darolohange lai waline e. Kaiso ene e tumuhu hinone e walineŭ ia, kaiso kawe tataŭntu Mawu Ruata e nahundingang u ia. ¹¹Ku mĕnsangbe wo'i sai-sai i kamene makatarimaŭ Injilĕ ene – walawe wou anuku arau rarolohang baline e – ene e tawe makoŭbe sangkuralange. Kai kahumotongange ringangu kasariange ute i kami e makapĕhabaru Injilĕ ene e ringangu i kamene mangimang bue.

^w nĕnumbiagĕ = menganiaya

15:3: Yes 53 5-12 15:4: Mzm. 16:8-10, Mat. 12:40, MMR. 2:24-32

15:5: Mat 28 16-17, Mrk. 16 14, Luk. 24 34, 36, Yoh 20:19 15:8: MMR 9 3-6

15:9: MMR 8.3

**Kakakoꝝ u taumata saꝝ
nipëbiahë bꝝ papate**

¹² Kereu nihabari kami e kawe i Kristus seng saꝝ nëbiahë bꝝ kapapohonge, unꝝ wꝝi kamene piꝝu mëbera u tau nate e seng tawe saꝝ mëbiahë? ¹³ Kamagengbe kahëngang tau nate tawe ipëbiahë saꝝ, ute mangalene i Kristus e tawe saꝝ nëbiahë bꝝ kapapohonge. ¹⁴ Kꝝ kereu andene i Kristus tawe saꝝ nëbiahë bꝝ kapapohonge, ute tawë gunane i kami mëhabaru apa-apa ringangu tawë gunane lai i kamene mëmpangimang, u pëngangimangu e tawë apa pinamanggilange. ¹⁵ Limembo wꝝu ene ute nalahëu i kami e kinarapateng kai sahidi konti maꝝanun Mawu Ruata e, batu i kami e nëhabaru Mawu Ruata e seng saꝝ napëbiahi Yesus Kristus bꝝ kapapohonge, sëmbalïau Ruata e tawe saꝝ napëbiahi Sie – kereu kahëngang bue taumata nate e tawe saꝝ nipëbiahë! ¹⁶ U kamageng tau nate e tawe nipëbiahë saꝝ ute i Kristus tawe niapëbiahë saꝝ bꝝ kapapohonge. ¹⁷ Dingangu kamageng i Kristus e tawe nipëbiahë saꝝ ute pëngangimangu e këtaëngbeng ipi samatang; kꝝ ene mangalene i kamene

wëdang suralungu kakakoꝝu rosa e kꝝ seng tau pëharapeng sidutu. ¹⁸ Kꝝ mangalene lai ute taumatang Sahani apan seng nate ute seng tawëapa pëlaharape. ¹⁹ Kereu pëlaharap'i kitë si Kristus këtabeng nakëta su pëbawiah'i kitë su dunia ini e, tangu wꝝu patikꝝ umatë suralungu dunia ini e, ute kai i kitë e limembong kaëngkëhang!

²⁰ Kaiso karalähëe i Kristus seng niapëbiahë kapia wꝝu kapapohonge. Kai ini e wuꝝu taumata nate e kꝝ saꝝ niapëbiahë kapia. ²¹ Kai watꝝu papate e kai suwꝝu taumata sëngkatau e ute kerene lai mëbiahë kapia wꝝu papate e niongꝝo su taumata e maꝝaing suwꝝu taumata sëngkatau e. ²² Kereuwe kalawꝝu taumata e nate nasowa sëmbau dingang'i Adam kerene lai kalawꝝu taumata sarung ipëbiahë e, ualungu nasowa sëmbau dingang'i Kristus e. ²³ Kai sëngkatau sëngkatau e sarung ipëbiahë tumuhꝝ bihingë, humotong-motong i Kristus, bꝝ ene hëdowen i Sie saꝝ dumënta kapia, dumolosewe wihingu taumata apan tataghuanengi Kristus. ²⁴ Samuring ene ute nahëpuse dunia e. Su tempo ene i Kristus e sarung mamata patikꝝ parenta, patikꝝ kawasa

ringangu patiku kuatě, mase i Sie sarungbe mēnarakangu kawasane kere sēngkatau ratu e, su Ruata i Amang i kite. ²⁵I Kristus hinowen tatapě mēpěparenta sarangbeng Mawu Ruata e mapakariadin patiku doka i Kristus e mēsamaļe si Kristus. ²⁶Doka pangēsueēnge sarung ikawata, ute kai papate. ²⁷Suralungu Winohę Susi e kabawohę kere ini, "Mawu Ruata e seng napakariadin patiku sabarang nēsamaļe si Sie." Nalahe kere su pēsasasēba u, "patiku sabarang" ute Mawu Ruata e madaliuwe su likude, ku napakariadin patiku sabarange nēsamaļe si Kristus. ²⁸Kai saraeng kēbi-kēbi e seng nisēllunge suaļungu parentang Kristus, tangú i Sie sēsane ku Ahusu Ruata e, sarung mētēngkasēllungu watangenge su Ruata ku seng napakariadin patikusabarange nēsamaļe si Sie. Tangu Ruata e maļaing sarung sēsane mēparenta kēbi e.

²⁹Kereu taumata nate e tawe iapēbiahę kapia, unę wue pią taumata nisahani e waugu taumata nate? Kai apa e ikapēharapě bou kaļawou tau-

mata kerene? Kereu mamben tēngadę taumata nate e semben tamēsau mēbiahę e, kai pękapura wue tangu taumata isahani waugu taumata nate e? ³⁰Dingangu kai waug'u a ļai i kami e mēngkai tutatēngo hombang sidutu? ³¹Manga anau sēmbau! Apang kaļaello ia e mang mēdędararagu sigęsa e waug'u ia ruļuasu pębawiah'i kamene manga anau sēmbau batu i kamene kawe seng nangimang si Kristus Yesus, Mawung kite. ³²Kamageng ene e kętaengbeng kawe ualingu maťaumata e samatang, apa wue untune si sia baug'u mętawakali sęngapam bontonge rumoka kaļawou binatan duļu su soa ini, su Efesus? Kereu mamben tēngadę taumata nate e tawe saų ipēbiahę kapia, ho, mapiawe i kite tumole bungang'u wawera ini: "Hotede i kite e kumaēngke ringangu mēnginungke ringangu mędaraļuase, watu riļello i kite kawe sarung mate."

³³Piawe kalitoēng!² Kereu i kamene mēhapiu taumata raļakisę e, kai makadalakisę bahasa mapapia. ³⁴Ku kuhako wue mękoą dalaki. Kai apa makamea

² kaakaļeng = dapat ditipu

kereu sutaloarang kamene e kai pia taumata ku bēdang ta nakakirala Mawu Ruata.

Badangu taumata e samurien nipēbiahē kapia wou papate

³⁵ Aramanung kai pia makiwalo, "Kai kereapa e taumata nate ipēbiahē kapia? Kere apa ngae pēbawadange iongō si sire, saraeng seng nēbiahē kapia?"

³⁶ Ei tau longong! Kereu i kau e mēsuang bine suralungu ěntanna, bine ene e ren tawe tumuwo kereu ren tawe nate kalamona. ³⁷ Mase wine sinuangu su ěntanna e aramanung kai – wineng gandum arau wine waline – u kai kētaewen bakju sasuang. ³⁸ Hēdowem Mawu Ruata sēsane mangonggou tatuwone tumuhu ewe kapulune mētatahino su sasuang ene. Ku suapaewen haghim bine seng nahia u tatuwone timuhu ewe sasuang sēmbau-sēmbau.

³⁹ Badangu riadikang susindae walinewe kēbi mēsulung. Taumata e wadange mēsēsulung arawe binatangē pia gahju wadange waline; manga manu e maiaing baline ghahju wadange.

⁴⁰ Kerene lai manga ralohon langi dingangu dunia. Dalohon langi e sēmbau-sēmbau nahia u kalēnggihe ringangu ralohon dunia e maiaing kerene. ⁴¹ Kalēnggihu sēnnangu matangello e nanēntani wou kalēnggihu sēnnangu wulang. Manga wituinge maiaing pia kalēnggihe sēsane. Saļanune apam bituinge mētētātēntani lai kalēnggihe.

⁴² Kerene lai sarung taumata nate e mēbiahē kapia. Badange nilēbing ene e kai wadang mahene, arawe ku badange nipēbiahē kapia e ute kai wadang tawa malahene. ⁴³ Su tempom badang ene nilēbinge ute wadang ene mahene dingangu lome; arawe su tempong iapēbiahē kapia e ute kai wadange malēnggihē dingangu matoghasē. ⁴⁴ Su tempon nilēbinge, ute wadang ene e kai wadang bou dunia, arawe saraeng nēbiahē kapia e ute wadang ene e, kai wadang nionggou Rohkē Susi. Pia badang asalē wou dunia, piabe lai wadang ku asalē wou Ruata. ⁴⁵ Suralungu Winohe Susi kabawohe kere ini, "Taumata humotonge ute kai i Adam, nakoā diadikang biahē," kai ara-

we i Adam kasamuriange ute kai Rohkë namiahë. ⁴⁶Dimënta kakaļimonaënge ute kai ghësi, waļinewe kai rohkë. Arawe rohkë ute kai rimënta samuri. ⁴⁷I Adam humotonge ute kai nikoā bōu awuļu ëntana, arawe i Adam karuane ute kai asaļe wōu sorga. ⁴⁸Taumatana dunia ini ute kai mësulungu i Adam kahumotong-motongange nikoā bōu awuļu ëntana, arawe taumatana sorga e ute kai mësulungu i Sie ku dimënta wōu sorga. ⁴⁹Kerëwe lai i kite orasë ini e mësulungu i Adam nikoā bōu awuļu ëntana e ute i kite e lai sarung mariadi kerëwe i Sie ku bōu sorga e.

⁵⁰Timonaku e ute manga anau sëmbaū kai: wadang ku niyadi wōu ghësi ringangu raha e, tawe makasū su Runian Duata Wuhu; ringangu wadang ku mahuta e tawe makoā kakalë.

⁵¹Kënanško patehe rahasia ini: Waļinewe këbi e ikite sarung mate, kai i kite këbi e sarung mēbaļui. ⁵²Watū halë ene e hëdowen mariadi sëngkëlëndiu arau sëngkakonda, pia e slompretë e ipahëte su pangënsueënge. Batū su tempōeng kinaringihë tingihu slompretë e, ute apan na-

te e ipëbiahë kapia ringangu wadange kakalë, ku i kite këbi e ipëbaļui. ⁵³Wadang i kite ļate e harusëbe mēpakeu wadang i kite ta lumate, ringangu wadangi kite bōu dunia e seng nēpakeu wadang ku bōu sorga e. ⁵⁴Kerëu wadang ļate seng nēluheng badang ta lumate, ringangu wadang ku bōu dunia e seng nēluhen kakakoāu wadang ku bōu sorga e, ute su tempo ene buhewe naghanapë kere mābawohë suralungu Winohe Susi u, "Papate seng kinawata; Kaļauntung seng nikahombangeng!"

⁵⁵ "Ei papate, suapae watau e? Ei papate, suapae wisanu?"

⁵⁶Bisang papate ute kai rosa e, ringangu rosa e maşëgadu toratë e. ⁵⁷Kai tangu, tarima kasë su Mawu Ruata e; u i Sie kai nangonggōu wata e su Mawung kite i Yesus Kristus.

⁵⁸Uaļingu ene, manga anau sëmbaū ku ikëkëndagë, pakakuatë dingangu pakatatoghasë bue i kamene. Pëmpëhalëko turusë baugu Mawu e ringangu kaguwau ralungu naung, u i kamene masingka u patiku apang kinoā i kamene waugu Mawu e tawe makoā ta gunane.

Laonggo baugu sëndinganeng tau Sahani

16 Arawe halë u lahuwu baugu sëndinganeng tau Sahani e ia kai maļu koako lai kere taku niatorë su kalawou jamaatë su Galatia e. ²Su ëllo humotong apang kamisae kënganko i kamene këbi e pëmpënële u roitë pëkadodo e tuhu ewe ëba e. Komolëko roitë ene sarang ia dumënta, tadeau su tempo ene e semben tawahaluasu mëmpëngomolë. ³Hëdowen ia e seng marënta, ute Ia e sarung mëndolohu taumata ku seng kinapulung kamene. Ia e kai mangonggou surat pawawa tatonda kakëndag'i kamene e solong Yerusalem. ⁴Ku Kereu patehang dembem mapia ute ia maļaing hinon tarai mahundingang ku sëngkaraleng dingangi sire.

Karakim Paulus

⁵Ia e kai sarung mëtiwo si kamene, kereu matëpasu Makedonia, u ia e mëkëkaraki sumahewou sene. ⁶Botonge mariadi ia e sarung mëtana kadodo tempo ringangi kamene, arau aramanung saralaing pakaliun musungu

matëho e. Maliung ene i kamene wotonge makapësumbala si sia manëpasu raraleng solong tampa tuhu e. ⁷Ia e tawe mapulu mëtiwo si kamene tumbau mëtotong matarang sësaheëng. Kereu Mawu e mapakawala ute, ia deng mapulu mëtana di mararëna ringangi kamene.

⁸Tëntalang ene e ia deng matana su soa ini, su Efesus, sarang ëllong, "Katatëntungu Rohkë Susi." ⁹Lawo loaheni si ni waugu munara pia këhase, manieng lawo lai rudoka.

¹⁰Kereu i Timotius e marënta e, ute sëmpike wue pakapia i sie, tadeau i sie marëpang bue sutaloarang kamene, u i sie kai kere ia maļaing mëmunara waugu Mawu. ¹¹Kumbahangbe sarang pia tawe mëndekeng i sie. Sumbalai wue i sie tadeau i sie makapanëpasu raralenge mësulë kapia solong anuku ta kurange apa, watuu ia e mangampalë darëntane ringangu manga anau sëmbau baline.

¹²Arawe anau sëmbau i kite i Apolos, mëngkate seng apa piran sulë maļu si sie tadeau i sie ringangu manga anau sëmbau baline e mëmpëtiwowe si ka-

mene. Kai i sie wędawen tawe nakapëndang u i sie kai harusë ligha tamai ini. Kai tangu kereu hëdowe piã tempone, ute tantu sarungbe rumënta.

Papondolu suratë

¹³I kamene pakarałukadë bue, ringangu pakatatoghasë bue surałengu pëbawiah'i kamene mamewe u tau Sahani. Pakawawahani wue ringangu mëngkai pakakuatë. ¹⁴Apaweng këkoateng i kamene e, koabe ringangu pëkakëndagë.

¹⁵I kamene e masingka beng i Stefanus ringangu i sire sëmbaleëng, u kai i sire kakalamonaëngu nëmpësowa Sahani su wanuan Akhaya. I sire ringangu kaguwau naung nëmpëtëngkasarakang su pëtangkiang jamaat'u Mawu. ¹⁶Ia e mauli si kamene ringangu sëngapam botonge tadeau i kamene tumolewe pëmamihingtu taumata kerene, ringang kewe lai i sire waline sëhalëkang sëngkapëtangkiang si sire.

¹⁷Ia e małuasë su rarëntang Stefanus, Fortunatus dingangu i Akhaikus. I sire mësulungkelain

gaghanting kamene wagu ia. ¹⁸I sire e kai seng nakałuasë naungku e, kerewe i sire makałuasë naung i kamene. Taumata kerene e harusëbe lëarëgai.

¹⁹Manga jamaatë su Asia e nëndohom ben tabeã i sire si kamene. I Akwila rëduan Priskila e ringangu jamaatë apan nëmpëtampung su walen sire e małaing nëmpëndohon tabeã si kamene, ualingkem pëkakauhu tau Sahani e. ²⁰Këbi manga anaũ sëmbau sini e nëmpëndohon tabeã si kamene.

Pëmpëpapangadatë bue pakakakëndagë lawo tau Sahani.

²¹Taku lai takidang sini tabeãku taku niwohe sësaku: *Tabeã bou ia, i Paulus.*

²²I sain ta kumakëndagë Mawu e kapiangbe i sie mawinasa!

Maranatha – Mawung kami e dëntae!

²³Karimako Mawu Yesus mëngalamatë si kamene.

²⁴Kakëndagëku e pahundingang i kamene këbi nasëmbau dingangi Kristus Yesus e.

Adat'i kami,
Paulus

SURAT'I PAULUS KARUANE
SU JAMAAT'U
KORINTUS

DARUMATINGE

Surat'i Paulus Karuane Su Jamaat'u Korintusë e niwohe su tempong kasasëse u kalahëmpukang i Paulusë dingangu jamaatë e. Pia manga ralohon jamaatë sene ku kere luhudu seng dimoka matëdu si Paulus, kai i Paulusë e mang mapulu mësëngkapan sire kahënga-hëngang. I sie mambeng napatode u karaluase pia e halë ene nariadi.

Su wahageang humotong bou surat'i Paulusë ini e mëbëbëke manandu su halë u kalahëmpukangu jamaat'u Korintusë e ringange. I sie nënualagë malahë sene, unue i sie nanëngkulë matëdu suralawang dingangu sasamedë si sie kahian jamaatë sene. Bouten nauli u ene, i sie nanodeeng karalugasu naunge ualingu pananëngkule ku nakauali e pëtatobatë dingangu pëdarame. Bou ene i sie namoghe^a jamaatë tadeau mënampungu lahuwu^b ipëtulung tau Sahani apang masasusa su Yudea. Su manga pasale pangënsueënge i Paulus nëhabaru hinone su halë u pangkate kawe sëngkatau rarolohang su manga pirangkatau su Korintus makitika u watangenge kai rarolohang tutune, mase manokeng Paulusë e kai mahang darolohang.

^a nëhaëng ^b tatongka

Lohone

Panĕtakenge	1:1-11
I Paulus dingangu jamaatĕ su Korintus	1:12-7:16
Tatongka su taumatang Sahani masasusa su Yudea	8:1-9:15
Pananondan tulid'i Paulus halĕ u kawasane su halĕ u rarolohange	10:1-13:10
Kakunsi e	13:11-14

1 Manga anaŋ sĕmbau jamaat'u Mawu su Korintus dingangu kaŋawou kawanuan Duata su kaguwaŋ Akhaya.

Ia e, i Paulus, darohang i Kristus Yesus, nihengke ualingu kapulum Mawu ringangu anaŋ sĕmbau i kite i Timotius, **2** mĕlĕharapĕ u maŋowoko Ruata i Amang i kite e ringangu Mawung kite i Yesus Kristus mangonggou alamatĕ dingangu karaŋunsemahĕ si kamene.

I Paulusĕ e nakitarimakasĕ su Mawu Ruata

3 Dalo su Mawu Ruata, i Amang u Mawung kite i Yesus Kristus. I Sie kai i Amang naunge mapia kahĕngang, dingangu i Sie kai Ruata ku nangonggou kuantu pangangimang su taumata. **4** I Sie maŋoghasĕ naung i kami suapan tempon sigĕsa ku luhombang si kami, tadeau ringangu toghasĕ ku nika-hombangeng i kami wou Ruata e, i kami e maŋaing makapĕnoghasĕ naungu kĕbi taumata apang suralungu sigĕsa e. **5** Haghin sigĕsa ku luhombang si Kristus e seng maŋawo lai kinahombangeng i kami. Ku maŋaing suralung i Kristus e naung i kami nipaka-

toghasĕ. **6** Kamagengu i kami e hombangenge, ute ene kai wangu kaŋaiakingu, wangu kasasaŋmatu. Kereu kaŋaiaking i kami e nitoghaseng, tangu i kamene e maŋaing natoghasĕ dingang hakju i kamene makapĕdĕdararagĕ su haghin sigĕsa kerĕwe seng luhombang si kami e. **7** I kami e mang maŋiaking dingangu taweghimĕgoĕ mihino su manga anaŋ sĕmbau, batu i kami masingkai i kamene maŋaing mĕngkasigesa dingang i kami. Ku ualingu ene tangu i kamene maŋaing niapaka-toghasĕ dingang i kami.

8 Manga anaŋ sĕmbau! I kami e mapulu tadeau i kamene e masingka u sunsara kinahombangeng i kami e su Asia. Sigĕsa tĕtaŋudang i kami e mawĕha ta sihinge manĕda si kami, hakju i kami e seng tawĕ harapu wĕdang lai mĕbiahĕ; **9** pĕndange ute mĕsulungu seng ninawoĕng u ponesĕ pateĕng. Kaiso halĕ ene nariadi kai tadeau kumbahangbe i kamene mangumbala su kuantu watangeng hala, kaiso kawe su Mawu Ruata ku maŋiahĕ taumata nate. **10** Ku seng i Sie nĕliwiri kami e wou ghĕnggang masaria makapate e. Ku maŋaing i Sie sarung mapakasalaŋmat'i kami

e su ěllo samuri, u kai i Sie e pęngumbalerang i kami e. ¹¹I kami e maļaing maņgimang ualingu pękakaliomaneng i kamene si kami e tangu Ruata e sarung mangambang i kami e kapia wou silaka. Ku Mawu Ruata e sadia męngalamatę si kami e kere sasimbang bou kaļawou kakaliomaneng baug'i kami, ku ualingu ene sarung maļawo taumata mętahimokoin tatarimakase su Mawu Ruata e.

I Paulus nęmaļui karakine

¹²I kami e luļesa, batu raļungu naung i kami e makapangiaking si kami u pębawiahi kami e su dunia ini – kahumotongange ute kai pędaļahęmpukang i kami e ringang i kamene e seng kinoa i kami e ringangu karaki matuļidę dingangu kawawuręsi e. I kami mękękoa ene, baļinewe ualingu kapelesan taumata e, kaiso kawe ualingu katoghasę nionggou Mawu Ruata. ¹³⁻¹⁴Apang niwohe i kami e si kamene ute kai kętaeng maņanung apang ikawasa ringangu kaęnnaęng i kamene. Orasę ini e i kamene tawe makaęnna kahęngang, kai ia

e męļęharapę u i kamene sarungbe makaęnna mapia-pia si kami. Ualingu kawe kerene, tangu su tempong Mawu Yesus sarung dumęnta ute, i kamene ruļiag'i kami, kereewe lai i kami e maļaing ruļiagi kamene.

¹⁵Ualingu pangangiaking ene e tangu su tęta e ia mękękaraki mapulu mętiwo si kamene tadeau i kamene makahombang aļamatę duan suļe. ¹⁶Ia e kai mękękaraki u mętiwo si kamene maņeng u ia soļong Makedonia ku sau motong maņeng seng męsuļe tadeau i kamene makatonda wue si sia manępasu raralęng soļong Yudea. ¹⁷Kaiso ia e kai seng nęmaļui kędoku e; ku męsang ene ute męļęlahę u kapuluku nasalunsuhę^c e arau? Ku pia e ia kapęļęhingide tangu, męsang pęlaļahingidęku e kai ualingu kapuluku hala, ku saļa e mębęra u, "Ore", tawe nararęna sembengkewe nębera u, "Tala"? ¹⁸Baugu Mawu Ruata e ku paņgimangenge, diandiku si kamene tangu waļinewe, "Ore", ringangu, "Tala". ¹⁹Batu i Yesus Kristus, Ahusu Ruata e ku seng nihabarę si kamene kahian Silas, Timotius, ringangkeweng ia sęsaku e waļi-

^c tawe nahunsudę
1:16: MMR. 19.21

newe taumata "Ore" ringangu "Tala". Kaiso kawē i Sie uakoā sasimbang u "Ore" wou anun Duata. ²⁰ Kū kai limiun Sie Ruata e seng nēhengetang u, "Ore" su patikū apang nikēdon'E. Kai wou ene pinamanggilangu wawerang kite, "Aming" su Mawu Ruata ualingu i Yesus Kristus. I kami e inēkēkoā kerene tadeau Ruata e iapakawantugē. ²¹ Duata sēsane seng niapakauh'i kite e matoghase dingang i Kristus; kū seng i Sie lai nēmile si kite e samatang baug'i Sie. ²² Baugu ene tangu. Ruata e seng nēnarima i kite e nakoā tataghuanenge ringangu nangonggou Rohkē e suralungu naung i kite, nakoā kere papaiang u i Sie mang sarung mangonggou u kēbi apan nikēdon'E si kite e.

²³ Duata e sahidiku – watū i Sie kai masingka u ralohon naungku – u ia e tawe nisēhu solong Korintus, u ia e tawe mapulu mapakasaran naung i kamene. ²⁴ Ia e tawe manihasa si kamene su halē u apan ilēia-king i kamene, batu i kamene mambeng mangimang matoghase si Kristus. Ia tumba u mapulu sēngkapēmunara ringang i kamene tadeau i kamene mangkeng kakaļunsemahe.

2 Ualingu ene ia e sen namutuse u sen tawe saudumēnta suralungu pētatiwo kū makakēndung naung i kamene. ² U kamageng u ia e kawē mapakasaran naung i kamene, ute i sai wue makakahiborē naungku, kereu walineuwe naung i sire kū naunge seng bou takū niapakasusa tangu? ³ Kai ualingu ene hakū ia nakapēmohē u suratē ene si kamene. Ia e tawe mapulu mētiwo si kamene, kū bou ene kawē ipakasusang kamene, sēmbalīau kawē i kamene hinong mapakalūasu naungku e. Batu ia mangiakingu kamageng u ia e maļuasē, tangu kerene lai i kamene maļaing maļuasē, tangu kerene lai i kamene maļaing maļuasē kēbi. ⁴ Ia e nēnuratē si kamene e, naungku e masusa ringangu mawēha, mase ringangu tatēdo u ēllo mata maļawo. Kapuluku e tangu walineuwe mapakasaran naung i kamene, kaiso kawē tadeau i kamene makahēngangu ia kawē kūkēndag'i kamene.

Kalaampung baugu apan nēsala

⁵ Kereu piāu napakasaran naung, tangu halē nikoā e ene tawe nihino su watangengku, kaiso kawē nihino su manga anau

sěmbau kěbi arau mětěngkaka-
dodo su sěmbahageang bou i
kamene. U ia e tawe mapu-
lu tumanı e mahasa su tēngo-
ne. ⁶Baugu taumata kerene, hu-
kumang pinellou kalawokang e
wo'i kamene e, seng kapapia-
ne. ⁷Orasę ini e i kamene hi-
nong męgęlliı ampung si sie ore
lai hinong bahansangeng tadeau
i sie tawe tumanıe masusa ku
sarang męnsu naunge. ⁸Ualingu
ene ia e mędędorong, tadeau
i kamene saıko pęmpęnode u
i kamene mamben tęnga-tęngadę
kukęndag'i sie. ⁹Ia e nakapanu-
ratę si kamene mędeau męmęma-
nika si kamene, męnsang i
kamene hanesębe tutuhu apan
takı ilęaha e. ¹⁰Kereu i kame-
ne męgęlliı ampung su taumata
apan seng nęsala si kamene u-
te, ia e maıaing męgęlliı ampung
su taumata ene. U apan seng
takı niampungang kereu mam-
beng piaı hinong ampungang –
ene seng takı niampungang – su
tęngon Kristus baugu kapiang ka-
mene. ¹¹Takı kękoateng ene ta-
deau setang e kumbahangbe ma-
kareı loahed mędeau mękawasa
si kite; batıu i kite e ma-
singkabeng kalawou karakine.

Gęnggang i Paulus su Troas

¹²Su tempon ia nahumpa
su Troas, mędeau makapęhabaru
Injilę maanung Kristus e, Ma-
wu e seng nanope raleng bau-
gu ia tadeau makapęmunara se-
ne. ¹³Arawe ia e kai taghiawahę
batıu tawe nęsombang u anau
sěmbau i kite i Titus paı sene.
Tangu ia e kai nękata u manga
anau sěmbau sene mase nakoı
solong Makedonia.

Kalauntung ualing'i Kristus

¹⁴Tarimakasę su Mawu Rua-
ta! I Sie hanesę mangaha i ka-
mi tadeau apatole ghapaęngu
kalauntung i Kristus batıu i ka-
mi nębiahę nasěmbau dingang'E.
Duata e nępake i kami tadeau
walon habar'i Kristus e make-
ke kere raluru mawęngi ku lu-
miwung su kaguwau weo e.
¹⁵⁻¹⁶Batıu i kami e kai tabidau
ralurung kamania mawęngi, ku
nitutung i Kristus baugu Rua-
ta. Suapan taumata ku kapętęti-
monane kawawinasa e, i kami
e męsulungu ralurung papate ku
mamihua; kai arawe waugu tau-
mata apang mętętimona kasa-
salamatę e, i kami ini e kai

^d lęsabe

měsulungu rałuru mawěngi ku makaděntang pěbawiahě. Tangu i sai e ngae makaitu parenta ini e? ¹⁷I kami e waline-we kere taumata lawo o kawe měkěkoą hengetang u Mawu e kere apalıwu ipahumbału. Timonang kami e kai matulidě, batuu i kami e kai nioron Duata. Ku Duata sěsane e makasilo u i kami e mągekeng habarě ene měsulungu manga ęllang i Kristus e.

Mětatangkiang pėdariandi wuhu e

3 Ku měnsang ini kėllaęng e saųewe měsulungu i kami e męmpėdėdaló watangeng i kami e ngae? Arau kai męgėgausewe suratu makıdarumalo si kamene arau wo'i kamene keręewe ghęgau-sangu taumata waline? ²I kamene hala e kai suratě daralo waug'i kami e, ku kabawohe suralungu naung i kami ku kėkasingkateng dingangu ikėkawasang kėbi taumata. ³I sire hala e seng nakasilo u i kamene alıngkai suratě nıbawohe i Kristus, ku seng niringo limiung kami. Suratě ene waline-we niwohe u tinta, kaiso kawe ringangu Rohkě Susi ku biahě;

baline-we lai su watulei, kaiso suralungu naungu taumata.

⁴I kami e nębera kerene ualingu kalaiaking i kami e su Mawu Ruata suralung i Kristus. ⁵I kami e taweu pamanggilange sarang kadodo baugu mapakalahęu i kami e makaumalę mękoą munara ini, kaiso kai Ruata e nęgėlliu katoghasě ene si kami e. ⁶Kai i Sie nakaualı si kami e wotonge makoą mětatangkiangu sėmbau pėdariandi wuhu ku ilęumbala su Rohkě Susi, baline-we su atorang ku mabawohe. U apang mabawohe e kai makaualı papate, arawe Rohkě Susi e kai makaualı pėbawiahě.

⁷Su tempon pėdariandi makapate e nikoą dingangu nıpakang su watu, kawantugu Ruata e simėnnang maıuahě su ghatıng Musa. Sėnnang'E męngkate apa kųkerong hakıu kawanuang Israelę e tawe makatoha tumingang gating Musa, manilaıng sėnnange su ghatine e su orasě ene seng maınėta kakaparunge su tempo ene. Tangu kereu pėtataıngu pėdariandi ku makabunau papate ene niaku ringangu niapakawantugě kereng kasariane, ⁸nalahę, u pėtataıngu pėdariandi ku

nionggou Rohkë Susi e, nighuan-ting demben lai limembong kawantuge. ⁹Kereu pëdariandi ku mëhukungu taumata ene apæ kukuhenabë, ute dumakelengke lai nëngalembong kawantuge pëdariandi ku makauali taumata e mëšëšngkapan Duata e. ¹⁰Botonge ikawera u apang ku naung mawantugë e, ute sen tawë kawantuge lai ualingu kawawantugu orasë ini e. ¹¹Kereu manga e apa ku këdang e këtaeng sëngkatempo, seng kerene kawantuge, nalahë u manga apaeweng kakalë e maļaing nangëlembong kawantuge.

¹²Ualingu i kami e kawe piā pangangiaking kerene, tangu i kami e wahani mahumbera kerene. ¹³I kami e waļinewe kere i Musa kawe mëlēhëmbung gatine ringangu tatimbuhung tadeau tau Israel tawe makasi-
lo tualagu Mawu e kaķapura e ringangu mapuā bou ghatine. ¹⁴Naung i sire e seng natimbuhung. Kuteu sarang orasë ini naung i sire wëdang kaķatimbuhung su tempong i sire kapëbëbasane manga bukë u Pëdarian-
di Tëbe e. Tatimbuhung ene hëdong maļekesë kereu taumata e masëmbau dingang i Kris-

tus. ¹⁵Orasë ini lai, kereu i sire mëmpëbasa manga bukë i Musa, tangu tatimbuhung ene maļaing bëdang mëlēhëmbung tinënnan sire. ¹⁶Kai kereu pëšëngkatau e rumënta mëtëngon Mawu e, tatimbuhung ene maļaing lekesang bou ghatin taumata ene. ¹⁷Tangu, Mawu ku iwëbera sini e ute kai Rohkë Susi e. Ku suapang Rohkë u Mawu e ene, ute sene maļaing piā karaliwirë. ¹⁸Orasë ini e ghating kite këbi e tawe nitimbuhungang, hakiu i kite e kai mapasënnangu kakerong u Mawu Yesus. Ku ualingu ene i kite e mëngkai hanesë tëtalimbuhuang pakakoā mësulung i Sie; ku kakadëngue i kite e mangkeng kakaķualage. Ku katatualagë ene tangu kai wou Rohkë, mase Rohkë ene ute kai Mawu e.

Arëta bou sorga su
tatahoënge wou ëntana

4 I kami e mëķëkoā muna-
ra ini kai ualingu karalon-
don naungu Mawu Ruata. Kai ualingu ene hakiu i kami e tawe ikasasuen tinënnan. ²I kami e tawe tumatoļe kakakoā u munarang kararëndung ku maķamamea. I kami e maķiri mëmunara ku mëpakeu kapande ipangakalë a-

rau mēmāleleng hengetangu Mawu. I kami e mētāngkiang Mawu ringangu naung burēsī kereewe kapulun'E. Ualingu ene, i kami mēlēharapē u kēbī taumata e mēngēngarēgangbeng i kami e mapia suralungu kawawurēsinaunge. ³Kereu Injilē kū ilēhabar'i kami e wēdang laing ta kinahēnganeng, ute kate i sire apang mētētīmōna kawawinasa e tawe nakahēngang. ⁴Mahangduata mēngēngawasa dunia ini e nēhēmbung tinēnnan sire apantawe mēmpangangimang. Kai i sie mēnēnahaghe si sire tadeau i sire tawe makasilo tualagu Injilē e maṇanung kasēllah'i Kristus, nakoḃ kere awe u Ruata. ⁵Habarē kū ilēhumpa i kami e walinewe wēke maṇanung kami hala e. Habarē ene kai maṇanung Yesus Kristus; u i Sie kawē Mawu; kū i kami e kai mētātāngkiang si kamene ualingu i Sie. ⁶Mawu Ruata e kawē nēhengetang, "Apasarangko tualagē e wou marēndung e," Duata ene lai napasēpu u tualagē e suralungu naung i kite e tadeau tinēnnang kite e matualagē sarang makahēngang kawawantugu Ruata kū sumēnang su ghating Kristus.

⁷Kaiso arēta marohkē e kereeng kawantuge ene, kai maḃalu-

he su watangeng i kami ta arēgane ini kū asaḃe wou ēntana. Ualingu ene nalaḃe e u kasēllahu kawasa ene kai su Mawu Ruata, walinewe si kami. ⁸I kami e lēaloēng bou patiku beḃ e, kaiso i kami e tawe nasēsē. I kami e niwingo e, kaiso tawe kinasueēngu tinēnna. ⁹Lawo dūdoka si kami e kai tawe mawawala i kami hala. Dingangu manilaing i kami taghalē pēpahangeng sarang i kami pakaēnsu, kaiso i kami e tawe mate. ¹⁰Sēntiniḃ i kami makapēndang kapapohongu Mawu Yesus su watangeng i kami, tadeau pēbawiah'E maḃaing mariadi maḃaḃe su watangeng i kami. ¹¹Karēnguēweng i kami mēbēbiaḃe e, i kami mēngkate hanesē guḃēnggangu pateēng ualingu i Yesus, tadeau ualingu kawē kerene ute pēbawiah'i Yesus maḃaing iapakalaḃe su watangeng i kami e mētate ini. ¹²Ini e mēlēlahēu su watangeng i kami papate e kai kapēkēkaradiahange, kaiso i kami e kai lūluasē batū pēbawiahē e kai kapēkēkaradiahange su watangeng i kamene.

¹³Suralungu Winoḃ Susi e kēkaēbakeng bawera kereini, "Ia e maṅgimang, kū kai ualingu ene ia mēbēbisara." Kū, maḃaing ualingu pēngangansang u panga-

ngimang kerene, i kami e mēbēbi-sara watu i kami e maṅgimang. ¹⁴I kami e mēngiaking u Ruata ku seng napēbiahu Mawu Yesus kapia, maṅaṅ sarung mapēbiah'i kami e ringang i Yesus, ku mēba-wa si kite e soṅlong tēngon'E. ¹⁵Patiku ene ute kai waug'i ka-mene. Batu kakalawoṅ taumata makapēndang kakēndagu Ruata, maṅaṅ kakalawoṅ kaliomanengu tatarimakasē ilēhumpa su Ruata; ualingu kerene tangu Mawu Ruata e niapakawantugē.

Mēbiahē dingangu pangangimang

¹⁶Kai ualingu ene hakū i kami e tawe lumaēnsu. Manilaṅg tuhu maṅbadang seng kakasalobare, kai woṅ sēmbēkang pangangimang, i kami e hanesē tēṭalimbuhuang apang kalaēllo. ¹⁷Dingangu kasasusawe tawe sēngapa kawēha e ini kinahombangeng i kami, kēṭaṅbeng pēkadodo tempo, kai sarung makauṅ karalunsemahē ṭa sihingē ringangu kakalē si kami. Karalunsemahē ene limemboweng kasēllahe marau kereu isuka su kasasusa ene. ¹⁸U i kami e tawe mēsasasēmpī apang ikēkasilo e, kaiso kai apan ta ikasilo. Apang ikēkasilo e kēṭaṅg-

beng sēngkatempo e rarage, arawe apan ta ikasilo e kai kakalē sarang karēngue.

5 Batu i kami e masingkau kereu wale – mangalene wadang – ku pēbēbaleṅg i kite su dunia ini e ghoghaheng, Duata e sarung mēndiahing pēbawaleṅg sēmbau baug'i kite e su sorga, kinoṅ u Mawu Ruata sēsane ku mēdaragē sarang karēngue. ²Suralungu wale orasē ini tangu, i kite e mēkēkurate watu i kite e mēkēkarimang mapulu mēṭana suralungu waleng kite e su sorga. ³Bale ene ute kai wadang i kite ku buhu. ⁴Karēnguweng i kite e mēṭṭana suralungu wale ku bou dunia ini e, i kite e mēkēkurate ualingu wawawaṅg i kite e kai mawēha. Balinewe ualingu i kite e mapulu mēṭēngkapēllo bou wadang i kite bou dunia ini e, kaiso kai ualingu i kite e mapulu mēluhem badang i kite bou sorga e, tadeṅ wadang i kite ku botonge mate ini e ikawataṅ pēbawiahē e. ⁵Ku napakasadiang kite baugu ene ute kai Mawu Ruata sēsane, ringangu i Sie nangonggou Rohkē'E si kite e kai nakoṅ kere papaiang e.

⁶Ualingu ene tangu naung i kami e mēngkate sēntinia

matoghasē. I kami masingka u karēnguweng i kami wēdaug maṭatana suraṭungu wadang i kami ini e, ute i kami e marau wou wale ku sarung pētanakeng i kami e ringangu Mawu. ⁷ Batūu i kami e kai mēbiahē iwala su pangangimang si Kristus waline-we iwala su apang ikēkasilo, ⁸ ku hakū ene i kami e makēdang. I kami e maēndokangbe mētēngkapēllo bou wadang i kami ini e tadeau makapētana dingangu Mawu. ⁹ Ualingu ene i kami mēkēkulēte^e sēngapam botonge mēdeau makaṭuasē naunge, bawe su pia i kami wēdang su pēbawaleēng i kami e sini, arau paṭsene. ¹⁰ Batūu nalahe i kite kēbi e sarung ipētēngong pēnggaghu-taēng i Kristus, ku i kite sēngkatau-sēngkatau e sarung makahombang bawalise tuhewe kakanoa e su dunia ini – kakanoa e mapia arau lai raṭaj.

Mēsēngkapan Duata ualingu i Yesus Kristus

¹¹ I kami masingkaben mangalene matakū u Mawu; ualingu ene hakū i kami e mētētawakali mēlōlombang taumata maanung kami, Mawu Ruata e masingka-

singka i kami, ku lēharapeng i kamene e malaing masingkabeng kami e sarang daṭungu naung i kamene. ¹² Kai ini i kami e waline-we makidarumalo. I kami e kēṭabeng maṭuli u raṭenge mapia si kamene tadeau i kamene masingka u kai kereapa i kamene harusē sumimbahē su taumata ku kēṭaeng mēmēmanda ghahi baṭinewe raṭungu naunge. ¹³ Kereu i kami e kawe kakēllaēng seng longehē, ute kai ualingu waugu Mawu Ruata. Dingangu kereu i kami e kakēllaēngbe pia naung i kami e ute kai waug'i kamene. ¹⁴ Kai kakēndagi Kristus e nēkaradiahang si kami, ringangu i kami e masingka bue u kereu sēngkatau seng nate waugu kēbi taumata, ute ene maṭuli u kēbi taumata e seng nate. ¹⁵ I Kristus e napohong baugu kēbi taumata, tadeau apam biahē e, waline-we samatang mēbēbiahē baugu watangenge hala, kaiso kawe waug'i Kristus e seng napohong dingangu niapēbiahē kapia waugu pandungang i sire.

¹⁶ Ualingu ene, i kami e tawe mangangarēgan taumata e tuhu ukurangu taumata. Watūu kahēngang bue i kami e wou

^e mētētawakali = berusaha

lai mǝngǝngarǝgang Kristus e tuhu maṭaumata, kai orasǝ i-ni e semben talawue. ¹⁷I sain seng nasǝmbau dingang i Kristus e kai seng nakoṭa taumata wuhu kahǝngang-hǝngang. Apan tǝbe e seng tawǝdise, watu kǝbi e seng nariadi wuhu. ¹⁸Kǝbi ene kai ualingu karadiahang u Mawu Kasǝllahenge. Limiung Kristus e Mawu Kasǝllahenge napakapiang kite kapia ringang'E, bou ene napǝmunarang kite tadeṭu taumata waline maṭaing mǝsǝngkapiang Mawu Kasǝllahenge.

¹⁹I kami e mǝlǝhabarǝ u limiu wou anung Kristus e, Ruata napǝsǝngkapian taumata e kapia ringangu watangeng'E Duata e nǝkoṭa ene tawe nǝnuntu kaṭawou pǝsasala naung nikoṭa taumata waugu watangeng'E. Ringangu i kami e seng niorom Mawu Ruata e waugu pǝlǝhabaru hengetang ene.

²⁰Ku i kami e kai rarolohang i Kristus. Wou anung kami e Mawu Kasǝllahenge hala nauṭi u tatanatan'E. Su areng i Kristus, i kami e ghugahioro sǝngapang botonge, u pǝmpanarimaṭo lauṭihu takiahu Ruata e mapǝsǝngkapiang kamene ringang'E. ²¹I Kristus e tawǝ dosane, kaiso

Mawu Ruata e nǝndiadin Sie nǝnaludǝ dosang kite, tadeṭu i kite e saube mǝsǝngkapian Duata e ualingu nakauhǝ dingang i Kristus.

6 Ualingu i kami e kai mǝsǝsambala su halǝ u Mawu Ruata e, ute i kami mǝlǝharapǝbe sǝngapam botonge si kamene, piawe i kamene mǝgagholo u kapian naungu Ruata e. ²Suralungu Winohe Susi, Mawu Ruata e kai nǝhengetang,

"Su tempon niapakawala e, Ia seng nakaringihǝ si kau, ku su ǝlloeng kasasaṭamatǝ e, Ia seng nǝtuṭungu kau."

Pǝtahǝndungko pakapia, seng ini e tempone ku niapakawala e. Ku seng ǝllo ini e ipakasalaṭamatǝ!

³I kami e tawe mapulu pǝtangkiang i kami e kawe ipǝsala. Ualingu ene i kami e mǝtawakali tawe mǝgǝlliu alasange apa si sai-sai waugu mǝkoṭa ene. ⁴Raliune su patiku saṭarang, i kami e mǝnǝnodeu i kami e kai manga ǝllangu Mawu Ruata. Batuu Patiku haghin sigǝsa e seng kinapǝndangeng i kami e ringangu pǝsasabarǝ, ⁵i kami e lǝlimareng, tǝtahungkutang, dingangu pǝtǝtatibuluang; i kami e mǝlǝhalǝ masǝgadǝ, pǝsǝngka-

kuhuang e maḷotahē dingangu maḷunusē. ⁶Kaiso mēngkate ringangu naung burēsi, pelesa, naung manandu, ringangu kapian naung, manodeu i kami e kawe manga ēllangu Mawu. I kami e maṅumpaedebe kahēngahēngang su tataḷentu u Rohkē Susi, ringangu pēkakakēndagē tutune, ⁷dingangu su pēlahabaru hengetang u Mawu ore lai kawasana Duata e i kami kai manga ēllangu Mawu Ruata. I kami e mētētumpaedebe su kapulun Duata nakoḷa kere aghid'i kami e baugu ipēnagheghe ringangu ipētahutēnda u watangeng. ⁸I kami e lēadateng, kaiso maḷaing lēhinakaneng, dēdaloēng kaiso maḷaing tētungkeaneng. Maningbe i kami e matulidē kaiso lēnsilangu^f tahapēngakalē. ⁹I kami e ikēkoḷa kere kēkawēgaēng kaiso kawe kēkasingkateng u kēbi taumata, tabidaḷu mētate kaiso wēdangbeng biahē. Maningbe i kami e tētingkaitang, kaiso tawe mate. ¹⁰Maningbe naung i kami e iapakasusa e kaiso mēngkawe maraḷuasē lai. Kakēllaēngbe kasiang, kaiso i kami e kawe makakala taumata laḷo. Kakēllaēng i kami e tawē manga

apa-apa, kaiso tuḷu hinone kawe naung maṅaghuang patiku sabarang.

¹¹Manga anaḷu sēmbau ike-kēndagē su Korintusē! I kami e mangukahu pēndang pakatualagē si kamene. Patiku daḷungu naung i kami e seng nasueng ukahe. ¹²I kami e tawē naung i kami e kaḷawuni si kamene, kētabeng i kamene e maṅuhēsē u raḷungu naung i kamene e si kami. ¹³Tangu ia mēbisarae kere su manga anaḷu e hala. Ku naung i kamene e apa-kaḷoahēko waugi kami e.

**Sasalēntihō kamiageng pia
bawitaugu taumata apan
tawe mangangimang**

¹⁴Kumbahangbe mēpapehēghe^g u taumata apan tawe mangangimang su Mawu Yesus; u kai tawe hinone. Kereapa wue mapia e mētatabang daḷaj! Tawe nariadi tualagē e mēdaḷau u kararēndung. ¹⁵Tawe mariadi i Kristus mēsēngkanaung u setang. Kai apa tangu sulunge wou taumatan Sahani ringangu waḷine Sahani? ¹⁶Kai apa pēraḷahēmpukangu Waḷem Mawu ringangu waḷen mahanduata? I kiteḷe e kai Waḷem Mawu, ku kai Mawu Rua-

^f rētokeēng = disangka ^g mēdaḷahadi

ta wiahë. Mawu Ruata sësane
nëhengetang,

"Ia e sarung mëtana
sutałoaran sire,
dingangu mëbiahë
sëngkapëbiahë dingang i
sire,

Ia e sarung makoą Duatan
sire,

kü i sire e sarung makoą
umatë'Ku.

17 Ualingu ene,
tëntangke i sire apam bëgang
Mawu e,

kü pënggeangkong
batangengu e wou i sire.

Kü kumbahang-bahang
mëdałau u karalamuhu,
tadeąu Ia e sarungbe
mënarima i kamene.

18 Ia e sarung makoą i Amang
i kamene ringangu i
kamene sarungbe mariadi
manga ana'Ku,
kerene angkuëng u Mawu
Kasëllahenge."

7 Manga anau sëmbau ikëkëndagë!
Patiku pëkakakëdo e
kai pëtëtimona si kite. Kü i kite
e kënangko mamurësi watangeng
i kite e wou patiku apang nakałamuhu
rohkë dingangu ghësing

kite e. Kënangko i kite e matakü
u Mawu Ruata, tadeąu i kite e
makapëbiahëbe samatang baug'i
Sie ringangu masuku.

Dałuas'i Paulus

2 Tarima bue i kami e su-
rałungu naung i kamene. I ka-
mi e tawe nësala si sai-sai,
ringangu taweu sarang sëngka-
tau niakaleng i kami e. I kami
e mamben tawe mëngangahëbu^h
si sai-sai pëdeakeng untune. **3** Ia
e mëbëbera kerene walinewe
mëdëdeą aı u mapësalaung ka-
mene. Batu, kerewe seng takü
pinëbera kałamona, u mambeng
masaria kakëndagi kami e si ka-
mene, ringangu i kite e kai
hapı balawewe su pëbawiahë ore
lai su kakate. **4** Ia e maungum-
ba masaria si kamene, tapengu lai
lułuas'i kamene kahënga-hëngang.
Maningbe i kami masau hom-
bangengu susa sigësa! Kaiso i ka-
mi e mëngkai maħibor'i kamene.
Dałuasëku e mambeng masaria!

5 Pia e i kami narënta su
Makedonia ute, i kami e mam-
ben tawe nakapangirule. Baębe
wou lësabe sude, i kami e mang

^h memeras

6:16: Im. 26:12, Yeh 37:27, 1Kor 3:16, 6:19 **6:17:** Yes 52:11 **6:18:** 2Sam 7:14,
1Kar 17:13, Yes 43:6, Yer 31:9

këkaëbakengu sigësa; bõutewelain sëmbëkane waline e pëdararendehë, dingangu wou ralungu naung i kami hala e katataku. ⁶Kaiso tarimakasë, batuu Mawu Ruata e sëntiniã ta ëdone mapakasarian naungu taumata ku apang mëngkapëndu; i Sie mënenahimbologu rarëntan Titus e su naung i kami. ⁷Naung i kami e mahiborë baliuwe ualingu i Titus seng narëntae, kaiso kawelai ualingu i sie maũliu raluasunaunge ualingu i kamene. I sie nëhabarë si kami u i kamene mëkëkarimang u mësobang u ia; u i kamene kai nësasësilu kakanoa i kamene naung kalamona ku su orasë ini e i kamene maũasë manumbëka wou ia e. Halë ene tangu mapëdëdalem-bong ia e su raluasëku.

⁸Maningbe suratëku nakasusa naung i kamene, kai ia e tawe nësasësilu nëkoa suratë ene. Mamben têngadë pia ia nakasilo u suratëku e kai nakasusa naung i kamene – u maniang susan naung i kamene e tumbaeng sêngkakuhuang – kai ia e maĩaing pia sësilëku. ⁹Kai ini e sembeng maũasë – balinewe ualingu naung i kamene niapakasusa, kaiso kawu ualingu kasasusan naung i kamene e kawu makapëmaũui

kakanoa i kamene. U kasasusan naung' i kamene e nësëndalëng-beng kapulun Duata. Ku i kami e tawe mëndugi si kamene. ¹⁰Batuu kasasusan naung kere-ne e kai makauali pëmamalui naung ku makakadëntang kasa-salamatë. Ku taumata e tawe sarung mësasësilu ene. Arawe kasasusan naung ku sëndalëng u kapulun taumata e makauali papate. ¹¹Kënanang i kamene kakëlla mënsang apa ualine si kamene ualingu susan naung ku natuhu su kapulun Duata! Ualine ute i kamene mambeng mëtëtwakali mapakatilang u karalëbuhë! I kamene mëngkakoã mëbawawinsu u rosa, mëngkatakũ, lëlahimpuluang, mahuntinambang këhage, sadia mëhukungu apan nëmpësala! Suralungu patiku talimbukune ini i kamene semben nanodë u i kamene seng tawë salane.

¹²Ku maniang ia seng bou namohë suratë ene, ia namohë tangu walinewe ualingu taumata ku nësala ene. Walinewe lai ualingu taumata ku nasigësa u pësasala ene. Ia e nakapëmohe u suratë ene tadeau su têngon Duata e, i kamene semben nahëngang hala u kai apaë kasariane ralungu naung i kamene

miëba i kami. ¹³Kai ene hakju naung i kami e mëngkai maħiborë. Suliun maħiborë e, i kami e limembowen lai maħiborë makasilo karaluasu naung i Titus; naunge maħiboreweng kamene këbi e. ¹⁴Ia e mang seng lulesa i kamene si sie. Tarimakase, u i kamene tawe napakamean ia. Këbi apang bou iwëberang kami e si kamene e mamben têngadë. Kerene lai apang ilëlesa i kami e maanung kamene e si Titus mambelain têngadë. ¹⁵Tempo ini e i sie mangkeng kapahuntinambang kakëndage si kamene, u i sie makatahëndung kereapa i kamene këbi e mapulu tumuhu mëngangaha e ringangu kereapa kakakoä i kamene manarima i sie su adate ringangu kasatiane. ¹⁶Ia e maluasë kahëngang u i kamene pangimangeng bue su patiku sabarang.

Laonggo bou taumatan Sahani

8 Manga anaü sëmbau, i kami e mapulu lai tadeau i kamene makakasingka u kereapa kapiane Mawu Ruata suapan jamaatë su Makedonia. ²I sire seng

niwanikateng u mëtoha u haghin sigësa mawawëha. Kaiso sutaloarang kasasigësa ene, i sire mang marluasë dingangu makëhagë mëgëlliü laonggo ipëtulung tau mata waline, maningbe i sire masasusa wiahe. ³Ia bahaniwe makapëbera u, i sire mëmpëgëgëlliibe sëngapang ikaumal'i sire sarang katewe mangëlembo wou ene. Taweu mëngangoro, ⁴kai i sire mëdëdorong sëngapang botonge mënsang maluasë bue kereu i sire mangonggou gaghëlli i sire su jamaat'u Mawu e su Yudea. ⁵I sire mëmpangonggobe limembong kalawoe wou lëharapeng i kami e. I sire kahumotongange mëñënarakangu watangeng i sire su Mawu e, wou ene ute si kami e lai, kerewe ikëkapulun Duata. ⁶Ualingu ene hakju i kami e mëñënahowong' si Titus - kü seng nëmahëtaeng halë ini e - tadeau i sie mëñëpasu halë mapia ini e sutaloaraweng kamene lai. ⁷I kamene e maotelë bue su patiku sabarang: I kamene e maotelë su pangangimang su mëngukahu kasingka dingangu mëgëlliü tahuëna, suralungkewen patiku munara, dingangu suralungkeweng kakëndag'i kamene

ⁱ mendorong

8:1-4: Rm. 15:26

si kami. Ualingu ene, kēnangko lai pakaotelē i kamene su munara mapia ini e.

⁸Ia e tawe mēnanahowong u ene kere sēmbau parenta. Kaiso ualingkewen mapatode u kaghaghisingu taumata waline mētulungu sēndinganeng, ia e malaing mapulu makakasingka u sarang apae kakēndag'i kamene. ⁹Batu i kamene masingkasingka u i kite e limembowen tētalēntukang i Yesus Kristus Mawung kite e. I Sie kai kala, kaiso nētēngkakasiangu watangeng'E waugu kapiang kamene manga ana sēmbau, tadeau ualingu kakakasiang'E, i kamene mēngkakala.

¹⁰Tumuhu tēguku su halē ini ute semben su tampa e i kamene mangēsue apan seng nitēta i kamene su taung naliu. Batu kai i kamene kakalimonaēng e nanēta u halē ini. ¹¹Ku ini e tangu, mapiawe i kamene pēngēsue halē ene tuhewe ikauma'i kamene. Ku pakaghaghising bue mangua-dipu munara ene, kerewe naung i kamene malaing maghising nēmahētang^j hingide. ¹²Kereu i kamene maluasē mēmpangonggo, tangu Mawu Ruata e sarung

sadia manarimau laonggo ene suapaeweng pia i kamene, waline-we su talane.

¹³⁻¹⁴Sabanari u tawe apa mapulu mapakaliun taumata waline e wou tanggunang e, ku kawe mapakawēha i kamene. Kai ualingu i kamene orasē ini e riobe nipēngalamatenge, ute sem-beng hinone i kamene maontolu tulumang su nikakawusang i sire. Hēdoweng kereu i kamene kakawusange, ku i sire rembeng ipēngalamateng ku ipēdēdalembotangu i sire sarungbe mētulung i kamene. Kamagengbe kerene tangu ruambēka e lawo be nitangkianeng. ¹⁵Suralungu Winohē Susi e kabawohē u,

"Si sain lawo e
tawe kinalēmboēngē,
ringangu si sajewen mahali e
tawe kinakawusange."

I Titus dingangu manga hapi e sēndinganeng e nirolohē sēngkarolohē

¹⁶Tarimakasē su Mawu Ruata e napakēhagi Titus mēsulung laing kami e su mētulung i kamene! ¹⁷Batu i Titus e baline-we kētaeng tutuhu dorong i kami e samatang, kaiso i sie lai

^j memulai

ene e kakēhage mapulu mētulung i kamene hakieweng kai i sie sēsane nēmutusē sarang nēdumating i kamene. ¹⁸Niapataking i sie tangu i kami e nēndolohu sēngkatau wou anau sēmbau ku mēngkai su ralong kēbi jamaatē ualingu munarane kai manglekeng Injil'u Mawu Ruata. ¹⁹Sulion ene ute, anau sēmbau ene malaing seng nipile ringangu nitēbou manga jamaatē tadeau tumaking si kami suraralengang i kami. Batu i kami e sarung dumaleng manondan tatongka ene, tadeau Mawu e wantughang dingangu i kamene makasilo u i kami e sadia wue mētulung.

²⁰I kami e mēngkate matēmu-tēmudē tadeau kumbahangbe pia mapēsalang kami e su halēu mangētudu laonggo sēngarihāng^k ini e. ²¹I kami e mapulu mēmunara matulidē balineuwe kētau su tēngon Mawu e, kaiso su tēngon taumata e lai.

²²Nēsion^l Titus dingangu anau sēmbau ene, i kami e malaing mēndolohu anau sēmbau baline. I kami e seng masau manika si sie kai nalāheu i sie hanesē puluang mētulung. Ku i-

ni e i sie limemboewen mapulu mētulung i kamene watu i sie kai pia pangangumbalane masaria si kamene. ²³Arawe i Titus tangu, i sie kai sēngkahalēkang dinganku, ku mēlēhalē dinganku e waugu mētulung i kamene. Ringangu su halēewen mānun dēdua sēngkaraleng dingang-e, ute i sire kai rarolohangu kalawou jamaatē e ringangu makoā daluasē baug'i Kristus. ²⁴Ku lēharapeng i kamene apakalahēkon kakēndagi kamene si sire, tadeau patiku jamaatē e masingka u i kamene kukēndag'i sire ringangu apaeweng ilēlesa i kami si kamene mamben tēngadē.

Tatongka waugu sēndinganeng tau Sahani

9 Tumuhu hinone seng tawaha-luas i sa manuratē si kamene halē u tatongka ku seng kadingoe solong jamaatē su Yudea. ²Ia masingka u i kamene mambeng mapulu mētulung, dingangu ia seng lūlesa i kamene su tau Makedonia. Ia e nēbera si sire u seng dokeng taung taimai naliu manga anau sēmbau su Akhaya e seng sadia mangonggou

^k kereng kalawoe = demikian besar ^l serentak dengan

tatongka. Dingangu kaghaghising i kamene selaing makabalinsahē igasu sēmbahageang kasariang e wou i sire. ³Ku orasē ini ia mēndolohi Titus dingangu irēdua anaṅ sēngkatau ene soṅlong anung kamene tadeaṅ apang ilēlesa i kami maanung kamene ute waline-we ruḍato tawē gēsine. Ku i kamene harusēbe seng sadia, batuṅ ia e nēbera si sire u i kamene mang seng sadia waugu ene. ⁴Ia e ghugēnggang u kamageng pia i sire wou Makedonia ku tumole si sia kereu ia soṅlong anung kamene. Ku kereu i sire makaēba u i kamene kai tawe naṣadia, ute halēbe makamea si kami sarung, u kawe seng nauḷi u i kami seng maṅgumbalawe kahēngang si kamene. Dingangu i kamene hala e maṅlaing sarung mēngkamea. ⁵Kai ualingu ene hakū ia makapēndangu hinong dumolohi sire ene anung kamene e kalimona waugu ipangurusē tatongka naung seng nikēdong kamene. Ia e nēkoṅ ene tadeaṅ kereu ia e seng marēnta, tatongkang kamene e seng maḍariahi. Ualingu kawe kerene ute, nalaḥe e naung laongḡo i kamene nionggoben

naung i kamene maṅluasē wali-newe ualingu nasihasa.

⁶Pētahēndungko! I saing makēkidē^m mēnawon bine, maṅlaing mahaliⁿ ikapēnsa e. Arawe maraṅlawo mēnawon bine tangu maṅlaing maraṅlawo ikapēnsa e. ⁷Sēngkatau-sēngkatau e hinong mēmpēngongḡo dingangu haēngu naunge. Kumbahangbe mangongḡo dingangu ria-ria arau ualingu nasihasa, u Mawu Ruata e kükēndagu taumata ku mēmpaṅongḡobe ringangu haēngu naung'E. ⁸Mawu Ruata e kai kawasa mangongḡo ala-matē ipēdēdaṅlembo, tadeaṅ i kamene sēntiniṅ makahombang bue apang gausang i kamene; ku i kamene sarungbe maḥēmpaḷiu mēmpēkoṅ mapia ringangu mēkakēndagē e. ⁹Suraṅlungu Winohē Susi e maḡawohē kereini maanun Mawu Ruata e:

"I Sie mēnēnawuhē baugu taumata kasiang;

karalondon naung'E kakalē soṅlong karēngue."

¹⁰Mawu e nēndiahing bine waugu mēnanawuhē dingangkewen nēndiahing kaēng baug'i kite. I Sie lai sarung mēndiahi ringang-

^m makili - makibitē = kikir ⁿ mahali = sedikit

u mapədələmbong apang sēsawu-
hang i kamene, tadeaυ kalon-
don naungu e maļaing mahun-
tinamba. ¹¹ Uaļingu kerene ute
i kamene sarungbe mēdaļem-
bo suraļungu patiku sabarang
hakiweng i kamene hanesēbe
makaonggō dingangu kaļaeludē.
Dingangu kaļawou laonggō i ka-
mene seng pinēpapahia i ka-
mi, ku taumata lawo e mēngkai
makitarimakase su Mawu Ruata
e. ¹² Batu kakanoa mapia ki-
noa i kamene balinewe tumbau
sarung makatongka kakakawusu
ralohon jamaatu Mawu sama-
tang, kaiso maļaing sarung ma-
kauali tatarimakase u taumata
lawo e su Mawu Ruata e. ¹³ Ku
uaļingu tulumang ku seng tinodē
i kamene e, maļawo tau Sahani
su Yudea e sarung mēdalo Mawu
Ruata batu i sire nakasilo kaļai-
aking i kamene su Injilē maanung
Kristus ku tētoleeng i kamene e.
Dingangu, i sire mēdēdalo Ruata
e, uaļingu i kamene e maļaeludē
mēmpamahia si sire ringangu su
kēbiwe lai waļine e apaewen pia
i kamene e. ¹⁴ Tangu i sire sa-
rung mēkaļiomaneng i kamene ri-
ngangu naung i sire makēndagē
si kamene watu kapian naungu
Mawu Kasēllahenge si kamene.

¹⁵ Karimako i kite e manēmbang
tarimakase su Ruata bou pēda-
raļembon patiku kakēndag'E e!

I Paulus mētētahutēnda u pētatangkiange

10 Orasē ini e ia, i Paulus
e kai pia taku ipauļi si
kamene. Ia ini e, angkueng i sire
e, kai masikome naungku e kereu
mētēngong kamene, arawe maeng
mararau e wahani. Ku uaļingu
kasasikome ringangu kapian
naung i Kristus, ² ute ia mēdo-
rong sēngapam botonge kumba-
hang kawe sarang makasihasang
ia mēkoā matētogē si kamene ka-
magengu ia marēnta. Batu ia e
mēkēkaraki mēdeau mēkoā maha-
sa si sire apang mēmpēbēbera u
pēlahalē i kami e kai pia timo-
nane mađunia. ³ I kami e tēngadē
bue wēdaweng mēbēbiahē su du-
nia e, kaiso i kami e tawe
mēkakaradiahang ku mēngum-
bala su timonang mađunia.
⁴ Manga aghidē ipēkēkaradiahang
i kami e waļinewe aghidu dunia i-
ni, kaiso kai manga aghidu Ruata
makawasa. Ku dingangu manga
aghidē ene i kami e mēgēnggo-
ghahē manga tēnda; ipēnē-
nighe^o kaļawou pēdararendehē,
⁵ dingangu ipanēnehē kaļawou

^o maakimang = menangkis

tëndau kalaobotē n̄ibawētī bau-
gu ip̄ēdēndokā kasingkau ma-
nun Duata. I kami e m̄n̄ēna-
weng tin̄ēnnan sire e ringangu
m̄m̄ēmata si sire tadeau m̄sa-
mal̄ē si Kristus. ⁶Kū kamageng
u i kamene sembeng t̄utuhū di-
ngangu kaḡuwau naung ute i ka-
mi e seng sadia m̄hukungu apan
tawe tumatuhū.

⁷I kamene e kai hinong ma-
kah̄ngang mapia-pia kakakoā e
tutune. Kereu piāu p̄s̄ēngkatau
maiaking u i sie kai tataghua-
neng i Kristus, ute i sie kai
hinong manal̄ēntihō batangenge
ringangu masingka u i kami e
mal̄aing tataghuaneng i Kristus
kerewe i sie. ⁸Ia e tawe ma-
mea kamageng ia hinong limem-
bong kasaune lumesa u kawasa
kū seng nionḡo u Mawu e si
kami, u kawasa ene nionḡoē kai
waugu ip̄amētī si kamene, kai
wal̄inewe tadeau ip̄ēnggoghah̄.
⁹Ia maḡiri wue i kamene ka-
we maḡēnnau surat̄ēku e kawe
ip̄ēmatakū si kamene. ¹⁰Tauma-
ta e m̄mp̄ēb̄ēbera u, "Apan su-
rat'i Paulus e mal̄ahoto, ringangu
manan̄ngḡa, arawe kereu i sie
ene sutal̄oarang kite, i sie ma-
sikome ringangu wisarane tawē
mangal̄ene apa!" ¹¹I sire apang
kerene hinong masingka u kereu

i kami e ene sutal̄oarang kame-
ne, p̄kakoā i kami e s̄ēndal̄eng
dingangu apan n̄ibawohē i kami
su apan surat'i kami e.

¹²Sembeng nal̄ahē u i kami
e tawe wahani manul̄ung arau
m̄ētēngkahengke u watangeng i
kami e s̄ēntara ringangu apang
kū m̄p̄p̄ēndang batangenge ma-
rangē. Kai apa e kal̄ongong i si-
re! I sire m̄k̄k̄koā sasuka hala kū
maḡukurē batangeng i sire ri-
ngangu sasuka i sire. ¹³I kami e
wal̄inewe kerene. Kereu i kami e
mahulesa, i kami e tawe rumal̄iu
k̄etakenge. I kami e maḡētaewe
su k̄etakengu munara seng ni-
poēngu Mawu Ruata waug'i kami
e. Kū i kamene mal̄aing nataho
sural̄ungu p̄saraēng ene. ¹⁴Kū
kamagengu i kami m̄ēt̄iwong In-
jil'i Kristus si kamene ute i kami
e tawe lumiu wou p̄k̄etakengu
p̄lahal̄ēkang i kami e. ¹⁵I kami
e tawe m̄dalo watangeng i kami
ual̄ingu saghedu taumata wal̄i-
ne kū sul̄ikudu k̄etakenge tuhū
nipoēngu Mawu Ruata e si ka-
mi. Kaiso i kami e kawe mang
sural̄ungu p̄k̄etakenge kerewe
seng nipoēngu Mawu Ruata e
waug'i kami, ringangu maḡia-
king u i kamene mangkeng
maḡumbala si Kristus, tadeau i
kami e wotonge makakoā munara

limembong kasellahe sutaloarang kamene. ¹⁶Ualingu kerene ute i kami e malaing makapələhabaru Injilə e su manga soa waline ku tawahaľuasu harusə lumesau watangeng ualingu halə ku seng nauadipə su pələhaləkang u tau.

¹⁷Suralungu Winohe Susi e kabawohe, "I saing ku mapulu pia u ilesa ute kənanngo ləlesau apang seng nikoə u Mawu e."

¹⁸U taumata rədaloenge ute kai taumata ku dədaloengu Mawu, walineuwe taumata ku mēdədalo watangenge.

I Paulus dingangu manga mahang darolohang

11 Kənanngo wala ia deng məkinau wodo kadodo. Botonge arau əng? ²Ia e məkəkahumang i kamene, kerewe Mawu səsane məkəkahumang i kamene. I kamene kai kere səngkatau mahuala parawang ku bədang ta tura e seng taku nikədoəng u sarung ipəkawing u səngkatau kaghiang esə ku i Kristus. ³Kai ia e ghugənggangu naungu kawe sarung kaiwogang ku sarung ta satiane si Kristus e, kerewe i Hawa e kalimona malaing nikawitaugang u tondoali^p u

təmpu e. ⁴Batu luhude i kamene məngkate maraluasə mēmpanarima u taumata mēmpədenta su anung kamene mase manəntiro maanun Yesus baline-balineuwe – i Yesus taku ipəkasingka si kamene. Ku i kamene malaing sadia rimae rohkə dingangu, "Injilə" nətātəntang u Rohkə Susi ringangu Injilə seng kinatarima i kamene woi kami.

⁵Pəndangengku ia e walineuwe nakoə sualungu^q "rarolohang" mawawaigə ene! ⁶Aramanung ia kai longong mədudato, kai su halə u kasingka ute walineuwe longong. U ene seng taku niapasilo si kamene su patiku munara.

⁷Su tempon ia e mələhabaru Injilə si kamene, ia e tawe mēgaghausə si kamene e apənənawa si sia sarang kadodo; ku ualingu ene ia e mətətəngkasa u watangengku. Ia nəkoə kerene tadeau mapakarange i kamene. Ku ləənnaəng ene kai səmbau pəsasala wou ia si kamene ngae? ⁸Su tempong ia mətətəngkiang si kamene, ia e tətəngkianeng u manga jamaatə baline. Botonge ikawera u ia e kai makadugi manga jamaatə ene mēdeau ma-

^p kelictikan ^q suulasu = merasa diri rendah.
10:17: Yer. 9 24 11:3: Pənd. 3 1-5, 13

kapētulung si kamene. ⁹ Kereu su tempo ene ia e kakawusange, ia e tawe sarang sēsule mapakasang kamene sarang sēngkatau. Kēbi apang taku gēgausang e seng nitalung u manga anau sēmbau bou Makedonia. Ia e mētēteghang sēngapam botonge tadeau ia e tawe makasigēsa si kamene baebe suralungu kakakoā kereapa, dingangu ia e mang sarung hanesē mētēteghang tadeau ene mang maṭatana ke-rene. ¹⁰ Dalesaku ini e mamben tawe ikarēdasē balawe mēnsang su weḡ e sude su kaguwau Akhaya, batu tēntirong Kristus ku kahēngang e kai si sia. ¹¹ Unue-we ia nēbera kerene? Kiwuau kai ualingu ia e tawe kimēndag'i kamene ngae? Mawu Ruata e masingka u ia e kükēndag'i kamene.

¹² Apan taku kēkoateng ini e maṭaing taku koateng su tempo ramahi tadeau manga "rarolohang" baline e tawē daṭenge wau-gu mapakasēllahu watangenge ku mēmpēberau i sire nēmpēmuna-ra mēsulung i kami. ¹³ Taumata kerene ute kai manga mahangdarolohang. I sire kai mēlahalē ku mēmēmulinā taumata ringangu mētētēngkaambing kere manga rarolohang i Kristus. ¹⁴ Abe ka-

ralinau u i sire mēmpēkēkoā kerene, u setang sēsane maṭaing nakiralumēmping maṇihing ma-laekatu tualagē e! ¹⁵ Tangu abe lai ralinau kereu manga mētatangkiangu setang e makiralumēmping maṇihing manga rarolohang mēmpēkēkoā kapulun Duata e. Susamurine i sire lai sarung mēmpanarima u wawalise tuhewe kasarian patiku apang kakakoā i sire.

Pētatingkēdangu sunsaran

Paulus su munaran sēngkatau rarolohang

¹⁶ Kapia ia mēbera u: Abe piaṭ mangēna u ia kai longong. Kai kereu i kamene kawe mēmpangēna u kawe kerene, ute apakawalako ia longong ini e deng lai lumesa kaḡodo. ¹⁷ Tangu! Ia deng mēsēbau ralesaku, kaiso ini e walineuwe Mawu e nangoro si sia pēbēberang ene. Su halē ini ia e kai kahēnga-hēngang mēbisara kere sēngkatau wodo. ¹⁸ Mambeng maṭawḡ taumata ku lulesau manga halē u madunia, tangu ia e mapulu lai lumesa e. ¹⁹ Ku i kamene mēngkate maraluasē makakēdang su tēngon taumata ku longong, batu i kamene

měpěpěndang batangeng e enē e kapandene! ²⁰I kamene mēngkate mapakawala kereu piāu mēta-huēllang i kamene, arau manigēsā dingangu māngakalē si kamene, arau mēpěpěndang batangeng e limembong karangē e wō'i kame-ne ringangu wahani mēmeru si kamene. ²¹Ia e mamea mangaku u i kami e tumanjē lome su mēkoā kerene.

Kaiso apang kŭ bahani ilesau taumata waline, ia e wahani lai! (Ia e mēbēbera kere sēngkatau longong.) ²²Tau Ibrani e i sire? Ia e maļaing tau Ibrani. Tau Israel ngae i sire? Ia e maļaing tau Israel. Hiten Abraham sire? Ia lai kerene! ²³Manga mētatangkiang si Kristus, tangŭ i sire? Daringihange ia e seng mēsulungu kinasueng'u tinēna, kaiso ia e mambeng mētangkiang limembong kapiane wōu i sire kēbi e! Ia e mēkēkaradiahang limembong kasēgade, ia e masau itahungku, ia e limembong kasau-ne pahangeng dingangu masau^r masara mate. ²⁴Seng liman sulē ia nipahangeng u tau Yahudi ringangu raļuwagē tēllum puļo sio su sulene. ²⁵Tēllun sulē niwēba-

hu tau Roma; ia selaing bou niwahungang'u watu. Tēllun sulē ia nikasiladeng u kapalē su ļaudē, dingangu sēnsulē ia e mēngkate ruđalēto su ļaudē gēnnangu ruam puļo ēpa su kaorase. ²⁶Masau su sulene ia e ruđaleng su raleng makagaghēnggang; ghugēnggang u kalēbaēng, piāu mēlingu; sombang bou sēmbēkan Yahudi arau lai wōu sēmbēkang baline Yahudi, silaka su soane, silaka sulikudu soa, silaka su ļaudē, ringangu wōu apan taumata kŭ māngakung batangenge kere anaŭ sēmbau lawo taumatan Sahani sēmbaliau waline wue. ²⁷Ia e mēbēbalinsuagē dingangu mēkēkaradiahang sēngapam botonge, ilēlanggange, tawe kuma-kāēng, tawe manganginung, masau maļanting u tiang ta ļohone, dēdahēndongang ualingu ta ļahēmbung badang dingangu ta u pētumanakeng. ²⁸Su sēmbēkang kēbi ene, ēllo-ēllo ia e maļaing ghugēnggangu kakako-āu apan jamaatē. ²⁹Maeng piāu mēlome ia e maļaing mēlēlome ringang. Kereu piāu mānawo suralungu rosa, naungku e maļaing mapēndu dingang.

^r tawē paļe e = sering

11:23: MMR. 16:23 11:24: Pang. 25:3
11:26: MMR. 9:23, 14:5

11:25: MMR. 16:22, 14:19

³⁰Tangu, kereu ia e kai hinong pia u ilesa, tangu ia e lulesa u apang mëlëlahë u karalomeku e. ³¹Duata, i Amangu Mawu Yesus masingka u ia e tawe mëkakonti. Karimakõ arenge dëdaloëng sarang marëngudëngu. ³²Pia e ia naung su Damsyik, gubernurë naung mëpëparenta sene kai su parentan datu i Aretas, nëndolohu manga soldado pinëndiaga tukadu soa ene ku pinëname sia. ³³Kaiso suralungu sambeka ia e niuluhë tanaë limiu lohange sëmbau su meselë e. Kereu koa e sarang ia naliwirë bou limang gubernurë ene.

**Pëlalahë dingangu papasilo
ku nionggou Ruata si
Paulus**

12 Mamben tawë untune kereu lumesa. Kaiso ia e mang mapulu lumesa u apang tinode u Ruata e si sia suralungu pëlalahë arau suralungu papasilo. ²Ia e masingkau tau Saha ni sengkatau ku mapulo ëpa su taunge tamai naliu e nihengke solong tampa karangetange su sorga. (Ia e wëga wue mënsang badange kahënga-hëngang nasapua arau ene samatang sëmbau papasilo – këtaeng Mawu Ruata

masingka.) ³⁻⁴Sënsulëko lai sau taku ipauli: Ia masingka tau ini e niapakapua solong Firdaus. (Ia e wëga mënsang kahëngahëngang badange nasapua arau kai këtaeng sëmbau papasilo – këtaeng Mawu Ruata masingka.) Ku sene tau ene dudaringihë apang ku ta ikaweran taumata ringangu apang tawe iapakawala ipakiwera su taumata. ⁵Kai waugu taumata ene e ia e mapulu lumesa, balinewe ualingu watangengku. Baugu watangengku e tumbaweng kakako ku mëlëlahë karalomeku e, hinon taku ilesa. ⁶Ungkuëng manga ia e mang mapulu lai pia u ilesa, ute ia e tawe mapulu këtaeng makoa taharudato ku kawe ta katëngade. Kai ia e mang mëtingkëdang u watangeng, tadeau ta apa taumata mëngiralingu ia kai limembo wou apang kinasilone taku kinoa, dingangu seng kinarangihe seng taku nibawera e.

⁷Kaiso tadeau ia e tawe tumanie mangobotë ualingu manga papasilo masasëllahë ene, batangengku nighëlirangu saki su wadang ku aling kai palakara u setang. Saki ene niapahombang baugu ipëmahang si sia tadeau ia e tawe mëtëngkarangë u naung.

⁸Tëllun sule ia mëkëkaliomaneng su Mawu tadeau saki ene alakeng bou wadanku. ⁹Kaiso Mawu e kai simimbang u, "Ia e kukëndagi kau ringangu ene e seng kapapiane waug'i kau; u kawasa'Ku e limemboweng katoghase kereu i kau e suralungu karalome." Kai ualingu ene hakju ia e mapiangbe lumesau karalomeku, u kereu ia e lome, ute hatede su tempo ene ia makapëndang u i Kristus e manëntanudu katoghase si Sia e. ¹⁰Tangu ia e mëngkai luluasusu kalawou karalomeku. Kerene lai ia e malaing maluasë kereu ualingu i Kristus ia e tětongkeaneng, ia e lëhombangengu wëha, pësësasahusuang, dingangu ia e lëhombangengu susa. U kama-gengu ia lome, ute seng su orasë ene e ia matoghasë.

Kaghaghënggang i Paulus su tau Korintus

¹¹Mamben têngadë ia seng nëtëngkakoä kere taumata lon-gong – kaiso kai i kamene nakawodaj si sia nakoä kerene. Tumuhü hinone e kai i kamene hinong mëdalo si sia, U manilaing ia tawë mangalene apa, kai ia e tawe nanawo sarang kadodo, su kalawou manga "rarolohang" baigë ene! ¹²Kalawou karalinau

dingangu kakakoä tawë sihinge ore lai manga munara masasëllahë e sen taku tinodë dingangu kasa-sabarë si kamene baugu ipëlëlahë u ia e kai sëngkatau rasulë. ¹³Kai su halë sude i kamene nipalandaëng kereu isuka su manga jamaatë baline? Mëtëngkarange këtaeng su kakakoä ini: u ia e tawe namëha si kamene waugu pëngangongkosë si sia e. Ia ampunge e su pësasa laku ene!

¹⁴Ku ini e seng katëllun sule-ne ia sadia mëtiwo si kamene. Dingangu ia e tawe mapulu makasigësä si kamene, u taku ilëlundang e ute walineuwe rarotong i kamene, kaiso kawe watangeng i kamene. U walineuwe manga rario e hinong mëdeä biahu ghaghurange, kaiso kawe maghurange hinong mëdeä biahu palahana e. ¹⁵Ualingu ene tang'ü maluasë bue ia e manarakangu patiku sa-barang e waug'i kamene, sarang lai wadanku e taku isarakang baug'i kamene. Kereu ia e kereng kakëndage si kamene, ute hinone wue ngae i kamene mahalın tatalëntü e si sia?

¹⁶Ho! I kamene e malaing kimire u ia e tawe sarang sënsule nakasigësä si kamene. O kawe piäu mëbëbera u ia ini e maliewehë; u ia e makahombang un-

tunge wou i kamene ualingu tahuakalëku. ¹⁷Makoabe kereapa! Arau ia e kai manawu untunge wou i sire taku irëdolohë si kamene tangu? ¹⁸Ia e seng nendoloh'i Titus pinëtiwo si kamene, ringangu ia nëndolohu anau sëmbau Sahani waline ene niapataking si sie. Ku kai mangala untunge i Titus bou i kamene ngae? Kai i kandua e mëlëhalëbe timonane mësulung mase koa u pëlahalë i kandua e malaing mësulung.

¹⁹Aramanung su tinënnang kamene i kami e kai mëdeau mëtahutëndau watangeng i kami su têngong kamene? I kamene mambeng nësala ëna! Mawu Ruata e masingka u këbi iwëberang kami e ute kai tutuhu kapulung Kristus. Dingangu këbi apan nikoa i kami e kai waugu ipamëti pëbawiah'i kamene marohkë. ²⁰Ia e ghugënggang, u su tempong ia nëtiwo si kamene sarung, takube kaëbakeng i kamene e waliuwe kere lëharapeng. Kiwau kai sarung pia mëmpekkoka, mësasingking, naung matëti, malaanggang, mëmpeksamadë, mëmpešsasahowong, obotë dingangu pëgaghaghohaeng. ²¹Ia kai ghugënggang u kama-

gengu su tempong ia dumënta ute Mawu Ruata e sarung mapakasana'u ia sutëngong kamene, dingangu ia e sarung sumangi batu malawo sutaloarang kamene e ku naung mëmpeðëdosa e tawe nëbalui ringangu tawe nëngëdo wou kakako i sire lamuhu, kotorë dingangu tawe su hinone.

Manga sasalëntiho dingangu pëkakata pangënsueënge

13 Seng katëllun sulene ini e ia dumënta mëtiwo si kamene. Suralungu Winohe Susi e kabawohe, "Walaewe su halë su-de, kai hinong tahutëngadeng u rarua arau tëllung katau sahidine, wuhuwe halë ene iaku." ²Taumata naung su tempo tamai e seng bou nëkoa pësasala ringangu këbiwe taumata waline, seng bou taku lëhabareng kalimona su tempong ia nëtiwo si kamene su karuan sulene. Ku ini e tangu tëntalang ia deng maraung kamene, ia mau i kapia u kama-geng u ia sau dumënta kapia, ute tawu u sarang sëngkatau wou i sire ku sarung maliwirë bou lukumang. ³Tangu i kamene sarung-be makaëba këbi sahididi apang ikëkapulung kamene u i Kristus e

kahënga-hëngang mëlëhengetang lu_rliu watangengku. Kereu i Kris_ttus e mëkaradiahang si kamene ute i Sie wa_rlinewe mëlëlondo, kaiso i Sie kai mënodeu kawasan'E suta_rloarang kamene. ⁴Tëngadë bue su tempong i Sie nikuruisë, i Sie kai lome, kai arawe orasë ini e i Sie kai nëbiahë ua_rlingu kawasan Duata. I kami ma_rlaing lome sura_rlungu pëbawiah'i kami ku nasëmbau dingang'i Kristus, kaiso kereu i kami mëtëngong kamene, i kami e ma_rlaing sëngkakato_rghasë dingang i Kristus ua_rling'u kawasan Duata.

⁵Kënan_rg i kamene pëmpa_rnika batangeng i kamene h_rla, mënsang i kamene kahënga-hëngangbe mëmpëbëbiahë ma_rawanggilë su pangangimang si Kristus! Mamben tëngadë i kamene masingka u i Kristus Yes_rus e ene sura_rlung i kamene! – nëtatëntangbeng kereu i kamene kahënga-hëngang tawe mangimang. ⁶Ia mëlëharapëu i kamene masingka bue u i kami e wa_rlinewe taumata ta darage. ⁷I kami e mëkëkaliomaneng su Mawu Ruata ma_rlowoko i Sie mëtulung i kamene tadeau tawe mëkoapësasala. Ba_rlinewe waugu ma_rpasiala u i kami e mambem pelesa mëmunara, kai tadeau i kame-

ne mëmpëkoabe apang ikëkapu_rlun Duata e – baëbe këllaëng i kami e ta nakawëba_rlë, kai tawë apa-apa! ⁸U i kami e tawe makakoabe apa mëgulewasu katulidë e; i kami e hinongbe tumuhu katulidë e. ⁹Ma_rluasë bue kereu i kami e lome, ringangu i kamene e matoghasë. I kami e ma_rlaing mëkëkaliomaneng tadeau i kamene e mëngkasuku. ¹⁰Kai ua_rlingu ene hakiu ia namohë u suratë ini su tempong ia e wëdang tawë diseringang i kamene. Ua_rlingu ene tangu, kereu ia e sarung dumënta ute tawaha_rluasu ia mëhëgisë si kamene mëpake u kawasa nionggou Mawu e si sia. Kawasa ene nionggou e ipamangung si kamene wa_rlinewe ipëgënggoghahë.

¹¹Samurine manga ana_ru sëmbau, pakara_rluasë bue i kamene, ringangu pëmpëtawakali wue i kamene mëmpëtëngkasuku. Ku tarimako sasalëntihoku e. Pakasasëngkanaung bue ringangu pakaghaghilë bue. Mawu Ruata e kai pungu tatalëntu dingangu pëdarame e sarung mahundingang i kamene.

¹²Pëmpëpapangadatë bue sëmbau dingangu wa_rline, sura_rlungu pëkakakëndagë e kerewe pëtatëngana_ru sëmbau u tau_rmatan Sahani.

Patiku umat'u Ruata e ngangu Rohkë Susi e mañënta-
mañgimang e nëmpëndohongbe nudë si kamene sidutu!
tabea si kamene.

¹³ Mawu Yesus Kristus
mëngałamatë si kamene. Mawu
Ruata e kükëndag'i kamene, di-

Adat'i kami,
Paulus

SURAT'I PAULUS
SU APAN JAMAATĚ SU
GALATIA

DARUMATINGE

Saraeng Injilĕ mĕbĕbĕken Yesus e nanĕtĕe ipĕdĕdalahabarĕ dingangu itĕtarimaŋ waŋine taumatan Yahudi, kŋ nariadi e kakiwaŋo mĕnsang baugu makoŋ tau Sahani tutune ute taumata harusĕ tumuhu torat'u Yahudi. Angkuĕng i Paulus u haŋĕ ene sembeng tawahaŋuasĕ – batu katatainge mang tumbaŋ sĕmbaŋ nakoŋ pinĕbukuange mapia su pĕbawiah'u tau Sahani ute tumbaeng mangimang si Kristus. Uaŋingu pĕngangimang ene ute pĕdalahĕmpukangu taumata ringangu Mawu e nauŋi kapia. Arawe apan taumata kŋ dudoka si Paulus e seng dimĕnta su apan jamaatĕ su Galatia, kŋ su propinsi sĕmbaŋ (Roma) su Asia kadodo. Angkuĕng i sire uade kereu saŋ mĕsĕngkapan Duata ute, taumata harusĕ mĕndalengu torat'u Yahudi.

Surat'i Paulus Su apan Jamaatĕ su Galatia ini niwohe baugu pĕtuŋ taumata apan nipaŋidu apan tĕntiro tawe nihino ene, tadeau i sire saŋ mĕsule mĕtĕngkasatia su tĕntiro kahĕngang arau hinone. I Paulus nanĕtĕe e ringangu nĕberau i sie hinone isĕba darolohang i Yesus Kristus. I Paulus nĕbera mahatedĕ u kakuine waugu makoŋ sĕngkatau rarolohange kai wou Ruata, waŋinewe wou anun taumata. Kerene lai watuu munarane e kai tumange kahumotong-motongange kai waugu apan baŋine tau Yahudi (1:2). Bou ene i Paulus nĕngukahen pĕndangu pĕkakauhu taumata ringangu Mawu Ruata e nauŋi kapia e kĕtaeng uaŋingu mangimang su Mawu (3-4). Suraŋingu manga pasalĕ kasamuriange wou bukĕ ini (5-6), i Paulus e nĕlahe u pĕkakakĕndagĕ kŋ simĕpu suraŋingu tau Sahani e uaŋingu i sie maŋgimang si Kristus, kŋ tawe u makasahaghe si sie mĕkoŋ apang hinong koatengu taumatan Sahani.

Lohone

Panětakenge	1:1-10
Hinom Paulus makõa rasul	1:11-2:21
Injil'u tatalěntu u Ruata	3:1-4:31
Karaliwirě dingangu munaran tau Sahani	5:1-6:10
Kakunsi e	6:11-18

1 ¹⁻³ Manga anau sēmbau apan jamaatē su kaḡuwau Galatia; Ia Paulus dingangu kēbi anau sēmbau Sahani apan dingangu, mēlēharapē milomboko Mawu Ruata i Amang i kite dingangu Mawu Yesus Kristus mangonggo u alamatē dingangu karalunsemahē si kamene.

Ia nakoḡ rasulē e baḡinewe ualingu taumata arau ualing nihengke u taumata, kaiso kai ualingu i Yesus Kristus dingangu Mawu Ruata i Amang i kite ku seng niapēbiah'i Sie kapia wou kapapohong'E. ⁴ Tumole kapulun Duata i Amang i kite, i Kristus e nanarakang u watangenge nakoḡ sasaliung kalawou rosang kite, tadeau i kite ipakasalamatē bou tempong karalai ini e. ⁵ Dalo su Ruata sarang marēngu-dēngu. Aming!

Injilē samatang mang sēmbau

⁶ Ia dudalinau u manga anau sēmbau! I kamene nikakuin Duata ualingu tatalentu i Kristus, arawe ini i kamene kawe kalighae mēmpēbilingu Ruata ku tumole, "injilē" baḡine, su likudu Injilē bou anun Duata. ⁷ Tumuhu dalenge ute, tawē, "injilē baḡine". Kētaeng piaḡ mēlēhabaru "in-

jilē" maanun Kristus si kamene ipēkēkakaliu hakiewen makakoḡ ganoha si kamene. ⁸ Taumata ku mēlēhabar'u "injilē" su likudu Injilē ilēhabari kami e, ute walae kere i sie pakihukung u Ruata, maningbe lai tau ene kawe i kami hala arau kawe malaekatē bou sorga. ⁹ I kami seng bou nēbera kalimona, ku ini e tangu sēnsuleko lai ia mēbera: taumata mēlēhabaru, "injilē" baḡine, su likudu Injilē ku seng kinatarima i kamene woi kami e ute taumata ene mapiangbe nilahukungu Ruata.

¹⁰ Ku kiwau ualingu ene tangú kai ia manga e mēlēharapē ilēakun taumata? Mambeng tala! Ia kētaeng mēlēharapē pēngangkun Duata. Apa mēnsang ia kai kapēngēngala e naungu taumata tadeau makaḡuasē naungu taumata? Kereu ia bēdang mēkēkoḡ kere utē, walinewe ēllang i Kristus.

Kereapa i Paulus nakoḡ Rasul

¹¹ Manga anau sēmbau harusē masingka u Injilē taku nihabarē e walinewe wou taumata. ¹² Ia e tawē manarima u habarē ene wou taumata, ringangu tawē u sarang sēngkatau lai ku nanēntiro si sia. I Yesus Kristus sēsane

e nēlahē u raļohon Injilē ene si sia.

¹³Tantu i kamene seng nakaringihē maanung pēbawiahēku naung kalimona kere sēngkatau tumatoļe agaman Yahudi. I kamene masingkau kereapa kahēgise ia mēkoā jamaat'u Mawu ringangu kereapa kasēgade ia mēdeāu makapēminasa. ¹⁴Su halē u mēndaļengu agaman Yahudi, ia nangēlembo wue wou kaļawou taumatan Yahudi apaewen sēntinuwo ringanku. Ia e makēhagē bue su halē u manga tundung i upung gaghurang i kami.

¹⁵Kai ualingu kapiā naungu Mawu Ruata, i Sie namile si sia kalimonan ia naiwantēlē dingangu nēkui si sia tadeāu mētangkang si Sie. ¹⁶Mawu Ruata nēlahē u Ahus'E si sia tadeāu Waļo Mapia maanung Ahus'E botonge taku ihabarē su apam baline tau Yahudi. Su tempo ene ia tawe nakoā soļong anun sarang sēngkatau mēdeāu makitēgu. ¹⁷Ia e tawe lai nakoā sarang anun sai-sai su Yesusalem apan seng kalimona wou ia nakoā rasulē. Kai ia e rimaļeng sarang banuang Arabē, mase wou ene nēsule kapia soļong Damsyik lai. ¹⁸Tēllu taung tuhu

e, ia nakoā sarang Yerusalem mēdeāu mēsombang dingangi Petrus. Ia nētana dingange kētau mapuļo lima su ēllone karēngue. ¹⁹Ia tawe nēsombang dingangu manga rasul waļine, kētaewen i Yakobus anaū sēmbau u Mawu.

²⁰Apang ku taku niwohē ini e kai tēngadē. Ruata e masingka u ia tawe mēkonti!

²¹Bou ene ia nakoā sarang manga wanuan Siria ringangu Kilikia. ²²Sarang tempo ene manga jamaat Sahani su Yudea e wēdang tawe apidu nakakiraļa. ²³I sire kētaeng makadingihē taumata nēmpēbera, "Taumata ku naung kangere maņumbiagē si kami, ini e mēlēhabaru pangangimang ku kangere naung kapulune kawe winasaēng." ²⁴Tangu i sire nēmpēdalo Ruata ualingu ia.

I Paulus dingangu manga rasulē baline

2 Mapuļo ēpa su taunge tuhu e, ia nēbaļi sarang Yerusalem dingangi Barnabas, mase nēbawa ko ļai si Titus. ²Ia nakoā sarang Yerusa-

lem batu Mawu Ruata e seng nēlahē si siā u ia harusē taimai. Ku suralungken pēsasombang natuntu dingangu manga matatēbone sene, ia nēnualagu Injilē apan taku ilēhabarē su taumata apaewen baline Yahudi. Batu ia madiri tawakaliku naung kangere, dingangu orasē ini e makoabe tawē mangalene. ³I Titus, dingangu e kai sengkatau taumatan Yunani, kai tawe nisihasa patole tiahansunatē e, ⁴maning lai pia taumata mēmpēnēnihasang halē ene. I sire kai taumata nēmpēkēmbuni suralungu ghalipohon kite ku makitika u kai ana sēmbau. I sire nēmpētēngkalau mapēni-pēnisē mēdeau mēmpēpahimang karaliwir'i kite ualingu i kite kawenakauhē dingangi Kristus Yesus. I sire mapulu mapēbali i kite naung kere kalimona kere ēllang, ⁵kai i kami e tawe napakawala kadiongeng sarang kadodo si sire, ualingu i kami mapulu mēndiagatadeau Injilē e katatanabe wurēsi waugi kamene.

⁶Maning kerene, tawē apaewemanga halē buhu tētuntukangbou ia kahian taumata apaewen ikēkapanda matatēbone – kai si

siā ete wue mēngkate mēsulungkereu i sire kawematatēbone arau tala watu Ruata e tawemēmanda ghati. ⁷Su sēmbēkane, taumata ku ikēkasilo matatēbone e mangaku, u Ruata seng dimolohu ia mēdeau pēlēhabaru Injilē su waline tau Yahudi, mēsulungu kere i Sie seng nēngoro si Petrus baugu pēhabaru Injilē ene su tau Yahudi. ⁸Watu Ruata e nangonggo u toghasē si Petrus baugu makoadarolohang baugu tau Yahudi, ringangu mēngonggo u toghasē lai si siā makoadarolohang baugu waline tau Yahudi. ⁹I Yakobus, I Petrus dingangi Yohanes, apang kakēllaēng nakoamangātēmbonangu jamaatē nangaku u Ruata seng nangonggo muna-
ra tētani ini e si siā. Tangu i sire nēngumbele lima ringangi Barnabas dingangu nakoakere tatialan pēdahapi. Mase i sire ringangi kami mapulu mēsēngkanaung sarung mamunara sutalōaran manga wansa waline Yahudi ringangi sire sutalōaran tau Yahudi. ¹⁰Kakēsae rorong i sire ute kai mēdeau i kami iapatingang tau kasiang ku ia mambeng maluasē mēkoahalē ene.

I Paulus nēnasa si Petrus su Antiokhia

¹¹Saraeng i Petrus dimēnta su Antiokhia, iā dimoka si sie su tēngone batu u kakanoa e nēsaļa. ¹²Kahumotong-motongange i sie naiang kimaēng-sēngkakaēng dingangu manga anaṅu sēmbau baline tau Yahudi. Arawe saraeng taumata rarolohang i Yakobus narēnta, i sie napakaraung batangenge wou manga anaṅu sēmbau baline tau Yahudi sembeng lai tawe mapulu kumaēng dingangi sire, watu maṅaku u i sire ku mapulu tadeaṅu kēbi taumata ipakisunatē. ¹³Manga anaṅu sēmbau Yahudi lai waline maļaing timole sēngkapēmelle kere i Petrus, hakiu i Barnabas maļaing kēkawinsanaēng pēmamellen sire. ¹⁴Kerene iā makasilo u kakanoa i sire tawe sēndaṅgu katēngadu Injilē ene, iā nēbera si Petrus su tēngong kakēpaḷu taumata narēnta sene, "Kamagengu i kamene taumatan Yahudi kai seng mēbēbiahē kere waline tau Yahudi, unṅe wue i kamene mēnihasawe taumata waline mēbiahē kere tau Yahudi?"

Tau Yahudi ringangu waline Yahudi niapakasalamatē uaṅingu maṅimang si Kristus

¹⁵Tēngadē tumuhu asalē, i kami kai tau Yahudi ku balinewe "taumata waline Yahudi marosa". ¹⁶Maning lai i kami masingka u taumata e mēsēngkapia ringangu Ruata kētaeng uaṅingu mangimang si Yesus Kristus, kai walinewe uaṅingu mēndaṅgu toratē. I kami hala lai maṅimang si Yesus Kristus, mēdeau i kami mēsēngkapan Mawu Ruata, uaṅinken pēngangimang i kami ene, kai walinewe uaṅingu i kami mēdēndaṅgu toratē. Batu uaṅingu mēndaṅgu toratē e, taweu sarang sēngkatau rembeng mēsēngkapan Duata kapia. ¹⁷I kami e seng mētētātētehē sēngapam botonge mēsēngkapan Duata supēbawiahē masēmbau dingangi Kristus. Kai kamagengu seng bou mēndaṅgu ene, kutu i kami e mang tēbe "taumata marosa" maļaing kere taumata waline tau Yahudi, apa mēnsang ini e uaṅingu i Kristus nakawaradosa si kami ngae? Naļaheṅu mambeng tala! ¹⁸Kereu

ia mamëti saŭ tiahān toratë kŭ seng takŭ nighoghahë, ute ia seng nakoā taha lampā toratë. ¹⁹Kai ia e seng nate su toratë – niapakapate waugu toratë ene sēsane – mēdeāu ia makapëbiahë baugu Ruata. Ia seng nikuruisë dingangkeweng Kristus. ²⁰Kuteŭ ini e waline lai ia mēbëbiahë kaiso i Kristus mēbëbiahë suralungu watangengku. Biahë ini takŭ ipëbëbiahë ini e kai pëbawiahë ualingu pangangimang su Ahusu Ruata kimëndagu ia dingangu seng nētëngkasarakang baugu ia. ²¹Ia tawe mēgaghōlō tatalëntu u Ruata e. Kereu pëkakauhu taumata ringangu Ruata e mariadi mapia saŭ ualingu mēndalengu toratë, ene mangalene kapapohong i Kristus tawe gunane!

Toratë arau pangangimang si Kristus

3 Manga anaŭ sēmbau tau-
matang Galatia! I kamene mambeng longong! Kŭ i kamene mēnsang nikaraghusang i sai? Papateng Kristus su kuruisë e seng takŭ saŭ nitualagë dingangu maŭahë-ŭahë si kamene! ²Kënan-
ko pëhabarë si sia halë sēmbau ini: Apa i kamene seng nēnarimaŭ Rohkë u Mawu ualingu mēn-

dalengu toratë, arau kai ualingu i kamene nakaringihë Injilë bou Ruata ringangu mangimang si Kristus? ³Unu e i kamene kere-
rene kalongonge! I kamene seng nēmpañëta u pëbawiahë buhu ringangu Rohkë u Mawu, kawe ini i kamene mapulu mapakasuku ene ringangu kuantu watangeng hala? ⁴Kŭ kai tawe këhase këbi apan seng nikaëba i kamene tangu? Kawe unu tawe gunane? ⁵Ruata e nangonggo u Rohkë'E si kamene ringangu nëkoā manga tanda maŭalaherang sutaŭorang kamene. Apa mēnsang Duata e nëkoā ene ualingu i kamene nēndalengu toratë arau ualingu i kamene nakaringihë Injilë e kŭ mangimang si Kristus?

⁶Ene mēsulungu kere ma-
bawohë suralungu Winohe Susi mañung Abraham – kere ini, "i Abraham mangimang su Mawu Ruata, ringangu ualingu pangangimange ene i sie nitari-
ma u Mawu Ruata aŭing kai tau-
mata maŭaluasë naungu Mawu Ruata." ⁷Kŭ kënangko i kamene pakaënna u taumata kahënga-
hëngang hëntong Abraham ute kai taumata mangimang su Ruata. ⁸Winohe Susi seng nakasilo rokeng kalimona u Ruata e kawa-

sa mapakariadin baline tau Yahudi e sau mēsēngkapiān Duata, keru i sire mangimang si Sie. Injilē ene nipakasingka dokeng kalimona si Abraham suralungu kēdo ini, "Suralung i kau Ruata sarung mēngalamatē patiku umatē su wowon dunia." ⁹I Abraham mangimang hakū i sie nialamateng. Kerene lai patiku taumata apang mangimang, sarung sēngkaalamatē dingangkewen i Abraham.

¹⁰Apan taumata ku māngumbala su toratē e kēbi mēbēbiahē sualungu laane. Batūu suralungu Winohe Susi mābawohe u, "I sain tawē satiane mēndaleng patiku apan mābawohe suralungu bukē u toratē e, ia-neng Duata!" ¹¹Tawē u sarang sēngkatau mēsēngkapia ringangu Ruata ualingu mēdēndalengu toratē. Halē ene seng nilahe suralungu Winohe Susi, "Kētaeng isain māngimang su Ruata hakū pēkakauhē dingangu Ruata sau makoā mapia ku sarung mēbiahē!" ¹²Kai toratē e tawē kinaiāneng su pangangimang. Suralungu Winohe Susi mābawohe

u i sain mēndalengu toratē e, sarung mēbiahē ualingu toratē ene.

¹³Arawe i Kristus nēliwirē si kite bou anen toratē. I Sie nēkoā ene ringangu napakawalan batangeng'E nianéng, ualingu i kite. Batūu suralungu Winohe Susi mābawohe, "Kaḷaane, si sain nate māgaghantong su kalu." ¹⁴I Kristus nēkoā kerene tadeau alamatē nikēdon Duata si Abraham nionggo lai su apan baline tau Yahudi. Ualingu ene i kite mālaing māngimang su Ruata ku makatarima u Rohkē ku nikēdon Duata ene.

Toratē arau kēdon Duata

¹⁵Manga anaū sēmbau! Mapiangbe ia mēpake u kakakēlaēng bou ebau pēbawiahē mēllo-mēllo. Kereu taumata mēngikū pēkakakēdo ku kēdo ene seng nitahuntēngareng ute tawēu sarang sēngkatau makaghoghahē pēkakakēdo ene, arau makapēnambang^a manga apa si sie. ¹⁶Kaḷawou kēdon Duata e niakoā u Ruata waug'i Abraham dingangu waugu hēnton Abraham.

^a makapēnakidu

Suralungu Winohe Susi tawe nawohe "kai waugu taumata henton Abraham", ku mangalene taumata lawo. Kuteu mabawohe sene ute, "dingangu waugu palahentonu mangalene sengkatau tude", ku kai i Kristus. ¹⁷ Ku taku sarung ipauli sini kai ini: pekakedon Duata seng niko a dingangu nitahuntengadeng kalimona. Torate ku niongo samurin epa u hasu tellum pulo su taunge tawe makaghoghah^b penanahuntengadē dingangu makaredasēbe kedon Duata ene. ¹⁸ Kai kereu laonggo u Ruata isesange su torate ute ene walineu lai laonggo su kedo. Ualingu Ruata seng nekedo si Abraham, ute Ruata e nangonggo u ene si sie.

¹⁹ Kamageng kerene, kai wau- gu apa tangu torate e niongo? Sasimbange ute torate ene kai nitamba tadeau melaheu pendalampang taumata. Torate ene ketang mapake saraeng darentan sengkatau hiten Abraham ku niseba suralungu kedon Duata si Abraham. Torate ene niongo u manga malakatē pia menanepase sengkatau taumata. ²⁰ Ku hinong pia duang kamo- naeng, buhewe pia sengkatau manaloarane. Arawe Ruata e

tawe megaghausē manaloarane, watuu kai i Sie sesane kima- noa.

Kakako a u torate

²¹ Ku apa mensang ene mangalene ute torate e meddoka dingangu kedon Duata? Mambeng tengadē tala! Kai kereu torate e niongo mede au makariadi alamatē su pembawiahu taumata, tangu taumata e makapēsengkapiawen Duata suralungu torate. ²² Kai suralungu Winohe Susi mabawohe patiku taumata e kai sualungu kawasan dosa. Ualingu ene, laonggo ku pinekedo ku niwenta su pangangimang si Yesus Kristus niongo si sire apan mēmpangimang!

²³ Tentalang ta nadenta tempone mangimang si Kristus, i kite dediatengu torate masēgasēgadē; i kite mesulungu nikakurung sarang pangangimang ene ilahe. ²⁴ Dingangu kerene ute, torate e nako a kere menaniti si kite sarang i Kristus dumenta mede au mapakariadin kite sau mesēngkapiawen Duata ualingu i kite mangimang si Kristus. ²⁵ Orasē ini, ualingu seng tempone taumata mangimang si Kristus ute i kite semben tawe lai titikangu torate.

^b makaputi = makapeto

26 Uaḷingu i kamene maṅgi-mang si Kristus Yesus, ute i kamene nasēmbau dingangi Sie; ku uaḷingu ene i kamene nakoḷa manga ana Ruata. **27** I kamene kēbi seng nisahani su areng i Kristus, ku i kamene seng nē-narima u watangeng i kamene apaewen kakakoḷa i Kristus sēsane. **28** Suraḷungu ene ute semben tawē pēdaḷahaen tau Yahudi ringangu waḷine Yahudi bou taḷo-aran ēllang dingangu waḷine ēllang, bou taḷoarang ese dingangu wawine. I kamene kēbi e nasēmbau uaḷingu i Kristus Yesus. **29** Kereu i kamene tētaghuaneng i Kristus, ute i kamene kai hēnton Abraham. Ku i kamene sarung manarima u apang ku nikēdon Duata.

4¹⁻² Kai ia e hinong manahuntēngadē u karēngu u sēngkatau taghuang pusaka e reng darodo, ute hinong pia taumata mēnēnahimata si sie ringangu mangurusē haghin pandangenge sarang i sie makakaratingu umure ku tinantung amange. I sie i kēkoḷa mēsulungu sēngkatau ēllang maniang i sie tuhu hinone kawe taghuangu patiku arēta ene. **3** Kerene lai ri-

ngangi kite: Karēngu u i kite deng ta naḷēllang, i kite nika-koḷa ēllangu manga rohkē apan maṅawasa dunia ini. **4** Arawe su tempone mapia, Ruata e rimoloh'u Ahuse sarang dunia. Ahuse ene niwantelu, sēngkatau wawine ku nēbiahē suraḷungu kawasan toratē. **5** Uaḷingu ene, i Sie napakaliwiru manga taumata mēbēbiahē suaḷungu kawasan toratē; tadeḷa i kite lai makoḷabe manga ana Ruata.

6 Uaḷingu i kamene kai manga ana Ruata, Mawu Ruata rimolohu Rohkē u Ahus'E mapasuē suraḷungu naung i kamene ringangu naungku, ku Rohkē ete mēkēkui, "Amang, oh Amangku." **7** Kuteu, i kamene semben baḷine lai ēllang, kaiso kawe ana. Ku uaḷingu i kamene kawe ana u Ruata ute Ruata e sarung mēgēlli u patiku saḷarang apan nisadian'E wangu manga ana'E.

Katataghawah'i Paulus su tēngon taumatang Galatia

8 Kangere i kamene wēgan Duata, ene hakū i kamene nakoḷa ēllangu manga kawasa ku lēnang kere mahang duata, kai tumuhu hinone waḷinewe Ruata kahēnga-

hëngang. ⁹ Arawe orasë ini e i kamene seng masingka u Ruata, arau limembo lain kapiange Duata e masingka i kamene. Ku unu e i kamene saube lai mësule su manga rohkë u dunia ini apan lome ringangu kasiang? Unu e i kamene mapulu saupë tahuëllangu manga rohkë ene? ¹⁰ I kamene mësësëmpij be manga ëllo sahi,^c manga wulang sahi dingangu manga taung sahi. ¹¹ Ia gugënggang, kiwua u pëtatëngkasaghedëku waugi kamene ta pulise apa.

¹² Manga anau sëmbau! Ia mëdëdorong sëngapam botonge tadeau i kamene makoã kere ia. Ualingu ia malaing seng nakoã kere i kamene. I kamene tawe nëmpëkoabe sala manga apa su têngoku. ¹³ I kamene tantu reng makatahëndung kai apa e nakariadi si sia dokeng tëtæ nakapëhabaru Injilë e si kamene. Batuu kai ualingu ia nasaki. ¹⁴ Su tempo ene i kamene tawe narëntingu ia, maningbe kakakoãu wadangkue nakoã sasaluã masaria si kamene. Kaiso i kemene nëmpanarimabeng ia tabidaen nëmpanarima u malaekatu Mawu arau kere nëmpanarima i Kristus Yesus sësane. ¹⁵ I kamene mëngkawe apa maraluasë kahëngang

^c nitantu

su tempo ene. Arawe ini ute kai suapa e karaluasë ene? Ia masingka u su tempo ene i kamene mabeng mapulu mëmpëlësã matang kamene hala mëdeau ongotang si sia, kereu ene wotonge ikakoã. ¹⁶ Apa i kamene ini seng mëtëtinëng ia kere sëdu, ualingu ia mëlëlahëu katëngadë si kamene?

¹⁷ Manga taumata waline ene mëngkate makëhagë mëmpëdeã si kamene, kutëu manga timonan sire kawe ralaj. I sire këtæng mapulu mamësu pëkakauhi kamene ringangi kami, tadeau i kamene tumole si sire ringangu kakëhagë. ¹⁸ Apaewe mapia, lombangeng suralungu manga halë mapia, asalë mëngkate kerene ku abe kawe këtäu kamageng ia ene ringangi kamene. ¹⁹ Manga anaku ikëkëndagë! Ia orasë ini nakapëndang matëdu ualingu i kamene. Ia natatëdu kere sëngkatu wawine matëdu su tempon pamamantelu rario. Ia mëngkai masunsara, kereu kakakoã i Kristus wëdang ta nasuang suralungu watangeng i kamene! ²⁰ Ia mëngkate mëkëkarimangu mapulu ene sutaloarang kamene ini, mëdeau ia makapëbisara si kamene ringangu tingihë baline, ualingu ia

seng bëga mënsang mëkoə apa lai ringangi kamene.

I Hagar dëduan Sara nakoə kakakëllaëng

21 Manga anəu sëmbau apan mapulu mëbiahë suaḷungu kawasān toratë, kënanḡ pëdarinḡihë si siə! Ia sarung mëhabarë si kamene apang hinone məbawohë suraḷungu bukë u Torati Musa.

22 Sene məbawohë u i Abraham piə anə e ruang katau: I ninang anə e sëmbau kai sëngkatau ëllang, arawe i ninangu anə baḷine e taumatawe waḷine ëllang.

23 Anə u wawine nakoə ëllange pinëhëndingbe su kapulun taumata. Arawe anə u wawine waḷine ëllange, naiwantelë uaḷingu niḡakëdon Duata. **24** Ini wotonge ipakë makoə papinintu. Bawine ruang katau ene, kai tabidaḡ papinintun këdo rarua; sëmbau e wou wuḷudu Sinai – ene e kai i Hagar; manga anə e pinëhënding kere ëllang. **25** Ku i Hagar ene kai wuḷudu Sinai su ëntanang Arabë. I sie mëlëlahëu soang Yerusalem dingangu kaḷawou tumanə e orasë ini seng nakoə ëllang. **26** Arawe Yerusalem su sorga ene kai Yerusalem naḷiu ku i sie kai i ni-

nang i kite. **27** Batu u suraḷungu Winoḡ Susi e məbawohë,

”Pahuḷuasë i kamene manga wawine ku tawe nëhana!

Pahuliagë dingangu pëtahimokoi ei kamene ta makapëndang kaḷiking bawine mëhënding!

U wawine tinëntangu kawinge makareə anə

limembong kaḷawou wou wawine mëbëbiahë dingangu kawinge.”

28 Manga anəu sëmbau! I kamene hala kai manga anə u Ruata nipëhanaḡ uaḷingu këdon Duata; i kamene mësuḷung’i Ishak. **29** Su tempo ene anə pinëhianə su kapulun taumata, maḡnumbiagë anə pinëhanaḡ uaḷingu kapulun Rohkë u Mawu. Kerene lai orasë ini. **30** Kai apa wue məbawohë suraḷungu Winoḡ Susi? Sene məbawohë kere ini: ”Tokolëko ëllang bawine ene ringangkewen anə e, watu anəu tau wawine ëndaḡ sarung tawe makapëmusakə dingangu anəu tau wawine ku baḷine ëllange.” **31** Ku manga anəu sëmbau i kite ini e waḷinewe manga anə bou sëngkatau ëllang bawine; i kite e kai manga anə bou wawine naḷiwirë e.

Pětumpaedě su karaliwirě

5 I kite ini e seng naliwirě, u i Kristus seng neliwirě si kite! Ku ualingu ene ute pēmpětumpaedě su karaliwiru, ku abe kawe sau mapulu makitahuēllang.

2Ene ěng, kereu i kamene mēdorong makisunatě, ene mangalene i Kristus tawę gunane si kamene. Ku mēbēberang ini e kai ia sēsaku i Paulus. **3**Sēsuleko lai ia mangonggou ingate su taumata apan mēdēdorong makisunatě, u ia kai hinong mēndalengu kaguwau toratě! **4**Kamageng i kamene mētawakaliwe mēsēngkapan Duata suralungu toratě ute, mangalene pēkakahu ringangi Kristus e seng naběsu. Ku ualingu ene i kamene mēbēbiahě su likudu talěntu u Ruata. **5**Arawe si kami, i kami e mēlēharapě u ualingken tulumangu Rohkě u Mawu e ringangu iwěnta su pangangimang i kami si Kristus, Mawue mapakawalang kami mēsēngkapia ringang'E. **6**Batu kereu i kite seng nasēmbau dingangi Kristus Yesus, ute halěu tumuhu arau tawe tumuhu atorangu sunatě e tawe lai makoā sungkalene. Ku kahumotongange kētae-

wen pangangimang si Kristus, ku ene malahę suralungu kakēndagi kite su taumata waline.

7Kangere i kamene naungbe mēbēbangkuadě kerene kapiane! Ku ini e kawe unęe i kamene seng tawe lai tumuhu kapulun Duata? Kai isai tangu ma-mitaugě si kamene? **8**Nalahęu i sain nēkoā ene waline Ruata ku seng nēkui si kamene! **9**"Lahaesě kađodo sarung makatuwo kalawou gholopung," angkuęgu taumata. **10**Manięng kerene ia deng będang mangimangu i kamene, sarung tawę kanaung i kamene waline; batu i kite seng nasēmbau dingangi Kristus. Ku ia mangimangu isaiewen apan mapēbēbingo u naung i kamene, sarung ihukungu Ruata.

11Ia e wue manga ana u sēmbau, unęe ia mēngkate hanesě sēsędukang kereu ia będang mēlēhabaru tiahun sunatě e ghęgaghaleęng? Kereu ia mambeng mēlēhabarě kerene, ute pēlahabarěku su halě u kuruis'i Kristus e tawe makakalęton sangkuralange. **12**Limembong kapiane manga taumata apan mapēkēkalęmboghang u tinęnnang kamene ene saunęke sębang sēsulebou jamaatě.

13 I kamene seng nikuiang tadeau makoꝝ taumatang karaliwirë. Kai abe kawe mëpakeu karaliwirë ene tadeau mëngkate hanesë mëkëkoꝝ balæwe apa kapulung kamene koateng. Su sëmbëkane, i kamene harusë mëkakakëndagë dingangu mëtëtatondong tangkiang. **14** Patiku toratë e seng nasahiangkung suralungu wawera sëmbau ini e, "I kaue këndagëkong kasanggidangu kerewe i kau kumëndagu watangengu hala." **15** Arawe kereu i kamene kawe mëkëkakahu sëmbau dingangu waline, ute pakapia wue, i kamene sarung mawinasa sëngkawinasa.

Kapulun Rohkë u Mawu ringangu kapulun taumata

16 Timonaku e kere ini: Balæ kere Rohkë u Mawu e mamihing si kamene ringangu kumbahangbe mëmpëbiahë tumuhu kapulun taumata. **17** Batuu kapulun taumata e mëdëdaroka dingangu kapulun Rohkë u Mawu, dingangu kapulun Rohkë u Mawu e mëdëdaroka dingangu kapulun taumata. I rëdua ene mëngkate lawo tawe mahang pëloëng hakïu i kamene tawe makakoꝝ apang ku ikëkapulung kamene. **18** Kai kereu

Rohkë u Mawu e mangaha si kamene, ute i kamene tawe pëkawasængu toratë.

19 Kapulun tabiatu taumata e malahë suralungu manga kakanoꝝ u pësasundaļë, karalamuhu, dingangu tawe mëlahino; **20** suralungu pëtatahamawu su mahang duata, pëdalahopa, suralungu pësasasëdu, pëkakakoka, sasingking, maligha mëpëdu, mënënaung batangeng hala; pëdararalaï; pëtatawang, **21** dingangkewen pananoi, pëtatëngkiwukang, pësasalimbang, dingangu lai waline. Su tëngon patiku ene ia mëmaghë mauļi si kamene orasë ini kerewe naung seng taku nipauļi lai kalimona u apan taumata mëmpëkëkoꝝ kere ne ute tawe makoꝝ dalohon jamaatu Mawu.

22 Su sëmbëkane, kereu Rohkë u Mawu mangaha pëbawiah'u pësëngkatau ute wuane kai: I sire mëkëkakëndagë, mëdaraluasë, maghaghilë, makakëdang, dingangu mawawudi, maralahimumu sëmbau su waline, masatia, **23** naung i sire masasana dingangu mëngkai mëtëtkau dupu watangeng. Tawë apa toratë mëšëšëdingu manga halë kere ne. **24** Taumata apan seng na-

koa tataghuaneng i Kristus Yesus, taumata ene seng nĕmate kakakoā u taumatane ringangu u patiku kapulun gĕsi ringangu ĕnninge. ²⁵Rohkĕ u Ruata seng nangonggo si kite pĕbawiahĕ buhu; ualingu ene i Sie maļaing harusĕ mangawasa pĕbawiahi kite. ²⁶I kite tawe wotonge mĕngobotĕ, dingangu mĕtatatĕdu u raļungu naung, ringangu lai mĕpapangiri sĕmbau su waļine.

Mĕmpĕpapangontolĕ

6 Manga ana u sĕmbau kereu pĕsĕngkatau ikĕkatangka mĕkĕkoā dosa ute kĕnangko, i kamene apan mĕbĕbiahĕ tutuhu Rohkĕ u Mawu, mamihing tau ene pĕsulĕ su raļeng mapia. Ku i kamene harusĕ mĕkoā ene ringangu kasasikome ku diagatte kumbahang sarang i kamene hala maļaing kasalukateng. ²Kĕnangko i kamene mĕmpĕsasumbala mĕmamasaĕng bawawaĕngu tau, tadeau ualingu ene ute i kamene tutuhube laorong Kristus. ³Kereu pĕsĕngkatau maņĕnna u watangenge kawe kapiange, sĕmbaliau tala wue, ute tau ene maņakalĕ batangenge hala. ⁴Sĕngkatau-sĕngkatau pasibanika

batangenge hala mĕnsang kakanoā e mapia arau raļai. Kereu mapia, i sie wotonge makapĕndang lumesa u haļĕ ene. Kai semben tawahaluasu isihinge su apang kĕkoatengu taumata waļine. ⁵Batu sĕngkatau-sĕngkatau hinong masipasaĕng bawawaĕnge hala.

⁶I saing manarima u tĕntirong Kristus, kĕnang pamahia dingangu mananĕntirone kĕbi apan mapia si sie.

⁷Kumbahang be kaakaleng. Duata e tawe ikapĕtataghulang! Apan niasu e ene lai ikapĕnsa e. ⁸Kamageng i sain mĕngasi tuhu kakanoā u taumatane, i sie sarung mamĕnsa u papate wou kakanoā e ene. Arauwe kereu i sie mĕngasi tuhu laaha u Rohkĕ u Mawu, i sie sarung mamĕnsau pĕbawiahĕ tutune wou Rohkĕ u Mawu. ⁹Ualingu ene, kumbahang i kite masahe^d mĕkoā manga haļĕ mapia; u kamagengu i kite tawe mĕngĕdo mĕkoā manga haļĕ ene, sĕnsulĕ tempo i kite sarung mamĕnsa buane. ¹⁰Ku, karĕnguwem pia loahē si kite, ute kĕnangko i kite mĕkoā mapia su kĕbi taumata, napaliu e su manga ana sĕmbau i kite tamba pangangimang.

^d mawui = bosan

Tatahëndung dingangu tatabeḗ

¹¹ Kakëllako pakapia-pia ba-geang ini taku niwohe sësaku ringangu hurupe gaghaghuwa. ¹² Manga taumata ku makidarumalo ringangu manga halë u ghësi, i sire e mëtëtatëtehë manihasa si kamene tumuhu atoru pësasunatë. Arawe i sire mëmpëkëkoḗ ene këtaeng tadeḗu i sire tawe tumbiagengu tau Yahudi ualingu kuruisi Kristus. ¹³ I sire apan tutuhu pëlatorangu sunatë malaing tawe mëndalengu toratë. Kai i sire mapulu i kamene ipakisunatë, tadeḗu i sire makalesa u i sire matuhu su pëlorang ene. ¹⁴ Kai ia mëngkatewe maḗdiri lumesa u apa, tumbaewen Mawung kitë Yesus Kristus seng napohong nikuruisë. U watu i Sie kawe seng napohong nikuruisë ute du-

nia e tawe lai mangalene apa-apa si sia. Dingangu sutëngon dunia ini, ia malaing tabidaḗu seng nate. ¹⁵ Nisunatë arau tawe nisasunatë ene walinewe kahumotongange. Kahumotongange ute kai ma-koḗ taumata wuhu. ¹⁶ Su taumata apan mëbëbiahë dingangu sipirange ene, ku kerene lai waugu patiku umat'u Mawu, ia mëlëharapë Duata sarung mangonggo u pëdarame ringangu tatalëntu'E.

¹⁷ Mase, kumbahang delaing pia u sarang sëngkatau makasusa si sia, batu su wadanku pia manga tatialan ia kai tumatole si Kristus.

¹⁸ Milumbako Mawung kitë i Yesus Kristus mëngalamatë manga anaḗu sëmbau. Aming.

Adat'i kami,
Paulus

SURAT'I PAULUS SU JAMAAT'U EFESUS

DARUMATINGE

Suralungu *Surat'i Paulus Baugu Jamaatě su Efesus*, mēmamohe e kasariange mañuntū su halě u Karakin Duata tadeau, "Kasėllahu dunia e, baę su sorga arau baewe su wowon dunia e, mariadi sěmbau dingang i Kristus nakoą kere těmboę" (1:10). Suratě ini e makoą lai wawahansang su taumata tadeau i sire makahěngang karaking Duata mawantugě e mapakasěmbau u patiku taumata suralung i Yesus Kristus.

Su wahageang humotong bou suratě su Jamaat'u Efesus ini e ipěpauli u kereapa kasasěmbau ene sarung mariadi. Mědeau mapakalahęu halě ene ute i sie něběkeęng kakakoą u Ruata i Amang seng němile umat'E, kereapa lai Ruata suralung i Yesus Kristus, Ahus'E, nęęėlli u ampung dingangu męngambang umat'E wou rosa, ringangu kereapa pěkakakędon Duata e nitoghaseng u Rohkě Susi. Su wahageang karuane, ipěpauli su mębawasane tadeau i sire mębiahě maghighilě tadeau pętatěngkasěmbau i sire maņgimang su Mawu Yesus Kristus e mariadi.

Tadeau malahe u umat'u Mawu e seng nasěmbau suralung i Kristus, mēmamohe e mępěpakeu manga papinintu. Jamaatě e kai kere tabidau walunang e ringangu i Kristus kai kere tabidau těmboę, arau tabidau sěmbau bangunang ku batu piněbukuang e kai i Kristus, arau kere sęngkatau wawine ku i Kristus e kawinge. Mēmamohe e męngkate apa masusa naunge nakatahěndungke kakęndagu Mawu Ruata woi Kristus, hakiu manga wawerane ku tinaho suralungu surate, kai pělělahękangu ralungu naunge męngkate kakatoghase su halě u maktarimakase dingangu raralo su Mawu. Patiku sabarang e pěpatehange

wou halë u kakëndag'i Kristus, nalahë su gaghëlli e su pëngangonggou ampung, kapian naunge ringangu kasasusine.

Lohone

Panëtakege	1:1-2
I Kristus dingangu gahedan'E	1:3-3:21
Laidopë buhu kere sëngkatau tau Sahani	4:1-6:20
Kakunsi e	6:21-24

1 Kawanuag Duata su Efesus, apan matuhū su Mawu Yesus Kristus!

²Ia e kai i Paulus, daro-
lohang i Kristus Yesus ualingu
kapulun Duata, mēlēharap'u
małowoko Ruata i Amang i kite
dingangu Mawung kite i Ye-
sus Kristus mēngonggou alamatē
dingangu karalunsemahē si kite
kēbi.

Alamatē marohkē nariadi wō'i Kristus

³Dalo su Ruata, i Amang u
Mawung kite i Yesus Kristus!

I Sie nēngalamatē mararohkē
apaewen pia su sorga e si kite,
ualingu nasēmbau dingang i Kris-
tus. ⁴Kalamonan dunia ini niria-
di, Mawu Ruata e seng nēmile si
kite bō'i Kristus ringangu timo-
nane tadeau i kite makoā tata-
ghuaneng'E ringangu tawē turæ
sarung su tēngon'E. Ualingu
kakēndagu Ruata, ⁵tangu i Sie
seng nisahe e reng kalamona u
wō'i Yesus Kristus, i Sie sarung
mēhengke i kite makoā manga
ana'E sēsane. Ringangu sem-
beng kerene kapulune kēkoateng'E.
⁶Dalo su Ruata karangetange, u

wou Ahus'E ikēkēndage e i Sie
mamben tēngadē kukēndag'i kite.

⁷Batuu kapapohong i Kris-
tus, i kite e nilaambang
u Ruata, mangalene i Sie
seng nēgēlliu ampung si kite,
bou kalawou rosang kite e.
⁸I Sie nēkoā kerene ualingu i
Sie mamben tēngadē kukēndag'i
kite, dingangu kakēndagē ene
nipēdalembone si kite nēpakēng
kapelesa ringangu katatahuēna.
⁹Tumuhū kapulun'E sēsane, Dua-
ta e kai mēhabaru ralirung u
kapulun'E si kite; batuu i Sie
seng nēmutusē u kapulun'E e-
ne sarungbe ipakaghanape si Ye-
sus Kristus. ¹⁰Kapulun'E ene u-
te tadeau patiku sabarange bæ
su sorga ringangu wæbe lai su
dunia, makoā sēmbau dingang i
Kristus tabidau tembonange. Ku
halē ini e tangu sarungbe ipa-
kaghanapu Ruata e kereu semben
nīdatingu tempone.

¹¹Duata e mēkoā patiku
sabarang e tumuhūbe sukapu-
lun'E ringangu putusang'E sēsane.
Dokeng bou tētæ i Sie seng
nēmile si kite, u i Sie mapulu
tadeau i kite mariadiwe umat'E
ualingu nasēmbau dingang i Kris-
tus. ¹²Małowoko i kite e ma-

koḗ kakaliḡmonaḡngu mēlēharapē su Mawu Yesuḡ Kristus, mēdalo Ruata ualḡngu kawawantug'E ta sihinge.

¹³I kamene maḡaing seng nakoḗ umat'u Mawu su temping kamene nakaringihē bawerang katēngadē e, kai Injilē mapakasalaḡmat'i kamene. I kamene mangimang su Mawu Yesuḡ Kristus, ualḡngu ene Ruata e nēngonggou tatialan tataghuanenge si kamene ute kai Rohkē'E ku seng nikēdon'E. ¹⁴Rohkē ene e kai papaiang tadeḗu i kiteḡ sarung mēnarimaḡ apan seng kinēdon Duata su manga umat'E. Ini e makatambam pēngangiaking i kiteḡ u Ruata e sarung mēngambang umat'E. Dalo su Ruata ualḡngu kawawantug'E.

Kakaliḡmaneng i Paulus

¹⁵Ualḡngu ene, naung ia deng nakaringihē u i kamene maḡimang su Mawu Yesuḡ, dingangu i kamene kukēndagu patiku umatu Ruata, ¹⁶ia e tawē umpade mapatarimakasē su Mawu Ruata maḡanung kamene. Ia e mang hanesē mēsēsēba arengu kereu ia mēkaliḡmaneng. ¹⁷Ia mēkēkaliḡmaneng tadeḗu Ruata Mawung

kiteḡ i Yesuḡ Kristus, i Amang mawantugē e, mēngonggou Rohkē'E si kamene. Rohkē ene e sarung mapakariading kamene pelesa ringangu sarung mapakalaḡheḡ Ruata si kamene hakiḡ i kamene makakirala si Sie. ¹⁸Ia mēkaliḡmaneng tadeḗu Ruata e mamuka raḡungu naungu mapakatuḡalagē; tadeḗu i kamene makaēna u kai apa hinong kapēharapeng i kamene wou Ruata e kimui si kamene. Tadeḗu lai i kamene masingkaḡu kereapa kakēpaḡe alaḡmatē mapapia iapēdēdaḡlembo seng nisadian Duata e waugu umat'E, ¹⁹dingangu kereapa kasēllahu kuḡate Ruata nēmunara maḡhēmpaliung kawasane suraḡlung i kiteḡ taumata apam maḡimang. Kawasan Duata e tabidaeng kawasa tawē sihinge, ²⁰ku pinēkaradiahang'E supia i Kristus niapēbiahē kapia wou kapapohonge ringangu nangonggou kalaianeng'E karangetange ringangu Ruata e su sorga.

²¹Kalaianeng i Kristus e nēngalembong karangetange wou patiku kalaianeng u tēmbonangu kawanua, patiku mēngangawasa, patiku mēnanēllange, patiku manga mawu ringangu walḗewe

i saim piã pangkate mararange; baę i sire apan nębiahę su orasę ini, baewelai apan nębiahę su tempo ramahi kađęntane. ²² Duata e napakawatau kębi sabarang suařungu kawang Kristus, dingangu nęngonggoi Kristus su jamaatę e niapakakoã bou patiku sabarang. ²³ Jamaatę e kai wadang i Kristus, niapakasuku i Sie ku nęnuku haghim patiku surařungu kębi.

Bou papate sarang pębiaheng

2 Naung i kamene e kawe nate tuhu marohkę uařingu i kamene marosa ringangu luřawang titan Duata. ² Su tempo ene i kamene tuřole manga tundun dunia ini; mangalene i kamene tuřuhu tęmbonang u kawasam binangaeng mařoahę, ku kai rohkę ete ini mang będang mękękaradiahang su taumata luřawang Duata. ³ Kařamona i kite kębi e męngkai męsuřung i sire; i kite e mębębiahę tuřuhu kapulung kite taumata, ringangu mębębatu e patiku kapulung gęsi ringangu tinęnnang kite. Su tempo ene i kite e kai taumata hinong ma-

kahombang dařangehu Ruata lai keręewe lai i sire wařine.

⁴ Kaiso apaę kasariane karalondo'n naungu Ruata! I Sie keręeng kakęndage si kite, ⁵ hakiu su tempong i kite naung będang kinapateęng u rohkę e kahiaen pęsasařang kite e, ute i Sie napębiah'i kite e kapia ringang i Kristus. Ku kętabeng uařingu kapian naungu Ruata e i kamene apakasalařmat'i Sie. ⁶ Uařingu i kite e nasęmbau dingang i Kristus Yesus, Duata e męmiah'i kite kapia ringang'E, tadeau mapakaiang i kite sęngkakaiang dingang'E surařungu sorga. ⁷ Duata e mękoã kerene tadeau su tempo e ramahi kađęntane taumata e makasilo u kereapa kasęllahe kakęndagu Ruata. Kakęndagę ene nilahe Ruata su kapian naung'E si kite nilahe e si Kristus Yesus. ⁸⁻⁹ Mawu Ruata e kuķęndag'i kamene, hakiu ene i Sie męngambang si kamene, watu i kamene mařgimang si Yesus. Kasasařamat'i kamene e wařinewe uařingu lęnau munaranu sęmatang. Kaiso uařingu alařnatu Mawu. Ku tawę sarang sęngkatau

makaŕesau ene. ¹⁰I kite e kai riadikang u Mawu, niriadine suralung i Yesus Kristus, Mawu e nĕluhudĕ si kite tadeau i kite mĕkoabe halĕ mapapia nisdian'E waug'i kite.

Sĕmbau ualing i Kristus

¹¹Manga anaŭ sĕmbau baline tau Yahudi! Pĕtahĕndungko kakakoŭ i kamene naung kangere: I kamene nisĕba, "taumata ta sasunatang", kahian tau Yahudi mĕngakum batangeng i sire taumatan sunatĕ (timonane ute i sain seng piŭ tatialane nikoŭ u taumata su wadang i sire). ¹²Su tempo ene i kamene mamben tawe nasĕmbau dingang i Kristus, i kamene e kai taumata raghi tawe nasowa pinilen Duata. I kamene tawe nasowa suralungu kaŕahĕmpukangu pĕdariandi kinaŭ u Ruata ringangu umat'E. I kamene nĕbiahĕ suralungu dunia ini e tawĕ harap'i kamene ringangu tawĕ Duatang kamene. ¹³Arawe ini ute, ualingu i kamene seng nasĕmbau dingang i Kristus Yesus, i kamene naungbe marau e seng niapakarani ualingu kapapohong i Kristus. ¹⁴U i Kristus sĕsane e kai pĕdarameng kite. I Sie napakasĕmbau u tau

Yahudi ringangu waline Yahudi nakoŭ bansa sĕmbau. Darĕndung nakasara si sire e, kai pĕsasitori e seng nitĕnehi Kristus su pananarakangu watangeng'E. ¹⁵Torat'u agamang Yahudi ringangu titane lawo ringangu manga haghing tundu e seng nirĕdasi Kristus tadeau bansa rarua e makoŭ sĕmbau bansa'n taumata wuhu, niapakasĕmbau dingang'E. Kere ne raleng i Kristus nĕkoŭ pĕdarame. ¹⁶Ualingu kapapohong'E sukalu pinĕkĕhusĕ, i Kristus napakasĕmbau u bansa rarua e ringangu napĕdamen sire ringangu Mawu, hakju nailangke pĕsasĕdu e. ¹⁷Kai ene hakju i Kristus dimĕnta mĕhabaru Injilĕ maanun pĕdarame ene si kamene; baĕ si kamene waline tau Yahudi ku naung kaŕimona maraun Duata, baewe su tau Yahudi maranin Duata. ¹⁸Ualingu i Kristus e i kite kĕbi – baĕ tau Yahudi baewe lai waline Yahudi e – ualingu Rohkĕ Susi e man sĕmbau e nakakaranin Duata i Amang.

¹⁹Batu ene ute i kamene semben balinewe tau raghi arau taumatan likude. I kamene ini e kĕbi seng lawo kawanuan Duata. I kamene e kai raŕohom

ba_rlem Mawu Ruata e. ²⁰I kame-
ne lai nipararisi su wowon ponda-
si pinellou manga rarolohange ri-
ngangu manga nabi, ku i Kristus
Yesus nako_a batu pinëbukuange.
²¹U kai i Sie nëlanging ba_rle e-
ne ku nako_a Ba_rlen Duata nita-
ni waugu Mawu. ²²U pëbawiahë
e nasëmbau dingang i Kris-
tus, i kamene ma_rlaing pëpëtikang
sëngkapëti dingangu wa_rline, ma-
ko_a ba_rle sëmbau baugu Ruata;
ku sene Ruata ringangu Rohkë'E
mëtumana.

Munaran Paulus baug'i sire wa_rline Yahudi

3 Kai ualingu ene ia, i Paulus
nitahungku ualingu i Kristus
Yesus baugu pandungang i ka-
mene wa_rline Yahudi. ²Mamben
tëngadë i kamene semben naka-
ringihë u Ruata e ualingu kapi-
naung'E, seng nëngonggou muna-
ra ini si sia baugu pandungang
i kamene. ³Duata e napakalahëu
ralirung u timonane mase nilaha-
bare si sia. (Maanung halë ene
sen taku niwohë dasi suwowo-
ne ringangu manimbu ⁴ku ke-
reu i kamene mëbasa ute sarung
kapangënaëngbeng kamene rali-
rung maanung Kristus kerëwe
sen taku kinaënaëng.) ⁵Naung

ka_ngere e ralirung ene e ta-
we nipëpakasingka su taumata,
arawe orasë ini ute Rohkë Su-
si e seng napakalahë su manga
rarolohange ringangu manga na-
bin'E. ⁶Rahasia ene ute kai i-
ni: Bou Injilë ene, i sire wa_rline
tau Yahudi ma_rlaing nakapëndang
manga alamat'u Mawu ku naung
kalimona nisadia këtābeng bau-
gu tau Yahudi. Taumata apam
ba_rline tau Yahudi e seng nako_a
laesu wadang sëmbau dingang-
u mënënarima sëngkapënarima
apan nikëdon Duata e si Kristus
Yesus.

⁷Mawu Ruata e nëngonggou
alamatë si sia ku kai nako_a
mëlahabaru Injilë. Ia e nakata-
rima alamatë e ualingkeng ka-
wasan Duata pinëkaradiahange si
sia. ⁸Suta_rloaran patiku umat'u
Mawu e ia kakadodokange. Kai-
so kahian tatalëntu u Ruata e,
ia e nighëllirang u halëku mëha-
bar'u Injilë si sire wa_rline tau
Yahudi e maanungkeng kakala i
Kristus e tawë kahëpusange; ⁹di-
ngangu lai tadeau ualingu ia
e tangu këbi taumata e maka-
kasingkau kereapa Mawu Rua-
ta, Nëndiadi dunia ini patiku
e, seng napakariading karakin'E
reng kalamona-mona ilëjirung su

dunia. ¹⁰ Timonan Duata e ute kai tempo ini e boetewen jamaatē kēbī apan maṅumpaedē kawasa su wowon langi e masingkaben sipirang u Ruata mapapia su patiku haghine. ¹¹ Mawu Ruata e mēkēkoḃ kerene tutuhu karakin'E kakalē, kēkoateng e ringangi Kristus Yesus Mawung kite. ¹² Dingangu pangangimang si Kristus ku ualingu nasēmbau dingang'E, i kite e nighēlirangu loahe mētēngkasandigu Mawu Ruata ringangu kasēllahu pangangimang. ¹³ Batu ene, ia e mēdēdorong si kamene, kumbahangbe i kamene ghumēnggang u tatumbiagē si sia ualingu i kamene, batu patiku tamai ene kai waugu mapakapiang kamene.

Kakēndag'i Kristus

¹⁴ Ualingu ene ute ia e nēmulangengke su tēngon Amang. ¹⁵ Kai wō'i Sie apan balagē su sorga dingangu lai su dunia nakatarima u kaka-koḃ e nitani. ¹⁶ Ia e mēkēkaliomaneng małowoko Ruata limembong makēndagē e mapakatoghasu pangangimang i kamene ualingu Rohkē'E. ¹⁷ Małowoko ualingu i kamene maṅgimang si Kristus, ute i Kristus maṅana suralungu naung i kamene, di-

ngangu pēbawiah'i kamene matoghasē ualingu kakēndagē e seng nēbanua. ¹⁸ Ia mēkēkaliomaneng małowoko ringangkeweng kēbī kawanuan Duata, i kamene makasēsui kai kerene karalunge ringangu kanandue ringangu karangē e ringangu kawēnahe kakēndag'i Kristus, ¹⁹ ku dingangu akalū taumata tawe makasēsui karalunge. Karimaḃo i kamene makakiraḃa kakēndag'i Kristus e, takadeḃu i kamene masuku u kapapian Duata.

²⁰ Dingangu kawasan Duata mēngkai mēkēkaradiahang suralungu watangeng i kite, Duata e makakoḃ limembong kakēpaḃe wou apang gēgausang arau tētinnēng i kite. ²¹ Karimaḃo Ruata e mang bēbantughang bou hēnto sarang hēnto suralungu jamaatē, ualingu i Kristus Yesus. Dalo su Ruata wou kakal sarang kakalē! Aming.

Kasasēmbau u wadang

4 Kai ene hakū ia – sēngkatau taumatan tahungku e, maṅatahungku u pētatangkiang Mawu – mēdēdorong sēngapang botonge si kamene; pēbiahe tuhū kaḃaianengu kere sēngkatau seng nikuiangu Ruata. ² Pakasanaḃ bue naung i kame-

ne ringangu pakasasikome ringangu pakananandu naung. Pēnodekong kakēndagu ringangu pētatatulung sēmbau dingangu waline. ³Pētātētehēko ringangu kaḡuwau naung mēbiahē dingangu pēdarame tadeau kasasēmbau ualingu Rohkē Susi e tatapēbe mapapaduḡi. ⁴Kētaeweng badang sēmbau dingangu Rohkē sēmbau. Kerene lai i kamene kēkuiang baugu pēlaharapē man sēmbau e. ⁵Kētaeng sēmbau Mawu e, mang sēmbau pēngangimang mang sēmbau sasahani, ⁶ku mang sēmbau Duata nakoḡ i Amang u patiku taumata. Kai i Sie Mawun saruluang apan munarane tuḡausu kēbi, dingangu kawasa suralungu patiku.

⁷I kite sēngkatau-sēngkatau e nakatarima u ghaghēlli tuhewe kakēpale nighēlli i Kristus. ⁸Suralungu Winohē Susi e kaḡawohē,

”Pia i Sie nētēngkasapua solong marangē e,
i Sie kai nakawawa taumata nitaweng lawo;
dingangu nēngongḡou manga laongḡo su taumata.”

⁹Ho, kereu niḡawera, ”I Sie nētēngkasapua” mangalene i Sie

ku humotonge seng limintu solong tampa kasanakenge su dunia ini. ¹⁰Ku i Sie seng limintu ene ute malaing i Sie nētēngkasapua limembong karangē e wou patiku langi hakiewem patiku saruluang e naloho su rarētane. ¹¹Kai i Sie ”mangongḡou manga laongḡo su taumata”, sēngḡa niḡahengke nakoḡ manga rarolahang, sēngḡa nakoḡ manga nabi; sēngḡa e wue ute nakoḡ mēlahabaru Injilē, dingangkewelai i sire waline ute nihengke e nakoḡ manga meterē dingangu mēmamaduli jamaatē. ¹²Ini e kinoḡ'E tadeau apang kawanuan Duata e niapakasuku e pinakapia tadeau makatangkiang Mawu e ringangu makapēlanging badang i Kristus e. ¹³Ualingu ene ute i kite kēbi nariadi sēmbau ualingu pēngangimang mēsulung dingangu katatahuēnna mēsulung maḡanung Ahusu Ruata. Ku i kite e nakoḡ matatēllang kakadēngue kaḡasukue suralung i Kristus. ¹⁴Tangu i kite e ute waline we wēdang kere mangarariḡo talawuḡo ipēdarerehe ringangu ipēdaruruhu anging tamai ramahi kahian sēllihu haghin tēntiro mēngakalē. I sire kai makapalidē tauma-

ta ualingu pëngangakal'i sire.
15 Kumbahang! Kai i kite e harusëbe mapakalahëu katulidë dingangu raľungu naung napeneu kakëndagë, hakju ene ute suraľungu patiku munara e i kite kakadëngue mang kakasukue kere i Kristus, nakoľ tëmbo i kite e.
16 Kai suraľungu pëngangaha'E, patiku laesu wadang ene e nahundugë mapia, ringangu piľ pëdalähëmpukang e sëmbau dingangu waľine ualingu lenso-range sëmbau-sëmbau. Kuj kereu apan laesu wadange mëmunara tuhewe hinone ute, patiku badange ene sarung tumendang mase matoghasu pëkakakëndagë.

Pëbawiahë buhu suraľung i Kristus

17 Batu ene su arengu Mawu, tangu ia mëbera ringangu u mëdorong ini sëngapam botonge; kumbahang bue sau mëbiahë kere taumata wëgan Duata mëngkate mëdëdalähaghin tinëna ta këhase. **18** Sipirang i sire e seng marëndung. I sire seng tawe makakiraľa pëbawiahë nionggou Mawu Ruata, u i sire mamben tënga-tëngadë tawë

kasingka i sire apa-apa maanun Mawu. Kakoľ i sire kerene ualingu kai runia tëmbo i sire makakëti. **19** I sire semben tawë pëndange mamea lai, hakju i sire mëngkate tutuhuj abuli ringangu mahimatu mawuang.

20 Arawe i Kristus Yesus seng kinasingkateng i kamene e waľinewe kerene! **21** I kamene seng masingka i Sie! Kere tumatolen'E, ute i kamene maľaing seng nitëntiroëng u kakakoľ u Ruata e tëtaghuaneng'E! **22** Batu ene i kamene e pëmpëluakon taumata tëbe ringangu pëbawiahë tëbe seng kakagolange ualingu haghing kapulu makapalidë. **23** Karimako raľungu naung dingangu tinënanu e pakasueko pakatalimbuhu. **24** I kamene pëmpëbiahëko tabidau taumata wuhu niriadi tuhu koľ u Ruata; ringangu tabiete suhinone matulidë dingangu susi.

25 Ualingu ene manga anau sëmbau e pakatatulidëko i kamene sëmbau dingangu waľine. Abe kowe pëmpëkonti, batu i kite e kawe lawobe laesu wadang i Kristus. **26** Kamageng i kamene sawelang u pëdu, ute kumbahangbe mëmpësaľa. Pëdung kamene

piawe kasēdakeng u ěllo, ²⁷tadeau setang tawe makaēba loahē. ²⁸Taumata nanarang mētako e harusēbe mangēdo mētako. Su sēmbēkane i sie harusē mētēngkasaghedē tadeau makahombang pēbawiahe ringangu katulidē dingangu makaambangbe apang kēkawusange. ²⁹Mageng i kamene mēmpēbisara ute, kumbahang mēngkai kaberane wawera maralamuhū. Pianē e mēbēberam bawera makabangung dingangu makaonggou tulumang su taumata waline. Wawera kerene e sarungbe makakarēntan kalauntung su manga taumata apam makađingihē e. ³⁰Kumbahangbe mapakasusan Rohkē u Mawu Ruata Susi e. I kamene seng nilaakun Rohkē, nikoā tataghuanengu Ruata. Rohkē e maļaing nakoā tatiala u ěllong karaliwirē e sarungbe rumēnta waug'i kamene. ³¹Hipeko kalawou kurang u naung, kindore, dingangu pēdu. Kumbahangbe mēngkai mēmpēmansagē dingangu mēngkai mēdarohang. Kumbahang mēngkai lai piā pēndangu pēbawinsi arau pēndang kewe lai waline sihinge. ³²Su sēmbēkane ute, naung i kamene e pakapapialko ringangu pēmpēkakēndagē buē

sēmbau su waline ringangu pēmpēgaghēllikong ampung kerewe lai Mawu Ruata maļaing nēngonggou kalaampung si kamene suralung i Kristus.

Mēbiahē suralungu tualagē

5 I kamene e kai manga anau Mawu Ruata ikēkēndag'E, ualingu ene ute i kamene harusēbe pēmpētawakali tumole kakakoā u Mawu e. ²Pēbawiah'i kamene ute małowoko lohoengu pēkakakēndagē kerewe i Kristus maļaing kimēndag'i kite. I Sie nētēngkaonggou watangeng'E waug'i kite nakoā kere sēmbau sasēmba raļurune mawēngi makaļahimpulu naungu Mawu Ruata e.

³I kamene kai taumatan Duata. Ku pēsasundalē dingangu kakanoā tawe mētatahino, arau anggange tawe hinong kaēbakeng sutaloarang kamene. Kumbahangbe sarang taumata waline piā alasange mēberau i kamene mēmpēkēkoā tamai ene. ⁴Tawe lai hinone i kamene mēbera manga wawera kotorē, beran pēsasundalē arau bawera ta mangalene. Kaiso maļiangbe i kamene makitarimakasē su Mawu Ruata. ⁵Kakēllako pakapapia:

taumata ku mēngkai mēsēsundaļē arau mēngkai piā kakanoā e ta hinone, arau maanggang (piā kakanoā e mēsēsihing e ute mēngkate lai mēsulung u maņēmba lai mahan duata), tangu i sie ene tawe makoā laesu wadang i Kristus dingangu Mawu Ruata e.

⁶ Kumbahangbe i kamene kakaleng u manga wawera tawē gēsine. Batuū kēbi-kēbi ene e makakoā daļangeh'u Mawu Ruata su taumata apan ta tumatuhu si Sie. ⁷ Ku kumbahang mēngkai mēdaļahapi u taumata kere-ne. ⁸ I kamene hala tēngadēbe naung marēndung. Kai arawe orasē ini i kamene semben nariadi umatu Mawu, ku i kamene ene suraļungu tualagē. Uaļingu ene ute i kamene harusēbe pēbiahē suraļungu tualagē. ⁹ U kai wou tualagē ene sumēpu patiku kakanoā mapapia, adilē dingangu matēngadē su kasingkau Ruata. ¹⁰ Pētawakaliko mēnanēsui apa hinong makaļuasē daļungu naungu Mawu kasēllahenge. ¹¹ Kumbahangbe mēkoā kakanoā tawē kēhase kēkoatengu apan sukararēndung. Susēmbēkane ute, i kamene kēbi e pēmpēluako apang kakanoā ene. (¹² Batuū kēbi apang kēkoateng

i sire supēnise ute ipahumbisara e maļaing makamamea.) ¹³ Kēbi apang kēkahinoēngu tualagē e sarung ikasilo maļahē. ¹⁴ Batuū kēbi apang ikasilo maļahē e kai tualagē. Hakiu ene kai piā bawerau,

”Kapuko e, ei kau mētētikie, ringangu pēbangungke wou taļoaran taumata nate.

I Kristus sarungbe sumēnnang si kau.”

¹⁵ Batuū ene pakapapia we kahēngang mēluhudē pēbawiah'i kamene. Ariēbe kere pēbawiahu taumata wodo; kaiso pēbiahēko kere taumata matatahuēna. ¹⁶ Pakēko tempo paka pia-pia suapam piā loahi kamene, watū tempo ini e kai tempo raļakisē. ¹⁷ Abe pētēngkawodong batangeng kaiso pēnēnēsuiiko apang ikēkapulun Mawu.

¹⁸ Ku abe pētēngkiwukang u anggorē, batuū ene kai makasilaka si kamene, kaiso kēngkapenēkon Rohkē Susi e i kamene. ¹⁹ Pēmpēsahandaēkon mazmurē dingangu kakantari daralo ringangu kantari marohkē suraļungu paļahumbisarang kamene. Pakaraļuasēko i kamene mēmpēkantariu kakantari daralo

su Mawu. ²⁰ Pakasauko ringangu su halēwe lain manga apa-apa ute i kamene mang pakatatarimase su Ruata i Amang, su areng i Yesus Kristus Mawung kite.

Pēbawiahu pēsēngkawingang esē dingangu wawine

²¹ Mēdeau makaadatē si Kristus, ute pakasasumēllungko i kamene sēmbau dingangu wawine.

²² Manga wawine, pakasumēllungko su kawing i kamene kerewe su Mawu e. ²³ Watuu manga esē e kai tēmbou wawine e, kerewe lai i Kristus malaing nakoā tēmbou jamaatē, ku i Sie sēsane malaing Datun Salamatē baugu jamaatē ku nakoā badange. ²⁴ Kerewe lai jamaatēe susasumēllung si Kristus kerene lai su patiku munara e manga wawine e harusēbe susasumēllung su kawinge.

²⁵ I kamene manga esē e, kēkēndagēbeng kawing i kamene e, kerewe lai i Kristus kukēndagu jamaatē dingangu nētēngkaonggou watangeng'E waugu jamaatē e. ²⁶ I Kristus nēkoā kerene e tadeau i Sie makapamurēsing jamaatē e ringangu tētiron'E bou akē sa-

hani e, tadeau samurine i Sie makapēnarakangu patiku ene su Ruata. ²⁷ Ringangu ralenge kerene i Kristus e niapararisi u jamaatē mawantugē dingangu tawē sangkuralange su tēngon'E, tawē turā e arau tawē sungkalene apa-apa. ²⁸ Kerene wue lai manga esē e harusē kumēndagu kawinge kerewe lai kumēndagu wadange sēsane. Manga esē kukukēndagu kawinge mangalene i sie kukēndagu watangenge hala e. (²⁹ Taweu sarang sēngkatau tau mata mēbēbinsiu ghēsine sēsane. Kaiso i sie mēpēpaduli ringangu mēdēndiaga kerewe i Kristus malaing mēpēpaduli jamaat'E. ³⁰ I kite masingkau ene, ualingu i kite e kai laesu wadang i Kristus.) ³¹ Suralungu Winohe Susi e kabawohe, "Kai ene hakiu esē e kai mēnēntang i amange ringangu i ninange ku mētēngkatakidē dingangu kawinge ku irēdua e makoā sēmbau." ³² Ayatē ini e piā mangalene maralung. Ku pituaku e tangu alingakai maanung kalahēmpukang i Kristus dingangu jamaatē. ³³ Arawe ayatē ene e malaing piā kalahēmpukange ringang i kamene: Ku i kamene manga esē sēngkatau-

sěngkatau e pasikěndagu kawinge kerewe lai i sie kuměndagu watangenge sěsane ringangu i kamene manga wawine sěngkatau-sěngkatau e kěnangko pětawakali měngadatě kawinge.

Manga rariō dingangu i ninang e

6 Manga rariō! Makoā tuma-tole si Kristus e kai harusě pakatatuhū su ghaghurang i kamene u kai ene harusě koateng i kamene. ²”Pěngadatě si amangu ringangu si ninangu e” kai tita masěllahě bou Mawu Ruata ringangu někědo, ³u: ”Tadeau i kau e maļunsemahě dingangu maumburě su dunia”.

⁴Manga anau sěmbau nakoā kere i amang! Kumbahang bue měkoā manga ana i kamene sarang i sire měmpěbawaluang. Kaiso pėhikingbe si sire ringangu maatorě dingangu těntiroiwen těntiron Mawu.

Mětatangkiang dingangu Mawune

⁵Manga anau sěmbau apan nakoā mětatangkiang! Pakata-

tuhuko su mawung kamene su dunia e. Tětuhukengben dingangu adate mase satia mawunu e ringangu kaļuwau raļungu naung aļingakai kere kakoā i kamene si Kristus sěsane. ⁶Kumbahangbe kětaeng měkoā kerene su tempong i kamene ikěkasilo e tadeau kětau makiralu su taumata. Kaiso i kamene kěngkakoāko kere sěngkatau mětatangkiang si Kristus kapěkěkoāe kapulun Mawu Ruata e ringangu kaļuwau naung. ⁷Munara kěkoateng i kamene kere sěngkatau mětatangkiang e, koākong kamene ringangu karaļuasau naung aļingakai Mawu e tětangkianeng i kamene waļinewe kai kětaeng taumata. ⁸Pětahěndungko u sěngkatau-sěngkatau e waębe i sie ęllang arau taumata waļine ęllang e, sarung makahombang bawalise wou Mawu e baųgu munara mapapia e kinoā e.

⁹Manga anau sěmbau apan nakoā manga mawu! I kamene kěbi e kěngkakoāko kerene su manga ęllang i kamene. Kumbahang měngkai měmēmataku. Pětahěndungko u i kamene ringangu manga ęllang i kamene ene, lawo maņaghurang mawune

sěmbau ku kai Mawu Kasělla-henge ěnnae su sorga. I Sie tawe mēmamile ghati.

Aghidu Ruata nasuku

¹⁰ Samurine ute, i kamene e pakatatoghasěko ualingu kata-toghasě kahombangeng i kamene wou kawasan Mawu, watu i kamene kai nasěmbau dingang'E. ¹¹ Patiku pěseketang nighělli Ruata si kamene, tadeau i kamene makararagě bue rumoka akaļu setang. ¹² Batu i kite e mēsěseke balinewe rudoka tau-mata, kaiso kawe rudoka patiku kuantu setang e ku mēngęngawasa tempo ralakisě ini e. I kite e kai rudoka kaławou kuantu rohkě dalakisě nękawasa huangu winangaeng. ¹³ Ualingu ene ute ini e pęmpępakekom patiku apaliwuu pęseketang'u Ruata, tadeau su ęllo ralakisě e i kamene e makaumalę bue mēmata kaławou seke e. Dingangu tadeau sarangke i kamene mękulęte makaratingu pęhępusange ute, i kamene mamben tębe matoghassě.

¹⁴ Pakaralukadę bue i kamene. Pępapęgongkong kasasatia su Mawu Ruata e i kamene ta-

bidaem papehe, dingangu pęlu-hengkong katulidę e kere pakeang i kamene uase. ¹⁵ Pakakęhagě bue i kamene męhabaru Injilę e makawawa karalunsemahę si kamene makoę kere sapatung kamene. ¹⁶ Mase męngkai sęntinia tempo e pęmpępakeem pęngangimang su Mawu Ruata e kere aghidę ipęnęnighe; ringangu pęngangimang ene e makapęnębu horom papiti pię putunge wo'i ralakisě e. ¹⁷ Daekoko kasasalamatę e koę kere sakapeti^a waja, ringangu hengetangu Mawu e koę kere aghidę bou Rohkě Susi e. ¹⁸ Koęko patiku ene e kapękaliomanenge męgęgausě tuļumang bou Ruata. Tinia apaewen pię loahe, ute pęmpękaliomanengko keręewe laahau Rohkě Susi e si kamene. Pakarariaga bue i kamene ringangu pakakakędang bue. Pakasau wue mękaliomaneng baugu patiku kawanuan Duata. ¹⁹ Mase lai pękaliomanengbe waugu ia, tadeau su tempong ia mębisara ute ia ongotangbem Mawu e wawera mętatalahino. Dingangu tadeau ia e wahani makapęhabaru lęlirung^b u Injilę e. ²⁰ Ualingu Injilę ene e ia nakoę sęngkatau

^a sapeo = cepiau, topi ^b rahasia

6:9: Pang. 10:17, Kol. 3:25, 4:1 6:14: Yes. 11:5, 59:17 6:15: Yes. 52:7
6:17: Yes. 59:17

rarolohang ku orasë ini e matatahungku. Pëkaliomanengko waugu ia e tadeau wahani mahumbisaran Injilë e, kerewe hinone ia makapëbisara.

Adatë pëngënsueënge

²¹I Tikhikus, anau sëmbau i kite dingangu mëtatangkiang sattia suralungu Mawu e, sarung mapakasingkau patiku kakakoaku e si kamene, tadeau i kamene makakasingkau ia dingangu munaraku. ²²Kai ene hakju ia nëndoloh'i sie si kamene pëlëhabaru kakakoau i kami si kamene këbi,

tadeau mapakasarian naung i kamene.

²³Milumbako Ruata i Amang, dingangu Mawu Yesus Kristus mapakasëmbau u patiku jamaatë dingangu mëkakakëndagë dingangu tapë mangimang si Kristus.

²⁴Malumbako Ruata e mëngalamatë si kamene këbi kukëndaggu Mawung kite i Yesus Kristus dingangu kakëndagë tawe lumædusë.

Adat'i kami,
Paulus

SURAT'I PAULUS
SU JAMAAT'U
FILIPPI

DARUMATINGE

Jamaat su Filipi kai jamaatë kahumotongange ku nirarişi i Paulus su Eropa. Soan Filipi kai kapapëllö su Makedonia su propinsi karatuaru Roma. *Surat'i Paulus Su Jamaat'u Filipi* ini niwohe su tempon Paulus suralungu tahungku. Naunge su tempo ene taghawahë ualingu pia manga mëlahaļë u jamaatë dudoka si sie. Nětatapengko lai ualingu suralungu jamaat'u Filipi e pia taumata mēmpanëntiro tëntiro makapalidë. Kai manieng kerene, surat'i Paulus ini e pia tonte u raļuasë dingangu napene u pëlaharapë. Kawe unue kerene? Taweu waline këtang ualingu i Paulus mangimang kahëngang si Kristus.

I Paulus nēmohëu surate ini ualingu kahumotong-motongange i sie mapulu makitarimakase su jamaat'u Filipi su ghaghëlli ku seng kinatarima e woi sire su tempon i sie su kasasigësa. Dingangu suralungu loahe ini lai i sie lüenningu mëgëlli wawahansang si sire tadeau i sire wahani ringangu matahang suralungu tumatëngo kasasigësa. I sie mëdëdorong dingangu sëngapam botonge tadeau i sire mëtëngkasana u naung kere Mawu Yesus dingangu tawe nipëkawasangu naung marange dingangu mënënaung batangeng hala. I sie mapëtëtahëndung i sire u këtang ualingu tatalëntu u Mawu Ruata samatang, Mawu Ruata napakasëmbau i sire ringangi Kristus ualingu pangangimang i sire si Sie, waline ualingu i sire maindunu mëndalengu manga tundung agama ku nitantu suralungu torat'u Yahudi. Bøu e i Paulus maļaing namohë haļëu parahūuasë dingangu karalunsemahë ku niongo u Ruata su taumata apan mëbëbiahë nasëmbau dingangi Kristus.

Pëkiralaëngu suratë ini ute mațumang su parahuluasë, katatoghassu rałungu naung, kassasëmbau, dingangu kakakëhagu tau Sahani surałungu mëtëahutëndau pangangimang su Mawu Yesus Kristus dingangu surarałungu pëbawiahu taumatan Sahani. Suratë ini e małaing mëlëlahëu kereapa kakëndag'i Paulus su jamaat'u Filipi e.

Lohone

Panëtëakenge	1:1-11
Kakakoã i Paulus sësane	1:12-26
Pëbawiahu tau Sahani	1:27-2:18
Ołang baugi Timotius dingangi Epafroditus	2:19-30
Tatumbałung kereu tumatëngom manga roka bou likude ringangu wo'u rałunge	3:1-4:9
I Paulus dingangu manga hapi e su Filipi	4:10-20
Kakunsi e	4:21-23



Soan Filipi (1:1)

1 Manga anaṅu sēmbau daḷo-
hon jamaat'u Mawu pa-
tikū maṭanaṅ su Filipi, ku seng
nasēmbau dingangi Kristus Ye-
sus. Kerene lai manga anaṅu sēm-
bau pangahaṅ dingangkewen mē-
tatangkiang jamaatē!

Ia i Paulus, dingangkewen i
Timotius, manga ěllang i Kris-
tus Yesus, ²mēlēharapē maḷowō-
ko Ruata i Amang i kiteṅ di-
ngangu Mawu Yesus Kristus
mangonggou alamatē dingangu
karaḷunsemahē si kamene.

Kaliomaneng i Paulus baṅgu jamaatē

³Kasaṅewen ia mētētahēn-
dung si kamene, ia makitarima-
kase su Ruata. ⁴Dingangu masau
su sulene ia mēkēkaliomaneng
baṅg'i kamene kēbi, ia mēkē-
kaliomaneng dingangu karaḷua-

su naung. ⁵Ia makitarimakase su
Ruata uaḷingu reng dokeng bou
ěllo humotong sarang orasē ini, i
kamene seng nētulungu ia nange-
keng Injilē bou Ruata. ⁶Duata
sēsane nanētāu haḷē mapia ene
si kamene, dingangu ia mangia-
kingu i Sie sarung manēpasu
haḷē ene sarāewen masue su ěl-
lon Kristus Yesus dumēnta kapia.
⁷I kamene mēngkate hanesē e-
ne su naungku. Mang kahēngang
su tampa e wue ia pia pēn-
dangku kerene si kamene. Batu
i kamene kēbi seng sēngkapana-
rimaṅ dingangu, laonggo u Mawu
Ruata ku seng nionggō sia, baē
su tempo ini ia e ěndaung su-
raḷungu tahungku baēbe su tem-
pon ia su ḷikude waṅgu tumata-
wang dingangu mētahutēndau In-
jilē ene. ⁸Duata e masingka, u ia
mambeng dudareṅ si kamene di-

ngangu pëndangu kakëndagu Mawu Yesus Kristus sēsane.

⁹Kai ini e kakaliomanengku waug'i kamene: karimako i kamene mahuntinamba kumëndagu Ruata ore lai kasandigangu ringangu mēngkai maṭamba suraḷungu kasingka kahēngang dingangu matatahuēna. ¹⁰Dingangu kerene i kamene masingka mēmile apang kapiaēnge, takadeau i kamene sarung mawurēsi wou karalaḷi arau haghin laēnsilē, su ēllon Kristus dumēnta kapia. ¹¹Pēbawiah'i kamene sarung mēdalembon kakanoa mapapia kahēngang ku kēṭaeng niuaḷi woi Yesus Kristus sēsane; tangu Ruata sarung iapakawantugē dingangu rēdaloēng.

Pēbawiahē baug'i Kristus

¹²Ia e mapulu i kamene masingka u apang ku seng nariadi si sia, kai nakakalaḷawo taumata rimaringihē dingangu nangimangu Injilē ene. ¹³Kasueēnge, kēbi mēndariaga istana ringangu taumata waline su soa ene masingka u ia nitahungku ualingu ia e mētētangkiang si Kristus. ¹⁴Dingangu pananahungku sia e kai nakapangēlembon pangangiakingu tau Sahani kaḷawokange

su soa ini su Mawu, nakapahuntinamban bahanine mēhabaru titan Mawu tawē goē e.

¹⁵Tēngadē pia pirang katau wou taḷoaran sire ku mēlēhabar'i Kristus ualingu panananoi ringangu mapulu mēsitori, arawe sēngga e wue ute mēlēhabarēbeng Kristus su katulide. ¹⁶I sire ini mēkēkoā kerene ualingu i sire kukëndagu Ruata ringangu ia, batu i sire masingka u Ruata seng nangonggo u halē sia bau gu mēlahē u Injilē e kahēngang. ¹⁷Arawe sēngga e wue mēlēhabar'i Kristus e pia timonane raḷai; i sire mēlēhabarē e waugu pandangang i sire hala. Ualingu ene i sire mēlēharapē u maka koā sia limembong kasigēsa e suraḷungu tahungku.

¹⁸Kaiso tawe mēkapura! Batu maning kereapa, baē ene nikoā dingangu timonane mapia, baewe lai su timonane ku nēsala, kaiso i Kristus mang ipēdaḷahabarē lai; ku ia e maḷuasē. Dingangu ia e tatapē mēpēpēndang kerene, ¹⁹batu ia masingka u kahiaewen kakaliomaneng i kamene ringangkewelain ontoḷu Rohkē u Mawu Yesus Kristus e, ia e iapakaliwirē. ²⁰Nēngalembowe lai taku ilēnning dingangu lēhara-

penge kai tadeakengu mambeng kumbahang iā kawē tā kēhase su munaraku e. Su sēmbēkane iā mēlēharapē tadeau apan tempo e, nēngalembō e su orasē ini, iā mētētumbahani ringangu kaguwau kuatēku – bae iā biahē arau iā mate – i Kristus iapakawantugē. ²¹ Ualingu si siā, timonan biahēku kētaeng i Kristus! Ku papate kai untung. ²² Kai kereu ringangu pēbawiahē su dunia ini, iā makakoā munara ku limembon piā mangalene, ute iā bēga wue sude hinon taku pileng. ²³ Iā wēbolengang^a bōu ruam bēka. Iā mēmēning kahēngang manētangu dunia ini tadeau tamai mētana dingangi Kristus, kai ene e limembong kapiane; ²⁴ kai waugu pandungangu ute kai limembom mapia kereu iā tatapē mațana su dunia. ²⁵ Iā mangiaking u halē ene. Kai ene hakju iā masingka u iā matatapē matana dingangi kamene kēbi, tadeau makapētulung si kamene mariadi nēngalembong kakuate ringangu mahuntinambang kaluase suralungu pangangimang su Mawu. ²⁶ Ualingu ene, kereu iā sarung mēsule su anung kamene, ute i kamene apan seng

nasēmbau dingangi Kristus Yesus e sarung piabe limembong kalawō e lai kakakoaku mēdeau lumesa u watangengku.

²⁷ Ho! Kapiange orasē ini e pēbawiah'i kamene seng sēndalengu kapulun Injilē maanun Yesus Kristus ene. Mageng kereu mēnsang iā makapēsombang dingangi kamene arau tala, iā makaringihē bue u i kamene matoghasē su kasasēmbau dingangu sēngkapētawakali sēmatang, bau gu timona ringangu ēnning sēmbau bau gu pangangimang mētakaewen dingangu Injilē bōu Mawu Ruata. ²⁸ Karimako i kamene sēntiniā mang bawahani ku abe kēngkataku mētēngong kalawōu rumaroka si kamene. Ene kai kere ipēlēlahe u i sire kai sarung ikawata, ku i kamene sarung makauntung, ualingu kai Ruata sēsane mēgēlliu kalauuntung ene si kamene. ²⁹ Batu Ruata e seng nangonggōu tatalēntue si kamene baline kētaeng bau gu mangimang si Kristus, kaiso lai waugu mētēngkasunsara waug'i Kristus. ³⁰ Ini e i kamene lai tumolē si siā suralungu pēsasekē mēsulung; mangalene ute kai pēsasekē naung seng bōu nikasi-

^a sēsahēsekang = ditarik

long kamene taku ipēsēseke kalimona, ringangu mēngkai wēdan taku ipēsēseke sarang orasē ini, kerēwe kinaringih'i kamene orasē ini.

Pētātēngkasana dingangu pētātēngkasēllah'i Kristus

2 I kamene matoghasē, ualingu i kamene nasēmbau dingangu i Kristus. Dingangu i kamene maħiborē ualingu i Kristus kimēndag'i kamene! I kamene niaħau Rohkē u Mawu ringangu i kamene lai mēkēkakēndagē tapengu mētētatalēntu sēngkatau su wałine. **2** Ho! kēnangko i kamene kahēnga-hēngang makałuasē naungku su manga hałē ini: Pēbiahēko sēngkanaung dingangu lawo mēkakēndagē dingangu timona mēsulung. **3** Abe pēmpēkoħ manga apa ualingu sēsahēsekangu pandungangu watangeng hala, arau makapangobotu watangeng. Su sēmbēkane karimaħo i kamene sēngkatau-sēngkatau ringangu kasana u naung mangēnna u taumata wałine limembom mapia wou watangeng. **4** Kakēllako pandungangu taumata wałine; a-

be kētaeng pandungangu watangeng. **5** Karimaħo i kamene pia kanaunge kere Mawu Yesus Kristus.

- 6** Tumuhu hinone i Sie mēsulungu Mawu Ruata, kai i Sie tawe nakapēndangu kakakoħ e marohkē ene hinong tahutēndakeng'E.
- 7** Su sēmbēkane, i Sie mamēllo u kēbi mase makoħ mēsulungu sēngkatau ēllang. I Sie nakoħ kere taumata ku kēllaēng biahē bue mēsulungu taumata.
- 8** I Sie nētēngkasana u watangeng'E ku mēbēbiahē satia su Mawu Ruata sarang napohong – su kalu kuruisē.
- 9** Kai ualingu ene haħiu Ruata nēhengkē i Sie niapakarange-dange, dingangkewen nēgēlli u kawasa si Sie limembowou patiku kawasa wałine.
- 10** Tangu waugu mangadatē Mawu Yesus, kēbi diadikang su Sorga ringangu su dunia,

dingangkewe lai su alungu
dunia sarung mēsuba si
Sie.

- 11 I sire kēbi sarung mangaku u
Yesus Kristus e kai Mawu;
ku kamageng kerene Ruata
i Amang niwantugang.

Sumēnang mēsulungu
tualagē ku manualagē dunia

12 Batu ene, manga ana
sēmbau ku ikēkendagē, kereapæ-
wen i kamene hanesē susasumēl-
lung si sia su tempon ia e-
ne sutaloarang kamene, tangu
limemboewe orasē ini seng nē-
gagheange, małowoko i kamene
mēngkai sumasumēllung si sia.
I kamene seng niapakasalamat'u
Ruata, ku pētawakaliko turusē
tadeau karalunsemahu e masuku.
Koako ene ringangu adatē ore
lai tatuhu su Ruata, 13 ualingu
Ruata sēsane nēkaradiahang su-
ralungu watangeng i kamene mē-
deau i kamene mapulu ringangu
makaluasē naungu Ruata.

14 Halēkeko kēbi sabarang di-
ngangu tawē karubu e arau sito-
rine. 15-16 Pēkako i kamene ke-
rene ute mēnēnode u i kame-
ne kai manga ana u Ruata ku
tawe turæ, ku mēbēbiahē di-

ngangu katulidē ore lai katēngadē
sutaloaran taumata raralai di-
ngangu mararosa. Ku su tem-
pong i kamene mēhabarē si sire
habarē makaonggo u pēbawiahē,
ute małowoko i kamene makoā
kere tualagē si sire simēnang
nannualagē dunia e. Kamageng i
kamene mēbiahē kerene ute, hē-
dowe piā banggile si sia bau-
gu makapēndang lumuasi kamene
su tempon Mawu Yesus Kristus
dumēnta kapia. Ene tiahane u
munaraku e tawe magholo kaiso
piābe kēhase.

17 Aramanung ia sarung pa-
teēng ku dahaku makoā sasēmba
su wowong apa nipanēmbang ka-
mene su Ruata makoā tatiala u i
kamene mangimang si Sie. Kereu
mang harusē kerene, ia e maki-
tarimakasē su halē ene ringangu
sēngkapahuļuasē dingangi kame-
ne. 18 Kerene lai, małowoko i ka-
mene malaing makitarimakasē di-
ngangu sēngkapahuļuasē dingang-
ku.

Timotius dingangi
Epafroditus

19 Ia mangimang u kai ri-
ngangu tulumangu Mawu Yesus,
ia e ligha nakapēndoloh'i Timo-

tius so_long anung kamene, tadea_u ia e mahibore_u ualingu habare_u maanung kamene. ²⁰Ketaeng i Timotius e kakesa e taumata sengkanaungu ia, dingangu tēnga-tēngadē mētētinnang kapiang kamene. ²¹Kēbi e lai waline ketaeng mēsēsēmpī halē u watangeng hala, waline_we wau_gu pandangangu Mawu Yesus Kristus. ²²I kamene seng nakasilo tialane u i Timotius mamben nēbaraguna. I sie seng nētēngkasaghedē dingangu baugu pēlahabar'u Injilu Mawu. I kandua e mēsulungu ana_u dingangu iamange. ²³Batu_u ene, lēpase_weng ia nakakasingka u kereapa ralengu halēku e sarung maghanapē, ute ia sarung mēndoloh'i sie so_long anung kamene. ²⁴Ia mangimang kai ringangu tu_lumangu Mawu e, ia sēsaku e tawē kadēngue lai sarung mētiwo si kamene.

²⁵Mihino su ana_u u sēmbau i kite_u i Epafroditus ku seng niroloh'i kamene baugu iapētulung sia, ia mēpēndangu mambeng hinone mēndoloh'i sie pēba_li anung kamene. I sie seng timaking Sia suralungu munara ringangu pēkakarādiahangku e. ²⁶I sie ru_dare_u i kamene manga ana_u sēmbau kēbi dingangu i sie mēngkate

su kaghaghēngganeng u i kamene seng nakahombang habare_u u i sie masaki. ²⁷Mang kahēngang i sie masaki hak_iu marani mate. Kai Ruata e timalēntu i sie; ku baline keta_u si sie, kaiso si sia_u lai, tadea_u kumbahang ia e tuman_iu nēngalembo masusa lai. ²⁸Kai ene hak_iu mangkeng kakasariane lai ēnningku mēde_uau mēndolohi sie pēba_li so_long anung kamene, tadea_u i kamene sarung lai mahuluasē kapia kereu i kamene mēsombang dingang_e, ku naungku e ma_laing ma_lenehē. ²⁹Tang_u, pēmp_anarimakon sie ringangu kara_luas_u naung kere sēngkatau ana_u sēmbau tamba pangangimang. Pēngarēgawen patiku taumata kere i sie. ³⁰Baugu pandangangu munarang Kristus, i sie maraning lai mate; i sie nēnarakangu niawane baugu mētulungu ia su arengi kamene.

Katēngadē patutune

3 Pangēsueēnge, manga ana_u sēmbauku, ma_lowoko i kamene mahuluasē ualingu i kamene seng nasēmbau dingangu Mawu. Ia tawe nakapēndang mawēha_u baugu mēlukau apang ku seng taku niwohe_u si kamene ka_lamona; baugu halē ene mapia waugu kasasalamat'i kamene. ²Pakata-

teghang bue su taumata apam mēkēkoā daralaki, taumata ku hinone isēba asu. I sire mānihasa tadeau taumata isunatē. ³Sēmbaliau i kite e taumata seng nanarima u sunatē kahēngang, balinewe i sire. I kite mānēmba Ruata e kai ualingu laaha u Rohkē u Mawu sēsane, dingangu i kite makitarimakasē ualingu i kite mēbēbiahē nasēmbau dingangi Kristus Yesus. I kite tawe gumaghalē^b su manga pēkakakomolē ku tutuhu gēsi. ⁴Su hinone ia botonge gumaghalē su manga komolang ene. Kai kereu pia pēsengkatau makapēndangu i sie pia ai e waugu ghumaghalē su komolang ku tutuhu gēsi, ute ia nēngalembo e lai. ⁵Ia nisunatē tempon umurēku ualu ēllo. Ia kinawantelē kere sēngkatau tau Israelē bou hiten Benjamin; ia e tau Ibrani tutune. Suralungu sumasumēllung su torat'u agaman Yahudi, ute ia kai nasowa sēngkatau ralohong komolang Farisi e. ⁶Salā anune ia e kai limembong giange hakiu ia e nanumbiagē jamaatē. Kereu tinganeng bou kēhiu torat'u agaman Yahudi ute ia e taumatawe mapia, tawe kasēngkulang.^c ⁷Kai ualingu i

Kristus, tangu kēbi apang naung kalamona taku lēnnaēngu kai untung, ini e taku nirekeng dugi. ⁸Balinewe kētau manga halē tamai ene; kaiso patiku sabarang ku taku lēnaēnge kētaewen makadugi. Ku taku tētaghuaneng tempo ini e kai nēngalempong maarēga: ute kai makakirala si Yesus Kristus, Mawuku. Ualingu i Kristus tangu ia seng namēllo u kēbi-kēbi e. Taku lēnnaēng kēbi ene kai kētaeng kere onasē tadeau ia botonge makahombang si Kristus, ⁹dingangu kahēnga-hēngang na sēmbau dingangi Sie. Pēkakauhē mapia ringangu Ruata e balinewe ualingu kakanoaku hala su halē u tatuhu torat'u agama. Orasē ini e ia kai pia pēkakauhē ku mapia ringangu Ruata, ualingu ia māngimang su Mawu Yesus Kristus. Ku pēkakauhē mapia ene rarētane kai wou Ruata ringangu wou pangangimang su Mawu Yesus Kristus. ¹⁰Kakēsā-kēsā e taku ilēnning ute kai tadeau ia makakirala si Kristus, dingangu makahombang kawasam pēawangung'E wou papaten'E. Ia

^b bergantung ^c turae = celanya

mēmēningu sēngkapētatahang dingang'E kṽ makoṽ mēsulungu i Sie suralungu papaten'E. ¹¹ Kṽ iṽ e mēlēharapē u iṽ sēsaku sarung ipēbiahē kapia wou papate.

Tumalang mēndingkau timonane

¹² Iṽ e tawe nēbera u iṽ seng nakaringkau ene arau seng nasuku. Kaiso iṽ mangkewen mētētātētehē sarang makaala laonggo kṽ nisadiang Kristus Yesus. Kai waugu ene i Sie seng nakaala sia kṽ nakoṽ tataghuanenge. ¹³ Nalahē manga anau sēmbau, iṽ tumuhu hinone tawe nakapēndangu iṽ kawe seng nakaala pēreisē ene. Kaiso kai piṽ sēmbau kṽ hinon takṽ koateng, mangalene iṽ mētimbuleng apang su li kudēku, ringangu mētētātētehē sēngapam botonge mēndingkau apam su tēngo. ¹⁴ Kai ene hakṽ iṽ mēngkai tūtalang mētētimo-na timona pangēsueēnge mēdeṽ makahombang kalauntung, mangalene pēbawiahē suralungu sorga; kṽ baugu ene e Ruata kimi si kiteṽ limiung Kristus Yesus.

¹⁵ I kiteṽ kēbi kṽ seng matēlang tuhu marohkē, ute hinong

piṽ pēndangu naung kerene. Kai kereu sutaloarang kamene kawe piṽ pēndangu naung baline, tangu Ruata e sarung lai mēlahē si kamene. ¹⁶ Kaiso halē ini karimako nēnaungang: i kiteṽ e harusē tatapē mēbēbiahē tumole atorē kṽ seng kinatoleēng i kiteṽ sarang orasē ini.

¹⁷ Manga anau sēmbau kēbi! Pēmpētēnoko si sia. I kami seng nēgēlliu pētātēnoēng kahēngang, ualingu ene pēmpēnaungke kapia isai-saing kṽ mēmpētētēno kakakoṽ i kami e. ¹⁸ Iṽ e seng masau su sulene mauli si kame-ne, dingangu ini e iṽ sau mēndahisē kapia ringangu sasangi, u kai lawo taumata kṽ pēbawiahe mēgēnggoghahē mangalen papateng Kristus su kuruisē. ¹⁹ Pēbawiahu taumata kerene kasueēnge ute kawawinasa, batu mahang duatan sire e kai kapulung gēsinsire hala. Manga halē makamea e, sēmatangkewen ilēlansi i sire; batu i sire mēngkate tumbau mētētinnang kalawou apam mētētatahinon dunia ini. ²⁰ Ara-we i kiteṽ ute kai kawanuan sorga. Kṽ kai wou ene lai Datu Mananalamatē si kiteṽ e, Mawu Yesus Kristus kṽ sarung dumēnta. I Sie

^d lēampaleng = ditunggu

3:17: 1Kor. 4:16, 11:1

ete sěntinią lęantiwang.^d ²¹Badang i kite e lome ringangu mahene ini e sarung iwalui kahiang Kristus makoą męsulungu wadange hala ku mawantugę. I Sie makakoą ene ualingu i Sie managhuang kawasa waugu mapasasumęllungu patiku sabarang.

Sasasa

4 Batu ene, manga anau sęmbau ku ikękęndagę, ku malowoko pębawiah'i kamene tęnga-tęngadę mangimang su Mawu. Naungku e rudarea i kamene! Kai seng i kamene ilęliagęku ringangu makaľuasę si sia.

²Baugu manga wawine i Euodia ringangu i Sintike! Ia mędędorong sęngapam botonge tadeau i rua sęngkanaung bue kere taumata tamba pangangimang. ³Su manga ringanku apan satia, ia mędorong lai tadeau i kamene mętulung i rędua wawine ene. I rędua seng nęmpęmunara masęgadę baugu męhabar'u Injilu Mawu Ruata; męsulung i Klemen dingangu kalawou taumata waline apang sęngkapęmunara ringanku. Manga areng i sire ene suralungu Bukę u Taumata Wiahę.

⁴Karimako i kamene hanesę maľuľuasę ualingu i kamene seng mębębiahę nasęmbau dingangu

Mawu. Sęnsuleko lai ia mębera: Pahuluasęko!

⁵Karimako kębi taumata e makasilo kakanoą i kamene apan naunge mapia. Batu Mawu e tawę kadęngę lai sarung dumęnta. ⁶Abeko ghęnggangu apa. Suralungu patiku halę, pęmpękaliomaneng dingangu pęhabarękon dorong i kamene su Ruata. Apang gęgausang i kamene e męngkai pakasaun habare su Mawu Ruata apidu makitarimakasę. ⁷Tangu karalunsemahę bou Ruata ku tawe ikatinęnnan taumata e sarung manęntanudę dalungu naung dingangu tinęnnang kamene apan seng nasęmbau dingangi Kristus Yesus.

⁸Kasueęnge, manga anau sęmbau nęnaungęngkong kamene kalawou halę maľaaręga ku hinong daloęng, mangalene ute patiku munarang katulidę. ⁹Koako apan seng nięndungang i kamene ringangu nikatarima bou ia; baę bou manga wawera arau lai wou manga kakanoaku. Mawu Ruata puęngu pędarame, sarung mahundingang i kamene.

Baweran tatarimakasę

¹⁰Suralungu pębawiahęku ku seng nasęmbau dingangu Mawu e, ia e maľuasę kahęngang, batu

u saraeng seng kereeng karēngue ini pia e loahe kapia mētētīnēnam batangengku. Timonaku balinewe tadeau i kamene seng niwuleng ia; i kamene mambeng mēnēnaung sia, kaiso i kamene tawe makaēba loahe waugu manode u ene. ¹¹Ia mēbēberang ini balinewe ualingu ia e kai kinakawusange, batu ia sēmben nangēndung mēngkate maľuas apang sembang pia e. ¹²Ia e sembang bou nihombangengu kasasam biahē, dingangkewelain mēdēdalembō. Ia seng masingka u rahasiāne waugu tumatēngo kakakoā e balaewe mēnsang kerea; baē su tempom mēdēdalembō, arau kasiang, baē su tempom maľhēmpaliu, kurai kēkawusange. ¹³Ualingkeng kawasa ku seng nighēlli i Kristus si sia, ute ia e matoghasē tumatēngo haghimpatiku.

¹⁴Arawe i kamene seng nētulungu ia suralungu kasasusaku; ku apang kēkoateng i kamene e mambeng mapia. ¹⁵Manga anaū sēmbau tau Filipi! I kamene hala masingka kahēngang u pia ia nanētangu Makedonia kalāmona, su tempon Injilē ene taku nihabarē kahumotongange,

i kamene kakēsa-kēsa e nakatemang untunge ringangu dugine ringangkewen ia. ¹⁶Pia ia su Tesalonika ku mēgēgausē tatalung, seng limembo wou sēnsule i kamene nēmpēndohong tatalung si sia e. ¹⁷Ene walinewe mangalēne ia kētau mapulu manarima laonggo. Kapuluku e ute kai tadeau ia makasilo manga ualine ku makakatambawe kalāuntung i kamene. ¹⁸Ia seng nanarima u kēbi e – sarang katewe limembo wou kasasuku e! Kēbi apan laonggo ku nirohon kamene si sia, seng taku kinatarima bou i Epafroditus. Ini ia seng nakaēba. Kēbi apaewen taku gēgausang kalawou ghaghēlli boi kamene ene kai kere daluru mawēngi wou sasēmba ku nisēmba su Ruata ku nitarima u Ruata ringangu naung maľuasē. ¹⁹Mawu Ruata ku taku sēsēmbaēng, ute kai mēdēdalembong kakala e suralungi Kristus Yesus, sarung manuku kēbi apang gēgausang i kamene. ²⁰Dalo su Ruata i Amangi kite sarang marēngu-dēngu. Aming.

Adatē pēngēsueēnge

²¹Bunaکو adatēku su kēbi apang kawanuan Duata ku nasēm-

bau dingangi Kristus Yesus. Dingangu tarimaḵo lai adatę bōu manga anaḷu sęmbau ku ęndaung dinganku sini. ²² Kębi kawanuan Duata su soa ini, kahumoto-
ngange i sire su istanang Kaisarę, nęndohon adatę si kamene.

²³ Karimaḵo Mawu Yesus Kristus mangalamatę si kamene kębi.

Adat'i kami,
Paulus dingangi Timotius

SURATI PAULUS
SU JAMAAT'U
KOLOSE

DARUMATINGE

Kolose kai sēmbau kudato su wanuag Asia kadiō, su sēmbēkan daki wou kudatong Efesus. Balinewe i Paulus napararisi u jamaatē su Kolose ini e, kaiso piā i sie nēndolohu mēmamunara wou Efesus, kasēllahengu kudatong propinsi sēmbau bahageangu Roma su Asia kadiō, i sie makapēndangbe hinong mapakasombou jamaat' u Kolose. I Paulus seng nakatarima u habarē u suralungu jamaatē ene kai piā manga mananēntiro, ku mēnēnēntiron tēntiro makapaḷidē. Manga mananēntiro ene mētētungkētī u mēdeau mēkirala Mawu Ruata ringangu mēdeau makahombang kasasalamatē nasuku e, ute taumata e harusē manēmba manga "rohkē mēngangawasa ringangu mēpēparenta patiku dunia". Su sēmbēkane ene e, unguēngu manga mananēntiro ene e, taumata e harusēbe lai makēhagē tumuhu atorangu sunatē, pēline ringangu apa lai waḷine.

Surati Paulus Su Jamaatē su Kolose ini e niwohe tadeau mēlahēu tēntiron Sahani tutune e ringangu lumawang kēbi tēntiro nēsala nitēntirong manga mananēntiro kakontiang ene. Gēsīn suratē ini e kai maḷiū i Yesus Kristus mamben tēnga-tēngadē makaonggo u kasasalamatē nasuku dingangu mangawelai tēntiro waḷine e kētaewen makakaraun taumata e woi Kristus. Bōi Kristus e, Duata e napakaria-din dunia ini, dingangu woi Kristus e Ruata maḷaing mapakasalamatē. Kētaeng uaḷingu kasasēmbau dingangi Kristus e, dunia e maḅaghuanḅ daluasu sarung makahombang kasasalamatē. Tuhē lai ute i Paulus e nēlēkahu pēdalāhēmpukangu tēntiro mawantugē e ringangu pēbawiahu taumatan Sahani e.

Hinongbe lai ipakasingka sini, u i Tikhikus – e nēbawa suratē ini sarang Kolose waugi Paulus – e ringaneng i Onesimus, mētatangkiang ku nirolohi Paulus apēbēbaļi soļong anun mawune e, kai naung i Filemon, sēngkatau raļohon jamaat'u Kolose.

Lohone

Panētakenge	1:1-8
Kakakoā dingangu raļēta i Kristus	1:9-2:19
Pēbawiahē buhu ku kinahombangengu taumatan Sahani	2:20-4:6
Kakunsi e	4:7-18

1 ¹⁻²Manga anaṅ sēmbau daḷo-
hon jamaat'u Mawu su Ko-
lose ku satia su pēkakauhē di-
ngangi Kristus!

Kere sēngkatau rarolohang i
Kristus Yesus, – kahiang kapu-
lun Mawu Ruata e – ia ni-
hengke sēngkakahengke dingangu
anaṅ sēmbau i kite i Timotius,
mēlēharapu maḷumbako Ruata i
Amang kite e mēngonggou ala-
matē dingangu karalunsemahē si
kite kēbi.

Kakaliomaneng tatarimakasē

³⁻⁴I kami seng nakaringihē
u i kamene maṅgimang su Ma-
wu Yesus Kristus dingangu i
kamene kumēndagu patiku daḷo-
hon jamaatē. Kai ene hakū su
tempong i kami mēkēkalioma-
neng baugi kamene, i kandua
e mēngkate hanesē makitarima-
kasē su Ruata, i Amang u Ma-
wung kite i Yesus Kristus. ⁵I
kamene maṅgimang dingangu i
kamene kukēndagē, u i kamene
mēkēkarimang u apan nisadian
Duata su sorga waugi kamene.
⁶Habaru Mawu Ruata e nasa-
wuhē su kasēllahu dunia e ma-
se pēbawiahu taumata e sēntinia
lēḷamatengu habarē ene, kere-
we lai naung pēbawiahu nialama-

teng pia i kamene nakaringihē
halē u tatalēntu u Mawu Rua-
ta e ku kahēnga-hēngang na-
kaēna. ⁷Halē ene ipēpauli si ka-
mene kinahian Epafras, dingang
i kamie ikēkēndagē. I sie kai
taumatam munarang Kristus sa-
tia mēmēmunara e waugu pan-
dungang i kite. ⁸Kai woi sie a-
sale i kami e makadingihē u kai
kawasan Rohkē Susie i kamene
makakoḷa mēkakakēndagē.

⁹Kai ene hakū i kan-
dua mēngkai hanesē mēkēkalioma-
neng baugi kamene nanētaewe
rokeng bou ēllo i kandua naka-
ringihē habaru maḷi i kamene. I
kandua mēkēkaliomaneng su Ma-
wu Ruata e maḷowoko Rohkē
Susi e mēngonggou kasingka di-
ngangu katatahuēna masuku si
kamene kai apa e kapulun Ma-
wu Ruata. ¹⁰Ualingu ene ute
i kamene makapēbiahē tumuhu
kapulun Duata, ringangu sēnti-
nia makaḷuasē naung'E, hakūben
su patiku munara e i kame-
ne kapamurukangbe pulise map-
pia. Dingangu kasingka i kamene
maṅanun Duata e maḷaing limem-
bong kapahuntinambane. ¹¹Ka-
rimako ualingu kawang Mawu
Kasēllahenge, i kamene iapaka-
toghasē hakūbeng i kamene ma-



Kakaliomaneng (1:9)

katahang dingangu makakēdang su patiku sabarang, masasabarē dingangu maraluasē ¹²ku dingangu makitarimakasē si Amang. Batu kai i Amange napakariading kamene wotonge makatarima u apan nisadian Duata e waugu taumatan'E su kararatuang'E matualagē. ¹³I Sie seng nēlliung kite bou kawang kararēndung ku seng napēngaling i kite suralungu kararatuangu Ahuse ikēkēndagē. ¹⁴Ualingu Ahus'E ene e i kite niapakaliu; mangalene ute kalawou rosang kite e seng niampungang.

I Kristus dingangu munaran'E

¹⁵I Kristus e kai awē u Mawu Ruata taikasasilo; I Kristus

kai ana kaiakanenge, pinahana kalamonang apan niriadine. ¹⁶U kai woi Sie Mawu Ruata e napakariadin patiku su sorga ringangu su dunia, patiku sabarang ikēkasilo ringangu tawe ikasasilo, nasowa lai suralunge kerewe patiku rohkē makawasa ringangu mēpēparenta. Kasēllahu dunia ini e niriadi ualingu i Kristus dingangu waugi Kristus. ¹⁷Kalamonan patiku sabarang niriadi e, I Kristus semben tēbe ene. Dingangu ualingu i Sie lai haki u patiku sabarange seng su tampa e sēmbau-sēmbau. ¹⁸I Sie e tēmbou wadang'E, ku kai jamaatē, batu kai i Sie simbulu patiku laidopu jamaatē e. I Sie kai ana kaiakanenge, kaumotongmotongange niapēbiahē kapiā

wou kapapohong'E, tadeau sēma- tangbe i Sie sēsane nakoā kasēlla- hengu patiku. ¹⁹Kai Mawu Ruata sēsane piā kapulune tadeau patiku sabarang ku kaēbakeng su Mawu Ruata e, kaēbakeng- be lai masuku su Ahus'E. ²⁰Ku suralungu Ahusē ene lai Ma- wu Ruatae mapakariadin patiku sabarang piā pēdalahēmpukange kapia ringang'i Sie – baēbe pa- tikū apan su dunia, arau lai su sorga. Mawu Ruata e nēkoā ke- rene ualingu kapapohongu Ahuse su kalu kuruisē.

²¹Nang kangere e i kame- ne marau wou Mawu Ruata. I kamene rudoka ualingu lulu ri- ngangu tinēnnang kamene rarala- kisē. ²²Arawe ini ute, ualingu ka- papohongu Ahus'E, Mawu Ruata e nēkoā pēsasēngkapiang kame- ne ringange nēsau nauli. Ualingu kakakoā kerene ute i kamene wotonge ipētēngon Duata e su- ralungu kasasusi, matilang di- ngangu tawē turæ. ²³Semben tantu i kamene harusēbe tatapē satia su pēngangimang dingangu rumarisi matoghasē su pēngangi- mang i kamene. Kumbahangbe sarang i kamene mēmellou pēla- harapi kamene ku seng nionggo si kamene su tempon nakatarima

Injilu Ruata. Habarē ene e seng pinēdalahabarē su apan tauma- ta e su kasēllahu dunia e. Ku ualingu lai ene watangengku, i Paulus hakiu seng nakoā mēta- tangkiang.

Pētatangkiang i Paulus waugu jamaatē

²⁴Orasē ini e ia maluasē mētatahangu sigēsā baugu pan- dungang i kamene. Batu ualingu sunsarang badanku e, u- te ipanuku e apang ku bēdang ipēdararagi Kristus baugu ja- maat'Ē, mangalene wadang'E. ²⁵Duata e nēndolohu ia nakoā mētatangkiang jamaat'Ē baugu mapakapiang kamene. Ia e mam- beng hinone manēpasu walon habarē bou Ruata e patiku; ²⁶mangalene habarē e seng di- ngangu hasu e su taunge naliu ilēlirungu Ruata e su patiku tau- mata kai orasē ini e seng ni- lahe su manga umat'E. ²⁷Ma- wu Ruata e mapulu mapakalahēu kereapa kapiane ringangu kawa- wantuge ralirunge waugu patiku taumata. Rahasia ene ute kai: I Kristus kai ene suralungi kame- ne mangalene i kamene, sarung- be kapusakatengu kawawantugu

Ruata. ²⁸I Kristus e kai sarung ipēdalāhabari kami su kēbī tau-mata. I kami e kai mēngonggou ingate ringangu mañentiro si sire kēbī e ringangu patiku kata-tahuēna. Timonang kami e ute kai tadeau sēngkatau-sēngkatau e ahakeng solong anun Mawu, tabidaen sēngkatau seng natēllang tuhu marohkē, baugu seng nasēmbau dingangi Kristus. ²⁹Tadeau makakahumpau ene ute ia e mēmunara kahēngang. Ia e mētawakali sēngapam botonge ringangu kaḡuwaḡ kuatē ku seng nionggoi Kristus si sia dingangu nēkaradiahang su watangengku e ringangu kasaḡuku u kawasan'E.

2 Ia e mapulu tadeau i kamene e masingka mēnsang kereapa katoghase ia mēbēbangkuadē^a baugi kamene ringangu waugi sire su Laodikia ringangu patiku apang bēgang ia. ²Kēbī e taku kinaḡ tadeau naung i sire mawalīnsahē dingangu i sire mēkakakēndagē hakīu ene i sire masēmbau kahēngahēngang. Ualingu ene i sire ute tēnga-tēngadē makaēna ringangu mēngiaking ore lai makakasingka u rahasian Duata e, kai i Kristus sēsane. ³I Kristus e kai nakawualagu patiku sipirang ma-

pia ringangu kasingka u Ruata naung maḡawuni.

⁴Ia mauliḡ ini e tadeau i kamene kumbahangbe kaakaleng isai-saim biwihe mararēngang. ⁵U manjeng badangku e maraung kamene, kai koḡ e kere ia ene sutaloarang kamene. Ia e mēngkai maḡuasē makasilo e si kamene sēngkanaung dingangu matoḡhasē su pēngangimang si Kristus.

Pēbawiahē maḡuku

⁶Manga anaḡ sēmbau ku sen dimaḡ si Kristus Yesus Mawu e. Batuḡ ene i kamene pēmpēbiahēbe maḡakauhē dingang'E, ⁷ringangu mēhamu suralungi Sie. I kamene e pēmpamētikom pēbawiahi kamene ringangi Kristus pēmamanggilange. Pakahun-tinambangkom pēngangimang i kamene e si Kristus, tumuhu apan seng nitēntirone si kamene. Ku naung i kamene e pakatatompēko ringangu waweran tata-rima kaseḡ.

⁸Pakatateghang bue i kamene, kumbahangbe sarang piḡu mēmitaugē si kamene, wēmbingang u tēntirong manga kapanden taumata ta mangalē-

^a berjuang

ne, kētaeng makapalidē. Manga kapanden dunia ene e waline-we woi Kristus, kaiso kai wou kapanden taumata samatang, dingangu wou manga rohkē u kawasana dunia. ⁹ Batū patiku kakao u Ruata e nēbanua si Kristus su pēbawadang'E. ¹⁰ Ku ualingu mēbiahē nasēmbau dingangi Kristus, i kamene maļaing nighēlirangu pēbawiahē masuku. Batū i Kristus e kai tēmbō u patiku rohkē maᅇgawasa ringangu mēpaparenta.

¹¹ Ualingu nasēmbau dingangi Kristus e ute i kamene seng nisunatē, balinewe ualingu sunatē kinoa u taumata, kaiso kawe ualingu sunati Kristus ku seng nēliung kamene wou kawasang kakanoa marosa. ¹² Batū su tempong kamene niᅇsahani, ute i kamene kai nilēbing dingangi Kristus; ku maļaing dingangu saᅇhahani ene, i kamene nipēbiahē kapia ringangi Kristus ualingu i kamene mangimang kawasan Mawu Ruata seng napēbiahi Kristus wou papatene. ¹³ I kamene naung nate tuhu marohkē ualingu i kamene waradosa, ringangu i kamene tawe nis-

natē tuhu gēsi. Arawe orasē ini Mawu Ruata napēbiahi kamene ringangi Kristus. Mawu Ruata seng nēngampung kaļawou rosang kite, ¹⁴ dingangu nēndēdasē pēsaᅇlang kite ku mēmatakū i kite dingangu atorange mawawēha. Dingangu mēndēka winohe ene su kalu pinēnggantongan, Mawu Ruata e nēndēdasem patiku laēnsilē si kite. ¹⁵ Su kalu kuruisē ene e i Kristus namata kaļawou haghin rohkē u mananēmbonang dingangu mangangawasa e nasue nēngkaēnsu.^b I sire nakoā bawialaēng u ļawo su pia i Kristus mēngēngaha i sire tabidaen tau kinataweng maᅇbawoleng sutalōaran wuntuangu nakauntung.

¹⁶ Ku kumbahang mapakawalan taumata e mapēsaᅇlang kamene su haļē u kakaēng dingangu pēnganginung, arau su haļēwelain manga haribasarē u agama arau raļuasuwuļang sumenda arau ēllon Sawadē. ¹⁷ Kēbi tamai ene e kētaeweng kēngkaung^c apan sarung dumēnta, arawe karalaheu wou kēbi ene ute kai i Kristus! ¹⁸ Kumbahangbe i kamene mapakawalam batangeng maᅇiakalē su taumata apang mēmēlle-

^b nēlinsumagē = terjerembab ^c sēhang = bayangan

we mētētēngkasanau naung dingangu mēngadatē manga malaekatē. Taumata kerene ute kai mēngēngobotu manga tinēnnane maḍunia ringangu lūlansiu apan uade kinasilone hala, ¹⁹hakū semben tawe mapulu mēngumbala si Kristus nakoḷa tēmbōe. Su limang kawang Kristus e, kaguwau wadange maḷaduḷi ringangu mēdēdalahēmpu apan laese, tutuwōen sasombo u Mawu Ruata e.

Mate ringangu mēbiahē dingangi Kristus

²⁰I kamene seng nate ringangi Kristus, ringangu seng niliu wou manga rohkē u mangawasa runia ini. Ku, kawe unue i kamene mēbēbiahē ke-re taumata wēdang makikawasa su dunia ini? Kawe unue i kamene mēngkai kukakoho su manga atorang kerene, ²¹"Kumbahang mētemang ene", "Kumbahang mēnenggehē apa ini"? ²²Kēbi atorang ene kai mang maḷuḷi apang paketang tawe gunane. Ene kētaeweng kaḷawou atorang dingangu manga tēntiro apan niḷakoḷa u taumata. ²³Tamai ene tēngadēbe ikēka-

silo e kai munarang katatahuēna, piḷa e laansange^d tadeau taumata e paḅnēmba malaekatē, mētēngkasanau u naung dingangu pamamanti wadang, kaiso kēbi e mamben tawe gunane waugu ipēnaḷudē ēnningu ghēsi.

3 I kamene e seng niapēbangu ngung kapia ringangi Kristus. Uḷingu ene i kamene kai harusēbe pēmpēgausē apan dasi su sorga, su piḷa i Kristus mēpēparenta ringangu Mawu Ruata. ²Pēmpēnēnaungbe apan dasi sene e waḷinewe apan su dunia. ³Batu i kamene seng nate, ku pēbawiahē kamene e maḷalirung dingangi Kristus suralungu Mawu Ruata e. ⁴Ku simbulu pēbawiahē tutune e ute kai i Kristus ku maeng i Sie sarung ikasilo e ute i kamene e maḷaing sarung ipakalahē dingangi Sie suralungu kasasēllah'E!

Pēbawiahē tēbe ringangu Pēbawiahē buhu

⁵Uḷingu ene, pakasueko pate kaḷawou kapulun dunia e mēnēnaghali watangengue; ke-re pēsasundalē, karalamuhū, abuli, ēnning daḷakisē dingangu anggang (batu anggang e kai

^d laorone = anjuran

měsulungu palahamawu mahan-duata). ⁶ Manga halě kerene e kai makasongkahě dalangehu Ruata su apan taumata ta tumatuhu si Sie. ⁷ Naung humotong i kamene hala e tutuhu be lai haghing kapulu kerene, su tempong i kamene suralungu kawasane.

⁸ Arawe ini e ute i kamene pěmpěnděmme u haghing kararakisě bou watangengu: kumbahang měngkai měpědu, arau měndongka, arau pią pěndangu inu su taumata waline. Kumbahang mědohang arau měberam bawera kotorě. ⁹ Kumbahang měmpěkonti sěmbau su waline, u pěbawiahě těbe e ringangu patiku kakakoą e sen nirěmę i kamene. ¹⁰ Ku i kamene ini e kai sen taumata niongotangu pěbawiahě buhu tětälěmbuhuang hanesě itětuhu awę u Měndariadine ku kai Ruata. Timonane ute tadeąu i kamene makakirala Ruata ringangu kasasuku e. ¹¹ Makoą kere pulise wou ene ute nasuę e něngkailang pědalahaedangu tau Yahudi ringangu waline Yahudi; nisunatě dingangu tawe nisunatě; semben tawę apa pědalahaedangu tau raghi dingangu taumata rala-

kisě; arau ęllang dingangu waline ęllang; batu i Kristus kai manahiangkung patiku sabarang dingangu i Sie nasěmbau dingang i sire kěbi e.

¹² I kamene e kai taumatan Mawu. Ruata e kiměndagi kamene mase němile si kamene makoą tataghuaneng'E tani. Ualingu ene i kamene harusě pěmpělahęu pěkakakěndagě, měsěngkapiang anau sěmbau, kasasana u naung, sikome naung, ringangu makědang su sigěsa. ¹³ I kamene harusě měsasabarě sěmbau dingangu waline, dingangu měgaghělli u ampung kereu pią u měndeso tunenaung su waline. Mawu e małasě měngampung si kamene, ku i kamene małaing hinom měpěpangampung sěmbau dingangu waline. ¹⁴ Su wowon tamai ene, kěbi e ute: i kamene harusěbe měkakakěndagě u kakěndagě e mapakasěmbau i kamene makoą masuku. ¹⁵ Kariadiko apan sipirangu e měngkai matuntu u pědarame niongo i Kristus suralungu naungu. U i kamene kai nikuiangu Ruata e makoą laesu wadang sěmbau, tadeąu i kamene měbiahě suralungu pědarame

wou anung Kristus e. Ku i kamene mēngkai pakitarimakasē. ¹⁶Karimako hengetang i Kristus napeneu alamatē e mēngkai lumēna suralungu naung i kamene. Ku i kamene e pēmpētātēntiro wue sēmbau dingangu waline ringangu pēmpētātēgu wue sēngapang kaudupe. Pēmpēkantarikon Mazmurē dingangu raralo arau kakantari mararohkē; pēkantariko waugu Ruata, ringangu pēndangu tatarimakasē su naung i kamene. ¹⁷Nimbuē, patiku apang kinoa i kamene, arau mabe-ra e, hinong i koa dingangu iwera suralungu arengu Mawu Yesus. Ku i kamene e pēmpēkaliomanengko su Mawu Ruata i Amang boi Yesus.

Pēkakauhu watangeng suralungu pēbawiahē buhu

¹⁸I kamene manga wawine e! Pakasasumēlung bue su kawingi kamene, u kawē kerene hinone kakakoā u taumatan Sahani.

¹⁹I kamene manga esē! Kēkēndagēbeng kawingi kamene. Abe ralahētū mēkoā si sire.

²⁰I kamene manga rariō e! Kai kerene mēkoā taumatan sa-

hani e, harusēbe pakararingihē si amangu ringangu si ninangu, batu kai ene makaluasē naungu Mawu Ruata.

²¹I kamene manga iamange! Ariēbe mapalangehu ana i kamene maḍiring kumondo naung i sire.

²²I kamene mētatangkiang e! Pakatatuhū su manga mawung kamene su dunia e su patiku sabarang. Abe kawē kētaeng tutuhū su tempon i sire makasilo si kamene, ualungu i kamene kawē kētaeng makiralō. Tuhuko i sire ringangu naung matulidē, batu i kamene matakū u Mawu. ²³Halēbe sude nionggō si kamene ute, koako ringangu kasēllahu naungu tabidaū i kamene mēkēkoā baugu Mawu walineuwe tumbaem baugu taumata. ²⁴Pētahēndung u i kamene sarung makatarimā bawalise wou Mawu. Apan sen nisadīam Mawu e waugu taumatan'E, ute kai ene sarung gēlirang si kamene. Batu mawu tutune ute kai tētangkianeng i kamene, i Sie kai i Kristus sēsane. ²⁵Ku isai-sai wue nēkoā pēsasalā e, sarungbe manarimā patiku pēsasalane;

batu Mawu e tawe mēmamile ghati.

4 Manga ana sēmbau apan nako mawu e! Pakapapiako mēmpēko manga mētatangiang si kamene tuhewe katēngadē dingangu kaadilē. Pētahēndung batu i kamene kai piā Mawu man sēmbau su sorga.

Kakakēllaēng e

2 Pakakakēhagēko mēmpēkaliomaneng, pakasasadia, apidu kapētarmakase e su Ruata. **3** Pēmpēkaliomaneng laing kami e tadeau Mawu Ruata e mangonggoben loahe mapia si kami makapēngkekeng habaru hengetange maanung lēlirungi Kristus. Ualingu halē ene e tangu ia e orasē ini kai matatahungku. **4** Pēmpēkaliomanengko tadeau ia e makatualagu lēlirung ene e pakalahē-lahe kerewe hinone.

5 Suralungu kalahēmpu i kamene ringangu apan taumata ta mēmpangangimang e ute i kamene pēmpēbiahēbe pakata-tahuēna, pēmpēdedeabe loahe pakapapia-pia. **6** Karimako palahumbisarang kamene e hinowen mēngkai makadaluasē dingangu

makabinsana. I kamene harusēbe masingka u kere apa i kamene hinong sumimbang kakiwalon sēngkatau-sēngkatau e.

Pondolu^e suratē dingangu laadatē

7 I Tikhikus, hapi i kite ikēkēndagē, sarungbe mēhabarē si kamene katataingu pēbawiahēku e. I sie satia mēmuna-ra ringangi kami waugu Mawu e. **8** Ia nēndolohi sie solong anung kamene, tadeau i kamene makakasingka u kakako u pēbawiahi kami e ringangu i kamene mēngkahiborē. **9** I Onesimus sarung dumaleng sēngkaraleng dingangi Tikhikus; i sie ana sēmbau bou taloarang kamene. I sie taumata satia, ringangu i kami kukēndagi sie. I kanduang Tikhikus e kai sarung mēhabarē si kamene patiku halē apan nariadi su tampaku ini.

10 I Aristarkhus matatahungku dinganku e, mēndohong tabea si kamene. Kerene lai i Markus, ana tamahuari ringangi Barnabas. (I kamene semben nakatarima u tatanatuku e panēsomahē si sie ke-

^e Papero = penutup

reu ia duměnta su anung kamene.) ¹¹Tabea_rko lai boi Yesus ku isesěba_r lai si Yustus. B_ou ta_loaran tau Yahudi apan seng mangimang su Mawu Yesus, kětabeng i sire těllu hala ku orasě ini e mėlěhalě_r dingangu mēde_au mēnda_leng munaram Mawu Ruata. I sire mamben tēngadě nētulungu ia.

¹²Tabea_r b_ou anung Epafras. I sie ma_laing taumatang kamene. I sie kai mětatangkiang si Kristus Yesus, ku si_dutu mang mēkěkaliomaneng maamumang baugi kamene. I sie ghugahioro sēngapam botonge su Ruata tade_au pēngangimang i kamene matoghasě dingangu i kamene e kahěnga-hěngang mahuntimadě, tade_au i kamene tinlungbe masatia su kapulun Dua_ta. ¹³Ia e makasahidi sēsaku u i sie seng nēhalě_r masēgadě baugi kamene ringangu waugi sire su Laodikea ringangu Hierapolis. ¹⁴I Dokter Lukas, ikěkēndagi

kite, dėduan Demas, nēndohon tabea_r si kamene.

¹⁵Pēmpaulikon tabea_r i kami su manga ana_u sēmbau Sahani su Laodikia; ringangu su Nimfa, ringangu su ra_lohon jamaatě apang mēmpěkěkaliomaneng su walene. ¹⁶Samurin suratě ini e i-wasa sutaloarang kamene e, ute wasako lai su jamaat'u Laodikia. Kerene lai i kamene hala harusě mēbasa suratě sarung dingotang b_ou Laodikia, si kamene. ¹⁷Dingangu pēmpauliko si Arkipus, "Pakasueweng koae munara nionggo si kamene gunang mětangkiang Mawu."

¹⁸*Tabeaku, i Paulus.* Ia sēsaku e nēmohe wahageang ini. Abe kiwulei ia e wēdang ma_tatahungku!

Karima_ko Mawu e mēnga_lamatě si kamene.

Adat'i kami,
Paulus

4:10: MMR. 19:29, 27:2, Flm. 24, MMR. 12:12, 25, 13:13, 15:37-39

4:12: Kol. 1:7, Flm. 23 4:14: 2Tim. 4:10, 11, Flm. 24 4:17: Flm. 2

SURAT'I PAULUS HUMOTONG
SU JAMAAT'U

TESALONIKA

DARUMATINGE

Tesalonika ute kai nakoꝝ niupunangu soa su Makedonia, narekeng propinsi sēmbau su kararatuangu Roma. Jamaatē su Tesalonika e niwangung i Paulus sarangke i sie nēnētangu Filipi. Kai tawe narēnna wou ene, apan tau Yahudi ku susingking i Paulus nanēta e rumoka munaran Paulus su halē u mēhabaru tēntiron tau Sahani su apan taumata apan baline Yahudi ku seng matode u kai riꝝ piꝝ naunge su agaman Yahudi. Ene nasihasaē i Paulus nanētangu Tesalonika e ku nakoꝝ solong Berea. Ene saraeng i sie nahumpaeng Korintus, ute i sie nakatarima e surat'i Timotius kai hapi dingangu ringange sēhalēkang maanueng katataingu jamaat'u Tesalonika.

Ku *Surat'i Paulus Humotong ini Su Jamaat'u Tesalonika*, niwohe ipamahansang dingangu ipanoghasē pēngangimang i sire. I Paulus nakitarimakasē su habarē seng kinatarima e maanung halē u pēngangimang dingangu kakēndag'i sire. I sie mēgēgēlliu ingate si sire halē u pēbawiahe sēsane su tempong i sie wēdangbeng ene sutaloaran sire. Saraeng nasueen paulie kēbi ene, I Paulus simimbangke manga e kakiwalong sire halēu rarēntang Kristus karuan sulene. Kereu sēngkatau wou ralohon jamaat'u Sahani e mairi deng bēdang I Kristus tawē nadēnta kapia, ute wotonge ngae tau ene makatarima pēbawiahē kēkal, dingangu tutune wou i Kristus? Ku angere i Kristus e sarung dumēnta? I Paulus mañalēntihꝝ u tadeau i sire e manēpasu muna-
ra ringangu maudupē ku kapēngampalē rarēntang Kristus nasuku u pēlaharapē.

Lohone

Panětakenge	1:1
Tatarimakase dingangu raralo	1:2–3:13
Sasasa maanung kai kereapa hinone kakakoꝝ u tau Sahani	4:1-12
· Taturalagě maanun darěntang Kristus karuan sulene	4:13–5:11
Sasasa pangensueěnge	5:12-22
Kakunsi e	5:23-28



Soan Tesalonika (1:1)

1 Manga anaŋu sēmbau jama-at'u Tesalonika, nakoŋa umat u Mawu Ruata i Amang, dingangu Mawu Yesus Kristus:

I kami tēllu, i Paulus, Silas dingangi Timotius mēlēharapē u maŋowoko Mawu e mēngonggou aŋamatē dingangu karāunsemahē si kamene kēbi.

**Pēbawiahē dingangu
pēngangimangu tau
Tesalonika**

2-3 I kami e mang taghalē makitarimakasē su Mawu Ruata ualingu i kamene kēbi. Suapan pēkakaliomaneng i kami su Ruata ringangu i Amang i kite e, ute mang tawē

pontode mētahēndung si kamene. I kami e mēngkate hanesē mēkēkaliomaneng i kamene. I kami mētētahēndung kereapa i kamene mēnodeu munaram pangangimang i kamene si Kristus, karadiahangu kakēndag'i kamene su taumata waline ku mētangkiang si sire, ringangu kereapa katoghasu pēlaharap'i kamene su Mawung kite Yesus Kristus. **4** I kami masingka, manga anaŋu sēmbau u Ruata e kükēndag'i kamene ringangu seng nēmile si kamene nakoŋa tataghuanenge tēntani. **5** Batuu i kami e mēlēhabaru Injilē si kamene waline tumbau ringangu wawera e, kaiso maŋaing ualingu kawasa ringangu Rohkē u

Ruata. Dingangu i kami e maia-king kahēngang su katulid'u injilē e. I kamene hala masingkaḅu kereapa pēbawiah'i kami e gunang kamene piḅa i kamie ene sutaloarang kamene. ⁶I kamene tutolewe laaha i kami ringangu laaha u Mawu. Maningbe i kamene e tumanju masigēsḅa kai i kamene mamben nēnarimaḅu naung maḅuasē habarē ipēpauli i kami e si kamene. Daḅuasē ene ute kai niḅaongḅo u Rohkē Susi. ⁷Ualingu ene ute i kamene kai nakoḅa kakakēllaēng'u^a kēbi taumatan Sahani su Makedonia ringangu Akhaya. ⁸Batu nanēta bo'i kamene, habar'u maḅuliḅu Mawu e seng nakeke solong Makedonia ringangu Akhaya. Dingangu walineḅu kētaḅu ene samatang; maḅaḅa kateḅu habaru maḅanung kereapa pangangimang i kamene su Mawu Ruata e seng nakeke suapan tampa, hakju i kami e sen tawahaḅuasulai mēberang manga apa. ⁹Kēbi taumata ene mēbēbisarang kereapa pēnanarima i kamene piḅa i kami e naung kaḅamona e rimēnta su anung kamene. I sire mēbēbisarang kereapa i kamene nanēntangu kaḅawoḅu mahan dua-

ta ku dimēnta su anung Mawu wiahē mang sēmbaḅu mēdeḅu mētēngkasatia si Sie. ¹⁰I sire maḅaing maḅumbisara mēnsang kerapa i kamene mēlēharap'u rarēntan Ahus'u Ruata woḅu sorḅa, ku i Yesus, seng niapēbiahē kapia woḅu kapapohongē. I Yesus ene maḅaing nēngambang si kite boḅu raḅangeḅu Ruata e sarung.

Munaran Paulus su Tesalonika

2 Manga anaḅu sēmbaḅu! I kamene hala masingkaḅu u pētatiwong kami si kamene e tawe makoḅabe tawē gunane. ²I kamene masingkaḅu u kaḅamonang i kami e rimēnta su anung kamene su Tesalonika, i kami seng nētatahangu tatingkai dingangu sasamedē su Filipi. Kaiso maningbe lawoḅ taumata ruḅoka si kami e, Ruatang kite e seng nēgēlliḅu kawawahani baḅu pēlēhabar'u Injilē si kamene woḅi Sie. ³Pēmamaringang i kami e si kamene walineḅu ualingu ēna nēsala; kerene lai walineḅu ringangu tēgalē daḅai arau manga ipangakalē. ⁴Tala wue! I kami e

^a pētatēnoēng = contoh = teladan

walīnewe maḥumbisara sēmatang ipāmia naungu taumata, kaiso kai ipāmia naungu Mawu Ruata, maḥamanikaḥ dalungu naung i kami. U i kami e kai narekeng taumata wotonge mamaḥawuhu Injilē e. ⁵I kamene hala masingkaḥ u i kami e tawē sarang sēnsulē mēbēberang bawera papaḥano tulī arau kai manga mēkēkalirungu kai piḥ ambinge maanggang. Mawu Ruata e sahidine! ⁶I kami e maḥaing balīnewe mēgēgaus'u maḥidarumalo su taumata – baē bō'i kamene arau lai wōu walīne. U hinone kere sēngkatau raroloḥang i Kristus, i kami e wotonge wue mēnuntū apa-apa wō'i kamene. ⁷Kai i kami e mēngkate mētētēngkasikome su tempōen maḥalaḥu dingang i kamene, tabidaen sēngkatau ghaghurang bawine mēndiaga ana e. ⁸Ualīngken kakēndag'i kami, i kami e saḥdia mangonggō si kamene walīnewe tumbau Injilē e, kaiso kawē lai pēbawiah'i kami e. Batuḥ maḥēmpaliu wue kakēndag'i kami e si kamene. ⁹Tantu i kamene bēdawen maḥatahēndung kereapa katoghase i kami mēta-wakali ringangu mēdēdalahi-ngidē. Kaelloēng kahēbiang i kami e mēmēmunara tadeḥu i kami e tawē mapakasigēsau sarang

sēngkatau wōu taḥorang kamene su tempōng i kami e mēlēhabar'u Injilē si kamene.

¹⁰I kami e mēbēbiahē susi, matulidē dingangu tawē sēngkulē nihino si kamene ku sēng nēmpangimang si Kristus. I kamene e kai mēsasahidi si kami, kerene lai Mawu Ruata e. ¹¹I kamene masingkaḥu i kami e nēmpēkoḥabe si kamene sēngkatau-sēngkatau kere sēngkatau i amang miēbaḥ ana e. ¹²I kami e mēnēnasa si kamene, i kami mēgēgēllīu laansang si kamene ringangu i kami e mēnēnahēseu tadeḥu i kamene mēbiahē be sēngapam botonge kerene haḥiḥu maḥaluasēbe naungu Mawu Ruata. Batuḥ Mawu Ruata e sēng nēkui si kamene, mēdeḥu maḥahombangbe wahageang i kamene suralungu kararatuangu Mawu Ruata e, ringangu suralungu kawawantuge.

¹³Piḥabe haḥlē sēmbau lai walīne; maḥakoḥa si kami mēngkate masau maḥitarimakasē su Mawu Ruata. Ku piḥ e i kami mēlēhabar'u hengetangu Mawu e si kamene ku i kamene rimaē u hengetang ene walīnewe kere waweran taumata kaiso kawē kere hengetangu Ruata! Mawu Ruata e kaḥpēmunarane suralungu wa-

tangeng i kamene apan mangi-mang si Kristus. ¹⁴Manga anau sēmbau, apang kinahombangengi kamene ma_rlaing seng kinahombangengu manga jama_rat'u Mawu e su Yudea nako_ra tataghuaneng'i Kristus Yesus. I kamene e nētatahangu tatumbiag'u sēmbalagheng i kamene hala, kerēwe semben nikahombangengu manga jama_rat'u Mawu su Yudea e wou sēmbēkan sire tau Yahudi. ¹⁵Tau Yahudi e seng nēmate Mawu Yesus, dingangu manga nabi e, apidewe lai mēnēnumbiagē si kami e. Kēbi taumata e seng nako_ra sēdu i sire, dingangu Ruata e mēngkatewe tawē karaluase si sire. ¹⁶Kuteu i sire mēngkatewe mēmpēnēnahaghe si kami ma_rdirin i kami makapauli (u hengetangu Mawu Ruata e) su waline tau Yahudi habareng makasalamatē patiku umatē e. Ualingu ene ute taumatan Yahudi e sauneng ma_rhuntinambang kalawōe rosan sire. Ku ini e pēngēsueēnge ute i sire kahombangengu hukumangu ralangehē e wou Mawu Ruata!

Enningi Paulus mētiwo taumatan Tesalonika sēnsulē kapia

¹⁷Arawe i kamene anau sēmbau, dokereweng i kami e naghea ghēnnangu sēngkatempo woi kamene – naghea wou mata e kaiso waline_rwe su naung – ku i kami e mēngkai mēkēkuletē mēde_rau makasilo ghateng kamene! ¹⁸I kami e mēkēkaraki u mētiwo si kamene e, ku ia e seng nēnaluka sēnsulē ruan sulē kai setange mēngkai mēnēnahaghe si kami e. ¹⁹Ku tēnga-tēngadēbe mang i kamene kapangumba_rlaēng dingangu maka_rluasē si kami. U hēdoweng kereu Mawu Yesus dimēnta e dingangu i kite mētēngon Sie e, ute i kamene sarung mako_ra da_rluasi kami! ²⁰Ku mambeng i kamene kawawantugē dingangu ra_rluas'i kami!

3 Samurine, pēkakakating kami e, semben tawe ikapeto baharia. Ualingu ene ute i kami mēngēngēna u mapiawe tēntang i kami hala su Athena, ²tēntalangu i kami nēndolohu

anau sēmbau i kite i Timotius. I sie kai sēngkatau mētatangkiang Duata sēngkapamunara ringangi kami mēhabar'u Injil'i Kristus. I kami e nēndoloh'i Timotius anung kamene mēdeau i sie makatoghasē si kamene ringangu mēmahansang si kamene limembong kasēgade supangangimang su Mawu Yesus Kristus. ³Mageng kerene ute tawē u sarang sēngkatau wō'i kamene kṽ mahunsohō u manga kalawōu sigēsā i kite e. I kamene hala masingkṽ haghin sigēsā e kai nasowa suralungu hingid'u Mawu Kasēllahenge waug'i kite. ⁴Su tempong i kami e wēdangben dingangi kamene, ute i kami e seng bōu nēhabarē si kamene kalamona u i kite e kai sarung masigēsā. Kṽ mamben tēngadē ene seng nariadi, kṽ halē ene e mambeng su kasingkṽ i kamene. ⁵Kai ene hakṽ iā nēndoloh'i Timotius, u iā kai masaria kapuluku e mēdeau makakasingkṽ kai kereapa katatalēmbuhung pangangimangu si Kristus. Iā e ghugēnggangu setange kai makareā lēsabe makapēnalukṽ si kamene hakṽ kalawōu saghed'i kami e makoā tawē kēhase. ⁶Kṽ ini e i Timotius seng nawalṽ dingangu seng nēhabaru ralūasē si kami e

maulṽen pēngangimang i kamene si Kristus dingangu lawō mēkēkākēndagē. I sie nēhabarē si kami u i kamene mēngkawe sēntiniā manēntangu tiwā e mapapia maanung kami e su naung i kamene. Ringangu i kamene kai mapulu mēsombang i kami, kerēwe lai i kami e maṽaing mapulu mēsombang i kamene. ⁷Kai ualṽingu ene, hakṽ manga anā u sēmbau, su ralungu kalawōu sunsara ringangu sigēsā i kami, i kami e maṽhibor'u habar'u maanung kamene. Pangangimang i kamene si Kristus e makasaria naung i kami, ⁸hakṽ orasē ini e i kami makapēndang u mamben tēngadē biahē, asalṽ i kamene tēbewe rūdarisi matoghasē, nasēmbau dingangu Mawu. ⁹Mamben masaria tumbṽ u ralungu naung i kami e makitarimakasē su Mawu ualṽingken patikṽ dalūasē kinahombangeng i kami su tēngon Mawu e batṽu i kamene. ¹⁰Ello hēbṽ e i kami ghugahiorō si Sie ringangu kaguwau ralungu naung, tadeau i kami makapēsombang hala ringangi kamene ipanukṽ apang gausang i kamene waugu mangimang si Kristus kere hinone.

¹¹Karimṽko Ruata i Amang i kite e, ringangu Mawung kite

Yesus e mēngaha i kami suraleng matene tadeau makapēsombang i kamene. ¹²Karimako Mawu e mapēdalēmbong kamene mēkakakēndagē sēmbau dingangu waline ringangu mahēmpaliu kumēndagu patiku taumata, sarawen pēkakakēndag'i kamene e mamben sauneng mahuntinamba, mēsulungkewen pēkakakēndagi kami ringangi kamene. ¹³Hakū ene Mawu e makapanguatē naung i kamene, kū hinong apakasi ringangu tawē pēsasaḷang kamene su tēngoen Duata i Amang i kite, su tempon Mawung kite i Yesus rimēnta sēngkakarēnta ringangu patiku taumata e nakoḷ tataghuanenge.

Pēbawiahē makapia ihau Mawu

4 Samurine, manga anau sēmbau, i kamie seng nēngonggou sansahē si kamene kū mēnsang kereapa hinong mēbiahē baugu makaḷuasē naungu Mawu. Kahēngang, orasē ini i kamene seng mēbēbiahēbe kerene. Kaiso ini e ualingu kawasan Mawu Yesus i kami e mēgēgausē sēngapam botonge si kamene ringangu

mēnēnahēse tadeau i kamene hinong lai limembo mēkuleteng^b halē ene. ²U i kamene semben masingkau kaḷawou sasalēntihou kū seng kinaonggo i kami e si kamene ringangu kawasan Mawu Yesus. ³Ini e kai kapulun Duata: Tadeau i kamene mēbiahē susi, mētēngkaraung^c patiku pēsasundaḷē. ⁴Apang manga esē sutaloarang kamene e kēngkasingkako kai kereapa tadeau mēbiahē sēngkawingang makaḷuasē naungu Mawu ringangu su taumata. ⁵Kumbahang mēbiahē mēngkai tutole ēning u abuli sukawingu, kere kēkoatengu tau kapiḷē bēgang Mawu. ⁶Ualingu ene ute, kumbahangbe piāu sēngkatau makakoḷ pēsasaḷa su anau sēngkataune, arau lai makaakalē. U naungbe i kami seng nēhabarē malaḷē si kamene u Mawu e sarungbe mēhukungu taumata mēmpēkoḷ manga pēsasaḷa kerene. ⁷Mawu Ruata e seng nēkui si kite, kū baḷinewe i kite mēbiahē suralungu pēsasundaḷē, kaiso kawe tadeau i kite mēbiahē dingangu kakanoḷ makaḷuasē naung'E. ⁸Taumata kū maḷuhudu tēntiro ini ute walinewe maḷuhudu taumata, kaiso kawe mēnuhudē Mawu

^b mētawakali = berusaha ^c mētēling = menjauhi

Ruata kŭ seng nĕngonggŭ u Roh-kĕ e Susi si kamene.

⁹Semben tawahaluasu lai i kami mĕnuratĕ si kamene mauļu kereapa i kamene hinong mĕkakĕndagĕ lawŭ taumata mangimang. I kamene hala e seng nitĕntiroĕngu Mawu halĕ u mĕkakakĕndagĕ. ¹⁰Kŭ halĕ i-ni e seng nitodĕ i kamene su kĕbi apan mĕmpangimange su kaguwaŭ Makedonia. Kai arawe manga anaŭ sĕmbau, i kami e mĕgĕgausĕbe sĕngapam botonge, tadeaŭ pĕbawiahi kamene e ma-koabe limembong kapiane lai. ¹¹Pĕmpĕbiahĕko marĕmmasĕ dingangu tawe rumaŭaŭ urusangu taumata waŭine. Pĕmpĕmunarako mĕdeŭ pĕbawiah'i kamene hala, kereewe i kami e naŭng kaŭamona seng nĕngatorĕ si kamene.

¹²Kereu i kamene mĕbĕbiahĕ kerene, i kamene tawe mĕngumbala si sai-sai, dingangu taumata apan tawe mĕngangimang si Kristus e sarungbe mĕngadatĕ si kamene.

Darĕntan Mawu e

¹³Manga anaŭ sĕmbau, i kami mapulu tadeaŭ i kamene makakasingkaŭ kai apa tuhu hinone taumata kŭ apan seng nĕngkairi; tadeaŭ kumbahangbe mĕngkasu-



Duang'katau kapĕlĕhalĕ'e (4:11)

sa naung i kamene kere taumata waŭine ta pĕlaharape. ¹⁴I kite mangimangu i Yesus seng napohong kutĕu kawe nĕbiahĕ kapia. Kai ene hakiŭ i kite e maŭaing mangimangu Mawu Kasĕllahenge sarung mapĕbiahĕ kapia patiku taumata seng nĕngkairi suralung'i Yesus, tadeaŭ isire mĕbiahĕ dingang'E.

¹⁵Su halĕ ene ute, kai i-ni tĕntiron Mawu e ipauli i kami e si kamene: Su tempong Mawu Yesus dumĕnta e, i kite apan bĕdang biahĕ e tawe makapĕngalimona taumata apan seng nĕngkairi kaŭamona. ¹⁶Hĕdĕwe tĕmbonangu ma-laekatĕ e sarung mĕluntingihĕ maiha-ihā, dingangu napirin

Duata e ipahēte makoḗ tatialam parenta. Bḗu e Mawu Yesus hala e sarung lumintu bḗu sorga, ringangu apan taumatan Sahanu e ku seng nēngkairi e sarung ipēbiahē kalimona. ¹⁷Bḗu ene, i kiteḗwe apam bēdang biahē su tempo ene sarung sēngkakapua^d dingangi sire suralungu winawa tadeḗu makapēsombangu Mawu e su winangaeng. Bḗu ene ute i kiteḗ makapētanaḗbe ringangu Mawu e sarang karēngu-dēngue. ¹⁸Hakiḗu ene, ute kēnangko i kamene pētatatongka su halē u mēmpanoghasē pangangimang kapēpakeḗn bawera ini.

Pēmpēdariahie waugu rarēntan Mawu

5 Manga anḗu sēmbau, semben tawahaḗuasḗ mēnurat'u kasa-saḗe u tempong karariadin tamai ini. ²U i kamene hala seng masingka maḗaḗe u ḗllon darēntan Mawu e sarung marēnta kere tahatako ruḗdēnta hēbi. ³Kai kereu piḗ taumata mēbera: "Patikue su karalenehē dingangu taḗ kon-sang apa," tangu sēngkalēndi u i sire kinahombangengu kawawinasa, ku taweu sarang sēngka-

tau naliwirē. Ku ene kai nariadi sēngkēlēndiḗ,^e mēsulungu tau wawine piḗ kapapia sēngkianu hombangengu kaliki. ⁴Kai manga anḗu sēmbau e waline-we taumata mēbēbiahē suralungu kararēndung, hakibeng ḗllo ene kai maḗalahēkosē si kamene kere rarēntan tahatako. ⁵I kamene kēbi kai taumatan tualagē; i kamene nasowa su ḗllo matualagē. I kiteḗ e waline-we taumata mēbēbiahē su kararēndung arau nasowa ghalipohong hēbi marēndung. ⁶Ualungu ene ute i kiteḗ tawe wotonge kahuntikilang kere i sire waline. I kiteḗ e kai hinong maralukadē dingangu tinēnnang kiteḗ e kawē hinong matualagē. ⁷Su tempong hēbi e taumata mēmpētētikī, dingangu su tempong hēbi e lai taumata mētētēngkiwukang. ⁸Arawe i kiteḗ ini e kai taumata nasowa su ḗllo matualagē; ualungu ene ute tinēnnang kiteḗ e harusēbe matualagē. I kiteḗ harusē mangimang su Mawu ringangu kumēndagu taumata waline ringangkeweng mēlēharapē matinalung u Mawu Ruata e sarung makasaḗamatē si kiteḗ. Kai ene e aghidē ku maka-

^d sēngkahengke = sama-sama diangkat ^e mēlēhēkosē = tiba-tiba
4:15-17: 1Kor. 15:51-52 5:2: Mat 24:43, Luk. 12:39, 2Ptr 3:10

ëllung si kite suralungu pësa-seke mëseke u kararëndung.

⁹ Mawu Ruata e nëmile si kite balinewe tadeau ihukung, kaiso tadeau i kite makahombang kasasalamatë bo'u Mawung kite i Yesus Kristus. ¹⁰ I Sie napohong baugi kite, tadeau su tempong i Sie rumënta kapia – mënsangbe i kite bëndang biahë, arau kai seng nate – kai i kite e makapëbiahëbe ringang'E. ¹¹ Ualingu ene, pëmpëdañahiborë dingangu pëmpëtatoghasë, mësulungkewen i kamene seng mëkëkoä ene orasë ini.

Sasalëntiho pëngënsueënge ringangu laadatë

¹² Manga anau sëmbau, i kami e mëdëdorong sëngapam botonge tadeau i kamene pëmpangadatë su taumata apan mëmpëmëmuna sutañorang kamene; mangalene si sire ewe apan nipilen Mawu e mëdeau mëngaha dingangu mënasa si kamene. ¹³ Ku pëmpëngarëgangben^f sire pakapia-pia ringangu kakëndagë u mëtahëndungkewelai apa kinoa i sire. Pëmpëbiahëko pakaghaghighilë sëntiniä i kamene.

¹⁴ I kami e mañaing mëdëdorong, manga anau u sëmbau, uriheko pakasikome isain mañiri mëmpëhalë; toghaseko naung u apang mëngkatakü; pëtulungkon taumata hinong itulung dingangu pakakakëdang mëtëngong këbi taumata. ¹⁵ Pakapia wue tadeau mañirin piäu mëmañis'u rañaki, ipëmañisë dañaki e kaiso sëntiniä mëngkai pëmpëtatumëgalë mëmpëkoä mapia sëngkatau su sëngkatau lawo i kamene ringangu su këbi.

¹⁶ Mëngkai pahuluasë sëntiniä, ¹⁷ dingangu pëmpëkaliomaneng sidutu. ¹⁸ Su patiku kaka-koä u pëbawiahë e mëngkai pakitarimakasë sidutu su Mawu Ruata e, u kai ene këkapulune wo'i kamene kere sëngkatau mëbëbiahë nasëmbau suralungi Kristus Yesus.

¹⁹ Kumbahangbe mënguhung Rohkë Susi e. ²⁰ Kumbahangbe tawe mëngarëgang kañawo habarë ilëonggo u Rohkë Susi e. ²¹ Patiku sañarange mëngkai pakabanikate, ringangu apan mapapia e harusë tëtölei. ²² Pëtëngkagheangkom patiku haghin kararalakisë.

^f pëmpëtiara = hargalah

5:8: Yes. 59:17, Ef. 6:13-17

²³ Karimako Mawu Ruata sēsane e mēngonggo si kite e karalunsemahē, mapakariadin taumata e kahēnga-hēngang mēbiahē sēmatang baugu Mawu Kasēllahenge. Małowoko Mawu e mēngkai mēlēlukadē si kamene sidutu baē su rohkē, himukudē ore lai su wadang i kamene, sarangkewen tawē turāe su tempoen Mawung kite i Yesus Kristus e rumēnta kapia. ²⁴ Mawu Ruata e, ku seng nēkui si kamene, sarung mapakariadin ene e watu i Sie kai masatia.

²⁵ Doa i wue i kami e manga anau sēmbau!

²⁶ Pēmpēpapangadatēbe kēbi pakasasumēlung lawo anau sēmbau tau Sahani.

²⁷ Ualingu kawasan Mawu e, ia mēdēdorong sēngapam botonge tadeau i kamene mapēbasan suratē ini e su patiku anau sēmbau tamba pangangimang.

²⁸ Małowoko Mawung kite i Yesus Kristus e, mēngalamatē si kamene.

Adat'i kami,
Paulus

SURAT'I PAULUS KARUANE
SU JAMAAT'U
TESALONIKA

DARUMATINGE

Pëbawingö u maanun darëntang Kristus karuan sulene wëdaweng hanesë mapalëton manga sidarə suralungu jamaat'u Tesalonika e. *Surat'i Paulus Karuane Su Jamaat'u Tesalonika* e niwohe baugu ipënguadipë sungkalene. I sire maŋgëna u su tempon darëntang Kristus karuan sulene seng tempone. Tinënnane ene nësala unguëng i Paulus. Batıu kałamonang Kristus mësule su dunia, tatingkai, dingangu karalamuhu u dunia e sarung mëdarehe kałamona ahakengu sengkatau isësëba, "tau rałai" dingangu sarung dumoka si Kristus.

I Paulus mënenahëse su mëbawasane u i sire harusë hinong mëtatahang su pangangimang i sire si Kristus manimbe wiah'i sire masigësa dingangu i sire harusë mëtatahangu likibe. I Paulus mënenasa sisire sengkatau-sengkatau pëmpëhalëbe gunang pëbawiah'i sire, mësulungkeweng i Paulus dingangu manga hapı e. Kerene lai tadeau i sire satia wue mëkoə apam mapia.

Lohone

Panëtakeŋge	1:1-2
Daralo ringangu wawahansang	1:3-12
Tatualagu rarëntang Kristus su dunia su karuan sulene	2:1-17
Sasaran hałëu kereapa hinone sengkatau Sahani	3:1-15
Papondole	3:16-18

1 Manga anaŋ sēmbau daŋohon jamaat'u Tesalonika, nakoŋ daŋohon jamaatu Mawu Ruata i Amang i kite e ringangu Mawu Yesus Kristus! I kami tēllu, i Paulus, Silas dingangi Timotius, **2**ghuŋahiorou karimaŋo Ruata i Amang dingangu Mawu Yesus Kristus mēngonggou aŋamatē dingangu karalunsemahē si kamene.

Ponesē inawo su tempon darēntang Kristus

3Manga anaŋ sēmbau, i kami e mang hinong hanesē makitarimakasē su Mawu Kasēllahenge ualingu i kamene. Ku mambeng hinone i kami e mēkoŋ kerene, u i kamene mangkeng kapahuntinambane mangimang si Kristus, ringangu i kamene mangkeng mēkakakēndagē sēmbau dingangu waline. **4**Kai ene hakiu kawenue i kami e mēngkai maŋumbisarang kamene sēntinia tempo, i kami mētiwo manga jamaat'u Mawu. Dingangu karaluasē i kami mēbēkeng kamene u tatapēbe makuatē mangimang si Kristus suralungu tatingkai dingangu tatumbiagē kēkahombangeng i kamene.

5Ku seng sini e nalahē u apa e kaadile pēlahukung u Ruata: I kamene seng nasunsara ualingu Runian Duata Wuhu, ku ualingu ene i kamene sarung i rekengbe makakasowa su ralunge. **6**Mawu Ruata e mēkaradiahangu kaadilē. I Sie kai sarung mēmalisu susa su taumata apan napakasusang kamene. **7**Dingangu si kamene ku apang orasē ini e lulahunsusa – kerene lai si kami e – Ruata e kai sarung mēngonggou wawalise iaspinda su tempon Mawu Yesus mētēngkatode, limintu bou sorga ringangu manga malaekate makawasa, **8**ringangu putunge kapahundelli e. I Sie limintu mēhukungu taumata tawe mapulu makakiraŋa Mawu Kasēllahenge ringangu tawe tumuhu habaru Injilē maanun Yesus Mawung kite. **9**Manga umatē ene sarung makatarima u hukumangu kawawinasa sarang marēngu-dēngu, irēmme soŋong likude wou ghalipohom Mawu e ringangu wou kawasan'E ku mawantugē e. **10**patiku ene sarung mariadi su ello i Sie marēnta kapia mēdeau ralōengu kēbi taumata mangimang. I kamene lai sarungbe ene sutalarang umatu Mawu ene, u i ka-

mene seng nangimang hengetang ilēhabari kami e si kamene.

¹¹ Kai ualingu ene hakiu i kami e mēngkate hanesē mēkēkaliomaneng i kamene. I kami e mēkēkaliomaneng tadeau Mawu Ruata e makariading kamene e wotonge makapēbiahē tumuhū kapulun'E; kŭ kai waugu ene e i Sie nēkui si kamene. Karimaŭo Mawu Ruata e, ringangu kawasan'E makawatŭ kapulun'E waugu mēkoā mapia, ringangu mēnukŭ kēbŭ munara kinoā i kamene ualingu mangimang si Kristus. ¹² Hakiu ene Mawung kite i Yesus wēbantugang ualingu i kamene, dingangu i kamene maŭaing bēbantugang kahian Yesus nēnggaeng kapiannaungu Ruatang kite dingangu Mawung kite i Yesus Kristus.

Taumata ralaki

2 Su halē u rarēntang Mawung kite i Yesus Kristus, dingangu halē u pētampung i kite mēdeau sēngkapētana dingangu Mawu, ini e rēdorongangu e sēngapam botonge wō'i kamene: ² Kumbahangbe i kamene mēngkai ligha mēmpēbingo dingangu rēndēnganengu haba-

ru seng tempone Mawu Yesus dumēnta kapia. Aramanung habarē ene kai nariadi wōu nubuetē sembau arau wōu tēntiro sēmbau, arau wotongewe lai mariadi piāu mēbēberau i kami e wōu nēmohe kerene suralungu suratē sēmbau boŭ talarang surat'i kami. ³ Maningbe lai kereapa, kumbahangbe i kamene sarang akalengu taumata. U tēntalangbe tawē nahumpau ēllone ene, halē ini e sembeng mariadi kalamona: Maŭawo taumata sarung manētangu pangangimange, mēsuniaŭ'i Kristus ringangu taumata ralaki kawuakengu naraka e sarung sumēpu. ⁴ Tangu ringangu obote i sie sarung dumoka dingangu mētēngkarangē u watangenge su wowon patiku apan dēdaloēngu taumata arau su kēbŭ apang isēsēba Mawu kahian taumata. Saŭa anune i sie kai sarung maŭiang suralungu wanalan Duata kŭ mamoka^a u i Sie kai Mawu.

⁵ Pētahēndungko u ia kai wōu nēhabarē kēbŭ tamai ene su tempon ia e wēdang dingangi kamene. ⁶ Dingangu i kamene masingka u apa orasē inie wēdang makapeto kēbŭ

^a mēhabarē = memberitahukan

e. Hědowen su tempone nitan-
tung Mawu Kasěllahenge, tauma-
ta ralakię ene sarung suměpu.
7Kakakuatu měkoą dalakisě e-
ne seng naněta někaradiahang
supěnisse, kai wědawen taghalę
kěkědaleng.^b Hědoweng kama-
gengu i saing měnganguhunge
seng iapakatadıe, ⁸ute wuhue-
we ikasilo taumata ralakisě ene.
Tangu kamagengbe Mawu Ye-
sus marěnta ute i Sie sarungbe
měmate taumata ralakię ene ri-
ngangu singongone wou mohonge
ringangu mapakawinasang ka-
wantugu rarěntane. ⁹Tau ralakię
sarung suměpu ku dingangu
kuatu setang. I sie lai sarung
měkoą haghin tanda makalahe-
rang dingangu makadalinau na-
penę kontine. ¹⁰I sie sarung
měpakeu haghin bawitaugu kara-
ralai makakapalidu taumata ku
makabinasa. I sire kai sarung
mawinasa u i sire tawe ma-
pulu měnarima dingangu tawe
karaluase su habaru katulidę bou
anun Duata e ku makasalamatę
si sire. ¹¹Kai ene hakiu Mawu
Ruata e maparěntang kawasa
makapalidę si sire, hakiu i si-
re měmpangimang apam baline
su katulide. ¹²Bontoge ute kębi
apan taumata papuluangu pęsa-

sała ringangu tawe měmpangi-
mang katulidę e ute sarung ihu-
kung.

I kamene nipile mēdeau ipakasalamatę

¹³Manga anau sěmbau
ikěkěndag'u Mawu! I kami e
mambeng hinong hanesę maki-
tarimakasę su Mawu Ruata e
waugu i kamene e, watu rong-
keng bou tętę Mawu Ruata e
seng nēmile si kamene tadeau i-
pakasalamatę. U ene kai nariadi
ualingu karadiahangu Rohkę Su-
si si kamene napakariading ka-
mene ralohon jamaat'u Mawu e
masasusi mase ualingken panga-
ngimang i kamene su habaru
katulidę e wou Ruata. ¹⁴Baęu
ene Mawu Ruata e nękuing ka-
mene ringangu injilę ilęhabar'i
kami e si kamene. Mawu Ruata
e mękěkui si kamene, u Rua-
ta e mapulu tadeau i kamene
mětęngkalau bue suralungu ka-
wawantug'u Mawung kite i Ye-
sus Kristus. ¹⁵Hakiu ene manga
anau sěmbau darisiko pakatogha-
sę dingangu pěmpangumbeleko
turusę těntiro nitěntirong kami
si kamene, baę nitěntiro ualingu
palahumbisarang kami e ringangu
lai ualingu pamamoę.

^b dibatasi

16-17 Karimako Mawung kite i Yesus Kristus sēsane, ringangu Ruata i Amang i kite e mēhiborē dingangu manoghasē naung'i kamene, tadeau i kamene makakoā bue ringangu makapēhabarēben munara mapapia. U ruata e kukēndag'i kite e, ringangu ualingu kapiā naung'E i Sie mapakakēdang i kite e ringangu makapēlēharapu apang mapia.

Pēmpēkaliomaneng baug'i kami

3 Pangēsueēnge, manga anau sēmbau, pēmpēkaliomaneng baug'i kami. Pēmpēkaliomaneng tadeau hengetangu Mawu e lighabe mašawuhē dingangu matarimabe mapia kerewe lai naung seng nariadi si kamene. ²Pēmpēkaliomaneng lai tadeau Mawu e mēngambang i kami e wou taumata maļahēngi dingangu raļaki. U walineu kēbi taumata maņgimang hengetangu Mawu e. ³Kai Mawu e satia. I Sie kai sarung mapakatoghas'i kamene ringangu manēntanudi kamene woi Raļaki. ⁴Mase i kami e mangimangbe masēgadē su Mawu maņnung kamene, u i kamene e kai kapēkēkoā e ri-

ngangu mēngkate mēkēkoā apang pakikoā i kami e si kamene.

⁵Karimako Mawu e mēngaha i kamene limembom makaēna u Mawu Ruata e kukēndag'i kamene ringang'i Kristus e maņgonggou naung makēdang si kamene.

Halē u pēmamunara

⁶Manga anau sēmbau, suralungu kawang Mawu Yesus Kristus, i kami e mēngoro si kamene tadeau pēmpēnggeako i kamene woi sire apan manga anau sēmbau luļeohē^c dingangu tawe tumatuhū tēntiro itēntirong kami e si sire. ⁷I kamene hala e masingkau i kamene harusēbe mētēno kakakoā i kami e. I kami e tawe mēmamalasē naung i kami e ene sutaloarang kamene. ⁸I kami e tawe kumakaēng kaēngu taumata ku tawe mēmamaehē. Kai raliune ēllo hēbi e i kami e mēmēmunara mēbēbangun suagē tadeau i kami e tawe mapakasusang i sai-sai wou taloarang kamene. ⁹I kami e mēkēkoā ene walineu ualingu i kami e tawe hinone mēnuntu tadeau i kamene e kai mētulung i kami, kaiso kawē ualingu i kami mapulu ma-koā pētātēnoēng si kamene. ¹⁰Su

^c luļampaeng = luļeong = bermalas-malasan

tempong i kami e wędang sutaloarang kamene e, i kami e nangonggo u atorang ini, "I saisain tawe mapulu mēmpēmunara ute tawe wotonge mahungkaēng."

¹¹I kami mēbēbera kereini e watuu i kami e makadingihē u piā taumata sutaloarang kamene e mēpēparaleong. I sire tawe halē i sire tumbau mētētasing lūlū urusangu taumata waline.

¹²Suralungu kawasan Mawu Yesus Kristus i kami e mangoro si sire ringangu mangonggou tēgu, tadeau i sire mēhalēbe matatapē dingangu mēdēdeabe wiah'i sire hala.

¹³Kai i kamene kumbahangbe mawoehē mēkoā mapia. ¹⁴Aramanung hēdowem piāu tawe tumuhū apang iwēberang kami suralungu suratē ini. Pakaingatē bue su taumata kerene ringang-

u abe pēhapi i sie, tadeau i sie mamea wue. ¹⁵Kai kumbahangbe i sie koateng kere sēdu; kū kētaeng panasasie kere su anau sēngkatau.

Papondole

¹⁶Mawu e kai puēngu karalunsemah'i kite. Karimako i Sie mēngkai hanesē mangonggo u karalunsemahē si kamene suralungu patikū sabarang. Karimako Mawu e mahundingang i kamene kēbi.

¹⁷*Tabekaku, wou ia i Paulus.* Ia sēsaku namohē u wahageang ini. Kū ini e kai takū nipelō tiala su kēbi suratēku.

¹⁸Malowoko Mawung kite i Yesus Kristus mēngalamatē si kamene kēbi.

Adat'i kami,
Paulus

SURAT'I PAULUS HUMOTONG

SI

TIMOTIUS

DARUMATINGE

I Timotius kai sengkatau taumatan Sahani wuhu su Asia kadodo, nakoꝝ hapi dingangu tumatimbang si Paulus su munarane. I Amang i Timotius e kai tau Yunani ringangu i ninange ute kai tau Yahudi. Su *Surate Humotong Si Timotius*, niukahe halẽ tẽllung kamonaẽng ku pia pẽhẽmpukange sẽmbau dingangu waline.

Kahumotong-motongange ute kai laurihẽ si Timotius u kai pia manga tẽntiro ta mẽtatahino kẽkaẽbakeng sutaloaran jamaatẽ. Manga tẽntiro ene kai nẽdaꝝau u tẽntiron tau Yahudi ringangu waline Yahudi iwẽbẽnta su pẽngangiaking u kasẽllah'u saruluange seng nẽngkarala-kisẽ dingangu kasasalamatẽ e kẽtaeng kaẽbakeng kereu taumata pia kasingkae lẽlirung tẽntani, dingangu matuhũ su atorange kere umpamane tawe wotonge mẽkawing, arau mangawewe pia kaẽng tawe wotonge kanengang ringangkewelain baline.

Karuane, ute kai apan tatẽntiro si Timotius maanung halẽ u pẽtangkiang jamaatẽ dingangu halẽ u pẽkakaꝝliomaneng. Tẽtualageng lai si sie kakoꝝau taumata e ku botonge makoꝝ mananahimata ringangu lumaontolẽ su jamaatẽ. Pẽngẽnsueẽnge i Timotius nitẽntiroẽng lai su halẽ u kereapa i sie makoꝝ sengkatau mẽtatangkiang si Yesus Kristus mapia ringangu su halẽewen mẽmasaẽng bawawaẽnge mẽtoha u haghing komoꝝangu taumata apan nakoꝝ dalohon jamaatẽ.

Lohone

Panětakenge	1:1-2
Manga tatëntiro maanun jamaatë dingangu manga mětatangkiange	1:3-3:16
Manga tatëntiro si Timotius su halë u munarane	4:1-6:21

1 ¹⁻²I Timotius, kai anaku tune suralungu Mawu! Suratē ini e kai wou ia, i Paulus, darolohang i Kristus Yesus e kahiaen parentan Duata e Mananalamat'i kite e ringangu kahiaen parentang Kristus Yesus, pēlaharapeng i kite.

Karimako alamatē, tatalēntu dingangu karalunsemahē bou Ruata i Amang dingangu i Yesus Kristus Mawung kite manēntanudē si kamene.

Tatalumbaghe u waugu pia tēntiro makapalidē

³Ia e kai mapulu tadeau i kau e tatapēbe mētētana su Efesus kereuwe seng bou taku itetalumbaghe si kau nangun pia e ia nakoā solong Makedonia. Batu su Efesus kai pia pirangkatau mēmpēnēnawuh'u tēntiro tawē katulide, ku i kau e harusēbe pēmpēsēding i sire. ⁴Paulike ko i sire u kumbahang i sire mēngkai mēnēnaungu apan bio ringangu kaławou manga wēken asalē tā pangēnsueēnge. Kēbi-kēbi ene kētaeweng makadiadin pēsatoriri ringangu tawē humpae waugu mapakateing hingidu Ruata ku kētaeng kinakirala kina-

hian pangangimang. ⁵Timonan sasasaku ene ute kai waugu mapasēbangu kakēndagē simēpu bou ralungu naung burēsi ringangu kasingka u naung susi ringangu pangangimang tune, ku ualingu ene i sire makakēndag'u sēndinganenge. ⁶Pia taumata sēngga seng nēmpēlenga wou raleng ene, dingangu nēngkapalidē suralungu pēdararendehē tā kēhase. ⁷I sire mapulu makoā mananēntiro agama, sēmbaliau i sire hala tawe makalahēngang apang iwēberan sire ringangu kaławou apan tētahutēngareng i sire.

⁸I kite e masingka u atorangu agama e kai mapia, kereu ipēpakebe ipētatalahinong kakakoā e. ⁹Nalahēu harusēbe pētahēndung u toratē e kai nikoā balinewe waugu taumata mapia e, kaiso kai waugu taumata ta mēndarekengu toratē, taumata raralaj, taumata wēgan Mawu Ruata, taumata waradosa tawē agamane, taumata kapulune mađunia, tahapēmate si amange arau si ninange, tahapate, ¹⁰su mawawuang, tahapēkoā katatelorē esē dingangu esē, bawine ringangu wawine, mēnanangehē, kakontiang, mase manga sahi-

di konti, ringangu i sai-saiewen mēkēkoā balaewe apan ta mētatalahinon tēntirong katulidē. ¹¹Tatēntiro ene kaēbakeng su Injilē ipakisawuhē si siā e, ute kai Injil'u Mawu Kasēllahenge mawantugē dingangu hinon daloēng.

Pēndangu makitarimakasē u tatalēntu u Mawu Ruata

¹²Iā e makitarimakasē si Kristus Yesus Mawung kite seng nēgēlliū kuatē si siā baugu ipētangkiang si Sie ringangu piā u nangēnnau iā e kai kapangumbalaēng su haļē ene, ¹³sēmbaliū iā e naung kai taumata tahapēhodatē dingangu tahapanumbiagē dingangu tahapētingkai si Sie. Kaiho iā e mang nitalēntu u Mawu Kasēllahenge watūu su tempo ene iā e wēdang ta nangimang, ku iā bēdangben bēga mēnsang apa taku koateng. ¹⁴Kai raliūne iā kawe nipēdaļembon tatalēntu u Mawung kite. I Sie nangonggōu katoghasē si siā baugu mangimang si Sie ringangu kumēndagu sēndinganeng taumata. Katoghasē ene nionggō si kite kēbi apan seng nasēmbau dingangi Kristus Yesus. ¹⁵Mambeng tēngadē bawera ini – hakiu

ene sembeng hinong itarima dingangu kahēnga-hēngang – "I Kristus Yesus dimēnta su dunia ini e mēngambang apan taumata waradosa." Ku iā e taumata waradosa karalakisange. ¹⁶Kaiho kawe waugu ene hakiu Ruata e kimēndagu iā e tadeau i Kristus Yesus makapēlahēu kasēllahu pēsasabare si siā, taumata kawaradosaēnge ini. Dingangu ini e nakoā sēmbau kakakēllaēng baugu patiku taumata ku sarung mangimang si Sie ringangu makahombang pēbawiahē tutune ringangu kakalē. ¹⁷Mawu Ruata Datung patiku tempo e hinong pēsubaēng dingangu raloēng sēntiniā tempo, u kai i Sie ku kakalē dingangu ta ikasilo ringangu man sēmbau! Aming.

¹⁸Timotius anaku! Haļē ini taku iumbala si kau, kereu mētahēndung hengetangu Mawu Ruata pinēhengetangu manga nabi e su jamaatē maanum batangengu. Karimako hengetang ene makoā sinasau suralungu pētatoħa u pēmamunaranu e mapia. ¹⁹Pētoħaē ku pētumpaede su pangangimang kahēngang dingangu lai kasingkau ralungu naung burēsi. Piakon sēngga

e kai tawę agise su kasingkäu naunge wuręsi hakju pangangimangkewen sire e kai nęngkahęda.^a ²⁰ Bõu talõaran sire e kai i Himeneus dingangu i Aleksander. I rędua e kai seng taku nisarakang su setang, tadeau i sire męnęta mangędung męngędo męhodatę Mawu Ruata.

Pękakaliomaneng u jamaatę

2 Kahumotong-motongange, ia e mędędorong sęngapam botonge tadeau rorong, kakaliomaneng, dingangu kakaliomaneng manandu, orelai tatarimakasę e darumatingko su Mawu Ruata e waugu patiku taumata, ²baugu manga ratu ringangu kębi taumata apang ku męmpęngumpaedę kawasa. Pęmpęgause tadeau i kite makapębiahębe sukaralenehę dingangu maręmmasę baugu Ruata keręewe su adate. ³Kai ene mapia ringangu makaļuasę naungu Mawu Ruata e Mananalamatę si kite e. ⁴I Sie mapulu ute tadeau kębi taumata iapakasalamatę dingangu masingkäu apan matulidę. ⁵U Ruata e kai sęmbau dingangu kętaeng sęmbau lai mananalõara węla Ruata ringangu tauma-

ta, ku kai i Kristus Yesus. ⁶I Sie sęngkatau taumata ku seng nęnarakangu watangenge tadeau mapakaliwir'u patiku taumata e wõu kaławõu rosan sire. Ualingu ene ute Mawu Ruata e nęlahęu tempone mapia, u i Sie mapulu tadeau kębi taumata masalamatę. ⁷Ku kai ene hakju ia nirolhe soļong anun taumata, walnewe tau Yahudi e ipęlęhabarę si sire habaru maanun pangangimang tutune. Ku taku ipępauli ini e kai mambeng kahęngang, kai ia e tawe mękonti.

⁸Ia e mapulu tadeau walawe su tampa sude, manga esę męmpękakaliomaneng dingangu naung buręsi, tawę pędune arau tawę bulone.

⁹Manga wawine e pęmpęlęgahu watangenge su saręe ringangu pępakeang pakaudupę. Ariębe mędalęgahu uta męsęsalapidę arau manga ralęgahę bulang, arau mutiara, arau pakeang maralęgadę. ¹⁰Su sęmbękane ute, manga wawine e kawę hinong męlęgahę batangenge ringangu kakanoa mapia keręewe hinone su wawine mękękakaliomaneng su Mawu Ruata. ¹¹Bawine harusę

^a runtuh

2:7; 2Tim. 1:11 2:9; 1Ptr. 3:3

mangëndung marëmmasë dingangu makëhagë. ¹²Ia e tawe mapakawalan manga wawine mëngkai manëntiro arau mangan-wasa manga esë e, i sire harusëbe marëmmasë. ¹³Batu kai kakalimonanenge niriadi ute kai i Adam bou ene wuhewe i Hawa. ¹⁴Ku balinewe i Adam, kaiso kawe wawine e kinaakaleng, hakiu limawang titan Mawu. ¹⁵Maningbe kerene, wawine sarung maambangu pëmamantelë ana, asal i sie ringangu kasasana u naung tatapëbe mangimang si Kristus, dingangu tatapë kukëndag'u taumata waline ku mëbiahë samatang baugu Mawu Ruata.

Mananahimata jamaatë

3 Tëngadë buë wawera ini, "I sai mëlawi pangkatë tëmbonangu jamaatë, ute i sie mëmëningu munara mawantugë." ²Sëngkatau tëmbonangu jamaatë harusëbe sëngkatau tawe kasasëngkulang, kawingu wawine sëngkatau, makëdang, matahuëna, ringangu maatorë, mahimumu dangenang u sake su waline, ringangu pelesa manëntiro, balinewe tahawukaneng, ³arau tahapëndariha, kaiso tuhu

hinone i sie kai harusë taumata naunge maalusë dingangu puluang mëgaghighilë. Tawe wotonge maanggang su roitë. ⁴I sie pelesa mëngatorë dalohon balene, mamihing manga ana e tadeau matuhu dingangu maadatë si sie. ⁵U kamageng tawe makatorë dalohon balene sësane, ku kai kereapa i sie mangatorë jamaat'u Mawu e? ⁶Tëmbonangu jamaatë tawe wotonge taumata wuhu nasahani, watu madiring i sie mëtëngkaobotë, mase manawo su hukumang kere setang naung kalamona. ⁷I sie kai harusëbe mapia arenge su kawanua; kai kamageng balinewe kerene, nalahëu i sie kai tahumeangu taumata, dingangu maiki u sedë u setang.

Tumatimbang halë u jamaatë

⁸Tumatimbangu halë u jamaatë e harusëbe lai sëngkatau mapia ringangu matulidë, balinewe tahainung dingangu maanggang su roitë. ⁹I sire harusëbe mëngumpaedë masëgadë dingangu naung burësi su tëntiro pëngangimangu tau sahani e ku seng nilahë u Mawu Ruata. ¹⁰Kai i sire e maiaing ha-

rusēbe wanikateng kalāmona, ku kereu i sire nalāheḅu mambeng tawe kasasēngkulang ute, wuhē i sire makapēkoḅ munara tumatimbang u jamaatē e. ¹¹Kawing i sire maḅaing harusē taumata mapia, balinewe tahapēsilon-tahē. I sire harusēbe masingka mēndiaga batangeng dingangu matulidē su patiku sḅabarang. ¹²Tumatimbangu jamaatē e harusēbe kētaeng sēngkatau kawinge. I sie harusēbe masingka mamihing manga anaē ringangu ralohon balene pakapia. ¹³I saisain mētētangkiang mapia su jamaatē e, sarung lahungeētang mase mēngkate wahani mahumbisaran halē u pangangimang i sire si Kristus.

Lēlirungu agamang kitē e

¹⁴Ia e mēlēharapē semben ta karēngē lai ia sarung makapētiwo si kamene. Kai maningbe kerene, ia delaing manurat'u ini si kamene, ¹⁵tadeḅau kama-geng ia e nalongge ute, i kau e sembeng masingka u kereapa i kitē harusē mēbiahē kere anaḅu sēmbaḅu suralungu Mawu Ruata, ku kai jamaat'u Mawu Ruata e wiahē. Ku kai jamaatē ini e dihi mēpudē kinaianengu katēngadu Mawu Ruata. ¹⁶Tawēu sarang

sēngkatau makapēsuniaḅu kai apa kasaria lēlirungu agamang kitē e:

I Sie nēlahēu watangenge suralungu ghēsina taumata, ringangu mapakalētaḅu katēngadē su Rohkē Susi ringangu kinasilon manga malaekatē.

Habare nipēluntingihe sutaloaran bansa, ku i Sie pinangimangeng su patiku dunia ringangu nihengkē su sorga.

Manga mananēntiro nēsala

4 Rohkē u Ruata maḅuḅi masahē, u su tempo mahi kadēntane, sarung piḅu u mēmpēsohō boḅu pangangimang si Kristus. I sire sarung mēmpētēngkatakidē su rohkē makapalidē dingangu tutolē manga tēntiron setang, ²ilēhabaru taumata tahapēkonti mēlle. Dalungu naung i sire e seng marēndung. ³I sire maḅnēntiro taumata kumbahang mēkawing dingangu kumbahang kumaēng kaēng pinēpēlli. Sēmbaḅiau kaēng ene kawē niriadin Duata e ipakipēpēpake piḅu tatarimakasē e si sire apan seng nēmpangimang dingangu nēngkasingka u katēngadē e kahēngang. ⁴Patiku

apan niriadin Duata e ene kai mapia, ku tawę u sarang sęmbau ku hinong ikadiri kamagengben seng nitarimau ringangkewen tatarimakasę su Mawu Ruata. ⁵Batu u kai alamat'u Ruata e ringangu kakaliomanenge makadia-din kaęng ene ipakası.

Mętatangkiang si Kristus Yesus męmęmunara mapia

⁶Kereu i kau manęntiro kębi ene su manga ana u sęmbau mangimang ute i kau sarung makoę mętatangkiang si Kristus Yesus ku męmęmunara mapia. Dingangu i kau sarung mapakatawang pędangu naungu kahiaen hengetangu Mawu Ruata e ipangimangeng i kite e ringangkowe lai manga tęntirong katęgadę seng tętoleęng sęngapan dęngue. ⁷Pęteghangkong kaławou węken tahayulę tawę kęhase. Pętęngkawihingko watangengu su pębawiahu pangangagama. ⁸Watų pęmamasang badange apawe kadidi gunane; arawe pęmamasang marohkę e ute kawę mambeng mębaraguna su kębi halę, batu u kai kaławunidę pękakakędon pębawiahu orasę ini e ringangu tempo ramahi sarung. ⁹Kai halę ini tęgadę dingangu hinong itarima dingangu pangimangengu

kaławau naung. ¹⁰Hakiu ene i kite e mębębangkuadę dingangu mętętęngkasaghedę, batu i kite e męlęharapębe ringangu kaławau naung su Mawu Ruata wiahę, i Sie kai Męngęngambang patiku taumata, nangęlembo katewe su taumata apan męmpangimang.

¹¹Tęntiroko kębi ene ringangu oroko taumata pahuntole. ¹²Kumbahangbe pia u ta męndekeng i kau watų i kau kawę wędang umbaseng. Su sęmbękane, kakoęko pętatęnoęng baugu taumata mangimang suralungu waweranu ringangu kakanoę, su kakakoę i kau kumęndagu sęndinganengu ringangu mangimang su Mawu Yesus Kristus, ringangu kasasusin pębawiahu e. ¹³Tęntalang ene, sarangbe ia maręnta ute, i kau harusębe pęnggisingko mębasa Winoę Susi ipakiraringihę su taumata, pęmahansang dingangu pęnęntiro si sire. ¹⁴Kumbahangbe i kau mębulęn tatalęntų u Rohkę u Ruata ku seng nionggos i kau su tempon matatimadu jamaatę e nęmpanelidu liman sire su tęmbou e, ringangu manga nab i nęmpęluntingihu hengetangu Mawu Ruata e maanun batangengu. ¹⁵Kękoę bue kębi tamai

ene ringangu kaguwau naung tadeau sasombou malahe su patiku taumata. ¹⁶Pakalukare wue watangengu e ringangu tetahimataiwe lai tatentironu. Kenangko pakasatia i kau mekoak kebi tamai ene watu ene ute i kau sarung makaambang kurai watangengu, kurai lai manga taumata apan dudaringihē si kau e.

Papandung su taumata mangimang

5 Abe lehekare taumata li membon naiakang bo'i kau kaiso ahako i sie pararingihē manga waweranu kere i sie i amangu. Kakoako manga laumbaseng kere anau sembau, ²dingangu manga wawine matatimadē e tabidaewen mekēkoak si ninangu. Manga wawine malahuala e wue ute koako kere tuarinu, ku mangkewen pakaamumang.

³Pakaadatē su manga wawine walu ta melahikinge. ⁴Kai kereu manga wawine walu piabe manga anaē arau pulunge, ute i sire ene kai kakalimona-monaenge harusēbe ongotangu katatahuenna u i sire hinong kumakella ralohon balen sire tutune, ringangu memalises kopian matimadē dingangu manga iu-

pung i sire. U kai ene makaluasē dalungu naungu Mawu Ruata e. ⁵Bawine walu ku kahengahengang sesane, ringangu tawē i sai-sai makapaduli si sie, ku ketaben melēharapē su Mawu Kaselahenge. Eello hēbi i sie mēngkai mekēkalomaneng su Ruata mededorong tulumange. ⁶Arawe wawine walu ku ketaben mapulu metēngkasēnaēngu watangenge ute mesulungu seng nate manimbe i sie wēdang biahē. ⁷Habarēko manga tentiro ini e si sire, tadeau i sire mebiahēbe ta kasasēngkulang. ⁸Kai kereu pia u tawē mēpapaduli anau sēngkataune, nangēlembo kate ralohon balene sesane ute i sie nēsuniaļu pangangimange; i sie limembong karalakise wou taumata ta pangangimange.

⁹Ketaben balu makatuhu manga kalawou atorang ini e wotonge masowa su rolē u manga wawine walu; umure harusē metēngkasana ēnungu pulo su taunge, naung ketaben sēsule mekawing, ¹⁰ikēkatiwa u kere sēngkatau wawine seng nekōak apan mapia e, kere andene; seng nepaduli napakasarian manga anaē pakapia, maraluasē mapanumpangu taumata metana su walene, metangkiang taumata

apan maṅgimang, dingangu luṅ-
tolē apan masasusa nimbue seng
nēkoḃ dingangu kaḡuwau naung
patiku haghin munara mapapia.

¹¹ Ariēbe sowa suralungu rolē
u wawine waḡu manganguda.
Batuu kamageng dēdēntaēngken
ēning u manguda, ute i si-
re mapulu mēkawing kapia, ku
mēmṗetalikud'i Kristus. ¹² Tangu
i sire kai nēsala watuu nēlandang
kire nionḡo si sire. ¹³ Limembo
kate lai i sire mēḡēgagholu tem-
po ringangu masuē masēbangu
waḡe. Dingangu limemḡewen ka-
raḡaki e ute kai i sire mēsēsam-
puhu tau waḡine dingangu luḡau
urusangu tau ringangu maḡum-
bisarang haḡe hinong tawe wo-
tonge ipahumbisara. ¹⁴ Hakiu ene
ia mapulu tangu tadeau manga
waḡu manganguda e ṗēmṗeka-
wing kapia, makahombang ana
dingangu mangurusē daḡohom
baḡene, madirin makawodai doka
makareḡ lēsabe makapēnamede a-
rengi kite e. ¹⁵ U kai ṗia manga
wawine waḡu seng nēngkapalidē
timole rohkē daḡai. ¹⁶ Kai kereu
sēngkatau wawine tau sahani e
ku ṗia manga ana sēmbau e
wawine waḡu, ute i sie harusēbe
mētulungu manga wawine waḡu

ene; ariēbe makawēha jamaatē
e. Tadeau jamaatē e makaontolē
bue manga wawine waḡu sēsane
ku tawe manga ana sēngkatau-
ne.

¹⁷ Mēngangaha jamaatē e,
ku mēmēmunarawe mapapia ke-
re sēngkatau pangaha e ute hi-
nong adatengu laadatē dua ha-
weng, nangalemḡo e si sire apan
maghaghising mēhabaru henge-
tange ringangu mēmpanēntiro.
¹⁸ Watuu suralungu Winoḡe Su-
si, kaḡawoḡe, "Sapi kapelēlindane
gandung mapaka hondosu waki
u gandung ḡo wulihe, kumba-
hangbe hakutang mohonge." Ke-
rene lai, "I sain masaghedē e,
i sie hinong mēnarima taten-
denge." ¹⁹ Abe ṗenarima laēnsilē
su mēngangaha jamaatē, tabeau
katewe ṗia sahidine rarua arau
tēllung katau. ²⁰ I sain nēmṗesala
e, ṗeberai su tēngong kaḡawou ja-
maatē, tadeau i sire waḡine e
maḡaing matakū.

²¹ Su tēngon Duata, i Kris-
tus Yesus, dingangu manga ma-
laekatē pinile e, ia mēdēdo-
rong sēngapam botonge tadeau
i kau tumole kēbi tēntiro i-
ni tawe ṗēngangantang si sai-
sai, ringangu tawe mēsasēmbeka.

²² Abe lai kasasahawu mēnēli-
du lima su sēngkatau waḡu
ihengke makoḡ mētatangkiang
Mawu Kasēllahenge. Kere u
waḡine nēsala, ute kumbahangbe
mētēngkalau su pēsasaḡa ene. Pa-
katanure watangengu e, tadeḡu
pēbawiahu e katatanabe susi.

²³ Abe kēḡaung mēnginung
ake matagē, kaiso pēpakekon
anggorē pēkadodo mēdeḡu ma-
kaontolēbe pēlahene kaēng su
tiang, batu pēsēngkakahuang i
kau e kai maḡaki.

²⁴ Pēsasaḡan taumata sēng-
gḡe, kaḡamonan tawē nikēkiwaḡo-
ēng su pēnggaghutaēnge ute seng
nawualagē. Arawe pēsasaḡan tau-
mata waḡine ute hēdo kēkasingka-
teng samuri. ²⁵ Kerene lai apang
kakanoḡ mapapia e ute apidu
lulēḡa. Dingangu apaewen kata-
taingu waḡine kerene ute tawe lai
mēngkai kaḡawuni.

6 Kaḡawou tau Sahani ku na-
koḡ ēllange, harusē ma-
singkaḡu mawun sire adateng, ta-
deḡu taumata e tawe mapakaḡa-
medu arengu Mawu Ruata e arau
tēntirong kite e. ² Manga ēllang
ku mawune tau Sahani e tawe ta
mēndekeng mawune uaḡingu i sire
kawe lawo tau Sahani. Saḡa anu-
ne i sire kai harusē mētangkiang
mawun sire lai limembong kapia-

ne, u mawun sire tētangkiang
limembong kapiane ene kai lawo
taumata maḡimang ikēkēndagē.

Tatēntiro ta katulide ringangu kakakala tutune

Kai harusē kerene i kau e
manēntirong kēbi ini e ringangu
mēnasa e. ³ I saḡewen manēnti-
ro waḡine wou ene e ku ta-
we sēndaḡeng dingangu tēntiron
katulidē e wou Mawung kite i
Yesus Kristus, ku dingangu tēnti-
ron agamang kite, ⁴ kai tauma-
ta maḡaobotē dingangu tawē ka-
singka e apa! Saḡi e ute kai
papuluang mēmpēsasimbahē di-
ngangu mēmpēdarendehu manga
wawera hakū makakoḡ pananoi,
pēbawulo, pēsasamedē, antang
daḡai, ⁵ dingangu pēsasasēdu tawē
petoē. Daralengu tinēnnan sire
ute seng nahēpusē ku seng tawē
hinone. I sire mētētimonan ma-
kala baugu pangangagamane.

⁶ Kerene wue u agama
e makaḡonggoben kaḡauntung
masēllahē, kereu taumata e seng
maḡuasū apan tētaghuanenge. ⁷ U
tawē apa-apa niwawang kite e su
dunia ini, dingangu tawē apa-a-
pa lai isēsēbang i kite bou dunia
ini! ⁸ Ku kereu piabe kaēng di-
ngangu pakeang ute ene e seng
kapapiane. ⁹ Arawe taumata ku

mapulu makala e, kai kəkasa-
 lukateng dingangu maławungu
 haghing kapulu wodo ringangu
 makasilaka. Kaławou kapulu e-
 ne e kai makabonohu taumata e
 su kaghagholog dingangu kawawi-
 nasa. ¹⁰ U kaławanggang su roitē,
 kai makakadentang haghing ka-
 raralakisē. Pia taumata sēngga e
 mang mēmpanahusu roitē hakū
 seng tawe tumatuhū tēntiron
 tau Sahani e, kū i sire kəkahom-
 bangengken kaławou haghin
 sigēsa makasunsara naung i sire
 marasai.

Sasalēntihō baugu watangeng

¹¹ Arawe i kau e kai tauma-
 ta tētaghuanengu Ruata, kū i
 kau e harusēbe mēteghangu kēbi
 ene. Pētawakaliko makoā tau-
 mata maadilē su silon Duata,
 mēmunara waugu Mawu Ruata,
 pangimang si Kristus, kūkēnda-
 gu sēndinganeng taumata, ka-
 kakēdang su susa, dingangu kasa-
 sikome naung. ¹² Pēbangkuadēko
 ringangu kaḡuwau naung baugu
 mēbiahē kere sēngkatau Sahani e
 tadeau i kau makaghalawe taten-
 denge pēbawiahē tutune ringangu
 kakalē. Kai waugu ene Ruata e
 nēkui si kau su tempong i kau

nēngaku su tēngon taumata la-
 wo u i kau mangimang si Kristus.
¹³ Kū orasē ini e, su tēngon Dua-
 ta e kū puēngu patikū pēbawiahē
 e, ringangu su tēngon Kristus Ye-
 sus kū seng nēngonggou sahid-
 ing katēngadē su tēngon Pontius Pi-
 latus, ia e mēdēdorong ini e wō'i
 kau: ¹⁴ Sēmpike wue kēbi parenta
 ene pakatinalung dingangu tawe
 turae sarangkewe ēllon Mawung
 kitē i Yesus Kristus rumēnta ka-
 pia. ¹⁵ Darēntane e ute sarung-
 be itantu su tempone mapia-pia
 kahian Mawu Ruata sēsane. U
 kai mangangawasa mang sēmbau;
 i Sie Mawantugē. Datum patikū
 Datu, ringangu Mawung kaławou
 Mawu. ¹⁶ I Sie sēsane tawe ika-
 wata u papate, tangu i Sie kai
 wiahē mēbēbanua su tualagē ta
 kalahaungang i sai-sai. Taweu sa-
 rang sēngkatau taumata reng bou
 nakasilo, arau makasilo. U kai si
 Sie adatē dingangu kawasa sa-
 rang kakalē e! Aming.

¹⁷ Baugu taumata apang kala
 su dunia ini e, oroi tadeau i sire
 abe pēmpēngobotē dingangu abe
 pēmpangumbala su kakala. I sire
 harusēbe apangumbala su Ma-
 wu Ruata kū seng nēngonggou
 patikū e si kitē ipēdēdalem-
 bo e tadeau i kitē makatemang

bue. ¹⁸Sasaiko i sire apëkëkoḗ mapia, apakakala su munara mapia, maḗaëlludë, dingangu apakadaḗuasë mangonggo. ¹⁹Dingangu ene ute apangëmungke arëta itëtamang i sire makoḗ sasadian tempo ramahi. Tangu waugu ene i sire e sarung makahombang pëbawiahë kakalë e ku kai pëbawiahë tutune.

²⁰Ku apawen seng niumbala si kamene, riagatewe pakapia, Timotius! Pëteghangben pëbawisarang apa ta këhase ringang-

u pëdararendeh'u apa makataḗubambing kai isësëba, "Kasingka".

²¹U kai piḗ taumata mëmpëbera u i sire piḗ kasingka ene, hakiu mëmpëlëlenga wou pangangimangu tau sahani ku pangimangeng i sire kalamona.

Karimakḗ Mawu e mëngalamatë si kamene manga anau sëmbau.

Adat'i kami,
Paulus

SURAT'I PAULUS KARUANE

SI

TIMOTIUS

DARUMATINGE

Surat'i Paulus Karuane Si Timotius kaguwakenge lohom manga sasalēntihō si Timotius dingange sēhalēkang dingangu tumatimbange deng bēdang manguda. Gēsīn sasalēntihō e ute tadeau i Timotius e makēdang. I Paulus mēnēnalēntihō dingangu tadeau i sie satia mangeleng hengetangu Mawu Yesus Kristus ringangu mangumpaedebe tēntiro su Pēdariandi tēbe ringangu tēntiro maanung Injil'u Ruata; tadeau i Timotius maļaing tatapē mēmunara kere sēngkatau mananēntiro dingangu mēlahabar'u Injil'u Ruata, manieng tutatēngo sunsara ringangu pēdararendehe.

I Timotius tumbaen lēulikang tadeau tawe mētēngkaļau suralungu tungkōu pēdararendehe dingangu tawe arēgane. Pēdararendehe kerene e tawe pulise apa-apa, sēmatang makadomba tinēnnan taumata apan dūdarangihē.

Baugu patiku tamai ene i Timotius lēingateng tadeau mētēnno wou pēbawiah'i Paulus – tangu pēngangimange si Kristus, kasasabare, kakēndage, kakakēdange ringangu sigēsae seng kinahombangenge suralungu tatumbiagē.

Lohone

Panētakenge	1:1-2
Daralo ringangu laansang	1:3-2:13
Sasaļēntihō dingangu papakasingka	2:14-4:5
Habar'u wēken kakakoā i Paulus sēsane	4:6-18
Kakunsi e	4:19-22

1 ¹⁻²Timotius, anaku ikëkëndagë! Iạ, i Paulus nẽmohe u suratẽ ini e si kau, ringangu kukakindoạ^a u karimakọ Ruata i Amang dingangu Mawung kite i Yesus Kristus mẽngonggọu alamatẽ, tatalẽntu dingangu karalunsemahẽ si kau.

Ualeng kapulun Duata ute, iạ e nihengke nakoạ darolohang i Kristus Yesus dingangu nirolohẽ pẽlẽhabar'u pẽbawiahẽ kinẽdon Duata. Pẽbawiahẽ ene kai kintarima i kite ualingu kasasẽmbau i kite e ringangi Kristus Yesus.

Kakaliomaneng tatarimakasẽ dingangu wawalinsahẽ

³Iạ makitarimakasẽ su Mawu Ruata taku nitangkianengu naung burẽsi kere naung seng nawahẽta kalamona wọ'i iupung. Iạ e mẽngkai hanesẽ makitari-makasẽ su Mawu Ruata apaweng kasaune iạ makatahẽdung si kau suralungu kaliamaneng, baẹ ẽllo arau waẹbe hẽbi. ⁴Iạ e makatahẽdung kasasusan dalungu naungu. Kai ene hakiu mang mẽkẽkahumangu^b sau mẽsombang i kau tadeau naungku e mẽngkai maluasẽ. ⁵Iạ e nakatahẽdungke pẽngangimangu

masẽga-sẽgadẽ si Kristus, kerẽwelai naung pangangimangi nene u i Lois dẽduan ninangu i Eunike. Kọ iạ e mangiralungu i kau e malang mangimang kerene. ⁶Hakiu ene iạ e mapẽtahẽdung si kau tadeau mapẽbiah'u tatalẽntu laonggọ u Mawu Ruata e si kau su tempong iạ e nanẽllidu limaku e su pusigu. ⁷U Rohkẽ Susi niapakawuạ u Mawu Ruata si kite e, walinewe, Rohkẽ kọ makakatalo sikite. Kaiso kawewe Rohkẽ napeneu kakẽndagẽ dingangu pẽtatingkẽdang.

⁸Ualingu ene tangu abe kamea mẽsahiding Mawung kite e ringangu abe lai kameang iạ e natahungku ualingu i Sie. Kaiso, kawewe i kau ringangu kuat'u Mawu Ruata, mẽngkai pẽdararag'u sunsara waug'u Injilẽ. ⁹Duata e mangambang si kite dingangu mẽkui si kite e tadeau makoạ taumatane sẽsane. I Sie mẽkẽkoạ kerene walinewe ualingu apan seng kinoạ i kite e, kaiso kawewe ualingu tingirange hala ringangu tatalẽntu'E nilahẽ'E wọ'i Kristus Yesus kalamonan dunia e reng tawe niyadi. ¹⁰Kọ orasẽ ini e, Ruata e seng nẽlahẽu tatalẽntu'E si kite naparẽntan Datu Mana-

^a gụgahioro = mẽlẽharapẽ = mengharap
1:2: MMR. 16:1 1:5: MMR. 16:1

^b idem

nalamat'i kite i Kristus Yesus. I Yesus e namata kawasan papate ringangu napakalahēu pēbawiahē tutune e suralungu Injilē ene.

¹¹ Kai waugu mēhabaru Injilē e Ruata nēndui u ia e nakoā darolohang dingangu mananēntiro. ¹² Kai ene hakju ia nētatahangu kēbi ini, kaiso ia e tēbewe māngiakīng, u ia e masingkasingkabeng i sain taku pēngimangeng. Ia e mangimang bue u apaeweng seng niumbalane si sia e, i Sie mang makariaga u ene sarang Ĕllong Kiamatē. ¹³ Tuhukeweng kasēllahu naung tēntirong katēngadē ku seng taku nionggo si kau. Ku ikau mēngkai pāngumpaedēbe pangangimang dingangu kakēndagē ku seng nakoā tataghuaneng i kite ualingu nasēmbau dingangi Yesus Kristus. ¹⁴ Dingangu tulumangu Rohkē u Ruata e ku seng biahē suralungi kite e, ute mēngkai pakalukare pakapia patiku munara mālaarēga ku seng niumbala si kau.

¹⁵ I kau masingka u patiku taumata su kaguwaū Asia e seng timalikudē si sia, suralunge i Figelius dingangi Hermogenes. ¹⁶ Kai arawe rałohon balen Onesiforus seng masau mapa-

kahaēngu naungku e. Małowoko Mawu e mēlahēu kakēndag'E si sire. Manieng ia e suralungu tahungku kai i Onesiforus tawe mamameang kakakoaku. ¹⁷ Ene ia narēntae su Roma e, i sie mēngkatewe nēdeā dalengu makapēsombangu ia. ¹⁸ Dingangu i kau masingka u su Efesus, i sie mēngkatewe mētētulung sia. Karimako Mawu e mēlahēu kakēndage si sie su Ĕllon Mawu e mapatiralang kaadile su patiku umatē e.

Soldadong Kristus masatia

2 Anaku i Timotius! Pētēngka-kuatēkon tatalēntu nionggo si kite e, ualingkeng kasasēmbau i kite dingang'i Kristus Yesus. ² Tēntiro e naung seng kinaringih'u wou ia su tēngoen lawo e, sarakangko su taumata kapēngumbalaēng dingangu pēlesa manēntiro taumata waline.

³ I kau e pētatahangko lain sigēsā dingang, kerē e soldadong Kristus Yesus masatia. ⁴ Sēngkatau soldado kapēlēhalē e, apawe tawe mētatasibung halē u wiahē e, u i sie mēngkai mēdēdeā u makapētatahinong naungu tēmbonangu mēsasekē. ⁵ Sēngkatau mētatanding tawēu kapiange

suralungu tanding, kereu i sie tawe tumuhu manga atorange. ⁶Tahapëngëntana ku seng nëhalë masëgadë e, seng i sie kahumotong-motongange makauali wuane. ⁷Sipireko apan taku nibawera ene, batu Mawu e sarung mangonggo si kau katatahuënnang këbi ene.

⁸Tahëndungeko ini: Injilë taku ilëhabarë ene kai habarë maanun Yesus Kristus, hënton Daud, kai i Sie i Kristus ku seng nëbiahë kapia wou kapapohonge. ⁹Ualingu mëlëhabarë Injilë e, ia tangu nakapëtatahangu sigësa sarang lai nihapusë kere taumata ralaj. Kai arawe hengetangu Mawu e tawe ikahapusë. ¹⁰Kai ene hakiu ia e makëdang mënaludë këbi ene baugu patiku taumata ku seng pinilen Duata, tadeau i sire maiaing makahombang kasalamatë nionngo suralung i Kristus Yesus, rëdëdinganengu kawawantugë kakalë. ¹¹Mamben têngadë bawera ini,

”Kereu i kite e seng nate ringange,

ute i kite sarung mëbiahë lai ringang'E.

¹² Kereu i kite e makëdang,

i kite e maiaing sarung mëparenta ringang'E.

Kereu i kite e mësunial'i Sie, i Sie lai sarung mësunial'i kite.

¹³ Kereu i kite e tawe mëtëngkasatia, i Sie tatapë satia, u tawe mariadi ku i Sie mëdaroka dingangu watangeng'E sësane.”

Mëmamunara ku makaëba daralo

¹⁴Kënganko i kau e pëgëlliü ingate su apan taumata e maanun patiku ini. Su têngon Duata e, sasaiko i sire tadeau abe pëmpëbulon halë u manga wisara. Ene tawë gunane, saiaanune kai makakalëmboghang si sai-sain dumaringihë. ¹⁵Kënganko i kau pëhaghu sëngapan botonge, makoä taumata kahëngahëngang pangumbalaëngu Ruata e. Pëbangkuadëko tadeau i kau e tawe mamean halë u e kaiso kawë manëntiro pakatumang manga e tëntirong katulidë e wou anun Duata. ¹⁶Pëteghangkon manga wisara ta gunane ringangu makahina Ruata. Kalawou wisara

tamai ene tumbaeng makakoꝝ taumata mangkeng kapahun-tinamban kararalakise. ¹⁷Těntirong manga taumata ene nędaręķe^c kere saki kangker nętondaisę. Bꝝu taloaran sire piako i Himeneus ręduan Filetus. ¹⁸I sire seng nęmpęlenga wꝝu tęntirong katęngadę dingangu nakapęgolang pęngangimangu sęngga. Ungkuęng i sire u pębawangungu taumata nate e seng bꝝu nariadi. ¹⁹Kai laęmpahę matoghasę nięmpahu Ruata e tawe ikaghoghahę baharia. Su wowone e kabawohe kere ini, "Mawu e makakirała tataghuanenge", dingangu "Taumata mębera u i sie kai tataghuanengu Mawu, taumata ene harusębe mangędo wꝝu pękakakoꝝ pęsasala".

²⁰Suralungu wale masasaria e kękaębakeng manga apaliwꝝu mędędalahaghi.^d Piaben nikoꝝ bꝝu salaka arau wułaeng, kaiso piabe lai wꝝu kalu arau ęntana. Piaben ipępake baugu pandangangu wębantugang, dingangu piabe lai wꝝu pandangang sen tiasane. ²¹Taumata ku mętętęngkawuręsim batangenge wꝝu patiku kararalakisę e, i sie sarungbe paketang baugu apam

munara mapapia. I sie nakoꝝbe tataghuaneng tęntani ringangu mębaraguna su mawune. I sie męngkai rędiahiang baugu apam munara mapapia e. ²²Pęteghangkon haghing ęning u apan manganguda e. Pęhaghuko pębawiahę tutuhꝝu kapulun Duata, satia su apan tęntirone ringangu kꝝkęndagu sęndinganeng taumata ringangu managhuang lenehę dingangu ramenaung. Pębiahe kerene ringangi sire apang kꝝkui makitꝝlung su Mawu e ringangu naunge wuręsi. ²³Abe tętole suralungu pędararendehu apang longong bęgaweng apa-apa. I kau masingkau kębi ene tumbaeng makapębębuło. ²⁴I saim męmunara wꝝu Mawu e tawe hinone mębuło; i sie harusębe mahimumu su kębi taumata, ringangu pelesa manęntiro ringangu masabarę. ²⁵I sie harusębe ringangu masakome naunge manęntiro apam puluang dumoka; małowoko Mawu e mangonggo u loahę si sire ene mędeau męmpętobatę bꝝu kalawꝝu rosan sire ringangu makakirała tęntiro kahęngang. ²⁶Ku kerene i sire nęmpęsasęsilę kapia, ringangu nętęngkapęllo bꝝu sasungu setang ku męnaweng si

^c namete = menjalar ^d mękękananginang = bermacam-macam
2:19: Pęt. 16:5



Haghihaghim palitru (2:20)

sire ringangu mēnihasa si sire aṭoḷe kapulune.

Manga e ḗllo pangēnsueēnge

3 Tahēndungko ini: Su manga e ḗllo pangēnsueēnge ute kai sarung makahombang kasusa ḷawo. **2** Taumata e sarung kēṭaeng mēnēnuntu pandungangu watangenge hala, mapulu mēngkakala, mēngkaobotē dingangu papuluang mēnalangu mohong. I sire puluang mēhinakang taumata, dumoka maghurang, bēgaweng makitarimakase,

dingangu mēbēbinsi u muna-ram mararohkē. **3** I sire e wēgaweng pēkakakēndagē susēndingang tawe mapulu mēgaghaghēlli u ampung, puluang mēndaḷakisē arengu waline^e mawawētadē, maḷahasa, ringangu tawē ḗnninge su mapia. **4** I sire papuluang mēhinakang, maḷaobotē dingangu naunge manimbū. I sire limembom papuluang su kakakoḷa u dunia suḷungu tuṭuhū Mawu Ruata. **5** Maningbe luhude mēngēngagama kaiso kawē mēmpēsēsuniaḷu timonan pēngangagama e.

^e manelorē = menghina


Pētēngkagheako wou anun taumata kerene. ⁶ Piau wou taloaran sire e seng nēnggalisi^f nahunsuē su apam baḷe, ku mēmpēmitaugē apam manga wawine nēngkana-wo su rosa ku wēbawolengangu^g haghing ēning. ⁷ Manga wawine ene mēngkate apa masau makitēntiro, kai mang tawē u sēnsulē makakiraḷa tēntiro kahēngang e wou anun Duata. ⁸ Kerewe lai i Yanes dēduan Yambres rimoka si Musa e naung, kerene lai i sire ruḷoka tēntiron Duata. Tinēnnan sire e seng nēngkagholang dingangu pēngangimang i sire e seng nasiladē. ⁹ Kaiso i sire tawe makahombang apa-apa, batu kawawodon sire e sarungbe kasēsuiangu taumata e patiku, kerewe lai seng kinahombangeng i Yanes dēduan Yambres.

Sasasa (Sasalēntiho)

¹⁰ Kai i kau semben timuhu tēntiroku, kakanoaku e, ringangu timonam biahēku e. I kau seng nakasilo hala u kai kereapa ia kahēnga-hēngangbe mangimang su Mawu Yesus Kristus, ringangu kumēndagu sēndinga-

neng taumata. I kau e maḷaing masingka naungku e ringangu kakakēdangku e. ¹¹ I kau e seng nakasilo si sia tētumbiageng dingangu ia nasigēsā. I kau masingka kēbi apan nariadi si sia su Antiokhia, su Ikonium, dingangu su Listra; ringangu i kau masingka apang kēbi taku kinahombangengku! Kaiso Mawu e nēngambang sia bou patiku ene. ¹² Mambeng kerene kēbi taumata apam mapulu mēbiahē maḷaagama ringangu mēbiahē masēmbau dingangi Kristus Yesus e sarung tumbiageng, ¹³ arawe apan taumata raḷakisē e ringangu maḷaakalē e ute mangkeng kapahuntinambang akalē. I sire mēngakalē taumata waline kaiso i sire hala e maḷaing kēkaakaleng. ¹⁴ Kai arawe maḷanung i kau, Timotius, ute kēnangko i kau pakatanabe maḅumpaedē tēntiro kahēngang ku seng nitēntiro si kau ringangu paḅgimangengue masēgadē, u i kau masingka kai i sai mananētironu. ¹⁵ I kau e harusē pētahēndung u reng dongkeng kadodo i kau e seng masingka u Winoḷe Susi. U Winoḷe Susi ene e makagēlliu ḷaenna gu-

^f kimonong = secara diam-diam ^g wēbaḷēbekang = ditarik



Tampa p̄bawasačng buk̄e naung tempo kaḥmona (3:15)

nang makahombang kasasalamat̄e su p̄ngangimang si Kristus Yesus. ¹⁶ Kēbi apang kaḥawoḥe su raḥungu Winoḥe Susi, nipaḥoḥo-ēngben Duata ringangu piḥbe pulise ipan̄entirong katēngadē, baugu ip̄nasa ringangu ipan̄ngkul̄e apan n̄esaḥa e ringangu ip̄mihing taumata e tadeḥu m̄biah̄ebe su kapulun Duata. ¹⁷ Dingangu Winoḥe Susi e i sain m̄tangkiang Mawu Ruata e ipakasuku su kēbi haghin munara mapapia.

4 I Kristus Yesus sarung dum̄enta kapia su dunia ini waugu m̄hukung taumata wiah̄e dingangu nate; ringangu i Sie sarung dum̄enta m̄parenta ke-re s̄ngkatau Ratu. Uaḥingu ene ia m̄k̄kaliomaneng i kau s̄ngapam botonge su t̄ngon Duata ringangu i Kristus Yesus: ² Ku i kau p̄habar̄eko hengtangu Mawu e, ku s̄ntinia i kau m̄ngkai p̄m̄mahansang tadeḥu isire m̄mp̄daringih̄e. Ku i kau e pangurih̄eko taumata, p̄laḥekom

pěsasalan sire, ringangu pěmahansangko si sire. Těntiroiko i sire ringangu pěsasasabarě e sěngapam botonge. ³Batu sarung midatingu tempone tau mata e selaing tawę u mapulu męnarima u tętirong katęngadę e. Kaiso i sire kawę masitołę kapulun sire hala, ringangu męnampungu manga mananęntiro maņęntiroęewę ipahimatu dęndengelu tulın sire e. ⁴I sire e kai sarung męhęping tulın sire su katulidę e ku katewę mębihu rumaringihę manga wio. ⁵Maningbe kerene, i kau e harusę pęngędalų watangę manilaing kakakoą e kereapa. Pakakędang suralungu sigęsa, pękoąko munaranu e kere męlahabaru Injilę e ku pękaradiahangko munaranue sęngapang kapiane tuhu ewe sęngkatau mętatangkiang Duata.

⁶Maņanum batangengku e, sęng niđating tempone ia e mairi makoą sasęmba su Ruata. U kate kadodo tempo ia e sarung manęntangu dunia ini. ⁷Ia e sęng timołę mapia su pętanungang ku semben niđatingu pinękętakenge. Ku ia e mamben tatapę satia si Kristus sarang pęngęsueęnge.

⁸Ku ini e sęng kađariahi poroseęngu i sain nakauntung. Su Ęllong Kiamatę e, Mawu, Męlahukung adilę e sarung męnarangkung poroseęng ene si sia e, ualungu ia e nębiahębe nęsęngkapian Duata. Dingangu walınewe tumbau ia makatarima u poroseęng ene, kaiso kawę kębięewę taumata apang mękękarimangu raręntan Mawu e.

Manga laatorę pangunsueęnge

⁹Pakaroląko rumęnta su anuku e, ¹⁰u i Demasę e kai sęng nanęntangu ia batu kai kimęndagu dunia ini. I sie kai nakoą sołong Tesalonika. I Kreskes sęng nakoą sołong Galatia, ringangu, i Titus kai nakoą sołong Dalmatia. ¹¹Kętaęng i Lukas mętętanađ dingangku e. Pęnęnsomahęko si Markusę e ku paringangko i sie ramahi, u i sie kai makasumbala hałęku e. ¹²Ia sęng nęndolohi Tikhikus niapakakoą sołong Efesus. ¹³Kereu i kau e maręnta, ute apidęko ramahi mantelęku e taku nitęntang su Troas su walın Karpus. Ba-

wakołai manga bukėku, napaliu e katewe manga bukė nikoā bōu manga pising binatang.

¹⁴I Aleksander, kipungu witu e seng nēkoā halē daralaki-lakisē niēbā siā e. Mawu e sarung mēmālisē si sie tuhūewe kakanoā e. ¹⁵I kau sēsānu e harusēbe lai pēteghang i sie, u i sie kai tumanī e rumokā matēdu suhalēu pēlahabari kite e.

¹⁶Su tempong iā humotong-motong mēlēhabarē pētatahutēndāem batangengku e, taweu sarang sēngkatau tūtaking si siā, u kēbi kai sen nanētangu iā e. Małowoko Mawu Ruata e tawe mapēsalan sire su halē ini e! ¹⁷Kaiso Mawu e tūtaking bue si siā e. I Sie nangonggou kuatē hakiu iā e wotonge makapēhabaru kēbi lohong Injilē e, tadeau ikaringihēbeng kēbi apam baline tau Yahudi e. Mase iā e malīwirē bue wou hombangu papate. ¹⁸Kahēngang bue Mawu e sarung mēlliung iā bōu apang ka-

raki raralakisē e waugu iā e. I Sie kai sarungbe mēbawa si siā iapakasalamatē suralungu Karatuangu Sorga. Bantugeko i Sie sarang karēngu e! Aming.

Alamatē ipangunsi

¹⁹Tabeaku si Priskila rēduan Akwila ringangu su ralohon balen Onesiforus. ²⁰I Erastus e kai mațana su Korintus, dingangu i Trofimus taku nitēntang masakī su Miletus. ²¹Pētawakaliko sēngapam botonge mēdeau makakarēnta kalamonang musungu ralēnding.^h

Tabea bōi Ebulus, i Pudes, i Linus, ringangi Klaudia si kau; ringangu wou kēbi manga anau sēmbau mangimang.

²²Małowoko Mawu e mahundingang i kau.

Małowoko Mawu e mēngalamatē si kamene!

Adat'i kami,
Paulus

^h tempon matēho = musim dingin

4:13: MMR. 20:6 4:14: 1Tim. 1:20, Mzm. 62:12, Rm. 2:6 4:19: MMR. 18:2, 2Tim. 1:16-17 4:20: MMR. 19:22, Rm. 16:23, MMR. 20:4, 21:29

SURAT'I PAULUS

SI

TITUS

DARUMATINGE

I Titus kai sěngkatau waline tau Yahudi ku seng nasuě su agamang tau Sahani nakoā sěhalěkang dingangu tumatimbang si Paulus su pėmamunarane. Surat'i Paulus ini e niđaringo si Titus naung su tempo ene mětětumana su Kreta, batuu seng tiněntang sene kahiam Paulus ipětětangkiang jamaatě sene. Piako halě tatěllu ipáhumbisara suralungu suratě ini e.

Humotong: I Paulus męgėgėlliu ingate si Titus maanung kakakoā u taumata ku botonge makoā těmbonangu jamaatě. I Paulus mapasėpuu ene e kahumotongange ualingu kakakoā u taumatang Kreta e maławo dalakisě. Karuane: i Paulus nėnasa si Titus mėnsangbe kereapa i sie hinong makapaněntiro apang komoľangu taumata ku nakoā laesu wadangu jamaatě ene, bae komoľangu manga esě, manga wawine maghaghurang (ku hinong lai maněntiro si sire nangilembong kanguda e wo'i sire), komoľangu manganguda, dingangu komoľangu manga ėllang (mětatangkiang). Kasamuriange i Paulus naněntiro si Titus kere apa hinone mėbawa kakakoā u taumatan Sahani. Kahumotomotongange ute taumatan Sahani e kai harusě naunge maraľuasě papuluang su pėdarame, kumbahang mėbinsi u taumata, kumbahang mėdararendehě arau makakarěntam pėsasitori.

Lohone

Panětakenge	1:1-4
Manga mananěmbonangu jamaatě	1:5-16
Kaľuandagu patiku komoľangu taumata suraľungu jamaatě	2:1-15
Sasasa ringangu laingatě	3:1-11
Pamerone	3:12-15

1 Anaku i Titus! Iạ e i Paulus, nẹmohe u suratẹ ini uạlingu sẹngkatau ẹllangu Mawu Ruata ringangu rarolohang i Yesus Kristus. Iạ nipapile ringangu nidarolohẹ pẹtẹtulung taumata apam pinilen Duata e tadeau matoghasẹ suralungu pẹngangimang i sire tadeau makakirala tẹntirong agamang kite. ²Tẹntiro ene pinamanggilange kai su pẹlaharapẹ u i kite e kai sarung makatarimau pẹbawiahẹ tutune ringangu kakalẹ. Duata e seng napẹkẹdom pẹbawiahẹ ene kalamonam pẹnanẹtau tempo mase lai Ruata e apawe wẹga mẹkonti. ³Su tempone mapia-pia, Mawu Ruata e mapakalahẹu kẹdon'E suralungu hengetang'E. Hengentang'E seng nisarakang si sia, ku ia hẹdowe mapẹdalahabaru ene uạlingen laorom Mawu Ruata Mẹngambang si kite.

⁴Titus, i kau e mambeng anaku kahẹngang, u i kau ringangu ia e lawo be mangimang si Kristus.

Małowoko Mawu Ruata i Amang dingangi Kristus Yesus Datun Salamati kite e mangonggou alamatẹ dingangu karalunsemahẹ e si kamene.

Sahem pẹmamunaran Titus su Kreta

⁵Iạ nanẹtang i kau su Kreta e tadeau i kau ipẹlẹhundugẹ apan bẹdang tawe nahundugẹ. Kere ne lai tadeau i kau makapẹndui u pẹnatua suapan soa ipẹngaha jamaatẹ. Mase tahẹndunge wue sasalẹntihoku ini e: ⁶Sẹngkatau pangaha u jamaatẹ e kai ta sẹngkule, kawinge mang sẹngkatau, ana e harusẹ seng mangimang si Kristus dingangu walineuwe ana tawe dusule ringangu ta kasasẹngkulang. ⁷U mananahimata jamaatẹ e kai taumata mẹtẹtangkiang munaran Mawu, i sie tawe wotonge pia sungkalene. I sie tawe wotonge maobotẹ arau maotohẹ dingangu maanggang su roitẹ. ⁸I sie harusẹbe małasẹ mẹnarima u taumata su walene, makẹhagẹ mẹkoạ mapia, makẹdang, adilẹ, susi ringangu maudupẹ. ⁹I sie harusẹ mẹngumpaede masẹgadẹ su tẹntiro pangimangeng, kerewe seng nitẹntiro si sie. Suwue ute i sie wotonge manẹntiro taumata wou tẹntiro kahẹngang dingangu mapasilong pẹsasalang sire rumarendehẹ e.

¹⁰ Batu kai lawo taumata mapulu rumoka nengalembo e i sire apan naung tutole agamang Yahudi; i sire mengakale taumata waline ringangu wisaran sire ta lohone. ¹¹ Mohongi sire harusē sēnsingang, u i sire kai makakoā sīdara sutałoaran lawo anau sēmbau ualingu manga tēntiro ta mētatahino. Mēkēkoā kerene e ute kai ketau mēdēdeā kalauntung makasamedē. ¹² Piako nabin sire hala małaing bou Kreta e nēbera, "Tau Kreta e mēngkate hanesē mēkēkonti, dingangu mēsulungu binatang dułu makakombang tahapēhaghū malasē." ¹³ Apan niweran nabi e mamben tēngadē. Ku ene hakiu i kau e harusē mēnēgu si sire pakahēgisē; tadeau i sire e tatapē mēngumpaedē tēntiro kahēngang ¹⁴ masene semben tawe mēngumbala su manga wion tau Yahudi arau kalawou tita nikoā u taumata tumatalikudu tēntirong katēngadē e. ¹⁵ Patiku sabarang e mang burēsi su taumata naunge wurēsi. Arawe su taumata naunge kotorē dingangu tawē pēngangimange, tawēu sarang sēmbau burēsi e watu u tinēna ringangu rałungu naung i sire e kai seng nałamuhu! ¹⁶ I sire mēmpangakuwen sire u masingkabem Mawu e, kai arawe su

kakanoā i sire kawe mēsēsuniaļē. I sire kai makadarēnting dingangu tawe mapulu tumuhu; i sire ute kai taumata tawe makaraumaļē mēkoā mapia, walawe kerea.

Darasagu tēntiro kahēngang

2 Arawe i kau, Titus, i kau e panēntirongkon tēntiro małumang. ² Pēnasako si sire manga esē maghagurang e tadeau i sire mēbiahē mēngēdaļu watangeng pelesa, dingangu tadeau i sire mangimangbe su Mawu Ruata kere hinone, nasuku u kakēndagē dingangu masabarē su sigēsā. ³ Kerene lai sasai manga wawine maghaghurange tadeau kalakuang i sire e mētētatałahino wue kere su hinone wangu taumata mēbēbiahē nahae wangu Ruata. I sire tawe wotonge mēhinakang taumata waline, ringangu tawe wotonge mēngkai małimatū mēnginung inumang makabukang. I sire kai harusē mēnēntirong haļē mapapia, ⁴ tadeau i sire małaing makapanēntiro manga wawine manganguda e kumēndagu kawinge ringangu ana i sire, ⁵ małelesa, mēbiahē susi, małkoā ininangu rałungu waļē mapia marariringihē su kawinge. Kamageng kerene tangu

tawę apa taumata ku makatong-keang habarë bou anun Duata.

⁶ Kerene lai sasaiko i sire manganguda tadeau i sire męngkapelesa. ⁷ Ku i kau e pęnodekong kakanoa mapia su patiku munara e makoa kakakęllaęng. Kereu i kau manęntiro harusębe pakatatulidę dingangu kasęllahu raľungu naungu. ⁸ Pępakekom bawera maraľuegha; ku tawe kasęngkuľang i sai-sai, tadeau apan luľawang si kau ene e męngkamea ualingu tawę apa we kareakeng apa raralakı ikapaulı i sire maanung kite.

⁹ Mętatangiange kai harusę pakasasumęllung su mawune ringangu makadaľuasę naunge su patiku munara. I sire kumbahang męngkai rumęndehę, arau mętako. ¹⁰ Kaiso kawe manodę u kapia ringangu satia, takadeau taumata e męmantugę injilu Mawu Ruata Męngangambang si kite e.

¹¹ U Ruata e seng męnode u tatalęntu e waugu męngambang patiku taumata. ¹² Tatalęntu Ruata e maņęntiro si kite e tadeau i kite e semben tawe mębiahę lumawang kapulun

Duata e ringangu tawe tuma-tuhu ęning mađunia e. I kite tętęntiroęng mębiahę su dunia ini tadeau mębiahę maamumang, adilę, dingangu satia su Ruata. ¹³ Ku ini e i kite kapęngęngampale ęllo ľantiwang i kite e; su ęllo ene dunia sarung makatingang kawang'ı Yesus Kristus, ku kai Ruata Kasęllaheng'E Ratu'n Saľamat'ı kite e. ¹⁴ I Sie seng nęnarakangu watangeng'E waugi kite tadeau męngambang si kite bou patiku kararalakisę ku nęliung kite bou rosa ringangu sęmatang makoa tataghuaneng'E sęsane, mase makęhagę mękoa mapia.

¹⁵ Tęntiroko patiku ene, ringangu pęnasako arau pęngurihęko rumararingihę si kamene ringangu pia pęhęngkinge. Piawe pia pęsęngkatau ta męndekeng i kau e.

Kakako u taumatan Sahani

3 Paulike wue raľohon jama-atu tadeau i sire hinong pakasasumęllung su manga tęmbonangu jamaatę dingangu tęmbonangu kawanua, matuhu dingangu makęhagę su mękoa apam mapia e. ² Pęberako si sire

u kumbahangbe i sire mapakara_rlai arengu wa_rline arau mēda_rrendehē dingangi sai-sai, kaiso mēngkai mahimumu. Karima_ko i sire mēngkai masasikome naung i sire su kēbi taumata. ³U kangerē e i kite e kai wodo, nipalidē, dingangu tawe tumatuhu. I kite e kai nako_a ēllangu ka_rlawo_u haghing abuli ringangu ēnning ma_dunia; i kite e mēbēbiahē sura_rlungu kara_rlamuhu dingangu sasingking dingangu lai mēbēbawinsi sēmbau dingangu wa_rline. ⁴Kai Mawu Ruata e Mēngangambang si kite e nēlahēu kakēndagē dingangu kapi_an naung'E si kite. ⁵I Sie nēngambang si kite, ba_rlinewe ua_rlingu i kite e seng nēko_a mapia, kaiso kawe ua_rlingu i Sie hala kimēndagi kite. I Sie mapakasa_rlamati kite ua_rlingu Rohkē Susi, mēngonggo si kite ka_rlaiwantelē buhu ringangu pēbawiahē buhu ua_rlingu panganguhasē si kite. ⁶Mawu Ruata e namēmbingu Rohkē'E e si kite bo'i Yesus Kristus, Datun Sa_rlamati kite, ⁷tadeau ua_rlingu tatalēntu i Yesus, i kite sa_u mēsēngkapi_an Dua_rta ringangu i kite makahombang pēbawiahē tutune ringangu ka-

kalē lēantiwang i kite. ⁸Bawera ini e mambeng kahēnga-hēngang.

Ia e mapulu tadeau i kau e pētengkatoghasē su patiku e ne e tadeau taumata ma_rngimang su Mawu e kahēnga-hēngang mētawakali sēngapang botonge mēko_a ha_rlē mapapia ringangu pi_a gunane waugu patiku umatē. ⁹Pēnggeako wo_u pēdaraliang mohong tawē manga gunane, mēbawēkeng asalē, pēbawawēsohē dingangu pēdaraliang tiahang agama. Kēbi-kēbi e tawē gunane ringangu tawē untunge. ¹⁰Taumata makakadēntan pēsasi_tori sura_rlungu jamaatē e, rioko sēngkulē sēnsulē ruan sulē; bo_u ene e kumbahangbe mēda_rlahapi i sie. ¹¹I kau e masingka_u u taumata kerene e mambeng bagalē dingangu wo_u patiku da_rlawange mēlēlahēu i sie nēsala.

Papondolē

¹²Ta kararēngue wouten ia nēndolohi Artemas arau i Tikhi_kus suanunue, dēntako pakarola_u solong anuku su Nikopolis, batu_u ia luola_rngu matana sene karēngu u musungu wanua matēho. ¹³Sumbalai wue pakapia i Zenas mapapanden toratē e, rēduang

Apolos, tadeau wotongewe i sire makapëbuə dingangu tawe kakawusangu apa-apa. ¹⁴Taumatang kite e harusëbe mëmpangëndung mëmpëkoə mapia tadeau makaghanapëbe patiku pandungang sësalimaekang. Kumbahangbue i sire sarang mëbiahë tawę gunane.

¹⁵Këbi anau sëmbau apan dinganku e, nëndohon tabeə si

kau. Habarëko tabeə i kami su manga hapi i kite tamba pangangimang.

Małowoko Mawu e mëngałamatë si kamene këbi.

Adat'i kami,
Paulus

SURAT'I PAULUS
SI
FILEMON

DARUMATINGE

I Filemon e kai sengkatau taumatan Sahani pangaha e ku luhude kai nakoꝝ dalohon jamaꝝat'u Kolose. I Sie pia ẽllange isesẽba si Onesimus. ẽllange ene tangu sen timalang bou anum Filemon mawune e, bou ene mensang kereapa ku seng nahangkasingkateng dingang i Paulus pia i sie naung su tahungku. Ualingu aha i Paulus, i Onesimus nakoꝝ tau Sahani.

Surat'i Paulus Si Filemon ini e nakoꝝ kere rorong i Paulus tadeau i Filemon mapulu medame ringangi Onesimus, ẽllange ene, ku deng kadolohe pakapule kahiang Paulus. I Paulus mededorong tadeau i Filemon mapulu menarima i Onesimus kapia balinewe ketang kere ẽllang ku seng nighelirangu ampunge, kaiso kawe malaing kere lawo sendinganeng u tau Sahani.

Lohone

Panetakenge	1-3
Kakendage dingangu pangangimang i Filemon	4-7
Dorong baug'i Onesimus	8-22
Paperone	23-25

Ana u sēmbau ku i Filemon, hapi ore lai ringang i kami! Ia i Paulus, sēngkatau taumatan tahungku ualing i Kristus Yesus, dingangu ana sēmbau i kite i Timotius, nēmohe u suratē ini si kau, ²ringangu su jamaatē ku mētētampung su walenu, ringangu lai su wawineng kite, i Apfia ringangu hapi i kite sēngkapētawakali i Arkhipus.

³I kami mēlēharapē malowoko Ruata i Amang i kite e ringangu Mawu Yesus Kristus mēngonggou alamatē dingangu karalunsemahē si kau.

Kakēndagē dingangu pēngangimang i Filemon

⁴Balaewe apang ia mēdoa e ia e mēsēsēba arengu ringangu makitarimakasē su Ruata. ⁵U ia e nakaringihē u i kau e kahēnga-hēngang māngimang su Mawu Yesus dingangu kukēndagu kalawou kawanuan Duata e. ⁶Ia e mēkaliomaneng u malowoko pēdalāhapi i kite lawo taumata māngimang sarung makauāli katatahuēna limembong kasariane waugu kalawou ala-

matē ku tētaghuaneng i kite e ualingu nasēmbau dingang i Kristus. ⁷Ana sēmbau ku i Filemon e, kakēndagu patiku kawanuan Duata e, makaluasē si sia dingangu māngonggou wawahansang si sia e! Kalawou kawanuan Duata e seng nēmpahuasē ualingu i kau e.

Dorong baug'i Onesimus

⁸Ualingu ene, kere sēngkatau ana sēmbau tamba pangangimang, ia e wotonge wue mēngoro si kau pēkoā apang hinong koatengu e. ⁹Kaiso ualingu ia e kukēndagi kau, ia e samatang mēdēdorong. Ia ini e sēngkatau seng maghurang dingangu su orasē ini e ia kalaaresē^a suralungu tahungku ualing i Kristus Yesus. ¹⁰Ia i Paulus mēhumpau rorongku sēmbau si kau, māanung Onesimus, anaku suralung i Kristus. Batu suralungu tahungku ini e ia seng nakoā i amang su marohkē. ¹¹Humotong i sie tawē gunane waug'i kau e, arawe orasē ini e i sie pia gunane, balinewe tumbaeng baug'i kau, kaiso waugu ia e lai.

^a kalaaarang

¹²Orasë ini taumata taku ikëkëndagë ene e taku iringo si kau e kapia. ¹³Tumuhu hino- ne ia e mapulu mëmaedë si sie ringanku e kere pëngaweng si kau, tadeau wotonge i sie paon- tolë si sia, karënguweng ia e matatahang suralungu tahungku ini ualingu mëlëhabaru Henge- tang u Mawu e. ¹⁴Arawe ia e mađiri mëkoə manga apa kereu i kau wëdang tawe kimëkire. Ia e limembong mapulu kereu i kau e mëkoəbe ringangu naungu e maľuasë; u ia e mađiri mënihasa si kau.

¹⁵Aramanung i Onesimus kawë nëtaľei wo'i kau e pañentalang, tadeau i kau e wo- tonge makareə si sie kapia soľong karëngue. ¹⁶Orasë ini e i sie waľi- newe këtaeng sëngkatau makoə ëllangu; kaiso kawë nëngalembo woü ene. I sie e kai sëndinga- nengu tau sahani ikëkëndagë. I sie kai ghëguwa gunane si sia, nëngalemboete si kau! Naľahe u i sie masaria gunane baëbe i sie kere sëngkatau ëllang arau kate- we sëngkatau anau sëmbau su- ralungu Mawu e!

¹⁷Ualingu ene, i kau e mañgënnau ia kawë hapı lawo

taumatan Sahani e, ute tarimaķo kapia i Onesimus mësulungke- weng i kau e nënarima u ia. ¹⁸Kereu i sie pia saľane arau pia utange si kau e, ute wala e ia e mënaludë këbi ene e. ¹⁹Ku, ma- piawe ia e mëmohe hala sini: *Ia i Paulus sarung mëmaehë pakasue- sue.* (Naľaheu tawahaluasu ia e mapëtahëndung u i kau sësanu e pia utangu e si sia, ku kai pëba- wiahu wuhue kere taumatan Sa- hani.) ²⁰Ualingu ene, su arengu Mawu e kënangko tulung ia e, luase wue naungku e kere sëhapi- kang suralung i Kristus.

²¹Ia e mëmohe u suratë ini ualingu ia maiaking u ikau e sa- rung mëkoə nëngalembo woü ene. ²²Tëntalang ene, tulungko sadiai kamarë baugu ia e su waľenu, u ia e mëlëharapë Duata e ru- maringihë bue kakaliomaneng i kamene manga anau sëmbau pa- tikü e ringangu mëbawa sia kapia soľong anung kamene.

Adatë pëngënsueënge

²³I Epafra, ku ene ringang- ku e suralungu tahungku ualing i Kristus Yesus, nëndingö u adate

si kau e. ²⁴Tarimako lai laadat'u
manga ringanku: i Markus, i A-
ristarkhus, i Demas dingangu i
Lukas.

²⁵Małowoko Mawu Yesus
Kristus mēngalamatē si kamene.

Adat'i kami,
Paulus

ay. 24: MMR. 12:12, 25, 13:13, 15:37-39, 19:29, 27:2, Kol. 4:10, 4:14,
2Tim. 4:10, 11

SURATĚ SU TAU

IBRANI

DARUMATINGE

SuratĚ Su Tau Ibrani ini e ipĕtĕtimona sĕngkomol̄ang b̄ou tau Saha-
ni k̄u sĕntinia mang kĕkahombangengu wĕha, k̄u kiw̄au kai manga
mĕsunialĕ b̄ou pangangimang i sire si Kristus. Mĕmamohĕ u suratĕ
ini e mĕtĕtawakali mĕmahansang si sire tadeau pakatatapĕbe su
pĕngangimang. Baugu ene tangu i sie nanodeu Mawu Yesus Kristus
e kai pĕlalahĕu Ruata masuku. Halĕ tatĕllu haghine ipĕpauli u ma-
mamohĕ suratĕ ini e. Humotong, Mawu Yesus e kai Ahus'u Ruata
– Ahusĕ kakalĕ. Ahus'u Ruata ene nĕnodeu u kakakĕhage si Amang
ualingu kakakĕdange su sigĕsa. Kere sĕngkatau Ahus'u Ruata e,
Mawu Yesus e limembong karangĕ e wou manga nabi suralungu Pĕda-
riandi Tĕbe. I Sie mal̄aing limembong karangĕ e wou mal̄ekatĕ arau
wo'i Musa sĕsane. Karuane, Duata e seng b̄ou napakalahĕ i Yesus
kere sĕngkatau imang kakalĕ limembong karangĕ e wou manga imang
suralungu Pĕdariandi Tĕbe. Katĕllune, lumiun Yesus tangu, tauma-
ta k̄u mangimang su Mawu Yesus e ipakaliwirĕ b̄ou rosa ringangu
wou katatak̄u dingangu papate. Kere sĕngkatau Imang Karangetange,
i Yesus e nĕngonggou kasasalamatĕ tutune k̄u tawe ikaonggou tata-
tuh̄u tundung pangangonggou u sasĕmba ringangu mangawewe lai tundu
waline suralungu agamang Yahudi. Kalawou tundu tamai ene kĕtae-
weng mangonggou u awĕ u kasasalamatĕ, sul̄iung ene mambeng tala.

Su halĕ u mapĕhabaru tatulad̄ang pĕngangimang kĕkoateng u
manga matatĕllang apang pinĕtateleng suralungu wĕken tau Is-
rael (pasalĕ 11), mĕmamohĕ u suratĕ ini e mĕnĕnalĕntihou su
apang mĕbawasane tadeau katatanabe satia. Su pasalĕ kapulo dua-
ne i sie mĕngĕngansang si sire tadeau hanesĕbe masatia sarang
pĕngĕnsueĕnge, pĕnĕnuntue samatang mamanda si Yesus. I Sie
mal̄aing mĕngĕngansang tadeau i sire pakakakĕdang su sigĕsa di-

ngangu pakadararagë mēnaludë kalawou haghing bëha dingangu haghin tatumbiagë su watangeng i sire. Suratë ini e nikunsiu sasasa ringangu tatumbalung.

Lohone

Panëtakege: I Kristus e kai pëlalaha u Ruata nasuku	1:1-3
I Kristus limembom marange bou malaekatë	1:4-2:18
I Kristus limembom marange bo'i Musa ringangu i Yosua	3:1- 4:13
Kaholekangu munarang Kristus kere sëngkatau imang	4:14-7:28
Kaholekangu pëkakakëdong Kristus	8:1-9:28
Kaholekangu sasëmbang Kristus	10:1-39
Kasëllahu mangaleng pangangimang	11:1-12:29
Sasasa ringangu kakunsi e	13:1-25

Mawu Ruata e mëlëhenge- tang limiun Ahus'E

1 Naung su tempo kalamona masau susulene Mawu Ruata e mëlëhengetang su manga i upung i kite e pinakiwerane su manga nabi e ringangu haghing kakakoꝝ e. ² Arawe tempo samuri ini e i Sie mëlëhengetang si kite e limiung Ahus'E. Limiung Ahus'E ini e Ruata nëndiadi langi dingangu dunia patiku. Dingangu Mawu e seng napakasahe u Ahus'E ini e maļaing kawasa managhuang patiku. ³ Ku kai i Sie makasarënsangu kawawantug'u Ruata e susënnang. I Sie kai awe u Ruata sësane. Ku kawe maļaing i Sie mëpëpaduli kalahëmpukang u dunia ini e ringangu hengetang'E makawasa. Bouten i Sie nakakariadin taumata e maļiwirë bou kaļawou rosan sire e tangu, i Sie naintolangke su kaderang paparentaëng su Sorga sëngkakaintolang dingangu Mawu Ruata, Mangangawasa Karangetange.

Kawawantugu Ahus'u Ruata

⁴ Ahusë ene nakaëba kaļaiainenge limembom marange bou

malækatë, dingangu areng nionggo u Ruata si Sie maļaing limembom maadatë bou areng nionggo su malækatë. ⁵ Taweu sarang sënsule Duata e nëhenge- tang kereini sarang lai su sëngkatau malækatë,

"I kau e kai Ahusë'Ku;
su sëhëllo ini e Ia makoꝝ i
Amang'U."

Tawë lai Mawu Ruata e nëhenge- tang kereini mañanun malækatë balæwe mënsang sude lai,

"Ia e sarung makoꝝ i
Amang'E,
dingangu i Sie sarung
makoꝝ Ana'Ku."

⁶ Kai su tempon Duata e nëndoloh'u Ahus'E kaiakanenge soļong dunia ini, Mawu Ruata e nëhengetang kereini,

"Kaļawou malækatë e
hinong mësuba Ahusë ene."

⁷ Mañueng manga malækatë e Mawu Ruata e nëhengetang kereini,

"Duata e napakariading
manga malækat'E e nakoꝝ
anging,
dingangu manga
mëtatangkiang'E nakoꝝ
dëlli u putung."

⁸ Arawe su Ahusë ene Ruata nēhengetang,

”Kararatuang’U, e Mawu, kai kakalë sarang karëngue!

Kararatuang’U e kai kararatuang maadilë.

⁹ I Kau e puluang bue su kaadilë, dingangu mēbēbinsi u apan tawë katulide;

kū kai ene hakīu Ruata, Ruatan’U e, nēmile si Kau ringangu nēngonggo kalaadatë si Kau kū makakadēntan dalūasë, nangēlembo wou manga hapi’U.”

¹⁰ Duata e maļaing nēhengetang,

”I Kau e, Mawu, kū naung su tēta e nēndiadi dunia, ringangu i Kau sēsanu nēkoā ļangi.

¹¹ Patikū ene sarung maparung, dingangu matēbe kere laku;

arawe i Kau e mang ta pēbawalūine.

¹² Kaguwau dunia ini e sarung ipēdalëkun’U kere laku, kū hēdo e sarung i Kau pēngawengu waline.

Arawe i Kau e mang tēbe kerene,

ringangu pēbawiah’U e tawë kahēpusange.”

¹³ Mawu Ruata e tawe ka-diongeng nēhengetang su sarang lai sēngkatau malāekatë u,

”Kaiangke su koaneng’Ku, sarangkewe manga

rumaroka si kau e Takū ipakaēnsu su tēngonu.”

¹⁴ Maeng kerene, kai i sai wue tangu manga malāekatë e? I sire e kai manga rohkë kū mētētang-kiang Duata, ringangu irēdoloh’u Ruata tadeau ipētulung si sire apan sarung manarima u kasa-salamatë.

Kasasalamatë masēllahë

2 Uaļingu ene i kite e hinong kahēnga-hēngang nēngalem-bong mētumpaedë su manga tēntiro kū seng kinaringih’i kite, tadeau kumbahang i kite manētangu pangangimang i kite e. ² Manga hengetang kū pinaki-habarë su manga malāekatë su manga i upung i kite e naļahë u mambeng kahēngang, kū i sain tawe tumole arau tumuhū e sarung makaēba hukumang tuhu kasēllahu raļawange. ³ Limembo kate kasasalamatë kū napaliung kasēllahë wou manga hengetang

ene! Kereu i kite e sarung tawe makakatalang bou hukumang. Batu kai Mawu sēsane kahu-motong-motongange namohangu kasasalamatē ene, ringangu i sire naung kalamona nakaringihē e seng napakalahē u katēngade si kite. ⁴Su sēmbēkane, Mawu Ruata e maiaing napakasēgadu sahidin sire, ku nēkoā e kalawou haghing halē makadalinau dingangu munarang kawasa ringangu apamaławuhē manga laonggo u Rohkē Susi e tuhewe kapulun'E hala.

**Bawuka raleng baugu
taumata ipakasalamatē**

⁵Manga malækatē e tawe nakahombang kawasa wou Mawu Ruata waugu mēparenta dunia wuhu sarung dumēnta, ku kai dunia e ipahumbisarang kite ini e. ⁶Arawe su sēmbēkane, pia su sēbahageang u Winohe Susi e kabawohe kereini,

”Apa wue taumata e Mawu,
hakū i Kau mang
mētētahēndung si sie?
Taumata e kētaengbeng
taumata, kaiso kai
mabeng sēsēmpikang u!

⁷ Kētaeng gēnnangu sēngkatempo i Kau napakasana i sie kadodo bou malækatē.

I Kau e nangonggou
kalaiāneng mawantugē
dingangu maadatē si sie,
⁸ dingangu napakariadin sie
mēngēngawasa patiku.”

Ku kamageng u niwera u Mawu Ruata e nēndiadi taumata ”mangangawasa patiku sabarang”, mangalene ute tawē u tamasēllung suaungu kawang taumata. Manilaing kerene, kaiso i kite e tawe nakasilo ini e taumata mangangawasa patiku sabarang. ⁹Arawe i kite e kai seng nakasilo Mawu Yesus e kawe kawasa! I Sie nipakasana kadodo bou malækatē e gēnnangu sēngkatempo, tadeau uaungu kapiān naungu Ruata e, i Sie kai nate waugu patiku taumata. I kite makasilo si Sie orasē ini e nighēllirangu kalaiāneng mawantugē dingangu maadatē, uaungu i Sie seng nētatahang u sigēsā sarang napohong. ¹⁰Sembeng hinone Ruata – e nēndiadi patiku tuhu kapulun'E sēsane napakariadin – Yesus mananalamatē masukū uaungu kasasigēsā

e. Dingangu ene tangu Ruata e makaboghe taumata lawo mēdeau ipakawantugē dingangu Mawu Yesus. Batu kai i Sie nape raleng baug'i sire mēdeau ipakasalamatē.

¹¹ Mawu Yesus namurēsi taumata wou manga rosan sire; ku i Sie mēmamurēsine ringangu i sire niwurēsine'E e lawo pia i Amang i sire mang sēmbau. Ualingu ene Mawu Yesus e tawe mamea mangakun sire ene kere anau sēmbau'E. ¹² Mawu Yesus nēhengetang su Mawu Ruata,

"Ia sarung mēhabarē si kamene manga anau sēmbau maanung Kau.

Ia e sarung mēdalo si Kau suralungu komolang'i sire."

¹³ Mawu Yesus malaing nēhenge-tang, "Ia e sarung mangumbala su Mawu Ruata." Dingangu i Sie malaing nēhengetang u, "Kai ini e Ia, dingangkewelain manga anau ku seng nionggo u Ruata e si Sia."

¹⁴ Ualingu taumata apan nisēba'E anau ene, kai riadikang taumata ku mētate tangu Mawu Yesus sēsane e nētēngkasulung i sire e ku mēbēbiahē suralungu kakakoā u taumata. I Sie

mēkēkoā kerene, tadeau ualingu kapapohong'E, i Sie mapakawinasang setang ēndai mangawasa papate. ¹⁵ Dingangu kakakoā ene tangu i Sie mēngambang taumata ku su kanandum pēbawiahe ipētētahuēllang ualingu katataku u papate. ¹⁶ Nalahē e kai waline-we malækatē ku nilaambang'E, kaiso kawe hiteng Abraham. ¹⁷ Ini e mangalene u i Sie hinom makoā mēsulung dingangu manga anau u sēmbau'E suralungu patiku sabarang. Ku ualingu ene i Sie makoā Imang Mawantugē masatia ringangu matalentu. Ualingu pētatangkiang'E ene tangu rosan taumata e niampungang. ¹⁸ Ku ualingu i Sie sēsane naung bou nasigēsa dingangu nisałukateng, i Sie nakakaontolēbe taumata apang kēkasalukateng, batu i Sie hala e wou kinasalukateng dingangu wou nasigēsa.

Mawu Yesus limembong kasēllahe wou'i Musa

3 Manga anau sēmbau tamba pangangimang ku seng kinakuiangu Ruata e lai! Kēnangko pētinnēna pakaralung-dalung maanun Mawu Yesus ini e! Mawu Ruata e rimoloh'i Sie sa-

matang tadeau makoꝝ Imang Mawantugě suraꝛungu agama ku tětōleēng i kite. ²I Sie masatia su Ruata ku seng nēmile si Sie waugu munara ene, mēsulungkewen naung i Musa e kaꝛamo-na e satia mēndaꝛengu munarane su waꝛen Mawu e. ³Arawe Mawu Yesus e hinone wue adateng limembong kasēllahe wo'i Musa. Batu i saing ku nēlanging baꝛe e hinong makahombang la-adatē limembong kasariane wou waꝛe ene. ⁴Tēngadē apaeweng baꝛe e piabem mēndaꝛanginge, kaiso mēndaꝛanging patiku saba-range ute kai Ruata. ⁵I Musa e kai taumata masatia mētangkiang suraꝛungu waꝛen Mawu e ringangu manēpaseweng kaꝛawou apang ipauꝛi u Mawu Ruata e su tempo sarung dumēnta e. ⁶Kai arawe i Kristus ute kawe satia kere sēngkatau Ahusē mētataꝛung Baꝛem Mawu e. Dingangu kai seng i kite ini e Waꝛem Mawu, kereu i kite e tēbēwe maꝛaigasē dingangu tēbēwe maꝛangiaking u makahombangbe apang ku lēharapeng i kite e.

**Pangangiroꝛo waugu
kawanuan Duata**

- ⁷Uaꝛingu ene, mēsulungkewen niwerang Rohkē Susi e
"Kereu su ēllo ini e i kamene nakaringihēbe tingih'u Mawu,
- ⁸ ute kumbahang
mēmpētungkētꝛi u naung i kamene kere manga iupung i kamene,
pia i sire ruꝛdendehē su tēngon Mawu, dingangu maꝛamanika Duata e su wanua ꝛinggi.
- ⁹ 'Sene, manga iupung i kamene mēmpēnēnaꝛuka si Sia dingangu mēmpēmēmanika Sia,'
anguēng u Mawu Ruata,
'sēmbaliau i sire seng nakasilo kakanoꝝ'Ku ēpa u puꝛo su taunge karēngu e.'
- ¹⁰ Hakiu ene Ia limangehē si sire ku Ia nēhengetang,
'I sire mēngkate sēntinia tawē satiane,
ringangu masaꝛgaēng tumuhꝛu kaꝛawou tita'Ku e.'

11 Ia e limangehë dingangu
nësalu,

'I sire tawe sarung
makapahunsuë su wanua
ene kù makapëngirule
sëngkapëngirule
ringangKu.'"

12 Manga anaü sëmbau,
pakapia wue kumbahangbe su
tałorang kamene piã u sëngka-
tau kù naunge kereng karał-
kise ringangu tawë pangangi-
mange, hakiu i sie tumalikudë
kù mëtëngkarau wou anun Dua-
ta kù biahë! 13 Kù tadeau tawëu
sarang sëngkatau wou tałorang
kamene kaakalëng u^a rosa kù lu-
mawang Duata, ute karimako i
kamene mëmpësësasasa lawo i ka-
mene apang kałaello e karëngue-
weng i kite deng biahë su tem-
po isësëba "Ëllo Ini" suralungu
Winohe Susi. 14 I kite këbi e
kai sëhapikang suralungu kara-
diahang dingang'i Kristus, asał-
weng sarang pëngënsueënge i kite
e mëtëtumpaedëbe masëgadë su
pangangimang kù tëtaghuaneng i
kite dokeng su tëta e.

15 Kù kai ini e kabawohe su-
ralungu Bukë Susi,

"Kereu su ëllo ini i kamene
makadingihë tingih'u Ruata
e,

kumbahang i kamene
mëtungketi u tëmbo i
kamene kerëwe manga
iupung i kamene,
piã i sire rüdendehë su
tëngon Mawu Ruata."

16 Ho, kai i sai-sai tangu na-
karingihë tingih'u Mawu Ruata
e kù dimendehë si Sie? Balinewe
i sire këbi apang niaha i Musa
niapasëbang bou Misirë e tangu?
17 Kù kai waug'i sai tangu, Mawu
Ruata e limangehë gënnangu ëpa
u puło su taunge karëngu e? Kù
kai seng baug'i sire apang mara-
rosa e, apang nëngkapate su wa-
nua linggi, arau ëng? 18 Piã Ma-
wu Ruata e nësalu kereini, "I sire
sarung tawe mahunsuë su wa-
nua ene mëdeau makapëngirule
sëngkapëngirule ringang'Ku" - i
sai wue tangu tëtimonaëngu Ma-
wu Ruata ëng? Timona'E ute kai
waugu i sai-sain düdendehë Ma-
wu Ruata e arau ëng? 19 Kù ini e
nakaënna e i kite e u i sire tawe
makapahunsuë, batu i sire kawë
tawe nangimang su Mawu Ruata.

^a Kawitaugangu = tertipu

4 Ho, kědon Duata e wědang-beng k̄atatan̄a kerene ringangu i kite e sarungbe ipěngirule kerewe su kědon'E. Ku i kite e pakaralukadē bue tadeau kumbahang pīa u sarang sěngkatau wo'i kamene kawe nasahe u tawe nakateěng pangangirule ku nikědon'E ene. **2** Batu Injilē e seng nihabarē si kite e mēsulungkewelai si sire. Kaiso waug'i sire e, habarē ene tawę gunane. Batu su tempong i sire nakaringihē e, i sire tawe nangimang. **3** Arawe i kite apang němpangimange makahombangbe irulene ku seng nikědong Mawu Ruata e. Ene nětatalahino wue kerę ewe seng piněhēngatang u Mawu Ruata e kereini,

"Ia e limangehē dingangu nēsalu,

'ku i sire tawe makapahunsuē makapangirule ringang'Ku e.'"

Duata e nēhengetang kerene, sěmbaliau kalawou munaran'E e sembeng nauadipē dokeng i Sie nēndiadi dunia ini e. **4** Batu maanung ěllo kapitune tangu, kai pīa kabawohe suralungu Bukē Susi kereini, "Su ěllo kapitune Mawu Ruata e nangirule wou pa-

tiku munaran'E." **5** Maanuweng halē ene tangu, nībawohe lai kereini, "I sire mang tawe makapahunsuē su wanua ene mēdeau makapěngirule ringang'Ku e." **6** Ku i sire naung kahumotongmotongange nakaringihē habaru Injilē ene, tawe nanarima u pěngangiruleng ene ualingu i sire tawe němpangimang. Maeng kerene seng nalaha u pīa taumata waline ku botonge mēnarima u pangangirule ene. **7** Batu Ruata e seng nēnilakehu ěllo waline lai, ku isēsēba e "Ěllo Ini". Dingangu taunge ku samurin Duata e mēbēbisara maanung halē ene si Daud suralungu ayet'e ku kere seng niwera kalamona,

"Kereu su ěllo ini e i kamene nakaringihē tingih'u Ruata e, kumbahangbe i kamene mětungkēt̄i u naung i kamene."

8 Kai mangawe i Yosua e seng nangonggou tempone si sire ipangirule tuhu kědon Duata e tangu, Mawu Ruata e sembelain tawe mahumbisarang ěllo lai waline. **9** Ku baugu kawanuan Duata e bēdambeng pīa kědong pěngangirule mēsulungkewelain pěngangirulen Duata e su

ello kapitune ene. ¹⁰ Ualingu tau-
mata ku manarima pangangirule
ku nikedon Mawu Ruata e, si
sie, sarung lai mangirule wou pa-
tikū munarane, kerewe lai Mawu
Ruata e. ¹¹ Ualingu ene, i kite
e mētawakaliko kahēnga-hēngang
mēdeau makapēnarimau irule ku
naung nikedon Duata e. Kumba-
hangbe sarang pia u sengkatau
lai wou i kite e ku tawe maka-
wuna kerewe i sire naung kala-
mona, ualingu tawe nangimang
su Mawu Ruata e.

¹² Hengetangu Mawu Rua-
ta e kai hengetang biahē di-
ngangu matoghasē; limembong
kahorone wou peda matane
ruambēka. Bawera ene nunēngga
sarang kētakengu lensorange su
pēsēmakengu himukudē dingang-
u rohkē, sarangkeweng pēkēta-
kengu lensorange ringangu ghēsīn
duhine, makakasingka maun-
sui tinēna ringangu sipirangu
raḷungu naungu taumata e.
¹³ Tawē diadikang sarang sēmbau
ku mābawuni su silon Duata
e. Patikū sabarange mang tilan-
dang dingangu kabawualagē su
tēngon'E. Dingangu i kite e hi-
nong mētulungu sasimbang'i kite
e si Sie.

Mawu Yesus e Imang Ma-
wantugē dingangu masēllahē

¹⁴ Hakū ene i kite e hinong
mangumbele pakasēgadē su la-
akung pangangimang i kite e.
Batūu i kite e kai managhuang
Imang Mawantugē masēllahē, ku
seng nakasuē solong tēngon Ma-
wu Ruata – ku kai i Sie i Ye-
sus Ahus'u Ruata. ¹⁵ Imang i kite
Mawantugē ene, walīnewe imang
ku tawe makapapēndang dingang
kalawou kasasigēsā i kite e. Raḷi-
une, i Sie kai seng nisaḷuka-
teng suraḷungu patikū sabarang,
mēsulungkewelain i kite hala e;
kētaeweng i Sie kawe tawē dosa-
ne! ¹⁶ Ualingu ene tangū, i kite e
mētumbahaniko tumatēngo Ma-
wu Ruata ku mēpēparentawe ri-
ngangu naung'E mapia e. Mawu
Ruata e sarung kumēndag'i kite
dingangu mēngalamatē si kite ta-
deau i kite e makahombangbe
tulūmang ku mēkētabeng tempo-
ne.

5 Apaeweng imang mawantugē
nipile wou taḷoarang tauma-
ta e, ku nihengkē makoā mēta-
tangkiang Duata e kai nakoā kere
tumēllang i sire. Halē e ute kai
mēnēnarakangu manga ghaghēlli

dingangkewen manga sasēmba e waugu kalaampung u rosa e su Mawu Ruata e. ²Imang mawantugē ene e mēngkatewe napene u karalome ku ualingu ene u te wotonge mētēngkasikome su tēngon sai-sai apaeweng bēgang apa-apa ringangu kinapalidangu ralenge. ³Ku ualingu i sie hala e kawe lome, ute i sie hinong mēnarakangu sasēmba ringangu manga ghaghelli, balinewe kētaeng ualingu rosan taumata e, kaiso kawe ualingu rosane hala. ⁴Tawē apa sarang sēngkatau ku mētēngkarui u watangenge hala makoā imang mawantugē e. Tau-mata makoā imang mawantugē e, kamagengu Ruata e mēkui si sie waugu ene e – mēsulungkewe i Harun.

⁵Kerene lai i Kristus. I Sie tawe nēndui u watangenge hala nakoā Imang Mawantugē. Mawu Ruata e sēsane nēndui i Sie. Duata e nēhengetang si Sie,

”I Kau e Ahusē’Ku;
sahello ini, Ia makoā i
Amang’U.”

⁶ Su tampa baline e Mawu Ruata e maļaing nēhengetang,

”I Kau e kai Imang sarang kakalē,
mēsulungu Imang
Melkisedek.”

⁷Su tempong pēbawiah’i Yesus su dunia ini e, i Sie nēkaliomaneng dingangu ku-kandoā pia tingihe maiha dingangu kasangi e su Mawu Ruata, kawasa mēngambang si Sie wou papate. Ku ualingu i Sie kawe susasimpello su Mawu Ruata ringangu kalawou adatē e, tangu i Sie rēdarangihang. ⁸Mawu Yesus e kai Ahus’u Ruata, kai manilaing kerene, i Sie kawe nēngēndung nētēngkasatia wou kasasigesa e. ⁹Tangú samurin Sie nipakariadi mananalamatē kakalē baugu patiku taumata matatuhu si Sie, ¹⁰dingangu Mawu Ruata e maļaing nēlahē u i Sie kai sēngkatau Imang Mawantugē, mēsulungu Imang Melkisedek!

Tatahēndung

¹¹Su halē u kaļaianeng i Yesus nakoā Imang Mawantugē e kai maļawo hinong i habar’i kami si kamene, kaiso kawe masusa pēnualagenge, watuu i kamene kai marēngu makaēnna. ¹²Tuhu

hinone kai seng tempone i kame-
ne makoꝝ mananëntiro, kuteu i
kamene kawe nꝝung deng bēdang
mēngēdung bꝝu waline su halē
u walohu tēntirong Mawu Rua-
ta e humotong. I kamene reng
bēdang tawe makatarima u kaēng
makakēti; u i kamene kai hi-
nong bēdang manginung susu sa-
matang. ¹³I sain bēdang mangi-
nung susu e ute, mēlēlahēu i sie
wēdang talawuꝝ; deng tawē ēba e
su kasingkau mapatiralang apang
nihino ringangu apang nēsala.
¹⁴Kaēng makēti e kai waugu tau-
mata matēllang e ualingkewen
karalembong ēba i sire, ku seng
makakoꝝ mapēdalahaen sude ma-
pia ringangu sude ralaki e.

6 Ualingu ene, tangú i kite e
mēngalingko su manga tēnti-
ro tuhū e maꝝueng kalahunti-
madu pēbawiahu taumatan Saha-
ni, ku abe kawe kētaeng mēngin-
dunū su tēntirong agamang kite
humotonge. Kumbahang i kite e
sau mēlukꝝ u tēntiro ku seng pi-
namalohē e, u taumata e hinong
mētobatē bꝝu mēkoꝝ kalawꝝu
sabarang haghī tā kēhase, ku hi-
nong mangimang su Mawu Rua-
ta e, ²arau su wanggilu tēntirong
halē u pananahani arau maꝝnung
pēnanēlidu lima su taumata, arau

maꝝnun pēbawangung u tauma-
ta nate e arau hukumang kakalē.
³Kereu Mawu e mapakawalang
kite e ute mahie i kite dumakiko-
we solong manga tēntiro tuhū e!

⁴Batu i sai-saing ku seng
timalikudē e, semben tawe ika-
wihing kapia. Nꝝung kalimona e
i sire seng suralungu tualag'u
Mawu Ruata ku sembeng naka-
teēng laonggo e. I sire e sem-
belaing balawē kawang Rohkē
Susi e. ⁵I sire nasingka bꝝu ki-
napēdangeng i sire u henge-
tangu Mawu Ruata e kai ma-
pia, ku i sire seng nakatemang
kalawꝝu tatalēntu napenē u ka-
wasa su tempo kadēntane. ⁶A-
rawe samuring ene i sire kawe
tumatalikudē! Ku kawe makoꝝ
kereapa mēmihing si sire kapia
tadeꝝu sau kapia mētobatē bꝝu
kalawꝝu rosan sire. Batu i sire
kai kapēngēnguruisse Ahus'u Rua-
ta e lai ringangu mapakasamed'i
Sie su tēngon lawꝝ.

⁷U ēntana ku mēnēsū akē
u tahiti e masau mahondosē su
wowone, ku bꝝu ene mapaten-
dangu manga sasuang pia ualīne
waug'i sai-sain mēlēhēnsinuang e,
ēntana ene alamatengu Ruata.
⁸Kai kereu ēntana ene kawe ma-
patuwong ēhe ringangu sumpini,

ute ěntana ene tawe gunane, ku sarung aneěngu Ruata ku samurine ketewe pakasue ipakatutung.

⁹Kai manga anau sěmbau ikĕkĕndagĕ, manimbe waweraku kerene, kaiso i kami e mang mangiaking i kamene. I kami e mangiaking u i kamene seng nakatarima u limembong kapiane, ku kai kaławou ałamatĕ kere nakoą buą u kasasałamat'i kamene. ¹⁰Mawu Ruata e wałine-we Ruata ta kaadile. I Sie tawe miwawułeng munara kĕkoateng i kamene waug'i Sie, ringangu kakĕndag'i kamene ku seng niata-tode i kamene si Sie su tempong nĕtułungu manga anau sěmbau tamba pangangimang, naung kałamona ringangu sarang orasĕ ini. ¹¹I kami e mĕkĕkahumang u małowoko i kamene sĕngkatau-sĕngkatau e mĕngkai sĕntinia małaignasĕ sarang pangĕnsueĕnge, sarangkewe i kamene makahombang apaeweng lĕharapeng i kamene ene. ¹²I kami e tawe mapulu i kamene kawe tawe agise. Kai i kami e kawe mapulu tadeau i kamene mĕbiahĕ kere taumata makatarima u apang nikĕdon Duata e, kahiangkewen pangangimang si Sie ringangu kahiang

kakakĕdangu pĕngangampalı kamene.

Pĕkakĕdon Duata e tawe mĕbawalui

¹³Pia e Mawu Ruata nĕkĕdo si Abraham, i Sie kai nĕsalu^b u i Sie sarung mapakasĕhu u apang nikĕdon'E. Mase ualingu kawe tawe limembong karangĕ e wou Mawu Ruata, tangu i Sie nĕsalu su areng'E sĕsane. ¹⁴I Sie nĕhengetang unguĕng, "Ia e nĕkĕdo sarung mĕngalałamatĕ si kau ringangu mapakaławou hĕntonu." ¹⁵I Abraham nĕngampalĕ dingangu kakakĕdang, tangu i sie nakatarima u apang nikĕdon Duata e si sie. ¹⁶Kamageng u taumata e mĕsalu, ute kawe mĕsalu su arengu taumata wałine ku limembong karangĕ e wou i sie, ute pĕsasalu ene kai mapakasueng kaławou pĕdararendehĕ. ¹⁷Mawu Ruata e kai mapakasahe suapang taumata ku mĕnĕnarima u kĕdon'E, u i Sie tawe sarang mĕmałui karakin'E. Kai ualingu ene hakiu i Sie napakasĕgadu pĕsasalun'E su pĕkakĕdon'E. ¹⁸Halĕ darua ene

^b nĕtewa = bersumpah

tawe mawałui: Mawu Ruata e apawe tawe bęke męķękonti e su hałę u pękakędon'E ringangu salun'E. Uałingu ene, i kite apang seng maķakęllung su Mawu Ruata e, ghęęllirangu wawahansang masęgadę baugu mangumpaedę pakasęgadę su pęlaharapę ku seng małaęmpahę su tęngong kite e. ¹⁹ Pęlaharap'i kite e kai kere wałango nakaj marałung-dalaung dingangu nakoą pęngangumbele-kang matoghasę dingangu tawe konsange apa su pębawiah'i kite e. Pęlaharapę ene nętahatępasu rałanse surałungu Huang Kasusiange su Wanalan Duata su sorga. ²⁰ Mawu Yesus seng nęnułętang^c dałeng sołong tampa ene waugu i kite, ringangu selaing nasuę sene nakoą Imang i kite Mawantugę e sarang maręngu-dęngu męsułungu i Melkisedek.

Imang i Melkisedek

7 I Melkisedek ini e kai ratung Salem dingangu imang u Mawu Karangetange. Pia e i Abraham naung nawalı bou pęseketang ku nakawata e manga ratu e, i Melkisedek dimęnta nanęnsomahę dingang-

u nęngalałamatę si sie. ² Tangu i Abraham nęgęlliu sęngkapułong kapahiakengu kaławou aręta kinauntungange. (Areng Melkisedek mangalałene kahumotong-motongange ute kai, "Ratung Kaa-dilę"; ku uałingu i sie kai ratun Salem, tangu arenge pia laı mangalałene, "Ratung Karałunsemahę".) ³ Maanung Melkisedek ini e tawe tatualage waebe su apa u i sie pia i amange arau i ninange arau iupunge; tawe apa lai węken sie maunung kałaiwan-tele arau kapapohonge. I sie kai męsułungu Ahusu Ruata; i sie kai imang sarang karęngu e.

⁴ Ku i kite nakasilọ e sini u kai naung apa e kasęllahe i Melkisedek ini e; hakıu i Abraham i upung i kite e, nęngonggou sęngkapułong kapahiakengu aręta kinaębakenge wou pęseketang ene. ⁵ Surałungu toratu agamang Yahudi e seng nipato u, manga imang hęnton Lewi e hinong makaęba sęngkapułong kapahiakeng bou ębaı kawanuan Israel, bou anaı sęmbau i sire hala maningbe i sire męsułung lawo pałahiteng Abraham. ⁶ I Melkisedek bałinewe hęnton Lewi, kaiso i sie małaing męnęnarima u sęngka-

^c nęmębasę = merintis

tahapuloᅇng kapahiakeng bou patiku apan nikauntungang i Abraham dingangu nengalamate lai si Abraham ualingu i sie kawe seng kinawuakeng u manga pekakedon Mawu Ruata e. ⁷Mamben tawe karendehang, u taumata ku nialamateng e kai limenbong kasana e wou taumata ku nengalamate si sie. ⁸Manga imang ku apan nikawuakengu pesengkatahapuloᅇng kapahiakeng e kai taumata ku botonge mate. Arawe tumuhu Bukę Susi e; i Melkisedek ku seng nenarima gaghelli sengkatahapuloᅇng kapahiakeng e ene ute, kai taumata tebe wiahę. ⁹Botonge i kawera u, i Lewi – e kai hentone ku manarima u sengkatahapuloᅇng kapahiakeng e wou kawanuang Israel – ku malaing memaehę bua e ene limiung Abraham su tempong i Abraham memaehę ene si Melkisedek. ¹⁰Manilaing i Lewi wotondang ta nilęhana, kaiso wotonge i kawera u i sie seng ene su kaluwaeng i upunge i Abraham, su tempong i Melkisedek nesombang i Abraham.

¹¹Su limang pemamihingu manga imangu hiten Lewi e, torat'u agamang Yahudi e niongo su kawanuang Israel. Ualingu manga imang hiten Lewi nang

kalamona e tawe makakako sęngapa wou apang hinong koateng i sire e, haku ene kai hinong pia imang baline, ku mesulungu imang i Melkisedek, ku senbeng balinewe lai nirui bou ghaliphong hiten Harun! ¹²Ho, ka-



Imang i Lewi (7:11)

mageng u pangkat'u manga imange mebalui, ute torat'u agamang Yahudi e malaing hinong mebalui. ¹³Ku timonane sini ute kai Mawung kite: i Sie kai wou hento waline, ku bou hento ene taweu sarang sengkatau mememunara munarang sengkatau imang. ¹⁴Kebi taumata e masingka u Mawung kite e kai

wou hëntong Yehuda; ringangu i Musa e tawe nēsēsēba u hënto ene su tempong i sie maḥumbisarang haḷē u manga imang.

Sēngkatau imang baline kere i Melkisedek

¹⁵ Haḷē ipaḥumbisara ini e mangkeng nēngalembong katualage lai, kahian sasasēpu u sēngkatau imang baline kere i Melkisedek. ¹⁶I sie nirui nakoḷa imang, balinewe uaḷingu pinēbuakenge wou kaḷawou parentang taumata e, kaiso kawe nēbua bou pēbawiahe kawe kawasā e ringangu tawē pēhēpusange. ¹⁷Batūu suraḷungu Bukē Susi e niwera u, "I Kau e kai imang sarang karēngu e, mēsulungu imang Melkisedek." ¹⁸Ku orasē ini e atorang tēbe e seng nipakaḷiu, batūu seng maḷongko dingangu seng tawē gunane. ¹⁹Torat'u agamang Yahudi e tawe makakoḷa sarang manga apa ku masuku. Uaḷingu ene hakū i kite orasē ini e nighēllirangu sēmbau pēlaharapē nēngalembong kapiane; ku kai uaḷingu ene hakū i kite e makakaraning Duata e.

²⁰Kuteu lai patiku ene rēdēndinganengu lai sasalu wou

anun Duata e. Tawē apa pēsasalu kerene su tempong manga imang baline e nirui. ²¹Arawe Mawu Yesus e nirui nakoḷa imange kai piḷa salune, su tempong Mawu Ruata e nēhengetang si Sie,

"Mawu e seng nēsalu, ku i Sie seng tawe mēmaḷui kapulun'E, 'I Kau e kai imang sarang karēngu e.'"

²²Dingangu ene lai Mawu Yesus e nakoḷa tatalung^d baugu sēmbau pēkakakēdo ku limembong kapiane.

²³Piḷako lai haḷē sēmbau: ku manga imang baline e kai maḷawo, batūu i sire sēngkatau-sēngkatau e nēngkairi, hakū tawe makapēnēpasu pangkat'i sire. ²⁴Kai arawe i Yesus e wiahē sarang karēngu e, ku pangkat'E kawe sēngkatau imange tawe nailasē su taumata waḷine. ²⁵Uaḷingu ene sarang karēngu e Mawu Yesus e makasaḷamatē si sai-sai rumēnta su anun Mawu Ruata lumiun Sie, batūu i Sie e wiahē sarang karēngu e mēdeau mapēdarumatingu kakindoḷa su Mawu Ruata e waug'i sire.

^d masuḷa = jaminan

7:17: Mzm. 110:4 7:21: Mzm. 110:4

²⁶ Ku i Yesus e tangu kai Imang Mawantugë gëgausang i kite e. I Sie kai susi; ku si Sie tawe kaëbakeng pësasala, arau rosa mënsang a. I Sie nitëntani wou taumata waradosa e, ringangu nihengke solong tampa ku nëngalembong karangë e wou manga langi e. ²⁷ I Sie wali-newe kere manga imang mawantugë baline e, ku apang kalaello e mëngkai manarakangu sasëmbae ualingken dosang sire hala naung kalamona e, bou e wuhuwe ualingu kalawou rosang sëngkawanuaënge. Mawu Yesus e këtaëngbeng sënsule nënarakang u sasëmbane waugu sarang marëngudëngu, pia e i Sie nënarakang u watangeng'E hala nakoã sasëmba. ²⁸ Torat'u agamang Yahudi e kai mëlëhengke u taumata apang tawe masasuku e ipakakoã imang mawantugë e. Kaiso samuring toratë ene, Mawu Ruata e nëtaingu pëkakëdone apidu nësalu u i Sie kai mëhengke u Ahuse makoã Imang Mawantugë, ku seng nikoã Mënanalamatë ku nasuku baugu sarang karëngu e.

I Yesus, Imang i kite Mawantugë e

8 Banggilu patiku palahumbi-sara ini ute: I kite kai managhuang Imang i kite Mawantugë e kerene, ku maïang su koanengu Mawu Kasëllahenge su sorga ku sëngkapëparenta ringang'E. ² I Sie mëdëndaleng u munarang sëngkatau Imang Mawantugë e su Huang Kasusiange, ku suralungu Selong Mawu tutune, ku nirarisu u Mawu e, wali-newe ualingu kinoã u taumata.

³ Apang imang mawantugë e nirui baugu iapangëntudë sasëmba arau laonggo su Mawu Ruata e. Kerene lai Imang i kite e Mawantugë e; i Sie harusëbe pia manga apa-apa wau-gu isëmbane. ⁴ Mangaewe i Sie ene su dunia ini e, ute i Sie angkeëng tawe nakoã imang, batu kai seng pia imang ku mëngëngëntudu sasëmba tuhewe tilakehu torat'u agamang Yahudi e. ⁵ Halë këkoateng i sire manga imange tumuhu dalenge ute këtaëng sëmbau sulunge ri-

ngangu kēngkaung apaeweng suralungu sorga e. Ku ene sembeng niuliju Mawu Ruata e, si Musa nangun kalamona e, pia i Musa nangun mapulu mēmētī Selong Mawu e. Mawu e nēhengetang si Musa kereini, "Pakapia wue! Kēbi e harusēbe koa u tuhewe umbaghane^e kere nitode si kame-ne su wowong buḷude." ⁶ Arawe orasē ini tangu Mawu Yesus e kinawuakengu pangkatē imang limembong kawantuge marau wouten nikakoā u manga imang ene. Batu pēkakakēdo nikoā'E sutaloarang Mawu Ruata ringangu taumata e ute kai pēkakakēdo ku nēngalembong kapiane ualingu niwalang kēdo waugu kalawou munara limembong kapiane.

⁷ Mangaewe tawē apa sungkalene su pēkakakēdo humotong e, tangu seng hinong tawahaḷuas su pia pēkakakēdo karuane. ⁸ Kai Mawu Ruata e seng nakaēba pēsasaḷang manga umat'E, hakiu Mawu Ruata e nēhengetang,

"Ene ēng, sarung miḍating tempone,

Ia e sarung mēkoā pēkakakēdo wuhu su tau Israel dingangu su tau Yehuda.

⁹ Balinewe kere pēkakakēdo ku seng taku nikoā baugu manga i upung i sire, su tempong Ia nēngaha i sire niapasēbang bou ēntanang Misirē e. I sire tawē satiane su pēkakakēdo taku kinoā baug'i sire;

ku ualingu ene tangu Ia tawē mēsasēmpī si sire.

¹⁰ Arawe orasē ini tangu kai ini e pēkakakēdo ku sarung taku koateng baugu kawanuang Israel,

suapaeweng ēllo ramahi kaḍēntane, unguēngu Mawu:

Ia e sarung mapalohong titaKu e su ēndumang i sire,

ringangu wohekan su naung i sire.

Ia sarung makoā Duatan sire, ringangu i sire sarung makoā kawanua'Ku.

¹¹ I sire ta wahaḷuas mētātēntiro lawo sēmbalagheng, arau mēpapauli lawo i sire anau sēngkatau,

^e pola

8:5: Sas. 25:40 8:8-12: Yer. 31:31-34

'Kasingkako Mawu
Kasëllahenge.'

Batuu i sire këbi e, bou
ghaghuwa sarang darodo e
sarung masingka u Ia e.

12 Ia e sarungbe mangampung
kalawou pësasalan sire,
ringangu sembelaing tawe
mëtahëndung kalawou
rosan sire.

13 Dingangu pëmamoka u pëda-
riandi wuhu e sëmbau, Duata
e nëkoa pëdariandi humotong e-
ne e nako maghurang dingangu
natëbe; dingangu apang ku seng
maghurang e sarung maligha lai
maparung.

Kakako u pënananëmba su
dunia ringangu kakako u
pënananëmba su sorga e

9 Pëdariandi humotonge tangu
piabe lai manga atorangu
palahamawu, dingangu piabe lai
waleng palahamawang ku niko
u taumata e. **2** Selo sëmbau nira-
risi ku su wahageang têngone e
isësëba Huang Susi. Sene tangu
pia dalaedu solo kapapëlo, di-
ngangu pia lai meda ringang-

u borotë sasëmba su Mawu
Ruata. **3** Su wahageang dalunge,
su sëmbëkang dalanse^f karuane,
pia huange isësëba Huang Ka-
susiange. **4** Suralungu huang e e-
ne tangu pia pananëmbaëng bou
wulaeng baugu pënanawungang
dupa, ringangu pia lai Peting
Pëdariandi natukusu papikunge
wulaeng. Suralungu Peti ene pia
kuring buaeng kapapëlo lohong
manna, tëking i Harun ku seng
nëtumbaļë, dingangu pëpaļë ba-
tu rarua pinëmohekangu titang
Mawu mapulo. **5** Su wowong Peti
ene kai pia malækatë duang Ka-
tau, riadikang pia papanide ku
mëlëlahëu rarëntang Mawu Rua-
ta e. Papanidu riadikang darua
ene nawingkahë su wowon tataka
Peti e, tampa u kalaampungu
rosa e. Kaiso këbi ini e tawe ika-
pahumbisara orasë ini pakaunsui.

6 Kai kerene naung këbi seng
niatorë e. Ëllo-ëllo manga imang
mahunsuë suralungu selo watu-
hu têngone mëdeau makapëkara-
diahangu munarang sire. **7** Apang
susuë su wahageang karalungang-
e wou selo e sëmatang imang
mawantugë e. Ku tumbaeng
lai sënsule suralungu sëntaung

^f gorden

9:2: Sas. 26:1-30, 25:31-40, 23-30 **9:3:** Sas. 26:31-33 **9:4:** Sas. 30:1-6, 25:10-16,
16:33, Pët. 17:8-10, Sas. 25:16, Pang. 10:3-5 **9:5:** Sas. 25:18-22 **9:6:** Pët. 18:2-6

mëkoḃ kerene. Ku mang harusë piḃ daha kabawawa mëdeḃu isëmba su Mawu Ruata e bau-gu watangenge ringangu waugu pësasalan sëngkawanuang e nikoḃ i sire uḃingu tawe nakahëngang. ⁸Dingangu atorange kerene, Rohkë Susi e nënode pi-nakalaḃe, u karënguweng selo watuh'u tëngo'e wëdang dudarisi, ute rarḃlengang soḃlong dalung'u Huang Kasusiang'E ene e wëdawa-n tawe niwëbuka. ⁹Ini e kai sasihing su kakakoḃ u tempo ini; mangalene apaeweng laongḃo dingangu manga sasëmba nipoto pinanëmba Mawu Ruata e, tawe makakasuku dalungu naungu taumata apang mëmpëbëbawa sasëmba e. ¹⁰Batu kalawou tundu tamai ene këtḃengbeng mëtëtalḃahinong kakaëng, inu-mang dingangu kalawou haghing tunding pananusi. Këbi-këbi e samatang manga atorangu tutuhü gësi pakisëmpike sarang tempone Mawu Ruata e managhupia katatalëmbuhu.

¹¹Arawe i Kristus e seng dimënta kere rarëntang Imang Mawantugë e waugu haghing munara mapapia e ku semben tëbe ene. Selong Mawu ku piḃ i Sie

mëkëkoḃ munarang sëngkatau Imang Mawantugë e ute kai selo limembong kawatuge ringangu limembong kasuku e. Ene waline-we nikoḃ u taumata; mangalene asale waline-we wou dunia nika-koḃ ini e. ¹²I Kristus simuë su Huang Kasusiange suralungu selo këtḃeng sënsule sarang karëngue. Su tempo ene i Sie tawe nëbawa rahang kambing esë e arau rahang pëgoḃu sapi waugu sasëmba. I Sie kawë nëbawa rahan'E sësane, ku uḃingu ene i Sie tangu nëliwir'i kite e sarang marëngudëngu. ¹³Dahang kambing dingangu rahang sapi esë dingangu ahing sasëmba wou pëgoḃu sapi, nipënambusë taumata apaeweng dalaki tuhu atorangu agama e tadeḃu i sire ene mawurësi. ¹⁴Ku kamagengu raha ringangu ahi ene makauhasë karalaki i sire tuhu dalungu agama, dumakeleng kate rahang Kristus! Ku uḃingu kawë Rohkë kakalë e taingu, i Kristus e nënarakangu watangeng'E su Mawu Ruata nakoḃ kere sëmbau sasëmba ku nasuku. Dahane nanguhassë dalungu naung i kite e wou tunding agama tawë këhase, tadeḃu i kite makapëtangkiangbe Mawu Ruata ku biahë e.

¹⁵ Kai ualingu ene, i Kristus nakoꝝ Mananēpase waug'u sēmbau pēdariandi wuhu, tadeꝝ isain sem bōu nikuiang u Ruata e wotonge makatarimꝝ kalawou alamatē kakalē kꝝ seng nikēdon Duata e. Patikꝝ ene wotonge mariadi ualingu kai seng piꝝ u nairi, kꝝ kai i Kristus; kꝝ kapohonge kawē nakaliwirē taumata wou kalawou pēsasaꝝ nikoꝝ i sire su tempong pēdariandi humotonge wēdang kaꝝalenge.

¹⁶ Kereu piꝝ suratu pananilakehu pusaka, ute harusēbe lai piꝝ tatialane u taumata kꝝ nēkoꝝ suratē ene kawē seng nairi. ¹⁷ Batꝝu surat'u pusaka e tawē ikawali tēntalang i sain nēkoꝝ suratē ene wēdang biahē. Suratē ene ikawali kētaeng kereu tau ene e seng nate e. ¹⁸ Ualingu ene pēdariandi humotonge maꝝaing hinong sēgadengu raha. ¹⁹ Kahumotong-motongange i Musa e nēhabaru kēbi titang Mawu Ruata e su tau Israel. Bōu ene i Musa e nēngaꝝ e raham manga anaꝝ sapi ringangu rahang kambing esē, bōu ene nilaukangu akē, mase niꝝtatambuse su Bukē u manga Titang Mawu Ruata e ringangu su kēbi apan tau Is-

rael kꝝ nipahi e ringangu rēmpugu hisop dingangu manga rukꝝ u domba kꝝ awaꝝ mahamu mahunggurang. ²⁰ Apidu kaꝝoꝝ e ene i Musa kapēberane, "Ini e kai rahan sasēgadē pēkakakēdon Mawu Ruata e kꝝ hinong tuhukang i kamene." ²¹ Kꝝ dingangkewelaing kakakoꝝ e mēsulung, i Musa e nēnambusu raha ene lai su Selon Mawu ringangu su patikꝝ kakoatengu paꝝahamawu e. ²² Kahēngang bue, tuhūewe toratu agamang Yahudi e, seng masaraꝝ patikꝝ sabarange ipakasusi ualingu raha e; mase rosa e kawē tumbau ikaampung kereu piꝝ tatēꝝo u raha e.

Pananarakang i Kristus e nakaampung dosa

²³ Dingangu kakoꝝ kerene e manga sabarang kꝝ mēlēlahēu apang su sorga e ipakasusi. Arawe waugu apang su sorga e hala gēgausang gaghēlli kꝝ limembong kapiane. ²⁴ Batꝝu i Kristus e kawē tawē simuē su Huang Kasusiange kinoꝝ u taumata, kꝝ samatang mēnēnuꝝadang Huang Susi tutune. I Kristus hala e simuē su sorga; kꝝ sene, i Sie orasē ini e timatēngom Mawu Ruata e



*Imang mawantugë su tampa kasusiange
(9:25)*

waugu i kite e. ²⁵Imang u Yahudi mawantugë e taung-taung susuë suralungu Huang Kasusiange suralungu Walem Mawu mēbēbawa rahang binatang haghine sēmbau. Arawe i Kristus tangu walineu lai simuë mēdeau masau manēmbam batangeng'E. ²⁶Batu angkeëng kai nung masau i Sie hinong nētatahangu sunsara dokeng su tētau karariading dunia ini. Kuteu nung orasē ini e i Sie kētabeng sēnsule rimēnta baugu mēndēdasē dosa e ringangu mēnarakangu watangeng'E hala e. ²⁷Mawu Ruata e seng nani-lakehē u taumata e tumbaeng sēnsule mate e ku bou ene ute pēlahukungu Mawu Ruata e.

²⁸Kerene lai i Kristus e kētaeng sēnsule nisarakang makoā kere ipēnēbusē dosan taumata lawo e. I Sie sarung dumēnta kapia su karuan sulene, balineu waugu mēnaludē dosa e, kaiso kawe waugu mapakasalamat'u taumata apang māngampalē darēntan'E.

10 Toratu agamang Yahudi e kētaeng māngonggou kēngkaune kükēngkunawadē māanung halē mapia sarung dumēnta e ringangu walineu māanung halē ene tutune. Toratē ene apawe tawe makakasuku taumata apang dudēnta manēmba Ruata ringangu sasēmbang sire wēbawaēnge, manilaing taung-taung e mēngkai hanesē sidutu mēnēnarakangu sasēmba ghahī e sēmbau e. ²Mangawe i sai-saing ku mēnēnēmba Ruata e mambeng tēngadē seng nipakawurēsi wou rosa e, tangu i sire sembe-laing tawē pēndang u piā dosang sire ku sasēmba e selaing tawe sarung ipēllo. ³Kuteu luhude manga sasēmba ilēonggō apang taung e kawe mapētahēndung u taumata su kalawou rosan sire, ⁴batu mambeng tēngadē dahang sapi ringangu rahang kambing esē e tawe makakarēdasē dosa e.

⁵ Hakiu ene su tempong i Kristus narēnta su dunia, ku i Sie nēhengetang su Mawu Ruata,

"I Kau e tawe mēgaghausē laonggo dingangu sasēmba; kaiso i Kau e seng nēndiahing badangu waugu Ia e.

⁶ I Kau e naung tawē karalua-se su sasēmba tinongka

arau su sasēmba waugu kalaampungu rosa e.

⁷ Tangu Ia e nēbera, 'Endaung Ia, Mawu!

Ia e kai rimēnta waugu mēkoā apang kapulun'U

kerēwe mābawohē māanung batangeng'Ku e suralungu Winohe Susi e."

⁸ Humotong-motong i Kristus e nēhengetang, "I Kau e tawe mēgaghausē laonggo dingangu sasēmba; I Kau e tawē karalua-se su sasēmba binatang tinongka dingangu su sasēmba waugu kalaampungu rosa." I Kristus nēhengetang kerene, maningbe patiku sasēmba e nisarakang tuhu tiahang agamang Yahudi.

⁹ Bōu e i Kristus nēhengetang, "Endaung Ia, e Mawu! Ia e kai rimēnta waugu mēkoā apang kapulun'U." Ku Mawu Ruata e nēndēdasē patiku sasēmba naung

kalamona e, ku niawengangu sasēmba i Kristus. ¹⁰ I Yesus Kristus seng nēkoā apang ikēkapulun Duata e ringangu nēnarakangu watangeng'E hala nakoā sasēmba. Dingangu sasēmba ene ku nikakoā e sēnsulē baugu sarang marēngu-dēngu, i kite kēbi e niwurēsi wou rosa e.

¹¹ Apaeweng imang tau Yahudi e mēmpēmēmunara apang kalaello e, ringangu mēngkai masau su sulene nēmpēnarakang u sasēmba ghahie mēsulung. Kaiso manga sasēmba ene manben tawe makakarēdasē dosa e. ¹² Kuteu, i Kristus kawe kētaeng sēnsulē nēnarakangu sasēmba waugu kalaampungu rosa, dingangu sasēmba ene kai waugu sarang marēngu-dēngu. Bōuten nangētudu sasēmba ene I Kristus e naiangko su koanengu Mawu Ruata e ku nēparenta sēngkapēparenta ringang'E. ¹³ Ku su orasē ini e i Kristus e mēngēngampalē sarang Mawu Ruata e mapēsubang dumaroka e si Sie. ¹⁴ Hatede, ringangu sasēmba sēmbau e, i Kristus mapakasuku u taumata apang seng niapakawurēsi wou rosa.

¹⁵ Su halë ene tangu, Rohkë Susi e maļaing nangonggo u sa-sahidine si kite. Rohkë Susi e nēhengetang,

¹⁶ " 'Ini e kai pēdariandi sarung Taku ikoā dingang'i sire suapaeweng ěllo ku sarung dumēnta e, unguēng u Mawu, 'Ia e sarung mēmēmbing u manga tita'Ku e apasū suralungu naung i sire, ringangu mamohē su ěndumang i sire.'"

¹⁷ Mawu Ruata e maļaing nēhengetang, "Ia e sarung mētambuleng kaļawou rosa e ringangu kararalakis'i sire e."

¹⁸ Ku kaļawou manga rosa e ringangu manga kararalakisē e seng niampungang, ku seng tawahaļuasū lai itonda sasēmbang kaļampungu rosa e.

Bōete i kite mētēngkaraning Mawu Ruata e

¹⁹ Tangu, manga anau sēmbau, ualingu kapapohongu Mawu Yesus e, ute i kite e waha-ni sumuē su Huang Kasusiange. ²⁰ Mawu Yesus seng namuka raļeng buhu sēmbua waugu i kite

e, ku kai raļeng makaņonggo pēbawiahē. Ku daleng ene ute kai matēpasu rarēndunge,⁹ ku kai wadang i Kristus sēsane.

²¹ Ku i kite orasē ini e kai maņaghuang sēngkatau imang mawan-tugē e ku maņagawasa su Waļem Mawu Ruata e. ²² Ualingu ene ute i kite e mahuhaungken naung i kite e matoghasē su Mawu Ruata; ringangu pangangimang matoghasē, dingangu naung seng nawurēsi wou pēndangu nēsala, ringangkewen badang ku seng ni-wurēsing ake matilang e. ²³ I kite e pētumpaedēko pakasēgadē su laakung pēlaharapi kite e, batu Ruata e kai kapangimangeng dingangu i Sie sarung mapakasēhu u kēdon'E. ²⁴ Dingangu i kite e rioko mēkakakēlla, tadeau i kite e lawōbe makapēbahansang baugu kumēndagu sēndinganeng i kite e ringangu mēkoabe halē mapia e. ²⁵ I kite e mēngkai pakakēhagē mēkomolē sēngkapēkomolē, dingangu kumbahangbe mēmpamalan pēkakakomolē e kerē e tundung sēngga e. Sēmbaliau i kite e kawē hinong limembong kasatiane mēsēsasasa, batu i kite masingka u selaing

⁹ raļanse = gorden

ta karēngu e Mawu e sarung dumēnta.

²⁶ Batu kamageng habarē tutune wou Mawu Ruata e seng nihabarē si kite, kuteu i kite mēngkawe sēntiniā mētētatudē mēdosa e, ute semben tawē apa sasēmba sau ipēndēdasē dosang kite e. ²⁷ Kētaeweng piā dalenge mang sēmbau matagē baug'i kite e ku tumatēngo pēngadilangu Ruata e ringangu putungu ralangeh'E ku makatutung kēbi apan taumata rūdoka si Sie! ²⁸ Taumata ku tawe tumatuhu tiahān torat'i Musa e, ihukungu papate e tawē ampunge, kereu piā sahidine rarua arau tēllung katau, ku kinaēbakeng i sie kawe piā salane. ²⁹ Ene e limembong kawēhā e hukumang hinong buā u taumata ku mēnēnahida Ahusu Ruata e. Taumata ene tangu māngēna walineu susi rahang pēdarianding Duata e, ku kai naung kapapohong i Kristus ku kawe namurēsi wou rosa e. I sie nēhinakang Rohkē mēngangonggou alamatē e. ³⁰ I kite e masingka u kai i sai tangu i Sie ku nēhengetang, "Ia e sarung mamalīsē! Ia e sarung mēhukung!" dingangu i Sie lai

nēbera u, "Mawu e sarung mēhukung u kawanuan'E." ³¹ Apa e makatatakū kereu manawo su limang Mawu Ruata Wiahē e!

³² Pētahēndungko kereapa kakoa u manga anaū sēmbau e naung su tempo naū e. Su tempo ene, saraeng tua-lag'u Mawu Ruata e simarang si kamene e, i kamene mēngkai sēntiniā māsigēsa; kaiso i kamene mang tatapē mēkēkardiahang masēgadē. ³³ Kaḍinga i kamene makahombang tatungkeang dingangu kēkoateng bawialaēngu taumata. Kaḍinga lai i kamene māsigēsa sēngkapētatahang dingang i sire apang kēkoateng kerene, ³⁴ dingangu i kamene maḷaing makapēndang likibu tau-matang tahungku. Dingangu su tempong kēbi apang tētaghuaneng i kamene puḷahoēng, i kamene tangu mēnarima u ene ringangu naung maḷuasē, batu i kamene masingkau i kamene wēdang mānaghuang sēmbau ku limembong kapiane, ku sarung mēdaragē sarang marēngudēngu. ³⁵ Ualingu ene, kumbahang mēngkapēndu u naung i kamene, batu kamageng i kamene tēbewe māngimang, tangu

piabe wawalise masëllahë bau-
gu ene! ³⁶I kamene hinong
mëtingkëdang, tadeau i kamene e
makakatuhube kapulung Duata e
ringangu makahombang kasasëhu
u këdon'E. ³⁷Batuu suralungu
Bukë Susi e kabawohë,

"U seng kate kadodo
tempone,

tangu i Sie ku sarung
dumënta e seng ta
kararënane;

i Sie seng tawe mënoho u
tempon darëntan'E.

³⁸ Dingangu umatë'Ku
matulidë e sarung
mangimang ku mëbiahë;

kai kamageng u pia u wou
taloarang sire e sumoho,
tangu naung'Ku e tawë
karaluase si sie."

³⁹I kite ini e walineuwe taumata
susho dingangu mapalidë. Kaiso
i kite e kawe taumata ku mangi-
mang su Mawu Ruata e ringangu
ipakasalamatë.

Pangangimang

11 Pangangimang mangalene
e kai tatialang managhuang
kalaiaking matoghasë
suapang lëharapeng, mangalene
ute kai pia karalahë u apan sa-

rung tawe ikasasilo e. ²Ualingu
pangangimang, tangu taumatang
kalimonane e makaluasë naungu
Mawu Ruata e.

³Ualingu pangangimang, ta-
ngu i kite e nakaëna u dunia e
kai niriading hengetangu Mawu;
ku apang ikëkasilo e, madiadi
wou apang ta ikasasilo e.

⁴Ualingu pangangimang, ta-
ngu i Habel nangëntudu sasëm-
bane limembong kapiane wou
sasëmbang Kain. Ualingu panga-
ngimange ene, i Habel nitarima u
Mawu Ruata kere taumata ma-
pia, batu sembeng nalahë u Ma-
wu Ruata e nënarima u sasëm-
bane. I Habel seng nate kaiso ka-
hian pangangimange ene, tangu i
sie wëdang mëbëbisara sarang o-
rasë ini.

⁵Ualingu pangangimang,
tangu i Henokh e tawe nate, kai-
so kawe niapakasapua dingangu
niapakakoå solong anung Mawu
Ruata e. Tawëu sarang sengk-
tau nakapësombang i sie, watuu
i sie seng niapakasapua u Ruata
e. Suralungu Bukë Susi e maba-
wohë u tentalang i Henokh e reng
tawe nipakasapua e, i sie kai
makaluasë naungu Mawu Ruata
e. ⁶Kereu ta pangangimang, u-

te tawę u sarang sęngkatau ma-
ka_rluasę naungu Ruata e. Batu_ru i
sain dumęnta su anun Duata e
harusę mangimangu Mawu Rua-
ta e ene, dingangu Mawu Ruata
e mangonggou wawalise su tau-
mata ku apang męmpędędea si
Sie.

⁷ Ua_ringu pangangimang, ta-
ngu i Noakę nipaulikangu Mawu
Ruata e ma_ranung ka_rlawou apa
sarung mariadi e, ku tawe ika-
silon sie. I Noakę e ru_daringihę
Mawu e hakiu i sie nęlanging ka-
pa_rlę sęnggęsa ku samurine naung
kawe nakaambang si sie ringangu
ra_rlohon ba_rlene. Ua_ringu kawe ke-
rene ute dunia e nihukung, arawe
i Noakę hala e ute kahian panga-
ngimange tangú narekeng tauma-
ta mapia.

⁸ Ua_ringu pangangimang ta-
ngu i Abraham du_daringihę Ma-
wu ku pi_a e Mawu ku_kui si sie
ringangu rimoloh'i sie apa_kako_a
solong banua ku nikędon Ma-
wu e si sie. Bou e i Abraham
nębu_a ku bęga wue męnsang ma-
ko_a solong apa. ⁹ Ua_ringu panga-
ngimang, i Abraham nętana kere
taumata raghi su wanua nikędon

Mawu e si sie. I Abraham nętana
sene suralungu selo. Kerene lai i
Ishak dęduan Yakub, ku seng na-
katarima u kędo męsulung bou
anun Mawu e. ¹⁰ Batu_ru i Abra-
ham kai kapęngęngampa_rle soa
kękarakiang dingangu nilangu
Mawu Ruata e ku pi_a bawęntane
matoghasę e.

¹¹ Ua_ringu pangangimang, ta-
ngu i Abraham nakahombang hi-
tene wo'i Sara, maning kuteu
i Abraham kawe seng tumanju
maghurang, dingangu i Sa-
ra e sęsane wanto. I Abraham
mangiaking u Mawu Ruata e
sarung mapakasęhu u kędon'E.
¹² Manilaing i Abraham su tem-
po ene kere taumata wadange
seng nipatene, kaiso i sie naka-
hombangke hitene ma_rlawo, hakiu
kahiang ka_rlawoę tangu seng ta
kinarekenang^h – kere ka_rlawo
wituing su lan_rgi dingangu ęne
su apeng.

¹³ Patiku taumata ene tębe-
we męmpangimang sarang nate
e. I sire tawe nakahombang ka-
sasęhu pękakędon Duata e, kai-
so kętaeweng męmpamanda ri-
ngangu męmpanęnsomahę bou

^h ta nikati_a = tidak terhitung

11:7: Pęnd. 6:13-22 11:8: Pęnd. 12:1-5 11:9: Pęnd. 35:27

11:11: Pęnd. 18:11-14, 21:2 11:12: Pęnd. 15:5, 22:17, 32:12 11:13: Pęnd. 23:4,
1Kar. 29:15, Mzm. 39:13

marauene. Ku ualingu ene ute i sire maŕliu i sire kĕtaeweng tau-mata raghi dingangu mananumpang su dunia ini e. ¹⁴Taumata ku mĕbĕbera kerene ute maŕli maŕlahe u i sire kai kapĕdĕdeĕ e soa ku sarung makoŕ banuan sire tutune. ¹⁵Balinewe soa ku seng tinĕntang i sire e tĕtinĕnnaĕng e. Batu kamageng kawe kerene ute, naŕlahe u seng lawo loae si sire ku makapĕsulĕ kapia soŕlong banua ene. ¹⁶Kalahe e tangu, i sire kai nĕkĕkarimangu soa sĕmbau limembong kapiane, ku kai soa su sorga. Kai ene hakiu Mawu Ruata e tawe mamea keru i sire mĕsĕba i Sie Ruatan sire e, batu Ruata e seng nĕndiahing soa sĕmbau baugu i sire e.

¹⁷Ualingu pangangimang lai, tangu i Abraham nĕnarakang i Ishak nakoŕ kere sasĕmba pia i sie wĕbanikateng u Ruata. Seng si Abraham sĕsane Mawu Ruata e nangonggo pĕkakĕdon'E, kaiso i Abraham mambeng napakawalang manarakangu ana e mang tumbu sĕmbau ene. ¹⁸Mawu Ruata e seng nĕhengetang si Abraham, "U kai wou i Ishak ini e i kau sarung makahombang palahi-

te naung Taku nikĕdo si kame-ne." ¹⁹I Abraham mangiakung u Ruata e kawasa mapĕbiah'i Ishak kapia e wou papatene e – ku botonge i kawera u i Abraham seng nakaule si Ishak kapia wou papate.

²⁰Ualingu pangangimang, tangu i Ishak e mĕkĕkĕdong ala-matĕ e si Yakub dĕduang Esau waugu tempo ramahi.

²¹Ualingu pangangimang, tangu tĕntalang deng i Yakub bĕdang biahĕ e i sie nĕngalamatĕ ana i Yusuf – dingangu mĕnumĕking su tĕking e ku nĕkaliomaneng su Mawu.

²²Ualingu pangangimang, tangu i Yusuf – pia e naung maraning mairi – mĕbĕberang halĕ u sasĕbangu tau Israel bou Misirĕ, apidu timanatang halĕ u pĕnampa u maiet'i sie.

²³Ualingu pangangimang, tangu gaghurang i Musa e namuning sie tellu wulang karĕngu e bouten sie pinĕhĕnding. I sire nakasilo u i sie kai rario mahole, dingangu i sire tawe matakū u parentan datu e.

²⁴Ualingu pangangimang, tangu i Musa sarangke nasa-

11:17: Pĕnd. 22:1-14 11:18: Pĕnd. 21:12 11:20: Pĕnd. 27:27-29, 39-40

11:21: Pĕnd. 47:31-48:20 11:22: Pĕnd. 50:24-25, Sas. 13:19 11:23: Sas. 2:2, 1:22

riā e, tawe mapulu isēba a-
 hus'u sangiang ratung Misirē e.
 25 I sie ěndokangbe sēngkapētata-
 hangu sigēsā dingangu kawanuan
 Mawu Ruata e sulungu makaun-
 tung daļuasū rosa e ghēnnangu
 sēngkatempo. 26 I Musa e na-
 kapēndang u nēngalembong
 kaarēgane marau ku makaēba sa-
 samedē baugu Ratu Mēnanaļa-
 matē nikēdong Duata e sulungu
 makaēba kaļawou arēta u wa-
 nuan Misirē e, watū i Musa e
 kai mēļēharapē bawalise su tem-
 po ramahī e.

27 Ualingu pangangimang, ta-
 ngu i Musa e nanētangu Mi-
 sirē e tawē kadiongeng takū e
 su raļangehu ratu e. I Musa e
 mēngkai maļintoī mēnēnuntūewe
 tētmonaēnge, mēsulungu i sie
 seng nakasilo Mawu Ruata e ku
 ta ikasasilo. 28 Ualingu pangangi-
 mang, tangu i Musa e nakapēkoā
 e Paska e ringangu nēngoro ta-
 deāu pakītambuseng daha su tu-
 kadu walēn tau Israel, mađiringu
 Maļæekat'u Papate e maminasa
 manga ana'i sire laiakang e.

29 Ualingu pangangimang e,
 tangu tau Israel nakaliu ļau-
 du Kolsum, ku i sire aļing kai
 ruđalēng su ěntana mamara, ara-
 we tau Misirē e kawē niselohu
 ļaudē ene, piā i sire mēnēnaļuka
 lumiu.

30 Ualingu pangangimang, ta-
 ngu tau Israelē e nakakahaka
 meselu Yerikho sarangke wou ta-
 ghaļē ļēlikutang i sire pitu ěllo
 karēngu e. 31 Ualingu lai panga-
 ngimang tangú i Rahab bawine
 tahapēsundaļē ene tawe nikapa-
 te sēngkakapate ringangu tauma-
 ta apang duđoka Mawu Rua-
 ta e; batū i sie nēnarimaļeng
 dingangu naung maļuasē su
 mananumpang anune, waugu
 mēmpēpahimang tau Israelē e.

32 Ho, Ia e wotonge lai
 mēngkate hanesē mēbēbera,
 kutēu tempoku e kawē tawe ma-
 kaiange.ⁱ Batū ia bēdang lai
 tawe nēsēsēba i Gideon, i Barak,
 i Simeon, i Yefta, i Daud, i Sa-
 muelē, ringangu mangaewe nabi.
 33 Ualingu pangangimang, tangu
 i sire seng nakawata manga ka-

ⁱ piā kētakege = ada batasnya

11:24: Sas. 2:10-12 11:27: Sas. 2:15 11:28: Sas. 12:21-30 11:29: Sas. 14:21-31
 11:30: Yos. 6:12-21 11:31: Yos. 6:22-25, 2:1-21 11:32: Mēl. 6:11-8:32, 4:6-5:31,
 13:2-16:31, 11:1-12:7, 1Sam. 16:1-1Rat. 2:11, 1Sam. 1:1-25:1

raratuange. I sire mēmpēkēkoabe apang matulidē e hakīu i sire mambeng nakatarima u apang nikēdon Mawu Ruata e. I sire napēkēm̄ming u kaławou mohongu singa, ³⁴manēbu putung masasaria, makatihō bou horong peda. I sire e kai lome, kuteu kawe matoghasē supēseke-tange, hakīu makabata manga wuntuangu tau raghi. ³⁵Ualingu pangangimang, tangu manga wawine saū kapia nakahombang taumatan sire ku seng bou nate.

Piāben lai mapulu sunsaraēng sarang mate, ringangu madiri ipakaliu, ualingu mapulu ipēbangung kapia mēdeau makauli pēbawiahē sēmbau ku limembong kapiane. ³⁶Piābeng lēheghesang, lēlimadeng, lēhanteēng, dingangu piā lai tētahungkutang. ³⁷I sire naung lēntungangu watu sarang pakapate, piāben lai pēpentehangu lahaghari, ringangu pēpatēngu peda. I sire mēpēpapalili mēmpēpapedetu pising domba arau pising kambing; i sire kai taumata kasiang, tētingkaitang dingangu sēsigsā-

keng. ³⁸Dunia ini e walīnewe hinong pēmamanuaēng i sire. I sire e kai mēmpēpapalili su kēhu linggi ringangu su manga wawulurange, arau mēmpētētana suralungu liang dingangu suralungu manga lohangu ēntana.

³⁹Enē e kasariane wata i sire kēbi ualingu pangangimang i sire! Kaiso i sire tawe nēmpanarima u apang nikēdon Duata e, ⁴⁰batuu Mawu Ruata e kai piā hingide limembong kapiane waug'i kite e. Hingide ute kētaeng dingang i kite e, ku i sire sarung ipakasuku.

Duata i Amang i kite e

12 Ho, ēndaibe i kite ha-la e tētalīwungang u sahidi kereng kakēpale! Ualingu ene tangu i kite e mēmēllōkong kaławou apang mēmēha si kite e, dingangu rosa e sēntiniā mēngkate mētētēndēka si kite e. Ku i kite e pakatatoelē bue su pētandungang^j tētātēngoēng i kite e. ²Ku timonang kite e pakatuntube solong anun Mawu Yesus, u kai i Sie namangung pangangimang i kite e ringangu nēpaduli wou tētae

^j pētandungang = perlombaan

11:33: Dan. 6:1-27 11:34: Dan. 3:1-30 11:35: 1Rat. 17:17-24, 2Rat. 4:25-37
11:36: 1Rat. 22:26-27, 2Kar. 18:25-26, Yer. 20:2, 37:15, 38:6 11:37: 2Kar. 24:21

soḷong pangēnsueēnge. Mawu Yesus mēdēdararagu sigēsā su kalu kuruisē! I Sie tawe mēdariang mate su kalu kuruisē e kawē apa e makamea. I Sie kētaeweng mētētahēndung karaluasē kū sarung kapēndangeng'E su samurine. Orasē ini e i Sie maīang su koanengu kaḷaianengu Mawu Ruata e, kū mēpēparenta sēngkapēparenta ringang'E.

³ Kēnnang pēngēna kai ke-reapa sigēsā u Mawu Yesus tūtātēngo raḷawangu taumata waradosa kū kereng katēdu e! Uaḷingu ene tangu abe pēmpētēngkalomeng naung i kamene ringangu abe kēngkapēndu. ⁴ Batū suraḷungu pēkakaradihang i kamene mēseke u rosa e, bēdangbe lain tawe mēsēseke sarang tēdokangu raha e. ⁵ Dingangu abe kiwulei sasasang Mawu Ruata e, kū seng niongo si kamene kere manga ana'E:

"Ana'Ku, pakatitike wue pakapia-pia tēntirong Mawu e,
dingangu abe kēngkanawo
naung'i kamene,
kamagengu i Sie
lumangehē si kamene.

⁶ Batū Mawu e mañēntiro apang taumata kū ikēkēndag'E,

dingangu i Sie
mēgēnggeserē si sain-sain
kū niakun'E kere ana'E."

⁷ Kū i kamene pēmpēnarimaḷ bue papahang u Ruata e kere sēmbau tēntirong sēngkatau i amang. U sude wue maḷiadi kū anaḷ tawe papahangeng i amang? ⁸ Kereu i kamene tawe papahangeng kere kēbi manga rariḷ baline ini e, ute i kamene waḷinewe anaḷ tutune, kaiso kawē anaḷ su wela. ⁹ I kiteḷ e kawē pia i amang i kiteḷ su dunia. I Sie mañēntiro si kiteḷ mase i kiteḷ e maḷadatē si Sie. Kū limembo miēbaḷ i Amang i kiteḷ marohkē su sorga e, naḷahē u i kiteḷ e hinong sauneng kumakoho si Sie tadeau i kiteḷ e mēbiahē. ¹⁰ Manga gaghurang i kiteḷ su dunia e mañēntiro si kiteḷ suraḷungu tempo pia kētakeḷ, tuḷewe su pēndangeng i sire kawē mapia. Arawe Mawu Ruata e mañēntiro si kiteḷ e kawē waugu kapiang kiteḷ hala, mēdeau i kiteḷ e ipakasusi ringang'E. ¹¹ Kahēngang bue, su tempong i kiteḷ e tētēntiroēng, papahang ene tawe nētaḷahino su naung i kiteḷ e, kaiso kai maḷakasusa. Kai samurine ute, waug'i kiteḷ kū apang seng bou nitēntiroēng tangu, papahang ene makapēbēbiahē si kiteḷ e tūtuhu

kapulun Duata, ku mapëbëbuam pëndangu karalunsemahë si kite e.

Laaha dingangu tatahëndung

¹² Batu ene tangu ëndai hengke takiahu nëlome e, ringangu hatedëko wukunu kükende ene! ¹³ Ku pëmpahundalengko sidutu suraleng matene, tadeakengu laedu këmpalë e tawe mëgaghalisa, kaiso kawe sauneng mahuntinambang kapiane.

¹⁴ Pëmpëtumëgalëko pëdarame ringangu këbi taumata e. Pëdeako kasasusi samatang bangu Mawu e. Batu tawe sarang sengkatau makasilo Mawu e keru i sie tawe mëbiahë kerene. ¹⁵ Pakatanure wue kumbahang sarang piã sengkatau sumëbang bou kapiang tatalëntu u Mawu e, tadeau kumbahangbe piã u makoã kere kalu makakilu sutalarang kamene ku makasahaghe ringangu makagholang taumata lawo e kahian daghuse. ¹⁶ Pakatanure wue u kumbahang piã mawang arau piã u tawe pandungange su pëbawiahë marohkë e, kere naung këkoateng i Esau. I sie nëbaļu u kalaiakange,

tumbaeng ualingu kaeng sëlama. ¹⁷ I kamene masingkau wou ene i Esau mapulu makahombang alamatë ene wo'i amange, kutëu i sie kai nisuhudë. Batu manilaing dingangu kaka i sie mëdëdeã dalengu mëmaļu pësa-salane, kai i sie seng tawe nakareã loahe waugu ene.

¹⁸ Manga ana sëmbau tawe rimënta tumatëngo muna-ra sëmbau e kere tëtätëngoëng u tau Israelë e naung. I sire tütatëngowe apang hinong ikëkasaghipo, ku kai wulud'u Sinai ringangu putunge ku kararamasage rudëlli e; i sire tütatëngo kararëndung, kasasunaubë, dingangu rëllang; ¹⁹ i sire rudëndengelu walëmbengu slompretë, dingangu tingihë mëbëbera maiha. Ene piã e tau Israel nakaringihë tingihë ene, i sire mëdëdorong sëngapang botonge tadeau tingihë ene kuha e relaing sau mëbisarang sire. ²⁰ Batu i sire seng tawe makatahang dumaringihë laorong tingihë ene. Batu tingihë ene kai mëbëbera u, "Këbi apang ku mënënggehë bulude ini e tawe tiaha-ne mënsang i sie binatang arau

walaewe mēnsang i sai-lai, harusē ěntungeng batu sarang pakapate.”²¹ Apang kų kinasilon tau Israelē e mambeng makatataku sarang i Musa e nakawera u, ”Ia e nataku dingangu simalungkende!”

²² Kaiso raliune, i kamene seng dimēnta su wongko'n Sion dingangu su soan Mawu Ruata wiahē e, kų kai i Yerusalem su sorga e ringangkewen, manga malaekatē e hiwune kaławoe.²³ I kamene nēmpētole komolangu u raluasē – pēsasombangu manga ana u Ruata malaiakang e, kų areng i sire e mađarole suralungu sorga e. I kamene rimēnta mētēngon Duata e mēlahukungu patiku taumata e. I kamene tutatēngong kaławou rohkē u taumata mapia e, kų seng niapakasuku e.²⁴ I kamene rimēnta mētēngon Mawu Yesus, Mēnanałoara waugu pēdariandi wuhu ene; i kamene mētēngon daha nipakatēdo kų makauali apaeweng nēngalembong kapiane i kauali wou rahan Habel.

²⁵ Ualingu ene pakapapia wue i kamene, kumbahangbe sarang i kamene tawe mapulu ruma-

ringihē si Sie kapēlēhengetange. I sire kų apan tawe mapulu rumarinhē si Sie rimēnta su dunia ringangu mēhabaru hengetang u Mawu e, tawe makakatalangu watangenge. Dumakeleng kate i kite ini kų dudaringihē si Sie mēbēbera wou sorga! Kereu i kite tawe mapulu rumaringihē e, ute maliwirēbe kereapa i kite e!²⁶ Su tempo ene tangu tingih'E nakapēgēgahē dunia e. Kai orasē ini e i Sie nēkēdo, ”Sēnsuleko lai, Ia e sarung mapēgēgahē e waline-we kētau runia e, kaiso kawē lai langi e.”²⁷ Bawera, ”sēnsuleko lai e” mēlēlahē u kaguwau dunia e seng niriadi e sarung kakio-kang dingangu alingang, tadeau malēembe kate apang tawe makio.

²⁸ Ualingu ene tangu, i kite e pakitarima kasē bue su Mawu Ruata ringangu ualingu i kite e nakatarima boi Sie karatuang sēmbau kų tawe ghuminuē. I kite e pakitarimakasē bue pēkaliomaneng su Mawu Ruata, pakasasumēllung dingangu pia taku e, tuhewe mētatalahino su kapulun'E.²⁹ Batu Ruatang kite e kai mēsulungu putung makahēngisē.

Kereapa makaluasë naungu
Mawu Ruata e

13 Pakakakëndagëko sidutu i kamene anaü sëmbau lawo tau Sahani e. ²Abe ghoë i kamene mënarima u taumata raghi e su waleng kamene. Batuü pëkakoä kerene e, kai wou nariadi ku pia taumata ku tawe nikahënganeng kutëu kawë naung nënarimaü malækatë suralungu walene. ³Pëmpëtahëndung apang matatahungku e, mësulungu lai i kamene katatahungku sëngkatahungku dingang i sire. Ku i saisaieweng balæwe koä i kamene e, pëtahëndung bue u i kamene malaing këkoateng kerene.

⁴Patiku taumata e harusë, u kai ene hakiu pësëngkawingang e harusë pakasatia sëmbau su wali-ne. Taumata taha pësundaļë e ringangu sarung ihukungu Mawu Ruata.

⁵Piawe pëbawiah'i kamene pëkawsaëngu ënning su roitë e, kaiso pëmpëkëtabeng apang pia su watangengu. Batuü Mawu Ruata e seng nëhengetang, "Ia e tawe sarung mapakawala arau sarung manëntang i kau." ⁶Batuü ene i kite e wahani makapëbera u,

"Mawu e kai Mëtuļungu ia, ia e tawe mataku.

Kaia koatengu taumata e si sia?"

⁷Abe kiwulei manga mëngan-gaha si kamene e ku mëlëhabaru hengetangu Mawu Ruata e si kamene. Kakëllaiko kereapa i sire mëmpëbiahë e, ringangu kereapa i sire mëngkairi e, ringangu pëmpëtënnoko pangangimang i sire e. ⁸Mawu Yesus Kristus e tëbewe mësulung, bæ kalimona, orasë ini, ringangu sarang marëngu-dëngu. ⁹Kumbahang i kamene mangonggou lo-ahe su kalawou haghin tëntiro makalaherang ku makapaliðë si kamene. Naung i kite e harusëbe toghasengu kapian naungu Ruata e, u kai ene e mapia, kumbahangbe kawë ualingu manga kalawou atorangu palahungkaëng. Isai-sain naung kalamona e tutuh kalawou atorang ene e tawe makahombang ualine apa.

¹⁰I kite e kai pia panëmbaëng i kite sëmbau pëmamëlokangu sasëmba su Mawu Ruata. Dingangu manga imang ku mëtëtangkiang suralungu selong pëkakaliomanëngang, ute tawe wotonge kumina sasëmba kapapëllö su wo-

won pananěmbaěng ene. ¹¹Da-
hang binatang ku isěsěmba kere
laonggo baugu ipěngampung do-
sa, kawē nĭbawawang imang ma-
wantugě e sołong dalungu Huang
Kasusiange arawe kasuangu bina-
tang ene e sěsane nitongka su
likudu raseng. ¹²Kai ualingu e-
ne hakĭu Mawu Yesus małaing
napohong su likudu pasěllangeng-
u soa e waugu ipěmurěsi umate
wou rosa e ualingu rahan'E sěsa-
ne. ¹³Ualingu ene tangu mahĭe i
kite e makoā sołong anun'E sulĭ-
kudu selo e mase manałudě sasa-
medě sěngkapěnałudě dingang'E.
¹⁴Batu su dunia ini e tawę a-
pa pětatanakeng sarang marěngu
e waug'i kite e; i kite kai mēdea
pětatanakeng ku sarung damahi.
¹⁵Ualingu ene, lumiung Mawu
Yesus e, i kite e hinong sidutu
mēdēdalo Mawu Ruata; u ene kai
makoā kere gaghěllĭ tatarimakasę
i kite e si Sie ku isěmbang kite e
wou wuāen biwihě baugu mēdalo
areng'E. ¹⁶Abe kiwuleng mēkoā
mapia e ringangu mětatułung,
batu kai ini e manga gaghěllĭ ku
makałuasę naungu Ruata e.

¹⁷Pakatatuhę buę su manga
parentang měngangaha i kame-
ne e, ringangu pakasasuměllung
bue si sire. Batu i sire e sidu-

tu mēnēnahimata himukud'i ka-
mene, dingangu i sire e hinong
mětěngong sasimbang i sire su
Mawu Ruata e. Kamagengu i ka-
mene matuhę si sire e, ute
i sire makapěmunarawe ringang-
u naung małuasę; arawe maeng
u tala ute; i sire sarung pia ka-
rałumběha e mēpěmunara e ku
ene tawę makapěbarauntu si ka-
mene.

¹⁸Sěntiniabe pěmpěkalioma-
neng baug'i kami e, u i ka-
mi e maņgiakingu naung i ka-
mi e matilang, batu i kami
e sidutu mang mapulu mēkoā
ene tuhewę katulide. ¹⁹Ku na-
paliuwe makapēdēdorong si sia e
sěngapang botonge, tadeau i ka-
mene mēpěkaliomanengbeng ia
e. Pěkaliomanengko tadeau Ma-
wu Ruata e karimakō měngkai
limembong kałigha e mēbawa si
sia kapia sołong anung kamene.

Kakaliomaneng

²⁰Mawu Ruata e seng na-
miahě Mawung kite i Yesus
Kristus bou papate. Ualingu pa-
patene, orasę ini e i Sie seng
nakoā Mělałukadě Masěllahě si
kite manga dombane. Papatene
ene małaing maņgadě pēdarian-
di kakalę nikoā u Mawu Rua-

ta e ringang'i kite. ²¹Małowoko Mawu Ruata puëngu karalunsemahë e mapakasuku i kemene e ringangu patiku apang mapapia e ghëgausang i kamene e waugu mëkoạ apang kapulun'E. Małowoko lumiun Mawu Yesus Kristus e, Mawu Ruata e mëkadihang suralung i kite e, apaweng ilënniing'E. Ku apakaraloko i Kristus e sarang marëngudëngu! Aming.

Kakunsi suratë

²²Ia mëdëdorong tadeau i kamene mëmpënaung bue kalawou sasaku ini e ringangu kasasabarë,

batuu suratëku ini e tawe tumani e manandu. ²³Këngkasingka bue i kamene u anạ u sëmbau i kite i Timotius e seng niapasëbang bou ralungu tahungku e. Kereu i sie seng damahi solong tampaku ini e, i sie hëdong taku paringaneng su tempong ia mëtiwo si kamene sarung.

²⁴Paulikong tabeạ i kami su apang mëngangahạ si kamene ringangu su patiku kawanuan Duata. Tarimako lai tatabeạ u manga anạu sëmbau bou Italia.

²⁵Małowoko Mawu e mëngalamatë si kamene manga anạu sëmbau patiku.

SURAT'I YAKOBUS

DARUMATINGE

Surat'i Yakobus ipakibuna su "patiku dalohon jamaat'u Mawu, nesa-wuhë su kaguwau dunia e". Mëpëpakeen haghim papinintu tangu i Yakobus e nangonggoen sasasa ringangu sasalëntihö pira-pirambua ku mëtëtatalahino su taumatan Sahani maanun tabiete ringangu kakanoa e. Bõu kakakëllaengu tau Sahani e, i sie mëñenualagu haghing kakakoau pëbawiahë kere manga kakakala, dingangu kakakasiang, sasaluka, kakanoa mapia, laënsilë, pëngangimang dingangu kakanoa, manga palahumbisara, kapelesa, pëdararendehë, kalaobotë dingangu kasasanau naung, halëu mapësalan taumata waline, tahapëkotarila, kakakëdang, dingangu kakaliomaneng.

Suratë ini e mabëha su halë u pëngangagamang tau Sahani, maanun pangangimange harusëbe pia kakanoa e.

Lohone

Panëtakege e	1:1
Pangangimang dingangu kapapelesa	1:2-8
Kakasiang dingangu kakakala	1:9-11
Sasaluka dingangu wawodaj	1:12-18
Dudaringihë dingangu mëkëkoa	1:19-27
Tatumbalung tadeau kumbahang mapëdalahaeng taumata	2:1-13
Pëngangimang dingangu kakanoa	2:14-26
Taumatan Sahani ringangu pëbawisarane	3:1-18
Taumatan Sahani ringangu dunia	4:1-5:6
Kalawou haghin tëntiro	5:7-20

1 Manga anaṅ sēmbau patiku dalohon jamaat'u Mawu nakeke su kaguwaṅ dunia! Tabeṅ bōu ia i Yakobus ēllangu Mawu Ruata, ringangu ēllangu Mawu Yesus Kristus.

Pangangimang dingangu kapapelesa

2 Manga anaṅ sēmbau! Kereu i kamene makaḥombang hagh-haghin sasaluḅa, ute mēngkai lēnnaweng kamene e raḅuasē. **3** Batu i kamene masingḅa, u kamagengu i kamene kaṅatanabe mangimang su Mawu e su tempong i kamene kēkahombangeng u sasaluḅa, ku ualṅine ute: i kamene makēdang. **4** Pakarariaga bue tadeṅ kakakēdangu naung i kamene e mēngkai maḅuntinamba sarangkewe i kamene tēngatēngadē mēngkasuku mase tawe kakawusangu apa. **5** Kereu piaṅ sēngkataṅ wōu taḅoarang kamene e kawe riḅ longong, ute pēgausēko su Mawu Ruata e i sie, ku Duata e sarungbe mēngongḅōu kapapelesa si sie; batu su taumata pēsēngkataṅ e Mawu Ruata seng nangongḅō dingangu naunge maḅuasē nēpapinunṅ u kakēndagē e. **6** Kaiso

i sain mēgēgausē e, harusēbe mangimang; u i sie tawe wotongeria-ria. Batu taumata ria-ria e kai mēsuluṅgu wēlladē tētiukang u anging tamai-ramahi. **7-8** Taumata kerene tangu tinēnnane tawe matatuntṅ; i sie tawe makaēḅa ualṅine apa wōu kēḅi apang kinoṅ e. Ualṅingu ene tangu abepangiralingu kai makaēḅa apa-apa wōu anun Mawu e.

Kakakasiang dingangu kakakala

9 Tau Sahani apang kasiang e pakaraḅuasē bue kereu Mawu Ruata e mēhengkē i sie. **10** Dingangu tau Sahani apang kala e pakaraḅuasēbe lai kereu Mawu Ruata e mapakasaṅ i sie. U taumata kala e sarung mapuṅ kere wuruṅ pēpa. **11** Su tempong matangēllo e simēbangke ringangu pēdisē maiḅa e, tangu pēpa e sarung malolang, ku buruṅ e mahondosē, mase kaḅaholē e sarung matadise. Kerene lai taumata kala e sarung magḅaḅolē su tempong i sie kaḅēmunarane.

Bawodaḅ dingangu sasaluḅa

12 Kariangkamang i sain makēdang su tempom makaḅom-

bang bawodai. U sarəng i sie nakararagě nětatahang suralungu wawodai ene tangu, i sie sarung makatarimau tatendenge, ku kai pəbawiahě naung seng nikedom Mawu Ruata e si saising kukəndagu Ruata e. ¹³ Kereu pəsəngkatau e kəkasałukatengu wawodai kerene ute, abe pəberau, "Sasałuka ini e asale kai wou anun Mawu," batu Mawu e tawe kasasałukatengu ralai, dingangu lai tawe mənalałuka si saisi. ¹⁴ Kaiso taumata e kəkasałukateng kereu i sie wəboləngang dingangu wəbitaugangu ənning e ralaki. ¹⁵ Bou ene, kamagengu ənninge ralaki ene tuhukang, ute mēhana u rosa; ku kamageng u rosa e naghurangke, ute katewe papate ai e.

¹⁶ I kamene piawe kakaleng, ei manga ana sėmbauku ikəkəndagě! ¹⁷ Apang gaghellı mapapia ringangu paporseəng masasuku e darəntane kai wou sorga, nipakatəntungu Ruata, Nəndiadi patiku tuagě su langi. I Sie kai Ruata ta mēbawalui, ringangu tawe lai makakarəntang kararəndung. ¹⁸ Kai ualingu kapulun'E hala i Sie napakariading kite manga ana'E ualingu katəngadu hengtang'E. I Sie məkəkoə kerene
^a pakaona = lambat

tadeau i kite e makahombang tampa kalənggihange wou patiku diadikang'E.

Mədədaringihě dingangu məkəkoə

¹⁹ Pakakakəllai wue ini e pakapia manga ana sėmbau ikəkəndagě! Səngkatau-səngkatau e mēngkai pakasasahawu dumaringihě, kaiso pakatəmədə^a mēbera ringangu pakakəđang mēpədu. ²⁰ U taumata pədu e tawe makakoə munara mapia, ku makałuasě naungu Mawu e. ²¹ Ualingu ene tangu, hipeko kaławou apang lulu marala-muhu dingangu ralakisě e. Dae-kengkong kasanau naung, bawera nisuangu Ruata e su naung i kamene, batu wawera ene kai makatoghasě pəngangambang si kamene.

²² I kamene kəngkakoəko tumatuhu apang hengetangu Ruata, kumbahang kətaeng dumaringihe, batu kai makaakalə batangeng i kamene. ²³ I saing makadingihěbe hengetang u Mawu kaiso tawe məkakoə ene, ute kai məsulungu taumata kapəməmandane ghatine su kasənaəng. ²⁴ Sarəng i sie nakasilə e mapia-pia watangenge,

mase rimalengke ku apidu niwuleng gatine mēnsang kai ke-reā nāung kakakoā e. ²⁵ Torat'u Mawu e nasuku dingangu piā kuate mapakaliwuru taumata. Ku i sain mēnēnanēsui ringangu mēnēnaungbe mapia ringangu mēdēndalengben toratē e, ku balinewe kētaeng dumararingihe ku bōu ene kawē niwuleng ene, ute i sie sarung alamateng u Mawu suralengken patiku munara kēkoateng e.

²⁶ Kereu pēsengkatau maka-pēndang batangenge maagama, kaiso wēgawē mangēdahē lilane e, ute i sie māngakalē batangenge; pēngangagaman tau ene e tawē kēhase. ²⁷ Pēngangagama wurēsi ringangu tutune tumuhu tingirang'u Mawu Ruata, ute kai: mētulungu manga rariō kasisi ringangu manga wawine walū su sigēsā i sire, ringangu mēdēdāriagaewelain batangeng tadeāu kumbahangbe ipakagholōu dunia ini.

Sasalēntihō kereu piā pangangēnsilē

2 Manga anāu sēmbauku! I sain māngimang su Mawu Yesus Kristus, Mawu Kawantugange, kumbahangbe i kamene mapēdalahaen taumata ku

kai mēmēmile ghati. ² U kereu piā sengkatau kalā mēlēluhen sinsing buāeng dingangu pakeange malēnggihē ku dimēnta su komolāng i kamene, bōu ene rimēntako lai sengkatau kasiang nēluhen pakeange naghaghonai, ³ tangu i kamene kawē limembong kaadate su tau pakeange malēnggihē e. I kamene kai manga mēbera si sie, "Tuang! Kaiangko su kadera malēnggihē ini e." Arawe su tau kasiang ute i kamene kawē mēmpēberau, "Darisiko paise," arau "Kaiangko wawa su masana e." ⁴ Ualingu pēka-koā kerene tangu, i kamene seng nēkoā pēdalahaedē sutaloarang kamene ringangu mēngēngarēgan taumata e tutuhu tinēnnang kamene malamuhu.

⁵ Pēmpētahēndungko, i kamene manga anāu sēmbau ikēkēndagē! Tau kasiang su dunia ini e, nipilen Duata apakakalā su pēngangimang. Taumata ene sarung makoā dalohong kawanuan Duata mēsulungu nikēdon Duata su taumata apang kukēndag'i Sie. ⁶ Kai i kamene maalā be mēmpānamedē taumata kasiang e, sēmbalīau kawē makakalā e mēmpānēdā i kamene ringangu mānuhudi kamene solong pēnggaghutaēnge. ⁷ Seng i sire e-

ne mëmpëlëhodatë areng mawan-
tugë e niraekang i kamene wou
anun Duata!

⁸I kamene mëmpëkëkoabe
katulidë e kereu i kame-
ne mëdëndalengben torat'u ka-
raratuang ku këkaëbakeng su-
raŕungu Bukë Susi ini: "Këndagu
sëndinganengu taumata e kerë-
we lai kumëndagu watangengu
e." ⁹Kai kereu i kamene kawe
mămile ghati ute, i kamene kai
mëmpëdëdosa, ku torat'u Mawu
e mëlëlahëu i kamene kai lulam-
pa tita. ¹⁰I sain lumampa piãu
sëmbau bou patiku titang Ma-
wu e ute limampa këbi. ¹¹U i
sain nëhengetang, "Kumbahang
mawuang," i Sie lai nëhenge-
tang u, "Kumbahang mamate."
Ku kamagengu i kamene tawe
nawuang, o kawe namate, tangu
i kamene maŕaing rumalampa ti-
tang Mawu e. ¹²Pëmpëberae ri-
ngangu pëmpëkoã e kere taumata
ku sarung gutaëng tuhu titang
Mawu e ku makaliwirë taumata.
¹³U Mawu Ruata e tawe ma-
nodeu tatalëntu e si sain bëgang
tatalëntu. Kaiso tatalëntu e li-
memboweng katoghase wou pëla-
hukunge!

Pangangimang dingangu kakanoã

¹⁴Manga anau sëmbau! Apa
wue gunane taumata mëberau,
"Iã e taumata mangimang," ke-
reu i sie tawe manodeu ka-
kanoã e? Botonge pangangimang
kerene makaambang si sie? ¹⁵Ke-
reu sëngkatau wou manga anau
sëmbau tamba pangangimang
mëgëgausë pakeang arau nikaka-
wusangu laidopë mëllo-mëllo e.
¹⁶Apa e gunane ku i kame-
ne mëbera si sie: "Pëmpëluhë
e pakeang i kamene pakatukusë
dingangu pëmpëkaëngke paka-
raŕaedë!" – kereu i kamene tawe
mëmpëngonggou apang gëgau-
sange gunang ipëbiahë e? ¹⁷Ke-
rene lai taumata mangimang, ke-
reu tawe ilahë su kakanoã tangu,
pangangimang ene e tawë guna-
ne.

¹⁸Aramanung piã u mëbera,
"Piãben taumata mangumbala su
pangangimange ringangu piãu lai
mangumbala su kakanoã e." Iã e
sarung sumimbang u, "Todeko si
sia kereapa taumata makapëna-
ghuang pangangimang tawë kaka-
noã e ringangu iã e sarung mapa-

kalahaḡ dingangu kakanoḡ u ia e kai maḡaghuanḡ pangangimang.”


¹⁹I kamene maḡimang u Ruata e keḡabeng seḡbau arau eḡḡ? Ku, manga setang e maḡaing maḡimang hakḡu i sire kuḡendeng takḡ! ²⁰I kamene mam-beng bodokḡ! Ku apa meḡsang hinong ipakalahaḡ si kamene u taweḡ gunane piḡ pangangimang ku tawe kakanoḡ e? ²¹Kakellae-we si Abraham iupung i kiteḡ. I sie nitarimaḡe mapia kahian Duata ualingu kakanoḡ e ku su tempong i sie neḡnarakang i Is-hak, anaḡ e, su Mawu Ruata su pananeḡmbaḡeḡ. ²²Sini e nalahaḡ u pangangimange harusḡ ilahaḡ dingangu kakanoḡ tadeḡu masukḡ. ²³Ene ute seḡdalengu ayetu Bukḡ Susi e, ”I Abraham maḡimang su Mawu Ruata, ku ualingu pangangimange tangu Ruata e neḡnarimaḡ i sie meḡsulungu taumata meḡkeḡkoḡ kapulun Duata.” Kai ualingu ene hakḡu i Abraham nisḡba, ”Hapiḡ Mawu Ruata”. ²⁴Ku nalahaḡ e ini, u taumata ku nitarimaḡ u Ruata mapia ualingu apan nikoḡ e, ku baline-we keḡtaeng ualingu pangangimange samatang.

²⁵Kakellae lai si Rahab, bawine tahapeḡsundaḡeḡ ene. I sie nitarimaḡ u Mawu Ruata e mapia ualingu kakanoḡ e, ku piḡ i sie neḡnarimaḡ u meḡkakakoto tau Israelḡ e, su waleḡne ringangu neḡtulung i sire nipatalang u watangeng i sire e wouḡ raḡeng baline.

²⁶Ku kereḡewe wadang ku taweḡ rohkḡ e ute kai wadang nate, kerene lai pangangimang taweḡ kakanoḡ e ute kai pangangimang nate.

Lilang taumata

3 Manga anaḡ seḡbau! Abe raraḡawoḡ bou i kamene meḡngkakoḡ mananeḡntiro. I kamene masingkaḡ u i kiteḡ apang neḡngkakoḡ mananeḡntiro e sarung ihukung limembong kahḡgise wouḡ taumata waleḡne. ²I kiteḡ keḡbi e masau su sulene meḡbalinsuhu u peḡkakoḡ saḡa. Arawe taumata ku tawe neḡseḡsaḡa su wawera e, i sie kai taumata nasukuḡ, ku makaḡedahḡ batangenge. ³Kereu i kiteḡ meḡhoseḡ taling mohong u kawaloḡ tadeḡu i sie tumolewe kapulung kiteḡ e, tangu i kiteḡ e makakoḡ bue meḡnguling badangu



Tali'm mohong'u kawalo (3:3)

kawalo e. ⁴Kakella e lai kapale e. Maningbe kapale e kereng kasariane ku lantoengu anging malaiha e, kai i sie mang kekawaleleng u uling dararidi e, tuhewe kapulum mananaghurihine. ⁵Kerene lai lilang kite e, maningbe lilang kite dararodo e kaiso kawe makapangobotu hale gaghaghuwa e.

U kakellae wue kereapa kasariang kehu e, u kai mang matutungu putung dararidi e. ⁶Lila e mesulungu putung. Su wadang i kite e, i sie nako kere simbulu kararalakisē manglekeng kararalakisē su kaguwa wadang i kite e. Kahian putungu naraka e, i sie makakarae kaguwa pēbawiah'i kite e. ⁷Kēbi

haghim binatang duḥu ringangu manu winalangeng, binatang tutondo, ringangu kina ikēkaha-ro, ku sembeng nilaharong taumata. ⁸Kai arawe lilan taumata e tawe ikalaharong sai-sai. Lila e kai ralakisē dingangu tawe ikaala baharia, napene u rarotine makapate. ⁹Lila e ikapēberang tatarimakase i kite e su Mawu ringangu i Amang i kite e, ringangu malaing ikapanganē sēndinganeng taumata, niriadi timuhu awe u Mawu Ruata e. ¹⁰Bou mohong sēmbau e sasēbangengu waweran tatarimakase dingangu laane. U hinong balinewe kerene! ¹¹Mēsang pia simbulu ake mapasaliwēbudu ake tawagē dingangu ake mapai bou simbulē sēmbau? ¹²Manga anau sēmbau, kalun ara e tawe nēbēbuan Zaitun, dingangu kalun anggorē e tawe nēbēbuan ara.^b Simbulu ake mapēhadē e tawe mapasēbangu ake tawagē.

Kapapelesa wou marange

¹³Kereu pia wou i kame-ne pelesa ringangu mawudi, i sie panodekong kapiane mēbiahē dingangu mēkoā munara mapapia, rēdēndinganengu kasanau

^b nggahana

3:9: Pēnd. 1:26

naung dingangu kapapelesa. ¹⁴Arawe kaniagengu i kamene kawe susingking, naunge matëdu, manuntu mangapia watangeng e, ute abe lesa u kapapelesa kerene, ualingu kakakoꝝ kerene ute kai mësulungu i kamene mëmëmälintui katëngadu hengetangu Mawu e. ¹⁵Kapapelesa kerene ute asale walinewe wou sorga. I sie kai wou dunia asale, wou abuling taumata ringangu wou setang! ¹⁶Su apang pia pësasasingking dingangu tabietu samatang kukëndagu watangeng hala ute, sene maiaing kaëbakeng pia pësilontahë dingangu haghing kakanoꝝ dalakisë e. ¹⁷Arawe taumata managhuang kapapelesa e ku asale kai wou marange, kahumotong-motongange tangu i sie susi, bou e maghighilë, masahimbuang, dingangu mararingihë. I sie napenë u kakëndagë dingangu makauali kakanoꝝ mapapia, tawe mananumbëka ringangu tawe mëmämëlle. ¹⁸Mamben têngadë u kapapia e kai wuam bineng pëdarame nisuang u taumata puang su pëdarame!

Mëdalahapi u dunia

4 Kai wou apa asalu patiku pësilontahë dingangu pëbawawulo sutaloarang kamene? Kai

walinewe wou kalawou ënning i kamene ku mëngkai hanesë mësëseke su watangeng i kamene mëdeau makawatu kapulun dunia! ²I kamene mëmëning, kaiso i kamene tawe nakahombang, hakiu i kamene tawe makahombang apa rëdeakeng i kamene hakiu i kamene mëmpëbëbuo ringangu mëmpëkëkakoka. I kamene tawe makahombang apa-apa, watu i kamene tawe nëmpëgausë su Mawu Ruata. ³Dingangu manimbe lai i kamene sembeng uëmpëgausë e, kaiso i kamene manibeng ta nakahombang, batu timonang gaghaus'i kamene e kai nësala; batu apang gëgausang i kamene e kai ipahimat u ënning i kamene hala. ⁴I kamene e kai taumata ta satiane! I kamene kai wëga maeng u i kamene mëdalahapi u dunia e, ute i kamene kawe rumoka. Dua ta e? ⁵Abe pëngumbala u kai tawë mangalene baweram Bukë Susi e angkuëng, "Suralungu watangeng i kite e Mawu Ruata e napëtanau Rohkë ënninge matoghasë e." ⁶Manilaing kerene, kai tatalëntu Mawu e ku nionggo si kite e nëngalembong katoghasë wou ënning rohkë i kite e. Kai ualingu ene hakiu suralungu Bukë Susi e maiaing kabawohe,

"Duata e ruđoka taumata maobotē, arawe waugu apang masana naunge tangu Ruata e kukēndag'i sie."

⁷ Ualingu ene tangu, pēmpētēngkasēllungko su Mawu Ruata dingangu rokateko setang e, ku i sie sarung tumaļang bou anung kamene. ⁸ Lēhaungko su Mawu Ruata ku Duata e maļaing sarung humaung si kamene. Burēsiko limang kamene e, ei kamene taumata waradosa e! Dingangu pakatilangko raļungu naung i kamene e, apang naunge mēlēlang! ⁹ Pēmpēsasēsilēko kahēngahēngang, pēmpēsangi dingangu lēlahunsusa; palahulēgeng kamene waļuiko koa daļumpasiang! ¹⁰ Pēmpētēngkasanakon batangeng i kamene su tēngon Mawu, tangu Mawu sarung mapakarangē i kamene.

Sasasa kumbahang mēheghesē taumata

¹¹ Manga anaū sēmbau, kumbahang mēngkai mēdēdalaheghesē arau mapēsalaļang sēmbau dingangu waļine. I sain mēngkawe mēlēheghesē dingangu mapē-

saļang anaū sēmbau e lawo tau Sahani e, ute i sie mēlēheghesē dingangu mapēsalaļang hengetangu Mawu e. Dingangu kereu i kamene mapēsalaļang hengetang u Mawu, mangale-ne ute, i kamene tawe tumatuhū manga hengetang ene, ringangu katewe makoā mēlahukungu hengetange. ¹² Sēmbaļiau kai kētaeweng sēngkatau piā kwasane mēhukungu taumata ringangu mēnggaghuta taumata e. I Sie kai Ruata kawasa mapakasalaļamatē dingangu mapakawinasa. Ku kai i sai i kamene tangu, hakū i kamene mapulu mapēsalaļang lawo sēndinganengu e?

Sasasa kumbahang mēbisara marangē

¹³ Manga anaū sēmbau apang nēmpēberang: "Ēllo ini arau riļello i kami e sarung mēbua soļong soa ini-ini, ku deng mētana sene sēntaung karēngu e mahumbaļu, mēdeawe roitē" – ku pēmpēdaringihēko sasaku ini. ¹⁴ Apang ku mariadi suraļungu pēbawiahi kamene riļello e, i kamene hala e maļaing bēga!

I kamene e tumbaeng kere ti-pu ikasilo sēngkariaḷē, bōu ene mapua tadje. ¹⁵Hinone i kamene kai mēbera kerei, "Kereu Mawu mapakawala i kami e sarung mēbiahē ku mēkoḷa ini arau ene."

¹⁶Kai arawe orasē ini e i kamene kai maobotē dingangu maḷansi. Kēbi bisarang lansi kerene e, kai nēsala.

¹⁷Uaḷingu ene taumata masingka u apang mapia e ku hinong koatenge kutēu kawe tawe kakoatenge, tangu tau ene nēdo-sa.

Sasasa su taumata kala

5 Manga anaḷu sēmbau apang kala! Pēmpēdaringihēko sasasaku. Pēmpahunsangi dingangu pēmpēkēndung u i kamene sarung makahombang sigēsā! ²Kakakala i kamene seng nahene. Pakeang i kamene seng nasueng kinā e su uane.^c ³Buḷaeng dingangu saḷakang kamene seng natukusu taine; ku taine tangu sarung makoḷa sahidi rumokā si kamene ringangu sarung kumaēng ghēsing kamene kere putung. I kamene seng nēmpangēmung arēta su ḷlo kasamuriange. ⁴I kamene tawe nēmpamaehē sase-

wang mēlahēsinuang bael'i kamene. Ku daringiheko rorong i sire! I sai-sain mēmpamēnsa bael'i kamene, mēngkate ghuga-hioro u mēdēdorong tuḷung, ku kakahioro i sire e seng nika-ringihu Mawu Ruata Makawasa. ⁵I kamene seng nēmpēbiahē masoroga, dingangu nakateeng kawawusang dunia ini. I kamene aḷinkai mētētēngkatawang batangeng mēngēngampalē ḷlong pamamoto e. ⁶I kamene nēmpēhukung dingangu nēmpēmate taumata tawē saḷane, kai i sire tawe rimokā si kamene.

Kakakēdang dingangu kakaliomaneng

⁷Uaḷingu ene, pakakakēdang manga anaḷu sēmbauku, sarang Mawu e rumēnta. Kakēlla e kereapa kararage sēngkatau mēlahēsinuange mēlēhēdo sarang ḷntanane mēngonggou ghēsine maarēga si sie. Ku mēngkai mararagē i sie ruḷalahēdo tahiting musungu kalalolang dingangu tahiting musungu mēburā. ⁸Ku i kamene pakakakēdangko ḷai ringangu pēmpanoghasēko raḷungu naung'i

^c waḷukama = rayap

kamene, u ěllon darěntang Mawu e seng masandigĕ.

⁹Kumbahangbe mĕmpĕkuru bu dingangu mĕtatatokeng sala, tadeau i kamene tawe ihukungu Mawu Ruata. Pĕtahĕndung! Mĕlahukunge seng dudarisi su tĕngon tukadĕ ku seng masara marĕnta. ¹⁰Manganau sĕmbau, pĕtahĕndung manga nabi ku mĕmpĕbĕbisara ringangu arengu Mawu. I sire kai mararagĕ dingangu makakĕdang su sigĕsa. Ku pĕngalako si sire mako pĕtatĕnoĕng. ¹¹I sire isĕsĕba maralunsemahĕ batu i sire makakĕdang. I kamene seng nakaringihĕ kereapa kasabare i Ayub, dingangu i kamene masingka u kereapa wue Mawu e ku pangĕnsueĕnge nĕngalamatĕbe si sie. Batu Mawu e mĕngkai matalĕntu dingangu kereang kapiane naung'E.

¹²Limembong kasariaĕngĕ ute kai: Kumbahang mĕsalu, waĕbe manĕbo langi, arau lai manĕbo ĕntana, arau walaewe mĕsalun sasalu waline. Mĕngkate pĕbera u "Ore" kereu timonan'u e kerene wue, ringangu "Tala" kereu timonan'u e waline ke-

rene; tadeau i kamene e kumbahang kaĕnsakeng u hukumang kahian Duata.

¹³Kereu sutaloarang kamene pia u luahunsusa, ute mapiawe i sie pĕkaliomaneng. Kereu pia u luuasĕ e, ute mapiawe i sie pĕkantari pĕdalo Ruata. ¹⁴Kereu pia u masakĕ ute mapiawe i sie pĕkui manga tĕmbonang u jamaatĕ e pĕkaliomaneng i sain masakĕ ku kapueng lana ringangu areng u Mawu. ¹⁵Kakaliomaneng iwĕbuna su Mawu ringangu pangangimang matoghasĕ e, sarung makakaule masasaki, dingangu mangampungbe patiku dosa kinoa e. ¹⁶Ualingu ene, pĕmpĕpapangakungkong pĕsasala lawo i kamene, ringangu pĕmpĕkakaliomaneng lawo i kamene, tadeau i kamene ipakaule wou kasasaki. Kakaliomaneng i sain tutuhu kapulun Duata e, mambeng masaria kawasane. ¹⁷I Elia, maiaing taumata mĕsulung i kite. I sie mĕkĕkaliomanembeng kasĕllahu ralungu naunge tadeau tawe rumasehĕ e, tangu tawe rimasehĕ ghĕnnangu tĕllu taung ĕnnungu wulang. ¹⁸Mase i sie nĕsau e nĕkaliomaneng tangu

langi e neparaseheng tahiti hakju
 ěntana e nĕgĕllieng lai ghĕsine.

¹⁹ Manga anaũ sĕmbauku!
 Kereu wou i kamene piaũ sĕmbau
 ku semben tawe tumatoĕ lai
 tĕntirong Duata, bou ene sĕngka-
 tau lai waĕine napĕbaĕi u tau
 ene kaĕia e su Mawu Ruata,
²⁰ pĕtahĕndungko ayetĕ ini: Tau-
 mata apang nakapamaĕi u tauma-

ta waradosa wou raĕenge nĕsaĕa
 e, taumata ene napakasala-
 ma tu jiwang tau waradosa e wou
 papate ringangu makakauali ro-
 sang taumata lawo e gĕlliram-
 beng kaĕaampung.

Adat'i kami,
 Yakobus

SURAT'I PETRUS

KAHUMOTONGANGE

DARUMATINGE

Surat'i Petrus Kahumotongange ini ilēhumpa su taumatan Sahani apan nasawuhē su kaguwau wanuan Asia Kadiō bahageang sawēnahē. I sire isēsēba, "umatē pinilen Duata". Timona kahumotongange suratē ini e kai waugu mapakatoghasu pangangimangu apan mēbawasane makapēndangke pēnanēda dingangu tatingkai ualingken pangangimang si Kristus. I Petrus mangonggou ingate su manga mēbawasane halē u Injilu Mawu Yesus Kristus e nakoā kere sēmbau bawēntan pēlaharapē si sire. Batu i Yesus Kristus seng napohong, nēbangung kapia ringangu nēdiandi u sarung dumēnta kapia. Pinēbuakenge wou ini e ute i sire pia ko haēngu naung dingangu kakakēdang su sigēsā, dingangu makahēngangu sigēsā i sire kai tabidau wawanika mēnsang i sire kahēnga-hēngangbe mangimang su Mawu Yesus Kristus. Kerene lai i sire harusēbe maiaking u i sire sarung pamalisangu Mawu e su tempoen Yesus Kristus mēsule kapia.

Su sēmbēkan mapakatoghasen pēngangimangu manga mēbawasane ku ikēkahombangengkeng kasasigēsā ene, i Petrusē e mēgēgausē tadeau i sire mēbiahēbe kerewe tumatatolē si Kristus.

Lohone

Panětakenge	1:1-2
Sasasa tadeau makatahëndungu Mawu Ruata e mangambang taumata	1:3-12
Sasasa tadeau mẽbiahě tumbaen baugu Mawu Ruata	1:13-2:10
Kaliandagu tau Sahani suralungu tempon sigěsa	2:11-4:19
Kasasanau naung dingangu pětatangkiangu tau Sahani	5:1-11
Kakunsi e	5:12-14

1 ¹⁻²Manga anaṁ sēmbau umatē pinilen Mawu Ruata, ku nasawuhē suraraganeng su wanuan Pontus. Galatia, Kapadokia, Asia ringangu Bitinia! Ia e i Petrus, darolohang'i Yesus Kristus, mēkēkahumangu maḷowoko Mawu Ruata e mēngonggou alamatē dingangu karalunsemahē mēdēdalembo si kamene.

I kamene e seng nipile nariadi ralohon jamaat'u Mawu natuhu suhingidu Ruata i Amang. Dingangu Rohkē Susi e napakariading kamene jamaatē susi, nihae waugu Ruata, tadeau i kamene tumuhu si Yesus Kristus ringangu iapakasusin dahan'E.

Pēlaharapē matoghasē

³Mahie i kite mēdalo Ruata, i Amangu Mawung kite i Yesus Kristus! I Sie mēngkai kukēndagi kite hakū ene i Sie nēngonggō si kite pēbawiahē buhu, dingangu napēbangung i Yesus Kristus kapia wou kapapohonge. Kai ini e nakatoghasē pēlaharapi kite. ⁴I kite mēlēharapē mēdeau makapēmusakā kaḷawou alamatē ku seng niriahin Duata waugu umat'E, mangalene kaḷawou alamatē maḍareso su sorga, hakū tawe maḷahene, arau tamawawuhu dingangu ta turā e. ⁵Kēbi

ene kai waugi kamene, ualingu pangangimang i kamene su Mawu Ruata e. Tangu i kamene kai rēdiagatengu kawasan Duata e, tadeau i kamene makatarimabe kasasalamatē seng maḍariahi sarung iapakalahē su ḷlo pangēsueēnge.

⁶Ualingu ene ute, pakaraluasēko i kamene, maningbe orasē ini e kaḍodo tempo e reng ruḷahunsusa e watū i kamene kawe maḷahombang haghin sasalukā e. ⁷Timonane ute kai pēlahekangu nēnsangbe kahēngahēngang i kamene e maṅimang su Mawu arau tala. Buḷaeng ku mahenē e maḷaing wēbanikatengu putung. Kerene pangangimang i kite e kai nēngalembong kaarēgane wou wuḷaeng, ku maḷaing harusē banikateng tadeau matoghasē. Ku ualingu ene i kamene e sarung daloēng dingangu lēlahunggeētang dingangu iapakarangē su tempōen darēntan Yesus kapia. ⁸I kamene e kukēndag'i Sie, maniweng naung kaḷamona e i kamene e tawe nakasilo. Dingangu i kamene maṅimang si Sie maningbe orasē ini e i kamene tawe nakasilo. Kai ene hakū i kamene e maḷuluasē, dingangu makapēndang daliagē masaria ta ikawera. ⁹Batū timonam

pangangimang i kamene e seng kinaratingang. ku kai kasasalamat'u himukudi kamene e.

¹⁰ Kasasalamatē ini e kai rētitikang dingangu sēsēsuiangu manga nabi e, ringangu i sire e manēbaļu tatalēntu u Ruata e sarung mawu si kamene e. ¹¹ I sire e mēnanēsui mēnsang kereapa wue ringangu angere tempone halē ene mariadi, kere ipēsēsasēbau Rohkē i Kristus ku seng ene suralungu naungu watangeng i sire. Su tempo ene Rohkē e nanēbaļu haghin sigēsā ku kahombangeng i Kristus ringangu maanung kawawantuge ku makarolosē e sarung si sire. ¹² Su manga nabi ene Mawu Ruata e nēhabarē u apang kinoa i sire walineuwe waugu pandangang i sire, kaiso kawe waugi kamene. Ku kēbiwe apang kinarangih'i kamene malahē bou mēlahabaru Injil'i Yesus Kristus. I sire mēlēhabaru ene si kamene ute kai ringangu kawasan Rohkē Susi ni-roloh'E wou sorga. Orelai manga malāekatē e malāing mapulu makakasingkau habarē ikēkeken sire ene.

Kakui mēdeau mēbiahē susi

¹³ Ualingu ene, pakarariagako i kamene. Pakaralēndi dingangu pēmpēharapēbe pakatinalung su tatalēntu sarung mawu si kamene su tempon i Yesus sarung dumēnta. ¹⁴ Pakatuhuko su Mawu Ruata, ku kumbahang mēngkai tutulu kapulun biahu naung kalimona tēntalangbe wēgan Mawu Ruata. ¹⁵ Su sēmbēkane, kaiso pakasusiko su patiku apang koatengu, kereewe lai Mawu Ruata e nēkui si kamene e kai susi. ¹⁶ Suralungu Winohe Susi kabawohe u, "Pakasusiko i kamene, u Ia e kai susi "

¹⁷ I kamene mēsēba Duata e kai i Amang su tempong kamene mēkalīomaneng si Sie. Ku Duata ene kai nēhukungu taumata tuhewe kakanoa u sēmbau-sēmbau tawe mēmamile ghahī. Ualingu ene ute karēngūewen bēdang ene su dunia ini e, ute i kamene pēmpēmantugēko Mawu Ruata e suralungu pēbawiahu. ¹⁸ I kamene e masingka u apa seng pinēmaehē baugu karaliwir'i kamene wou pēbawialhē

ta kahumpakenge seng niëking'i upung gaghurang i kamene. Bawaehe walinewe apang mahene, kere salaka arau wulaeng, ¹⁹kaiso kawē sēmbau arēta kaarēgaēnge; ku kai watangeng'i Kristus sēsane nakoā kere rumba nisarakang su Mawu Ruata e tawē sēngkulē ringangu tawē turāe. ²⁰I Kristus nipilen Duata e reng dongkeng dunia tawē nadiadi. Ku su tempo kakadanineng manga ěllo pēhēpusangu dunia ini e, i Sie rumēnta su dunia e tadeāu i kamene maambang. ²¹Kai wou anun Sie e i kamene harusē mangimang su Mawu ku seng napēbangung i Sie kapia wou kapapohonge ringangu mapakawantugē. Ku kai Ruata e pangimangeng i kamene ringangu kai su Mawu Ruata e lai pēmanggilangu pēlaharap'i kamene.

²²Ualingu i kamene kawē masatia su tēntiron Mawu Ruata ute i kamene hinong mētēngkawurēsing batangeng dingangu i kamene hinong kumēndagu lawo taumata māngimang dingangu karaluasē. Ualingu ene tangu i kamene e pēkakakēndagēko sēmbau dingangu waline e ringangu kasēllahu naungu. ²³Batuu limiung hengetang'u

Mawu Ruata ku biahē dingangu kakalē e, i kamene sen nikoā taumata wuhu ku balinewe pinēhana u taumata, kaiso kawē wou i Amang kakalē e. ²⁴Suralungu Winohē Susi mabawohē kereini,

"Patiku taumata e tabidau rēmpugē,

dingangu kēbi kawantugē e tabidau wurau rēmpugē.

Dēmpugē e maḷolang, dingangu wurāe lai maḥondosē;

²⁵arawē hengetangu Mawu e mang tatapē sarang marēngu-dēngu."

Hengetange kai Injilē ku seng nihabarē si kamene.

Batu wiahē dingangu umatē masasusi

2 Batuu ene, ute hipe e kalawou kararalaj bou watangengu; kumbahang mēngkai mēlinga; ringangu kalawou haghin pēmamēlle. Kumbahang sumingking dingangu kumbahang mēhinakang baline. ²Kēnangko i kamene kēngkakoā kere manga rariō buhu pinēhana, mēngkai hanesē maḍoun susu marohkē talaue. Dingangu kerene i kamene sarung tumendang dingangu iapakasalamatē. ³Suralungu Wi-

nohe Susi maḃawohe kereini, "I kamene seng nakapēndang hala kereapa kapiān Mawu e."

⁴Batu ene, dēnta e su a-
nun Mawu, i Sie kai tabidau
watu wiahē, batu ku nirēmmeu
taumata ualingu tawe gunane,
kaiso pinilen Duata e kai kere
watu maarēga. ⁵I kamene e kai
mēsulungu manga watu wiahē.
Tangu i kamene kēngkapuluko
ipēlanging Banalan Duata ku
panēmbaēngu sasēmba marohkē.
Kamageng kerene ute i kame-
ne mēngkakoabe manga imang,
mēbēbiahē sēmatang baugu Rua-
ta ringangu wou anun Yesus
Kristus e manēmban sasēmba
mararohkē e makalahimpulu Ma-
wu Ruata e. ⁶Ualingu suralungu
Winohe Susi maḃawohe kereini,

"Ia e kai seng nēmile batu
sēmbau maarēgae,

Taku nipello su Sion kere
watu pinēbukuange;
ku isain mangimang si Sie
e semben tawe ipakamea."

⁷Batu ene kai mamben maarēga
e waug'i kamene apan mēmpangi-
mange. Kaiso si sain tawe
mēmpangimange, kinahinoēngu

manga ayat'u Winohe Susi kerei-
ni,

"Batu ku kinading mang
mēkakoā baḃe,
samurine kawē nakoā batu
pinēbukuange,"

⁸dingangu

"Kai watu nakoā
kinatangaēng,
dingangu nikasangkonang
ku nakakanawo si sire."

I sire nēngkasangkong u i si-
re kai tawe mēmpēngangimang
hengetangu Mawu Kasēllahenge.
Kerene seng nisahe Ruata i sire.

⁹Arawe i kamene kai wan-
sa pinile, manga imang ku
nēmpētangkiang datu e, wan-
sa susi, nitētani waugu Rua-
ta, kinawali tataghuanenge sēsa-
ne. Mawu Ruata e nēmile si
kamene ringangu nēkui si kame-
ne nipasēbang bou kararēndung
mase ipasuē su tualage makana-
niange, tadeau iapamombengu
habaru kapapiān'E tawe sihinge.
¹⁰Nauḃ deng kaḃamona, i kame-
ne e walineuwe kawanuane, arawe
orasē ini e ute i kamene seng
nakoā kawanuan Mawu Ruata,

a

2:3: Mzm. 34:10 2:6: Yes. 28:16 2:7: Mzm. 118:22 2:8: Yes. 8:14-15
2:9: Sas. 19:5-6, Yes. 43:20-21, Pang. 4:20, 7:6, 14:2, Tit. 2:14, Yes. 9:2
2:10: Hos. 2:23

naung deng tawe itatalēntu ini e semben tētaļēntukang.^a

Manga ěllangu Mawu^a

¹¹ Manga anaŋ sēmbau ikēkēndagē! I kamene kai taumata raghi dingangu mēnana-numpang su dunia ini. Ualingu ene ia mēdēdorong sēngapam botonge tadeau i kamene kumbahang mēngkai tūtoļe abuļing taumata ku mēngkai masau mēseke u himukudē. ¹² Pakalaudupēko mēmpēbiahē sutaloaran taumata kapiřē ku harusēbe limembong kapiaēnge, hakiu kamageng i sire mēmpēngantangu i kamene kai taumata raļai, pēngēnsueēnge ute i sire kawe makahēngangbe kapiang kamene, ku sarung mēdalo Mawu Ruata e su ělloen darēntan'E.

¹³ Baugu Mawu e tangu, i kamene ute pakasasumēllungko su apan tēmbonangu kawana; waļawe mēnsang su kaisarē nakoā tēmbonange kasariaēnge, ¹⁴ arau waļawe su manga gubernurē ku nitēboŋ Kaisarē ipēhukung taumata mēkēkoā daļakisē dingangu waŋgu ipēdaloewe apang kakanoā e mapapia e. ¹⁵ Batu Mawu Ruata e mapulu tadeau ualingkeng kakanoā mapapia e tangu i kamene

makaghēmning paļahumbisaran taumata longong. ¹⁶ I kamene pēmpēbiahēko kere taumata waļine ěllang, kai kumbahangbe makoā lahēmbungu kakanoā i kamene raļakisē, kaiso kakoāko kere sēngkatau ěllangu Mawu Ruata e. ¹⁷ Pēngarēgawem patiku taumata e, kēndagēben manga anaŋ sēmbau lawo taumatan Sahani. Katakuben Mawu Ruata e, ringangu pēngadatē kaisarē.

Sunsarang Kristus tabidaŋ kakakēllaēng

¹⁸ Manga anaŋ sēmbau apan nakoā mētatangkiang, pakasasumēllungko su manga mawung kamene, waļinewe kētaŋ su apam mapapia ringangu maļahimumu e, kaiso su apaewen lai maraļahēgisē. ¹⁹ Mawu Ruata e sarungbe mēngaļamatē si kamene, kamageng i kamene makahēngangbe kapulun Duata, makakēdang mētatahangu pēkakakoā tawē katulide. ²⁰ U kai apawue lembone kamagengu i kamene makēdang mētatahangu raļimadē tētagheēng i kamene ualingu pēsasaļa tangu? Kai arawe kereu i kamene makēdang mēnaļudē sigēsa luhombang si kamene ualingu pēkakakoā apan matulidē e, tangu Mawu Rua-

^a kēkēhangeng = dikasihani

ta e mēngalamatē si kamene.

²¹Kai waugu ene ho, Mawu Ruata e hakiu nēkui si kamene. U i Kristus sēsane seng nētatahang baug'i kamene, dingangu ualingu ene tangu i Sie nangonggou sēmbau kakakēllaēng tadeau i kamene tumole ēnau laed'E. ²²I Sie tawe nēkoā dosa, ringangu tawē sarang sēngkatau lai makadingihē i sie mēkēkonti. ²³Pia e i Sie rēdohangeng, i Sie tawe nēmalisē dingangu rarohang. Su tempon i Sie nisigēsa, i Sie tawe manga nēngindore; i Sie kētaewen nēnarakangu pēngangumbalane su Mawu Ruata, Mēnggaghuta ku adilē e. ²⁴I Kristus sēsane e nēmasaēng kakēpaļu rosang kite e su watangeng'E su wowong kalu kurisē tadeau i kite e maliu wou kawasan dosa e ringangu mēbiahē tumuhu kapulun Duata. Kai ualingu manga lese i Kristus e nakakapia si kamene. ²⁵Naung i kamene e kere domba nēngkapalidē e, kai arawe su orasē ini e i kamene seng nia-pēbaļi kapia paṭole Mēndaļukadē e ringangu Mēnanahimata himukud'i kamene e.

Pēsēngkawingang esē dingangu wawine

3 Kerene lai i kamene manga wawine, pakasasumēllung su kawing'i kamene tadeau kawanggu wou taļoaran sire e pia u tawe mēmpangimangu hengtangu Mawu Kasēllahenge, ute kakanoā i kamene mapia e makakawaluin sire ku mēmpangimang. Ku seng tawahaluasu i kamene mēberang apa-apa si sire, ²u i sire e makasilo kakanoā i kamene wurēsi ringangu maļaagimatē.^b ³Karalēnggih'i kamene e abe kawe kētaeng mēlēlēnggihē likude, mangae pēnanaļapidē uta arau pēpapakeu raļēgahē buļang, arau pēpapuļawengu pakeang maraļēgadē. ⁴Kaiso, raļēgahi kamene e kēnangko pasēpu bou raļungu naung, kapia ringangu kasasikomenaung dingangu marēmmasē; ene ute kai kaļahole ta kumakawusē dingangu limembong kaarēgane tumuhu silomatang Mawu Ruata. ⁵Dingangu kakakoā kereini ute su tempon naung manga wawine maļaagama mēlēharapē su Mawu Ruata mētēngkahole u watangeng ute

^b maļaagama = beragama

mětəngkasuməllung su kawingi si-re. ⁶I Sara e małaing kerene, i sie mararingihə si Abraham dingangu makituang si sie. Orasə ini e i kamene kai nakoə ana i Sara, kamagengu i kamene mēmpəkəkoəbe mapia ringangu tawe matatakū u waləewe apa.

⁷Dingangu kerene lai i kamene manga esə e, pēmpəbiahəko pakatatahuənna su kawing i kamene, batūu i sire kawe wansa lome. Ləadate wue i si-re, watūu i kamene kawe sarung sēngkapənarimaū tataləntūu pəbawiahə kakalə bəu anun Duata. Kū kəkoəkong kamene ho ene, tadeəu tawe makapəto pəkakaliomaneng i kamene.

Kasasigəsa u pəkakoə katulidə

⁸Kasasueənge ute: pakasa-səngkanaungko i kamene. Pēmpəkakəkəndagəko i kamene sēmbau dingangu waline e kerəewe lawə anəu sēmbau. Kū pēmpətaləntūu bue ringangu pakasana bue naung i kamene. ⁹Kumbahangbe mēmalisə dalaki dingang'u ralaki arau raro-

hang dingangu raro hang, kaiso pēmalisəkon dingangu pədorong alamatə bəu anun Duata. U kai Ruata e nəkui si kamene hatede, tadeəu i kamene mənarima u alamatə bəu anun Sie. ¹⁰Suralungu Winohe Susi məbawohe kereini,

"I sain mapulu kuməndagu pəbawiahə e ringangu mapulu makasilo əllo mapapia e, ute pangədahu^c lilane mēbisara wisara raralakisə e ringangu pəmatalu^d wiwihe mēbisara wisara konti.

¹¹ I sie harusə mětəngkarau wəu kararalakisə e ringangu məkəoə mapia; kū i sie pətatuməgalə kong kəguwəu ralungu naunge waəgu makahombang pədarame.

¹² Batūu Mawu e mang hanesə maniti si sai-sain tutuhu kapulun'E dingangu Mawu e mēngkate hanesə dudaringihə kakaliomaneng i sire, kai arawe Mawu e rudokə si sai-sain məkəkoə dalakisə e."

^c pəngintoəng, pəngədo = memberhentikan

^d pəngiruə, pəngirolo = memberantas

¹³I sai tangu mēkoḃa dalaki si kamene, kereu i kamene makēhagē mēmpēkoḃa mapia? ¹⁴Kaiso manilaing i kamene harusē mētatahangu sunsara ualingu pēkakoḃa mapia, kai i kamene mang masalamatē! Abe kēngkatakū i sai-sai, ringangu u abe ghēnggang. ¹⁵Arawe suralungu naung i kamene, ute kēnangko i kamene lūohon sili su wowon adatē su Mawu i Kristus sēntarangkeng kawangtugu kararatuangu Mawu. Dingangu i kamene mēngkai sēntiniḃa sadia sumimbahē kēbi apang kakiwalon taumata maḃanḃen pēlaharap'i kamene. ¹⁶Kai mapiawe koḃa i kamene ringangu kasasi-komenaung dingangu maadatē. Dingangu kēngkatilangko ralungu naung i kamene e tadeḃu kereu i kamene mēngkai tētelorang ualingu i kamene mēmpēbēbiahē mapia tūtoḃe si Kristus e, tangu i sire apan mēmpanelorē si kamene e mēngkasamedu kakakoḃa i sire hala. ¹⁷Maēndokangbe masunsaram pēkokoḃa mapia – kereu ene kai kapulun Duata – sulung'u masunsaram pēkokoḃa dalakisē e. ¹⁸Batūu i Kristus sēsane mang kētaeng sēsule nairi baugu sa-

rang karēngḃe ualingken dosan taumata – u sēngkatau tawē salane, nairi baugu taumata apan nēsala. I Kristus nēkoḃa kerene tadeḃu i Sie makapamihing si kamene solong anun Mawu. I Sie nipate tuḃu mawadang, kaiso kawe niapēbangung kapia tuḃu marohkē. ¹⁹Suralungu kakakoḃa u rohkē e i Sie rimaleng nēhabaru hengetangu Mawu e su rohkē maḃatahangukū: ²⁰kū kai rohkē u taumata apan tawe tumatuhū su Ruata e naung su tempon Noakē. Su tempo ene Ruata e mēngēngampalē dingangu kasa-sabarē karēngḃeweng i Noakē kaḃoḃe kapalē. Kētaewen taumata apang su kapalē e samatang – kēbiḃe ualing katau – kū nipakasalamatē boḃu ralulung masaria ene. ²¹Kū, kakakoḃa enetangu makoḃa kere tabidaḃu papi-nitung sasahani kū orasē ini e makaambang si kamene. Sasahani ini e walineḃe tumbḃu ipanguhasē lēngkū u awa u apan tamararenḃo e, kaiso kawe makoḃa kere pēkakēdong kamene su Ruata e wḃu ralungu naung i kamene mapia e. Pēnana-hani ene makaambang si kamene ualingu i Yesus Kris-

tus seng nēbangung kapia wou kapapohonge, ²²ringangu seng nakoḷ solong sorga e. Ku orasē ini i Sie kawasa, maḷiang su koa-nengu Mawu Ruata ringangu mēpēparenta patiku maḷekatē e ringangu patiku mangangawasa ringangu patiku kuantu mararohkē.

Pēbawiahē buhu

4 Ualingu i Kristus seng nā-sunsara tuḷu mawadange, ute i kamene pēmpēnoghasēben batangeng i kamene su karaki kerene. Batu taumata masunsara tuḷu mawadange semben tawe mēkoḷ pēsasaḷa. ²Ualingu ene ute i kamene pēnēpasēkom pēbawiahi kamene su dunia ini e tuḷu kapulun Duata e ringangu walineuwe tuḷu ḗningu taumata. ³Su tempo naliu, i kamene naungbe riḷ marēngu mēkēkoḷ apang kēkoatengu taumata apam bēgawe mēkiraḷa Mawu. Mamben dalakisē pēbawiah'i kamene. I kamene naung mēngkate maḷimatū sahiḡē, mētēngkiwukang, pēbawawusang kakaēng, dingangu pēnganginung dingangu lai mēmpānēmba mahan Dua-

ta e makadarēnting. ⁴Orasē ini e taumata apam bēgan Mawu e, maḷherangu i kamene e tawe tumatoḷe mēbiahē kere i sire, mēbaradosa tawē ḗdone.^e Kai ene hakū i sire mēmpēnumea si kamene. ⁵Kai tangu i sire e hēdownen hinong mēḷhabaru sasimbah'i sire su Mawu Ruata ku seng sadia mēhukungu taumata wiahē dingangu nate. ⁶Kai ene hakū Injilē e seng bou niḷabarē lai su taumata apam seng nate. Timonane ute tadeḷu i sire ku seng niḷahukung tuḷu mawadang – kerene lai patiku taumata e sarung ihukung – makapēbiahē tuḷu marohkē, sēndalēngu kapulun Mawu Kasēllahenge.

Mēnanaghulima kakēndagu Ruata

⁷Patiku saḷarange semben maraning pangēnsueēnge, ualingu ene ute i kamene kēnangkoko masingka mangēna watangeng dingangu pakaḷaingatē, takadeḷu i kamene makapēkalio-maneng. ⁸Kasariange ute: i kamene mamben pakaghaghughulē mēmpēkakēndagē sēmbau dingangu waline, u kahiaen

^e kētakenge

pĕkakakĕndag'i kamene e ute makahĕmbungbe kalawou rosa. ⁹Małowoko maḥandangenang bou wale sĕmbau solong bale waline e tawe ĕnggue.^f ¹⁰I kamene sĕngkatau-sĕngkatau e seng nakahombang gaghĕlli mĕtĕtatĕntang bou Mawu Ruata e. Batu e, kere matataghulimane mapapia su apang gaghĕlli u Ruata e, ute kĕnangko i kamene pĕmpĕtatinggukon kapapelesa gaghĕlli ene waugu makapia lawo. ¹¹Taumata apam mĕlahabaru injilĕ e, ute harusĕbe pĕhabaru injilu Mawu Ruata; i sain mĕtangkiang taumata waline e, harusĕbe pĕtangkiangu kuatĕ bou anun Mawu Ruata, tadeau suralungu patiku saḅarange, Mawu Ruata e ipakawantugĕ ualingu i Yesus Kristus. Kai i Sie pia kawasane, ringangu hinong bantugang sarang marĕngu-dĕngu. Aming.

**Kereapa hinone sahen
pĕtatahangu sunsaran
tau Sahani e**

¹²Manga anau sĕmbau ikĕkĕndagĕ! I kamene e orasĕ ini e tumaniu masunsara watu kai wĕbanikateng. Kaiso arĕbe kĕngkaherang, tabidau pia

^f karundunge, galumie = tanpa mengeluh

hombang nariadi nakananiang sutaloarang kamene. ¹³Salaanune, kai pĕmpahuļuasĕ i kamene watu kawe nĕtĕngkapĕtatahang dingang'i Kristus. Tangu hĕdon sarung kawawantug'i Kristus e semben ilahĕ ute i kamene sarungbe mĕmpahuļuasĕ. ¹⁴Barantu i kamene kereu heghesang ualingu i kamene nako tumatole si Kristus. Ene e kai tandane Rohkĕ Susi mawantugĕ e kai ene ringangi kamene. ¹⁵Kumbahangbe pia sĕngkatau sutaloarang kamene e nasunsara kahiam pĕmamate, arau tahatako, arau tahapĕko daļai, arau kinahiang i sie mĕngkai ruļau urusangu waline. ¹⁶Kaiso kamagengu i kamene nasunsara ualingu i kamene kawe tau Sahani e ute kumbahangbue mĕngkameang ene. Pakitarimakaseko su Mawu Ruata e, watu u i kamene kawe mĕbĕbawa arengi Kristus.

¹⁷Seng niḍatingu tempone Ruata mĕhukungu dunia e. Dingangu kai tĕta bou raļohon jamaat'u Mawu e ihukung kalimona. Ku kereu Mawu Ruata e kai mĕhukung itĕta boi kite e, ute kereapa wue kakako i sire taumata apan tawe mĕmpangimang Injilu Mawu Ruata e sa-

rung? ¹⁸Suralungu Bukë Susi e kabawohe kereini,

"Kereu taumata mapapia e sembeng tētehē maambang, ute kereapa wue sarung mariadi su taumata waradosa e wëgam Mawu!"

¹⁹Ualingu ene, kereu piā taumata nasunsara ualingu kapulun Mawu e kerene, ute kēnangko i sire ene pēmpēbiahē pakatatulidē dingangu mēmpenarakangu watangeng'i sire e su Mawu Mēndariadi si sire. I Sie sarung masaun sulene mēngganapē kēdon'E.

Gapaēngu domban Duata

5 Ia e mēgēgausē dalungu naung i kamene matatimadu jamaatē e. Ia nēmohe u ini e, wou sēngkatau matatimadu jamaatē sēngkapēmunara e ringangu kere sēngkatau taumata ku seng nakasahidi hala sunsarang Kristus, dingangu apan sarung lai iapakawantugē, kereu kawawantug'i Kristus iapakatodē su taumata. Ia e mēdēdorong sēngapam botonge, ²tadeau i kamene rembem mēmpēlukadē gapaēngu domba e ku seng ni-

⁹ mararēdasē = tidak luntur

4:18: Ams. 11:31 5:2: Yoh. 21:15-17 5:5: Ams. 3:34 5:6: Mat. 23:12, Luk. 14:11, 18:14

sarakangu Mawu Ruata e si kamene. Pēmpēlukadē si sire e ringangu karaļuasu naung kereuwe ikēkaēningu Mawu Ruata e walīnewe ualingu nasihasa. Kumbahangbe lai mēmpēkoā munarang kamene waugu mēdeā kaļautung, kaiso kawē ualingu i kamene kahēnga-hēngang mapulu mēmpētangkiang. ³Abe kēngka-koā kere mangangawasa si sire apan seng nisarakang si kamene e, kaiso kariadiko kakakēllaēng baug'i sire. ⁴Dingangu su tempom Mēlalukadē Masēllahē e sarung dumēnta e, i kamene sarungbe makatarimā u paporongu kawantugē e, ku tawe maraļubesē.⁹

⁵Kerene lai apam mangangudā. Pakasasumēllungko su matatimadē e. I kamene mangaanaū sēmbau kēbi e harusē mētēngkasana u watangeng dingangu ļawo mētatangkiang dingangu kasasanaū naung. Batu suralungu Winohe Susi e kabawohe kereini, "Mawu Ruata e ruđoka taumata maļao- botē, dingangu ku kēndagu taumata naunge masana e." ⁶Batu ene ute, pētēngkasana kong ba-



Měngaha domba (5:2)

tangengu sualungu lıman Mawu Ruata makuatě e tadeau mapakarange i kamene kamageng semben tempone. ⁷Lěngkangko kalawou kaghaghěnggang i kamene su Mawu Ruata, u kai i Sie mėsasěmpı si kamene.

⁸Pakarariaga, pakaralukadě! U setange kai roka i kamene. I sie kai mėsulungu singa mēdēdaraleng tama-ramahi kapēmunggaloe mēdēdeā mēnsang i saı e ikakinae. ⁹Pakatoelě buē rumoka si sie e ringangu pangangimang masēgadě, batu i kamene masingkau manga anau sěmbau tau-matan Sahani waline e su kaguwaı dunia e maıaing masigěsa kere i kamene. ¹⁰Arawe su likudu i kamene masunsara pēsěngkatempo e, Mawu Ruata e sēsane

e sarung mapakariadin kamene masuku. I Sie sarung mapakatei ringangu mapakatoghas'i kamene ringangu mapakasēgadi kamene. U i Sie e kai Mawu Ruata puěngu tatalěntu ku seng někui si kamene mēdeau lai mapapěndang kawawantuge kakalě bo'i Kristus. ¹¹I Sie e kai taghuangu kawasa e sarang kakalě. Aming.

Tatabeā papondol'u suratě

¹²Suratěku manimbı ini e, taku nipanuratě si kamene ringangu tulumang i Silas, ku taku kinapěndangeng u i sie kai anau sěmbau Sahani masatia. Ia e kai mapulu mēgěllıu wawahansang si kamene ringangu manahuntěngadě si kamene u ini e kai

mamben tatalëntu Mawu Ruata e kahëngang. Ku i kamene e pëmpangumbelebe pakasasëgadë su tatalëntu ene.

¹³ Manga hapi ku ja-maatë sëmbau su Babilon, ku malaing pinilen Mawu Ruata e, nëndohon tabeą si kamene; kerene lai su anaku i Markus ikëkëndagë. ¹⁴ Pëmpëpa-

pangadatëko sëmbau dingangu wałine napeneu kakëndagë e lawo anau sëmbau Sahani e.

Małowoko Mawu e mëngong-ğou karalunsemahë si kamene manga anau sëmbau patiku e nakoą tataghuaneng i Kristus.

Adat'i kami,
Petrus

5:12: MMR 15 22, 40 5:13: MMR 12 12, 25, 13:13, 15 37-39, Kol. 4 10, Flm. 24

SURAT'I PETRUS

KARUANE

DARUMATINGE

Surat'i Petrus Karuane ini e iwëbuna su patiku tau Sahani e nung kałamona. Suratë ini e niławohe kahumotong-motongange kai gunang ipëndoka munaran manga mananëntiro sała, ringangu lai waugu ipëndedasë patiku kakanoa tawe nëtatałahino niapałeton manga mananëntiro ene. Takadeau tawe ikawodaj u manga tatëntiro ene, ute taumatan Sahani e harusëbe mangumpaede su tëntirong katulidë e maanun Mawu Ruata ringangu maanun Yesus Kristus – ku kai tëntiro seng nipëkakeken taumata apan nakasahidi ringangu nakaringihë hala si Yesus kereapa i Sie manëntiro e.

Nëngalembong ikëkaghënggang suralungu suratë ini e ute kai i sire apang mëmpanëntiro u i Kristus e sen tawe lai rumënta waugu karua sulene Suratë ini e mëñnualagu rarëntang Kristus ene e tinganeng kawe malongge ualingu Mawu Ruata e mađiri sarang pia u sëngkatau e mawinasa. Kapulun'E ute kai tadeau këbi taumata e mëtobatë bou kaławou rosane.

Lohone

Panëtakege e	1:1-2
Kakuin Duata su taumatan Sahani	1:3-21
Mananëntiron sała	2:1-22
Darëntan Kristus karuan sulene	3:1-18

1 Manga anau sēmbau apan seng nēmpangimang mapia kere i kami! I Yesus Kristus e, kai Ruata ringangu Ratu Mēnalamati kite, seng nēnggonggo u pēngangimang kerene e si kite batu i Sie kai mēkēkoā apang matulidē e.

Suratē ini e kai wou anung Simon Petrus, sēngkatau ēllang dingangu rarolohangi Yesus Kristus. ²Małowoko Mawu Ruata e mēnggonggou alamatē dingangu karalunsemahē e si kamene ku iapēdalembu, u i kamene e masingkaben Mawu Ruata ringangu i Yesus Mawung kite.

Kakui ringangu pinilen Duata

³Ruata e seng nēpakē u kawasane manilakehu patiku saba-rang gēgausang baugu makawētī pēkakaliomaneng. I Sie mēkēkoā ini e wou pēkakiralang kite si sie ku seng nēkui si kite tadeau maļaing makapēndang ke-reapang kasēllahe ringangu kalahimumun'E. ⁴Uaļingu kakakoā kerene ute Ruata e mangonggou alamatē tawē sihinge si kite e ringangu apa e maarēga naung seng nikedon'E. Ku uaļingu kalawou alamatē ene tangū i kamene rembem makalēsō bou

kapulu raralakisē e makawinasa dunia ini ringangu i kamene maļaing kawuakengu kakakoā u maruata. ⁵Uaļingu ene, pētātēgehēko ringangu kaguwau naung tadeau pēngangimang i kamene e tētuilangu kapiam pēbawiahē. Suliung kapiam pēbawiahē e, i kamene hinong piā kasingka e, ⁶ku suliun piā kasingka, ute i kamene harusēbe lai piā pētatingkēdang. Dingangu suliun pētatingkēdange ute kēnangko i kamene rēndinganengu lai manoghasē daļungu naung mētātētolu patiku saba-rang. Katoghasu naunge rēndinganengko lain tatuhū su kapulun Duata. ⁷Dingangu pēbawiahē tutuhū kapulun Duata harusēbe lai timuengkom pēkakakēndagē su sēndinganeng tambang pangangimang. Tuhū pēkakakēndag'i kamene su sēndinganeng tambang pangangimang timuēngkolain kakēndagē su patiku taumata. ⁸Patiku ene ute kai kakakoā i kamene hinong gausang. Kereu kakakoā tamai ene kēkaēbakeng mēdēdalembu si kamene, ute i kamene iapakaghising dingangu makahombang lēta e, ku i kamene sarung makakirala si Kristus Yesus Mawung kite e limembong kapiane. ⁹Kai arawe i sai-sain

tawe kaëbakeng kakakoꝝ e kerene ute, silon matane e masulako; i sie tawe makasilo ringangu i sie niwuleng kalawou rosane naung naliu e seng niapakawurësi.

¹⁰ Ualingu ene, manga anau sëmbau, pëtatëgehëko limembong katoghasë e tadeau kaquin Duata e ringangu pilene nihino su watangeng i kamene e mangkeng kapahuntinambang kasëgade. Kamageng i kamene mëkëkoabe kerene, ute i kamene tawe mawintalo.^a ¹¹ Dingangu kerene ute i kamene sarungbe ghëlirangu ralenge makakasuë su Kararatuangu Mawu kakalë dingangu Ratu Mëngangambang i kite i Yesus Kristus.

¹² Ualingu ene, ia e mëngkai masau su sulene mapëtahëndungu tamai ene manïeng i kamene semben tëbe masingka dingangu limembowen mangimang su hengetangu Mawu Kasëllahenge seng kinatarima i kamene. ¹³ Karënguweng ia deng bialhë, ia e makapëndangu hinong mapëtahëndung i kamene su halë tamai ene. ¹⁴ Batuu ia masingka u tawë karëngue ia e sarung

mëñëntangu dunia ini, u Mawung kite i Yesus Kristus semben nëhabarë malahe si sia. ¹⁵ Tangu ia e mëtatëgehë bue tadeau samuring papateku e, i kamene mambeng hanesë mëtëtalëndung kapia halë tamai ene.

Mësasahiding kawantug'i Kristus

¹⁶ Su tempong i kami nëhabarë si kamene u kereapa kawantuge rarëntan Mawung kite i Yesus Kristus, i kami e walinewe tutole wio nilangu taumata. Kawawantug'i Kristus e sembeng kinasilon matang kami hala. ¹⁷ I kami e naung pai sene pia i Sie lëdateng dingangu wëbantugangu Ruata i Amang. Ene pia e tingihë bou Kawantugange nawuntiling^b si Sie kereini: "Inie kai Ahusëku ikëkëndagë. I Sie makalahimpulu si Sia e!" ¹⁸ I kami hala e nakaringihë tingihë ene e natëntung bou sorga e pia i kami sëngkarënta ringange su wom bulude susi e.

¹⁹ Kai ene hakiu i kami e limembowen lai maiakingu hengtangu Mawu Ruata e nihabaru manga nabi. Kai kereng

^a mëbañinsuhü = gagal ^b tingihë maiha dingangu mañëno naë natëntung = suara keras tapi merdu

1:17-18: Mat. 17:1-5, Mrk. 9:2-7, Luk. 9:28-35

kalēnggihe kamagengu i kamene mēmpangiakingu wawera ene, u wawera ene kai kerere soḷo susēnnang su tampa marēndunge miḍatingu maḷukadē diingangu tualagu kaḍadēmahē e sumēnnang suraḷungu naungi kamene manga anaḷu sēmbaḷu. ²⁰ Kaise nēngalembōewe lai ute pētahēndungko i kamene haḷē ini: Hengetangu Mawu e maḷanung pēnanēbaḷu apa sarung mariadi e tawe ikapituan taumata sēmatang. ²¹ U mamben tawē sarang sēnsuḷe piḷa taumata ku ualingu kapulune sēsane makapēhabaru hengetangu Mawu Ruata e maḷanueng haḷē apa sarung mariadi. I sire ene kawe wēbaḷēbekangu Rohkē Susi e sēmatang, piḷa i sie mēhabaru hengetangu Mawu Ruata e.

Mahang mēnanēntiro

2 Su tempo napaghohē e sutaloarang umat'u Ruata e piḷa ko nahunsēpu nianga mahang nabi. Kerene lai sutaloarang kamene nianga anaḷu sēmbaḷu sarung piḷa u sumēpu manga mahang mēnanēntiro. I sire kai sarung mapasuḷe u manga tēntiro nēsala, makawinasa tau-

mata. Mase i sire e sarung mēsuniaḷu Mēngangawasa ku seng nēliwir'i sire. Ku ualing'u ene i sire e makakarēntang kawawinasa su watangeng i sire hala e, ku sarung mihombang si sire e maḷigha. ² Maningbe kerene, kai sarung niawo taumata mahuntolē mēmpētēno kakakoḷa u pēbawiahu mahang mananēntiro wēbawaēngu^c abuling sire. Ku kakakoḷa u mahang-mananēntiro e makariadi taumata ḷawo e mēmpēhodatē^d Daḷengu Katēngadē makakahunipa u anun Duata. ³ Ualingu anggang i sire tangú, nianga mahang mananēntiro e sarung mēmpēbēkem bēke lēlanginang i sire hala tadeḷa makaēba untung i sire wo'i kamene. Arawe kawe putusangu hukumang si sire semben tēbe marēngu kaḍariahi ringangu kawawinasan sire e seng tinantu e mēmpangampaḷē si sire.

⁴ Manga malaekatē baradosa e maḷaing tawe ipakawalam Mawu Ruata ipakaliwirē boḷu hukumange kaise kawe irēmme suraḷungu naraka. I sire iwunsaḷē suraḷungu tiḷaḷu u kararēndung ipanguntang sene sarang Ēllon Pēlahukung. ⁵ Kerene lai naung

^c wēbaḷēbidang = dipengaruhi; dikuasai ^d mēmpēnamedē = menghina

dunia e su tempo kalāmona, Mawu Ruata e tawe napakaliwirē bōu hukumang. Mawu Ruata e naparēntan dalulung su wanuan taumata ralakisē e su tempo ene. Kētaeng i Noakē dingangu ringange i sire pitung katau niapakasalamatē, baugu i Noakē mēlēhabaru hengetange maanun pēbawiahē mētētalāhino su kapulun Duata. ⁶Kereewe lai kakakoā e soan Sodom dingangu Gomora: Mawu Ruata e napakawinasan manga soa ene ringangu putung tadeāu makoā tulāadang apa sarung mariadi su taumata ralakisē. ⁷Kai arawe i Lotē e naambang, baugu i sie e nakalahimpulu Mawu Ruata; i sie nasunsara ualingu kakanoā u taumata ta mētatalāhino e kereng kalāmuhū e. ⁸Sutaloarang kakakoā u taumata kerene e i Lotē taumata mapia ene e mēbēbiahē suralungu tēdu u naung, batu u mēllo-mēllo e i sie makasi-lo ringangu makadingihē kakanoā i sire ralakisē e. ⁹Ku, Mawu e masingka u kereapa mēnganbang taumata ku mēngkai tutuhū kapulun naung'E kereu i sire kawe tutatēngo kalawou sasaluka e. Dingangu Mawu e masingka u

kereapa mēndeso u taumata ralakisē e mēdea u sigēsakeng su Ēllon Pēlahukunge, ¹⁰lembōete taumata ku tutole abulin sire maralamuhū e ringangu mēnēnamedē kawasan Mawu Ruata.

Kereeng kawahanine ringangu kaobote manga mahang mananēntiro e hakū i sire e tawe goē e mēmpēnamedē diadikang mawawantugē e sarangkewe lai su sorga e! ¹¹Arawe manga malaekatē ku limembom matatoghasē dingangu kawasa wou manga mahang, mananēntiro e tawe mēmpēnānoke riadikang mawawantugē e ringangu manga waweran sasamedē e su tēngon Mawu. ¹²Arawe manga mananēntiro ene e walīnewe kaloa! I sire e kai tabidau binatang pinēhana ketau wangu samekang dingangu pateeng. I sire tawe nētīnēma, kaiso kētaeng nēngalā kakakoā ualingu samatang tumbau tutuhū kaloko, hakū i sire mēngkate kadoka e kalawou sabarang tawe kalāēnnaēng'i sire e ringangu haghim bawera'n tatungkeang. Ualingu ene kahian kakanoā i sire hala e i sire sarung mawinasa kere manga binatang duhu. ¹³Kai

kere wawalisu sunsara kinoa i sire e, ute i sire maļaing mētatahangu sunsara. Sunaung i sire ute apan makaļahimpulu si sire ute mēkoā balæwe apa ku hinong makasaha kapulu'm badang i sire e. Kereu i sire makakaiang sēngkakaēng dingangi kamene suraļungu saliwanḡe, ute lulun sire e kai makamamuta batu i sire kai mēbēbiwukangu abuling sire. ¹⁴I sire tawe mēngkawawui mēmpēkoā dalaki e, ringangu puluang i sire e mēngkai mēmpēmanda wawine raļakisē. Ringangu taumata apan e nēmpangimange ringangu wēdan tawe tumani e maiaking ute mang lēlokeēng i sire. Dalungu naung i sire e sen dimēka u anggang. I sire e kai taumata kinawontogang! ¹⁵Batu i sire tawe tumole raļeng matulidē e, hakiu i sire kawe nēngkapalidē. I sire e kai nēmpētole raļeng tētoleēng i Bileam ana i Beor naung. I Bileam ini e puluang kahēngang makareā doitē bou munaran sire su tawē adile. ¹⁶Kai-so i sie nakahombang tatengko matēdu kahian kararalakisē, pia e kalidene nakaweran tingihu taumata. Tangu nabi ene nisihasa

takadeau mēngēdo wou kakanoā e pulu ene.

¹⁷Manga mahang mananēntiro e kai tabidau matang akē kinamaraēng dingangu kere hiwu nitiukangu anging maiha. Mawu Ruata e seng nēnadian tampa i sire wasagia.^e ¹⁸I sire e nēmpēkoā pēkakakēdon sire maļaatahē^f tawē gēsine; abuling sire ipēpake i sire apakanawong taumata wuhu-wuhu karaliwirē bou ghalipohong apang nēngkapalidē e. ¹⁹Manga mahang mananēntiro ene mēmpēkēkēdong karaliwirē si sire, sēmbaliu i sire hala e pinētahuēllangu kawawinasa, u i saing ikēkawatau apa-apa e, ute kai ēllangu apan nakawata e. ²⁰Taumata makakirala Mawu ringangu Mananaļamatē si kite i Yesus Kristus seng naļiwirē bou manga kawasan dunia ku makadalakisē taumata. Kai kereu samurine i sie masangkong kapia hakiu ikawatau manga kawasa ene, tangu kakakoau taumata ene sarungbe nēngalembong karalakisē wou kaļamona. ²¹Limembong kapiane taumata kere-ne e ta nakakasingka u raļengu katulidē e wou Ruata, sulungu i sire e masingka, kuteu samu-

^e marēndung-dēndung ^f muluk-muluk
2:15-16: Pēt. 22:4-35

rine kawē tawē mapulu tumolē titang Mawu Kasēllahenge si sire. ²²Apan nikoḃ i sire e mēlēlahē u hinong papasihing ini, "Asu e sarung mēsulē kumaēng mutane," dingangu "Wawi wou nireḃ e, mēsulē mētēngkalusi su pētato-naēnge."

Pēkakakēdon darēntan Mawu e

3 Manga anaḃ sēmbauku ikēkēndagē! Kai ini e suratēku karuane si kamene. Suralungu suratē darua ini e, ia e mētētawakali mamangung kalawou pēndangu naung i kamene matatilang. ²Ia mapētahēndung i kamene su manga tēbalu manga nabi naung kalamona e ringangu titan Mawu, Ratu Manalamatē, nihabarē si kamene wou manga rarolohang. ³Kahumotongange, i kamene e harusēbe maḃingka u su ēllo-ēllo e pēhēpusinge, sarung mahunsēpu taumata apan pēbawiahe wēbalēbidangu abuling sahig'i sire. I sire e kai sarung mēmpēheghesē si kamene, ⁴kapēbēberane unguēng, "Uadewe Mawu e nēkēdou sarung dumēnta! Ku ini e ka-

we suapa i sie? Manga iupung i kite e seng nasue nēngkairi, kaiso kēbi sabaḃange mēngkate lai tēbe kere naung dunia e nariadi!" ⁵I sire e semben nētatudē u tawē mapulu mēngaku u naung kalamona e Ruata nēndiadi langi dingangu dunia e ualingu hengtang'E. Dunia e niriadine wou akē, ⁶ku dingangu akē lai ku kai wou akē ralulung masaria dunia tempo ene naelo dingangu nawinasa. ⁷Arawe langi dingangu dunia orasē ini e, pēpaduliangu hengetangu Mawu Kasēllahenge lai kaḃatamang mēdeḃau sarung ipakawinasan putung. Orase ini langi dingangu runia wēdaweng kaḃatamang sarangkeweng ēllom pēlahukungu taumata raralakisē e ku iapakawinasa.

⁸Arawe manga anaḃ sēmbauku, halē sēmbau ini e kumbahangbe i kamene miwulē: u suralungu silom matang Mawu e, sahēllo e tawē pinētātēntangenge ringangu sēhiwu – su taunge irēdua e mēngkate mēsulung si Sie. ⁹Mawu e tawē marararēna mēngonggou apan seng bou nikēdon'E, maningbe piḃu maḃgiralungu aling kai kere-

ne. Kasueēnge, i Sie mēngkate mētētēngkasabarē su tēngong kamene, batu i Sie tawe mapulu piāu sēngkatau mawinasa. Kapulune ute kai tadeau kēbī taumata e mētobatē bou kaławou rosane.

¹⁰ Arawe Ēllon darēntan Mawu e sarung kere rarēntan tahatako. Su Ēllo ene, langī sarung maparung dingangu tingihu rēllu, masene kaławou apan su langī e masue maupung katatutung, mase dunia ringangu patiku apan suralunge sarung maparung. ¹¹ Ualingu kēbī ene sarung masue magholo kerene ku kereapa wue i kamene mēbiahē? I kamene harusē mētēngkasusi waugu Mawu Ruata, ¹² karēnguweng i kamene mēmpangampalē dingangu mekēkarakin darēntang Ēllon Duata. Su Ēllo ene langī sarung masue matutung, dingangu ualingken katatēti e, ute kaławou sabarang su langī e sarung mēngkatuno. ¹³ Arawe i kite e mēngampalēwe apan nikēdon Mawu Ruata e, kukai langī buhu ringangu dunia wuhu, su apan sene piā kalaadilē.

¹⁴ Hakū ene manga anau sēmbau ikēkēndagē tēntalangbe i kamene reng mēmpangam-

palē darēntan Ēllo ene e, pētātēgehēkong kaguwau naung i kamene mētēngkasusi ringangu tawe turae su pēbawiahē e su tēngon Mawu Ruata. ¹⁵ Pēllo e pēkakakēdangu Mawung kite e tabidau ghaghēlliu loahe si kamene, tadeau maambang. I Paulus, anau sēmbau i kite ikēkēndagē e semben lai nēmohe kerene si kamene. I sie nēmohe suratē ene timuhu tahuēna niongo u Ruata si sie. ¹⁶ Suralungu patiku surate, i Paulus mēngkate masau mēmohe u ene. Mambem piā halē pira-pirambau e masusa kaēnnaēng suralungu suratē ene. Mase taumata apan tawe makalaēna ringangu malongko pangangimange, seng nēmpēmihu apan seng bou nibawohe i Paulus. Kerene lai kēkoateng i sire su manga winohe baline. Kēbī ene kētaeng makawinasa si sire hala.

¹⁷ Arawe i kamene manga anau sēmbau ikēkēndagē e seng masingka u halē ene. Ualingu ene tangu pakapapia wue, kumbahangbe i kamene ikataweng sarang kapapalidu taumata wēgan atorange ku i kamene mēngkanawo wou tampa tawe konsange

apa. ¹⁸Tangu kěnangko i kame-
ne mangkeng makapěndang ta-
talěntu'i Yesus Kristus, Mawu ri-
ngangu Ratu Mananalamat'i kite
e, ringangu kěnangko i kame-
ne maļaing mangkeng makakiraļa

si Sie. Karaloko i Sie, orasě ini
ringangu sarang marěngu-děngu!
Aming.

Adat'i kami,
Petrus

SURAT'I YOHANES

HUMOTONGE

DARUMATINGE

Surat'i Yohanes Humotong niwohe piã timonane haghine rarua. Humotong ute kai mangongo u wawahansang si saim mẽbawasane tadeau i sire masẽmbau dingangu Mawu Ruata ringangu Ahus'E i Yesus Kristus. Karuane, ute kai mapõtõtahëndung i sire tadeau i sire kumbahangbe tumole tẽntiro ta nihino makakagholang kasasẽmbau i sire ringangu Mawu Ruata ore lai i Yesus Kristus. Kalawou tẽntiro tawe nihino e niwẽnta su pẽngangimangke walawe apa mẽtatalahinong kapulun dunia e mẽbuam buane ralai; ku tumuhu eba i sire tangu i Yesus Ahusu Ruata tawe masowa suakale makoã sengkatau taumata e. I sire mẽmpañentirong ene e nõbera u iapakasalamate ene mangalene ute kai iapakaliu wou tasibung urusangu laidopu runia ini e; ungueng i sire lai u kasasalamate e tawe pedalahempukange ringangu hale u pepangadate dingangu pekakakendage sẽmbau dingangu sendinganeng taumata.

Mõtõtatalikudu tẽntiro ene ute, mẽmamamohe u suratẽ ini e mapẽdarumatingu tatalagu i Yesus Kristus e kahenga-hẽngang kawe seng nariadi taumata tutune. I Sie manegade u patiku taumata ku mangimang si Yesus ringangu kukendagu Mawu Ruata e harusẽbe mẽkakakendage sẽmbau dingangu waline.

Lohone

Panëtakenge	1:1-4
Tualagë dingangu kararëndung	1:5-2:29
Manga ana'u Mawu Ruata ringangu manga ana setang	3:1-24
I sain nihino ringangu i sain nësala	4:1-6
Kereapa hinong kumëndagë	4:7-21
Makakadëntang kalauntung	5:1-21

Hengetang biahë

1 Lohon suratë ini kai ma-
nung Hengetang makagëlliü
pëbawiahë, kü kai Hengetang
naung seng tēbë ene rokeng bou
tētæ. Sembeng kinaringsihi kami
ringangu sembeng kinasilom ma-
tang kami hala. I kami e seng
nakasahidi, ringangu sem bou
nikahëgong limang kami. **2** Pia
pëbawiahë e niapakaļahe, ute i
kami mamben nakasilo. Hakiu e-
ne i kami makasahiding ene. I
kami e mëhabarë si kamene ha-
baru pëbawiahë tutune ringangu
kakalë, kü pëbawiahë e kai naung
dingangi Amang, kü sembem bou
nipakaļahe si kami. **3** Apang kü
seng kinasilong kami ringangu ki-
naringihi kami e, ene maļaing
ilëhabari kami e si kamene, ta-
deau i kamene ringangi kami e
makahëngang mangalën mëbiahë
masëmbau dingang'i Amang di-
ngangu Ahus'E i Yesus Kristus.
4 I kami e namohë u ini e mëdeau
i kite e kahënga-hëngang masuku
u raļaasë.

Duata e kai tualagë

5 Kai ini e habarë kinaringsih'i
kami wou Ahus'E ringangu ilëha-

bari kami e si kamene: Duata
e kai tualagë, kü mang tawë
marëndunge sarang kaḍidi-didi si
Sie. **6** Kereu i kite mëberau i
kite mëbiahë masëmbau dingang-
e, kutëu i kite kawë mëbiahë
suralungu kararëndunge ute i kite
e kawë mëkëkonti su wawera o-
re lai su kakanoa. **7** Arawe ke-
reu i kite mëbëbiahë suralungu
tualagë kerëwe Mawu Ruata e
kawë suralungu tualagë, ute i
kite e mëbëbiahëbe maḱakauhë
maghaghilë sëmbau su wal-
ne mase rahan Yesus Ahuse e
namurësiwe si kite bou rosa e.
8 Mageng i kite mëberau i kite
tawë dosang kite e, ute i kite
kai mangakalë batangeng i kite.
Kü Mawu e tawë dië suralungu
naungi kite. **9** Arawe kereu i
kite mëngakuwen dosang kite su
tëngon Duata e, ute i Sie sarung
mapakasëhu u këdon'E ringang-
u mëkoabe apang kü adilë. I Sie
sarungbe mëngampung dosang
kite dingangu mamurësi si kite
bou patiku kakanoa i kite nësaļa.
10 Kamageng i kite mëberau i kite
tawë nëmpëdosa, ute i kite kai
tabidaü maḱompolu Mawu e kai
makonti ringangu i kite e tawë
mëndareso u hengetangu Mawu e
suralungu naung i kite.

I Kristus mětatuḷung si kite

2 Manga anaḷu ikēkēndagē! Ia e namoḷe u ini si kamene, tadeaḷu i kamene kumbahangbe mēmpēdosa. Arawe kamageng pia u mēmpēdosa e, ute i kite kai pia tumatatawange sēngkatau, i Sie kai i Yesus Kristus ku adilē e, i Sie sarung mēkaḷiomaneng baḷgi kite su tēngon Amang. ²Bou anung Mawu Yesus Kristus ene e rosang kite ampungang. Dingangu waḷinewe kēḷau rosang kite ampungang. Dingangu waḷinewe kēḷau rosang kite hala, kaiso kawe maḷaing rosam patiku umatē.

³Kereu i kite e matuhu su titam Mawu Ruata e kai tatialang i kite makakiraḷa Ruata. ⁴Taumata ku mēbera u, "Ia makakiraḷawe Ruata," kuteḷu raḷiune kawe ta tumatuhu manga titan'E ute tau ene kai kontiang, ku Duata e taḷiē suraḷungu naunge. ⁵Arawe taumata ku matuhu su hengetangu Mawu Ruata, tau ene ute kuḷēndagu Mawu e ringangu masuku. Kai ene tatialang i kite e nēbiahē su pēkakauhen dingangu Ruata. ⁶I sain mēberau i sie kai nēbiahē

nasēmbau dingangu Ruata e, i sie harusēbe tumoḷe pakeli Kristus.

Tita wuhu

⁷Manga anaḷu sēmbau ikēkēndagē! Ia nanuratu ini e waḷinewe sēmbau tita wuhu si kamene. Ini kai tita sen tēbe ni-habarē si kamene, buhu e i kamene nanēḷa nangimang si Kristus; ku kai hengetang u Mawu e ku seng kinaringih'i kamene. ⁸Manieng kerene, hengetang ku taku niwoḷe ini e maḷaing buhu. Batuḷu katulide ikasilo su watangeng i Kristus, arau sukakakoḷa i kamene. U kararēndunge seng kakapaghohe ringangu tualagē kahēngang seng susēnnang. ⁹I sain mēbēberau i sie suraḷungu tualagē kuteḷu kai wēdang mēbēbinsi u anaḷu sēmbau e, ute taumata ene kai suraḷungu kararēndung sarang orasē ini. ¹⁰I saing kuḷēndagu anaḷu sēmbau e, ute mēbēbiahē suraḷungu tualagē hakū si sie tawē apa makawodai taumata waḷine ku manawo suraḷungu rosa. ¹¹Arawe i sain mēmpēbēbinsi anaḷu sēmbau e, tau ene kai wēdang suraḷungu kararēndung. I sie ruḷaleng su marēndung, bēga wue mēnsang

solong apa, u kararëndunge kai makakoā si sie tamakasasilo.

¹²Ia e manuratē si kamene, manga ana, u rosanu e seng niampungang ualingu i Kristus. ¹³Ia e manuratē si kamene, manga esē (i amang), u i kamene seng masingka i Sie ku seng ene rokeng tētae. Ia mamohē si kamene manga ana manganguda, u i kamene seng nakawata si ralaj.

¹⁴Ia mēnuratē si kamene manga ana, u i kamene masingkaben Duata i Amang. Ia nēnuratē si kamene manga i amang, u i kamene masingka u Hengetange seng tēbe ene rokeng bou tētae. Ia mēmohe si kamene manga ana manganguda batu i kamene kai matatoghasē. Hengetangu Mawu e ene suralungu naung i kamene, ringangu i kamene seng nakawata si ralaj.

¹⁵Abe kēndagu dunia ini, arau walawe mēnsang apa su dunia ini. Kereu i kamene kukēndagu dunia e, ute i kamene tawe kumēndagi Amang. ¹⁶U apaewen su dunia ini e ikēkapulung gēsi arau ēnningu taumata waradosa e, ikēkasilo mase ilēnning dingangu ilēlesaē patiku ene e walinewe asale wou anung Amange kaiso kawe wou dunia. ¹⁷Dunia e ringangu patiku dalor-

hone ikēkaēnningu taumata e seng kakapaghohe. Kai taumata tutuhu kapulun Duata e, tatapē ipēbēbiahē sarang karēngue.

Seke i Kristus

¹⁸Manga anaku, ēllong kiamatē e seng masandigē! Seng nipauli si kamene kalimona u Seke i Kristus sarung dumēnta, ku orasē ini e ute seng lawo nahunsēpu taumata apang sumekē si Kristus. Enee tandan seng marani ēllong kiamatē. ¹⁹Manga rumaroka si Kristus e ute kai taumata apan seng nēmpanēntang i kite e, u i sire tuhu hinone kai sembem balinewe taumatang kite. Kereu i sire kai taumatam beng kite e ute i sire mang tatapē dingangi kite. Kutēu i sire kai seng nēnēntang i kite, tadeau malahe u tawēu sarang sēngkatau woi sire ku kahēngang-hēngang nasowa ringangi kite.

²⁰Kai arawe i kamene ute seng nēnarima u Rohkē Susi wouten niwēmbing i Yesus Kristus. Kai ene hakū i kamene kēbi e masingkaben tēntiron Duata e kahēngang. ²¹Ku ia namohē u ini si kamene walinewe ualingu i kamene wēgawen tēntiro kahēngang, kaiso kawe seng ualingu masingka dingang-

u i kamene maḷaing masingka u tawe apa konti suralungu tēntiro kahēngang.

²² Nēkonti e ute kai taumata ku seng nēbera si Yesus baḷine-we Ratu Mēnanaḷamatē ku seng nikēdon Duata e. Taumata ene e kai Seḷe i Kristus; i sie tawe mapulu mangakun Duata i Amang dingangu Ahusē. ²³ I sain tawe mēngakung Ahusē e, ute tawe mēnarima i Amange lai. Arawe i sain mēngakung Ahusē e, ute maḷaing mēnarima i Amang.

²⁴ U kai ene, hakiu habarē dingih'i kamene rokeng tētae i kamene nangimang, ute harusēbe riagate pakapia suralungu naung i kamene. Kereu i kamene mēsipirē pakapia habaru hengetang ene e, ute i kamene mēngkate sēntinia mēbēbiahē nasēmbau dingangu Ahusē e ringangu i Amang. ²⁵ Ku kai ini e nikēdong Kristus sēsane si kite e ute kai pēbawiahē tutune ringangu kakalē.

²⁶ Ia namohē u ini kēbi si kamene maanung i sire apang mēdeau mēngakalē si kamene. ²⁷ Kai waugi kamene hala e, i Kristus seng namēmbingu Rohkē'E si kamene. Karēngüwen Rohkē'E e ene ringangi ka-

mene, ute seng tawahaḷuasu pia taumata waline manēntiro si kamene. U Rohkē'E e manēntiro kēbi si kamene, mase kēbi apan nitēntiro e kahēngang baḷinewe konti. Ku i kamene kēbi e pakatatuḷu bue su patiku tēntiron Rohkē'E e, ringangu pakatanako i kamene mēbiahē masēmbau dingangi Kristus.

²⁸ Ku manga anaku, kēngkatanako mēbiahē su pēkakauhē dingangi Kristus, ku su tempōen darēntan'E, i kite e mētumbhani mētēngon Sie ringangu manięng ta mēkēmbuni, ualingu mea.

²⁹ I kamene seng masingka u i Kristus mēbēbiahē tutuḷu kapulun Duata. Ualingu ene ute i kamene harusēbe masingka u i sain mēbēbiahē tutuḷu kapulun Duata e kai anau Mawu Ruata.

Manga anau Mawu Ruata

3 Kakēllako kai kereapa Ruata e kukēndag'i kite, hakiu i kite e niakuwe kere manga an'E. U mambeng kerene i kite e kai manga anau Ruata. Kai ene hakiu runia raḷakisē ini e wēgaweng kite, batuu dunia e wēgawen Duata. ² Manga anau sēmbau ikēkēndagē! Orasē ini e i kite kai manga anau Mawu Rua-

ta, kaiso kakakoꝝ i kiteꝝ e ren tawę naꝏaheꝝ. Kaiso i kiteꝝ e masingkaꝝ u kamageng i Kristus e rumęnta, i kiteꝝ e sarung maria-di kere i Sie, u i kiteꝝ e sarung makasilo si Sie suralungu kakakoꝝ e kahęngang. ³Patikuꝝ taumata apam pia lęharapeng ini si Kristus, mędęndiaga batangenge takadeꝝu mamben tęngadębe susi, buręsi wou rosa e keręewe i Kristus e kawę maꝏaing susi.

⁴Taumata ku nędosa e, limampa titan Mawu; u rosa e kai raꝏawang su manga titan Mawu Ruata. ⁵I kamene masingkaꝝ u i Kristus dimęnta wau-gu męndędasę dosan taumata ringangu masingkaꝝu tawę dosa su watangenge. ⁶Kębi taumata ku nębiaheꝝ nasęmbau dingangi Kristus, tawę hanesę mębębaradosa. I sai męngkai mębębaradosa e, tawę nakasilo si Kristus arau tawę nakakiraꝏa.

⁷Manga anaꝝku, kumbahang mapakawalan sai-sai wue mapakapaliꝝdi kamene. I saing mękękoꝝ kapulun Duata e kai anaꝝ Ruata keręewe i Kristus kawę Ahusu Ruata. ⁸Kai arawę i saing męngkai mębębaradosa e ute kai anaꝝ setang, u setange kai mębębaradosa reng dokeng bou

tętae. Kai wau-gu ini e Ahusu Ruata e rimęnta mędeꝝu męnggoghahę munaran setang.

⁹I sai-sajewen nakoꝝ Ahus'u Ruata e tawę męngkai mębaradosa, batuꝝ lulung Mawu Ruata e sęsane męngkai ene si sie. Uaꝏingken Duata e kai i Amange, ute i sie e, tawę męngkai mębaradosa. ¹⁰Kai ini e pękakraꝏaęngu manga anaꝝ Ruata ringangu manga anaꝝ setang: i-sain tawę mękakoꝝ kapulun Duata, arau ta kumakęndagu anaꝝ sęmbau e, i sie waꝏinewe anaꝝ Ruata.

Mękakakęndagę sęmbau dingangu waꝏine

¹¹Deng dokeng bou tętae seng nipauꝏikangu habarę ini e si kamene: I kiteꝝ e harusę mękakakęndagę sęmbau su waꝏine. ¹²Kumbahang bue i kiteꝝ makoꝝ kere i Kain, makoꝝ anaꝝ setang ku męmate tuarine sęsane. Unę i Kain nęmate tuarine? Batuꝝ apan nikoꝝ e kai nęsaꝏa, arawę apan kinoꝝu tuarine e kai nihino.

¹³Uaꝏingu ene manga anaꝝ sęmbauku, abe kęngkaherang keręu taumatan dunia e mębinsi i kamene. ¹⁴I kiteꝝ masingkaꝝ u i kiteꝝ e seng simębang bou papa-

te, bōu e nēngaling solong pēbawiahē tutune. I kite masingka u ene, u i kite e kukēndagu sēndinganeng i kite. Taumata tawe kumakēndagē e, ute i sie wēdang su kawasan papate. **15** Taumata ku mēbēbinsi u anau sēmbau e ute kai tahapēmate ringangu i kamene masingka u tahapate e tawe kawuakengu pēbawiahē tutune ringangu kakalē. **16** Kētaeng kereini ralenge i kite makakasingkau mēkakakēndagē e sēmbau dingangu waline: i Kristus seng nanarakangu pēbawiah'E waugi kite. Ualingu ene, i kite e harusēbe mēnarakangu pēbawiah'i kite e waugu manga anau sēmbau i kite! **17** Maeng pēsēngkatau ku managhuang arēta mangelēmboe ku makasilo anau sēmbaue kinakawusang, ku tawe mētulung anau sēmbau e ene, ku kereapa wue i sie makapēberau i sie kukēndagu Ruata? **18** Manga anaku! Kumabahang i kite kētaeng kukēndagē su wiwihē arau kētaeng dingangu wawera. Karimako i kite e kumēndagēben kakēndagē tutune, ipakalahē su kakanoa i kite kahēngang.

Bahani mētēngon Mawu Ruata

19 Kai kerene katatainge tadeau i kite e makoabe reke-nangu manga anau Ruata e kahēngang, mase ralungu naung'i kite e malenehē su tēngon Duata. **20** I kite masingka u kereu i kite e iapakasalan dalungu naung i kite e, ute kasingka u Mawu Ruata e nangēlembong kasēllahe wou kasingka i kite e, u i Sie kai masingka u patiku sabarang. **21** Ku manga anau sēmbauku ikēkēndagē, kereu naungi kite e tawe mapēsalang kite e, ute i kite makapētēngomben Duata e ringangu karaloahē. **22** Ku apan dēdorongan i kite si Sie, sarungbe makahombang, batu i kite e matuhu su apan titan'E mase mēkēkoā apam makalahimpulu ralungu naung'E. **23** Laorone si kite e ute kai: I kite e hinong mangimang su Ahus'E, i Yesus Kristus, ku i kite e harusēbe mēkakakēndagē, kereuwe semben ilēorong Kristus e si kite. **24** Patiku taumata apam matuhu su manga titan Duata e, mēbēbiahē makauhu Ruata, ringangu Ruata

e nasëmbau dingangi sire. Mase i kite e masingka Ruata e kai wiahë, nasëmbau dingangi kite, batu i sie seng nangonggou Rohkë e si kite.

Rohkë tutune ringangu rohkë nipalidë

4 Manga anau sëmbau ikëkëndagë! Kumbahang mangimang su patiku taumata apang mangaku u managhuang Rohkë Susi e, kaiso wëbanikatewe kalamona i sire tadeau makakasangkabe mënsang rohkë si sire e asalë wou Ruata wue arau kai tala. U kai malawo nabi konti seng nësaliawuhë su apan tampa. ²Kai kereini e tadeau i kamene makakirala wue mënsang ene Rohkëbe Susi arau waline? Taumata ku mëngakuwen Yesus Kristus e rimënta su dunia kere sengkatau taumata, tau ene e managhuangbe Rohkë e wou anun Duata. ³Arawe isaing ku tawe mëngakung halë ini manung Yesus e, tawe mënaghuang Rohkë Susi e. Tau ene managhuang rohkë bou Sekë i Kristus. I kau sen nakaringihë u rohkë ene sarung dumënta, ku orasë ini i sie seng su ralungu dunia ini.

⁴Arawe manga anaku, i kamene kai tataghuanengu Ruata.

I kamene seng nakawata manga nabi kontiang, batu Rohkë suralung'i kamene limembo kawasa wou rohkë u apan taumata tataghuanengu dunia ini. ⁵Manga nabi kontiange mahumbisaram manga halë u madunia ringangu dunia e nakaringihëbe waweran sire, batu i sire e kai tataghuanengu dunia. ⁶Arawe i kite e kai manga anau Mawu Ruata; ringangu taumata ku masingka u Ruata e rudaringihë bue wawerang kite. Arawe ku taumata waline wue tataghuanengu Ruata e, tawe rumararingihë si kite. Kere ne pëkiralaëngu Rohkë manëntiron tëntiro kahëngang, dingangu rohkë makapalidë.

Mawu Ruata e kai makëndagë

⁷Manga anau sëmbau ikëkëndagë! I kite e mëkakëndagëko sëmbau dingangu waline, batu kakëndagë e asalë kai wou Mawu Ruata. Taumata masingka kumëndagë e ute kai anau Ruata. ⁸I sai-sain tawe kumëndagë e, tawe makakirala Ruata; batu Mawu Ruata e kai makëndagë. ⁹Mawu Ruata e niapakahëu i Sie kukëndag'i kite dingangu nëndolohu Ahus'E mang sëmbau solong dunia e, tadeau

i kite makahombang pëbawiahë bou Ahus'E ene. ¹⁰Ini ute kai kakëndagë: Balinewe i kite seng kimëndagu Mawu Ruata e, kaiso kawe Mawu Ruata e kimëndagi kite dingangu nëndolohu Ahuse tadeau woi Sie i kite makahombang kalaampung u rosang kite e.

¹¹Manga anau sëmbau ikë-këndagë, kamageng Mawu Ruata e seng kereeng kakëndage si kite e, ute i kite maļaing harusë mëkakakëndagë sëmbau dingangu waline. ¹²Tawë u sarang sëngkatau reng bou nakasilo Mawu Ruata, kai kereu i kite e mëkakakëndagë e, ute Ruata e nasëmbau dingangi kitee ku kakëndage nasuku suralungu watangeng i kite.

¹³Ualingu Mawu Ruata e seng nëngonggo u Rohkë'E e si kite, ute i kite masingka u i kite seng nëbiahë nasëmbau dingangu Mawu Ruata, ringangu Mawu Ruata e nëbiahë nasëmbau dingangi kite. ¹⁴I kami hala e seng nakapanda Ahusu Ruata, ringangu i kami e mëlëhabaru i Sie seng niroloh'i Amang e ma-koā Datu Mënanalamat'u dunia ini. ¹⁵I sai-sain maņgakun Yesus e kai Ahusu Ruata e, ute Ruata e nëbiahë nasëmbau dingangu

tau ene mase tau ene maļaing nëbiahë nasëmbau dingangu Mawu Ruata. ¹⁶I kite hala masingka dingangu maņgimang u kakëndagu Mawu Ruata e si kite.

Mawu Ruata e kai makëndagë. I sain pëbawiahe kai su kawasang kakëndagë e, i sie kai nakauhë dingangu Mawu Ruata, mase Mawu Ruata e nasëmbau dingangi sie. ¹⁷Kakëndagë e kai niapakariadi nasuku si kite, tadeau i kite e pia karaļoahu naung su Ęllon Pëlahukung. I kite e kai sarung pia karaļoahu naung, watu pëbawiah'i kite su dunia ini e kai mësulungu pëbawiah'i Kristus. ¹⁸I sain nakapëndang kakëndagu Mawu Ruata e, wëga-wen taku, u kakëndagë nasuku e kai makatokolë kala wou haghin taku. Ku maļahë maeng i saing ku bëdang tawë nakapëndang kakëndagu Mawu Ruata nasuku e kereu i sie mataku mëtëngong Ęllom Pëlahukunge.

¹⁹I kite kimëndagë e, watu Mawu Ruata e seng kimëndag'i kite kala mona. ²⁰Kereu pia nëberau, "Ia kükëndagu Mawu Ruata," kai i sie wëga kumëndagu anau sëmbau e, ute i sie kai taumata kontiang. Batu taumata ku ta kumakëndagu anau

sěmbau e ikěkasilo, mamben tawe makakoā kuměndagu Mawu Ruata tai kasasilone. ²¹Kuteu i kite kai nakahombang tita ini woi Sie: U isaing kukěndagu Mawu Ruata e, harusěbe lai kuměndagu anau sěmbau e.

Kalauntung i kite e su dunia

5 I sain mangimang u Mawu Yesus e kai Ratun Salamatě nikědon Mawu Ruata e, ute i sie anau Ruata. I saing kukěndagu sěngkatau i amang ute maļaing kukěndagu anā e. ²Kai kerei-ni katatainge i kite masingka u i kite kukěndagu manga anau Ruata: I kite kukěndagu Mawu Ruata ringangu tutuhu kalawou titan'E. ³Batuu kuměndagu Ruata e mangalene tutuhu kalawou titan'E. Dingangu manga titan'E mahaěng bue si kite, ⁴batuu apan anau Ruata e makabata dunia rala ini. I kite e mēmata dunia e ringangu pěngangimang i kite. ⁵I sai kai makawata dunia e? Kětabeng taumata ku mangimang si Yesus Ahusu Ruata e.

Sasahidi maanung Yesus Kristus

⁶Kai i Yesus Kristus e riměnta su dunia ringangu akę sasahani e ringangu rahang kapapohong'E. I Sie riměnta e walineuwe kětau ringangu akę sěmantang, kaiso kai ringangu akę dingangu raha. Mase Rohkě Susi e sěsane nangonggou sasahidi u ene e mambeng kahěngang, batu u Rohkě e tawe měkakakonti. ⁷⁻⁸Kai pia sahidu tatěllu: Rohkě Susi, akę, dingangu raha – i sire těllu mangonggou sasahidi měsulung. ⁹I kite mangimang su sasahidin taumata, kaiso sasahidin Mawu Ruata e limembon lai katoghase. Ku kai ene sasahidi ku seng nionggo u Mawu Ruata e maanung Ahus'E. ¹⁰Ualingu ene e, i sain mangimang su Ahusu Ruata e, seng něnarima sasahidi ene suralungu naunge; arawe i-sain tawe mangimang su Mawu Ruata e, seng něsipiru Ruata e kai tahakontiang, u i sie kai tawe mangimang apan nipěhengetangu Mawu Ruata e maanung Ahus'E.

11 Kai ini sasahidi ene: Mawu Ruata e seng nĕngonggō si kite pĕbawiahĕ tutune ringangu kakalĕ, dingangu Ahus'E kai pungu pĕbawiahĕ e. **12**I saing maᅇnaghuang Ahusu Ruata, maᅇnaghuang pĕbawiahĕ ene: ringangu isain tawe managhuang si Sie, tawe managhuang pĕbawiahĕ ene.

Pĕbawiahĕ tutune ringangu kakalĕ

13Ia manuratĕ si kamene mĕmpangimang Ahusu Ruata e, tadeau i kamene masingkau i kamene seng nĕnaghuang pĕbawiahĕ tutune ringangu kakalĕ. **14**Mase i kite e ringangu karaloahu naung mĕtĕngon Mawu Ruata, ualingu i kite e mĕngiakingu i Sie mamben tumuhu apang kalio-manengang i kite e kereu piadorong i kite e mĕtatahinowe su kapulun'E. **15**Batuu i kite masingka u i Sie rumaringihĕ si kite kereu i kite e mĕgĕgausĕ si Sie, tangu i kite e maᅇlaing masingka u i Sie mĕngonggō si kite e apan dĕdorongan i kite si Sie.

16Kereu i kite makasilo sĕngkatau wou sĕndinganeng i kite lawo tau Sahani e mĕkĕkoā dosa ku makakoā i sie ta'i kailangengu pĕbawiahĕ tutune ringangu kakalĕ, ute i kamene

pĕmpĕkaliomanengke su Mawu Ruata; wou ene Mawu Ruata e sarungbe mĕngonggō pĕbawiahĕ ene si sie. Ini e nihinowe si sire apan dosane tawe makapĕkapura si sire wou pĕbawiahĕ tutune ringangu kakalĕ. Kuteu kai piadorosa makakoā sĕbapĕ u tau ene e kailangengu pĕbawiahĕ e. Ku baᅇgu ene ute ia e tawe nĕberau i kamene harusĕbe pĕkaliomaneng su Mawu Ruata. **17**Patiku kakanoā ta nihino e kai rosa, kaiso piabe rosa ta makala-lang pĕbawiahĕ tutune ringangu kakalĕ e.

18I kite e masingka u patiku taumata apan seng naria-di manga anaᅇ Mawu e tawe mĕngkai hanesĕ mĕbĕbaradosa, u Ahusu Ruata e mĕnanĕtanude, dingangu i ralai e tawe makakoā manga apa-apa si Sie.

19I kite e masingka u i kite e kai tataghuanengu Mawu Ruata, maᅇng kaguwaᅇ dunia ini e suaᅇlungu kawasan daᅇlai.

20I kite e masingka u Ahusu Ruata e seng dimĕnta ringangu seng nangonggō tatahuĕnna si kite, tadeau i kite makakirala Ruata kahĕngang. I kite e mĕbiahĕ nasĕmbau dingangu Mawu Ruata kahĕngang dingangu mĕbiahĕ masĕmbau dingangu A-

huse i Yesus Kristus. Kai ini e Ruata kahëngang dingangu kai ini e pëbawiahë tutune ringangu kakalë.

²¹ Manga anaku, pëmpëteghang u mahang duata e!

SURAT'I YOHANES

KARUANE

DARUMATINGE

Surat'i Yohanes Karuane ini e, niwohe u, "pangaha u jamaatë" si "Ninang^a ku seng pinilen Mawu Ruata e" ringangu su manga ahuse i këkëndagë. Aramanung timonang pësasasëbau i "Ninang dingangu i sire talahusë"^b ute kai jamaatë dingangu manga rałohone.

Suralungu surate ini manimbü e mamamohe e kai mëgëgausë halë darua su manga mëbawasane. Humotong, tadeau i sire e mëkakakëndagë sëmbau dingangu waline. Karuane, tadeau i sire e maingatë su manga mananëntiro konti ringangu apaeweng itëtëntiron sire e.

Lohone

Panëtakege	1-3
Mangalen kakëndagë	4-6
Laingatë su manga tëntiro tawe nihino	7-11
Papondole	12-13

^a wawu = ibu ^b tahanã = sekeluarga

Si Ninang pinilen Mawu Ruata ringangu manga ahus'i Ninang. Suratē ini e kai wou ia, tēmbonangu jamaatē ku kahēnga-hēngang kukēndagi kamene. Balinewe ketau ia, kaiso kai kēbi taumata masingkau Mawu Ruata kahēngang, maļaing ku kēndag'i kamene. ² Batu Mawu Ruata e mētētumana suralungu naung'i kite, dingangu sarung hanesē dingangi kite sarang karēngue.

³ Karimako i kite gēlirangu alamatē, tatalēntu dingangu karalunsemahē kahian Duata i Amang dingang'i Yesus Kristus Ahus'i Amang ene. Karimako kēbi ene e taghuanengu naungi kite matulidē dingangu ualingu kakēndagē.

Katulidē dingangu kakēndagē

⁴ Ia e mambeng limuasē kahēngang, nakakasingka u pia manga ahus'i Ninange mēbēbiahē tutuhu tēntiron Mawu Kasēllahenge kerewe seng nilaorom Mawu kasēllahenge si kite. ⁵ Ualingu ene Ninang, ia e mēgēgausē sēngapam botonge tadeau i kite kēbi e mēkakakēndagē. Taku ipēpauli ini e walinewe sēmbau

tita wuhu; kaiso seng tita tēbe nipauli si kite dokeng bou tetau i kite mangimang. ⁶ Kumēndagē e mangalene mēbiahē tumuhu titan Mawu kasēllahenge. Ku tita seng kinaringih'i kamene dokeng bou tetae ute i kamene harusēbe mēbiahē mēkakakēndagē sēmbau dingangu waline.

⁷ Lawo tahapamitaugu ralaki e seng nakeke su dunia e. I sire kai taumata tawe mēngaku u i Yesus Kristus rimēnta su dunia e tabidau sēngkatau taumata. Taumata kerene ute kai tahapamitaugē e ku kai Seke i Kristus e. ⁸ Ualingu ene ute, pakapapia wue i kamene, maḍiring i kamene kailangengu wuan saghed'i kami e. Pēsalimaē bue tadeau i kamene makatarima asēkinu wou Ruata masuku.

⁹ I sain ta mangangumbele su tēntirong Kristus, taumata ene tawē Duatane. I saiewen tapē suralungu tēntirong Kristus, ute maḅaghuanbe kurai Ruata i Amang kuraiewe Ruata Ahusē. ¹⁰ Ualingu ene kereu pia rumēnta ringangu mēhabarē si kamene tēntiro tai tatēntirong Kristus e, ute kumbahang bue mēnarima u tau ene suralungu walenu arau mangonggou adatē

si sire. ¹¹U taumata mēngadatē su taumata kerene ute maḷaing tūtoḷe ringangu tau ene suraḷungu kakanoa daḷakisē.

Papondole

¹²Maḷawo kahēngang hinon taku ihabarē si kamene, kaiso mapiangbe waḷine ringangu

suratē. Sukiraḷingku e ia makapētiwo ringangu makapēbisara hala ringang'i kamene, tadeau naung i kite e kahēnga-hēngangbe maḷuasē.

¹³Manga ana tuarin Ninang ku pinilen Mawu Ruata e, maḷaing nēndohong adatē e si Ninang.

SURAT'I YOHANES

KATELLUNE

DARUMATINGE

Surat'i Yohanes Katëllune ini e niwohe u sëngkatau, "tëmbonangu jamaatë" su sëngkatau matimadu jamaatë arenge i Gayus. Mamamohe u suratë ini e mëdëdalong Gayus ualingu pëtatatulunge su taumatan Sahani lai wałine. I sie małaing maumasë si Gayus u pakaingatë bue su sëngkatau esë arenge i Diotrefes.

Lohone

Panëtakege	1-4
Gayus niraloëng	5-8
I Diotrefes niapësała	9-10
Demetrius niraloëng	11-12
Papondole	13-15

Su anau sēmbau i kēkēndagē i Gayus!

Ia e tēmbonangu jamaatē, kükēndagi kau kahēnga-hēngang, ²mēkēkaliomaneng karimako i kau e mēngkai mahuweka ringangu kēbi apan dingangue mapia wue kerewe lai himukudu e mēngkawe lai mapia. ³Ia e maļuasē kahēngang pia e pirang katau anau sēmbau Sahani e narēnta ku nēhabarē si sia u kai naung kereng kasatiane i kau su pēbawiahu su tēngon Duata e kahēngang, batūu i kau e mambeng hanesē mēbēbiahē tutuhu tēntirom Mawu Ruata. ⁴Tawē apa waline makakoā si sia limembom maļuasē e, wou makaringihē u manga anaku e reng mēbēbiahē tutuhu tēntirom Mawu Ruata.

I Gayus niraloēng

⁵Anau sēmbauku! I kau mambeng masatia suralungu munara kēkoatengu waugu sēndinganeng u tau Sahani, ore lai su tau Sahani wēdan ta kinakiralanue, maļaing tētangkianengu. ⁶I sire nēsahidiwe lai kakēndagu e su jamaatē su anung kami. Tulungko i sire tadeau makatēpasēben daraleng i sire ringangu tadeau i

sire maļuasēbe naungu Mawu Ruata, ⁷waugu su raralengangu mētangkiang si Kristus e, i sire tawe mananarima apa-apa woi sire tau kapiṛē e. ⁸Ualingu ene i kite apan tau Sahani e harusē mētulungu manga hapi lawo Sahani kerene, tadeau i kite e maļaing makakatole mangeken tēntirom katēngadu Ruata.

I Diotrefes rēduan Demetrius

⁹Ia e seng namoheu suratē manimbu su jamaatē, kaiso i Diotrefes pia kapulune ma koa tēmbonange suralungu jamaatē e tawe tumuhu si sia. ¹⁰Hēdowen ia marēnta e, ia sarungbe mapētahēndungu patiku apan nikakoā e patiku kararalakisē dingangu konti iwēberane maui i kami e! Kaiso kēbi ene mang tawe nakasahe kapulune. Ene, naung pia e manga hapi e tau Sahani ku narēnta e, ute i sie kawe tawe mapulu mēnarima i sire. Katewe i sie mundangu nēsēdingu taumata apan mapulu mēnarima u manga anau sēmbau ene, ringangu i sie mēndolohi sire ene apasēbang bou ralohon jamaatē e.

¹¹ Manga anaṅ sēmbau i-kēkēndagē, kumbahang buē mētātēno suralakisē. Pētātēnoko suapan mapapia. I sain mēkēkoṅ mapia e kai tataghuanengu Mawu Ruata e. Ringangu i sain mēkēkoṅ dalakisē e kai wēdang bēgang Mawu e.

¹² Kēbi taumata e mēsēsahiding kapiam pēbawiahi Demeterius. Saralaing Mawu Ruata e mēsēsahiding ene. I kami maṅaing mēsēsahiding Sie, ku i kau masingka u ipēpauli i kamie mamben tēngadē.

Tatabeṅ ipangunsi suratē

¹³ Maṅawo kahēngang hinon taku ipēbera si kamene, kaiso ia mēpēpēndangu nēngalēmbom mapia e kumbahangbe ringangu suratē. ¹⁴ Ia mēlēharapē lai tawē karēngu e sarung mēsombang dingangu, ku i kiteṅ makapēbisarawe mētētēngo.

¹⁵ Karimaṅko alamatu Mawu e mēngkai wuṅ u.

Manga hapi u su tampa ini e nēndohong tabeṅ si kau. Pauliko tabeṅku su manga hapi i kiteṅ kēbi e sēngkatau-sēngkatau.

SURAT'I YUDAS

DARUMATINGE

Surat'i Yudas ini e niwohe ipangurihë su mẽbawasane tadeau pakateghang su mananëntiro tą katëngadë mauļu watangenge tau Sahani. Suralungu suratë manimbu ini e, lohone mẽpëpangawëu surat'i Petrus karuane, kų mamamohe e mambahansang su mẽbawasane tadeau pakatatoghasë su pangangimang.

Lohone

Panëtakenge e	1-2
Lulu, tëntiro ringangu kakakoau mananëntiro tą katëngade	3-16
Sasasa waugu pakatatapë su pëngangimang	17-23
Kakaliomaneng daralo	24-25

Manga anaṅ sēmbau ku seng nikuiang dingangu ikēkēndagu Ruata i Amang, dingangu tētēntanundang baugu Mawu Yesus Kristus. Kere sēngkatau mētatangkiang si Yesus Kristus e ia – i Yudas – tuaring Yakobus, ²mēkēkahumang:

Milumbau Ruata e mēngalamatē, tatalēntu dingangu karalunsemahē e kawua si kamene su pēdaralembo.

Mananēntiro ta katēngade

³Manga anaṅ sēmbau ikēkēndagē! Ia e maṅgiaking sēngapam botonge mapulu mēnuratē si kamene maṅnung kasasalamatē ku seng kinapēndangeng i kite e. Arawe orasē ini e ia nakapēndang sēsahēsekangu mēnalēntihō u suratē ini e si kamene tadeau i kamene mēnēpasēben munarang pēngangimang ku seng nionggo u Mawu Ruata e sēsule sarang marēngu-dēngu su apang umat'E. ⁴Batū ta nikahēnganeng i kite e, kai pia u nēmpēlikosē nahunsuē nētēngkalau dingang i kite. I sire e kai taumata ralakisē mēngēngalintuing habaru tatalēntu Ruatang kite, mēdeau

makahombang lēsabu mēnukau abuling sire. Ku i sire manuhudu Mawu Yesus Kristus, Mēngangawasa mang sēmbau Mawung kite. Ren dokeng kalamona hukumang baug'i sire e seng nipēhengetang suralungu Winohe Susi e.

⁵Patiku e seng su kasingka i kamene. Kaise Ia e mapulu mapētahēndung i kamene maṅnung kereapa Mawu mapakasalamat'u umatu Israel bou wanuan Misirē, kuteu samurine kawe mapakawinasang taumata apan tawe mēmpangimang sutaloaran sire. ⁶Tahēndunge lai manga malaekatē ku seng nahēmpaliu wou kawang sire, hakiu i sire nanētangu pētatanakeng i sire. Mawu e nēhapusē manga malaekatē e ringangu hante kakalē e, su tampa u kararēndung sualungu wanua e. I sire kalahapusē sene sarangkewen kanawoēngu hukumang si sire su Ēllo masēllahē e sarung. ⁷Kerene lai tahēndungē soan Sodom dingangu Gomora ringangkewen soa maṅgeliku e ku apan tumanā e mēmpēkēkoā apang kinoāu manga malaekatē ene. I sire mēmpēkēkoā halē u pēsasundalē dingangu karalamuhu,

hakieweng i sire sēsīgēsakengu hukumangu naraka kakalē, nakoḃ tatahēndungang su patiku tau-mata.

⁸Kerene lai apang wēbaliawangu i sire mēbēbaradosang badang i sire hala. I sire kai mapakasanḃu kawang Duata ringangu mēnēnamedē tumanḃu Sorga mawawantugē. ⁹I Mikhael sēsane mananēmbonangu malækatē e, tawe nēkēkoḃ kerene. Su tempon i sie mēdēdarendehu setang suralungu pēsasitori mēdēdarendehu i sai sarung makahombang balunangu wadang i Musa, i Mikhael e tawe wahan i mēhukungu setang dingangu manga sasamede. I Mikhaelē e tumbaeng nēbera, "Mawu e sarung mēbuheang si kau!" ¹⁰Kai ringangkewen manga sasamedē e i sire nēmpanelorē apaeweng tawe nikaēnnaēng i sire. I sire mēsulungu manga binatang tawe naunge, ku tumbaeng masingka u patiku e ualingu kalokone. Kaiso kawe ualingu ene makabinasa si sire. ¹¹Kaēngkēhang i sire! I sire seng timolē raralengang i Kain. Mēdeḃu i sire makaēba doitē, i sire nētēngkahumagu watangeng i sire su walang ka-

papalidē mēsulung i Bileam. Ku i sire malaing nipakawinasa ualingu nēmpēnggohaeng kere i Korah. ¹²Su tempong i kamene mēmpēsaliḃbange, lulun sire e su taloarang kamene makadarēnting. Batu i sire e kai apaewe makakombang mahungkaēng ringangu tawe mēngkamamea, ringangu tumbaeng mēngēngēna watangeng hala. I sire e kai tabidaḃu kere winawa nitu u anging, kai tawe makakarahē. I sire e malaing kere kakaluang tawe mēbawua maning su musungu pēbawawua, kakaluang ku hamuē seng niēbu dingangu selaing nahēgu-hēgu. ¹³Mēsulungkewen luḃ malaiḃu su sasi e mēdēndui'u sēbu, kerene lai i sire mapalēton sēbung kalawou kakanoḃ i sire makamea. I sire e kai mēsulung'u manga wituang mēpēpalili dingangu apan sen niriahiang'u tampa e kahian Duata su ralung'u kararēndung kaēllikang'e sarang marēngu-dēngu.

¹⁴I Henokh hēnto kapitune wou i Adam naung kalamona e wou nanēbalu kakakoḃ i sire. I Henokh nēberaḃu, "Kakēlla,

Mawu e sarung dumēnta ringangu manga maļækate susi hiwune ¹⁵baugu mēhukungu patikū taumata. Mawu e sarung mēhukungu taumata raralakisē e ualingu kakanoa i sire maļamuhū. Dingangu i sire sarung mēhukungu taumata waradosa e ringangu duruhaka e ualingu kaļawou wawerane lahinakang iwēberane.”

¹⁶I sire e mēngkate ta umpade kukurubū dingangu mapēsalang baline e. I sire e mēbēbiahē tutuhū e kaļawou ēnning i sire mararosa e. I sire mēngkate tutahimorasu kakakoā i sire hala e, ringangu mēlēlewa taumata medeāu makareā untune.

Tatumbaļung dingangu sasasa

¹⁷Arawe i kamene manga anaū sēmbauku ikēkēndagē, pētahēndungko apang naung seng nibawerang manga rarolohangu Mawung kite Yesus Kristus. ¹⁸I sire seng nauļi kaļimona si kamene u kakasandigeng^a ēllong kiamatē sarung sumēpu taumata mēlaheghesē si kamene, i sire e apang mēmpēbēbiahē tutole

kaļawou ēnning i sire waradosa. ¹⁹I sire ini e kai taumata makakoā pēdalāhae. I sire e tawe tumatatuḥu kawang Rohkē Susi e, kaiso kawē tutuhū kaļawou ēnningu dunia e. ²⁰Arawe i kamene manga anaū sēmbauku, pakatalēmbuhu e we turusē pēbawiahi kamene su laēmpahu pangangimang si Yesus Kristus. Pēngangimang i kamene e mambeng susi kahēnga-hēngang: Tēntalang ene e pēmpēkaļimang bue suralungu Rohkē Susi e; ²¹Ku pēmpēbiahē sidutu suralungu kakēndagu Mawu Ruata karēnguweng i kamene māngampalē kakēhangu Mawu Yesus Kristus Mawung kite e ku sarung mangonggou pēbawiahē tutune ringangu kakalē si kamene.

²²Ku baugu i sain naunge tutaghiawahē e, ute i kamene pēmpēnodekong tatalēntu e. ²³Ku bēbolengkong kamene solong likude taumata e wou ralungu putung tadeāu i sire masalamatē. Su waline ete wue ute i kamene pēmpānedēbeng pēkakēndagē pia takue, kaiso pēmpēbinsi u lai pakeang i sire ku seng nēngkaļamuhū u ēnning i sire waradosa e.

^a kakadanineng
ay. 18: 2Ptr. 3:3

Kakaliomaneng daralo

²⁴ Duata e kawasa manënta-
 nudë si kamene mëdeau kumba-
 hang i kamene manawo, ringangu
 kawasa mangalã si kamene so long
 têngon'E mawantugë e, ringang-
 u rañasë ore lai tawë tura e,

²⁵ u kai i Sie Ruata, nënalamat'i
 kite e suralungu Mawung kite i
 Yesus Kristus. Kai i Sie Ruata
 mawantugë, masëllahë, makawa-
 sa, ringangu pia pëhëngking'E
 dongkeng naung kalamona sa-
 rang orasë ini, ringangu sarang
 marëngu-dëngu! Aming.

PĚLALAHE

SI YOHANESĚ

DARUMATINGE

Pělalahę Si YohanesĚ ini e niwohe su tempong tau Sahani e sěsědakeng dingangu tětingkaitang ualingu maņgimang si Yesus Kristus Mawu e. Timona tutune su měmamohę e ute kai maņoghasě pěngangumbala ringangu maņoghasě pěndangu apam měbawasane, ringangu lai maņamahansang si sire tadeau tatapěbe maņgimang su tempong sěsigěsakeng dingangu sěsědakeng. Lohom bukě ini e kasariange kai wou pěralahěmpukangu pělalahę pira-pira ringangu papasilo piram bau ku ilěhabarě suralungu wawera ipěpěpapasihing ku kěkaěnnaěngu apan tau Sahani su orasě ene, katewe takalaěnnaěng i sire waline. Banggilu sipirang nipauli suralungu bukě ini e ipěběbawalung suralungu pědalahěmpu u papasilo maļawo dingangu haghing kakakoā e. Manilaing kěkaěbakeng pia ěba mědědalahaghi suralungu pěmamitua maunsui maņanung lohom bukě ini, kaiso ghěsing tiněnnane e maļahę, u lumiung Kristus e, Duata e kasueěnge sarung mamata kěbi seke'E, saralaing setange. Ku kamagengu kalauntung ene sembeng kinaringkauang, tangu Ruata e sarung mangonggo u sorga wuhu ringangu dunia wuhu kere sěmbau bawalarě su kawanuan'E ku masatia.

Lohone

Panĕtakeŋe	1:1-8
Papasilo humotong dingangu manga suratĕ su jamaatĕ pitu	1:9– 3:22
Duḷungu bukĕ dingangu segelĕ pitu	4:1–8:1
Tĕrompetĕ ^a pitu e	8:2–11:19
Naga dingangu binatang darua	12:1–13:18
Haghi-haghing papasilo	14:1–15:8
Pitu haghing dalangehu Mawu Ruata	16:1-21
Kaghagholo u Babelĕ, kawawata u binatang, mahang nabi ringangu setang	17:1–20:10
Hukumang pangĕnsueĕnge	20:11-15
Langi wuhu, dunia wuhu, Yerusalem buhu	21:1–22:5
Kakunsi e	22:6-21

^a napiri

1 Lohong bukē ini e mēbēbē-keng apa iwēboka i Yesus Kristus maanung manga e apa sarung mariadi. Mawu Ruata e napakasingka si Kristus ta-deau i Sie mapakalahē su manga ēllang'E apan seng tawē kararēngu e harusē mariadi. I Kristus rimolohu manga malāekat'E solong anung Yohanes ēllang'E, apauli u karariading kaławou munara ene si sie. ²Tangu i Yohanes nēbēkēen patiku apang kainasilone e; ku seng ini e katakaingu wēkene maanun titang Mawu Kasēllahenge ku nitoghaseng i Yesus Kristus lūliu pēsasahidin'E. ³Kariangkamang taumata ku mapēbasa ringangu i sain mapararingihu waļon tēbaļu bukē ini e mase matuhu suapang ku kabawohē suralunge. Batu tawē karēngu e patiku ini e sarung mariadi.

Adatē su jamaatē pitu

⁴Manga anaḡ sēmbau su kēbi jamaatē pitu su ēntanang Asia! Ia i Yohanes, mēkēkaralo i kame-ne kēndagengu aļamatē dingangu

karalunsemahē bou Mawu Ruata – i Sie ku ene, ku seng ene, dingangu sēntiniā ene – ore wou kēbi rohkē pitu ku ene su tēngon kararatun Duata, ⁵ringangu wou i Yesus Kristus, sahidi satia. Kai i Sie kahumotong-motonganē niapēbiahē kapia wou kapapohonge ringangu kai i Sie kawasang patiku datun dunia e.

Mawu Yesus kimēndag'i kite, ku ualingu kapapohong'E, i Sie nēliung kite bou patiku dosang kite, ⁶ku nēhengkē i kite niapakakoā kawanua tēntani manga imang, mētatangkiang Duata, i Amang'E. Kai i Yesus Kristus ene mawantugē dingangu kawasa sarang karēngu e. Aming!

⁷Kakēlla, i Sie rimēnta maḡaliwungu winawa! Kēbi tau-mata e sarung makasilo si Sie, sarangkewen lai i sire apan nēnēka si Sie. Patiku bansa su dunia e sarung lumungkang ualing i Sie. Ore, tēngadē! Aming!

⁸"Kai Ia e kahumotongang e ringangu pangēnsueēnge," unkuēngu Mawu Ruata e, ku seng ene, dingangu ku ene sēntiniā, Ku Lembong Kawasa.



Tahanusang Patmos (1.9)

Papasilo maanun Kristus

⁹Ia e kai i Yohanes, ana u ku ukure mesulung'i kamene suralungu penanalude su sa ku luhombang su apan tumatole si Kristus. I kite e hinong makedang susigesa tarangkewe su sengkatau umat'E taghuaneng'E. Ia e niwembang su tahanusang Patmos ualingu ia melahabaru hengetang u Mawu Kasellahenge nitoghasengu sasihidin Mawu Yesus. ¹⁰Su ellon Mawu e, ia kai nilohoengu Rohke Susi, bou e ia nakaringihē tingihē maiha – kere tingihu napiri

– melēluntingihē su likurangku. ¹¹Tingihē ene nēbera u, "Boheko apang ikasilonu, ku dingoko buke ene su jamaate pitu ini: Efesus, Smirna, Pergamus, Tiatira, Sardis, Filadelfia, ringangu Laodikia."

¹²Ene ia nēbihu e solong likude namanda mensang kai i sai manisara si sia e. Tangu ia nakasilō e ralaedu solo ni koa bou wulaeng kalawoe pitum bau. ¹³Sutaorang manga laedu solo ene rudarisi sengkatau, ku kēkasilo alingakai kere taumata. I Sie nēpake u kakēngkaenge ku kanandue nīdatingu laedē.


Su sēba'E i Sie nēpakeu takukuse wou wuḷaeng. ¹⁴Uta'E mawira kere manga ruku u domba, kawirane kere kapesē: Matan'E kukuhenabē kere putung; ¹⁵laed'E luhentē kere witu nitongka. Tingih'E kere ghalēdu u akē u tēdunang gaghuwa. ¹⁶Liman'E koaneng maṅgumbeḷe bituing pitu, mase wou mohong'E nisēbangengu peda mahoro sēmbau ku horone su ruambēka. Gatin'E kukuhenabē kere matangello su ello maḷetu. ¹⁷Ené ia nakasilō e si Sie, kuteu ia kawe nēlinsumagē su tēngon'E kere taumata nate. Ené i Sie nanēlideng liman'E koaneng si sia e ku nēbera, "Abe kataku! Kai Ia e panētakenge ringangu pangēnsueēnge. ¹⁸Seng Ia e i Sie ku biahē! Ia e seng nate, kaiso kakēllako, Ia e wiahē sarang marēngu-dēngu. Ia e maṅawasa papate, ringangu dunian taumata nate. ¹⁹Uaḷingu ene, wohēko apang ku kinasilonu, ku apaeweng ene su orasē ini e, ringangu apaewen sarung mariadi e. ²⁰Kai ini e rahasiang bituing pitu e kinasilonu su lima'Ku koaneng, dingangu wou raḷaedu soḷo wuḷaeng pitumbau e: Bituing pitu e kai

manga maḷaekatu jamaatē pitu, dingangu raḷaedu soḷo pitu e ute jamaatē pitu ēndaj e."

Tatanata waugu Efesus

2 "Baugu maḷaekat'u jamaatē su Efesus kereini:

Ini e kai tatanatan Sie maṅgumbeḷe bituing pitu su liman'E koaneng'E, ku dudaleng sutaloarang daḷaedu soḷo wuḷaeng pitumbau e. ²Ia e masingka u apang kēkoateng i kamene: I kamene mēmpēlēhalē masēgadē, dingangu i kamene e makakēdang ta sihinge. Ia masingka u i kamene tawe mapulu mēgaghōḷo u raḷungu naung i kamene su taumata raḷakisē. Kuteu taumata apang nēngakung batangenge kawe rarolohang, kuteu naung baḷine wue, kuseng niwanikateng i kamene, ringangu kinaēbakeng i kamene u isire kai tahakontiang. ³I kamene mararagē dingangu i kamene nasigēsā uaḷingu Ia, kai naung i kamene e tawe nēngkapēndu. ⁴Kai ini e sēngkulē'Ku si kamene: I kamene kai seng tawe kimēndag'u Ia kere naung su tēta e. ⁵Uaḷingu ene pētahēndungko, kai seng a-



Dałaed'u solō wułaeng pitu'm bau (2:1)

pa karalung kananawong kamene! Pěmpětobate bōu kaławōu rosang kamene ringangu pěmpěkoā e apang kěkoateng i kamene kaŋgere e. Maeng tala ute, Ia e sarung duměnta ku manawu dałædu solong kamene e wōu tampa e. ⁶Kai tangu piā bue haļę ma-pia wōu i kamene, u: I kamene mēbēbinsi u kakakoā u manga tumatoļe si Nikolaus, ku maļain Taku ipēbēbinsi e.

⁷I sain maķadingihę e, daringihęko apan nipēhengetangu Rohķę Susi e suapan jamaatę!

I sain nakawata, Taku iapa-kawala mēmpěkaeng buang kalum pēbawiahę ku suralungu wawaelangu Ruata.”

Tatanata waugu Smirna

⁸”Baugu maļækat'u jamaatę su Smirna: bohęko kereini:

Ini e kai tatanata wōi Sie ku panętakeŋge ringangu pangęnsueęge – bōu nate ku nēbiahę kapia. ⁹Ia e masingkau kasasigęsa i kamene; Ia e masingkau kakakasiang i kamene kai tuhu hinone i kamene kai kaļa!

Ia masingkau haghin lahodatē ipēlēhodatē si kamene kahiaen sire apan maṅakung batangenge tau Yahudi e, kutēu naung baline wue; i sire e kai kawanuang setang! ¹⁰ Abe kēngkatakū u sigēsā kū kate kadodo tempo sarung taḷurang i kamene. Pētahēndung, u setange, sarung mapasuē u sēnggā bou i kamene soḷong daḷungu tahungkū ipēnaḷukā si kamene. I kamene sarung mētatahangu sigēsā suraḷungu mapuḷo ḗllo karēngue. Karimako i kamene mētēngkasatia si Siā sarang papate, mēdeau i kamene takū gēlirangu pēbawiahē tutune ringangu kakalē mēsulungu laēkingu nakauntung.

¹¹ I sain makadingihē e pēmpēnaungko apang kū ilēhenge-tang u Rohkē Susi e su apang jamaatē!

I sain nakawata, mambeng tawe sarung mētatahangu sigēsā sarang kaḍodo ualungu kapapohong karuan sulene.”

Tatanata waugu Pergamus

¹² ”Baugu maḷekat’u jamaatē su Pergamus e, bohēko kereini:

Kai ini tatanata wō’i Sie kū maṅumpaedē barā mahoro kū horone su ruam bēka. ¹³ Ia masingka u su apa katatanakeng i kamene, kū naung kai su tampa u kararatuangu setang. I kamene e masatia si Siā. Ore lai piā Antipas, sahidiku satia e, nipate su tēngong kamene, su waloari u setang, kū su tempo ene i kamene mamben tawe nēsuniaḷu i kamene kawe maṅimang si Siā e. ¹⁴ Kai maningbe seng kerene mang piā haḷē pirambaū kū tawe Takū iraluasē bou i kamene: Piā pirangkatau wou taḷoarang kamene kū tutole apang itētēntiron Bileam. I Bileam maṅēntiro si Balak daḷengu mapakanawon tau Israel suraḷungu rosa; kū maṅologē si sire apakaēng kaēng seng bou nisēmba su mahang duata ringangu mēkēkoā manga haḷē u kawawuang. ¹⁵ Kerene lai piā bou taḷoarang kamene tau-mata kū maṅumpaedē su tēntiron manga tumatole si Nikolaus. ¹⁶ Ualungu ene, pēmpētobatē bue wou kaḷawou rosang kamene! Maeng tala, ute tamararēna Ia e sarung dumēnta su anung kame-

ne ku mēneķe si sire ringangu peda su mohong'Ku.

¹⁷I saim makādingihē e pēmpēnaungko apang nipēhenge-tangu Rohķe Susi e su apan jamaatē!

I saim makawata sarungbe Taku iapakawala pakaēng manna ku maḃawuni, ringangu sēngkatau-sēngkatau e sarung makatarima u watu mawira pēsēmbau e wou Ia. Su watu ene kaḃawohē areng buhu, ku tawe kasingkateng i sai-sai su likudu i sain nakatarima e."

Tatanata waugu Tiatira

¹⁸"Baugu malaķekat'u jamaatē su Tiatira e, bohēko kerei-ni:

Kai ini e tatanata wou Ahusu Ruata, ku matan'E ruḃelli kere putung, dingangu laed'E luhente kere tambaga nitongka. ¹⁹Ia e masingka u kēbi apang nikakoḃa i kamene – Ia e masingka u i kamene kuķēndagu kasanggidangu, i kamene satia, i kamene mēmēmunara, dingangu i kamene makakēdang su sigēsā e. Ia e masingka i kamene orasē ini e nēmunara limembong kasaghede wou

kangere. ²⁰Kaiso kai ini e wēḃa u naung'Ku si kamene: I kamene seng kinaologang i Izebel, tau wawine ku nēngakung batangenge rarolohangu Ruata e. Seng maḃawo manga rarolohang'Ku e lēakalenge ringangu nitēntiroēngu kawawuang dingangu apakaēng kaēng seng bou nisēmba su mahang duata. ²¹Seng Taku niongotangu loahē si sie apētētoḃatē bou manga rosane, kaiso i sie tawe mapulu mangēdo mawuang e. ²²Pētahēndung! Ia e sarung mamēpa i sie sarang masaki su ralokaēnge. Sene i sie ringangu apang nawuang dingange e sarung mētatahangu sigēsā marasai. Kēbi ene e sarung taku koateng su orasē ini – tabeḃa katewe i sire mēngēdo mēmpēkoḃa haḃe daḃaki dingange. ²³Manga tumatolene e sarung lai Taku pateēng tadeḃa kēbi daḃohon jamaatē e makahēngang u kai Ia e makakasēsui tinēna ringangu ralungu naungu taumata. I kamene sarun taku baḃisang tuḃu kakanoḃa i kamene sēngkatau-sēngkatau.

²⁴Arawe i kamene waline su Tiatira e tawe timoḃe tēnti-

ro rałaki ene, ringangu tawe nĕmpangĕndung manga kasingka u setang. Ia mĕbera u Ia tawe sarung mĕnambang bawa-waĕng ku limembong kawĕha e si kamene. ²⁵ Kai arawe sarang darĕnta'Ku e sarung, i kamene harusĕbe tatapĕ pĕmpĕtole apang ku seng tĕbe tĕtaghuaneng i kamene. ²⁶⁻²⁷ I sire apan nakawata, dingangu sarang pangĕnsueĕnge tatapĕ mĕkĕkoā apang ku Taku ikĕkapulu e, sarun Taku gĕlikangu kawasa ku mĕsulungu Taku tĕtarimakeng bou i Amang'Ku. I sire sarung makatarima u kawasa wou anu'Ku mĕparenta haghim bansa ringangu tĕking uase, ringangu waugu ipĕnggolō patiku bansa e kere kuring ĕntana. ²⁸ I sire sarung makatarima u wituing Ahusu ĕllo^b e wou Ia e.

²⁹ I saim makadingihĕ e, pĕmpĕnaungko apang nipĕhenge-tangu Rohkĕ Susi e suapang jamaatĕ!"

Tatanata waugu Sardis

3 "Baugu malaĕkat'u jamaatĕ su Sardis, bohĕko kereini:

Kai ini e tatanata wou i Sie ku mañaghuang rohkĕ u Mawu Ruata arĕgang pitu ringangu wituing arĕgang pitu e. Ia masingka u apang nikakoā i kamene. Uade i kamene wiahĕ, sĕmbaliau kawe nate! ² Ualingu ene, pĕpĕti e ku toghasĕ e apang ku bĕdang ene si kamene tĕntalang ene e tawe nĕtate kahĕngang. Ualingu Taku kina-hombangeng u apang kinoā i kamene e, tawĕ u sarang sĕmbau ku deng nasuku su tĕngon Dua-ta. ³ Tangu, tahĕndungeko kapia apang ku seng nitĕntiro si kamene kañgerĕ e ringangu apang ku seng nikaringih'i kamene. Koāko ene ringangu pĕmpĕtobate wou kaławou rosanu. Kereu i kamene tawe mĕmpĕpĕti, Ia e sarung dumĕnta su anung kamene e mĕsulungu tahatako; ku i kamene tawe makakasingka u angere bue tempone Ia dumĕnta. ⁴ Kaiso su taloarang kamene su Sardis bĕdaweng pia taumata ku mĕtĕtanudĕ tadeau pakeange tatapĕ burĕsi. I sire ene sarung dumalang sĕngkaraļeng dingang'Ku dingangu pa-keang mawira, batuu i sire kai

^b kadadĕmahĕ = bintang timur

su tampa e waugu ene. ⁵Baug'i sire apan nakawata e sarung luhengu laku mawira manandu. Areng i sire tawe Taku dēdaseng bou Bukē u Taumata Wiahē. Ku su tēngong Amang'Ku ringangu manga malaekat'E Iā sarung mēsahidi u i sire kai tataghuaneng'Ku.

⁶I saim makadingihē e, pēmpēnaungko apang ku ipēlēhenge-tangu Rohkē Susi e suapang jamaatē e!"

Tatanata waugu Filadelfia

⁷"Baugu malaekat'u jamaatē su Filadelfia, bohēko kereini:

Kai ini e tatanatan Sie ku susi ringangu tuhasē. Kai i Sie mangangumbeļ kakunsi ku tētaghuaneng'i Daud; kereu topeēnge, tawēu sarang sēngkatau makakahēping e, ringangu kereu hēpingange, tawēu sarang sēngkatau makatope. ⁸Iā e masingka u apang kēkoateng i kamene. Iā masingka u i kamene tawe tumanje matoghasē; i kamene semben tutuhū tēntiro'Ku ringangu satia si Sia. Baug'i kamene Iā e seng nēno-

pe tukadē sēmbau, ku tawēu sarang sēngkatau makapēhēping. ⁹Pētahēndung ini: I sai-saim maka-koā taumatan setang e, manga tahakontiang ku māmwēu watangenge tau Yahudi e, kaiso kawē waline, sarun Taku koateng sarang i sire mēsuba su tēngonu. Ku i sire sarung makakasingka u Iā e kukēndag'i kamene. ¹⁰Ualingu i kamene semben timuhū parenta'Ku tadeau i kamene pakalaamunuang, Iā e sarung lai manēntanudē si kamene su tempong kasasigēsa humombang su kaguwaū dunia. Hombang ene sarung mariadi waugu ipēmanika patiku umatē su dunia e. ¹¹Iā e ligha dumēnta! Lukadewē^c pakapia apang ku tētaghuaneng i kamene, tadeau tawēu sarang sēngkatau makahampasē bawalarē kaļauntung i kamene su pēsasekē e. ¹²I saim makawata e, sarun Taku koateng kere rihi suralungu Walen Duata'Ku Susi e, ku i sie sarung mētumana sene sarang karēngu e. Arengu Ruata'Ku, ringangu arengu soan Duata'Ku – e Yerusalem buhu ku sarung matēntung bou sorga,

^c diagatewe

wou anun Duata'Ku – sarung Taku bohekan su watangeng e. Kerene lai areng'Ku wuhu e sarung Taku bohekan su watangenge.

13 I saim makadingihē e, pēnaungko apang ku ilēhenge-tangu Rohkē Susi e suapan jamaatē!”

Tatanata waugu Laodikea

14”Baugu malāekat'u jamaatē su Laodikea, boheko kereini:

Kai ini e tatanatan Mawu Amin, Sahidi ku satia ringangu tēngadē, simbulu patiku apan niriadin Mawu Ruata. **15** Iā masingka u apan nikoā i kamene; Iā masingka u i kamene waline-we matēho ringangu waline-we lai matēti. Tuhu hinone i kamene e kai pia u sēmbau bou rarua ene! **16** Kaiso i kamene kai masalumighang; matēti baline, matēho maļaing baline. Kai ualingu ene i kamene sarun Taku i kuē luaēng bou mohong'Ku. **17** Ungkuēng i kamene, 'I kami e kala dingangu taweu tala, i kami e tawe kakawusangu apa.' Arawe i kamene wēga kawe kasigēsā e ringangu enē e makātatalēntu kakakoā i kamene e! I kamene e kai

kasiang, tēntole ringangu wuta **18** Ualingu ene Iā manēgu si kamene tadeau i kamene mēmēlli wuļang bou Iā, mangalene wuļang sahi, tadeau i kamene makala. Pamēlliko lai pakeang mawira wou Iā tadeau i kamene mēpakeang ku mēhēmbung kakakoā i kamene tēntole e ringangu makamamea e. Dingangu pamēlliko lai undang ku buha su matang kamene tadeau i kamene makasilo. **19** Apaeweng i kēkēndagē'Ku e, seng i sire taku sēsasaēng dingangu Taku gēgese-rang. Ualingu ene ute, pētēngkaradingko i kamene ringangu pēmpētobatēko wou kaļawou rosang kamene. **20** Kakēlla! Iā dudarisi su tēngon tukadē ku manengkelē. Kereu pia u makaringihē tingihē'Ku, ku manope tukadē; Iā e sarung sumuē mēsombang i sie, Iā e sarung kumaēng sēngkakaēng dingange ku i sie kumaēng sēngkakaēng dingang'Ku. **21** I sire apan nakawata, sarun Taku ipakawala maiang su kararatuang'Ku sēngkakaiang dingang'Ku, kerewe Iā sēsaku maļaing seng nakawata ku orasē ini e maiang dingang i Amang'Ku su kararatuang'E.

22 I saim makadingihě e, pěmpěnaungko apan ilěhenge-tangu Rohkě u Mawu Ruata e suapan jamaatě!”

Pěnaněmba su sorga

4 Naļiung ene ia saųewe naka-hombang papasilo. Ia e nakasilo tukadě sěmbau su sorga e natope. Bọu ene kinaringihěko ļai pią tingihě naųng seng bọu mēmēmisara si sią kere tingihu napiri. Tingihě ene něbera, ”Endaį e awi soļong ini. Ia e mapasilo si kau apa kų sarung mariadi.”

2 Ia e apidu nilohoěngu Rohkě Susi. Mase ia nakasilo e su sorga e kai pią kararatuang sěmbau, kų pią sěngkatau maįang su kaļai-neng e. **3** Gatine su sěnnang kere paramata Yaspis dingangu paramatan Sardis. Ene piąko rěndipahě sěmbua awa e kamumu něliwung kaderang kararatuang ene.

4 Ene nělikų nělimbolong kaderang kawawantugě ene piąko ļai kaderang kararatuang baļine kaļawoę ruam puļo ěpa su waų e. Sene tangu nikaianengu tēmbo-nange i sire ruam puļo ěpa su

kataune mēmpełěluheng pakeang i sire mawawira ringangu makotane wuļaeng. **5** Bọu kaderang kararatuang ene e naměsi e tualagě měkěkila mase pią e tingihu rěllu męgěgaghalědu. Kų su těngong kararatuang ene e piąko ļai oborě pitumbau kađariko; kų kai ene Rohkě u Mawu Ruata, arěgang pitu. **6** Maļaing kěkaěbakeng su těngong kararatuang ene e pią apa kakěllaěng maųgawę laud’u kasěnaěng, matilang kere galasě.

Kađalikų su kaderang kararatuange, suapan sěndihange, pią diadikang ěpa, kų su těngone ringangu su likude napěpidu mata. **7** Diadikang humotong, kakěllaěng kere singa. Karuane, kere sapi esę. Katěllune pią gatine měsuļungu ghahįu taumata. Arawe kaěpa e, kěllaěng kere manu kamamaresě^d kaťella e. **8** Kaěpaų riadikang ene nahiaų panide pětaha ěnnung, mase napěpidě dingangu su sěhaweng daļunge napene u mata. Ěllo hěbi manga riadikang ene hanesě měkěkantarį tawę ědone,

”Susi, susi, apakususiko
Mawu, Ruata Makawasa;

^d rajawali

kū ene, ringangu seng ene,
dingangu ene sēntiniā.”

⁹ Kaēpau riadikang ene e mēmpēkēkantari u kakantari daralo, adatē dingangu tatarimakasē si Sie kū maiang su kaderang kararatuange, kū kai i Sie kū biahē sarang karēngūe. Kū su orasu manga riadikang ene mēmpēkēkantari, ¹⁰ tangu i sire ruam pulo ēpa mēngangaha e nēmpētēngkasumagē su tēngon tau kūkaiang su kaderang kararatuange, mase nēmpēsuba si Sie kū biahē sarang kakalē e. Bōu ene i sire e nēmpēneledu manga makotan sire e su tēngong kaderang kararatuange ringangu nēbera,

¹¹ ”O Mawu, o Ruatang kami!

Samatang i Kau Mawu e wotonge makatarima u raralo, adatē dingangu kawasa.

U kai i Kau nēndiadi patiku sabarange,

ringangu kai suralungu kapulun’U lai patiku e seng nariadi dingangu nēbiahē.”

Bukē maḍarulung dingangu Ahusu Domba

5 Ené ia nakasilo bukē mada-
rulung sēngkalēpa su līman
Sie kū maiang su kaderang ka-
raratuange. Bukē ene e napenē
u wohē su ruambēka niḥasegelu
segelē pitumbau. ² Mase ia e na-
kasilo malaekatē sēngkatau ma-
toghasē kapēlēluntingihe maiha,
”Kai i sai wotonge mamēka
manga segelē ini ringangu
mēmīngkahē bukē ini?” ³ Kaiso
baē su sorga ore lai su dunia
e, arau manilaing su alungu du-
nia e, tawēu sarang sēngkatau
kū makawīngkahē bukē ini, ri-
ngangu makasilo solong dalunge.
⁴ Tangu ia e mēngkatewe apa li-
mūngkang marehe batu tawē
u sarang sēngkatau relaing bo-
tonge mamingkahē bukē ene, ri-
ngangu makasilo solong dalunge.
⁵ Mase sēngkatau wōu i sire
mēngangahaē nēbera si sia, ”Abe
sangī! Kakēlla! Singa wōu wa-
lag’i Yehuda, palahēnton Daud
masēllahē e, seng nakawata. I sie

wotonge mēmēka segelē pitu e ringangu mēmīngkahē bukē ene.”

⁶Bou ene ia e nakasilo Ahusu Domba sēmbau dudarisi sutaloarang kaderang kararatuange, lēliwungang u riadikang biahē ěpa e ringangu kēbi pangaha ene. Ahusu Domba ene kakēllaēng aļing-kai kere seng bou nipoto. I Sie piā sungene pitu ringangu matane pitu: ku kai rohkē arēgam pitu wou Mawu Ruata ku seng nirolohē soļong kaḡuwau dunia. ⁷Bou ene Ahusu Domba ene e himaung, ku nēngala bukē maḡarulung ene e wou lima koanengu tau maļiang su kaderang kararatuange. ⁸Ene Ahusu Domba e kapēkēkoā e kerene tangu, riadikang biahē ěpa e ringangu manga mēngangaha e i sire ruam puļo ěpa e nēmpētēngkasumage su tēngone. I sire nahiaeng kēcapi lēumbelekan e ringangu wohogē buļang lohone kamania ku kai manga e kakaliomaneng u kawanuan Duata e. ⁹I sire mēmpēkēkantari u kantari buhu sēmbua:

”I Kau e hinone makapēngala bukē ene ringangu makapēmēka manga segele.

Batuu i Kau e kai seng nipate, ringangu kahiang kapapohongu’E,

taumata wou kēbi hēnto,
wou kēbi haghing bera,
nēgara ringangu wansa e,
niwēlliangu waug’u Ruata.

¹⁰ I Kau e seng napakariadin sire sēmbau bansa pamamileēng manga imang, tadeau i sire mētangkiang Duatang kite, dingangu mēparenta su wowon dunia e.”

¹¹ Kuteu ia nakasilo kapia. Ia nakaringihē tingihu maļaekate hiwune ringangu yutane kaļawoē. I sire maḡundarisi mēmpēlēliwung kaderang kararatuang dingangu riadikang biahē ěpa e ringangken manga mēngangaha e. ¹² Ku i sire mēmpēkēkantari u tingih’i sire maļaiha,

”Ahusu Domba ku naung seng nipoto e, su hinone wue makatarima u kawasa, kakakala, kapelesa ringangu katoghasē e; i Sie hinong adateng, bantughang dingangu hanesē daloēng!”

¹³ Mase ia nakaringihě patiku diadikang su langi, su dunia, su aļungu dunia ringangu suraļungu ļaudě – nimbu e patiku diadikang su kaguwaū dunia ini e – mēkēkantari,

”I Sie ku maļiang su kaderang kararatuange, ore Ahusu Domba e,

kai kaļahumpakengu raralo, ringangu adatě, dingangu kawawantugě dingangu kawasa waugu sarang karēngu e!”

¹⁴ Tangu riadikang ěpa e nēm-pěsimbahě, ”Aming!” Ku mēngan-gaha e maļaing nēm-pětēngkasu-magě nēm-pěsuba.

Manga segelě

6 Bōu ene ia nakasilo Ahusu Domba ene nēmēka segelě humotong bōu taļorang segelě pitu e. Mase ia nakaringihě sēmbau bōu riadikang ěpa ene nēberau, ”Mahi e!” Tingihe aļinkai tingihu rēllu. ² Ene ia nēmanda e, kuteū sēngkakakēlla kawe piā kawaļo mawira sēmbau. Sumasakene kai maņgumbeļe papiti,^c ku nighēllirangu makota-

ne sēmbau. Ku i sie rimaļeng mēsulungu tau nakawata tamai manaweng bata e.

³ Bōu ene Ahusu Domba e nēmēka segelě karuane ku ia e nakaringihě diadikang karuane nēbera, ”Mahi e!” ⁴ Mase piāewe kawaļo waļine sēmbau simēbang kapia. Kawaļo ene awa e mahamu. Sumasakene nighēllirangu kawasa iapaņgaļa pēdarame wōu wowon dunia, tadeaū taumata e mēm-pēpapate. Ku i sie nighēllirangu aghide peda masaria.

⁵ Mase Ahusu Domba e nēmēka segelě katēllune. Ku ia e nakaringihě diadikang katēllune nēbera u, ”Mahi e!” Ia nēmanda e, sēngkakakēlla kawe kawaļo mitung sēmbau. Sumasakene maņgumbeļe timbangeng sēmparě. ⁶ Ku ia e nakaringihě piā apa ku daringihang mēsulungu tingihě luēnggo wōu taļorang diadikang ěpa ene. Ungkuēngu tingihě ene e, ”Gētung^f mapia sēliterě e arēgang saghedě su sahēllo, dingangu gētung gahi e waļine tēllung literě e maļaing arēgang saghedě su sahēllo. Kaiso kumbahangbe mēgagholo u manga

^c naēnakeng = busur panah ^f gandum

kalung zaitun dingangu waelu anggorë e!"

⁷Bou ene Ahusu Domba e nēmëka segelë kaëpa e. Ku ia e nakaringihë diadikang kaëpa e nëbera u, "Mahi e!" ⁸Ia e timatingang, katë u sëngkakakëlla e piã kawalo sëmbau gatine wilosë. Sumasakene arenge i Papate. Ku bou likude i sië tëtöleëng i Runiang Papate e marëdu-rëduhë. Ku irëdua e pinëgëlikangu kawasa su kaëpa u rałohon dunia e, tadeau i sire makapëmate lumiung pësasasekë e, lumiung karalunusë, lumiun sahinda dingangu lumiun manga binatang duļu.

⁹Bou ene Ahusu Domba ene nēmëka segelë kalimane. Ene ia nakasilo suaļungu pananëmbaënge piã manga himukudu taumata apan pinate uaļingu i sire mëmpanoghasë tatanatan Duata uaļingu pësasahidin sire. ¹⁰I sire nëkiaen tingihë maiha, "Mawu Kasëllahenge, su si ringangu kahëngang! Delaing kadëngu e, ku i Kau Mawu wuhü e managhupia rałohon dunia ku mëhukung i sire uaļingu

seng nëmate si kami?" ¹¹Sëngkatau-sëngkatau wo'i sire e nighëllirangu lakü e mawira manandu. Mase i sire nipëngiloahë kadodo, sarang seng natimu e manga ringangi sire apan munara sëmbau e ringangu manga anau sëmbau i sire, sarung pateëng kere i sire.

¹²Mase ia nakasilo Ahusu Domba e nēmëka segelë kaënnunge. Tangu nëlinuhe maiha-ihã. Matangëllö nëtëngkai tungke kere heka kasahë, dingangu wuļange nëtëngkahamu kere raha. ¹³Manga wituinge nëngkahondosë bou langi solong bowon dunia mësuļungu wuang ara manganguda nighinggou anging maļaiha. ¹⁴Langi e napua kere karëtasë niruļung ku këbi bawuļurange ringangu tatoarengë nipëbaweho wou ënna e. ¹⁵Mase mararatun dunia e, ringangu masasariane, mawawahanine, mararotong, dingangu mangangawasa, ringangkewelain taumata waļine e, baewe ëllang arau waļine, këbi e mëmpëkëmbuni suraļungu manga liang dingangu su manga këlle u watung buļude. ¹⁶Su manga wuļude ringangu

manga watu e, i sire luēnggo u, "Kaēnsa e si kami! Buniko i kami wou matan Sie ku maḍima⁹ su kaderang kawantugē e, ringangu wou ralangehu Ahusu Domba e. ¹⁷Ēllon gēnggange seng narēnta, ini i sire seng mēngukahu ralangeh'i sire, ku taweu sarang sēngkatau makapētatoḥa su tēngon sire!"

I sire mahasu ēpa u pulo
ēpa u hiwu sukataune wou
kawanuan Israel

7 Bōu ene, ia nakasilo malækatē ēpa u katau ruḍarisi su pungu anging ēpa. I sire mēmpēnēnaghe anging ēpa su dunia e tadeau kumbahangbe piā anging tumiū suruḷunge arau su laudē, arau su manga kakaluang. ²Mase ia nakasilo malækatē baḷine sēngkatau simēpu bōu sēbangengu ḗllo e. I sie mēbēbawa segel'u Mawu Ruata ku biahē e. Dingangu tingihe maiḥa malækatē ene nēkui malækatē ēpa u katau ku seng nakahombang kawasa, wou Ruata baugu i pēnggolang duḷunge arau laudē. ³Malækatē ene nēbera, "Hēdoko wue mēnggolang duḷunge a-

rau laudē arau lai manga kakaluang, kereu i kami e ren tawe nēnēnialan segelē su rēhu u manga mētatangkiang Duatang kite e." ⁴Mase ia nipaulikangu piā taumata i sire 144.000 su kataune nitialaēngu segelē bōu Ruata e su rēhu i sire. I sire ene ute niala bōu kawanuan Israelē bōu hēnton sire mapulo dua; ⁵bōu apang hēnto e niala i sire pētaha 12.000 su kataune. Ku kai wou hēnton: Yehuda, Ruben, Gad, ⁶Asyer, Naftali, Manasye, Simeon, Lewi, Isakhar, ⁷⁻⁸Zebulon, Yusuf, dingangu i Benyamin.

Taumata sēnggapaēng ta
sihinge kakēpaḷe

⁹Bōu ene ia nēmandā e lai, sēngkakakēllane kawē nāung laudu taumata e ku tawē sihinge kakēpaḷe – ku tawē sarang sēngkatau makarekeng kaḷawōe. I sire e kai taumata wou patiku umatē, hēnto wansa arau wera. Pakeang i sire mananandu sēmparesē mawira dingangu kapēnēdene manga kaḷēpang kalum palēm su ḷimane, ku i sire maḷawō ene maḥundarisi tūtātēngo kaderang kawa-

⁹ maiang

6:16: Hos. 10:8, Luk. 23:30 6:17: Yl. 2:11, Mal. 3:2 7:1: Yer. 49:36, Dan 7 2, Za. 6:5 7:3: Yeh. 9:4, 6

wantugē e dingangu tūtātēgo Ahusu Domba e. ¹⁰Mase ringangu tingihe maiha e i sire mēmpēlēnggahu, "Kasasalamat'i kite e rarētane kai wou anun Duatang kite, maian su kadera mawantugē e, dingangu wou Ahusu Domba ene!" ¹¹Kalawou malaekatē e kai nangun mahundarisi mēlēliwung kaderang kawawantugē e ringangu manga tēmbonange ringangkewen diadikang ēpa e. Manga malaekatē e mēngkatewe nēmpētēngkasumagē sutēngong kaderang kawawantugē e, bou e nēsuba Ruata. ¹²I sire nēmpēberang, "Aming! Dalo su Mawu Ruatang kite kasēllahenge ringangu pelesa. I Sie hinong pēdaļemboēngu haghin daralo ringangu pēmamantugē. I Sie kai kawasa, ringangu matoghasē sarang marēngu-dēngu! Aming."

¹³Sēngkatau wou manga tēmbonange ene e nakiwalo si sia, "I sire nēmpēluheng laku e manandu mawira ini e, i sai wue i sire dingangu kai wou apa rarētane?"

¹⁴"Ia bēga wue, tuang! I tuang sēsane masingka," unguēngku.

Tangu i sie nēbera e si sia, "Ini e kai i sire apang seng nasalamatē bou kalawou tatumbiagē gaghaghūwa. I sire seng bou nēmpanguhasē laku i sire niapakawiran dahan Ahusu Domba e. ¹⁵Hakiu ene i sire mahundarisi su tēngong kaderang kawawantugu Ruata e, ringangu mēkēkaliomaneng si Sie baewe ēllo arau hēbi suralungu Walem Mawu. Dingangu i Sie ku maian su kaderang kararatuang'E sarung sumongo ringang i sire mēdeau manēntanudē si sire. ¹⁶I sire semben tawe sau makapēndang mahutung arau marou; matangēllo arau pēdisē maiha e semben tawe makahēngisē si sire, ¹⁷batu Ahusu Domba e ku maian sutaloarang kaderang kawawantugē e sarung makoā mēngangaha i sire. I Sie sarung mēngaha i sire solong simbulu akē u pēbawiahē. Ku Duata e sarung mangēmu kalawou akē u mata wou matan sire."

Segelē kapitune

8 Ene, saraeng Ahusu Domba ene e nēlēkabe segelē kapitune e, tangu mēngkate sēngkianu e

sorga e kiměndi mangawe mēloarang kaorasě dēngu e. ²Mase ia nakasilōe malaekatě, i sire pitung katau maḥundarisī su tēngon Mawu Ruata, ku i sire nighēlirangken napiri pitumbua.

³Sēngkatau malaekatewe waḥline ku maḥalendeng pēnana-wungang dupa wou wuḥaeng, himaung ku dimarisī su tēngon pananēmbaēng. I sie nighēlirangu kamania maḥawo, itakidewe su kakaliomanengu manga kawanan Duata tadeau itawung su pananēmbaēng bou wuḥaēng ēndai su tēngong kaderang kawawantugě e. ⁴Nihindo u kakaliomanengu manga kawanan Duata e, tipung dupa ruḍelli e tuḥiowolě bou limang malaekatě ku duḍarisī su tēngon Mawu Ruata e. ⁵Bou ene malaekatě e nēngaḥa e pananawungange, ku nitahoēngu putung bou pananēmbaēnge, mase nikaese soḥong bowon dunia. Tangu gimalědu e rělu dingangu nēkila mētētatiwalesě, dingangu nēlinuhě.

Manga napiri


⁶Bou ene, i sire pitu manga malaekatě e mēmpangumbele napiri pitu e, nēmpēdariahī e mētiyu napiri.

⁷Malaekatě humotonge nētiyueng napirine, ute sēngkianu e nirasehangu tahiti kompelě, dingangu putung lau u raha soḥong bowon dunia. Sēngkatěllung kapahiakengu dunia e nasue e natutung; kerene lai sēngkatěllung kamonaēngu kakaluang e, dingangu apaewen dēmpugě melong e.

⁸Mase malaekatě karuane nētiyu e napirine, tangu piḥa e apa masaria-saria ku kinasilo kere wuḥude ruḍelli niwahung soḥong laudě. Sēngkatěllung bahageangu laudě e nakoḥa daha, ⁹ku nate e sēngkatěllung kapahiakengu riadikang su laudě; kerene lai nasue e naupu^h sēngkatěllung kapahiakengu manga kapalě e.

¹⁰Bou ene malaekatě katěllune nētiyueng napirine, tangu wituing gěguwa sēmbau, ruḍelli kere utu, nanawo wou ḥangi, ku

^h nupu = musnahlah



Napiri (8:7)

nanawo su sēngkatēllung kapa-
hiakengu manga saļu dingangu
manga simbuļu akē. ¹¹(Arengu
wituing ene ute, i "Mapai".)
Tangu sēngkatēllung bahageange
wou akē e napai, dingangu
u maławo-ławo taumata nairi u
pēnganginung akē mapai ene.

¹²Mase malaekatē kaēpa e
nētiueng napirine. Tangu ki-
napēpele sēngkatēllung ba-
hageange wou matangēllo,
sēngkatēllung bahageange wou
wulang, dingangu sēngkatēllung
bahageange wou manga wituing
hakju niwu e sēngkatēllung ba-
hageange wou toghasu sēnnang i
sire. Kerene lai sēngkatēllung ba-
hageangu ēllo e narēndung, di-
ngangu kerene lai sēngkatēllung
bahageange wou hēbi.

¹³Mase ia nakasilo, tangu ia
e nakaringihē pia manu kama-
maresē sēmbau tūtēlla marange
su winangaeng, kaēnggahe, "Si-
laka! Silaka! Silakaete patiku u-
matē su dunia kereu makaringi-
he malaekatē tatēllu waļine e
nēmpētiu napirin sire sarung!"

9 Bou e malaekatē kalima-
ne nētiueng napirine, ku
ia nakasilo e wituing sēmbau
nanawo wou ļangi soļong bo-
won dunia. Bituing ene nighēli-
rangu kakunsi'u tigaļu'u papate
e. ²Tangu wituing ene e nēle-
kese tigaļu u papate e, ku ti-
pu e simēbangke wou raļunge
kere tipun sunggilē gaghere.
Matangēllo ringangu winangaeng
narēndungen tipu wou tagiaļu

ene. ³Mase wou raḷungu tipu e nahunsēbangke manga kaḷimbotong ku dimēllusē soḷong dunia e. Manga kaḷimbotong ene nighēllirangu kawasa mēsulungu kere nighēllī su manga waku-nang.ⁱ ⁴I sire isēsēding mēmate rēmpugē, arau manga kaka-luang, arau mangaewe sasuang baḷine. I sire kētaeweng botonge tumēmbo taumata su apang dēhu e tawē segele wou Mawu Rua-ta. ⁵Manga Kaḷimbotonge tawe nipakawala mēmate si sire ene, kaiso kētaben pēmēmanti sisi-re gēnnangu ḷima wuḷang. Giadu pananunsarang manga kaḷimbotonge mēsulungu ghiadu kiking bakunang. ⁶Su ghēnnangu ḷima wuḷang ene, i sire mētētawakali sarang mēmpēkate, kaiso i sire mang tawe mēmpēkate; i sire mapulu mate, kaiso papate e kai marau wō'i sire.

⁷Kakakoḷa u kaḷimbotong e maḷihing kawalo ku seng sadia mēmpēseke. Su tēmbo i sire kai piḷa apa kere makota wuḷaeng. Gatin sire mēsulungu ghatin taumata. ⁸Uta i sire mēsulungu uta u manga wawine, ringangu isin sire mēsulungu isin singa.

⁹Sēba i sire nihawengangu apa mangawē laku uase. Tingihu papaniḍ'i sire e mēsulungu tingihu ghapaēngu kareta wēbolēngangu kawalo ku nēmpēngalo suraḷungu pēseketang. ¹⁰Piḷa toḷen sire ringangu piḷa sasipi e kere sasipi u wakunang. Ku su toḷene ene e piḷa toghase ipanunsara taumata su ghēnnangu ḷima wuḷang. ¹¹Piḷa datun sire ku mēpēparenta si sire, ku datu ene ute malaekatē ēndaḷ mētētaluḅ tigaḷu u papate. Arengē su werang Ibrani e Abadon; dingangu su werang Yunani e Apolion (ku mangalene "Mēnggaghoghahē").

¹²Silaka humotonge naḷiḷu e. Bōu ene piḷako ḷai silaka darua humombang.

¹³Tuhu e malaekatē kaēnnunge nētiḷu e napirine. Tangu ia e nakaringihe tingihē nasēbang bōu wukung pananēmbaēng buḷaeng ēpa e su tēngon Mawu Rua-ta. ¹⁴Tingihē ene e nēbera su malaekatē kaēnnunge u, "Lukako malaekatē ēpa kaḷaikī su saḷu u Efrat e!" ¹⁵Ku malaekatē ēpa e niḷaluḷa e. I sire seng niriahi nipētatudē bau-

ⁱ inēngen lipang = Kalajengking

gu orasē, ěllo, wuḷang dingangu taung ipamate sēngkatēllung bahageange wou patiku taumata. ¹⁶Ia e nipaulikangu kakēpaḷu mēsaseke su wowong kawalo e rua hasu su yutane. ¹⁷Ku suralungu papasilo, tinganengku e ute kai manga kawalo ene ringangu manga sumasakene. Manga sumasakene mēmpēlēluhen laku uase awae mahamu saḷa rudēllī biru mēsulungu watung paramata, ringangu maririhē kere malelang. Tēmbou manga kawalo e mēpēpapangawē u tēmbou u singa ringangu wou mohonge sēsēbangengu putung, tipu ringangu malelang. ¹⁸Sēngkatēllung bahageange wou taumata nate ualingu hombang tatēllu e; putung, tipu ringangu malelang ku sūsēbang bou mohongu manga kawalo ene. ¹⁹Katatoghasu manga kawalo ene kai su mohong i sire ringangu su toḷen sire. Toḷen sire e kai mēsulungu tēmpu piā tēmbou e. Ku dingangu toḷen sire tangu kawalo e maḅunsara taumata.

²⁰Kai lēmben taumata apan ta nikapateng hombang ene, tawe lai mēmpēnētangu koā u ḷimang sire hala e. I sire tawe mēmpangēdo mēsuba manga

rohkē dalakisē dingangu manga pakaḷuang bou wuḷaeng, saḷaka arau tambaga, watu ringangu kalu ku tawe makasilo ringangu makaringihē, arau lai makaraleng. ²¹I sire maḷaing tawe mēnētangu kakanoā i sire raḷakisē kere, pēmamate, daghusē, pēsasundaḷē dingangu tako.

Malækatē dingangu bukē duḷunge kadodo

10 Bou e ia nakasilo sēngkatē tau malaekate maḷintoḷ baline limintu bou sorga. I sie maḷahēmbungu winawa ringangu piā dēndipahē sēmbua nēliwung tēmbou e. Gatine sūsēnnang kere matangēllo, ringangu laede kere rihi putung. ²Su ḷimane piā bukē duḷung kadodo maḅawingkahē. Laede koaneng maḷatahida su sasi, arawe kaihi e maḷatahida su ruḷunge. ³Mase i sie nēngēnggahu tingihe maiḷa kere pēmamunggaḷo u manga singa. Sarangken malaekate ene wouten nēluntingihē e ute nisimbahengken dēllu pitum bua ringangu tingihe mēgēgaghalēdu. ⁴Saraeng dēllu pitu ene e nēgaghalēdu, ia mapulu e mamohē, kai ia nakaringihe tingihē bou sorga nēbera,

"Lëmping bue apan niweran dëllu pitu e; kumbahang iwohe!"

⁵Mase malækatë kinasiloku e ruðarisi su laudë dingangu su ruļunge ene, nëhengkë limane koaneng solong langi. ⁶I sie nësalu su arengu Mawu Ruata ku biahë sarang marëngu-dëngu, nëndia-di langi, dunia ringangu laudë dingangu lohone patiku. Malækatë e nëbera, "Tempone e sembeng tawe ikaëdung! ⁷Kai kereu malækatë kapitune e mëniyu napirine, ute Mawu Ruata e sarung mapakasëhu u hingidu rahasiene, kereuwe seng nihabare su manga ëllange, mangæ nabi e."

⁸Bou ene tingihë ku bou taku kinaringihë bou sorga e, nësau kapia nëbera si sia, "Dako e aļa duļungu bukë maþawingkahë pai su limam malækatë ku duðarisi su laudë dingangu su ruļunge ene."

⁹Tangu ia e maļaing natamai solong anun malækatë ene e, ku mëðedorong tadeau i sie mangonggo u bukë duļung kaðodo ene si sia e. I sie nëbera, "Daekeko ku kaëngko ini e. Suraļungu tiangu e i sie sarung mapai, arawe suraļungu mohongu e

i sie marëngang kere ghuļang katiupang."

¹⁰Ia e mëngkai nangala bukë duļung kaðodo ene e wou limane ku taku nikakaëng. Suraļungu mohong tangu temange mang kere temangu guļang katiupang, kai saraeng taku niëllu, tangu suraļungu tiange kai timemang mapai. ¹¹Su samurine ia e niparentaëng, "Bokako lai sësule hengtangu Mawu e mañanun manga umatë e, arau wansa, manga e wera, ringangu manga e mararatu e."

Sahidi ruangkatau

11 Bou ene ia nighëllirangu kalu sëmpeði mangawe tëking sasuka sëmbua, mase nioro u, "Dakoko pëngukurë Baļem Mawu ringangu pananëmbaënge. Dekeneko mënsang kaļawoë taumata nëmpëkaļiomaneng suraļunge. ²Kai abe pëngukurë dëllahë su likudu Waļem Mawu e, batuu tampa ene kai seng nionggõ su taumata apang tawe makakiraļa Mawu. I sire sarung mëndaraļita soa susi e ghënnangu epa u puļo dua su wuļange karëngu e. ³Ia e sarung dumolo-

hu sahidi'Ku e ruangkatau apĕluhem pakeangu mĕlutu, ringangu i sire sarung mamoka u henge-tang'u Mawu Ruata e 1260 su ěllone karĕngu e."

⁴Sahidi rarua ene ute kai kalun zaitun darua, ringangu raĕaedu soĕo rarua su tĕngon Mawung kaguwaŭ dunia e. ⁵Ke-reu piã u manaluĕa si rĕdua apĕkĕkoã dalaki e ute piã putung sumĕbang boŭ mohong i rĕdua e ipaminasa kaĕawoŭ apan duma-roka si rĕdua e. Ualingu kaka-koã kerene ute, patiku taumata apang mĕmpĕndalaŭ si rĕdua e ute sarung ikapate. ⁶I rĕdua e maĕaing piã kawasa waugu mĕhĕping langi e tadeaŭ tawe rumasehĕ karĕnguwen i rĕdua e maŭmoka u hengetangu Mawu Ruata e. I rĕdua e maĕaing piã kawasa waugu kĕbi simbulĕ, ipamaĕui aĕe ipakakoã daha. Dingangu si rĕdua e maĕaing piã kawasa waugu mĕmahang dunia e ringangu haghin sigĕsa, balaewe mĕnsang su tempo sude koateng tuhu kapulun dĕdua e.

⁷Saraeng i rĕdua seng nata-gapi pĕsasahidin dĕdua e tangu,

binatang ku sarung sumĕbang boŭ tigaĕu u papate e sarung dumoka si rĕdua. ⁸Tangu kasuang'i rĕdua e sarung maĕaliwatedĕ sutaloarang daleng mawĕnahĕ su soa ghaghuwa e piã e Mawun dĕdua e niĕagbantong. Sasaling arengu soa ene ute Sodom arau Misirĕ. ⁹Taumata woŭ patiku nĕgara, hĕnto, wera, ringangu wansa e sarung makasilo maiet'i rĕdua e karĕngu u tĕllu ěllo, ringangu tawe mapakawalan manga maietĕ ene ilĕbing. ¹⁰Tumaŕaŭ dunia e sarung mahuluasu kakaten sahidi rarua ene. I sire sarung mĕmpĕsaliwang dingangu mĕmpĕdaringo u kakĕngkunang^j batuŭ nabi rarua ene e seng nakarĕntang haghing papahang su kĕbi taumata su dunia. ¹¹Naliŭen tĕllu ěllo ringangu sĕmpoto, piã e singongong pĕbawiahĕ e woŭ Ruata e, kapia saŭ simuĕ suraĕung'i rĕdua nabi ene. I rĕdua e nĕbangung nahundarisi, hakiu kĕbi taumata e nakasilo si rĕdua e nĕngkataku tawe sihinge. ¹²Ku Boŭ e nabi rarua ene e nakaringihe tingihĕ maiha kukui si rĕdua e woŭ sorga e, "Ĕndai e

^j poroseĕng = hadiah

11:4: Za. 4:3, 11-14 11:6: 1Rat. 17:1, Sas. 7:17-19, 1Sam. 4:8 11:7: Dan. 7:7, Pĕl. 13:5-7, 17:8, Dan. 7:21 11:8: Yes. 1:9-10 11:11: Yeh. 37:10

awı sołong ini!" Mase su tēngōen dumaroka si sire, i rēdua e nētēngkasapuā sołong sorga e, małahēmbungu winawa. ¹³Tangu su tempo ene nēlinuhē kų makatatakų. Kų sēngkapułong kapahiakengu soa ene naopehē, kų pitu hiwu sukataune e nēngkapatēn linuhē ene. I sire lai waline e mangkewen nēngkatakų tawē sihing'e, kų boų e i sire nēdalo kasēllahu Ruata e su sorga.

¹⁴Hombang karuane e seng napaghohē. Kai kakēllako hombang katēllune e selaing małigha makatołe.

Napiri kapitune

¹⁵Boų e, małækatē kapitune nētių e napirine, tangu kinaringihe tingihē małaiha-ihā su sorga mēbēbera, "Kawasa waugu mēparenta dunia e orasē ini kai seng su limang Mawung kite dingangu Ratu Mananalamatē kų ikēkēdon'E. I Sie sarung mēparenta sarang karēngue!" ¹⁶Tangu i sire ruam puło ēpa manga tēmbonange kų maıang su kade-rang kawawantug'i sire su tēngon Mawu Ruata e, nēmpētēngkasu-magē kų nēsuba Ruata. ¹⁷Ungkuēng i sire,

"Mawu, Ruata Limembong Kawasa,
kų ene ringangu seng tēbe ene!

I kami makitarimakasē si Kau,
batųu i Kau seng nangum-bełe kawasan'U masaria,
ringangu seng nanēta e nēparenta!

¹⁸Taumata apang bēgang Mawu e, nēmpēnulu,
u seng tempone i Kau mapasēbangu rałangehu,
ringangu semben tempone i Kau mēhukungu taumata nate.
Seng ini e tempone mēmaławuhu wawalarē saghedē baugu manga ēllang'U manga nabi,
dingangu su kēbi kawanuan'U apang mēmpēkēkaliomaneng si Kau,
matēllang arau rarodo.

Seng ini e tempone mēdeau mapakawinasang apan małinasasa dunia e!"

¹⁹Tangu, Bałem Mawu Ruata su sorga e natope e, kų nikasilō e Peting Pēdariandi e su rałunge. Ene sēngkianų e nēkila

mĕdĕdahenesang, dingangu piã tingihu rĕllu mĕgĕgaghalĕdu dingangu maḃawengesĕ, apidu nĕlinuhĕ dingangu piã tahitine kompelĕ maḃawo.

Tau wawine ringangu naga

12 Ene kinasilo e su ḃangi sĕmbau tanda makadaḃinau tawĕ sihinge. Ku piã e tau wawine sĕngkatau ku matangĕllo e nakoã kere pakeange, arawe rararisikange su wowom buḃang. Su tembõ e piã paporonge wituing mapulo dua. ²Bawine ene mĕbĕbawa kapapia, ku ualingu seng tempone mĕhĕnding, tangu i sie maḃansagu kalikine.

³Mase nakasilo kapia apa makadaḃinau su ḃangi. Piã naga mahamu gĕguwa-guwa sĕmbua ku tembõ e pitu ringangu sungene mapulo. Su apan tembõ e piã makotane pĕsĕmbau. ⁴Dingangu toḃene ipĕmĕmoleng sĕngkatĕllung kapahiakeng bou manga wituing su ḃangi, ku iwĕbahunge soḃong dunia. Naga ene e rimarisu su tĕngon tau wawine ku seng tempone mĕhĕnding e, mĕdeau manelohĕ dariõ e su kawawantele. ⁵Mase tau wawine ene nĕhĕndingken sĕngkatau rario

ese ku sarung mĕparenta patiku umatĕ dingangu tĕking uase. Arawe rario e kai niaho wo tau wawine ene e, ku bou ene nitonda su anun Mawu Ruata su tĕngong kaderang kawawantugĕ e. ⁶Tangu tau wawine ene e timaḃang soḃong banua ta taune, su tampa ku seng nisadian Duatae waug'i sie. Sutampa ene hikinang gĕnnangu 1260 su ĕllone karĕngu e.

⁷Ene su sorga e nariadi e pĕsaseke. I Mikhael dingangu manga malaekatĕ e mĕmpĕsĕseke u naga ene. Naga ene mĕsĕseke-we i siren malaekatĕ ruḃoka si Mikhael. ⁸Kuteu naga e kawe kinawata. I Sie ringangu manga malaekate seng taipakawala sau mĕtana su sorga e. ⁹Naga masaria ene nirĕmme soḃong likude! Seng i sie naung tĕmpu seng maghurang ene e isĕsĕba setang arau rohkĕ daḃakisĕ, ku mĕngĕngakalĕ patiku dunia e. I sie nirĕmme su dunia sĕngkarĕmme dingangu manga malaekate.

¹⁰Mase ia nakaringihe tingihĕ maiha bou sorga e mĕbĕbera, "Seng ini e tempone Mawu Rua-

ta e mēngambang umat'E! Ku orasē ini e Mawu Ruata e nēnode u kawasan'E kere sēngkatau Ratu. Ku orasē ini e Datu Manalamatē ku seng nipēkēdone ene maļaing mēnēnode u kawasane! Batu apang mapēsēsalan manga anaū sēmbau i kite su tēngon Mawu e ēllo hēbi, seng niapasēbang bōu sorga. ¹¹ Manga anaū sēmbau i kite e seng namata u rahan Ahusu Domba e si sie, mase ualingu hengetang kahēngang bōu Ruata e ipēkēkaken sire. I sire sadia mēnarakangu pēbawiah'i sire sarangbe lai mate. ¹² Ualingu ene pahūlūase sorga e ringangu kēbi apan mētētumana suralunge! Kai kaēngkēhang buē rulunge ringangu ļaudē e, batu setange seng limintu solong anung kame ne ku pēdu marasai, u i sie kai masingka u tempone e seng kate lai kadodo."

¹³ Su tempong naga ene nakapēndang u i sie kai seng nirēmme su dunia e, i sie nanēta e nēnahu su tau wawine ku seng nēhēndingu rariō esē ene. ¹⁴ Arawe tau wawine e seng nighēllirangu papanidu kasiahe ghēguwa

duambēka, tadeau i sie tumēla solong katatanakenge su wanua linggi, su tampa u i sie sarung hikinang tēllu taung dingangu mēloara karēngue, ku deng ikaingka bōu tēmbōēngu naga. ¹⁵ Tangu naga e nanokaleng akē maļawo-ļawo bōu mohonge ipētētmona tau wawine e, tadeau i sie iapakaonodē. ¹⁶ Arawe dunia e kawē nētulungu tau wawine e; ku dunia e gimanganga^k ku nanelohē kaļawo akē simēbang bōu mohongu naga e. ¹⁷ Naga ene nēbawaluang marehe su tau wawine e, hakiu i sie mēngkatewe tamai nangalo hitene waline wōu tau wawine ene, ku patikuwe apang mararingihē su hengetangu Mawu Ruata e, dingangu apaweng mēmpēsēsahiding Mawu Yesus dingangu kawasane. ¹⁸ Mase naga ene rimarisi su apeng.

Binatang darua

13 Bōu e ia nakasilo pia binatang sēmbau ēndai simēpu bōu raļungu sasi. I sie pia sungene mapulo ringangu tēmbō e pitu. Suapan sunegne nahia u makotane, dingangu suapan tēmbō e niwohekangu a-

^k nēhengē mohonge = membuka mulut

reng sēmbau sasamedē su Mawu Ruata. ²Binatang kū takū kinasilo ene luhude mēpēpapangawē gahū masang kambalō, laede kere laedu bēruang, dingangu sasimūe kere sasimū u singa. Mase binatang ene nionggolangu naga e kuate sēsane ringangu kaderang kawawantuge, ringangu kawasane masēllahē. ³Sēmbau bou binatang tēmbōe pitu ene kakēllaēng kere piā lese e gēguwa-guwa, kaiso sembeng naule. Kaguwau dunia e mēngkate rūdalinau apidu kapahuntolene binatang ene. ⁴Kū i sire mēmpēsēsuba su naga ene batu i sie seng nēgēllū kawasane su binatang ene. Kū i sire maļaing mēmpēsēsuba binatang ene. Ungkuēng i sire, "Tawē apa kū mēsulungu binatang ini! Tawē makatoḥa mēseke dumoka si sie!"

⁵Binatang ene mēngkate niwala mohonge mēbēbera wawera maļaotoḥē dingangu manungkeang Mawu. I sie niapakawala mēparenta karēngu u ēpa u puļo dua su wulange karēngu e. ⁶Mase i sie nanēta e nēhinakang Duata dingangu maņalamā arengu Ruata. Kerene lai tampa katatanakengu Mawu Ruata, dingangu

patiku apaeweng tumanau soroga e nasuen tungkeange. ⁷I sie maļaing niapakawala rumoka kawanuan Duata kū apamata si sire. Dingangu mēkawasa su wowom patiku hēnto, wansa, ringangu wera, ringangu umatē kū seng nisarakang si sie. ⁸Binatang ene sarung subaēngu patiku taumata apang mēbēbiahē su wowon dunia, tabeāu ketewe taumata apang arenge seng kaḍarolē kaļamonan dunia niriadi e, suralungu bukē u taumata wiahē tētaghuanengu Ahusu Domba e kū seng bou pinoto.

⁹Ualingu ene, kereu i kamene makakoā dumaringihē, u te pēmpēdaringihēko habarē ini: ¹⁰"Taumata kū hinong itaweng, mang sarung tawengang. Dingangu taumata kū hinong pateēngu papilī, mang sarung pateēng pilikang. Kai ualingu ene hakū kawanuan Duata e hinon mēdararagē dingangu satia."

¹¹Mase ia nakasilo binatang sēmbau baļine simēpu bou ralungu dunia. Piā sungene raru mēsulungu sungen anaū domba. Tingihe mēsulungu tingihu naga. ¹²Su tēngon binatang hu-

motong ene i sie mĕpĕpake u kawasa masaria maļaing kina-nombangenge wou binatang ene. Kaguwa dunia ringangu patiku mĕtatumanā e, sĕsihasaengu harusĕ mĕmpĕsuba binatang humotong, ku hempange seng napia. ¹³ Binatang karuane e nĕkoā e manga haļĕ maķadalinau gaghuwa. Su tĕngong kĕbi taumata e i sie napakanawoēn putung bou langi soļong dunia e. ¹⁴ Ku kĕbi taumata apang mĕmpĕbĕbiahĕ su wowon dunia e lĕkaļengu manga karalinau ku kĕkoatenge su tĕngon binatang humotonge. Ku i sire kĕbi e niorone apĕdĕndarisu u tuļadang binatang sĕmbau ku seng bou nilesĕ u warā e, katewe mang tĕbe wiahĕ. ¹⁵ Binatang karuane ene niapakawala mapĕbiahu tuļada e, hakiu tuļada ene wotonge mĕbisara ringangu mamate kĕbi taumata apan tawe mapulu mĕmpĕsuba si sie. ¹⁶ Kĕbi taumata e, baĕ gaghuwa arau rarodo, kaļa dingangu kasiang, ĕllang arau kawanua, isĕsihasan binatang ene mĕdeau pĕnĕnarima u tatiala su ļimang sire koaneng arau su rĕhu i sire. ¹⁷ Tawĕ sarang sĕngkatau makapĕmĕlli arau makapĕbaļu u apa-apa, kereu i sie tawĕ tatialane; mangalene arengu

binatang ene hala e, arau rekenangu arenge.

¹⁸ Sini e hinong piā katatahuĕnna. I saing ku matahuĕnna ute makarekeng mangaleng dekenangu binatang ene batuu rekenang ene kai arengu taumata sĕngkatau. Dekenange tangu kai 666.

Anau Domba ringangu kawanuane

14 Bou e ia nakasilo, ku sĕngkakakĕlla Ahusu Domba e ruđarisu su wowom bulud'u Sion. Dingange piā i sire 144.000 su kataune ku su apan dĕhu i sire e maĕawohe areng'E ringangu areng'i Amang'E. ² Mase ia nakaringihe tingihĕ bou ļangi kere ghaļĕgehu aķe u tĕdunang gaghuwa dingangu kere gaļĕdu u rĕllu maiha-ihā. Tingihĕ ene ikĕkaringihĕ kere tingihu kĕcapi kĕkobikangu manga mĕnalange. ³ Su tĕngong kaderang kawawantugĕ dingangu riadikang ĕpa e ore manga mananĕmbonange mĕmpĕlĕliku kadera e, i sire 144.000 su kataune e mĕķkantari u kantari buhu sĕmbua. Kantari ene tawe ikaĕndung i sai waļine, su ļikudu i sire 144.000 su kataune e ku seng niapa-

kalıwirę bõu dunia e. ⁴I sire ene kai apang kũ ta tura e, męsulungu parawang, batu ta we nęmpęnenenggehę manga wawine. I sire maħuntõlewe Ahusu Domba e balawewę sołong apa ralengange. Bõu kalawõu patiku umatę e, i sire ene seng niapakalıwirę kere sasęmba kahumotongange su tęngon Duata ringangu su Ahusu Domba e. ⁵Tawe nęmpękękonti i sire; dingangu tawę sęngkułę sarang kađođo si sire.

Malawekatę tatęllu

⁶Mase ia nakasilo malawekatę baline sęngkatau tutęlla marangę su langi. Malawekatę ene e nęhabaru Injilę kakalę e mędeawu i habarę su taumata su dunia e wangu patiku umatę, hęnto, wera ringangu wanua. ⁷Malawekatę ene maħomang dingangu tingihe maiħa u, "Kęngkatakubeng Mawu Ruata, ringangu pędaloko kasęllah'E. Batu seng tempone Mawu Ruata e męħukungu taumata e. Pęmpęsubako si Sie kũ nęndiadi langi, dunia, laudę dingangu patiku simbułũ ake!"

⁸Malawekatę karuane e nakatõle malawekatę humotong

kapęberane, "Seng nawatang! Soan Babelę masaria e seng nawatang! I Sie seng nakakiwukang kębi umatę e ringangu ake u anggor'u abuling pęsasundał'e!"

⁹Malawekatewę katęllune nakatõle malawekatę darua e, kapamokaen tingihe maiħa, "Taumata apang kũ manęmba binatang e ringangu tuladane, dingangu piħ tatialan binatang ene su ręħu dingangu su limane, ¹⁰taumata ene sarung manginung anggoru Ruata, mangalene anggoru ralangehe kũ seng niralung suralungu lainumange, ta goło e sarang kađođo! I sire kębi ene sarung sigęsakeng suralungu putung dingangu malelang su tęngon manga malawekatę susi dingangu su tęngon Ahusu Domba e. ¹¹Tipun putung kũ manigęsa si sire ene sarung hanesę tutiowõłę sarang karęngu e. Ęllo hębi tawę potõ e i sire mapahang mangalene i sire apang kũ męmpęsęsuba binatang ene ringangu tuladane, kębi taumata kũ piħ tatialane arengu binatang ene."

¹²Suralungu kakakoħ ini, kawanuan Duata kũ mararingihę su kębi hengetangu Ruata ringang-

u satia su Mawu Yesus, hinong pakakakēdang.

¹³ Mase ia nakaringihe tingihē bōu sorga nēbera u, "Boheko ini: Manēta bōu orasē ini, kariangka-mang taumata nate, ku mētate tēntalang kapētangkiange Mawu e!"

"Kahēngang!" unguēngu Rohkē u Mawu e. "I sire sarungbe mangēdo wōu mēhalē mawēha, batūu pulisu pētatangkiang i sire sarung dumēndingang si sire."

Dunia e nipēnsa

¹⁴ Bōu e ia timatingang, tangu sēngkakakēlla e kai piā binawa mawira. Su wowom binawa ene piā sēngkatau māiang kakēllaēng māngawē taumata. Su tēmbō'E piā makotane wūlaeng, dingangu su liman'E piā bawēbase mahoro. ¹⁵ Bōu e malāekatē sēngkatau waline nasēbang bōu raḷungu Walem Mawu. Dingangu tingihe maiha, i sie nangoro su tau māiang su wowon binawa ene. "Bēbaseng gaghambesu e ku pēnsa e, batūu kai seng tempone mamēnsa; dunia e seng maghurang, hakiu sembeng bo-

tonge pēnsakeng!" ¹⁶ Tangu i anu kūkaiang su wowon binawa e nangambesu laambes'E su dunia e, tangu dunia e napēnsa.

¹⁷ Bōu ene i sie nakasilō e malāekatē baline sēngkatau simēbang bōu raḷungu Walem Mawu su sorga. I Sie mālaing nangumbeḷe laambesē mahoro sēmbua.

¹⁸ Bōu ene, malāekatē baline sēngkatau e ku piā kawasane su putunge, rimēnta e wōu pananēmbaēnge. Ku dingangkan tingihe maiha, i sie nēngoro e malāekatē mēngēngumpaede laambesē ene mahoro e angkuēng: "Bēbaseng laambesu e ringangu hēsā e manga uang kalung anggorē e wōu pungene su dunia e, u manga wuane e seng masasasa!"

¹⁹ Tangu malāekatē ene mēngkate nēngambesu laambese su dunia e ku nēhēsā manga uang anggorē e wōu kalune, bōu ene niwahungke soḷong tampa u papēhasengu¹ anggoru raḷangehu Ruata ku susahoka e. ²⁰ Manga uang anggorē ene nipēha sulikudu soa, ku bōu papēhaseng u anggorē e tangu piāe raha nelehē ku ke-re laelehu saḷu, karaune ute tēllu

¹ pēmamēhaēng arau pēmamēsukang

hasu su kilometere, ringangu ka-
raļunge maraning dua meterē.

**Malækatē dingangu
hombang pēngēsueēnge**

15 Bōu ene iā nakasilo su
laņģi piā tanda maķa-
herang tawē sihinge kasēllahe.
Tangu piā malækatē pitung ka-
tau ringangu papahang kasamu-
riange kū pitu haghine. Kū seng
ini e pangēsueēngu tatompe u
raļangehu Mawu Ruata e.

²Mase iā nakasilo apa
kū kakēllaēng mēsulungu laudē
kasēnaēng nēdaļau u putung. Iā
e maļaing nakasilo si sire apan
seng nakawata binatang e ri-
ngangu tuļadane, ringangu naka-
wata taumata apang arenge ni-
tialaēngu rekenang. I sire apan
nakawata ene ruðarisi su wiwi-
hu laudu kaca, kaþangumbele e
kēcapi nionggou Mawu Ruata e
si sire. ³Kū i sire nēmpēkan-
tarieng kakantari i Musa ēllangu
Mawu e, ringangu kakantari u
Ahusu Domba e. Bawerane kerei-
ni,

”Mawu, Ruata Limembong
Kawasa,

apa e kasēllahe dingangu
maķadalinau munaran’U!
Datung patiku umatē,
apa e kaadilē dingangu
katēngadē kaļawou
kakanoa e!

⁴ I Sai tangū tawe matataku i
Kau, Mawu?

I sai tangū tawe mapulu
mēhabar’u Kasēllahe’U e?
I Kau sēsanu e susi.

Kalawou umatē e sarung
mahundēnta mēsuba si Kau
uaļing’u kaļawou
kakanoa’U adilē
seng kinasilong kēbi
taumata.”

⁵Bōu ene iā e nakasilo
tenta^m pētētēngkaļahēkangu Ma-
wu e natope, ringangu Ten-
ta’m Mawu e ene suraļunge.
⁶Mase malækatē pitu e nēbawa
e hombang pitu ene simēbang
bōu raļungu Waļen Duata e. Pa-
keang i sire e wou heķa leneng
burēsi maļenda. Dingangu i si-
re kai mēpēpapēgongu papēgong
buļaeng su rokon sire. ⁷Bōu e-
ne sēmbau bōu riadikang ēpa e-
ne e nēngonggou bokorē buļaeng
pitum bau si sire malækatē pi-

^m selc

tu e napene u lohon dalangehu Mawu Ruata e, – Duata e ku biahē sarang marēngu-dēngu. ⁸Tangu Balen Duata e, napeneen tipung kawawantugē dingangu kawang Mawu Ruata. Ku karēnguweng hombang pitu e niwawan sire malækatē pitu e wēdang tawe napaghohē e, taweu sarang sēngkatau ku makasue suralungu Walen Duata e.

Kakakoau ralangehu Mawu Ruata e

16 Mase ia nakaringihe tingihē maiha bou ralungu Walen Duata e mēbēbera su Malækatē pitu e, "Dakoe ringangu woso e ralohon bokoru" ralangehu Mawu Ruata e, su dunia!"

²Malækatē humotong tangu rimalengke ku nēmosoen daloho'm bokor'e ene su dunia. Tangu nilētoengkem bisulē gaghuwa dingangu maghaghiadē su kēbi taumata apang ku piā tatialam binatang e, ringangu taumata apam mēmpēnēnēmba tuladane.

³Bou ene malækatē karuane nēmosoen dalohong bokorē su laudē. Tangu sasi e maļaing nēbalui nakoā kere rahan taumata nate, ku nēngkapatē e patiku diadikang apam mēbēbiahē su laudē.

⁴Bou ene malækatē katellune e nēmosoen dalohong bokorē su manga salu dingangu manga simbulu akē, hakju kēbi manga akene e nakoā daha. ⁵Ia nakaringihē malækatē mēngangawasa akē e nēbera, "Hukumang ku seng nipaponesu e, mambeng su kaadilē, Mawu Kasusiange, Duata ku ene, ringangu seng tēbe ene! ⁶I sire seng napatēdou rahang umatu Mawu e ringangu raham manga nabi; ku orasē ini e i kau e seng napēnginung i sire raha. Ku mambeng hinone kerene e waug'i sire e!" ⁷Mase ia nakaringihē tingihē bou pananēmbaēnge nēbera, "Mawu, Ruata Makawasa, kahēngang dingangu maadilē manga putusang ninawonu e!"

⁸Bou ene malækatē kaēpa e nēmosoen daloho'm bokor'e su matangello, tangu matangello e

ⁿ tilibē

maļaing niapakawala mēhēngisē taumata ringangu lēhabe tawē sihinge ene. ⁹Taumata e nahēngisu tētje maļuwahang e, dingangu i sire mēmpēngēngane arengu Ruata, ku kawasa su wowom patiku haghing papahang ene. Manilaing seng kerene, i sire mang tawe mapulu mētobatē bōu manga rosan sire, ringangu tawe mapulu mēdalo kasēllahu Ruata.

¹⁰Mase maļaekatē kaļimane e nēmosōen daļoho'm bokor'e soļon tampa kaļaianengu binatang ene. Tangu kasēllahu kararatuangu binatang ene, narēndungke, hakju taumata e nēmpangiki e lilan sire e kahian katēdūe. ¹¹Bōu ene i sire nēmpangane Mawu Ruata su sorga kahian katēdūe ringangu kahian manga wisul'i sire. Kaiso i sire maļaing tawe mēmpētobatē bōu kaļawōu kakanoa i sire ralaķisē e.

¹²Bōu ene maļaekatē kaēnunge nēmosōen daļoho'm bokor'e su saļu u Efrat gēguwa ene. Tangu saļu ene naļesa e hakju manga ratu wōu sēmbēkang daki e, nakaraļeng bōu e. ¹³Mase ia nakasilo rohkē daļakisē tatēllu kere luhudu tumpa-

heā.^o Sēmbau-sēmbau tumpaheā e sūsēbang bōu mohongu naga, bōu mohongu binatang, dingangu wōu mohongu mahang nabi. ¹⁴I sire ene ute kai manga rohkē daļaki ku mēmpēķēkoā karali-naū. Rohkē tatēllu ene nēngka-koā soļong anung kaļawōu ratu su kaļuwau dunia ringangu nēmpēngomol'i sire e mēdeau mēseķe su Ēllo masēllahē, mangalene Ēllon Duata Liungkawasa e.

¹⁵"Pēdaringihēko! Ia e kai rumēnta kere tahatako! Kariangkamang i sain mēļlukadē dingangu mēsēsēmpj pakeange, hakju i sie tawe rumaleng tēntole ringangu ipakamea su tēngon lawō."

¹⁶Bōu e manga rohkē ene napētampungu mararatu e su tampa ku su werang Ibrani e isēsēba Harmagedon.

¹⁷Bōu ene maļaekatē kapitune e nēmosōeng bokore soļong kinoaēng. Tangu kinaringihe tingihē maiha bōu kađerang Kawantugē e su Walen Duata, ku nēbera, "Seng naghanapē!" ¹⁸Mase piā e kiļā

^o tumpepa = katak

mēdēdahenesang dingangu tingi-
hu rēllu mēgēgaghalēdu di-
ngangu ghūgalēgehē, apidu nēli-
nuhē kū makātataku. Bēdawen
ta nēlēlinuhē kerene kaiha e do-
keng su pēndariadi taumata e.
Seng ini e linuhē kū lembom
makātataku! ¹⁹ Soa ghēguwa ene
nābēka napahia tatēllu, ringang-
u naghoghahē kēbi soa su ka-
guwa dunia. Tangu Mawu Rua-
ta e nakatahēndungke soan Babel
gēguwaē. Tangu Mawu Ruata e
napēnginung i sie anggorē bou
bokoru anggor'u Mawu – kū kai
anggoru ralangeh'E kū mēkēka-
kalulu e. ²⁰ Patiku tahanusa e
mēngkaparung dingangu patiku
bulude maļaing masue miwu.
²¹ Tahiting eisē gaghaghuwa, kū
bēha e pētaha limampulo su kilo-
ne, mahondosē bou ļangi miļhino
su kēbi taumata. Tangu i sire
mēmpēngēngane Mawu Ruata e,
uļingu papahang u tahiti eisē kū
makātataku ene.

Tahasundaļē gēguwa

17 Bou e sēngkatau wou
taļorang malāekatē pi-
tu maņgumpaedē bokorē pitu
e himaung su anuku ringang-

u nēbera, "Boete, ia e sa-
rung mēnode si kau kereapa ta-
hapēsundaļē gēguwa ēndai e sa-
rung ihukung, mangalene soa
ghēguwa ēndai e kū nipēti su
rēduhu manga saļu. ² Mararatun
dunia e nēmpēsundaļē dingange,
kū daļohon dunia e nēngkiwu-
kang uļingu nēmpanginung ang-
goru pēsasundaļē!"

³ Mase Rohkē Susi e limohō e
su watangengku, kū malāekatē e
nēbawa si Sia soļong kēhu ļinggi.
Paise ia nakasilo tau wawine
sēngkatau maļiang su wowom bi-
natang sēmbau awae mahamu
maghurang, kū napēpidu wohē u
areng u tatongkeang su Mawu
Ruata. Binatang ene e tēmbōe
pitu ringangu sungene mapulo.
⁴ Tau wawine ene nēluhen lakū e
kamumu dingangu mahamu ma-
ghurang, mase lai niļēgaheng u
manga raļēgahē buļang, para-
mata, ringangu mutiara. Lima-
ne ipēlēhēgo lainumang buļang
sēmbēka napenē u katatingkai
dingangu karalamuhū, uļing
pēsasasundaļē. ⁵ Su rēhu e piā
kaḅawohē areng sēmbau kū
mangalene ute kai rahasia. A-
reng ene ute, "Babel Masēllahē,

16:19: Yes. 51:17 16:20: Pēl. 6:14 16:21: Sas. 9:23, Pēl. 11:19

17:1: Yer. 51:13 17:2: Yes. 23:17, Yer. 51:7 17:3: Pēl. 13:1 17:4: Yer. 51:7

inangu kēbi apan tahapēsundalē dingangu taumata apan daļakisē su dunia.” ⁶Mase iā nakasilo tau wawine ene niwukangu rahan taumata nipate ualingu masatia su Mawu Yesus.

Piā e iā nakasilo wawine ene, iā e mēngkawe naherang-herang. ⁷Tangu maļakatē e nēhengetang si siā, ”Kai unūe nakaherang si kau? Mapiawe iā mēhabarē si kau rahasian bawine ene ringangu rahasiam binatang sēsakeēnge, kū tēmbō e pitu ringangu sungene mapuļo. ⁸Binatang ene kangerē naungbe wou nēbiahē, arawe orasē ini e sen tawe saū mēbiahē kapia. I sie tawe mararēna e sarung sumēpu bou taģiaļu u papate, kū sarung maķoā soļong kawawinasa. Taumata apang mēmpēbēbiahē su dunia, kū arenge tawe nikarolē suraļungu Bukē u Taumata Wiahē, kaļamonang dunia e ren tawe niđiadi sarung dumalīnaū kereu makasilo binatang ene. Batūu binatang ene naung kangerē e reng bou nēbiahē. Arawe orasē ini e seng tawe saū mēbiahē, kapia kaiso i sie saūbe sumēpu kapia.

⁹Ualingu ene ute kai hinong piā kapelesa ringangu kata-

tahuēna. Kū tēmbō pitu e ute kai wuļude pitu; kū kai manga wuļude kēkaianengu tau wawine ene. Ringangu tēmbō pitu ene ute maļaing mēļlahēu Ratu i sire pitung katau: ¹⁰kū liņang katau wou taļoaran sire e seng nēngkawatang, arawe sēngkatau ute wēdangben tawe nađenta. ¹¹Kū binatang kangerē naung mēbēbiahē, arawe orasē ini seng tawe nēbiahē, ute kai ratu kauaļune. I sie ute maļaing sēngkatau wou ratu i sire pitu e, kū orasē ini e mētētmona kawawinasa.

¹²Sunge mapuļo kū kinasilonu e ute kai ratu mapuļo kū bēdang ta nēnēta nēmpēparenta. Kaiso i sire sarungbe iapakawala mēparenta kere sēngkatau ratu sēngkapēparenta ringangu binatang ene sēngkaorasē karēngue. ¹³Tēģaļu ratu mapuļo ini e kēbi naung piā timonan e mēsulung; i sire kēbi e kai maņarakangu katoghasē dingangu kawasan sire su binatang e. ¹⁴I sire kai sarung mēseķe dumoka Ahusu Domba e, Kaiso Ahusu Domba ringangu tumatolene masasatia e kū seng nikuiang'E ringangu pinilen'E e sarung mamata manga ratu e,

batu kai i Sie Mawung kēbi manga mawu, dingangu Ratung kēbi mararatu e.”

¹⁵ Malækatě ene maļaing nēbera, ”Ake naung kinasilonu e, pia kēkaiianengu wawine tahapēsundaļē, ute kai manga umatě, kawanua, ringangu wansa, ringangu manga haghing bera. ¹⁶ Sunge mapuļo kinasilonu e ringangu binatang e, i sire kai sarung mēmpēbinsiū taha pēsundaļē ene. I sire sarung mēmpangaho kēbi apang tētaghuanenge, ringangu mapakatētolen sie. I sire sarung mahungkiņa gēsine ringangu maminasang putung si sie. ¹⁷ Batu Mawu Ruata e seng nangaņa naung i sire baugu mēmpēndalēngu antagu munaran Duata. Mawu Ruata e seng napēsēngkanaung i sire tadeau manarakangu pēngangawasang sire su binatang ene, tadeau binatang ene mēparenta saraweng karariading apang ku nipēhenge tang u Mawu Ruata.

¹⁸ Bawine ku kinasilonu e ute kai soa ghēguwa, ku mēpēparenta mararatu e su dunia.”

Kananawong Babelē e

18 Bōu e iā nakasilo malækatě baļine sēngkatau limintu bōu sorga. I sie pia kwasane masaria, ku nēngga u sasombo e nakatualagě kasēllahu dunia. ² Dingangu tingihe maiha, i sie nēluntingihě u, ”Ene ku nanawo^p Babel gēguwa ene seng nanawo! Ku orasě inie seng nakoņa pēbawaesangu manga setang dingangu manga rohkě dalaki. Suraļunge seng pēbēbiahengu manga haghing manu makadarēnting dingangu ikēkawēnsingu taumata. ³ Batu patiku umatě e seng nēmpangingung angoru igalu pēsasundaļē. Mararatun dunia e nēmpēsundaļē dingange, ringangu maļahumbaļu su dunia e nēngkakaļa u abuļin sire ku taikakakēdange.”

⁴ Mase iā nakaringihěko tingihě baļine wou sorga nēluntingihě u,

”Sēbangko i kamene manga umatě’Ku e wou raļunge!

I kamene abe pēmpētēno kaļawou rosane,

^p naopehě

18:2: Yes. 21:9, Yer. 51:8, Pēl. 14:8, Yes. 13:21, Yer. 50:39 18:3: Yes. 23:17, Yer. 51:7 18:4: Yes. 48:20, Yer. 50:8, 51:6, 45

madiringu mahukung
sēngkakahukung dingange!

- 5 U rosane e kai seng
nēbawilowoi⁹ sarang langi,
kū Mawu Ruata e
mētahēndung patikū
pēsasalane.
- 6 Kū pēmpēkoā e si sie kerēwe
naung i sie niēbā i kamene;
balisē e ruan sulē si sie
waugu kēbī apang kinoā e.
Lohoingkōn inumang lainu-
mange, kū duansulē limem-
bong katoghase wōu inumang
kū seng nisadiane waug'i
kamene.
- 7 Gēlirengkōn sigēsā dingangu
susanaung i sie
kū kakēpalēweng kasasaria
ringangu kakakalā e kū
seng nigaghēlli e su
watangenge sēsane.
U i sie mēngkatewe hanesē
mēbēbera suralungu naunge,
'Iā ini e kai ratu wawine kū
mēpēparenta!
Iā ini e walineuwe walū;
iā tawe sarung
hombangengu kasasusa!
- 8 Kai ualingu halē ene, tangu
kētaeng gēnnangu sahēllo i
sie sarung hombangengu

sahinda, susanaung,
dingangu karalunusē.

Kū i sie sarung ipakahēngisu
putung,
u kai makawasa Mawu
Ruata kū mēhukung i sie
e."


⁹ Mararatun dunia e apan
tūtōlē lulun pēsasundalē dingang-
u idalū wawine ene sarung ma-
hungkiā dingangu mahunsangi u
soa ene kereu i sire makasilo tipu
mēdēdalīwuwung bōu putung kū
nēhēngisē si sie. ¹⁰ I sire sarung
dumarisi bōu maraune, batu
maḍiring masigēsā dingang. I si-
re nēmpēbera, "Pirua, sigēsabe
kasaria su soa kū timeleng ini –
soan Babelē matoghasē! Kētaeng
suralungu sēngkaorasē hukumang
si kau e seng niaparaleng!"

¹¹ Kalawōu manga maḷahum-
balū su dunia e maḷaing maḷung-
kiā dingangu lūlahunsusa ualingu
wawine ene, u seng tā u sarang
sēngkatau lai deng mēmpēmēlli
manga apalīwū iwēbalū i sire.
¹² Tawēu mēmpamēlli wūlaeng,
salaka, paramata, ringangu mu-
tiaran sire e, dingangu lai hekā
leneng, hekā kamumū, sutera,
ringangu hekā awāe mahamū ma-

⁹ bertimbun-timbun

18:5: Pēnd. 18:20-21, Yer. 51:9 18:6: Mzm. 137:8, Yer. 50:29

18:7-8: Yes. 47:7-9 18:9-10: Yeh. 26:16-17 18:11: Yeh. 27:31, 36



Apaliwū baļu (18:11)

hunggurang; kaļawou haghing kalu kų mahali kaēbakeng, apaliwū nikoā bōu sunge ringangu wou kalu maralēgadē, bōu witu, uase, ringangu marmarē; ¹³pising kalu manisē manga rampa, haghin bēngi, mur dingangu kamania; angorē dingangu lana, tapoēng dingangu ghētung, sapi ringangu domba, kawalo ringangu kareta, manga ēllang sarawelaing himukudu taumata. ¹⁴Manga malahumbaļu e nēmpēbera su manga wawine ene, u "Patiku apam mapulu taghuanengu e seng nasue tādise, dingangu patiku kakakala dingangu karalepatu e seng nasue

niwu. I kau e semben tawe makareā kapia!" ¹⁵Manga malahumbaļu e seng nēngkakala ualingu mahumbaļu su soa ene kų sarung mahundarisi bōu maraune, u i sire kai matakų u kahinoēngu sigēsā e. I sire sarung mēmpahungkiā, dingangu mēmpēlutu, ¹⁶mase mēbera unguēng: "Pirua, sigēsabe kasaria su soa time leng ini e! Tiniā i sie mēlēluheng pakeange leneng, heka kamumu dingangu heka ļaka mahunggurang; tiniā i sie mapenēu ralēgahē wuļāeng, paramata ringangu mutiara! ¹⁷Kaiso samatang suraļungu sēngkaorasē dēngue,

i sie seng kinailangengu patiku kakakala e ene!"

Kēbi nakoda, mananumpang, dingangu sasakene, saraweng kēbi taumata ku hambake su laudē, maħundariši bōu maraune. ¹⁸Ku mēmpamansagē su tempong i sire nakasilo tipu tūtiwua bōu putung ku nēhēngisē soa ene. I sire mēmpēlēnggahē u, "Bēdaweng tā apa soa waline kere soa ghēguwa ini!" ¹⁹Tangu i sire nēmpēnawuheng awulē su tēmbō i sire, kere tatiala u i sire nēmpēlutu, mase nēmpēsangi dingangu maħunggungui u, "Pirua, sigēsabe kasaria su soa ghēguwa ini! Kakakala e seng nakakariading kēbi taumata apang maħaghuang kapaļu laudē e nēngkakala! Kaiso kētaeng suraļu sēngkaorasē, i sie seng kinailangengu patiku sabarang e!"

²⁰Ei sorga, Pēmpahūlasēkong kaghaghologu soa ene! Ei kawanuan Duata, manga rarohang, dingangu manga nabī, pēmpahūlasē! Batū Mawu Ruata e seng nēhukung i sie ke-

re wawalisē su apang ku kinoa e waug'i kamene!

²¹Bōu ene, malaekatē sēngkatau malintoī e nēnapua e watu sēmbau – sariane kere wutung papēhaseng gaghuwa – mase niwahunge solong laudē apidu nēbera, "Kai kerei kakakoā e soam Babelē ku timeleng e sarung bahungange pakaiha saraweng tawe sarung ipēsombang kapia. ²²Tingihu musikē u mēngangobi kēcapi, bōu mēkakantari, bōu mēnananiū suling" dingangu wōu mēnaniū nāpiri e, semben tawe sarung ikaringihē kapia suraļu! Tawe sarung makaēba mēlahalē peleesa sarang sēngkatau sene, dingangu tingihu watum papēhasenge tawe sarung ikaringihē kapia. ²³Taumata e tawe sarung saū makasilo lēhangu solo suraļu; dingangu tawe sarung lai makaringihē dameng saliwangu mēkakawing sene. Manga malahumbaļu u e kai i sire apang matatoboi su dunia e, ringangu kahian daghusu e

* mēbawansi

18:17: Yes. 23:14, Yeh. 27:26-30 18:18: Yeh. 27:32 18:19: Yeh. 27:30-34

18:20: Pang. 32:43, Yer. 51:48 18:21: Yer. 51:63-64, Yeh. 26:21

18:22: Yeh. 26:13, Yes. 24:8 18:22-23: Yer. 7:34, 25:10 18:24: Yer. 51:49

i kau nangakalē patiku bansa su dunia e!”

²⁴ Babelē e niłahukung ua-
lingu su raļungu soa ene seng
nikahombangeng dahang manga
nabi, dahang kawanuan Duata –
nimbue ute rahang kēbi taumata
ku seng nipate su wowon dunia e.

19 Samuring ene, ia naka-
ringihē tingihē mēgēga-
ghalēdu kere tingihu tauma-
ta maļawo bou sorga ku
mēmpēgēgio, ”Pēdalō e Ruata!
Duatang kite e kai Ruata maka-
saļamatē; i Sie kai Ruata mawan-
tugē dingangu kawasa! ² Pēla-
hukung’E kai adilē dingangu
pelesa! I Sie seng nēnawong hu-
kumange su tau wawine ta-
hapēsundaļē gēguwa, ku seng na-
kagholang dunia e uaļingu pēs-
sundaļe. Mawu Ruata e seng
nēhukungu tahapēsundaļē ene,
batu i sie nēmate manga ēllangu
Mawu Ruata.” ³ Mase tingihu
taumata ļawo e nēmpēgioe-
we kapia, ”Pēdalō e Ruata!
Tipung putung ku nēhēngisē
soa ghēguwa ene sarung tumi-
wua tawē ēdone!” ⁴ Tangu manga
tēmbonange i sire ruam puļo
ēpa dingangu riadikang ēpa
maļalikū su kaderang kawawan-

tugē e nēmpētēngkasumagē ku
nēmpēsuba Ruata e ku maļiang
su kaderang kawawantugē e.
Ungkuēng i sire, ”Aming! Pēdalō
e Ruata!”

Saļiwangu pēkakawingu Ahusu Domba

⁵ Mase piā e tingihē kina-
ringihē bou kaderang kawawan-
tugē e mēbēbera u, ”Pēmpēdalō
e Ruata, ei patiku ēllangu Ma-
wu Ruata, ore kēbi tauma-
ta – ghaghuwa darodo – ku
mēmpēsēsuba Ruata e!” ⁶ Bou e-
ne ia nakaringihē aļinkai tingihu
ghapaēngu taumata ku maļawo-
ļawo; tingihe mēsulungu tingi-
hu wēlladē mēgēgaghalēgehē di-
ngangu kere rēllu mēgēga-
ghalēdu. Ia e nakaringihē si sire
mēmpēbēbera u, ”Pēdalō e Rua-
ta! Batu Mawu, Ruatang kite
limembong kawasa ene orasē i-
ni mēpēparenta! ⁷ Mahie i kite
maļuļasē dingangu maļuļagē;
mahie i kite mēdalō kawasa-
ne! Batu seng tempone ēllong
pēkakakawing ku maņumpaedē
areng Ahusu Domba e, ringang-
u kaghiang’E seng sadia waug’u
pēkawing’E. ⁸ Pakeange leneng
maļenda ku seng nionggo si sie i-

pakiluhe." (Pakeang leneng e ute kai kakakoꝝ mapapia ku kękoatengu kawanuan Duata.)

⁹Mase malaekatę e nębera si sia, "Pęmohęko ini: 'Kariangkamang taumata apang nihaęngang sołong sałiwangu pękakawingu Ahusu Domba e.'" Bọu ene malaekatę e nęberako łai, "Kai ini e wałong hengetang matęngadę bọu Ruata."

¹⁰Ia e nętęngkasumagę su tęngon malaekatę ene ku męsuba, kuteu i Sie kai nębera si sia, "Kumbahang! Abe pęsuba si sia, pęsuba e Ruata. Batıu ia e małaing ęllang męsulungu i kau ringangu męsulungu kębi anaı sęmbau u ku apang maıgumpaedę matoghasę su sasahidin Mawu Yesus e!"

Batıu kai sasahidin Yesus ene e lułoho su taumata apam męmpęnęnębalę e.

Sumasakeng kawalo uhisę

¹¹Bọu e ia nakasilo sorga e natope, mase nakasilo kawalo uhisę sęmbau. Sumasaken'E e isęsęba si Masatia ringangu si Matęngadę. I Sie kai adilę męnawong hukumang dingangu

suralungu pęsetang ku tętałudang'E. ¹²Matan'E e męsulungu ręllıu putung dingangu su tęmbo'E ute napenę u makotane. Kuteu su wadang e kai pia areng sęmbau kabawohe; ku kętabeng i sie sęsane masingka u areng ene. ¹³Laku manandu mađaluhe si Sie e seng bọu niuno su raha. Ku i Sie isęsęba, "Hengetangu Ruata". ¹⁴Buntuangu męsaseke u sorga e maıhuntole si Sie ku maıhunsake kawalo uhisę, dingangu pakeange leneng ku mawira wuręsi. ¹⁵Bọu mohong'E nisębangengu wara mahoro sęmbua, ku dingangu wara ene i Sie namata manga wansa, ku i Sie sarung męparenta si sire ringangu tęking uase. I Sie sarung męmęhasę anggorę e suralungu pęmamęhasengu anggoru rałangehu Ruata Limembong Kawasa. ¹⁶Su laku'E manandu dingang'u su palang'E kabawohe areng ini, "Datun patiku datu, ringangu Mawun patiku Mawu."

¹⁷Mase ia nakasilo malaekatę sęngkatau ruđarisı su wowon matangęllo. Dingangenking tingihe maiha i sie kukui kębi manu u winalangeng, ku maıhuntęlla su kinoaęng, "Mahiko pęmpęko-

moļę kų mitųko saliwang gęguwa kų niapakasęllahu Mawu Rua-ta! ¹⁸ Mahi e mahungkina gęsing mararatu, gęsing manga tęmbonangu sorodado, dingangu gęsing manga wawahani, mahiko pahungkina gęsing manga sumasake kawalo, ringangu gęsing manga kawalone ringangu ghęsing kębi umatę, matatęllang arau reng dario, ęllang dingangu woline ęllang!”

¹⁹ Bų e ia nakasilo binatang ene, dingangu mararatun dunia e ringangkewelaing buntuangu męsaseke i sire, nęmpękomolę mędeau męseke dumoka si Sie kų susake kawalo uhisę dingangkelaing buntuang’u męsaseke’E. ²⁰ Tangu binatang ene kinasame e sęngkasame dingangu mahang nabi kų seng nękoą halę makalaherang ene su tęngon binatang ene. (Dingangkeweng manga halę makalaherang ene e tangu binatang ene nangakalę taumataewe apang pia tatialan binatang ene, dingangu manga taumata kų apang męmpañęmba tuladang binatang ene.) Mase binatang ene ringangu mahang nabi ene niręmme biahę solong dalungu laudu putung kų mędędaripęllau ringangu malelang. ²¹ Kų bun-

tuang’u męsaseke i sire nipateng bara simępu bų mohongu sumasake kawalo uhisę ene. Tangu manga manų e nahundęnta e kų nęmpękina gęsin sire nipate e kų męngkate apa rimarakua.

Mañunen tempo sęhiwu su taunge

20 Bų ene ia nakasilo malaękatę sęngkatau natętung bų sorga. Su limane kaļahęgo kakunsi tigaļų u papate ringangu hante masaria sęmbua. ² Mase i sie nęname naga ene, kų kai tęmpu maghurang, – kų naung kai setang arau rohkę dalaki e – kų nihantene ghęnangu sęhiwu su taunge karęngu e. ³ Bų ene malaękatę e nęhipeng naga ene solong dalungu tigaļų u kawawinasa, mase nisukunge tigaļų ene kų nisegelange, tadeau naga e sen tawe makapęngakalę patiku umatę e tęntalang tempo sęhiwu su taunge tanapaghohę. Bų ene i sie harusę ipęllo gęnnangu kadodo tempo.

⁴ Mase ia nakasilo manga kanderang kawawantugę, dingangu i sire apang kumakaiange sene, niongotangu kawasa wau-gu męmpęnawong hukumang. Ia e maļaing nakasilo himukud’u

taumata apan seng bōu ni-poto tēmbō i sire puhinengu i sire mēsēsahiding Mawu Yesus, dingangu mēmpēngēngēkeng hengetangu Ruata. I sire ene tawe mēmpēnanēmba binatang, arau mangaewe tuladane. I sire e maļaing tawe nēmpānarimaū tattialan binatang e su rēhū arau su ļiman sire. Tangu i sire saū nēmpēbiahē kapia kū nēmpēparenta kere sēngkatau ratu ringang'i Kristus karēnguweng sēhiwu su taunge. ⁵Seng ini e kahumotongangu taumata nate e nipēbangung kapia. (Arawe taumata apang nate waline ute tawe saū niapēbiahē kapia karēnguweng sēhiwu su taunge.) ⁶Kariangkamang su taumata kū apang niapēbiahē kapia ringang su pēbawangung humotonge. Su tampa e wue i sire makoā tataghuanengu Ruata. Papate su karuan sulene e tawe makapēkapura si sire. I sire kai sarung mēngkakoā manga imangu Mawu Ruata ringangu manga imang i Kristus; kū i sire sarung sēngkapēparenta ringange sehiwu su taunge karēngue.

Setang e kinawata

⁷Ene tempo sēhiwu su taunge naliū e, setang e sarung illēsō bōu raļungu tahungkū e, ⁸kū i sie sarung dumaļeng mēmitaugē kaļawou umatē kū nasa-wuhē su kaguwaū dunia e, kū kai tau Gog dingangu Magog. Setang e nēngomol'i sire mēdeau mēseke, kū dekenange ute enēewe maļawo-ļawo, kere kaļawou ēnne su apeng. ⁹Tangu i sire mēngkatewe nēmpēsaliawuhē su kaguwaū dunia e mase nēmpēliwung pēdarasengangu kawanuan Duata ringangu soa ikēkēndagu Ruata. Kutēu putunge kai natēntung bōu ļangi kū nēnahabē si sire sarang nasue nupu. ¹⁰Bōu ene setang kū namitaugē si sire e, niwahung soļong daļungu ļaudē putung dingangu malelang. Kū kai ēndaise tampaū binatang dingangu mahang nabi e nihi-pe kakaļimonaēng e. I sire sarung sigēsakeng ēllo hēbi waugu sarang marēngu-dēngu.

Hukumang pēngēnsueēnge

¹¹Ene iā nakasilo kaderang kawawantugē masaria sēmbau ku i Sie kūkaiang. su wowone. Langi dingangu dunia e mapaghohē bōu tēngone, hakiu seng tawe ikasasilo saū. ¹²Dingangu iā nakasilo taumata apang nate e, gaghuwā darodō, māhundarisi su tēngong kaderang kawawantugē ene. Tangu manga bukē e niwingkahē. Mase bukē sēmbau lai wāline niwingkahē, kū kai naung bukē u Taumata Wiahē. Bōu e hukumang ninawo su taumata nate, nipēbeweweng⁶ kakanoā i sire, timuhūewe kere mābawohē suralungu manga bukē ene. ¹³Bōu ene tangu laudē e nēnarakangu taumata nate apang suralunge. Papate ringangu Dunia'm Papate e mālaing nēnarakangu apan taumata nate kū ene su ralunge. Kū kēbi apan taumata nate e ninawoēngu hukumang nipēbeweweng kakanoā i sire. ¹⁴Bōu ene tangú Papate ringangu Dunia'm Papate e nirēmme e suralungu laudu putung. (Laudu putung ini e uté kai papate su karuan sūlene.) ¹⁵Taumata apan ta nawohē

arengē suralungu Bukē u Taumata Wiahē e, nirēmme solong dalungu laudu putung.

Langi buhu ringangu dunia wuhu

21 Mase iā nakasilo langi buhu ringangu dunia wuhu. Langi humotong dingangu dunia humotonge kai nēngkaghēngging, dingangu laudē e niwu. ²Tangu iā e nakasilo e soa susi e, mangalene Yerusalem buhu, natētung bōu sorga bōu anun Mawu Ruata. Soa ene seng niriahi kere sēngkatau kaghiang bawine nilēgaheng baugu ipēnēnsomahē kaghiang esē. ³Mase iā nakaringihē tingihē bōu kaderang kawawantugē mēbēbera maiha unguēng; "Orasē ini katatana-kengu Mawu Ruata e kai seng sēngkapētana dingangu taumata! I Sie sarung mēdaseng dingang'i sire, kū i sire sarung makoā kawanuan'E. Duata sēsane sarung ene ringang i sire kū makoā Duatan sire. ⁴I Sie sarung mēngēmū ěllong mata wōu matan sire. Papate e semben lai tawē apa; kasasusa, sasangi arau kasasaki e seng sarung lai tawē

⁶ sesuai dengan

20:11-12: Dan. 7:9-10 21:1: Yes. 65:17, 66:22, 2Ptr. 3:13 21:2: Yes. 52:1, Pēl. 3:12, Yes. 61:10 21:3: Yeh. 37:27, Im. 26:11, 12

apa. Apang naung kalimona e seng naghëngging."

⁵Mase i Sie ku maiang su wowong kaderang kawawan-tugë e nëhengetang, "Orasë ini e këbi seng Taku ipakariadi wuhu!" I Sie nëhengetang lai si sia angkuëng, "Boheko ini, u kalawou hengetang ini e kahëngang dingangu kapangimangeng." ⁶Mase i Sie nëhenge-tang angkuëng, "Seng nasueng koa e! Ia e kai kahumotongange ringangu pangënsueënge; Ia e kai Mawu wou panëtakenge sarang pëngënsueënge. Apan Tau-mata ku madou, sarung taku ipanginung ta bawaehe wou simbulu ake makagëlli u pëbawiahë. ⁷I saing ku makautung e sarung manarima u këbi ene wou Anu'Ku. Ia e sarung mako a Mawune, ringangu i sie sarung mako ana'Ku. ⁸Arawe i saing bahaning kaingga, taha pësunialë, matatingkai, tahapate, tahapësundalë, tahapëbaliku mata, tahapanëmba mahang duata, dingangu këbi tahapëkonti, sarung iwahung suralungu laudë putung dingangu malelang dudëlli, mangalene papate rialë karuane."

Yerusalem buhu

⁹Sëngkatau wou taloarang malækatë pitu ku seng mëngëngumbele bokorë pitu ku napenë u lohong papahang haghine pitu kasamuriange ku dimënta su anuku ringangu nëbera u, "Boete! Ia e reng manodë u Kaghiang bawine si kau, mangalëne ute mako a kawing'u Ahus'u Domba e." ¹⁰Tangu Rohkë u Mawu Ruata e nëkaradiahang si sia, ku malækatë e nëmaringang si sia solong pusigu wulude marangë-dangë. I sie nënodë u Yerusalem si sia, soa susi e, soa ene natëntung bou sorgan, bou Ruata e, ¹¹dingangu lahiansang ore kawantugu Mawu Ruata. Soa ene kakerong kere kakerongu watung paramata, kere watu'ng yaspis matilang kere kasënaëng. ¹²Meselë marangë masuwenehë nëliwung soa e, pia pasëlangenge mapulo dua ku madariaga su malækatë mapulo dua. Suapan pasëlangenge kabawohe arengu apaeweng balagë mapulo dua e kawanuan Israel. ¹³Pia pasëlangenge tatëllu ku tutatëngo apang pungu anging:

tatēllu su sēmbēkan daki; tatēllu su sēmbēkan timuhē, tatēllu su sēmbēkan sawēnahē, dingangu tatēllu su sēmbēkam bahe. ¹⁴ Meselu soa ene nipētī su wowom batu pondasi^t mapuļo dua. Sua-pang batu pondasi e niwohekangu arengu manga rarolohangu u Ahusu Domba mapuļo dua e.

¹⁵ Malaekatē kū mēbēbisara ringanku e piā tēkinge sasuka nikoā bōu wuļaeng, mēdeau ipanuka soa ene, manga pasēlangenge ringangu mesele. ¹⁶ Soa ene tangu nēbūku ēpa, kū nandū e mēsulungu wēnahe. Tangu malaekatē ene nēnuka e soa e ringangu tēking sasuka e; nalahe e nandū e ute 2400 su kilone; bēnahe ringangu rangē e mēsulungu nandū e. ¹⁷ Piā e malaekatē e nanuka meselē, nalahe e u rangē u meselē e ēnnungu puļo su metere. Sasuka kū pinēnuka u malaekatē e ute kai sasuka pinanuka u tau-mata. ¹⁸ Meselu soa é nīkakoā bōu watu'ng yaspis, arawe soane hala e wōu wuļaeng sahi, matilang kere kasēnaēng. ¹⁹ Manga watung pondasing soa ene e nilēgahengu patikū haghing batu

paramata. Batu pondasi humotonge nikoā bōu watung yaspis, kū karuane ute wōu watung nilam, katēllune wōu watung yakut, kaēpa e wōu watu zamrud, ²⁰ kaļimane wōu watu baiduri Sepah, kaēnnunge wōu watun dēlima, kapitune wōu watun ratna cempaka^u kuaļune wōu watum beril, kasionē wōu watun Topas, kapuļone wōu watung Krisopras; kapuļo ēsane wōu watung Lazuardi; kapuļo duane wōu watung amethyst. ²¹ Pasēlangeng mapuļo dua e nariadi wōu mutiara mapuļo dua, apan tukade nikoā bōu mutiara pēsēmbau. Daļeng su soa ene nikoā bōu wuļaeng sahi, matilang kere kasēnaēng kūkerong.

²² Ia e tawe nakasilo Waļem Mawu suraļungu soa ene, batū Waļem Mawu e ute kai Mawu sēsane. Duata Limembong Kawasa, ringangu Ahusu Domba e. ²³ Soa ene ute tawe wahaļuasū tualagengu matangēllo arau wuļang, batū kawawantugu Mawu Ruata e maņualagē, dingangu Ahusu Domba e kai soļone. ²⁴ Manga wansa su dunia e sa-

^t pinamanggilang, pinamēnta ^u firusa

21:15: Yeh. 40:3 **21:18-21:** Yes. 54.11-12 **21:23:** Yes. 60.19-20

21:24: Yes. 60:3

rung dumaleng suralungu tua-
lage, dingangu manga ratu e
malaing sarung mēmpēbawa ka-
kakala i sire solong dalungu
soa ene. ²⁵ Manga pasēllangengu
soa ene e sarung mawuka ka-
nanduweng ěllo; tawe sarung
hēpingang, batu sene tawē a-
pa hēbine. ²⁶ Kasēllahē dingang-
u kakakala u manga ban-
sa e sarung bawaēng solong
dalungu soa ene. ²⁷ Arawe tau-
mata kŭ mēmpēkēkoā halē kŭ
makadarēting, arau taumata kŭ
mēmpēkēkonti – nimbue walae-
we apa kŭ kotorē e, mēngkatewe
kumbahang-kumbahang masuē
suralunge. Makakasuē ute kētae-
weng taumata kŭ arenge kaba-
wohē suralungu Bukē u Taumata
Wiahē, bukē u Ahusu Domba e.

22 Malāekatē e malaing na-
patodē si siā saļŭ kŭ akē
e makaonggou pēbawiahē. Saļŭ
ene mēngkate kŭkŭhēnabē kere
kasēnaēng dingangu mēlelehē bou
kaderang kawawantugu Ruata ri-
ngangu Ahusu Domba e, ²su-
taļoaran daleng su soa ene. Su
wiwihu saļŭ ene, su ruambēka e
piā kalu pungu pēbawiahē, kŭ
mēbēbua mapuļo dua su suļene

sēntaung, mangalene sēmbuļang
sēnsuļe. Daung e ipēpēpake bau-
gu mapakaulen tēdu u kēbi u-
matē. ³ Suralungu soa ghēguwa
ene e tawe kadiongeng kaēbakeng
mēnsang apaē kahinoēngu laa-
neng Duata.

Kaderang kawawantugu Rua-
ta e ringangu Ahusu Domba ene
sarung ene suralungu soa ene.
Manga ěllang'E sarung mēkaļio-
maneng si Sie, ⁴ ringangu makasi-
lo ghatin'E. Areng'E sarung bo-
hekan su rēhu i sire. ⁵ I sire ta-
we wahaļuasū mēgausē soļo arau
tualagu matangēllo, batu hēbi e
semben tawē apa, dingangu kai
Mawu Ruata sēsane sarung ma-
nualagē si sire. Tangu i sire sa-
rung mēparenta kere sēngkatau
ratu e sarang kakalē.

Darēntang Mawu Yesus

⁶ Tangu malāekatē e nēbera
si siā, "Manga wawera tamai i-
ni e mamben tēngadē dingang-
u kapangimangeng. Mawu Rua-
ta kŭ seng nēngonggou Rohkē'E
su manga nabi e seng nēndolo-
hu malāekat'E nēnodē su manga
ěllang'E apa kŭ sarung ligha ma-
riadi."

7" Pēdaringihēko ini e!" angkuēng u Mawu Yesus, "Ia e sarung ligha dumēnta! Kariangkamang i sain tūtuḥu manga wawerang hengetang suralungu bukē ini!"

8Ia i Yohanes seng nakaringihē dingangu nakasilo patiku ini e. Sarangke ia seng nakaringihē dingangu nakasilo ute ia e naēnsa e su tēngon maļaekatē ku seng nēnode u kēbi ene si sia, dingangu ia e mēnaung mēsuba si sie, 9arawe i sie kawe nēbera si sia, "Kumbahang! Abe pēsuba si sia! Pēsubawe su Mawu Ruata! Batu ia e maļaing ēllang kere i kau, dingangu kere manga ana sēmbau manga nabi ringangu kēbi taumata apang ku maḥuntuḥu manga tatanata suralungu bukē ini!" 10Mase i sie nēbera kaḥia, "Kumbahangbe mapakapēnisu manga wawerang henge-tang ku seng nitēbalē suralungu bukē ini, u seng masandigē tempone patiku ini e sarung mariadi. 11Taumata raļaki e, balae pēka-koā e raļaki; taumata maļamuhū e wala e apētēngkaļamuhū u watangenge; i sain tūtole kapulun Duata e, balae e hanesē apatole kapulun Duata, dingangu i

sain hanesē mēbēbiahē samatang baugu Ruata e, balae e hanesē apēbiahē samatang baugu Ruata."

12" Pēdaringihēko ini!" angkuēng u Mawu Yesus, "Sen tawe mararēngu Ia sarung dumēnta ku mēbawa wawalarē baugu ma- maļisē apan taumata tuḥewe apang ku seng niķakoā e. 13Kai Ia e kahumotongange ringangu kasamuriange; Kai Ia e Mawu wou panētakenge sarang pēngēnsueēnge."

14Kariangkamang i saing mēngēnguhāsē laku e sarang ma-wurēsi hakiewen i sire iapaka-wala mahungkaēng buang ka-lum pēbawiahē dingangu sumuē suralungu soa ene lumawesē pasēllangenge. 15Arawe i saing ku mēmpēķēkoā kaļawou tating-kaļ, apang mēpēpakeu waļiku mata, tahapēsundaļē, tahapate, tahapanēmba mahang duata, tahakontiang, bae su wawera ore lai ringangu kakanoā e, kēbi i sire ene katatanakenge ute su likudu soa ene.

16"Ia e, i Yesus, seng bou nēndolohu maļaekatē Ku soļong anung kamene tadeau i sie ma-

22:11: Dan. 12:10 22:12: Yes. 40:10, 62:11, Mzm. 28:4, Yer. 17:10

22:13: Pēl. 1:8, Yes. 44:6, 48:12, Pēl. 1:17, 2:8 22:14: Pēnd. 2:9, 3:22

22:16: Yes. 11:1, 10

kapauliṛu manga halē tamai ini waugu karalambang^v manga ja-maatē. Iḷa e kai hēnton Daud; kai Iḷa e wituingu Raki^w ku matuahē e.”

¹⁷Rohkē u Mawu Ruata e ringangu kaghiang bawine e nēhengetang u, ”Wōete!” I sai-sain ku nakaringihē ini e hinon lai mēbera u, ”Wōete!” I saing ku narou, pēmpēhaungke! Dingangu i saing ku dudulagē e^z ute i sie mēngkate pēngalḷa ake ku makaonggou pēbawiahē e ku tawē bawalare.

Kakunsi e

¹⁸Baugu i sai-saing ku makadingihē bawerang hengetang suralungu bukē ini e, tangu iḷa, i Yohanes, maṅonggou tatalum-baghe ini; kereu piḷau mēnamba

su wawera tamai ini, ute Mawu Ruata e sarung lai mēnamba hukumang su taumata ene ringangu haghing hombang ku seng nilahe suralungu bukē ini. ¹⁹Dingangu kereu piḷau mēnggaing bou wawerang hengetang tamai ini, ute Mawu Ruata e malaing sarung mēnggaing bahageange kere seng nilahe suralungu bukē ini – mangalene wahageange wou kalum pēbawiahē e ringangu wou soa susi e.

²⁰I Sie ku nēhumpaḷu kēbi habarē tamai ini e nēhengetang, ”Tēngadē, Iḷa e sarung ligha dumēnta!” Aming!

Dēnta e, o Mawu Yesus!

²¹Karimako Mawu Yesus e mapēdaḷembon tatalēntu^y’E su kēbi kawanuan Duata e!

^v pandangangu ^w kadadēmahē = Ahusu ḷlo ^z luēning ^y aḷamate